





34 FOR 6074

D<sup>n</sup> Rafael Steva y Ceballos Secretario  
Segundo de la Real Academia Médico-Práctica  
de Barcelona.

Certifico, que, habiéndose D<sup>n</sup> Felix Llaner y Bertran  
Bachiller en Medicina, natural de Villafraanca el Panadé,  
distinguido muy particularmente en el concurso de oposi-  
ción que los alumnos de la Clínic de Barcelona,  
dirigido por dicha Academia, celebraron a la conclusión  
del curso de fiebre amarilla que se les da anualmente  
por el orden, acordó este Cuerpo Científico premiarle  
con la medalla de honor; y esta obra.

Barcelona 20 de Julio de 1866.

D<sup>n</sup> Rafael Steva Secretario  
segundo

FUNDACIÓN  
SIMARRO  
BIBLIOTECA  
MADRID

Handwritten text, mostly illegible due to extreme fading and bleed-through from the reverse side of the page. Some faint words like "the" and "and" are visible.



GERARDI VAN SWIETEN  
*MED. DOCT.*  
COMMENTARIA  
IN  
HERMANNI BOERHAAVE  
APHORISMOS,  
DE  
COGNOSCENDIS ET CURANDIS  
MORBIS.

FUNDACIÓN  
SIMARRO  
BIBLIOTECA  
MADRID

THE  
JOURNAL OF THE  
ROYAL ANTHROPOLOGICAL INSTITUTE  
OF GREAT BRITAIN AND IRELAND  
PUBLISHED BY THE INSTITUTE  
11, BEDFORD SQUARE, LONDON, W.C.1

1911  
VOLUME 41  
PART 1  
1911

PRINTED BY THE INSTITUTE  
11, BEDFORD SQUARE, LONDON, W.C.1



**GERARDI VAN SWIETEN**  
*MED. DOCT.*  
**COMMENTARIA**  
 IN  
**HERMANNI BOERHAAVE**  
**APHORISMOS,**  
 DE  
**COGNOSCENDIS ET CURANDIS**  
**MORBIS.**  
*TOMUS PRIMUS.*



FUNDACIÓN  
 SIMARRO  
 BIBLIOTECA  
 MADRID

PARISIIS,  
 Apud **GUILLELMUM CAVELIER**, viâ San-Jacobeâ,  
 sub Signo Lillii Aurei.

---

**M. DCC. LXXI.**  
 CUM APPROBATIONE ET PRIVILEGIO REGIS.





## A P P R O B A T I O N.

**H**ERMANNI BOERHAAVE Opera omnia, cum notis Alberti Haller, & Commentariis Gerardi Van-Swieten; avec les Aphorismes de Chirurgie en François :

*Abrégé de l'Histoire des Plantes par Chomel, nouvelle Edition :*

*Abrégé de la Médecine, par M. Allen :*

*Les Œuvres de Huxam en Latin & en François.*

J'ai examiné par l'ordre de Monseigneur le Chancelier ces divers Ouvrages imprimés, & je n'y ai rien trouvé qui empêche qu'on ne permette d'en continuer la publicité. A Paris, ce 9 Mai 1770.

MALOUIN.

FUND. ...  
SIMANRO  
BIBLIOTEC  
MADRID

## P R I V I L È G E D U R O I.

**L**OUIS, PAR LA GRACE DE DIEU, ROI DE FRANCE ET DE NAVARRE : A nos amis & fœux Conseillers les gens tenans nos Cours de Parlements, Maîtres des Requêtes ordinaires de notre Hôtel, grand Conseil, Prévôt de Paris, Baillifs, Sénéchaux, Lieutenans Civils & autres nos Justiciers qu'il appartiendra : SALUT, notre ami le Sieur GUILLAUME CAVELIER l'aîné, Libraire à Paris, Nous a fait exposer qu'il désireroit faire réimprimer & donner au Public un Ouvrage qui a pour titre : *Hermannus Boerhaave Opera omnia, cum notis Alberti Haller, & Commentariis Gerardi Van-Swieten, avec les Aphorismes de Chirurgie en François* : s'il nous plaisoit lui accorder nos Lettres de renouvellement de Privilège pour ce nécessaires. A CES CAUSES, voulant favorablement traiter l'Exposant, Nous lui avons permis & permettons par ces présentes, de faire imprimer ledit Ouvrage autant de fois que bon lui semblera, le vendre, faire vendre & débiter par tout notre Royaume pendant le temps de six années consécutives, à compter du jour de la date des Présentes : Faisons défenses à tous Imprimeurs, Libraires & autres personnes, de quelque qualité & condition qu'elles soient, d'en introduire d'impression étrangère dans aucun lieu de notre obéissance ; comme aussi d'imprimer, ou faire imprimer, vendre, faire vendre, débiter, ni contrefaire ledit Ouvrage, ni d'en faire aucun extrait sous quelque prétexte que ce puisse être, sans la permission expresse & par écrit dudit Exposant, ou de ceux qui auront droit de lui, à peine de confiscation des Exemplaires contrefaits, de trois mille livres d'amende contre chacun des contrevenans, dont un tiers à Nous, un tiers à l'Hôtel-Dieu de Paris, & l'autre tiers audit Exposant, ou à celui qui aura droit de lui, & de tous dépens, dommages & intérêts. A la charge que ces Présentes seront enregistrées tout au long sur le Registre de la Communauté des Imprimeurs & Libraires de Paris, dans trois mois de la date d'icelles ; que l'impression dudit Ouvrage sera faite dans notre Royaume & non ailleurs, en beau papier & beaux caractères, conformément aux Réglemens de la Librairie, & notamment à celui du 10 Avril 1765, à peine de déchéance du présent Privilège ; qu'avant de l'exposer en vente, le manuscrit qui aura servi de copie à l'impression dudit Ouvrage, sera remis dans le même état où l'Approbation y aura été donnée, es mains de notre très-cher & féal Chevalier, Chancelier, Garde des Sceaux de France, le Sieur DE MAZAROU ; qu'il en sera ensuite remis deux Exemplaires dans notre Bibliothèque publique, un dans celle de notre Château du Louvre, & un dans celle dudit sieur de

**MAUPROU** ; le tout à peine de nullité des Présentes ; du contenu desquelles vous mandons & enjoignons de faire jouir ledit Exposé & les ayans causés , pleinement & paisiblement , sans souffrir qu'il leur soit fait aucun trouble ou empêchement ; voulons que la copie des Présentes , qui sera imprimée tout au long , au commencement ou à la fin dudit Ouvrage , soit tenue pour dûement signifiée , & qu'aux copies collationnées par l'un de nos amés & féaux Conseillers Secrétaires , soi soit ajoutée comme à l'original. Commandons au premier notre Huissier ou Sergent sur ce requis , de faire pour l'exécution d'icelles , tous actes requis & nécessaires , sans demander autre permission , & nonobstant clameur de Haro , Charte Normande & Lettres à ce contraires. CAR tel est notre plaisir. DONNÉ à Paris , le vingt-troisième jour du mois de Mai , l'an de grace mil sept cent soixante-dix , & de notre Règne le cinquante-cinquième.

**LE BEGUE.**

*Registré sur le Registre XVIII. de la Chambre Royale & Syndicale des Libraires & Imprimeurs de Paris , N<sup>o</sup>. 1150. fol. 177. conformément au Règlement de 1723. A Paris , ce 25 Mai 1770.*

**BRIASSON, Syndic.**



## P R Æ F A T I O.

**D**UM acerbum MAGNI BOER-  
HAAVII funus Academia, Civi-  
tas, Respublica, imò per orbem  
terrarum lugerent omnes boni, vi-  
debar & mihi non minimam justì mœoris  
causam habere, cùm irreparabile damnum  
fecissem, & perdidissem oraculum, quod in  
rebus dubiis semper consulere licuit. Sum-  
mâ enim ingenii perspicaciâ, & longævo ar-  
tis usu, in difficillimis etiam atque intrica-  
tissimis morbis latentes causas detegere no-  
verat, atque uno sæpe vel altero verbulo his  
tenebris lucem affundere. Dum verò in cu-  
randis ægris felix successus meus aliquando  
respondebat votis, agnovi illico, me omnia  
debere optimo Magistro, qui cespitantem  
in gravioribus morbis curandis prudenti

consilio toties firmaverat, blandè correxerat devium quandoque, neque unquam repulerat interpellantem, licèt fortè sæpius, discendi aviditate, importunum. Probè enim memini, & gratus recordor, me nunquam accessisse hoc oraculum, quin redierim doctior.

Omnia hæc impulerunt me, alia quamvis dudum meditantem, ut, sepositis omnibus, primos labores, MAGNI PRÆCEPTORIS scriptis illustrandis, impenderem. Placuit inprimis hoc propositum, quia & gratum sic testari animum, & tanti Viri vestigia premere possem, dum & fortè sic prodessem illis, qui salutarem artem addiscere cupiunt.

*Institutionum Medicarum* explicationem sublimioribus ingeniis relinquens, commentandis *Aphorismis de cognoscendis, & curandis Morbis* me accinxi: quibus autem copiis instructus aggredi hoc ausus fuerim, paucis dicam.

Rarâ certè felicitate mihi contigit, fortè unico, viginti ferè annorum spatio MAGNI BOERHAAVII institutionibus

frui, tam publicis, quàm privatis: nec defuit occasio consulendi Magistrum, si quid minùs rectè percepissem. Cum interim angusto anni Academici curriculo hos Aphorismos explicaret suis discipulis Auctor, atque prima horum elementa sedulò inculcaret, imò & eadem repetere cogeretur, ut tardioris etiam ingenii Auditoribus prodesset, sæpe contigit, ut circa finem harum exercitationum domesticarum, invitus quamvis, festinare deberet. Quot autem & quàm utilium rerum jacturam patiebantur Auditores, dum tempus dicentem deficeret, noverunt illi, qui interfuerunt mecum publicis prælectionibus, quas *De calculo, Venerea Lue, Nervis & Nervorum Morbis, & de Corde* habuit BOERHAAVIUS. Plurima enim, quæ in privatis cursim tantum, ob temporis angustiam, delibaverat, latius deduxit in publicis. Omnia autem & hæc, quatenus explicandis his Aphorismis inservire poterant, in Commentariis his invenientur.

Præter hæc cuncta, quæ ex optimis Auctoribus, & imprimis ex antiquorum Medicorum monumentis, in proprios usus colle-

geram, addidi : patebitque, credo, quàm pulchre BOERHAAVII dogmata *Hippocratis & Galeni* placitis, tot sæculorum consensu probatis, consonent. Simul hîc contuli illa, quæ attenta harum rerum meditatio suggessit, vel aliquis jam in arte salutaris usus me docuit.

Adhibui autem *Hippocratis & Galeni Opera* à Renato Charterio edita, in citationibus tamen notavi libros & capita, ut minori cum difficultate loca allegata etiam in aliis editionibus inveniri possent. Ultimo verò tomo horum Commentariorum addam Catalogum Auctorum & Editionum, ex quibus collegi illa, quæ illustrandis aut confirmandis his Aphorismis convenire credidi. Subjungam & finito operi locupletem indicem.

Ut verò gratum animum publicè testarer,

IMMORTALI MEMORIÆ  
MAGNI BOERHAAVII

HÆC  
COMMENTARIA  
SACRA

VOLUI

*Lugduni Batavorum.*  
17142.

G. VAN SWIETEN.

Tom. I.

••

# INDEX CAPITUM HUIUS TOMI.

	pag.
<i>Prolegomena.</i>	1
<i>Morbi fibræ solidæ simplicis.</i>	18
— debilis & laxa.	21
— rigida & elastica.	38
— <i>Vasorum minimorum &amp; majorum.</i>	44
— <i>Viscerum debiliū &amp; laxorum.</i>	47
— <i>fortium &amp; rigidorum.</i>	57
<i>De simplicissimis humorum vitiiis &amp; spontaneis.</i>	72
<i>Morbi spontanei ex acido humore.</i>	73
— <i>à glutinoso spontaneo.</i>	86
— <i>ex alcalino spontaneo.</i>	101
<i>De morbis oriundis ab excessu motus circulatorii solo.</i>	120
— <i>ex defectu circulationis, &amp; plethora.</i>	136
<i>Morbi compositi simplicissimi, obstructio, &amp; vulnus. Obstructio.</i>	143
<i>De vulnere in genere.</i>	196
<i>Hæmorrhagia.</i>	312
<i>Dolor.</i>	322
<i>Convulsio, &amp;c.</i>	338
<i>Vulnera Capitis.</i>	353
— <i>Thoracis.</i>	445
— <i>Abdominis.</i>	467
<i>Contusa.</i>	487
<i>Ossa fracta.</i>	506
— <i>luxata.</i>	545
<i>Inflammatiō.</i>	572
<i>Abscessus.</i>	635
<i>Fistulæ.</i>	658
<i>Gangrena.</i>	674
<i>Sphacelus.</i>	736
<i>De Combustione.</i>	766
<i>Scirrhus.</i>	777
<i>Cancer.</i>	804
<i>De morbis Ossium.</i>	835



## APPROBATIO.

Amplissimi Gallie Cancellarii jussu, accuratè perlecta *Hermanni Boerhaave Opera omnia, cum Notis Alberti Haller, & Commentariis Gerardi Van-Swieten, Medicinæ Doſſorum*, digna judico, quæ typis nostratibus committantur. Parisiis Junii die xi. anni 1744.

BRUHIER.

## PRIVILEGE DU ROI.

**L**OUIS, PAR LA GRACE DE DIEU, ROI DE FRANCE ET DE NAVARRE;  
A nos amés & féaux Conſeillers, les Gens tenans nos Cours de Parlement, Maîtres des Requêtes ordinaires, de notre Hôtel, Grand Conſeil, Prévôt de Paris, Baillifs, Sénéchaux, leurs Lieutenans Civils, & autres nos Juſticiers qu'il appartiendra, Salut. Notre bien amé GUILLAUME CAVELIER, Pere, Libraire à Paris, ancien Adjoint de ſa Communauté, Nous a fait expoſer qu'il deſireroit faire imprimer & donner au Public un Ouvrage qui a pour titre : *Hermanni Boerhaave Opera omnia, cum Notis Alberti Haller, & Commentariis Gerardi Van-Swieten*, s'il Nous plaſoit de lui accorder nos Lettres de Privilège pour ce néceſſaires; A ces Cauſes, voulant favorablement traiter l'Expoſant, Nous lui avons permis & permettons par ces Préſentes, de faire imprimer ledit Ouvrage, en un ou pluſieurs Volumes, & autant de fois que bon lui ſemblera, & de les vendre, faire vendre & débiter par tout notre Royaume pendant le tems de douze années conſécutives, à compter du jour de la date deſdites Préſentes : Faisons déſenſes à toutes perſonnes de quelque qualité & condition qu'elles ſoient, d'en introduire d'impreſſion étrangère dans aucun lieu de notre obéiſſance; Comme auſſi à tous Libraires, Imprimeurs, & autres, d'imprimer, faire imprimer, vendre, faire vendre, débiter, ni contrefaire ledit Ouvrage, ni d'en faire aucun extrait, ſous quelque prétexte que ce ſoit d'augmentation, correction, changemens ou autres, ſans la permiſſion expreſſe & par écrit dudit Expoſant, ou de ceux qui auront droit de lui, à peine de conſiſcation des Exemplaires contrefaits, & de trois mille livres d'amendes contre chacun des contrevenans, dont un tiers à Nous, un tiers à l'Hôtel-Dieu de Paris, & l'autre tiers audit expoſant, ou à celui qui aura droit de lui, & de tous dépens, dommages & intérêts; à la charge que ceſdites Préſentes ſeront enregiſtrées tout au long ſur le Regiſtre de la Communauté des Libraires & Imprimeurs de Paris, dans trois mois de la date d'icelles; que l'impreſſion dudit Ouvrage ſera faite dans notre Royaume & non ailleurs, en bon papier & beaux caractères conformément à la feuille imprimée & attachée pour modèle, ſous le contreſcel deſdites Préſentes: Que l'Impétrant ſe conformera en tout aux Réglemens de la Librairie, & notamment à celui du 10 Avril 1725; & qu'avant de les expoſer en

\*\* ij.

vente, le Manuscrit qui aura servi de Copie à l'impression dudit-Ouvrage, sera remis dans le même état où l'Approbation y aura été donnée, ès mains de notre très-cher & féal Chevalier le Sieur Daguesseau Chancelier de France, Commandeur de nos ordres; & qu'il en sera ensuite remis deux Exemplaires dans notre Bibliothèque publique, un dans celle de notre Château du Louvre, & un dans celle de notre très-cher & féal Chevalier le Sieur Daguesseau Chancelier de France; le tout à peine de nullité desdites Présentes, du contenu desquelles nous mandons & enjoignons de faire jouir ledit Exposéant ou ses ayans cause, pleinement & paisiblement, sans souffrir qu'il leur soit fait aucun trouble ou empêchement. Voulons que la Copie desdites Présentes qui sera imprimée tout au long au commencement ou à la fin dudit Ouvrage, soit tenue pour dûement signifiée; & qu'aux Copies collationnées par l'un de nos amés & féaux Conseillers & Secrétaires, soit ajoutée comme à l'Original. Commandons au premier notre Huissier ou Sergent sur ce requis, de faire pour l'exécution d'icelles tous actes requis & nécessaires, sans demander autre permission, & nonobstant clameur de Haro, Charte Normande, & Lettres à ce contraires. Car tel est notre plaisir. Donné à Paris le vingt-sixième jour du mois de Juin, l'an de grace mil sept cent quarante-quatre, & de notre Règne le vingt-neuvième. Par le Roi en son Conseil,

SAINSON.

*Registré sur le Registre XI. de la Chambre Royale des Libraires & Imprimeurs de Paris, N°. 329. fol. 277, conformément aux anciens Réglemens confirmés par celui du 28 Février 1723. A Paris ce 12 Juin 1744.*

Signé, SAUGRAIN; Syndic.

COMMENTARIA



COMMENTARIA  
IN  
HERMANNI BOERHAAVE  
APHORISMOS  
DE  
COGNOSCENDIS ET CURANDIS  
MORBIS.

---

PROLEGOMENA.

§. I.

OMNIS humani corporis conditio, quæ actiones vitales, naturales, vel & animales, lædit; Morbus vocatur.

Absoluta hæc traditur Morbi definitio, necessariò præmittenda, antequam ali- quid certi de morborum curâ dici possit. Ubi vident à sanitate deflectere corpus, morbum adesse dicunt omnes: sed pulchrè notavit *Galenus* (a) sanitatem habere latitudinem quamdam, non enim absoluta ipsa est, nec indivisibilis simul, quæ est & dicitur sanitas, verùm etiam quæ ab hac deficit, modò adhuc usibus nostris non sit inepta.

(a) De Sanitate ruenda Lib. I, Cap. v. Charter. Tom. VI. pag. 45.  
Tomus I.

Perfectè sanum invenire sortè arduum foret, in quo nempe nec in solidis nec in fluidis, nec in motu fluidorum per canales solidos, deficeret nihil: externi enim nos ambientis aeris vicissitudine, animi affectibus, alimentis, vel tenacioris indolis, vel parum largiori copiâ ingestis, &c, sic mutamur quotidie, ut non nisi laxiori sub significatione sani possumus dici: hinc videtur hoc sensu *Galenus* (a) sanitatem definiisse: *perfectè sanus nemo dici potest; sed sani dicuntur, qui nullâ corporis parte dolent, & ad vitæ munera haudquaquam sunt impediti.*

Sanitas verò læsa morbus est; sed ut in morbis indagandis haberent ordinem, sani corporis actiones ad tria genera redegerunt Medici, nempe vocaverunt *VITALES, NATURALES, ANIMALES*. *VITALES ACTIONES* dicuntur, quibus presentibus vita adest, quibus absentibus vita abest. Certe possunt in corpore manere solida & fluida, dotibus & copiâ, eadem, & abesse vita; sic dum homo aquis submergitur, nihil perit, nihil accedit corpori, sed solus motus deest; hunc si resuscitare pores, redit vita.

In syncopen perfectam delapsus homo mortis imaginem quàm bene exhibet! Aë persâ frigida, contractæ venæ suum sanguinem versùs cor derivant; hoc sic irritarum contrahitur, reviviscit mox.

Vita perfecta est sanitas, vita penitus abolita, mors; vita læsa morbus.

Post cognitum sanguinis circulum, demonstratum est, quòd vita omnium minima adhuc consistat in actione cordis contracti & aperti, sed ut hæc fiant, debet superesse motus muscularis cordis, sanguinis venosi influxus in cava cordis, sanguinis arteriosi ex cavis cordis expulso.

Ad actionem autem musculosam cordis, requiritur cerebelli & nervorum inde ad cor tendentium libera actio, & sanguinis arteriosi per coronarias arterias impulsus.

Ut autem sanguis venosus in cor fluat, requiritur, ut sanguis saltem in quasdam venas adhuc redeat.

Sed in homine nato, ut sanguis ex dextro cordis ventriculo in sinistrum possit transire, requiritur liberum per pulmones iter.

Veteres dixerant, actionem vitalem esse duplicem, pulsuum nempe & respirationem: sed actiones vitales videntur esse omnes illæ conditiones, sine quibus vita non potest esse; pulsus autem & respiratio sunt signa externa vitæ.

Hinc morbi vitales sunt omnes illi, qui lædunt influxum venosi sanguinis in cava cordis, & expulsionem sanguinis arteriosi ex cavis cordis; omnia enim mortuum genera investigata hoc docuerunt.

An non apparet ex his veritas dicti *Hippocratici* in ipso principio libri de locis in homine: (b) *Principium corporis mihi quidem nullum esse videtur, sed partes omnes peræquè principium, omnesque finis. Descriptio namque circulo principium non invenitur.*

Certe ad cordis actionem requiritur actio cerebelli per nervos in cor, sed ut cerebellum agat, & spiritus secernat, & secretos moveat per nervos, requiritur actio cordis pellentis sanguinem per arterias cerebelli: idem de reliquis verum est.

Sic autem agit cor, quatenus communes causas sui motus cum aliis musculis habet, sed adest in corde mira proprietas, quâ sine his omnibus motum suum satis diu continuare potest.

(a) De Sanitate tuenda, Lib. VI. Cap. v. | reusii, Cap. 1. Charter Tom. VII. pag. 10.  
Charter. Tom. VI. pag. 170. & de Morb. diff- | (b) Charter. Tom. VII. pag. 357.

Hinc in corde latere vitale principium crediderunt Veteres; cordi innatum esse motum, dixit Galenus (a).

Nec hoc absurdum videbitur cogitanti, quod cor, licet communibus motûs muscularis causis per arterias & nervos allatis instructum sit, tamen præter hæc omnia in se ipso recondat vim excitandi motus, quæ ex cognita partium fabrica deduci minimè potest.

Cor enim rescissum à suis vasis omnibus motum suum continuat, & satis diu quidem: sic cor anguillæ de corpore exemptum pulsare perrexit, imò sub recipiente positum, exhausto aere, perrexit pulsare per horæ spatium (b); cor peſtunculi piscis excissum, transversum in duas partes dissectum, compressum à sanguine purgatum, linteo ab utraque parte deterſum, per spatium temporis notabile, motum suum retinuit (c).

Ex similibus Experimentis conſeſerat Galenus (d), cor non indigere nervis ad suam functionem exercendam, &c; illos maximè errare, qui cor musciculum esse censent, &c; sed esse nativum veluti caloris quemdam fontem.

Plurima talia de animalium cordibus recenſeri poſſent Experimenta, sed & conſtitit, idem obtinere in ipſo corde humano: Verulamius (e) dicit, se viſiſſe hominis cor, qui eviſceratus erat (ſupplicii genere apud nos verſus proditores recepto) quod in ignem de more inſectum ſaltabat in altum, primò ad ſeſquipedem, dein gradatim ad minus durante ſpatio (ut meminimus) 7 vel 8 minorum.

NATURALES ſunt omnes illæ actiones, quæ faciunt, ut corpus impleatur talibus, qualia amiſit; ut tot & talia apponantur, quot & qualia deſecerunt. Vita enim ſe ipſam deſtruit; per ipſius vitæ actiones deterimur quotidie, & niſi ex ingeſtis reſiceremur, brevi deſiceremus. Galenus (f) veriſſimè dixit: quod à ſingulis partibus deſtuit, tale eſt, qualis ipſa pars. Nihil autem eorum quæ edimus aut bibimus, tale prius; hinc neceſſe habuit naturâ prius immutare (προμταβάλλειν) & concoquere illa, & alendo corpori ſimilia prius præparare (προπαρασκευάζειν).

Ingeſta ergo non ſufficiunt ad hanc rem alimenta, ſed requiritur creati corporis perfectiſſima machina, ut ex illis fiat nutrimentum.

Paucis multa comprehendere ſolitus Hippocrates dixit (g), alit concoctum.

Hinc in Aphoriſmis (h) monuit: à morbo bene comedenti, nihil proſficere corpus; malum: designat enim deficere vires coquentes, id eſt, deficere naturam ipſam.

Natura (ποιε) antiquum illud Hippocratis vocabulum, à multis tam malè explicatum, quid designat? Nihil aliud, niſi aggregatum omnium conditionum Phyſicarum, quæ requiruntur, ut vita ſit conſtantiſſima, durabiliſſima, & ſimul agiliſſima mobilitas. Sed hoc eſt perfecta ſanitas: ſi aliquid deſt, eſt natura deſiciens, & ille deſectus morbus eſt.

Non ergo Summo Numini injuriam faciunt Medici, dum naturæ tam multa tribuunt; per hanc enim intelligunt creati corporis fabricam.

(a) Adverſus Lycum, Cap. 11. Charter. Tom. IX. pag. 359.

(b) Boyle, nova Experimenta Pneumatica de Reſpiratione, pag. 18.

(c) Boyle, de Utilitate Philoſoph. Experim. exerc. 1. pag. 111. & ſeq.

(d) De Anatom. adminiſtrat. Lib. VII. Cap.

viii. Tom. IV. pag. 155.

(e) Hiſtoria vitæ & mortis, pag. 559.

(f) Comment. II. in Lib. de alimento Hippocratis, Charter. Tom. VI. pag. 245.

(g) De alimento, Charter. Tom. VI. p. 245.

(h) 11. Sect. II. Charter. Tom. IX. pag. 73.

Optimè ergo dixerat Helmonius (a), *Naturam esse jussum Dei, quæ res est id quod est, & agit, quod agere jussa est.*

De hac dixit Hippocrates (b) *natura omnia omnibus sufficit* (c). (νύσιν φύσις ἰσχύει) *Morborem naturæ Medicæ, & invenit naturæ sibi ipsi vias, non ex intellectu* (ἀπὸ τοῦ νοῦ) *à nullo edocta natura & citra disciplinam omnia, quæ conveniunt, efficit: & ad hunc locum Hippocratis videtur allusisse Galenus (d) dum scribit* (φύσις γὰρ ὅσον ἐξιδάσκει) *naturæ enim animalium à nullo doctæ sunt, dicit Hippocrates. Et hanc rem pluribus confirmat exemplis: vitulus enim inermi adhuc fronte ferit; hinnulus molli adhuc ungulâ calcitrat, &c.*

Ingestorum ergo manducatio, deglutitio, digestio in ventriculo & intestinis, chyli secretio, distributio, excrementorum secretio, &c, ad actiones naturales reducuntur, quia per hæc omnia cibi & potus in nostram convertuntur naturam.

ANIMALES vocaverunt omnes mutationes corporis humani viventis, quæ mentem in suis cogitationibus mutant, vel à mente cogitante mutantur.

Omnes ergo hæc actiones cogitationem supponunt.

Illud, quod cogitat, dicitur mens, cogitare enim est primum, quod scitur de mente: An non cogitare est ipsa mens? Certè maneant omnia, prout nunc sunt, si non cogitas, omnia nihil erunt respectu tui, & de mente nil aliud scimus.

Quædam ex illis actionibus sunt, dum novæ oriuntur in mente cogitationes mutato priòs organo corporeo, & ferè tantùm in sua superficie, sive hoc fiat à causâ externâ, sive à causâ internâ; sic mens videt objecta, dum bonus est oculus, sed & in morbis sæpe credunt ægri se videre objecta externa, quæ non adsunt, mutato organo corporeo per causas internas, & non per objecta externa.

Aliæ actiones animales sunt, dum mens priòs mutata in suâ cogitatione corpus mutat, excitando motus musculares: v. gr; dum quis vult brachium elevare, mox elevatum est; est enim in homine illa proprietas, ut pro voluntatis arbitrio possit motum excitare, sustinere, dirigere, mutare, sistere, renovare.

Maximè mirum est, quòd cùm motus sic excitati sint adeo sensibiles, adeo mutantes vi mechanicâ alia corpora, tamen in suâ origine vix videantur corporei, nulla appareat horum causa; id est, nulla mutatio Physica in corpore præter rem mutatam, nec, suppresso per voluntatem motu, maneat ullum vestigium.

Et hæc omnia sunt sine cognitione causæ, nam peritissimus Anatomicus non melius hæc perficiet, quam idiota: profundæ certè speculationis argumentum.

Reliquæ actiones animales ad sensus internos dictos solent referri, memoriam nempe, imaginationem, animi affectus, attentionem, &c.

Potest enim mens nostra sine ullo sensuum externorum adminiculo cogitare ratione intimi fontis sui, & quasi in proprio fundo contemplari.

Sic sæpe memores sumus, nos habuisse aliquam ideam, quam non possumus nunc nobis præsentem reddere: quærit in suo intimo thesauro hoc principium cogitans, quid hoc sit, & nescit quid quærat, distinguit tamen ab omnibus aliis, quæ tunc cogitat.

Possunt tamen & intimæ illæ cogitationes mutari corpore mutato, imò & deleri integrè: quociens enim non videmus, sapientissimis viris imaginationem depravari;

(a) pag. 38.

(b) 6. Epidem, Charter, Tom. IX. p. 509.  
 & 513.

(c) De alimento. Charter. Tom. IX. p. 264.

(d) De usu Partium, Lib. I. Cap. III. Charter. Tom. IV. pag. 266.

memoriam aboleri, &c. dum atra bilis gravat præcordia!

Et licet dixerit Hippocrates (a) qui aliquid parte corporis dolentes ut plurimum dolorem non sentiunt, illis mens laborat (γνώμη νοσήσκει) tamen ille corpus curabat, non mentem: dum enim Abderitarum precibus motus, ut Democritum, quem insanire credebant, curaret, Abderam versus tendere proposuit, salutares jubet Cratæa ut colligat herbas, ut hanc dementia cures (b).

Medicina ferè semper in corpus agit etiam in illis morbis, ubi nihil in corpore mutatum invenitur, sed tantum cogitationis apparet mutatio. In quâdam manie specie hoc observatur, verbi gratiâ, ubi vel sagacissimi Medici nullum possunt culpâre in corpore vitium, tamen delirat homo ferociter & sine febre: in his casibus ab omni ævo dederunt talia, quæ incredibili vi fundendi & movendi omnia sic totum systema nervorum, vasorum, muscutorum movent, ut nullibi maneat eadem conditio, hac spè ut sic turbato toto corpore deleatur illa impressio latens in sensorio communi, unde oriebatur hoc malum.

Sic antiquissimus Melampus, diu ante bellum Trojanum vivens, furentes observaverat ab helleboro sanari capras, & felici successu insanientes regis filias curaverat, unde & Hippocrates Melampodium vocavit helleborum.

§. 2. QUÆ verò disciplinæ Medicæ pars docet morbum in ipso ægroto præsentem detegere & curare, Praxis appellatur Medica. Sanitatem ægris Medicina promittit. Cels. 1.

Ultimus scopus, ad quem universa Artis Medicæ cognitio collimat, est ægris sanitatem reddere; hinc merito dixit Celsus (c), ut alimenta sanis corporibus Agricultura, sic sanitatem ægris Medicina promittit. Praxis jam, ἀπὸ τῆς πράξεως dicta, est illa pars Medicæ doctrinæ, quæ docet, quam ratione in homine vivente ægroto per certa signa Physica debeat detegi, an præsens sit morbus, & qualis, in quo sit statu, an in initio, ascensu, statu, descensu, quâ methodo & quibus auxiliis præsens jam cognitus morbus tolli possit.

Omnia autem hæc determinari debent in ægro decumbente, longè enim aliud quid est describere pleuritidem, quàm ex Artis regulis definire, quod homo decumbens laboret pleuritide, cum morbus ille, idem licet nomen servet, vario tamen tempore variam medelam requirat.

Medici nunc Artem exercentes vocabantur Clinici apud Veteres, quia ægri (ἐν κλινῇ) in lectulis decumbabant.

§. 3. QUI ergo actionum vitalium, naturalium, atque animalium exercendarum requisita ignorat, adeoque vitæ causas nescit, & sanitatis, ille defectum illarum; id est, morbos, cognoscere non poterit.

Medico ergo morbum curaturo necesse est morbum nosse, sed morbus erat læsio functionis ad sanitatem requisitæ; qui ergo ignorat requisita ad functionem, quod

(a) Aphor. 6. Sect. II. Charter. Tom. IX. | epistolæ, ut vulgè sit.

pag. 47.

(b) Si Hippocrati adscribendæ sint hæc | (c) Pag. 1. in ipso initio Præfationis.

modo cognoscet, quid deficiat? Merito dixerat *Galenus* (a), *cujusque morbi tanta magnitudo est, quantum à naturali statu recedit; quantum verò recedat, is solus novit, qui naturalem habitum ad amissum tenuerit.*

Cœcitas, v. gr; morbi nomen est, designans abolitum visum, sed potest ille morbus ortum ducere à concretionem palpebrarum, obscuracione cornæ post inflammationes validas, cicatrices relictas, &c., potest humor aqueus turbidus factus, humor crystallinus opacus redditus visum tollere; potest nervus opticus in retinam expansus insensibilis fieri; potest idem nervus in toto suo decursu à cerebri ventriculis ad oculum usque comprimi à variis tumoribus, exostosi, &c.; potest in ipsis cerebri ventriculis hærare origo mali, &c.

Qui jam per cognitam organi fabricam non novit ex tot possibilibus causam præsentem distinguere, quomodo idonea poterit adhibere auxilia?

Dum in febre ardenti, sanguine ferè omni immeabili hærente in arteriis distentis fiebat cœcitas perfecta, frustra fovebantur collyriis oculi, qui puri & limpidi manebant: peritus Medicus omnem spem ponebat in salubri & larga superveniente hæmorrhagia narium; depletis sic valis, resolutis sic spisso inflammatorio, redibat integer oculorum usus.

Obijci posset *Hippocratis* in Arte peritia, tot sæculorum consensu probata, qui orbatus illis inventis pulcherrimis, quibus hodiernum gaudet sæculum, ex sola Observatione phenomenorum in morbis Artem salutarem adeo promovit.

Sed certè magnus *Hippocrates*, si novisset Recentiorum inventa, major fuisset.

Unde ergo post tot detecta, nova non accessit major Arti Medicæ firmitas? Ratio videtur hæc esse.

Multa detexit, circa corporis fabricam, Recentiorum industria; plura tamen latent & latebunt fortè diu: novis his superbientes Medici ad hypotheses condendas nimis proni, ex paucis numero particularibus universales fecerunt in Praxi regulas; quæ occurrerant in morbis, minùs faventia præconceptæ hypothesi, neglexerunt penitus, vel vi detorserunt sic, ut favere viderentur.

Sic Artem, quam longam sapiens pronunciaverat antiquitas, voluerunt facere brevem.

Jam dudum hæc prurigo generalia condendi & pauca axiomata invaluit. Methodici satis esse credebant, quædam communia morborum intueri, & quidem horum tria genera esse, unum adstrictum, alterum fluens, tertium mixtum (b).

Qui ergo castis veterum Observationibus jungunt Recentiorum inventa, videntur habere optima Medicinæ fundamenta.

§. 4. **S**ANATIO porro est morbi (1) in sanitatem (2) mutatio: ponitur ergo & hæc eadem cognita (3): quare cognitio & curatio morborum Scientiam Dogmatum, quæ explicant quæ vita sanitasque sit hominis, id est, Instituta Physiologica, Medica, requirunt.

Prior pars Practicæ disciplinæ versabatur circa morborum cognitionem, altera docet, quomodo morbus cognitus curetur.

(a) De Methodo Med. ad Glaucon. Lib. I. Cap. 2. Charter. Tom. X. pag. 345.

(b) Celsus in Praefatione, Lib. I. pag. 15.



Sed sanatio ipsa requirit omnia eadem cognita; est enim sanatio mutatio corporis viventis talis, ut conditio corporea, quæ vocabatur morbus, tollatur, & restitatur illud, quod ablatum, faciebat morbum. In exemplo res patebit evidenter.

Paronychiæ illa species, in qua sine ullo ferè tumore acutissimus dolor ultimam digitorum phalangem occupat; & vel in corpore sanissimo validissima incenditur febris; syncope, phrenitis, convulsiones, & ante tertium diem mori sope fit; totam suam malignitatem peculiari structuræ hujus partis debet: tendinibus enim flectentibus duas phalanges extremas digitorum circumponitur ligamentum forte, coercens, ad cartilaginis ferè firmitatem accedens, Galeno jam descriptum (a): sub hoc tenacissimo scuto si fiat inflammatio (sive ligamenti, membranæ cellulosæ, periosteï, vel tendinum vitio hoc fiat, non multum refert) oriuntur omnia illa horrenda symptomata, quia sub duro hoc tegmine cedere non potenti locus inflammatus hæret. In tempore vocatus Medicus fabricæ peritus jubet audacter scalpello discindi à parte laterali digiti omnia incumbencia ad os usque; sic mutat singularem hujus partis structuram in conditionem communem toti corpori; dolor sedatur statim, & mollissimis applicatis cedit adeo minax malum.

Possit hæc asserti veritas pluribus demonstrari, hoc pro exemplo sufficiat.

§. 5. **ILLA** mutatio (4) motum excitat, sopit, vel dirigit, per applicationem instrumentorum, quæ Artifex nosse debet, & regere: hinc ponitur perspecta Victus, Medicamentorum, & Chirurgiæ, materia; præparatio, usus.

Omnis sanatio requirit vitam superstitem, quam motus humorum vitalium per vasa comitatur, per hunc motum actiuosa sunt applicata remedia, quæ in cadaver nihil agunt: hunc motum, ubi languet in multis morbis chronicis, excitamus; dum furibundo impetu corpus destrueret in morbis acutissimis, sopimus prudenter; dum nimio impetu ruit in quasdam partes, revellendo, versùs alias partes dirigimus.

Dum languet albâ pituitâ gravatum corpus, debilem vitam acribus excitamus stimulis; dum acutâ phrenitide correptus homo furit, debilitamus vitam sanguinis missione, & per balnea, fomenta, cucurbitas & similia impetum omnem, quantum fieri potest, à capite avertimus.

Sed omnia hæc perficiuntur per quædam instrumenta, quæ applicata corpori ægrotanti illud sic mutant ut fiat sanitas; hæc autem instrumenta vocantur Medicamenta.

Dixit de his Hippocrates (b) omnia medicamenta sunt, quæ præsentem statum (τὸν παρὸν) dimovent, vehementiora autem omnia immutant, &c: ægrotanti verò omnia è præsentī statu dimovere conducit.

Hæc autem instrumenta corpori humano applicantur per Victum, Medicamenta, & Chirurgiam.

Primis Medicinæ temporibus horum omnium cura uni incumbere Medico.

Sed circa Herophili & Erasistrati tempora Medicina in tres partes diducta est: ut

(a) Galen. Admin. Anatom. Lib. I. Cap. v. | (b) De locis in homine, Cap. xvi. Charter  
Charter, Tom. IV. pag. 36.

| Tom. VII. pag. 375.

una esset, quæ Victu, altera quæ Medicamentis, tertia, quæ Manu mederetur (a).

Turpe penitus videtur artifice propriæ Artis instrumenta ignorare, & licet Medicus optimè perspexerit, quid in corpore mutandum sit, ut fiat sanitas, si non noverit illa auxilia, quibus hæc mutatio perfici debet, prodesse non poterit.

Nec perfundè didicisse Pharmacorum nomina sufficit, nisi enim quis horum indolem & attributa noverit, ineptis formulis se ludibrio exponet, ægrisque suis nocebit sæpius.

Quantum enim mutant varæ præparationes Medicamentorum indolem! Scammonæi Syriaci lacryma, ingesta corpori humano, in putridam aquam solvit humores, solutos per alvum evacuat; dum verò sulphuris accensi vapori exponitur, ut fiat diagridium dictum sulphuratum, iners ferè redditur.

Rhabarbari radix fervidæ infusa aquæ, innoxium dat purgans omni ætati & sexui; decocta diu & fragrantia & vires amittit.

Sed & varius usus nosci debet. Jalappæ resina assumpta tenacitate suâ ventriculi plicis & intestinorum adhærens hypercatharsim induxit sæpius; cum sacchari paulillo trita, vel vitello ovi fractâ tenacitate illâ resinosa, datur tutius longè.

Tithymali acerrimum succum sicibus instillabat Hippocrates, ne in transitu gulam læderet (b).

Innumera similia adduci possent, ut demonstraretur, quàm necessaria sit Materiæ Medicæ cognitio.

§. 6. DIRIGITUR illa applicatio (§) à mente præscia futuri effectus, quò exigitur scientia generalis legum, juxta quas actiones illæ exercentur; unde itaque doctrina signorum, & Methodi Medendi, necessaria est. Adeoque tradituro Praxin (2) omnes partes Institutionum Medicarum scitu necessaria prius sunt. Eas ideo ponemus notas, & demonstratas alibi.

In dirigendis his instrumentis, ut fiat talis mutatio, quam Ars requirebat, ut restitueretur sanitas, summa hæret difficultas.

Omnia enim Medicamenta corpori viventi applicantur, per vitam actiuosa sunt, & sæpe in variis hominibus diversos, imò oppositos, producunt effectus, ratione peculiaris idiosyncrasæ: sed hoc nunquam à priori, determinari potest, per sola Experimenta cognoscitur.

Sed & idem remedium aliter afficit sanum hominem, quàm ægotantem: post æstivos calores summos incensa bilis, levi stimulo purgante incitata, quàm enormes facit sæpe defectiones! Sextupla dosis data hydropico languenti fecit nihil. Maniacæ furentissimæ, à paucis granis scammonæi ante hunc morbum in syncopen usque mobili, data quinque grana mercurii vitæ fecerunt nihil.

Dum in chronicis morbis, tabefactis ferè & friabilibus redditis visceribus, vomitorium propinatur vel ex mitissima ypecacuanha, quantum imminet periculum!

Omnia hæc attendere debet prudens Medicus, nam exhibitum Medicamentum

(a) Cels. Præfatio, pag. 3. (b) De victu acus. Charter. Tom. XI. pag. 183.

extra ejus potestatem est. Monuerat Galenus (a) sive purgans dederis, sive vomitorium, &c, prima exhibitio in tua potestate est, reliqua sibi fortuna vindicat.

Sed & in morbis toties natura modis incognitis nititur expellere latens morbosum, sive morbi causa fuerit, sive effectus: qui tunc imprudenti consilio remediis oppositis turbat inceptum naturæ opus, nocebit semper.

Hinc doctrina Signorum & Methodi Medendi omnino necessaria; hinc adeo operosius in enarrandis signis Hippocrates.

Unde merito concluditur, Institutionum Medicarum omnes partes requiri cognitis, antequam Praxi addiscendæ quis se accingat.

Idem concludit Galenus (b), dicens, *At non propter se cætera omnia ad Artem spectantia, aut discimus, aut docemus, aut denique auscultamus, sed quod eorum unumquodque sit ad finem utile.*

§. 7. **M**ORBUS (1), cum corpori inhæreat, erit effectus corporis singularis determinatæ causæ.

Ex antè dictis in §. 1, patuit, ab omni ævo Medicos corpus curasse, etiam in illis morbis, ubi solæ mentis functiones videbantur læsæ: morbum quidem & morbi causam corpori inhære, quando in corpore sensibilem mutationem percipiebant, dubitaverunt nunquam, sed multis visum fuit magnum paradoxum, idem affirmare de illis morbis, in quibus sola cogitatio læsa apparebat.

Sed videtur illud in nobis principium cogitans, quatenus sibi conscium est, esse immutabile, esse simplex, idem semper & ubique; de quacumque enim re cogito, scio me cogitare, præterea novi, de qua re cogitem: sed cum omni momento cogitem alia, ergo in me cogitante manet aliquod semper idem, dum infinita varietas est, quæ me cogitantem afficit.

Hoc autem cogitans principium ex adorandi Creatoris voluntate sic unitum est corpori, ut mutato corpore, mutantur cogitationes; & vicissim mutatâ cogitatione, mutari possit corpus.

Totum ergo, quod Medicina potest, est, ut mutato corpore læsam mentis corpori unitæ actionem emendet. Sæpe autem leve vitium corporis totam mentem turbat. Sic observaverunt, sævos à nativitate semper ferè habere capitis vitiatam figuram: sic uncia sanguinis effusi sub olla cranii totam humanitatem delet (c): puer octennis magnis caloribus aeris perdebat memoriam ferè omnium quæ dederat, per duos vel tres dies frigidiuscula tempestas reddebat perditam; calore redeunte eadem redibat calamitas. Innumera alia hanc rem evincunt Observata.

In corporis ergo mutatione morbos considerat Medicus.

§. 8. **C**UJUS accurata ablatio sanat:

Cum ergo sollicitâ indagatione invenerit Medicus, quid in functionibus à sanitate deviet, & à qua causa facta fuerit illa corporis mutatio, quæ morbus dicitur, omni

(a) Galen. de venæsectione adversus Erasistratum, Cap. VII. Charter. Tom. X. pag. 401. (c) Histoire de l'Académie des Sciences  
(b) Comment. in Hippocrate de officina Medici. Charter. Tom. XII. pag. 3. an. 1705. pag. 73.

Artis molimine cognito nititur, ut hanc causam tollat: generale enim habetur axioma, sublata causâ, tolli effectum.

Notandum hic, quàm maximè fieri posse, ut ablata morbi causâ, hinc & morbo ipso, maneat tamen in corpore per morbum prægressum mutatae functiones; v. gr. homo laborat sævâ quartanâ autumnali, repetitis paroxysmis sæpe sic debilitantur solida, sic dissolvuntur fluida, ut nascatur hydrops; datur cortex Peruvianus, sanatur febris, manet hydrops: non tamen inde concludi potest, quod sublata morbi causâ, non tollatur effectus. Cortex enim Peruvianus latentem febri causam sic domuit, ut febris effectus hujus causæ, evanescat; sed per febri mutatum sic fuerat corpus, ut hydropicum fieret, & sublata febre per corticem, causæ illæ manent, ex quibus hydrops ut effectus sequitur, debilitas nempe nimia in solidis, nimia dissolutio in liquidis.

§. 9. **A**UFFERTUR correcto malo singulari, vel per remedium in illud solummodo agens; vel auxilio in omnia simul aquâ vi agente, Hanc universalem, illam propriam, Medelam vocabimus.

Duplex modus est, quo tollimus morbos, vel enim directè in morbos agimus; non mutato reliquo corpore, vel totum corpus mutando inertem reddimus vel eliminamus morbum.

Quartana purgantibus, vomitoriis, sudoriferis, frustra tentata, imò per mediam salivationem (ut vidi) constanti typo pergens, tollitur cortice Peruviano, qui ceteroquin corpus non observatur mutare, vocatur propria & specifica medela, quia dum febrem tollit, reliquum corpus non mutat. Opium deglutitum in ventriculo hærens, doloris sensum tollit, nec turbat corpus. Forè plura talia lateant ad alios morbos remedia, felices Medici, si novissent!

Calculus ex rene in pelvim, inde in ureterem delabitur, oritur intolerabilis dolor, spasmi abdominales, nausæ, vomitus, &c. Si specificum cognosceret Medicus remedium, quo solvere posset impactum calculum, sanaret statim: sed tali auxilio caremus hætenus. Fomentis, clysmatibus, venæsectione, decoctis emollientissimis, mutat totum corpus Medicus, ut laxatis & lubricatis viis expellat hostem; hæc vocatur generalis medela.

Hæc ferè semper agit inducendo alium morbum: dum enim luè venereâ laborantem hominem salivatione curat Medicus, facit per mensem & ultra ægrotare, ut à diro hoc morbo liberet.

Hic imitatur salutaria naturæ molimina, quæ, turbato sæpe toto corpore, morbosam causam eliminat.

Per asperam arteriæ rimam micula panis illabitur, excitat natura, per fideles custodes nervos, tussim violentissimam, nec quiescit hæc, donec educatur.

Hinc ausus fuit concludere Sydenhamus (a) morbum, quantumlibet ejus causæ humano corpori adversentur, nihil esse aliud, quàm naturæ conamen materia morbi-  
ficæ exterminationem in ægri salutem omni ope molientis.

§. 10. **UTRAQUE** (§. 9.) reperitur Observatione; similitudine; vel ratiocinio ex hisce binis.

Nullum est dubium, quin Medicamenta & Medendi Methodus inventa sint per Observata singularia; hæc enim videntur fuisse Medicinæ primordia, dum illa, quæ in seipſis vel aliis ægrotantibus viderant profuisse, suadebant iterum aliis, hac spe ut prodessent similiter.

Dúmque videbant, morbum non omninò eundem, similem tamen morbo antè observato, affigere, ex similitudine concluderunt, eandem medelam esse adhibendam.

His binis contenta Empiricorum secta Medicinam absolvi posse contendebat: (a) dicebant enim, *Diligentes homines notasse, quæ plerumque melius responderent, deinde ægrotantibus ea præcipere cœpisse: sic Medicinam ortam, subinde aliorum salute, aliorum interitu, pernicioſa-discriminem à salutaribus.*

Quod si morbus incidat ignotus, Medicum (b) protinus visurum, cui morbo id proximum sit; tentaturumque remedia similia illis, quæ vicino malo sæpe succurrerint, & per ejus similitudinem opem reperturum; ... sed latentium rerum conjecturas ad rem non pertinere, quia non interfit, quid morbum faciat, sed quid tollat.

Deinde possunt ex his binis casto ratiocinio plurima in Arte utilissima deduci; modò nihil admittatur incertū quoad Observationes, nihil concludatur ex his, quod repugnet Experimentis: pulchro certè monito post examinatas Empiricæ & Rationalis Medicorum sectæ disceptationes concludit Celsus (c) *rationalem quidem Medicinam esse debere, instrui verò ab evidentibus causis; obscuris omnibus, non à cogitatione artificis, sed ab Arte ipsa rejectis.*

§. 11. **OBSERVATIO** habetur: 1. ex accurata Historia morbi; enarrante causas, naturam, effectusque mali. 2. Ex enumeratione exquisita eorum quæ profunt vel nocent, dum casu, vel arte, morbo subministrata sunt. 3. Ex introspectis cadaveribus incisus eorum, quorum morbi observati fuerant prius.

1. Dum homo incipit ægrotare, habet in corpore aliquid mutatum à sanitate; aliter non foret morbus; hanc mutationem corporis prius sani sensibus detegere possumus: procedente morbo magis & magis deflectit à sanitate, hinc novæ quotidie mutationes apparent, & quæ prius apparuerunt, augentur, persistant, minuuntur, vel desinunt aliquando; omnia hæc accuratè notata illo ordine, quo se mutuo sequuntur, dant Historiam morbi. Sed jam morbus, ut effectus adequatus, idem est cum sua causa completa sive proxima dicta, cujus præsentia morbum ponit, cujus absentia morbum tollit. Sed hæc causa proxima rarò simplex est, semper ferè composita ex aliis causis, quæ singulæ non sufficerent morbo producendo, quæ junctæ simul morbum faciunt. V. gr. pleuritidis causa proxima est sanguis inflammatoriè spissitudine peccans, adactus in vasa angustiora, aucto simul per febrim motu: nulla ex his tribus causis sola pleuritidem facit, simul junctæ morbum hunc constituunt. Ille

(a) Celsus Præfat. Lib. I. pag. 9.

(b) Celsus ibid. pag. 10.

(c) Ibid. pag. 10.

jam causæ, quæ simul unitæ causam proximam constituunt, sunt vel prædisponentes (*προκαταρκτησες*) vel (*προκαταρκτησαι*) dictæ, sive occasionales.

V. gr; homo valde plethoricus, calidissimâ aeris tempestare validos motus musculares faciens, ruptâ in cerebro arteriâ fit apoplecticus; causa remota prædisponens erat in hoc homine plethora, causæ occasionales erant calor aeris, & impetus sanguinis auctus per motus musculares; sed ille aeris calor, & validi motus musculares non fecissent apoplexiam in hoc homine, nisi adeo fuisset plethoricus.

Pulchrè hoc notavit *Galenus* (a), dicens *corpore nostro ad morbos quasi preparato; externum quoddam adveniens febrim accendit, quodd ex se morbum vehementem minime generaret, &c; & propter corporis dispositionem unumquodque horum non morbi causa, sed occasio redditur; has causas vocaverunt προκαταρκτησες.*

Similia & *Celsus* habet (b) nihil omnino ob unam causam fit, sed id pro causa apprehenditur, quod contulisse plurimum videtur; potest autem id dum solum est, non movere, quod junctum aliis maxime movet.

Qui jam accuratâ Observatione sic causam proximam morbi detexit, intelligit morbi naturam.

Sed morbus, sic cognitus in suis causis, dum pergit, omni momento corpus plûs mutat, functiones plûs lædit, & novos quasi morbos facit, qui vocantur effectus morbi, vocantur & symptomata; sic enim vocantur omnia illa præternaturalia, quæ ex morbo, ut causâ, in corpore ægroto fiunt ita, ut distinguî tamen queant ab ipso morbo & ab ejus causâ proxima.

V. gr; pleuriticus præ acerbitate doloris non audet inspirando pectus dilatari, hinc sanguis cordis dextræ per pulmonem difficiliùs transiens incipit ibi accumulari, & facit peripneumoniam, quæ tunc est novus morbus ex pluritudine ut causâ natus.

2. Homo qui ægrotat, vivit, vita semper actiuosa est, ergo aliquid movet, agit, vel non agit, æger aliquid bibit vel comedit, vel non: post singula hæc sic aliquid boni, vel mali. Medicus jam observat omnia illa, quæ fiunt tempore morbi, notat nocentia & juvantia, illa prohibet, hæc jubet. Hæc est illa doctrina de juvantibus & nocentibus tanti in Praxi usûs; hæc videtur Arti Medicæ dedisse primam ferè originem. Vide *Celsum* (c).

CASU. Dum multa aliquando tentant ægri, sunt sæpe mutationes improvise: in morbis & maxime notabiles, quæ sæpe ansam dederunt pulchris in Arte inventis. *Galenus* (d) sæpe vidit, non paucos febre ardente laborantes, cum jam mediocriter concocti humores essent, statim ex frigida potione liberatos.

Epilepsiam, sanaverunt manantia capitis ulcera sponte enata; unde & artificialia profutura conclusit *Tulpius*. (e) Vidi in acuta continua febre pessimè delirantem hominem mox resipuisse, dum incendium satis vicinam domum occupasse audiret.

VEL ARTE. Licet omnia ex Artis regulis adhibuerit Medicus, tamen attentâ mente debet spectare eventum, an profuerint, an non. *Hippocrates* hoc in multis locis sollicitè inculcavit: sic certa dat signa, quibus distinguimus, an purgans datum profuerit nec-ne, dicens (f) si qualia purgari decet, purgentur, tum confert, tum facillè ferunt, si è contrâ, difficulter. Ab aliis enim, quæ nocere videmus, abstinendum jubet.

(a) Comment. 4. in Hippocrat. de viâ acu. Charter. Tom. XI. pag. 178.

(b) In Præfat. Lib. I. pag. 163.

(c) In Præfat. pag. 94.

(d) *Galenus* Meth. Med. Lib. IX. Cap. XLII. Charter. Tom. X. pag. 210. 221.

(e) Observ. Medic. Obs. 8.

(f) Aphor. 25. Sect. 1.

ratio : ut autem quid certi de nocentibus & juvantibus statuatur, requiritur attenta circumspectio ad morbi indolem, aliter sæpissimè adscribetur remedio exhibitio, quod debebatur soli morbo; v. gr; dum in hemitritæa alternis diebus fit exacerbatio ex morbi natura, malè tunc adscriberetur remediis exhibitis molestia ingravescentis circa hoc tempus morbi.

3. Utinam liceret sæpiùs defunctorum cadavera scrutari! Quàm cauti essent in tractandis morbis Medici, si novissent, post mortem in cadavere se debere demonstrare, an bene an malè de Morbi indole judicassent! Quot non detegerentur latentes morborum causæ! (a) *Herophilus & Erasistratus* nocentes homines inciderunt vivos, nec crudele putaverunt, paucorum nocentium supplicii remedia populis innocentibus omnium saculorum quæri: hodie sedum, imò crudele, clamant multi, mortuorum lacerare cadavera, ut viventibus certior Medicina fieret. Summâ tamen cautelâ hic opus est: in cadavere enim invenitur tantùm ille corporis status, in quo erat, dum mortis proximum fuit, plurima inveniuntur per morbum mutata, quæ utpote effectus morbi malè pro ejus causâ venditantur: dum suppuratâ pleuritide mortui cadaver lustrans Medicus invenit in thoracis cavo ingentem copiam puris, quàm malè concluderet, pus illud fuisse morbi causam!

Infinita certè docuit prudens cadaverum inspectio, de quibus ne somniasent quidem Medici. Quis credidisset per vomitum enormem posse œsophagum rumpi; lienem ingentis molis in pelvim posse prolabi elongatis valis nectentibus; in ipsâ cordis semper moti substantia posse nasci calculos, &c?

Dum visa in cadaveribus collegit in Sepulchreto *Anatomico Bonetus*, & ordine disposuit, latentibus morborum causis indagandis summam attulit lucem.

§. 12. **E**X similitudine concludit, qui observatis jam (11), adeoque cognitis, casum præsentem, hæcenus ignotum, comparans de indole & curatione mali incogniti argumentatur, à præteritis ad futura arguens.

In Exemplis videbitur satis evidens. Vidit Medicus hominem febre acutâ continuâ cum dolore lateris punctorio, inspirationem impediente, decubentem; observavit, nec per spûta, nec venæsectionem & alia auxilia levatum morbum; sed ortâ dispnoeâ sensim auctâ post diuturnos languores extinctum hominem. Notavit quæ profuerant; quæ nocuerant; in cadavere invenit saccum ingentem pure plenum pulmone compresso suffocasse hominem. Postea invenit alium ægotantem, in quo observat eadem phænomena, quæ in priori vidit in initio morbi, ex similitudine concludit similem & in hoc agro eventum metuendum esse: quæ priori profuisse visa sunt, adhibet, & omni Artis molimine funestum morbi eventum præcavere nititur. Hoc vocatur ex similitudine, ex analogia, concludere.

Dum epidemici novi morbi latentem rimabatur indolem *Sydenhamus*, sedulò observabat, quomodo in sanationem, mortem, vel alium morbum abiret; quænam adhiberet molimina sibi soli sufficiens natura, ut sanaret: hæc imitatus postea in simili casu ex analogia concludit.

(a) Celsus Præfat. Lib. I, pag. 75

§. 13. QUI denique omnia, quæ ægro accidunt, observando cognita (1), ad amissim ponderat seorsum singula, comparat deinde inter se universa, confert iis, quæ in sanitate contingunt, hincque tandem severitate ratiocinii subacti affurgit in intellectum causæ proximæ; & auxiliorum ei tollendæ aptorum, verum Medici nomen meretur.

Quænam sit idea optimi Medici, sequentibus temporibus futuri, nescimus, sed qui utitur omnibus illis adminiculis, quibus hodierni sæculi felicitate Ars Medica illustratur, perfectus dicetur Medicus.

Geometræ docuerunt, quomodo in simplicissima quadam re diu examinata detegantur infinita, de quibus prius non cogitabatur. Quid simplicius ideâ circuli, quam unusquisque facillè percipit? Sed applicando huic simplicem rectam, quàm pulchra deduxerunt inde Geometræ!

Idem & in morborum consideratione verum est; illa enim, quæ Observatio detexit, data sunt, ex quibus, attentæ mentis acumine sedulè lustratis, infinita & saluberrima deducit in Arte prudens Medicus.

Hæc autem singula seorsim, non perfunctoriè consideranda sunt. V. gr; dum in quartanæ exquisitæ initio oritur mirum illud frigus, quod sensim ex minimo gradū (auræ quasi frigidiusculæ sensu) in rigorem ascendit tantum, ut membra omnia tam rigida faciat, ut aësti nequeant, sæpe omnem tollat sensum sic, ut pedes ad ossa usque combusserint ægri sine ullo dolore; quàm multa illud Medicus docet! Demonstratum enim habetur in Physicis, quodd ignis absentia, vel non determinatio ad locum, sit frigus; sed ex legibus corporis humani hodie certò concluditur, frigus sequi imminutam circulationem; sed in quartanæ initio evidenter videmus imminutam circulationem, cor quidem celerius palpitât, sed auctas resistentias superare impotens ad extrema corporis vitalem sanguinem propellere nequit; hinc primò incipiunt pallescere extrema, nasi apex fit pallidissimus, ungues & extrema digitorum pallent, sic & labia, &c; & dum frigus omnia contrahit, contractæ venæ suos humores majori impetu versùs cor dextrum ducunt, cor interim sinistrum non potest evacuare contentum suo cavo sanguinem in arterias plùs contractas, hinc circa pulmonem & cor accumulatur sanguis, & inexplicabilem illam anxietatem facit, unde adeo anhelant, & omni respirationis molimine nituntur prementem hanc amovere sarcinam; hinc concludimus magnum tunc adesse mortis periculum, & metuendum esse, ne stagnans ferè in magnis venosis receptaculis sanguis in concreciones polyposas abeat; sæpe totâ vitâ non resolvendas.

Hinc non est bonus Medicus, qui tantum notat phænomena, sed qui illa ponderat, & quæ ex illis necessariò sequuntur, determinat.

Nec hoc sufficit adhuc, sed requiritur ut dein COMPARET INTER SE UNIVERSA: sequetur enim post summum quartanæ frigus, calor sensim increfcescens in summum æstus usque; sed calor distendit, elongat omnia solida, augeat liquidorum volumen; sic fibræ solidæ per præcedens frigus accurtatæ, calore subsequente elongabuntur; sed nil plùs debilitat solidarum partium fabricam, quàm illa vicissitudo alternæ contractionis & elongationis: hinc tanta sæpe debilitas corporis post quartanam diu toleratam, & plurima, quæ inde sequuntur, mala.



Hic est secundus usus illorum, quæ in morbis apparent; primus usus erat singula seorsim considerare, & ab omni facie contemplari: deinde his in chartam congestis, ut memoriæ succurratur, secundus usus erat, illa considerata combinare, ita usque ad ultimum procedere. Sic faciendū ad omnem in Arte Medica certitudinem possibilem pervenimus.

CONFERT IIS QUÆ IN SANITATE CONTINGUNT. Summi momenti in Arte hæc regula est. Sapiens Hippocrates in *Prognostico* inde, tot sæculis jam probata præfagia deduxit: jubet considerari faciem ægri, an similis sit bene valentium, sed maxime an sibi ipsi, pessimam autem dixit, quæ sanorum faciei prorsus contraria est; nasus acutus, oculi concavi, &c; faciem postea à Medicis dictam *Hippocraticam* describens. Decubitum ægri considerans confert cum sanorum decubitu, & in tantum damnat, quantum inde recedit: à moderato homine ferox responsum damnat; præter consuetudinem aliquid facere, aliquid curare magno studio non consuetum, tanquam pravum & delirio proximum notatur in *Coacis Prænotionibus*. Innumeralia apud Hippocratem habentur: hæc pro exemplo adduxisse sufficiat.

Nullum enim apparet in morbo phenomenon, quin sit actio læsa, quæ in sanitate exercebatur, & morbi magnitudo tanta est, quantus est à sanitate recessus.

HINCQUE TANDEM SEVERITATE, &c. Qui enim jam quartanæ frigus juxta regulas prædictas expendit, concludet illius causam proximam esse imminutam circulationem ob cordis vires expellentes minutas, vel resistentias auctas circa fines arteriosos, vel utrumque simul; sed cur distinctè hic dicitur, quod sic acquiramus intellectum causæ proximæ? Quia causæ remotæ plures possibiles esse possunt, nec tam faciliè intelliguntur omnes.

Sed ex intellectu causæ proximæ auxilia huic tollendæ idonea inveniuntur; dum enim novi, quid in quartana faciat hoc frigus, faciliè concludo quid agendum sit, ut hoc curetur, vel mitigetur saltem: tenuis, tepidus, leviter aromaticus potus, cum levi frictione, diluendo liquida, laxando vasa, excitando parum vires vitales, totum absolunt. Veteres Medici in balneum ægros deducebant, ut frigus febrile præcaverent. Dum aliam viam sequebantur Medici, quantum à veritate aberraverunt! Dum videbant quedam corpora effervesce simul mista, & tunc producere frigus, similem causam frigus febrile producere audacter dixerunt: sed mors majus frigus producit, quam in ulla quartana observatur.

§. 14. **O**RDO itaque optimus describendæ Historiæ & Curationi morborum erit, qui,

Datur hic casta methodus, quæ morbi describi debent, & curari, utinam observaretur semper! Multi enim Medici, dum communis consilii causâ aliis casus examinandus traditur, non describunt phenomena observata, sed credunt sufficere, si indicaverint; quid sentiant de morbo, dein agenda ex communi consilio determinanda relinquunt: sed summopere necessarium videtur, ut describantur omnia observata phenomena per totum morbi decursum, ut alii, qui consuluntur Medici, de morbi generis ferre possint judicium, & legitimam inde agendorum indicationem deducere. Hoc autem optime fieri posse videtur juxta sequentes regulas.

1. Uniuscujusque mali phaenomena individua, propria, communia, consideratè cognita, juxto ordine, verâ fide, proponit.

1. PHÆNOMENA vocantur omnia illa, quæ in morbis apparent à sanitate recedentia; hæc jam vel sunt INDIVIDUA ET PROPRIA quæ in morbo describendo adiunt semper & nunquam inde possunt separari: talia v. gr; sunt in pleuritide, dolor acutus, punctorius, inspirando validè auctus cum febre acuta continua: hæc vocantur signa pathognomonica.

Præterea adfunt in morbis phænomena multis aliis morbis communia; v. gr; in pleuritide sæpe adest dolor capitis, lumborum, &c, quæ millenis aliis morbis adfunt, hæc vocantur COMMUNIA; omnia autem hæc debent notari JUSTO ORDINE, prout sibi mutuo succedunt, aliter tota descriptionis utilitas tollitur. Qui simpliciter diceret, variolis laborantem delirasse, nihil proferet, unde firma prognosis deduci posset: plurimum enim differt, an deliraverit in statu contagii, an post eruptionem variolarum. Nisi hoc observassent antiqui Medici, quomodo potuissent ex illis, quæ quarto die morbi apparebant, prædicere, quid septimo die futurum esset?

*Præterita dicere, præsentia noscere, futura prædicere, oportet, dixit Hippocrates (a). VERA* *VIDE.* Omnia hæc debent proponi, prout morbi decursus offert, non autem detorqueri ad præconceptas hypothefes.

2. Cuncta, quæ acciderunt ægro ab iis, quæ gessit, ingessit, retinuit, excrevit, vel sibi applicuit, dum morbus adfuit, enarrat.

2. Summi momenti hæc regula est, & sine qua omnia in morborum descriptione obscurerunt & turbata: omnia enim hæc, quæ ingeruntur, vel applicantur corpori illud mutant, & ab illo vicissim mutantur; sed illas mutationes sollicitè distinguere debemus, ne confundantur cum illis, quæ ex morbi natura ægro accidunt: ingens enim in decursu morbi varietas est, dum variis tractatur modis. Quantum differre inter se vidit variolas Sydenhamus, dum calido vel frigido regimine tractabantur! Quantum exacerbantur omnia in morbis acutis, dum non quiescunt ægri! Quam anomala apparuerunt symptomata in morbis ab imprudenter applicatis vel externè tantum cantharidibus, mercurio, arsenico, &c! Omnia enim hæc non agunt sola, sed cum morbo, nec morbus tunc agit solus, sed cum illis.

3. Auxilia Viæti, Manûs, Medicamentorum, unà cum vera methodo applicandi, prout casus, vel Ars, obtrulit, exponit.

3. Candidè enarranda sunt omnia, quæ per Viætum, Chirurgiam, Medicamentorum exhibitionem, observata fuerunt proficua vel noxia; dissimulandum nihil est. *Hippocrates (b)* ingenue fatetur errorem, dum teli læsionem in vulnere capitis à futura non distinxerat; ægrorum plurimi, quorum morbos in Epidemicis descripsit, perierunt. Observatores plerique felices tantum successus narrant, insuccessos tacent.

4. Ea, quæ ex hisce tribus, ut ex datis, juxta (13.) dictam legem effectu rationis verissimè deduci queunt, ita ut pro regulis Praxios accipi tutò possint, concludendo elicit.

Si jam tria priora collecta habeantur, ex his datis casto ratiocinio possunt deduci

(a) Epidem. Lib. I. Charter, Tom. IX. pag. 58.

(b) Epidem. Lib. V. Charter, Tom. IX. pag. 340. 341.

regulæ fidelissimæ, quæ Praxi Medicæ dirigendæ inservient semper immutabiles. Certa Observata dum docuerunt, quartanam febri, quamdiu durat, epilepticos insultus cohibere, imò sæpe radicitus tollere, merito concluditur, quartanam epileptico accidentem esse relinquendam, tollendam minime.

Dum ingruentes morbos, tanquam incognitum quid, sollicitè observabat *Sydenhamus*, vidit applicata quædam malè, alia bene celsisse, quasdam vias naturam asflectare, opposita his methodo exacerbari omnia: ex illis deduxit Methodum Medendi, quâ tam felix fuit, & tantam jure merito auctoritatem in Arte obtinuit.

Debit hæc Observationum tædia sæpius devorare, dum nova constitutio epidemica, quamvis satis similis videretur prioribus, iisdem tamen tentata remediis infastuos plantè exhiberet successus, quod tam candidè fatetur; eâdem tamen investigationis viâ novam & certam curandi methodum invenit.

Sic moniti ergo talem sæpe diversitatem in morbis satis sibi similibus obtinere, per regulas hæc datas rectam morborum indolem rimari debemus, ut salutari Arte ægris prodesse possimus.

## §. 15. **M**ULTITUDO quidem morborum his ordinandis officit.

Qui omnia hodie cognita in arte Medica probè nosset, fortè in nulla re plus titubaret morborum Historiam descripturus, quam dum deberet determinare, unde inciperet, quomodo pergeret, ubi finiret. Certè vel apud optimos Auctores varius occurrit ordo; quidam à chylopoiesi & ejus actionibus læsis, dein ab hæmatopoiesi, &c.; inciperunt; alii singulas partes corporis à capite ad calcem usque percurrerant harum morbos enarrantes: sed omnibus his methodis magnæ insunt difficultates; videtur sequens paragraphus simplicissimum ordinem dicere.

## §. 16. **S**ED ordinem dicat: 1. Clarior morbi notitia. 2. Simplicior ejus natura. 3. Facillima sanatio. 4. Ejus requisita ad alium intelligendum eognitio.

1. Ab evidentissimis enim incipiendum esse, omnis evincit doctrina, & Geometræ optimi veritatis Magistris ex paucis postulatis tam evidentibus, ut de illis nemo sanæ mentis dubitare possit, sensim procedendo innumera pulcherrima deduxerunt.

2. Simplicissimus morbus foret, qui unum tantum haberet phænomenon, (si fortè quis talis existat) si jam alter morbus duo vel tria haberet phænomena, à priori, tanquam simplicissimo, foret incipiendum: sic enim à simplicissimis ad magis composita omnis ordinata doctrina procedit.

3. Facillima sanatio dicitur illa, cujus requisita morbum consideranti statim apparent, & quæ sine magno artis molimine perfici potest.

4. Ad hanc rem quam maxime attendendum est, ut ille morbus prius explicetur, cujus cognitio requiritur necessariò, ut alii intelligi possint. Solebat celeberrimus horum Aphorismorum Auctor hæc occasione semper Auditoribus suis enarrare, quod morbos in chartam conjecerit, & illis dein applicuerit has quatuor regulas, & deinde deduxerit sequentes conclusiones.

§. 17. **EX** quo fundamento (16.) omnes sequenti serie tractabimus.

§. 18. **MORBORUM** itaque simplicissimorum species, & curatio præmittenda reliquis.

Hæc sponte sequuntur ex prædictis.

§. 19. **SOLIDARUM** ergo partium morbi explicandi & sanandi primum locum postulant.

Omnes morbi sunt vel solidorum vel fluidorum, vel amborum simul; sed fluidorum indoles longè intricatior est & magis composita, quàm solidorum, hinc secundum præmissas regulas à solidorum morbis est incipiendum.

§. 20. **FIBRÆ** simplicissimæ solidæ morbi explicati, sanati, inter hos (19.) denique primi sunt.

Inter partes solidas corporis nostri nihil possumus simplicius concipere fibrâ; vasa enim ex membranis, membranz ex fibris constant: fibra autem vocatur pars corporis humani secundum longitudinem extensa, quæ ratione latitudinis suæ consideratur habere partes nullas; hinc comparari potest lineæ Geometricæ, quæ definitur esse longitudo latitudinis expers: manet jam hæc fibra simplicissima, quantumcumque longa fuerit, modò nullam habuerit latitudinem.



## MORBI FIBRÆ SOLIDÆ SIMPLICIS.

§. 21. **ILLÆ** partes, quæ ex fluido vasis contento secretæ, sibi mutuo vi vitæ, & ope glutinis tenuissimi, aquosi, pinguisve, applicatæ, fibræ minimam faciunt, sunt minimæ, simplicissimæ, terrestres, vixque mutabiles per eas causas, quæ in nobis viventibus deprehenduntur.

Fibra jam simplicissima constat ex partibus minoribus secundum longitudinem sibi mutuo appositis; hæ partes fibræ constituentes, non ampliùs dividendæ in minores, vocantur elementa fibrarum. *Elementum enim dicitur, quodcumque minima est pars illius rei cujus est elementum (a).* Quæ ex binis talibus elementis secundum longitudinem sibi apposisis concrevit fibra, est omnium minima, unicum tale elementum, solum consideratum, non facit solidum, sed in fluidis hæret; combinata elementa fibræ constituunt.

Quomodo jam hæ fibræ nascuntur? Cerrè adultus homo ducentas libras pendens in prima sua origine latuit in spumantis libidinis guttula, & ex tantilla micula excre-

(a) Galenus de Hippocratis & Platon. placit. Lib. VIII, Cap. 11, Charret. Tom. V. pag. 222.

vit tam vastum pondus; totum illud augmentum in solidis partibus per fluida allatum fuit; docent hoc *Malpighiana* Observationes in ovo incubato factæ, jam tentatæ ab *Hippocrate* (a), ubi ex albuminis attenuato liquido per incubatum, intra 21 dies, pulvis jam solida firma adeo habens, ex invisibili molecula crevit.

Sed illud albuminis liquidum debuit per organa fabricata pulli adhuc ulteriùs attenuari & perfici, antequam per vascula illa, quæ suâ parvitate omnem captum sugiunt, potuerit transire.

Et tamen cum hoc fluido subtilissimo vehebantur illa elementa solidarum partium.

Hinc meritò concluditur, quòd partes illæ constituentes fibræ solidam sint *MINIMÆ*.

Sed & sunt *SIMPLICISSIMÆ*; si enim aliud simplicius concipi posset, non forent elementa ex data definitione.

*TERRESTRES*. Audax videtur fortè propositum determinare sic horum corpusculorum fibras constituentium naturam. Terrestre vocamus illud, quod nec in aqua solvitur, nec ad ignem fluit, sed fixum perstat: sed partes solidæ animalium Arte Chemicâ omnibus volatilibus orbe tales dant reliquias. Numquid putrefactio, quæ terram à reliquis principiis perfectissimè separat, hoc evidenter docet: cadaver humanum sub terra desolatum per multos annos dum hæsit, & postea lustratur, quid exhibet? Nisi exsiccatum induruerit, ut aliquoties observatum fuit, omnia pristinam figuram retinuerunt, sic ut facies distingui possit; sed levi concussu collabuntur omnia, & reperitur terræ subtilissimæ pauculum, quæ firma plerumque adhuc ossa tegebant; eadem hæc ossa diu aeri aperto exposita, vel igne aperto ulla, omnibus sic expulsi, meram terram relinquunt.

*VIXQUE MUTABILES*, &c. Documastæ, ubi vividissimo igne metalla explorant cum plumbo fusa, testulas suas inde conficiunt omnium optimas, quæ cribri instar plumbum transmittunt, pretiosa metalla retinent. An credibile est tantâ ignis vi immutabiles partes à causis in nobis viventibus deprehensis mutari posse? Possunt coherere inter se, possunt iterum dissolvi, cæteroquin immutabiles.

Mirum videri posset, fixam adeo & insolubilem terram potuisse latere in subtilissimis liquidis. Chemia hoc fieri docet. Animalium spiritus salini alcalini, igne expressi, limpidissimi, terram gerunt; olea animalium destillatione educta, purissima quamvis, repetitis destillationibus terram relinquunt, tandemque terrâ suâ depositâ evanescent in aëra. Videtur enim terra hæc stabilitatem dare reliquis principiis.

Sed requiritur, dum ex his elementis terrestribus fiunt fibræ nostræ solidæ, ut cohererant inter se: hoc in nobis facit vis vitæ applicans fibris jam factis nova elementa, quæ deperditorum loca suppleant; illud vocamus nutrire. Et quantum apparet res factas considerando, dum fortè modum, quo fiant, ignoramus, sit hoc interpositione *GLUTINIS AQUOSI VEL PINGUIS*. Aqua enim incredibilem vim habet corpora adunandi; lapidis alabastrini exusta calx, oris halitu dissanda, (gypsum vocant) aquâ ad dirâ sit ductilis pasta, brevi in lapideam duritiem concrevens: conchyliâ in calcem usta pollinem exhibent tenuissimum, volatili levitate pulmoni tam sæpe noxium; cum aqua subactus ille pulvis dat pastam igne in durissimum lapidem convertendam: & in durissimis animalium partibus, ubi nemo suspicaretur aquam adesse, incredibili copiâ hæret: dum siccissimum ebur, vel quæ per

(a) De natura pueri, Cap. x. Character. Tom. V. pag. 312.

annos latuerant in Officinis cervorum cornua aridissima, ex retortis vitreis destillantur, maxima pars volatilis fit, inque excipulum transit, & magna copia aquæ sic exprimitur, residuum fragile est.

An hoc voluit indicare sapiens *Homerus* (a), dum *Hectore* Græcos ad singulare certamen provocante, hi obmutescerent? *Iratus Menelaus* ipsius annihilationem quasi imprecatus, dixit:

*Vos quidem omnes aqua & terra fiat.*

Ἄλλ' ὕμῃς μὲν πᾶντις ὕδωρ ἐξ γαῖα γένοιτο.

Sed & pingue gluten terrestres partes cohzere facit, docent iterum Chemica Experimenta. Quamdiu enim ultimum illud oleum, nonnisi ignis in aere libero agentis vi separandum, adhæret partibus animalium, cohzent adhuc, hoc expulso in cineres fatiscunt: ossa calcinata fragilissima, oleo immissa, iterum cohzent.

§. 22. **Q**UARE in his (21.) separatim spectatis, nullus occurrit morbus, qui Medicis observatus, sanatusque describitur.

Si jam minima illa elementa, ex quibus adunatis fibra simplicissima fit, separatim spectentur, de illis certè nihil dicere novimus. Qui subtili speculatione voluerunt & horum morbos indagare, nihil unquam dixerunt bonæ frugis. Transponi posse, à cohzensione cum aliis dimoveri concipimus; immutabilia autem penitus esse corporum elementa suadet constans per sex mille annos Universi facies.

Hæc enim minima solidarum partium elementa vel considerantur, dum fluidis inhærentia per vasa deferuntur, sed tunc horum morbi, licet cognoscerentur, fluidorum forent vitia; vel considerantur, dum adunata solidam partem faciunt, sed tunc non amplius sunt elementa, sed conflatum ex his solidum.

§. 23. **S**ED in fibra minima, ex adunatis his (21.) concreta, morbi simplicissimi sequentes, (24. ad 38.) considerari merentur: sunt enim frequentes, & fundamenta jaciunt intellectui aliorum, licet prætervisi, vel non bene cogniti.

Omnium ergo simplicissimi morbi non in elementorum vitis, quæ fortè in æternum nos latebunt, sed in fibra minima, horum adunatione, facta, querendi sunt. Dum enim vel bina tantum inter se cohzent elementa, varia cohzensio potest morbum facere: & ut ex sequentibus patebit, nimia vel nimis parva cohzensio in fibræ solidis simplicibus, & vasibus & visceribus inde formatis, infinitis morbis originem dare poterit.

Hi autem morbi ferè prætervisi fuerunt; nam nequidem Methodici dicti, quibus de stricto & laxo doctrina solet adscribi, de his simplicissimis morbis egerunt.

Pateat ex horum doctrina à *Celso* (b) descripta. *Satis esse credebant, communia morborum intueri, & quidem horum tria genera esse; unum adstrictum, alterum fluens, tertium mixtum. Nam modò parum excernere ægros; modò nimium; modò aliâ parte parum, aliâ nimium.*

(a) *Homer. Iliad. Lib. VII. vers. 99.* (b) *Lib. I. in Præfatione, pag. 15.*

## MORBI FIBRÆ DEBILIS ET LAXÆ.

§. 24. *FIBRÆ* (23.) *debilitas* vocatur adunatio partium minimarum (21.) cum nisu in cohæsiōem tam parvo, ut vel illo levi motu solvi queat, qui sanitatis effectu sit, vel non multum majori.

A quacumque demum causa fiat cohæsiō elementorum, fibræ constituentium, inter se, poterit facili concipi, quod illa vis, quæ coherent, possit augeri, possit minui; debent vasa nostra ex fibris constata cedere posse impulsu liquido, & distendi, nec nimis tamen; debet manere cohesio sine ruptura: hinc requiritur certus & determinatus cohæsiōis gradus in fibris nostris, qui, si major vel minor fiat, morbum faciet.

Debilitas ergo fibræ nunquam poterit definiri nisi relativè. Primis post conceptum septimanis, hominis rudimentum ad tactum liquefcit, & nisi æquabili pressione ambientis fluidi sustineretur, in informem mucosam massulam collaberetur. Tam parva cohæsiō fibrarum requirebatur hoc tempore. Sed quantum jam robor cohæsiōis in his requiritur in adulto!

Sed & in variis partibus ejusdem hominis quàm diversa requiritur cohæsiōis vis. Longè minor videtur esse cohæsiō ultimi solidi, quod mollem pulpam nervi acoustici facit, quàm illius, quod durum Achillis dictum tendinem constituit.

Hinc fibra solida tunc minùs debilis dicitur, quando non potest integræ cohæsiōe sustinere illum motum, qui ad functionum exercitium in sanitate requiritur.

Neque hoc adhuc sufficit, sed debent semper paulò majorem vim posse sustinere. Si enim solida illa ultima haberent tantum talem cohæsiōem, quæ placidum fluidorum per vasa motum in sanitate posset sustinere, non ultra, solveretur statim, ubi aucta circulatio majori momento motùs pelleret liquida per vasa. Sed à levibus adeo, nec ullâ prudentiâ humanâ evitandis causis augetur circulationis velocitas! Audito subito fragore mox cor palpitât celerrimè, omnes arteriæ pulsant velociùs: risus, tussis, sternutatio quantum accelerant sanguinis motum!

In morbis aliquando apparuit, quàm misera sit conditio hominis habentis fibras solidas tam debiles, ut tantum pacatissimo motui sustinendo pares sint.

Qui debili nimis pulmone sanguinem ruptâ arteriolâ expuunt, si quiescant, per venæsectionem minuantur distendentis vasa sanguinis quantitas, nil in victu famant, quod movere vel irritare potest, satis commode vivunt; si valida tussis miseros corripit, vel imprudenter clament, animi affectu valido agitentur, &c, tenera nimis pulmonis vasa, aucto sic impetu transmissi sanguinis, rumpuntur, & undatim profuso sanguine sæpe subito pereunt.

§. 25. *HANC* (24.) antecedunt: 1. impedita ingestorum assimilatio in naturam liquidi vitalis sani; quæ debetur jacturæ nimis humoris boni, & inertie virium solidorum in liquida; vel alimentis magis tenacibus suâ indole, quàm virium permutantium in corpore virtus est.

C liij

2. Debilis nimium applicatio partis unius (21.) ad aliam; quæ oritur à nimis debili motu liquorum, isque ut plurimum à defectu motus muscularum. 3. Nimia distractio fibræ rupturæ proxima.

1. Certissimum est, quod constemus illis, quibus nutrimur; sed materies, quæ nutrit, præparetur in corpore, ut nutriat: hinc ingesta sola ad hanc rem non sufficiunt, ut in §. 1, explicatione jam notatum est; sed requiritur actionum naturalium integritas, ut fiat illa assimilatio ingestorum in naturam nostram, & restituantur illa, quæ vitæ actuositas abstulit. Dum conelamatis phthieis vel optima ingerunt alimenta, Medici mirantur non proficere, sed deficit in illis illa assimilans virtus, sine qua nulla perfici poterit nutritio. Merito igitur damnavit *Galenus* (a) ad hoc non attendentes Medicos, *nemine quidem methodicos, opere verò ab omni methodo alienos* (*ἀμεθόδους, σινὸν & κατὰ νόμον, ἀλλ' ἀπὸ παντὸς μεθόδου ἀλλοτρίους*) *nutrimenta infundentes.*

QUÆ DEBETUR JACTURÆ NIMIÆ HUMORIS BONI. Dum consideramus illa, quæ accidunt crudis ingestis, antequam in nostros humores convertuntur, videmus, quod incredibili copia liquidorum humanorum illis admisceatur. Inter manducandum saliva & mucus oris, linguae, palati, faucium, &c; in ventriculo succus gastricus, inde exeuntibus utraque bilis, ingentis pancreatici latex; in omni intestinorum puncto novi admiscuntur jam per fabricam corporis elaborati humores: subtilissimis fistulis lacteis receptus chylus lymphæ copiam ingenti diluitur, in ductu thoracico totius ferè corporis lymphâ reduce perfunditur, ex hoc tandem guttatim in subclaviam venam deductus chylus integro sanguinis torrente abreptus absorbetur: hinc merito concludere licet, inter præcipuas assimilationis causas esse numerandam illam miscelam pauci crudi ingesti cum tanta copia humorum coëtorum.

Pulchre hanc rem confirmant Experimenta: dum robustissimis militibus per vulnera ferè omnis exhaustus fuit sanguis, alimenta avidè quamvis ingesta non tubigunt & mutant in bonum sanguinem, sed hydropè sepulti languent, debilitatâ totius corporis compage.

Quantus manet languor & quam diu, in foeminis per abortum maximâ copiam sanguinis orbatis!

Omnes aliæ evacuationes nimiae per alvum, urinam, sudorem, &c, idem efficiunt.

INERTIÆ VIRIUM SOLIDORUM IN LIQUIDA. Dum chylus recens sanguini ingestus arteriarum pulmonis & totius corporis efficaciam per aliquod tempus perpeffus est, jam lactis indolem habet, lac autem jam propius ad naturam nostram accedit quam chylus, post longius spatium, ut *Lowerus* (b) docuit, seri jam indolem habet; sed toto hoc tempore vasorum in fluida actionem expertus est, quæ est ille renixus, quo vasa nostra distendens fluidum reprimunt. Quo ergo hæc vasa firmiora sunt, (modò non nimis rigida cedere possint liquidis impulsis) eo plùs agunt, & eo citior & melior fit subactio ingestorum in naturam nostram.

Dum debilis, languidâ chlorosi torpet puella, ingerit nutrimenta quidem, sed non inde perficit bonum sanguinem, sed lac quasi tantum; unde tota pallet, imò imprudenter scitâ venâ in tali casu vidi sanguinem exivisse album. Si in his vires paulò plùs valent, plùs mutantur ingesta, non tamen perficiuntur integre, tunc oritur co-

(a) De ratione vitæ in morbis acutis ex Tom. XI. pag. 189.

Hippocratis sententia, Cap. 19. Charter. (b) De Cordè, pag. 239.



lor flavesceat, viridescens: deficit enim in his solidarum partium actio in fluida; tument, implentur crudis, sed non fit bona nutritio.

Per ferrum ingestum, & corporis exercitia augeatur in hac puella vis firmarum partium in fluida contenta, incipit tumens subsidere facies, amœno roseo colore genæ & labia perfunduntur, redit debitus vigor toti corpori.

VEL ALIMENTIS MAGIS TENACIBUS, &c. Admissio maximæ copię humorum coctorum ad pauculum crudi chyli, & actio solidarum partium in contenta fluida, erant bini illi modi, quibus conspirantibus crudum ingestum in nostram convertitur substantiam. Sed, quamvis hæc actiones adeo efficaces sint, ut ex tot & tam variis ingestis ultimo fuso effectu conficiant sanguinem humanum, tamen requiritur in alimentis talis dispositio, ut per has vires permutantes nostri corporis possint superari (a); ipsa enim concoctio est in coquentis substantiam (vitar) deductio quædam ejus, quod concoquitur; corpore igitur secundum naturam habente, quando & concoquendum familiarem habuerit naturam respectu coquentis, mutatio & alteratio totius substantiæ coquendi fit, aut maximæ ejus partis, paucissimo nobis immorante semicocto.

Dum in urbibus obsessis fame pressi coguntur obvia quævis devorare, languent, debilitantur omnes. Cùm (b) propter annonæ penuriam pane & libis ex semine lini coctis vescerentur Middelburgi in Zelandia, distenta his valde citò hypochondria fuerunt, & facies aliæque partes tumidæ factæ, quorum non pauci sic affecti etiam moriui sunt.

Non poterat indomabile gluten feminis lini in bonum nutrimentum converti.

Cùm depravato appetitu arenam, calcem, lanam, & plurima alia absurda devorant puellæ, quàm debiles, quàm pallidæ sunt!

Proportionalis ergo debet esse ingestorum tenacitas viribus assimilantibus, vel non reficitur inde corpus, sed gravatur. Dum teneris infantibus de plebe homines, ex farinosis non fermentatis pultes, solani esculenti tubera, &c, ingerunt, tumet miseris abdomen immaniter, decrescit reliquum corpus.

Hæc probè cognoscens Hippocrates jussit (c) ut, dum morbus in vigore fuerit, tenuissimo uterentur victu; oppressa enim tunc vi morbi natura impar est validioribus alimentis immutandis, & ex hoc fonte plures saluberrimas in victu regulas deduxit alibi.

2. Dum sanissimus homo suffocatur sub aquis, habet omnia solida & fluida ac antè, nulla tamen fit assimilatio, nulla restituitur fibra, deficit enim vis vitæ movens, distribuens, applicans: licèt enim ingerantur in corpus talia, in quibus sunt elementa fibris restituendis idonea, nisi per vim vitæ applicentur, firmentur, nulla fit nutritio.

In illis morbis, in quibus vitalis humorum circuitus languet, licèt optima dedereis nutrimenta, nil proficis; potes hæc corpora replere ut tumeant, graventur, imò suffocentur ferè; bene nutrire non poteris; docent hydropici.

Circulationis jam velocitas imminuta, est causa præcipua, cur non fiat debita applicatio elementorum ad fibræ nutriendam.

In corde autem videtur origo & fons vitalis motus hære, per quem motum expulso ex thalamis cordis sanguine, dilatantur arteriæ omnes, quæ postea contractæ motum impulsu sanguinis continuant.

(a) Galen. Comment. 1, in Epidem. 1 Char-  
ter. Tom. IX. pag. 55.

(b) Dodonzi Scip. Hist. pag. 534.

(c) Aphor. 8. Sect. 1.

Sed inter causas, quæ cordis motum faciunt, præcipua fortè est venosi sanguinis influxus in cava cordis: diu enim post mortem protruso sanguine venoso versùs cordis thalamum dextrum, redit cordis motus, ut certissima docuerunt Experimenta: verùm turgentes muscoli dum agunt, comprimunt adjacentes venas, sic venosi sanguinis motum versùs cor accelerant, hinc cor irritatum citiùs contrahitur, hinc celerior sanguinis circuitus.

Hanc rem confirmant certissima Experimenta: dum bini iisdem parentibus orti fratres vario utuntur vitæ genere, dum unus Sapientiz studia excolens sedentariam degit vitam, alter venatu, equitatione, bellicis laboribus corpus firmat, quanta in corporis robore est differentia! Prior debilis puellæ instar labili valetudine fruitur, alter firmato per labores corpore, Herculeo ferè robore gaudet.

Validis cursibus quotidie assuetus equus quiescat in stabulis opimâ brevî pinguedine turget, sed simul longè debilior fiet, solitis laboribus impar omnino.

*Orium humefcat & corpus reddit debile, labor ficeat, & corpus robustum efficit (a).*

3. Nil magis docet impossibilitatem explicandi per principia Mechanica singularium corporum naturam, quàm cohæsió, mira illa corporum proprietas: cohærent partes ferri inter se, illud ferrum ducitur in tenue filum instrumentis musicis applicandum, circumducto vertibulo illud filum fit longius; fit tenuius, pauciores particulæ se mutuo tangunt, tandem ulteriùs distractum rumpitur, & extrema rupta, licet sibi mutuo applicata, cohærebunt nunquam: hinc cohæsió potest sensim per gradus ita minui, ut tandem fiat nulla, & circa momentum rupturæ vix cohærent ampliùs; vel saltem sic tantùm cohærent, ut levissimâ vi accedente disrumpantur: idem in fibris nostris solidis obtinet.

Dum invitis maleficis per tormenta veritatem exprimunt, solent suspensis applicare ad pollices pedum pondera sensim aucta; hæc tormenta passi per plures dies vix possunt membra movere, ferè paralytici à sola distensione.

Numquid distenta nimis per diu retentam urinam vesica omnem se contrahendi vim amittit? Distenti abdominis in gravida muliere cutis & panniculus adiposus, excusso quamvis distendente fœtu, totâ vitâ flaccida & rugosa manent.

§. 26. **P**RODUCIT autem facilem vasculorum ex his (24.) conflatorum extensionem, rupturam, in sua liquida contenta inertiam; unde tumores ab distendentibus, putrefactiones ab stagnantibus vel extravasatis liquidis, tum ea, quæ ex binis hisce sequuntur, infinita.

Res hæc evidenter patet, si supponatur, corpus humanum perfectè sanum statim fieri nimis debile in omnibus fibris solidis: omnia vasa nostra constant fibris inter se inflexis & intricatis, hinc vasorum omnium robur pendet à robore harum fibrarum: sed major aut minor cuiusque vasis capacitas mensuratur ratione compositâ ex ratione directâ imperiis liquidis impulsis, & ratione inversâ resistentiæ laterum; cùm ergo, debilitatis fibris constituentibus latera vasorum, minuatur resistentia laterum, impetu interim liquidi impulsu manente eodem, necessariò distendentur vasa.

(a) Hipp. de Victus ratione Sanorum, Lib. II. Cap. x. Charter. Tom. VI. pag. 474.

Si pars corporis, pes, v. gr; exponatur vaporī tepidæ aquæ, quo nil plūs debilitat, tumebit paulò pòst & fiet œdematosus.

Dum pergit causa eadem fibras debilitare, à minima vi fiet cohesio nulla, id est, ruptura, uti toties docuerunt tristia exempla, dum tenelli homines tam faciliè à ruffi, cantu, clamore, &c, habuerunt ruptam in pulmōne arteriam.

IN SUA LIQUIDA CONTENTA INERTIAM. Distenta ab impulso liquido vasa arteriosa suarum fibrarum efficaciam reprimunt fluida: dum nituntur minuere fibræ capacitatem vasis, quod constituunt, liquida contenta premunt, compingunt, mutant: & ab his binis omnia in corpore pendent; dum ergo minuitur fibrarum robur, faciliè patet, quòd vasa ex his conflata minùs agent in fluida contenta.

TUMORES AB DISTENDENTIBUS. Ratio dicta fuit. Observata certissima rem demonstrant. Dum incipit languida chlorosi debilitari tenera virgo, mox incipiunt laxissima illa sub palpebris loca (*ὠκυρτα ὑποπλάγνια* dixerunt veteres Græci) tumere, dein tota facies turgida, alba, apparet; & dum quotidie increfcit humorum moles movenda, non aucta causâ motrice, tota incipit tumere in omnibus ferè partibus: sic & in primo initio cacochymie leucophlegmaticæ lætantur sæpe homines, dum credunt se bene valere & pinguescere: dum per multos dies aer nebulosus est, corpora omnium hominum apparent inflata, quia partes externæ sic quasi in perpetuo ponuntur balneo, unde labefactatæ cedunt liquidis distendentibus.

PUTREFACTIONES, &c. Quamdiu æquabili motu per vasa circumducuntur humores, nulla nascitur in corpore putredo, omne illud, quod inciperet disponi ad putredinem, solitis corporis viis eliminatur: sed dum debilitata solida non possunt propellere distendentia fluida, sit stagnatio, & in calore aeris communis omnia liquida humana (si fortè pingua exceperis) sibi relicta putrescunt solo lacte excepto, (quod nondum omnes dotes humani liquidi acquisivit), hinc longè plūs in calore corporis nostri, qui semper aeris communis calorem superat: idem verum est, dum rupta ob nimiam teneritudinem vasa suos effundunt humores.

Si jam hæc applicentur variis partibus humani corporis, apparebit, ex simplici hac causa oriri posse infinita & gravissima mala.

Dum tener nimis pulmo impetum sanguinis corde expulsi ferre nequit, ruptis vasibus hæmoptoe, & toties inde immedicabilis phthisis.

Dum cerebri vasa debilitata vel distenduntur nimis, vel rupta effundunt suos humores, omnes morbi functionum animalium à levissima vertigine ad lethalem apoplexiam usque oriri possunt. Idem in aliis visceribus verum est, hæc pro exemplo sufficiunt.

§. 27. **E**X hisce (24. 25. 26.) præsens, futura, præteritave noscitur: effectus prævidetur; & curationis requisita perspicuntur.

Qui jam bene intellexit omnia antè dicta, de natura fibræ simplicis nimis debilis, de illis, quæ antecedunt hanc debilitatem, de phænomenis, quæ hoc docent, & de effectibus, quæ sequuntur; poterit faciliè definire, an adsit nimia fibrarum debilitas: hæc vocatur *diagnosis* in Medicina, sive evidens cognitio morbi præsentis distinctissimi ab omni alio, & denotat morbi naturam individuum: hæc *diagnosis*

Tomus I.

D

FUNDACIÓN  
SIMARRO  
BIBLIOTECA  
MADRID

habetur, si novimus præcēssisse tales causas Physicas, quæ semper antea hunc morbum fecisse deprehensæ sunt. Si v. gr; homo à propria temperie jam debilis, balneis aquosis, potibus similibus tepidis frequenter usus inerti otio torpuit, tunc novi præcēssisse tales causas, quæ fibræ debilem faciunt, hoc primum est diagnosis fundamentum. Alterum diagnosis fundamentum est cognitio morbi in sua natura & effectibus præsentibus, quæ si sensibus patent, per illos observantur; sed morbi recti natura cognoscitur, quando cognoscuntur effectus facti ab hoc morbo ut causâ, unde qui novit effectus fibræ debilis, poterit detegere, an adsit, vel non.

**PROGNOSIS** autem significat, cognoscere aliquid, antequam fiat, unde est cognitio, nata in mente Medici, morbi alicujus certò futuri, qui nondum est: cognoscitur morbus futurus ex causis cognitis talibus, ut nondum faciant morbum, sed quæ majores factæ, vel aliis unitæ faciunt morbum: v. gr; si noverit Medicus temperiem hominis vergere ad hæmoptoem, monebit hunc morbum ipsi metuendum esse, licet nunquam antea laboraverit; jubebit, ut caveat ne aromata vel vinum copiosè ingerat, abstineat à clamore, cantu, &c: nam prognosin non habetur ex eo, quòd cognoscamus causam completam morbi in ægro, tunc enim jam adesset morbus, sed quòd cognoscatur causa quædam Physica, prædisponens ad morbum cognitum ut pars causæ totalis, & quòd prævideat Medicus, alteram causam accessuram, quæ priorem illam prædisponentem faciet completam. Dum pleuritide decumbit æger, & à Medico petitur prognosin, & ille videt, non esse pessimam, nec tamē resolvī per naturam, nec ullâ criticâ evacuatione vel metastasi causam morbi materialem eductam fuisse, nec idonea adhibita fuisse Medicamenta, tunc prædicet, quòd pleuritide illa suppurabitur: hæc prædictio non pendeat à pleuritide præsentē, sed juncta talibus causis, quæ faciunt inflammationem in suppurationem tendere.

Sic evidenter intelligitur, quid sit diagnosis, quid sit prognosin.

Si jam observatæ fuerint illæ mutationes, quas morbus, per diagnosis cognitus; fecit in corpore sanò priùs, possum ex his mutationibus visis in ægro concludere, morbum adfuisse; hæc vocatur *diagnosis*, *recordatio*.

**CURATIONIS REQUISITA.** Hoc jam est magnum illud Artis molimen: curare enim est, corporis præsentem conditionem Physicam, unde morbus fit, sic permutare, ut salvâ vitâ redeat integritas læsarum functionum.

Postquam enim diagnosis docuit morbi nomen, ejus statum varium incrementi; &c, partem affectam, & materiem peccantem in parte affectâ; & prognosin demonstraverit, quænam speranda, quænam metuendâ sint; tunc ex his omnibus concluditur, quænam sint agenda: hæc vocantur *Indicata*, & scientia sic nata in mente Medici vocatur *Indicatio*.

Semper hic primò consideramus, an morbus naturæ sit committendus, an verbò Ars aliquid addere debeat: vivit enim æger, & per vitæ superfluitis effectus multa sient, quæ nondum sunt; si hæc mutatio à vitâ superfluitate facta talis est, ut per certâ Observatâ constiterit, illam posse causam morbi sic mutare, ut redeat sanitas, nihil agendum est. V. gr; si pleuritide primo morbi stadio tussi rejicit mucosam flavam materiem cum strigementis sanguineis, cum levamine omnium symptomatum, ex fide Veterum Observatis novimus, quòd si possit hæc expectoratio sustineri, intra paucos dies sanabitur æger: hinc nec venæsectionibus, nec aliis remediis turbabimus salutare hoc naturæ molimen, sed dabimus tantum mollissima decocta, quæ hanc expurgationem sustinere possunt: sed si v. gr; in pleuritide

videmus febrim magnam, calorem urentem, tussim siccam linguæ siccitatem, nec ulla observantur signa, quæ docent, naturam affectare aliquam metastasin salutarem, tunc novimus, quodd si pergant in hoc corpore agere illa, quæ nunc agunt, sequentur vel lethalis gangræna, vel, si mitior fuerit morbi indoles, suppuratio semper bona, ubi materies suppurata poterit extrorsum educi, sed hic magnum inflat periculum, ne pus factum in cavum thoracis decidat, & funesto empyemate ægrum necet: hinc tunc concludimus, hinc non esse sibi relinquendam naturam, sed validis Artis auxiliis mutandum esse sic morbum, ut non fiat suppuratio vel gangræna: hæc autem auxilia ex cognita morbi indole & causis prægressis patebunt.

§. 28. **H**ÆC enim obtinetur: 1. nutrimento, in quo materies (21.) abundet, quodque jam ferè ita præparatum sit, ac in corpore sano & forti fit. Lac, ova, jura carniū, decocta panis bene fermentati, vina austera, primaria sunt. Quæ parvâ copiâ sæpe repetitâ sumenda. 2. Aucto motu solidi & fluidi per frictions, unctiones in equo, rhedâ, navi, ambulationes, cursus, exercitia corporis. 3. Leni compressione vasorum, liquidorumque repulsi. 4. Medicamentis acido austerris, aut & spirituosius fermentatis, prudenter, lenitèrque usurpatis. 5. Omni modo, quo nimia distractio tollitur.

In hoc casu ponitur nullum vitium in toto corpore, nisi sola debilitas fibrarum, hinc ille morbus jam abstractè sumitur: non possumus facillè curare fibræ præsentem nimis debilem, ut fiat requisitæ ad sanitatem rigiditatis, sed futuræ ex lege corporis fibræ possumus talia suppeditare elementa, ex quibus per vires vitæ fiet fibra satis fortis.

Prima causa debilitatis nimis fibrarum recensebatur impedita assimilatio crudi assumpti in ultimum illud coctum, quod est materies omnium subtilissima, per minima vasa delata: sed ut fibræ fiant satis fortes, debet adesse materies debita illis apponenda; sed hæc est illa, quæ omnium viscerum & vasorum actiones passa juxta sani corporis legem ultimæ elaborationis perfectionem adepta est: sed dum fibræ nimis debiles supponuntur, & omnium vasorum in fluida contenta actio à debito fibrarum robore pendeat, omnes functiones permutantes crudum ingestum in nostram naturam erunt minus efficaces, hinc in tali corpore per vires proprias non potest præparari ultima illa materia, quæ nutrimento intervrit: mirantur hinc sæpe Medici cur optimæ carnes debilitati homini ingestæ non nutrant, sed hæc tantum præbent materiem remotam, unde vitæ actiones nutrimentum faciant, & his functionibus læsis frustra dantur optimi cibi.

Dum in utero materno hæret tenellus embryo, matris viribus præparati humores illum nutriunt, debile enim corpusculum non valeret ex aliis minus assimilatis sum facere nutrimentum; recens nato lac materno in corpore præparatos humores infundit: sic naturæ modum imitata Ars Medica debilibus talibus corporibus ingerit jam præparata in corpore sani animalis nutrimenta: inter illa præcipuum est,

LAC. Proprio lacte omnis homo nutritur, & ex eo solo omnia reliqua solida & fluida vi suæ vitæ perficit; est enim in viris æquè ac foeminis semper præsens, licet nunquam pepererint, nunquam nutrices fuerint: ex sexagenario sene, solâ suctione

lac eductum narratur (a), & ex mammis mulieris non prægnantis (b); est enim chylus, cordis, pulmonis, arteriarum actiones passus, omnibus humoribus, mistus, mammarum mirabili fabricâ inde separatus.

Omnium jam optimum lac & humanum ad hos usus, utpote naturæ nostræ maximè analogum, hinc semper præferendum lacti aliorum animalium: lac illud debet esse fœminæ sanæ, quæ salubri motu corpus exercet, & victu laudabili utitur, & integro ætatis flore viget; omnium optimum, si quatuor vel quinque post partum horis ducantur ubera, tunc enim chylus in lac coctum jam mutatus est, & alimentorum indole depositâ, incepit humanam induere naturam; ingens enim est differentia, prout lac vario post ultimum partum tempore ducitur. Quod statim post ingestos cibos & potus in mammis colligitur, crude est, & multum de ingestorum indole retinet: quod duodecim ab ultimo partu horis ducitur, jam tenue, subflavescent, fœtorem suburnosum ferè instar feri sanguinis habet; intermedio hinc tempore optimum lac est.

Sed & aliud maximè notandum hic est; omnia animalia, quæ lacte materno utuntur, illud ducunt de uberibus, nunquam aeri exponitur lac, sed omnibus suis partibus subtilissimis dives teneris præbetur animalibus: videntur enim lacti inesse subtilissimi spiritus, ultimâ concoctione in sano corpore elaborati; docent hoc tot nervi concurrentes ad chyli & lactis officinas, subtilissimus ros exhalans ex lacte recens multo adhuc calido, miræ mutationes observatæ in tenellis infantibus à lacte assumpto: vidi sic infantem, qui irâ furentis nutricis ubera duxerat, mox fuisse convulsam, licet sanissimus fuisset antè.

Sed jam ab omni ævo corpora interitura præ debilitate conati fuerunt Medici refocillare, dum subtilissima illa exhalantia de valido juvenili corpore insinuabant debilissimis corporibus sub iisdem stragulis decumbentibus.

Sic *Davidis* effortum senectute corpus fovebatur sanissimæ puellæ in eodem lectulo decubitu (c); si ergo lac jam penitus frigidatum, vel postea igni admotum iterum exhibeatur, jam subtilissimum illud, quod præ cæteris requirebatur, abest.

Dixit hinc *Galenus* (d), *Veteres* verò etiam mulierem lactantem illis, qui phthoe consumerentur, adstare voluerunt, quorum sententiæ ipse quoque accedo, & quòd familiare id sit, & quòd priusquam ab ambiente aere refrigeretur, id sumi voluerint.

Et alibi (e) postquam similia præfatus fuerat, lac comparat: *femini genitali*, quod nec ipsum aliquamdiu extra propria vasa, si modò suam virtutem servabit, morari patitur, sed vel in maris partibus contineri, vel fœminæ partes tangere debet: & sanè optimum lac est, si quis ex ipsis mammillis extraxerit, &c. Postea ridens quorundam morositatem, addit: quod cum exhiberi sibi, ceu pueris, plerique recusent; utique ceu asinis ipsis dare asinum convenit.

Confirmaverunt jam hanc rem Observata plurima. *Cypriacii* nobilissimæ gentis unicuique hæredem servavit, dum inter binas florentis ætatis decumbentem nutrices ubera illarum ducere iussit.

Juvenis marasmo verò correptus Bononiæ, juvenulæ nutricis pulcherrimæ ubera ducebat, & in eodem cum illa lecto dormiebat, unde sic instaurabatur exsuccum

(a) Miscell. Cur. Dec. II. An. 5. pag. 60. Appendix.

(b) Miscell. Cur. Dec. I. An. 3. pag. 12.

(c) Regum, Lib. III, Cap. 1.

(d) Method. Med. Lib. V. Cap. XII. Charter. Tom. X. pag. 123.

(e) Method. Medend. Lib. VII. Cap. VII. Charter. Tom. X. pag. 160.

corpufculum, ut metuerent, ne intempeſtivâ venere perderet renaſcentes ex lactis uſu vires (a).

Deſectum lactis humani proximè ſupplet aſininum, poſt caprinum, dein vaccinum.

Ova, quæ fragili ſub teſta tot miracula recondunt, & per immortalis *Malpighii* Obſervationes tantam lucem animalium generationi aſſuſerunt, ad hunc uſum pariter adhibentur.

Albumen ovi, ſero ſanguinis humani plurimis dotibus conveniens, habet in ſe materiam, quæ calore incubatûs mutata intra viginti & unum dies, in ſacculo colloquanti latens, vitale ſtamen pulli in tantam molem facit excreſcere, vitellus enim non conſumitur, ſolum albumen videtur nutrimento pulli in ovo ſervire.

Hinc optimum in ſe nutrimentum habere merito affirmatur: dixit *Hippocrates* (b) *volucrum ova validum quid & nutriens & inflans habent: validum quidem, quia animalis generatio eſt; nutriens, quia lac eſt pulli; inflans, quia ex parva mole in multum diſſunduntur.*

Albumen ovi hinc præcipuè commendatur ad nutriendos debiles homines, ſed dilutum aquâ, ut tenacitatem amittat, & levi aromate conditum, ne nimis ſatuo ſapore diſpliceat; tepidâ autem aquâ dilui debet, ſervidæ enim aquæ calore coagulatur in ſciſſilem maſſam, diſſicillimæ digeſtionis.

Multùm tamen deficit à lactis uſu, albuminis enim ovi liquor, antequam nutrit pullum, ejus vaſorum & viſcerum actionem experiri debet, cùm in lacte jam adſint humores ſubtiliſſimi animali fabricâ præparati.

Vitellus autem, licet nutrimento optimum det, requirit firmiorem viſcerum ſabricam, nam, ut *Harvæus* (c) poſt *Ariſtotelem* pulchre notaverat, pullus primis ab excluſione diebus vitello, intra ſuum abdomen concluſo, pro nutrimento utitur; albumen autem conſumitur illo tempore, quo pullus ex inviſibili molecula in ovo ad debitam magnitudinem creſcit, hinc videtur faciliùs in nutrimentum converti poſſe quàm vitellus.

Videtur ergo *Galenus* locutus fuiſſe (d) de ovis coctis, non de crudis, ubi debilibus vitellos commendat præcipuè, quia albumen difficile concoquitur (*Νευντορ γάρ τὸ λευκόν*); uti clarè patet, dum in alio loco de ovis ſorbilibus loquens ſimilia dicit (e).

**JURA CARNIUM.** Inprimis ſi animalia, quorum carnes juſculis parandis adhibentur, viginti quatuor ante mortem horis jejuna manſerint, tunc enim omnes crudi humores per fabricam animaleſ mutati ſunt in debitam indolem: carnes maſtatorum animalium ſucculentæ penitus ſunt, ſanguis tantùm rober, pro maxima parte eduſtus fuit, reliqui omnes adſunt humores, qui inter coquendum aquæ miſti debilibus corporibus præbent materiam in ſani animalis corpore jam elaboratam; ſed inter coquendum pars ſubtiliſſima avolat, quæ retineri poſſet, ſi in machina *Papiniana* coquerentur; ſed decocta ſic parata ſaponaceum, nauſeoſum ſatis ſaporem habent, dum pingue carnis ſemper adhærens ignis & aquæ valiſſimâ actione in vaſe exactiſſimè claſſo ſic attenuatur, ut aquæ intimè miſceatur; præterea nimis me-

(a) *Foreſti*, Obſerv. Tom. I. Lib. IV. p. 151.

(b) De ratione victûs ſanorum Lib. II. Cap. v. Charter. Tom. VI. pag. 469.

(c) *Harvæi Exercitat. de generatione Animal*, pag. 25.

(d) *Method. Medend. Lib. XII. Cap. vii. Charter. Tom. X. pag. 285.*

(e) *Method. Medendi ad Glaucon. Lib. I. Cap. x. Charter. Tom. X. pag. 355.*

raca sunt hæc jufcula, & dilutione indigent; hinc in vasis vulgaribus, quantum fieri poteft, altis & claufis diuturnâ coctione omne folubile ex carnibus educi poteft, fic ut meræ folidæ fibræ mufculofæ fuperfint, jufcula hæc dein refrigerata pingue fupernatans, in frigore plerumque concrefcens, habent, quod follicitè auferendum, ne debilius ventriculū offendat, citò rancefcens hoc oleum.

Magnus tamen error foret credere, eò meliora effe in hos ufus jura carnum, quò meraciore; *confummata* enim dicta indomabili tenacitate debilem ventriculū potiùs gravant, hinc moderata requiritur dilutio.

Sic tamen decoquendo in vasis vulgaribus multum perit de fubtiliffima parte, docet gratus & reficiens halitus ex vasis non bene claufis tranfpirans, dum carnes decoquuntur.

An ideo ferociffima funt illa animalia, quæ vivas carnes laceratas devorant? Certè canes crudas carnes vorantes ferociffimi evadunt.

Solent præferri ad jufcula carnes ex genere gallinaceo, vitulina dein, poft ovilla, bubula denique (a). Si negligitur fubtiliffimum illud pro maxima parte exhalans in vulgari coctione, reliquum quod nutrit hæret in parte illa gelatinofa, quam infpiffata jufcula exhibent. Experimenta tunc docuerunt, quòd vitulina caro plùs habeat de illa parte gelatinofa quàm bubula, ovilla caro adhuc parum plùs quàm vitulina, pulli carnes minùs dant, galli veteris carnes duplum ferè refpectu carnis vitulinæ (b). In loco citato tabula habetur variam in diverfis carnibus proportionem exhibens.

Ex vitulina, ovilla, bubula & gallinacei generis carne permiftis optima & fapidiffima habentur jufcula, inprimis fi his pofttea pauculū fucci citri vel aurantium adfpergatur, ut nimia in putredinem proclivitas tollatur.

**DECOCTA PANIS BENE FERMENTATI.** Magni ufus apud illas gentes, quæ calidiffimis regionibus viventes ftricta & macilenta corpora habent, in quibus in morbis acutis ftatim omnia in summam vergunt putredinem. Requiritur ut per fermentationem nimia frumentorum glutinofitas frangatur, ne noceat, tunc decocta inde facta feri lactis fpiffitudinem ferè habentia optimè profunt, meraciore lactis cremorem ferè æquantia minùs facilè digeruntur: tali decocto poftunt grata aromata, vini pauculū addi, fic magis reficiunt.

Notandum tamen, quòd hæc ex pane præparata decocta tantum eò ufque perfici poftint, ut chylo fimillima fiant, quatenus chylus ex ingeftis conftat, non quatenus admiffus humoribus humanis conficitur; hinc femper de vegetabili natura participant: fed ut ex chylo fiat liquidum humanum, requiritur pulmonis inprimis, uti & reliquorum vifcerum & vaforum actio: hinc in phthificis & omnibus aliis, quibus debiles nimis pulmones funt, in folo ferè lactis ufu falutis fpes poftita eft: ideo panis decocta longè magis remotam ab ultima perfectione nutrimenti materiam habent, quàm lac.

**VINA AUSTERA** In vinis omnibus mirus ille ineft, & naturæ humanæ gratiffimus ftimulus, omnia excitans, omnia calefaciens: dum modicâ copiâ ab homine non admodum affueto fumuntur, oritur promptitudo omnium fenfum, fumma in omnibus membris agilitas, incredibilis lætitia; dum meditationibus exhaustus Philofophus pauculū vini forbet, mox inde reficitur, & redit menti pacata illa ferenitas, & novus quafi vigor. Petulca illa vina, ut Campanum, &c, hoc habent, fed citò eva-

(a) Herm. Boerh. Mater. Med. pag. 2. (b) Acad. des Scienc. An. 1730. Mém. p. 314. & fuiv



niqum; austerâ vinâ firmius quasi hærens illud spirituosum magis durabili actione corpori applicant, & simul adstringente vi debiles fibras plùs roborant, hinc in hoc casu præteruntur: omnium optimo successu exhibentur, dum panem biscoctum his vinis madidum deglutiant omni trihorio, sic non tam citò dilabitur vini virtus, & novam quasi vitam flaccidis primis viis inspirat. In pane & vino robur & virtus est (a).

PARVA COPIA, &c. Sæpissime hic peccatur, dum volentes rescicere debilia hæc corpuscula, nimîâ copiâ simul ingestâ obruunt. Quantæ sunt angustie, dum phthisici plusculum, licet optimi nutrimenti, ingerentes novo chylo debilem pulmonem gravant nimis! Sapiens naturæ institutum iussit, ut debiles infantes sæpius, sed parçiori copiâ lac maternum fumescent: nisi hoc observetur, reliqua omnia, utilissima quamvis, proderunt nihil.

2. Inter causas debilitatis nimæ fibrarum debilis nimis applicatio partium ad se mutuò numerabatur; hæc tollitur, dum solida fortius agunt in fluida contenta, à solidorum enim in fluida actione & reactione mutuâ, omnia in corpore pendent. Hæc autem actio & reactio instauratur.

FRICTIONE, quæ est alterna quasi pressio & relaxatio partium corporis: levis frictio solas venas premit, validior & arterias: premendo venas per frictionem acceleratur sanguinis venosi motus cor versùs, hinc cordis excitatur motus, ergo velocior fit propulsio per omnia vasa; potest ideo vis vitalis per friciones augeri, nullo alieno intra corpus introducto, ad quemvis gradum: potest enim per friciones frigidissimo hydropico calida excitari febris: in illis corporibus, ubi præ inertia nullum ferè ex chylopoieticis visceribus suoungebatur munere, friciones jejuno homini per totum abdomen factæ pannis asperis laneis dederunt mirabiles effectus. Hinc Veteres & ad tuendam sanitatem & ad curandos multos morbos tantî fecerunt friciones.

Dum in stabulis equus relinquitur neglectâ cutis sordidæ depuratione, intra paucos dies fit ad omnia inutilis; dum ferreo pectine quotidie cutis raditur, perfricatur, agilis manet per multos annos.

Nec minùs quotidie corpora pecudum quàm hominum defricanda sunt: ac sæpe plùs prodest pressâ manu subegisse terga, quàm si largissimè cibos præbeas: sic monuit Columella (b).

Frictiones autem variz erant, & oppositis sæpe serviebant usibus; hinc Hippocrates, dixit (c) frictio potest solvere, ligare, carne implere, minuire; dura, ligare; mollis, solvere; multa, minuire; moderata, carne implere. Dum enim cum oleosis mollibus perfricatur pars, laxior fit.

In fibra autem debili curanda frictio pannis laneis asperis calidis, inprimis penetratis fumo accensi succini, massiches, &c., ut simul hoc aromaticum, roborans thymiami laxis se insinuet partibus, maximè prodest; sed sensim hic progrediendum, nec statim validissimis utendum frictionibus, ne stagnantia multa in distentis nimis vasis, nimîâ copiâ cor versùs pressa; illud obruant & suffocent, vel tenera nimis adhuc vasa aucto imprudenter motu frangantur.

VECTIONES IN EQUO. Omni momento tunc viscera abdominalia; imò & thoracica, pendula concutuntur, sibi invicem leniter quasi affricantur, in-

(a) Homerus Iliad. Lib. IX. Vers. 702.

(b) De Re Rustica, Lib. VI, Cap. 30. p. 597.

(c) De Medici Officin. Charter. Tom. XII. pag. 54.

terim aer purus majori impetu in pulmones agit, omnibus his simul conspirantibus incredibiles fiunt mutationes: notandum, debilem hominem non debere equitare pleno ventriculo, sed ante prandium, vel post digestionem serè peractam, distento enim ventriculo non sine molestia hos concussus equi, ferunt debiles homines, jam serè vacuis primis viis residuæ fæces hoc concussu eliminantur.

Tanti fecit equitationem Sydenhamus (a), ut non tantum leuiores mala, sed tabem tantum non conelamatam, ubi jam nocturnis sudoribus funesta adeo phthificis diarrhoea accesserat, se curare posse confidat solâ equitatione, nec magis efficacem credidit Mercurii in lue venerea, vel corticis Peruviani in febribus intermittentibus usum, quàm equitationis in curanda phthisi.

Sed sensim auctis equitationis vehementiâ & tempore, non subito & semel validissimâ equitatione defatigandum monet, & pulchra ibidem curationum exempla adducit.

Deinde addit, quod licet equo vehi phthificis præcipuè conferat, tamen & itinera curru facta mirandos sanè effectus ediderint.

Hinc tam debiles, ut se sustinere non possent equo insidentes, rhedâ vehantur, donec plûs firmato corpore equitationem ferre possint. Ab omni tempore hominum debilissimis, infantibus nempe, profuit gestatio & in cunis agitatio.

NAVI autem vehi conducit debilibus: si placido navis feratur motu, miram alacritatem perspiratione auctâ solet excitare, famem augere, ingestorum digestionem promovere: illa autem, quæ sit procelloso in mari, iactatio robustissimum hominem non assuetum vertigine, vomitu, anxietate intolerabili, ipso animi deliquio, afficit, hinc casu aliquando inveteratos morbos sic sanari novimus, debilibus tamen tantæ in corpore excitatæ turbæ minimè prodesse.

Omnia jam hæc inprimis profunt debilibus, quia sine defatigatione multa beneficio mortis fruuntur, postquam autem sic incepterunt redire vires, tunc motu musculari firmandum corpus.

Hoc autem fit per AMBULATIONES, CURSUS, EXERCITIA CORPORIS.

Nisi enim tales ægri velint his uti, sensim in eandem calamitatem relabuntur: hoc toties dolemus in Praxi, dum à languida chlorosi curatæ puellæ, sedentariam vitam nimis amantes, negligunt restauratum corporis robur sustinere corporis exercitiis, post paucas enim septimanas æquè debiles, æquè pallidæ sunt ac antè, volunt ex ingestis nutrirî, & nihil agere: nunquam sic inde faciunt bonum sanguinem, sed iners & vappida redit cacoehymia. *Cibi enim & labores adversas inter se potestates, mutuò tamen ad sanitatem conferentes, habent: labores namque ea quæ adjunt, solent consumere, cibi verò & potus, quæ vacuata sunt, replere (b).*

Quantum autem possit ad firmandum corpus nimis debile motus muscularis, dictum fuit ad num. 2. §. 25.

In his iterum à lenissima ambulatione incipiendum, sensim augendo in cursum usque: profunt inprimis corporis exercitia, quæ mentem simul delectant, dum corpus movent, ut pilæ ludus, Ars gladiatoria, &c. Unde & sapiens Vetustas præmia proposuit illis, qui in his exercitiis gymnasticis reliquos superarent, ut sic juvenilia corpora ad bellicos labores firmaretur; Cyrus Persis, quos rectè instituire semper

(a) In Dissertatione Epistolarî pag. 523, 524. | I. Cap. 11, Charter. Tom. VI. pag. 448.

(b) Hippocrat. de Vict. ratione Sanorum Lib.

studuerat, quasi legem dedit, ne ipsi unquam sine labore cibum caperent (a).

3. Maximi momenti est hoc monitum, cum sæpe pro desperatis habitis morbi sanati fuerint solâ leni compressione vasorum, quæ nunquam debet esse tanta, ut vasorum cavitatem integre tollat, tunc enim vita suffocaretur in parte, sed ut tantum reddat vasa angustiora, quàm sine hac compressione fuissent, sic enim cavetur, ne vasa nimis debilia distendantur nimium à fluidis contentis; vasis enim capacitas non à solo distendente liquido, sed ab excessu hujus super resistentiam vasis pendet: sed quò fibra plùs distrahitur, eò fit debilior, hinc omne illud, quod distractionem fibræ impedit, causam debilitantem tollit; fasciæ jam vel vestes arctiùs appressæ corpori, fulciendo vasa, illud supplent, quod deficiens solidorum robur facere non poterat; nempe impediunt nimiam dilatationem.

In morbis curandis plùs per hanc methodum proficitur, quàm per omnia alia. Dum hydrops anasarca crura, femora, tumida reddidit, & casu vel arte, rupta cute, exstillaverit aqua omnis, flaccidæ pendulæ manent partes, & nisi circumductis fasciis firmaveris, paulò pòst æquè tumidæ fiunt.

Dum asciticis perforato abdomine aquosam colluviem educunt, nisi statim circumductis loris stringant pendulum abdomen, sæpe ipso momento lethalis syncopæ adest, vel postea omnia in pendulas & laxas partes ruunt, & citò recrescit diurus hydrops.

Dùm dilatatis vasis stagnantia vel certè minùs mota liquida hærent in cruribus, accedente inprimis scorbuticâ labe, toties erosâ cute fiunt ulcera illa cacoethe, ad optima quævis sæpe rebellia; fasciæ circumductæ sic constringentes partes, ut in vasis dilatatis non possint hæreere liquida, profuerunt toties.

Memini me curasse nobilem puellam, quâ in genere nervoso morbiliorem nunquam vidi: à minimo sono, lumine vividiori, convellebatur illico, miros motus cum lacerationis sensu in abdomine sentiens: nec serulacei succi, nec adeo salubre in his casibus castorei virtus, proderant: dum autem fasciis crura, femora, totum abdomen ad mammas usque firmabantur, remisit statim molestum malum, & datis dein idoneis remediis convaleuit: per menses tamen sic, instar mumie Ægyptiacæ ferè, fasciis circumductis vixit non invita, cum illico tantum inde sentiret solamen.

4. Descripta hæcenus fuit curatio debilitatis nimie in fibra solida simplici, quatenus per usum rerum non naturalium & Chirurgica remedia (fasciarum v. gr; circumductionem) perficitur: superest jam talia eligere Medicamenta, quæ ingesta corpori, & naturæ viribus commissa, talem faciant mutationem, qualis requiritur, ut fiat sanitas. Fibrarum elementa nimis debili cohesione unita faciebant morbum: requirebantur ergo remedia, quæ corpori applicata facerent, ut fortior esset illa cohesio: talia jam in *Materia Medica* habentur.

ACIDO AUSTERA, quæ adstringentia vocantur: omnia hæc applicata linguae vim suam satis manifestè exserunt; totum enim os exsiccat, contractis omnibus exhalantium vasorum osculis; lingua ipsa contracta quasi & brevior fit, hinc *Galenus* (b), dixit, *gustûs solius proprium est discernere, quod vim adstringendi habet*. Videtur enim omnibus his Medicamentis hæc inesse proprietas, ut applicata corporis partibus faciant elementa fibrarum propius quasi ad se invicem accedere & plùs coherere, imò vel mortuorum animalium partibus hæc applicata hoc efficiunt; dum enim coria animalium diurnâ maceratione omni adhærente pingui orbaverunt coriari,

(a) *Mercur. de Arte Gymn. p. 9.* (b) *Meth. Med. Lib. VIII. Cap. II. Charter. Tom. X. p. 1844*  
*Tomus I.* E

hæc emollita penitus ferè diffuunt, tunc austeris his additis debitum robur reddunt. Hoc vocavit *Plinius* (a) coria perficere, dum de punicis malis, dixit: *Corticis major usus ex acerbis ad perficienda coria*. Viliores longè quercûs cortices his usus hodie hic adhibent. Vegetabilia præcipua talibus viribus prædita in *Materia Medica* recensentur.

Sed inter acida austera fossilia reliquis ferè omnibus palmam præcipit ferri, in acidis vegetabilibus fermentatis soluti, usus; quo miraculi instar tumentia illa frigida debilia corpora reviviscunt: nulla fit inde evacuatio liquidis distendentis, sed novum robur accedit vasîs, quò plùs contra promoveant stagnantes ferè humores: illi autem, qui evacuando curare volunt hos morbos, plùs debilitant.

Dum his utuntur sentiunt gratum calorem renasci toto corpore, subsident omnia tumentia, color pallidus labiorum, genarum, &c, in rutilum sanguineum mutatur, torpor ille & ad minimos motus anhelitus cedit, & pristina redit agilitas, omnes insurgunt functiones, & nova quasi redit vita.

Idem præstat ferrum in acidulis fontibus Medicatis solutum.

**SPIRITUOSIS FERMENTATIS.** Si alcohol purum affunditur sero sanguinis, vel albumini ovi, illa mox coagulat: si partes solidæ animalium in alcohole detineantur, fiunt duriores longè, & contrahuntur in omnem dimensionem; hinc revera vis hæc accurandi solida animalium in alcohole adest, sed simul humores coagulat: hinc in usu spirituum fermentorum summâ cautellâ opus est, nam duplici hoc effectu inspicilandi liquida & contrahendi solida infinita mala possunt producere, si imprudenter usurpentur. In cadavere ebriosæ mulieris lien, pancreas, hepar, pulmones, sicca, scirrhusa, pro parte quasi petrefacta, glandulæ omnes internæ, externæ, inveniebantur lapideam ferè habere duritiem (b). Plurima similia apud alios leguntur Observatores.

**PRUDENTER LENITERQUE, &c.** Omnia enim hæc assumpta primò agunt in ventriculum & intestina, & nunquam integris suis viribus possunt ingredi sanguinem; tunc enim nocerent: unde debent dari parçâ copiâ simul, & repetitis vicibus, ut diluta humoribus nostris sensim intrent in sanguinem. Acerbissimus acaciæ Ægyptiacæ succus si ad pauca grana tantùm ore retineatur, omnia contrahit, omnia oris interni vascula inhalantia & exhalantia sic stringit, ut per semiquadrantem horæ os totum siccissimum maneat: itaque si illud vasorum lacteorum tenerrimis orificiis applicaretur, hæc constringendo sibi ipsi viam intercluderet; sed dum omnia hæc in primas vias agunt inprimis, nec nisi multùm diluta ingredi possunt lacteorum oscula, & fortim quasi se sanguini insinuare, hinc non nisi valde jam imminutis viribus ad ultima illa venire possunt. Pulchre hic convenit monitum *Galenî* (c) dicentis, *Quocirca Medicamenti, si ve id foras applicatum, si ve ex illis fuerit, quæ devorantur vel potantur, potestatem præsentem non oportet considerare, sed qualem habebit, ubi ad affectum locum pervenerit.*

Hæc autem acido austera, inprimis validiora, imprudenter adhibita, partim coagulando liquida, partim claudendo omnia vasa tenerrima, quæ superficiem internam ventriculi & intestinorum constituunt, miserrimos possent producere morbos.

Hinc ferrum in lenibus acidis solutum reliquis ferè præfertur, quia non tantùm vi austera adstringente agit, sed sulphuris sui metallici, naturæ humanæ adeo amici, miro stimulo vires vitæ incitat.

(a) Lib. XIII. Cap. xix.

(b) Acad. des Sciences, l'an 1706, Hist. pag. 29.

(c) De Method. Medend. ad Glauc. Lib. II.

Cap. iv, Charner, Tom. X, pag. 375.

5. Disfractio removebat à contactu mutuo minimarum fibrarum elementa : hinc disponebat ad cohesionem nullam, id est, rupturam. Status ille proximus rupturæ est debilissima cohesio, minimâ vi superadditâ separanda : omne ergo quod distrahit, minuendo cohesionem, facit debilitatem. Dum chorda musica appenso pondere tenditur, fit longior, aucto adhuc pondere, extensio augetur, tandem rumpitur. Momento ante rupturam coherebat adhuc, sed tam parum, ut exiguo pondere addito rumperetur : qui ergo tunc aufert pondera distrahentia, auget chordæ robur.

Idem in nostris fibris verum est : dum enim distendentes causæ minuuntur, crescit omni serè momento fibrarum robur, quo nituntur se accurtare. In morbis exemplâ evidentissima hoc docent. Homini cuidam scirrhusus tumor œsophagum sic presserat sensum auctus, ut ultimis miserrimæ vitæ mensibus non nisi paucas guttulas lactis aquâ diluti, vel tenuis iusculi, & adhuc cum summa molestia, potuerit deglutire. In hujus cadavere vidi ventriculum non excedere serè suâ capacitate tenuis intestini molem : tot enim septimanis nullo modo distensus fuerat ventriculus, hinc fibræ ejus sensim se sic contraxerant in tam breve spatium.

Mira enim hæc proprietas in omnibus nostri corporis partibus firmis obtinet, ut si diu in eodem contactu maneant, postea sic cohereant ut divelli non possint.

Dum fracto crure decumbit homo, nec Chirurgus subinde articulos leviter flectit ; sanatus postea habet immobiles illas articulationes : ligamenta enim, nullo motu articuli per tot septimanas distracta, induruerunt rigida facta.

§. 29. **LAXITAS** Fibræ vocatur ea cohesio partium (21.) inter se quæ parvâ vi potest mutari ita, ut fiat se ipsâ longior ; unde patet, hanc esse debilitatis (24.) speciem, & *flexilitatem* inde pendere ; adeoque hæc omnia clarè ex dictis (21. 22. 23. 24. 25. 26. 27. 28.) intelligi, ut & *imminutam elasticitatem*. Namque vitrum corpus fragilissimum, Arte ductum in filamenta subtiliora aranæ filo, coheret ; estque flexile quaquavorsum minimâ vi in omnes spiras, absque ruptura. Crescit pro subtilitate flexilitas. *Ac. Reg. Sc. 1713. Hist. 11.*

**LAXITAS.** Debilitas fibrarum nimia dicebatur adesse, quando non poterant ; manente cohesione, sustinere illum impetum, qui ex sanitatis actionibus fieri debebat ; vel licet perfectissimæ sanitatis efficaciam sustinere possent, aucto parum motu (quod in vita humana inevitabile est) rumpebantur. Laxitas autem nimia adesse intelligitur, quando fibræ impetum vitalis motûs sine solutione cohesionis quidem ferunt, sed à parvâ vi distractæ nimis, fiunt se ipsis longiores.

Filum sericum, appensum pondus sine ruptura sustinere non potens, fibræ nimis debilis ideam dat : filum autem ex plumbo mollissimo factum, eodem pondere statim immaniter elongandum sine ruptura tam facili, fibræ nimis laxæ speciem præbet.

Sed à debita laxitate pendet,

**FLEXILITAS** : ut enim omnia illa fiant in corpore, quæ per motum humorum ; vasorum, muscutorum, facta quotidie observantur, debebant solidaram partium elementa partim à contactu mutari, partimque in eo permanere, hinc elongari posse ; ut flectantur v. gr ; articuli, debent ligamenta coercentia posse elongari requirunt hinc certus laxitatis gradus, ut sanitas sit, si augeatur morbus est.

*IMMINUTAM elasticitatem.* Fibrarum elasticitas in hoc consistit, quòd extendi possint, & ablata vi extendente iterum ad pristinam longitudinem redeant.

Sed tota hæc vis est tantum nixus, quo partes minimæ fibræ constituentes se invicem trahunt, dum per elongationem superficierum plus distant, manente tamen cohesione: si ergo à quacumque causa fibra sit nimis debilis, id est, partes ejus se invicem minus valido nixu trahunt, necessarid minuitur elasticitas.

Vasa nostra majora ex minoribus componuntur; hæc adhuc ex multò minoribus fiunt, sic ut hæctenus pullus limes in Anatomicis demonstratus sit: musculi ex minoribus musculis, & quæ nobis nudo oculo fibra muscularis apparet, microscopio illustrata fibrarum longè minorum fasciculum exhibet.

Idem in nervis, &c., observatur: hinc videntur omnes partes corporis ex infinitè parvis similibus constare: hoc autem requirebatur ad flexibilitatem partium: & Experimento hic allegato patet, quomodo fragilissimum corpus (vitrum) simplici divisione in tenuissima filamenta reddatur ductile adeo, ut, textoriis artibus illud adhiberi posse aliquando, non desperaverit acutissimus *Reaumur* (a). Fictitiam ex vitro in fila ducto comam vidi, in qua vitrum sine ruptura poterat in cincinnos crispari.

§. 30. **Q**UIN ex iisdem etiam respondetur ad hæc quæsitæ: cur aquosa, & pingua alimenta dant fibras debiles: cur frigidis, junioribus, quiescentibus, crescentibusque debiles: cur terrestria, austeraque dant fibras fortes: cur calidis, exercitatisque fortes: cur elasticitas robur concomitatur.

**CUR AQUOSA ET PINGUA, &c.** Experimenta hoc docent: durissima enim animalium partes tepidæ aquæ, vaporis inprimis, expositæ, redduntur mollissimæ. Annosa cervorum cornua vapore tepidæ aquæ, vel & ebullientis, ut in præparatione cornu cervi Philosophica officinarum fit, fiunt scissilia.

Dum quotidie tepidos potus aquosos forbillant puellæ, quàm debiles, quàm flaccidæ sunt! In libro de liquidorum usu *Hippocrati* adscripto (b) noxæ recensentur, quas calida copiosior adfert utentibus, facit nempe *carnium effaminationem, nervorum impotentiam, mentis stuporem, hæmorrhagias, animi deliquia.*

Debilis fibræ in facile separabili cohesione partium consistit, sed aquæ elementa parum admodum coherent: hinc fortè si binæ vel plures aquæ particulæ se interponant elementis fibrarum, videtur inde debilior reddi fibra; si verbò singulæ hæreant aquæ particulæ inter elementa fibrarum, multò inde rigidiores fiunt: elementa enim aquæ sola seorsim considerata videntur esse durissima & immutabilia, & miro modo concretescere possunt cum aliis corporibus, ut in explicatione §. 21, demonstratum est: hinc fortè ratio deduci potest, quare partes animalium aquâ madefactæ fiant molliores; exsiccatæ iterum longè fiant rigidiores, quàm antea fuerant. Possè autem aquam se insinuare inter elementa corporum & illa à contactu removere, docuerunt Experimenta: chartarum lacinia aquâ madefactæ ferè sextâ parte sicbant longiores (c).

Similem ob causam pingua mollire solidas partes plurima docent Experimenta:

(a) Acad. des Sciences, l'an 1713. Mém. pag. 179.  
 (b) Aph. 16. Sect. Charter. Tom. IX. pag. 203.  
 (c) Acad. des Sciences, l'an 1714, Mém. pag. 72.

rigidissima animalium coria, oleo penetrata, mollescunt; ut debitam flexilitatem retineant muscoli, vaginis oleosis undique vestiuntur; ne rigescant ligamenta, attenuatum medullare oleum illis affunditur: dum in decrepita senectute illud oleum incipit deficere, quanta rigiditas! Dum in obesis nimis abundat, quanta laxitas, quantus tumor totius debilitatæ compagis!

**CUR FRIGIDIS.** Intelliguntur hic frigidi temperie: frigus enim absolute consideratum elementa ad se invicem adducendo roborat. Sed in frigida temperie hominibus minor est circulatio, sanguinem habent minus pressum, cruda minime mutata, elementa ultima minori vi ad invicem applicata; hinc minus coherent.

**JUNIORIBUS.** In prima origine sua embryo humanus infinitæ parvitatæ ferè molecula est: auctus dein, & jam sensibus observabilis, mucis instar collabitur; nisi liquidi ambientis pressione æquabili sustineatur. Recens natus infans mollis rotus & pulposus omnia adhuc ossa flexilia habet; procedente ætate firmior fit sensim: hinc quò origini suæ propior homo est, eò molliores habet omnes partes suas: hinc fibræ ejus, licet debitam firmitatem habeant in hac ætate, comparatæ tamen cum adulti hominis fibris debiles dici possunt: hoc autem requirebatur, ut in omnem dimensionem faciliè extendi posset corpus humanum, ex tantilla molecula in tam magnam molem excrescens.

**QUIESCENTIBUS.** Vide §. 25. num. 2. Dum nolunt à languidis suis morbis curatæ puellæ, per salubrem ferri usum, exercere corpus, quàm citò relabuntur in pristinum languorem! Languentes hydropicos laborare jussit *Hippocrates*; acutis morbis decumbentibus absolutam imperabat quietem: in his enim nimia vitæ incitatæ per febrim æstuositas consumebat omnia liquida, solida reddebat siccissima: hinc totæ ferè cura acutissimorum morborum in eo consistit, ut diathesis ad hydropem inducatur, id est, major debilitas.

**CRESCENTIBUS.** Humores pulsi per canales conicos, plenos à basi versùs apicem, semper conantur producere latera suorum canalium secundùm axim longitudinis: quamdiu cedere possunt & elongari canales ab hac vi crescit homo: hinc requiritur minus firma cohæsió, ut cedere possint; sed videmus incrementum omnium velocissimum, dum origini suæ propior est homo, & tunc ferè non resistentia solida habet: crescit enim intra novem menses ex stamine omnem sensum fugiente in molem sedecim, imò viginti aliquando librarum.

Sed & observamus in juvene nondum incrementi apicem adepto, natam febrim faciliè adhuc elonganda vasa producere sensibili admodum staturæ augmento. Requiritur ergo ad incrementum minus firma fibrarum cohæsió, ut cedere possint: dum ergo valido labore nimis durantur juniorum corpora, incremento obex ponitur ante tempus. An ideo, qui caniculos nutriunt, parvitate suâ puellis gratissimos, illis junioribus quotidie vini spiritum ingerunt?

**CUR TERRESTRIA ET AUSTERA.** De austeris dictum fuit §. 28. n.º. 4. Némpe talia corpora videntur per Experimenta prædita esse tali vi, ut elementa nostrarum fibrarum ad se invicem propius faciant accedere. Terrestria autem illa bibula corpora atrastrahunt omnia humida, quæ possunt attingere; & deinde concrescunt cum illis firmissimè: fistula tabacaria recens excocta, nullâ crustâ vitreâ obducta, labiis admota, mox pertinacissimè cohæret, sic ut vix sine læsione avelli possit. Cum ergo æquosa, ut ex antè dictis patuit, debilitent fibras; illa, quæ aquam absorbent, inter roborantia recenseri possunt.

**CUR CALIDIS.** Calor externus corpori applicatus omnia debilitat; facit enim elementa fibrarum plūs distare à se invicem: hinc fibras reddit debiliores. Sed hic intelliguntur calidi temperie, in quibus densi & compacti humores satis valido motu pelluntur per vasa: in his semper vis assimilans ingesta fortis est, & efficacissima applicatio elementorum fibrarum ad se invicem. Ab his autem robur fibrarum pendet.

Quantum interfit inter calorem excitatum per validum corporis motum, & calorem foci, docetur ubique. Qui hyeme prope focum frigus pellit, surgit iners & debilis; qui valido motu corporis aeris frigus superare potuit, alacris & agilis manet.

**EXERCITATIS.** Dictum fuit de hac re §. 25. num. 2. Dum duro labore victum sibi & suis comparat rusticus, quam firma habet omnia, quam robusta! Omnes aeris injurias spernit, durissimos vorans cibos digerit perfectissimè: otio & luxu perditus homo quam debilis, quam misere vivit! Minimam aeris ambientis mutationem sentit illico, & millenis gulæ irritamentis, quæ satietas, non fames, invenit, vix potest languentem excitare ventriculum.

**CUR ELASTICITAS, &c.** Elastica dicuntur corpora, quæ distracta redeunt in tot puncta contactus, quot ante distensionem habebant: hinc requiritur valida vis, quæ partes distractæ se mutuo trahant: sed in hac vi consiluit fibrarum robur.

Exemplum sequens hanc rem illustrat. Bini magnetes sibi mutuo applicati cohererent: si parum removeantur à se invicem, sed maneant tamen in tali distantia, in qua in se mutuo agere possunt, iterum uniuntur: sic & corporis elastici partes distractæ à se invicem, ablata causâ distrahente, iterum se mutuo attrahunt, & manet pristina cohesio: dum debili leucophlegmaticæ puellæ premitur digitis pars corporis, pastaceâ mollitie cedit, & vix, nec nisi lentè, refurgit: si valido homini idem fiat, elasticæ partes mox se restituunt.

Sic jam descriptus fuit morbus simplicissimus, & data fuit methodus, per quam ejus indolem cognoscimus; dein enarratæ sunt causæ, quæ illum faciunt. Apparuit porro, quinam effectus præter naturam hic soleant oriri, quomodo futura inde prævideamus; & quomodo ex cognita Historia morbi, per sua signa descripti, habeatur indicatio, quæ docet, quomodo & per quæ Medicus debeat agere, ut sanet. Tandem ex omnibus illis deducta fuerunt quædam corollaria generalia.

Rarè autem sola debilitas fibræ solidæ simplicis peccat, sed plura mala simul: sed tamen hæc debebant sic abstractè considerari, ut liquidò intelligerentur; unde supponebatur homo perfectè sanus, sed qui momento post haberet à quacumque causâ fibras nimis debiles.



## MORBI FIBRÆ RIGIDÆ ET ELASTICÆ.

§. 31. **RIGIDITAS** fibræ nimia est illa adunatio partium minimarum (21.), quæ tam validè faciat eas coherere, ut non cedant illi actioni fluidorum, quæ superare debet hanc resistantiam, ut maneat sanitas.

Tota nostra vita & sanitas pendet ab eo, quòd omnes fibræ omnium arteriarum sint adeo flexiles, ut à sanguine, cordis vi musculari expulso, possint sic distendi;



### §. 31-33. MORBI FIBRÆ RIGIDÆ ET ELASTICÆ. 39

ut capiant illum sanguinem expulsum : dum enim cor est in sua diastole, arteriæ & venæ plenæ sunt; aliter non daretur propulsio continuata sanguinis. Memento post cor in sua systole expellit sanguinem in arterias plenas, & per has in venas etiam plenas : hinc si vasa illa infinitâ vi resisterent suæ dilatationi, nec sanguis tamen sit adeo compressibilis, non posset cor evacuari : actum ergo esset de vita. Requiritur igitur fibrarum, hæc vasa constituentium, talis laxitas, ut possint cedere distendenti sanguini, à corde expulso in plena hæc vasa. Quò jam sunt rigidiores hæc fibræ, eò major sit resistentia.

Hinc, æque ac in fibra debili dictum, non potest dari absoluta definitio fibræ nimis rigidæ, sed tantum cum relatione ad variam ætatem, &c; ut tenelli embryonis corculum sufficeret dilatandis vasis, propulso sanguine, requirebatur tam parva cohesio, ut muci instar ferè diffunderent omnia solida.

§. 32. **H**ÆC (31.) sequitur eas causas, quas requirit sanatio fibræ debilis (28.), si diu, & nimis perseverant.

Fibræ nimis debilis Historia præmissa est, quia curatio hujus morbi dat intellectum causarum fibræ nimis rigidæ. Omnia ergo in cura fibræ nimis debilis hic repetenda forent : sed unicum exemplum sufficiet.

Moderatus labor corpora roborat : nimius exsiccat, & omnia rigida facit. Dum à teneris annis jam nimis laboribus coguntur corpus exercere rustici, sæpe quadragesimo anno jam exsucco & rigidi marasmo senili pereunt, ante ætatem incurvo corpore vera facti silicernia.

§. 33. **N**ATA (31.) verò facit vasa, quæ ex his sunt, minus flexibilia, angustiora, breviora, liquidorum motui nimis resistentia, & quæ hinc sequuntur; vid. (50. 51. 52. 53.)

Vasa nostra semper renituntur suæ distensioni: hinc illorum capacitas pendet ab excessu virium distendentium supra hanc contractilitatem. Quando ergo increvit hæc vis contractilis vasorum, eadèmq; manet vis distendens, plus contrahentur vasa, id est, fiunt angustiora. Ultimus hujus morbi gradus est, quando vasa nullo modo cedunt liquidis distendentibus; hinc suffocatur illico motus sanguinis, & fit placidissima illa senilis mors, dum in ultima senectute rigida facta omnia resistunt fluidis impulsis. Simulac quacumque de causa liquida minuuntur, robur vasorum sic coarctat vasa, ut plena maneant quidem, longè minus tamen distenta.

Homo potest intra 14 dies in febre acuta continua dimidium sui ponderis perdere contractis sic vasis, prout minuitur liquidi copia. Hoc evidenter patet, quia omnia animalia, in quibus augetur robur fibrarum, habent vasa magis contracta.

Dum pastu abundans in stabulis quiescens equus, hinc pinguior factus, sensim aucto motu validis tandem quotidie exercetur laboribus, fortè tertiam sui ponderis partem amittit; longè tamen ad labores ferendus erit robustior; & per hosce labores consolidatis vasorum fibris, licet postea quiescat in stabulis; non tam citò pinguescet iterum.

**BREVIORA.** Impetus liquidi impulsus per canales conicos flexiles nititur elongare hos canales; hinc quamdiu fibrarum cohesio hoc patitur, elongantur: docet

hoc juniorum incrementum tam notabile, post morbum acutum toleratum. Memini me vidisse, dum uno ictu cunei fortis & acuti abscondebatur magnus pedis digitus, statim extra æquabilem vulneris superficiem prominuisse binas arterias, ferè ad lineæ Geometricæ longitudinem: tantùm elongabantur hæc vasa in loco tam dissito à corde. Quando nimia oritur fibrarum rigiditas, non patiuntur se elongari; imò tandem, prævalente fibrarum robore, accurtantur. Patet in senibus, qui revera decreverunt.

**LIQUIDORUM MOTU, &c.** Dum cor pellit per arterias sanguinem, pars impetûs à corde communicati impenditur dilatandis arteriis; reliqua pars sanguinem propellit per arterias. Si ergo arteriæ fiant minùs facilè dilatabiles, id est, rigidiores, plùs de motu à corde communicato impendi debet dilatationi arteriarum, minùs impendetur sanguinis propulsioni. Hinc patet evidenter, quare fibræ nimis rigidæ augeant resistentias liquidis movendis.

Sed à debito motu humorum per vasa pendent omnia in corpore humano: hinc infinita possunt à tam simplici causa oriri mala, de quibus postea in numeris citatis.

**§. 34. EX** quibus (31. 32. 33.) ipsis internoscitur id malum (31.); simulque prævidentur inde secuturi effectus (33.) neque latet ratio.

Ex tribus §§. præcedentibus facilè colligitur diagnosi, quæ docet, an fibrarum nimia rigiditas adsit. Si enim videamus hominem esse macilentum, os internum & fauces habere sicciora, toram cutim externam esse aridiorem, omnes articulationes minùs flexiles, & manere hæc omnia, licet implentia adhibeantur corpori; concludimus, solida nimis firma esse, liquidis prævalere, illa celerrimè diffare. Sunt tales homines macilenti penitus, & simul voracissimi, qui omnia assumpta digerunt velocissimè, & de corpore diffant.

Si jam novimus in Visu & Medicamentis adhibita illa esse, quæ in curatione fibræ nimis debilis enarrata sunt, prævidemus, hunc morbum nimis rigiditatis futurum.

Prout jam hæc rigiditas nimia in parte vel in toto fit, varii & mirabiles oriri possunt morbi. Observationes enim Medicæ docuerunt, omnes cognitos canales nostri corporis rigescere posse, sæpe à causis adeo subtilibus, ut nullâ ratione possint detegi.

Sic aliquando digitus, aliquando brachium integrum ita sensim decrevit, & aridum fit: si enim resistentia vasorum à quacumque causa fiat major, minor erit extensio, hinc lentissimus marasmus. Vidi sceminam nondum quadragenariam, cui sine ullo vitio sensibili corporis, sine ulla suspitione internæ suppurationis, sine ulla evacuatione sensibili aucta, intra biennium lento marasmo tam exsuccum reddidit fuerat corpus, ut squalida cutis ossa tantùm tegeret. Fortè similes morbos vocaverunt veteres Medici *ix rôu γῆρας* (a) *ex morbo senectutem*.

In Observationibus suis Anatomicis accuratissimis Santorini (b) narrat, dum scrutabatur cadaver hominis, cui dexter oculus verè amaurosi dudum laboraverat, invenisse se nervum opticum ejusdem lateris æquò graciliorem, & colore obscuriorem. In hoc casu videtur à latente causa nimia rigiditas fortè orta fuisse in nervo optico dextro. Idem si fiat in aliis organis sensuum, vel in visceribus, infiniti diversi morbi oriri possunt.

(a) Gal. Method. Med. Lib. VII. Cap. vi. | (b) Cap. III. §. 14. pag. 64.  
Charter, Tom. X. pag. 167.

Ex illis omnibus jam faciliè inveniuntur auxilia ad nimiam rigiditatem tollendam apta, quæ recensentur §. sequenti.

§. 35. **H**ÆC enim efficitur 1. cibo & potu aquosis, leniùsque; sero lactis inprimis, oleribus mollissimis, farinosis dilutis, nec fermentatis. 2. Quiete in aere humido frigidiusculo, cum somno pleniore. 3. Remediis aquosis externis, internisque, repide applicatis, vel assumptis, insulsis, levissimis & blandissimis oleosis, similiter adhibitis.

1. CIBO ET POTU AQUOSIS, &c. Vocamus potum aquosum vel aquam ipsam, vel omnem potum, in quo aqua prædominatur. Cibos aquosos vocamus omnes illos, in quibus aqua maximam partem constituit: ut sunt pulcritulæ, carniurn juscula, & similia. Omnia hæc assumpta magnam aquæ copiam interno corpori applicant; per omnia vasa deducunt, omnia emolliunt, omnia lubricant; hæc enim aquæ, & inprimis tepidæ virtus est ut partes animalium durissimas possit emollire: sic cornua, ungues, imò ipsa ossa aquâ tepidâ possumus mollia reddere.

Hinc videmus, omnes illas gentes, quæ calidissimis locis viventes strictissima habent corpora, aquam & aquosa sola ferè appetere. Non mirum debet videri, quòd serum lactis hic commendetur, cum lactis usus ad roborandas fibras nimis debiles antea laudatus fuerit: sed in sero lactis abest jam subtilissimum illud spirituosum, abest pars caseosa; superest sola pars aquosa graminis vi dissolvente dives. Inprimis laudatur ad hos usus serum lactis ebutyrati, omni pinguedine butyraceâ orbem, acidulum; quod hinc in morbis acutis tanti usus est. Huc etiam referuntur omnes succi fructuum horarum bene maturi.

**OLERIBUS MOLLISSIMIS.** Omnia hæc recensita sunt in *Materia Medica* celeberrimi Auctoris, & in omnibus his ferè nec magnus odor nec sapor est, sed aquosam quasi mucilaginem emollientissimam exhibent. Juscula inde facta strictis illis atrabilariis corporibus adeo salubria sunt.

**FARINOSIS DILUTIS.** Dum strictissimis corporibus, in quibus semper sunt densi & compacti humores, ingeritur aqua, diffatur illico, nec diu manet in corpore. Hoc tories dolemus in morbis acutis, quòd aqua ingesta illico per sudores vel urinam dilabatur; sed aquæ addiderunt farinosa illa in *Materia Medica* descripta hoc effectu, ut semel ingesta aqua farinosa hoc lentore plus quasi hæreat, non tam citò expellatur de corpore. Hæc videtur esse ratio quare *Hippocrates* (a) aquæ potum damnet in acutis, dum in eodem libro pristinæ usum adeo laudat. Omnia hæc farinosa lentorem aquæ conciliant, atque recto & aquæ miscibili oleo (quod purum ex illis exprimi potest) emolliunt omnia. Solum certè avenæ decoctum, magnâ copiam poratum quotidie, sic solvit totius corporis robur vel in validissimo homine, ut totus inde langueat. Sola farina, sero lactis vel aquâ subacta, sues adeo laxos, adeo pingues noverunt reddere rustici.

Plurimi in his locis de plebe homines sedentarios labores, nec validos, exercentes, interim his farinosis ferè solis vitam sustentantes, laxissima semper habent corpora.

(a) De Viâ Acutor. Morbor. Charter. Tom. XI. pag. 102.

NEC FERMENTATIS. Idem de succis fructuum horarum verum est: nam & inter remedia fibræ debilis recensentur meritis spirituosâ fermentata. Per fermentationem enim ex omnibus his nascuntur liquida illa spirituosâ, quæ ad summam perfectionem redacta, ignis ferè instar, omnia solida corporis comburunt, & sanguinem densant in massas irresolubiles.

2. QUIETE, &c. Motus muscularis præcipuum remedium habebatur ad curandam fibrâ nimis debilem; non mirum ergo si quies contrarium faciat. Qui citissimè volunt saginare animalia, illa semper ab omni motu prohibent, largo dato simul pabulo. Hinc in morbis acutis, ubi omnia adeo exsiccantur, quietem summam, in primis in aere frigidiusculo & humido, imperaverunt veteres Medici: frigidus enim & siccus aer roborat fibras.

Nihil autem magis laxat corpora, quàm tepor lecti, dum somno largiori indulgent ægri: hærent enim sic in proprio vaporum de corpore exhalantium balneo. Hinc omnia animalia à somno tument. Dixit ideo Hippocrates (a): *Longiores verò somni calefacientes colliquant carnem, & corpus diffundendo resolvunt, & imbecillum reddunt.*

Et alibi, (b): *In quibuscumque morbis siccitas confert, conducit quàm minimum dormire. Quibus verò humiditas confert, non debent inediam pati, nec cibo aut potu indigere, neque laborare, & dormire quantum volent.*

3. Primarium inter hæc, & reliquorum omnium basis est aqua: quæ tepida, & in vapores resoluta, vel durissimas animalium partes sic emollire potest, ut dissolvantur ferè. In morbis acutis, ubi sæpe aridissima cutis, contractis penitus vasibus exhalantibus, nihil transpirat, frustra nituntur calidissimis remediis exhibitis provocare sudorem; dum verò nudato corpore tepidæ aquæ vapor exponuntur ægri, resolutis vasorum osculis, madescit cutis, & brevi post sudoribus dissolvunt. Cum autem in his morbis interna æquè sicca sint, ac externa cutis, per clysmata similia injiciuntur, aquosa cum farinaceis decocta exhibentur, ut emolliantur omnia interna: imò dum nimis diu aquosis his debilitant corpus, sæpe oppositum malum, hydropem nempe, inducunt.

Omnia hæc aquosa debent applicari tepida: frigida enim densant fibras & roborant; nimis calida sanguinem coagulant, & in crustam gangrænosam solida comburunt.

Omnia autem hæc insulsa debent esse, quia sales omnia indurant: docent hoc carnes salitæ. Summum simul auxilium dant.

OLEOSA BLANDA. Certè coria animalium aquâ madefacta sunt flaccida; sed postea exsiccata plus resercent: si verò cum oleo perfricentur, manent diutissimè mollia; plus enim adhæret, nec tam citò diffiatur oleum. Dum spasmo contractæ intestinorum fibræ horrendos illos faciunt cruciatus, mollissima olea, ad libras usque potata, & per clysmata injecta, solvunt hoc stricturn laxatis fibris.

In morbis acutis, ubi summa ariditas, & nimium solidorum robur per morbum nascitur, vel sæpe præexistit, egregiè hæc conducere, nisi auctus calor facillè rancescentia hæc olea corrumperet, & ex blandissimis faceret acerrima: sed tunc decocta ex farinosis illis, in *Materia Medica* recensitis, oleorum vicem pulchre supplent: ex omnibus enim illis, in primis siccatis, prælo potest exprimi purum & copiosum oleum, quod in decoctis horum mucilagini unitum sic latet, ut integram

(a) De Viâ ratione Sanorum, Lib. II. Cap. 1. Charter. Tom. VI. pag. 474.

(b) De Affectionibus, Cap. XII. Charter. Tom. VII. pag. 632.

vim emolliendi, quam olea habent, servet, sine ullo metu futuræ ranciditatis.

Dum topicum hæret in quodam articulo, rigiditatis nimia vitium (sæpe enim anchyloses fiunt à nimia duritie ligamentorum, quæ non patiuntur se extendi, ut flectatur articulus) optimo cum successu curatur, dum pars affecta lixivio saponis bene perfricatur undique, ut tota terfa, nitida, & perspirabilis sit; & tunc vapor tepidæ aquæ exponatur sæpius de die; porro exsiccata pars mollissimo inungatur oleo; & dein lenis fiat distractio nimis rigidorum ligamentorum, flectendo articulum. Inter causas enim fibræ debilis recensebatur nimia distractio: hinc post hæc præmissa summopere prodest distendere nimis rigidas partes.

Dum volebant emaciatas partes ad pristinum reducere habitum Veteres, irritabant hæc loca, ut levis fieret inflammatio, & tumor; sic enim majori impetu & celeritate huc delati humores plius distendebant vasa nimis stricta. Dum autem hoc sæpius fieret, nimium robur vasorum sic minuebatur, ut cederet humoribus, ex lege sanitatis influentibus; atque ita redibat pristina torositas: sic frictione à somno cum pinguibus multis longo tempore macie tabescentes paucis diebus faciliè carne implevit *Galenus* (a).

Hinc frictiones quidem hic conveniunt sed cum pinguibus, & tantum ut fiat levis rubor; si enim ultra pergas, discutitur illud, quod frictio attraxit ad partem: hic autem requiritur distensio major vasorum nimis fortium; hoc sollicitè monuit (b) *Galenus* dicens: Ideoque ubi carne implere quodlibet corpus volumus, id eò usque calefaciendum nobis est, dum intumescat: ubi verò discutere & vacuare cupimus, continuandum est eò usque, dum, quod intumuit, subsidat.

Si alibi (c), dicit, *Ferulas parvas ac læves modicè illitas gracilibus partibus incutiant, donec modicè attollantur*. Tali percussione nates pueri graciliores brevi auctas fuisse narrat, dum hoc fiebat quotidie vel alternis diebus, unà cum moderata picatione.

Hinc apparet, quomodo frictio oppositos habeat aliquando effectus: fortis nempe, cum pannis asperis, siccis, lanceis, inprimis accenso aromatum fumo, penetratis, debiles nimis fibras curat; levis frictio cum pinguibus attrahendo humores, laxando solida, fibras nimis rigidas emollit.

§. 36. **H**INC elasticitas nimia intelligitur; curaturque, quippe, rigiditatis (31.) ut plurimum comes, & effectus.

Explicatum fuit, quid sit rigiditas, quæ semper cum elasticitate eadem proportionem progreditur; perfectè enim rigidum corpus, quod nullà vi flecti posset, non faciliè invenitur. Hinc cum elasticitas (ut dictum fuit in §. 29.) pendeat ab illa vi, quæ partes fibræ constituentes nituntur ut cohæreant; hæc autem vis major sit in fibra nimis rigida; patet faciliè, quòd nimia elasticitas rigiditatem nimiam comitetur semper.

Ex argilla molli facti globi, oppositâ directione motus concurrentes, quiescunt; in clibano excocti, fiunt elastici, & resiliunt à se mutuo.

(a) De Sanitate tuenda, Lib. V. Cap. 111. Tom. X. pag. 162. & seq.

Charter. Tom. VI. pag. 143.

(b) Meth. Med. Lib. VII. Cap. vi. Charter. Tom. X. pag. 336.

(c) Meth. Medend. Lib. XIV. Cap. xvi.

§. 37. **CUR** pueris, fœminis, otiosis laxitas? Contra verò adultis, viris, exercitatis, fibrarum, adeoque omnium solidarum partium rigiditas, & solutarum valida contractio?

**CUR PUERIS.** Vide §. 30. Nondum enim in his fibræ & vasa callosa facta sunt, quod vitæ ætuoſitate poſtea fiet.

**FŒMINIS.** Ab Anatomicis confirmatur, fœmininum corpus, cæteris paribus longè mollius eſſe corpore virili. Hoc autem Creatoris inſtituto pendet, qui ſic fecit corpus fœmininum, ut, ſine multo malo poſſit diſtendi quàm maximè; ut nempe fœtum poſſit locare & nutrire, & menſtruam plethoram accumulare. Multùm etiam huc conſert, quòd plerumque minùs validis laboribus exerceantur, quàm viri.

**OTIOSIS** Vide §. 25. n°. 2, & §. 30.

**CONTRA VERO ADULTIS.** Quia quò diutius vixit homo, eò vires conſolidantes ſæpiùs & fortiùs applicatæ fuerunt fibris: hinc creſcente ætate creſcit fibrarum robur. Puer omnia habet flexilia & obſequioſa membra, decrepituſ verò ſenex in omnibus rigeſcit, nec ratio dari pòteſt, cur hoc in viris plùs fiat, cæteris paribus, quàm in fœminis, niſi ex primogenita corporis fabrica ab inſtituto Creatoris pendente.

**EXERCITATIS.** Quid corporis exercitia poſſint in ruboranda fibrâ nimis debili, dictum fuit §. 28. n°. 2. Illud enim, quod vocamus tenacitatem in partibus firmis, eſt continuatæ vitæ effectus: ſed quò minùs quis motum animale ſuperaddit motui vitali, eò ſolida debiliora manent. Qui nullum opus manibus exercet, habet manus molles & teneras; qui validè illis operatur, eaſdem habebit duras & calloſas; tandèmq; immobiles & rigidas.

**ET SOLUTARUM,** &c. Quando unitatis ſolutio ſit in parte ſolida in corpore vivente, ſemper partes ſolutæ retrahuntur à ſe invicem, quia vis illa, quâ cohærent fibrarum elementa, neceſſariò retrahit utrumque extremum. Quò ergo hæc vis fortior eſt, eò major fiet hiatus partium ſeparatarum: hinc vulnuſ in corpore laxo flatim coaleſcit; in corpore rigido plùs hiant vulnera inſiſta, & difficiliùs conſolidantur.

---

## MORBI VASORUM MINIMORUM; ET MAJORUM.

§. 38. **VASORUM** minimorum, ex fibris ſimplicibus (21. 23.) applicatu, intertextu, vel intortu, adunatis, factorum morbi ex iſſdem cauſis eamdem indolem, effectum, & curationem habent; ergo ex dictis (ab 21. ad 38.) intelliguntur.

Morbis fibrarum conſideratis, hincque etiam omnium partium solidarum corpo-

ris, quatenus fibris constant, apparuit, ad qualem simplicitatem potuerint reduci hi morbi, qui in omnibus partibus solidis occurrunt.

Sicut jam elementa sibi mutuo applicata fibram solidam constituunt, sic possumus concipere fibras minimas sibi mutuo apponi in omnibus punctis laterum contiguum, quando sic cohererent secundum longitudinem tantum. Si duæ tales fibræ sibi mutuo applicentur parallelo ductu, erit membrana omnium minima, si millenæ juxta se invicem positæ uniantur, erit membrana latior, non crassior. Hinc membrana simplicissima concipitur constare fibris secundum longitudinem adunatis.

Robur jam fibrarum pendebat à cohesione elementorum; sed singula elementa fibræ, membranam simplicissimam constituentis, cohererent cum elementis binarum fibrarum proximarum utrinque; hinc duplò majus robur fibræ aliis fibris utrinque junctæ, respectu roboris in fibra simplici.

Hinc fibrarum robur crescit, dum in membrana simplicissima adunantur. Fibræ autem, quæ ultimos limites membranæ simplicissimæ constituunt, cum tantum ab uno latere contiguum aliam fibram habeant, tantum dimidiò majorem vim cohesionis suorum elementorum habent, quàm fibra simplex.

Dum jam intertextis, vel intortis inter se, fibris membrana constat; multiplicatis punctis, quibus se contingunt, augetur fibrarum, talem membranam constituentium, robur.

Hinc patet, illam partem membranæ simplicissimæ facillimè à cohesione cum reliquis posse separari, quæ marginem constituit.

Si jam concipiatur talis membrana simplicissima convolvi in vas cavum, tunc omnes fibræ inter duas alias fibras positæ sunt, & nulli tunc habentur margines; sed omnium fibrarum, constituentium membranam simplicissimam, in vas cavum convolutam, cohesio duplò fortior est, quàm in fibra solida simplici.

Illud jam vas, ex tali membrana simplicissima convoluta, factum, vocatur vas minimum.

Sed omnes morbi talis vasculi minimi tantum pendet à nimia, vel nimis parva vi, quâ fibrarum elementa cum se invicem & cum vicinis cohererent. De illis autem jam auctum est in morbis fibræ simplicis.

§. 39. **V**ASA majora, ex minimis (38.) applicatu, intertextu; vel intortu, unitis, conflata habent duo diversa morborum genera. Horum prius pendet ex morbis minimi canalis (38.), majorem hunc componentis, adeoque origo, natura, efficacia, curatio ejus inde (38) peti debent. Posterius verò pendet, 1. à vi, quâ fluidum, per majorem hunc canalem fluens, ejus latera extendendo premit: quæ latera, ex aliis minoribus canalibus constantia, hac pressione orbantur suo liquido, uniuntur quoad latera, concresecunt in fibræ (21. 23.) solidæ, sed crassioris, speciem: potèstque idem & vicinis communicari vasculis; 2. à liquido cum vasculo proprio concrecente.

Ut jam fibræ, adunatæ secundum longitudinem, faciebant membranam, sic

possumus concipere, vascula minima, ex simplicissima membrana convoluta facta, sibi mutuò applicari, & facere membranam; quæ iterum convoluta faciet, vas non minimum, sed majus jam; non ex fibris, sed ex vasis minimis fibrarum loco conflatum.

Cùm jam vasorum horum minimorum sectio perpendicularis ad axim sit circulus, non poterunt singuli circuli adjacentium sibi mutuò vasorum se tangere nisi in puncto: hinc vascula vicina se mutuò tangent per lineam, id est, per fibram simplicissimam: ergo in illis locis contactuum iterum augebitur robor talis membranæ ex vasis minimis loco fibrarum conflata.

Vas ergo minimum constabit ex fibris in membranam adunatis: vas huic proximum magnitudine, sive penultimum simplicitate erit, si ejus membrana constet ex vasis minimis loco fibrarum: vas antepenultimum simplicitate non constituitur ex vasis minimis, ut penultimum, sed ex vasis minimis & penultimis; & sic porro, donec ad maxima corporis vasa perveniatur, quæ ex omnium vasorum seriebus, quæ in corpore inveniuntur, fiunt.

Aorta, maximum vas, per injectiones demonstrata fuit constare membranis ex minoribus vasis, sed adhuc magnis, conflatis: horum vasorum aortæ membranas constituentium, membranæ iterum aliis, sed minoribus, constant vasis; & sic porro, donec ad ultima perveniatur. Simplicissimas olim habitas & solidas membranas innumeris constare vasis, docuit Arte suâ *Ruyfchius*.

Hinc ex multiplici concretionem laterum robor continuè augetur in vasis majoribus; & sic incipimus intelligere, unde robor & firmitas corporis humani pendeant.

Quæritur jam, quinam morbi in vasis majoribus oriri possint, non respectu fluidorum contentorum, sed quatenus solida sunt hæc vasa? Apparet primò quòd pati possint omnes morbos vasorum minimorum, ex quibus componuntur; sed de his actum est.

**POSTERIUS VERO PENDET. I.** Dum aorta à sanguine ex corde sinistro expulso distenditur, canales constituentes ejus membranas comprimuntur: dum iterum cessat cordis actio, contrahens se aorta liberat hos canales ab hac compressione. Sed dum omni momento sic comprimuntur vascula minima constituenta membranas majorum vasorum, hæc sensim sic incipiunt orbari suis liquidis, ut vix detur tempus influxi: tunc concrescunt latera inter se, & aboletur cavitas, & fit membrana, sed crassior & fortior; cohesio enim membranæ in vas convolutæ erat duplò fortior, quàm cohesio fibræ simplicis: sed dum vas complanatum concrescit, tunc oppositæ fibræ concrescunt, & fiet talis membranæ, ex vase complanato concreto factæ, cohesio adhuc fortior, quàm antea.

Quò jam vis cordis major est, & diutius egit, eò pauciora numero vasa, sed fortiora solida sunt. Hinc ultimâ senectute robor solidorum fit immensum; & tandem, cum nimis resistentes canales non patiantur se extendi amplius à liquidis impulsis, fit quies omnium, & fatalis, sed placidissima, in summo senio mors. Hinc nimio labore exercitatis animalibus cita venit senectus, callosis factis ante ætatem omnibus vasis.

Ridendi ergo sunt iactatores illi, qui rugas & gravem senectutem se avertere posse clamant, paucis elixiriis guttis quotidie sumpris, dum inevitabili vitæ sanæ effectus, callosis factis omnibus vasis, ad fatalem dudum terminum.

Sapientius certè Medæ institutum, quæ balneis fovebat exsukka hæc cor-



pora : hinc credebatur senibus juventutem reddere (a).

A LIQUIDO CUM VASCULO, &c. Quando liquidum contentum ; parte liquidissimâ orbatum, tandem concrefcit cum proprio vase. Ab omni ævo observatum fuit, quòd in morbis, in quibus (ut dicebant Veteres) calidum innatum prævaleret humido radicali, five ubi vis vasorum vim liquidorum distendendum excederet, sanguis fiat talis, ut concrefcit in pellem novaculâ vix discindendam : certè plastica est in liquidis nostris indoles, nec ingesta sunt humores nostri, antequam illam induerint naturam : *Ruyfchius* (b) ex suo sanguine, simplici agitatione ramulo plantæ Africanæ, fecit membranâ densam coherentem.

Hinc facillè intelligitur, sanguinem, inflammatoriâ densitate in morbis acutis jam nimis in concretionem pronom, orbatum adhuc plûs parte liquidissimâ per morbi vim ; posse concrefcere cum vasis continentibus.

Sed evidens habemus exemplum, quòd vasa majora etiam cum liquido contento possint concrefcere. Magnus enim ille canalis, qui, dum utero materno latebamus, sanguinem ex placenta in hepar deferabat, postea concrefcit, non in complicatum canalem, quod fieri debuisset, si solo collapsu concrevisset ; sed in teretis & solidi funiculi speciem mutatus evidens dat argumentum, quòd cum contento liquido concreverit.

In vasis ergo majoribustripleci de causa robur nascitur ; 1. à fibrarum robore ; 2. à vasis collapsis vel compressis in membranas concretis ; 3. à vasis concretis unâ cum liquido contento.

§. 40. INDE vasorum debilitas, laxitas, robur, rigiditas, elasticitas, de quibus multa imperitis memorantur, clarè intelligi possunt. Et meretur dignitas horum pertractationem.

Omnia hæc jam explicata sunt ; recensentur tantum hac paragrapho, ut exhibeant quasi summarium omnium illorum, quæ ex simplici hac doctrina intelligi possunt : sequentia capitula docebunt, infinitos morbos inde posse cognosci & curari.



## MORBI VISCERUM DEBILIMUM ET LAXORUM.

§. 41. VASORUM, & viscerum debilitas vocatur illa partium (23. 38. 39.), hæc constituentium, cohesio, quæ tam levi motu tolli potest, ut imparia sint iis efficiendis, quæ sanitatis & vitæ ratio ab his postulat.

Viscus solet plerumque definiri, quòd sit pars organica corporis, quæ humores allatos per suam fabricam plurimum mutat, sic ut hæc mutatio profit totius corporis vitæ & sanitati. Sic pulmo viscus est, accipiens omnem sanguinem, & mutans

(a) Palzphatus de incredib. Hist. Cap. XLIV. (b) Thesaur. VI. n°. 7. & Thesaur. VII. n°. 39.

sic, ut aptus evadat fluere per omnia corporis vasa. Sic etiam cor omnem sanguinem recipit, & mutat in motus directione & miscela: idem de reliquis visceribus verum est.

Constat jam per Anatomicas injectiones omnia viscera constare vasis innumeris, vario ordine in variis visceribus dispositis; & ab his vasis viscerum actionem pendere, quæ mutant allatos humores. Si ergo hæc vasa debiliora sint, quam requiruntur ad sanitatem, minus agent in contenta fluida, minus illa mutabunt. Sic debilis nimis pulmo non poterit chylum mutare in bonum sanguinem. Si nimis laxum hepar fuerit in suis vasis, sanguis per illud viscus sine bilis secretionem fluat & refluet, & nascetur hydrops: dum nimis debilis ventriculus languet, totum chylicificationis opus turbabitur.

## §. 42. QUÆ alia ætate, atque sexu alia, sunt.

**ÆTATE.** Viscera omnia robur accipiunt, sensim auctum, prout vitæ vires diutius in hæc egerunt. In prima hinc origine debilissima omnia diffuunt, sensim major accedit firmitas, donec omnia in summo senio rigescant ferè. Jam inter maximam illam debilitatem & maximam firmitatem infiniti gradus medii intercurrent vario vitæ nostræ tempore.

**SEXU.** Viris enim hanc legem imposuit Deus, ut in sudore vultus panem lucrentur suum; feminis verb, ut foetus concipiant, pariant, & nutrant. Apud illas gentes, quæ potiùs naturæ consilio quàm legibus vitam suam moderantur, idem obtinet: ad hæc autem in diverso sexu varium robur requirebatur.

§. 43. **HÆC** debilitas oritur 1. à debilitate fibræ (24.) ejusque causis; (25.) 2. à debilitate canalium minimorum (28.) atque causis hujus; (38.) 3. ab inertia liquidi per vasa majora (39) fluentis, quæ pendet à minuta copia, fluiditate aquosâ auctâ, motu musculari torpescente. A numero magno canalium minimorum, pro ratione ætatis, nimis diu remanentium.

Dux priores causæ jam sunt explicatæ.

3. Tota actio omnium viscerum pendet ab eo, quòd liquida; vi cordis pressa; dilatant arterias; hæc, suo robore & elasticitate reagentes, promoveant distendentes humores: sed motum semel impressum servant diutius omnia illa, quæ sub eodem volumine plùs massæ corporeæ habent, id est, quæ sunt solidiora.

Requirebatur ergo in liquidis, cordis vi motis, certus soliditatis gradus, ut motum impressum non tam citò amitterent. Ubi illa debita soliditas abest, dicuntur inertes esse humores: sed hæc soliditas conciliatur partibus constitutentibus nostrorum humorum per efficaciam vasorum per quæ fluunt: sed hæc efficacia est illa vis, quæ distenta vasa reagent in humores distendentes. Dum ergo minutâ nimis liquidorum copiâ non satis distenduntur vasa, minus reagent; hinc languent omnia & debilitantur. Ob hanc etiam causam, ubi per vulnera, vel alias causas quascumque, ingens liquidorum copia subducta est, ex ingestis non fit solidus ruber sanguis, sed omnia in aquosam degenerant tenuitatem.

## FLUIDITATE

**FLUIDIDATE AQUOSA AUCTA.** Fuerunt quidam Medici in illa opinione, ac si tunc foret omnium perfectissima corporis conditio, quando omnia liquida nostra essent tenuissima, hincque per omnes canales expeditissima esset via: sed aliâ lege factum invenitur corpus humanum: respondent diversis vasorum seriebus proportionalis crassitiei fluida. Si enim sanguinis noster aquæ tenuitatem haberet, per patula in superficie corporis interna & externa vasorum exhalantium orificia dilaberetur, vel replerentur omnia cava corporis loca humoribus, tenuioribus quidem, sed non propulsis. Sanguinis enim pars crassissima rubra in arteriis & venis maximis, rubris nempe, semper manens in sanitatem, momentum morbis ad vitam & sanitatem requisiti à binis causis morticibus, corde & arteriis, recipit, & reliquis communicat: ab hac parte rubrâ, ad sua vasa continentia attrita, calor noster producitur; simulac enim illud rubrum incipit deficere, omnia frigent. Docent hoc leucophlegmatici, & pallido morbo languentes puellæ.

Hinc adorandus Creator cerebri medullæ, collectæ in medullam oblongatam; circumposuit majora vasa rubra, ut tenuissima hæc vasa, in quibus omnis attritus deficit, foveantur blando tepore.

Ergo inter debilitatis viscerum causas merito recensetur aquosa humorum fluiditas.

Robusti hominis de vena saliens sanguis in scissilem coherentem massam statim concrefcit: dum debili puellæ sanguis miscetur, subrubella, tenuis, vix concrefcens, effluit aqua.

**MOTU MUSCULARI TORPESCENTE.** De hac re dictum fuit §. 25. n°. 2.

4. Constat certissimè, quòd in quavis ætatis diversitate requiratur certa callositas, & vasorum quorundam abolitio. Anatomici observaverunt, injectiones felicissimo successu semper factas in junioribus. Videmus sic, procedente ætate, multa aboleri vasa.

Glandula thymus, adeo insignis in recens natis, in adulto homine adeo decrefcit, ut vix sui vestigium relinquat. Quæ plures infantes successivè plenis lactis nec-taris fontibus nutritur mulier, annosa & strigosa facta, flaccidas, vix mammarum nomine dignas, habet pelliculas. Glandulæ yagæ mesenterii in provectioris ætatis hominibus abolentur penitus.

Magnum enim robur additur partibus firmis corporis, quando plurima vasa minima compressa concreverunt in fortiores membranas: hæc autem concretio nascitur à valido motu, quo liquida feruntur per vasa majora; ergo quò fortior fuerit ille motus, vel quò diutius egit, eò major consolidatio corporis. Hinc in recens nato homine maximus canalium numerus; sed laxa totius corporis compages; in adulto nomine, pluribus vasis abolitis, major firmitas.

§. 44. **A**B hac debilitate (41.); per suas causas (43.) producta; oriuntur multi morbi, qui falso temperiei, vel congeniti, habentur; primarii sunt: facilis vasorum dilatatio, tumor, facilis norum compressio, inanitas; liquidi stagnatio; cordi aucta resistentia; liquidorum cruditas; spontanea corruptio; ad actiones vitales, animales, naturales exercendas ineptitudo; & illa omnia, quæ ex his sequi solent, quæ ut infinita numero, ita difficillima curatu, &

fecundissima novis morbis producendis sunt; maximè *καχεξία*, & *κακοχυμία*. 2. Facilis vasorum dissolutio ab internis, externisve causis, acribus vel motis; effusio, stagnatio, corruptio, evacuatio liquidi ad vitam, sanitatēque necessarij; interceptio motus fluidi per vasa rupta; corruptio eorum, quæ hoc motu vigeant; qui rursus varij sunt, maximè *φθίσις* *ιμπύκμα*, *ὑδρωψ*, *ἀτροφία*.

Supponitur hic iterum corpus antea sanum nunc habere viscera & vasa nimis debilia: tunc apparent mutationes læsarum functionum, præcipuè sequentes in textu enumeratæ.

Cùm videatur unicuique homini sua esse & singularis sanitas, & diversa corpora hominum penitus inter se varia esse, tam in solidis quàm in fluidis, appareat, licet singula sana sint, vocaverunt illam constitutionem singularium corporum, quæ differunt ab alijs corporibus etiam sanis, *ιδιοσυγκρίαι*; & quæ inde pendebant aliquando vitia, habebantur incurabilia, quia jam à prima origine facti corporis credebantur adfuisse: sed morbos illos debiliū nimis vasorum & viscerum non semper congenitæ conditioni adscribere possumus.

Nobili de stirpe ortæ puellæ, molliter educatæ, otiosa defluit vita; languet debile corpusculum: primis vitæ mensibus priori similis rustica à teneris jam assuescens laboribus viget firmo corporis robore.

Debilitas prioris, & morbi inde pendentes, falsò habentur pro congenitis.

Dum robustissimus homo per vulnus omnem ferè sanguinem amisit, sit hydropicus: quanta tunc sic dictæ vulgò temperiei mutatio!

**PRIMARIJ SUNT FACILIS VASORUM DILATATIO, TUMOR.** Quomodo viscera quælibet conficiant humores suos, disputatum fuit à nata Medecina huc usque, nec multum boni dixerunt Auctores, donec *Ruyfchius* demonstraverit ubique in visceribus esse ad fines arteriarum aliam conformationem in variis locis; & videtur viscus factum esse, ut hæc conformatio arteriarum maneat: si jam arteriæ fiant nimis debiles in quodam viscere, plus dilatabuntur necessariò, cum eadem vis impulsu liquidi distendat vasorum latera minus resistentia: hinc non conficiunt viscera debilitata tales humores, quales in sanitate, sed longè alios; unde turbabitur totum corpus. Sic simulac fabrica hepatis mutatur, non fit bilis; sed longè alius & degenerans liquor; ut certa docuerunt Observata. Laxata renum vasa sanguinem transmittunt loco urinæ.

Sed dilatata vasa tumorem faciunt majorem totius, vel partis, debilia enim vasa & viscera habentes, faciem habent inflatam, buccas tumidas, fungosi toto corpore, ut bombyces, quando se parant ad fila explicanda; hinc dum incipit sensim hoc malum subrepere, sæpe quasi aucto corporis habitu lætantur.

**FACILIS HORUM COMPRESSIO ET INANITAS.** Vasa hominis robusti sibi commissæ contrahuntur quidem, ut minuant cavitatis suæ diametrum, sed non colabuntur flaccida; imò contractioni, quæ naturali major est, validè resistunt. Hydropico erui impressa vestigia manent; in sano verò & robusto homine statim pars pressa reasurgit.

**LIQUIDI STAGNATIO.** Cordis enim vis ferè tota impenditur dilatandis arteriis: si jam debilitate arteriæ, à sanguine per cordis vim impulsio dissentat, se non satis contrahant, manebit sanguis immotus in vas dilatatis: binæ enim causæ

sunt, quæ liquida nostra per canales suos movent: 1º. cordis vis, distendens impulsu sanguine vasa: 2º. robur & contractilitas vasorum, cessante cordis actione, propellunt impulsu à corde sanguinem: ubi ergo hæc contractilitas vasorum deficit, liquida stagnant.

**CORDI AUCTA RESISTENTIA.** Hoc mirum fortè videtur, cum vasa debilitata faciliùs cedant impulsu à corde sanguini: sed dum arteriæ debilitatæ non satis validâ systole contrahuntur, manent distentæ & plenæ; hinc momento sequenti cor non potest tam facilitè se evacuare in vasa plena & distenta jam nimis. Quotidie videmus tumida illa & pallida corpora, dum quiescunt, se satis bene habere; ad minimum verò motum anhelant, cor palpitât, venæ jugulares tument, suffocantur ferè: dum enim quiescentibus parca copia sanguinis venosi, lentè moti, ad cor deferuntur, illud adhuc exprimitur, sed per motum corporis sanguinis venosi celeritate auctâ cor non valet tam citò acceptum sanguinem per vasa repleta pellere.

**LIQUIDORUM cruditas.** Omne, quod assumimus, vocatur crudum, quia nostris liquidis alienam naturam habet, nondum à viribus vitæ subactum: dum autem viscera debilitantur, illorum vires singulares pereunt, quibus conspirant ad mutanda ingesta in nostram naturam: ut enim bona fiat chylopoiesis, requiritur imprimis ut omnia viscera chylopoietica suâ fabricâ confectos affundant humores: requiritur ergo ut tales consecerint: si ergo debilitata fuerint, degeneres à nativa indole humores affundent; unde totum turbabitur chylicificationis opus. Sic debile virginis, chlorosi laborantis, corpus ex assumptis vel optimis alimentis non facit bonum sanguinem, sed pallidum quemdam humorem, ac si multum lactis paucò sanguini misceretur: & inde fiunt mirabiles degeneraciones, & morborum, inde pendens, miræ & variæ species. Ut ingesta mutantur in nostram naturam, omnia viscera conferunt suam symbolam: si nunc unum vel plura debilitentur, hæc assimilatio deficit, & fit aliud longè.

Hinc pulchrè monuit *Galenus* (a) quodd considerandum sit in debilibus reficiendis; nutrimentum se ipsum non concouere, nec in partes distribuere, nec alendi partibus assimilare, &c.

**SPONTANEA CORRUPTIO.** Ingesta in corpus humanum mutantur per omnes actiones omnium vasorum & viscerum, & assimilantur naturæ nostræ; hæc mutatio vocatur (σπύρις) costio; sed si ingesta tam tenacis indolis fuerint, vel vires corporis adeo imminutæ, ut non possint subigere ingesta; tunc hæc mutantur quidem in corpore, non autem assimilantur naturæ nostræ, sed sequuntur suam naturam, quâ in calido & humido loco foras degenerant in corruptelam acidam, putridam, rancidam, &c. Hæc vocatur corruptio spontanea. In exemplo res patebit: dura messorum illa ex pane fecalino faciunt bonum sanguinem; sed panis ille, calore simili, calori nostri corporis, si foveatur in vase Chémico, additâ aquâ, in acidum pessimum mutatur: robusta viscera superant illam acefcentiam; sed debili puellæ si ingeratur, ibi suam sequetur naturam panis ille, & acefcens cardialgias, tormina, &c, faciet.

Non fit hæc degeneratio quidem in corpore debili eodem penitus modo ac extra corpus; sed tamen assumpta, si non prævalet vis corporis humani assimilans, semper tendunt in spontaneam mutationem.

**INEPTITUDO AD ACTIONES VITALES, ANIMALES, &c.** Omnes actiones nostri corporis quodam sensu dependent à musculari motu; uni-

(a) Method, Medendi, Lib. VII, Cap. vi. Charter, Tom. X. pag. 163.

verſales enim cauſæ motrices omnium humorum, cor nempe & arteriæ, muſculoſæ ſunt: ſed hæ actiones tantum fieri poſſunt, dum adſunt boni ſpiritus: ſed ſpirituum conſectio ultimam & perfectiſſimam requirit aſſimilationem.

Itaque dum debilia nimis viſcera non poſſunt ingeſta ad ultimam elaborationem uſque perſicere, ſubtiliſſimum illud, à quo omnia ſerè pendunt in corpore, incipit deficere. Hinc dum incipit languere chloroſi debilis puella, ſenſim ſubrepat inſolitus torpor, à minimo motu ingens laſſitudo, vertigo, hebetudo omnium ſenſuum; quæ omnia animale ſacultatem læſam ſignificant. Cor palpitans à minimo motu, pulſus mollis & debilis, reſpiratio anhelofa, vitales actiones imbecilles monſtrant. Languens vel & miris modis depravatur appetitus, moleſtia ingens ab aſſumptis, tarda ſæpe alvus, urina pallida, cruda, naturales functiones depravatas indicant.

Hinc apparet facile, ex hoc fonte infinitos numero poſſe oriri morbos, dum omnes functiones corporis ſic lædi poſſunt. Facile etiam inde patet curationis difficultas: debet enim reſtitui omnium partium deſiciens robur; ſed hoc non poteſt fieri, niſi tantum adhuc ſuperſit de natura creata corporis, ut illud, ab impedimentiſ le- vatum, & deficientibus inſtructum, valeat, bonum ſanguinem facere ex non ſanguine, id eſt, ex ingeſtis. Hinc dum v. gr; pulmo vel hepar tabe periit, fruſtra promittitur Medicina.

Maximè autem omnium inde ſiunt,

*καχεξία* Malus habitus (de quo poſtea peculiari capitulo dicitur) talis eſt debilitas ut nutritio læſa & depravata ſit per totum corporis habitum ſimul. Fit hæc cachexia, quando omnia liquida & ſolida deſciſcunt ab his conditionibus, quæ requiruntur, ut fiat aſſimilatio: ſed omni cachexiæ neceſſariò adest *κακοχυμία*, quæ eſt degeneratio omnium humorum ab his conditionibus, quæ requiruntur in ſanitate: ſed humores noſtri ſuas dotes accipiunt per vim vaſorum & viſcerum; hæc ergo ſi ſint nimis debilia, neceſſariò degenerant humores.

2. *FACILIS VASORUM DISSOLUTIO.* Requiritur talis co hæſio partium ſolidarum conſtituentium canales noſtri corporis, ut poſſint ſuſtinere impetum liquidi, vi cordis impulſi, ſine ſolutione continuitatis: dum jam debilitata eſt co hæſio hæc, metus rupturæ eſt à majori impetu impulſi liquidi: ſic toties occurrunt triſtes illi caſus, ubi ad incrementi ſui apicem pervenerunt tenelli homines, quibus vel à nativa labe, vel non firmato per motus muſculares corpore, debilia nimis ſunt vaſa, quòd clamore, cantu, curſu, &c, rumpatur in pulmone arteria, ſicque unà cum ſanguine animam vomant, vel poſtea lentà phthiſi marceſcant. Quibus debiliora ſunt renum vaſcula, in carpeno per ſtrata lapidea rudiùs veſti ſanguinem mingunt toties.

Sed præterea dictum fuit, debilitatis viſceribus degenerare humores in ſpontaneam corruptelam; hinc ſemper fieri acriores: blanda enim eſt humorum noſtrorum in ſanitate indoles, ſic ut ſanguis ſanus oculo inſtillatus nullum dolorem faciat: eum ergo liquida acriora debilitatos canales perfluunt, facilis fit ſolutio horum: docet hoc ſcorbutus, in quo ſæpe laxitas totius corporis cum acrimonia humorum concurrunt, unde fraclis vaſis effuſus ſub cute ſanguis maculas illas ſcorbuticas efficit.

Sed eroſis ſic ab acri liquido, vel fraclis nimio impetu moti liquidi vaſis, effunduntur humores contenti; effuſi ſtagnant, quia movens cauſa deſicit; ſtagnantes corrumpuntur: dum nullus datur aeri acceſſus; ſeriùs quidem hoc fit, corrumpuntur tamen. Effunduntur liquida ex vaſis fraclis; abruptitur continuatio circuitus

humorum, dum vasa fracta hiant; omnes functiones, quæ à motu liquidorum per integra hæc vasa pendeant, abolentur. Hinc dum in variis corporis locis hæc fieri possunt, infiniti numero possunt oriri morbi, non faciliè recensendi, sed ad classes quædam revocandi, quarum præcipuæ sunt sequentes:

*Obiæ*, à corrumpeo dicta; sed obtinuit apud Medicos, ut hoc vocabulum non sumatur pro qualibet corruptione; sed pro totius corporis in suo habitu consumptione, nata ex cacochymia purulenta prædominante, ubicunque demum fomes ille hæserit in corpore. Debilibus nimis vas exesit, vel fractis, effusi humores corrumpuntur, vicina omnia inflammant suâ acrimoniâ: sic sanguis in cavum thoracis effusus putrescit, pulmonem alluens inflammat, post hanc inflammationem suppuratio secuta verâ phthisi pulmonali hominem perdit: sic intelligitur, quomodo ab eadem causa nasci possit, *ipsum*, quod latiori significatione omnem suppurationem denotat, plerumque tamen designat puris collectionem in cavo thoracis.

*Ascitis*. Omnes illi, quibus sensim subrept hoc malum, laborant debilitate vasorum & viscerum; & omnis hydrops, non natus ex alio morbo valido prægresso, hæc ferè causam agnoscit. In omnibus enim cavis majoribus & minoribus corporis exhalantes arteriæ suos effundunt humores; sed observatum fuit, illam vim, quâ minima orificia venosa imbibunt ex cavis corporis locis effusos humores, crescere & decrescere proportionaliter ad circulationis vires; hinc in morbis acutis, ubi circulatio nimis est, exsiccantur omnia: in languidis chronicis morbis sensim accumulato humore tument omnia. Accedit & hoc, quòd in summis languoribus diutius videatur persistere vis evacuens arteriæ, quàm vis refovens venæ: hinc in omni corporis diathesi, in qua vitalis vigor imminuitur, aquosa incipiunt accumulari.

*Atrophia*. Priori videtur primâ fronte oppositum malum; sed dum ascite turget immaniter abdomen, videmus gracilescere omnia superiora: nec mirum, quia nimis debilia viscera non possunt conferre singulâ suam symbolam, ut fiat ultima elaboratio ingestorum, quâ mutantur in nostram naturam, & perdita resituntur: vita enim nostra destruet corpus, nisi reficiatur ex ingestis. Deficere potest ergo ex hac sola causa nutritio; & hic defectus atrophia dicitur.

§. 45. QUÆ (41. 42. 43. 44.) si quis accuratè observat, ille, non hujus modò (41.); sed infinitorum & obscurissimorum morborum originem, præsentiam, eventum internoscet, & solus auxilia impetrandæ sanationi valida & tuta inveniet.

Qui omnia antè dicta attentâ mente considerat, concludet faciliè debilitatâ actione vasorum in contenta fluida, posse lædi omnes functiones corporis; quia omnium functionum integritas ab actione solidorum in fluida, & fluidorum in solida pender; hinc veram hanc esse lernam malorum, unde infiniti morbi pullant. Ubi verò morborum à debilitare ortorum effectus sensibus obvii sunt, nulla in cognitione causæ manet difficultas; sed sæpe latentissimi morbi huic tantùm causæ suam debent originem. Dum nimis debilia pulmonum vasa rupta floridum & coccineum eructant: sanguinem, faciliè prægressa debilitas, ut mali causâ, cognoscitur; sed similes arteriolæ in cerebro ruptæ lethalem fecerint effuso sanguine apoplexiam, latens tantû mali causâ eadem est. Dum fracta in hepate vasa suos effuderint humores, qui

corrupti stagnando, vicina inflammant, tandemque post multas miseriae toto hepate consumpto certam mortem inferunt; prima hujus mali origo ab eadem causa pendet. Idem in omnibus aliis visceribus verum est.

Nullus videtur melior canon esse in Medicina, quam ille, quod in curandis morbis semper ad causam primam, unde omnia reliqua fluxerunt, sit respiciendum: ex hoc fundamento enim solo certa & valida auxilia deduci possunt. Qui ex debilitate natum hydropem, purgantibus emungendo corpus, curant, post paucos dies mirantur aequè tumere omnia, dum omnia ruunt in flaccida hæc vasa, nihil ferè de ingestio potu per sudorem vel diaphoresim, parum admodum per urinam, excernatur. Qui primam mali causam investigaverunt prudentiores, distendente saburrâeductâ, fasciis laxum corpus stringunt, Victu siccò, roborantibus remediis, corporis exercitiis, primam morbi causam, unde omnia fluxerunt, debellant.

§. 46. **I**N applicatione verò horum, præsens debilitas tarditatem jubet; nec enim alibi perniciosior mutatio subita.

Subitam mutationem inducere in omnibus morbis sapiens damnavit Hippocrates, dicens (a), quod paulatim fit, tutum est, tum aliis, tum maxime si quis ab altero ad alterum transeat. Sed generalis hæc regula inprimis in cura debiliùm vasorum & viscerum observanda est. Si quis in hoc casu vel Medicamentis stimulantibus, vel motu musculari, humorum per vasa motum imprudenter nimis accelerat, debilia nimis viscera & vasa impetûs augmentum dum sustinere non possunt, franguntur sæpissimè, & turpi errore pro remedio mortem infert Medicus.

Qui hæmoptoe laborantem ex pulmonis debilitate validis exercitiis statim vellet curare, hoc efficeret, ut accelerato sanguinis impetu nondum consolidatum vulnus rumpere denuò: hinc requiritur summa hic cautela, prudens tarditas.

§. 47. **E**RGO remedia (28.) lentè, cautè, à primo in ultimum gradum, adhibenda sunt. Quorum usu roboratis vasis, motus validus musculorum adhibeatur, donec omni effectum constet, satis compacta, solidata, & callosa evasisse vasa & viscera.

Omnia jam quæ de curatione fibræ nimis debilis dicta sunt, hic forent repetenda. Notandum maxime, per gradus omnia hæc augenda esse, donec redeat sanitas. Si per motum muscularem volumus curare hos morbos, incipiendum est à lenissimo; dein sensim & cautè augemus, continuò respiciendo ad effectum observatum in corpore ægri ex hoc motu, Qui hydropicum factum ex sola debilitate vasorum validissimè vellet statim exercere moribus, suffocaret; sed priùs imminutâ copiâ aquarum distendentium, laxæ partes fasciis firmantur, dantur remedia leviter calefacientia, postea validiora, lenis imperatur motus, sensim augendo ad validissima exercitia usque: sic cerò firmantur illa corpora, & morbus superabitur.

Sed non sufficit morbum superasse, debent etiam tolli causæ, unde necessariò rediturum prævidemus. Dum enim hydropici aquas evacuasti, reddidisti tantum cor-

(a) Aphor. 51, Sect. II. Charter. Tom. IX. pag. 88.



pus tale, quale erat, antequam hydropicum fieret suâ sponte: hinc debent laxæ tunc roborari partes.

Sed undenam novimus satis firmam jam esse viscerum, prius nimis debiliu, com-  
pagem? Si calor per totum corpus sit æquabilis, & sanus; in debilibus enim calor deficit: si à potu ingesto non tumeat corpus in parte vel in toto; sed omnium maxi-  
mè si color sit vivus & ruber in partibus illis, ubi vasa nuda, nullâ cure testâ, cons-  
picua sunt, in labiis, lingua, faucibus, gingivis, oculorum angulis: ex his enim tutò  
concludimus debitum jam adesse viscerum & vasorum omnium robur.

Ubi jam eò usque cura deducta est, tunc non requiritur ulterior roboratio; nam  
induceretur oppositum vitium nimæ rigiditatis: sed servandum est corpus in illo  
gradu acquisiti roboris: sollicitè evitanda sunt omnia illa, quæ recensita fuerunt inter  
causas nimæ debilitatis; nisi enim hoc fiat, citò redibit morbus. Hoc tortes dolemus  
fieri in puellis à chlorosi curatis; dum nolunt abstinere tepidis illis sorbitionibus,  
& inertii otio corporis robur restauratum perdere malunt, quàm exercitio sanitatem  
tueri: siquæ summum Medicis tædium, sibi ipsis tandem insanabilem morbum pa-  
rant.

§. 48. **H**INC patet; omnia, quæ de facultate nutrimentorum tra-  
duntur, aliàs vera, aliàs falsa esse; exercitia musculorum roborare  
fibras; exercitia ventionis resolvere coacta, roborare laxa, nec disper-  
gere vires; ipsum sanguinem & cruorem in robustissimis esse maximè  
densum, lentum, blandum; in tenerimis dissolutum, levem, acrem;  
infinitos morbos, facie diversissimos, unâ sæpe radice hærrere posse,  
eâque succisâ tolli.

QUÆ DE FACULTATE NUTRIMENTORUM, &c. Qui absolute de his scripse-  
runt, nunquam potuerunt vera dicere in omni casu, quia alimentorum facultas non  
pendet ab alimentis solis, sed omnium maximè à corpore, in quod ingeruntur (vide  
§. 25. n°. 1.) Integræ nationes solis vegetabilibus & aquâ vixerunt incolumes; so-  
lis serè piscibus & aquâ aliæ gentes; omnibus serè simul mistis, quæ terra sponte  
vel Arte protulit, quæ animalium partes exhibere potuerunt, uti erudita gula docuit  
alios; & tamen satis sani adhuc vixerunt omnes, vel saltem plurimi ex illis, nec nu-  
trimenti varietas tam magnam differentiam attulit. Est enim in corpore humano sano  
talis facultas, ut, conspirantibus viscerum & vasorum actionibus omnibus, ex di-  
versis indole ingestis fiat idem omni serè dote sanguis humanus. Pro vario tamen  
vasorum & viscerum robore nutrimenta ejusdem indolis nocere vel prodesse pos-  
sunt: fumo & sale conditæ carnes, cum pane atro duris aratoris visceribus conve-  
nient: si carnum juscula darentur tali homini, deficeret præ languore: sed hæc  
debilibus adeo profunt, & contrâ duri tales cibi nocerent summopere. *Qui copiosos  
eibos conficere queunt, illis sorbitiones ne dederis, cibum enim excludunt; qui verb  
non possunt, his dato (a).*

Nullum ergo alimentum universali titulo salubre dici potest; & qui rogat, quod-  
nam sit salubre alimentum, idem facit, ac si quæreret, quifnam sit ventus secundus,  
non cognito itinere.

(a) Hippoc. de affect. Cap. XII. Charact. Tom. VII. pag. 633.

**EXERCITIA MUSCULORUM, &c.** De his vide §. 25, n<sup>o</sup>. 2, & §. 28, n<sup>o</sup>. 2. Solo motu enim musculari, nimis exercitato, oppositus morbus nimia rigiditatis fieri potest. Quantum differunt carnes in stabulis saginati bovis à carnibus ejusdem animalis, quod aratum ducens duro labore exsucca ferè omnia habet!

**EXERCITIA VECTIONIS, &c.** Motus musculares firmant corpus, sed fatigant, & quantum spirituum faciunt renasci, tantum perdunt: unde debilissimos his curare est impossibile. Hinc in debilibus substituuntur motibus muscularibus vectiones, & primò quidem lenissimæ, dum sumi insidentes ægri motu oscillatorio leni agitantur (a): his succedunt gestationes in lesticis; dein vectiones in carpentis molles, postea in curribus per strata viarum motis: tandem ægri tales equos conficiant, & per varios gradus velocitatis quadrupedante cursu corpus firmant. Sic difficillimi curantur morbi sanantur, & omnes ferè morbi muscularis structis habent ægri sine virium dispendio. Omnia autem hæc inprimis triplici de causa profunt; 1<sup>o</sup>. Quia pendula viscera illis concussionibus agitata roborantur, & concreta partim his concussionibus, partim auctis vasorum & viscerum viribus resolvuntur. 2<sup>o</sup>. Quia fœces ex ultima digestionem residuæ sic ex primis viis eliminantur in illis, quibus vis horum viscerum deficit: hinc profunt inprimis unâ vel alterâ horâ ante cibum ingestum. 3<sup>o</sup>. Quatenus impetus & efficacia aeris in pulmonum vasa sic augeatur, & ambiens atmosphæra, calore corporis statim tepescens, renovatur assidue; quod inprimis equitando obtinetur.

**SANGUINEM ET CRUOREM IN ROBUSTISSIMIS, &c.** Densum vocamus sanguinem, quando est maximi ponderis in data mensura: hoc autem pendet à pressione vasorum, Omnia ferè quæ assumimus, ut & inde paratus chylus & lac sanguine sunt leviora. Sanguis extravasatus, à vasorum compressione liber, fit se ipso levior. Sanguinis ergo compactio & soliditas eò majores sunt, quò vasa fortiora plus consolidaverint: hinc in morbis acutis, in quibus nimia actio vasorum est in contentos humores, sanguis fit ponderosior, fit densior. In fortissimis viris sanguis de vena secta, vel vulnere exsiliens, densus & niger est: hinc *Homerus* (b), ubi *Ajax* vulnerabat *Hectorem*, dicit: *Ater exsiliabat sanguis*: & alibi (c) *Hæroum Sanguinem atrum*, dixit. Sed & simul adest tali sanguini *lentor*, quo concrevit statim in unam massam solidam. In sanguine arterioso in robustis hoc semper verum est: & post varios labores, vel in morbis acutis inflammatoriis, sanguis venosus etiam sic concrevit illico ferè. In tali sanguine simul obtrinet hæc conditio, ut oculo sano immixtus nullum dolorem faciat: adeo blandus est sanguis sanus, aliquid lenissimi subfalsi præbens, sed dilutum valde, sic ut nullâ acrimoniâ lædat partes acutissimi sensus: omnia enim, quæ nimis acris ficerent in sanguine, eliminantur de corpore, per vesicam, alvum, sudorem, &c.

**IN TENERIMIS DISSOLUTUM, &c.** Sanguis sani hominis difficulter examinatur hydrostaticè, cum statim concrevat, & liber à pressione vasorum rarefiat illico. Ut aliquam tamen, licet non omnino accuratam (ut ipse fatetur) hujus rei notitiam haberet *Boyleus* (d), excepit phialâ oblongâ sani hominis sanguinem: cum jam quietus stagnaret, & bullulæ evanuisent, adamante notavit altitudinem: postea eandem phialam, eloto prius sanguine, replevit aquâ ad eandem altitu-

(a) *Mercurialis de Arte Gymnastica* p. 217.

(b) *μήλας δ' ἀνὰ κέντρον ἄμα*, *Iliad. Lib. VII.*

(c) *τὸ αἷμα σπυρμαίνον*, &c. *Ibid. vers.*

(d) *Histor. Sang. Humani*, pag. 11.

dinem;

nem; tuncque invenit, sanguinem sani hominis superare aquæ gravitatem specificam circiter unâ vigesimâ quintâ parte: sed ex paulò antè dictis constat, ex ingestis vi vasorum & viscerum sanguinem fieri solidiorem, ergo & ponderosorem ingestis ipsis: hinc ubi in tenerrimis hominibus illa vis languet, minùs consolidatur sanguis; hinc dissolutus magis, & levis, tandem in aquosam tenuitatem degenerat. Docet id ex sola inertia & debilitate natus hydrops.

Sed plerumque nimix sanguinis tenuitati comes est major acrimonia: unde tenerimis illis faciles erosiones debiliùm vasorum: unde hæmoptoe, & similia mala. Hinc illis tam frequentes acres illi & falsi catarrhi.

**INFINITOS MORBOS, &c.** Dum liquida humana per canales proportionales diametri fluunt, & singulæ series decrecentium liquidorum per sua vasa feruntur, omnes omnium vasorum & viscerum functiones illibatæ sunt. Dum debilitata vasa, ab impulsis liquidis nimis distenta, alienos humores admiserunt, turbantur omnia, hinc infinitorum morborum origo à simplici hac causa pendere potest; omnèque inde orti morbi, restituito naturali vasorum robore, tolli possunt. Unicum sufficiet ex innumeris, quæ adduci possent, exemplum. Naturaliter adnata oculorum tunica sanguinis rubri in suis vasis nihil habet: hæc verò laxatâ à quacumque causâ sanguis ruber ingreditur, & ibi hæret; facitque ophthalmiam, in initio sæpissime aquæ frigidæ applicatione sanabilem, dum hoc frigore stricta vasa repellunt ingressum sanguinem rubrum: cùm in hoc casu emollientia & laxantia applicentur, augetur sæpe malum.

Hinc apparet, quantum usum habeat consideratio simplicis talis morbi, cùm viam pariet, ut intricatissimi alii, ab eadem origine pendentes, cognosci & curari possint.

§. 49. **EX** iisdem cognitio & curatio laxitatis vasorum & viscerum habetur.

Cùm laxitas sit debilitatis species, uti antea dictum est, omnia priùs enarrata conveniunt.



## MORBI VISCERUM FORTIUM ET RIGIDORUM.

§. 50. **RIGIDITAS** nimia vasorum & viscerum nominatur illa partium (23. 38. 39.) hæc componentium cohæsiõ, quæ non cedat illi motui, qui illa mutare & movere debebat, ut fierent ea, quæ sanitatis & vitæ tempore ab hac mutabilitate fluebant.

Omni vitæ nostræ tempore corpus mutatur in suis vasis, cùm hæc nunquam binis momentis maneat in eadem amplitudine, sed nunc distendantur vi impulsu à corde liquidi, nunc contrahantur in minorem diametrum suo robore. Requiritur ergo talis cohæsiõ partium, constituentium hæc vasa, ut cedere possint: ubi hæc cohæsiõ tanta est, ut non cedant omnino, vel non satis, morbus est nimix rigiditatis in visceribus & vasis.

Tomus I.

H FUNDACIÓN  
SIMARRO  
BIBLIOTECA  
MADRID

Quid viscera sint, dictum jam fuit §. 41, & notatum fuit ibi, quod omnia viscera omnes suos effectus singulares faciant per vasorum, quibus constant, fabricam. Sed omnia vasa tantum agunt in fluida contenta, quantum reprimunt, & nituntur minuere suas diametros: & ubi semel contracta fuerunt ad minimam suam diametrum, tunc vis hæc quiescit, nec agit iterum, nisi ab impulsu liquido distendantur rursus vasa. Requiritur ergo in vasis talis flexibilitas, ut cedere possint & expandi ab impulsu liquido; dein, cessante vi impellente, rursus se contrahere.

Sed præterea requiritur, ut in singulis visceribus, quæ suâ fabricâ præparatos liquores secernunt per emissaria, ultimi canales secretorii habeant certam & determinatam amplitudinem, ne dimittant illa, quæ retineri debent; aut retineant secernenda: à justo hoc moderamine rota vita & sanitas pendent.

In variis jam corporis visceribus varia requiritur vasorum flexilitas: longè major certè in corticis cerebri arterioliis, quam in renum secretoriis vasculis: hinc iterum nihil hic generaliter definiri potest, sed tantum cum limitatione ad varios usus, quos vita sana requirit.

§. 51. **O**RITUR 1. ab omni causa fibræ nimis rigidæ, (§. 32.) 2. maximè à fibris, validâ vi propulsi liquidi vitalis admodum compactis ad se mutuò; 3. ꝓ adunatione canalium minorum orbatorum suo liquido per violentam pressionem, quâ vitale liquidum arteriosum canalium majorum latera premit, cujus maxima effectrix causa est valde exercitatus muscularis motus; 4. à concreto vase in unum solidum cum proprio liquido stagnante, exsiccato, coagulato.

1. De his dictum fuit. §. 32.

2. Licet in liquidis forent partes, restituendis elementis, per sanitatis actiones detritis & deperditis, aptæ; requirebatur tamen (ut in cura fibræ debilis dictum) applicatio harum per propulsum liquidi vitalis ad loca debita, & quasi appressio ad alia elementa, quæ quò validior erat, eò firmiter fibræ inde natæ vel restitutæ fabrica. Eadem jam hæc vis, quæ elementa fibrarum inter se compingit, fibras ex his adunatas factas, fortius ad se invicem apprimat, & plùs coherere facit.

3. De hac re §. 39. n°. 1, dictum fuit. Maximi enim canales habent suas membranas contextas, ex minoribus: sed minimi canales per cordis vim longè minùs distenduntur, quàm majores, in quos primo quasi impetu, & integris suis viribus cor agit: hinc majoribus canalibus distentis minora vascula, majorum canalium membranas constituenta, complanantur & impervia fiunt; unde conerescent, & inde augetur robor. Motus jam muscularis valde exercitatus, velociùs movendo sanguinem venosum versùs cor, illius motum auget: hinc major impetus inprimis in maxima vasa, & hinc omnia illa dicta sequuntur. Hæc inprimis ratio est, quare debilia corpora motus muscularis tam pulchre roboret.

4. Dictum fuit de hoc §. 39. n°. 2.

§. 52. **U**BI obtinet in vasis, producit effectus : 1. similes, vel eodem iis, qui à fibra nimis rigida (33.) 2. facit in vasis validum nixum, quo fibræ conantur se applicare ad axin sui canalis; arcuare cava sua; premere, comprimere, repellere, expellere sua liquida; hinc eorum motui à corde, adeoque & cordi resistere; vix dilatari; hinc interrumpere æquabilem sanguinis motum, adeoque omnium secretionum, minuere copiam sanguinis aliter uno iclu ex corde expellendi; impedire cordis evacuationem perfectam, polypos sanguinis producere; fluidum comprimendo, & à fluidissimis spoliando, id condensare, suffocationes, mortem creare. 3. Vulneratis vasis magnos hiatus creat per vim magnam, quâ trahuntur in sua sustentacula partes vasorum; discissis integre cavitates minuit extremas, vel claudit.

1. De his actum est.

2. In canali conico linea ducta ab apice ad centrum basis, dicitur axis. Dum canales nostri flexiles distenduntur ab impulso liquido, sunt in statu violento, & fibræ longitudinales, in arcum distentæ, nituntur redire in pristinam longitudinem: fibræ orbiculares distractæ nituntur redire ad minores diametros. Utræque hæc actione latera canalis propius accedunt ad axim: hæcque est sola actio canalium nostrorum, quatenus nempe fibræ distentæ nituntur se restituere. Quò jam firmior fabrica, & major elasticitas est horum laterum, eò validior hic nixus est, ut evidenter patet.

Sed dum latera canalis ad axim propius accedunt, necessariò minuitur cavitas: ergo premitur liquidum contentum; & cum liquidum non possit tam citò exprimi per convergentes arteriarum fines, nec retroripelli in cor (obstant enim aortæ valvulæ) hinc comprimitur, reprimitur, & condensatur: omne enim porosum, & simul flexile corpus, in tantò minus spatium redigitur, quantò major est vis comprimens. Hæcque videtur esse ratio, quare chylus & lac leviora semper sanguine, repetitis vasorum nostrorum actionibus compressa mutantur in sanguinem solidum & compactum.

Sed omnia, quæ ingrediuntur corpus nostrum, nova liquida, sive ex cibo & potu, sive per bibula vasa in tota corporis superficie, semper per venas ingrediuntur: hæc dilatabiles facillè admittunt omnia. Postquam autem hæc ingressa sunt arterias, si in his robur supra sanitatis vires increverit, statim dissilantur de corpore: hinc intelligimus, unde homines macilentii & fortes comedant duplò plus sæpe quàm obesi & otiosi, nec tamen pinguescant, licet parçâ copiam tantum alvum deponant. Ingesta quidem in his ingrediuntur venas lacteas, dein cavam venam, còrque dexterum; sed in pulmonis arteriis, & postea per totum systema arteriosum reliqui corporis sic attentionantur, ut per ultima exhalantia corporis vasa dissilari possint, siveque evanescant.

**HINC EORUM MOTUI A CORDE, &c.** Maximè notandum, quòd; licet majus robur accedat arteriis, ideo non statim debeat oriri cordi nimia resistentia; nam aucto arteriarum robore, cordis vires augentur: influxus enim venosi sanguinis in cava cordis, trajectio sanguinis arteriosi per cordis substantiam, influxus spirituum in villos musculosos cordis, sunt causæ à quibus motus muscularis cordis

pēdet. Sed dum aorta validiori vi se contrahit, sanguinem majori celeritate pellit per arterias coronarias in cordis substantiam; simul validiori vi per carotides & vertebrales sanguinem cerebro & cerebello applicat; unde major spirituum secretio: deinde ex arteriis in venas sanguinem velocius promovet, sicque sanguinem venosum celerius movendo cor irritat: omnes ergo causæ motus muscularis cordis augentur, aucto robore arteriarum.

Quamdiu hoc manet æquilibrium, summa permutatio & celerrima conversio ingestorum in naturam nostram fit; magna conciliatur sanguini soliditas: sed nondum inde sanitatis detrimentum. Ubi verò robor arteriarum eò usque increvit, ut vix patiantur se dilatarı; tunc omnia illa mala hic recensita fiunt. Dum enim non dilatantur arteriæ, non contrahuntur postea: sed contractio arteriarum præcipua causa est, quæ sanguinis motum per vasa facit; cordis enim actio tantum ferè dilatat arterias, & in illis dilatatis locat contentum in cavis suis sanguinem: momento post contractæ arteriæ contentum sanguinem propellunt. Hoc evidenter apparet, dum arteria major vulnerata sanguinem fundit: nunquam enim uno impetu profluit, sed per subsultus: longè minori celeritate exit, quando cor contractum arterias dilatat; longè majori impetu, dum arteriæ contrahuntur & cor est in diastole.

Ubi ergo à quacumque causa tanta fit rigiditas vasorum, ut non patiantur se dilatarı, vel saltem non satis, tunc cordis vires non valent expellere contentum in cavis suis sanguinem: tunc cor mirabili quasi tenesmo irritatum nititur pluribus ictibus facere, quod unicâ contractione non potuit; hinc palpitationes cordis & interruptus pulsus in summo senio toties observata: nam in valde longævīs vasa majora circa cor cartilaginea, imò ossea, aliquando inventa fuerunt; ut testantur Observationes Medicæ. Cordis jam motu turbato omnia turbantur in corpore: illud enim fons & origo motus est. Hinc nulla secretio, nulla excretio manet talis, qualis antea fuerat: sed dum in cordis cavis, & in sinubus & auriculis, incipit hæere sanguis, nascitur.

POLYPI, à Polypo pisce sic dicti, qui plurimis çirris se vicinis affigit: morbus frequentissimus, latens admodum & rebellis.

*Malpighius* in tractatu de Polypo cordis primus ferè obscuræ hætenus polypi Historiæ lucem affudit, & demonstravit, unde polypi in corde & majoribus vasis origo deducatur.

Sanguis enim sani hominis venâ missus lentescit statim, & incipit facere crustam concretam, quæ repellit à se liquorem flavum fluidum. Massa hæc magis & magis concrevit, & innatat liquidiori parti expressæ; concreta deinde aquâ purâ lota albescit, fibrosa apparet, discissa exhibit cellulas, ichore rubello plenas.

Experimentum *Ruyfchii* (§. 39.) antè memoratum docet, quomodo semel incipiens nasci talis concretio, & reliquo sanguine trahat similes partes, & ex illis adunatis fiat membranæ quasi species.

Sanguis ergo sani hominis, ut constat ex his Experimentis *Malpighii* & *Ruyfchii*, constat binis talibus partibus, quæ se mutuo repellunt, sed motus vitalis hæc miscet inter se: hinc simulac sanguis in homine vel sanissimo in vasis magnis aliquandiu quiescit, aut tardius motus copiâ nimîâ aggregatur in vasis distentis, disponitur ad coagulationem flocculentam: flocculi sic nati concrevunt inter se, sibi quæ assimilant & quasi attrahunt similes partes, & faciunt sic polyposas massulas, quæ continuatione ejusdem causæ concrevunt sæpe in immanem magnitudinem, & vasis ipsius,

cordis columnis, auriculis, &c, accrescunt; ut docuerunt in cadaveribus factæ Observationes (a).

In jugulatis animalibus omni sanguine emisso, circa solum cor dextrum pauculum adhuc sanguinis hæret, in massulas oblongas polyposas concreti: hincque apparet ratio, quare post ingentes sanguinis jacturas polypi sæpe circa majora vasa concrescant, postea miserimos inducentes morbos. Vidi sic foeminam, cui per abortum tanta facta fuerat sanguinis jactura, ut pro mortua deponeretur; revixit postea, satis commodè se habens dum quiesceret; si verò minimum moveret corpus, mox anxietas intolerabilis, & subitanea omnium virium prostratio, anhelatio miserima, donec quiete sensim rediret pacatior status: sic jam per decem annos hæret lectulo affixa. Videtur in hac foemina idem factum fuisse ac in jugulatis animalibus, factas nempe polyposas concretiones lentè motum sanguinem transmittere, & viam præcludere celerius moto.

Apparet hoc evidentissimè in syncope: quando enim in syncopen delapsis vita redit, suspirant, anhelant; concrecentis sanguinis polyposi flocculi in arteria pulmonali, ex ingenti capacitate in tam minutas angustias statim abeunte, sistuntur; contractione cordis & arteriæ pulmonalis, respirationis molimine tunc semper aucto, eunt, redeunt, & aliquando solvuntur: qui autem sæpius syncopen patiuntur, nato jam polypo totâ vitæ cordis palpitationibus obnoxii manent.

Malum hoc frequentissimum foret mobilissimis puellis, quæ ab animi affectu validiore statim animo deficiunt, nisi illarum sanguis vitium oppositum polyposæ concretioni haberet: in illis enim, quibus validæ vires sunt, & actuosa vita, sanguis majorem vim concrescendi habet; hinc requirit motum perpetuum & æquabilem, ne concrescar.

A polyposis autem illis concretionibus, vel in cordis ipsius cavis, vel circa vasa majora natis, oriuntur tam anomala, tam tetra symptomata, ut causis majoribus adscripta fuerint sæpius. Concretio talis polyposa ovi columbini magnitudine, nullibi acreta, sed libere hærens in sinistri cordis cavo, horrenda mala produxit (b).

Angusta spes curæ est in polypo confirmato. Jactantur plurima remedia, profunt ferè nunquam. Totum autem, quod sperari potest, est, ut reddatur sanguis dilutissimus, ab omni concretionem maximè alienus; id est, inducatur per Artem cacoehymia nimis diluti sanguinis, ne augeri possint polypus novæ materiæ appositione; sed tritu omni momento vitæ præterlabentis deteratur sensim.

3. Si nulla foret in partibus nostris solidis contractilitas, vulnus inflictum non haberet majorem hiatum, quàm est crassities instrumenti lædentis: sed videmus vulnera, vel acutissimâ novacula inflicta, paulò post hiare: vis enim illa, quæ cohærent partes firmæ inter se, facit retrahi utraque extrema. Quò ergo hæc vis est major, cò plus recedent partes discissæ se invicem. Cùm verò integre discissæ sunt vasa, eadem hæc vis extrema vasorum retrahet & occulrabit sub aliis paribus; sicque in hoc casu hæmorrhagiæ felicissè sistuntur in robustis quàm in debilibus, quia & vis contractilis orbicularium fibrarum in arteriis robustorum fortior est.

(a) Abridgement Tom. III. pag. 70. Malpighi. |  
de Polypo & passim apud Observatores.

(b) Ag. Physic. Med. vol. 1. pag. 51

§. 53. **E**X his (31. 32. 33. 34. 35. 36. 37. 50. 51. 52.) accurate perspectis clara habetur doctrina, quâ noscitur præterita, præsens, futura, agens, & actura vaforum rigiditas, elasticitas, vis, curatio.

In præcedentibus capitulis explicata fuit methodus, quomodo diagnosi morbi præsentis, anamnesis morbi præteriti, prognosis futuri & effectuum inde sequentium; tandemque indicatio curatoria inveniri possint; vide §. 27, & 34.

§. 54. **E**AM enim efficiunt 1. remedia curandæ rigiditati fibræ propria, (35.) 2. illa maximè, quæ liquidi vitalis copiam, densitatem, pressionem minuunt. 3. Quæ motum muscularem suspendunt. 4. Ea, quæ humectant, leniunt, emolliunt, diluunt, resolvunt, abstergunt.

1. De his dictum fuit.

2. QUÆ MINUUNT LIQUIDI VITALIS COPIAM.

In fibra nimis rigida curanda solum considerabatur solidum: in visceribus & vasis nimis rigidis curandis ratio haberi debet & solidorum & fluidorum simul. Inter causas nimis rigidorum viscerum §. 51, recensita fuit valida vis propulsi liquidi vitalis, compingens ad se invicem fibras. Liquidum autem vitale vocatur, quod corde expellitur, & in cor refluit. Sed quò plus hujus liquidi vitalis, manente vitâ, auferatur, eò minor fit solidarum partium actio & attritus ad fluida contenta; id est, minuitur vitalis circuitus humorum vehementia: minutâ enim copiâ vitalis liquidi, non redit ad cor eadem quantitas. Sed sanguinis, per venas allati, in cava cordis influxus inter causas motum cordis excitantes merito numeratur, ut antè dictum fuit §. 28. & alibi jam, sæpius: ergo minuitur cordis constructio muscularis in suo robore & velocitate. Docet hoc evidenter venæsectio, quæ furentem in morbis acutis nimio impetu vitam sic potest compescere, ut incipiant omnia remittere, languere, imò ad animi deliquium deductâ hac evacuatione in acutis continuis, ubi validæ ægrotantis vires sunt, sæpe illico tollitur febris; ut *Galeno*, sic febrem curanti, adstantium quis dixerit, *ô homo, jugulasti febrem (a)!*

Sed jam antiquis temporibus disputaverunt Medici, quomodo deberet in morbis tolli illa copia nimia vitalis liquidi. Simplicissimus, & naturæ, toties hæmorrhagiis excitatis morbos sanantis familiaris modus videbatur aperto vase per venæsectionem minuere copiam. Sed *Erasistrati* sectatores damnabant venæsectionem, & exsuperantem sanguinem tolli posse volebant inediâ, quam triduanam imperabant ægris suis. Famosa illa *διάρρηξις αἵματος* ab *Hippocrate* in libro de Victu acutorum morborum fuit proscripta. Integrum librum *Galenus (b)* scripsit, ubi & argumentis, & rerum Experimentis, hanc sententiam refutavit, licet postea à Chemicis quibusdam infelicitè resuscitatum.

Dum enim per inediâ humorum copiam minuere volunt, dissantur subtilissima; crassissimi humores in vasis maximis eò plus condensantur; & simul omnia in putri-

(a) Method. Medend. Lib. IX. Cap. 19. | Charter, Tom. X. pag. 106.

(b) De venæsectione adversus Erasistrateos; Charter, Tom. X. pag. 406. & seq.



dam acrimoniam disponuntur: venæsectio verò crassissimam humorum nostrorum partem, sanguinem rubrum nempe, educit, viamque facit diluentibus ingessis.

**DENSITATEM.** In homine sano sanguis semper densitate aquam superat; & dum in aquosam tenuitatem incipit degenerare sanguis, perit omne robur; docent hydropici. Ubi ergo nimium robur in vasis & visceribus peccat, depletis per venæsectionem vasis,eductâ densissimâ sanguinis parte, ingeruntur aquosâ; serum lactis, prisanæ hordeaceæ, &c, in quibus aqua prædominatur; ut his repleta vasa debilitentur, & quasi dispositio ad hydropem inducatur. In morbis acutis *Hippocrates* solis ferè a quosis in victu ægrorum usus est.

**PRESSIIONEM.** Omnia ingesta alimenta & potulenta sanguine sunt leviora: vis ergo vasorum hæc continuatâ actione compingit & consolidat in bonum sanguinem. Quò hæc vis vasorum minor est, eò minus compactus ex ingestis nascitur sanguis: docent debiles puellæ, quibus subrubellus ichor quasi per vasa fluit, non solidus sanguis. Quò jam vasa pleniora sunt, eò major compressio liquidorum vasis contentorum: cordis enim vis, projiciens sanguinem in arterias, jam valde distentas, debet comprimere plûs sanguinem in arteriis, ut locare ibi possit contentum in suis cavis sanguinem: hinc dum minuitur hæc vasorum plenitudo, minuitur & hæc pressionis causâ, Quò jam densiora sunt liquida nostra, eò majori impetu in vasa nostra agunt; cui actioni in sanitate æqualis est vasorum reactio in liquida. Dum ergo minuitur liquidorum nostrorum densitas, minuitur etiam pressio, ut patet. Quò jam celerior est propulsio sanguinis per vasa, eò sæpius, eodem dato tempore, applicantur causæ condensantes nostris liquidis: hinc in omnibus morbis, in quibus nimius vitæ impetus peccat, summam quietem imperavit sapiens Antiquitas. Minutâ ergo copiâ, minor conciliatâ densitate liquidis, minuto motu fluidorum per vasa, minuitur pressio; & quod inde necessario sequitur, nimium robur vasorum & viscerum præsens tollitur, vel futurum præcavetur.

3. Quid motus musculorum valeat efficere, dictum fuit §. 28. n°. 2. §. 37. §. 43. n°. 3. §. 48.

4. **QUÆ HUMECTANT.** Quidnam vocatur humectare in Medicina? Corpus humanum replere pluribus, quàm hæcenus habebat, liquidis; & simul sic disponere, ut plûs, quàm solebat antea, retineat: hæc duo simul faciunt humectationem. Dum enim ingeritur aqua, non mansura in corpore, perluit corpus, non humectatur. Aqua tepida pota laxat omnia vasa, sed cum farinosis cocta longè plûs emolliat & humectat, siquæ efficit, ut repletioni minùs resistent vasa. Hoc totum jam verum est respectu solidarum corporis partium; sed ratione fluidorum difficultas magna manet. Sanguis enim humanus per vim nimiam vasorum in fluida incipit coire in spissitudinem inflammatoriam; tuncque non facillè miscetur aquæ ingestæ; sic sæpe in morbis acutissimis observatur, largam copiam aquæ epotam per urinas & sudores statim dilabi, & post paucas horas urinam esse æquè rubram ac antè, nec levare symptomata. Videtur tunc aqua fluxisse quidem cum sanguine per vasa, non autem cohesisse sanguini intimâ miscellâ, sed mox secessisse. Tunc tapones blandissimi, aquæ misti, ut sunt omnes succi fructuum horæorum, olerum molissimorum, mel; manna, saccharum, &c, sic dividunt nimis proum in concretionem sanguinem, ut aquæ facillior fiat, & magis durabilis, miscela cum sanguine.

Remedia jam humectantia in *Materia Medica* descripta sunt, in quibus omnibus semper prædominatur aqua. Ad sunt simul talia, quæ aliquid glutinosi lentoris addunt

aquæ, nimis citò præterlapsuræ; ut sunt omnia farinosa, omnes herbæ emollientes. Adduntur & saponacea, quæ dividunt nimium sanguinis lentorem: sed inprimis laudabantur pro hoc scopo decocta cancerorum fluviatilium in Græcia, ad siccos illos marafinos ab *Hippocratis* temporibus jam adeo laudata. In Italia viperinarum carnium decocta tantū fiunt. Fortè hic decocta anguillarum substitui possent, in his enim omnibus est subviscosus, humectans, blandus succus, qui plùs facit in exsuctis illis corporibus, quàm ferè sperari posset. Si his decoctis, ex se fatuis, gratis oleribus additis concilietur saporis gratia, summum habetur remedium.

**LENIUNT.** Quæ lenientia dicuntur, sunt talia vel respectu solidorum, vel respectu fluidorum: respectu solidorum lenientia dicuntur, quæ nimiam rigiditatem tollunt; respectu fluidorum, quæ omne acre stimulum obvolvunt & inviscent: qualia sunt omnia recensita statim.

**EMOLLIUNT.** Quæ lenientia dicuntur ad emollientium classē pertinent, hæc tamen cum diversitate, quòd emollientia respiciant tantū solidas partes, lenientia & fluidas & solidas partes simul.

**DILUUNT.** Diluere tantū de liquidis dicitur: his verbò dilutis solida laxantur. Sed quid diluit? Certè aqua unicum propriè diluens est respectu nostri sanguinis; & reliqua omnia, quæ diluentia dicuntur, tantū ratione aquæ agunt. Salia quidem attenuant & resolvunt, non diluunt tamen. Spirituosa omnia potius coagulant nostros humores. Aqua autem frigidissima, æquè ac fervida, sanguinem coagulat: hinc sola tepida dat optimum diluens. Hæc jam aqua tepida potest omni modo applicari corpori nostro, per balnea, vapores, clysmata, fomenta, &c.

**RESOLVUNT.** Nimium robur fieri dictum fuit, concretis multis vasis; antea perviis: hinc resolutentia, respectu solidarum partium, deberent habere talem potestatem, ut vasa concreta redderent iterum aperta: hoc vix videtur fieri posse, vel saltem non facillè. Sed resolutentia respectu fluidorum sunt omnia illa, quæ partes olim fluidas, nunc concretas, iterum solvunt in illas moleculas, ex quibus constabant ante concretionem. Hæc autem dividunt concreta vel insinuatione suæ molis inter partes cohærentes, vel stimulorum instar vasorum vim augent, unde major attritus, & sæpe divisio concreti: aliquando utrisque his viribus simul conspirantibus agunt.

Sanguis ruber, dum fluit per totum corpus, debet transire per vasa, quorum diameter decimam partem crassitie capilli non superat: sed sanguis ille, extra corpus dimissus, sic concrescit, ut per maximos canales transire non posset: jam resolvens diceretur illud, quod sanguinem concretum posset iterum dividere in particulas adeo parvas, ut per vasa illa minima posset transire.

Prouit jam sunt varia genera concrecentium humorum, diversa etiam requiruntur resolutentia: quorum præcipua in *Materia Medica* ad hunc numerum sunt recensita.

Diluentia aquosa enim solvunt omnia mucosa, glutinosa, gummosa, saponacea; &c; plurima autem sunt per aquam non resolvenda: sanguis enim noster in aquam tepidam dimissus à concretionē non impeditur.

Salina solventia pleraque, recensita in *Materia Medica* optimè hoc munus absolvent: inflammatoriis concretionibus resolvendis sales neutri optimè conveniunt, maxime nitrum & ejus præparata pleraque, quod sale marino levius, faciliùsque superandum à natura humana, tam pulchro usu in omnibus ferè morbis acutis adhibetur.

Salcs

*Salēs alcalini ad glutinosas lentas concreciones magis laudantur, &c.*

*Saponacea, mitissima inprimis illa ex saccharo, melle, succis, &c, sine ullo ferè molimine, sine ullis rurbis, plurima concreta solvunt: fortiora illa, & Chemica aciora, simul excitato majori motu agunt.*

*Hæc omnia autem maximè adjuvantur frictionibus, dum alternâ pressione & relaxatione vasorum resolutia, sanguini mista, teruntur quasi cum concretis fluidis. Sic certè post balneum vaporis moderata frictio, simul internè solventissimis remediis adhibitis, sæpe duros glandularum tumores dissipavit, qui resolvi posse vix credebantur.*

**ABSTERGUNT.** *Dum viscosum vel glutinosum aliquod tenacitate suâ apprehendit superficiem vasis, & meatus naturales obstruit, si hoc aufertur, dicitur deterisa esse illa pars corporis. Hinc abstergentia sunt resolutia concreti, inprimis saponacea omnia, in illis autem vasis, per quæ rapidissimus est humorum motus, non faciliè inveniuntur talia viscosa vasis adhærentia, sed in ultimis vasis vel in receptaculis, ubi colliguntur humores in proprios usus occurrunt talia. Magnus tamen error foret credere, omnia talia viscosa esse semper morbosa: certè totum os internum, œsophagus, ventriculus, &c, tali obsidentur muco, quo deficiente pessimi oriuntur morbi. Ad classẽ abstergentium pertinet omnia quæ diluunt, quæ resolvunt; omnium maximè saponacea. Illa autem nimis rigiditati vasorum & viscerum curandæ profunt, quatenus, obstaculis remotis, per vasa patula liberrimus sit humorum transitus: unde æquabilissima facta circulatio non compingit adeo ad se invicem solidas partes, non condensât tantâ vi humores.*

§. 55. **EX** hisce omnibûs (ab 21. ad 55.) morbi partium solidarum proprii intelliguntur, curantur; & ex iisdem clarescit, quid respondendum his quæstionibus: Quæ diversitas structuræ partium solidarum in ætate diversâ? Cur homo crescit, perstat, decrescit? Cur in utero materno omnium ocyssimè augeatur? Cur laxus, fortis, rigidus sit? Cur humidus, plenus, siccus? Cur morte naturali, vel fato senili, moritur, & quo tum morbo? Quinam morbi plerumque singulæ ætati proprii? Quis Victus, quæ vita, quæ Medicamenta, cuique tempori vitæ commoda? Quænam fides, quæ utilitas, doctrinæ de stricto & laxo in solidis? Unde desumenda nota certissima iustæ mensuræ laxi, & stricti, in homine? &c,

*Ex hæcenus dictis omnes morbi solidarum partium intelligi possunt, & explicari: pendent enim omnes à mala cohesione partium, & ex hac doctrina plurima sequuntur, & maximi usus; in Medicina; facili enim sequitur responsio ex prædictis ad sequentes quæstiones.*

**QUÆ DIVERSITAS STRUCTURÆ, &c.** *Quò propius origini suæ est corpus humanum, eò pluribus vasis, fibris & membranis simplicibus, constat; eò faciliùs cedunt vasa liquidorum impulsui: eò major proportio encephali & nervorum inde productorum ad reliquas partes. Si recens nati corpusculum lustratur undique, omnia pulposa, mollia, humida sunt; volæ manuum, pedum plantæ; ubique in*

omni puncto per minima vascula exhalantia humido madent; nihil sicci, nihil callosi invenitur; sensim factò ætatis augmento plurima ex minimis vasculis incipiunt consolidari: sic vasorum numerus minuitur, solidorum augetur robur; donec tandem in ultima senectute dura accedat exsucco corpori callositas, & minimorum vasorum plurimorum abolitio: unde omnes actiones, quæ pendent à subtilissimi humoris per minima vasa motu, in senibus incipiunt deficere; & solida omnia nimis rigida facta resistunt magrà vi fluidis impulsis.

**CUR HOMO CRESCIT?** *Dixerat Hippocrates (a): Partes autem simul omnes discernuntur, & augentur, neque una prior altera neque posterior: majores tamen naturæ minoribus priores conspiciuntur, quum priores non existant.* Dum enim generationis animalium mirabilem Historiam, quantum per fidelissimas Observations hodie cognoscitur, consideramus, videntur in embryone partes præexistentes explicari in majorem molem. Idem & in plantarum propagatione constat, ubi in foecundo semine integra plantula convoluta latet, sensim explicanda. Dum ergo in tenello embryone pleraque vasa intorta & convoluta jacent, oritur resistentia liquidis per hæc vasa propellendis; sed liquida pulsa per canales, cum renixu quodam contra hunc motum facto, conantur distendere hos canales, & simul producere latera canalium juxta longitudinem: hinc elongantur omnia, & fit crimentum. Ubi verò, explicatis omnibus vasis, minor fit resistentia liquidis propulsis, fit liberrima circulatio per omnes canales; tuncque cessat illa productio canalium secundum suam longitudinem, quia jam liberrimè perfluunt liquida, & vitali motu (ut antè demonstratum est) consolidata canalium latera non patiuntur se distrahi ulterius ab eadem vi: tunc corpus.

**PERSTAT.** Dum copia & impetus humorum ex corde pulforum æquilibrantur viribus solidorum resistentium: corpus enim humanum non desinit crescere, quia solida extendi non possunt; sed quia explicatis vasis omnibus liberrima circulatio efficit, ut minùs urgeant liquida suos canales: quacumque enim de causa nato obstaculo circa quædam vasa (etiam in corpore jam adulto) velocitate & copiâ humorum manentibus iisdem, videmus partes incrementum. Docet hoc uterus gravidarum in tantam molem expansus; hepar & lien obstructa in immanem magnitudinem excrefcencia; cutanea vascula invilabilia à comprimente atheromate vicino insigniter aucta (b).

Fortè à tali latente causa mirabile sæpe quarundam partium augmentum. Puellam novi, cui lingua: immaniter aucta, extra os infra mentum pendula est, deglutitione, loquelâ, gustu integerrimis.

**DECRESCIT.** Inevitabili vitæ sanæ effectu sensim nascitur tale robur in vasis omnibus, ut incipiant nimis resistere liquidis impulsis. Hinc sensim contrahuntur omnia; totum corpus aridum & exsuccum fit; omnis serè pinguedo consumitur, quæ tam magnam partem corporeæ molis humanæ facit: hinc in senum manibus; omni serè pinguedine evanidâ, nudas quasi tendinum chordas videmus; mirabilia i' ligamenta inter corpora vertebrarum media evanescent sæpe sic, ut fiant nulla, & vertebæ vertebrae tangent: unde minuitur corporis proceritas, incurvatur ipsa dorsî antrorsum, gibbosi fiunt senes, & vera filicernia, tandem senili marasmo percunt.

(a) De Viâs ratione Sanorum, Lib. I. Cap. IX. Charter. Tom. VI. pag. 455.

(b) Simon the system of the womb, pag. 24. 25. & seq.

**CUR IN UTERO MATERNO, &c.** Rem se sic habere certi sumus: ex invisibili enim molecula intra novem menses crescit infans, ut sexdecim librarum pondus sæpe æquet, imò exsuperet aliquando. Ratio videtur hæc esse; tenerima sunt vasa, corculo validè moto valde propinqua, convoluta plurima magis relinunt liquidis impulsis; hinc plùs elongantur & distenduntur; totus embryo fovetur assidue tepenti calore liquoris amnii: hinc omnia servantur laxissima; nutrimentum materni corporis viribus præparatum affunditur continuò, distribuitur æquabilissimè.

**CUR LAXUS.** Si otio ignavus torpeat homo, somno indulgeat, mollissimis simul utatur cibus, tumebit inertì mole corpus, vires tamen non adeo insurgunt, vasa non satis consolidantur: hinc facillè distendenda cedunt liquidis replentibus.

**FORTIS.** Dum liquidorum vis prævalet vasorum firmitati, corpus tumet & laxum est: dum corporis exercitiis roborata vasa liquidorum impetum sustinent sine dilatatione nimia, & vasorum robur fluidorum copiarum & motui æquibratâ vi resistit, tunc fortis dicitur homo; in quo firma cohesio solidarum partium, & debita humorum densitas.

**RIGIDUS.** Si eadem causæ pergant agere, quæ corpus reddiderunt forte, tandem illud facient rigidum: ætas sensim tenellum recens nati hominis corpus firmat, corporis exercitiis robur addunt vel debilissimis; provecior ætas omnia callosa rigida facit; nimii labores præproperam senectutem faciunt.

**CUR HUMIDUS.** Omnes venæ nostræ facillimè dilatabiles replentur ab ingestis novis liquidis; sed arteriarum firmitus robur expellit iterum ingestos liquores: homo enim sanus & fortis incredibilem copiam aquæ potare potest, quæ omnis recepta venis cordi traditur, per arterias dein distributa expellitur de corpore; sequenti enim die pristinum pondus recuperat. Ubi ergo talis in arteriosis vasis est debilitas, ut venis receptos humores nec moveant satis, nec expellant superfluos, tunc accumulatur liquida, & prævalent solidis, humidamque dictam temperiem inducunt.

**PLENUS** dicitur homo, quando vasa ejus plùs repleta sunt bonis humoribus, quàm requiritur ad stabilem sanitatem. In illis talis laxitas est in vasis, ut impleantur ad illum terminum, in quo nondum morbus fit; sed si augeantur plùs humores, aut rarescant à calore vel aliâ quâcumque causâ sanitas manere non potest.

**SICCUS.** Hoc fit simpliciter ab incremente vasorum robore: quando arteriæ majore contrahuntur vi, quàm requiritur ad perfectam sanitatem, liquida expelluntur, siccum fit corpus: hinc ætas & labores solida roborando corpus ficiant.

**CUR MORTE NATURALI, &c.** Mors naturalis dicitur illa, quæ inevitabili lege ex creati corporis constitutione sequitur: hæc autem fit, quoniam elementa fibrarum ad elementa, fibræ ad fibras, membranz ad membranas, parietes vasorum ad invicem applicantur, & vasa complanata cum aliis similibus concresecunt; sicque tandem, minimis vasis ferè omnibus concretis, per sola majora adhuc absolvitur humorum circulus: donec & hæc arida, callosa, imò tandem cartilaginea & ossæ facta (ut docuerunt Observata) impendant liberam sanguinis expulsionem ex corde: sicque vita desinit in placidam, maximèque optabilem, mortem. Ita defecit centenarius major *Ludovicus Cornaro* (a).

(a) Raadgeving om gesond en lang te leven, pag. 78.

Hinc inanis Chemicorum jactantia patet, qui magno hiatu serè immortalitatem promittebant; saltem pro libitu se vitam posse producere clamabant inepti: vide §. 39. n<sup>o</sup>. 1.

ET QUO TUM MORBO. Simplici quiete repleti cordis, non potentis se evacuare in arterias plenas, & tam rigidas, ut à vi cordis distendi non possint.

QUINAM MORBI, &c. Pulcherrima est hujus rei consideratio; & maximè necessaria, cum variâ ætate variis malis homo obnoxius vivat.

In prima ætate omnibus morbis generis nervosi magis obnoxius vivit homo, quia docent Observata, encephalon, ejusque producta; medullam spinalem & nervos; eò majorem habere proportionem ad reliquias partes corporis, quò origini suæ est propior: accedit, quòd ut cerebrum minus firmum in hac ætate, ita & nervi; cerebri producta, molliores sint, hinc faciliùs afficiendi, & præterea tenuioribus involucris tegantur: hinc tam faciliè convelluntur; vix enim laborat infans minimâ febriculâ, quin convellatur. Ab acido primarum viarum nata ventris tormina, susceptum contagium variolosum vel morbillosum, omnia quæ sensûs organa afficiunt vividissimâ actione, ut fragor magnus, lux fulgidissima, &c; toties convulsiones excitant: imò Sydenhamus, dentitione defunctos dum convulsione correptos videbat, præfagebat variolas & quidem boni moris (a). Hinc cum à tam levibus causis in hac tenera ætate convulsiones oriantur, non adeo illas timuit ante septimum annum Hippocrates; post hanc ætatem, majoribus causis dum excitantur tantum, periculosas pronunciat (b).

Altero origo morborum in prima ætate est, quòd humorum copia solidorum robori prævaleat; omnes enim in prima ætate turgiduli, & humidi sunt: hinc tam faciles & tam miræ mutationes humorum, qui tam sæpe per cutim modo non dum bene intellectu mutatam exeunt; docent hoc achores, herpes, excoriationes ponè aures, sub axillis, &c; sicque sæpe incredibilis copia humidi quotidie excernitur, quod, imprudenter dum cohibebatur, molestissimis morbis toties originem dedit.

Postea circa pubertatis tempus miræ mutationes accidunt toti corpori in utroque sexu; in masculis testium tumores, varicosæ vasorum seminalium inflationes, leni frictione supra vapores accensi succini, simulque purgante levi dato, faciliè curabiles: in femellis miri sæpe morbi primam menstruorum eruptionem præcedunt & comitantur.

Dum postea ulteriori incremento incipit resistere corpus, nec vasa patiuntur se tam faciliè extendi, nascitur æquilibrium inter fluidorum impetum copiamque, & vasorum resistantiam. Pergunt interim bona viscera novos quotidie generare humores: unde facilis vasorum ruptura, hinc hæmorrhagiæ narium, sputa sanguinis, &c.

Adulto dein homini maxima actio vasorum in fluida: hinc densus & compactus sanguis; unde frequentes tunc morbi acuti inflammatorii.

Ingravescente demum ætate solida magis compacta fiunt, minima vascula sensim concresecunt, & callosa fiunt omnia, quæ à subtilissimis humoribus per minima vasa motis pendunt, incipiunt aboleri sensim: hinc omnes actiones cerebri & nervorum incipiunt debilitari; humores in frigidam & pituitosam indolem degenerant; per sola majora vasa humorum circuitus adhuc absolvitur; tandemque inevitabili

(a) Pag. 162. (b) In Prognostico & Coacis;

necessitate mors sequitur. Quia naturæ progressum, qui est ad siccitatem, effugere non licet, ideo senescimus, & corrumpimur (a).

Ætatum varios morbos sollicitè notavit Hippocrates (b).

**QUIS VICTUS.** Quamdiu in utero materno hæsit fœtus, à matre præparatos recipit humores. In lucem editus infans mox materna novit ducere ubera. Lac ergo maternum solum ferè infantibus convenit. Dum dentes anteriores prodierunt solidiora parum, sed prius commansa, exhibenda, & perfricandi sæpe, sed non nisi vacuo ventriculo (c): panis bene fermentatus, lacte vel carnum julsulis affusus; in pul-tem mollem convertus; tunc exhibitus prodest. Quando dentes molares jam prodierunt, durioribus sensum uti licet: omnia autem calida, vinosa, irritantia, &c., nocent infantibus, quia totum genus nervosum adeo mobile habent.

Sæpius autem cibandos esse juniores, & puerorum voracitas suadet, & monitum est Hippocratis (d), dicentis, pueros omnium minimè jejunium ferre: qui crescunt, plurimum habent calidi innati, hinc plurimo alimento indigent, aliter corpus absumitur.

Adultis & fanis ferè sufficit regula Hippocratica (e), professio tuendæ sanitatis; non saturitas cibi, impigritas ad labores. Cùmque hæc ætas morbis acutissimis obnoxia sit, patet calefacientia evitanda esse. Labori autem semper proportionatus sit cibus: longè alio enim & copiosiori indiget durus arator, meditationibus solis incumbens Philosophus.

Senibus autem (cùm facillimè jejunium ferant, & parvum habeant calorem, hinc paucis egent fomitibus, à copiosis namque exstinguuntur (f)) mollium ciborum sæpe repetita exhibitio prodest: cùmque jam edentuli facti fuerint, solo ferè lacte, jusculis, ovis, bis pueri facti senes vitam sustineant, inprimis illis prodest moderatus vini usus, quod ideo lac senum dicitur. Nascitur enim in fermentantibus liquidjs aliquid miri spirituosum, quod momentaneâ actione in cerebrum & omnes nervos agit efficacissimè; imprudenter autem & nimia copiâ applicatum corpori humano ipsam mortem, & subitissimam, facere potest: vel & minori violentiâ agens, tristem magis ipsâ morte conditionem adfert, amentiam nempe, & alia mala (g): Illud spirituosum in novis illis & petulcis vinis hærens summum dat restaurans senile. Cornaro singulis annis mense Julio & Augusto abhorrebat ab omni vino: hinc mox languebat appetitus, & circa medium Augusti debilis penitus factus erat: simulac verò per tres quatuorve dies Septembris mensis initio novum vinum sumpserat, mox redibant vires, & crudæ in hoc viro senectutis vigor (h).

**QUÆVI TA.** Tenellâ ætate, cùm agilissimum sit corpus, vix quiescere possunt, & pessimè se habent, si à severis nimis parentibus vel custodibus à ludis pueri cohibeantur penitus. Cùm autem nimis citò duris laboribus adhibentur, corpus redditur robustum quidem, sed citò perituum senili callositate ante ætatem. Sic

(a) Galen. de Sanitate tuenda, Lib. VI. Cap. III. Charter. Tom. VI. pag. 169.

(b) Sect. 3. Aphorism. 24. 25. 26. 27. 28. 29. 30. 31.

(c) Galen. de Sanitate tuenda, Lib. I. Cap. x. Charter. Tom. VI. pag. 55.

(d) Aphor. 13. & 14. Sect. 1. Charter. Tom. IX. pag. 23. 24.

(e) Epidem. Lib. VI. Charter. Tom. IX. pag. 500.

(f) Hippocr. Aphor. 13. & 14. Sect. 1. Charter. Tom. IX. pag. 23. 24.

(g) H. B. Chem. Tom. I. pag. 806. 807.

(h) Cornaro raadgeving om gesond en lang te konen leven, pag. 54. 55.

videmus rusticos, à teneris annis jam nimis laboribus exercitatos, senum instar rigidos & callosos factos quadragesimo ætatis anno.

Nec minus peccatur, dum severioribus Disciplinis nimis citò adhibentur: sic sæpe præcoces & admirandos ingenii fructus exhibent; sed sæpe breviter pereunt, vel postea stupidi & ad omnia sæpe inepti vivunt. Qualia exempla passim obvia occurrunt.

Adultis salubri corporis motu vires sustinere & firmare convenit, ne torpeat corpus, tandemque opimâ pinguedine sepulti (ut de *Ptolemæo Ægypti Rege* dixit *Justinus* (a)) sensu hominis nimia saginâ careant. Quantum boni corpori humano præstent corporis exercitia, dictum §. 28. n.º 2.

Senibus autem frictionem cum oleo manè post somnum commendat *Galenus* (b) jubetque, ut consuetis exerceantur laboribus, vehementiâ tamen laborum remissâ: cumque minima diætæ vitia senes sentiant, juvenes autem vix maximos errores, repetitis vicibus cibos molles ut sumant, jubet (c).

QUÆ MEDICAMENTA. Infantibus sæpe tantum videntur conducere illa, quæ humorum copiam aliquantum minuunt. Hinc tam bene ferunt lenissima inprimis ex rhabbarbo purgantia. Profunt plerumque & illa, quæ acidæ acrimoniæ temperandæ conducunt, ut absorbentes ex lapidibus cancerorum, &c, pulvisculi: deinde quæ nimis facilem irritabilitatem generis nervosi aliquantum compescunt, & simul solidas partes moderatè roborant. Hinc rhabbarbarum, cum lapidibus cancerorum & pauxillo cinnamonî, adeo prodest.

Inerescente demum ætate nunquam dentur talia, quæ stimulo suo motum humorum nimis incitant: metus enim tunc est, ne tenella rumpantur vasa.

Adulti ætate profunt inprimis illa, quæ nimiam propensionem humorum in spissitudinem inflammatoriam tollunt.

Senectus autem, cum sit nihil aliud, quàm siccum & frigidum corporis temperamentum annorum multitudo proveniens (d), requirit humectantia, & leviter nutritia, additis gratissimis stimulis spirituosis, sed semper humectantibus mistis.

QUÆNAM FIDES, QUÆ UTILITAS, &c. Postquam Medicina in duas partes secta erat, quæ singulæ suos habebant sectatores, quorum quidam solis Experimentis Artem natam esse contententes, evidentes quidem causas ut necessarias amplectebantur, obscurarum verbò causarum & naturalium actionem quæstionem supervacuum esse credebant, dicebantque, Medicinam non esse inventam post rationem, sed post inventam Medicinam rationem esse quæsitam, hinc Experimentorum notitiam tantum necessariam esse contendebant; vocabantur Empirici. Alii, qui Rationales dicebantur, non negabant Experimenta quoque esse necessaria, sed ne ad hæc quidem aditum fieri potuisse, nisi ab aliqua ratione contendebant: sed præterea abditarum & morbos continentium causarum notitiam, deinde & evidentiæ, post hæc etiam naturalium actionum, ideoque & partium interiorum notitiam necessariam esse volebant.

Inter Rationales verò Medicos unus ex *Asclepiadis* sectatoribus *Themison*, & illo Auctore postea alii, Artis difficilis compendium parabant, asserentes nullius causæ notitiam quidquam ad curationes pertinere, satisque esse quædam communia mor-

(a) Lib. XXXIV. Cap. 11.

(b) De Sanitate tuenda, Lib. V. Cap. 111.

(c) Ibid. Cap. 14. Charter. Tom. VI. p. 146.

(d) Galen. de Sanitate tuenda, Lib. V. Cap. 111. Charter. Tom. VI. pag. 154.



§. 55-57. MORBI VISCERUM FORTIUM, &c. 71  
borum intueri : & quidem horum tria esse genera , unum adstrictum , alterum fluens ,  
terrium mixtum ; nam modò parum excernere ægros , modò nimium , modò aliâ parte  
parum , aliâ nimium (a).

Hæc fuit prima origo doctrinæ de stricto & laxo , de quo postea *Prosper Alpinus*  
in *Medicina Methodica* tam operosè egit : & plurima circa hanc rem apud *Cælium*  
*Aurelianus* , *Methodicorum* sectæ pariter additum habetur.

Sed propriè strictum & laxum in solidis tantum partibus obtinet ; nec humorum  
morbi ex hac doctrina facillè explicari poterunt ; ut postea patebit. Magnum ergo  
usum habet in Medicina consideratio mutæ cohesionis in partibus firmis : nec ta-  
men omnes morbi inde deduci poterunt , ut voluerunt *Methodici* .

UNDE DESUMENDA NOTA CERTISSIMA , &c. . Quæritur hic , quænam sint  
signa , quæ doceant , talem obtinere cohesionem in solidis , ut nec nimis resistent ,  
nec nimis facillè cedant , distendentibus liquidis : deinde quænam sint signa , quæ  
nimis validam , vel nimis parvam cohesionem designant. Quando à pleniorè Vi-  
ctu , potu copiosiore assumpto , aere humidiusculo , non statim tumet , vel saltem  
non diu tumidum corpus manet ; novimus debitum robur inesse vasis & visceribus ,  
per quod distendentium liquidorum nimia copia brevi de corpore expellitur. Si  
simul non decrescat sensim adulti hominis corpus , arctatis nimia contractilitate  
vasis , sicque expulsi liquidis , sed in eadem nec auctâ multum tamen torositate per-  
stat , novimus illud obtinere æquilibrium : si ab ingestis copiosioribus , &c , statim  
tumeat corpus , novimus nimis debilem , nimis facillè dilatabilem esse vasorum com-  
pagem : si macilentâ , exsucca , arida sint omnia , facillè nimium robur vasorum adesse  
videmus.

§. 56. VULNUS hinc (16.) jam primò pertractandum , post morbos  
solidi simplicissimos. Sed , cùm vitia liquorum spontanea semper tra-  
hat secum , de hisce ante vulnera agendum erit , quæ nosci debent  
ante Historiam vulnerum absolvendam.

Post explicatos morbos , qui à nimio robore , vel nimia debilitate , solidarum par-  
tium pendent , videretur agendum esse de cohesione nulla partium antea coheren-  
tium , sive de soluta unitate (ut vocant) : sed inter solutæ unitatis morbos omnium  
simplicissimus est vulnus , sive solutio recens facta à corpore duro , acuto , & moto.  
Constat autem certissimè , ne minimum posse infligi vulnusculum , quin læsis vasis ef-  
fundantur humores. Humores verbò effusi , non ampliùs propriis vasis coerciti , sta-  
gnant , nec nostri corporis leges sequuntur , sed spontancâ corruptelâ mutantur in  
alienam indolem. Prius ergo debet explicari , quid humoribus extravasatis accidat ,  
ante quam de vulneribus aliquid bonæ frugis dici possit.

§. 57. UNDE agetur primò de his humorum morbis , qui in illis  
nascuntur sponte ; dum vel sibi ipsis permittuntur ; nullâ habitâ ratione  
vasorum , vel vitio intitati , torpentisve nimium , vitalis motus.

Primò ergo considerandum est , quænam fiat mutatio liquidorum à causis commu-

(a) Vide *Celsi Præfat. Lib. I.*

nibus, quæ in omnia corpora agunt. Hæc autem mutatio vocatur spontanea. Quamdiu autem in vasis nostris hærent liquida; vim corporis nostri experiuntur, & per hanc mutantur. Hinc nunquam sola spontanea mutatio in hæc agere potest, sed vasorum & viscerum efficacia longè aliam mutationem inducit: ergo, nullâ habita ratione efficaciz vasorum in liquida, sola mutatio per communes causas expendi debet: sic lac humanum extra corpus in serum, caseum, & pinguem cremorem abit, quod nunquam in corpore fit.

Sed vitalis motus humorum per vasa nostra facit insignem mutationem in humoribus, imò aliam prorsus naturam inducit. Prout jam ille motus nimis incitatus furibundo quasi impetu agit in acutissimis; vel torpens in languidis morbis filet ferè; longè aliz, imò oppositæ, sæpe mutationes inducuntur: quæ ergo necessariò etiam debent examinari.

Tria ergo hic consideranda sunt, 1°. quid fiat humoribus extra vasa positis à causis communibus. 2°. Quænam fiat mutatio in his ab aucto motu. 3°. Quænam oriantur à motus defectu.



## D E

# SIMPLICISSIMIS HUMORUM VITIIS, ET SPONTANEIS.

§. 58. **H**UMORES in homine vivo reperiundi, vel crudi assumptorum naturam retinent hætenus, vel vi actionum naturalium, & miscelâ fluidorum humanorum, indolem acquisiverunt nostris liquoribus similem.

Omnes, qui fluunt per vasa nostra, humores vel ingestorum naturam adhuc retinent, vel per miscelam liquidorum humanorum, & vasorum viscerumque vires; propriâ indole depositâ, in nostram jam transiverunt naturam.

Quamdiu autem ingesta adhuc aliquid de sua indole reinent, tamdiu crudantur. Crudus ergo est cibus & potus, dum deglutiuntur, Chylus inde factus, in ventriculo & intestinis, in vasis lacteis cisternâ lumbari, ductu chyliifero, in vena magna, in corde dextro, crudus adhuc est, licet tot coctis humoribus jam mistus. Cùm per pulmones pellitur, incipit coctio secunda, quæ ex chylo lac facit: tandèmq; per aliquot horas chylus crudus expertus vim vasorum & viscerum, in primis pulmonis, ingestorum naturâ depositâ, assimilatur nostris humoribus, & coctio absoleta est.

Cùmque hæc coctio satis longam requirat vel in sano corpore moram, hinc ferè semper aliquid crudi, nondum penitus mutati, cum coctis humoribus per vasa fluit; nisi diu à cibo & potu abstinerit homo.

§. 59. **P**RIORES (§8.) vel ex plantis, vel ex aliis sunt hausti animalibus.

Ex regno enim vegetabili & animali nutrimenta nostra sumuntur; ex fossilibus vix, nisi fortè condimenta quædam, ut sal marinus, gemmæ, &c, vel si aquam quis inter fossilia numerare vellet.

## MORBI SPONTANEI EX ACIDO HUMORE.

§. 60. **L**IQUIDA nostra, confecta ex plantis farinosis, vel ex horæis fructibus, crudis, fermentatisve, si vires vitæ nostræ vincunt, eam in nobis indolem acquirunt, quam suæ naturæ per calorem fortè debent. Acrimonia acida, & glutinosum pingue hinc oriuntur maximè: Prior ex fermentatis inprimis & non fermentatis: posterius ex farinosis cerealibus, vel leguminosis, non fermentatis, neque coctis nascitur; quò spectant etiam illa, quæ austeri adstrictu tenacitatem humorum creant.

Acidum dicitur, quod linguae applicatum excitat saporem illum, quem communi consensu acidum omnes vocant (sapor enim verbis describi non potest); quod naribus suppositum, inprimis si calefactum fuerit, odorem spirat, quem omnes vocant acidum. Omne acidum cum testaceis pulveribus, exustis animalium ossibus, cretâ, &c, effervesceat, uti & cum salibus alcalinis. Syrupus florum violarum à levissimis etiam acidis in rubrum colorem convertitur.

Omne jam illud, in quo recensitæ dotes observantur, acidum vocabitur.

Magna jam agitur quæstio an tale acidum ingestis solis originem debeat, posteaque per vim humani corporis mutetur in non acidum; an verò in liquidis humanis sanis, vel aliorum animalium, acidum prius definitum existere possit naturaliter, sic ut Arte inde educi possit?

Si lac exceperis, (& fortè quædam pinguis) quod nondum penitus animale naturam acquisivit, sed in quo ingestorum adhuc indoles prævalet, omnes humores reliqui, sibi relictis, in aere aperto putrescunt. Omnia animalia sibi relictis, nisi magno calore exsiccantur, putrescunt. Chemica analysi sales volatiles alcalinos inde educit: plurimique & celeberrimi Chemicis inde acidum educi posse negant. Sani hominis de vena saliens sanguis nullam acidi notam habet: urina sana, sanguinis sales abluens, nullum signum acidi dat, etiam in illis, qui acidorum copiam magnam ingesserunt. Contrariam opinionem & specioso ratiocinio, & Experimentis, defenderunt celeberrimi in Arte Viri.

Licet enim ingesta mutantur in corpore humano, antequam nutrant, fortè tamen non semper omnes suas dotes deponunt. Volucrum, solis piscibus viventium, carnes ingratum piscium foetorem retinent; turdorum, rhamni cathartici baccis vescientium, carnes purgant. Hinc cum tot acida ingerantur & accescant, quædam posse aliquid pristinæ indolis servare, probabile videtur.

*Homburgius* se ex variorum animalium sanguine, imò & ex ipso sanguine humano, acidum eduxisse destillando affirmat; & quod mirum videtur, inde produxit liquorem, in quo & alcali & acidum simul aderant separatim hærentia, nec concreta in salem neutrum (a).

Ex viperis, limacibus, muscis, formicis, acidum destillando eduxit idem *Homburgius*; phosphorus urinæ acidum acre habet (b).

Illud deinde *Lemery* confirmavit (c): imò salibus volatilibus animalium, destillatione inde educis, acidum adhuc adhærere voluit (d).

Acidum autem ex animalium partibus faciliè educi asserit, si priùs macerentur, ut volatilis sal pro magna parte abeat; si addatur sal alcali fixus acidum trahens, ac impediens, ne unà cum sale volatili eleventur; si in initio adhibeatur ignis modicus, ut volatilissima priùs eleventur; si postea valido igne torqueantur, ut exprimatur acidum terrestri parti adhærrens, &c (e).

Liquidorum humanorum sales nullà Arte mutati ad salis ammoniaci naturam accedunt proximè: sed ex acido fixante & volatili alcalino sale simul unitis, videtur constare sal ammoniacus: hinc & tale quid in salibus humanis fortè obtinet: hinc expulso sale volatili, non mirum foret, in residuo hæreere acidum, antea unitum cum sale volatili.

Sed efficacità vasorum & viscerum in corpore humano sales illi nascuntur. An ergo bina illa principia constituentia aliquando seorsim fluxerunt in humoribus nostris, unita postea? An acida ingesta per vim nostris corporis mutantur sic, ut suam naturam amittant penitus? An verò, non deposità suâ naturâ, cum alcalino volatili concreverunt in salis ammoniaci quasi speciem? Interim sanguis hominis sani, & urina, nullam notam acidi præsentis exhibent.

Saltem hoc certo constat, plurima vegetabilia, & inter illa inprimis farinosa, cerealia, legumina, uti & horæos ferè omnes fructus in calore tali, qualem habet corpus nostrum, acquirere acidam acrimoniam, vel in glutinosum pingue mutari; eadem verò, ingesta robusto sano corpori, per vim vasorum & viscerum, & liquidorum humanorum miscelam, sic immutari, ut deposità suâ indole in nostram convertantur naturam: dum verò à quacumque causa debile factum corpus minùs assimilare valet ingesta, tunc suam sequuntur indolem, & in spontaneam degenerant corruptelam.

Acidi ergo in corpore humano origo videtur deberi ingestis non satis mutatis per corporis vires. Peregrinum ergo corpori acidum est: nullus enim humor, verè animalis dicendus, unquam suâ sponte accescit.

Omnia jam vegetabilia, sive fermentata, sive non, quæ sibi relicta accescunt, in corpore debili possunt & in acidum mutari: farinosa autem illa omnia cum aqua lenescunt priùs, & glutinosas pastas formant; postea autem acida fiunt, ubi fermentatio tenacitatem illam glutinosam attenuavit.

Acidum autem ex ingestis sic in corpore natum vel mite & excoctum est, ut acidi plerique horæorum fructuum maturorum succi, ut in ribesiis, &c, & in fermentatione paratis acidis; vel simul junctum habet austerum acerbum, ut immaturi fructus, & acida quædam fossilia, quæ coagulo inducto, humorum augment tenacitatem.

(a) Académ. des Sc. an. 1712. Mém. pag. 10. ad 19.

(b) Académ. des Sc. an. 1712. Mém. p. 352. ad 362.

(c) Académ. des Sciences an. 1719. pag. 227. 246.

(d) Ibid. an. 1720. pag. 218. &c.

(e) Ibid. an. 1721. Mém. pag. 51. 52.

§. 61. **A**CIDA hæc acrimonia (60.) causas habet antecedentes, 1. alimenta ex farinosis, succulentis acidis, recentibus, crudis, fermentibus jam, vel fermentatis, vegetabilium partibus. 2. Inopiam boni sanguinis in corpore hæc alimenta assumente. 3. Debilitatem fibrosæ compagis (24. 29. 41.) vasorum & viscerum. 4. Defectum animalis motus.

Recententur hic causæ, quæ acidum in humano corpore producere valent. Hæ commodè ad duas classes revocari possunt: sunt enim vel ingesta, ex propria sua indole in acrimoniam acidam degenerantia; vel talia quæcumque, quæ debilitant illam virtutem, quæ corpus sanum ingesta in suam naturam assimilant.

1. Enumerantur illa, quæ materialem causam acido generando præbent.

**FARINOSA.** Omnes farinæ ferè satuum & mitem saporem habent; cum aqua subactæ glutinescent, post fermentationem in liquores spirituosos mutantur; ulterius protractâ fermentatione in acre degenerant acetum.

**SUCCULENTIS,** &c. Quales sunt omnes succi fructuum horæorum bene maturorum, (in immaturis enim austerum inest fermentationi non ita obnoxium) (a). Hi succi jam vel sunt acidi, ut succus ribesiorum, &c, vel facilè post fermentationem in acidum degenerant, dulcis uvarum succus fit acidulum vinum, iteratâ fermentatione acerrimum acetum.

Cùm autem fermentatio ultimo suo effectû acidum producat, hinc quo magis hi succi in fermentationem proni sunt, vel dum jam fermentationem absolverunt, eò citius inde in debilibus corporibus acidum nascitur; minùs ergo succus recens pressus uvarum saccharinæ dulcedinis ferè, plùs dum incipit motu intestino agitari, & cum sibilo assiduè crepitantes bullas habere, (fervere tunc dicitur), maximè, dum peractâ fermentatione in vinum mutatus est, in acidum vergit. Debiles homines vinum potantes mox acidum eructant, nisi fuerit vinum oleosum meracissimum & non tam citò mutabile.

Sequuntur jam causæ efficientes.

2. Omnes actiones vasorum & viscerum conspirantes ingesta mutant in naturam nostram: hoc autem fit partim vasorum actione, partim miscellâ fluidorum jam assimilatorum; sanguis autem bonus recondit materialiter in se omnes reliquos humores, bilem, salivam, &c; & illi humores à sanguine secreti sequuntur naturam, sanguinis, qui bonus est; quando ex assimilatis humoribus constat, erudus verò, dum ingesta adhuc quid retinent de sua natura. Dum ergo boni sanguinis inopia est, deficit primaria vis immutans ingesta in naturam nostram. Vide de his & §. 25. n°. 1.

3. De his dictum fuit paragraphis citatis; & ibi apparuit, quantum solidorum robur faceret ad coctionem ingestorum. Hinc corpora laxa ab acidis & acescentibus (id est, nondum acidis, sed admodum dispositis, ut acescant) pessimè se habent. In calidis verò regionibus, ubi strictissima corpora sunt, acidis maximè delectantur, & inde optimè se habent. Romanis militibus, in fervidis regionibus bella gerentibus, familiaris potus erat acetum aquæ mistum, poscam vocabant (b).

4. Chylus ex ingestis per viscera chylopoietica paratus sanguini parçâ copiâ simul

(a) H. Boerh. Chem. Tom. II. p. 172. (b) Nonnius de re cibaria, Lib. IV. Cap. xv. p. 479.

miscetur, dumque sic cum sanguine fluit vasorum & viscerum efficaciam, mutatur in lac: tandem post aliquot horas in sanguinem nostrum, deposita priori indole, transfit. Totum autem hoc opus circulationis efficaciam, & inprimis pulmonis actione perficitur. Quod autem quis motu musculari corpus plus exercet, eo celerior humorum per vasa motus, eo respiratio fortior & celerior: ergo tanto citior & faciliior ingestorum assimilatio. Durus arator atrum, & jam acidum, panem vorans, inde optime se habet; debili homini ingestus talis panis in rodens acidum convertitur, & molestissima cardinalia afficit. Hinc recens natis, qui debile corpusculum vix multum movere possunt, interim solo ferè lacte vivunt, toties ab acido morbi: procedente ætate, dum alacriter currunt, nunquam ferè quieti, minus his morbis obnoxii vivunt.

§. 62. **SEDEM** habet jam nata maximè primæ digestionis officinas, inde tardius sanguinem, denique omnes humores inficit.

**PRIMÆ DIGESTIONIS OFFICINAS.** Omnis illa mutatio: quæ ingestis alimentis accidit per manducationem, ventriculi, intestinelorum, vasorum lacteorum, glandularum mesenterii, ductus chyli ferè actionem, donec venæ subclaviæ infunditur chylus, vocatur digestio prima. Omnia vasa & viscera, quæ suos liquores in toto hoc itinere affundunt, ad primæ digestionis officinam pertinent. Hujus primæ digestionis effectus est chyli productio: sed chylus semper aliquid de ingestorum indole retinet. In secunda verò digestionem (cujus effectus est sanguificatio) totum illud peregrinum deletur, & in nostram naturam tandem convertuntur ingesta. Cum ergo acidum peregrinum sit corpori, & ingestis suam debeat originem; facilius nascetur in illis locis, in quibus crudi humores ingestorum naturam adhuc aliquatenus retinent: longè difficilius autem ubi ingesta mutata nostris jam assimilata humoribus sanis fluunt.

**TARDIUS SANGUINEM.** Nec videtur hoc fieri posse, nisi tota digestionis primæ officina acido repleta fuerit. Minima lacteorum & venarum meseraicarum oscula nihil faciliè admittunt, quod acre est: contraherentur enim statim tenerima horum vasorum orificia. Deinde chylus in ductu thoracico ingenti copia lymphæ diluitur: & talis chyli, tot jam humoribus diluti, minima copia subclaviam ingreditur; ibique mox torrente sanguinis abripitur, & disparet. Hinc licet aliquid levis acidi in chylo foret, illud sic dilutum evanesceret. Sed chylus brevi temporis spatio cum sanguine fluens, mammarum fabricâ inde separatus, lac dat; quod ductum de uberibus recens acidum invenitur fortè nunquam; sibi relictum extra corpus, in calore aeris communis, acidum fieri novimus. An autem, ex mammis dum ducebatur, acidum unquam lac inventum sit vel in debilissimis foeminis, nemo, credo, hoc faciliè affirmabit.

Cum ergo lac, adhuc remotum à sanguinis humani perfectione, vel numquam vel rarissimè veniat acidum; multò difficilius sanguis ipse acidâ inficietur labe: infici tamen posse, suadent quædam in morbis observata.

In morbis languidis aliquando sudor acidum spirans observatur, imò & aliquando in fine acutorum.

Acidulorum vinorum abusus podagram fecit, alcalinorum parco & repetite sæpius usu sanata.

Atra sanguinis fex hypochondria occupans, soluta, mota, vomitu excreta, aliquando acidissima inventa fuit; sic ut lapides arroderet, & cum terrestribus corporibus effervere fortissimè.

Ossa acidis immersa mollescent, flexilia fiunt; pleraque alimenta sunt acefcentia, quorum indoles mutatur in sano corpore: quando verò hæc vis immutans nimis debilis est, non superatur illa acefcentia ingestorum; tunc aliquando ossa, cartilagine, &c, flexilia redduntur, ut in rachitidis (a).

§. 63. **PRODUCIT** ructus acidus, famem, morsum ventriculi; dolores iliacos, status, spasmos, inertiam bilis, mutationem ejus variam, chylum acidum, focces alvi acidum spirantes. Hæc ejus effecta in stomacho, & intestinis.

**RUCTUS ACIDOS.** Ructus est explosio materiæ elasticæ; convulsivâ contractione fibrarum œsophagi & ventriculi compressæ, mox liberatæ: cùmque in ventriculo & intestinis prædominetur acidum, sequitur hos ructus acidus esse debere.

**FAMEM.** A plurimis causis pendet fames; inter quas & stimuli recensentur, & inter illos inprimis acidi. Minimè autem verum est, quòd sola acida appetitum excitent, ut voluit *Helmontius* (b).

Bilis, absinthii succus, &c, appetitum languentem excitant: ab acido sæpe fames oritur: non tamen semper ubi fames, ibi acidum adest. Docent hoc rapacissima animalia, quæ solis animalibus vivunt, in quorum ventriculis nunquam acidum; interim voracissima sunt. Infantes acido laborantes sæpe appetitu valido fruuntur, miranturque, nutrices, quòd avidè comedentes nihil proficiant tamen.

**MORSUM VENTRICULI.** Sentitur tunc dolor satis acutus sub cartilagine ensiformi in illo loco, quem scrobiculum cordis vocant: dixerunt *καρδιαγίαν καρδιαμων*, quia ventriculi os *καρδίαν* (cor) dixerunt, uti ex *Nicandro*, *Thucydide*, *Hippocrate* probat *Galenus* (c) qui & alibi monuit (d), quòd nulla pars tam accuratum habeat sensum, nec utrumque principium unà secum afficiat, ut os ventriculi & vulgò & Medicis stomachus dictus; dum per nervos adeo magnos cerebrum, sitas vicini cor, afficit.

Ventriculus enim ipse non videtur adeo sensibilis esse, sed illud orificium superius: dum enim acidum hæret in ventriculo quietum, non inde dolor oritur: sed simulac vel ructus expellens sursum, vel motus, vel mutatus situs corporis illud applicat orificio superiori ventriculi, statim molestissimus doloris sensus adest. Ille ventriculi morsus non semper ab acido, sed & ab alia quacumque acrimonia, irritante cardiam, oriri potest.

**DOLORES ILIACOS.** Acidum sic in ventriculo ex ingestis natum, nisi bilis efficaciam mutetur, in fistula intestinali morà & calore acrius factum, rodendo, vellicando, enormes dolores facere potest: hinc ventris tormina infantibus adeo frequentia.

(a) H. Boerhaav. Chem. Tom. I. pag. 737.

(b) Pag. 164. 24.

(c) De Hippoc. & Platon. placitis, Lib. II. Cap. VIII. Charter. Tom. V. p. 108. & Com-

ment. in Lib. II. Epidem. Charter. Tom. IX. pag. 124.

(d) De Symptom. causis, Lib. I. Cap. VIII. Charter. Tom. VII. pag. 17. 60.

**FLATUS, SPASMOS.** Aer, liberè in cavo ventriculo & intestinis hærens, nihil mali facit: sed docuerunt Experimenta, in vivis animalibus capta, quòd si intestinum tangatur, v. gr; spiritu vitrioli, in quodam loco, stringatur illico valido spasmo: si in alio loco parum distante hoc iterum fiat, stringitur & ibi: mox intermedia pars intestini inflatur ab incluso aere rarefacto. Ubi ergo acidum in intestinis hærens irritando spasmos producit, quibus arctatur in diversis locis intestinum, inclusus aer rarefactus illud distendit, &, solutis his spasmis, cum impetu exit vel fursum, ructus faciens, vel deorsum, flatus producens; vel, mutato tantùm loco, in intestinis oberrans cum murmure, borborygmus dicitur. Accedit præterea, quòd omnia fermentantia copiosam generent elasticam materiam. Hinc duplici de causa flatulentia oritur ab acido: ab irritatione, quâ intestinorum fibræ spasmo contractæ inclusum coercent aerem; & à genita materia elastica in omnibus ad fermentationem pronis liquidis: hinc acido laborantes adeo sunt flatulenti.

**INERTIAM BILIS.** Simulac ex ventriculo per pylorum exit chylus in duodenum, utraque bilis admiscetur, summum auxilium ad mutationem peregrinî humoris in naturam inquilini. Sed bilis inter omnes humores nostros non excrementitios acerrima est, & citò in putredinem prona: hinc circa hepar cadavera citissimè putrescunt. Hujus admixtio nimiam sæpe chyli acefcentiam tollit, omnia dividit; solvit, & ad æquabilissimam miscelam disponit. Hinc cerevisias, ne nimis citò acefcent, amarissimis plantis, bilis ferè æmulis, lupulo, absinthio, &c, conjunt. Ubi ergo prædominatur acidum, bilis natura quasi invertitur, & ejus efficacia iners redditur. Patet hoc in infantibus acido laborantibus: in illorum enim ventriculo colostrum caseosum lactis fecedit, quod à bile, quamdiu bona est, solvitur; & tunc sæces alvinæ flavæ & æquabiles apparent: sed ubi prædominante acido bilis iners redditur, integra fragmenta caseosa alba per alvum exeunt.

Si bilis aliorum animalium inspissata parum, in minima cataportia redacta, parçâ copiâ ingeratur quotidie, sæpe satis citò superatur hoc malum. Quamdiu enim bilis justa temperies adest, illibata ferè obrinetur sanitas: dum enim abundat, vel nimis acris est, putridi morbi fiunt; dùm verò deficit, vel iners reddità est, morbi fiunt chronici: quorum plurimi à mala digestionè primæ officinæ orti, sensim natis humorum vitii, sanitatem opprimunt.

**MUTATIONEM EJUS VARIAM.** Quamdiu infantes bene se habent, sæces alvinæ flavæ & æquabiles sunt: dum incipit in his acidum prædominari, sæces excretæ flavescunt quidem, sed post dimidiam horam in aere aperto viridescunt: si augetur malum, jam virides sæces excernuntur; & quidem aliquando tam saturati coloris, ut æruginis instar maculis vix delendis lintea tingant. Hinc ex colore sæcum alvinarum, in infantibus, acidi copia & acrimonia ferè determinari potest.

Verum quidem est, & ab aliis causis æuginosam illam bilem nasci posse, uti aliâ occasione dicitur; sed in tenera illa ætate ferè semper ab acido prædominante fit.

**CHYLUM ACIDUM, FÆCES ALVI ACIDUM SPIRANTES.** Si ventriculus & intestina acido sic repleta sunt, tunc & chylus poterit acidus esse, ut faciliè patet: sed non faciliè oscula minima lacteorum intrabit, quia ab omni acri constringuntur. Tandem & ipsæ sæces alvinæ acidum spirant, quod in infantibus acido laborantibus observatur sæpe; tuncque designant totam primæ digestionis officinam acido plenam esse; simulque indicat magnum periculum.



5. 64. **I**N sanguine pallorem, serum chylosum acidum; hinc foeminae lac acidum, aut potius nimium acescens, sudorem acidum; salivam acidam, producit; inde pruritus, obstructions, pustulae, ulcera, lactis prompta nimis, quin & forte ipsius quoque sanguinis coagula, & ad circuitum ineptitudo exsurgunt, tum irritamenta cerebri nervorumque; unde convulsio, turbata circulatio, mors.

**PALLOREM.** Omnes, in quibus acidum praedominatur, pallent: patet in infantibus, teneris puellis, & viris laxae temperiei. Sed pallor ille designat defectum solidissimae rubrae partis in sanguine. Ubi autem haec deficit, minor fit assimilatio crudorum in naturam nostram: hinc facilius degeneratio in spontaneam corruptelam. Ergo & pallor ille non tantum ut effectus acidi in corpore geniti considerari debet; sed & ut praesagium acidi futuri, ob debiliores vires assimilantes. Videntur praeterea acida corpori ingesta pallorem illum facere: acetum labiis applicatum illa pallere facit. Illi, qui acetum ex vino vel cerevisia parant, quotidie in aere, acidis vaporibus pleno, versantes, pallent saepe.

**SERUM CHYLOSUM ACIDUM.** Quod maxime distinguendum à sero cocto sanguinis, quod flavum ad ignem concrevit, & nunquam nec acidum, nec acescens, invenitur; sed spontaneam corruptelam in putredinem pronum est. Per serum chylosum autem hic intelligitur chylus cum sanguine fluens, nec satis subactus viribus corporis; hinc nimis diu suam naturam servans, quàm in acidum vergit: ex chilo enim cum sanguine circumducto fit lac; ex hoc lacte porro serum sanguinis, & sanguis ruber continuatà per horas viginti quatuor circulationis efficaciam: sed si debilius haec vis fuerit, non mutabit, vel saltem non tam citò, lactis naturam: hinc lactis acescentia manebit, & forte in debilissimis acidum fieri poterit in sanguine ipso.

**HINC FOEMINIS LAC ACIDUM AUT POTIUS NIMIUM ACESCENS.** Lac rarò, si unquam, observatur acidum in mammis; sed potest fieri facillè tale, ut citissimè acescat. Foemina sana, si per viginti quatuor horas nihil assumpserit cibi vel potus, non habebit lac in mammis, sed serum flavescens salsum, à quo abhorrent infantes: ratio est, quia omne lac per vires circulationis jam in serum mutatum est, & ingestorum indole deposita in naturam humoris inquilini transivit. Si jam debiliores fuerint hae vires immutantes, lac diutius retinebit illam dorem, quàm in acidum vergit: hinc citius acescet, quò minus subactum est. Sed haec subactio pendet à robore sani corporis, & à mora lactis in vasis, in quibus cum sanguine fluit: hincque ratio apparet, quare statim post partum, vel ex debilis nutricis uberibus ductum lac, acescat citius.

**SUDOREM ACIDUM ET SALIVAM ACIDAM.** Rarius fortè, nec nisi in debilissimis facillè patet, si sanguis acidum in se habeat, quòd & secreti inde humores illud habere possint.

**PRURITUS, &c.** Videmus, quòd omnia acriora ad cutim delata pruritus, obstructions circa subcutaneos inprimis folliculos, pustulas, &c., excitent. In istis bilis ad corporis superficiem delata intolerabilem saepe pruritum excitat. Si acidà

acrimoniâ infecti humores huc transeant, idem fiet. Rusticorum pueri, immaturos fructus, penitus austeros, dum comedunt, malis sæpe cutis morbis cum summo pruritu laborant. In prima ætate miris illis cutis erosionibus infantes laborant sæpe.

**LACTIS PROMPTA NIMIS COAGULA.** Lac nimis jam vergens in aciditatem, in receptaculis galactophoris mammarum stagnans, collectum, ibi fortè potest acidum fieri: separabitur tenue à parte caseosa serum, effluet per papillas; relictum crassamentum hærens duros tumores, inflammationes, &c. facere potest. Longè tamen frequentius mammarum à coagulato lacte inflammationes fiunt, febre prius validâ prægressâ: tuncque alcalescens potius degeneratio est: fortè centies Medici observant, lac coagulari sic à febre, ubi ne semel id vident factum ab acido (a).

**IPSIVS QUOQUE SANGUINIS COAGULA.** Acida fortissima fossilia sanguinem coagulant: vegetabilia mitiora longè potius illud diluant: hinc rarius videtur acidum, in corpore ex ingestis natum, posse sanguini inducere coagulum: tamen si atrabilis, quæ, ut Veteres jam observaverunt, aliquando tam acida est, ut terram fermentet, lapides rodât instar aquæ stygiæ, sanguini misceatur, lethale certò inducet sanguini coagulum.

**IRRITAMENTA CEREBRI NERVORUMQUE, &c.** Certum est, si acre quodcumque teneram cerebri & nervorum fabricam attingere posset, quod turbarentur omnes, quæ inde pendent, functiones. Rarius tamen acrida ad minima illa vasa pertingere possunt. Cavit sollicita natura, dum ubique fidelis custodia impedit, ne admittantur talia. Acerrima quævis impune in ventriculum demittunt homines, quæ si ad cerebrum deferri possent, illud destruerent. Si oculum tangat levissimus fumus, clauditur illico; si nares, quanta oritur sternutatio; si pulmonem, tussis orta avertit hoc noxium; si quid acris insueti ingrediat ventriculum & intestina, quanti vomitus, diarrhœæ, &c!

Omnes ferè humores totius corporis ex locis propriis deducuntur ad hæc loca, ut illud abluant: sed ubi in majoribus omnibus organis lex quædam admittitur, videtur & eadem obtinere in minimis. Certè cortex cerebri, omnibus vasis sanguineis separatis, satum valde saporem habet, & oculo applicatus dolorem nullum facit. Hinc non tam facilis ingressus acrium in minima vasa, ac crediderunt multi; sed alia videtur esse ratio, quare irritamenta cerebri nervorum & infinita, quæ inde sequuntur, mala oriuntur ab acido hærente in primis viis: nervi enim, per ventriculum & intestina dispersi, mirum imperium habent in omnes partes corporis, ut certissima docent exempla. Vermis, reptatu suo irritans nervosas has partes, convulsiones toties facit: hernia suffocata toties subitam mortem, & ante mortem, sæpe omnia turbati cerebri signa. Atra bilis hæc viscera occupans quàm miras mentis alienationes facit! Venena ingesta, in ventriculo adhuc hærentia, totum corpus turbant ad mortem usque: opium deglutitum, in ventriculo adhuc contentum, solum vix, omnes dolores pacat, nimias evacuationes sistit, &c. Hinc videtur acidum natum in primæ digestionis officina, solâ irritatione nervorum, per hæc viscera disperforum, posse mirabiles morbos, imò mortem ipsam, facere; neque ad hæc producenda requiri, ut acidum sanguini mistum, ad cerebri & nervorum intima perveniat. In primis autem hoc fiet in illa ætate, in qua totum nervorum systema maximè mobile est: hinc toties infantibus acido laborantibus convulsiones accidunt.

(a) H. Boerhaave, Chem. part. II. pag. 363.

. 65. **E**X his (60. 61. 62. 63. 64. 65.) recitatis præsens, futura; præterita cognoscitur acida temperies; hinc prænoscentur ejus effecta; hinc curatio scitur.

**PRÆSENS** acida temperies noscitur, si color in angulis oculorum, ore interno, faucibus, labiis, pallidus sit; ructus sint acidi; sitis ferè nulla; frigus & laxitas in toto corpore; sæces alvinæ acidum spirent; urina aquosa alba; appetitus salis magnus plerumque.

**FUTURA.** Si temperiem debilem & laxam, sanguinem dissolutum, vitam oriosam, magnam jacturam sanguinis prægressam fuisse noverit Medicus; & interim talia alimenta assumpta esse, quæ spontaneâ mutatione in acidam acrimoniam degenerant; tunc præfigit futuram brevem in tali corpore acidi generationem, dum bina hæc juncta videt, acescentia ingesta, & vires nimis debiles, ut hoc corrigant.

**PRÆTERITA** autem ex modò dictis facillè cognoscetur.

**EFFECTA**, quæ varia erunt, antea jam commemorata, prout vel primas vias solas, vel & ipsum sanguinem, jam infecerit acida labes: iterumque ex observatis acidi prædominantis effectis, illud adesse cognoscitur.

Ex omnibus autem his curationis requisita patent facillè.

§. 66. **Q**UÆ perficitur: 1. Alimentis acido oppositis ex animalibus; vegetabilibusque. 2. Succis bono sanguini similibus ex avibus rapacibus. 3. Roborantibus. 4. Motu valido. 5. Medicamentis acidum absorbentibus, diluentibus, obtundentibus, immutantibus.

Si omnes forent ab acido morbi, ut voluit quædam Medicorum secta, Ars Medica longa minimè foret, sed brevi compendio tradi posset. Si enim homo acido pessimè laboret, viscera tamen omnia adhuc integra habeat, videtur intra paucos dies posse curari; & quidem solo Victu, sine Medicamentis; si solâ aquâ pro potu utatur, pro cibo solis carnibus vel piscibus, vel illorum jusculis.

1. Nullum animal sponte suâ in acidum vergit, in putredinem semper: hinc omnia, quæ ex animalibus petuntur alimenta, acido opposita sunt: inprimis carnes animalium assatæ; tunc enim magis ad oppositam indolem dispositæ sunt. Pisces autem inprimis hic conveniunt, qui longè citiùs putrescunt quàm carnes; inprimis pisces illi, qui alios pisces vorant, uti lucius piscis, &c, huc spectant & carniū juscula, & gelatinæ inde factæ: sic gelatina, ex cornu cervi rasurâ facta, intra biduum æstivo tempore jam putrescit.

**VEGETABILIBUS.** Pleraque vegetabilia acescunt, non omnia tamen. Amara ferè omnia acido resistunt; hinc cerevisias his condiant, ne acescant. Brassicarum ferè omnia genera sibi relicta putrescunt; decoctum certè brassicarum jam aliquid subputridi foetoris habet: plantæ illæ antiscorbuticæ acres ut cochleariæ, raphani, sinapi, &c, putrescunt, non fermentantur; imò & recentes destillatæ salem volatilem alcalinum exhibent: hinc in morbis illis scorbuticis frigidis tantum usum habent, dum & acido resistunt, & efficaci stimulo languentes functiones excitant.

Tomus I.

L

Pro potu sola aqua; omnes enim cerevisiæ acefcunt. Si debilitas vini ufum fua deat, fumatur oleofum, meracum; quale Hispanicum, Hungaricum, Canarinum, &c. vel detur post vinum afsumptum abforbens aliquod, quod acidum vini corrigit.

2. In *Materia Medica* recenfitæ funt tales aves, quæ aliis animalibus vivunt: hinc illarum carnes in alcalinam putredinem magis pronæ funt. Bos folo gramine vivit, & gramine, per corporis efficaciam mutato, conflat; ideoque hujus animalis carnes magis quafi ad vegetabilis naturam accedunt: fed dum aliis animalibus pascuntur aves, materia nutrimenti ingeffi jam animale naturam habet, & ulterius adhuc in corpore affumentis perficitur, hinc harum avium carnes libidinosum illum dictum faporem habent; & nemo illis diu, sine acidis condimentis vel fale, vivere poffet; adeo in putredinem pronæ funt.

Ut autem curetur acidum prædominans in corpore humano, tria requiruntur: 1. ingeffio talium alimentorum, quæ spontaneâ mutatione nunquam in acidum, fed in oppofitam acido indolem, vergunt: de his actum fuit binis prioribus numeris hujus paragraphi. 2. Corporis actiones, quæ cruda ingeffa affimulant in naturam nofttram, excitandæ & roborandæ funt: de his agitur numero tertio & quarto hujus paragraphi. 3. Acidum præfens nociturum debet tolli vel iners reddi: hoc docet ultimus hujus paragraphi numerus.

3. De his jam dictum fuit §. 28, n°. 4, & ob hanc rationem ipfa acida auffera; corpori ingeffa, fepe acidum tollunt non admiffione fuz substantiæ, fed ratione effectûs ultimi, per quem actionem vaforum & vifcerum in ingeffa augment. Plerumque tamen eligunt illa, in quibus vis roborans sine acido fimul præfente adest. Omnibus ferè palmam præripit Momma Brunfwicenfis, quæ cæteris quafis fyrupis in Indias delata fummis illis caloribus sine ulla mutatione refiftit, & in morbis omnibus languidis plûs prodest ferè, quàm fperari poffet: fic & vina omnia inprimis oleofa illa meraciffima, quatenus roborant & motum augment, funt antacida, inprimis fi aromata fimulantia addantur.

4. Quid motus & exercitia corporis valeant in roborando corpore nimis laxo in folidis partibus, dictum fuit §. 28. n°. 2. Sed per motum acidum actio vaforum & vifcerum augetur, per quam ingeffa mutantur in naturam humoris inquilini, qui femper in putredinem, nunquam in acidum, vergit: dum valido labore corpus exercetur, urina fit longè acrior, & jam aliquid fubputridi quafi fpirat; fudor flavefcens elidus exprimitur; imò nimis laboribus corpus ad morbos acutos putridos difponitur. Mirantur fepe Medici, debilia illa corpora, debellato optimâ quamvis methodo acido, paulò poffi iifdem languere morbis. Fit hoc tantùm ferè, quia negligunt corporis exercitiis firmare corpus: certò enim femper redit morbus, nifi augeatur mufcularis motus, vel ejus defectus validis frictionibus fuppleantur. Hinc ruffici, pane fecalino jam acido, lacte ebutyrato, &c, quamvis utantur, duro labore hæc omnia fuperant, nec acido inde laborant.

5. ACIDUM ABSORBENTIBUS. Præcipua in *Materia Medica* enumerata funt. Sunt autem talia Medicamenta, quæ habent hanc peculiarem dotem, quòd acidum in liquidis latens ad fe trahant, illud à reliquis liquidis partibus feparent, & cum illo concrefcant quafi.

Spiritui aceti puriffimo fenfui immiffi lapides cancrorum in pollinem tritos; oriebarur fibilus, effervescenitiæ motus, & videbantur diffolvi, fic tamen ut quiescente liquido, flocculenta plurima fecederent; fenfimque fundum peterent. Moto

vase hi focculi æquabilissimè miscebantur liquido supernatanti. Perrexi addendo lapidum cancrorum pulverem donec in fundo non dissolutus maneret, & nulla fierent ampliùs effervescentiæ signa. Filtro dein depuratum liquorem gustans inveni saporem acidum utcumque, miscens tamen syrupo florum violarum, nulla fiebat coloris mutatio. Purum hunc liquorem ex alta cucurbita superimposita alembico, lenissimo igne destillavi: prodiit notabilis copia spiritus ardentis, in quo nulla apparebat acidi nota. Hoc spiritu expulso, aucto parum igne prodiit aqua, quam ex odore & sapore acidi quid habere suspicabar; tamen hæc aqua nec mutabat syrupum florum violarum in rubrum colorem; nec effervescebat cum oleo tartari per deliquium; nec mutabat solutionem mercurii sublimati corrosivi aquâ purâ factam. Perrexi inspissare residuum liquorem serè ad siccitatem: erat tunc sapor salis, subamaricans: conclusi inde in hoc residuo hæreere acidum aceti, unitum cancrorum lapidum pulveri: addidi dein huic residuo potentius acidum, vitrioli nempe oleum, ut illud excuteret cancrorum lapidibus adhærens aceti acidum; dein lenissimo igne ex vasis purissimis destillavi; habuique spiritum acidum valde, fugacissimum, nares ferientem penetrabilissimo odore.

Cùm ergo aceti generatio videatur pendere à combinatione ardentis spiritus cum acido paulò fiore, quod in vino latebat (a); apparet clarè ex Experimento narrato, quòd lapides cancrorum habeant hanc vim, ut acidum aceti separent à reliquis aceti partibus, quibus cohærebat: deinde ut illud acidum sibi uniant sic, ut, quamdiu hæc unio manet, non agat ut acidum.

Hinc apparet absorbentium pulverum utilitas: ex se enim inertes serè videntur, efficaces tantùm, ubi acido occurrunt: interim nullâ acrimoniâ corpori nocent.

Unicum restat monendum de horum absorbentium usu: solent in Officinis supra porphyritem terere hos pulveres in subtilitatem pollinis impalpabilis, ut æquabilius dilui possint in mixturis, nec ingrato sub dentibus stridore displiceant. Sed tunc acquirunt hanc proprietatem, ut vel cum aqua pura concrecant, & longè magis adhuc, si in primis viis occurrant glutinosi humoribus; tunc si non adsit sufficiens copia acidi, quod solvere possit, in massas difficulter postea resolutibiles, mole & pondere gravantes, concrecant.

Nulla docuit Observatio, pretiosas margaritas ad hos usus præferri debere vilibus cancrorum lapidibus.

Omnium autem absorbentium actio, quâ acidum domant, videtur tantùm in primæ digestionis officina obtinere.

**DILUENTIBUS.** Quæ sunt aqua, & dein omnia talia, in quibus aqua prædominatur. Oleum vitrioli comburit omnes partes corporis, quas tangit: idem illud vitrioli oleum, dilutum maximâ copiâ aquæ, non nocet ampliùs: sed quia acidum plerumque in debilibus corporibus prædominatur, aquosa autem diluentia, dum acidi vires enervant, simul solidarum partium robur debilitant, (vide §. 35. n<sup>o</sup>. 1. 3.) fibrosæ autem compagis debilitas inter causas acrimoniæ acidæ in corpore natæ recensetur: (vide §. 61. n<sup>o</sup>. 3.) ob hanc ergo causam absorbentia præferuntur diluentibus.

**OBTUNDENTIBUS.** Vocantur obtundentia, quæ mollibus suis, & inprimis oleosis, partibus sic involunt omnia acria, ut illa inertia reddant: simul omnes partes corporis, quæ oleosis inprimis illis obtundentibus teguntur, ab omni

(a) H. Boerhaave, Chem. part. 2. pag. 214.

rohone defenduntur. Dum lapide infernali, mercurio sublimato corrosivo, &c, in quibus concentratissimum acidum metallo soluto adhæret, Chirurgi erodere volunt corporis partes, pinguibus applicatis vicina loca defendunt: dum venena acra ingesta sunt, nil plus profuit, quàm olei ingens copia potata. Acerrimum vitrioli acidum, oleo unitum, concrevit in blandum sulphur; quod insipidum ferè, rodens illud acidum continet. Hinc infantibus acido laborantibus mollissima illa olea adeo profunt. Hanc tamen noxam habent, quòd simul solidarum partium compagem laxent & debilitent, (vide §. 35. n<sup>o</sup>. 3.)

Huc etiam referuntur juscula ex animalium partibus inspissata in gelatinas; quæ & glutine suo acidum inviscant, & simul profunt, dum ex propria sua natura in putredinem semper, nunquam in acidum vergunt.

IMMUTANTIBUS. Vocantur hæc immutantia, quæ acido occurrentia cum illo uniuntur in novam salis speciem; in quo sale nec acidum nec alcali prævalet, sed vocatur Chemicis sal neuter, vel sal compositus, optimas resolvendi vires obtinens. Dum oleo vitrioli acidissimo miscetur acris liquor salis tartari per deliquium soluti, ex binis his acerrimis nascitur sal blandus compositus, quem tartarum vitriolatum in Officinis vocant: opimum deobstruens remedium.

Tales jam sunt omnes sales alcalini fixi, ex vegetabilium combustorum cineribus elixiviando parati: præterea omnes sales volatiles ex animalibus & vegetabilibus confecti. Huc & referuntur omnes saponēs, ex sale alcalino, sive fixo, sive volatili & oleo parati.

§. 67. **Q**UORUM electio, præparatio, dosis, applicatio tempestiva, innotescunt Medico ex cognito malo, ejus sede, ægotante, &c.

ELECTIO. Ex recensitis præcedenti paragrapho eliguntur jam illa, quæ maximè conveniunt pro varia indole & sede mali, & varia ægotantis natura. Tenerimis infantibus rarè damus sales alcalinos, vel fixos, vel volatiles; vel saltem exiguam tantum quantitate: quia, nisi statim occurrant acido, suâ acrimoniâ æquè lædere possent ac acidum ipsum. Sed his damus absorbentia, in quibus nulla lædens acrimonia est; vel saponēs, in quibus alcalini salis acrimonia oleo sic obvoluta est, ut non noceat; interim acido potentissimè resistunt. Si acidi rohone excoriata sint intestina vel ventriculus, ad oleosa confugimus, & gelatinas ex animalium partibus confectas. Si unâ cum acido lentum glutinosum adsit in primis viis, quod absorbentes pulveres inutiles redderet; sales alcalinos fixos adhibemus; qui & omne glutinosum lentum dividunt, & acidum mutant in salem neutrum. Si jam ipsum sanguinem infecerit acidi labes, simulque frigus & inertia adsint, ut fit plerumque, alcalini volatiles sales mobilissimi profunt, qui simul efficaci stimulo languentem vitam excitant. Profunt tunc & sales alcalini fixi, quatenus in chylo diluti videntur sanguinem ingredi posse. Absorbentium non adeo tunc laudatur usus, quia non faciliè videntur vasa lactea posse ingredi. Si simul roborandum est corpus, limatura ferri præferetur reliquis.

PRÆPARATIO. Sales alcalini volatiles, vel fixi, diluti in aqua pura dantur optimè. Ubi metuitur, ne effervescentiâ factâ in concursu acidi & alcali molesta oriatur flatulentia, alcali cum oleo coctum in saponem exhibemus. Ab-

forbentia non in nimiam tenuitatem trita damus, ut jam monitum fuit in paragra-  
pho præcedenti. Est præterea alia præparatio abforbentium in quibusdam Officinis,  
non multi usûs, ut videtur: abforbentes pulveres solvunt in aceto stillatitio, solutos  
præcipitant affundendo oleum tartari per deliquium; dein subsidentem pulverem  
ablutum servant: vocant magisteria. Tractavi hæc methodo lapides cancerorum, &  
inveni magisterium inde factum nil aliud esse, nisi tenerrimum pulvisculum lapidum  
cancerorum, qui æquè effervescebat & solvebatur in aceto stillatitio, ac antè. Hinc  
facis inutilis videtur hic labor: nec tamen verum est, ut dixerunt quidam, hæc ma-  
gisteria cum acidis non ampliùs effervesce.

DOSIS. In abforbentibus non faciliè peccatur: turò enim largâ dosi dantur, cum  
ex seipsis non adeo aëtuosa sint, ut nocere possint. Nec in diluentibus, aut obtun-  
dentibus, anxia cautela requiritur; sed immutantia, semper acuta cum sint, limita-  
tam magis dosim requirunt; uti in *Materia Medica* notatur.

APPLICATIO TEMPESTIVA. Dum in primis viis hæret acidum, maximè con-  
venit, leni stimulo purgante addito, remedia antacida per totum intestinorum tra-  
ctum deducere; dum in sanguine hæret, volatiles alcalini sales, disposito simul ad  
sudorem corpore, inprimis.

Dum infans ubera matris ducens acido laborat, possumus acidum præfens tollere  
& enervare; sed victum ex alcaliscentibus tali infanti exhibere nequimus; cum præ-  
ter lac omnia ferè reliqua falsidiat. Hinc tempestiva applicatio tunc requirit, ut  
matri præscribatur Victus talis, qui chylum & lac reddat quàm maximè alienum ab  
acida acrimonia. De his dictum in §. 66. n°. 1. 2. 3. 4.

§. 68. **H**INC patet cur pueris, pigris, virginibus, pauperibus, &  
certis artificibus, hic morbus familiaris sit.

CUR PUERIS. Solo ferè lacte materno vivunt, vel pulciculis ex farinosis, pane,  
lacte animalium: solida omnia habent tenerrima: carent animali motu ferè.

PIGRIS. Dum inertio torpent, corpus vix moventes, omnium vasorum &  
viscerum actiones debilitantur; ingesta non assimilantur, sed spontaneâ corruptelâ  
degenerant: cumque pleraque, quæ assumimus, acescere possint, ut panis, cerevisia,  
vinum, olera pleraque, &c, hinc non mirum, acido repleti talia corpora.

VIRGINIBUS. Quia laxiorem corporis compagem habent; otiosæ vitæ nimis  
deditæ sunt, diutiores si fuerint; sedentario autem labore Victum sæpissime querunt  
illæ, quibus angusta res est; & aquosis tepidis potibus; saltem in his regionibus, ni-  
mis delectantur.

PAUPERIBUS. Qui in his locis rarè carnibus uti possunt; lacticiiniis, inprimis  
lacte ebutyrato, hordeo, avenâ, fagopyrâ, oryzâ, &c, oleribus, cerevisiâ tenui  
vivunt; & plurimi ex illis sedentario labore victum querere debent, vel saltem tales  
Artes exercent, quæ non adeo validos motus requirunt.

CUR CERTIS ARTIFICIBUS. Omnes illi, qui tales Artes exercent, quæ  
requirunt ut totâ die in aere acidis halitibus repleto, versentur, frequenter acido  
laborant. Bibulæ enim in tota superficie corporis venæ ex aere multum resorbent;  
aer talibus plenus inspiratur; per ventriculum & intestina oberrat: hinc totum cor-  
pus tandem acido quasi repletur. Hinc videmus pallidos, languidos, tumentes tam

sepe illos, qui cerevisias, aceta conficiunt, aquas fortes parant, &c : tanta enim copia acidi corpus quotidie ingreditur, ut motu & robore corporis superari nequeat;



## MORBI A GLUTINOSO SPONTANEO.

§. 69. **GLUTINOSUM** pingue ex vegetabilibus habet causas antecedentes, primò farinosa cruda, auctera immatura. 2. Inopiam boni sanguinis. 3. Debilitatem vasorum, viscerum, bilis. 4. Imminutum motum animale. 5. Dissipationem liquidioris per laxata vasa fecernentia. 6. Retentionem crassioris debilitate instrumentorum excernentium.

Ut multi à solo acido plerisque morbos deducebant; sic alii à pituita derivare illos conati sunt. Ubique hanc damnabant, semper de corpore eliminandam volebant, licet multis in locis corporis naturalis sit, & ab hujus pituitæ defectu plurimi, & difficillimi morbi, oriantur sæpissime.

Glutinofum jam dicitur omne corpus, quod ad fluidi naturam utcumque accedens; tale est, ut ejus partes tantà tenacitate cohæreant, ut in filamenta se duci patiantur. Hinc glutinosum quasi semiliquidæ naturæ est, sed cum tali partium lentore, ut moræ cohærendo quasi inter se teneant.

In omnibus liquidis humanis, si subtilissima fortè, & quædam excrementitia, excipiantur, lentor adest: sanguis & ejus serum, bilis, saliva, &c, aliquam tenacitatem habent, quæ ad sanitatem requiritur; simulac enim sanguis plasticum illum lentorem amisit, & in nimiam tenuitatem degeneravit, nascitur hydrops.

Sed & observantur in corpore sano à sanguine secreta liquida, quæ optimo jure glutinosa dicenda sunt: v. gr; liquor unctuosus articulis lubricandis inserviens; mucus naturalis partes membranaceas corporis plurimas defendens & lubricans, ut in ventriculo, oesophago, intestinis, &c; arteriarum interni parietes quoque mucoso tali smeagmate obducuntur, &c.

Hinc non semper glutinosum damnandum est, tanquam morbosum; cum pituita ex lege corporis nascatur in sanitate illibata, & tam pulchros usus habeat.

In hoc capitulo autem de pituita morbosa agetur, quæ vel ingestis, glutinosâ nimis tenacitate præditis; vel abundantî nimis aut spissiori redditæ pituitæ naturalî originem debet.

Duplicem pituitam Veteres agnoverunt: illud, quodustum & velut supra modum in succis coctum erat, vocabant φλέγμα (ἀπὸ τοῦ πλεῖον), quodustum esse significat: illud autem albi coloris, quod omnes pituitam vocant, φλίνας (mucum) dixit Prodicus in opere de hominis natura (a).

Prius illud erat phlegma calidum, & phlegma phlegmonodes dictum: posterius erat frigidus lentus humor, qui simpliciter pituita, vel & phlegma frigidum dicebatur.

Phlegma illud calidum in sanguine venis educto, in morbis inflammatoriis, ap-

(a) Galen, de natural. facultat. Lib. II. Cap. ix. Charter. Tom. V. pag. 50.



paret sæpe, ubi insulæ superficies coriaceâ tenaci albâ lamellâ tegitur: phlegma frigidum in catarrhosis morbis tantâ copiâ secernitur.

Causæ jam nimis piruitæ recensendæ, quatenus ex his prægressis in corpore sano nasci & accumulari potest.

1. Omnes farinæ plus minúsve, cum aqua subactæ, lentescunt. Amylum, farina subtilissima, gluten dat adeo notum: farina feminum lini cum aqua in pastam tenacissimam abit, indomabilem corpori, si assumitur, ut dictum §. 25. n°. 1. Sed hoc faciunt farinæ crudæ imprimis: si enim fermentatio accesserit, licet levis & incepta tantum, frangitur illa tenacitas, ut in pane fit. Hinc multiplices pauperum morbi, dum farinosi crudis utuntur serè quotidie, & interim plurimi ex illis sedentario labore Victum quaerunt.

AUSTERA IMMATURA. Hæc talem vim habent, ut & solidarum partium elementa ad se invicem propius accedere faciant, & fluidis lentorem concilient majorem. Dum quis mespili immaturum fructum gustat, sentiet totum os siccat & contrahi, & salivam inspissatam plus lentescere: hæc austerâ deglutita in ventriculo & intestinis eadem efficiunt. Dum rusticorum pueri immaturos fructus avidè devorant, tumido abdomine, pallido vultu, languore totius corporis, pœnas toties luunt.

2. Inter illas causas, quæ ingesta alimenta mutant in nostros humores, recensetur merito sanguinis boni copia præfens; ut demonstratum est §. 25. n°. 1. & §. 43. n°. 3. Ubi ergo deficit boni sanguinis idonea copia, glutinosa ingesta suam retinent indolem, nec subiguntur. Magnam jacturam sanguinis passi toto corpore tumidi frigido lentore languent, sanguis enim bonus suo motu & calore omnia hæc lenta attenuat. Hippocrates (a) memorabilem locum habet, qui hoc confirmat, dicit enim: *Cum in utero gerat mulier, tota fit cum virore pallida, (χαμὰ,) quòd purus ipsius sanguis quotidie ex corpore destillet, & ad factum feratur, illique incrementum fiat, & pauciori in corpore sanguine existente, eam ex viridi pallidam esse necesse est.*

3. Vasorum & viscerum debitum robur cruda ingesta mutat in naturam humoris inquilini. Illud robur auctum lentorem quidem sanguini conciliat, sed calidum dictum, sive phlogisticam diathesim sanguini inducit, penitus oppositam frigido pituitoso lentori, de quo hic agitur: effectus enim sortium vasorum & viscerum est lentorem glutinosum ingestorum attenuare, & videre: hinc robusti & duro labore corpus exercentes farinosa talia assumunt sine ulla noxa; debiles, otiosi, his utentes, abdominalia viscera infarcta habent satis subitò.

BILIS. Ex viscerum abdominalium sanguine venoso per hepatis fabricam secernitur bilis; chylus, ex ventriculo egressus, affunditur; saponaceâ indole fundit omnia; æquabilissimæ miscelæ apta reddit; glutinosa lenta omnia dividit & attenuat. Dum vituli solo adhuc uruntur lacte, illud in primo ventriculo horum animalium jam in caseum & serum dividitur: caseus ille in secundum & tertium ventriculum delatus sensim fit lentior & crassior; in quarto ventriculo exsuccus serè, sed dum huic caseo in duodenum delato miscetur bilis, totus resolvitur; tantam habet efficaciam bilis. Hinc bile utuntur saponis instar, ut cericeas vestes à sordibus repurgent: tenacissima pigmenta bile diluunt fictores, ut æquabilissimè possint diduci. Ubi ergo inertior facta bilis minùs bene suo munere fungitur, ingesta glutinosa, & pituita naturalis ventriculum & intestina obducens, accumulatur, in majorem tenaci-

(a) De Mulierum morbis Lib. I. Cap. XXXII. Charter, Tom. VII. pag. 748.

tatem degenerant, & pessimos morbos producunt, bile acriori redditâ, vel Medicamentis amaris iaponaceis, bilis vicem suppleantibus, curabiles. Accidit sæpe in autumnalibus imprimis letribus acriorem factam, & putridam ferè bilem, vel sponte vel Arte evacuari: nih tunc curati ab his febribus, amaris illis, bilis defectum compensantibus, utantur, pituitosis frigidis morbis diu languent.

4. Naturale gluten lubricandis & defendendis partibus inserviens in quiescentibus hominibus accumulatur semper: hinc laxa, tumidula, glutinosis humoribus plena, horum corpora fiunt. Dum enim salubri motu corpus exercetur, liquidorum per vasa propulsio augetur: sic averritur omne, quod inciperet hære. Quiescentibus membris, linimentum illud mucosum articulis lubricandis inserviens, incipit sensim accumulari; sique sæpe anchyloses facit, postea vix curabiles. Ventriculus & intestina, lento glutine in interna sua superficie obducuntur: valido motu dum corpus exercetur, respiratio aucta diaphragmatis & muscutorum abdominalium actione reciproca omnia hæc viscera movet, premit, ad se mutuo quasi affricat; & sic detergantur omnia. Lentum oleosum, quod in quiescentibus bene passis animalibus tantâ accumulatur copiâ, motu musculari attenuatum dissipatur iterum.

5. Frequens salis causâ nati lentoris in liquidis nostris, licet de illa non tam sæpe cogitetur: plerique enim humores nostri hanc habent indolem, ut ablato paucò liquidiori concresecant: lentæ tales mucosæ concretiones ex lymphâ tenuissima perspirante inspissatæ, nasci possunt tam citò, ut incredibile videretur omnibus nisi certissima Observata docerent.

Nares hominis sani, in aere moderatè calido degentis, totâ die ne unicam liquoris guttam pluant: totum ergo, quod de naribus exhalat, perspirabile est tenuissimum. Sed si vespertino corripitur frigore totâ die in aere calido versatus, sentiet narium pruritum, sternutationem, incipit exire liquor limpidissimus, vocatur coryza: dormiens de nocte incipit à tumente membrana interna narium, clausis naribus, per os solâ posse respirare, sequenti die sæpe jam emungit maximam copiam mucû spissi; durat hoc per plurimos dies; imò aliquando per menses: dum in somno non sentit homo gravedine laborans irritamenta mucû in naribus collecti, matutino tempore evigilans invenit fragmenta tenacia penitus coriacea, ex inspissato mucô nata. Idem jam circa laryngem, asperam arteriam, pulmonem fit: unde post somnum fragmenta densa adeo mucû concreti rejiciuntur, ut mirum videatur, suffocationem inde non accidisse: hinc catharrho laborantibus illæ luctæ, & jactationes, & insomnia laboriosa, dum dormiunt; quæ videntur difficiliorem tractum vitalis sanguinis per pulmonem indicare.

Quantùm ergo peccant sæpe, qui sudoriferis, diureticis, &c, sanguinem volunt attenuare, dum, liquidissimis subductis, reliqua faciliùs in concretionem tendunt!

6. Sanum corpus pleuritâ generat, quæ functa suo munere debet eliminari de corpore; aliter remanens colligitur, & fit pituita morbosa. Tota superficies interna asperæ arteriæ & bronchiorum pulmonis tenerissimo obducitur mucô, qui nervos hic dispersos, tam facili irritabilitate præditos, tegit & defendit: sed in juvene sano opimè respirante, agili, omnis ille mucus suo munere functus dissipatur, vel post somnum paulò majori copiâ aliquando collectus, levi tussiculâ excreando educitur facillimè. In senili verò ætate mucus ille iners, lentus, sensim aggeritur, debilior pulmo, & minus firma latera, hunc educere nequeunt; hinc collectus stertorem facit & sibilum in parte aerea pulmonis; tandèmq; tussî repetitâ, non sine molestia

leſſia, educitur. Aſſiduè renatus mucus, ob pulmonis vires coquentes imminuras, dilatata plùs vaſa, & cryptulas mucofas diſſuentes, ſenile illud tuſſiculolum aſthma facit, de quo dixit Hippocrates (a), *raucedines & gravedines in valde ſenibus coſtione non admittunt*. Hinc omnia illa, quæ lentum illud mucolum attenuant, & ſimul languentes vires incitant, adeo profunt ſenibus: nam non tantùm in pulmone, ſed & in ventriculo & inteſtinis, &c, muci aggeſſio fit; imò & in ipſa veſica: unde toties ſenes urinam pituiſoſam reddunt.

§. 70. **N**ASCITUR primò in prima officina digeſtionis, hinc in ſanguine, dein in reliquis, inde derivandis, liquidis.

Lentum illud gluten, ex ingeſtis tali indole præditis natum, ſemper primò apparbit in ventriculo & inteſtinis. Sed non videtur facilè glutinoſum tale poſſe ingredi ſubtiliſſima lacteorum vaſorum & venarum menſentericarum oſcula: ſed tales particule, quæ unitæ lentum illud mucolum conſtruebant, ſeparatæ, & diluatæ tenuioribus liquidis, poſſunt ſe furim quaſi per hæc oſcula ſubducere, ſicque ſanguini miſceri, deinde poſſunt in magnis cavis cordis & ſinu venoſo iterum uniri & lentorem prætematuralẽ facere, qui ſe primò ferè ſemper manifeſtabit in pulmone, dum recens chylus ſtatim per pulmonis anguſtiis tranſire debet. Hinc ubi debiliores in primis homines farinoſa non bene fermentata in prandio aſſumpſerunt, paucis horis poſtea dyſpnœam ſentiunt; lentiori chylo difficiliùs per pulmonem pulſo.

Sed ſanguinis indolem ſequuntur inde ſecreta liquida. Hinc ubi ſemel ſanguis tali lentore gravatur, reliqui humores inde ſecreti plùs lenteſcent, quàm in ſanitate requiruntur.

§. 71. **I**N primis viis facit proſtratum appetitum; repletionis ſenſum; nauſeam; vomitum; ingeſti cruditatem; bilis inertiam, ejus inviſcationem & conſumptionem; pituitæ ſtomachicæ & inteſtinalis ortum; alvum tardam & tumentem, impedimenta chyli parandi, perficiendi, ſecernendi.

**PROSTRATUM APPETITUM.** Quando in ventriculo non ſunt vires ad digerendum cibos, deſicit appetitus; qui redit, ſimulac ventriculi vires inſurgunt: ſed niſi debilis fuerit ventriculus, rarò lentum illud accumulatur. Cognofcitur huic cauſæ adſcribendam eſſe appetitus deletionem, ſi ſine morbo prægreſſo, ſine ſignis corruptorum humorum circa ventriculum hærentium; lentè & ſenſim minuatür appetitus, tandèmq; penitus deſiciat. Miſeri illi, qui fermentatione paratis ſpiritibus ardentibus abutuntur, tandem deſtructo omni ventriculi robore penitus appetitu carent: omnibus illis manè ſurgentibus nauſea moleſtiſſima & tenacis pituitæ vomitus.

**REPLETIONIS SENSUM.** Semper ſe plenos, ſemper ſaturos dicunt, & de moleſto pondere huc hærente conqueruntur. Sic enim factus eſt ventriculus, ut, dum aliquid continet non facilè digerendum, gravitatem & anxietatem homines ſentiant. Spiſſius carniū juſculum debiles ex morbo homines quantùm gravat!

**NAUSEAM, VOMITUM.** Lenta hæc pituita faucibus adhære

(a) Aphoriſm. 40. Sect. II. Charter. Tom. IX. part. II. pag. 80.

ventriculo fluctuans, & hinc inde mota irritat sic, ut continua ferè nausea fiat, & sæpe vomitus molestus; nec facile tamen adhærens pituita ventriculi lateribus vomitu excutitur: hinc diuturna affligit ab hac causa nausea. Notum est, levem irritationem faucium & ventriculi, simplici motu mechanico factam, nauseam & vomitum producere posse. Dum lumbrici in ventriculo repunt, quanta nausea! Dum plumbula in faucibus movetur, mox nausea & vomitus. Malum hoc sæpe molestum Litteratis provectioris ætatis, in quibus aliquando faucium, œsophagi, ventriculi interior tunica sic disponitur, ut membranarum narium accidit in catarrhosis hominibus; ex qua sæpe per integros menses maxima copia muci depluit.

**INGESTI CRUDITATEM.** Cibi ingestæ pituitæ tenaci hærente obvolvuntur sic, ut humorum, per fabricam viscerum secretorum, huc affluentium efficacia reddatur iners penitus: sed horum humorum, & inprimis bilis actio, præcipuum est chylopoiesis instrumentum. Cum ergo illæ causæ, quæ in homine sano abstergunt & dividunt omne viscosum in his locis, non potuerunt impedire hujus viscosi agglutinationem, multò minùs poterunt illud gluten jam hic accumulatum dividere & attenuare: hinc sæpe cibi, inprimis duriores, post multos dies, pituita undique obvoluti, evomuntur.

**BILIS INERTIAM.** Præcedenti paragrapho dictum fuit, glutinosa in primis viis hærentia, non posse ingredi sanguinem, nili diluta; sed illas partes, quæ unitæ viscosum illud lentum faciebant, separatas, & aliis tenuioribus mistas, posse intrare hiantia in cavum intestinorum oscula venosa. Hæc autem sunt vel vasa lactea, vel venæ mesentericæ. Sed omne, quod per venas mesentericas ingreditur, directè per venam portarum tendit in hepar. In hepate verò tardissimus circuitus humorum; hinc facilius unio partium glutinosarum in sanguine hepatico: sed ex hoc sanguine secernitur utraque bilis: & bilis cystica, in suo folliculo collecta & stagnans, dat magnam opportunitatem adunationi particularum viscosarum. In porcis mastitis laniones aliquando deprehendunt vesiculam fellis immaniter distentam, & bile tam glutinosa plenam, ut in filamenta coherencia se distrahi patiatur.

**EJUS INVASIONEM ET CONSUMPTIONEM.** Videtur admodum probabile, bilem, chylo intestinorum mistam, pro parte iterum resorberi per venas mesentericas; sic redire in hepar; & postquam efficaciam hujus visceris rursus passa est, de novo secerni. Hinc elaboratissima bilis portio iret & rediret sapiens hanc viam: sed dum bilis tenaci glutine inviscatur, impeditur hæc resorptio per venas mesentericas, ideo huic viscoso permista manet, & cum illo, motu peristaltico intestinorum, ad crassâ intestina deducitur: patet ergo, multum bilis tenuissimæ sic consumi frustra.

**PITUITÆ STOMACHICÆ ET INTESTINALIS ORTUM.** Morbosæ nempe, ex causis explicatis hic natæ & collectæ. An & ab iisdem causis deduci potest origo pituitæ, vitreæ Veteribus dictæ? Observatum fuit, sæpius per alvum excerni splendentius, gelatinæ instar tremulas, purissimi vitri instar pellucidas massas; quæ ob tenacitatem glutinosam huc referti posse videntur. Sed plerumque acerrimos abdominis dolores prius toleratos sequitur hæc pituita vitrea.

De se ipso narrat Galenus sequentia (a). *Memini mihi ipsi accidisse dolorem vehementissimum, ut mihi videretur in intimo ventre cerebrâ perforari, in eo porissimum spatium, per quod à renibus ad vesicam ureteres scimus extendi, injecto deinde rutaceo oleo,*

(a) De locis affectis, Lib. II. Cap. v. Charter. Tom. VII. pag. 405.

cum id paulò pòst excernere tentarem, excrevi simul gravissimo cum dolore humorem, vitreum à Praxagora appellatum, qui vitro suo, tam colore, tum consuetudine consimilis est, atque id aliis quoque accidere conspexi, Quod verò hic humor sit frigidissimus, jam & à Praxagora dictum est, qui vitrei nomen ipsi imposuit; at manifestè quoque percipitur sensu tactus, tum ipsorum qui excernunt, tum si quis confestim ipsum tangere voluerit, &c. Evacuato h. c. humore dolor sedabatur: statetur autem deceptum fuisse, dum crederet, calculum alterutri ureterum impactum, causam doloris fuisse. Acerbus ille dolor inertis pituitæ non videtur adscribi posse: hinc videtur pituita illa vires differe à pituita naturali accumulata.

ALVUM TARDAM ET TUMENTEM. Bilis præcipuum stimulum alvi exonerandæ facere videtur: hinc reddita acrior choleras & dysenterias validissimas facit: si impediatur fluere in intestina, ut in ictericis, alvus tarda sit. Sed antea jam dictum est, bilem inertem fieri, inviscari, consumi, dum glutinosum illud in primæ digestionis officina accumulatum hæret. Naturaliter intestina sunt contractissima: sed dum pituita spissa intestinale fistulam obturat variis in locis, accumulatur ingesta, tenuissima sola transeunt, crassiora hærent: his aggestis, intercepto elastico aere, distenditur miram in molem sæpe abdomen; ut toties in pueris, pituita tali aggesta laborantibus, apparet, in quibus prominulum abdomen turget, & omnia reliqua corporis adeo decrescunt, ut sceletorum instar appareant, defectu nutritionis. Purgantibus deturbata per alvum hæc saburra, dein roborantibus exhibitis pulchre curantur, simul perfricato abdomine aromaticis unguentis.

IMPEDIMENTA CHYLI PARANDI, &c. Ut enim bonus chylus fiat ex ingestis cibo & potu, ventriculi & intestinorum actio requiritur; affusio bilis utriusque, lymphæ pancreatice, succi gastrici, intestinorum, &c. Sed omnia hæc impediuntur à glutine h. c. hærente: hinc ad debitam perfectionem non elaboratur chylus. Præterea & glutinosum illud tenuissima venarum mesentericarum & vasorum lacteorum oscula obstruit; & hinc secretio chyli in intestinis facti impeditur; ac corpus, defectu nutrimenti, vero marasmo contumitur.

§. 72. IN sanguine visciditatem, pallorem, immeabilitatem; in vasis obstructions, concretiones, urinam pallidam vix olentem; salivam lentam; tumorem album; impeditas secretiones; defectum subtiliorum; sic minimorum canalium coalitum facit.

Si jam talis iners pituita ex ingestis glutinosis, vel ex naturali lubrificante mucos non satis deterio, sed accumulato, nata sanguinem infecerit, sient quædam phenomena mutatur sanitas, quæ Observata vocantur effectus glutinosi spontanei in sanguine hærentis.

VISCIDITATEM distinctissimam ab inflammatorio viscido, ut jam mox itam fuit §. 69. Sed hic intelligitur tale viscidum mucosum, quod in aqua solubile est, cum concretiones inflammatoriæ sanguinis in aqua non solvantur: tale viscidum vis. m. fuit sæpius, dum imprudenter consilio frigidis & pituitosis illis hominibus vena secabatur; pauculum enim rubri concreti sanguinis innatabat magnæ copię feri viscidii glutinosi.

PALLOREM. In omnibus illis locis, ubi cutis abest, sanguinis colorem, per vasa tenerrima translucentem, observare possumus; ut in lingua, gingivis, ore interno, naso, oculorum angulis, adnatâ, palpebrarum interiori superficie, &c. Quando

tunc in his locis omnia pallida apparent, tunc novimus, viscidum in sanguine hærens non esse inflammatorie naturæ, sed lentæ pituitosæ indolis. Ubi enim inflammatoria sanguinis tenacitas adest, omnia rubent, calent: ubi lenta pituita prædominatur, pallor & frigus adsunt. Chylus enim omnis albus est, quando sanguinem ingreditur, debetque per circulationis efficaciam mutari in sanguinem rubrum: debilia autem illa corpora, dum hanc chyli mutationem perficere nequeunt, pallent semper. Cum chlorosi, seu pallido morbo, incipiunt laborare toties circa primam menstruum eruptionem virgines, res hæc evidenter patet: dum enim ad incrementi apicem pervenit muliebre corpus, incipit æquilibrium inter solida & fluida pituita: viscera interim chylopoietica agunt ut antè: hinc gignitur plus boni liquidi, quod non augeat vim corporis, sed molem movendorum, manente eadem causâ motrice: hinc totum corpus iners fit, tumet, pallet; non ob jacturam sanguinis rubri, sed quia quotidie chylus albus sanguini affunditur, quem vires corporis non valent mutare in sanguinem rubrum. In hoc morbo semper illud glutinosum lentum nascitur; ut docet pastacea totius corporis mollities, pallor, inertia.

**IMMEABILITATEM.** Tandem enim nimis lentescens sanguis non potest pellit amplius per vasa; inprimis cum semper debilior circulatio adsit in illis, qui viscoso illo lento abundant. Hæc autem immeabilitas inprimis observabitur in vasis minimis, in pulmone & cerebro: hic horum viscerum actiones tunc turbantur quàm maximè: & tandem ferè lethargici pereunt; vel oppresso pulmone suffocantur.

**IN VASIS OBSTRUCTIONES.** Quæ longè frequentius à tenacitate inflammatoria nascuntur, quàm à pituita frigida. Tamen inde nasci possunt, dum fluidorum moleculæ, lentâ viscositate nimis coherentes, non patiuntur se dividi per vasorum actionem in illam tenuitatem, quæ requiritur, ut transire possint per ultimas vasorum angustias.

**CONCRETIONES.** Ubi stagnat pituita, in massas coriaceas densas concrefcere potest; inprimis liquidiori parte dissipatâ. Docet id narium mucus, in tales concretiones abiens. Similia concreta in faucibus nata sæpe excreantur. Idem & in pulmone aliquando fieri, docent quotidiana Observata.

**URINAM PALLIDAM VIX OLENTEM.** Hæc semper designat languentes corporis vires: hinc pueris, laxis mulieribus, debilibus senibus, semper talis urina. Quò fortior enim homo est, eò cæteris paribus magis colorata urina est, magisque olida. Sed in robustis glutinosum illud spontaneum rarè nascitur: nam acrior in his bilis, validaque viscerum actio, omne lentum dividunt, solis verò debilibus hic morbus familiaris est.

**SALIVAM LENTAM.** Saliva vel in homine sanissimo lentescit; inprimis quia mucus oris & vicinarum partium huic miscetur. Sed cum sanguinis naturam sequantur inde secreta liquida, non mirum est, ex sanguine viscidiori secerni lentiorē salivam, quæ deglutita, & inter manducandum cibis mista, in primæ digestionis officina viscidum augeat.

**TUMOREM ALBUM.** Vocaverunt λευκὸν φλέγμα Veteres; unde & λευκοφλεγμῖαι dixerunt hunc morbum. Dicitur adeste, quando sanguis degenerat in talem cacochymiam, ut rubedinem & densitatem amittat; & levior factus magis laxam, & mucosam frigori accedentem, naturam acquirat: ubi verò sanguis dissolutus in aquosam tenuitatem loca subcutanea hydropico tumore distendit; vocaverunt & simili nomine aliquando Medici; sed melius Veteres vocaverunt tunc hydropem

*ἀνὰ εὐρύν.* Apparet faciliè distinctos esse hos morbos, licet sæpe confundantur; in leucophlegmaticis enim frigida pituitosa humorum indoles est; in hydropse in tenuitatem aquosam degenerant omnia. Hydrops *ἀνὰ εὐρύν* plerumque ab inferioribus ortus, sensim ascendente tumore pergit; leucophlegmatia, pituita in habitum corporis diffusa, magis æquabiliter per totum dispergitur; hinc laxitas & passacea mollities totius corporis; & hoc morbo laborantes homines bombycum instar pellucunt serè. Hinc Hippocrates hæc distinguens, dixit (a): *Cùm pituita alba detinuerit, totum corpus tumore albo intumescit. . . . Si curatus inchoante morbo fuerit, convalescit; fin minùs, in hydropem morbus transit, & hominem perimit: & alibi (b), alba pituita hydrops succedit.*

**IMPEDITAS SECRETIONES.** Omnes secretiones à sanguine fiunt. Ut ergo illæ fiant debito modo, requiritur, ut sanguis bonus adsit. Sed debilia hæc corpora chyli, & lac album conficiunt; sanguinem solidum rubrum difficillimè: hinc albus ille color. Si vires paulò plùs valeant, magis mutantur; non tamen integre perficiuntur humores: tunc color oritur flavescens vel viridescens; ut patet in chlorosi. Ideo vix perspirant, parum mingunt, parciòr & inertior bilis secernitur, &c. Accumulatum illud pituitosum obstruit minora vasa secernentia, vel distendendo partes comprimit, siquæ secretiones impedit.

**DEFECTUM SUBTILIORUM.** Videmus evidenter in leucophlegmaticis, omnes illas functiones deficere, vel languere, quæ à subtilissimo liquido, per minima vasa moto, pendent. Hinc illa tarditas ad omnes motus musculares, torpor, hebetudo sensuum, oblivio, somnolentia: videtur enim naturæ prudenti insituro sanguis ad cerebrum tendens liberari à lentiori minùs mobili parte, dum carotis externa ad nares, linguam, os internum, &c, desert sanguinem, unde tanta copia lenti muci secernitur: & sic solidissimus & purissimus sanguis ad cerebrum & cerebellum defertur, ut inde fiat spirituum secretio. Dum ergo sanguis in pituitosam inertem cacochymiam degenerat, debita spirituum secretio deficit; & omnes, quæ ab his pendent, actiones.

**MINIMORUM CANALIUM COALITUM.** Certò novimus, magna etiam vasa orbata liquido transfluente, collapsa concrevisse. Canalis arteriosus, medius inter aortam & pulmonalem arteriam, tam patulus in fœtu, postea concrescit, dum respiratione explicatus pulmo liberam viam facit sanguini, ex corde dextro per arteriam pulmonalem pulso: unde per hunc canalemi non ampliùs fluit sanguis; contigua facta collapsi canalís latera concrescunt, & satis citò quidem. Sed si hoc fiat in tam magno vase, quid fiet in minimis illis, quæ suâ parvitate omnem imaginationis vim fugiunt, si orbentur subtilissimo suo liquido? Ex antè dictis autem patuit in hoc morbo deficere illud subtilissimum, quod suo transfluxu minimà illa vasa aperta servare potest: & ex hac causa toties, post apoplexiam vel paralyfes ex hac cacochymia glutinosa natas, supersunt immedicabilia mala.

§. 73. **HINC** costiones, circuitus, secretiones, excretiones, motus vitales, naturales, animales, omnes perturbantur, unde suffocatio, mors.

Omnia, quæ in hac paragrapho recensentur, à debito motu liquidorum sanorum

(a) De Affectionibus, Cap. v. Charter, Tom. VII. pag. 625.

(b) Aphor. 74. Sect. 7. Charter, Tom. IX. part. II. pag. 336.

per vasa, requisitum robur habentia pendent : ubi ergo nimia sanguinis glutinositas difficiliorem trajectum per minora vasa facit, vel tandem omnino impedit, necessariis sequuntur omnia hic recensita mala. Dum consideramus illa symptomata, quæ in chlorosi laborantibus observantur, hæc omnia patebunt evidenter.

In hoc enim morbo, nulla fit COCTIO ingestorum, vel depravata penitus; & omnia in spontaneam abeunt corruptionem. Hinc illi ructus acidi, nidorosi, &c. CITRUITUS humorum penitus turbatur; docet hoc pulsus inordinatus toties in hoc morbo, & frigus, imminutæ circulationis sequela. SECRETIONES omnes ferè à naturali lege declinant; viscida saliva, iners bilis, spirituum defectus hoc docent. EXCRETIONES mutantur omnino; urina pallida, spumosa, vix olens: alvus plerumque tardior, perspiratio vix ulla. VITALES MOTUS perturbantur omnino; respiratio difficilis, ad minimum motum corporis anhelosa: cordis palitationes enormes sæpe: animi deliquia à levissimis causis: pulsus tardus, parvus, dum quiescunt; velox & inæqualis, dum corpus movent. NATURALES functiones depravatæ penitus sunt; appetitus vel nullus, vel inordinatus absurda quævis desiderat; dum arenas, calcem, cretam, &c. elanculum toties vorant hoc morbo laborantes puellæ; unde calamitosissimi sæpe morbi: ab assumptis cibis gravantur; nec inde reficitur corpus. ANIMALES functiones languent omnino; languida membra vix trahunt, à minimo corporis motu delassatæ illico: sensuum omnium hebetudo, stupor, vertigines molestissimæ adsunt. Tandem, imbecilli præter nimiam viscositatem hærente in pulmonibus sanguine, suffocantur; vel subtilissimorum spirituum defectu lethargo pereunt.

§. 74. **E**X his (69. 70. 71. 72. 73.) diagnosi, prognosi, anamnesis mali hujus patet, nec verò, sanatio quid indicet, obscurum est.

**DIAGNOSIS** docens descriptum morbum adesse, ex distis facillè habetur. Si sit solidorum debilitas, boni sanguinis inopia, talia assumpta sint alimenta in quibus glutinosum illud prædominatur, sedentaria vita fuerit, tuncque sine febre, sine siti, sine ulla nota putredinis, incipiat sensim appetitus deleri, totum corpus tumere, pulsus sit debilis, frigus adsit; certò licet concludere pituitosum illud frigidum prædominari.

**PROGNOSIS.** Omnia illa mala recensenda forent in prognosi, quæ §. 71. 72. 73. enumerantur. Et ex iisdem prægressi mali ANAMNESIS habetur.

**SANATIO.** Quomodo obtineri possit, ex iisdem certissimè deducitur: hæc enim obtinebitur evitatione causarum §. 69, sic enim prohibetur viscidæ generatio: deinde viscidum jam præfens in corpore debet attenuari idoneis remediis, ut non amplius functiones lædere possit.

§. 75. **Q**UÆ obtinebitur, 1. usu cibi potusque bene fermentati; sale, & aromate conditi; 2. Jusculis volatilium animalium; 3. Roboratione vasorum & viscerum; 4. Aucto motu; 5. Medicamentis diluentibus, resolventibus, stimulantibus, biliosis, saponaceis; 6. Frictu, calore, balneo, vesicatoriis. Cæterum interiora corporis obsidentur glutinosis, vel spissis, caseosis, mucosis mucila-



ginosis, lemosis, ceraceis, pultaceis, amurcosis, calculosis, tartareis, serosis inflammatis, polyposis, meliceratis, steatomatosis, atheromatosis densis, scirrhis concretis. Cavendum religiosè, ne perturbetur glutinosum beneficum, naturale, lubricans, inungens, defendens, quod oculis, palpebris, naso, ori, faucibus, gulæ, ventriculo, intestinis, pelvi, ureteribus, vesicæ, urethræ, vaginis mucilaginosus tendinum, articularum commissuris, laryngi, arteriæ asperæ, bronchiis, datum in usus necessarios, cum glutinoso morbofo; quod fatali idiotarum & Medicastrorum errore nimis crebrum.

1. Dum farina cum aqua subigitur, sit lenta & ductilis pasta, glutinosa penitus: si fermentatio concilietur huic massæ, omne illud tenax dividitur, & quidem eo plùs, quòd fermentatio fortius & diutius egit in hanc tenacem massam. Optimè ergo fermentatus panis requiritur, inprimis biscoctus; tunc enim sponte inter manducandum deliquescit, inprimis si pauculo salis & aromatibus gratissimis, in *Materia Medica* recensitis, conditur.

Pro potu vinum, vel cerevisia optima, meracior, vino fortè præferenda ad hos usus. Ubi inflammatorium gluten adest, mollissimum hordei decoctum datur, quod frigidum glutinosum, de quo hic agitur, auget: cerevisia verò ex hordeo facta etiam, sed diversâ præparatione, nobile remedium dat in glutinosa frigida sanguinis, & humorum inde secretorum, degeneratione. Hordeum enim in cerevisiæ præparatione aquâ perfunditur & maceratur, donec intumescat, & incipiat germinare; tunc in area spargitur, & bis de die vertitur, donec humidum pro maxima parte perdat; dein supra fornacem siccatur; vocatur tunc *malum*: illud dein de, molâ tritum, aquæ ferventi infunditur, & in illa relinquitur per aliquot horas: aqua hæc, solutâ hordei totâ ferè substantiâ dives, decoquitur in alio vase; deinde fermentata dat cerevisiam, quæ suos spiritus tenaciori quasi vinculo ligatos retinet, quàm vinum; & hinc magis durabiles effectus in corpore facit. Hæc cerevisia, inprimis meracior, nobilissimum remedium exhibet, & Momma Brunsvicensis, cum pane biscocto, sæpe sine aliis remediis tales morbos superavit.

2. Illa enim juscula non adeo habent tenax illud gelatinosum, sed ingesta calore corporis humani illico disponuntur ad incipientem putredinem, quasi quia inprimis laudantur hæc juscula facta ex carnibus avicularum, quæ infectis vivunt; hinc illa dispositio major est, quàm in carnibus animalium vegetabilibus viventium. Adduntur simul pro condimento aromata acriora: putredo enim vel incipiens tantùm omne lentum attenuat; gelatina spississima scissilis ex cornu cervi ralsura, longâ coctione in aqua factâ, simulac levissimum putredinis initium oritur, dissolvit instar aquæ.

3. Quomodo roborari possint vasa & viscera nimis debilia, dictum est §. 47; & quotidie videmus, rusticos robustos validissima edulia commodè digerere, quæ debilius viscera infarcirent pessimè: solani esculenti tubera, farinosa non fermentata, durissimis fumo & sale carnes, impune ferunt.

4. Frustra Medicus tentat sanare hominem, pituitosâ humorum cacochymiâ laborantem, per Pharmaceutica & Victum, si non possit impetrare, ut æger superet

pitritiam, in quam ducit morbi indoles, & laboribus ferè ultra potestatem exerceat corpus. Non tamen statim quidem corpus, glutinosum plenum in summos motus ducendum est; nam subito motà hac mucosà matiere, pulmo obrueretur summo cum periculo: ut toties fit, dum hyemali tempore aggestum glutinosum, verno calore subito fufum, & sanguini mistum, in pulmonis angustis hæret, & suffocat inopinatò hominem: sed motus sensim & per gradus augendus est. Quamdiu debilitas corporis exercitia non permittit, frictions illorum defectum suppleant.

5. **MEDICAMENTIS DILUENTIBUS.** Sola aqua propriè diluit; & omnia reliqua, que diluentia dicuntur, tantum agunt ratione aquæ. Iners illa frigida pituita, de qua hic agitur, potest aquâ dilui, inprimis tepidâ, & sic resolvi: sed momentaneum tantum levamen adfert hæc pituita per aquosa diluentia resolutio: aquæ enim tepidæ usu omnes partes solidæ debilitantur; unde augetur causa pituitam producens in corpore. Hinc adeo fallax hæc medela, dum sæpe homines Sapientiæ studiis dediti, accumulata quotidie inerti pituita laborantes, tepidis aquosis potibus levamen sentiunt; dein his indulgentes tandem corpus misere perdunt. Ubi verò subita dilutio pituitæ, v. gr. in ventriculo fluctuantis, requiritur, tunc profunt.

**RESOLVENTIBUS.** De his actum fuit §. 54. n°. 4, ubi & de diluentibus dictum fuit.

**STIMULANTIBUS.** Omne, quod applicatum corpori facit augeri motum in toto vel in parte, posset vocari stimulans: ille enim communis omnium Medicamentorum stimulantium effectus est, quocumque demum modo in corpus agant. Inter stimulantia quædam sunt, quæ videntur rigiditate & figurâ suarum partium agere, dum acutâ superficie lateribus vasorum, per quæ cum humoribus nostris fluunt, impacta, irritatione hac celeriores contractiones vasorum faciunt. Plurimum stimulantium effectum videmus evidenter; modum verò, quo agunt in corpus nostrum, intelligimus non facile.

Verbi gratiâ, cinnamomum gratissimo, nec minùs efficaci, stimulo languentes corporis vires excitat: illud autem, quod in cinnamomo has vires habet, incredibiliter parvum mole, dum liberum est à tenaci vinculo oleoso, quo irretitur, omnem fugit sensum. Oleum ex cinnamomo destillatione productum totum aroma stimulans cinnamomi perfidit: illud oleum per aliquot dies expositum aeri libero sine sensibili ponderis jactura ferè omnem vim amittit. Quis poterit determinare figuram illius subtilissimi, quod in cinnamomo hærens stimuli vice fungitur? Sed & venenati stimuli quomodo corpus torum turbant? Quantos excitant motus! Venenum variolosum, morbillosum, pestis, &c., quàm enormi vi agunt! In illis tamen eadem subtilitas omnem indagationem eludit; solis effectis tantum detegitur efficacia.

Sed numquid & animi affectus, mutata solum cogitatione, tam miris modis corpus mutant, validissimas excitant febres, omnes secretiones, omnes excretiones, augment, minuunt, turbant?

Hinc stimulantium effectus non semper à figura, pondere, rigiditate partium pendet: sufficit Medico novisse talia, quæ applicata corpori motum augment; licet ignorer, quomodo agant.

Omnia autem hæc, majori motu & calore excitatis, videntur agere, si que ultimo effectui dividere glutinosum iners, illudque sic mutare, ut proprietates sanorum humorum acquirat,

Posse

Posse autem sanguinem, qui glutinosâ inertî cacochymîâ gravabatur, sine evacuatione illius viscosi, aucto motu & efficacîâ vasorum in liquida contenta, iterum acquiescere omnes dotes ad sanitatem requisitas, certissima docent Observata.

Chlorosi laborat debilis puella; totum corpus laxo œdemate tumet; pallent & frigent omnia. Dato prius leni vomitorio, vel purgante ex pilulis *Ruffi*, v. gr; vel similibus, saburra mucosa in primis viis hærens educitur, ne aliorum Medicamentorum efficaciam impediât: dein datur vinum medicatum & optimis aromatis, & feri limaturâ. Dum his utitur, incipit oriri major calor, levis quasi febricula; quotidie incipit subsidere laxus partium omnium tumor; redit amœnus rubor in cute; labiis, gingivis, &c; nullâ evacuatione factâ prædominantis viscosi, renascitur solidus ruber sanguis, redit omnium functionum integritas.

Prudentissimum certè erat *Galenî* monitum, dicentis (a), *Pituita autem frigida & humidâ est, & veluti quoddam semicoctum alimentum: quare non est evacuanda, sed debet in corpore manere atque alterari* (ἀλλοῦσθαι).

Stimulantia in *Materia Medica*; variis classibus distributa, recensentur.

**BILIOSIS.** Adeo oppositam inter se habent indolem bilis & lenta pituita, ut nunquam simul prædominentur: summum enim detergens pituitæ est ipsa bilis, omnia solvens & atenuans. Simulac bilis, impedita fluere in duodenum, regurgitat in sanguinem, totus sanguis sic dissolvitur, ut tandem diuturnum icterum sequatur hydrops. In illis hominibus, in quibus lentum illud pituitosum accumulatur, semper bilis copiâ deficit, vel peccat inertîâ. Nihil ergo videtur plus convenire, quàm ut bilis defectus suppleatur: hoc autem fit, bilem, ex alio animali desumptam, ingerendo corpori, in quo deficit bilis, vel usu plantarum amararum, absinthii, centaurii, &c. Prius maximè naturale videbatur, hinc selegerunt inprimis bilem illorum animalium, quæ voracia satis, manducatione tamen, & pluribus aliis digestionis adminiculis, carebant: in illis enim acerrima bilis horum defectum supplere videbatur. Hinc fel lucii piscis, integros pisces vorantis, fel anguillarum adeo laudatum ad hos usus. Sed & observaverunt Zoographi, ferocissimis animalibus acriorem bilem inesse; hinc fel taurinum inspissatum, ne putresceret, in officinis servant, ex hac bile inspissata, facta cataporia tantî usûs sunt. Fortè pretiosissimus lapis porcinus, *Pedra del Porco*, dictus, bili suam efficaciam æquè ac originem debet.

**SAPONACEIS.** Inprimis sapo Venetus, blandissimâ actione omne glutinosum; omne pingue solvens, hic laudabatur. Addebant Medici saponi Veneto vigesimam bilis inspissatæ circiter partem, inde facta cataporia exhibebant in hoc casu ægris, & sic utriusque bilis defectum supplere conabantur. Bilis enim hepatica nunquam, saponacea penitus, saponi Veneto conveniebat utcumque; bilis cystica parçâ tantum copiâ videtur effluere, ob colli vesicæ fellæ angustiam, intensionem, situm: sic naturam Ars conatur imitari.

**6. FRICTU.** Quid possint efficere frictions, dictum §. 28, n°. 2. Dum glutinosus infarctus puerorum abdomen tumet: frictions pannis laneis asperis factæ plurimum profunt; sed debent perfricari manè post somnum, vacuo ventriculo: illo enim distento, non facîle illud ferunt. Imò in frictionibus ventrem omnino non contingendum esse voluit *Galenus* (b), *Cùm aliqui periculum sit, ne & cibum dete-*

(a) In Librum Hippocr. de alimento Com-  
ment. III. Charter, Tom. VI. pag. 255.

(b) De Sanitate tuenda, Lib. III. Cap. ult. in  
fine. Charter, Tom. VI. pag. 114.

*rius concoquat, & succus quispiam ex eo semicrudus in corpus digeratur, & caput turbetur, & stomachus subvertatur.* Vacuo autem ventriculo dum instituuntur frictions, non est hujus rei periculum.

**CALORE.** Omnia ferè, quæ laudantur ad glutinosos morbos sanandos, Medicamenta, sunt talia, majorem calorem corpori conciliant. Inprimis hic prodest calor per motum muscularem corporis excitatus, qui semper simul roborat, cum calor foci debilitet potius. Nec nocebit humidi dissipatio per calorem majorem corporis facta; cum in his morbis plerumque simul humidi nimia copia adsit.

**BALNEO.** Balnea sunt vel humida, vel sicca. Humida laxando & diluendo agunt: hinc in hoc casu aromaticæ herbæ adduntur, quæ simul roborant & attenuant; & post balneum frictions. Balnea sicca calore majori excitato profunt. Cum autem tota corporis externa superficies bibulas venas habeat, hinc balnea, ex herbis aromaticis facta, possunt laxatis venis bibulis insinuare simul harum herbarum vires.

**VESICATORIIS.** Sic vocantur illa remedia, quæ curi sanæ applicata epidermidem in vesicam, tenui ichore plenam, attollunt. Talia sunt ex acerrimis plantis, raphano, sinapi, ranunculis, &c, vel frequentissimè ex cantharidibus. Omnia hæc calorem excitant illo in loco, cui applicantur; & dein toti corpori caloris augmentum faciunt. Imprudenter applicata corpori, febrem, sitim, calorem urentem, halitum cadaverosum, molestissimam stranguriam, faciunt, inprimis cantharides: quæ ideo à *Dioscoride* inter venena recensentur. Omnia hæc agunt ratione stimuli, quo languentem motum sanguinis excitant, & vi fundente, quæ pituitosum iners dividunt & attenuant: hinc in omnibus morbis languidis & frigidis tanti usus. Ubi verò humores dissoluti, acres, in putredinem vergentes, & magnus motus adest, non adeo turò adhiberi posse videntur.

**CÆTERUM INTERIORA CORPORIS OBSIDENTUR**, &c. Observata Medica docuerunt, posse ex humoribus nostris nasci variis in locis corporis miras concretiones, & penitus diversæ indolis; quæ partium, quas occupant, actiones impediunt: unde mirabilem & latentissimorum morborum origo sæpe pendet. Præcipuè talium concretionum classes hic recensentur.

**GLUTINOSIS, VEL SPISSIS.** Talia oriri posse in corpore, partim ex ingestis, tali indole præditis, partim ex naturali glurine accumulato, toro hoc capitulo demonstratum est.

**CASEOSIS.** Lactis solius productum caseus est; chylus enim non exhibet caseum: sed lac, coagulo addito, separatur in binas partes; serum nempe tenue, & spissum colostrum, quod omni sero expresso caseum exhibet; qui exsiccatus corneam duritiem sæpe habet; imò, ut cornua animalium, ductilitatem ab igne acquirit, & destillatione saltem volatilem alcalinum exhibet. Sed lac illud continens caseum, qui in tantam duritiem concrefcere potest, fluxit cum sanguine per minimas vasorum pulmonalium angustias: si ergo lacti cum sanguine fluenti accideret talis mutatio, quæ fieri separatio seri & colostri, quanta fierent mala! Dum in mammarum ductibus galactophoris collectum lac stagnat, & corrumpitur, per papillam stillat tenue serum; colostrum retentum, inflammationes, suppurationes, scirrhum, imò cancerum toties produxit. In cadavere nobilis juvenis tumor inventus in abdomine (a) 7½ librarum materiâ albâ plenus, quæ partim lactis instar fluida, partim caseosa apparebat.

(a) Académ. des Sciences, l'an 1729. Hist. pag. 17, 18.

**MUCOSIS.** In omnibus illis locis, quæ membrana *Schneideriana*, vera mucii officina, investit, nasci mucum, accumulari, con crescere in moles sæpe non facile postea resolvendas, docent quotidiana Observata. Sed magis mirabile videtur in talibus locis corporis mucum nasci, in quibus subtilissimi tantum naturali fabricâ partium, fecerunt humores: in ipsis enim cerebri ventriculis mucum verum, frigida apoplexiæ causam, invenerunt Observatores (a).

**MUCILAGINOSIS.** In articulis, majoribus imprimis, manifestè apparent glandulæ illæ, *Haversianæ* à primo descriptore dictæ, quæ smegma mucilaginosum fundunt, inserviens lubricationi ossis excepti & excipientis, & internæ superficiei ligamenti articulationem ambientis. Hæc mucilago, vel nimia spissitudine degenerans, vel nimis quiescente articulo accumulata, viros sæpe tumores circa articulos facit, & aliquando immedicabilem anchylosim producit.

**LEMOSIS.** In homine sano oculi, tenuissimâ lymphâ irrorati, splendent: minimo hic orto vitio, copiâ majori secretum hoc liquidum depluit: postea apparet ibi mucus crassus, viscositate suâ hærens, & deturpans oculi pulchritudinem: hinc incipit con crescere in lemas, quæ paucas post horas friabiles penitus colliguntur circa angulum majorem oculi. Sic ab humore limpidissimo, à sanguine purissimo secreto, intra paucas horas, dura friabilis nascitur massa.

**CERACEIS.** Mirabilis casus docuit, oculi humores omnes, adeo limpidos, adeo sinceros in sanitate, degenerasse in sebaceam materiam: dum enim prominens oculus extra palpebras, metu majorum malorum extirpabatur, & felici quidem successu; postea oculo extirpato & discisso paruit omnes humores oculi sic degenerasse (b). Sed si in oculis fieri possit, ut in tam alienam indolem degenerent humores, quid non possibile erit in aliis corporis locis? In rugis ani ceracea talis materies naturaliter in suis loculis hæret, quæ inspissata & accumulata tales tumores producere potest (c).

**PULTACEIS.** In abscessibus similem materiam invenit *Severinus* (d). Admodum videtur probabile, & in partibus internis similia observata fuisse.

**AMURCOSIS.** Inflammatum hepar, ut reliquæ corporis partes, in suppurationem aliquando tendit, & sæpe consumpto friabili viscere non bonum pus fit; sed corrupti visceris tabus, amurcæ similis, per alvum deponitur: imò abscessu ad exteriora verso, talis materia, discissis vel sponte ruptis integumentis, exit; unde *Hippocrates* (e) monet, quòd qui hepate suppurato uruntur, si effluat velut amurca, pereant.

In abdomine sub peritonæo tumor invenitur, plenus sanie, sæcibus vini rubri tam calore quàm consistentiâ similis, quantitate pintas circiter duodecim æquans (f).

In tumore, genu sinistrum occupante, discisso, similem invenit materiem *Severinus* (g).

**CALCULOSIS.** Nasci in corpore humano calculos, nullus dubitat; imprimis circa urinæ vias, renes, ureteres, vesicam, & circa hepar: sed in his locis humores effusi in cavis majoribus stagnant, vel tardius moventur, saltem in hepate: hinc faci-

(a) Theoph. Boneti Sepulchr. Lib. I. pag. 203. 104. 105. 108. 118. & seq.

(b) Theoph. Boneti Sepulchr. Lib. I. pag. 427. 418.

(c) H. Boerhaav. Epist. Anatom. ad Fred.

Ruyfch. pag. 11.

(d) De Recondita Abscess. Natura, pag. 183a

(e) Coacar. n.º. 451. & Aphor. 45. Sect. 7.

(f) Peyer. Parerg. Anatom. pag. 191.

(g) De Recond. Abscessuum Natura, p. 133.

lius videntur hic posse nasci calculosæ concreciones. Sed magis mirabile videtur; in ipsa substantia cordis, nunquam quiescentis, reperiri calculos (a); ut & quod in cavo abdominis nulli parti affixus calculus repertus fuerit (b); itidem quod bovis robustissimi, qui quater se subduxerat lanionibus, antequam macretur, cerebrum inventum totum lapideum fuerit (c).

**TARTAREIS.** Sic vocantur concreciones calculosæ, quæ totam superficiem loci, quem occupant, tartari instar crustâ calculosâ tegunt. Placenta uterina tali crustâ calculosâ aliquando undique tecta observatur: dura mater cerebri lapideâ tali mat. riâ incrustata fuit inventa (d).

**SEROSIS INFLAMMATIS.** Docet hoc sanguis pleuriticorum: in quo densa, coriacea, vix cedens novaculæ pellis, ex sero condensato nata, insulæ pertinaciter adhæret: naturaliter enim inest sanguini in concrecionem proclivitas, quæ in morbis acutis inflammatoriis augetur.

**POLYPOSIS.** De his vide §. 52, n<sup>o</sup>. 2.

**MELICERATIS, STEATOMATOSIS, ATHEROMATOSIS.** Hæc tantum differunt inprimis inter se ratione diversæ consistentiæ, quam habet materia contenta. Sic enim Galenus dicit, quod in atheromatosis pulcillæ simile quid invenitur; melli in meliceridibus; sebo in steatomatis. Caterum hujusmodi universa, tunica quædam membranosa sæpe comprehendit (e). In cute externa folliculi, emissarii obstructi, tumentes, novâ aggregatâ materie, nec evacuata, toties in hos tumores degenerant. In internis & nasci posse similia, docuerunt Observationes Medicæ. Inter cerebrum & cerebellum natum steatoma pugni magnitudine, cæcitatem primò, post & necem intulit (f). Verum steatoma ultra sex libras pendens in cavo pectoris repertum, quod post enormes calamitates tandem suffocavit ægri (g).

**SCIRRHOSIS CONCRETIS.** Scirrhum exquisitum vocavit Galenus (h) tumorem præter naturam, sensu carentem, & durum. Talis autem tumor post malè curatas inflammationes toties relinquitur; inprimis circa loca dicta glandulosa. Innumere possent citari Observationes Practicorum, quibus constat, omnia viscera per morbos scirrhosa facta fuisse aliquando.

**CAVENDUM RELIGIOSE, NE PERTURBETUR GLUTINOSUM BENEFICUM, NATURALE, &c.** Maximi momenti monitum est, quod neglectum turpibus erroribus toties ansam dedit. Multi enim fuerunt in illa opinione, cum vita & sanitas in liberrimo motu fluidorum per vasa consistere tantum ipsis videretur, quod vix posset unquam peccare nimia liquidorum tenuitas: omne crassum, omne tenax, dicebatur morbosum. Qui partium humani corporis fabricam & usum examinaverunt, viderunt evidentissimè, lentum mucum in plurimis corporis locis preparari naturali lege per organa huic scopo intervientia, & maxime necessarios usus habere. Palpebrarum limbi toties attriti ad se invicem, nisi molli sme-

(a) Philosoph. Transactions Abridged, Tom. III. pag. 118.

(b) Académ. des Sciences l'an 1703. Hist. pag. 46.

(c) Académ. des Sciences l'an 1703. Mém. pag. 211.

(d) Theoph. Boneti Sepulchr. Lib. I. p. 59.

(e) Lib. de Tumor. præter natur. Cap. v. Charter. Tom. VII. pag. 317.

(f) Theoph. Bonet. Sepulchr. pag. 421.

(g) H. Boerhaav, atrocis & rarissimi Morbi Historia altera.

(h) Method. Med. ad Glaucon. Lib. II. Capit. v. Charter. Tom. X. pag. 378.

mate defenderentur, inflammarentur brevi, & excoriati dolerent: docent hoc molestissimæ lippitudines toties ab hujus defectu ortæ. Nervi per narium ingentia cava dispersi, nisi muco recti forent, ab aere exsiccarentur brevi, & periret olfactus. Omnes partes oris interni, faucium, œsophagi, simili obducuntur linimento, ut deglutienda facili per lubricata loca transirent. Ventriculi & intestinorum interna superficies, vel in sanissimis animalibus mactatis, lubricissima apparet, inuncta simili muco, ut tenerimæ vasorum & nervorum extremitates hic patulæ & prominens defenderentur ab acrimonia vel asperitate assumptorum; unde in dysenteria, derafo hoc muco, tam enormes dolores; non sedandi, nisi ingestis talibus remediis, quæ suo glutine defectum hunc suppleant. Omnes viæ, quas acris urina transit, tali muco inunctæ sunt: dum deest in urethræ quodam loco talis mucus, molestissimæ stranguria oritur, quæ mucilaginosa althææ decocto tam pulchre curatur. Tendines mucilaginosi vaginæ ambiuntur, ut facilissima fiat mobilitas: dum per validas suppurationes, vel gangrenas, destruuntur hæ vaginæ, rigescunt omnia.

In articulis ossium extrema tenuissimo smegmate obliniuntur: dum post summos & diuturnos motus, vel per morbos, aut senium, deficit, crepitus & dolor articulorum oritur. Laryngis, asperæ arteriæ, interna superficies, totum cavum aereum pulmonis, adeo irritabiles nervos habet, ut nisi muco tegerentur, ab ipso aeris attactu continua fieret tussis.

Cum omnibus illis locis naturalis sit mucus, malè culpatur tanquam morbosus; & pessimo successu de corpore expellitur. Cantharides assumptæ cum sæva stranguria muci sanguinolenti pauculum faciunt exprimi, derafis virulentis horum insectorum acrimoniæ urinæ viis: acriora purgantia toties, post sæpius evacuatam alvum, exprimunt flavescentis glutinis pauculum cum striis sanguineis, summo cum tenefmo & dolore; est tantum beneficium illud gluten abrasum, unde postea sæpe molestissima tormina manent, excoriatis & dolentibus intestinis. Idem & in aliis locis verum est.



## MORBI EX ALCALINO SPONTANEO.

§. 76. NONNULLÆ plantæ scatent materiâ, quæ sponte corrupta non acescit, nec coit, sed resolvitur in fetidum volatile, pingue alcali: tales omnes serè aromaticæ valde acres. Has verò rarò assumunt tantâ copiâ, ut morbum creent ex suo ingenio. Sin autem id contigerit, pertinebit ad acre alcali oleosum.

Alcali, receptum jam in Arte nomen à salissima herbula Kali dictum videtur, quæ vivis flammis usta relinquit cineres acri sale divites. Pleræque plantæ, igne aperto combustæ, relinquunt cineres plus minùsve salios; cineres illi in aqua cocti, filtrati, dant lixivium salsum, quod inspissatum relinquit salem, alcalinum dictum; qui certas habet notas, quibus cognosci potest (a), fixus in igne satis diu; in aere

(a) H. Boerhaav. Chem. Tom. I. pag. 765.

humido deliquescent penitus; saporem habens acrem, igneum, urinosum; odorem nullum; acidis mistus ebullit; syrupi violarum colorem cæruleum in viridem mutat, &c. Sal ille, ex vegetabilibus valido igne & aperto productus, in corpore nostro nasci nequit; ingeri quidem.

Dum vegetabilia aperto igne comburuntur, exit fumus; qui lateribus camini adhærens, pinguem, nigram massam exhibet, fuliginem nempe: hæc fuligo destillata vasis Chemicis dat magnam copiam salis, concretis ad latera excipuli; qui sal linguam urit cum sapore urinoso, ut sal fixus alcalinus; similiter cum acidis effervescit, colorem syrupi florum violarum mutat, &c: hinc sal alcalinus ob has dotes merito dicitur, sed volatilis, & minimo igne mobilis.

Animalium partes, igne examinatae, primâ destillatione dederunt talem salem volatilem alcalinum.

Putredo hæcenus explorata animalium & vegetabilium corpora eò redigit certissimè, ut salinum eorumdem principium evadat alcalinum volatile (§).

In quibusdam plantis hæret jam alcalinus volatilis sal, nativâ plantæ fabricâ paratus; nullam Artem requirens, ut se manifestet. Sinapi semina fracta mox spirant halitum illum volatilem alcalinum; cum aceto trita effervescentiæ signa dant; sponte & primâ destillatione statim salem volatilem alcalinum exhibent.

Aliæ plantæ sunt, in quibus non adeo manifesta quidem indicia sunt præsentis alcalini volatilis, quæ tamen sibi relictæ spontaneâ corruptelâ degenerant in foetidum volatile pingue alcali: harum catalogus habetur in *Materia Medica*.

Alcalini ergo origo in corpore nostro pendet vel ab humoribus nostris, corruptis putridâ degeneratione spontaneâ; vel ab ingestis, quæ talem indolem habent, ut sponte suâ in putredinem vergant, vel denique ab assumptis salibus alcalinis.

Salæ autem alcalini tantâ copiâ vix unquam exhibentur, ut multùm nocere possint.

Nec acres illæ aromaticæ herbæ, de quibus in hoc paragrafo agitur, faciliè tantâ usurpantur copiâ, ut inde origo alcalini spontanei in corpore deduci posset. Aliquando tamen accidit, cum ferè omnes antiscorbuticæ vocentur, imprudenti ad hunc morbum usu sic dissolutum fuisse sanguinem, adeo exesa, ut lethales hæmorrhagiæ, halitus putridissimus, urina foetidissima, fæces alvinæ cadaveroso odore, testarentur putredinem inde natam.

§. 77. **E**X animalium partibus confecta nostra liquida varia sunt: 1. pro varietate alimenti, quo se sustinent: 2. pro varietate partis, quæ assumitur.

Ut ex ingestis per omnium viscerum conspirantes actiones restituantur illud, quodd inevitabili sanitatis effectum perditum erat de solidorum & fluidorum substantia, requiritur, ut, depositâ suâ indole, nostram induant naturam ingesta alimenta: hinc quando ad ultimam illam perfectionem pervenerunt, tunc omnia, quantumvis varia, ejusdem fiunt naturæ. Sed hæc transmutatio, nonnisi continuatâ per multas horas actione omnium vasorum & viscerum, perficitur: hinc ingesta satis diu sæpe suam naturam retinent; & tunc varia sunt liquida inde confecta ratione diversorum ingestorum: illa autem liquida, quæ ex animalium partibus comestis fiunt, differunt inter se inprimis ob duas causas.

(a) H. Boerhaav. Chem. Tom. I. p. 803.



1. Omnia enim animalia hoc respectu in tres classes possunt dividi: vel enim vivunt solis vegetabilibus; ut equi, boves, oves, &c; vel solis animalibus, ut vanelli, hirundines, &c; vel utrisque, ut passerres, &c.

Dum lac bovinum in calore aeris æstivi relinquitur, acefcit; brevi carnes ejusdem animalis putrescunt: qui ergo lac ingerit, alimentum sumit sponte suâ acefcens; qui carnes ejusdem animalis comedit, nutrimentum sumit sponte in putredinem vergens; si medullam ejusdem animalis quis assumit, hæc poterit in debiliore ventriculo imprimis in rancidam corruptelam abire. Apparet ergo varias ejusdem animalis partes penitus diverfam spontaneam mutationem habere posse.

§. 78. **A**NIMALIA enim, quæ herbis & aquâ aluntur, chylum acidum, vel faciliè acefcentem, adeoque & tale lac habent; quod in nobis suam sequens indolem vegetabili nutrimento simillima patrat; (vid. 61. ad 76.) & lentam materiam caseo presso similem in primis viis creat, quæ singularis hîc viscidæ species.

Chylus ex ingestis alimentis confectus, imò & lac ipsum, magis adhuc sequuntur naturam assumpti quàm assumptis. Hinc dum vacca solo gramine & aquâ in pratis vivit, chylus ejus & lac assumpti graminis naturam retinent, & acefcentem indolem; hoc satis patet.

**ET LENTAM MATERIAM CASEO PRESSE SIMILEM, &c.** Sanguis humanus & serum sanguinis vim satis magnam concrefcendi habent: & hoc videtur proprium esse liquidis humanis: serum sanguinis coagulatur majori calore; lac non ita: sed lac, per 24 horas fluens cum sanguine, mutatur in serum, & tunc hanc vim concrefcendi acquirit. Totum hoc debetur efficaciz vasorum in liquida; inprimis autem pulmonis actioni. Quò plûs ergo liquida, ex alimentis facta, absunt ab illa ultima perfectione, eò minorem vim concrefcendi habent. Hinc chylus examinatus vix quid coaguli dat: sed lac, quod tantum est chylus, qui aliquo tempore fluxit cum sanguine per vasa, jam separari potest in tres partes; cremorem nempe, serum, & colostrum subsidens; quod omni sero expresso caseum dat: hinc in lacte jam incipit nasci plastica feri sanguinis indoles. A lacte assumpto illud colostrum separatur in ventriculo & intestinis; quod, nisi bile assûs dividatur iterum, pessimo lentore intestina obstruit: unde sæpe adeo tumet infantum abdomen. Postea calore loci & morâ corruptum putridissimum alvi fluxum facit: caseus enim, licet ex lacte acefcens separatur, videtur partem lactis maximè animale in se habere; nam caseus, omni cremore ablato & sero expresso, induratus, acer fit, alcalinus, & Chemico examine similia ferè exhibet ac partes animalium.

§. 79. **Q**UÆ aliis nutriuntur animalibus, omnes succos faciliè alcalescentes habent.

In illis enim chylus ipse, ingestorum naturam retinens, in alcalinam putridam potius indolem vergit: hinc plerumque pisces, sine sale vel acidis condimentis, aut aliis acefcentibus simul assumptis, diu ferri nequeunt: hinc animalia rapacia ferè omnia foetidum halitum spirant. Dum Magnus horum Aphorismorum Auctor sævis-

mis rheumatismi doloribus excruciabatur, proposuit solo carnis vitulinæ jusculo, sine ullo sale, vivere, ut leniter dolorem, & simul sustineret vitam, sed ultra quinque dies ferre non potuit, coactus postea ad serum lactis confugere; quo solo per multos dies vixit cum magno doloris levamine.

§. 80. **S**I alimenta, vi nostri corporis, (§. 8.) eò sunt redacta, ut jam liquores fecerint, quales in corpore sano & robusto inveniuntur; post abstinentiam à cibo potuque per viginti horas; tum, si sibi relinquuntur in quiete, & calore, vel etiam si moventur validè, naturam adipiscuntur ubique eandem putredinis incipientis.

In præcedentibus paragraphis dictum est de illis mutationibus; quæ sunt in humoribus natis ex alimentis ingestis, antequam per vires corporis naturam nostrorum liquidorum acquisiverint: in hoc paragrapho explicatur, quomodo mutantur iidem, postquam deposita ingestorum naturâ, in nostros humores conversi fuerint. Observaverat *Lowerus* (a), quatuor vel quinque horis post largiorem pastum, sanguini, è quacunque vena vel arteria detracto, magnam chyli lactescentis copiam innare; & in animalibus æquè ac hominibus: postquam verò chylus diutius circumductus fuit cum sanguine, albedine prorsus depositâ, in serum attenuatur: hinc longo post pastum intervallo si fiat venæsectio, nulla lactis species supererit, sed serum solummodo cruori coagulato innabit.

Hinc lac emulctum longè alias dores habet, prout vario post pastum tempore colligitur. Dum enim omni lacte crudiori priùs educto, secundâ vice post aliquot horas emulgentur animalium majorum ubera, lac colligitur vix aescens amplius: cuius lactis caseus subputridus, sætidus, qualis est *Leodienfium*, multis adeo placet.

Ubi ergo per viginti vel plures horas nihil cibi potuque ingestum fuit, tunc nil amplius de natura crudi ingesti superest, & omnia humorum inquilinorum indolem acquisiverunt: sed omnia nostra liquida, sibi relicta in calore aeris communis, putrescunt; licèt solis acidis & aescensibus vixerit homo: hinc in omnibus his est proxima dispositio ad putredinem. Nihil autem in sanitate unquam in corpore perfectè putridum fit: antequam enim eò usque pervenerit; per excretorias vias de corpore exit.

Longè autem citius in putredinem abeunt humores animalium, si validè moveantur. Si valido cursu, vel alio labore, quis corpus exercuerit, quàm olidus sudor; quàm acris & sætida redditur urina! Dum febris acuta lactantemprehendit mulierem, nisi plurimum potet, intra paucas horas lac fiet tenue, subflavescent, salum, odoris suburinosis.

§. 81. **I**N alimentis verò ex aliis animalibus, jam statim, ante mutationem corpori nostro adscribendam; illa in putredinem vergens indoles sponte adest.

Mulier sana & fortis ex solo pane, lacte, cerevisiâ, fructibus horreis, paucis-

(a) De Corde, pag. 238.

que carnis vivens, inde conficit lac suum; quod intra 24 horas, si potu & cibo abstineat, potest penitus degenerare in alcalescentem indolem. Hoc longè citius fiet, quando alimenta assumpta jam ex propria natura in alcalinam indolem vergunt. Hinc dum in Principum aulis sæpe solis carnis jusculis vivere debent nutrices, languent, & lac salum subalcalescens habent; simulac acefcentia exhibentur, reficiuntur statim.

§. 82. **P**UTREDO hæc (80. 81.) significat eam conditionem humorum, cujus præsentia aqua multum exhalat; salina materies attenuata, acido orбата; vel & mutata, à terra oleoque suo separata, fit acris volatilis, alcalina; oleosa pariter, unâ parte tenuior, tetrâ orba, sali illi acri permixta, acris, volatilis, fortens evadit; altera autem olei pars, terræ aquâ, sale, & oleo priori orbatæ, permixta tenacissimè, abit in atram, densam, immeabilem, facem.

Describuntur jam illæ mutationes, quæ accidunt humoribus animalium dum putrescunt.

**AQUA MULTUM EXHALAT.** Putrefactio potuit paucarum septimanarum spatio vastum balneæ, in litus ejectionis, cadaver dissipare in auras, ut nuda tantum relinquerentur ossa: habuit ergo vim talem, quâ volatilia redderet hæc omnia. Sed mobilissima humorum pars aqua est, in omni examine Chemico humorum animalium primo prodians, hæc ergo citissimè dissipabitur.

**SALINA MATERIES, &c.** Sanguis recenseductus de animali sano nullam notam alcalini salis exhibet; oculo instillatus nullum dolorem facit: si tepore simili, ac habet corpus sanum, idem sanguis foveatur per triduum, jac corruptus foetet, acer fit, & leni destillatione salem volatilem alcalinum dat. Sed sal natus sanguinis neuter erat, longè fixior: hinc ejus indoles penitus putrefactione mutatur. Quod autem putrefactio possit & acidos sales mutare in alcalinos, docet acidissima acetosa, quæ putrefacta salem volatilem alcalinum præbet.

**OLEOSA PARITER, &c.** Ex putrefactis animalium partibus sal volatilis alcalinus, destillationeeductus, nunquam purus apparet; sed flavescens, & oleo subtilissimo, acri, foetido, inquinatus: ergo per putrefactionem oleum sanguinis, adco fixum naturaliter, fit tam volatile, ut unâ cum mobilissimo sale volatili alcalino sursum ascendat leni calore.

**ALTERA AUTEM OLEI PARS, &c.** Non enim omne oleum volatile redditur per putrefactionem, sed quædam pars tantum: reliquum, terræ unitum, pertinacissimè cohæret. Ex urina putrefacta unâ cum sale volatili prodit oleum tenue; sed in residua sæpe hæret ingens olei copia, quod summo resistit igni. Sic & in morbis attrahibilibus videmus, mobilissimis sanguinis partibus dissipatis, residuum tenax, piceum, pertinacissimè hærens, amurcæ instar, viscera abdominalia gravare, & maximè chronica producere mala.

§. 83. **I**NSECTA, pisces; amphibia; animalia volatilia, repentia, gradientia, natantia, homines denique, ex propria sua na-

tura, in hanc putredinem (82.) sponte vergunt semper; acefcunt nunquam.

Omnia huc ufque cognita animalia, demptis quibusdam exfuccis infectis (ad putredinem enim humiditas requiritur, ficcata enim animalium partes nunquam putrefcunt) in calore aeris intra 32, & 92, gradum thermometri *Fahrenheitiani*, sponte putrefcunt; eo citius plerumque, quò calor major est intra definitum hunc terminum, (majore enim calore fit potius exficcatio putredinem impediens) eo lentius, quò descendens calor magis appropinquat ad glaciale frigus. In piscibus plerumque hæc putrefactio citiffimè obtinet; in aliis lentius; nec hætenus constat ullo Experimento, animalium partes spontaneâ degeneratione unquam in acidum degenerasse. Hinc hoc videtur meritò pro generali regula posse affumi.

§. 84. **H**UJUS putredinis (82.) antecedentes causæ sunt: 1. Cibi ex aliis animalibus comestis, excepto lacte herbaceo (78.) maximè ex infectis, piscibus, avibus rapacibus, ex vegetabilibus alcaliscentibus: 2. Abundantia boni sanguinis, vel si jam putredini ille proximus: 3. Virtus magna vasorum, viscerum, (50. ad 54.) bilis: 4. Stagnatio, vel nimia agitatio, torpente, vel incitato animali motu: 5. Calor ingens diu & multum conciliatus corpori.

1. Potest sani corporis actio in ingesta alimenta, quæ in acidum suâ naturâ vergunt non in putridum alcalinum, illa sic mutare, ut, similia facta humoribus sanis, jam incipientis putredinis naturam adipiscantur (§. 80.) Si ergo ingesta alimenta ex sua indole jam in putredinem vergant, conspirabunt simul ingestorum indoles & corporis actio in hæc ingesta: longè ergo promptior erit dispositio ad putredinem. Hinc solis carnibus, solis piscibus sine ullo sale, sine acido, sine vegetabilibus acefcenscentibus simul assumptis, homo diu vivere nequit; langueret brevè, & abhorret hos cibos. Sunt tamen animalia quæ solis vivunt carnibus, nec bibunt tamen: hoc de aquilis *Gesnerus* affirmavit; & certa Observata docuerunt hujus rei veritatem, in hominibus tamen capta Experimenta docuerunt, quòd solis alcaliscentibus vivere sani nequeant diu.

2. Quantum possit boni sanguinis copia in assimilatione ingestorum, dictum fuit §. 25. nò. 1, præcipuum enim auxilium est, quod immutat cruda ingesta in naturam nostrorum humorum. Hinc sanissimi & plethorici in morbos putridos maximè proni, dum talis constitutio epidemica regnat; debiles, cacochymici, mucosis, lentis humoribus pleni, vix afficiuntur: & ideo athleticè valentium periculosus status est. Si plethoricus homo, valido labore corpus exerceat, sudor erit olidissimus; urina rubra, acris, jam subputrida ferè. Calor major, qui semper his corporibus, boni sanguinis copiâ abundantibus, adest, multum auget hanc dispositionem ad putredinem.

3. Bina sunt auxilia præcipua, per quæ fit conversio crudi ingesti in naturam humoris inquilini: miscela nempe pauci crudi cum magna copia humorum coctorum; & actio vasorum & viscerum in hoc crudum. De priori dictum fuit numero præcedenti, de posteriori nunc agitur. Chylus, sanguini mistus, cum illo per multas horas fluit, antequam in serum mutetur; sed continua vasorum actio & viscerum, tam

dem chylum mutant in serum & sanguinem: quò fortior ergo hæc actio vasorum & viscerum est, eò citius perficitur hæc mutatio. Hinc robusti homines, duro labore corpus exercentes, panem durum acidum, lac ebutyratum acidum, fumo & sale induratas carnes, vasorum & viscerum robore digerunt & convertunt in bonum sanguinem, cujus semper hæc proprietas est, ut alcalinam in putredinem vergat, acescat nunquam. Si talibus hominibus darentur juscula, teneræ carnes, &c. languerent illico, nisi acidis sumptis domarent nimiam ingestorum proclivitatem in putredinem.

**BILIS.** Inter liquida corporis sani, excrementitia excipiantur, nullum acrius est, nullum magis vergens in putredinem, quàm bilis. Hinc circa illa loca, uti bilis hæret, cadavera omnium citissimè corrumpuntur. Hinc in morbis acutis citò in putredinem degenerans bilis tanta sæpe facit mala. Chylo, per pylorum ex ventriculo in duodenum intestinum egresso, mox bilis utraque affunditur; sicque ingessis alimentis per bilem primus quasi humanitatis character imprimitur: acescentia, vel acida, per bilem incipiunt mutari in oppositam naturam. Præcipuum itaque est chylopoietis instrumentum. Ob hanc causam frigidi pisces, & dentibus carentes, acerrimam bilem habent: si verb bilis vel copiâ auctâ, vel incipiente putredine peccet, corrumpit omnia, & morbos acutissimos omnia putrefaciens excitat.

4. Motus nullus, & motus nimis liquidorum nostrorum, producant putredinem; sicque binæ causæ penitus oppositæ producant eundem effectum.

Homo per octoginta & plures annos vivit sine ulla putredine humorum; post mortem, cessante omni motu, stagnantibus omnibus liquidis, intra triduum, & aliquando citius, putrefcit cadaver. Idem in sanissimo homine, aquis submerso fit; ubi omnes humores adsunt, nil deest, nisi solus motus; brevi putredo nascitur.

**NIMIA AGITATIO** longè adhuc celerius putredinem inducit. Acutissima febris intra 24 horas sic potest corrumpere omnia, ut urina fetida, fæces alvinæ cadaverose penitus, halitus oris putridissimus, interna omnia jam corrupta testentur.

Inerti orio torpentes toties scorbutus putridissimus, tabesfactis visceribus, necat: validissimo motu musculari ardentissima potest excitari febris, omnia putrefaciens.

5. Ubi calor tantus est, ut humidum omne dissipare possit, tunc fit exsiccatio, putrefactionem semper impediens: aliter major calor semper putredinem augeat. Carnes animalium hyemali tempore per plurimos dies servari possunt; æstivis caloribus brevi putrido tabo dissolvunt; inprimis si cum magno calore simul addit aeris humiditas. Hippocrates inter æstivos morbos recenset plures, in quibus humores in putredinem degenerant, febres nempe continuas, ardentis, oris exulcerationes, genitalium putredines (a). Dum in calidissimis regionibus, silente venio, diu coguntur manere classarii, putridissimis morbis corripiuntur. Hinc apparet, quàm necessarium sit aeris refrigerium morbis acutis putridis decumbentibus. Galenus (b), putredinis naturam describens, dicit, *Est mutatio totius putrescentis corporis substantiæ ad corruptelam, ab externo calore. Non enim profectò à proprio calore corrumpitur quidquam.... sanè & ipsa animalium corpora, ... magnum annorum numerum sine putredine, ac sana vivaque exigunt, si servetur.... eorum proprius calor.*

(a) Aphor. 21. Sect. 3.

(b) Method. Medendi, Lib. XI. Cap. VIII. Charter. Tom. X. pag. 254.

§. 85. **I**N primis viis facit sitim, prostratum appetitum, ructus nidorosos, graveolentiam tabidi, corruptique; sordes ori, linguæ, palato, faucibus, amarescentes, putridas; nauseam, vomitum putrefactæ biliosæ materiei; horrorem adversus omnia, nisi aquosa, vel acida; cruditatem putridam; diarrhæam biliosam, dolores iliacos, inflammatorios; caloris molesti sensum.

Sequuntur jam effectus putredinis natæ in corpore humano; & primò quidem illi, qui observantur nasci, quando putridi hinc hærentis: conatur enim natura

**SITIM.** Quæ est individua comes putridi hinc hærentis: conatur enim natura plurimo potu ingesto ablueri hoc putridum. Hoc apparet evidenter in hydropicis, qui in initio rarè siticulosi sunt; sed ubi morâ & stagnatione incipiunt corrumpi aquæ, sitis oritur indomabilis. Hinc inter bona signa numeravit *Hippocrates*, si hydropici siti careant. Quibus tabefactum hepar est, immaniter sitiunt, à tomite putrido hic hærente.

**PROSTRATUM APPETITUM.** Potest & à plurimis aliis causis appetitus tolli; sed ubi simul cum prostrato appetitu sitis adest, ferè semper ab hac causâ fit.

Si quis, quamvis sanissimus, occurrat putrido animalis cadaveri, illo momento, quo crepat dissentum abdomen, in syncopen ferè labitur, & satis diu ab omni cibo abhorrebit. Qui ovi, leviter tantùm putrefacti, particulam deglutivit, mox omnia fastidit. Quid fiet miseris illis, quibus circa ventriculorum putridus talis fomes hæret, per interna corporis putrida hæc miasmata dispergens? Hinc in morbis à putrida bile, hic hærente, insuperabile ciborum fastidium.

**RUCTUS NIDOROSOS.** Quomodo ructus fiant, dictum fuit, §. 63. Dum eructat homo, odor contentorum ventriculo inprimis nares ferit: ubi putridi quid hic hæret, putridus cum ructu exit odor; qui tunc vel ab alimentis ingestis putrescentibus pendet, vel à fomite corrupto in visceribus hærente.

**SORDES ORI, LINGUÆ; &c.** Medici prudentes nunquam ab ægris discedunt, nisi prius inspexerint oris interna, & linguam, quæ viscerum chylopoieticorum & pulmonis conditionem tam pulchre sæpe demonstrant. Ex ore hominis sani nil nisi limpidissimus ros exhalat: sed in morbis, immeabilibus humoribus obstruentibus extrema hæc oscula exhalantium vasorum, incipit linguæ dorsum inprimis scabrum fieri, siccum; color mutatur in pallidum, flavescentem, fuscum, nigrum tandem; inò aliquando totæ gingivæ & dentes ipsi crustâ tali obducuntur. Distinctum omnino ab aphthis hoc malum, cum quibus sæpe confunditur: sordes vocantur melius; quæ, postquam redit debita perspiratio per aperta vasa, ab impetu vitalis liquidi à tergo urgentis absterguntur, reditque linguæ solita nitiditas. Distinctum inflammatoria immeabilitate nascuntur, plerumque simul magna adest siccitas; si verbò à viscoso putrido obstruente, plerumque major humiditas est, nisi binæ hæ causæ simul concurrant, inflammatoria nempe densitas & putredo, ut in morbis acutis sæpius fit. Sed ut linguæ superficies apparet, sic & se habet interior superficies œsophagi, ventriculi, &c.

**GRAVEOLENTIAM TABIDI CORRUPTIQUE.** Quando in primis viis, & inprimis circa ventriculorum, putridus fomes hæret, mirabiles sæpe

oriuntur morbi, totum genus nervosum turbantes, omnes cerebri actiones pervertentes, non adeo, ut videtur, putrido liquore venis resorpto, dein communi humorum ciculo ad cerebrum delato, sed potius venenatae quasi auras afflatione turbantur omnia. Dum putrida bilis hic collecta, vel per morbi vim nata, stabulatur, immanes capitis dolores, vertigines, deliria, furores, &c., in capite causam & sedem mali esse, ferè persuaderent; sed excussa per lene vomitorium hac suburrà, uno momento cessant omnia hæc mala. Unde Hippocrates in Prognostico, tenebrosam vertiginem, & oris ventriculi morsum, tanquam signum vomitus bilioli brevi futuri recensuit: uti & putridi cadaveris horrendus fœtor hominem vel fanissimum potest in syncopen usque deducere, uno momento ablati omnibus viribus, sic & in internis latens putridum graveolentiâ suâ & spirituosio quasi afflatu, omnia turbare potest.

**NAUSEAM ET VOMITUM, &c.** Omnium humorum acerrima bilis omnium citissimè in putredinem vergit, hinc simulac quid putridi in primis viis nascitur, mox bilis mutatur. Sed præterea putridum hic hærens omnem tollit appetitum, sola ferè aquosa acida ferunt, quæ faciliè transeunt; hinc ventriculus vix distenditur. Sed ventriculo non distento pylorus semper patet; hinc commercium immediatum ventriculi cum intestino duodeno, in quo omnis humor secretus ex ingenti hepate, pancreate, vesicâ fellæ colligitur, quem intestinum jejunum, tot rugis clausum, non adeo faciliè transmittit: hinc hæc in vacuum ventriculum regurgitant, ubi liber datur aeri accessus: hinc citissima putrefactio. Unde nausea & vomitus materiæ biliolæ potrefactæ, in febribus autumnalibus epidemicè grassantibus post magnos calores æstivos, toties occurrunt; & nisi illud biliosum corruptum sponte vel Arte excutiat, in fine morbi putridissimâ diarrhœâ obortâ, prostratis subitissimè viribus, sepe percunt ægri.

**HORRÖREM ADVERSUS OMNIA NISI AQUOSA VEL ACIDA.** Sedula Observatio docuit, & in hominibus & in animalibus morbum natum sepe incitare ad applicationem auxilii, cæterum ignoti; & nasci sepe insuperabile desiderium assumendi quædam; & contrâ, horrorem versùs alia quædam, quæ offeruntur. Modum, quo hæc fiunt, non assequimur; veritatem facti certa demonstrant Experimenta. Dum summis æstibus exsiccat corpus, sitis vel invitum coget, ut remedium quærat. Simulac quid putridi in corpore hæret, mox nascitur omnium faciliè putrescentium fastidium summum: si acutâ febre putridâ laboranti carnes offerantur assæ, ne quidem aspectum feret æger, vel nidorem carniû: si verò citrea, aurantia mala, fructus horæos, &c., offers, avidissimè arripiet. Sive jam peritissimus Medicus tali decumbat morbo, sive innocuus infans, hæc fiunt eodem modo: summæ prudentiæ Medicæ est in morbis nata hæc desideria observare. Qui ex præconcepta hypothesi in morbis calidissimis omnem negabant potum, omnia acida damnabant, quàm infelices fuerunt in morborum curatione! Sibi soli ad omnia sufficiens natura aquam appetit & aquosa omnia, ut abluatur putridum, & per urinam vel sudores eliminetur de corpore; acida, ut corrigatur.

**CRUDITATEM PUTRIDAM.** Quamvis alimenta vi corporis nostri sic mutantur, ut in quiete & calore, vel & dum validè moventur, incipientis putredinis naturam adipiscantur, ut dictum §. 80, tamen nulla putredine in humoribus sani corporis observatur naturaliter. Hinc omne putridum crudum est: cocti enim humores nostri blandi sunt, nec alcalini, nec acidi: hinc si ingesta alimenta in primis

viis, vel & liquida corporis nostri his locis effusa in putredinem abierint, crudius hic nascitur putrida; quæ omni momento augetur, ubi aeris liberum accessum, calorem & humiditatem primarum viarum, & quia tota vis corporis in ingetta agens huc conspirat: hac enim vi alimenta ab omni putredine alienissima convertuntur in naturam liquidorum nostrorum, quæ omnia putrescere possunt; quanto magis eadem hac vis agens in putrida, vel putredini proxima augebit corruptelam!

**DIARRHŒAM BILIOSAM.** Dum aliquid putridi hæret in primis viis, bilis facillimè putrescens citò corrumpi incipit; corrupta venenato ferè stimulo continuas alvi excretiones putridissimas facit: tunc liquamen quasi oleosum putridissimum alvo excernitur. In acutis morbis sæpe accidit; ut jam initio per vim morbi corrupta bilis perpetuam faciat nauseam: nisi tunc excutiat vomitorio illud corruptum biliosum, vel corrigatur acidis, circa finem morbi diarrhœa putridissima biliosa nascitur, fractis jam à prægresso morbo viribus, adeo periculosa. Vitellum ovi putrefactum ad pauca grana datum, validissimam hypercatarsim posse facere, observavit *Bellinus*.

**DOLORES ILIACOS INFLAMMATORIOS.** Omnis acrimonia potest irritare nervos per intestina dispersos, unde spasmodica contractio, & ab hoc inflammatio intestinorum oriri potest: maximè quia ab acri bilioso inprimis saponacea vi abraditur mucus, defendens tenerrimas papillas nerveas, per internam tunicam intestinorum dispersas; hinc longè magis sensiles fiunt.

**CALORIS MOLESTI SENSUM.** Quantum calor per putrefactionem generetur, docet sænum magnis acervis collectum per solam putrefactionem in vivas flammæ erumpens. In febribus illis continuis, quas ab effectu putridas vocaverunt, mordax calor diagnosticum signum præcipuum dat: in ardentissimis febribus, dum extrema frigent, ignis urentis vim circa præcordia ægri sentiunt: sed quàm subita omnium putrefactio in his febribus adest! Hydriopici crura, marmoris instar frigida, dum incipit putrescere stagnans lymphæ, calent, inflammantur. Insans peste mortuus secundo post obitum die adhuc calebat. (a).

§. 86. **I**N sanguine producit dissolutionem ejus putridam; acrimoniam alcalinam oleosam volatilem; ineptitudinem ad nutriendum; aptitudinem ad consumendum; minimorum vasculorum destructionem; hinc omnes actiones solidarum & liquidarum partium turbat; depravat, destruit; unde circulatio, secretio, excretio variat; tum febres ardentes, urinæ & omnia secreta putrida, inflammationes, suppurationes, gangrænæ, sphaceli, mors.

**DISSOLUTIONEM EJUS PUTRIDAM.** Sanguis sani hominis missus de vena post pauca minuta coagulatur in massam homogeneam rubram; de qua postea secedit serum tenuius, remanente parte rubrâ crassâ concretâ: sed sanguis talis tepore simili, ac in sano corpore observatur, totus aliquamdiu incipit putrescere, & simul attenuari, nec amplius concrevit postea. Dum in ictericis bilis retro premitur in sanguinem, totus sanguis, si diu durat morbus, à bile dissolvitur, & in putredinem disponitur: unde à nimis soluto sanguine hydrops postea icte-

(a) Van der Mye, de Morbis Bredanis, pag. 8.



rum sequitur. In scorbuto putrido sic solvitur sanguis, ut propriis vasīs coerceri renuat, sed ecchymoses, maculas, & validissimas hæmorrhagias faciat. In obsidione *Bre.lana* dum pestis grassabatur in urbe, sanguis insectorum apparebat lividus, foetidus, non concrefcent (a).

**ACRIMONIAM ALCALINAM OLEOSAM VOLATILEM.** Non videtur in vivente penitus putrescere posse sanguis, (destructis enim minimis in cerebro & cerebello vasīs, mors prius fieret,) sed tamen proximè eò disponitur; sic ut, ubi aeri libero exponitur, statim in putridam sanie diffusetur. Apparet hoc in gingivis scorbuto putrido affectorum; exit enim erosīs vasīs sanguinolenta sanies cadaver olens.

\* **INEPTITUDINEM AD NUTRIENDUM.** Albumen ovi, ex quo cerbū scimus pullum nutrirī, tenacitatem habet satis notabilem: in sero sanguinis, quod per Experimenta demonstratur satis simile esse ovi albumini, similis plastica cohesio inest. In lacte jam incipit tale quid nasci; docet hoc caseus. Hinc videtur ad nutritionem corporis requiri, ut talis cohesio adsit in nostris humoribus: sed putredo nata hanc tenacitatem tollit. Albumen ovi putrescens instar aquæ tenuæ fit; serum sanguinis putridum ad ignem non coagulatur amplius; & in illis morbis, ubi putridus fomes in corpore hæret, dissolvuntur omnes humores, nutritio deficit, lento marasmo omnia pereunt: docent id phthisici, in quibus à dissoluto nimis sanguine sudores illi nocturni, colliquativus & putridus omnino alvi fluxus, atrophica, mors.

**APTITUDINEM AD CONSUMENDUM.** Hoc imprimis patet in illa specie tabis, quæ consumptio Anglis dicitur: in quo morbo, sine notabili serè pulmonis labe, sensim consumuntur corpora. Videtur serè morbus ille originem ducere nimio usu carnis, unde humores in nimiam alcalescētiā proni plasticā illā tenacitate carent: unde sudoribus dissolunt, & sensim contabescunt.

**MINIMORUM VASCULORUM DESTRUCTIONEM.** Urina sales sanguinis nimis acres factos eliminat de corpore: ubi ergo à quacumque causa urinæ secretio vel excretio impeditur, non fit hæc sanguinis depuratio. Hæc acrimonia ipsīs vitæ actionibus omni momento augetur: hinc tenerrimis vasīs, cerebri nempe & cerebelli imprimis, læsio apparet; & ideo post ischuriam diuturnam, sopor, delirium, mors. An ideo subtilissimum pestis venenum putrefaciens omnia, destructis minimis vasīs, tam subitam mortem intert?

**HINC OMNES ACTIONES, &c.** Ut fiant actiones in sanitate requisitæ, in solidis partibus requiritur debita cohesio, in fluidis proportionalis ad vasa, per quæ fluere debent, crassities. Putridā dissolutione attenuati humores aliena vasa intrant, & blanda indoles in acrem mutatur; hinc necessariò in omnibus functionibus corpus à sanitatis legibus recedit. In acutissimis febribus, in quibus tam subita putrefactio fit, statim læsio omnium functionum apparet, illico degenerant omnes humores. In ipso enim talium morborum initio respiratio anhelosa & difficilis, pulsusque celerissimus & sæpe inæqualis, vitales functiones læsas demonstrant. Debilitas summa, delirium, sopores, &c., animalium functionum læsionem indicant: prostratus appetitus, sitis, nausea, vomitus, &c., naturales functiones perturbatas probant; saliva, bilis, sudor, urina, mox degenerant: unde, cum nihil serè de sanitate superfit, tam funestus plerumque eventus.

(a) Van der Mye de Morbis Bredanis, pag. 14.

**FEBRES ARDENTES.** *Hippocrates* (a) monuit post statum austrinum humidum & mollem (b) febres ardentes phreniticas oriri: sed talis aeris constitutio omnia ad putredinem disponit, sic ut carnes mactatorum animalium in tali aere humido & calido intra paucos dies in tabum putridum dissolvant. Ubi exusta atra bilis, fixitate sua pertinaciter adeo hærens, per quamcumque causam fusa, corrupta, sanguini miscetur, ardentissima oritur febris subito destruens omnia.

**URINÆ ET OMNIA SECRETA PUTRIDA.** Omnia hæc sequuntur indolem sanguinis, unde secernuntur: sed urina naturali lege sales & olea sanguinis acriora, & putredini proxima, abluat & expellit de corpore: hinc, sanguine putridis inquinato, urina similem habebit labem; uti & sudor, &c.

**INFLAMMATIONES, SUPPURATIONES, &c.** Omne acre irritans stimulo suo inflammationem in toto corpore, vel in parte quadam, facere posse, docent certissima Observata. Hinc & putridum natum in corpore sua acrimonia inflammationem facere potest. Sed & præterea dissoluti per putredinem humores aliena vasa intrant, & sæpe per illorum angustias ultimas transire non possunt: hinc alia ratio inflammationis à putredine natæ deducitur. Ophthalmiæ laborantis nuchæ applicuerant lienem recens mactati vituli, reliquerant per 24 horas; totus lien tepore corporis & humiditate resolutus fuerat in olidissimam putrilaginem; & locus, cui applicatus fuerat, validæ inflammationis omnia signa habebat. Sed inflammatione natâ, sequuntur necessariò inflammationis exitus varii, suppuratio nempe, gangræna, sphacelus; ut postea in inflammationis Historia dicitur. Hæc non adeo in externis partibus timentur, sed si in minimis teneriorum viscerum vasis hæc fiant, summum periculum. Sic in febribus acutissimis observatur, per abscessum versus extrema corporis deponi malignos adeo humores, ut fiat subitissima mors partis; & sphacelus ad ossa usque: & monuit *Hippocrates* in Prognosticis, quòd partes tales penitus nigrescunt, & decidunt, superstitæ ægro, si malum leviter ferre videatur, & signum aliquod salubre præterea adsit (c).

**§. 87.** **E**X his (76. 79. 80. 81. 82. 83. 84. 85. 86.) denuo diagnosi & prognosi, æquè ac curatio morbi liquidò conspiciuntur.

Quomodo diagnosi, prognosi, & indicatio curatoria deducantur ex cognitis prius morbi Historia, dictum fuit §. 27, pro exemplo generali. Sic in hoc morbo causæ prægressæ §. 84, & effectus morbi nati §. 85, & 86, demonstrant adesse alcalinum spontaneum: ubi verò ex his noscitur illud adesse, pro prognosi facillè concluditur, metuenda esse illa omnia, quæ fidelis Observatio docuit sequi hunc morbum natum; & quæ omnia recensentur §. 85, & 86. Deinde ex his bene intellectis curationis requisita facillè deducuntur.

(a) Epid. 3. Charter. Tom. IX. pag. 259. significare ἀναισθησις tranquillum, sine ventis, & calidum.

(b) μολλὴν Galenus in Commentariis dicit (c) Charter. Tom. VII. pag. 624.

§. 88. QUÆ perficitur 1. Alimentis, potibúsque, citò acescentibus, vel jam acidis, quò farinosa in aqua cocta, vel ad initium corruptionis digesta; lac ejúsque producta herbacea; fructus horæi; horum acidí crudi, vel fermentati vinosi, acetosive, fucci. 2. Acidis Medicamentis ex vegetabilibus crudis, vel fermentatis, aut salibus & sulphure vi ignis in acida conversis. 3. Salinis alcali absorbentibus, ut est sal gemmæ, marinus, & nitrosus. 4. Aquosis diluentibus. 5. Lenibus obtundentibus, qualia farinosa vegetabilia emulsa, vel decocta, sunt; & laudatissimæ boli, acidulo balsamico testó, & demulcentissimo viscido, constantes. 6. Saponaceis abstergentibus, acidis, suboleosis; oximelle; fapis acetosis. 7. Quiete, somno, balneo vaporis; fomentive.

1. Facile apparet totam curam consistere in binis his, ut nempe putridum alcalinum vel expellatur de corpore, vel sic mutetur, ut non noceat amplius: deinde, ut talia pro cibo & potu ingerantur, quæ ex sua indole putrescere nunquam possunt, sed in oppositam acrimoniam, acidam nempe, vergunt: talia jam habentur omnia dicta FARINOSA: cerealia nempe omnia & matura femina, quæ trita in farinam abeunt. Hæc enim aquâ diluta in calore modico acescunt, quædam citius, quædam seriùs. Avenæ & fæcalis decocta citissimè acescunt, dein hordeum, &c: secale autem inprimis satis citò in acidum satis acre degenerat, si in aqua coquitur, vel maceratur. Artifices, qui ferri lamellas stanno obducunt, noverunt requiri ad hanc rem, ut ferri tota superficies terribilissima sit, tunc enim stannum faciliè adhæret: ideo ferri lamellas macerant in aqua acida reddita, per fæcalis grana addita (a). Hordei prisanâ, cremore, succo, in omnibus acutis morbis utebatur Hippocrates, uti passim in ejus Operibus habetur.

LAC EJUSQUE PRODUCTA HERBACEA. Lac ipsum purum non satis tutò in putridis morbis datur: acescit quidem omne lac herbaceum, sed habet cremorem pinguem, qui rancescere potest; habet cascum, qui plùs jam de animali natura participans, quàm reliquæ lactis partes, putrescere potest: hinc in acutissimis morbis non nisi plurimâ aquâ dilutum lac conceditur, vel lactis serum, inprimis illud, quod à lacte ebutytrato jam acido per manicam Hippocratis separabatur: hoc tenue serum acidulo sapore adeo placens saluberrimum auxilium dat in omni morbo putrido.

FRUCTUS HORÆI. Ægri similibus morbis decumbentes spontaneo appetitu maximè versùs hos gratissimos fructus feruntur. Ante multos annos omnes ferè oblectabantur Medici, ne sumerent. Dum celeberrimus horum Aphorismorum Auctor nobili Viro, morbo acuto decumbenti, cerasa, mora, ribesia, dabat, publicâ auctoritate puniendum scelus putabatur: Interim, qui hanc methodum adeo calumniabantur, succos horum fructuum cum saccharo in syrupum coctos præscribent quotidie. Maturorum fructuum succus nullâ præparatione indiget, sitim exstinguit, calorem temperat, urinæ & alvi vias laxat, summum solamen

(a) Acad. des Scienc. l'an. 1725. Mém. pag. 153.  
Tome I.

languenti ventriculo à putrida bile præbet. Calidissimis in regionibus solis ferè his fructibus vivunt sani: ælivis caloribus incensa bilis, saponaceis & blandis fructuum horarum succis felicissimè demulcetur. *Galenus*, qui ubique ferè fugacium fructuum usum damnabat, tanquam pravi penitus succi forent, dixit (a), *Solusque is utilis ipse utetur qui astu vehementiore, & longiore itinere se se confecerit: tunc enim juvant corporis squalorem humectantia, & si frigida sumantur moderatè refrigerantia*. Sic Invitus pulchros fructuum, quos damnaverat, usus recenlet. Succi illi jam sæpe sunt acidi naturaliter, ut in ribebris, cerasis quibusdam, &c; vel citò fati ascensunt, facile fermentabiles; tuncque in vini vel aceti indolem mutantur. Vinum autem ipsum in his morbis prodest, inprimis acidulum, & in morbis ipsis acutissimis; sed multà tunc aqua dilutum. Aprorum carnes vino Rhenano conditæ ab omni putredine servantur in Germania.

2. EX VEGETABILIBUS. Plurima habentur vegetabilia, in quibus acidum naturaliter invenitur, ut omnes acetosæ species, acetosellæ; tamarindorum pulpa, &c; quæ ubique in Officinis obvia prostant; unde efficacissima & gratissima simul parari possunt remedia. Huc inprimis refertur fermentatione paratum acidum, tartarus nempe, & acetum omnibus ferè palmam præripiens: unde oxycratum, oxymel, poscam, adeo laudaverunt veteres Medici. Acetum quidem ex omnibus liquidis fermentatis parari potest, melius tamen nunquam fit, quàm ex vino: omnes enim vini partes constituentes in aceto videntur adesse, sed alio modo dispositæ. Acetum inter præcipua prophylactica ad pestem ipsam ab omnibus recensetur, solo olfactu putridis morbis decumbentes adeo reficiens.

AUT SALIBUS ET SULPHURE, &c. Omnia ferè acida vegetabilia, & inprimis acetum, talem vim habent, ut simul sanguinem plùs dissolvant. Ipsa putredo nimiam dissolutionem omnium humorum facit: hinc ubi putridum adest unà cum nimia dissolutione humorum jam præsentè, vel si brevi futura metuitur, tunc acidi spiritus vi ignis ex sale marino, nitro, vitriolo, expressi summum usum habent; efficacissimè enim omni resistunt putredini, dum simul non dissolvunt humores nostros, sed coagulant potius. Huic scopo pulchre intervit spiritus sulphuris per campanam dictus, qui purissimum acidum fossile nihil metallici in se habens præbet.

Quantam autem habeant efficaciam hæc acida fossilia, docuit *Sydenhamus*, qui in variolis pessimis confluentibus spiritum vitrioli potui ordinario mistum pulcherrimo cum successu exhibuit, dum incassum alia tentaverat remedia (b). Sed in his variolis putridissimo tabo omnia diffuunt: hinc apparet, quantà vi putredini resistent hæc acida fossilia.

3. SALINIS ALCALI, &c. Sales illi animalium carnibus aspersi omnem putredinem arcent, ut docent quotidiana Experimenta. Optimi hinc semper usus, nisi validus simul motus humorum addit; tunc enim metus est, ne sanguis magnà copiam horum salium gravatus, acrior redditus, & velocius motus, destruat tenerrima vasa. Nitrum tamen inter hos sales levissimum, facilius superabile viribus corporis nostri, tunc præferretur reliquis. Externo usu sales illi soluti in aqua; applicati partibus gangrænâ corruptis, omnem arcent putredinem.

4. Sales sanguinis nimis acres facti, & olea nimis attenuata, & jam subputrida, naturali corporis lege per urinam eliminantur; aliquando & per sudores. Maximè

ergo convenit aquosis diluentibus magnâ copiâ ingestis hæc abluerè: copia enim urinæ inde augetur, & materiæ per sudorem eliminandæ suppeditatur vehiculum: sed & in omnibus morbis putridis, quamdiu mens constat, sitis ingens aquosâ petit, naturâ sic monstrante viam.

5. FARINOSA EMULSA VEL DECOCTA. Hæc ratione aquæ diluunt; molli verò glutine suboleoso inviscant omne acre, & iners reddunt: hinc tanti usus. Omnia illa farinosa semina, contusa, pressa, magnam copiam olei mollissimi dant: sed hoc oleum, citò rancescens, noceret sæpius: dum autem cum aqua teruntur, dant liquidum lacteum molliissimum, emulsum vocant in Officinis, in quo idem hoc oleum est, sed sic mutatum, ut non rancescat, sed acescat citissimè. Olei virtus, quâ inviscat & obtrundit omnem acrimoniam, in emulsis manet, & futuræ ranciditatis metus abest.

LAUDATISSIMÆ BOLÆ. Galeni tempore magnâ jam laude efferebantur terræ illæ medicatæ dictæ; inprimis terra Lemnia, quæ in Lemno insula effodiebatur.

*Dioscorides* (a) terræ huic caprinum sanguinem misceri credidit, & in pastillos dein formari, quos capræ signarent imagine. *Galenus* (b) bis laboriosum iter in Lemnum insulam suscepit, ut indagaret hujus terræ indolem, & invenit, nunquam ei misceri hircinum vel caprinum sanguinem, pingue verò lutum, & omnibus crassioribus elotione inde separatis ad ceræ consistentiam siccatum servari, & in minutas particulas diviso luto sacrum Dianæ sigillum imprimi deinde, siquæ postea vendi.

Varie tales terræ hodie habentur in Officinis; omnium fortè optima illa, quæ Bolus Armena hodie dicitur. Ad tactum pinguis apparet & saponacea, coloris pallidè rubri, levem nec ingratum odorem habens, facilè in molliissimum pollinem teritur; in ore deliquescit ferè instar butyri, & salivâ integre diluitur; in sapore invenitur levissimum aroma, & simul aliquid exsiccantis adest. In his terris latet acidum, miro modo obvolutum, ut docent Chemicæ Observationes. Acidum enim illud vagum, fossile dictum, in terræ visceribus hærens, varia constituit concreta, prout diversis unitur corporibus: sic enim vitriola, alumen, sulphur, idem ferè omni dote acidum exhibent. Quia autem omnium facillimè, & maximâ quidem copiâ, ex vitriolo educi potest, hinc acidum vitriolicum dicitur. Hoc acidum sali marino, gemmæ, nitro mistum, expellit acidus horum salium spiritus, unitur parti residuæ post expulso spiritus, & novam salis speciem constituit: sed iidem illi sales, cum magna copia boli Armenæ misti, igne valido dant similes spiritus, nec hoc fit, quia bolus admixta fluorem horum salium impedit, cretâ enim v. gr; admixtâ, vel arenâ non succedit hoc Experimentum: inde concluderunt, latere in pinguibus his terris acidum vitriolicum, quod igne ætiosum redditum excutit acidus horum salium spiritus: nec obstat, quòd blandus sapor nullam acrimoniam indicet, sulphur enim infuspidum magnam copiam illius acidi recondit.

Hinc pulcherrimus harum terrarum Medicatarum usus patet; latente acido omni putredini resistunt, & innocuâ lenitate demulcent omnia: unde in dysenteris putridis tantum usum habent, modò satis magnâ dosi exhibeantur: uncia una emulgendo quasi in libra aquæ diluta, dein cochleatim sumpta, pulcherrimos effectus præstat; ubi ad pauca grana dantur, nihil efficiunt.

(a) Lib. V. Cap. cxiii.

(b) De Simpl. Med. Facultat. Lib. IX. | Cap. 1. n.º. 2. Charter. Tom. XIII. pag. 247.

6. In morbis acutis majore motu & calore pinguedo fusa sanguini miscetur, sicque plethoram quasi oleosam facit: aqua, & aquosa omnia potata, non possunt facillè eluere de sanguine hoc oleosum, omni momento acrius jam tactum; hinc adduntur talia quæ saponacea vi omne pingue reddunt aquæ miscibile. Veteres mel cum aceto coctum fumeant: hodie & melle & saccharo utimur, & inprimis infusis illis sapis acidulis ex succo sambuci, ribesiorum, berberisæ, &c, quæ saponacea vi omne concretum resolvunt, & aciditate suâ omni putredini resistunt efficacissimè.

7. QUIETE. Motus muscularis circulationem auget & attritum: sed hæc aucta disponant omnes humores ad putredinem. Dum validissimo cursu quis corpus fatigavit, acris, rubra, fætida redditur urina: idem in morbis acutis observatur. Ideo veteres Medici talibus ægrotis summam imperabant quietem, omnem strepitum, omnem lucem arcebant sollicitissimè, ut placidus subreperet sopitis omnibus sensibus, soninus.

BALNEO VAPORIS. Sic laxatis vasis insinuabatur aquosa diluentia, minuebatur attritus, omnes meatus cutanei aperiebantur, ut facilis fieret exhalatio illorum, quæ jam nimis acris facta nocerent, si manerent in corpore.

FOMENTIS. Tota cutis bibula resorbet sic applicata remedia, inprimis dum spongiæ madidæ applicantur ad parotides, axillas, inguina, &c. Illis enim in locis maximè bibula cutis est, & venæ majores prope decurrentes resorptos humores citò sanguini miscunt.

§. 89. **U**NDE patet, ubi, & cur, acidus ructus nidorosum sequens bonus: Cur, & quibus convalescentibus salis ammoniaci sapor molestus: Cur sudor acidum spirans acutis salutaris: Quæ acrimonia acida, alcalina, biliosa, oleosa sit. Qui morbi propriâ significatione putridi dici queant: Cur illi fortissimis, plethoricis, præcipuè: An unquam in homine vivente ulli humores jam verè alcalini reperti sint: rarissimè; expertus loquor: Urina in vesica, diu retenta, aut in calculo rariore absorpta, fortè, aliquando, eò pervenire queat. Aliter mors ante fit, tabefactis per acria, necdum alcalina, pulposis vitalium extremis.

**CUR ACIDUS RUCTUS, &c.** Non semper acidus ructus bonus est; nam in infansibus & debilibus hominibus, acido laborantibus, sæpe molestissimi illi acidi ructus sunt, sævam cardialgiam inducentes; sed ubi priùs à putridis, circa ventriculicolum & vicinas partes hærentibus, ructus rancidi nidorosi fiunt, tunc acidus ructus sequens bonus est, quia denotat, putredinem superatam esse, & oppositum omni putredini prævalere in primis visis acidum: *In diuturnis lienterii ructus acidus superveniens, qui priùs non erat, signum bonum.* Sic Hippocrates in Aphorismis (a) monuit. Ratio facillè patet; quia in lienteria assumpta omnia statim demittuntur, nec tamdiu moram patiuntur, ut acida possint fieri; ideo ructus acidi designant,

intestina & ventriculumeò usque roborata esse, ut ingesta possint retineri diutius, donec acefiant.

**CUR ET QUIBUS CONVALESCENTIBUS, &c.** Hoc omnes ferè experiuntur, qui à morbis acutissimis resurgunt, quòd nempe omnia, quæ assumunt, apparent salissimà : jus carniùm parum meracius salissimæ muricæ saporem habere videtur. Idem & in illis, qui à peste convalescebant, observatum dicitur. Fit autem ille sapor, quia per ingesta acefcentia vel acida alcalinum putridum prædominans correctum est, & mutatum in speciem quamdam salis compositi blandi. Multùm etiam huc facere videtur, quòd lingua, in morbis acutis semper sordida & scabra, deciduis illis crustis nitidissima fiat, & simul tenerissimi sensus.

**CUR SUDOR ACIDUM SPIRANS, &c.** In morbis languidis chronicis sudor acidum spirans malum signum dat, effretas penitus corporis vires demonstrans; in acutis verò designat, subactam esse illam diathesim, quâ humores in alcalinam putridam vergebant naturam.

**QUÆ ACRIMONIA ACIDA.** Quæ ex assumptis acefcentibus, non bene subactis per vires vasorum & viscerum, nascitur: omnes enim humores verè animales dicendi sponte suâ in putredinem vergunt, nunquam in acidum. Acida ergo acrimonia solis ingestis debetur.

**ALCALINA.** Quæ & ab ingestis in putredinem pronis oritur, & ab humoribus nostris stagnantibus: quamdiu enim per vasa moventur humores nostri, vix possibile videtur ut putrescant penitus, & alcalinam naturam induant: tenerissima enim vasa cerebri & cerebelli tam acres humores ferre non possent sine destructione. Omnis acrimonia alcalina inprimis in excrementis hæret, si adsit: in stercore enim sæpe vera putredo adest: urina in morbis putridissimis proximè illuc disponitur.

**BILIOSA.** Inter humores nostros, exceptis excrementitiis, nullus est, qui plùs vergit in putredinem, quàm bilis; unde citissimè in morbis acutis corrumpitur; hinc biliosa acrimonia acerrima, maximè noxia. Cùm enim in morbis acutis aucta sit circulatio, major copia bilis fecernitur, quæ blando chylo non obtunditur, ut in sanis fit; sed acris sæcta, attenuata, sanguini mista turbat omnia.

**OLEOSA.** Omnium pessima olei cujusvis, blandissimi etiam, corruptela. Pressum ex amygdalis oleum suavissimum intra paucos dies æstivo tempore sic corrumpitur, ut ex mixta acerrimum fiat, & deglutitum fauces exurat. Medulla ossium adeo blanda, dum corrumpitur, fœtore intolerabili, & acrimoniâ pessimâ, ossa densissima in cariolum pulvisculum dilabi facit. Tenacitas, quâ adhæret corruptum oleum, partibus quas tangit, augeat malignitatem.

**QUI MORBI, &c.** Omnes illi, qui aucto motu & calore subtilissimè faciunt sic degenerare omnes humores, ut in putredinem quàm maximè vergant. Tales sunt inprimis omnes febres acutæ continuæ, & potissimùm illæ, quas ab hoc effectu putridas dixerunt veteres Medici: in quibus, sæpe in ipso morbi initio, linguae fordes, urina acris, rubra, foetida, fæces alvinæ olidissimæ, sudor graveolens, certas putredinis notas exhibent.

**CUR ILLI FORTISSIMIS, &c.** In his enim boni sanguinis abundantia, calor magnus, robusta vasa & viscera, efficiunt, ut omnia ingesta citissimè in animalem naturam degenerent, id est, in putredinem sponte inclinent: unde & observatum sæpius fuit, febres putridas epidemicè grassantes; imò & ipsam pestim, for-

tissimos quosque invasisse : debiles, senes, chronicis morbis laborantes, mansisse immunes.

AN UNQUAM IN HOMINE VIVENTE, &c. effusus humores extra vasa sua, collectos in cavis naturalibus vel morbofis, posse putrescere, in homine vivente, in primis si liber aeri accessus detur, nullum dubium est; sed in ipso sanguine & humoribus inde secretis per sua vasa motis, veram putredinem obtinere posse vitæ tempore, rarissimè si unquam docuerunt Observata. Imò in ipsa urina quæ acriores de sanguine sales abluvi, vel in morbis putridissimis, an unquam observatum fuit verum alcali? Unicum vidi casum, qui ferè faceret, ut crederem aliquando, quamvis rarissimè, hoc fieri posse. Decumbebat syncho putrida adulta virgo: vocabar decimâ die morbi; inveni pulsum parvum, celerem, inæqualem; tremulos omnium musculorum motus, respirationem sublinem, difficilem; mens constabat tamen; urina foetorem habebat pessimum: emissâ fuerat ante trihorium; mecum abstuli urinam illico, affudi nitri spiritum, effervescencia fiebat validissima: post octo horas periit ægra. Hæc ergo urina verè & alcalina erat, sed per tres horas in libero aere steterat; fortè & diu in vesica hæserat, antequam excerneretur. Sanguis foeminæ, febre malignâ quasi erysipelatosâ laborantis, per phlebotomiam extractus adeo foetebat, ut ex ejus tetreo odore tam Chirurgus, quàm adstantes, in animi planè deliquium incidenter: hoc se vidisse asserit *Morton* (a).

URINA IN VESICA DIU RETENTA, &c. Senex in hac urbe rei frumentariæ mercator ischuriâ laborat. Chirurgus, in simili casu huic ægro levamen per cathetere immisum asserere solitus, aberat: noluit alteri curam committere æger: sic mansit usque in diem sequentem, donec rediret in urbem Chirurgus, qui, cathetere immisso, eduxit urinam, tam putridam, ut argenteum cathetere iridis coloribus tingeret, & Chirurgum ipsum, qui incautiùs hauserat putridissimæ urinæ halitum, levi peripneumoniâ afficeret per aliquot dies. In fungoso calculo in vesica vel renibus hærente reformatam urinam, morâ & calore putridissimam fieri posse, certissimæ docent Observationes.

ALITER MORS ANTE FIT, &c. Tam tenera enim sunt hæc vasa, ut omnem sensum, omnem ferè imaginationem fugiant: hinc illico destruerentur, si acria fluida alluerent hæc vascula. Qui urinæ suppressione pereunt, ante mortem cerebri functiones læsas habent omnes; tandem lethali sopore placidè moriuntur, aliquando & convulsi ante mortem. Videtur tunc acre retentum, in sanitate per urinam excerni solitum, destruere tenerrima hæc vascula.

§. 90. **H**INC tandem scitur, quid mali faciat nimius vel minor liquorum circulantium motus, & quantum ejus effectus variet pro varietate loci, ubi hærent, & humorum in quos agit: Quæ à stagnante, vel ab extravasato, nocumenta. Imò neque obscura hinc ratio ortus viscosi glutinis, quo lentescunt humores nostri; dum spissa decocta ex animalibus diuturnâ elixatione parata, nimia ingeruntur copiâ; aut etiam, dum tegumenta animalium, horumque lentæ, tenacisque, partes extremæ, avidius assumuntur, aut diutius:

(a) Apparæ. Curat. Morbor. Universâ. pag. 11.



etenim alia hinc pituitosi indoles, & distincta ab illa, quæ jam exposita in fine (75).

**QUID MALI FACIAT NIMIUS VEL MINOR, &c.** Ambo faciunt putredinem nasci: sic à validissima inflammatione gangræna, putrefaciens omnia, oritur. Simile malum à defectu circulationis fit, sed lentiori passu incedit: prius malum celerrimè destruit omnia.

**QUANTUM EJUS EFFECTUS VARIET; &c.** Circulatio aucta eò plùs agit in corporis partes, quò minùs distant à corde: hinc in febribus ardentibus intolerabilis ardor circa præcordia: & maximè ab aucto motu humorum per vasa periculum in illis locis, ubi vasa omnium tenerrima sunt; in cerebro nempe & cerebello. Sed & ingens discrimen est ratione humorum, in quos agit nimia vel minor circulatio. Bilis per febres citissimè corrumpitur; urina statim fit acris & rubicundior, quia per hanc sales in putredinem vergentes naturaliter abluuntur, reliqui humores corporis non tam citò mutantur.

**QUÆNAM A STAGNANTE ET EXTRAVASATO NOCUMENTA.** Quamdù vitalis motus humorum per vasa pergit, omnia manent integra, & ad summum senium homo sine ulla putredine pervenit. Si sanissimus homo sub aquis suffocatur, omnia sunt ut antè; abest solus motus: intra paucos dies putrescit totus: hinc stagnatio & extravasatio humorum ad putredinem disponunt, sed ubi nullus datur aeri accessus ad humores stagnantes vel extravasatos, lentius hoc fit. Patet in contusionibus, ubi sub cute integra fractis vasis effusus sanguis stagnat, nec corrumpitur facilè, quia nullus datur aeri accessus, & vasa bibula venosa tenuiorem partem continuò resorbent.

**IMO NEQUE OBSCURA HINC RATIO, &c.** Meracissima carniù juscula penitus glutinosa sunt, & debilem ventriculum gravant, non rescitunt vires; dilutiora autem pulchre nutriunt. Quia autem quod in carniù jusculis nutrit, est illud quod coquendo solvitur in aqua de animalium partibus; hinc concluderunt multi, eò magis nutrire hæc juscula, quò spissiora forent; sed tandem fortissimi glutinis instar indomabilem tenacitatem acquirunt, sic ut corporis viribus superari minimè possint. Longè pejor adhuc tenacitas oritur, dum partes extremæ animalium tendinosæ & mucilaginosæ sic decoquantur, unde gluten validissimum in Mechanicis paratur. Dum phthisicis decocta pedum vitulinorum exhibentur, hac spe ut nutrant plùs miseros, tenaci nimis chylo gravatur debilis pulmo, & maxime sunt anxietates.

**ETENIM ALIA HINC PITUITOSI INDOLES, &c.** Glutinofum spontaneum §. 69, & sequentibus descriptum, debebat ortum suum vegetabilibus, inprimis lentis: farinosis: hoc vel lentorem suum retinebat, & faciebat tunc pessimas obstructions, vel dilutum ingestis, vel affluentibus liquidis poterat fermentari & acescere. Sed illud glutinosum, quod ex animalium partibus diu in aqua decoctis nascitur, primò tenacitate nocet, & postea corruptum teterrimà putredine inficit. Gluten vulgare ex animalium partibus confectum, tenacissimum, si diluatur aquà, putrescit citissimè, & horrendum factorem spargit.

§. 91. **P**ERTRACTATIS morbis solidi & fluidi simplicissimis seorsum; agendum sequitur de iis, qui in solido & fluido conjunctim occurrunt simplices quàm maximè.

Firma nunc posita sunt fundamenta, quibus, simplicissimis quamvis, compositorum, & sæpe intricatissimorum morborum, cognitio & cura innititur. Post simplicissimos morbos solidarum partium, & spontaneas degeneraciones humorum, ordo §. 16, dictat ut sensim ad magis compositos morbos procedatur. Cùm jam, quamdiu vita manet, liquidorum adsit per vasa solida motus, proximè indagandum sequitur, quid fiat in corpore si motus humorum per vasa fiat nimius, vel minor, quàm requiritur ad sanitatem.



## DE MORBIS ORIUNDIS AB EXCESSU, MOTUS CIRCULATORII SOLO.

§. 92. **O**MNIA fluida, quæ in ullo vase, ab arteria magna orto, continentur, & solo sanguine sunt secreta, qui paulò antè in corde dextro & sinistro mistus erat, & referebat speciem unius liquidi.

Primus hic morbus est, in quo & fluida & solida simul considerantur; & in hoc capitulo agitur de sola velocitate aucta motus fluidorum per vasa: meritò ergo priùs agendum de indole & attributis illius liquidi, quod per vasa fluit.

Sanguis vocatur universale illud liquidum, quod in cor dextrum influit, & quod ex corde sinistro expellitur. Cor omnem sanguinem per venas recipit ab universo corpore; receptum verò reddit per arterias singulis partibus. Ex hoc sanguine omnes partes corporis, omnia viscera faciunt suos humores, varios pro varia singulorum structura. Ergo in sanguine sunt omnia liquida corporis humani, non quoad singularem ingenium, sed quod materiam, ex qua in singulis partibus per propriam earundem fabricam fit illud, quod in infinita sua idea expresserat Adorandus corporis humani Creator. Quando nunc hoc factum est, hæc materies in singulis partibus & visceribus mutata: demprà quâdam parte, quæ extra corpus excernitur, reddit ad cor, Sanguis vocatur, dum emittitur ex corde; dum redit ad cor, sanguis dicitur. Hæc sunt tamdiu, quamdiu manet vita.

Hinc fas est dicere, quòd ex sanguine humores omnes, quod in sanguine humores omnes sint.

Sanguis constans ex tot diversis, sed intimà miscelâ simul unitis, apparet homogeneum liquidum rubri coloris: sibi tamen relictus sanguis secedit in distinctas partes.

§. 93. **H**ABET tamen & ibi, & tunc, globos majores, determinatæ molis, figuræ mutabilis, coloris rubri; sphaeras flavas, rubris sextuplò minores, serosas; tum laticem pellucidum in igne concrecentem; & aquam pellucidam, leviozem, tenuiozem, partibus minoribus, sed ob pelluciditatem non cernendis, constantem. Priorum congeries sanguis ruber; posterior serum appellatur. Microscopia utrumque demonstrant.

*Leeuwenhoeckianis* Observatis hæc omnia innituntur: sanguis enim humanus, per microscopia visus, partibus sphaericis plurimis simul congestis constat, innatantibus liquido tenuiori pellucido, hinc microscopii aciem eludente. Dum in animalium viventium partibus pellucidis per microscopia conspicitur sanguinis per vasa motus, apparet evidentissimè, moleculas sanguinis per vasorum angustias pressas, aliis occurrentes, mutari omni momento in sua figura, hinc flexiles esse. Ex ejusdem *Leeuwenhoeckii* sententia maximæ sanguinis moleculæ sunt globi rubri sex minoribus ad se mutuo appressis constantes; atque hi globuli minores suâ adunatione globum rubrum constituentes, flavescerent, & forent globi serosi. Si eadem jam analogia obtineret ad ultima usque, tunc globi serosi ex sex minoribus iterum constarent, hæcque divisio pergeret ad subtilissimâ à sanguine secreta liquida usque: sed Experimenta hic deficiunt: nam quæ in sanguine habentur subtiliora, quàm est pars rubra & serosa, pellucunt omnino. Cum verò inter maximum vas in corpore, aortam nempe, & subtilissimum nervum numerosissimæ vasorum decrecentium series intercurrent; videntur per singulas vasorum series proportionales fluere humores. Maximarum sanguinis molecularum congeries vocatur sanguis ruber; reliqua omnia tenuiora liquida simul sumpta serum sanguinis sic dictum constituunt: in binas enim tales partes distinctissimas sanguis humanus, vasis emissus, secedit sponte.

§. 94. **R**UBRUM concretum, & à sero seorsum collectum, solâ quiete, & laxitate suarum partium citò resolvitur in serum ita, ut in id omnis serè cruor abeat.

Dum sanissimo homini vena pertunditur, pleno rivo exiens sanguis, post pauca minuta concrevit in unam massam rubram; sensim incipit illud rubrum contrahi; exprimitur pars tenuior, omni momento aucta, cui rubra concreta massa plerumque innatat: si effundatur serum sanguinis, post aliquot horas rubra illa massa minor apparet, & feri nova copia adest; sic tandem serè totum illud rubrum convertitur in serum: & hinc apparet, rubram partem sanguinis sensim quasi deliquesceze & in serum abire. Ex sententia *Leeuwenhoeckii* hoc fieret, quia globuli rubri ex sex minoribus constantes, pressione vasorum jam liberati; sensim dissiliunt in globulos serosos, ex quorum adunatione facti fuerant. Hinc apparet, difficillimè posse determinari proportionem inter partem rubram & serosam sanguinis, cum pars rubra sensim in serum deliquescat,

*Tomus I.*

Q

§. 95. **SERUM** diu retentum in aere moderatè calido & humido solâ quiete & laxitate partium resolvitur in tenuius, pellucidius, levius liquidum, quod putrescit sensim, totumque ferè avolat volatile. Quæ crescunt pro ratione temporis.

Utî pars rubra sanguinis sensim defluebat in serum tenuius, sic & serum sibi relictum sensim attenuatur, incipit putrescere, avolat, pauculâ tantum face residua. Dum autem sic in aere moderatè calido & humido hæret serum sanguinis, quò tenuius fit, ed acrius simul; nec tunc ampliùs à calore ebullientis aquæ, vel ab alcohole, coagulatur. In albumine ovi omnia hæc eodem modo obtinent: vix enî inveniantur duo liquida magis similia in omnibus ferè phænomenis, quàm albumen ovi & serum sanguinis.

§. 96. **SANGUIS** omnis (92.) recens, levi calore, parum superante salubrem, & cum paucò exhalantis dispendio, coit in massam solidam, scissilem, tenacem, non solubilem per aquam, salem, oleum, spiritus. Atque idem fit calore per humida conciliato, singulari concretionis, & simili prioris, genere.

In sanguine hominis etiam sanissimi maxima proclivitas est in concretionem. Dum ruprà nali arteriolâ exilit sanguis, statim concrescit in solidam placentalam. Hæc autem vis concrescendi aucto calore increscit plurimùm; imò simulac calor, superans fortè decem vel duodecim gradibus thermometri *Fahrenheitiani* calorem maximum sani hominis, conciliatur sanguini, concrescit torus. Ideo in morbis acutis ab augmento caloris tantum periculum. Sed sanguis semel sic concretus difficillimè resolvitur. Plurima sunt, quæ sanguini mista præcavere possunt, ne tam faciliè concrescat; sed semel concretus si fuerit, vix resolvitur ampliùs; nec sales, nec spiritus, nec olea, imò nec saponis ipsi, tunc multùm profunt. Sanguis calore sic inspissatus postea sensim iterum deliquescit in aere aperto; sed tunc putrescit simul: neque videtur hæc concretio fieri ideo, quia per calorem diffantur subtilissima, nam in aquam fervidam dimissus de vena exsiliens sanguis coagulatur illico in massam scissilem. Eadem jam proprietates in ovi albumine iterum obtinet, quod in aqua ebulliente, integrâ quamvis ovi testâ reclusum, induratur illico.

§. 97. **ORIGO** rubedinis (93. 94.), seri concrescens, lymphæ concrescens, (95. 96.) debetur vasorum actioni, circulationis efficaciæ; ut chyli, lactis, cruoris, & sanguinis, mutata indoles docet, atque microscopia confirmant.

Sed maxima fuit questio, undenam orirentur mirabiles illæ hætenus recensitæ sanguinis proprietates, rubedo illa, seri flavedo, concretio adeo facilis, &c. Philosophi quàm mira dixerant! Quàm vana protulerunt nimis sæpe in similibus imprudentes Chémici! Nullus interim potuit ullâ Arte vel ex optimis cibis facere nequi-

dem unicam sanguinis guttulam : solum corpus humanum suum sibi sanguinem facit ex materia , quæ non est sanguis. Nec refert , an corpus humanum parvulum sit , & in initio ferè suæ existentiz , an verò adultum jam & firmum , adeo inseparabilis à posita natura corporis humani est præsentia sanguinis , ut in debillissimo infante adsit æquè ac in robustissimo viro. Imò in embryone humano , simulac oculis lustrari potest , jam adest sanguis ruber , & quidem illo tempore , quando nec in placenta , nec in ovi humani membranis , nec in liquido contento his membranis , vel vestigium sanguinis rubri apparet. Hinc videmus , quòd opifex sanguinis sit corpus humanum in ipso illo tenello mucoso principio.

Quandonam autem in primo hominis rudimento incipiat nasci sanguis ruber , per Experimenta non facillè potest determinari , sed in ovo incubato rem demonstravit immortalis *Malpighius*. Ovum gallinæ fœcundum , nullâ incubatione foratum , in sua testa , membranis , albumine , chalazis , vitello , sacculo colliquamenti , nihil omnino exhibet rubri sanguinis , licèt optimis lustraretur microscopiis.

In ovo incubato apparebat omni horâ mutatio ferè , & ad ambitum cicatriculæ ; circa vitellum apparebat per microscopia vasa quædam visibilia jam ; post paucas horas vasa incipiebant distingui à liquore contento : circa horam trigessimam hæc vasa habebant colorem subviridescentem ; quadragesimâ horâ jam aderat color ferrugineus , ( xerampelinum vocant , quia autumnali tempore folia vitis emarcescunt hunc colorem habent ) simul apparebat , quòd omnium horum vasorum congeries colligeretur in unum vas , quod ad cicatriculam tendens finiebatur in sinu quodam nunc primò apparente ; qui sinus erat auricula dextra cordis , ut postea apparuit ; & in hoc sinu à carina pendulo apparebat pulsus manifestus ; & paulò post punctulum rubrum in illo pulsante corpusculo. Idem illud rubrum dein in corde dextro , corde sinistro , & paulò post in canali secundum longitudinem carinæ decurrente , qui erat aorta , apparuit. Hinc novimus ex materia non rubra sanguinem rubrum fieri posse , & quidem sine admisione sanguinis rubri præexistentis. Illud rubrum ducit originem in illo pulsante punctulo , ibi enim primò apparet , ubi pulsatio est , & sanguis ruber jam adest , antequam in rudimentis hepatis pulli appareret ullus color sanguineus : unde veterum Medicorum cadit opinio , hepati sanguificationis munus adscribentium.

Fortè & aer , sine quo nulla planta , nullum animal vivit , huc facit. Post decimam enim octavam horam incubatûs observavit *Malpighius* (a) cicatriculam ascendere versùs obtusum ovi angulum , ubi aer hæret. In adultis chylus in sanguinem mutandus statim per pulmonem fluit , ubi latissimâ superficie in tenuissimis vasis nudo ferè aeri exponitur. Ex sententia veterum Alchemistarum occultum vitæ pabulum in aere latebat.

Sed & in homine adulto satis simili modo ex alimentis ingestis sanguis nascitur : venæ enim lacteæ præparatum in intestinis chylum sic hauriunt , ut vasa illa vitelli hauriebant attenuatum incubatûs calore albumen ; omnis chylus in unum ductum thoracicum concurrir : sic & in pullo omnia hæc vasa in unum confluebant intra amnion. Calore incubatûs , motu humorum per vasa , vi cordis , aeris conspirante actione in pullo non habente sanguinem rubrum , nascebatur sanguis ruber intra quadraginta octo horas : in homine adulto sano ex chylo fit sanguis vigintri quatuor horarum spatîo , ut docuerunt *Loweri & Walai* Observata : & ad chyli transmuta-

(a) Vide de omnibus his tractatum de Ovo incubato.

tionem in sanguinem in adulto concurrunt calor corporis, actio vasorum & cordis, aeris vis in pulmone applicata transfluenti cum sanguine chylo. Quodd autem breviori temporis spatio fiat hoc in adulto homine, quàm in nascente pullo, videtur deberi longè validiori actioni vasorum in liquida contenta, respirationi, cœpiæ sanguinis rubri præexistensis.

Dum autem causæ illæ sanguinem producentes in adulto, vel deficiunt pro parte, vel signiùs agunt, non nascitur sanguis ruber, sed degenerans liquor; patet hoc in pallido virginum morbo: tunc enim non fit sanguis ruber, sed talis color oritur subviridescens in toto corpore, qualis apparebat in vasis vitelli, antequam sanguis ruber fieret.

Hinc sanguis se non propagat vi seminali, ut voluerunt quidam, sed fit ex materia non sanguinea in corpore non habente adhuc sanguinem: & uti hoc fiebat in prima origine hominis, sic pergit ad finem vitæ usque.

Dum in homine ex chylo sanguis nascitur, observantur varii & successivi mutationum gradus: chylus enim paulò post passum deprehenditur sanguini affusus; nondum subactus; hinc, dum post largum passum mircebat ruber sanguis, inveniebatur, præter serum & partem rubram, in sanguine fluctuans materies alba, dulcis, chylosa.

Post aliquot horas chylus cum sanguine circumactus per vasa, mammarum fabricâ separatus à sanguine, exhibet lac, quod naturam & à sanguine & à chylo diversam habet: incipit enim in lacte jam nasci illud concrefcens, quod in sero sanguinis adest; casum enim dat, qui in chylo nunquam adest: hinc per Artem possumus chyli confectionem imitari in emulsis, lactis autem indolem nunquam.

Dum per duodecim horas ab omni cibo & potu abstinuit sana mulier, incipit lac fieri falsum & flavescens: si diutius adhuc expectatur, in sanguine nihil habetur, nisi quod ad ignem concrefcit instar albuminis ovi, quod in lacte & chylo nunquam fit.

Hinc licet concludere, quòd corpus sani hominis sit faber sui sanguinis, perfectè uti quælibet planta ex succo fertilis terræ, & toto aere ambiente, suum sibi succum conficit peculiari suâ creatâ fabricâ.

In corpore autem humano sanguinis confectio pendet inprimis à circulationis efficacia, per quam vasa agunt in contenta fluida. Hinc robustissimis hominibus sanguis ruberrimus, imò præ saturata rube dine ater ferè, illico concrefcens, dum quiescit; & in morbis acutis auctâ circulatione omnia quàm maximè rubent, & ipsum serum sanguinis in scissilem massam abit. In debilibus autem, in quibus longè minor est circulationis efficacia, omnia languent, pallent, & sanguis tenuis vix concrefcens adest: dum verò in his per corporis exercitia, & apta remedia augetur circulationis impetus, redit rubor, & debita cohesio sanguini.

§. 98. **A**UCTUS sanguinis per vasa motus oritur corde sapius, & fortius contracto.

Post intellectam sanguinis humani indolem debebat indagari causa, quæ sanguinem moveret. Celerrimi in Arte Viri crediderunt illam in ipso sanguine hæere: viderant enim miscellâ liquorum inter se posse excitari subito validissimos motus, & hinc crediderunt, in sanguine simile quid obtinere. Sed dum in ardentissima febre,

ruptâ nasi arteriolâ, summo cum impetu exilit sanguis, exceptus vase purissimo, calido licet, quiescit illico, & nullum signum intestini motûs exhibet: hinc in sanguine non hæret causa proprii motûs.

Sed cordis actio musculosa contentum sanguinem in cavis suis validissimâ vi expellit per arterias, quæ momento post, cessante cordis actione, suâ elasticitate & vi musculari sanguinem ulteriùs promovent: hæ sunt veræ & solæ causæ, quæ sanguinem movent. Sed in corde hujus motûs principium hæret, nam arteriæ, ubi pervenerunt ad minimam diametrum suâ contractione, quiescerent, nisi à sanguine corde expulso dilatarentur iterum: cordis ergo actio musculosa sanguini motum conciliat, quiescente corde, stagnant omnia.

Si ergo cordis actio, id est, ejus contractio (In diastole enim cor non agit, sed patitur) fiat frequentior & simul validior, causa motûs sanguinis augebitur: non enim sufficit, ut cor frequentius se contrahat, (nam circa mortem tam numerosæ sunt cordis contractiones, ut nullo modo possint numerari, interim circulatio deficere incipit, quia nihil expellitur serè ex corde) sed requiritur ut & simul se fortius contrahat, ut omne contentum in cavis expellatur: fortis enim contractio cordis est, quæ totum cor evacuat, debilissima contractio quæ nihil expellit: intermedii gradus sunt debiliores cordis contractiones.

§. 99. **C**OR sæpius & fortius contrahitur: 1. Cerebro & cerebello in nimiam expressionem liquidi nervosi agente, ut in affectibus animi, & dolore: 2. Irritato corde per accelerationem motûs sanguinis venosi; frictione, vel musculis agentibus, pulsû; aut per acre sanguini inhærens aromaticum, salinum, acidum, alcalinum, purulentum, ichorosum, putrefactum, & quandoque specie contagii, pestis, venenâ, nondum definiendum mâli genus.

In hac paragrapho considerantur illa, quæ docuit certa Observatio motum cordis excitare & augere posse.

1. Cor omnes dores veri musculi habet; & instructum est illis partibus, quæ in aliis musculis motui absolvendo inserviunt. Destructo nervo ad musculum tendente, tollitur illius musculi actio; compresso cerebro ab effuso humore quocumque omnium muscutorum voluntariorum actio cessat; si à quacumque causa fiat celerior influxus spirituum per nervos in musculum, augetur ejus actio in summum spasmodum usque. Nervi autem magni & numerosissimi cordi tribuntur, nec tamen per hos nervos acutus in corde exercetur sensus: reliqui corporis musculi nimio motu fatigati dolent; cor in acutis febribus, per plurimos dies celerrimè motum, nullum dolorem sentit: hinc videntur illi nervi cordis motui inservire. Omnes jam causæ, quæ possunt efficere, ut fiat celerior motus spirituum per nervos cordis, augent cordis motum.

Animi autem affectus hoc faciunt potissimum. Rem certissimam esse agnoscunt omnes, quomodo fiat, explicuit nemo. Pacatissimo homini atrox dicitur contumelia: mutatâ tantùm cogitatione, mutantur omnia: mox cor celeritè & fortius contrahitur, pulsus fit magnus, vehemens; calor augetur, tumet facies, scintillant oculi, imò ardens febris excitatur aliquando, pergens ad mortem usque.

Dolor autem totum encephalon sic mutare potest, ut fiat delirium, & non amplius sentiat dolor; vel & syncope perfecta: nec ultra possunt tormenta acerbissima procedere. Cum ergo dolor possit sic mutare sensorium commune, poterit & inde prodeuntes nervos afficere. Raro dolor diu cruciat, quin fiat febris (id est cordis contractio celerior) etiam in morbis à febre alienissimis; ut v. gr; in podagra. Hinc monuit Galenus (a): *Dolor dum parvus est, atque initio, pulsus edit majorem, vehementiorem, celeriore, crebriorem: auctus vero jam & admodum validus, ut etiam vitale robur offendant, minorem, languidiorem, celeriore, crebriorem.*

2. IRRITATO CORDE. Præter causas motus, quas cor cum aliis corporis muscularibus communes habet, adest in corde singularis proprietas, quam cordis irritabilitatem vocare possemus. Dum enim influxus spirituum per nervos in villos cordis, & arteriosi sanguinis motus per cordis substantiam cessat post mortem, potest statim per venas adacto, vel & aquâ tepidâ cordis motus resuscitari; imò cor rescissum ab omnibus vasis, quibus coheret, motum suum per aliquod tempus conservat; & post multas horas quiescens jam, dum pungitur aciculâ & fovetur calore, incipit iterum moveri. Physiologi subtiliter explicuerunt, quare alternis vicibus cor paralyticum fiat, & fulmineo quasi spasmo iterum convellatur: quomodo causa faciens systolen cordis omni momento pereat, mox iterum renata; illudque ex fabrica & situ partium deduxerunt: cor tamen de corpore exemptum, nullis amplius partibus coherens, eundem motum continuat; & sæpe satis diu. Videatur de his §. 1.

SANGUINIS VENOSI. Dum ab animi affectu, vel à re horrida visa, in syncopen labitur tenera puella, cordis sit absoluta quies: aspergitur aqua frigida corpori nudato, contractæ frigore partes sanguinem venosum versùs cor derivant, & resuscitatur cordis motus. Dum *Sarpedonem* vulneratum anima reliquit, aspirans aura Boreæ reviviscere fecit (b), contractis frigore venis: hinc omnia illa, quæ accelerant motum venosi sanguinis versùs cor, motum cordis augment; imò sic ardentissima febris excitari potest motu musculari nimio, & frictionibus validissimis. Vide de his §. 28. n°. 2.

AUT PER ACRE SANGUINI INHÆRENS, &c. Omnes nostri humores, sani si fuerint, blandi sunt; (sanguis enim sani hominis, oculo instillatus, nullum dolorem facit) tuncque sit æquabilissima circulatio; simulac verò acriora sanguini permiscerentur, augetur irritato corde sanguinis per vasa motus, & nascitur febris; quæ vel expellit de corpore hæc acria, vel sic subigit, ut non amplius nocere possint. Nec refert serè, qualis hæc acrimonia fuerit; omnium serè similis effectus est: differunt tantùm majori vel minori gradu, & magis vel minus durabili actione. In aromatibus tenaci oleo inclusum hærens acre non tam faciliè excuti potest. Sic dum piperis triti magna copia imprudenti consilio sumitur, ad curandam febrem intermittentem, sæpe mitis tertiana in ardentem febrem mutatur. Qui nimiam copiam salis marini in prandio sumpsit, pomeridiano tempore febricitabit, sitiet, donec copioso potu ingesto prædominans illud salum abluatur. Ipsum acetum, in putridis febribus tanti usus, majori copiam sumptum, febrem excitat. Dum vomica in tenerioribus corporis latens pus colligit, illud resorptum, & sanguini mistum, quotidie febrem incendit, quæ sensim corpus depascens hæctica di-

(a) De pulsibus ad Tyrones, Cap. XII. Chapter. Tom. VIII. pag. 8.

(b) Homer, Iliad. Lib. V. Vers. 696.



citur; dum pus retentum diu in tenuem ichorem mutatur, acrius fit, & resorptum majora mala facit.

Corruptibilis circa præcordia hærens, vel consumpti hepatis putridus tabus enormes febres accendit, nunquam curabiles, nisi putridus ille fomes tolli possit.

Sed in omnibus his acrimonia sensibus detegi potest; sed alii sunt stimuli maximè mirabiles, qui ad nullam cognitam acrimoniæ speciem reduci possunt, totum tamen corpus in omnibus suis functionibus turbant.

Contagium variolarum subtilissimo miasmate, omnes sensus fugiente, afflat vel sanissimum hominem: oritur validissima febris, quæ intra paucos dies totum corpus externum & internum pure varioloso replet: & in hoc pure, ex sanissimis humoribus per morbum nato, hæret eadem vis contagium variolosum propagandi in infinitum; uti docet methodus variolas propagandi per insitionem, dum crudo & recenti vulnuscule puris variolosi guttulam instillant. Quis jam explicabit naturam hujus stimuli? Quis demonstrabit methodum, quâ sani humores, contagio varioloso mutati, venenatam naturam induunt, & infinitam ferè vim multiplicandi contagium acquirunt?

Pestis, singulis animalium speciebus propria & peculiaris, rarè pluribus animalium speciebus simul accidit. Dum bovina pestis per Europam grassabatur, homines immunes erant ab omni labe, etiam illi, qui insectorum animalium carnibus usi fuerant. Peritissimi Medici sedulâ Observatione dum indagabant naturam atrocis mali, ingenuè fassi sunt, se nihil hic intelligere quoad cognitionem causæ, tantum patere mali effectus. Vestibus laneis, pelliceis, lineis, lignis rarioribus & porosis adhærens pestilentialis virus iners ibi hærebat; donec corpori humano applicatum fieret actuosum, & quaquaversum se dispergeret multiplicato contagio. Quàm miris modis omnia turbentur in corpore, quàm validè accendantur febres, &c., apud *Diermerbroekium* & alios, qui de peste scripserunt, Auctores videre licet.

Venenorum mirabilis Historia confirmat dari tales stimulos in liquoribus quibusdam venenatorum animalium, qui nullam acrimoniæ sensibus ullo modo Observabilem habent, interim tamen celerrimâ actione omnes functiones ferè lædunt, validissimæque febres incendunt. Viperæ venenum pro exemplo sufficit. Nobilissimi *Redi* Observatis & candore fretus *Charas* gustavit succum flavum gingivis viperæ adjacentem; invenit saporem similem oleo amygdalarum dulcium (a). Dum morfu inflicto vulnuscule pauculum quid ejusdem succi adhæserat, in nobili Viro imprudenter viperam tractante sævissima symptomata post pauca minuta oborta sunt (b), vixque ille post multa Artis molimina evasit.

§. 100. **AUCTUS** motus sanguinis per vasa efficit majorem vim pulsi sanguinis in vasa excipientia; majorem renixum vasorum in sanguinem; sanguinis fortem compressionem; vasorum sanguinisque attritum validum ad se mutuò; partium sanguinis attritum validum inter se; calorem majorem totius; sanguinis exsiccationem diffuso aquoso; ejusdem viscositatem inflammatoriam faciliè concrecentem; sanguinis resolutionem in sales, oleæque vola-

(a) *Moss* *Charas*, Oper. Tom. III. pag. 138.

(b) *Ibid.* pag. 136.

tiliora & acria : vasorum auctam ad initia amplitudinem ; liquidorum crassiorum in tenuiora vasa impulsim, horum obstructions, destructionesque, inflammationes, suppurationes, gangrænas, sphacellos, scirrhus ; & quæ ex his infinita sequi possunt.

Recententur jam effectus in solidis & fluidis partibus corporis humani observati ; qui pendent à sanguinis motu aucto.

**MAJOREM VIM PULSI SANGUINIS IN VASA RECIPIENTIA.** Arteriæ semper plenæ sunt : dum ergo cor contractum expellit contentum in suis cavis sanguinem in arterias, debent arteriæ dilatari ; vel debet tanta copia sanguinis expelli per arteriarum fines, quanta ex corde in arterias pellitur. Sed arteriæ omnes corporis (exceptis arteriis coronariis) dilatantur illo momento, quo cor contrahitur ; hinc cordis tota ferè actio dilatandis arteriis impenditur, & hac vi urgentur arteriarum latera, ut recedant ab axi, & distrahuntur omnes fibræ arteriarum latera constituentes. Cum verò in §. 98, demonstratum sit, auctum sanguinis motum fieri à frequentiori & validiori simul cordis contractione, patet vim illam, quâ latera arteriarum coguntur recedere ab axi, tunc augeri in ratione composita ex auctis robore & frequentia contractionum cordis.

**MAJOREM RENIXUM VASORUM IN SANGUINEM.** Arteriæ distentæ sunt in statu violento ; hinc elasticitate & vi musculari suarum fibrarum nituntur latera propius accedere ad axim ; sicque reprimunt sanguinem distendentem : nisi enim arteriæ suâ vi arctatæ expellerent distendentem sanguinem, non posset cor sequenti systole contentum omnem in suis cavis sanguinem expellere in arterias adhuc distentas, accumularetur sensim in cavis cordis sanguis, & suffocaretur circulatio. Quò validior ergo fuerit cordis actio distendens arterias, eò fortius aget vis illa, quâ arteriæ nituntur arctare proprium cavum ; quò sæpius eodem temporis spatio cor contrahitur, eò frequentius arteriæ contractæ reagent in sanguinem distendentem.

**SANGUINIS FORTEM COMPRESSIONEM.** Sanguis in arteriis contentus semper quasi inter duo præla hæret : dum arteriæ dilatantur, urget cordis embolus sanguinem à basi arteriæ versùs apicem : summam interim resistentiam faciunt arteriarum extremi fines adeo angustii : dum arteriæ contrahuntur, valvulæ resiliunt circa basim arteriarum in corde, eadem resistentia manet circa arteriarum fines, hinc utroque in casu sanguis arteriis contentus comprimitur. Cum autem sanguinis partes constituentes flexiles & compressibiles sint, ut dictum in §. 93, & causæ comprimentes, nempe cordis & arteriarum actio, augeantur ; necessario sequitur, debere fieri validiorem sanguinis compressionem.

**VASORUM SANGUINISQUE ATTRITUM VALIDUM AD SE MUTUÛ ; PARTIUM SANGUINIS VALIDUM ATTRITUM INTER SE.** Dum sanguis ex corde pellitur, impingit in latera aortæ incurvatæ, resiliunt huic sanguinis directioni aortæ laterum firmum robur, sanguisque in aortæ cavo contentus ; hinc nulla particula sanguinis, ex corde in aortam expulsi, per bina momenta servat illam directionem motûs, quam habebat, dum corde expellebatur ; accedit quòd aorta, conica cum sit, latissima circa basim in decursu angustetur : cum autem directio sanguinis, corde expulsi in aortam, sit secundum perpendiculares li-

neas

neas ad aortæ basim, necessariò brevè pòst sanguinis particulæ in latera incurrent conici hujus canalis, inde resilièntes occurrunt aliis partibus diversâ directione motis : hinc perpetuus attritus partium sanguinis inter se, & ad latera vasorum : hinc flexiles sanguinis partes cùm sint, decussis eminentibus angulis perpetuo hoc attritu, acquirunt sphericam figuram : aucto verò sanguinis per vasa motu, ille attritus augetur pari proportione.

**CALOREM MAJOREM TOTIUS.** Ab hoc attritu partium inter se, & ad latera vasorum, calor oritur. Demonstratur evidenter, quia simulac sanguis quiescit, perit omnis calor, & redit sensim corpus ad frigus communis atmosphæræ. Dum augetur sanguinis motus per valida exercitia, vel febrem, calor augetur in debilibus, ubi sanguinis circulatio languet, frigus semper adest.

Verissimum hinc Hippocratis effatum : *Sanguis non est naturâ calidus, sed calefit (a).*

**SANGUINIS EXSICCATIONEM DIFFLATO AQUOSO.** Calor auctus semper mobilissima dissipat : sed, ut antè demonstratum est, calor major nascitur, aucto sanguinis per vasa motu. Totum corpus in omni sua superficie interna & externa habet vasa exhalantia, quæ ex sanguine secernunt & diffiant tenuissimum liquidum : auctâ ergo sanguinis applicatione ad hæc organa, oriatur major secretio. Hinc in omnibus morbis, in quibus calor auctus est, corpus exsiccat. Dixit ideo Hippocrates (b) : *Quicumque verò ex febre ardente moriuntur, omnes ex siccitate pereunt.*

**EJUSDEM VISCOSITATEM INFLAMMATORIAM, &c.** In sanguine hominis, etiam sanissimi, est naturalis proclivitas in cohesionem, per quam concrevit sponte, dum vasis effusus quiescit. Hæc cohesio augetur majori calore, ablata aquosâ parte diluente, & auctis viribus comprimentibus sanguinem. Statim demonstratum est, aquosam partem diffari aucto motu, pariterque augeri calorem. Sed actio vasorum in sanguinem est vera compressio sanguinis contenti, hinc cùm celeriori motu sanguinis augeatur & vasorum actio in sanguinem, patet omnes illas causas concurrere, quæ sanguinis concretionem faciunt. Tunc nascitur illud phlegma phlegmonodes Veterum, distinctissimum ab inerti frigida mucosa concretionem : vocatur tunc inflammatoria spissitudo, ex validiori compressione elementorum sanguinis ad se invicem nata. Elementa sanguinis spherica esse observantur, vel saltem sphericis proxima ; hinc in paucis punctis se invicem tangunt : nimis validâ pressione mutata figurâ, expresso tenuissimo aquoso interposito, pluribus in punctis contigua fiunt, & concrevunt : inde coriaceus ille lentor in sanguine pleuriticorum nascitur.

**SANGUINIS RESOLUTIONEM IN SALES ET OLEA VOLATILIORA ET ACRIA.** Quomodo sales & olea sanguinis se habeant, omnium optimè docet urina, quæ verum sanguinis lixivium cùm sit, eluit sales & olea nimis acria jam facta, hincque nocitura. Apparet evidentiissimè, urinam eò acriorem esse, eò magis fortidam quò validior est circulatio : in debilibus hominibus urina pallida, vix olens, non adeo salsa ; in robustis & validè exercitatis hominibus urina rubicundior, foetidior, salsa admodum. Motus ergo sanguinis per vasa auctus sales sanguinis reddet acriores magisque volatiles ; olea magis attenuata, sed simul

(a) In fine Libelli de Cordis, Charter. Tom.

IV, pag. 171.

Tomus I,

(b) In fine Libri primi de Morbis Charter,

Tom. VII, pag. 149.

R

minùs blanda : hinc novi iterum nascuntur stimuli augentes circulationem, ex cujus augmento facti erant; sicque morbi effectus morbum auget.

**VASORUM AUCTAM AD INITIA AMPLITUDINEM.** Cordis vis expellens sanguinem in arterias plenas est causa sola, quæ dilatat has arterias : cum ergo cordis hæc actio increfcit, pari modo augebitur arteriarum dilatatio. Sed hæc dilatatio eò major erit, quò arteria cordi magis vicina est : ergo arteriarum omnium initia magis ampliabuntur, dum ad ultimos fines arteriarum vis hæc dilatas tantum cum effectu pervenire non possit.

**LIQUIDORUM CRASSIORUM IN TENUIORA VASA IMPULSUM.** Crassissima sanguinis pars observatur globus ruber, qui naturaliter in maximis vasis tantum hæreere potest : proximè sequens magnitudine sanguinis pars poterit ingredi minus vas, quod suâ parvitate globum rubrum excludit, & admittit omnia tenuiora. Idem in reliquis decrefcientium vasorum seriebus obtinet : & videtur sanitas in eo præcipuè consistere, quòd in singulis vasis maneat liquida proportionalia. Dum ergo aucto sanguinis per vasa motu distenduntur plùs initia arteriarum proximæ seriei, ingredi poterunt partes crassiores, quæ naturaliter in illis vasis non debebant contineri. V. gr; dum augetur sic initium arteriæ serosæ, ex arteria rubrum sanguinem vehente ortæ, ingreditur hanc serosam arteriam sanguis ruber. Quòd autem revera hoc fit obtineat, docent certissima Observata. Homo sanissimus valido cursu corpus moveat, incipiet tota facies tendi, rubere quàm maximè in illis locis, ubi naturaliter rubedo non aderat; adnata tunica oculorum tota incipiet in suis vasis rubro sanguine repleti, cum hæc vasa naturaliter nunquam sanguinem rubrum habeant. Post validos motus, aut unctiones in curru rudiores per strata viarum, per dilatatas fistulas renales sanguis transit; & fit mixtus cruentus, solâ quiete facili curabilis.

**HORUM OBSTRUCTIONES ET DESTRUCTIONES.** Arteria, in suo decursu sensim actior facta, tandem adeo angustatur, ut unam tantum ferè sanguinis moleculam transmittat. Dum microscopiis sanguinis circuitus in pellucidis animalium vivorum parvibus examinatur, hoc evidenter apparet; pulcherrimè inprimis, dum vivæ lacertæ pulmo per vulnus factum erumpens microscopio lustratur : tunc enim evidenter apparet, circa ultimas arteriarum angustias singulas moleculas liquidi transfluentis in oblongam cylindricam figuram mutari, & sic transprimi. Dum ergo v. gr; arteria serosa dilatata in suo initio acceperit sanguinem rubrum, ille non poterit transire per ultimas illas arteriæ serosæ angustias : hinc fiet obstructio hujus canalıs, & cum liquidum vitali motu pulsus urgeat locum obstructum, tenerrimum tale vas destruetur facili.

**INFLAMMATIONES, &c.** Dum enim sanguis ruber in minimis canalibus stagnans comprimitur, & atteritur impetu sanguinis à tergo prementis, & per febrem, plerumque comitem, fortius moti, dicitur inflammatio : quæ ergo à liquidis crassioribus, in minora vasa dilata pulsis, frequentissimè oritur. Sed natâ inflammatione sequuntur omnes inflammationis effectus : dum enim vascula infarcta, unâ cum impacto & immeabili humore, vi vitæ atteruntur; & soluta abeunt in pinguem album æquabilem humorem, pus dictum, suppuratio fit. Si subito ruptis vasis destruat omnis circuitus humorum vitalium per partem affectam, fit gangræna, sive mors partis : quod malum, si ad ossa usque omnia corruperit, sphacelus vocatur. Si circa loca glandulosa inflammatio fiat, sæpe tumor

durus, indolens; difficillimè postea resolvendus oritur, qui scirrhus vocatur.

Quando jam omnia in hac paragrapho dicta considerantur, apparet evidentissimè; motum sanguinis circulatorium auctum infinita numero posse producere mala: cunctos humores corporis per auctum motum; & calorem majorem inde natum, possunt mutari penitus in morbosam indolem, validiori pressione, distillatione aquosi, coagulo per majorem calorem inducto, acrimoniâ majori natâ: solidæ partes plûs atteruntur, imò rumpuntur sæpe: dilatata vasa ingrediuntur crassiores humores, qui per ultimas vasorum angustias penetrare nequeunt. Dum jam simul consideratur, omnia hæc mala obtinere posse in omnibus & singulis corporis partibus, patet, in numeros morbos nasci posse ex simplici hac causâ.

§. 101. **COGNOSCITUR** ergo aucta circulatio notis ejus causis (99), & effectis (100); sed inprimis pulsu celeri, duroque; respiratione veloce & laboriosâ, calore ingenti.

Summæ utilitatis est in Medicina cognoscere, an in morbo peccet nimia circulationis velocitas, vel non. Causæ circulationis auctæ si adfuerint, si videantur effectus nimii motûs, nullum manet dubium: interim quædam habentur signa nunquam fallacia, quæ demonstrant excessum motûs circulatorii.

**PULSUS CELERI ET DURO.** Pulsus celeritas designat, cor intra idem temporis spatium sæpius contrahi; durities autem pulsûs arteriarum plenitudinem, & sanguinem validè compactum & densum significat, & inflammatoriâ viscositate per ultimas vasorum angustias difficiliùs permeabilem. Sola celeritas sine duritie pulsûs cor sæpius contractum sed non fortiùs, denotat: circa mortem enim pulsus celerissimus sed parvus simul. Sola durities pulsûs sine celeritate potiùs denotat suffocationem motûs circulatorii, ut in summè plethoricis fit.

**RESPIRATIONE VELOCE ET LABORIOSA.** Omnis sanguis corde dextro expulsi debet transire per pulmonem, antequam redeat in cor sinistrum: sed cor dextrum suâ vi musculosâ solâ non valeret propellere sanguinem per arteriâ pulmonalis angustias, requiritur etiam pulmonis per inspirationem dilatatio, ut expeditum fiat iter sanguini ex corde dextro expulso: quò ergo sæpius & fortiùs se contrahit intra idem temporis spatium cor dextrum, eò frequentior & validior requiritur respiratio. Hinc simulac cursu vel alio quocumque exercitio sanguinis per vasa motus augeatur, incrementum respiratio proportionaliter, & fit majori cum molimine. Augetur sic respiratio ob solam velocitatem auctam sanguinis per pulmonem transeuntis: sed dum per majorem motum incipit nasci inflammatoria illa spissitudo, longè magis laboriosa erit & velox simul respiratio; primum enim vitium incipientis immeabilitatis se manifestat in pulmone; unde in morbis acutis inflammatoriis velox illa & laboriosa simul respiratio tum mali est ominis.

**CALORE INGENTI.** Quamdiu enim liber adhuc transitus est per omnia vasa, auctâ celeritate motûs, augeatur calor, ut demonstratum est in paragrapho præcedenti: ubi verò immeabilis sanguis redditus ad extremas corporis partes usque non valet perungere, fit frigus extremorum; sed circa vitalia viscera calor urens adest tunc, ut in pessimis febribus ardentibus contingit; tuncque sæpe inter lethalia signa numeratur ab Hippocrate in Prognosticis & alibi.

§. 102. **R**EMEDIA ergo nimio motui compescendo valida sunt, quæ frequentiam, & vim contractionis cordis imminuunt.

In abstracto simplices hi morbi debent prius considerari : hinc supponitur hic nihil mutatum esse in corpore, & motum solum circulatorium auctum esse. Remedium ergo erit omne illud, quod causam proximam motus aucti tollere poterit. Causa autem proxima motus circulatorii aucti erat nimis celer & foris simul cordis contractio ; remedium erit ergo omne illud, quod facere potest, ut cor tardius & debilius moveatur. Tale autem remedium vel agat in spiritus motores cordis, vel in sanguinem venosum & arteriosum delatum in cordis fabricam, vel denique in stimulos illos, qui suâ irritatione faciunt, ut cor celerius & fortius contrahatur.

§. 103. **Q**UORUM illa mentem, hæc corpus, spectant.

In §. 99, dictum fuit, quod sola cogitationis mutatio, in sanissimo etiam corpore, possit sic augere cordis motum, ut fiat violentissima febris : nisi tunc possit Medicus illud mutatum in cogitatione tollere, reliqua auxilia nihil agent. Omne autem ; quod hoc efficit, non mutato corpore, in mentem agit. Dum iratissimo homini maximus incurratur merus, compescitur ira, non mutato corpore ; sed mutata mente in cogitatione sua. Reliqua auxilia, tollentia causas corporeas aucti motus, in solum corpus agunt.

§. 104. **P**RIORA sunt, quæ magnos affectus, ratiocinio, excitemento contrarii affectus, vel divertendo, sopiunt.

**QUÆ MAGNOS AFFECTUS RATIOCINIO.** In nobis deprehendimus quod cogitemus, & quod cogitemus res à cogitatione diversas, quæ, si tantum intelliguntur illâ mentis nostræ perspicaciâ, tunc nos parum afficiunt, sed in simplici contemplatione nos retinent : docent hoc summi Mathematici, qui sæpe vitam sic cogitando consumunt, nec multum afficiuntur ab aliis rebus : sed & contingit nobis perceptio quædam, quam non possumus ita alteri communicare, tamen à nobis evidentius & fortius percipitur, quam ipsum verum : sic dum gustamus suavissimum vinum, oritur in nobis idea, quam non possumus explicare, nisi dicendo, quod placeat : sed illud placere tam evidens est, tam validè afficit, ut nulla veritas validius afficere possit : sic si ovum putridum quis gusser, adeo abhorret, ut quævis pateretur potius, quam illud iterum assumeret : sic nati motus animi simul cum perceptione sua, ferè inevitabili necessitate rapiunt totam mentem, ut illud placens faciat perennare, ut illud displicens removeat vel destruat.

Illud autem gratum vel ingratum, quod comitatur ideam cogitatum, differt ab idea cogitata, differt à principio cogitante, turbat tamen omnes ideas, turbat ipsam voluntatem, & libertatem quasi tollit, cogens ad volendum vel nolendum ; quia nunc hoc adeo singulare est, vocaverunt animi affectus, animi pathemata,

& meritò, quia non sumus illorum magistri, sed obsequiosi servi, dum sæpissime meliora videmus & probamus, deteriora tamen vel inviti sequimur.

Dum gratum hoc & ingratum, quod ideas perceptas comitatur, delere conabatur superbi Philosophi, quantopere erraverunt! Totum, quod patitur humana conditio, est ut animi affectus regamus ratione: sed hæc sæpe tam debilis est, ut hæc tenacia vincula rumpere nequeat, hinc insistentium diu, ut consuetudine obluclandi firmior tacta ratio triumphet. Certè summæ & rationis & religionis lucâ vix validissimis animi affectibus resistunt sapientissimi.

**EXCITAMENTO CONTRARIJ AFFECTUS.** Sapientissimi Legislatores probè gnari, humanam societatem solâ ratione regi non posse, proposuerunt præmia & pœnas. Supplicij metus furentem irâ hominem compescere poterit, ubi pulcherrima Ethices præcepta frustra adhibebuntur. Summæ ergo utilitatis est cognoscere oppositos animi affectus. Iram supprimit summus metus: meticulosissimus homo irâ audax fit. Si observentur illa, quæ apparent mixta in corpore in duobus his contrariis animi affectibus, patebit esse penitus opposita.

In irato homine statim nascitur validior & celerior cordis contractio, pulsus fit plenior, fortior, celerior tument omnia & expanduntur etiam in macilentissimis: calor major nascitur toto corpore, omnes ferè tenduntur muscoli, truces prominent oculi, scintillantes, sanguine suffusi, validissimæ sunt exhalationes minarum, iurgiorum, &c. Apud *Homerum*, qui tam pulchre naturam ubique expressit, irati *Agamemnonis*, oculi igni lucenti similes erant (a); irato *Achilli* ob vi abductam puellam terribiles visi sunt (b): *Ajaci* suadenti, ut arma caperet, respondet *Achilles*, sed mihi tumet cor irâ, &c. (c); à *Theide* allata arma *Achilles*, ut vidit, statim ipsum magis subiit ira; intus autem illi oculi terribiliter sub palpebris, tanquam flammæ micuerunt (d).

Subito terrore percussus homo pallet, friget, contrahitur toto corpore, pulsus celer sed parvus & inæqualis, cor palpitat, summa oppressio circa pulmonem & suspiria adiunt, omne robur membrorum solvitur, tremor fit totius corporis, vel & aliquando attoniti obrigescunt statuæ instar, & vox faucibus hæret. Hinc frigidum timorem, dixit *Homerus* (e), & alibi (f) pallidum timorem vocavit; dum irruentem *Menelaum* fugit *Alexander*, tremor occupavit membra, & retro secessit, & pallor occupavit genas (g); similia & pluribus aliis locis habet.

Hinc apparet, oppositos effectus in corpore facere animi affectus contrarios; hincque unum animi affectum alterius posse esse medelam. Idem, percurrendo alios oppositos sibi mutuo animi affectus, demonstrari posset, hoc pro exemplo sufficiat.

**VEL DIVERTENDO.** Mirabilis hæc obtinet in mente nostra proprietas, quòd possimus ideas cogitatas alligare quibusdam signis merè arbitrariis, inter quæ signa & ideas cogitatas nulla occurrit omnino similitudo, tamen postea visis his signis præsens redditur eadem idea menti. Paucis literis variè adunatis excitantur in mente ideæ, quas ante annos habuimus, quarum idearum omnis periisset memoria, nisi hæc signa arbitraria conservassent: idem in animi affectibus verum est. Dum

(a) *Iliad. Lib. I. Vers. 104.*

(b) *Iliad. Lib. I. Vers. 200.*

(c) *Iliad. Lib. IX. Vers. 641.*

(d) *Iliad. Lib. XIX. Vers. 15. & sequ.*

(e) *Iliad. Lib. IX. Vers. 1.*

(f) *Iliad. Lib. XIV. Vers. 4.*

(g) *Iliad. Lib. III. Vers. 31. & sequ.*

--- furiis accenſus, & ira  
 Terribilis: Tunc hunc ſpoliis indute meorum  
 Eripiere mihi! *Pallas* te hoc vulnere, *Pallas*  
 Immolat, & pœnam ſclerato ex ſanguine ſumit, &c (a).

Dum ergo ideas, per hæc ſigna renovatas, comitatur illud gratum vel ingratum, animi affectus renaſcuntur acriores, ſicque tandem poſſunt reddi perpetui: tunc illud infinite extenſum in cogitatione, quod habebat mens humana, perit & relabitur in hunc unicum affectum, voluntas antea infinita non vult niſi hoc unicum, tunc vocatur *delirium*; ſi ſumma adſit violentia, dicitur *furor*; ſi febres adſint & agitati humores, *phrenitis*; ſi hæc abſint, *mania*; ſi ſimul adſit negligentia omnium reum, *ſtultitia*.

Hinc prudentes Medici omnes illas notas corporeas, quæ renovant has ideas, ſive per ſenſus, ſive per memoriam, tollunt inſcio ægro; quæcumque alia iſis offerunt, ut naſcantur aliæ ideæ, quæ ſenſim minuunt vel & deleant nimis validam illam impreſſionem, hoc vocatur *divertere*. Sufficit ad hanc rem, ut quocumque modo mutetur cogitatio, ne eadem idea; diutiſſimè hærens, tandem totam mentem occupet indelebilis poſtea.

Ubi verò validi animi affectus omnia turbant in corpore, & totum ſyſtema nervoſum irritant, ut in hyſtericis tam ſæpe fit, tunc confugiſmus ad illa, quæ ſpiritus ſopunt, & omnem cerebri actionem pro tempore ſilere faciunt. Tale inprimis auxilium dat papaveris ſuccus, qui parçâ copiâ ſumptus, lætiſſimum facit, qui cogitari poteſt, ſenſum, & inſillar *Nepenthes Helenæ* omnium malorum oblivionem; auçtâ doſi ſomnum inducit, nimîâ copiâ tandem apoplexiam. Vini uſus in homine non admodum aſſueto ſimilia facit, magnam nempe hilaritatem, validos animi affectus lenit, tandem, optatam omnium malorum requiem, ſomnum inducit.

§. 105. **P**OSTERIORA agunt quiete muſculorum, laxatione venarum (54), mitificatione acris cujuſcumque, diluendo, vel obtundendo (66. 67. 88), doloris cauſas tollendo.

Quæ paragrapho præcedenti dicta ſunt, impetuoſiſſimos illos motus, mutatæ cogitationis effectus, compeſcebant, agendo in mentem ipſam potiùs, quàm in corpus: quæ nunc dicentur, corporeas cauſas auçti motus tollunt.

**QUIETE MUSCULORUM.** Inter cauſas quibus cordis motus efficitur, numeratur ſanguis venoſi influxus in cordis cava, uti antea dictum fuit in §. 25. n°. 2, & §. 28. n°. 2. Sed ſanguinis venoſi motus verſus cor acceleratur muſculis motis; pleræque enim venæ, in ſuperficie corporis poſitæ, muſculis accumbunt: hinc à muſculis turgentibus, dum agunt, comprimuntur, ſicque ſanguis venis contentus cor verſus ducitur, quia directio motus ſanguinis per venas eſt ab apice verſus baſim. Præterea muſculi, dum agunt, pallent, expreſſo omni ſanguine, qui tunc per venas citiùs redit ad cor: hinc adeo augetur motus ſanguinis per

(a) Virgil. *Aeneid.* Lib. XII. in fine.



motum muscularem. Hoc probè nōrunt Chirurgi, qui, dum apertā brachii venā tardius fluit sanguis, jubent moveri digitos, & statim celerius effluit sanguis. Hinc veteres Medici, licet circulationis ignari, in omni morbo, in quo erat nimius motus, imperabant summam quietem, removebant omnia, quæ sensus validè afficere poterant, & in tenebris hinc jubebant ut decumberent ægri, ab omni strepitu remoti, in quiete summa.

**LAXATIONE VENARUM.** In morbis acutissimis, in quibus maxima circulatio nis velocitas, observatur semper, maximam copiam sanguinis hære in valis arteriosis, venas verò depleri: contrā in morbis languidis, in quibus circulatio deficit; venæ & omnia corporis cava implentur, arteriæ verò deplentur: venarum ergo laxitas & impletio minutam circulationem comitantur. Sed præterea laxatæ venæ; facilius hinc distendendæ ab impulso ex arteriis sanguine, plus sanguinis continent; minor ergo reddit copia sanguinis ad cor, & minuitur ergo una ex causis præcipuis motus cordis: sed & impetus sanguinis ex arteriis in venas pulsi magis retardatur, quia majori copię movendorum in venis occurrit: utramque ob causam minuitur circulationis velocitas.

Quomodo autem laxari possint quæcumque corporis partes, dictum fuit §. 54. Omnium optimum est balneum vaporis externæ corporis superficiei applicatum: dum simul in interioribus per clysmata, emollientissima decocta epota, & victum similem idem fit. Hanc methodum Hippocrates in morbis acutis ubique adhibuit.

**MIFICATIONE ACRIÆ, &c.** Acria illa cognita, & ad suas classes reducta, Ars valet tollere, modò viscera adhuc sint integra, Acrimoniam alcalinam, acidam, aromaticam, &c. curare non adeo difficile est: sed ubi mirabiles illi stimuli venenati, mischnata illa contagiosa, nullis sensibus detegenda, sed solis effectibus cognita, sunt causæ velocioris mortis, tunc Ars deficit. Dum sanissimam puellam mordet venenatissimus serpens, à crepitaculo, quod in apice caudæ gerit, nomen habens (*serpent à sonnettes*) paulò post mors sequitur, Medico præsepte quidem, sed nullam opem ferente. Dum volunt cadaver auferre, tabefactæ secedebant carnes (a), paucis tantum post mortem horis. Dum homo sanissimus varioloso contagio afflatur, quod suā subtilitate omnem sensuum aciem eludit, turbantur omnia, validissima febris incenditur, quæ tam miro modo omnes totius corporis humores mutat, ut intra quatuordecim dies gangrænofo tabo omnia externa & interna corporis dissolvantur. Si ingruente morbo posset ille stimulus oppositā antidoto iners reddi, nil sequeretur mali. Hoc est illud divinum (74 *Sator*) in morbis, quod toties omnē Artis molimina eludit; hoc facit, quod toties nimium motum in morbis non possint compescere Medici. Totum quod habet Ars, est ut vitam debilitet ipsam: per vitam enim actiosa sunt venena, in cadaver nihil agunt; deinde ut diluentibus, ingenti copiā potatis, abluit; & emollientissimis simul exhibitis obtundat.

**DOLORIS CAUSAS TOLLENDO.** Luxato articulo, summus fit dolor; à dolore febris, non curanda, nisi restituto osse luxato, & sic sublato dolore. De cura doloris postea peculiari capitulo agitur.

(a) Journal des Observ. Physiques, Mathemat. & Botaniques par le R. P. Louis Feuillée, Tome I. pag. 417.

# DE MORBIS, EX DEFECTU

## CIRCULATIONIS, ET PLETHORA.

§. 106. **D**EFECTU motûs circulatorii morbi fiunt in humoribus illis; qui proximè accedunt ad hos, qui quiescentibus spontanei nascuntur. Modò bene consideretur aer, qui admissus corruptiones spontaneas accelerat, quæ aliter, eo secluso, lentiores (§8. ad 80.) adeoque intellectus, & curatio horum inde peti debet. Atque ex his omnibus plethoræ indoles, causa, effectus, signa, remedia intelliguntur; si ad sequentia animus advertitur.

Liquida in nobis vel sunt adhuc cruda, & ingestorum naturam pro parte saltem retinent; vel jam acquisiverunt per vim corporis illas dotes, quæ liquidis humanis propriæ sunt. Si consideremus, quid crudis vel assimilatis liquidis accadat, dum minuitur circulatio, apparebit evidenter, tales quàm proximè fieri mutationes, quæ quiescentibus, & sibi relictis, acciderent. Sanguis noster, per pauca momenta quiescens, separatur in serum & rubram partem concrecentem: dum multum minuitur circulatio, incipit simile malum nasci, unde toties polyposæ concreciones post lentos morbos observantur. Cruda verò omnia ingesta mutantur in nostram naturam circulationis efficaciam: hæc ergo si minuitur, ingesta suam naturam diutius retinent, & spontaneâ mutatione corrumpuntur. Sed de his actum fuit in præcedentibus capitulis, hinc jam non repetendis.

Unicum tantum monendum vldebatur, quodd nempæ aeris liber accessus omnes humorum spontaneas degenerationes acceleret. Nulla enim fermentatio fit, nisi aer accedat; & putrefactio longè tardiùs oritur, dum aer excluditur: stagnans in tumido abdomine aqua per multos menses hæret, vix corrupta; simulac aer accesserit; putrescit citissimè.

Dum ultimo graviditatis tempore, in distantissimis uteri vasis, sanguis ferè stagnat, nulla sit corruptio: excusso sætu, aere libere accedente, lochiorum pessimus fætor. Post validas contusiones, dum sub cute integra hæret effusus sanguis, vix putrescit; sed sensim attenuatus & resorptus evanescit quasi: si effusus sanguis aeri libero exponatur, putrescit citissimè. Hinc in interioribus corporis dum stagnant, vel tardiùs moventur humores, cum non detur liber aeri accessus, non tam subita sit degeneratio in putredinem.

Quia verò aucta liquidi movendi moles circulationis velocitatem retardat, hinc huic capitulo subnectitur plethoræ consideratio, in suis causis, indole, signis, & remediis; quæ omnia sex sequentibus numeris explicantur.

¶, Plethora est copia boni sanguinis major, quàm quæ ferre possit

¶¶

eas mutationes, quæ vitæ inevitabiles accidunt, nisi inducantur morbi.

Sanguinis boni abundantia nimia, vocatur plethora; hinc ex se nunquam est morbus: supponit enim boni humoris auctam copiam; omnia autem reliqua se bene habere. Ideo *Helmontius* credidit, plethoram malè inter morbos recenseri, volens illud, quod bonum est, copiam peccare non posse. Sed plethoricus homo dicitur, non qui jam ægrotat, sed qui in tali statu plenitudinis est, ut si ulterius augeatur copia humorum, vel calore aut aliâ quacumque de causâ plûs rarefiant humores, ledantur functiones. Hinc plethoricus homo potest esse sanus, sed in maximo discrimine interim versatur. Calore enim aeris ambientis aucto, minimo vitio rerum non naturalium, affectu animi validiore, summa illa sanitas potest mutari in periculosissimum morbum. Sed impossibile est præcavere, quin sanissimo homini hæc aliquando accidant; hinc, dicit *Hippocrates* (a): *Bene habita Athletarum valetudo, si ad summum processerit, periculosa: non possunt enim in eodem statu permanere neque consistere: cum autem non consistant, nec in melius possint proficere, superest ut in deterius vergant. Ob hæc ergo bonum illum habitum haud cunctanter solvere confert, &c.*

Non ergo plethora significat omne humorum augmentum, sed tantum boni sanguinis auctam copiam: hinc *Galenus* (b), dicit: *Ubi æqualiter inter se humores sunt adaucti, & plenitudinem & plethoram nominant. Ubi verò vel flavâ bile, vel n. grâ, vel pituitâ, vel serosis humoribus refertum corpus jam fuerit, eum affectum cacochymiam, non plethoram, nominant.*

Plenitudinem illam nimiam Veteres distinxerunt in eam; quæ ad vasa (*σπὴς ἀρτηρίας*) esset; & alteram, quæ ad vires (*σπὴς τῶν σπιναιῶν*) vocabatur. Quando vasa bonis quidem, sed copiosis adeo turgebant humoribus, ut rupturæ forent proxima, vel & nimia distensione læderentur functiones, vocabatur simpliciter plenitudo, sive plethora, ad vasa. Quando autem vasa non nimis plena forent bonis humoribus, plûs tamen continerent, quàm debilis vitalis vis movere poterat, erat plenitudo sive plethora ad vires. Plethora ergo ad vasa poterat semper & absolute dici plenitudo, plethora ad vires non nisi respectivè. Sic *Galenus* (c), dicit: *Duas igitur plenitudinis tum notiones, tum relationes subjecimus; hanc ut ad virium robur & facultatem corporis illam sustinentis; illam ut ad suscipientem capacitatem, & alibi* (d): *Quantò enim gravior sibi homo videtur, tantùm & plenitudinem quoad vires crevisse insinuat. Ad eundem modum, quantum auctus fuerit tensionis sensus, tantùm & alteram in auctam plenitudinem esse novimus, quam à quibusdā κατὰ τὸ ὕψος vocari diximus.*

Vulgari ramen sensu per plethoram intelligitur illa plenitudo, quæ ad vasa est, & hæc significatione plethoræ vocabulum in hoc capitulo sumitur.

β. Hanc generat omnis causa, quæ multum laudabilis chyli, & sanguinis conficit, simulque horum attenuationem, consumptionem, perspirationem, impedit.

(a) Aphor. 1. Sect. 1.

(b) Meth. Medendi, Lib. XIII. Cap. vii. harrer. Tom. X. pag. 300.

(c) De plenitudine, Cap. 111. Charter.

Tomus I.

Tom. VII. pag. 326.

(d) De curandi ratione per venæsectionem; Cap. vii. Charter. Tom. X. pag. 434.

Per ipsius sanitatis actiones inevitabili necessitate deteruntur solida, & dissantur fluida; hinc per ingesta debebat restitui illa, quæ perierant. Si quotidie tantum restituitur corpori, quantum deperditum erat, manet perfectissimum æquilibrium, sanitatis firmissimæ summum indicium, ut *Sanctorius* suis Experimentis demonstravit, quod tunc perfectissimè valeret corpus, quando quotidie pelli integram salutæ actionem ingestorum rediret ad solitum pondus. Restitutio deperditi fiebat per bonum chylum, & sanguinem inde factum. Si ergo à quacumque causa major fiat boni chyli & sanguinis copia, quam requiritur, ut tot & talia reddantur corpori, quot & qualia perierant, fiet sensim accumulatio superflui: quæ plurimum augebitur, si minuatur efficacia illarum actionum, per quas attenuari, consumi, dissolvi de corpore per solitas excretionum vias debebant liquida. Præcipuas causas, unde hæc bina sunt, recenset sequens numerus.

7. Quò spectat vis contractilis viscerum chylopoëcorum magna, ut & in corde & arteriis; simulque laxior venarum, & cæterorum vasculorum compages; cibi blandi facilè in chylum resolvendi; somnus multus, animus sedatus; quies musculosa; consuetudo mittendi sanguinis, naturalis, artificialis.

**VIS CONTRACTILIS VISCERUM, &c.** Dum firma & valida sunt illa viscera; quæ ingesta debent mutare in bonum chylum, ex cibo & potu maxima chyli copia paratur. Dum in corde & arteriis simile robur obtinet, ex copioso illo chylō bonus sanguis nascitur: venæ autem semper ex sua natura laxiores cum sint, cedunt facilè dissendenti liquido, & illud superfluum recipiunt, nisi per exercitia & motum majorem dealeant: nam uti demonstratum est §. 105, quò minor est motus humorum per vasa, eò plùs aggregantur in venis humores; quò major motus est, eò plùs implentur arteriæ, deplentur venæ. Dum immanem sæpe potententorum copiam ingurgitant belluones, nisi venæ cedere possent & in se recipere illud superabundans, suffocarentur, & ideo inflatas tunc adeo venas habent. Dum ergo viscera chylopoietica majorem copiam chyli parant, & hæmatopoietica viscera inde sanguinem faciunt, laxiorisque simul major in venis sit, necessariò accumulatur boni sanguinis copia.

**CIBI BLANDI, &c.** Omnia aciora suo stimulo motum circulatorium augent, ut dictum §. 99. n.º. 2. Sed auctus sanguinis motus minuit liquidorum copiam, ut demonstratum est §. 100. Blandi igitur & molles cibi ex cerealibus bene maturis, carnum jusculis; juniorum animalium teneris carnibus, oleribus mollissimis, ex quibus omnibus blandi chili magna copia conficitur, plethoræ producendæ favent.

**SOMNUS MULTUS.** Quantum conducit laxandis fibris nimis rigidis plenior seminus, dictum fuit §. 35. n.º. 2. Sed laxata vasa facilis cedunt dissendenti liquido; hinc major impletio. Præterea somni tempore restituntur illa in corpore, quæ sensum & motum voluntariorum actionibus perierant; dum vigilamus, consumuntur illa, quæ somni tempore accumulata fuerant; hinc defatigati diurnis laboribus post salubrem somnum resurgunt alacres: dum ergo longiori somno indulget homo, plùs aggeritur quotidie, minus dissipatur; hinc plenitudo nascitur: ideo morbis validissimis exhausta corpora longiori somno tam pulchre restituntur. Ursi totà hyeme dormientes sine pabulo vitam sustinent.

ANIMUS SEDATUS. Tranquilla mentis serenitas quantum conducit tuendæ sanitati, omnibus parat. Sed summæ sanitatis effectus plethora est; validi animi affectus, & θυμωδὸς curæ etiam corpus depascuntur: hinc elegantissimè cecinit Ovidius (a).

*Attenuant vigiles corpus miserabile curæ;  
Adductique curim mucies, & in aera succus  
Corporis omnis abit; vox tantùm atque ossa supersunt.*

Galenus (b) ubi nimix obesitatis curam tradit, inter alia remedia recenset & anihimæ curas (Τὰς ψυχῆς σπορτίδας).

QUIES MUSCULOS. A. Postquam Divinâ Sententiâ in peccati pœnam homini iustum est, ut in sudore vultûs sui panem manducaret, inventum fuit, corporea exercitia ad sanitatem tuendam necessaria esse. Dum in re lauta constituti homines inertitortep otio, gravissimis morbis pressi desidix pœnas luunt. Hippocrates (c), dixit: Homo comedens, nisi etiam laboribus exerceatur, sanus esse non potest. Cibi enim & labores adversas inter se facultates, mutuò tamen ad sanitatem conferentes, obtinent. Labores namque ea, quæ adsunt, consumere solent; cibi verò & poiones quæ vacuata sunt, replere. Et alibi (d) saluberrimam sanitatis regulam tradit, quam se primùm mortales docuisse gloriatur: jubet nempe considerari, utrum cibi labores, an cibos labores superent; an moderatè inter se habeant. Quodcumque enim superetur, ex eo morbi contingunt, ex mutua verò inter se æqualitate sanitas adest.

Illud ergo æquilibrium inter cibos & labores requiritur, ut tantùm dissipetur quotidie, quantum ingestum est: simulac ingestorum copiâ manente eadem, minuuntur labores, incipit plenitudo nasci. Dum in stabulis bene pasti quiescent equi, pinguescunt brevi; si per aliquot dies valido exerceantur cursu, dissipatur citò omne illud incrementum.

CONSUEITUDO MITTENDI SANGUINIS NATURALIS, ARTIFICIALIS. Certa Observata docent, quòd, quò sæpius sanguinis iacturam patiatur homo, modò non penitus inde debilitetur, eò citiùs postea sanguine turgat. Fœminis singulis mensibus naturali lege superfluus evacuatur sanguis; eodem iterum temporis intervallo novo sanguine turgent. Viri sæpius repetitis venæsectionibus assueti, circa solitum venæsectionis tempus eadem patiuntur mala, quæ fœminæ à retentis menstruis; sicque tandem virile robur in laxitatem fœmineam serè degenerat. Observavit Dodartius (e), sedecim uncias sanguinis per venæsectionem educas intra quinque dierum spatium restitui in homine non debilitato. Hinc pater, venæsectionem repetitam ad plethoram disponere, tam citò regenerato sanguine; sed fortè minùs firmo, & simul laxiore reddito corpore, hinc faciliùs implendo. Vidi fœminam, cui ob validissimos, & sæpiissime renatos animi affectus, sexagesies & ultra vena fuerat secta intra anni spatium; quæ obessima facta paucorum mensium spatio 150 librarum pondere aucta fuerat; & dum continuòurgeret renato san-

(a) Metamorph. Lib. III. Vers. 396.

(b) Method. Medendi, Lib. IV. Cap. xv. Charter Tom. X. pag. 335.

(c) De victûs ratione Sanorum, Lib. I. Cap. II. Charter. Tom. VI. pag. 448.

(d) De victûs ratione Sanorum, Lib. III. Cap. III. Charter. Tom. VI. pag. 481.

(e) Histoire de l'Académie des Sciences, l'an 1707. pag. 234.

guine, nova sanguinem mittendi necessitas urgebat magis quotidie; donec tandem soluto omni corporis robore in hydropem incideret. Non videtur ergo adeo laudabilis hæc consuetudo, quâ sapiens in anno sanis hominibus cautelæ gratiâ sanguis mittitur: debilitatur enim inde corpus, & ad faciliorem repletionem disponitur. *Galenus*, qui & frequentes in morbis, & audacissimas venæsectiones ad animi deliquium usque jussit institui, & Medicos à venæsectione abhorrentes *ἀμφοτέρως* vocavit (a), damnavit hanc consuetudinem, dicens (b): *Nam per annum unum sapius fecare, haud expedit arbitror; quod und cum sanguine vitalis excernatur spiritus. Atqui si hic copiosius absumatur, fit ut tota moles reddatur frigidior, animalesque functiones deterius perficiantur.*

A. Effectus plethoræ omnes pendent à rarefactione, quæ majori velocitati, atque inde nato, calori; aut causis aliis, per solam Observationem cognoscendis, adscribenda. Hinc arteriarum dilatatio tam sanguiferarum, quàm lymphaticarum, mutata secretio; compressio generis venosi sanguiferi & lymphatici; suffocatio circulaturi, inflammatio; vasorum ruptura; suppuratio; gangræna; mors.

EFFECTUS PLETHORÆ OMNES PENDENT A RAREFACTIONE. Quando nimia copîa boni sanguinis repleta sunt vasa, potest adhuc esse sanitas; sed ubi à quacumque causâ sanguis vasis contentus rarefcit, tunc incipiunt lædî functiones; & cum tunc appareant mutationes quædam in corpore, hæ vocantur effectus plethoræ, licet non ab unica hac causâ pendeant; & plethora tantum sit causâ prædisponens; rarefactio autem sit causâ excitans, sive occasionalis diçta. Ex binis autem his causis, prædisponente nempe & excitante unitis, sit causâ proxima illorum phenomenorum, quæ tunc apparent: & quia causâ excitans, nempe rarefactio, in actum deducit plethoram, quæ sola, nisi in summo gradu fuerit, non tam citò nocet; hinc illo sensu effectus plethoræ dicuntur pendere à rarefactione.

QUÆ MAJORI VELOCITATI, &c. Simulac intra idem tempus major copîa sanguinis per vasa fluit, dicitur aucta esse velocitas: sed hoc non potest fieri nisi aucto attritu fluidorum ad vasa, unde calor, & à calore rarefactio. Omnes autem cause, quas docuit Observatio rarefacere sanguinem, videntur hoc imprimis facere auctâ celeritate, & calor inde nato. Sola autem sanguinis rarefactio potest efficere omnia illa, quæ à plethora oriuntur. Si enim sanguis fieret duplò rarior, esset respectu vasorum res eadem, ac si duplò fuisset factus copiosior. Si ergo plethoræ accedit rarefactio, omnia, quæ à plethora nasci possunt, mala augentur. Hinc patet, quare omnia illa Medicamenta, & omnes morbi, qui sanguinis velocitate auctâ calorem inducunt, rarefacto sanguine, plethoræ dissidentis symptomata faciant. Pallida & frigida puella contagium varicelotum recepit; mox oritur calor, rubor, inflammatoria tensio vasorum, dolor capitis immanis, &c, non ab auctâ copîa sanguinis, sed à rarefactione per calorem majorem ab accelerato sanguinis motu natum.

HINC ARTERIARUM DILATATIO, &c. Sanguis auctus copîâ, vel per rare-

(a) Method. Medendi, Lib. IX, Cap. v. Charter. Tom. X. pag. 110.

(b) De Hirudinibus revulstone, &c. Cap. ul timo circa finem. Charter. Tom. X. pag. 455.

factionem majus spatium occupans, necessarîo plûs dilatabit vasa, quibus continetur, hinc æquè arteriæ quàm venæ distendentur. Sed sanguis ex arteriis non tam facîle poterit propelli in distentas nimis venas; hinc major orietur resistentia circa fines arteriarum. Ergo arteriæ plûs debent distendi à sanguine ex corde in arterias pulso. Cùm autem inter causas, quæ faciunt, ut ex eodem sanguine tam varii in variis locis secernantur humores, recensentur à Physiologis varia proportio ramorum secernementum ad truncum, unde oriuntur; patet turbatâ hâc proportionem per dilatationem arteriarum, turbari posse & omnes secretiones.

**COMPRESSIO GENERIS VENOSI, &c.** Plerisque in locis corporis, arteriis comites incedunt venæ; tumentes nimis arteriæ adjacentes venas, debilioribus tunicis instructas, comprimunt; venæ compressæ contentum fluidum versus cor derivant; cor illud pellit in arterias, & venæ compressæ minùs recipere valent: hinc necessariò sequitur major adhuc arteriarum dilatatio, & tandem omnis ferè sanguis accumulatur in arteriis, dum venæ magis comprimuntur & deplentur.

**SUFFOCATIO CIRCULATORIÆ.** Sic enim omni momento augetur resistentia sanguini ex corde sinistro expellendo; hinc venæ pulmonales non poterunt tam facîle suum sanguinem infundere in cor sinistrum: ergo sanguis accumulari incipit in pulmonis vasis; augebitur resistentia cordi dextro, tandemque suffocabitur circulatio. Sic videmus in summo gradu plethoricos rubere quàm maximè, dilatatis arteriis minoribus, jam recipientibus sanguinem rubrum; & tandem incipiunt livescere suffocati ferè, & nisi sponte vel Arte solutis vasis tollatur copia, siccque minuat calor & rarefactio, subitò sæpe pereunt.

**INFLAMMATIO.** Ob crassiores humores ingressos dilatata nimis vasorum minimorum orificia, nec potentes tamen per ultimas horum angustias transire.

**VASORUM RUPTURA.** Inprimis in illis locis corporis, ubi tenerima sunt: hinc toties in cerebro ruptæ arteriæ in plethoricis lethalem fecerunt apoplexiam: fractis à distendente sanguine pulmonum vasis, tam frequens observata fuit in plethoricis hæmoptoe.

**SUPPURATIO, GANGRÆNA.** Inflammationis factæ, nec resolutæ, communes exitus.

**MORS.** Quæ videtur fieri, quia distenta nimis vasa tantam faciunt resistentiam cordi, ut illud evacuari non possit; unde circulatio suffocatur: vel quia vasa majora, turgentia nimio sanguine, minima vascula in cerebro, cerebello, & nervis comprimunt: vel ubi fractis vasis humores ad viam necessarij effluunt: vel denique quando ruptis vasis extravasata liquida viscerum vitalium actiones tollunt.

1. Itaque facîle cognoscitur præsens; prævidentur futuri effectus:

Plethora præsens cognoscitur, si prægressæ sint causæ illæ, quæ nimiam boni sanguinis copiam generant, quæ recensitæ sunt lit. 8, & 9, hujus paragraphi: si magna rubedo adsit in toto corpore, maximè conspicua in illis locis, in quibus vasa nuda cive testâ apparent nuda, ut in oculorum angulis, palpebris internis, adnatâ oculorum tunica, naribus internis, ore, faucibus, labiis: si magnus calor ad extrema corporis usque inveniatur: si venæ inflatæ sint, unâ cum pulsa forti, pleno: si à motu majore, acris calore aucto, vino vel aliis quibuscumque calefacientibus assumptis, sentiant in omnibus musculis corporis mollem, plenum, dist.

tendentem tumorem, unâ cum immobilitate quadam, sic ut manuum digitos vix claudere possint : incipiunt tunc segnes fieri, soporosi, oculos habere lacrymantes. Sæpe habetur perfecta plethoræ diagnosis.

In prognosi prævidentur futura illa mala quæ in hac paragrapho *lit. d.* recensita sunt : & inprimis quoddâ encephali totius functiones turbabuntur, quia in capite omnia plena sunt naturaliter : hinc dissensio vasibus majoribus, rubro sanguine plenis, minora reliqua comprimentur, quia durum calvariæ os cedere nequit : hinc à levissima vertigine ad lethalem apoplexiam usque, omnes morbi cerebri à plethora nasci possunt.

ζ. Curatio absolvitur missu sanguinis ; labore ; vigiliis ; cibo acriori post evacuationes ; omissione evacuationum sensim introducâ.

MISSU SANGUINIS. Nimia copia boni sanguinis erat causa omnium malorum enumeratorum : omne ergo quod hanc copiam minuit, proderit : sed omnium optimè copia minuitur misso sanguine ; & statim inde oritur levamen omnium symptomatum. Nunquam rectius Medicina curat, quàm ubi naturæ vias, quibus morbos levat ; imitatur : sed videmus & in sanitate, & in morbis, nimiam plenitudinem, à sanguinis copia majori, vel & rarefactione nimia ortam, salutari hæmorrhagiâ, narium inprimis, tam feliciter tolli. Hinc juvenibus, perfectè valentibus, illo ætatis tempore, quo incipiunt vasa, jam fortiora reddita, plus resistere liquidis dissidentibus, tam frequens salutaria hæc evacuatio est, inprimis crescente verno calore. Eandem ob causam fervidissimis morbis narium hæmorrhagia toties salutem attulit. Ars postea, salutaria hæc naturæ conamina imitata, aperrâ venâ sanguinem eduxit ; & si signa docerent, arteriosum systema solum esse distensissimum, venas collapsas, ob immeabilem sanguinem, hærentem in arteriis & non potentem transire in venas, ut in morbis acutis inflammatoriis sæpe fit ; tunc aucti fuerunt Medici ipsas pertundere arterias : & quia hoc in majoribus arteriis sæpe non sine periculo fieri poterat, discissis plurimis minoribus per scarificationes, eundem ferè præstabant effectum. Unde in Ægypto, ubi acutissimi illi morbi frequentes erant, tantifecerunt scarificationes, uti testatur *Prosper Alpinus in Medicina Ægyptiorum*.

Quidam, Helmontium secuti inprimis, damnabant sanguinis missionem, tanquam crudelem & inutilem ; credebant abstinentiâ à cibo & potu plus minui posse nimiam copiam, cum per insensibilem perspirationem, & alias excretiones, quotidie plures libræ humorum expellantur ex corpore, quod totum cibo & potu iterum restituitur : hinc cum pergerent naturales hæc excretiones liquida minuere, nec ingesta iterum redderent deperdita, magis minuebatur copia liquidorum abstinentiâ à cibo & potu per viginti quatuor horas, quàm vel audacissimâ venæsectione fieri posset. Sed hæc methode subtilissimi tantum de corpore distillantur humores, ruber, crassus sanguis majora vasa distendens, vix minuitur ; quod inprimis requirebatur ; & omnes humores aciores fiant, dum nihil novi chyli sanguini miscetur.

Sed sanguinis missio nimiam quidem copiam minuit, corpus tamen relinquit æquè facile replendum iterum ; imò plus disponit ad novam plethoram generandam, uti dictum in hac paragrapho *lit. γ.* Hinc requiritur ut corpus sic firmetur, ut non tam facile boni sanguinis copiam accumulet. Fit hoc inprimis.



LABORE, qui & dissipat illa, quæ in otio retinentur; & firmat sic solida, ut non faciliè cedant liquidis implentibus. Quotidie dutis laboribus exercitos, licet voracissimi simul fuerint, plethoricos tamen rarissimè quis inveniet. Labores tamen non conveniunt, nili priùs sanguinis missione depleta fuerint vasa; aliter summum periculum foret rupturæ vasorum adeo dissentorum.

VIGILIIS. Inter causas nimix plenitudinis recensèbatur & somnus multus *lit. 7.* hujus paragraphi: vigilix ergo oppositum præstabant effectum.

CIBO ACRIORI POST EVACUATIONES. Molles cibi, faciliè subigendi à visceribus chylopoieticis, magnam chyli copiam largiuntur: unde quotidie sanguinis augetur quantitas, nisi validiori motu humorum diffletur superfluum. Hinc recens natis mollissimum lac jam materno in corpore subactum, dedit natura, quia incrementum adeo veiox in hac ætate requirebat quotidianum humorum augmentum. Ubi verb contrarium requiritur, ut in plethoræ curatione, tunc duriores cibi, non tam faciliè subigendi, & acriora simul aromatica stimulantia profunt: quia sic & minus chyli, adeoque cæteris paribus & minus sanguinis, conficitur; & aucto motu per acres stimulos, non fiet tam facilis aggressio humorum. Sed antequam evacuantibus minura fuit dissidentis liquidi copia, acria assumpta nocerent summopere, ob magnum metum rupturæ vasorum nimis plenorum, si simul accederet per stimulantia factum morbis augmentum.

OMISSIONE EVACUATIONUM SENSIM INTRODUCTA. Quantum disponant crebræ sanguinis missiones ad novam plethoram, dictum fuit *lit. 7.* hujus §. Hinc evacuationes illæ omittendæ sunt; sed non potest simul & semel hoc fieri, quia omnis subita mutatio à consuetis ad insolita semper mala est; & inprimis in hoc casu. Per frequentes enim sanguinis missiones assuescit corpus, ut majorem sanguinis copiam accumulet; quæ nisi tollatur, omnes plethoræ effectus sequentur; & ideo sensim minuendæ sunt solitæ illæ evacuationes quoad quantitatem; majusque temporis intervallum inter singulas interponendum, ut sic gradatim minuantur sine ullo periculo. Hoc dum sic fit, imitatur salutare naturæ institutum in sæminis circa illud tempus, quo menstrua incipiunt deficere: naturaliter enim sensim minuantur copia, & majori temporis intervallo tantum prodeunt, donec penitus desinant: si verò subito cesset solitus menstruorum fluxus, pessima inde solent sequi mala.

## MORBI COMPOSITI SIMPLICISSIMI OBSTRUCTIO, ET VULNUS.

### OBSTRUCTIO.

§. 107. OBSTRUCTIO est obturatio canalis, transitum tollens liquido, per eum transjiciundo, vitali, sano, vel morbofo, orta ex excessu molis transituræ supra capacitatem vasis transmissuri.

Omniū simplicissimus morbus inter compositos foret vulnus, supponens tan-

tum separatam cohesionem partium solidarum : sed nullum potest fieri vulnus ullius momenti , quin effundantur liquida vasis contenta ; quæ tunc effusa suam sequuntur naturam : hinc spontaneæ degeneraciones liquidorum priùs debebant considerari. Præterea canales discissi in vulnere primò emittunt contenta liquida : postea clauduntur & tenuiora liquida dimittunt ; tandem , illis obturatis fit obstructio , & cessat liquidi effluxus , ut in Historia vulneris in genere patebit. Hinc secundùm dicta in §. 16 , debebat , præmitti obstructio , quæ in omni vulnere obtinet.

**OBSTRUCTIO** EST **OBTURATIO CANALIS**, &c. Hæc est generalissima obstructiois idea , supponens impedimentum qualecumque , quod tollit transitum liquidorum per canales. Intelligitur hic canalis nomine inprimis omne vas , per quod continuò liquidum fertur ; uti sit in arteriis & venis : illa enim vasa per quæ non semper , sed tantùm certo tempore fluit liquidum , potius emissaria vocantur : quamvis tamen & in illis obstructio nasci possit ; uti v. gr ; in ductibus biliosis urethræ , &c , toties observatur.

Omnia corporis nostri liquida vel per vasa continuo motu feruntur , vel in majoribus alveis collecta tantùm aliquo tempore hærent. Videtur jam in vasis obstructio locum præcipuè habere ; in majoribus alveis vix , vel rarissimè : nam licet v. gr ; in vesica hæreat calculus , nisi maximus fuerit , & totum vesicæ cavum perfectè impleat , non faciet obstructionem , nisi ubi ex vesica in urethram pellitur. Dum polyposæ concreciones in sinubus venosis , vel & in cordis cavis hærent , non faciunt obstructionem , nisi quando ex majoribus his receptaculis in canales pelluntur.

**VITALI, SANO.** Post datam generalem definitionem obstructionis , jam consideratur , quotuplex sit illud liquidum , quod impeditur fluere per canales obturatos. Hoc erit vel vitale , quod per venas allarum , cordis vi per pulmones & aortam , pellitur , rediturum iterum ad cor pro sustinenda vita. Sed vita diu potest subsistere , licet sanitas deficiat ; hæc est enim perfectio omnium functionum simul. Sed ut omnes functiones integræ sint , requiritur , ut omnes canales sint liberi : Hinc plurimæ obstructiones sanitatis integritatem lædere possunt , vitâ salvâ adhuc. Sic si in minima renali fistula concretum hæreat calculi rudimentum , obstructio erit nata , tollens transitum liquido sano per hunc canaliculum transjiciundo ; nec tamen inde nascetur ullum notabile impedimentum liquidorum vitalium motui : tamen impedita erit actio illius canaliculi , quæ ad integram sanitatem requiritur.

**VEL MORBOSO.** Liquida morbosa dicuntur , quando sic degeneraverunt à naturali conditione liquidorum sanorum , ut lædant functiones ; nec refert , an hæc degeneratio fuerit morbi nati causa , an verò effectus. Sic v. gr ; inflammatoria sanguinis spissitudo , futuræ pleuritidis causa prædisponens , morbosum sanguinem facit , id est , aptum ad lædendum functiones : in variolis verò per vim morbi , purulentâ labe inquinato toto sanguine , morbosa fit omnium humorum indoles , quæ non præexisterat ante morbum natum , sed per morbum facta fuit. Sed jam liquida hæc morbosa per canales feruntur aliquando sola , aliquando cum reliquis fluidis nondum à sanitatis conditionibus aberrantibus : obstructio ergo nata in canalis poterit & impedire liquidi morbofi transitum : sic sæpissime in morbis apparet , humores morbosos vi vitæ superfluitis ex uno loco ad alium per metastasim deferri ; parotides & purulentæ cisternarum abscessus , in pleuritide & peripneumonia

pneumonia tories salutare, hoc evincunt. Dum in exquisita podagra in subtilissimum liquidum degenerans morbosum conatur natura deponere ad articulos pedum, si quacumque de causa impediatur ad loca illa consueta adferri, quanta oriuntur mala!

ORTA EX EXCESSU MOLIS TRANSITURÆ, &c. Sic habetur accurata cognitio causæ proximæ omnis obstructionis. Compressio vasorum postea quidem numerabitur inter causas obstructionis; si tamen liquidum tam tenue sit, ut per vas compressione angustatum adhuc transfluere possit, nondum erit obstructio: nam obstructio non designat tantum difficiliorem transitum, sed totalem obturationem canalis.

§. 108. QUÆ oriuntur ex angustia vasis, magnitudine molis fluxuræ, vel utrisque concurrentibus.

Tria hæc omnes possibiles obstructionis causas comprehendunt: vel enim liquidum per canalem transmittendum fit spissius, manente eadem canalis amplitudine; vel arctatur canalis, manente eadem meabilitate liquidi; vel denique & canalis angustia, & liquidi aucta spissitudo simul concurrunt. Inquirendum jam in causas, quæ vel singula hæc seorsim, vel utraque simul faciunt.

§. 109. ANGUSTIA vasis fit compressu externo, contractione propriâ, vel augmento crassitie in ipsis canalium membranis.

Recensentur hîc causæ, quæ canales reddunt angustiores, manente eadem tenuitate liquidi transmittendi.

COMPRESSU EXTERNO. Dicitur tunc vas per *θλίψιν* angustari. In canalibus nostris sectio perpendicularis ad axim circularis semper est: sed circulus inter figuras isoperimetras maximam habet aream; hinc omnis compressio externa, mutando circularem figuram, minuet semper canalis capacitatem: si autem conciperetur vis externa comprimens æqualiter agens per totum vasis ambitum, tunc non mutaretur quidem circularis figura, sed minueretur diameter; hinc pariter angustaretur cavum.

CONTRACTIONE PROPRIA. Tunc per proprium tonum dicuntur vasa contrahi. Naturalis autem est vasis nostris hæc contractio, quâ nituntur latera vasorum propius accedere ad axim, simulac causæ disfluentes minuuntur. Hoc autem maxime necessarium erat, ut liquidorum copiâ minutâ posset tamen manere non interruptus humorum circuitus, per vasa plena quidem, sed contractione propriâ angustiora facta. Hinc ubi v. gr; sanguinis jactura ingens tam subito fit, ut vasa se non possint contrahere tam citò, ut plena maneant, interruptitur circulatio, & fit syncope; imò & mors ipsa subtilissimas inanitiones secuta fuit sæpius. Hæc ergo contractio propria vasis nostris si augeatur à causa quacumque, vel minuatur impetus vel copiâ liquidorum distendentium, effectus erit idem, nempe angustatio major canalium.

VEL AUGMENTO CRASSITIE IN IPSIS CANALIUM MEMBRANIS. Patet  
Tomus I. T

evidenter, tunc minui canalis cavi capacitatem, tumentibus membranis. Ut distinguerint hanc causam obstructionis à *θλάση*, vocaverunt *σπασμοίαν*, sive angustiationem loci, quando latera canalium auctâ propriâ substantiâ, angustarent cavum.

§. 110. **M**OLECULARUM moles augetur viscositate fluidi, vel errore loci.

In hac paragrapho considerantur illa vitia fluidorum, per quæ, manente eadem canalis capacitæte, nasci potest obstructio.

Elementa constituenta humores nostros videntur habere determinatam magnitudinem, & quidem proportionalem ultimis angustiiis vasorum, per quæ fluere debent. Sic elementum rubrum sanguinis tam parvum debet esse, ut per ultimas angustias arteriæ minimæ rubræ transire possit: idem in reliquis tenuiorum liquidorum seriebus verum est. Si ergo à quacumque causa augetur volumen in singulis elementis liquida constituentibus, hærebunt circa ultimos canalium fines; quia, ut docuerunt *Leeuwenhoekii* Observata, per ultimos fines, v. gr; arteriæ rubræ unicum elementum sanguinis rubrum, & adhuc cum quadam molestia, transit; hinc si expanderentur in majus volumen, manente eadem massâ corporeâ, hæc elementa, liberè impediretur transitus: ideo & illa obstructionis causâ concipi potest, licet fortè rariùs contingat.

Sed aliud considerandum præterea est in liquidis vitium, fortè multò frequentius. Fluidorum omnium partes, ut demonstraverunt Physici, quâdam vi inter se coherent; idem & in nostris humoribus obtinet. Ut verò per ultimas vasorum angustias transeant fluida, requiritur, ut molecule singulæ, separatæ à cohesione cum vicinis, transcant solitarie: hinc debent potentie moventes, quibus humores pelluntur p. r. vasa, posse superare hanc cohesionem. Si ergo à quacumque causa augetur cohesio elementorum fluida constituentium eò usque, ut non patiantur se ab invicem separari actione cordis & vasorum, manebunt adunatæ molecule, quæ per ultimos vasorum fines tantùm transire possent solitariæ; hinc nascetur obstructio. Ubi verò hoc vitium in fluidis obtinet, vocatur **AUCTA VISCOSITAS**, quia non habetur aliud vocabulum magis generale: designat autem tantùm illam conditionem Physicam, quæ in fluido, elementis nimis cœherentibus, auget inæqualitatem.

**ERRORE LOCÏ.** Dicitur hoc vitium obtinere, quando humor bonus ingressus fuerit vasa minora, in quibus naturaliter esse non debet, & per quorum ultimas angustias transire non potest. Sic v. gr; dum sanguis ruber arterias serosas vel lymphaticas, in suis initiis dilatatas, ingreditur, dicitur peccare errore loci. Hinc licet omnia liquida corporis humani requisitas ad sanitatem dotes obtineant, & omnia vasa integra sint, modò hæc, parum dilatata in suis initiis, admiserint crassiora fluida, possunt nasci obstructiones, & quidem pertinacissimæ. Frequentissima autem hæc est inter obstructionis causas: nam aucto circuitu humorum impetu & velocitate, sanguis ruber statim ingreditur aliena vasa. Leviter tantùm fricati oculi in tunica adnata rubent, cum naturaliter in his vasis sanguis ruber non adfit. Valido cursu exercitatus homo totam cutim externam habet ruberrimam, eb sanguinem rubrum in vasa minora adactum. Quamvis autem propriè loquendo per erro-

rem loci non augeat molecularum fluida constituentium moles; tamen ratione habitâ vasorum, in quibus per errorem loci hærent, nimia illarum magnitudo causam obstructionis facit.

§. 111. **E**X utrisque verò à concurfu causarum utriusque (109. 110).

Possunt enim causæ angustantes canalem, & causæ facientes immeabilitatem liquidi transjiciendi simul concurrere.

Hinc apparet, ad quam simpliciter totum hoc possit reduci, dum sola causa proxima omnis obstructionis consideratur: tota difficultas est, quòd causæ remotæ adeo multiplices & variæ sint, quæ nunc ordine enumerabuntur.

§. 112. **V**ASA externè comprimuntur;

1. A tumore vicino plethorico, inflammato, purulento, schirroso, cancroso, œdematoso, ampuloso, steatomatode, atheromatode, meliceride, hydatidico, aneurysmatico, varicoso, tophoso, pituitoso, calculoso, calloso.

1. TUMORE. Medicis & Chirurgis tumor vocatur partis, vel totius corporis, in naturali magnitudine factum augmentum à quacumque demum causa contingit. Dum ergo pars tumens majorem occupat locum, quàm in sanitate solebat, necessariò adjacentia vasa comprimendo angustat. Tumores autem sunt, vel à fluidis repletibus distenta ultra naturalem magnitudinem vasa, vel à liquidis extra vasa effusis, vel à vasis concretis cum fluidis contentis inspissatis. Recensentur jam præcipue tumorum varietates.

PLETHORICO. Quando nempe vasa arteriosa & venosa, rubrum sanguinem vehentia, nimia copiâ distenduntur, & distenta comprimunt minora vasa vicina. Tumoris autem plethorici effectus imprimis in cerebri actionibus læsis apparet; cranium enim semper plenissimum est, sanguis ruber tantùm in pia matre observatur, & in arteriis rubris majoribus per medullarem encephali substantiam dispersis, & medullam oblongatam ambientibus; in cortice cerebri naturaliter nunquam sanguis ruber invenitur: hinc distentis vasis rubrum sanguinem vehentibus, cum dura cranii olla cedere nequeat, comprimuntur reliqua vasa corticis & medullæ; unde omnes functiones cerebri turbantur: cerebellum autem, cerebro longè firmius, minùs ab hac causa afficitur.

INFLAMMATO. Dum vis vitæ urget liquidum vitale in vas inflammatum, necessariò illud vas distendit, quia liquidum impulsus non potest penetrare vas obstructum: hinc omnis impetus liquidi impulsus dilatat vasis latera, ante locum obstructum; ergo vicina adjacentia vasa comprimuntur: unde humorum circuitus non tantùm impeditur in vasis inflammatis, sed etiam in vasis vicinis: hinc tumoris augmentum, & imprimis dum membrana cellulosa inflammatur, maximi tumores fiunt, sic ut aliquando digitus inflammatus decuplam crassitiem habuerit.

T ij

**PURULENTO** : Qui duplex est, vel enim pus, propriis membranis, coercentibus clausum, vomitum facit purulentam; vel ruptis his repagulis in vacua vicina loca effunditur; utroque modo pressione vasa vicina angustat; hinc nunquam ferè in paribus subcutaneis apostema est, quin cutis vasa à pure collecto pressa inflammantur.

**SCIRRHOSO, CANCROSO**. Qui fit à glandula tumente, dein indurata: hinc vasa per proprias glandulæ membranas dispersa, uti & in locis vicinis, comprimuntur, ideoque varicosæ venæ majores scirrhos comitantur semper. Parotides scirrhusæ factæ & umidæ, dum adjacentes jugulares venas comprimunt, impeditio sanguinis à capite reditu, quanta sæpe fecerunt mala! Sub axillis & in inguinibus scirrhusæ factæ glandulæ, comprimendo venas, arterias, nervos adjacentes, partes subjectas omni vitalium humorum influxu privabunt, qualia multa Exempla in Observatis Medicis habentur. Ubi verò scirrhus in canceri malignitatem degenerat, aucto tunc semper tumore, plūs nocet.

**ŒDEMATOSO**. *Ōδημα* ut testatur Galenus (a), Antiqui *Et tumorem idem appellabant* : & alibi (b), omnes tumores præter naturam ab Hippocrate *ἰδιώματα* vocatos fuisse, asserit; postea Recentiores dicit ab antiquo usu recessisse. & tumores varios distinctis nominibus vocasse: si enim cum dolore essent, vocabant phlegmonas; si sine dolore essent & duri, scirrhos; si sine dolore & molles simul essent tumores, tunc propriè *ἰδιώματα* dicebantur. Tumores autem illi molles, indolentes, apud Hippocratem non vocabantur simpliciter *ἰδιώματα*, sed addebatur semper aliud vocabulum, ut distingueret ab aliis tumoribus. Sic in *Prognostico* & *Coacis Prænotionibus* hi tumores vocantur, *ἰδιώματα μαλακά, αἰσθητά, τῷ δακτύλῳ ὑπὸ πίεσιν*; tumores molles, indolentes, digito cedentes. Hæc ergo sub significatione tumores illi hodie plerumque intelliguntur, & hærent in membrana cellulosa, quæ vera œdematis sedes est. Materia autem horum tumorum est plerumque aqua, ut in hydropse anasarca patet; vel & aliquando lentescens magis pituitosum liquidum, ut in leucophlegmaticis. Sed membrana cellulosa, horum tumorum sedes, omnia vasa ambit; hinc tumores ibi nati vasa angustare possunt, & mirabiles sæpe morbos ab hac tantum causa pendentes producere.

**AMPULLOSO, &c.** Numerosissimæ in variis locis corporis tales sunt ampullæ, sive folliculi; tota cutis externa, interior superficies oris, œsophagi, ventriculi, intestinorum, &c, similibus folliculis obducitur undique. In his folliculis ab arterioso sanguine secretus humor pinguis, vel mucilaginosus per proprium emissarium exit, lubricandis & inungendis his partibus inserviens: si jam à quacumque causa obstruatur emissarium talis folliculi, non poterit evacuari contentus in cavo folliculi liquor, augebitur copia liquidi retenti, & distendetur folliculus, sic ut ex invisibili parvitate in molem aliquot librarum aliquando excreseat. Minimæ illæ cryptulæ, quæ in capillata capitis cute utilisimum illud smegma præbent, quod pilos inungit & lubricat, aliquando in maximas moles excrescunt: *talpæ* solent vocari apud Chirurgos. Observatores plurima Exempla similium tumorum in aliis corporis locis habent.

Hæc jam est communis idea ampullosorum tumorum: sed variant ratione materiæ contentæ, & inde varia nomina acceperunt, quando enim materiem pulti si-

(a) Commentar. IV. Aphor. 34. Charter. Tom. IX. Part. II. pag. 155-

(b) Comment. V. Aphor. 65. Charter Tom. IX. Part. II. pag. 339-

milem continebant, dicebantur *Atheromata* : si materiam ambigüe fluiditatis inter mel & ceram continerent, vocabantur *Melicerides* : si pinguedini similem duriorē in se haberent materiam, vocabantur *Steatomata*. Sed de his jam aliā occasione dictum est, nempe §. 75.

**HYDATIDICO.** Hydatides communi hodie opinione (*ύδατις* enim olim vocabatur pinguedinis superiori palpebræ substratæ extimā parte incrementum) (a) vocantur membranacei sacculi variæ magnitudinis in partibus corporis externis & internis sæpe deprehensi, aqueo humore turgidi. Valde autem dubium videtur, an semper ad tumores ampullosos referendi sint : hi enim tumores, ut dictum fuit, erant tantum naturales folliculi dilatati, hinc magnitudine aucti, sed hydatides observatæ fuerunt in talibus locis, ubi folliculi illi ab Anatomicis non adeo detecti erant : integram enim placentam uterinam in hydatides mutatam observavit *Ruyfchius* (b). Imò observaverunt, hydatides tales, ab omni nexu cum se invicem vel vicinis partibus liberas, in majori sacco membranaceo conclusas, fluctuare ; & quod magis mirum est, majores hydatides continebant in suo cavo minores alias, pariter ab omni nexu liberas (c) : dum unā cum suis folliculis coquebantur aquez hydropici mortui, visum fuit ipsam folliculorum substantiam, quæ membranacea apparuerat, fuisse dissolutam (d). Hinc concluderunt celeberrimi Viri, hydatidum pelliculas non esse partes organicas, sed ex liquido incrassato fortè natas fuisse. Nihil tamen repugnat, quin & naturales folliculi aqueo humore distenti expandi possint in magnam molem. Tales hydatides in palpebrarum limbis observantur sæpius, degenerantibus fortè sic glandulis sebaceis hic positis : in ovario muliebri sic in satis amplam magnitudinem ovum expansum humore pleno invenit *Ruyfchius* (e).

Tales autem tumores hydatidicos passim in variis locis corporis inventos fuisse, & modò memorata Auctorum loca evincunt, & innumera alia apud *Bonetum*, & alios Observatores, habentur Exempla.

**ANEURYSMATICO.** Aneurysma, vel potiùs aneurysma, dicendum, ἀνὸ τῆ ἀνεύρησις, designat arteriæ integræ dilationem præternaturalem in quadam parte, sic ut arteria, quæ antea uniformem canalis conoidē figuram habebat, tunc in quadam parte debilitata expandatur in sinum, qui omnia vicina comprimendo pessima potest producere mala. Sic ab aneurysmate, circa vitalia viscera hærente, collas, claviculas, sternum, elevata non tantum, sed & fracta ; partem internam vertebrae dorsi ferè ad spinalem medullam usque contritam & consumptam miratus fuit sagacissimus *Albertini* (f) : collas penitus cariosas, imò cum osse sterno nihilum relictas ab aneurysmate vidit *Ruyfchius* (g).

**VARICOSO.** Quod aneurysma dicitur in arteriis, illud, si in venis obtineat, vocatur varix, frequentius longè malum quàm aneurysma ; quia & venæ faciliùs cedunt causæ distendenti, & sanguis tardiùs moveretur in venis quàm in arteriis, hinc à levi satis obstaculo, impedito motu sanguinis venosi, venæ ab accumulato sanguine distenduntur, & varicosæ fiunt : frequens inprimis malum gra-

(a) Gorrei definit. Medic. pag. 656.

(b) Observat. Chirurg. pag. 33.

(c) Acta Petropolitana. Tom. I. pag. 379. 382.  
Acadēm. des Sciences, l'an 1722. Mém. pag. 212.

(d) Acadēm. des Sciences, l'an 1719. Hist. pag. 45.

(e) Observat. Chirurg. 17.

(f) Institut. Bononiens. pag. 383.

(g) Observat. Chirurg. 37. 18.

vid & mulieribus, dum distensus uterus venas iliacas premens impedit, ne venæ per crura & femora disperſæ ſe tam expedite poſſint evacuarè; hinc tunc apparent illis varicoſi illi tumores, crurum inprimis.

**TOPHOSO.** Tophi propriè dicuntur, quando per cauſas morboſas quaſcumque lamellæ os majus conſtituentes à ſe invicem remouentur, eleuantur & tumorem conſtituunt, non omnino durum inſtar oſſis, ſed ſciſſilem utcumque, habentem firmitatem, qualem habent juniorum animalium cornua, dum primò protuberare incipiunt. Tumores illi in omnibus illis morbis, qui oſſa inprimis afficiunt, ſatis frequentes ſunt, ut in rachitide, ſcorbuto, & omnium maximè lue venerea: in quo morbo tumores illi periſtolei vaſa comprimendo, nervos hic tam ſenſiles diſtendendo, adeo moleſti ſunt. Huc & referri poſſunt exoſtoſes, ubi ipſa oſſis duri ſubſtantia in tumorem elevata comprimit vaſa vicina.

**PITUITOSO.** Ubi gluten naturale, vel morboſum, accumulatum, cava, quibus continetur, diſtendit, & adjacentia vaſa premit.

**CALCULOSO.** Quanta mala ſiant à calculis in renibus, ureteribus, veſicâ hærentibus, mole ſua & pondere vaſa comprimentibus quibus accumbunt, omnibus notum eſt.

**CALLOSO.** Callus vocatur partis membranacæ increſcens moles, unâ cum duritie & inſenſilitate, orta à vaſis concretis inter ſe, inprimis per compreſſionem externam. Cauſa proxima calli eſt compreſſio vaſorum, expreſſio liquidi contenti, & concretio laterum vaſorum inde nata. In recèns natis nullibi callus apparet, ſed poſtea dum incedere incipiunt, toto pondere corporis ſuſtentato pedum plantis, incipiunt ibi vaſa complanata expreſſo liquido concreſcere & callum facere. In fabris ferrariis ab attritu mallei ſæpe manuum volæ cornu duritiem acquirunt. Callus autem omni vitali influxu humorum deſtitutus ex ſua natura multùm mali facere nequit, ſed mole ſua & duritie premens vivas partes ſubjeſtas inflammationem & alia moleſtiſſima mala facere poteſt. Sic ſæpe pedum omnem ferè uſum ſuſtulit callus duriffimus, circa prominentiam oſſis metatarſi pollicem pedis ſuſtinentis natus, dum totum pondus corporis ſuſtentatum hac parte apprimebat durum callum ſubjeſtis partibus inflammatis & dolentiſſimis. Quando à vi externa comprimente, papillæ nervoſæ per curim disperſæ, unâ cum vaſis ſuis ſanguiferis lymphaticis, &c, quibus coronantur, complanantur; naſcitur inflammatioſcula, poſtea consolidantur omnia in corneam duritiem, vocantur tunc *clavi*. Familiare ſatis, nec minùs moleſtum malum, in digitis pedum, & aliquando in aure externa occurrens, ubi pilicæ illæ cartilagineæ nimis premuntur capitis tegumentis; vel quando in unum tantùm latus decumbere poſſunt ægri, ob vulnera, empyema, &c; & tunc pulvinari aurem externam aſſidudè apprimunt. Tales clavi ſunt veri calli, ſed duriffimi, & in cure externa cum ſemper latiores ſint, ſenſim convergant, deſcendendo infra cutim, hinc ab hac figura nomen habuerunt; & quia partibus vivis nervoſis cohærent, hinc preſſus talis clavus tantum dolorem facit. Tales jam calli à compreſſione etiam in inernis naſci poſſunt. Vidi in cadavere puellæ lienen ſolito plùs tumentem; appreſſum ultimæ coſtæ, habuiſſe tunicam externam in illo præciſè loco calloſam & longè craſſiorem.

2. A fractis, luxatis, diſtortis, diſtraſiſve partibus duris, comprimentibus vaſa flexilia.



Recententur hoc numero angustationes vasorum per compressionem externam factæ, quæ oritur ex eo, quòd partes duræ corporis humani, ossa nempe & cartilaginee ex naturali suo situ dimoræ, vasa adjacentia presserint: simul & hic considerantur illæ obstructions, quæ à ligamentis, ossa necentibus, distortis vel distractis fiunt in vasis, quæ horum ligamentorum substantiam constituunt.

2. **FRACTIS.** Quando os in magna fragmenta solvitur, dicitur fractura, quæ nunquam adesse potest, quin plurima vasa inter ossis lamellas decurrentia compressa, imò destructa sint. Periosteum vasa necessariò ob eandem causam debent comprimì; inprimis si ossis fracti partes ex naturali situ remotæ fuerint: tunc enim simul omnia vicina vasa comprimunt.

**LUXATIS.** Quando ossis articulati caput ex cavo, in quo movebatur, excidit, luxatio adesse dicitur. Sed hoc nequit fieri, quin ligamenta articulationem ambientia ab elapso osse comprimantur, uti & vicina alia quævis adjacentia vasa. Dum caput ossis humeri luxatum in axillæ cavo hæret, sæpe ibi maxima vasa per axillam decurrentia comprimitur; unde postea pessima mala, inprimis à magnis truncis nervorum hic decurrentibus compressis.

**DISTORTIS DISTRACTISQUE.** Distorsio & distractio propriè in ossibus locum non habet, sed in ligamentis ossa inprimis articulata necentibus. Distorsio autem fit, quando, ossibus articulatis manentibus in suo situ, circumtorquendo quasi magna vis infertur ligamentis hæc ossa inter se necentibus: distractio verò, quando nimia vi, v. gr; pondere ultra vires elevato, elongantur ligamenta articularum. Facile intelligitur, neutrum fieri posse, quin plurima vasa per ligamenta decurrentia comprimantur & angustentur.

3. Ab omni causa, quæ vasa nimis trahit, & elongat, sive tumore; sive pressione partis extra debitum locum posita, sive vi externâ trahente.

Non possunt canales flexiles elongari, quin minuatur horum canalium cavitas: Hoc ad oculum apparet, dum tubi vitrei ad lampadem flexiles redditii elongantur. In canalibus majoribus, sic elongando angustioribus redditis, non statim nascetur quidem obstructio; sed dum idem fit in canalibus minimis, qui per ultimas suas angustias singula tantum fluidorum elementa transmittunt, facile apparet obstructionem ab hac causa nasci debere. Dum in torturis maleficorum ligamenta articularum ponderibus appensis vel trochleis distrahantur, sequenti die dolor, inflammatio, rubor obstructionem ab hac elongatione vasorum natam sitis testantur. Omnes jam tumores, distendendo circumpositas membranas, vasa harum partium elongant: ossa, muscoli, tendines naturali suo situ mota idem efficiunt: omnis vis externa trahendo partes elongans huc pariter referri potest.

4. Ab externis comprimentibus, quò vestes arctæ, fasciæ, pondus incumbentis corporis quieti in unam partem, ligaturæ, &c. pertinent; motus, attritus, amplexus partis ad alia corpora.

In prioribus numeris recensitæ sunt illæ causæ: quæ vasa angustando obstructio-

nem faciunt, quatenus nempe partes corporis mole auctæ, vel ex situ naturali remotæ, vicina vasa comprimunt: simul & recensitæ sunt illæ causæ, quæ elongando vasa, illorum capacitatem minuunt. Hoc numero recensentur omnia illa, quæ externam superficiem corporis premendo vasa reddunt angustiora.

**VESTES ARCTÆ.** Per has enim omnia vasa in exterioribus corporis posita comprimuntur; omnium maximè venæ, quia & facilius comprimendæ, & in superficie corporis magis ponuntur: arteriæ verò & fortiores sunt & magis tutò reconduntur. Sed venis sic compressis tantò major copia sanguinis continetur in arteriis: hinc plethoræ effectus nascuntur. Ubi ergo in quadam corporis parte vasa tam debilia sunt, ut à minimo augmento impetûs vel copię fluidi rumpantur, vel nimis dissenta apertis osculis ultimis in cava corporis loca eruantur liquida, quæ naturaliter retinere debuerant; à vestibus nimis arctè corpori appressis oriuntur sæpe magna mala. Sic hæmoptoe vel mictu sanguinis laborantes, ab hac sola causa toties sanguinem apertis vel ruptis vasis effundunt. In fœminis hysterics, viris hypochondriacis, asthmaticis, &c, in quibus minima mutatio æquilibrî inter solida & fluida tam enormes effectus facit, tantum illico solamen apparet, dum vestes nimis arctæ solvuntur.

**FASCIÆ, LIGATURÆ.** Pro vario adstrictionis gradu diversos habent effectus: levis enim adstrictæ, partes nimis laxas & dissentas firmant, sicque fibrarum nimis debiliū defectum supplent: si fortiùs adducantur, vasa angustant, inprimis venas; si adhuc plùs stringantur, etiam & arterias: unde sæpe inflammatio, imò ipsa gangræna nascitur. Dum ossa fracta, & reposita in situ, retinere volunt Chirurgi, inter alia auxilia & fasciis circumductis partem firmant, quæ si arctiùs adstrictæ fuerint, tum post aliquot horas semper solet nasci tumor major in parte affecta, inflammatio fit & magnus dolor: si tunc querelas ægri negligant sæpe in his casibus nimis crudeles Chirurgi, subito postea natam gangrænâ turpi errore dolent.

**PONDUS INCUMBENTIS, &c.** Dum in morbis oritur illa insensibilitas, quâ molestias corporis & leves dolores non adeo sentiunt ægri, ut sæpe in morbis acutis fit; vel dum propter acerbissimos dolores podagricos, rheumaticos, &c, omnis ferè corporis motus prohibetur, tunc totum pondus corporis jacentis premit partes, quibus incumbunt ægri; hinc vasa per has partes decurrentia angustantur, imò penitus sic comprimuntur sæpe, ut omnis vitalis influxus tollatur; unde gangræna & sphacelus nascuntur. Inprimis autem hæc mala oriuntur illis in locis; ubi dura ossa, paucis integumentis tecta, prominent; ut circa scapulas, os sacrum, os coccygis, ossis illi eminentem marginem, trochanteres ossis femoris; calcem, &c; omnium frequentissimè circa os coccygis, quia dum homo horizontaliter dorso incumbit, lectus semper in medio deprimitur, superiùs & inferiùs asurgit, unde totum corporis pondus soli ferè ossi coccygis innititur paucissimâ tecto pinguedine: hinc partes superimpositæ huic ossi hâc compressione omni vitali influxu, privatæ citissimè moriuntur. Unicum remedium est, ut situs ægri sæpe mutetur, & nudo corpori mollissimæ alutæ incumbant.

**MOTUS, ATTRITUS, AMPLEXUS, &c.** Quando nempe pars corporis humani duro obstaculo occurrit, necessariò comprimuntur vasa flexilia: nec refert, an pars mota occurrat, duro resistenti corpori, an verò atteratur ad obstaculum; vel denique amplectendo durum corpus partibus mollibus idem fiat. Qui non assueti longum iter pedibus consueverunt, illos inflammatos habent; qui remis scapham

movent

movent insolito labore, manus ob validum amplexum habebunt inflammatas; imò si pergant pertinaciùs, vesiculæ ferè gangrænosæ attolluntur.

§. 113. **C**ONTRACTIO vasi propria aucta, maximè spiraliū fibrarum, tum quoque longarum, cavitatem arctat, oriturque, 1. ab omni causa augente vim elasticam, fibræ, canalīs visceris (31. 36. 40. 50. 51.); 2. ab tumore vasculorum minorum, quorum contextu majorum latera & cava fiunt, nimis impletorum; 3. ab imminuta causa vasa extendente, sive inanitio, sive inertia fuerit: unde dissecti canales liquida propria coercent brevī.

Causa proxima omnis obstructionis est tantum una, semper eadem & simplex, nempe excessus magnitudinis materiæ per canalem transmittendæ supra capacitatem ejusdem canalīs.

Hæc verò causa proxima omnis obstructionis habebat pro suis causis, arctationem canalīs, vel incrementum molis in elementis fluidi transmittendi per canalem, vel utrumque simul. Prima causa, quæ arctabatur canalīs, erat compressio externa, cujus causæ ad quatuor classes redactæ, præcedenti paragrapho enumeratæ fuerunt. Sequitur jam illa angustatio canalium, quæ fit à vi contractili vasorum aucta.

Vasis autem nostris talem inesse vim, quæ nituntur proprium angustare cavum; extra omne dubium est: per hanc vim enim arteriæ, dilatatæ à sanguine vi cordis impulsio, cessante cordis actione contrahuntur iterum in pristinam dimensionem. Hanc autem vim contractilem augeri posse, pariter certò constat. Dum ex morbis acutis refurgunt ægri, perditò sæpe in obesīs dimidio pondere corporis, omnia collapsa sunt; manet tamen æquabilis humorum circumductio, quæ fieri non potest, nisi plena sint vasa: minutà ergo in tantum liquidorum copià, nisi vasa se plùs contraxissent, quàm antea solebant, non potuissent vasa plena manere. Sed etiam manente eadem liquidi copià, videmus sæpe in vasis quibuscumque subtilissimè oriri majorem contractilitatem. Dum subitaneo timore homo percellitur, mox tota contrahitur facies, pallent labia, genæ, oculi, &c; sanguis ruber contractis vasis versus interiora repellitur, & circa cor & pulmones in majoribus alveis collectus stagnat ferè; unde intolerabilis anxietas, cordis palpitatio, syncope & pessima alia, sæpe totà vità manentia, mala. Constat ergo, vasa nostra vim habere contractilem & illam posse augeri.

Considerandæ jam sunt causæ præcipuæ, quæ propriam vasorum contractilitatem augere possunt.

1. Omne illud, quod auget elasticitatem, facit ut plùs resiliant fibræ, & vasa ex his composita, distendenti liquido, & cessante causà distendente, majori vi arctent cavitatem suam. Hæ autem causæ recensitæ sunt numeris hic citatis: unicum sufficit hic repetere Exemplum. In stabulis bene passus quiescat equus, augebitur brevī corporis moles, laxata vasa plùs distendentur; ubi verò quotidiano exercetur & satis valido cursu, firmiter redditis per exercitià solidis partibus, brevī incipit subidere turgens moles, & auctà sic vasorum contractilitate diffatur de corpore accumulatum liquidum.

2. Constat per Observata Anatomica hodierna certissimè, quòd membranæ, quæ

suâ convolutione canales majores constituunt, consent mirabili vasorum texturâ. *Ruyfchius* (a) demonstravit suis injectionibus, arteriarum coronariarum propagines per aortæ membranas dispergi; uti & per ramos majores arteriosos ex aorta mox oriundos. Invenitur & hæc tunica cellulosa; inveniuntur folliculi præparantes & emittentes unctuosum illud linimentum, quo interni arteriarum parietes obducuntur: omnia ergo tumorum genera, §. 112. n.º 1, recensita, & hic ferè locum habere possunt: arteriæ enim in his membranis possunt fieri aneurysmaticæ, vel & inflammatoriæ distendæ; venæ possunt fieri varicosæ; loculi possunt mutari in tumores ampulosos; vasa lymphatica in phlyctænas & hydatides. Sed evidenter patet, rumenibus vasis has membranas constituentibus, debere arctari cava canalium, qui ex his membranis convolutis facti sunt. Observatum fuit, cervos maceratos, post diuturnum & velocissimum cursum, habuisse totam aortam in externa superficie ferè nigram, ob nimis impleta impulsu sanguine hæc vasa. Sed non ita faciliè apparet, quare vis contractilis propria vasibus augeatur à majore tumore vasculorum membranas vasibus majoris constituentium, cum augmentum contractilitatis tantum videatur pendere à majori elasticitate & fortiori actione fibrarum muscularium. Sed si consideretur, quod liquidum vi cordis impulsu distendens majorem canalem, eadem hæc actione urgeat latera ejusdem canalis, hinc comprimat omnia vasa minora per membranas majoris canalis dispersa, patet, quod cessante hæc causâ distendente, mox iterum repleantur vascula illa, sicque conspirent cum contractilitate propria canalis, ut cavum minuant, & hoc sensu tumor impletorum nimis horum vasculorum juvat contractilitatem propriam majorum canalium, qui ex illorum contextu fiunt.

3. Dum tunc expellit vi suâ musculari sanguinem cavis suis contentum, in arterias plenas semper naturaliter, sequitur necessariò illas debere distendi eò usque, ut capere possint omnem sanguinem corde expulsum: hinc cordis systole est causa extendens arterias. Sunt ergo tunc arteriæ in statu violento, & simulac cor cessat impellere, reagent elasticitate & vi suâ musculari, sicque cavitatem suam arctant. Sed potest capacitas arteriarum esse major vel minor, licet arteriæ tamen plenæ sint: minutâ enim liquidi contenti copiâ plus contrahuntur arteriæ. Binæ ergo causæ sunt, quæ arterias distendunt, nempe cordis vis sanguinem in arterias propellens, & copia sanguinis in arteriis jam contenti: si minuatur cordis vis, inertia totius circulationis adest; si minuatur copia liquidi distendentis, inanitio peccat. Utroque in casu vis distendens vasa minuitur. Sed canalium omnium capacitas pendebat à binis causis contrariis, nempe ab impetu & copia liquidi per vasa moti, & à vi contractili laterum resistente causis distendentibus; simulac ergo causæ distendentes minuantur, vis contractilis majorem effectum habet, id est, angustantur vasa. Hinc post mortem propriâ contractilitate, per frigus auctâ, cessante cordis vi distendente, arteriæ fiunt angustissimæ, & omnem sanguinem suum ferè exprimunt in venas faciliùs dilatabiles. Vix credi posset, quantum contrahi possint vasa corporis, dum causæ distendentes cessant, vel minuantur multùm. Dum cholera furibundò impetu fursum & deorsum evacuantur humores tantâ copiâ, mox sic contrahuntur vasa, ut pulsus vix possit sentiri; venæ antea conspicuæ evanescent penitus, facies contracta penitus sic mutetur, ut vel ab amicis post paucas

(a) *Epist. Anatom. Problem. III. Tab. 3. fig. 1. 2, 3;*

horas vix agnoscantur tales ægri. Uterus in gravidis adeo distentus, excusso foetu & secundinis, quam citò contrahitur; quàm arctum habet post paucas septimanas cavum! Plura talia possent adduci, hæc pro Exemplo sufficiant.

UNDE DISSECTI CANALES LIQUIDA PROPRIA COERCENT BREVI. Ratio satis evidens est: dum sanguis cordis vi pellitur in arterias, quò major est resistentia circa fines arteriarum, eò plùs dilatat arterias; sed ubi arteria discissa est, resistentia nulla ferè est, & liberè effluit per apertum vulnus sanguis; hinc non distenditur arteria, sed propriâ contractilitate sensim plùs contrahitur, donec tandem exitum liquidi effluxuri impediat omnino. Hinc dimidiatò discissa vasa pertinacissimam sæpe hæmorrhagiam faciunt, quæ curatur felicissimè si integrè discindantur, ut in vulnere Historia postea dicitur.

§. 114. **A**UGETUR crassities in ipsa membrana vasis, 1. ab omni tumore (§. 112. n°. 1.) orto in iis vasis, quæ unita & contexta membranam efficiunt; 2. ab callis ibidem factis, cartilagineis, membranosis, ossis (§. 1).

1. De hoc dictum fuit §. 112. n°. 1, & §. 113. n°. 2.

2. Demonstratum fuit §. 39, quomodo per ipsius vitæ actuositatem minima vasa plurima, liquido expulso, contiguis factis lateribus, concrecant; & inprimis ab hac causa debitum robur in solidis partibus nasci. In tenella ætate omnia vasa debilissima cedebant faciliè distendenti fluido, elongabantur pariter: hinc eò majus incrementum, quò origini suæ propior homo est. In adulto homine major requirebatur firmitas corporis, & à concretis plurimis vasis minoribus, majus robur accedebat firmis partibus, & vera nascebatur in multis partibus callositas; eò semper major, quò vita actuosior & diuturnior fuerat: hinc in decrepita senectute, vel per nimios labores, tandem nimia nascebatur rigiditas. Ut autem maneat functionum integritas; requiritur debita flexilitas in vasis, ut cedere possint impulsis liquidis; per callositatem nimiam flexilitas vasorum minuitur, & membranae, per callum factum redduntur crassiores, arctant cavum vasis quod constituunt. Observata Medica jam docuerunt in maximè longævis, in cartilagineam, imò & ossæam duritiem transire majores arterias. In Actis Anglicanis habetur, quòd in cadavere senis centum & triginta annorum invenerint aortam & iliacas arterias pro maxima parte cartilagineas (a). In longævo, & validissimis cursibus exercitato animali, cervo, arterias in basi cordis toties osses invenerunt, quæ tunc in Officinis *Os de corde Cervi* vocantur. Verùm tale os in media carne musculosa cordis humani inventum, quod quatuor pollices cum dimidio longitudine æquabat, latitudine verò pollicem, cùm tamen vasa majora cordis minimè ossæ forent, tantùm subcartilaginea: nec poterat ultimæ senectutis vitio adscribi hoc malum, cùm observatum fuerit in cadavere viri 72 annos nati (b).

(a) Vide & Acta Lipsienf. anni 1709. pag. 1716. (b) Académ. des Sciences, Hist. pag. 34. l'an 1716.

§. 115. **P**ARTIUM fluentium moles augetur, ut immeabilis fiat, vel 1. mutatione figuræ sphaericæ in aliam majori superficie incurrentem in aperturam vasculi; vel 2. adunatis pluribus prius sejunctis in unam massulam.

Pertractatis causis illis obstructionis, quæ arctando vasorum cavitates viam præcludunt liquido transfluxuro, sequitur ut considerentur illæ mutationes fluidorum, per quas evadunt inepta, ut fluant per illas vasorum angustias, per quas in sanitate naturaliter fluere debebant.

1. In sanguine hominis sani, projecto ex cordis cavis in arterias, hærent tot diversæ magnitudinis partes, quot sunt in corpore distinctæ vasorum series: per singulas enim vasorum decrescantis amplitudinis series proportionales fluunt molecule fluidi. Hoc quàm maximè necessarium erat, ut omnia vasa manerent implerta: nisi enim in sanguine rubro forent tam magnæ particule, quæ tantum possent transire per ultimas angustias arteriæ sanguinem rubrum continentes, excluderentur verò ab omni vase, cujus diameter minor erat ultimo fine arteriæ rubræ; omnis sanguis dilaberetur ex vasis maximis: idem jam in reliquis vasis decrescantis magnitudinis obtinet. Microscopia jam docuerunt, partes minimas visibiles liquidorum circulantium sphaericas esse, & singulas serè tantum per ultimas vasorum angustias transire, & sæpe adhuc cum quadam difficultate: sed ubi molecula liquidi sphaericæ figuræ, maximo suo circulo applicatæ cavo vasis, potest transire, tunc patet evidenter, quòd in quacumque alia positura æquali facilitate permeare poterit. Hæc autem proprietas soli figuræ sphaericæ peculiaris est: si enim cylindricam v. gr; figuram haberet talis molecula; tunc, si basi suâ applicaretur vasis aperturæ, transiret, si alio situ incurreret, penetrare non posset; hoc solidissimè demonstravit *Piscarne* in suis Opusculis (a). Ubi ergo à quacumque causa molecularum fluida nostra constitutum figura sphaerica mutatur, tunc possibilitas æquabilis transmissionis per vasa tollitur: cum enim per cordis & arteriarum motum reciprocum cuilibet sanguinis particule omni momento concilietur alius motus, & alia positura; requirebatur ad æquabilem motum per vasa talis molecularum sanguinis figura, ut in quocumque situ transire possent per ultimas vasorum angustias; sed hoc in sola figura sphaerica obtinet.

2. Per ultimas angustias arteriæ rubræ solitarius rubri sanguinis globus transire potest; si jam vicini sanguinis globuli à quacumque demum causa concreverant plures in unam massulam, orificium canalis, quod singulos transmittere poterat, adunatis obstruatur: maximam autem proclivitatem esse in sanguinis partibus, ut concreverant, patet inde, quòd extra vasa corporis, vel & in vasis modò quiescat, sanguis citissimè coaguletur.

Sed præterea videtur aliud vitium obtinere posse, quo impedirentur fluidorum molecule transire per ultimas vasorum angustias, si nempe manente eadem massâ corporis expanderentur in majus volumen. Constat Experimentis Physicis calore augeri, frigore minui corporum volumina: si jam vel à calore, vel aliâ quacumque causâ, molecule fluidorum expanderentur in majorem superficiem, manente

(a) Dissert. de Circulat. Sang. per vasa minima, pag. 25. 26.

eâdem mafsâ corporeâ, tunc non possent penetrare ultimas suorum vasorum angustias: sed vix videtur molecula fluidi sic expansâ resistere posse condensationi, quæ per actionem vasorum, comprimentium has moleculas, inprimis circa ultimas vasorum angustias fit; ibi enim singulæ ferè vasorum lateribus contiguae premuntur fortiter & condensantur: chylus enim, sanguine rarior, actione vasorum in sanguinem densiorem mutatur. Ob hanc rationem celeberrimus horum Aphorismorum Auctor rarefactionem molecularum inter causas obstructionum non recensuit.

Fuit præterea quorundam opinio, ac si crassiora ingesta sanguini mista, obstructionem facere possent. Sed videtur obflare absorbentium vasorum in tota corporis externa & interna superficie tenuitas; & quod omne peregrinum sanguinem ingrediens statim cogatur transire per pulmonalium vasorum angustias.

§. 116. **M**UTATUR figura inprimis, desinente æquabili, & undâ: que simul, atque æqualiter, premente pressione moleculæ, proprio elateri jam commissæ, hoc est, languente motu, vel laxato vase, vel minutâ copiâ liquidi.

Dum sanguis ex cordis cavis in arterias plenas projicitur, magna fit compressio omnium partium sanguinis in arteriis contenti; cessante cordis actione, arteriæ contractæ iterum validâ vi premunt contentum fluidum: hinc omnes moleculæ sanguinis, actione cordis & arteriarum compressæ, condensantur. Ob hanc causam eb densior sanguis fit, quò validiores fuerint cordis & arteriarum vires: ideòque in robustis & exercitatis hominibus densus, solidus sanguis; in debilibus longè tenuior, nec adeo concreescens, invenitur. Dum paucis post passum horis hominî sano sanguis mittitur, sæpe magna copia chyli reperitur supernatans sanguini; ergo levior sanguine chylus est: sed postquam idem ille chylus per octodecim horas, imò & minori tempore, cum sanguine fluxit, actione vasorum in serum & sanguinem mutatus, longè majorem acquisivit soliditatem: actio ergo vasorum condensat liquidorum particulas. Sed quando per microscopium lustrantur pellucidæ vivorum animalium partes, apparet globulosa fluidorum elementa per ultimas vasorum angustias quadam cum difficultate aliquando transpiri, & in oblongam, cylindricam figuram mutari; superatis verò his angustias, propriâ elasticitate pristinam recuperare figuram: unde apparet, illas moleculas fluidorum elasticas esse; hinc, ubi à compressione vasorum liberantur, expandi in majorem molem. Sed quænam sunt illæ causæ, quæ sanguinis elementa, quantum oculis etiam armatis patet, spherica efficiunt? Si consideretur, validâ cordis vi sanguinem pelli in vas conicum; reciprocè ampliatur & arctatur, incurvatum statim ubi ex corde egreditur; apparet facillè, nullam sanguinis particulam eamdem motûs directionem servare per bina momenta successiva; hinc omnes partes continuò ad se mutuo arteri: quidquid ergo angulosi emerit in tali elemento sanguinis, totam vertiginem vicinorum sustinebit, & abradetur, vel complanabitur. Accedit præterea, quòd ultimæ arteriarum angustię circulem sectionem habeant; hinc & hanc figuram possent conciliare utrumque flexilibus partibus. Sic cera mollis, vel argilla, inter manus rotando, sphericam figuram acquirit. Si ergo causæ illæ, quæ æquabili pres-

sione figuram illam sphericam fecerant, & factam conservabant, cessant agere; elasticæ molecule resiliunt, & ab figura recedunt.

Sed hoc inprimis fit à sequentibus, nempe *languente motu cordis* & arteriarum, quacumque demum de causa hoc fiat. Ex modò dictis ratio patet, & Observata certa facti veritatem demonstrant. Pallido morbo laborantes virgines languidissimam habent circulationem; hinc omnia torpent; & cùm functionum integritas ab expedito transitu fluidorum per vasa pendeat, hinc omnes actiones vitales, animales, naturales vel abolitæ sunt, vel læsæ; sanguis, à debita soliditate recedens, aquosus, tenuis fit, vel & iners lentusque, glutinosâ tenacitate immeabilis. Dum verò per ferum & exercitia corporis vasorum in fluida actio augetur, reddit color ruber, & debita sanguinis densitas. In similibus verò morbis longè pertinaciores fierent obstructions, nisi laxa simul vasa facillè cederent.

**LAXATO VASE.** Omnis enim actio vasorum in fluida consistit tantùm in illorū, quo vasa ab impulso vi cordis liquido distenta conantur se contrahere in minus spatium; uti jam sæpius dictum & demonstratum fuit in præcedentibus; sed laxitate minuitur vasorum robur; ergo & minuuntur omnes effectus, qui à vasorum debito robore pendent.

**VEL MINUTA COPIA LIQUIDI.** Patebit hoc evidenter, si considerentur frequentia: cor suâ vi pellit sanguinem in arterias; resistunt sanguini à corde expulso arteriarum plenitudo, elasticitas, & convergentes fines arteriarum: hinc sanguis per vim à corde datam fluit per arterias tali celeritate, cujus exponens est excelsus virium cordis supra aggregatum resistentiarum. Sed jam omnium resistentiarum aggregatum potest considerari tanquam potentia pellens à vertice arteriæ conicæ basim versus: vis autem cordis agit contrariâ directione à basi versus verticem; hinc omnes partes sanguinis sunt quasi inter duo plana parallela prementia, unde summa, & simul æquabilissima compressio. Si jam vasorum minuatur plenitudo, quæ inter causas resistentes cordi numeratur, minuitur necessariò compressio partium sanguinis, à qua pendebat major soliditas harum. Accedit quòd minutâ liquidi copiâ, minùs distendantur vasa; hinc minùs reagant in fluida contenta. Probatur etiam fuit §. 25. n.º. 1, & §. 43. n.º. 3, à minutâ copiâ liquidi debilitari solidarum partium compagem.

§. 217. **ADUNANTUR** molecule, quiete, frigore, gelu, exsiccatione, calore, motu circulari violento, & vase forti comprimente, coagulo acido, austero, spirituosio, absorbente, viscositate, oleositate.

Binæ recenscebantur causæ §. 115, quibus liquidorum molecule sic augerentur; ut fierent immeabiles; nempe mutata figura, de qua actum fuit paragrapho præcedenti; & ubi plures particule, antea separatæ, nunc adunatæ coherent inter se: causæ illæ jam enumerantur in hac paragrapho per quas hæc adunatio fit.

**QUIETE.** Causa fluiditatis in ipso sanguine non hæret: sani enim & robustissimi hominis de naso stillans sanguis, purissimo vase exceptus, mox concrevit in placentam solidam: requiritur ergo alia causa, quæ sanguinem tam facillè concrecentem fluidum servet; sed hæc causa, est motus sanguinis continuus per vasa;



simulac ille cessat, statim sunt sanguinis coagula. Hinc syncopem frequentius passis, roties insanabilis palpitatio cordis, à sanguine in majoribus alveis circa cor & in ipsis cordis cavis stagnante, & concreto in polyposas massas, non resolvendas postea. Ideo post mortem etiam in sanissimis ante mortem animalibus concretæ tales massæ circa cor & in majoribus vasis apparent. Quò fortior jam & robustior homo est, eò majus periculum concretionis est, si à quacumque causa sanguis in vasis quiescat: ideòque debilibus puellis non adeo periculosa sunt animi deliquia à minimis sæpe causis tam frequenter orta, quia illarum sanguis nimis dissolutus vix, vel saltem tardissimè, concrefcit, quamvis immotus hæreat.

**FRIGORE, GELU.** Dum apertà venà effluit sanguis, & purissimo vase excipitur, post tria vel quatuor minuta coit totus in massam solidam, undique accretam plerumque lateribus vasis, quo continetur: si verbò glaciali sub frigore idem tentetur Experimentum, citiùs longè concrefcit, & congelatur, tuncque serum inde non exprimitur. Non adeo facilè autem determinari potest, quo frigoris gradu sanguis congeleatur, cùm tam citò ex sua natura concrefcit, etiam in aere calido: sed serum sanguinis circiter 28 gradu thermometri *Fahrenheitiani* concrefcit in glaciem; hinc majus requirit frigus quàm aqua, forè quia serum sanguinis salibus dives est. Sufficit ad hunc locum, quòd frigus auctum sanguinem citiùs concrefcere faciat; ideòque in syncopem delapsi si tam diu hæserint, ut corpus penitus perfrigerit, tunc & à quiete & à frigore simul conspirantibus irresolubiles nascuntur, circa vasa majora & cor, polypi.

**EXSICCATIONE.** Quando à quacumque causa subtilissima liquidorum pars diffatur, reliqua crassiora concrefcunt faciliùs. Nisi docerent Experimenta, quis crederet, subtilissimum rorem arteriarum, ultimis sinibus exhalantem in cavis narium, & pulmone, dissipatà parte liquidissimà, in tenacem adeo posse abire mucum, imò in coriaceas lemas mutari posse? Mucus enim naturaliter obliniens has partes non feceritur talis, sed ex limpido humore stagnando nascitur. Dum conclamati phthisici nocturnis diffuunt sudoribus, sanguis, diluente vehiculo orbis, circa cutanea minima vascula incipit hære, & pustulas inflammatorias facit. Ideo sudorem, in morborum acutorum principio ortum, damnavit *Hippocrates in Prorrhetico*, & *Coacis Prænotionibus*. Quia post mortem contractæ elasticitate & frigore arteriæ expellunt liquidissima in venas, ideo sanguis plerumque in arteriis concretus apparet, non adeo in venis.

**CALORE.** Serum sanguinis fluidissimum ab aqua ebulliente coagulatur in scissilem massam: & in morbis, dum calor insurgit multùm ultra gradum caloris hominis sani, statim incipit disponi sanguis ad concretionem: hinc respiratio tunc incipit esse difficilis & anhelosa, & cerebri actiones læduntur, quia per subtilissima illa vasa, sanguis jam serè concrefcens, transire nequit: accedit simul, quòd per calorem auctum subtilissima diffentur de corpore.

**MOTU CIRCULARI VIOLENTO, ET VASE FORTI COMPRIMENTE.** Quò debilior est circulatio, eò dilutior & tenuior sanguis est; ut patet in debilibus puellis: quò validior motus humorum per vasa, eò spissior & magis concrefcens sanguis; patet in duro labore exercitatis hominibus. Dum in variolis primo die morbi sanguis mittitur, apparet satis bonus; si tertio vel quarto die educatur sanguis, jam inflammatoriam illam crustam habet, quia per febrem acutam dissipatis liquidissimis, plùs compactis crassioribus partibus, incipit nasci major co-

hæfio inter moleculas sanguinis: quamdiu enim plurimum tenuioris liquidi inter moleculas craffiores interponitur, preffio vasorum non mutabit illarum figuram; fed si diffufio tenuiori liquido, moleculæ sanguinis craffiores, sibi contiguz factæ, validâ actione vasorum comprimuntur, mutabitur figura sphærica, & pluribus punctis se mutuo contingent, & concrefcant. Dum autem robusta & firma vafa magnâ vi premunt contenta fluida, subtiliffima exprimuntur, craffiores partes reliquæ compressione hac adunantur.

**COAGULO ACIDO.** Non omnia acida sanguinem coagulant: vina enim acida, acetum, succi acidorum maturorum fructuum, lac eburæratum, &c, potius dissolvunt: fed acida fossilia, ex sale marino, nitro, &c, parata, sanguini inducunt coagulum. Dum vivi animalis venis hæc acida injiciuntur, mox sanguis in craffos thrombos concrefcit, qui per venas, sensim ampliores factas, ad dextrum cor delati, mox in pulmonem pulsi, anxietatem summam excitant, & paulò post mortem. Interim tamen bibulorum vasorum oscula non facili hæc acida acerrima admittunt; mox contracta etiam à longè levioribus stimulis. Dum atra bilis, aliquando tam acida, ut instar aquæ stygiæ pavementum rodât, erosio vasis sanguini miscetur, subitiffima sæpe mors à coagulato sanguine oritur.

**AUSTERO.** Talia sunt inprimis alumen, & vitriolorum species variz, quæ fortiffima coagula producant.

**SPIRITUOSO.** Notum est in Chirurgicis, alcohol applicatum vasis discissis validiffimas hæmorrhagias sistere, coagulo sanguini inducto. Ipsum serum sanguinis ab alcohole affuso induratur illico. Hinc apparet, quantis se exponant malis, qui spiritibus illis fermentatis adeo abutuntur. Aliâ occasione (§. 28. n°. 4.) recenscebatur mirum exemplum, quòd nempe in ebriosa muliere omnia ferè viscera invenirentur scirrhusa, & indurata.

**ABSORBENTE.** Sunt quæ corpora bibula, quæ omnem humorem proximum vi quâdam trahunt in se; sic gypsum, calx viva, ossa animalium diu exulta; terræ argillacæ valido igne excoctæ, omne liquidum, quod attingere possunt, imbibunt. Talia si miscerentur nostris humoribus tenuiffima, aborbendo facerent reliqua concrefcere. Rariùs autem hæc integris viribus sanguini miscentur: priùs enim occurrunt liquidis, quibus saturantur: fed tamen in primis viis pessima inde mala fieri posse, imò mortem ipsam, testantur Historiæ. *Plinius* (a) narrat, *C. Procleium* in maximo stomachi dolore, gypso potu, sibi mortem conscivisse. Strangulando suffocare gypsum potum, monet *Dioscorides* (b).

**VISCOSITATE.** Quomodo inde nasci possint obstructiones, explicatum fuit in *Capitulo de morbis à glutinosa spontaneo*, & inprimis ibidem §. 72.

**OLEOSITATE.** Quando in obesitas per validiffimos motus, calorem aeris intensum, vel febres acutas, soluta pinguedo sanguini affunditur, sæpe subita mors fit; quia illud oleosum minima vascula suo lentore obstruit, & impedit, quominus alia liquida per minima vascula transeant: unde sæpe subitò lethalis peripneumonia nascitur, obstructis sic pulmonalis arteriæ angustis.

(a) Lib. XXXVI. Cap. xxiv.

(b) Lib. V. Cap. 134.

§. 118. **E**RRORE loci partes fluidi fiunt non meabiles; si in os dilatatum ad basin canalis conici ruit corpusculum finem longè angustioiorem tranare non potens. Plethora, motus auctus, rarefactio liquidi, laxatio vasis, dilatationem hanc præ cæteris creant; maximè si his prægressis, statim contraria horum sequuntur.

Hactenus enarratæ sunt obstructionis causæ, quæ vel vasis cavum arctent, vel liquidis per vasa fluentibus concilient immeabilitatem, per mutatam figuram molecularum fluidi, vel adunationem earumdem. Sequitur jam alia obstructionis causa, ubi vasis debitam amplitudinem retinentibus, saltem non arctioribus redditus, fluidisque manentibus iisdem in omnibus suis dotibus, tamen obstructio nascitur: dum nempe crassiores fluidorum molecule dilatata oscula minorum vasorum ingrediuntur, per quorum ultimos fines transire nequeunt; atque hærent tunc immeabiles fluidorum particule in vasis alienis: hinc tantùm peccant loci mutatione, unde hæc causa obstructionis vocatur *Error loci*.

De hac obstructionum causa non adeò frequens mentio fit apud Auctores, quamvis in morbis acutis frequentissima mortis causa sit. Apud Veteres, circulationis sanguinis ignaros, obscurè satis in quibusdam locis adumbratur hoc vitium. Dum phlegmones naturam, describit Galenus (a), dicit: *Quum sanguis calidus copiosior in aliquam animalis partem procubuit, majora ejus vasa protinus distenduntur, quæ plenitudinem non ferunt; ab his deinceps, quæ minora sunt. Mox, ubi nec in iis satis continetur, exudat foras in ea ampla spatia, quæ inter vasa sunt, sic ut etiam omnia, quæ in composita carne habentur, loca occupet*. Unde concludi potest, quodd in phlegmone sanguis aliena loca ingrediatur.

Ut autem evidenter pateat, quomodo per errorem loci nascatur obstructio, sequentia merentur expendi.

Pars maxima in sanguine est globus ruber, qui naturaliter tantùm in vasis maximis hæret; ultimæ jam angustię arteriarum, rubrum sanguinem vehentium, unicum tantùm globum rubrum talem transmittunt, & sæpe adhuc cum quadam molestia, ut patuit, dum in vivorum animalium pellucidis partibus per microscopia observabatur circulatio; omnia tenuiora ex arteriis rubrum sanguinem vehentibus, per lateralia vasa minora, ex his arteriis orta, elabuntur; solum crassissimum rubrum per ultimas angustias arteriæ rubræ transiens venam rubram ingreditur: proximum magnitudine vas post arteriam rubram omnia liquida recipit; excludit tantùm sanguinem rubrum, & in hoc vase retinebitur etiam crassissima pars liquidi, per illud transeuntis, nempe globus serofus: reliqua tenuiora per minora vasa, ex arteria serofa orta transibunt. Sicque ex analogia credere licet similem legem in reliquis decrefcentium vasorum seriebus obtinere. Per singula ergo diversæ magnitudinis vasa fluunt quædam particule tam magnæ, ut minora vasa ingredi non possint; & hæ particule constituunt naturale & proprium singulis vasorum seriebus liquidum. Sic maximum vas transmittere potest omnes humores; minora autem

(a) Method. Med. Lib. X. Cap. vi. Charter. Tom. X. pag. 333.

vasa tantùm transmittunt omnia fluida tenuiora unà cum suo liquido naturali, unde nomen habent: arteriæ enim rubræ omnes humores recipere & transmittere possunt, arteriæ serosæ rubram partem sanguinis excludunt, transmittunt autem globos serosos & omnia his tenuiora fluida. Arteriæ jam rubræ ultimus finis, ubi in venam rubram transit, debet habere majorem amplitudinem, quàm arteria serosa ex arteria rubra orta; aliter enim sanguis ruber non maneret in suis vasis, sed arterias serosas ingrederetur: unde minima arteria rubra vasorum maximorum minimum est, sed vasorum minimorum maximum.

Si jam à quacunque causa augeatur diameter vasculi lateralis ex majori vase orti, v. gr; si major fiat apertura arteriæ serosæ ex arteria rubra orta poterit globus rubri dilatatum principium arteriæ serosæ ingredi; sed in canali conico, auctâ semper angustia, brevi hærebit, & nullo modo per ultimos fines arteriæ serosæ transire poterit: nata ergo erit obstructio, cùm moles particulæ transfluxuræ capacitatem vasis transmittentis excedat. Hoc virium jam obtinere potest in omnibus locis, in quibus vasa minora ex majoribus derivantur; & potest fieri à totuplici materia, quotuplex est numerus decrecentium magnitudine particularum in sanguine, excepto subtilissimo totius corporis fluido, quod per omnium minima vasa fluit: illud enim nunquam poterit errore loci ullum vas obstruere.

Causæ autem, quæ vasorum capacitatem augent, imprimis sunt sequentes.

**PLETHORA.** Dum nimia copia boni sanguinis in corpore adest, omnia vasa rubrum sanguinem gerentia turgent: hinc illa, mole auctâ, comprimunt adjacentia tenuiora vasa: sed dum arteria rubra nimio sanguine impleta disfinditur, distrahuntur latera hujus vasis; hinc oscula minorum vasorum, ex lateribus arteriæ rubræ ortorum, ab eadem causa fiunt ampliora, & admittunt crassiores partes, quàm naturaliter capere deberent. Ideo videmus, adnatam tunicam oculorum, quæ naturaliter sanguinea vasa rubra non habet, adeo sæpe rubere in plethoricis.

**MOTUS AUCTUS.** Quomodo per motum auctum fiat major amplitudo ad vasorum initia, & liquida crassior impellantur in vasa tenuiora, explicatum fuit §. 100.

**RAREFACTIO LIQUIDI.** Si per calorem auctum, vel aliam quamcumque causam possibilem, augeatur liquidi vasis contenti volumen, manente eadem massâ corporeâ, debebit vas continens dilatari: ergo vas dilatatum poterit admittere crassiores partes, quàm quæ naturaliter per hoc vas fluebant. Dum foco quis affidet, partes externæ per calorem tument, rubebunt magis, quàm naturaliter solebant.

**LAXATIO VASIS, &c.** Amplitudo vasorum pender à binis sibi invicem oppositis causis. Liquidum vi cordis impulsu nititur dilatare canales, qui suarum fibrarum robore resistunt impulso liquido: si binæ hæ vires forent æquales, canales manerent in eadem amplitudine; si verò prævaleat impetus impulsu liquidi, dilatabitur canal, & quidem eo plùs, quò major est excessus virium impulsu liquidi supra resistentiam laterum canalium. Si ergo, laxato vase, minuatur resistentia laterum, impulsu liquidum magis dilatabit canales; & moleculæ fluidi poterunt ingredi canales dilatatos, quæ antea excluderantur. Dum pars corporis diu exponitur vaporì aquæ tepidæ, tument, & rubebit, sanguine rubro nunc ingresso vasa minora dilata. Ab hac causa torces adnata oculorum tunica, facillimè dilataris vasis constans, rubet; cùm naturaliter ejus vasa sanguinem rubrum non habeant. Hinc austeriâ, calidâ tempestate & humidâ sine ventis, inter morbos populares re-

cenſet & ophthalmias *Hippocrates* (a), ab hac cauſa, ut videtur, inprimis ortas : nihil enim magis laxa reddit corpora, quàm talis aeris conſtitutio.

MAXIME SI HIS PRÆGRESSIS STATIM CONTRARIA HORUM SEQUANTUR. Dum valido corporis motu quis caleſcit, aucto ſanguinis impetu & velocitate, dilatata vaſa acceperunt alienos humores; hinc totum corpus in cute externa adeo rubet poſt validum curſum. Si tunc in calido aere, bene teſto corpore, quieſcant, minutà celeritate ſanguinis per vaſa moti, incipiunt proprio robore vaſa omnia ſe plus contrahere, & repellere craſſiora impulſa in vaſa latiora; redeſcunt ſenſim omnia in priſtinum ſtatum. Si verò æſtuanti ſic corpori frigida adſpiret aura, gelidùſve affatim bibatur potus, quanta mala! Subito enim frigore conſtricta vaſa, craſſiora fluida, quæ ingreſſa fuerant, retinent, nec poſſunt hæc retenta per anguſtiſſimos fines tranſire; unde ſæviffimæ inflammationes, & morbi ſæpe ſubitiſſimè lethales fiunt. Quoties hoc occurrit in Praxi, quodd, æſtibus caloribus & labore valido natam ſitim, dum gelido potu avidiſſimè hauſto explent ruſtici, ſæpe ſubito moriantur; vel ſic mutatum habeant in omnibus functionibus corpus, ut nihil ferè de priſtina ſanitate ſuperſit! Dum pulvere ac ſudore perſuſus, in calidiſſima regione, ſervidiſſimo diei tempore *Alexander* Cydnum amnem ingreditur, ut corpus ablueret; vix ingreſſi ſubito horrore artus rigere cæperunt, pallor deinde ſuſcuſus eſt, & totum ingremodum corpus vitalis calor reliquit. *Exſpiranti ſimilem miniſtri manu excipiunt, nec ſails compotem mentis in tabernaculum deferunt* (b). Tam ſubito in valido, juvenili, & bellicis laboribus durato corpore proſternebantur omnes vires! Saniſſimum antea graviſſimus mox opprimebat morbus; à quo *Philippi* Medici fide & peritià vix evaſit.

§. 119. **U**NDE cauſæ, & natura obſtructionis cujuſcumque patient.

Natura obſtructionis tantùm conſiſtit in impedito tranſfluxu fluidi per vaſa; & omnes cauſæ fuerunt recenſitæ, quæ agebant arctando vaſa, vel inſpiſſando liquida, vel & utrumque ſimul efficiebant.

Sed adhuc dubium videtur, an quidem obſtructio naſci poſſit in omnibus vaſis: certum eſt in vaſis conicis, per quæ liquida ſeruntur directione motus tendente à baſi verſus apicem, poſſe fieri obſtructionem: fluidi enim particulæ omni momento occurrunt anguſtiori ſectioni conii; hinc quæ circa baſim libere penetrabant, poterunt in ultimis anguſtiis convergentis canalis facilè hære; tuncque liquidum à tergo urgens immeabilem moleculam, anguſtiorē ſemper locum verſus, premit, ſicque obſtructionem auget. In canalibus cylindricis, ſive, ut *Pitarnius* dicit, quorum latera parallela ſunt lineæ motus, poterit fortè naſci obſtructio, ſed non ita facilè; omnes enim fluidorum particulæ, quæ ſemel potuerunt ingredi talem canalē, poterunt & tranſire, cùm ubique ſit æqualis amplitudo. Poſſent tamen moleculæ fluidorum factæ fuiſſe rarefactione v. gr; majores, & hinc difficilius tranſire; ſed à tergo urgens liquidum videtur hanc reſiſtentiam facilè ſuperare debere. Verum eſt, quod concipi poſſet, moleculam aptam tranſire per canalē cylindricum, aucto volumine, vel adunatam aliis, diſtendere partem vaſis cylindrici flexilis ubi

(a) *Epidem. 3. Charter, Tom. IX. pag. 161.* (b) *Q. Curtii, Lib. II. Cap. v.*

hæret, & sic obstruere; sed tunc non ampliùs manet cylindricus ille canalis: non haberet enim tunc æqualem ubique amplitudinem, & obstruens illud ibi hærens perleretur directione motus ex majori amplitudine in minus spatium; & tunc idem obtrineret, quod in arteriis fieri modò dictum est.

In venis autem, in quibus directio motus à vertice conici canalis versùs basim rendit, obstructio locum non videtur habere posse, nisi ab externa compressione vas; quidquid enim angustum verticis orificium transivit, facillè reliquas sectiones canalis, semper ampliores, pervadere poterit, & adunatæ licèt supponantur fluidi moleculæ, cum non sustineantur lateribus divergentibus venarum, facillimè abripiuntur impetu subsequenti liquidi, utl demonstravit in suis dissertationibus *Pitcanius* (a).

Sed & Experimenta in vivis animalibus facta hanc rem demonstrant. Dum venæ crurali canis immisi alcohol, sanguis statim in thrombos coagulatus deferebatur tamen per totam longitudinem venæ ad cor dextrum; ex hoc verò in pulmones pulsi thrombi hærebant statim; summa nascebatur anxietas; conabatur summo respirationis molimine animal superare has angustias; moriebatur brevi. Dum à tam valido coagulante non oriebatur obstructio in venis, à levioribus causis multò minùs hoc fiet.

Hinc in canalibus, per quos vitæ tempore perpetuo motu feruntur liquida, non videtur nasci posse obstructio, nisi directio motus sit à latiori amplitudine versùs majores angustias.

Nec obstat, quòd ductus hepaticus & communis, ad venæ naturam accedens, obstruatur sæpius, licèt ex angustis fistulis in latiorè ductum hepatis fabrica secretus liquor deferatur: nam ductus communis intestini duodeni exteriorem tunicam penetrans, inter hanc & alteram descendit; mox perforatà & hæc, inter secundam & tertiam longo satè icinere progreditur, tuncque tandem in cavum intestini patulo osculo hiat. Hinc plurimæ possunt esse causæ, quæ ultimum illud osculum arctant, vel & penitus occludunt; sicque liberum bilis iter impediant, quæ tunc stagnans concrefcere poterit; utl Observata Anatomica docuerunt.

In majoribus autem alveis & sinubus, in quibus sanguis venosus colligitur, & hære potest, nasci posse concrectiones polyposas, & inde obstructions, certò constat.

§. 120. **Q**UÆ nata in corpore vivo impedit transitum fluxuræ matæ; reliqua impingentia sistit; horum actionem excipit; subtiliora exprimit; adunat crassiora; vas extendit, dilatat, attenuat, solvit; fluidum stagnans condensat; functionem integro fluore oriundam tollit; vasa inde irriganda deplet; siccatur; capacitatem vasorum transmittendis liquidis minuit; copiam liquidi; velocitatèmq; per libera vasa auget; adeoque omnia, quæ inde pendere possunt, mala producit.

Explicatis jam causis & naturâ obstructionis, expendi debent illa omnia, quæ ex obstructione ut causâ sequuntur.

(a) Dissertat. de Circulat. Sanguinis in Animalibus genitis & non genitis, pag. 107. 108. 109.

**QUÆ NATA IN CORPORE VIVO IMPEDIT TRANSITUM FLUXURÆ MATERIÆ.**  
In cadavere enim, ubi nullus motus liquorum per vasa superest, non nocebit obstructio : & ex ipsa definitione obstructionis §. 107; hoc evidenter patet; tunc enim dicebatur adesse obstructio, quando transitus liquidi per canalem tollebatur, à quacumque demum causa fieret.

**RELIQUA IMPINGENTIA SISTIT; HORUM ACTIONEM EXCIPIT.** Dum vivimus, jugi motu fluida per vasa feruntur, & quidem satis magno impetu; nam, ut aliâ occasione dictum fuit, digito pedis abscisso per apertas arterias ad binorum pedum & ultra distantiam expellebatur sanguis: dum ergo canalis obstructus est, liquidum vi cordis & arteriarum urgetur in locum obstructum illâ quantitate motus, quâ poruisset ad extrema corporis usque tantâ adhuc cum celeritate pervenire; & singulis contractionibus cordis & arteriarum renovatur hæc vis agens in locum obstructum: cumque illud immeabile obstruens hæreat in canali conico, per quem liquidum à basi versus verticem pellitur, omni momento protruditur versus angustiorum locum: hinc omne liquidum impingens sistitur ad locum canalis obstructum, & materia obstruens immobilis hærens omnem impetum liquidi à tergo urgentis sustinere debet.

**SUBTILIORA EXPRIMIT, ADUNAT CRASSIORA.** Obstructio rarè locum habet, (nisi à compressu externo, vel errore loci facta fuerit), præterquam in ultimis vasorum angustis: hinc si v. gr; sanguinis rubri globuli circa ultimos fines arteriæ rubræ instantes hæreant, quid fiet? Sanguis habet in se plurima minoribus moleculis constantia fluida, & omnis canalis major habet ramos laterales minores, per quos fluidissima transire possunt, crassiores verò partes minimè; hinc dum vis cordis & arteriarum sanguinem pellunt in locum obstructum, necessariò fluidissima, inter duo quasi præla opposita pressa, transibunt in canales laterales minores, sola crassiora manebunt, apprimuntur contra locum obstructum, augebunt materiam obstruentem. Sed sanguis sanus ex sua natura in concretionem tendit, orbus verò tenuissimâ parte, longè magis concresecet; & hinc augebitur malum. Dum in vera phrenitide sanguis, per arterias vertebrales & carotides allatus, immeabilis hæret ad fines vasorum, cor pergit per arterias omni momento bonum fortè adhuc sanguinem adferre; sed per canales laterales liquidissima exprimuntur, crassiora accumulantur, donec infarctis ferè omnibus corticis cerebri vasis immedicabilis reddatur morbus. Inde adeo malum signum in peripneumonia habetur, si sanguis venâ missus dilutus vix concresecat; denotat enim, sola tenuiora per pulmonis vasa transiri, omnia crassa accumulari.

**VAS EXTENDIT, DILATAT, ATTENUAT, SOLVIT.** Dum cor sanguinem pellit in arterias, illæ distenduntur: sed hoc fit ideo, quia arteriæ plenæ sunt, & magna resistentia fit liquido impulso à convergentibus arteriarum finibus: si enim arteriæ vacuæ forent, vel nulla resistentia foret circa fines; sanguis ex corde in arterias pulsus libere perfluere, nec urgeret latera, ut recederent ab axis canalis. Quò ergo pleniores sunt arteriæ, quò major resistentia circa fines, eò plius dilatantur à sanguine vi cordis impulso: sed canalis obstructus ante locum, ubi hæret obstructio, plenus est, & maxima simul fit resistentia liquido impulso: hinc necessariò sequitur canalis obstructi dilataio. Dum ligaturâ injectâ liberum sanguinem per venas iter impeditur, mox ante ligaturam tumens dilataræ: sed dum vas extenditur, fibræ solidæ, latera vasæ confluentes, distrahuntur, minuuntur

puncta contactuum, & hinc debilitatur cohesio, uti explicatum fuit §. 25. n<sup>o</sup>. 3. Latera ergo vasorum minus possunt resistere causis distendentibus, & hinc magis dilatantur, donec tandem fiat cohesio nulla, id est, ruptura. Si jam consideretur, obstructionem in maximis vasis raro obtinere, semper serè tantum in minimis; & quidam canales maximi inter minimos, ultimæ nempe arteriæ rubræ, ne quidem decimam partem capilli æquent; patebit facillè, his obstructis summum metum esse rupturæ vasorum: longè majus autem periculum in ultimis serosis, lymphaticis, &c. arterioliis erit; si obstruantur. Ob hanc rationem, ubi valida inflammatio duravit per quatuor vel quinque dies, nimia distensione ruptis vasis tenerimis obstructis, gangræna, vel saltem suppuratio, sequitur: frustra tunc expectaretur benigna resolutio.

Sed vasa obstructa, & hinc dilatata, comprimunt alia vasa vicina: hinc & in illis obstructio nascitur; sicque augetur malum.

**FLUIDUM STAGNANS CONDENSAT.** Expressione partis liquidissimæ, & compactione crassioris hærentis, uti modò dictum fuit.

**FUNCTIONEM INTEGRO FLUORE ORIUNDAM TOLLIT.** Sic incipimus videre, quàm multiplex morborum species à sola obstructione oriri potest: omnes enim functiones à libero fluxu fluidorum per vasa pendunt: hoc impedito, turbantur omnes, vel & cessant omnino. Si polyposæ massæ concretæ circa magnum sinum dextri cordis pellantur in arteriam pulmonalem, actum est de vita: si venæ portarum ramuli in hepate obstruantur, nulla fiet bilis secretio, &c. Cum ergo à tot causis obstructio nasci possit, fortè mirum videri posset, non sæpius deleri, vel turbari functiones, dum fortè quædam vasa, per hæc vel illa viscera dispersa, obstruantur sæpius. Sed docuerunt Anatomici, vasa, per viscera dispersa, ubique serè emissis ramulis communicare; hinc, licet quædam ex illis obstructa fuerint, manet tamen liber circuitus per reliqua; nec statim à levi obstructione lædatur viscerum functio.

**VASA INDE IRRIGANDA DEPLET, SICCAT.** In multis partibus corporis sanguinis distributio fit per unum vas adferens: v. g. singulis renibus una plerumque arteria sanguinem dat; axillares arteriæ brachiis prospicunt, &c. Patet evidenter, his vasis obstructis; nihil deferri posse ad omnes illas partes, quæ inde vitalem hauriebant sanguinem. Sed vasa nostra, nullis liquidis distenta, collabuntur, vel saltem se in minimam contrahunt diametrum. In vasis majoribus, ubi obstructionis causa ablata est, magno impetu irruens liquor collapsa vasa, vel contracta, iterum distendit. Sed si in minimis vasis à simili causa talis collapsus factus fuerit, & manserit aliquamdiu; contigua latera concresecunt brevi & impervia manebunt totà vitâ, omnèsq; functiones, quæ à libero per hæc vasa tractu pendebant, erunt abolitæ. Sæpe accidit, post morbos acutos inflammatorios capitis, remanere furditatem, vel amaurosim, totà vitâ incurabiles, fortè ab hac causa, quòd obstructis inflammatione majoribus canalibus, minora inde derivata, compressa vel collapsa, concreverint. Dum in apoplexia omnes cerebri actiones silent, raro curatur, quin maneat aliquod vitium in hac vel illa cerebri functione, serè semper incurabile.

**CAPACITATEM VASORUM TRANSMITTENDIS LIQUIDIS MINUIT; COPIAM, &c.** Dum obstructa vasa transmittere nequeunt impulsâ vi cordis liquida, debebit in reliquis vasis liberis hærrere omne illud, quod per vasa



obstructa transire non poterat : cùm enim obstructio serè semper in arteriis sit, omne liquidum, quod ponè locum obstructum in arteriis hæret, per venas redibit ad cor; illæ enim facilè deplentur : sic manebit eadem copia liquidi movendi interim minuto canalium numero; hinc si notabilis pars corporis in suis vasis obstructa sit, reliquæ partes necessariò majori copiâ liquidi distendentur; & inde fient omnes plethoræ effectus; & debebit omne illud suprapondium liquidi vel manere in vasis liberis distentis, vel debebit augeri circulationis velocitas, ut, manente eadem copiâ liquidi, dato tempore per minores numero canales cor pellere possit sanguinem. Vivo cani, aperto abdomine, ligavi descenditis aortæ truncum : omnis sanguis partium inferiorum, animalis nixibus inter hæc tormenta, accelerato motu redibat ad cor; sed non poterat vel guttula sanguinis ad inferiora transmitti : mox oriebantur summæ anxietates; cor celerrimè palpitabat; oculi prominebant sanguine suffusi; lingua, turgida sanguine, extra os prominebat; ingens copia spumæ circa os colligebatur, & moriebatur brevi animal. Dum cibi & potûs largâ copiâ distentus ventriculus aortæ truncum premit versùs inferiora tendentem: turgida facies, rubri oculi, pulsus auctus, respiratio celerior, docent & copiam sanguinis in partibus superioribus auctam esse, & celeritate majori per vasa sanguinem fluere; unde tot apud Observatores habentur Exempla hominum, qui largas inter epulas apoplexiâ correpti perierunt.

ADEOQUE OMNIA, &c. Hæc certè infinita sunt: omnes enim functiones à libero tractu fluidorum per canales debitos pendent: sed obstructio nata, hunc liberum transfluxum impediens, potest omnes & singulas functiones lædere; & cùm functio læsa morbus sit, ergo tot possunt diversi nasci morbi ex obstructione, quot possunt lædi diversæ functiones.

§. 121. **Q**UARE pro diversitate vasis obstructi, & materiæ obstructuentis, illi effectus ( 120. ) variatis apparent phænomenis.

Cùm ingens morborum numerus, qui ex obstructione nasci possunt, impediatur; quominus describantur singuli, sufficiet notasse præcipua capita, unde varii effectus obstructionis pendent. Longè alia enim apparebunt phænomena, dum sanguis inflammatoriâ densitate immeabilis factus hæret in tenerrimis corticis cerebri vasis, quàm si idem ille sanguis obstruxisset renum vascula multò firmiora; atque etiam longè major spes curationis affulget in inflammatoriâ tali obstructione corticis cerebri, quàm si atrabilaria materies fusa, mota, piccâ serè tenacitate hæc vascula obstruxerit. Aliquando enim materies obstruens talis est, ut dissolvatur sensim, modò minùs urgeatur à tergo per impetum vitalis humoris; aliquando rebellis ad omnia insanabilem morbum facit. Si scirrhus confirmatus, vel malignus cancer, obstructiōnem fecerint, nec manu tolli possint, quis curam promittere audebit?

§. 122. **I**N vasis sanguiferis arteriosis rubris inflammatio primi generis fit; in arteriosis serosis flavis rubra inflammatio errore loci, vel flava propria illi vasi, calida flava; in lymphaticis arteriosis dilatatis inflammatio secundi generis flava, errore loci,

vel pellucida, calida, propria illi vasi; in arteriosis vasis lymphaticis, majoribus, œdema calidum; in minoribus dolores sine apparente tumore; in pinguiferis, ossis, medullofis, nervosis, biliosis alia.

**IN VASIS SANGUIFERIS ARTERIOSIS RUBRIS INFLAMMATIO PRIMI GENERIS FIT.** Generalis idea omnis obstructionis supponebat excessum molis transituræ supra capacitatem vasis transmissuri, uti definitum fuit §. 107; hinc potest in omni vase obcinere, per quod liquidum fluit, in minimo æquæ ac in maximo. Sed ruber sanguis naturaliter tantum invenitur in vasis maximis; hinc, si in his canalibus obstructio fiat, hærebit crassissima pars sanguinis, id est, rubra, in angustis ultimis horum vasorum; si tunc impetus vitalis pergat à tergo urgere illud obstruens, erit inflammatio in vasis maximis inter minima, & vocabitur inflammatio primi generis. Sed ex vasis maximis oriuntur minores vasorum series: hinc ubi per maxima impediretur humorum circuitus, nihil ferè ingredi posset minora ex his orta vasa, unde brevis mors in toto, vel in parte.

**IN ARTERIOSIS SEROSIS FLAVIS RUBRA INFLAMMATIO ERRORE LOCI; VEL FLAVA PROPRIA ILLI VASI, CALIDA FLAVA.** Vas sanguinem rubrum proximum magnitudine sequitur vas serosum; quod solam partem rubram excludit, reliqua omnia admittit: sed in his vasis dilatatis circa principium possunt aliquando impelli globi rubri sanguinis, nec penetrare tamen per ultimas angustias; hinc errore loci obstructionem facere, ut dictum §. 118: erit tunc inflammatio rubra hærens in vasis non rubris naturaliter. Sed uti in vasis maximis rubris crassissima sanguinis pars, mutatà figurâ molecularum, vel adunatione earumdem, poterat inflammationem facere his vasis propriam; sic & crassissima liquidi, per arterias serosas flavas, fluentis, pars, hærens circa ultimas angustias horum vasorum, poterit facere inflammationem serosis vasis propriam: & cum hoc possit fieri, licet nihil rubri ingressum fuerit hæc vasa; flava erit hæc inflammatio non rubra.

**IN LYMPHATICIS ARTERIOSIS DILATATIS INFLAMMATIO SECUNDI GENERIS FLAVA, ERRORE LOCI; VEL PELLUCIDA, CALIDA, PROPRIA ILLI VASI.** Vas, quod proximè sequitur magnitudine vas serosum, jam non habet amplius coloratum liquidum; omne enim rubrum & flavum angustia horum vasorum excluditur: sed & dilatata horum vasorum oscula poterit ingredi flavum serosum, & sic in his vasis nasci poterit per errorem loci inflammatio flava. Atqui etiam crassissima pars liquidi per vasa hæc lymphatica fluentis per communes obstructionis cujuslibet causas poterit reddi immeabilis, & facere inflammationem huic vasi propriam. Eadem jam doctrina poterit applicari reliquis decrecentium vasorum seriebus, de quibus per solam analogiam aliquid dicere possumus tantum; Anatomicæ enim horum vasorum demonstrationes deficiunt.

Inde patet, quod in maximis vasis, id est, sanguineis rubris, unica tantum inflammationis species obtinere possit, immeabili nempe reddito liquido naturaliter per maxima vasa fluente: in reliquis verbò decrecentis magnitudinis vasis duplex esse possit inflammationis species: una ab errore loci, admissio liquido crassiori per oscula dilatata; altera à liquido naturali horum vasorum, immeabili facto,

IN

IN ARTERIOSIS VASIS LYMPHATICIS MAJORIBUS OEDEMA CALIDUM. Quousque hæc vasorum divisio in minora pertingat, quis dicere poterit? Majora vasa inflammata, liquidis coloratis distenta, tumore, & mutato colore loci, quem occupant, sub sensus nostros cadunt: sed ubi tanta vasorum tenuitas est, ut nec naturaliter, nec errore loci, capere possint colorata liquida, tunc, his vasis inflammationis, non mutabitur loci affecti color. Interim tamen distenta vasa & turgentia liquido, pellucido quamvis & non colorato, possunt molem partis augere, & facere tumorem. Generali nomine omnes tumores vocabantur *sistipula* (ut dictum §. 112.) & postea in primis hoc nomen dabatur aquosis frigidis tumoribus: sed cum in hoc casu calor addit, omnis inflammationis in majoribus vasis comes, hinc talis tumor dicebatur oedema calidum: sed hoc tantum obinet, dum in majoribus lymphaticis arteriis inflammatio adest.

IN MINORIBUS DOLORES SINE APPARENTE TUMORE. Omnes sensus, imò omnem ferè captum fugere minima corporis nostri vascula, satis firmis probatur argumentis. In primo enim pulli stamine punctum illud saliens movebat liquida, vasis contenta, sed quantæ tenuitatis! Nervorum mirabilis structura; cerebri per nervos, ad partes corporis delatos, tam distincta actio in singulis musculis movendis, pro voluntatis arbitrio; sensuum organa tam vividâ actione in mente distinctas adeo ideas excitantia, &c, hanc rem satis evincunt. Sed si minima hæc vascula inflammantur & tumeant, non augebunt ad sensus molem partis affectæ; poteruntque tamen acerbissimos excitare dolores: nam in sevisissima podagra, & dolentissimo rheumatismo, sæpe nullus tumor apparet. Mitior semper horum malorum indoles observatur, quando partes affectæ tument.

IN PINGUIFERIS, OSSEIS, MEDULLOSIS, NERVOSIS, BILIOSIS ALIA. Prout jam diversi per vasa feruntur humores, prout diversorum viscerum, vel partium corporis fabricam constituunt vasa, oriuntur ab horum obstructione varia mala. Si enim in pinguedinosi vasis hoc fiat, calore & stagnatione citò corruptum pingue in pessimam convertetur ranciditatem. Ossis vasa inflammata cariem, exfoliationem, exostoses, tephos, &c, producent: quæ recondita ossium cavis tenerrima vasa medullare oleum à sanguine secernunt, si inflammantur, medulla corrupta ossis cavo clauso contenta terribiles morbos producere poterit. Nervi ipsi acerrimos dolores, dum inflammantur, parient; & peribit omnis nervorum sic affectorum usus ad sensus & motus. Biliosa vasa obstructa impediunt, quominus bilis, à sanguine venoso abdominalium viscerum per hepatis fabricam separata, ad debita loca feratur; sed regurgitans in sanguinem cacochymiam biliosam faciet, & plurima, quæ inde sequuntur, mala.

§. 123. QUI verò sedem; naturam, materiem; causas, effectus obstructionum, hucusque (107. ad 123.) tradita novit; illi signa, quibus futura, præsensque obstructio, ut & ejus effecta, sciuntur, ignota non erunt.

In hac paragrapho agitur, quomodo & ex quibus signis in *Diagnosi* concludatur, obstructionem aesse; quomodo in *Prognosi* futura prævideatur; uti & effectus inde secuturi: sed ex illis, quæ præcedentibus hujus capituli paragraphis dicta sunt, hæc omnia faciliè deducuntur.

SEDEM. Obstructio, facta ab externa causa vasa comprimente, in omni loco canalisi nasci potest; à reliquis causis enarratis orta obstructio imprimis hærebit circa maximas vasorum conicorum convergentium angustias.

NA I URAM. Quæ, ex definitione data §. 107, tantum in excessu molis transituræ supra capacitatem vasis transmissuri consistit.

MATERIAM. Quæ tot habere potest diversitates, quot sunt distincta suis dotibus fluida per proprios canales mota: sed & idem liquidum, variâ degeneratione morbosâ, distinctas concretiones facere potest; unde iterum materiæ obstructionis ingens varietas. Potest v. gr; sanguis inflammatoriâ tenacitate imbecillibilis reddi; potest in polypos concrefcere; potest frigido mucoso glutine lentescere, &c.

CAUSAS, quæ hæcenus recensitæ sunt, & vel angustando vasa, vel augendo moleculas fluidi, vel denique errore loci, agunt.

EFFECTUS, qui iterum varii sunt, ratione vasis obstructi & materiæ obstructuentis; & pro vario impetu, quo liquidum pellitur in locum obstructum.

Quomodo jam ex omnibus his cognitis habeatur diagnosi & prognosis, dictum fuit §. 27.

§. 124. **E**T cognitâ hâc ejus diversitate, difficile non erit, propriam cuique curationem tradere.

Nulla generalis regula in cura obstructionis dari potest, sed sollicitè indaganda est causa, quæ obstructionem fecit; hæc enim cognitâ, tantum certi quid statui potest. Solet quidem dici, in omni obstructione conducere, ut vas obstructum laxetur, ut facilius cedere & dilatari possit, & sic transmittere infarctum liquidum: sed si ab errore loci nata sit obstructio, laxatio vasorum an conducet semper? Certè §. 118, demonstratum fuit, inter causas erroris loci meritò recenseri laxationem vasis. Alterum generale indicatum in cura obstructionis prædicabatur dissolutio concretæ obstructuentis: sed nisi ex Historia causarum noverit Medicus, cujus naturæ fuerit illud concretum, hærebit anceps. Aliam enim medelam poscit inflammatoriâ densitate concrefcens sanguis, quàm si inertî frigido mucos lentescant humores. Idem in reliquis verum est: hinc pro varietate causæ cognitæ, obstructionis varia erit curatio.

§. 125. **N**AM illa, quæ à compressu externo (§. 112), indicat ablationem causæ prementis, quæ, ubi possibilis; petenda ex secutura ejus descriptione.

In §. 112, recensitæ sunt illæ causæ, quæ observatæ fuerant externâ compressione vasorum obstructionem fecisse: sed nisi causa illa comprimens noscatur, & cognita tollatur, non poterit sanari obstructio inde orta, uti evidenter patet. Idemque in numero citato in quatuor classes distinctas redactæ sunt hæ causæ, ut ordine indagari possint.

Postquam autem innovit causa, quæ externâ compressione vasis obstructionem fecerat, inquiri debet an hæc tolli possit; an verò talis sit indolis ut nullo hæcenus cognito Artis molimine superari vel emendari possit. V. gr; tumores illi ampullosi, qui à varia spissitudine materiæ contentæ, atheromata, melicerides, fleg-

tomata dicuntur, dum in externis paribus hærent, ubi manibus accessus datur, nonnisi difficulter tolli possunt; quid sperandum de similibus tumoribus, dum in interioribus corporis hærentes vicina vasa comprimendo angustant? Dum uterus gravidæ mulieris distensus suo situ, ut aliquando fit, venas iliacas premit, tumor oedematolus crura & femora occupat; nec tolli potest hoc malum, cessans sponte, post partum detumescente utero. Quando scirrhus confirmatus, vel cancer ex eo natus, exstirpari non potens, obstructionem fecerit, quænam cognita medela superest? Idem in plurimis aliis obstructionum causis obtinet. Interim æquè magnus Medicus est, qui incurabilem morbum distinguere potuit, quàm qui sanabilem tollere valuit.

Reliquarum verò causarum in §. 112, recensitarum medela vel ex antè dictis hauriri potest, ut v. gr; plethorici tumoris curatio; vel de illis postea singulis capitulis diceret: v. gr; de inflammatione, suppuratione, scirrhus, &c; de luxatis, fractis, &c. Dum verò externo corpori applicata quædam vasa comprimunt, ut vesses, fasciæ, ligaturæ, &c, facilis cura est, & sponte patet.

§. 126. **E**A verò, quæ ab aucta fibrarum contractione oritur, cognoscitur per signa, quibus visceris, vasis, fibræ, nimia contractio scitur (34. 36. 40. 50. 53.); tum quoque illa, ubi hæc contractio à secunda causa (113. n°. 2.) per suæ causæ signa clara; ut altera, quam inanitioni prægressæ adscripsimus. (ibidem n°. 3.)

In hac paragrapho agitur de signis, quæ docent obstructionis causam pendere à contractione propria vasorum aucta. Sed in §. 113, tres recenscebantur causæ distinctæ, quæ augebant vasorum contractionem. Prima erat aucta elasticitas fibrarum, canalium, viscerum: sed hujus auctæ elasticitatis signa descripta sunt, dum de nimia rigiditate fibrarum, vasorum minimorum & majorum, & viscerum dictum fuit in numeris hic citatis. Secunda causa erat nimia distensio vasculorum minorum constituentium majorum vasorum latera: hæc autem adesse cognoscitur nimix plenitudinis signis in plethoræ Historia recensitis. Tertia verò causa, quæ inprimis inanitioni prægressæ adscribebatur, cognoscitur adesse per evacuationes quatuordecim magnas prægressas, faciem collapsam, pulsum parvum, debilem, siccitatem linguæ & oris interni, vires prostratas.

§. 127. **S**ANATUR hæc obstructio (113. 126.) 1. per remedia contractionem nimiam fibræ, vasis, visceris emendantia (35. 36. 38. 54. 55.) 2. maximè, si ipsi affecto loco applicari possit eorum virtus; quod halitus, fomenta, balnea, litus, fomenta efficiunt inprimis: 3. per auxilia, quæ vascula, membranas componentia, nimis impleta deplent; quò evacuantia in genere, sed præprimis illis vasculis applicata, spectant: quæ sunt laxantia, diluentia, resolventia, attenuantia, deterfiva, evacuantia: 4. per illa, quæ callositatem factam resolvunt.

1. De his dictum fuit in numeris hic citatis; & patuit, tunc Artem multum

Y ij

posse efficere in similibus morbis, in quibus nimia rigiditas solidarum partium tollebat illud æquilibrium, inter fluidorum impetum & solidorum resistentiam, ad sanitatem requisitum. Sed aliud hic notandum occurrit, stimulos nempe mirabiles, imò & ipsos animi affectus, posse subito & efficacissimè augere contractilitatem solidarum partium. Dum sulphuris accensi vapor pulmone hauritur, mox sic constringitur in omnibus suis vasis, ut nil transmittat; unde omnibus animalibus majoribus lethalis sulphuris fumus. Oleum vitrioli, penicillo applicatum vivi canis dissecti intestino, fecit illud sic contrahi, ut nullam omnino cavitatem haberet. Aceri guttula, oculo inspersa, sic facit constringi palpebras, ut nullà vi diduci possint. Nisi Medicus noverit hos stimulos tollere, vel enervare, non poterit curare nimiam contractionem inde ortam.

Quantum autem possint animi affectus augere vasorum contractilitatem, patet obvis ubique Observatis. Dum subito metu percutitur homo, mox pallor, & collabitur tota facies, contractis omnibus vasis: si jam cogitemus, idem in interioribus fieri posse, quod in externa cute tam clarè videmus, mirabiles & pertinacissimi inde possunt oriri morbi. Vidi mulieri sanæ, subito terrore affectæ, mox ortum fuisse in mamma tumorem, qui, licet optimis tractatus remediis, in scirrhum irresolubilem induruit.

2. Si univerfa solidorum compages nimia rigiditate peccat, toti corpori & omnibus ejus partibus externis & internis illa applicari debent remedia, quæ nimiam illam tollunt rigiditatem: sed si in singulari parte hæreat hoc malum, quare omnia vasa laxarentur? Sufficit tunc topica Medela, si applicari possit soli parti affectæ: hoc autem imprimis fit per,

**HALITUS.** Aqua tepida emollit partes solidas corporis; sed aqua, in vapores resoluta calidos, longè magis. Durissima cervorum cornua, vaporì aquæ calidæ exposita, sic emolliuntur, ut scissilia fiant. Cubiti articulationem, ob indurata ligamenta immobilem penitus redditam, vidi pristinam flexilitatem recuperasse, dum per binos menses quotidie per horam pars exponeretur aquæ calidæ vaporì. Hinc ubi commodè vapor determinari potest ad partem, reliquis auxiliis aquæ calidæ halitus præferendus est.

**FOMENTA**, quæ sunt ex aquosis, imprimis si mollissimæ herbæ his incoctæ fuerint, ut malva, althæa, &c; semina lini, avena, &c. Tali decocto madidi panni lanei applicantur parti; superimponitur his pannis vesica oleo perfricata, ut impediat exhalatio; deinde scissilibus calidis, variz figuræ pro variis partibus corporis, impositis calida servantur hæc fomenta: sic pars affecta in perpetuo vaporis balneo hæret. Dum pleuritico rum lateribus hæc sic applicantur, summum doloris levamen sentiunt.

**BALNEA.** Inprimis balnea vaporis, partes enim corporis aquâ immerse comprimuntur ab aqua, vapor autem aquæ omnia laxat, uti antè dictum est. Observatum fuit, in similibus malis topicis profuisse, ultrà ferè quàm sperari poterat, aquæ calidæ ex alto delapsum guttaim in partem affectam: chronicos admodum, & ad omnia ferè remedia rebelles, circa genu tumores hac methodo curavi aliquoties.

**LITUS.** Si nempe ex blandissimis oleosis fiant. Rigida animalium coria oleo inuncta flexilia redduntur: omnibus partibus corporis, in quibus requiritur flexibilitas, apponitur molle oleum: omnes muscoli, tendinæque vaginis oleosis te-

guntur: omnibus ligamentis, ossa articulata nectentibus, pinguis unctuosus liquor affunditur. Sed ubique invenitur, illud pingue esse blandissimum, nullamque habere acrimoniam: magnus enim error foret credere, olea acria ambusta, galbaneta illa *Paracelsi*, &c. efficaciora esse ad hos usus. Ubi sola nimia rigiditas peccat in partibus solidis, molissima olea pressa ex vegetabilibus, medulla ossium recens, molissimum althææ unguentum & similia, pulcherrimi tunc usûs; Inprimis si, post balnea vel fomenta applicata, bene deterfis & siccatis partibus corporis hæc illinantur.

3. Dictum fuit §. 113. n°. 2, quòd per Anatomicas injectiones demonstratum fuerit, majorum vasorum latera minoribus vasculis constare: hæc verò nimis impleta possunt minuere cavitatem vasû, cujus latera constituunt. Si v. gr; emulgentes arteriæ, inflammatae in suis membranis, sic arctentur in minimis ramulis per renum substantiam dispersis, ut non fiat urinæ secretio, erit ischuria, ab hac causa fortè aliquando in morbis acutis observata. Post validissimos cursus mactatis animalibus, inventum fuit sæpius, majora vasa suis tunicis fuisse penitus inflammata, & sanguine turgida: cura hujus mali perficietur per

EVACUANTIA IN GENERE, &c. Nihil hic habemus nisi generalia; omnis enim depletio artificiosa fit ferè tantum per majora vasa. Omnium ferè maximum auxilium est venæsectio, & sic depletis maximis vasibus minùs comprimuntur minora, horum latera constituenta; minori impetu urgetur liquidum in locum obstructum: & si magna fuerit facta sanguinis missio ad animi deliquium usque, contracta vasa minorum, ablata pressione vitali à basi versùs verticem, reprimunt hærens in illis fluidum in vasa majora. Sed si loco affecto possint applicari remedia, tunc recensita omnia conveniunt: si v. gr; in morbo acuto ischuria ab hac causa nata fuerit, & æger nullum tenesnum exonerandæ vesicæ sentiat, noscitur, circa renes hæreere hoc malum: tunc generalibus evacuantibus præmissis, fomenta lumbis applicantur, & clysmata injiciuntur, quia colon intestinum renibus proximè adjacet, ut saltem quàm proximè ad partem affectam applicentur remedia.

Quomodo autem *Laxantia*, *Diluentia*, *Resolventia*, *Attenuantia*, *Deterfiva* agant, explicatum fuit §. 54. n°. 4.

4. Callus, ut dictum fuit §. 112. n°. 1, in fine, fit, si vasa minima compressa, omni liquido expulso, lateribus contiguis factis, concreverint; tunc non amplius manet vas pervium, sed fit concreta membrana; unde nulla humiditas, nullus sensus in callo. Adfunt quidem eadem vasa quoad materiem, non quoad liquidorum transfuxum. Callus tamen abscissus renascitur in cute externa, quamvis nullus transfuxus liquidi vitalis per callum sit. Videtur autem hoc fieri, quia concreta vasorum extrema vi vitalis liquidi sensim protruduntur, extremitates verò vasorum apertæ, callo contiguae, ab illo comprimuntur; hinc callus detritus, abscissus, increfcit iterum, uti quotidianis Observatis constat. Quàm difficulter autem callositas semel nata tolli possit, sequens docebit paragrahus.

§. 128. **V**ERUM illa obstructionis species; quæ ab hac causa, rarò, si unquam, curari potest. Emollientia, & laxantia præcipua sunt. Unde mortis patet inevitabilis necessitas.

tas, & magna vitæ longæ per Medicamenta parandæ difficultas.

An unquam confiterit, vas concretum iterum pervium factum fuisse, maximè dubito: quomodo enim hoc fiet? Si velis liquidi vitalis impetu & celeritate auctis divellere concreta latera, citius solvenitur vasis callo contigui parietes, per quod fluidum ad vas concretum devehi debet: præterea aucto motu, vasa viva ad calli limites appressa, complanabuntur, & callosa fient; sicque hoc modo callus potius augebitur. Dum callosa cutis externa facta est, unica spes curæ est, si caveatur omnis attritus; sicque sæpe sensim callus minuitur, dum ejus extrema superficies sensim deteritur, & vasa viva supposita sensim protrudunt concretorum vasorum extrema. Homines, qui duris laboribus callosas manus habent, postea his abstinentes, sensim molliores illas factas sentiunt: fortè tamen nunquam loca illa callosa vasis apertis fient iterum perspirabilia. Sed si vel nunquam, vel difficillimè saltem, calli externæ cutis possint resolvi, quibus remedia applicare possumus; quid fieri poterit, quando partes internæ callosæ induruerunt?

**EMOLLIENTIA ET LAXANTIA PRÆCIPUA SUNT.** Per hæc enim durum hoc operculum, vasis vivis suppositis impositum, sic emollitur, inprimis si & interna similia largâ copiâ exhibeantur, ut sensim separetur à vivis partibus subiectis. Quibusdam hominibus, verno tempore inprimis, quando omnia turgere incipiunt, oritur intolerabilis dolor à callis pedum plantas occupantibus, sic ut incedere nequeant: vivæ partes, callo subiectæ, inflammatae, callosâ duritiæ incumbente pressæ, illas molestias pariunt: si tunc lacte cum farina lini cocto foveatur callus noctes & dies, incipit emollitus elevari, & secedere, interim tamen subiectus locus, separato callo glaber apparet & politus, non perspirabilis; hinc iterum renascitur callus: quod præcaveretur, quantum fieri potest, si locus mollissimâ regatur alutâ, ut omnis attritus caveatur.

**UNDE MORTIS PATET INEVITABILIS NECESSITAS,** &c. §. 39, n°. 1, & §. 55, demonstratum fuit, vitam humanam tandem seipsam destruere absolutâ necessitate. Requiritur enim ad integritatem actionum vitalium debita flexilitas canalium, per quos vi cordis pelli debebant liquida; debebant vasa cedere posse distendenti fluido, & ablata causâ distendente redire in priorem capacitatem. Sed ex dictis ibidem conflat, ipsis vitæ sanæ actionibus sensim majus robur accedere partibus solidis; aucto robore, plus resistere solida fluidis impulsis; donec tandem rigida penitus facta vasa non cederent liquidis à corde pulsis, unde cor non poterat evacuari: hinc placidissima sine morbo ferè in ultimo senio mors. Si consideretur in variis ætatibus humanum corpus, patebit, quanta fiat mutatio in firmitate solidarum partium vario vitæ tempore. Recens nato infanti omnia mollia, liquidis plena apparent; tota superficies corporis vasis ubique parulis in omni puncto perspirabilis; ossa ipsa ceream ferè flexilitatem habent: procedente ætate, sensim minuitur vasorum perviorum numerus; augetur robur & firmitas in omnibus partibus corporis; ossa durefcunt: tandem in decrepita senectute totum corpus exsuccum fit; articuli in juventute adeo flexiles obrescunt, omnis ferè plingendo evanescit; flaccida, callosa, & turpibus rugis deformis cutis vix amplius perspirabilis manet; & ossa fragilissima sunt; cartilagineas ossæ induunt duritiem; & vasa, antea membranacea & flexilia, in cartilagineam, imò ossæam, naturam mutantur. Quò autem per motus animales magis aucta fuerit vitalium actionum



efficacia, eo citius hæc rigiditas nascitur: hinc nimio labore exercitata animalia ante ætatem senescunt.

Qui ergo fatalem vitæ terminum se removere posse gloriabuntur, tentent hanc rigiditatem senilem præcavere, vel natam curare. Fuerunt ab omni tempore tales jactatores, qui *ἀγῆσται*, imò immortalitatem ipsam, auderent promittere mortuilibus; persuaserunt pluribus, quod omnes sperant avidè. *Galen* sæculo Philosophus librum conscripserat, in quo docebat modum, quo quis senii expertus perpetuò permanere posset. Annum agebat quadragesimum, dum hoc scriberet; ad octogesimum annum vixit postea, sed gracilis adeo & exsuccus factus, ut rideretur ab omnibus: & quamvis proprio exemplo doctrinæ suæ salubritatem ostenderet, tamen effugia quærebatur, dicens, non quemlibet hominem senii expertem permanere posse, sed ad hoc naturâ opus esse idoneâ: & promittebat, se infantium ad hoc idoneorum corpora redditurum immortalia, si statim ab initio illorum curæ præficeretur. Tutò hæc jactabat periturus, antequam adolefcerent (a).

Sed dum in diæta dirigenda fidem tantū promissi ponebat, minùs insaniebat, quàm Chemicus, qui paucis guttulis quotidie sumptis vitam ad mille annos se producere posse gloriabatur; tunc deliberaturi, quando vellent mori. *Paracelsus* ipse quadragesimo octavo ætatis anno mortuus vanitatem hujus promissi demonstravit.

Si quid prodesset ad vitam longam, forent illa, quæ nimiam rigiditatem futuram præcaverent: hinc victum humectantem senibus prodesse, dixit *Galenus* (b), & alibi (c) hanc rem latius deduxit.

§. 129. ILLA fluidi ineptitudo ad transeundum per vasa, quæ à figura sphaerica amissa pendet, cognoscitur perspectis ejus causis (116), quippe sensibiles plerumque sunt.

Demonstratum fuit in §. 115, quòd sphaera sola sit inter figuras solidas, quæ datū orificium transire possit, quocumque situ ad illud delata fuerit; modò diameter orificii transmittentis major sit sphaeræ diametro. Sphaeræ enim omnes sectiones factæ planis per centrum transeuntibus, & cuivis dato plano parallelis, sunt figuræ æquales, similiterque positæ, nempe æquales circuli. Simulac ergo elementa fluidorum, quæ solitaria per ultimas angustias vasorum transire debent, amiserunt hanc figuram, infinitè poterunt esse posituræ, varietates, quibus denegabitur transitus. Sed unde concludi potest, hanc obstructionis causam adeste? Certè minimarum harum molecularum figura in pellucidis vivorum animalium partibus nonnisi oculò armato detegitur; hinc non facile erit per sensus hoc cognoscere in parte obstructa corporis humani. Sed cognitæ sunt causæ §. 116, descriptæ, per quas æquabilis compressio molecularum fluidi tollitur: ubi ergo novimus has causas prægressas fuisse, tunc obstructionem natam deperditæ figuræ sphaericæ molecularum fluidi adscribere possumus.

Sed causæ tres recenscebantur, quæ tollebant æquabilem compressionem elementorum fluidi: languidus nempe nimis fluidorum per vasa motus, quem pulsus ar-

(a) *Galen*. de Marasmo, Cap. 11. *Charter*. Tom. VI. pag. 151.

Tom. VII. pag. 179. 181.

(c) De Marasmo, Cap. v. *Charter* Tom. XII. pag. 183.

teriz docet; laxitas nimia vasorum ex dictis §. 27, & §. 44, adesse cognoscitur; & minuta copia liquidi, quæ scitur adesse, si evacuationes magnæ præcesserint, collapsa sint vasa, siccitas totius corporis obtineat.

§. 130. **SANATUR** verò remediis, quibus illa figura redditur. Qualia sunt, quæ motum augent per vasa & viscera. Ut stimulantia omnia, & roborantia; tum motus animalis citatior.

Corpus humanum illis instructum dotibus, quæ ad sanitatem requiruntur, valet ex ingestis diversissimis inter se conficere sanguinem, cujus elementa sphericam illam figuram habent: hæc autem figura non præexistit semper in particulis assumptorum, sed nata fuit per efficaciam vasorum & viscerum, quæ ingesta convertuntur in naturam nostram. Ubi ergo deficit hæc figura in elementis fluidorum, totum, quod Ars valet, est ut restituat illas causas, per quas naturaliter hæc figura his fluidorum elementis conciliatur.

Sed motus humorum per vasa flexilia, & reagentia valido nixu in distendentes humores, inducebat crudis ingestis hanc figuræ mutationem. Chylus per 12 horas cum sanguine fluens per vasa mutabatur in sanguinem; & eo celerior hæc mutatio, eo perfectior, quò validior esset, cæteris paribus, actio vasorum in fluida: hinc in robustis & exercitatis hominibus ingestorum subita assimilatio; in languentibus & debilibus, tardior.

Patet ergo evidenter, amissam figuram sphericam molecularum fluidi restitui pulcherrimè, si augeatur robur vasorum, quo contenta fluida premunt, ut & si intra idem temporis spatium vasorum efficacia sæpius applicetur fluidis contentis, id est, augeatur circulationis velocitas.

Quomodo verò & per quæ auxilia robur vasorum augeatur, dictum fuit §. 28, & 47. Quà ratione augeatur circulationis velocitas, pariter dictum §. 28. n°. 2. Quomodo stimulantia hunc effectum producant, dictum fuit §. 75. n°. 5.

Dum laxa illa, frigida, & mucosis humoribus plena, corpora curant Medici, excitant gratissimis aromaticis stimulis; & inprimis ferri, in acidis vegetabilibus blandis soluti, usu, languentem motum. Per frictiones, unctiones, equitationes, & corporis exercitia, circulationis velocitatem & efficaciam augent: reddit brevi æmulus ille ruber color, sanguinis boni renascentis indicium; omnesque functiones, quæ languebant antea, vel & penitus depravatæ erant, restituntur. Unde evidenter patet, liberum esse tunc per vasa fluidorum motum; hinc redditam esse figuram sphericam fluidorum elementis, quæ requirebatur, ut per ultimas vasorum angustias in omni possibili positura transire possent.

Motus autem animalis citatior inprimis prodest duplici effectu, augeat enim circulationis velocitatem, & reddit partes solidas corporis firmiores; ut dictum §. 28. n°. 2.

§. 131. **LIQUIDI** spissior concreta moles, quum oriatur à tam variis & diversis causis (117), etiam pro re nata varia remedia, variam sanandi Methodum, requirit: quæ diversitas

sitas in singulis dein morbis indagata ipsa auxilia, & applicandi modum, dabit.

Obstructionis causæ, quatenus fluidis inhærebant, duplices erant: nempe vel figura mutata elementorum fluidi fecerat liquidi immeabilitatem; vel moleculæ, prius separatæ, nunc adunatæ à quacunque causa, non poterant penetrare vasorum angustias. Hæc verò adunatio molecularum à tam variis, imò penitus oppositis, causis pendet, enumeratis §. 117, ut nihil certi quoad curationem statui possit, nisi prius cognoscatur singularis causa, quæ fecerat concretionem. Quies enim & auditus motus, frigus & calor faciunt fluida nostra concrelescere: sed tam oppositæ causæ diversam etiam Medelam requirunt. Dum in morbis languidis chronicis fluidorum immeabilitas nascitur, stimulantibus augetur circulationis velocitas, ut dividatur concretum: dum in acutis inflammatoriis morbis phlogisticus lentor sanguinem spissorem redditit, venæsectione debilitamus vitam, ut tardior fiat sanguinis motus: dum nimis debilia vasa non satis efficaciter agunt in contenta fluida, concretionem nasci possunt in stagnantibus ferè, vel non satis validè motis, liquidis; dum nimis fortia vasa comprimunt contentos humores, expressâ parte tenuissimâ, compactâ parte residuâ (spissiori), concrelescunt.

In singulis ergo morbis, qui ab obstructione nati sunt, vel qui fecerunt obstructionem, omni curâ inquirendum est in indolem causæ, à qua nata fuit liquidorum immeabilitas; aliter nihil certi statui potest. Paragraphus autem sequens generalia tantum tradit auxilia, quibus concretio tollitur fluidorum.

§. 132. **A**T moles concreta in genere tollitur, 1. Motu vasis reciproco. 2. Dilutione. 3. Attenuante fluido advecto, permisto, moto. 4. Coagulante causâ educitâ.

1. Singulis vicibus, quibus cor expellit sanguinem ex suis cavis, arteriæ dilatantur; mox cessante cordis actione, arteriæ iterum contrahuntur: sic alternis vicibus liquidum impulsus superat vasorum resistentiam, & ab illa superatur: hinc omni momento vitæ liquida vasis contenta ad latera vasorum affricantur, inprimis in angustissimis vasorum sinibus, ubi solitaria, vel saltem pauca elementa fluidi simul possunt transire. Hic autem attritus fluidi per reciprocum motum vasorum impedit, quominus concretio nascatur; & simul summum auxilium est, quod concretionem natam tollit. Sanguis noster vasis emissus illico concreescit; per hunc autem attritum continuum à concretionem impeditur. Sed, ut demonstratum fuit §. 119, obstructio inprimis in arteriis locum habet: in arteriis verò ille motus reciproco toto vitæ tempore durat; hinc moleculæ sanguinis adunatæ, hærentes in arteriarum angustissimis, mechanico hoc tritu dividi & resolvi posse videntur: sanguis enim vasis emissus, concreescens illico, attritu solo potest iterum fluidus reddi. Sanguinis insulam rubram concretam solo tritu in mortario vitreo potui redigere in spumescens coccineum liquidum.

Pulchrum habetur apud *Leeuwenhoeckium* (a) Observatum, quod demonstrat efficaciam reciproci illius vasorum motus in dissolvendo sanguine concreto. In ves-

(a) Experiment. & contemplationes, pag. 205. &c.  
Tomus I.

peritione fame & frigore languenti, dein parum refecto, observavit microscopii tenuem illam membranam, quâ expansâ hoc animal alarum instar utitur : nullum observavit motum, nec in arteriis nec in venis, sed post sex horas elapsas, revivificante magis animali, vidit particulam sanguinis concreti oblongam, totum arteriæ cavum implentem, protrudi per arteriam, mox retropelli : dein protrudi iterum, sicque ire & redire hanc viam ; donec tandem hoc attritu resoluta massa per ultimas arteriæ angustias transiret in venam. Non potest haberi Exemplum magis evidens obstructionis ab adunatione molecularum fluidi natæ : & simul apparet, quomodo vitali motu fluidorum per vasa, & attritu ad latera vasorum, dividatur iterum hoc concretum, & resolvatur obstructio.

2. Quando nempe inter moleculas concretas insinuare se potest tenuius fluidum, si, quæ illas à contactu remove, tunc dicitur obstructio soluta esse per dilutionem. Ita si in Exemplo mox narrato, dum massa concreta ibat & redibat in vase obstructo, potuisset affundi tenue liquidum, hoc pressione vasorum attritum cum hoc concreto, illud citius resolvisset. Accedit præterea, quod diluentia aquosa sint, hinc semper laxiora reddant solida nostri corporis. Sed vas laxatum facilius transmittit immeabilem ibi hærentem massulam. Quia autem diluentia sola non semper possunt resolvere concreta, hinc sæpe aliis indigemus auxiliis.

3. Si jam simul diluenti liquido miscantur talia, quæ cognoscuntur habere hanc vim, ut possint solvere concretas moleculas in illas partes, ex quibus concreverunt, tunc omne fit, quod ab Arte expectari potest. Omnia autem hæc assumpta, venis recepta, cordis & arteriarum viribus advehuntur ad locum obstructum ; dumque hæc massula concreta adhuc mobilis est, ut reciproco motu ire & redire possit, illam continuè præterlabuntur, cum illa teruntur, moventur, miscuntur, donec resolutio facta fuerit. Verùm ubi adunatae moleculæ, compactæ & immobiles hærent in vasorum angustis, tunc liquidum attenuans per vas obstructum protrusum à tergo urgere potest massulam obstructentem, non verò præterlabi, nec cum illa moveri & misceri ; & tunc magna difficultas est resolvendi hoc concretum. Tale videtur obtinere malum in inflammatione non resolvable, ubi optima diluentia & attenuantia, magnâ quamvis copiâ ingesta, non valent dissolvere concretum inflammationis viscositate sanguinem.

4. Si hoc fieri possit ; nam hic plerumque videtur hære magna difficultas : dum enim per acida v. gr. coagulum sanguini inductum fuit, cognita quidem sunt corpora, quæ acidum trahunt ; sed si coagulatus sic sanguis in ultimis vasorum angustis hæserit, lateribus vasis obstructi ubique contiguus, non erit facilis aditus ad hoc obstructens coagulum. Præterea acida illa fortissima non inducunt coagulum tantum interpositione suarum partium inter partes sanguinis antea non cohærentes, sed uno momento, & ipso quasi tactu, cohære inter se cogunt separatas massulas ; hinc sanguini de vena fluenti, per acida admista statim coagulato, admixtis alcalinis, quæ acidum in se statim trahunt, non redit pristina fluiditas. Si à spirituosus fermentatis tale coagulum inductum fuerit, eadem, imò major erit difficultas ; cum spirituoso illo expulso, factum tamen coagulum maneat. Serum enim sanguinis, ab alcohol affuso induratum, non dissolvitur, expulso coagulante per calorem tam lenem, qui serum concrefcere minimè faceret. Ubi verò à gelu coagulum inductum est sanguini, possumus spicula illa glacialia educere, admodò prudenter aquâ frigidiSSimâ ; sed quâ methodo, & quibus cautelis, hoc fieri debeat, dicitur §. 454.

§. 133. **R**ECIPROCUM vasi motum conciliant. 1. Quæ distendentes causas temperant, ut est venæsectio. 2. Quæ vasa roborant (28. 29. 45. 46. 47. 49.) 3. Frictio, & muscularis motus. 4. Stimulantia.

1. Causæ distendentes arterias sunt sanguis illas replens, & vis cordis urgens sanguinem in arterias plenas. Ut autem reciprocus motus systoles & diastoles in arteriis maneat, non debent distendentes causæ tolli, nisi enim arteria prius distendatur: non contrahetur postea: sed debent sic temperari, ut possint vicissim cedere causis illis, quæ arteriæ systolem faciunt: hinc merito dicitur, causas distendentes esse temperandas. Si enim distentæ arteriæ non possint se evacuare in venas nimis plenas, vel arteriosi fines obstructi denegent transitum, cor perget hæc vasa distendere, nec poterunt se contrahere; unde cessabit ille reciprocus motus. Omne enim vas nimis distensum, si repletum maneat, est vas mortuum. Si jam hoc in omnibus vasis fieret, mors sequeretur illico: dum in quibusdam vasis hoc obtrinet, in illis nulla fit circulatio, sed in distentis vasis liquidum immobile stagnat.

Unicum tunc remedium est, quod tollit hanc plenitudinem, nempe venæsectio, si venæ simul nimis plenæ transitum ex arteriis impediunt. Si verò in arteriis distentis circa finem obstructis aggestus hæreat sanguis, arteriotome prodest potius; quia cum liber transitus ex arteriis in venas impeditus est, venæsectio plenitudinem nimiam arteriarum tollere nequit. Sic in morbis acutis salutari naturæ molimine toties soluta in naribus arteriola plenitudinem illam tollit. Ideo tam sollicitè omnia signa recensuit Hippocrates, quæ docerent Medicum, moliri naturam hanc viam, ne imprudenti curâ turbaret, vel impediret salutarem hanc evacuationem.

Sed præterea per sanguinis missionem minuuntur vires, quibus cor sanguinem in arterias pellit: possumus enim vitam minuire pro lubitu, imò animi deliquium & mortem ipsam inducere per sanguinis missiones. Hinc patet sic omnium efficacissimè minui distendentes causas.

Patet hoc clarè in summè plethoricis, in quibus, dum vasa nimis distenta se contrahere nequeunt, suffocatur circulatio; pulsus incipit languidus fieri, imò statuarum instar obrescunt: simulac largâ venæsectione solvitur hæc plenitudo, contracta vasa propellunt distendentes humores, redeuntque vires suffocate antea.

Quantam autem efficaciam habeant hæc evacuationes in solvendis obstructionibus, docent pulcherrima Observata. Dum pleuritide acutissimâ decumbit homo, præ doloris acerbitate respirationem supprimens seipsum suffocat: dum sanguis mittitur, sæpe statim levamen sentit; imò aliquando omnis sedatur dolor, contractis vasis repellentibus obstruentes massulas in majora vasa. Monitus per insomnia Galenus, juvenis adhuc, sibi ipsi dissecuit dextræ manus arteriam inter indicem digitum & pollicem sitam; permisit sanguinem effluere, donec sponte sisteretur; sic enim somnium præceperat: & subito diurnus dolor extinctus est, in illa maximè parte fixus, quâ jecur diaphragmati committitur. Alii homini per vulnus in malleolo inflatum vulnerata fuerat arteria, nec quievit hæmorrhagia, donec Galenus vocatus totam arteriam disseccaret; sed huic homini quarto jam anno molestus coxæ dolor inde sanatus fuit (a).

(a) Galen. de Curand. ratione per venæsectionem, Cap. XXIII. Charter. Tom. X. pag. 451.

2. Reciprocus motus contractæ & distentæ alternis vicibus arteriæ fiebat à cordis vi impellente sanguinem, & arteriæ elasticitate & vi muscolari, quâ se contrahit. Sed demonstratum fuit §. 26, nimiam debilitatem fibrarum producere vasculorum, ex his conflatorum, extensionem, & in liquida contenta ineriam; hinc ubi nimia laxitas vasorum facit, ut minori efficaciâ se contrahant, tunc vasorum roboratio locum habet.

Sed ipsa nimia distensio vasorum robur debilitat. Sic vesica, diu distenta in urina retentione, paralytica serè facta, omnem se contrahendi vim amittit: & fortè ab hac causa, plurima in morbis pendent. Qui validâ laboraverunt ophthalmiâ, sæpe 10.â vitâ habent nimis laxa hæc vascula; unde à levissimis causis distenta rubent: roborantia, prudenter applicata, sola tunc profunt. Post morbos acutos inflammatorios capitis, sæpe manent lætæ adhuc cerebri functiones, quamvis dudum deferuerit morbi impetus; pulposis corticis vasculis infarctis adhuc manentibus: sensim solutâ materie obstruente, aucto vasculorum distentorum robore superatur malum. Si debilitante curâ pergat Medicus, insanabilis sæpe postea stultitia manet.

Quomodo autem, & per quæ, vasa roborari possint dictum fuit numeris citatis.

3. Per frictions fit successiva & repetita sæpius vasorum mollium compressio & laxatio; hinc frictio supplet reciprocum illum vasorum motum. Possumus per friciones, premendo liquida ab apice versùs basim, facere, ut arteriæ venæ fiant; atque ducere obstruens immeabile ex angustis arteriarum sinibus in latiorum locum; relaxatâ parte, mox pellitur iterum in priores angustias: dum hoc fit sæpius, idem erit perfectè, quod in vesperillione viderat fieri *Leeuwenhoeckius*, id est, ita illo & reditu atteretur & dividetur illud obstruens, sic ut transire possit in venas.

Quantum autem valeant friciones in resolvendis obstructionibus, docent Observationes Medicæ. Parotidem glandulam induratum, plurimis, illisque efficacissimis remediis frustra tentatam, resolutam vidi, dum bis de die, vaporis aquæ tepidæ cum aceto, expositâ priùs parte, pannis laneis perfricaretur per horam. Idem in strumosis colli glandulis observatum est sæpius.

MUSCULARIS MOTUS verò huc convenit, quatenus per illum accelerato venosi sanguinis motu cor irritatum fortius & sæpius contrahitur: hinc augetur circulatio, & vasa eodem dato tempore sæpius distenduntur, & contrahuntur vicissim.

4. Constat Observatis certissimis, esse talia in Arte remedia, quæ ingesta vel applicata corpori nostro augent motum in toto vel in parte; hæc vocantur stimulantia. Illa autem, mista viali fluido per vasa moto, videntur vel suâ mole & figurâ talibus ut paucissimis punctis impetum sui motus communicent partibus quibus applicantur, irritare vasorum latera in frequentiores & validiores contractions; tuncque Mechanicis legibus explicari potest horum actio. Vel sunt talia, in quibus licet sensibus nihil acrimoniæ detegatur, quæ tamen certissimo effectu, quamvis lateat modus agendi, motum humorum per vasa, & vasorum attritum ad contentos humores augeant. De his autem dictum fuit §. 75. n°. 5, & §. 99. n°. 2.

§. 134. **D**ILUIT aqua, calida inprimis, si hausta, injecta, exhalans, applicata; atque, dein ad loca, ubi solvendum hæret, pulsa sit. Quò derivantia, attrahentia, propellentia, spectant.

Respectu liquidorum nostrorum, si pingua exceperis, unicum tantum diluens habetur, nempe aqua; & reliqua omnia, quæ diluentia dicuntur, tantum agunt ratione aquæ, quam continent. Diluere autem propriè dicitur, si aqua, admisione & interpositione suarum partium, separat adunatas moleculas. Sed requiritur certus caloris gradus, ut aqua diluat: frigida enim potius coagulat fluida constringit vasa; utroque hoc effectu nocens in hoc casu. Fervida aqua sanguinem uno momento concrefcere facit. Omnium optimus ille caloris gradus, qui parum tantum excedit sani corporis calorem. Aqua talis, vaporis formâ, vel specie fomenti, cataplasmatibus, &c., applicatur parti affectæ; vel potata, vel clysmate injecta, vel denique venulis absorbentibus, in corporis interna & externa superficie positâ, resorpta, miscetur sanguini: & tunc æquabiliter per totum corpus distribuitur. Sed indicatio curatoria requirebat inprimis, ut diluens aqua ad locum obstructum iret plûs quam ad alias partes.

Habemus jam in Arte talia auxilia, quæ faciunt, ut liquidi vitalis impetus & copia augeantur in parte quadam corporis. Sunt autem talia, quæ minuunt resistantiam in loco versùs quem indicatio jubet, ut majori imperu & copiâ ruant humores. Sed liquido, in partem corporis quancumque pellendo, resistunt vasorum plenitudo & robur: omnia ergo, quæ vasa deplent, vel vasorum latera reddunt minùs resistentia, efficiunt, ut in hæc vasa majori impetu & copiâ ruant humores. Hinc fomenta, cataplasmata, vapores aquæ tepidæ, laxando vasorum latera, hoc efficiunt: cucurbitæ pariter, atmosphæræ pressionem dum tollunt in loco, cui applicantur, resistantiam minuunt: frictions venas deplendo faciunt, ut arteriæ celerius se in venas depletas evacuent: hinc circulationis velocitatem in parte augent; efficiunt ergo, ut eodem dato tempore major humorum copia, auctâ celeritate per Artem, fluat: dum scarificantur partes, quibus imponuntur cucurbitæ, depletis vasis adhuc magis minuitur resistentia. Præterea omnia illa, quæ applicata corpori stimulo suo vasa irritant in celeriores contractiones, eam eandem causam idem præstant. Hinc sinapismi, vesicatoria, &c., tanto cum fructu adhibentur in hunc usum.

Paret per Experimenta, quanti usûs sint hæc auxilia. Dum pars corporis exponitur aquæ tepidæ vaporibus, incipiet brevi tumere & rubere, majori copiâ liquidorum huc derivatâ. Dum in acuta phrenitide omnes turbantur cerebri functiones, balnea, epispastica, cucurbitæ, applicata inferioribus paribus, quantum levamen adferunt! Pleuritis longè pulchrius curatur, si calidis fomentis emollientibus nocte & die tegatur affectum locus. Dum strumosis colli glandulis laborantibus solventissima exhibentur remedia, nisi partibus affectis fomenta applicentur, vix multum profunt.

Omnia ergo, quæ hoc efficiunt ut in loco ubi obstructio hæret vasa depleantur celerius, & impleantur facilius, *Derivantia* & *Attrahentia* dicuntur: quia faciunt, ut aqua corpori applicata, venis recepta, sanguini mista;

intra datum tempus majori copiâ veniat ad partem affectam.

Sed *Propellentia* dicuntur talia auxilia, quæ motum humorum per vasa augment: hoc enim aucto, celerior fit propulsio aquæ sanguini mixtæ. Sed hæc agunt æquabiliter in totum corpus: attrahentia autem & derivantia aucti motûs effectum versus partem obstructam determinant.

Quando jam hæc simul conspirant, sanantur sæpe talia mala, de quibus desperabant ferè omnes. In spina ventosa, & veneris ossium morbis, qui omnia ferè vel optima remedia eludunt, datur magna copia decocti ligni guajaci: impleto dein corpore per hoc decoctum, suscitatur major motus, dum per accensum vini spiritum, nudo sub stragulis decumbenti ægro applicatum, excitatur febris: sic decoctum guajaci celerius propellitur per omnia vasa. Interim pars affecta vel fomentis mollissimis obvolvitur, vel sic locatur, ut directè recipiat accensi spiritûs halitum: sic derivatur & attrahitur in hanc partem remedii efficacia, & sæpissime sanatur.

§. 135. **A**TTENUANT 1. Aqua. 2. Sal marinus, gemmæ, ammoniacus, nitrum, borax, fixus alcalinus, volatilis. 3. Saponex ex alcali & oleo nativi, compositi, fuliginosi, volatiles, fixi, bilis. 4. parata mercurialia. Quæ ipsa perducuntur ad loca debita per derivantia, attrahentia, propellentia.

1. **AQUA** inter illa, quæ attenuant, principem locum obtinet. Adepti dixerunt ex aqua, per feminine rerum principium mutata, concrevisse omnia; & ultimo Artis & naturæ effectû in aquam omnia resolvi posse. Hinc ferè universales solvendi vires in aqua agnoverunt. Elementis enim aquæ hæc proprietas inest, ut calore (aqua enim in glaciem concreta vim solvendi non habet) à se invicem separata, possint locare in interstitiis suis corporum solutorum particulas, illasque ibi sustinere sic, ut simul cum aqua penetrent per minimas angustias, per quas aqua sola transire posset, nisi occurrant in hoc itinere alii corporibus, quæ soluti corporis in aqua particulas fortius trahunt, tunc enim excutiuntur: v. gr; salis marini granum sic solvitur in aqua ut dispereat totum, & licet decem libris aquæ diluatur, in singulis aquæ guttulis hærebit proportionalis salis soluti molecula, poteritque sal sic solutus in aquæ magna copia transire per omnia vasa, per quæ aqua ipsa posset transire. Sed Experimenta docuerunt subtilissimam, quæ sub sensu cadit, fluidorum humanorum partem, aquam esse, saltem pro maxima parte. Urina recens emissâ halituosum quid spargit, quod vasis puris collectum aquam exhibet, in qua aliquid spirituosus odorati hæret. Similis vapor & ex sanguine sano, recens missus, exhalat. Subtilissimum exhalans de tota corporis superficie fluidum, cædioso labore collectum; aquam exhibuit, in qua latebat subtilissimum aliquid sollo ferè odore distinguendum; quod an aqua sit, an aliud quid, nondum per Experimenta constat. Sætem inde patet; potuisse aquam transire per exhalantia vascula, quorum centena & amplius millia in spatio unius grani sabuli biant, secundum calculum *Leeuwenhoekii*; ubi ergo obstruens molecula per aquam poterit attenuari & solvi, ibit cum aqua per minima quæque vascula, & resoluta erit obstructio.



Hinc ablata sæpe modicâ aquæ quantitate immeabiles redduntur humores, qui antea per angustissima fluxerant vasa; reddicâ aquâ, iterum attenuantur: v. gr; arteriæ exhalantes in narium cavis subtilissimum efflant liquidum, quod, dissipatâ parte mobilissimâ aquosâ, concrevit in mucum tenacem; mucus tamen ille iterum per aquam attenuari & solvi potest.

Sed vis hæc-attenuans aquæ non valet solvere omnia concreta in corpore humano observata. Salina quidem omnia, mucosa, mucilaginosa, gelatinosa, pituitosa frigida, saponacea, concreta per aquam attenuantur & solvuntur: sed inflammatoria sanguinis spissitudo, concreta oleosa, sebacea, calculosa, &c, per aquam non solvuntur. Habentur tamen in Arte & alia auxilia, quæ concrectiones illas dividunt, quas sola aqua solvere non posset; ut sunt salina multa, saponacea, &c. Sed & omnia ferè hæc aquam requirunt pro vehiculo, ut penetrare possint ad locum obstructum. Aqua ergo in obstructionibus referendis ferè universalem usum habet, dum vel agit attenuando, vel saltem vehiculi instar alia solventia deducit ad locum obstructum.

2. **SAL MARINUS, GEMMÆ, AMMONIACUS.** Satis affines sibi mutuo pluribus doribus hi sales simili ferè attenuandi efficacità pollent. Duo priores æsumpti humoribus nostris miscentur quidem, sed per lotii vias immutati ferè redeunt: hinc licet per pleraque corporis vasa transeant, tamen horum actione non immutantur. Omnia autem illa, quæ ingesta per corporis vires mutari nequeunt, semper majorem morum excitant; hinc & stimuli vice funguntur simul.

Ammoniacus autem sal, prioribus levior, salibus nativis sanguinis magis affinis, per vires nostri corporis mutabilis, & penetrabilis maximè, præfertur ferè, & laudatur meritò tanquam summum deobstruens in acutis æquè ac chronicis morbis.

Videtur autem salium horum actio inde pendere, quòd humoribus misti soluti, ad locum obstructum delati, vasorum actione quasi attriti ad moleculam obstruentem, pondere suo & figurâ dividant illud concretum, siccque aptum reddant, ut transire possit per vasorum angustias; dum simul stimulo suo vasorum in contenta fluida actionem augeant.

Quantam autem vim habeant, docent Observata Medica. Dum à contusione sub integra cute, fractis vasis, sanguis in thrombum concretus hæret, sales hi soluti in aqua, applicati loco contuso, felicissimè concretum sanguinem resolvunt. Qui sale marino abutuntur, sanguinem randem habent sic dissolutum, ut vix vasis coerceri possit; unde validissimæ sæpe hæmorrhagiæ oriuntur, partim à nimis dissoluto sanguine, partim à nimia acrimonia humorum, crosis vasis.

**NITRUM.** Hodiernum à Veterum nitro penitus differre videtur: illud enim videtur vel fuisse alcalinæ naturæ; vel sale ammoniacum Veteres vocaverunt nitrum. Plinius (a), dicit, *nitrum in picatis vasis adferri, ne liquefceret; calce respersum reddere odorem vehementem; in testa aperta exuri, ne exulset.* Sed hæc dotes soli ammoniaco perfectè conveniunt; nitro autem hodie in Officinis dicto minimè quadrant. Alio autem in loco (b) de vitri inventionem scribens, narrat: *Famam ferri, quòd appulsâ nave mercatorum nitri, cum sparsi per litus epulas pararent, nec esset cortinis autollendis lapidum occasio, glebas nitri de nave subdidisse quibus accensis per-*

(a) Lib. XXXI. Cap. x.

(b) Lib. XXXVI. Cap. xxvi.

*misit arenâ litoris, translucentes nobilis liquoris fluxisse rivis, & hanc fuisse originem vitri.* Sed hæc Historia alcalinam nitri Veterum indolem arguere videtur: unde Boyleus & alii dixerunt, sodam Ægyptiorum esse nitrum Veterum.

Illud autem, quod hodie in Officiis nitrum vocatur, Veteribus videtur incognitum fuisse, miro modo ambigens inter naturam vegetabilem, animale, fossilem. Reperitur enim in desertis & inhabitatis locis in Indiis orientalibus crustâ tenuissimâ superficiem terræ regens; post largas pluvias inprimis apparet. In aliis locis de terra nigra excoquitur; in vetustis ædificiis, cœmeteriis, stabulis, columbariis colligitur nitrum: in plantis quibusdam reperitur sal essentialis, solâ inspissatione succi expressi & depurati collectus, qui omni dote nitrum refert.

Nitrum hoc, si purum sit ab omni sale marino, in aere siccum manet, in aqua solvitur totum, inter salia ferè levissimum; summum attenuans, per corporis vires mutabile, refrigerans, tantum usum habet, inprimis in morbis acutis, in quibus obstructions ab inflammatoria sanguinis densitate nascuntur. Præfertur tunc salî marino & gemmæ, quia levius est, & superabile corporis viribus: salî ammoniaco verò præfertur, quia sal volatilis alcalinus, in his morbis nocens, magnam partem salis ammoniaci constituit; extricandus fortè à ligante acido salis marini, si occurreret putrefactis vel alcalinis humoribus.

BORAX. Mirabilis penitus sal, cujus Indoles nondum bene cognita est, & cujus Historia confusa penitus vel apud optimos Scriptores habetur. Voluerunt esse Veterum chrysocolam: sed *Dioscorides* (a) colorem porri lætè virentis commendat in chrysocola, & monet in fine capituli, esse ex eorum genere, quæ vomitum concitant, imò & necem inferre possunt: & alibi (b) ex urina & ære Cyprio parari glutem, auro ferruminando idoneum (*ἀρμόζουσι τὴν τῆς κυρίου κόλλα*) dicit. *Plinius* (c) segetis instar lætè virentis colorem commendat: unde in *Neronis* sepulcrulis circi arenam chrysocolâ strata fuisse dicit. Monet etiam vomitum excitare, & auri fabros illud sibi vendicare agglutinando auro; sed addit tunc Cypriâ temperari ærugine, & pueri impubis urinâ, addito nitro.

Unde ex colore & effectis videtur Veterum chrysocola cuprum in se continuisse: sed in *Actis Academiæ Regiæ Scientiarum* (d) celeberrimi Viri, salis hujus proprietates indagantes, invenerunt, boracem nihil in se cupri habere; sed esse naturæ utcumque alcalinæ, magnâque affinitatem habere cum soda Ægyptiorum; verum esse minùs alcalinum, & habere præterea in se terram vitrificabilem, & salem neutrum nondum bene cognitum.

Inter deobstruentia remedia magnum nomen obtinuit; unde & difficillimis morbis sanandis solet adhiberi, partim miro, quem habet, stimulo, partim vi salinâ attenuante agens.

FIXUS ALCALINUS. Artis tantùm, non naturæ filius, à Kali herbulâ dictus; quæ vivis flammis combusta, cineres salissimos relinquit. Sal ille ex variis admodum paratur vegetabilibus, semper ferè idem, tantùm majori vel minori acrimoniâ diversus. Adhibetur inprimis, ubi frigus, inertia, lenta pituita prædominantur; ubi calor, putredo, siccitas magna adsunt, non adeo tutus horum salium usus.

VOLATILIS. Omnia hæcenus explorata animalia & vegetabilia, per pu-

(a) Lib. V. Cap. crrv.

(b) Lib. II. Cap. xcix.

(c) Lib. XXXIII. Cap. v.

(d) L'An. 1728. 1759. 1732. &c.  
trefactionem

trfractionem dant salem volatilem alcalinum. Animalia omnia hæcenus examinata simplici destillatione hunc salem largiuntur. Animalium humores non alcalini, admisso sale fixo alcalino, præbent salem volatilem alcalinum. Plantæ quædam acerrimæ, ut sinapi, cochlearia, nasturtium, cepæ, &c, salem talem continent, fractis tantum plantarum harum partibus, suo halitu se manifestantem, & levi destillatione facillè inde extricandum. Ex omnibus illis natus sal volatilis alcalinus, per Artem purissimus redditus, omni dote apparet idem.

Usum habent eundem ferè hi sales, ac alcalini fixi; sed mobilissimi, levissimo caloris gradu disperguntur quaquaversum, & aufugunt; hinc non tam durabili effectu agunt; si verò coercentur ad locum, ubi agere debent, omnia destruant: sal enim alcalinus volatilis, cuti applicatus, & tenaci emplastro testus, illam comburit in crustam gangrenosam. Majorem ergo adhuc cautelam horum salium usus requirit.

3. Saponem omnes olei cum sale accuratam adeo miscelam habent, ut in aqua dilui possint, absque ullo apparente oleo; hoc enim requiritur, ut saponem dici possint. Tales jam saponem habentur plurimi nativi. Mel, Veteribus adeo usitatum, & Chemico examine, & pulcherrimo usu in morbis, inprimis acutis, imò & in chronicis plurimis, saponaceas vires solventissimas exhibuit. Saccharum posterioribus sæculis maximo in usu, antiquis tamen, uti videtur, cognitum, in igne deflagrans, in aqua solubile & in crystallos redigendum, simili valet efficaciâ. Fructuum horæorum bene maturorum succi recentes vel & in sapam inspissati, incredibili solvendi virtute fundunt omnia. Herbarum recentium succi nativâ miscellâ oleum & salem sic unita habent, ut saponem merito dici possint; imò in quibusdam tanta efficacia est, ut saponis Arte parati instar, sordidas emaculent vestes: docet hoc saponariæ dictæ herbæ succus.

Dum certâ lege oleum animalium, vel vegetabilium, acri sali fixo alcalino unitur, nascitur sapo: in quo antiqua detergens & dissolvens lixiviosi salis vis inest, omnia oleosa, pinguis, resinosa, pituitosa, amurcosa solvens; abest tamen nimia & sæpe rodens acrimonia salis alcalini fixi. Hinc talis sapo, aquâ dilutus vel vacuo ventriculo & intestinis inprimis in propriis humoribus horum viscerum huc affluentibus solutus, universale ferè deobstruens dat, turò faciens, quod acriora solventia nonnisi cum periculo efficerent.

Efficacissimi per Artem parantur saponem, dum purissimum & attenuatissimum oleum vegetabile jungitur sali alcalino sincerissimo fixo, vel volatili. Sic alcohol vini cum sale volatili alcalino concrevit in saponem mirabilem, *Offam Helmontianam* dictum. Idem Alcohol, ab omni aqua liberum, siccissimum ab igne sali fixo alcalino unitum, verum facit saponem. Æthereum terebenthinæ oleum, alcalino sali difficili Arte unitum, saponem præstantissimum facit, *Starkeyanum* vulgò dictum. Quò purius & subtilius oleum, quò magis sincerus sal fuerit, eò præstantior usu sapo inde natus.

**FULIGINOSI.** Fumus, dum aperto igne combustilis materia uritur, camino receptus, condensatus, ejus parietibus accrescit formâ flocculorum nigrorum: est verus carbo volatilis pingui oleo dives, fuligo dictus. Chemica hujus analysis docet, in aquam, sales, olea, terram, resolvi posse; unde saponacea ejus indoles patet. Cataportia ex fuligine facta, auro obducta ne displiceant nimis, deglutita in lentis morbis, vi attenuante saponaceâ summus fecerunt effectus.

BILIS verum saponem nativum in animali corpore exhibet. Crudis ingestis, per ventriculi actionem jam parum subactis in homine statim bilis affunditur, ut æquabilissima fiat omnium miscela, & solubilitas in aquosis. Sericeas vestes, pinguibus maculatas, bile animalium pulchre depurare noverunt Artifices.

Pretiosa pigmenta Pictores bile diluunt, ut æquabilissimè diduci possint. Quantam autem vim dissolvendi habeat bilis, docent morbi, in quibus bilis, impedita fluere per consuetas vias, regurgitat in sanguinem; dissolvitur enim totus in aquam tenuem; unde diuturnum icterum sæpe semper hydrops sequitur. Bilem inspissatam in extracti formam, ne putrescat, servant Officinæ: unde cataporia fiunt ad hos usus. Imò tumido abdomini juniorum inuncta bilis inspissata fundit concretas massas in intestinis hærentes, & per alvum evacuat.

Pro varia jam morborum indole varii sapones adhibentur. Sapo, Veneris dictus, ex purissimo oleo pressio & sincero sale alcalino factus, sine ullo sæpe renixu fundit omnia; in morbis autem acutis, putridisque, non semper adeo tuti usus: tunc mel, saccharum, horarum fructuum succi recentes, vel inspissati præferuntur; maximi usus in primis, ubi inflammatorium spissum resolvendum est. Si frigus, inertia, mucosa humorum indoles prædominentur; acriores saponis fuliginosi, vel ex oleis stillatis aromaticis & sale volatili alcalino facti, ut sunt sales volatiles oleosi Officina- rum, præferuntur. Prosumt tunc & illi, qui ex alcohole & salibus fixis alcalinis fiunt, &c. Ubi putredo adest, vel futura metuitur, à bile, adeo sponte in putredinem pronà, abstinemus.

4. PRÆPARATA MERCURIALIA. Argentum vivum, sic dictum est, quia argenti fulgorem suo splendore refert, & tremulâ fluiditate vitalis quid habere videtur: unde & ὀδὸν ἄργυρου vocavit *Discorides*; ἄργυρον ζώντον *Aristoteles*, quasi argentum mobile dixit; hoc Veteribus quidem cognitum fuit, sed damnatum tanquam deleterium. *Discorides* (a) dixit hydrargyron epotum eadem facere, quæ lithargyron, cujus noxas (b) descripsit: & alibi (c) monet, quidd oporteat servari hydrargyron in vitreis vel plumbeis, vel stanneis, aut argenteis vasis; aliam enim omnem materiam exedit, & facit diffuere; potestatem autem habet deleteriam epotum, gravitate erodens interiora. *Plinius* (d) pariter damnavit, vocans argentum vivum vomican liquoris æterni, rerum omnium venenum, quod exest, ac perumpit vasa permanens tabe dirâ: unde & posse (e) minui, ex quo argentum vivum excoquitur, usum in Medicina tanquam temerarium damnavit. *Galenus* (f), brevi tantum sermone agens de hydrargyro, dicit, se non habere ejus nullam Experientiam; neque ut interimentis, si epotum fuerit, neque an id faciat externè appositum. Proscriptus hinc fuit argenti vivi usus etiam à Græcis Medicis recentioribus Arabes primi incepterunt externo usu argentum vivum ad cutaneos morbos sanandos. Postea ad luem veneream curandam laudaverunt externum tantum usum Medici, donec primus fuerit *Joannes de Vigo*, qui præcipitatum rubrum internè exhibuerit. Postea ipsum argentum vivum in nativâ forma dederunt in pilulis *Barbarræ* dictis; ut in tractatu absolutissimo de Morbis Venereis demonstrat celeberrimus *Astruc* (g).

(a) Lib. VI. Cap. xxviii.

(b) Ibid. Cap. xxvii.

(c) Lib. V. Cap. cx.

(d) Lib. XXXIII. Cap. vi.

(e) Ibid. Cap. viii.

(f) Lib. IX. Simplic. Medicament. Charters Tom. XIII. pag. 270.

(g) Pag. 126, & seq.

Mirabile hoc fluidum metallicum, soli auro pondere cedens, simplicissimum est & divisibile admodum, cum per ignem volatilis sumi formâ dissipetur in auras; (quantum enim debuit increvisse superficies ratione molis, antequam ponderosissimum argentum vivum in aere sustineri possit!). Nullam præterea habet acrimoniam sensibus observabilem; cum & oculi tenerimus sensus, & crudum vulnus nullam asperitatem, nullum dolorem ab applicato argento vivo percipiant. Dum blandum adeo apparens & iners remedium corpori viventi applicatur externè per linimenta, emplastra, &c, vel & in vapores resolutum bibula ingreditur extrosum patentia vasa; vel deglutitum parvâ copiâ & repetitis vicibus fuerit, miro modo mutat totum corpus, fundit, dissolvitque totum sanguinem in fœtidam quasi colluviem, quam per salivationem, vel & per alvum quandoque de corpore expellit.

Oritur tunc primò ægritudo per totum corpus, major calor, febris, vires incipiunt prostrerni quasi, appetitus minuitur, sitis oritur major; post cadaverosus hætus expirat ore; gingivæ, lingua, palatum, tonsillæ, glandulæ sub lingua & aliæ vicinæ incipiunt tumere, dolere, calere; dentes assurgunt; lingua ad latera & apicem, ubi dentibus contigua est inprimis, ulceribus albis dolentissimis eroditur; similiter & pars interior genarum & labiorum afficitur; tota facies tumet; labia tumentia retrorrida sunt fœdo aspectu; tunc effluit viscosus olidus humor ingenti sæpe copiâ, exulcerans omnia loca, quæ alluit. Durat hoc per plures dies: sensum tunc minuuntur omnia recensita, exhaustum apparet totum corpus, & decolor. In quibusdam, vel ex suppressa salivatione jam incepta per frigus admissum inprimis; vel ex peculiari idiosyncrasia versùs ventriculum & intestina tendit remedium virtus; & similia tunc in his partibus videntur oriri mala, quæ oculis videmus fieri in partibus oris interni. Tunc sævissima cardialgia, & tormina intestinorum acerbissima oriuntur, alvi fluxus aquosus, olidissimus, copiosus, subitò sæpe vires prostrernit, animi deliquia, imò ipsam mortem producit.

Hoc saltem patet, argenti vivi usum, five per salivales ductus, five per alvum educantur humores, dissolvere omnia, attenuare, dividere: sanissimum enim homo, opimâ corporis pinguedine nitens, incautus dum argentum vivum, ad curandam scabiem, corpori affricat, validissimam passus fuit salivationem per viginri dies, totus pallidus & emaciatus emerfit, totus sanguine sic dissoluto, omni pinguedine attenuatâ &eductâ de corpore.

*Pitæarnius* (a), qui ex communibus omnium corporum legibus plurima deduxerat pulcherrima in Medicina, fuit in illa opinione, gravitatem argenti vivi solam sufficere, nec aliam facultatem hic desiderari, ut explicentur mirabiles illi effectus: imò audaçter addidit, aurum, in formam sanguini permiscendam redactum, habiturum vires ponderi proportionales, & omnia Medicamenta tantum superaturum virtute, quantum pondere superaverit.

Argentum nempe vivum in minutissimas moleculas divisibile, sanguine serè decies & quater ponderosius, venas ingressum, per pulmonis angustias pulsum, ex sinistro corde cum sanguine in arterias projectum, habebit eandem celeritatem ac reliquæ sanguinis moleculæ; momentum ergo motus in argenti vivi particula erit ad momentum motus in sanguinis molecula, ut pondus argenti vivi est ad

(a) Dissertatio de causis diversæ molis, quæ sunt sanguis per pulmonem, natis & non natis; pag. 37. 38.

pondus sanguinis. Tantâ ergo vi irruentes argenti vivi particulæ in sanguinis moleculas, illas dividunt, & attenuabunt: rubedo peribit in sanguine dissoluto; extricabuntur olea & sales attenuata pariter, unde fetor & putredo: attenuati humores per dilatata, impetu irruentis tantâ vi argenti vivi, vasorum oscula, exibunt de corpore. Omnia autem hæc effecta debent augeri, quia argenti vivi moleculæ motum semel impressum diutius retinent: demonstraverunt enim Mechanici, retardationes corporum æqualium, sed diversæ densitatis, æquali cum velocitate per idem liquidum motorum, esse in ratione inversâ densitatum.

Simplex hæc, & cognito ponderi argenti vivi innitens, explicatio mirabilium horum effectuum sufficere visa fuit. Quædam tamen seriò hæc meditati obvenerunt dubia, quæ non prurigne obloquendi Viris, quos vinceror, sed veritatis amore, meliora addicere paratissimus, proponam.

Ex universalibus illis argenti vivi proprietatibus non videtur explicari posse, quare soluti per vim assumpti argenti vivi humores per salivales ductus potiùs ruant, quàm per alia corporis loca.

Præparata mercurialia Officinarum in parva quantitate omnes illos producant effectus, quos longè major argenti vivi copia tantùm facit. An verosimile apparet in corpore humano argentum vivum extricari ita posse ex his præparatis, ut nativa ipsi forma redeat, & pristinum pondus; cum per Artem nonnisi summo igne, & additis talibus, quæ acidum argento vivo unitum in se trahunt potentissimè, hoc fieri possit? Et licet daretur, sic reviviscere in corpore argentum vivum, nondum ulla patet ratio, quare pauca grana facerent, quod uncia integra argenti vivi vix efficit.

Novi satis, quid respondeatur ad hanc difficultatem; quòd nempe argenti vivi minutissimè divisi moleculæ, salinis spiculis infixis horridæ; pondere metallico unito concentratissimo acido, plùs dividant omnia, quibus occurrunt. Sed consideretur præcipitatum album Officinarum, levissimum exhibens inter præparata mercurialia pulvisculum: in ejus præparatione enim, assusâ murîa salis marini, excutitur in spiritu nitri solutum argentum vivum, edulcoratione repetitâ pulvis ille insipidus ferè & blandus fit; tamen vidi sæpies, quòd granis viginti, divisis dosibus datis, imò & aliquando longè minori quantitate excitata fuerit satis valida salivatio. Levitas hujus præcipitati albi, & debilis salium argento vivo unitorum acrimonia in hoc pulvere, videntur repugnare huic sententiæ.

Nobili Viro cæcitate languidâ & confirmatâ utriusque oculi laboranti, jusserat empiricus, ut bina grana pulvisculi mercurialis (quem postea turbith minerale fuisse dixit) naribus attraheret, statim vomitu, sudoribus, sedibus, urinâ, salivâ, lacrymis, decem aut duodecim horarum operatione, adeo commotus fuit, ut caput ejus plurimùm intumuerit; tertio tamen aut quarto die post hæc facta gradatim rediit visus; & post mensem Philosophicum acutior, quàm unquam antea fuerat. Sic narrat Boyleus (a).

Ex hac Historia patet, omnes effectus argenti vivi ortos fuisse, dum pulvisculus mercurialis internas nares tangeret tantùm.

Argentum vivum purum, vase vitreo sicco, sincero, contentum, solo concussu Mechanico agitatum, dedit pulverem mollem, nigrum, tenuissimum, saporis.

(a) De Utilitate Philos. Experiment. pag. 346, 347.

acris metallici, æris saporem utcumque referentis. Sexaginta & unâ destillationibus purissimum redditum argentum vivum majorem copiam dedit similis pulveris. Argenti vivum in cucurbitis vitreis conicis fundo plano instructis, & ad excretionem vitreâ inversâ clausis, calori 180 graduum expositum per plures menses, dedit similem omni dote pulverem.

Sed pulvis ille sic natus, ex retorta vitrea valido igne destillatus, rediit in argentum vivum, pauca grana tantum relinquens fixæ materiæ.

Simplici destillatione ex retorta vitrea purissima ex argento vivo nascebatur pulvis ruber splendens, valde friabilis, saporis acerrimi metallici, nauseosi, penetrabilis, vix ex ore delendi, corpus humanum diu & valide turbans, & ad excretionem disponens: tamen pulvis ille sic natus, validissimo igne iterum ferè totus mutabatur in argentum vivum (a).

Ex his apparet, argentum vivum, sine ullo addito, solo tritu Mechanico, solâ ignis actione posse mutari in acerrimam indolem; iterum tamen redire majori igne in pristinam formam, depositâ omni acrimoniâ. An ergo argenti vivi efficacia à communibus omnium corporum proprietatibus pendet? An non potius singulari ejus naturæ, per Experimenta sola cognoscendæ, hæc attribui debet? Sufficit interrim Medico novisse, quid agat argentum vivum humano corpori applicatum; licet modum, quo agat, ignoraverit. Aliorum remedium virtus non magis patet inquirentibus: quis enim explicavit modum, quo scamnoneum totum sanguinem, in putridam aquam solutum, per alvum deturbet? Quis intellexit antimonii, & ejus præparatorum, mirabiles dotes? &c.

Omnia jam hæc remedia hæc §. recensita iterum determinari debent ad illa loca, quantum fieri potest, ubi hæret solvendum: hoc autem fit per *Derivantia*, *Attrahentia*, *Propellentia*; de quibus dictum præcedenti paragrapho.

§. 136. CAUSA coagulans educitur attractione alterius fortius trahentis. Sic acida in alcalia, olea in alcalia, &c, trahuntur, quæ Experimentis Chemicis, inprimis inveniuntur.

Per Chemica Experimenta constat, obtinere in quibusdam corporibus miram proprietatem, quâ alia corpora trahunt & sibi uniunt: v. gr; olei vitrioli drachma si tribus aquæ libris diluatur æquabilissimè, dein affundatur oleum tartari per deliquium, illud sibi uniet vitrioli acidum, & cum illo concreset in salem compositum. Dum fluidissimum argentum vivum liquato per ignem sulphuri instillatur sensim, & agitatione continuâ miscetur, concrescunt hæc simul in nigram massam; quæ valido igne si urgeatur, non redit argentum vivum, nec avolat, sed simul unita sublimantur, & dant cinnabarim. In hoc casu ut reddatur pristina fluiditas argento vivo, debet addi huic massæ, ex sulphure & argento vivo concretæ, tale corpus, quod potentius trahit sulphur, & sibi uniet; tunc enim redit argentum vivo antiqua indoles. Hoc fit, dum limatura ferri miscetur cinnabari; & dein

(a) Herm. Boerhaave de Mercurio Experimenta in Transactionibus Philosophicis Anglicanis: num. 430. Mens. Novemb. & Decemb. An. 1733.

summo igne urgetur ex retorta: unitur tunc sulphur limaturæ ferri, & liberum ab hoc vinculo argentum vivum in excipulum transit.

Plurima alia recenseri possent Experimenta Chemica, quæ docent, unita simul corpora, admisione alterius, quod potentiori vi trahit alterutrum horum, secedere à se invicem. Argentum in aqua forti solutum, immisto cupro, præceps fundum petit; solum cuprum similiter addito ferro excutitur, &c. Alcohol dissolvit, & sibi unit, olea stillatitia; affusâ aquâ, lactescit antea limpidum fluidum, & secedunt finissim olea prius soluta.

Magna tamen hic semper difficultas manet, dum non ita facillè cognoscuntur causæ coagulantes, & sæpe causæ penitus oppositæ coagulum nostris humoribus inducunt. Numquid quies & nimius motus sanguinem coagulant? An non frigus summum & urens calor in massas irresolubiles faciunt coire sanguinis elementa? Quis intellexit modum, quo ab ingenti terrore (quod vidi) scirrhus in mamma subitissimè nascitur, nullis remediis postea resolubilis? &c. Præterea dum coagulans causa fecit concreescere fluidorum nostrorum moleculas inter se, illas sæpe sic mutat, ut ablata causâ coagulante, tamen non restituatur pristina fluiditas. Si quis dubitaret de hac re, tenet coagulatum affuso oleo vitrioli sanguinem iterum fluidum reddere additis alcalinis salibus.

Pulchrum tamen habetur in Arte exemplum, quo patet, humorum nostrorum coagula quædam sic posse resolvi per eductionem causæ coagulantis, ut redeat fluiditas, sic ut restituitur liber omnino per vas humorum transfluxus: dum nempe per acerrimum gelu extremæ partes corporis omni vitali humorum influxu privatæ sunt, si tunc nive tegantur, vel immergantur quæ gelidissimæ, tantum non congeliantur, extrahuntur ex parte conglaciata spicula illa glacialia, redit vita in partem, & concretis fluidis redditur pristina fluiditas.

Plura forte talia adhuc latent in rerum natura, quæ eductione causæ coagulantis valent resolvere concreta in corpore humano. Calculi elementa in limpidissima sani hominis urina fluunt; adunata postea sic cohærent, ut hæcenus per Artem resolvi non potuerint. Qui posset vim illam, qualiscumque demum sit, quâ uniuntur calculi elementa, tollere, solveret calculum. Interim non semper summæ solvendi virtuti magna acrimonia comes est: blandum oleum solvit ceram, quæ aquæ stygiæ resistit; iners ovi cocti albumen myrrham disfluere facit, quæ aliis mensuris suâ tenacitate vix solvi potest. Pulcherrimus talium remedium usus meretur, ut investigentur sedulo.

§. 137. **V**ERUM quum liquidum, in loca aliena pulsus, non penetrabile sit, hincque obstructions creat, producuntur multi, malignique morbi, unde meretur id malum attentè perpendi.

Hic agitur de illa obstructionis causa, quæ explicata fuit §. 118, ubi nempe nec in vasīs angustatis, nec in liquidis concretis hæret obstructionis causa; sed tantum sit, quia liquida ingressa sunt canales minores, quàm sunt illi, per quos naturaliter fluere debebant: hinc quamvis talia liquida ingredi potuerint vasorum minorum dilatata ostia, non poterunt tamen per angustos horum vasorum fines transire: hærebunt ergo, & obturabunt hæc vasâ.



Quàm ferax inde oriatur morborum seges, patebit facillè consideranti, quòd illibata sanitas totius corporis & singularum partium pendeat à debito liquidorum transfluxu per vasa proportionalis amplitudinis; & quòd auctam celeritatem transfluxû humorum per vasa sequatur statim hoc malum. Dum enim valido motu musculari, vel per febrim, augetur circulationis velocitas, videmus statim rubore perfundi multas corporis partes, quæ antea non rubebant: manifesto indicio, sanguinem rubrum jam ingressum esse plurima vasa, in quibus naturaliter antea non reperiebatur.

Sed non tantùm numerosissimi inde pullulant morbi, sed & periculosissimi simul inde nasci possunt. Facillè enim concipimus, quòd sicuti pars rubra sanguinis per errorem loci ingredi potest vasa serosa, ita & reliqua decrepescens magnitudinis fluida possint impelli per easdem causas in aliena vasa. Si jam à tali causa obstructio nascatur in tenerrimis illis cerebri & cerebelli vasculis, unde vita & humanitas pendet, subitò lethales orientur morbi, quorum causa tamen in cadavere omnem sensum fugiet. Tales autem morbi meritò maligni dicuntur.

Apparet ergo evidenter, quantæ utilitatis sit rectè intelligere hujus mali naturam, & cognito malo, debitam adhibere curationis methodum.

§. 138. **S**CIMUS id factum, si novimus 1. Causas ejus (118) quæ ut plurimum satis observabiles, prægressas fuisse. 2. His dein successisse contrarias. 3. Ubi effectus ejus clarè cernimus. (120. 121. 122.)

Quæritur jam, per quæ certò cognoscere possumus, hanc obstructionis causam obtinere.

In §. 118, enarratæ sunt causæ, quæ observatæ fuerunt errorem loci produxisse: plethora nempe, motus auctus, rarefactio liquidi, laxatio vasû. Plethora adesse cognoscitur ex dictis §. 106, *lit. a*. Motus auctus indicatur signis recensitis §. 101. Rarefactio liquidi noscitur ex illis, quæ §. 106, *lit. s*, dicta sunt. Laxatio vasû præfens scitur ex dictis §. 27, §. 43, & §. 44: imprimis autem, si observetur error loci obtinere sine plethoræ, motûs aucti, vel rarefactionis signis, tunc laxitas vasorum sola causa videtur esse. Ut enim vasa minora recipiant crassiores solitò humores, requiritur, ut priùs dilatentur; naturalis enim horum vasorum angustia excludit crassiores humores. Sed hæc dilatatio vasorum oritur vel ab aucta vi, quæ urgent humores in vasa, vel à minuto robore vasorum, quo renitentur nimie dilatationi. Ubi ergo non adsunt causæ, per quas majori impetu fluida agunt in vasorum latera, error loci potest tantùm fieri à minori resistentia laterum vasorum, id est, à laxitate nimia. Hæc autem causa frequentissimè obtinet; toties enim ophthalmiæ à sola laxitate nimia vasorum oriuntur; non quidem adeo acutæ, sed magis diuturnæ. Sic in moribundis, resolutio virali robore, videmus viscidum exprimi sudorem, maculas rubras, purpureas, lividas, nasci, à crassioribus nempe liquidis ingressis minora vasa; & resolutione sphincterulorum; quibus vasa videntur coercere contentos humores.

2. Si jam dilatatis vasû per plethoram, motum auctum, rarefactionem liquidorum, vel laxitatem nimiam, applicentur talia, quæ subitò constringant vasorum capacitatem, certi sumus errorem loci obtinere; ingressi enim crassiores humores

dilatata vasa, retinentur iisdem constrictis, nec retrogredi poterunt, nec per angustias posteriores propelli, unde necessarîo sequitur obstructio. Si æstuans à valido labore homo bene tecto corpore quiescat, sensim vasa omnia contracta proprio robore retropellunt alienos ingressos humores: si nudum corpus idem homo gelido vento exposuerit, sæva nascitur tam sæpe ab hac causa pleuritis, vel & alii inflammatorii & difficillimi morbi.

3. Confirmatur autem hæc diagnosi, quando observantur illæ mutationes læsæ functionis, quæ descriptæ fuerunt numeris citatis.

§. 139. **F**ACILE quoque est prævidere, quid fiat ex hoc malo posito per ea, quæ exposita sunt (120. 121. 122. 123).

Quando jam hoc malum cognitum est adesse, & simul confliterit, à quamvis causa ortum duxerit, & quam corporis partem occupaverit, facile erit prædicere effecta horum mali. Longè enim alia metuantur ab errore loci, qui à nimia circuitus humorum velocitate oritur, quàm ab illo, qui à nimia laxitate vasorum fit: multò periculosior error loci in vasis encephali, quàm in cute brachii, &c. Sed in numeris citatis omnia hæc explicata fuerunt: §. enim 120, generales omnium obstructionum effectus considerabantur; sequentibus verò 121, 122, 123, dictum fuit, quid in variis vasorum seriebus, & diversis corporis partibus inde foret metuentum.

§. 140. **C**URATIO fit. 1. Impactum retropellendo motu retrogrado in vasa majora. 2. Id resolvendo 3. Vasa laxando. 4. Suppurando.

Hæret molecula obstruens in vase conico, semper in angustius vergente: quamdiu jam manet eadem magnitudo moleculæ obstruentis, & eadem firmitas laterum vasis obstructi, non poterit illud obstaculum ulterius protrudi versùs majores angustias; nihil ergo tunc superest, nisi ut retrogrado motu retropellatur versùs basim conici vasis; siveque iterum ingreditur vasa majora. Patuit autem ex *Leeuwenhoekii* Observatione §. 132. n°. 1, enarratâ, quòd massula obstruens retropelleretur sæpe; dein protruderetur iterum, siveque iret & rediret in canale obstructo: causa autem protrudens moleculam immeabilem in majores angustias est impetus fluidi à tergo urgentis; cessante hoc impetu, contractilitas laterum canalis obstructi reprimebat hanc moleculam versùs latiorum locum.

Obrinere autem talem retrogradum motum fluidorum in vasis, simulac cordis vis impellens cessat, vel minuitur, docent certissima Observata. Dum in syncopen delabitur homo, incipit minui cordis actio; imò si perfecta fuerit syncope, cessat integre. Incipiunt tunc statim pallere labia & oculi, facies contrahi & subsidere, colapsis, vel potius contractis, elasticitate suorum laterum vasis minoribus, & retropellentibus fluida contenta in majora vasa.

Si jam v. gr; globus ruber, orificium dilatatæ arteriæ serosæ ingressus, ibi hæreat immeabilis; idem ille, retropulsus in arteriam sanguineam rubram, ex qua derivabatur

derivabatur arteria serosa, libere fluet per ultimas arteriæ rubræ angustias, & resoluta erit obstructio. Eadem jam poterit fieri obstructionis solutio in reliquis decrementum vasorum seriebus.

2. Ex data definitione §. 107, obstructio nascebatur ex excessu molis transiatur supra capacitatem vasis transmissuri: si jam possit immeabilis hærens molecula sic dividi, ut per vasis obstructi ultimas angustias transeat, sublata erit obstructio. Hæc methodus resolvendi obstructionem patuit in modò citato *Leeuwenhoeckii* Experimento, ubi ita illo & reditu massula obstruens ad latera canalis attrita solvebatur sic, ut transire posset.

3. Apparet evidenter, effectum fore omnino eundem, si vas obstructi augeatur capacitas, si ve moleculæ obstruentis minuatut moles; utroque enim in casu liberum conciliabitur iter fluido transmittendo per canalem antea obstructum, quod requirebatur. Laxari autem sic posse vasa, ut non tantum admittant crassiores humores, sed & transmittant per ultimos suos fines, quotidiana docent Observata. Uteri internam superficiem constituentia vasorum ibi hiantium oscula tenuissimum tantum rorem transmittunt omni tempore, dum non menstruatur mulier; menstruum verò tempore rubrum dimitunt sanguinem: his cessantibus, contrahuntur iterum, nec admittunt sanguinem rubrum. Multis hominibus accedit, ut ruditer vecti per strata lapidea sine ullo dolore purum mingant sanguinem, non ruptis, sed tantum dilatatis fistulis renalibus; solâ quiete tollitur hoc malum, contractis iterum his fistulis, antea nimis dilatatis.

Mirum fortè videri posset, quòd §. 118, inter causas, per quas aliena vasa ingrederentur crassiores humores, recensetur vasorum laxatio; hic autem in curatione ejusdem mali laudatur eadem vasorum laxatio. Sed notandum, quòd laxitas vasorum, quæ facit, ut dilatatis orificiis admittantur quidem, sed non transmittantur crassiores humores, sit causa erroris loci: talis verò laxitas, quæ facit, ut admissa crassiora liquida transmitti possint per ultimos fines canalis, sanet obstructionem ab errore loci ortam.

4. Ubi jam molecula obstruens tam validè impacta est vasis conniventis angustias, ut non possit retropelli in majora vasa, nec resolveri per Artem, neque tanta possit conciliari vasi obstructo laxitas, ut transmittat immeabilem moleculam; tunc unicum hoc superest, ut vis vitalis, à tergo urgens in locum obstructum, abscindat partem obstructam: vas tunc liberum, sed patulum, humores suos effundit, solidis illis tenerimis abscissis miscet, calore loci, attritu vicinorum vasorum, hæc simul abeunt in homogeneum album, spissum pinguem humorem, pus dictum: hoc vocamus *suppurare*. Hæc est sola via, quâ natura se liberat ab omni parte adeo obstructa ut resolveri non possit. Salutare semper est hoc naturæ conamen, modò vasa, sic in pus mutanda unâ cum infarcto immeabili liquido, non sint absolute necessaria ad vitam; & pus sic factum commodè evacuari possit.

Dum in febre ardentissima, nempe peste, oritur circa glandulas axillares, vel & inguinales, si vea inflammatio, cum summa duritie, nullâ Arte resolvable; suppuratione circa margines abscinditur totum hoc mortuum à vivis partibus, & excidit; quod Arte nullâ nisi per solam suppurationem fieri potest.

§. 141. **IMPACTUM** retrofertur 1. Evacuando liquorem, qui impactum urget, magnâ, subitâ sanguinis missione unde nixu contracti vasis retro agitur. 2. Frictione ab extremis vasis ad basin.

1. Dum arteria vi cordis distenta se contrahit, retroprimeret contentum fluidum versus latiore locum, nisi à tergo urgens impetus liquidi impediret: dum ergo illius liquidi minuitur copia, & debilitatur impetus à tergo urgens, retrogrado motu ab apicè basim versus movebitur in arteriis contentum fluidum; sicque, quoad determinationem motûs fluidi, arteriæ sient pro tempore venæ. Sanguinis missio jam utrumque hoc præstat; minuit enim fluidi vasis contenti copiam, & debilitat cordis impellentis robur: possumus enim pro lubitu solâ sanguinis missione ad mortem usque solvere hominis vires.

Sed ut hæc fiant cum fructu, debet magna esse & subita sanguinis missio; parvâ enim quantitate sanguinis subductâ non satis minuitur copia; & nisi subita fuerit, non ita debilitatur vis cordis à tergo sanguinem urgens. Robustus enim homo patulo de vulnere vix binas libras sanguinis pleno rivo dimittet, quin cadat in animi deliquium; dum triplam copiam sanguinis perdere poterit, cum guttatim de naso stilat, vel dente evulso (ut sæpe observatum fuit) tenuis arteriola jugi stillicidio noctes & dies sanguinem fundat; nec tamen tunc animo linquitur.

Confirmant hanc rem Observata in morbis acutis inflammatoriis. Dum acutâ pleuritide decumbens præ immâni dolore inspirare nequit, sicque suffocatur ferè, solvitur patulo vulnere brachii vena: fluente adhuc sanguine sæpissimè incipit minui dolor; imò integrè cessat aliquando, liberatis vasis obstructis retrogrado hoc motu humorum versus latiora vasa. Dum inflammati oculi rubent penitus à sanguine alienis vasis impulso, venæsectione magnâ, imò ad animi deliquium usque, factâ, statim rubor ille disparet, retropulso sanguine in majora vasa. Non enim requiritur, ut massulæ obstruentes retrogrado hoc motu ferantur per magnam longitudinem, antequam ingredi possint latiores truncos. Anatomicæ enim injectiones docuerunt frequentissimas anastomoses & divaricationes truncorum in ramos in exiguo etiam spatio inveniri.

Veteres Medici, licet sanguinis circuitum ignoraverint, tamen per solam Observationem effectum in morbis, largam sanguinis missionem commendaverunt ad similia mala. *Galenus* (a) explicans aphorismum 23, sect. 1, ubi de evacuationibus agitur, & quidem ad animi deliquium usque, talem evacuationem laudat in *maximis inflammationibus, in febribus ardentissimis, & vehementissimis doloribus*. Et alibi (b): *ubi fervescens inest sanguinis plenitudo, acutissimam accendens febrem, subito ac simul evacuare expedit, eamque inanire tentandum, vel ad animi deliquium usque, virium modò inspecto robore*. Quæ autem sequuntur mox indicant, *Galenum*, hic de sanguinis missione agere; monet enim, ad pulsuum diminutiones Medicum attendere debere, tangendo eos, sanguine etiamnum fluente, ne pro animi deliquio mors occupet, quod tribus Medicis accidisse turpi errore narrat (c).

(a) Comment. I. in Aphorism. Hippocrat. Cap. xii. Charter. Tom. X. pag. 442.  
Charter. Tom. IX. Part. II. pag. 40.

(b) De curandi ratione per venæsectionem,

(c) Ibid. pag. 442.

Signa autem instantis animi deliqui à larga missione sanguinis manifesta apparent: pulsus enim incipit robore minui, vacillare; levis oritur vertigo; pallent oculi & labia; nausea oritur & sæpe vomitus, & sanguinis effluentis celeritas minuitur: tunc abstinendum ab ulteriori vacuatione.

2. Quando impetus liquidi, à tergo urgentis moleculam obstruentem, sublatus est, vel saltem minutus plurimum, tunc sola contractio vasis reprimat immeabilem massulam versùs latiore locum. Omne ergo, quod vasorum contractilitatem auget, vel simili effectu cum illa conspirat, juvabit hunc retrogradum motum. Frictio autem externè comprimendo vasorum latera, facit idem, quod contractilitas propria fecisset, & hujus efficaciam auget, ut dictum §. 28. n°. 2. Hinc patet ejus utilitas, inprimis si ab extremis vasis basim versùs frictio instituitur.

Quantum autem hoc prosit, docent iterum Observata. Longè feliciùs sanguinis missione pleuritis solvitur, si illo tempore, dum fluit adhuc sanguis, leviter perfricetur latus affectum; vel ægri profundà & sæpe repetitâ inspiratione, vel & tussi, affectam partem moveant: unde sæpe vino calido vel aceto naribus supposito, cardiaci titulo, cogimus ægros, ut vel invititussiant, dum sæpe acerbi doloris prægressi metu hoc facere non audent. Dum valido cursu agitantur animalia in venatù, observatur sæpe, ablata cute, totum panniculum adiposum, imò & ipsam carnem musculosam, ferè nigrescere, ob infarctum sanguinem in vasis alienis: ideo reduces post validos cursus equos in stabulis perfricant equisones, ut tollatur hoc malum; didicerunt enim Experimentis, nisi hoc fecerint, languere hæc animalia, & inepta penitus reddi ad solitos labores.

Veteres, lassatos longo itinere homines, in balnea ducebant, & perfricabant; idem adhuc in Asia fieri consuevit.

§. 142. **I**M PACTUM resolvitur remediis (133. 134. 135. 136.) antè positis.

De his omnibus dictum fuit in numeris hic citatis. Maximè notandum videtur, quòd sanguis noster, sponte suâ concrevens dum quiescit, concretus tamen sensim iterum resolvatur: sanguis enim, de vena sani hominis missus, concrevit brevè in placentam solidam; unde sensim exprimitur serum tenuius, cui innatat concreta massa rubra, insula dicta. Effuso omni sero, rubra illa crassa pars post aliquot horas iterum simile serum dat, sicque tandem ferè tota colliquescit. Hinc admodum probabile videtur, moleculas obstruentes, in vasis hærentes, calore corporis sensim sic posse solvi, modò impetus fluidi à tergo urgentis minuat, & non adeit nimium robur vasorum, per quod densantur nimis validè fluida.

Hæcque videtur esse ratio, quare morbi inflammatorii feliciùs curentur in laxis corporibus, quàm in robustis & valido labore exercitatis hominibus.

§. 143. **V**A S A laxantur remediis (35. 36. 54.) propositis.

§. 144. **D**E suppuratione dicetur in Historia inflammationis.

Hactenus explicati sunt morbi simplicissimi, qui in solidis partibus corporis humani occurrebant; nimis debilis nempe, vel nimis valida cohesio partium inter se, nullâ habita ratione fluidorum. Dein spontaneæ fluidorum & morbosæ degeneratioes fuerunt enarratæ: tunc consideratae fuerunt illa vitia, quæ in solidis & fluidis simul consideratis observabantur simplicissima; nempe incitatus, vel torpens nimis fluidorum per vasa motus: uti & plethora, sive nimia boni humoris abundantia. Tandem & de obstructione actum fuit, quia & solidarum partium vitii, & humorum, vel & utrisque simul conspirantibus originem suam debebat.

Sequitur jam ex ordine §. 16, descriptio, ut agatur de soluta cohesione partium, id est, de vulnere: patebit enim consideranti, omnia hæc præmittenda fuisse, antequam vulneris Historia & Curatio tradi posset.

## DE VULNERE IN GENERE.

**M**IRUM fortè videri posset, celeberrimum horum Aphorismorum Auctorem externos & Chirurgicos dictos morbos tanta cum cura tradidisse, cum plerorumque animis hæc infederit opinio, internos morbos solos ad Medicum pertinere, externa verò mala Chirurgis relinquenda esse. Sed illa Medicinæ pars, quæ de externis morbis agit, omnium vetustissima est. *Podalirius & Machaon, Æsculapii filii*, bello Trojano ducem *Agamemnonem* secuti, non mediocrem opem commilitonibus suis attulerunt; quos tamen *Homerus* non in pestilentia, neque in variis generibus morborum aliquid attulisse auxilii, sed vulneribus tantummodo ferro & Medicamentis mederi solitos esse proposuit (a).

Postea quidem in tres partes Medicina diducta est; ut una esset, quæ Victu, altera quæ Medicamentis, tertia, quæ Manu mederetur. Nec tamen ideo Chirurgia à Medicis neglecta fuit. Medicinæ parens *Hippocrates* pulcherrima de vulneribus capitæ, de ulceribus, fistulis, fracturis, luxationibus, posteris reliquit: nec perfunctoriè hæc tractavit, sed machinas & modos reponendi luxata & fracta membra descripsit satis diffuso sermone.

Præterea summum usum habet, ad latentes morbos in interioribus corporis partibus cognoscendos & curandos, eosdem considerare, ubi externas partes corporis occupant. Sensibus tunc omnia patent, & faciliùs intelliguntur.

Inflammationem & varios ejus exitus longè evidentius intelligimus, dum externas partes occupat, quàm dum in internis partibus latet. Quantam lucem affundit tectis capitæ morbis cognitio vulnerum capitæ! Idem in multis aliis verum est.

Cùm ergo omnis ordinata doctrina à facilioribus intellectu ad difficiliora pergat, jure merito internorum morborum Historiæ præmittuntur morbi externi, Chirurgici dicti.

(a) A Cœn. Celsi Præfatio, Lib. I. pag. 1. 2.

§. 145. **VULNUS** est soluta cohæsiō recens, cruenta, partis mollis, à corpore duro, acuto, moto, presso, vel resistente.

Vulneris hîc traditur accurata definitio, nempe quodd sit soluta partium cohæsiō: sed additur, quodd, ut vulnus vocetur, debeat esse recens; sic enim distinguitur ab ulcere, in quo etiam est partium antea cohærentium solutio: tamen apud Hippocratem ulcus & vulnus (ἔλκος καὶ τρῆμα) aliquando promiscuè sumuntur (a) & quidem in uno & eodem capitulo. Additur deinde in definitione, quodd sit soluta cohæsiō *Cruenta*; si enim vulnus tam parvum fuerit, ut sanguis ruber non exeat, vix considerationem meretur, cum ne quidem tenuissimæ aciculæ apice cutis pungi possit, quin cruor effluat. Additur deinde, quodd sit solutio *Partis mollis*, ut distinguatur à solutione continui, quæ in ossibus fit per fracturam, fissuram, &c. Præterea, ut distinguatur à contusione, additur, separationem continui fieri in vulnere à *Corpore duro, acuto*, quod parvâ superficie motum suum parti corporis imprimit. Sed corpus durum & acutum non potest separare cohæsiōnem, nisi motu vel pressione applicetur ad partes cohærentes; vel nisi partes corporis moveantur vel premantur ad durum & acutum corpus, sed resistens simul. Facile enim patet, eundem fore effectum, sive lanceola brachio, sive brachium lanceolæ impingat.

§. 146. **CAUSA** ergo sensibilis ejus est durities, acuties, motus, resistentia instrumenti vulnerantis.

Hæc per se patent; nisi enim durum esset instrumentum vulnerans, non posset superare vim, quâ cohærent partes unitæ inter se; nisi acutum foret, faceret contusionem loco vulneris.

§. 147. **SUBJECTUM** pars mollis, adeoque, textura vasorum sanguiferorum, serosorum, lymphaticorum, adiposorum, nervosorum, membranosorum, tendinosorum; tum vesicularum, quæ ex his constatur.

Ex ipsa definitione patet, vulneris subjectum esse partem mollem; sed hodierna Anatome docuit, partes molles corporis humani esse meram vasorum texturam; hinc nullum vulnus potest esse, quin plurima vasa discindantur, & quidem diversarum serierum. Nulla enim arteria sanguifera discindi potest, quin lædantur ferè omnis generis vasa: tunicæ enim hujus vasis ex aliis minoribus vasis fiunt, horum tunicæ iterum ex minoribus vasis, donec ad ultima perventum sit. Hinc simplici vulnere arteriæ sanguiferæ, vulnerantur & serosa & lymphatica vasa, &c; vulnerantur & folliculi, qui lubricans illud smegma dant, quo interni majorum arteriarum parietes inuncti apparent; vulnerantur membranæ, musculosæ fibræ

(a) Lib. de Capis. vulneribus, Cap. XII. Charter. Tom. XII. pag. 120.

arteriæ tunicam musculosam constituentes, &c.

Patet ergo vel in levi vulnere omnes partes in hac paragrapho recensitas lædi posse.

§. 148. **I**N quo subjecto (147.) causa (146.) producit cohærentis separationem, liquidi contenti effusionem.

Cùm ergo nulla possit fieri separatio cohærensionis in parte molli, quin lædantur plurima vasa; apparet evidentissimè, omne vulnus duplicem semper præstare effectum; separat nempe à se invicem partes solidas antè cohærentes; & deinde educit ex vasibus vulneratis illud liquidum, quod in vasibus erat præterius illo momento, quo vulnerantur, uti & illud, quod circulationis legibus mox advehetur ad locum vulneratum per vasa nunc dissecta. Cùm ergo patuit ex paragrapho præcedenti, omne vasorum genus in vulnere posse lædi, apparet evidenter, omnis generis liquida ex vasibus vulneratis effluere posse.

§. 149. **I**NDE lædit actiones, quæ pendent ab integritate partium, & ab determinato fluxu liquorum per vasa.

Totum corpus humanum solidis & fluidis constat: nullum potest concipi vulnus, quin tollat cohærensionem solidarum partium, & interrumpat circuitum humorum per vasa, prius integra, nunc divisa. Sed omnes functiones nostri corporis ab integritate partium solidarum, & debito motu fluidorum per vasa, pendent: hinc nullum potest esse vulnus, quin lædat saltem aliquas functiones. V. gr; ut digiti manus ad voluntatis arbitrium flecti possint, requiritur integritas musculorum profundis & sublimis, per quos hæc flexio peragitur. Si jam vulnere facto discindantur tendines horum musculorum, perit illa actio ab integritate harum partium pendens.

In Physiologicis demonstratur, quod ad actionem musculi cujuscumque inter alia requisita necessarius sit liber influxus spirituum per nervos; si jam discissus fuerit nervus ad musculum tendens, determinatus fluxus liquidi nervosi in musculum impeditur, & tollitur ejus actio.

§. 150. **Q**UÆ vulnera proinde occupant eas partes, quarum integritas vitæ inseparabilis, lethalia sunt.

Lethale vulnus vocatur omne illud, quod mortem infert effectu suo inseparabili. Sed mors adeit, dum sanguinis influxus in cor, ejusque expulsio ex corde impeditur. Ut autem bina hæc fieri possint, requiritur plurimarum aliarum partium integritas. Omne ergo vulnus, quod tollit requisita ad influxum liberum sanguinis in cor, & expulsionem sanguinis recepti ex corde, erit suâ naturâ lethale. Qualia autem sint vulnera lethalia, & quibus partibus infecta, postea dicitur.



§. 151. **H**ORUM (150.) autem alia inevitabili necessitate mortem ferunt.

Vulnera illa, quæ mortem inferunt suo effectu, conveniunt in illo omnia, quòd sanguinis in cor receptionem, & ejus expulsionem ex corde tollant; sed tamen magnum occurrit inter illa discrimen: quædam enim sunt inevitabiliter lethalia; sic ut licet accuratissimè fuerint intellecta, & ad amissim cognitæ partes, quas vulnus læterat, tamen nullo auxilio hæcenus in Arte cognito, potuerit impediri, quominus mors, ut effectus inseparabilis, ex vulnere ut causa fieret. V. gr; si gladio ancipiti per hominis thoracem adacto vulneretur latà plagà aorta illo in loco, ubi ex pericardio emergit, exibat omnis sanguis corde sinistro expulsus per hoc vulnus, accumulabitur vel in thoracis cavo, vel exibat de vulnere, nec redibit per venas ad cor dextrum, unde inevitabilis mors sequitur. Nec potest ullà Arte præcaveri: non datur enim accessus manubus, ut ligetur, consuatur, &c; & licet hoc fieri posset (quod tamen impossibile omnino est) ligatà aortà, non posset evacuare se cor sinistrum; hinc suffocaretur sanguinis circuitus, unde vita pendet.

Sed si aorta bifida facta; ad femur & crus utrumque tendens, vulneretur in his partibus, erit vulnus hoc ex se lethale quidem, quia omnis sanguis per arteriam hanc discissam effluet, sed tamen non erit inevitabiliter lethale, quia torculari vel laqueo arteria sic comprimi poterit, ut nullum sanguinem emitat; & postea poterit ligari, &c.

In renunciationibus autem, quas Medici de vulneribus ad Judices mittunt, hæc sollicitissimè distinguenda sunt.

§. 152. **A**LIA, sibi relicta, mortem inferunt, sed Artis auxilio ita emendari possunt, ut mortis periculum absit.

Omnes arteriæ majores, per artus dispersæ, vulneratæ ad mortem usque sanguinem dimittent; hinc talis arteriæ vulnus lethale quidem est, per Artem tamen poterat impediri, quominus mors inde sequeretur. Talia plurima habentur apud Observatores exempla. Studiosus vigilem publicum noctu sic vulneraverat ense, ut arteria profundè decurrens sub suræ musculis discissa fuerit: vulneratus ingentem sanguinis acturam passus prolabitur, invenitur serè mortuus: rescit debilem cardiacis; statim iterum sanguis effluit ad animi deliquium usque. Vulneris orificium stypticis pulveribus replet, frustra sic conatus hæmorrhagiam compescere, non satis peritus Chirurgus; interim pergunt vino & similibus languentem vulneratum rescire, sicque aucto sanguinis motu, augebatur hæmorrhagia, ex qua miser perit. Vulnus hoc lethale pronunciatum est. Verum quidem est, quòd hoc vulnus fuerit causa mortis; tamen in Arte cognita erant talia auxilia per quæ vulneratus servari poterat: si enim sub poplite compressisset arteriam idoneà ligaturà Chirurgus, potuisset hæmorrhagia sisti; aux dilatato vulnere arteria vulnerata potuisset ligari; vel saltem extirpatione membri vita servari potuisset.

Similis etiam casus contigit, dum in conspectu gladio vulnerabatur brachium; & discindebatur arteria profundè decurrens supra ligamentum inter radium & ulnam medium; poterat arteria in brachii parte superiori supra os serè nudum de-

currens comprimi, sicque hæmorrhagia sisti, & deinde amputato membro vita redimi: sed nec æger crudelem curam admittere voluit, nec Chirurgi urgebant necessitatem, credentes se compressione validâ sanguinem sistere posse. Perit misere vulneratus putrefactione summâ per compressionem hanc ortâ, qui per Artem servari potuisset.

Hinc apparet, quàm necessarium sit Medicis & Chirurgis, qui vulnera tractant, & de illorum lethaliitate ad Judices ex officio renunciare debent, cognoscere decursum majorum vasorum, & illa loca, ubi comprimi possint commodè, ut mors ab hæmorrhagia secutura præcaveatur. Exactissimæ *Eustachii* Tabulæ omnia hæc accuratè designant.

§. 153. **T**ANDEM ex non lethalibus, neglectus, vel error, lethalia potest facere.

Omnium hoc frequentissimè accidit illis, qui minùs merentur; nempe quibus in conflictibus bellicis vulnera inflicta sunt. Quoties perierunt vulnerati ab hæmorrhagia, quæ compesci potuisset à perito Chirurgo! Quot perierunt sanguine sub cranio effuso, qui terebratione calvariæ in tempore adhibitâ, potuissent servari! Craniî integumenta externa, validâ contusione læsa, cum exigua vulneris simul facti apertura, fecerunt sepiissime neglectu solo funestissima symptomata; imò ipsam mortem: quæ omnia præcaveri sæpe potuissent, bonâ Curandi Methodo adhibitâ. Innumera hujus rei Exempla apud Observatores occurrunt.

Sed non tantum neglectus illorum, quæ ex Arte fieri debent, verum etiam turpes errores, vulnera non ex se lethalia, fecerunt esse lethalia. Rarè moriuntur homines ex hæmorrhagia, nisi maximæ arteriæ discissæ fuerint; sed magnam sanguinis jacturam passi in animi deliquium cadunt, tuncque sistitur hæmorrhagia: si sic relinquantur semimortui ferè, in moderato tantum calore; detur solum jus carnium parvâ quantitate, sed repetitis vicibus; languida potest sustineri vita, vas discissum se contrahit; imò sæpe consolidatur: sicque servati fuerunt multi, qui certò perituri videbantur.

Dum autem ob ingentes hæmorrhagias in animi deliquium lapsos, spirituosos conantur refocillare, non restitunt perditam humorum copiam, sed vim vasorum in liquida augent; unde nova redit sanguinis jactura, & mortis causa augetur. Multi post conflictus bellicos, per dies integros inter cadavera relictî, omni ferè sanguine exhausti, revixerunt postea.

Scrisperant Chémici quidam, arsenicum per nitrum fixatum, summum remedium esse ad hæmorrhagias sistendas. Sed quàm periculosa est applicatio tam virulenti remedii ad crudum vulnus; dum vel nimium hujus venis receptum post crudeles convulsiones mortem inferre potest!

Hinc dum ex auctoritate publica lustrantur cadavera percussorum, primò inquirendum est, an vulnus tale fuerit, ut inde mors necessariò sequi debuerit; an verò mors præcaveri potuisset Arte hodie cognitâ: deinde an mors secuta post vulnus, adscribenda sit vulneri, an verò aliis causis.

Non sufficit ergo sola vulneris in cadavere inspectio, ut de ejus lethaliitate judicium ferri possit; sed debent & cognosci omnia, quæ vulnerato acciderunt post vulnus inflictum.

§. 154. **P**RO varietate alterius cujusdam actionis, à parte integra prius exercitæ, etiam alia vulnerum effecta, atque inde variæ appellationes oriuntur, vix ignotæ perito actionum sanitatis.

Quot sunt partes diversæ corporis humani, quæ vulnere lædi possunt, tot poterunt esse distinctæ actiones læsæ, quarum integritas à cohesione partium, per vulnus separatarum, pendebat. Sed qui ex Anatomicis & Physiologicis novit partium corporis usum, quantum per Artem hodie excultam licet, ille cognitâ parte vulneratâ poterit determinare damna, quæ inde sequuntur. Sic tendine musculi discisso, patet facillè, actionem musculi abolitam esse, quæ ab integritate hujus tendinis pendebat, &c. Ancilla lagenam vitream manu tenens cadit; fractæ lagenæ frustum vulnus facit profundum medio loco inter carpum & cubiti articulum in parte interna; valida oritur hæmorrhagia, vulneratâ arteriâ quæ sub flexore carpi ulnari decurrebat: idoneâ ligaturâ circa humerum comprimebatur, ad nudum ubi ferè os humeri, arteriæ truncus; feliciter sistebatur hæmorrhagia, sed conquerebatur ægra, quòd stuporem in digito minimo & medietate digiti minimo proximi sentiret; credebatur Chirurgus à valida compressione stuporem ortum fuisse. *Eustachii* accuratissimis Tabulis confusus ausus fui prædicere, nervum discissum esse, qui digito minimo & medietatè adjacentis digiti prospicit; hinc immedicabile fore hoc malum. Eventus asserti veritatem demonstravit: sanata enim, me rogante, sæpius digiti minimi apicem flammæ candelæ imposuit sine ullo doloris sensu.

Patet ergo, maximam vulnerum varietatem esse, quoad varia effecta à diversis partibus corporis læsis pendentia.

§. 155. **N**EC minor nominum, formarum, & effectuum varietas in vulneribus, à diversitate causæ vulnerantis (146.) quoad figuram, modum adigendi, pungendo, secando, cædendo, agitando, illatum, vim impingendi, ablationem ex vulnere, relictionem in eo, infectiōnem venenatam.

Considerantur hæc paragrapho vulnerum diversitates, quatenus ab instrumento vulnerante pendent.

**QUOAD FIGURAM.** Si conicâ, acutâ figurâ fuerit præditum instrumentum vulnerans, erit punctura, citò se claudens; tuncque difficiliùs cognoscitur vulneris profunditas: si verò in acutum cuneum formatum fuerit, erit scissura, &c.

**MODUM ADIGENDI, &c.** Nam inde oritur magna varietas: *Pungendo* enim fit vulnus angustum, sæpe tamen profundè penetrans. *Secando*, quando cuneus acutus per partes molles protrahitur, fiunt tunc longa, sed minùs profunda vulnera.

**CÆDENDO.** Majori tunc vi penetrat instrumentum vulnerans & profundius adigitur: & nisi acutissimum fuerit, simul contusionem facere poterit.

**AGITANDO.** Ad quod maximè attendendum est: dum enim vulnus extenso directè brachio infligitur ense, sæpe inter partes transit, à quibus læsis summum

foret periculum, sine adeo magno malo; sed si ensis in vulnere hærens fuerit agitat & circumrotatus in vulnere, longè plures partes læduntur. Figura autem vulneris hoc docere poterit: si enim vulneris magnitudo respondeat magnitudini instrumenti vulnerantis, directo tantum impetu vulnus inflictum fuit; sed si v. gr; lato gladio vulnus rotundum factum fuerit, designat ensẽ circumrotatum fuisse in vulnere.

VIM IMPINGENDI. Pro vario enim impetu, quo instrumentum vulnerans fuit impactum corpori vulnerati, vulnus magis vel minus profundè penetrabit.

ABLATIONEM EX VULNERE, RELICTIONEM IN EO. In gravissimis enim vulneribus aliquando prodest relinquere instrumentum vulnerans, cum sæpe partes vulneratæ se circa hoc constringant, ac sic hæmorrhagia sistitur; quæ, educto instrumento vulnerante, ipso sæpe momento mortem affert. Sic saltem aliquo tempore vita suslinetur. Dum telo *Turnus miser Pallantis* pectus perforat (a),

*Ille rapit calidum frustra de vulnere telum  
Unâ eademque viâ sanguisque animusque sequuntur.*

Dum immitis *Achilles* hastâ transfixerat *Hectoris* cervicem, ut morienti insularet; reliquit in vulnere telum, quod mortuo evulsit (b).

Inprimis hæc obtinet diversitas vulneris ab hac causâ, si hamatum telum fuerit, unde non sine magna laceratione educi potest.

INFECTIONEM VENENATAM. Mira circa hanc rem capta Experimenta evicerunt, esse in rerum natura talia venena, quæ innoxie quamvis possent degluti, vulneribus tamen applicata certam & subitam mortem facerent. In viperarum morsu vulnere dentibus facto immixtus venenosus succus certo & hominem & majora animalia, gallinas, columbas, &c, necat. Dum magni *Hetruriae* Ducis jussu inquirebant cruditissimi Viri naturam hujus veneni & quidam in felle viperae vim venenatam latere assererent, Veterum auctoritate, uti & Recentiorum multorum testimoniis moti; in angulo stans viperarum captor, antiquis *Marsis* & *Psyllis* audacior, bilem viperae dimidio cyatho frigida mistam bibit intrepidus, nihil inde mali passus. Nec diversis animalium speciebus exhibitum fel viperinum ullam noxam intulit; nec vulnere recenti instillatum fel viperinum aliquid mali fecit (c).

Aliis longè probabilior videbatur hæc opinio, quod venenum illud viperarum hæreret in loculis illis, qui dentibus adjacent. In illis enim cavitatibus hæret humor colore & sapore simillimus oleo amygdalino; dumque morsum infert vipera, compressis maxillis, necessario vulnere adspargitur illud liquidum. Sed quamvis virus hoc, vulnere dente viperae facto immixtum, tam lethales effectus faceret, idem ille venator, qui bilem viperae deglutiverat, pari audaciâ maximæ & simul iratissimæ viperae expressum ex his loculis liquorem, simul omnem spumam & salivam, quam ore continebat, vino diluta hausit sine noxa. Simili successu animalibus ingerebatur (d).

Lethalia illa tela Bantamensium, quæ levi vulnere indubitata adferunt mortem, vino infusa aut alio liquore per plures dies, nullam malignitatem conciliaverunt liquido, in quo tam diu hæserant (e).

(a) Virgil. *Æneid.* Lib. X. Vers. 486.

(b) Homer. *Iliad.* Lib. XXII. Vers. 367.

(c) Francisc. Redi, *Observat. de viperis*,

pag. 14. &c.

(d) Ibid. pag. 18, 19.

(e) Ibid. pag. 33.

Dum per Lybiæ aridissima deferta duceret exercitum *Cato*, sitientes milites non audebant bibere de fonte, quem turba serpentum tenebat; sed sapientissimus *Dux* hortabatur, ut audacter biberent, dicens (a),

*Vanâ specie conterrite lethi.*

*Ne dubita miles tuos haurire liquores.*

*Noxia serpentum est admisto sanguine pestis.*

*Morsu virus habent, Et fasum dente minantur.*

*Pocula morte carent. Dixit, dubiumque venenum*

*Hausit, Et in tota Lybies fons unus arenâ*

*Ille fuit, de quo primus sibi posceret undam.*

Dum oleo tabaci madidum filum per vulnus acu factum trahitur, in animali vivente, illud citò perit. Viperam sic spatio minori, quàm est octava pars horæ, necavit *Redi* (b), qui tamen in omnibus tabaci speciebus non invenit hoc oleum eandem habere malignitatem (c).

Plura fortè talia sunt, quæ meliùs latent. Ubi ergo adsunt anomala symptomata, quæ non possunt suspicari ex vulnere, ut causâ, orta fuisse; tunc de infectione venenata instrumenti lædantis cogitandum est.

§. 156. **T**UM etiam omnia eadem (155.) variant pro differentiâ partis vulnus excipientis (147.) quoad ejus duriciem, mollietiem, nexum, situm, effectum, liquida contenta, faciem mutatam.

Vulnorum diversitates enarratæ sunt binis præcedentibus paragraphis, quatenus ab actionibus per vulnus læsis desumebantur, uti & illæ, quæ pendebant à diversitate ipsius causæ vulnerantis. Hâc autem paragrafo considerantur illæ vulnorum varietates, quæ oriuntur à diversâ indole partis vulneratæ.

**DURITIEM, MOLLITIEM.** Modicâ vi instrumentum vulnerans penetrabit mollia abdominis integumenta; longè validiori indigebit impetu, ut durum calvariæ os dividat.

**NEXUM.** Dum tendo musculi discissus est, motus partis illius, cui naturaliter necebat, perit; hinc pro affectu vulneris habetur. Dum parva arteriola dentis evulsi, in alveolo latens, læsa sanguinem fundit sæpe ad mortem ferè usque; hoc non fit ideo, quia tam parvus arteriæ ramulus læsus est, sed quia ossæ alveoli superficie non potest se contrahere, & sic claudi. Quando in flexura cubiti per venæ sectionem infauso casu læditur aponeurosis illa, à parte tendinea bicipitis musculi orta, sæva symptomata, quæ sequuntur, non pendent à tam levi vulnuscule; sed à nexu illius tendinæ expansionis cum aliis partibus.

**SITUM.** Si arteriarum intercostalium ramus, licet exiguus, lædatur sic, ut simul perforatâ pleurâ in pectoris cavum sanguis fluat; poterit effuso sanguine corrupto pulmo inflammari, suppurari, & lethalis tabes inde sequi: tantum ideo

(a) M. Annei Lucani Pharsal. Lib. IX.  
Vers. 612.

(b) Observat. de viperis, pag. 98.

(c) Experim. Naturalia, pag. 504.

quia vulnerata arteria talem situm habebat, ut posset in cavum pectoris sanguinem dimittere. In aliis enim corporis partibus longè majores arteriarum rami sine periculo discinduntur. Longè periculosius vulnus est inflictum internæ femoris parti, ob maxima vasa ibi decurrentia, quàm si externæ parti femoris simile contigisset.

**EFFECTUM.** Multis partibus corporis talis inest proprietas, ut vulnere vel aliâ quacumque causâ læsis his partibus, turbentur aliquando functiones aliarum partium; cum tamen ex hæcenus cognita Anatome nondum constet ratio, cur læsis prioribus turbentur aliarum actiones. In exemplo res patebit. Post dolores colicos vel iliacos aliquot vicibus toleratos oritur in colica dicta piftonum brachiorum paralysis, & sæpe pergente malo verus marasmus artuum superiorum. Quis ex cognita fabrica partium explicabit rationem mirabilis hujus eventus? Post vulnera abdominis, discissis mesenterii nervis quibuldam post enormes dolores mors sequebatur, nec reperiebantur in cadavere magna vasa discissa, nec viscera læsa. In cane, discisso nervo intercostali & paris octavi, in his animalibus eadem vaginâ contentis, apparuit oculum ejusdem lateris obscurari, mole minui, inflammari; sæpius repetitis Experimentis constitit, semper oculos inde mutari sensibilibiter. Hoc autem patuit non ex cognita structura partium, sed ex effectu observato post vulnus factum (a). Hinc patet, ingentem iterum nasci vulnere varietatem ex effectis, quæ à parte vulnerata observantur in corpore producta esse: tamen sæpe sola Observatio facti docet mirabiles tales eventus, cum ex cognita partium structura hæcenus à priori non demonstrari potuisset, hæc mala metuenda esse.

**LIQUIDA CONTENTA.** Si vesicula fellea vulnerata bilem in abdominis cavum effuderit; hæc citò putrescens pessima producet mala. Si ureteribus discissis urina per vulnus stillans in abdomine accumuletur, hæc corrupta omnia abdominis viscera putridâ labe inficere poterit, &c.

**FACIEM MUTATAM.** Possunt enim partes corporis per vulnus læsæ plùs minùsve degenerare à naturali conformatione, sicque miro modo externam partium faciem mutare.

Dum muscoli faciei unius lateris paralytici fiunt, quàm mira fit distortio faciei in latere opposito, quia musculi æquilibrio antagonistarum destituti retrahunt faciei partes! Idem per vulnera, læsis quibusdam faciei vel aliarum partium musculis, vel nervis discissis ad hos musculos tendentibus, fieri posse satis patet.

§. 157. **H**UJUS multiplicitatis originem nosse ut opus, ita nomina subtiliter distinguere non juvat.

Ad omnia illa, quæ tribus præcedentibus paragraphis dicta sunt, attendendum esse Medicis & Chirurgis, qui vulnera curant, nemo dubitat; ex his enim diagnosis & prognosis vulnere pendet, utpote quæ cognitioni structuræ & usûs partium, tanquam firmis fundamentis innituntur. Cognito enim instrumento vulnerante, & quo modo & quâ vi applicatum illud fuerit corpori; deinde consideratâ naturâ partis vulneratæ, & cognitis ejus usibus naturalibus per vulnus læsis, prævidemus, quid metuendum sit; intelligimus, quid Ars efficere possit, ut tollat mala jam facta, vel caveat futura. Difficile autem videtur, variis nominibus vul-

(a) Académ. des Sciences, l'an 1737. Mémoires, pag. 6. &c.

nerum diversitates tam numerosas designare ita , ut nomen datum distinctam offerat menti ideam ; difficilius longè memoriæ hæc sic imprimere , ut usum habere possent. Integræ sic tabulam tractatui suo de vulneribus præfixit *Paræus* , ut vulnorum diversitates traderet. Rem consideranti apparebit faciliè , hæc non adeo magni usus esse ; sufficere verò generalem cognitionem illorum , unde tanta vulnorum diversitas pendet.

§. 158. **S**I in corpore sano , robustoque factum vulnus in loco visibili , non irrigato magnâ quâdam arteriâ , nec nimis tendinoso , hæc oriuntur phænomena ; si modò à frigore , aere , siccatione , vulneris hiatus defenditur.

Ut aliquid certi de vulnorum curatione dici possit , necessariò præmittenda sunt illa phænomena , quæ fidelis Observatio per sensus facta docuit obtinere in vulnere à primo initio , quo infictum est , ad integræ consolidationem usque. Hæc autem omnia dum notantur illo ordine , quo se mutuo excipiunt , dant evidentem cognitionem methodi , quâ natura utitur , ut separatas per vulnus partes in pristinam cohesionem restituat.

Ut autem omnis evitetur error , & confusio , nihil hic consideratur , præter solum vulnus , & corpus vulnerati supponitur perfectâ sanitate valere ; aliter enim phænomena observata , non forent adscribenda soli vulnere , sed etiam pro parte penderent à morbo vulnus comitante. Longè enim aliæ mutationes apparent in vulnere , si cacochymia v. gr ; scorbutica , venerea , rachitica corpus obfederit. Præterea corpus supponitur robustum ; in debilibus enim languida circulatio minori impetu humores versùs vulnus ducit : hinc dolor , calor , tensio , &c , longè minora sunt circa labia vulneris , quàm in homine validis viribus prædito.

Deinde omnia hæc debent sensibus patere : unde in externis corporis partibus vulnorum phænomena inprimis observanda ; & his visis discimus , quid in internis corporis partibus vulneratis contingat. Ob hanc causam & supponitur , quòd nullum vas arteriosum majus simul læsum sit , undatim enim tunc profluens sanguis impedit , quominus omnia accuratè lustrari possint.

Additur præterea , quòd vulnus non debeat esse in loco *nimis tendinoso* : si enim v. gr ; tendo cujusdam musculi lædatur per vulnus , nec discindatur tamen integrè , musculus huic tendini affixus trahendo tendinem læsum horrenda poterit producere symptomata , quæ non adeo pendent à vulnere , quàm à musculo tendinem vulneratum trahente. Postea autem describentur illa mala , quæ ab arteriis majoribus discissis , vel tendinibus per vulnus læsis oriuntur.

Præterea aer , inprimis frigidus , admissus miro modo mutat partes vulneratas ; & lædit tenerrima vascula , illaque exsiccatur. Sic si per vulnus calvaria denudata , & aeri liber accessus fuerit ad nudum os notabili tempore , vix sanabitur tale vulnus , nisi priùs exfoliatione separata fuerit ossea lamella. Hoc autem non pendeat à vulnere ; si enim statim ab aere defensum fuisset os nudatum , hæc exfoliatio non contigisset.

Sub his ergo conditionibus recensentur phænomena , vulneribus omnibus propria , sequentibus numeris.

1. Partes, inter quas causa vulnerans adaeta, sensim magis magisque à se mutuo recedunt, licet causa ablata sit, nisi punctura fuerit parva.

Simulac causa vulnerans divisit cohesionem partium, distantia inter partes separatas est æqualis crassitie instrumenti lædenti: hinc dum maleficis à carnisce acutâ novacula facies discinditur, apparet tantum linea rubra, sed sensim labia vulneris à se invicem recedunt, & post paucas horas sæpe lineæ geometricæ amplitudine hiant. Vis enim illa, quâ coherant partes solidæ corporis nostri, pergens agere utrimque retrahit extrema discissa; quia in loco vulneris destructa est partium cohesio.

**NISI PUNCTURA FUERIT PARVA.** Dum enim instrumentum vulnerans pun-  
gendo parvum vulnus fecerit, simulac penetravit cutim, & læserit tunicam cellulosa-  
m subjectam (nisi fuerit macilentissimum vulnerati corpus) vulnus apparet ferè  
nullum, quia tunica cellulosa à cutis pressione in loco vulneris libera, statim assur-  
git in vulnus, illudque claudit. Hinc dum obeso homini vena secatur, subito sæpe  
sanguinis effluxus sistitur, pinguedine vulnus cutis obturante.

2. Cruor primò cum impetu effluit, dein sensim sponte sistitur.

Si non sit vulnerata magna arteria, neque talis, quæ ossi affixa se retrorahere & claudere nequit, primò quidem vulneris momento vasa discissa sanguinem cum im-  
petu eructant, paulò post contractis vasorum discissorum orificiis propriâ elasticita-  
te, & se recondentibus sub vulneris labiis, minuitur brevè, & tandem sponte cessat  
sanguinis effluxus. Hoc evidentissimè apparet in sectione calculi: ibi enim magno  
fatis vulnere cutis & subjectæ partes discinduntur, effluit uncia una vel altera san-  
guinis, sed, nisi infelici casu major arteria vulnerata fuerit, paulò post ferè integrè  
cessat hæmorrhagia; quæ aliter multum turbaret operationem. Omnis enim sanguis,  
qui ex vulnere facto effluit, ferè tantum ex arteriis exit; venæ enim satis magnæ  
etiam discissæ, nisi obstaculum positum fuerit inter cor & vulnus venæ infictum;  
parum tantum sanguinis stillant: arteriæ autem suâ elasticitate facillè se contrahunt,  
& sic sanguis brevè sistitur.

3. Tum crusta sanguinea cavo vulneris innascitur.

Cùm ergo ex vulnere sanguis arteriosus ferè tantum exeat, uti modò dictum est;  
& ille ex sua natura etiam in homine sano & robusto extra vasa hærens statim coagu-  
letur; ideo simulac incipit cessare impetus sanguinis erumpentis, fit tale coagulum  
sanguinis effluentis, sive thrombus dictus, vel eschara sanguinea, quæ labiis vulne-  
ris agglutinatur, & totum vulneris hiatum tegit perfectissimè; sique pulchro natura  
molimine tegitur & defenditur vulnus; subque hoc tegmine sensim consolidantur  
separatæ per vulnus partes. Et quia thrombus ille calore corporis & aere contiguo  
exsiccat magis & magis, satis durum sic nascitur vulnerei operculum, quod postea  
sanato vulnere sponte cadit.



## 4. Et liquor dilutus, rubellus, tenuis effluit.

Dum ille thrombus sic incipit nasci, uti & si natus auferatur, non effluit sanguis ferè, sed tenuis levi rubedine tinctus liquor, loturæ carniū recens maciatarum similis. Hoc autem videtur fieri, quia vasa sanguinea rubra discissa, sensim contractis suis orificiis, pauculum rubri sanguinis, majorem autem copiam tenuioris liquidi non rubri transmittunt.

## 5. Tum verò labia vulneris incipiunt rubere, calere, dolere, tumere, retorqueri, fundo interim tumido assurgente, præcipuè assurgente adipe in aperturam vulneris, ibidémque citò degenerascente.

Cùm vasa discissa proprio elatere contrahunt sua orificia, imò ferè claudunt, humores soliti fluere per hæc vasa sistuntur; hinc nascitur tunc circa labia vulneris obstructio, & impetus vitæ, à tergo urgens fluida in vasa obstructa, illa dilatat ante locum obstructum, unde nascitur vera inflammatio. Ideo rubent secundo vel tertio die labia vulneris, adest simul major calor inflammationis comes, uti & tumor; quæ omnia, si moderata fuerint, nihil mali designant, cum naturaliter in omni vulnere fiant. Hæc est ratio, quare vulnus recens inflisctum vix doleat; tertio autem inprimis die, vel aliquando citius, natà inflammatione, tumentibus partibus vulneratis, dolor sæpe sæcis magnus sentiat in vulnere.

Ideo Hippocrates (a), dixit, *gravibus vulneribus inflisctis si tumores non appareant, ingens malum*. Idem in Aphorismis (b) habetur pronunciatum, ubi addidit (c), *molles boni; crudi pravi sunt*. Si enim nullus oriatur circa vulneris labia tumor, designat vitales vires deficere; si nimius sit, valida inflammatio pejoris exitus metum facit.

Alibi pulchrè notavit (d) & tanquam utilissimum in Arte præceptum commendavit: quòd in universum omnia vulnera tertio & quarto die minimè vexanda sunt; omnisque opera specillii fugienda est his diebus, & quibuscumque aliis vulnera recrudescunt: in summa enim vulnera, pleraque tertio, aut quarto die recrudescunt, . . . quo præcepto nullum aliud tradi potest utilius, &c.

Obeamdem causam monuit (e), ubi os fractum, per cutim eminens, reponendum erat, illud debere fieri eodem die, vel prostridie, sed non tertio; quarto verò, vel quinto minimè.

Dum fororis stuprum vindicaturi Simeon & Levi persuaserant incautis, ut circumciderentur; tertii die post circumcisionem, acerrimè dolente vulnere, impune occidebant omnes (f).

RETORQUERI, FUNDO INTERIM TUMIDO ASSURGENTE, &c. Panniculus adiposus tui subiectus facillimè distendi potest & tumere; patet in obesis, hydropicis, & emphysemate, in quo aer, panniculum adiposum ingressus, tam mirabiles ejusdem expansiones facit. Cutis autem superinducta huic panniculo adi-

(a) Epid. Lib. II. Charter. Tom. IX. p. 181.

(b) Aphorism. 66. Sect. 5. Charter. Tom. IX. Part. II. pag. 240.

(c) Ibid. Aphorism. 67.

(d) Lib. de Fractur. Comment. III. text. XL. Charter. Tom. XII. pag. 249.

(e) Ibidem, Charter. Tom. XII. pag. 252.

(f) Genesis, Cap. xxxiv.

posse tenaci vinculo eum coerces: hinc ubi cutis per vulnus divisa est, sensim recedunt discissæ cutis margines, panniculus autem adiposus, in loco vulneris cutis æquabili pressione liber, brevi assurgit, & tumet, unde retroractâ utrinque cure, ex protuberante panniculo adiposo, vulneris labia retorquentur, & in vulneris fundo tumida moles assurgit. Sed manente eodem impetu liquidi vasa distendens, si minuantur causæ, quæ huic distensionî resistunt, vasorum amplitudo augebitur; cum ergo cutis resistentia in vulnere sublata sit, panniculus adiposus in vulnus assurgens, magis dilatabitur, & in fungosam dictam carnem Chirurgis excrescet, sicque degenerabit satis citò.

#### 6. Atque eodem tempore febricula cum calore & siti adest.

Si nempe vulnus fuerit alicujus momenti, in parvo enim vulnere hæc symptomata non ita observantur. Simulac enim oriuntur symptomata præcedenti numero descripta, oritur major calor in vulnere, & in toto corpore, pulsus fit celerior, inquietudo nascitur & insomnia turbulenta; uti & sitis major, & urina fit magis rubicunda. Omnia autem hæc symptomata durant, quamdiu ille tumor, dolor, & calor, uti & retorsio laborum in vulnere adsunt; his cessantibus, desinunt & illa: levis talis febricula, vulneratis hoc stadio contingens, non nocet; imò prodest potius, quatenus per hanc febriculam pus nascitur: pure autem facto, solet plerumque cessare. In sectione calculi, exstirpatione mammæ, & similibus vulneribus illo tempore adest hæc febricula, boni tunc semper ominis.

Hinc monuit Hippocrates (a) circa puris generationem dolores ac febres magis accidunt, quàm factò (pure).

Hic autem agitur de tali febricula, quæ à vulnere ut causâ hoc tempore nascitur; potest enim vulneratis, ab aliis causis plurimis febris contingere. In magnis enim vulneribus, v. gr; pure jam factò, sed copioso & pro parte bibulis venis resorpto, hæctica febris, corpus depascens, oritur sæpe.

#### 7. Hinc tertio, quartòve die seriùs, vel ocyùs, vulnerei adest liquor tenax, albus, pinguis, æqualis, pus.

Vulnere factò statim exibat sanguis; postea constrictis magis vasis discissis ichor subrubellus; dein oriebatur inflammatio vulneris cum symptomatibus descriptis; & post hæc incipiebat apparere in vulnere liquor unctuosus, consistentiam ferè habens cremoris lactis recentis, parum subflavescens, æquabilis omnino, inodorus, saporem blandum chylî ferè instar habens; vocatur Pus: quod si bonum fuerit; omnes dotes recensitas habet. Sed pus tale nunquam fit, si vulnus rectum non fuerit; sed sub thrombo, nato in vulnere, vel emplastro tegente, pus illud nascitur. Hinc pus non fit in vasis, sed extra vasa in vulnere generatur, ab effusis humoribus, calore corporis fortis & mutatis. Si enim pus omne in vulnere hærens linteis carptis molliissimis abstersum fuerit, post horam vulneris superficies undique madida apparebit tenui liquido, non pure; sed si per viginti quatuor horas emplastro rectum fuerit vulnus, illo ablato, pus apparebit. Undique pus fit extra vasa; sed materies, unde fit; per vasa adfertur.

(a) Aphor. 47. Sect. II. Charter, Tom. IX. Part. II. pag. 85.

Pus autem sic natum in vulnere pulcherrimos effectus præstat: hæc enim viâ utitur natura, ut semilaceras partes, inflammata vasorum extrema, unâ cum infarctis liquidis in labiis & fundo vulneris, hærentia, solvat, & à partibus vivis & sanis separet: deinde sub hoc pure factio recrefcunt omnia perditâ.

Naturam ubique secutus Hippocrates ideo dixit (a), recentia vulnera (ἀλγιστα ῥιπαία enim potius de vulneribus quàm de ulceribus videtur intelligi debere) tum & ambientes partes minimè inflammari, si celerrimè suppurentur. Postea addit ibidem, quòd acuto telo inflitum vulnus possit sine suppuratione curari; sed carnes contusas & dissectas putrescere; & in pus versas extabescere; deinde novas carnes renasci necesse est.

Dicit eodem in loco tunc inflammanur ulcera (vulnera), quum ad suppurationem tendunt: suppurant autem alterato & calefacto sanguine, quousque putrescens hujusmodi ulcerum (vulnrum), pus creatum sit. Non autem hic per putredinem videtur intellexisse malignam & vere putridam dicendam humorum degenerationem, sed tantum illam immutationem, quâ in pus abeunt, uti hunc locum legenti facillè patebit.

Hinc bonum pus maximum securitatis signum Chirurgis dat: quinimo Galenus ausus fuit pronunciare, nihil male posse accidere ulceri pus procreanti (b).

Puris enim confectio fit, dum boni humores debito motu ad vulnus feruntur; hinc sanitatis superstitis actiones pro sua causa agnoscit. In corpore enim cacochymico rarè bonum pus in vulnere nascitur, sed degenerans multum à conditionibus boni puris ichor; & hinc in talibus vulnera, licet levia, difficillimè sanantur. Talia corpora ideo ὑπερλεια dixerunt veteres Medici. Ob hanc causam dixit Hippocrates (c): *Hydropicis orta in corpore ulcera non facillè sanantur*. Si magno impetu per validam febrem moveantur humores, siccum vulnus apparet sine ullo pure: si è contra vires vitales langueant, deficit iterum puris confectio. Hanc ob rationem, ulceris siccitatem inter signa mortis futuræ recenset Hippocrates (d).

8. Simul rubor, calor, dolor, tumor, retorsio labiorum, febricula cessant, vel minuuntur.

Omnia enim hæc symptomata tantum oriebantur, quia in labiis vulneris vasa diffusa, contracta suâ elasticitate, denegabant liberum transitum liquidis appulsis; hinc vera nascebatur inflammatio, unde rubor, calor & calor in loco fiebant. Panniculus interim adiposus, cutis æquabili pressione liber recipiebat in vasis suis dilatatis alienos humores, unde turgebat in fundo & retorquebat labia vulneris. Suppuratio autem separabat extremitates obstructas vasorum, unâ cum immeabili liquido hic hærente; unde pure factio, vasis obstructis iterum patulis factis restituebatur liber transitus per hæc omnia, Omnia ergo illa symptomata, quæ ab inflammatione labiorum & fundi vulneris oriebantur, necessariò pure factio minuuntur multum, vel & penitus cessant.

Hoc autem vulneris stadium solent Chirurgi vocare tempus digestionis: cùmque vident omnia antè tumentia nunc subsidere, dixerunt pus fundere & dissolvere omnia.

(a) De Ulceribus Charter. T. XII. pag. 131.

Part. II. pag. 151.

(b) Commentar. in Aphor. 11. Sect. V. Charter. Tom. IX. pag. 107.

(d) In Pronosic. Charter. Tom. VIII. pag. 60. Coac. Prænot. n.º 96. Ibidem. pag. 88.

(c) Aphor. 8. Sect. VI. Charter. Tom. IX.

9. Et sensim cavum vulneris à fundo sursum, & ab ambitu versùs centrum crescente novâ, rubrâ, vivâ, materie, carne dictâ, impletur, coeunte margine albo, subcærulecente, molli, æquali.

Quando, bonâ digestionē factâ, omne illud, quod non poterat iterum ad integritatem requisitam reduci, separatim est à vasis vivis, tunc purum vulnus dicitur, & tota ejus superficies undique æqualiter apparet humida & perspirabilis, nihil asperi, nihil sicci in fundo & labiis vulneris conspicitur. Tunc incipit illud stadium vulneris, quo consolidatio perficitur. Sub pure enim, naturali & blandissimo balsamo, videmus tunc quotidie sensim elevari fundum vulneris; uti & ab ambitu marginum versùs centrum æqualissimè prodire novam materiem, quæ microscopiis illustrata tenerrima & pulposa vasorum excrecentium extrema exhibet. Hoc vocant incarnationem Chirurghi: non quòd caro, propriè dicta musculosa, sic recrescat, sed obtinuit usum, novam hanc rubram & vivam materiam, in vulnere puro quotidie auctam, carnem vocare. Omnium pulcherrimè hoc apparet in illis vulneribus, in quibus jactura substantiæ facta est; dum v. gr; acinacis ictu cutis cum subjecti panniculi adiposi parte ablata est; tunc enim naturaliter primò in vulneris fundo apparet vasorum recrecentium congeries, deinde à marginibus similia protruduntur; quæ cum prioribus à fundo surgentibus concurrunt, uniuntur, sicque perditam corporis substantiam restituunt mirabili naturæ artificio. Nihil enim Ars hîc agit, impedimenta tantum removet, aerem arceat tegendo vulnus, reliquum corporis creata fabrica perficit. Hæc sic fieri novimus omnes; quâ lege fiant, ignoramus omnino. Eleganter hujus rei veritatem expressit Galenus, dicens (a): *Cognosci debet circa carnis generationem, quòd materies illius sit sanguis bonus, opifex verò & auctor* (ἡ δὲ φύσις τοῦ καὶ ἰσχυρὰς) *natura*. Agit autem ibi de methodo, quâ ulcus cavum curari debet. Ignorabant tamen Veteres subtilissimorum vasorum mirabilem structuram, quibus partes nostri corporis, constant. Anatomicis demonstrationibus edocili hodie stupemus, quomodo elongata vasorum in vulnere hiantium oscula vicinis concurrant, uniuntur, concrecant; nec hoc tantum, sed arteriæ arteriis, venæ venis, nervi nervis, &c, sic debent uniri, ut renascatur similis deperditæ in vulnere substantia. Infinitam Creatoris Sapientiam adoramus, qui corpus humanum his dotibus instruxit.

Interea dum hæc fiunt in cavo vulnere, margines antea rubri & tumidi, nunc incipiunt subsidere æqualissimè; colorem subcærulecentem margaritarum instar acquirunt, sicque primum cicatricis rudimentum circa margines nascitur; sensumque augetur centrum versùs, donec æqualissimè clausum fuerit vulnus.

Hæc est naturalis & perfectissima vulneris sanatio.

10. Postremò siccatur vulnus; & obducitur cicatrice.

Ubi jam omnia recreverunt in vulnere deperdita, & unita fuerunt omnia, quæ per vulnus separata fuerant, locus vulneris siccus apparet, ubi antea in singulis punctis videbatur humiditas.

(a) Method. Med. Lib. III. Cap. 111. Charter. Tom. X. pag. 59.

Si jam non fuerit multum perditum de substantia, nec valida nimis suppuratione multum fuerit consumtum de panniculo adiposo & cute, omnia sic consolidantur, ut vix appareat aliquod discrimen inter locum vulneris & vicinam cutim; tuncque vix cicatricis nomen meretur. Ubi verò magna cutis portio ablata est, vel multum subiectæ membranæ pinguedinosæ consumtum fuerit per suppurationem, tunc apparebit locus vulneris magis albescens, magis solidus, & sæpe magis depressus, quam vicina cutis: vocatur tunc cicatrix, quæ semper minus perspirabilis est, quam reliqua corporis externi superficies, magisque polita & glabra apparet, quam reliqua cutis. Hoc inprimis patet, dum post mammæ vel majoris stæatomatis exstirpationem, magnâ portione cutis sic abscissâ, cicatrix nascitur; tunc enim vulneris consolidati superficies polita, splendens, immobilis, & accreta partibus subiectis apparet.

Sic descripta fuit Historia vulneris in corpore sano, & enarrata sunt illa omnia; quæ fidelis Observatio docuit fieri in vulnere, ab initio ad integram consolidationem usque: & inde postea certissima poterit deduci methodus, quâ vulnera curari debeant, imitando nempe naturæ in curandis vulneribus viam, removendo illa, quæ nocere possent, subministrando talia, quæ deficere videmus. Sed monitum fuit, tantum hic agi de tali vulnere, in quo nec major arteria, nec locus admodum tendens & latus læsa fuerant. Ergo jam videndum, quænam mutationes phænomenorum simplici vulnere accidant, si tales partes per vulnus læsæ fuerint.

§. 159. **SI** arteria non nimis magna; nec cordi admodum propinqua, omnino transversim dissecatur, retrosiliens, atque inter solida vicina se recondens, sibimet obturaculo est; & cætera ut (§ 58) prius.

Dum sanguis cordis vi in arterias, sensim semper angustiores factas, pellitur; in latera illarum incurrens illa ab axi canalis remouet; & hinc artieriarum capacitatem auget: tantò autem magis cæteris paribus arterias dilatat, quantò major est resistentia circa fines artieriarum; unde arteria ligata intumescit plurimum inter cor & ligaturam. Huic autem dilatationi resistent arteriarum fibræ musculosæ orbiculares satis validâ vi, quâ iterum contrahuntur in pristinam dimensionem, simulac cordis vis impellens cessat. Quando ergo arteria, per vulnus dissecta, patulo orificio sanguinem fundit, minuitur resistentia sanguini à corde impulsio, & hinc minuitur causa dilatationis arteriæ: prævalet ergo vis orbicularium fibrarum, per quam omni momento arteria plùs contrahitur, sicque sensim, si non nimis magna fuerit, orificium discessit arteriæ clauditur. Accedit præterea, quòd fibræ longitudinales, ob easdem causas plùs contractæ, arteriæ longitudinem minuant, unde arteria integre discessa retrosilit, & inter vicinas partes solidas se recondens harum mole & pondere plùs adhuc comprimitur & angustatur. Si jam simul per vulnus factum notabilis copia sanguinis exiverit, debilitatis inde viribus, & minuto sanguinis impulsu impetu arteriæ discessit contractio augetur. Dum magnus pedis digitus uno cunei ictu exstirpabatur, vidi binas arterias à latere abscissi digiti ultra vulneris superficiem ad lineæ Geometricæ fortè longitudinem eminere; dum per pauca minuta permittebatur liber sanguini effluxus per patula hæc vasa, inceperunt retrorahi, minuebatur hæmorrhagia, & post bidduum soluto apparatu, nullus effluebat sanguis, occlusus jam

discissarum arteriarum sinibus. Si verò magna admodum fuerit arteria discissa, vel cordi admodum vicina, non valet resistere arteriæ contractio sanguini tam validâ vi impulsio; hinc ad mortem usque pergit hæmorrhagia. Quò enim minor est arteria, & quò magis distat à corde, eò magis retardatur impetus sanguinis à corde impulsus, quia resistentiæ majores sunt.

§. 160. **SI** eadem (159) vulneratur transversim non tota dissecta, retractis fibris vulnus ampliatur; hinc hæmorrhagia perpetua; & cā sedatâ, à tenuitate cicatricis cedente aneurysma.

In hoc casu, ob rationes dictas §. 158. n°. 1, vulnus arteriæ inscissum, recedentibus à se mutuo sensim plùs partibus discissis, ampliatur magis: sed quia pars quædam adhuc coheret, non poterit vulneratæ arteriæ extremum retrofilire, & se recondere sub partibus vicinis, nec poterunt fibræ orbiculares sic contrahi, ut claudatur arteriæ vulnus. Cùm ergo in hoc loco resistentia nulla sit, & in reliquis vasibus integris satis magna, perget hoc vulnus sanguinem fundere ad mortem; vel animi deliquium usque. Sæpius autem accidit, quòd non ad mortem usque sanguis fluat, sed ad summam debilitatem tantùm: tunc incipit sensim nasci in loco arteriæ discissæ quasi rudimentum cicatricis, quod valet quidem compefcere sanguinem, debili adeo cordis vi motum, ne exeat, sed postea auctis vulnerati viribus debilior hic locus adhuc manens, quàm est arteriæ reliqua pars, à distendente sanguine magis dilatur, & protuberat: vocatur tunc *aneurysma*, sive arteriæ dilatatio, quia arteria in illo loco non ampliùs manet æquabilis conicus canalis, sed in saccum extenditur. Cùm enim amplitudo arteriarum pendeat à duabus causis, nempe à vi qua sanguis corde pulsus dilatare nititur arterias, & à resistentia laterum arteriarum; ideoque hæc amplitudo mensuretur (ut dictum §. 26.) ratione compositâ ex ratione directâ impetus sanguinis impulsus, & ratione inversâ resistentiæ laterum; patet evidenter, debiliore factâ arteriâ in quadam parte, ibi necessariò plùs debere extendi. Quia jam per ipsam hanc extensionem magis adhuc debilitatur talis arteriæ locus, patet ratio, quare sæpe adeo ingentes tumores aneurysmatici oriantur, qualia Exempla passim apud Observatores occurrunt.

§. 161. **SI** arteria major tota dissecta, oritur perpetua, usque ad defectum animi, vel vitæ, hæmorrhagia; inferius posita tabescunt, & putri exeduntur, sed lentâ gangrænâ; aut arefacta penitus contrahuntur.

Pleno tunc rivo undatim effluit sanguis, non æquabili celeritate tamen, sed per subsultus, nunc minori, mox iterum majori impetu; quia illo tempore, quo arteriæ sunt in diastole, cordis vis sanguinem urgens sola tunc expellit per apertam arteriam sanguinem: sed magna pars impetus sanguini à corde conciliati, impenditur dilatandis arteriis: hinc tantùm tempore diastoles arteriarum sanguis propellitur illo excessu, quo cordis vis superat resistentiam laterum arteriarum. Dum verò, cessante cordis actione, arteriæ comprimuntur, longè majori celeritate sanguis per illas movetur, & simul color sanguinis exeuntis coccineus fulgens est: &

ex binis illis signis novimus sanguinem ex arteria, non autem ex vena, effluere. Vena etiam, licet magna fuerit, vulnerata, leni stillicidio sanguinem fundit, ( nisi in summè plethoricis ) semper magis nigricantem, minúsque rutilum. Si jam arteria maxima fuerit, & cordi admodum propinqua, cita mors sequitur, omni sanguine per vulnus brevi tempore expulso. Sæpe tamen ad animi deliquium tantùm : & si tunc vulnerati non refocillarentur vino vel cardiacis, sed sic ferè mortui relinquerentur, spes adhuc aliqua superest, manente tali vitâ, sed debilissimâ, arteriam difficillam posse contrahi & consolidari. Mirabile hujus rei Exemplum viderat Celeberrimus horum Aphorismorum Auctor, illudque solebat hâc occasione Auditoribus suis narrare.

Vulnerabatur in pago vicino inter pocula rusticus cultro sub axilla, & discissâ arteriâ axillari incredibili impetu exilliebat sanguis : brevi pòst concidens credebatur exspirasse, & pro mortuo deponeretur. Sequenti die, dum accedebat illi, qui publicâ auctoritate occisorum cadavera examinare debebant, ut de vulnere lethaltate ad Judices ordinarios renunciarent, invenerunt aliquem adhuc calorem circa thoracem; cæterùm nulla vitæ signa : differebant scrutari vulnus per aliquot horas, incepti sensim parum refocillari vulneratus, quem tamen brevi perituro existimabant omnes. Sed præter omnium opinionem diu in summa tali debilitate manens vulneratus evasit tandem. Brachium autem illius lateris aridum & exfucum penitus mumie ferè instar totâ vitâ mansit. Si ergo in tam magna arteria, & cordi adeo vicina, potuit fieri consolidatio, apparet non tam facîle desperandum esse etiam in periculosissimis vulneribus arteriarum : modò nullis stimulis vinosis vel cardiacis augeatur debilis vita in talibus vulneratis, fortè plures evaderent.

Si jam arteria talis major discissâ sola prospiciat partibus inferiùs positis, nec ulli alterius arteriæ rami huc pertingant, necessariò tollitur omnis omnino vitalis liquor influxus in has partes. Sequitur inde mors harum partium, quæ tunc duplici modo fit : vel enim liquida, in partibus suppositis hærentia, non amplius propulsa motu arteriosi sanguinis, stagnat & corrumpuntur; tuncque putrida fit, sed lenta simul gangræna, quia omnis vitalis impetus, movens partes vivas ad gangrænosas illas crustas, hincque prosperere citò faciens malum, hic deficit : vel humores in partibus suppositis relictî post discissam arteriam majorem, contractione propriâ vasorum, & muscutorum vicinorum actione, transeunt in venas, & redeunt ad cor : sed nihil interim poterit à corde redire ad has partes ; unde sensim omni liquido orbata vasa harum partium collabuntur, & concresecunt : cùmque maxima pars nostræ molis corporeæ ab humoribus pendeat, ideo moles harum partium ultra fidem ferè imminuitur, & omnia arefacta penitus contrahuntur; uti apparuit in Exemplo modò allegato.

§. 162. **N**ERVI majores, tensique, toti dissecti retrosiliunt, se recondunt, ramulos vulnere paulò superiores trahunt, tendunt, vicinis dolorem, obstructionemque creant, parti verò infra vulnus positæ stuporem, immobilitatem, marcorémque, aut & gangrænam.

Jam considerabuntur illa phænomena, quæ apparent, quando nervi majores

**D d** iij

vulnerantur. Nullum enim vulnus cutim lādere potest, quin innumera fibrillæ nervæ dissecantur; sed de his hic non agitur. Consideramus hic tantum nervos majores, prout ab Anatomicis demonstrantur, qui sunt fasciculi nervorum communi involucri testorum.

**RETROSILIUNT, &c.** Illud, quod in majoribus nervis propriè nervus dicendum esset, tenerrimæ encephali pulpæ propago, non videtur talem habere firmitatem, ut dissectum elasticè vi retrosilire possit; sed mollissimis in sua origine ex medulla oblongata & spinali nervis circumponuntur tenacia involucria, ut tutò deferri possint ad illa loca corporis, in quibus suo munere fungi debent. Ab his vaginis nervorum firmitas & elasticitas pendent, unde & parvæ satis fibrillæ nervæ Anatomico scalpello resistunt; & nisi hoc foret, nervorum demonstratio, inprimis ubi tenues dividuntur ramulos, omnino foret impossibilis. Dum ergo discinditur major nervus, extrema discissa vi contractili vaginarum, nervos investientium, & vasorum per hæc disperforum, utrimque retrosiliunt, & sub vicinis partibus se recondunt. Quò crassior autem nervus est, eò cæteris paribus, densiora involucria habet: & cum nervei fasciculi minores, qui uniti hunc majorem constituunt, etiam suis investiantur involucriis, ideo magni nervi disseci satis validè vi retrotrahuntur.

**RAMULOS VULNERE PAULò SUPERIORES TRAHUNT, &c.** Nervi quidem distribuuntur in ramos, ut arteriæ & venæ; sed rami ex arteriis venisve orti cum cavo trunci unde oriuntur, communicant; unde liquidum ex trunco in ramos continuatè motus fertur. Sed alia ratio obtinet in nervis majoribus, minores nervos ramorum instar à se dimittentibus. Major enim talis nervus continet innumeros minores nervorum fasciculos communi involucrio colligatos; qui iterum ex aliis minoribus constant: nec finem hujus divisionis hæcenus invenit subtilissimorum Anatomicorum dexteritas & industria. A majori autem nervo in decursu suo secedunt ubique tales nervorum fasciculi, qui rami majoris nervi dicuntur: non quòd substantiæ continuatione inde propagentur, ut in arteriis & venis, sed antea uniti cum aliis similibus molem majoris nervi constituiebant; nunc inde secedentes tendunt singuli ad debita loca, ut suo fungantur munere. Omnes ergo nervi, qui ex majori nervo ramorum instar derivantur, jam adfunt tales in illo loco, ubi major nervus ex medulla oblongata vel spinali originem ducit. Sed in arteriis & venis rami ibi originem suam ducunt, ubi ex trunco majoris canalis exeunt.

Dum ergo truncus major nervosus discissus est, ille retrosiliens simul trahet ramos nervosos ex hoc trunco ortos paulò superiùs, quàm est vulnus inflitum; unde à violenta hac distractione fibrillarum nervosarum immanes dolores in partibus vicinis, ad quas illi ramuli pertingunt, oriuntur; & ideo sæpe longè acerbior dolor in partibus vicinis est, quàm in ipso vulneris loco. Possè autem à simplici tali distractione fibrarum nervearum enormes fieri dolores, docent plurima Observata. Dum plegmone panniculum adiposum occupans & distendens suppuratur, cutim elevat & nerveas cutis fibrillas distrahit cum summo dolore; pure dein facto, percuta cuncta lanceolâ Chirurgicâ, cessat illico dolor omnis, dum distendens cutim pus effluit. Quàm fævus dolor oritur, dum inflammatorius tumor teniam & nervosam adeo meatûs auditorii membranam elevat! Dum in lue venerea tumens ossis substantia periosteum distrahit, præ doloris acerbitate sæpe violentas sibi ipsis intulerunt ægri manus.



Præterea vaginæ illæ, quæ nervos majores, & inde secedentes ramos, investiant, innumeris constant vasculis, uti hodie per Anatomicas injectiones certò novimus; non poterunt ergo rami nervosi à trunco discisso & retrofiliante distrahi, quin simul & distraherentur hæ vaginæ, & sic elongentur vascula has constituenta: sed demonstratum fuit §. 112. n<sup>o</sup>. 3, omnem causam, quæ vasa nimis trahit & elongat, minuere vasorum capacitatem; unde obstructio nasci poterit, & omnes ejus effectus.

**PARTI VERO INFRA VULNUS POSITÆ STUPOREM**, &c. Nervorum actiones in corpore humano observatæ sunt distinctissimæ omnino. Quidam enim sensum præbent partibus, ad quas tendunt; alii motum muscularem efficiunt; nutritio partium denique, & vita, ab aliis videtur pendere: diversas autem illas actiones per diversos fieri nervos, docemur in morbis evidentissimè. Accidit enim sæpe, paralytes particulares, imò & ipsam hemiplegiam nasci, in qua dimidium latus corporis immobile omni actione musculari voluntariâ caret, supersitque sensu, calore, & nutritione in parte affecta; tuncque magna spes curæ affulget. Aliquando unà cum motu sensus perit, & fit talis stupor in parte affecta, ut non amplius ægris appareat hæc pars pertinere ad corpus, sed sentiant obstacula occurrentia huic parti, ac si baculo porrecto eadem tangerent; pejor tunc longè mali conditio. Dum autem simul frigus in parte paralytica est; & torosa partis substantia incipit decrescere, immedicabile ferè semper malum est; uti in paralyti colicam pictionum dictam sequente, trislibus Exemplis constituit. Nervus autem his adeo diversis functionibus inservientes, origine suâ in encephalo distinctissimi licet sint, tamen colligati in majores fasciculos nerveos ad partes tendunt: talibus ergo funiculis nerveis discissis integre, omnes illæ functiones diversæ, à nervis integris pendentes, abolentur. Unde stupor & insensibilitas partium infra vulnus positarum; uti & earumdem immobilitas & marcor nisi rami supra vulnus factum ex trunco emissi, partibus inferioribus prospexerint, vel alii trunci nervei ramos ad has partes dederint.

Minus fortè evidens apparebit ratio, quare gangræna partium infra vulnus positarum nervum majorem penitus dissectum sæpe sequatur. Sed gangræna dicitur illa partis mollis affectio, quæ, abolito influxu vitalis humoris in arterias, & effluxu per venas, in mortem tendit. Si ergo nervo majori dissecto gangræna sequatur, debet tolli vitalis ille humorum influxus & effluxus: arteriæ tamen & venæ sunt integræ, humores per illas fluentes boni; soli nervi discissi sunt. Si autem consideretur, motum liquidi per arterias pendere à binis causis, cordis nempe vi & arteriarum actione; & simul notetur, cordis vim pro maxima parte impendi dilatandis arteriis, hinc præcipuam causam motûs fluidi per arterias esse earumdem contractionem, quæ partim ab elasticitate quidem arteriarum, maximè tamen pendet à vi musculari fibrarum orbicularium, quâ arctantur dilatatæ arteriæ, & propellunt contentum liquidum; cùmque constet ex Physiologicis, actionem musculi requirere integritatem nervi ad musculum delati, & truncos nervosos ramos dare vicinis arteriis, apparebit, nervo destructo, perire vim muscularem arteriæ, quâ urget liquidum contentum, supererit ergo sola elasticitas arteriæ, & impetus à corde communicatus. In venis autem sanguis movetur illo motu quem habet, dum ex arteriis in venas transit; adjuvatur dein motu musculorum adjacentium, qui urgentes, dum agunt, adjacentes venas premunt, sicque sanguinis venosi

motum promovent. Nervis autem discissis, musculi suppositi paralytici manent; hinc nulla illorum actio superest. Minuto ergo imperu sanguinis ex arteriis in venas pulsus, deficiente musculorum venis adjacentium actione, incipit sanguis in venis tardius moveri, accumulari, stagnare; atque ita major adhuc resistentia oritur arteriis, quarum actio jam debilitata erat; unde tandem integre suffocatur motus vitalis fluidorum per arterias & venas in partibus tali vulnere suppositis; id est nascitur gangræna.

Sic ratio apparet illorum malorum, quæ observantur sequi nervos majores integre discissos: Observata autem Medica docent in simili casu talia sequi mala.

Sanissimus, & crudâ senectute vigens vir, sexagesimum quartum ætatis annum agens, ex alto delapsus spinam dorsi acuto lapidis angulo sic impingit, ut ipso momento totus corporis inferior truncus ab infimo margine ultimarum costarum, & artus inferiores carerent sensu & motu, medullâ spinali læsâ in tam alto loco. Incassum adhibitis omnibus, sextâ die gangræna plantam pedis utramque occupabat, septimâ die placidè periit.

Similem casum in juvene sanissimo viginti annorum vidi, cui circa ultimas lumborum vertebrae hærebat malum: miseram ille vitam per decem septimanas traxit, sed horrenda gangræna totas nates, pedum plantas, utramque calcem depascebat, miserrimo spectaculo.

§. 163. **N**ERVI tenfi, tendinosi, puncti, vel dimidiatò discissi dolores, aliquando primò, obtusos, nonnunquam vivos excitant, primò loco tumoris, post per omnes nervos nexos, vicinosque; hinc calores, tumores, rubores latè sparfos, febres, deliria, spasmos, inflammationem, inflammati aperturam cum evacuatione acris, tenuis, & copiosissimi sæpe feri; postea insensilitatem, rigiditatem, exsiccationem, immobilitatem producunt, vel gangrænam, & mortem: atque hæc quidem omnia eò violentiora accidunt, quò nervus est fortius tensus supra partes firmas, iisque annexus; aut & involucris magis tenacibus indutus.

Hi sunt calamitosissimi illi casus, ubi à levi vulnere tam dira sæpe symptomata oriuntur. Accidit aliquando, ut, dum vena in brachio pertunditur, lædatur ipsi bicipitis musculus tendo; vel, quod sæpius fit, lata illa aponeurosis ab hoc tendine orta, musculos cubiti tegens. Ipso hoc momento sæpe oritur dolor intolerabilis, quem misero ejulatu ægri exprimunt. Dum Carolo nono, Gallie Regi, Medicorum jussu vena secabatur; ipso momento, quo vulnusculum infligebatur, præ doloris acerbitate Rex altâ voce clamavit; paulò post totum brachium intumuit, nec poterat sine magno dolore flecti vel extendi articulus cubiti: sævus interim dolor in loco puncturæ, & postea per totum brachium dispersebatur: applicabatur vulnusculo oleum terebinthinæ calidum cum pauxillo spiritus vini rectificati, & aliis dein idoneis remediis post trimestre spatium brachii usus integre restitutus fuit (a).

(a) Les Œuvres d'Ambroise Paré, Livre XII, Cap. 41.

Aliquando & in initio talis mali tantum sentitur obtusus dolor, post paucas fere horas immaniter auctus, totum brachium ad humerum usque occupans; aliquando & subaxillares glandulae satis cito tument & inflammantur. Conqueruntur saepe in ipso vulnere adesse sensum vivi ignis partem comburentis. In cute externa maculae rubrae oblongae apparent, pessimo fere semper signo. Dum in paronychia maligna specie tendines flexorum digiti afficiuntur, rubra zona, per cuius cubiti, longitudinaliter secundum ductum musculorum digitos flexentium decurrens, tam mali habetur ominis apud peritos Chirurgos; acutissima saepe in sanissimo etiam homine accenditur febris, & partim ab hac febre, partim per doloris vehementiam turbato cerebro, deliria, convulsiones, mors ipsa, sequitur. Functum tale Exemplum mortis secuta post nervi puncturam Paræus in loco modo citato habet. Hippocrates (a) narrat, quod cerdo in Pityo calcem pungendo affuens, se ipsum supra genu in femur pepigit, & fere digiti longitudine subulam adegit. Huic nihil quidquam sanguinis effluxit. Vulnus autem repente coaluit. Totum autem femur intumescerebat, & tumor ad inguen & ventrem (ἰς τὰ τὸν θυλάκιον, & τὸν κοιλίαν) extendebatur. Is tertio die mortuus est. Alter (b) acuto jaculo retrorsum paulo infra cervicem sauciatus est: vulnus quidem accepit adspetu, minimè effatu dignum; non enim alit penetrabat. Verum non longo postea tempore, evulso jaculo dissendebatur in posteriora contractus ut opisthotonici, & maxilla conviciebantur. Essi quid liquidum os sumere ac deglutire tentaret, id in nares regerebatur: & quàm primum cetera in deteriora reddebantur; & altero die mortuus est. Plurimi tales trillissimi casus apud Observatores occurrunt.

Quamvis autem non semper mors sequatur tales nervorum lésiones, molestissima tamen plerumque adsunt mala: tota enim pars tumet immaniter, inflammatur, & vel per clatas epidermides bullas, vel & per ipsum vulnuscum sponte dilatatum exit incredibilis quantitas tenuis liquidi noctes & dies: quia autem adeo urentem dolorem sentiunt ægri, acrimoniam depluentis ichoris accusant; cùm tamen gustu non detegatur in hoc liquido effluente tanta acrimonia. Aliquando gangræna totum panniculum adiposum depascitur; suppuratio mitis nunquam hic fit, sed finuosæ collectiones ichorosæ materię omnem pinguedinem musculis interpositam consumunt; vaginæ pinguedinosæ tendinum destruantur: unde postea, cute musculis accretis, tendinibus & musculis defectu cellulosa tunica concretis cum vicinis partibus, fit rigiditas & immobilitas omnium; & totius membri usus perit. Destructis validâ gangrænâ, vel suppuratione, nervorum tunicis; (nam & in nervorum involucris cellulosa tunica reperitur) usus horum perit, sitque infensilitas, marcor, &c. Quàm mirabile videtur, in corpore etiam sanissimo, à levi nervi punctura posse nasci tam miras humorum degeneraciones, tam enormes dolores, tot partium usum penitus destrui à levissimo etiam vulnere! Ratio horum phænomenorum posse dabitur §. 181, & sequentibus.

Notandum quàm maximè, omnia hæc eò violentiora accidere, quò nervus læsus fortius sensus est: hinc tam periculosae puncturae sunt circa ultimas digitorum phalangas, ubi fortissimi tendines inseruntur, & in volâ manûs, ubi expansio illa tendinosa, palmaris musculi, sensum illud & tendineum scutum facit. Augetur præterea hæc malignitas, si tenacioribus involucris nervosae partes læsae rectae fuerint; uti pater imprimis in periculossima paronychia specie, ubi tendo insertus ultimæ

(a) Epid. Lib. V. text. 30. Charac. Tom. IX. pag. 343.

(b) Ibid. text. 31. pag. 344.

phalangæ digiti; puncturâ læsus, vel aliâ quacumque de causa inflammatus, sevrissimos dolores, phrenitidem, convulsiones, syncopen, imò mortem ipsam sæpe satis subitò infert; vel, si evaserit post diros adeo cruciatus æger, sideratum ultimæ phalangis ossiculum cadit; manus in pugnum contracta per totam vitam manens immobilis, tristes funesti mali reliquias, Arte insuperabiles, ostendit. Ratio autem tam enormis malignitatis, tota ferè pendet inde, quòd tendinibus flectentibus phalangas digitorum circumponatur ligamentum illud mirabile, cartilagineam ferè duritiem habens; si enim primis horis incipientis mali peritus Chirurgus audaci sectione dividat omnes partes incumbentes ad os usque: sicque pertundat thecam illam tendines ambientem, minuitur dolor illico, & præcaventur omnia illa funesta symptomata.

§. 164. **Q**UÆ eadem (162. 163), parum mutata, etiam in tendinibus diversimodè læsis obtinent, atque sævissima quidem.

Tendo musculi examinatus discerpi potest in tot fibrillas, in quot poterat dividi musculus ipse: inter quas fibrillas iterum interponuntur vasa numerosissima, uti injectiones Anatomicæ docuerunt. Sed tendinum illæ fibrillæ videntur esse tantum continuationes fibrarum musculosarum, quæ nervis musculos ingressis originem suam debere videntur (a). Hinc non mirum tendines læsos, nervorum propagines cum sint, nervis similia mala pati. Sed uti in majori nervo reperiuntur omnis generis vasa, & tunica cellulosa, nervosas fibras à se mutuo separantia, sic idem in tendinibus, observatur. Quia autem tendines movendis partibus tantum inserviunt, nervi autem præterea & sensum, & nutritionem, in plurimis corporis partibus faciunt, hinc non omnia eadem mala fiunt à tendinibus læsis, quæ nervis vulneratis accidunt: multa tamen in utroque casu adsunt communia phænomena, quæ tamen plerumque violentiora in tendinibus læsis adhuc observantur.

Integre discissi nervi, nisi ramuli vulnere paulum superiores trahantur à resiliente trunco discisso, non multum doloris faciunt; partibus autem inferioribus omnes usus tolluntur, quos à nervo integro habebant. Sic & tendine integre discisso oblecter morus partis, qui ab hujus tendinis integritate pendebar; cæterum dolor sæpe nullus, nisi qui omni vulnere simplici adest, nec sæviora sequuntur symptomata. Hoc vidi in homine, cui cultro tendines erectores digitorum abscissi fuerant. Memorabilis casus, qui hoc confirmat, habetur in *Actis Academia Regiæ Scientiarum* (b). Saltator agilissimus, dum validissimo saltu corpus elevare nixitur, disrumpit utriusque pedis magnum tendinem, quem *Achillis* vocant, integrè manente cute; distantia autem trium digitorum transversorum erat inter tendinis rupti extrema. Idoneè ligaturâ restitutus fuit in pristinam sanitatem; nec ruptionis momento, nec toto curæ decursu ullum dolorem sensit.

In illo homine, integrè etiam manente cute, ejusdem tendinis illa pars, quæ oritur à musculis gastrocnemiis, rumpebatur; manente integrè illa parte tendinis, quæ musculo soleo, gastrocnemiis subiecto, originem debet. Aderat magnus dolor, valida inflammatio, & tumor partis (c). Inde apparet, longè majora mala sequi tendinem semidivisum, quàm si integre divisus fuerit.

(a) Herm. Boerhaave, *Institut. Med.* §. 395. | *Mém.* pag. 70, &c.

(b) Académie des Sciences, l'an 1722, | (c) L'An. 1728, *Mém.* pag. 331, &c.

Sævisſima autem mala à tendinibus, vulneratis leviter, oriuntur; imò à levi tantùm attractu tendinis, involucris ſuis nudati, totum genus nervoſum turbatur uno momento per totum corpus: quod maximè mirum cùm tendines involucris ſuis tecti, inprimis pinguedinoſà illà vaginà, quæ molli oleo lubricando tendinum mobilitatem expeditam adeo ſervat, ſerant ſine magno malo, ut validè trahantur, imò conſuantur. Notum enim eſt in Chirurgicis, quòd tendines diſciſſos, tenaculis arreptis extremis, attrahant, trajecta filo in unione retineant, ſicque feliciffimè ſanent, parte affectà ſic diſpoſitâ ut muſculi, quorum tendines ſunt diſciſſi, flaccidi maneant. Ubi verò involucris illis nudus tendo vel leviter attingitur, quàm horrenda oriuntur mala!

Nobili viro valida inflammatio totum pedem à genu ad malleolos uſque occupaverat; valida ſimul aderat febris; & in corpore ſatis cacoſymico tantæ inflammationis reſolutio exſpectari minimè poterat: oriebantur hinc inde collectiones purulentæ & ichoroſæ materiæ, & magna pars tunicæ cellulofæ ſeparabatur: inprimis circa malleolum internum conſumptâ omni pinguedine, ipſiſque vaginis tendinum ſeparatis, nudi apparebant tendines. Monuerat Chirurgum celeberrimus *Boerhaavius*, ne tangeret: neglexit ille hoc monitum, & credens tunicæ cellulofæ partem eſſe, tenaculo prehendiſſe tendinem, ut auferret: ipſo momento miſer æger convulſus fuit totus à capite ad calcem, cum immani dentium ſtridore; ſicque per aliquot momenta tetanodes factus obriguit.

Terribile & huius rei exemplum habet *Hippocrates* (a): *Thrinon Damonis filius circa tibiam malleolum ulcus habebat juxta nervum ſanè jam purum. Huic à medicamento erodente admoto, contigit opifſhotono mortem oppetere.* Satſis autem videtur probabile, quòd per nervum purum (*νῦν πῦρ καθαρόν*) intellexerit tendinem vaginis ſuis nudum, qui tunc albo colore nitet. Eadem Obſervatio reperitur & alibi (b).

Nullum autem pulchrius habetur remedium ad nervorum vel tendinum puncturas, ut præcaveantur horrenda illa ſymptomata, vel mitigentur, ſi jam adſint, quàm baſam *Peruvianum* nigrum, leviter calefactum, vulnere inſillare; deinde ſparulâ calefactâ appoſitâ efficere ut magis penetret, & diffundatur per omnia vulneris loca: poſtea totum membrum molliſſimis cataplaſmatibus aut fomentis involvatur, vel blandiſſimis oleoſis illiniatur continuò. Si vulneris anguſtia baſam *Peruvianum* non admittat facilè, dilatetur parum.

Quantùm autem poſſit olei calidi perſuſio, ubi totius generis nervoſi irritatio, convulſiones inde futuræ metuuntur, propriâ calamitate didicit *Galenus*, qui, in paleſtra dum exercebatur, diſvuſum habuit acromium à clavicula. Paleſtræ magiſter, luxatum humerum credens, ſummâ vi & repetitis vicibus diſtrahebat partem, ut nempe reſtitueret os luxatum. Diſtractis tam enormi vi muſculis, ſenſit inſtare convulſionem ſibi *Galenus*, juſtiſque totum diem & noctem oleo calido partem perſundi, dum nudus ſub æſtu caniculæ decumberet in pelle ſic figurata, ut oleum aſſuſum lentè delaberetur in pelvim ſuppoſitam; quod ſic collectum & calefactum reaſſundeſcitur continuò. Teſtatur autem, quòd dum vel modico tempore intermitteretur olei aſuſio, ſentiret illico muſculos cervicis diſtendi, & inſtare convulſionem (c).

(a) Epidem. Lib. V. Charter. text. 43. Tom. IX. pag. 570.

Tom. IX. pag. 348. in fine.

(c) Comment. I. in Hippoc. de Articulis. Charter, Tom. XII. pag. 323.

E c ij

§. 165. **E**T membranæ, tendinum, nervorumque sæpe producta quum sint, iisdem afficiuntur morbis (162. 163.)

Non omnes quidem membranæ læsæ tanta mala faciunt, sed illæ inprimis, quæ tenæ admodum sunt. Tendinosa illa membrana, quæ à fascia lata producitur, similis aponeurosis à glutæo musculo orta femoris musculos validissimos ambiens & coerens si levi puncturâ lædatur, enormia producit mala. Idem apparet in bicipitis aponeurosi per venæsectionem in brachio institutam aliquando læsâ. Meatum auditorium investiens membrana, adeo tensa, si inflammatorio tumore ibi orto distrahat, intolerabilis dolor oritur; delirium, imò sæpe mors sequitur; ut *Hippocrates* in *Prognostico* & *Coacis Pranotionibus* monuit. Inprimis autem metuenda est læsio illarum membranarum, quæ vel tendinum producta sunt, vel exquisitissimo sensu nervorum, per suam substantiam disperforum, copiam & irritabilitatem testantur: qualla v. gr; obtinent in periosleo, quod tam acerbos aliquando dolores facit, si lædatur.

§. 166. **Q**UID lymphatica, adiposa, venosa vasa, & vesiculæ partiantur in vulneribus, quid efficiant, ex lege circulationis, & consideratione vicinorum facilè intelligitur.

**LYMPHATICA.** Vasa, quæ ab Anatomicis demonstrantur sub nomine lymphaticorum, omnia venosa sunt: docet hoc liquidus motus per illa vasa ex ramis in truncos, uti & valvulæ, quas *Ruyfchius* tam evidenter demonstravit *Bilfio*, has unquam in his vasis demonstrari posse neganti (a). Hæc vasa lymphatica venosa læsa non faciunt magnum malum: venæ enim sanguinæ, etiam satis notabiles, vulneratæ non multum sanguinis fundunt. Sed his venis lymphaticis respondent similes arteriæ lymphaticæ; quæ vulneratæ, nec integre discissæ tamen, molestissimum & perpetuum lymphæ stillicidium in vulneribus facere poterunt. Numerosissima autem talia adeste in corpore vasa, potest etiam concludi ex injectionibus Anatomicis per arterias factis: replentur enim coloratâ materie tales partes in suis vasis, in quibus naturaliter, nullus sanguis ruber apparebat. Tendines & ligamenta sic replevit *Ruyfchius*, ut ruberent penitus: ergo adfuerunt in his partibus plurima talia vasa, quæ liquido tenuiori non colorato replebantur in sanitate. An ideo frequens talis lymphæ profluvium observatur vulneribus circa articulos inflictis? Chirurgi ideo articularum lympham vocaverunt (*Leedewater*) quia frequenter observant circa articulos ex ulceribus, vel & vulneribus, exstillare magnam hujus lymphæ copiam.

**ADIPOSA.** Corporis humani pinguedinem sanguini misceri posse, & cum illo per vasa moveri, satis certò constat: videmus enim, per febrim acutam in obesius paucorum dierum spatio, pinguedinem adeo minui; imò & in sanguine, venis educito in talibus morbis, apparuerunt oleosæ guttulæ. *Malpighius* (b) dum in ranis adnatas trunco venæ portarum oleosas strias observabat, his compressis vidit conspicuas olei guttulas in trunco venæ portarum unâ cum sanguine in hepar abripi. De hac ergo re nullum videtur superesse dubium: quæritur tantum, an pingue tale

(a) Dilucidatiò valvularum, pag. 2. 3.

(b) De Omento, Pinguedine & adiposa | ductibus, pag. 42.

oleum propriis vasis feratur continuo motu, uti reliqui humores; an verò collectum hæreat in ampullulis, quæ orificiis suis recipientibus uniuntur arteriis, unde hoc oleum fecernitur, orificiis verò emittentibus communicarent adiacentibus similibus ampullulis, uti etiam venis, quæ pingue hoc ab arteriis secretum, in folliculis illis collectum, iterum reciperent, & reliquis miscerent humoribus. *Malpighius* ferè videtur in Tractatu modò memorato fuisse in hac opinione, quòd essent talia vasa pinguedinosa, quæ continuo ductu, nullis ampullulis interpositis, oleum deferrent: in posthumis autem ejus Operibus (a) dicit, pinguedinem propriis in loculis contineri & coacervari, velut in peculiaribus officinis; vasorum autem seu ductuum adiposorum existentiam nondum asserere audet, licet circa ipsa sollicitus plurimum se exercuisset. Sive autem pinguedo talibus ampullulis, unitis simul & in se mutuo patentibus, consistet; sive dentur talia vasa pinguedinosa; his læsis pingue contentum effluet, corrumpi poterit, sicque multa mala producere valebit. In equi abdomine, post validum cursum mortui, aperto, totam cavitatem ejus oleo tenui fuso plenam reperit *Ruyfchius* (b). Hoc certum est, quòd pinguedo laxissima sit, facilè in vulnere protuberet, fungosas carnes sic dictas faciat; inprimis si pingua loca vulnerata nimis emollientibus tractentur.

**VENOSA VASA.** Modò non fuerint admodum magna, non adeo metuenda faciunt mala: hæmorrhagia enim valida rarè inde nascitur, nisi in valde plethoricis, quæ tunc non nocet, utpote nimiam sanguinis copiam minuens. Vicinæ autem venæ, crebris anastomosibus inter se junctæ, defectum vulneratæ venæ facilè suppleant. Hoc tamen videtur notandum, quòd si cognoscatur notabilis vena per vulnus læsa esse, tunc non posse applicari sine periculo acria illa styptica, quæ hæmorrhagiæ in vulneribus compescendæ causâ aliquando adhibentur; vitriolum v. gr; alumen, alcohol, &c: metus enim est, ne hæc patulo venæ vulnere recepta sanguinem ingrediantur, ejusque coagula faciant; quæ per latiorè continuò factam venam ad cor dextrum delata, dein pulmonalis arteriæ angustiiis impulsæ, funesta maximè possent producere mala.

**VESICULÆ.** Quales sunt omnes folliculi glandulosi, in quibus per arterias secretus à sanguine humor membranaceo cavo colligitur, & deinde proprio emissario ad usus peculiare emittitur. Læsis per vulnus his vesiculis patet, illarum usum deferui. Quanti autem momenti sit hæc jactura, ex cognito usu harum partium patet: sic v. gr; seminalibus vesiculis discissis, apparet facilè, totum turbari generationis opus.

§. 167. **SI** vulnus oculo patet, ejus præsentia, & natura scitur, 1. Sensu ipso, absterfo impedimento conspectus, & suppresso cruoris fluxu. 2. Scientiâ Anatomicâ vicinorum.

Summâ inprimis hic cautelâ opus est Medico æquè ac Chirurgo, qui ad vulneratum vocantur, ne de vulnere judicium ferant, priusquam omni curâ illud examinauerint: quidquid enim tunc tumultuario consilio minùs cauti pronunciant, postea fortè ad Judices deferetur. Si tunc infelix eventus periculosum fuisse vulnus probet, quod primâ illâ inspectione levioris momentis esse dixerant, Patro-

(a) Pag. 25.

(b) *Epist. Anatom. ad Vir. clar. Herm. Boerhaave*, pag. 55.

ni, qui rei causas agunt, postea Medico æquè ac Chirurgo infamiz notam inurent, ac si illorum imprudentiz deberent imputari gravia illa mala, quæ vulnus inflictum secuta sunt. Chirurgi autem prudentiores plerumque solent tunc præsentem Medicum rogare, quid de vulnere & ejus effectibus metuendis sentiat; sicque cauti evitant famæ periculum. Utilissimum ergo erit, si illi, qui Medicinæ exercendæ se applicabunt aliquando, omnem arripiant avidè occasionem, ut vulnera, & graviore operationes sæpius videant, ut sic sensim assuescant intrepido animo hominum calamitates intueri. Non sine ratione Hippocrates dixit (a), *Medicus gravia ac periculosa intuetur, & molestia contristas, ac ex aliorum calamitatibus proprias sibi demetit molestias. Egrotantes verò Artis operâ maximis malis, morbis, laboribus, dolore, & morte vindicantur.* Humani generis commoda, ex Arte salutari nata, levant hæc tædia. Sæpe enim accidit, Medicos, fabricæ corporis humani peritissimos, vulneris adspectu, ejulatu adstantium, vulnerati querelis, sic turbari, ut titubantes longè aliud judicium ferant de vulnere, quàm quidem tulissent, si pacatâ mente omnia considerassent.

Non ergo festinanter, sed summa cum animi attentione vulnus examinandum est; primâ enim deligatione hoc licebit, quod postea fieri commodè non poterit. Sequentibus enim diebus sæpe vulnus sic tumebit, dolebit, inflammabitur, ut sine magna molestia & irritatione specillum Terre nequeat.

Si jam vulnus sit in tali corporis loco, qui oculo patet, auferenda sunt omnia illa impedimenta de vulnere, quæ faciunt, ut minùs distinctè examinari possit. Aquâ tepidâ, cum melle & vino, & pauculo salis marini, vulnus abluit, concreti sanguinis thrombos sic tollunt, ut tota superficies vulneris undique pateat. Quamdiu autem sanguis adhuc cum impetu de vulnere fluit omnia sic inundantur, ut nihil distincti cernere liceat, hinc sanguinis fluxus coerendus, quod in artubus facillè fit, idoneâ ligaturâ compressis vasorum truncis: in aliis locis corporis, nisi magna admodum vasa fuerint læsa, alcohole vini calido poterit compesci hæmorrhagia.

2. Sine hac enim Scientia nihil certi determinari poterit. Inspecio enim vulneris ejus magnitudinem, profunditatem, decursum docere poterit, cognitio autem partium, quæ in vulneris loco ponuntur, ex sola Anatome haberi potest. Fidelissimæ *Eustachii Tabulæ*, in quibus arteriarum & venarum majorum, nervorumque situs, uti & muscutorum origines & decursus tam accuratè notantur, summi hic usûs esse poterunt, ut, cognito vulneris loco, possit determinari, quænam partes corporis per vulnus læsæ sint, & quodnam inde damnum metuentium sit.

§. 168. **V**ULNERIS autem absconditi præsentia, & natura noscitur. 1. Ex Scientia Anatomica, situ vulnerandi, modo & vi inflictus. 2. Ex læsa actione sequente vulnus. 3. Ab excretis, intra vel extra corpus expulsis. 4. Ab effectis supervenientibus, dolore, singultu, panno, tumore, &c.

Difficilior longè vulneris cognitio, ubi illud totum oculis lustrari nequit: ingress-

(a) De Flatibus, Charter. Tom. VI. Cap. 1. pag. 113.



sum instrumenti vulnerantis in extremis integumentis videmus; quibusque tamen penetraverit, sæpe latet: multum tamen juvabit, si attendatur ad sequentia.

1. Ex Anatomica Scientia partium novimus, quænam hic locentur partes; sed situs vulnerati illo momento, quo vulnus accepit, uti & ipse situs vulnerantis, dum vulnus infixit, demonstrabunt viam, quâ instrumentum vulnerans, penetravit versùs interiora corporis. Si tunc simul adit instrumentum vulnerans, poterit aliquando ex amplitudine vulneris integumentorum cognosci, ad quam profunditatem adactum fuerit. Omnia hæc sedulò merentur inquiri ex ipso vulnerato, vel illis, qui adfuerunt illo tempore, dum vulnus infligebatur. Si v. gr; vulnus gladio infixum intra sextam & septimam costam veram transiverit perpendiculari directione, penetrabit in abdominis cavum; si reclinato versùs posteriora corpore homo vulnus accepit, gladio ab inferioribus sursum adacto, poterit in thoracis cavum penetrasse. Si verò versùs anteriora proclivi corpore gladius eodem loco penetraverit, poterit per totum abdomen ad pelvim usque pergere. Sic à latere infixum vulnus potest longo satis itinere sub integumentis supra costas pergere, inprimis in obesis, nec penetrabit tamen in cavum thoracis. Quando jam vulnèrum profunditas specillo explorabitur, conducit maximè cognoscere situm vulnerati, dum vulnus accepit, tuncque illum in eodem situ reponere: nisi enim hoc fiat, sepius accidet, ut panniculus adiposus viam obturet: sic in venæsectione, inprimis in obesis, sæpe accidit, primo momento sanguinem pleno saltu exillire; mutato parum situ brachii, mox cessat sanguinis fluxus, pinguedine cuti suppositâ se interponente inter aperturam venæ & cutis.

2. Dum ex Physiologicis cognoscimus illa quæ requiruntur ad actionum singularum corporis integritatem, faciliè videmus ex actione post vulnus impedita, vel abolita penitus, an quædam, an verò omnia requisita ad actionem. exercendam per vulnus sublata sint. V. gr; si vulnèri in cavum abdominis penetranti succedat illico actionem vitalium languor summus, cor palpitet celerrimè, pulsus parvus, celer, inæqualis sit, pallor faciei & laborum adsit, & frigus extremorum; concludimus, vas majoribus discissis, sanguinis ingentem copiam in cavum abdominis effundi. Si vulnus collo infixum, sine notabili hæmorrhagia, similia sequantur symptomata, metuimus, ne nervi hic decurrentes, qui vitalibus visceribus prosiciunt, læsi sint. Si post capitis vulnus eadem obtineant mala, cerebelli læsio, vel ab extravasatis humoribus compressio, adesse creditur. Si vulnera capitis omnium actionum animalium abolitio sequatur, eadem de cerebri timeamus. Si post vulnus dorso infixum omnia infra posita sensu & motu privari observamus, spinalem medullam læsam esse concludimus. Idem de reliquis actionibus verum est.

3. Si post vulnus thoraci infixum coccineus spumescens exit sanguis de vulnere; vel ore expulsi, novimus pulmonis vasa discissa esse. Si ex vulnere abdominali chylus effluat, tenuis intestini læsio significatur; si fœces prodeant, crassi intestini vulnus indicatur; si sanguis emingatur, renes, ureteres, vel vesicam læsam novimus, &c.

4. Dolor ingens, subito natus post vulnus infixum, denotat nervos, tendines, vel membranas tendinosas, aut nervosas læsas esse. Singultus autem, à diversissimis partibus læsis, fieri poterit, uti & spasmus. Post validas hæmorrhagias singultus & convulsio sæpe oriuntur, illaque, tunc admodum mala pronuncia-

vit Hippocrates in Coacis Prænotionibus & Aphorismis. Ab ileo singultum oritur damnavit Hippocrates : hinc & intestinis vulneratis supervenire posse valde probabile est. Diaphragmatis, œsophagi, ventriculi, capitis vulnera singultus sequitur. Hinc illud signum solum consideratum semper malignum vulneris effectum ostendit, non semper certò partem vulneratam indicat.

Tumores autem subitanei, vulnus sequentes, vel humores effusos, & in loco præternaturali collectos, designant, vel aerem per vulnus cava corporis loca ingressum, & mirè dilatatum calore corporis. Dicitur postea de miris illis tumoribus vulnera pectoris sequentibus, dum aer panniculum adiposum ingressus immani tumore totam corporis externam superficiem distendit.

§. 169. **E**X cognitio (167. 168.) determinatur prævisus vulnorum eventus.

1. Mors, vel vita vulnerati.
2. Sanatio possibilib, impossibilis, integra, pro parte.
3. Curatio facilis, difficilis, brevis, longa.
4. Effectus à vulnere, peractâ sanatione, superstes futurus; ut tabes; insensibilitas, immobilitas, figura læsa, &c.

Postquam per adminicula Artis hodie cognitæ, post debitum examen omnium illorum, quæ binis præcedentibus paragraphis dicta sunt, habetur vulneris diagnosi, quæ docet partem læsam & abolitas vel impeditas actiones corporis sani per vulnus; tunc poterit prædicti vulneris eventus, & patebunt illa mala quæ à vulnere ut causâ sequi poterunt. Hæc vocatur vulnorum prognosis, in qua determinanda semper, summâ cautelâ opus est. Est enim prudentis hominis primum, eum qui servari non potest, non attingere, nec subire speciem ejus, ut occisi, quem fors ipsius interemit. Deinde, ubi gravis metus sine certa tamen desperatione est, indicare necessariis, periclitantis in difficili rem esse: ne, si victa Ars malo fuerit, vel ignorasse, vel sefellisse videatur. Sed ut hæc prudenti viro conveniant, sic rursus historionis est, parvam rem attollere, quod plus præstuisse videatur (a).

Animadversione tamen quàm maximè dignum est, dari aliquando tales casus, in quibus vel Anatomes periculisimi fallerentur in determinandis partibus per vulnus læsis. Observatæ enim fuerunt frequenter viscerum interiorum posituræ, diversissimæ à situ naturali, quem communiter obtinent. Accuratissimus Méry in militis defuncti cadavere mirabilem viscerum transpositionem invenit. Cordis basis sinistram laus respiciebat, apice in dextra parte thoracis hærente, magnorum vasorum ex corde egressorum situs pari modo mutatus erat. In abdomine ventriculus sic positus erat, ut pylorus in sinistro latere hærens duodeno intestino continuaretur. Hepar sinistram hypocondrium, dextrum verbò lien occupabat: intestinum cæcum & colli initium in sinistro illo hærebant, &c. (b). Simile Exemplum & viderat celeberrimi Caroli Drelincourtii Pater, ubi sedibus permutatis lien à dextris cesserat, hepar à sinistris (c).

(a) A. Corn. Celsi Medicin. Lib. V. Cap. xxvi. Acta Lipsiens. an. 1690. pag. 505.

(c) Caroli Drelincourtii Opuscula, pag. 721.

(b) Journal. des Sçavans Janvier 1689, &

Hæc autem in sanis hominibus contigerunt, & à prima origine talis mutatio sitûs in visceribus obtinuit. Sed & per morbos frequenter mutari viscerum situm fidelibus constat Observatis. Post frequentissimos vomitus in cadavere mulieris situs ventriculi inprimis, uti & aliorum viscerum abdominalium mirè mutatus inveniebatur (a). Admodum verosimile videtur satis frequentes esse tales mutationes sitûs viscerum. In illis enim cadaveribus, quæ vel ipse dissecuri, vel ab aliis dissecta vidi, plurima talia observare licuit. Vidi lienem in pelvim prolapsum, ventriculi fundum infra umbilicum porrectum, coli intestini illam partem, quæ ventriculo subjacet, inde sic reflexum, ut infra umbilicum hæreret, arcum formans, cujus convexa pars pelvim, concava ventriculum respiciebat, &c.

Erroris autem, qui inde in vulnere prognosi contingunt, vix evitabiles videntur. Quis enim auderet talia prædicere, & quibus signis hoc posset cognosci?

Præterea peculiaris vulnerati idiosyncrasis plurimum mutare potest effectus vulneris inflicti. Sunt v. gr; tam pusillanimes quidam, ut conspecto sanguine, licet alterius de vulnere fluat, mox in animi deliquium cadant. Unde Hippocrates (b) prudenter monuit, multa verò vulnera in locis vilius, ac malis esse, & nullâ re gravia videntur, & tamen dolore affligi plagâ, ut respirare non possint; alii verò præ vulneris dolore, quod sanè grave nullâ re erat, spiritum quidem duxerunt, verum delirant, & febricantes mortui sunt. Quicumque enim aut corpus febricitans habent, aut mentem turbatam, talia patiuntur. Sed neque hæc admirari oportet, neque formidare, illud expendendo, quod & animæ & corpora hominum plurimum differunt, & vim maximam habent, &c.

Sub his ergo cautelis determinatur prognosis vulneris, in qua quæritur,

1. An nempe vulnus inflictum tale sit, ut pro effectu suo Physico mortem faciat, nullâ Arte evitandam; an verò post vulnus vita superstes manere possit.

2. Sanatio vulneris dicitur, ubi partes, per causam vulnerantem separatæ à naturali cohæsiōe, iterum concreverunt simul unitæ. Si v. gr; digitus sic dissectus fuerit transversim, ut exiguâ tantum cutis portione adhuc cohæreat, non poterit promitti talis vulneris sanatio: servari quidem poterit æger, sed mutilatus hâc sui corporis parte. Præterea accidit sæpe, ut vulnere curato non restituantur usus omnes parti vulneratæ, quos in sanitate habebat; tunc non est sanatio integra, sed tantum pro parte. V. gr; si insignis nervus discissus fuerit omnino per causam vulnerantem, vulneris talis sanatio integra nunquam erit; omnes enim illæ functiones partis vulneratæ, quæ à nervi discissi integritate pendeant, manebunt abolitæ.

3. Nisi enim hæc statim ab initio præmoneantur, culpa difficilis curæ, vel diu protrahæ, in Chirurgum vel & Medicum conjicietur. Facilis autem cura dicitur, quæ sine multo ægri incommodo, & absque magno Artis molimine perfici poterit. Dum v. gr; tendo musculi erectoris pollicis discissus se subduxerit sub integumentis, non poterit hoc vulnus curari, & restitui usus naturalis huic parti læsæ, nisi, dilatato vulnere, tendinis abscessi extremum tenaculo prehensum protrahatur, & dein consuatur cum altero extremo: sed hæc non sine difficultate & dolore fieri possunt. Prudentia postulat, ut hæc non semper ægris revelentur, amicis tamen

(a) Académ. des Scienc. l'an 1716. Mém. pag. 238.

(b) Prorethecorum, Lib. II. Cap. ix. Charter, Tom. VIII. pag. 817.

vulnerati hæc omnia indicari debent, ne postea curationis molestæ rædia impentur Chirurgo & Medico.

Ubi v. gr; vulnus cum notabili substantiæ jactura inflictum est, dum acinace cutis & panniculi adiposi magna pars absconditur, requiritur satis magnum temporis spatium, ut restituatur hoc perditum. Si simplex tantum divisio cutis & panniculi adiposi facta fuerit per instrumentum vulnerans, bene unitis ex Artis præscripto labilis, brevi tempore poterit consolidari tale vulnus, si sanum vulnerati corpus fuerit: si autem notabili cacochymia laboret, longè tardius & multò difficilius cura perficietur. Hæc autem in vulnere prognosi determinari debent, quia multorum animis hæc infedit opinio, ac si Chirurgi turpi lucri causâ vulnere curam de industria protraherent; quod ab honesti viri animo quàm longissimè abesse credere fas est.

4. Omni curâ & ad hæc attendendum est. In vulnere enim non lethalibus solent Judices pœnam statuere proportionalem damno, quod vulneratus ex vulnere inflicto, ut causâ recepit. Ideo Patroni, qui rei causam agunt, omni versutiâ, quâ sæpe nimis valent, solent culpam malorum, vulnus sequentium, imputare Chirurgo & Medico, qui vulneris curam gesserunt. Ideo in prima deligatione ex cognitione Anatomica partis, cui vulnus inflictum est, & ex functionibus læsis post vulnus acceptum, debent indicari mala illa, quæ hoc vulnus, quamvis optimâ Arte curatum, sequentur. Vel si non possit hoc tam certò determinari, saltem moneri debet, periculum esse, ne hoc vel illud damnum maneat post vulneris curationem. Nullibi enim iniquius agitur cum Chirurgis, quàm in his casibus: curato enim vulnere si partis pristina mobilitas v. gr; perierit, solent plerumque narrare, quis curaverit hoc vulnus, non quis inflixerit; & summâ injuriâ sæpe damni relictæ culpam in Chirurgum, non in percussorem, conjiciunt. Ubi ergo arteria, parti cuidam sola prospiciens, discissa est, atrophiam partis post curationem prædicimus futuram; si nervus major ad partem tendens per vulnus destructus sit, infensilitatem, immobilitatem sæpe, præfigimus, &c: si vulnus non possit curari, nisi post diuturnam & validam suppurationem, (ut v. gr; dum ossis læsi partes separari sensim debent) consumpto sic panniculo adiposo, profundam & turpem futuram esse cicatricem præmonemus, &c.

§. 170. **M**ORS inevitabilis à vulnere ex quinque effectis sequitur, adeoque necessariò lethalia vulnera (151.) hæc sunt.

Enumerantur hæc paragrapho illa vulnera, quæ inevitabili necessitate, nullâ Arte hæcenus cognitâ, superanda, tollunt illam corporis conditionem, quæ omnino requiritur, ut commercium mutuum inter mentem & corpus duret quodam modo, aut queat restitui utcumque, nec necesse sit id omnino tolli (a): sed ex Physiologicis constat, absolutè huc requiri actionem musculosam cordis, sanguinis in cor receptionem, & recepti ex corde expulsionem. Hinc numero primo recensentur illa vulnera, quæ influxum liquidi nervosi, ad cordis actionem musculosam requisiti, tollunt; numero secundo illa, quæ discissis cordis cavis impediunt,

(a) Herm. Boerhaave, Institut. Medic. §. 41;

quominus sanguis corde contineri possit : tertio numero enumerantur illa vulnera , quæ efficiunt ut patulis vasibus vulneratis effluens sanguis non redeat ad cor. Cum autem in homine nato cor dextrum non possit evacuare sanguinem suo cavo contentum nisi per pulmonem , & ad hoc requiratur ejus dilataio per respirationem , ideo numero quarto recensentur illa vulnera , quæ respirationem integre tollunt. Tandem cum inevitabili vitæ & sanitatis effectû , & ex humoribus , & de solidis partibus plurima pereant quotidie , requiritur ad constantiam vitæ , ut tot & talia in humoribus & solidis restituantur perpetuò , quot & qualia per ipsius vitæ actuositatem perduntur. Horum autem omnium jactura restituitur ex ingessis alimentis per actiones naturales ( vide §. 1. ) in substantiam similem nostris partibus solidis & fluidis mutatis. Numero quinto ergo recensentur illa vulnera , quæ integritatem partium , ad hoc opus absolutè requisitarum , tollunt.

Ad hæc autem quinque capita reduci possunt omnia vulnera absolutè lethalia.

1. Quæ influxum nervosi liquidi à cerebello in cor intercipiunt.
  - a. Cerebelli vulnera , & cerebri , profunda adeo , ut medullam oblongatam lædant multum. β. Vasa sanguifera intra cranium soluta cum effuso cruore , qui pressione , vel conceptâ putredine vitam tollit , nec terebrâ levâri potest ob conditionem loci , ut inferiora orbitæ oculi , & ossis temporum , ossis ethmoidis , basios cranii , &c. γ. Medullæ spinalis superioris profunda vulnera. δ. Tum ea , quæ nervos cardiacos dissecant.

a. Cordis actio , cum verus sit musculus , illa omnia requirit ; quæ & in aliis musculis corporis necessariò adesse debere per Experimenta novimus. Sed spirituum influxum per nervos in musculum requiri ad actionem ejus , constat certis Experimentis ; idem ergo & in corde obtinebit. Præterea novimus ex Observatis Medicis , quòd ubi à causis violentis externis effuso sanguine intra cranium , comprimitur tota cerebri moles , omnes sensus , & omnes motus , à voluntatis arbitrio pendentes , perfectè aboleantur : cordis tamen actio in initio talis mali insurgit potius , ut docet pulsus robur & celeritas in apoplecticis. Sed ex Anatomicis notum est , cerebellum tutissimè defendi , cerebro subjacens ; & tectum expanso illo duræ matris velo , non tam facilè posse comprimi ab effusis humoribus , quàm ipsum cerebrum. Ubi autem eadem illæ causæ pergentes vel auctæ incipiunt ipsum cerebellum comprimere ( quod solidioris fabricæ cum sit , ideo etiam magis resistit causis comprimentibus ) tunc cordis actio cessat , & vita perit. Unde novimus , cerebellum per nervos dare spiritus requisitos ad motum muscularem cordis. Vulnera ergo , ipsum cerebellum insigniter lædencia , vel & penitus destruencia , meritò pro lethalibus habentur.

Experimenta in vivis animalibus capta hanc rem confirmant. Cani majori cerebrum tessellatim dissecabatur serè per integram horam ; moriebatur ipso momento dum lædebat cerebellum (a). Dum capite canis per superiora aperto , cerebellum in frustula secatur , Et è calvaria eximitur , illico serè moritur canis ; etiamsi cerebrum

(a) Perrault , Méchanique des Animaux , Partie II, Chap. VII. pag. 403;

F t ij

*Et medullæ oblongatæ caudex nequaquam lædantur.* (a). In catellis junioribus, quibus calvaria adhuc mollior, & futuræ hiscentes, per futuram sagittalem adigendo cultellum in cerebellum, idem Experimentum tentavit *Bohnus*, viditque eisdem, post leviores partium externarum concussiones, expirasse; remotâ verò calvariâ apparuit, in uno totam ferè illius compagem perforasse, in altero ad medullosum ejus nucleum tantùm penetrasse instrumentum (b).

Nec obstat vulnere cerebelli lethali, quòd in recens natis catellis, capite detruncato, cordis motum, systole & diastole rite alternantibus, plurimis horis integrum perstitisse vidit *Wepferus* (c). Agitur enim hic de durabili vitæ actione, non de mira illa cordis proprietate, quâ etiam corpore exemptum motum suum continuat post mortem ipsam, ut dictum §. 1. Magnus enim ille Vir ex his Experimentis minimè deducere voluit aliquam conclusionem, quæ repugnaret prioribus Observatis; ut ipse eodem loco testatur.

Cùm autem ex Anatomicis constet, ex cerebello nullum derivari nervum, sed totam cerebelli substantiam medullarem collectam abire in medullam oblongatam, ex qua postea nervi prodeunt; satis patet, hujus oblongatæ medullæ insignes læsiones mortem certo effectu producere. Si jam simul consideretur, ipsum cerebellum, & medullam oblongatam, tam tutò recondi, ut vulnerari nequeant sine insigni læsione cerebri ipsius, magnorum vasorum, muscutorum, &c, magis adhuc patebit horum vulnere lethalias.

Cerebri autem ipsius vulnera, quamvis maxima fuerint, non semper lethalia esse, docent Observata plurima; de quibus postea dicitur in vulneribus capitis.

¶ Dum vasa sanguifera arteriosa, vel & venosa, majora, à quacumque causa rumpuntur, effundunt contentum sanguinem, uti & illum qui continuò vi cordis per hæc vasa integra fluxisset: sed cranii durum os cedere nequit, & naturaliter encephalon totum calvariæ cavum exactissimè replet; ideo sanguis effusus debet necessariò comprimere omnia illa, quæ calvariæ cavo continentur: unde statim ab effusis intra cranium humoribus cerebri functiones incipiunt aboleri; & postea, eadem causâ pergente; & cerebellum & oblongata medulla comprimuntur, & vita inde pendens tollitur. Si jam effusus vas fractis sanguis non fuerit tantâ copiâ, ut compressione tollere possit cerebri, & cerebelli, & medullæ oblongatæ actionem, poterit tamen nocere alio modo. Humores enim corporis humani, extra vasa sua effusi, spontaneâ degeneratione corrumpuntur; tardius quidem, ubi omnis aeri accessus denegatur, sed tandem tamen etiam putrescunt, acres fiunt, terribilissimam encephali fabricam rodendo, inflammando, suppurando destrunt & consumunt. Unde tot Exemplâ apud Observatores habentur, quæ probant, vulnera & contusiones capitis, quæ vix ullius momenti habebantur, post longum satis temporis intervalum, subito mortem induxisse. In cadaveribus apparebat copia ichorose vel purulentæ materiæ, & sæpe notabilis consumptio encephali inde facta. Exemplâ hujus videri possunt apud *Bonetum* (d).

Præcipua ergo in talibus casibus curæ spes ponitur in perterebratione cranii, ut liber exitus concilietur effusis humoribus. Sed si talis sit loci vulnerati conditio,

(a) Raymundi Vieussens Neurographia universalis, Lib. I: Cap. xx. pag. 123.

(b) D. Johannis Bohni de Renunciatione vulnerum, &c. pag. 149.

(c) Cicutæ Aquaticæ Historia & noxæ, pag. 91.

(d) Sepulchret. sive Anatom. præct. Tom. III. pag. 318, 319, 320, &c.

ut hanc operationem non admittat, mors sequetur inevitabilis; talla autem loca sunt inprimis sequentia.

**INFERIORA ORBITÆ OCULI.** Illa nempe pars orbitæ oculi, quæ calvarie fundi maximam partem constituit, & quæ inferiorem situm habet, si spectetur calvaria, sed orbitæ oculi lacunar superius facit. Hæc enim orbitæ pars ab ossis frontis lamella sit, quæ in plurimis locis adeo tenuis est, ut in mundatis calvariis pelluceat, & nequidem unguis crassitiem habeat. Hæc autem lamella, cui cerebri anteriores lobi incumbunt, & satis magna vasa sanguifera, ob tenuitatem summam levi vulnere facillè perforatur, effusus sanguis sub cerebro in ipsa basi calvarie hæret, hinc terebrâ educi nequit. Unde apparet, quàm periculosa sint vulnera huic parti inflicta. Vulnerabatur homo baculi extremo non admodum acuto in oculi sinistri orbita: illis, qui curationi præerant, videbatur exigui momenti vulnus; brevi tamen postea periit vulneratus. Publicâ auctoritate dum inquirebatur mortis causa, cranio serrâ diviso, apparuit vulnus sat profundè penetrasse ipsum cerebrum (a).

**OSSIS TEMPORUM.** Foveæ in calvariis mundatis apparentes, arteriarum duræ matris pulsu excavatæ, demonstrant circa tempora satis notabiles arterias decurrere: his ergo læsis, sanguis effusus declivi viâ versùs basim calvarie tendet: & ob musculos ingentes temporales hic positos, non datur terebrationi locus; omnia ergo illa mala metuenda, quæ ab effusis humoribus, contusione vel corruptione nocentibus, expectanda sunt.

**OSSIS ETHMOIDIS.** Fortè primò adspectu videretur, adeo tutò reconditum hoc os, non facillè lædi posse; sed si reclinato versùs posteriora capite gladius acutus per nares sursum adigatur, poterit eò usque facillè penetrare. Præterea si laterali orbitæ oculi parti versùs nasum insligatur vulnus, poterit levi vi lamellam illam ossis ethmoidis, quæ orbitæ oculi partem constituit, & os planum dicitur, perforare, & sic in calvarie cavum pergere. Talem casum habet *Bonetus* (b) ubi *Juris Studiosus* infra orbitam sinistri oculi ense punctim vulneratus fuit, & post 24 horas apoplecticus mortuus est. Aperto cadavere apparuit, vulnus per orbitam oculi & os ethmoides prope cristam galli penetrasse in dextrum cerebri ventriculum: basis cerebri, & cerebelli regio, copioso sanguine extravasato refertæ erant. Apparet facillè, nullam superesse in tali casu medelam.

Reliqua autem, quæ basim cranii penetrant, vulnera ob easdem rationes inevitabili effectû mortem adferunt.

7. Postquam ex medulla oblongata novem paria nervorum intra cranium secesserunt, omnis reliqua medulla cerebri & cerebelli simul collecta in unum caudicem, vertebrarum ihecâ tutò defensâ, porrigitur ad os sacrum usque. Ex hac medulla spinali omnia capiti subiecta membra, & plurima viscera, pro magna parte suos nervos accipiunt: si ergo in superiori loco spinalis medulla vulnere satis profundo lædatur, destruitur medullaris ejus substantia, & omnis actio cerebri & cerebelli in subiectas partes tollitur; quatenus nempe ab harum fibrarum medullarum integritate pendet. Par enim octavum, vagum dictum, & nervus intercostalis, altiori loco ex ipsa medulla oblongata intra cranii cavum orta, plurimis visceribus

(a) *Frideric. Ruyschii Observat. Anatom. Chirurg. Centuria. Observatione. 54.*

(b) *Sepulchret. sive Anatom. pract. Tom. III. pag. 317.*

vitalibus prospiciunt. Hinc à tali vulnere non quidem in instanti mors sequitur, tamen tales vulnerati omnes pereunt majori vel minori temporis intervallo, prout vel profundius læsa fuerit medulla, vel altiori in loco. Ratio facillè patet: tota enim cerebri & cerebelli moles, suâ fabricâ, à sanguine arterioso secernit subtilissimum illud liquidum, quod dein secretum per medullares fibras, & nervos his fibris collectis constantes, defertur ad omnia & singula corporis loca. Dum igitur, manente eâdem copiâ liquidi allati ad organum secernens illæsum, destruit tantus numerus canalium, qui secretum liquidum continere & deferre debebant ad loca debita, sequitur debere turbari, & tandem destrui functionem ipsius organi secernentis. Accedit, simul & lædi plerumque magna satis vasa sanguinea; unde effusi humores facillè in craniicavum reascendunt, impletâ prius vertebrarum thecâ. Lethalem autem talium vulnere eventum docuerunt Observata Medica.

Rusticus ex arbore cecidit, cervicis vertebram secundam prope atlantem, luxatam habuit, ut postea in cadavere apparuit; hoc modo per quàm plurimos dies vixit, dein mortuus est. Alii tamen in simili casu brevi temporis spatio mortui fuerunt (a).

Sennertus (b) dicit, se novisse lanium quemdam, qui boves mactaturus, eos non securi, quod vulgo fieri solet, percutiebat; sed exiguum cultellum eo in loco, quo caput vertebris colli conjungitur, in spinalem medullam adigebat: unde bos attonitus quasi statim concidebat. Idem jam Galenus notat (c) quòd tauri, quibus spinalis medullæ origo juxta primam vertebram quotidie dissecatur, statim procumbant, pereunte simul cum sectione, & respiratione & voce.

In junioribus canibus simile Experimentum institutum, parem successum habuit.

Hippocrates (d) spinalis medullæ vulnera lethalia pronunciauit. Et alibi (e) dicit: medulla verò spinæ si ægrotaverit, sive ex lapsu, sive ex alia aliqua causa, sive sua sponte, homo & cruribus impotens fit, ut neque, si tangatur, percipiat; & ventre ac vesicâ ut circa prima tempora neque stercus neque urinam egerat, nisi ad necessitatem. Quum autem vetustior factus fuerit morbus, non urgente homine & stercus prodit, & urina. Moritur autem post hæc non multo interposito tempore. In hoc autem loco patet, quòd agatur de læsione medullæ spinalis in loco inferiori, & tamen mortem inde futuram prælagit. Summum etiam tunc periculum adesse probant bina Exempla recensita in illis, quæ dicta sunt ad finem §. 162. Quosdam tamen evasisse, vel saltem miserissimam vitam diu protraxisse in simili casu, ubi circa vertebrae lumborum luxatio facta medullam compresserat, docet Hildanus (f) binis Exemplis. In uno casu abscessu facto & ulcere fistuloso relicto, symptomata remiserunt plurima, sic ut alvum & urinam postea continere potuerit; sed ab umbilico omnia inferiora sensu omni & motu erant privata; sicque per annos aliquot vixit. Qualis autem tandem fuerit exitus, sibi non constitisse affirmat Hildanus. In altero casu secunda vertebra lumborum intropulsa erat, cum paralyti inferiorum, & resolutione sphincterum ani & vesicæ. Juvenis cùm esset, & optimo corporis habitu præditus, post annum sensus rediit, & aliquis motus ægro: qualis autem fuerit eventus tandem, non notat Auctor.

(a) Bonet. Sepulchret. sive Anatom. præct. Tom. III. pag. 457.

(b) Tom. III. Lib. V. Part. IV. Cap. III. pag. 371.

(c) De Hippocr. & Platon. placitis, Lib II. Cap. IV. in fine. Chartæ. Tom. X. pag. 97.

(d) De Morbis, Lib. I. Charter. Tom. VII. pag. 532.

(e) Prorethet. Lib. II. Cap. XI. Charter. Tom. VIII. pag. 819.

(f) Observat. Chirurg. cent. V. p. 458. 459.



Ex notabili autem læsione medullæ spinalis superioris evasisse aliquem, quantum novi, non constat ullis Observatis.

2. Per nervos cardiacos enim defertur tenuissimum illud fluidum, cerebelli fabricâ separatum, à purissimo sanguine arterioso, quod requiritur ad motum muscularem cordis.

Cor in pericardio hæret liberum, nulli parti nexum, nisi vasis, quæ cor ingreditur, vel ex corde exeunt. Omnia jam hæc vasa, quibus cor nectitur, in pericardio libera sunt, mobilia, nulli parti vicinæ accreta. Nervi ergo, qui cordis substantiam ingradientur, debent unâ cum vasis, quibus cor nectitur, ad cor deferri. Cor enim nulli alteri parti in pericardio cohæret. Hinc nervi ad cor pertingentes non hærent liberi, uti ex tabulis Anatomicis quis credere posset; sed applicati manent venis, quæ cordis cavis sanguinem immittunt, & arteriis, quæ sanguinem cordis cavis expulsum excipiunt. Ex qua nervorum ad cor tendentium mirabili positurâ in Physiologicis explicatur cordis systole & diastole; dum eadem causa, quæ morum cordis facit, momento post motum factum destruit necessitate fabricæ: unde uno momento vitæ cor fulmineo quasi spasmo contrahitur, momento sequenti perfectè paralyticum fit.

Patet hinc nervos cardiacos in cordis vicina non posse lædi per vulnera, quin simul lædatur maximorum vasorum integritas circa cor; tuncque mors vulnus tale sequeretur inevitabilis ex læsione horum vasorum. Hic autem consideratur sola læsio nervorum cordis. Sed Anatomicæ Observationes docuerunt, omnes nervos, qui ad cor perveniunt, ortum ducere à pari octavo, nervis intercostalibus, vel & nervis recurrentibus. Sed nervorum horum trunci possunt in suo decursu lædi, sicque aboleri horum nervorum effectus, quem cordi præstant.

*Willisius* (a) cani vivo, circa jugulum cure discissâ, utrique paris vagi trunco ligaturam injecit strictissimam: mox torpuit animal, & obmuit; & circa hypochondria motus convulsivos cum magno tremore passum est. Hoc affectu postea brevi cessante, quasi moribundum jacuit, alimenta respiciens: vixit tamen, isdem nervis penitus discissis, postea per plures dies, donec inediâ ferè exstingeretur.

Cadavere tamen aperto, sanguis intra cordis ventriculos, & vasa majora coagulatus admodum in grumos concreverat. Sed per inediam necatis animalibus talia sanguinis coagula non inveniuntur. Causam vitæ ramdi adhuc protraxit *Willisius* ipse à ramulis nervi recurrentis & intercostalis ad cor tendentibus deduxit.

Idem Experimentum & *Lowerus* sumpsit, & observavit, statim cor palpitare & contremiscere; atque sic per diem unum aut alterum, miserum animal, corde tremulo, pectore admodum suspirioso, languidam vitam protrahit, & tandem expirat. Tantam autem angustiam patitur animal, ut coerceri nequeat, nisi firmis simis vinculis cohibeatur (b). *Bohnii* tamen affirmat, animal quod hunc martyrio Philosophico exponebat, fulmine quasi tactum à contractis funiculis expirasse (c). Nervis parisi octavi, unâ cum nervis par intercostale constitutibus, circa cervicem ex transverso rescissis, animal illico languore, futuræ mortis prænuncio, afficitur, tremulos motus patitur, vires illius sensim labascunt; & intra viginti circiter horas vitâ destituitur (d). Idem Experimentum feci in cane, ligans

(a) Cerebri Anatomie, pag. 234.

(b) *Lowerus* de corde, pag. 90, 91.

(c) *Johan. Bohnii circulus Anatomico-Physiologicus*, &c. pag. 96.

(d) *Vieussens Neurographia*, pag. 179.

(d) *Vieussens Neurographia*, pag. 179.

in utroque colli latere par octavum & intercostale : nullum edebat amplius ejulatum, sed summo nixu aliquid sonori edebat satis obscuri ; per intervalla temporis immani furore & anxietate corripiebatur, omnia obvia mordens summa cum ferocia. Antequam autem talis insultus accideret, prius incipiebat nasi apex miro modo corrugari. A sexta vespertina ad undecimam noctis horam sic vixit; sequenti mane jam inveni mortuum.

Ex omnibus his patet, nervis cardiacis in animali vivo discissis, mortem secutam fuisse citius vel serius, & animal statim quasi agone mortis laborasse; qui fit à corde non amplius valente expellere contentum suis cavis sanguinem. Sed observamus in morbis aliquando per biduum & ultra homines in tali agonia hære, sanguine non potente transprimi per arterias obstructas. Idem videtur etiam contigisse in his animalibus, quæ, nervis his ligatis vel discissis, diutius vitam protraxerunt. Fortè etiam alii nervuli per cordis substantiam distributi adhuc vitalem motum tam diu sustinebant : sic inventus fuit ramus nervi notabilis ex plexu gangliiformi femilunari *Vieussensii* ortus, prope magnum plexum mesentericum, ex abdomine in pectus adscendens, & articulæ dextræ & cordis basi insertus (a). An insita cordi mirabilis proprietas, quæ etiam rescissum ab omnibus vasis valet motum suum continuare, potuit adhuc producere vitam destructis nervis cardiacis ? De hac autem cordis irritabilitate dictum §. 1.

Sic per Experimenta apparuit, quid fiat in brutis à dissectis nervis cardiacis. In hominibus autem rarissimè contingit, truncos octavi paris aut intercostalium nervorum lædi, quin simul tollatur integritas vasorum adjacentium; quorum læsio sola mortem inferre potest. Carotidum enim trunci, & jugulares magnæ venæ necumbunt in collo his nervis; & posterius laterales vertebrarum processus cavent ne facillè lædantur. Nec memini, me apud Observatores Medicos aut Chirurgicos legisse Exemplum ullum, quod doceret nervos cardiacos solos læsos fuisse.

## 2. Quæ sanguinem cordis effundunt ex ejus cavis vulneratis; unde vulnera cordis profunda, in cava penetrantia, lethalia.

Cùm cor sit musculus semper motus, cujus omnes partes sic conspirant, sic uniuntur, ut una alterius officio carere nequeat, & sit sors vitæ, unde dimanant omnia; veteres Græci, & Arabum plurimi, dixerunt, quòd vulnera cordis fiat certò & citò lethalia. Sed videntur hæc dixisse potius ex hypothesi, quàm ex rerum Experimentis.

Mirabilia quædam habentur apud Auctores Exempla, quæ, si vera forent, probarent sine corde vixisse animalia. *Cæsari* Dictatori, quo die primum veste purpureâ processit, atque in sella aurea sedit, sacrificanti bis in extis desuit cor (b). *Cæsari* immolanti cor hostiæ non apparuisse; idque pro tetro ostento habitum, neque enim consistere naturaliter animal sine corde posse, narrat *Plutarchus* (c). Idem & *Suetonius* (d) in vita *Cæsaris* habet. Sed Haruspices audacter imponebant sæpe credulis, ut lubitu de rebus gerendis decernerent. Hinc suspectæ admodum fidei hæc testimonia sunt, cùm adeo repugnent cognitiæ animalium Œconomiz.

(a) Acad. des Scienc. l'an 1734. Hist. p. 60.

(c) In vita *Cæsaris*, pag. 737.

(b) C. Plinii Secundi, Lib. XI. Cap. xxxviii.

(d) Cap. lxxviii.

Vix enim credibile videtur, cor unquam in homine vel aliis animalibus defuisse; sed incautos decipere potuit, situs, figuræ, magnitudinis, &c, cordis adeo insignis varietas, aliquando per morbos inducta; uti in Observatis Medicis habetur.

Celeberrimo tamen horum Aphorismorum Auctori communicata fuit vigesimo hujus sæculi anno mirabilis Observatio à Clarissimo Anatomico Edinburgensi, quæ docet, posse existere monstra in rerum natura, quæ omnem scientiam usûs partium turbant. Inquirebat eximius ille Vir vasa seminalia in forice majore vivo & agilissimo; apparebat ren dexter duplex, sed apertâ capsulâ tegente, apparuit verus ren dexter: alterum illud, quod renem simulabat, corpus, proprio sacculo inclusum, habebat talem magnitudinem & figuram, qualem cor in hoc animali habere solet, basi suâ corporis superiora, apice autem inferiora spectabat. Cor hoc omni curâ examinatum habebat duos ventriculos, septo medio separatos, & auriculam sinistram; aderant valvulæ cordis & columnæ carnes; de cætero nullum auriculæ dextræ, nec venæ cavæ, nec pulmonalium venarum vel arteriarum, aut aortæ vestigium. Aperto thorace, nec pericardium, nec cor invenitur; sed ex ipsi thoracis vertebriis, loco inter binos pulmones medio, emergebat auricula dextra: ex hac exibant arteriæ pulmonales. Vasa, quæ sanguinem reducant à pulmone, uniebantur in unum truncum, qui erat aorta; quæ deinde distribuebatur solito more. Hoc animal adultum erat, reliqua viscera bene formata habebat; cœcū aderat, sed aberrans & inutile, instructum tamen solitis partibus. Sine actione cordis ergo animal vegetum & agilissimum vixit.

Corde exsecto, animalia quædam vixisse adhuc aliquo tempore, testantur satis fidelia Observata. In sacrificiis corde ex animalibus evulso, & jam aris imposito, respirant, clamant fortiter, imò aufugiunt; donec sanguinis profluvio moriantur (a). Thorace vivi animalis aperto, vinculo cordis basi circumjecto constrigebantur omnia cordis vasa; dein sub vinculo cor totum rescindebatur celerrimè; solutis dein laqueis, quibus animal colligatum erat, vidit *Vesalius* canes, sed præcipuè feles, aliquo ulque cucurrisse (b). In catulis vivæ canis utero exsectis, abscessu corde, vita supererat per quadrantem horæ, cum motu sensibili membrorum, & quadam adhuc sibilantis vagitus specie. Ex Zoologia porro constat, vermes, & animalia quæ ad hoc genus proximè referuntur, corde exsecto, vixisse diutissimè: imò & talibus animalibus in partes dissectis, singula segmenta per notabile temporis spatium vitam continuant. Sed ex *Malpighii* & *Leeuwenhoeckii* Observatis constat, animalia in prima origine sua vermis vitam vixisse: hinc fortè in animalibus, quamdiu in utero hærent; aliquid illa vitæ tenacitate superest. Rana, corde exsecto, saltabat, aquæ injecta natabat; imò summâ agilitate exsilens de vasculo aquâ pleno, per conclave saltare pergebat per horæ spatium, & ampliùs (c).

Homini vivo cor excindebatur à carnifice: dumque illud jam carnifex manu teneret, tria aut quatuor precum verba auditus est proferre (d); sed monet ibidem magnus Vir, amicos rei, carnifici, mercedem dare, ut subitissimè hæc peragat, & miserum ab his cruciatibus liberet. Hinc non adeo mirum videtur, quòd dum frigus insolitum vasa discissa parum stringeret, & ultimis illis vitæ momentis intentissimè

(a) Galen. de Hippoc. & Platon. placitis Lib. II. Cap. IV. in fine. Charter, T. V. p. 97.

(b) *Vesal.* pag. 570.

*Tomus I.*

(c) Boyle de utilitate Philosophiæ Experimentalis, pag. 113.

(d) *Verulam. Hist. cor. vitæ & mortis*, p. 552.

esset dispositio omnium organorum animalium, aliqua adhuc pressio sanguinis per pauca momenta in cerebrum egerit, per quam in sic dispositis organis ultimo illo mixtu perrexerit loquela per tantillum temporis spatium; si simul consideretur, pulmones, aperto thorace collapsos, & insolito frigore aeris undique contractos, contentum aerem expulisse satis validâ vi. Non videtur ergo hoc Experimentum adeo repugnare cordis necessitati. In Experimento autem *Vesaliano* ligatis omnibus vasis, arteriæ contractiles, elasticitate per frigus admissum auctâ, poterant sanguinem per cerebrum, cerebellum, &c, pellere, & hinc vitam diutius continuare.

Illâ autem Experimenta, in ranis capta, uti & plurima similia in viperis, testudine, &c, quæ docent, hæc animalia corde exempto satis diù vivere posse, demonstrant, modum vivendi in animalibus non posse adeo generalibus regulis limitari; sed illud varium esse in diversis, sic ut non facile sit Historiam vitæ generalem condere, sed possimus tantum notare Experimenta.

Nullis autem certis Observatis consistit, cor unquam in homine defecisse; vel cordis fabricâ penitus destructâ, notabili tempore supervivisse hominem. Unde satis patet ratio, quare cordis vulnera majoris momenti, merito ut lethalia considerari mereantur. Non omnia tamen vulnera cordis lethalia esse, & differre plurimum inter se, prout variis cordis partibus insiguntur, certum est.

Si enim per vulnus, arteriæ vel venæ coronariæ truncus in basi cordis discissus fuerit, mors videtur inevitabilis, & citò quidem secutura; quia impetu omnium maximo, aortæ contractione validissimâ, sanguis per arteriam coronariam per cordis substantiam musculosam transpirimitur, per venas citissimè rediens: singulis enim cordis contractionibus totum cor pallet, expulso omni sanguine; momento pòst, dum cor est in diastole, tota cordis substantia repletur in omnibus vasis.

Si verò vulnus, dextrum ventriculum cordis in cavum usque penetraverit, effunditur sanguis partim ex læsis vasis ipsius substantiæ cordis, partim ex ipso cordis cavo in pericardium; & ex pericardio in thoracis cavum, vel exibat de vulnere externo. Vulnus illud dilatabitur, dum cor impletur: illo enim tempore, quo cor constringitur, partes vulneratæ ad se mutuo accedunt potius, nec fiet hoc tempore magna sanguinis effusio. Interim effuso sanguine, debilitabuntur vires, superstitæ tamen adhuc cordis actione, & manente vitâ. Sed dum adest summa debilitas, cor ferè quiescit; si tunc simul nullus fiat motus muscularis, sanguis venosus sedatissimo motu & minimâ copiâ influet. Si tunc simul abstinatur ab illis, quæ copiam sanguinis per nutritionem subito augent, & omnia cardiaca dicta, quæ semper motum suis stimulis augent, evitentur sedulo, videtur tunc vita posse servari, & sanitas restitui. Nisi enim in vulneratis, & abortum passis in foeminis, Exempla docuissent Practicæ, nemo crederet, quàm parvâ copiâ, & parvo motu sanguinis, homo posset vivere. Sic enim per validam hæmorrhagiam minurâ quàm maximè sanguinis copiâ, & propterea viribus, vulnus factum vix ampliùs dilatur, incipiunt nasci concretionis rudimenta, & paulatim perfici; modò caveatur, ne auctâ copiâ vel motu sanguinis, disrumpantur illa, quæ jam inceperant crescere.

Præterea in vulneribus cordis dextri hoc notandum, quod pulmo pergat agere, & suâ dilatatione facillimam viam paret sanguini ex corde dextro pellendo. Hinc sympleses tempore ob liberum per pulmones iter, non exprimitur tanta copia sanguinis per vulnus factum. Ideo major adhuc vulneris consolidationi nascitur opportunitas.

Cordis verò sinistri vulnera longè adhuc videntur esse periculosiora. Si enim ventriculus sinister cordis læsus fuerit, nec tamen integre perfoſſus, vulnus illud dilacerari debet neceſſariò, dum cor ſiniſtrum validiſſimà vi muſculari, quàm dextrum cor tam multum ſuperat, contentum ſanguinem premit in aortam adeo reſiſtentem, illamque & omnes ejus ramos per univerſum corpus dilatat. Fibræ enim cordis ſiniſtri tunc ſupra contentum ſanguinem & reſiſtentem diſtrahuntur, hinc vulnus augebitur, donec in cavum cordis penetrans viam faciat ſanguini huc faciliùs exeunti, quàm per aortam reſiſtentem; vel ſi aliqua conſolidatio hic fieri incipiat, ſummus metus eſt, ne locus ille debiliſſimus in aneuſmaticum tumorem extendatur, ſicque turbetur cordis actio; & vita quidem protrahatur, ſed nonniſi cum ſummis ærumnis, morte ſolà terminandis.

Si verò cor ſiniſtrum patulo vulnere in cavum penetrante perforetur, mors cita ac certa ſequetur. Omnium autem ſubitiſſimè lethale videtur fore tale vulnus, quod aortæ ipſius principium immediatè ſupra valvulas diſcinderet. Corde autem ſiniſtro perfoſſo, valvulæ aortæ ſuſtinent ſanguinem in arteriis contentum; ſicque totum ſyſtema arterioſum plenum manet, arteriæ deinde contractæ ſanguinem promovent; ſicque vita aliquo tempore adhuc ſuſtineri poſſet.

Obſervationes quoque Medicæ docuerunt, poſt vulnera cordis ſæpe adhuc notabili tempore vixiſſe homines; inprimis corde dextro ſolo perfoſſo. Imò quædam Obſervata docuerunt, poſſibilem eſſe conſolidationem vulnere cordis.

Juvenis amicum cultro tranſfixit inter tertiam & quartam coſtam ſiniſtram: vulneratus ex ſuburbio domum pedibus ivit, & per quinque dies ſupervixit. Aperto cadavere apparuit, vulnus ſub ſterno cordis ventriculum dextrum penetraviſſe foramine anguſto & obliquo. (a).

Ingollſtadii ſtudioſus, à typographo punctim læſus in ſiniſtra parte thoracis, placentæ ſatis longæ ſpatium curſu conſecit; mente porrò & ſenſibus integerrimis ſerme per horam integram ita conſtitit, ut loqui & Deo ſe commendare poterit. Aperto cadavere Medici Profeſſores omnes, & alii ſpectatores viderunt, vulnus ipſam cordis ſubſtantiam, & utrumque ejus ventriculum tranſverſim penetraviſſe, ſic ut inſtrumentum vulnerantis genus ex vulneris forma dignoſcere & in judicio explicare potuerint (b).

Nobilis vir in ſingulari certamine ſub mamma ſiniſtra vulneratus gladio; poſt vulnus acceptum pergit pugnare, fugientem hoſtem per ducentos paſſus proſequitur, tuncque mortuus procidit. In cadavere invenitur vulnus cordis ſubſtantiam penetrans, quod digitum caperet, & magna copia ſanguinis effuſi diaphragmati incumbens (c).

Sereniſſimus Daniæ Rex in venatu cervum ſclopeto trajecit: accepto vulnere, animal quinquaginta paſſus conſecit, antequam conſideret. Cor à venatoribus extractum luſtrans Regiæ Archiater, tunc præſens, invenit utrumque ventriculum ponderoſo globulo trajectum, ſic ut vulnus trium digitorum apices admitteret (d).

In cadavere hominis, olim thoracem vulnerati, vidit Chirurgus cicatricem vulnere, cono cordis, inſiſtiſſe (e).

(a) Thom. Barthol. Hiſtor. Anatom. rarior. Cent. 1. Hiſtor. 77.

(b) Schenckii Obſerv. Medic. rariores, pag. 275.

(c) Ambroïſe Paré, Liv. X. Cap. xxxi.

(d) Thom. Barthol. Hiſtor. Anatom. rarior. Centur. 1. Hiſtor. 77.

(e) Aët. Lipſienſ. An. 1704. pag. 187. ex Celeberrimi Chirurgi Wolffii Obſervatione poſtuma 21.

In apris, canibus, cervis, in venatu & domesticis Observationibus, inventæ fuerunt cicatrices vulnerum cordis sanatorum, & glandes plumbæ diu ibi relictæ. Plurima talia habentur Observata, quorum collectionem vide (a).

Ex omnibus his concludere licet, vulnera cordis esse semper periculosissima; tamen non semper subito, nec certò lethalia. Simul pater, nequidem in periculosis vulneribus semper desperandum esse, sæpe enim, dum vita debilissima sustinetur tantùm, possunt fieri consolidationes vulnerum, de quibus nullus cogitasset, quodd possibiles forent.

3. Quæ cruorem à corde, & à cerebro, cerebelloque derivant vel in cava corporis, vel extra illud, neque Medelam capere possunt ob situm loci. Ut magna vulnera pulmonis, hepatis, lienis, renum, pancreatis, mesenterii, stomachi, intestinorum, uteri in gravidis, vesicæ circa arterias ejus majores, aortæ, carotidum, vertebraliùm & similium arteriarum, venarùmque.

Prioribus numeris hujus paragraphi demonstratum fuit, vulnera illa lethalia esse, quæ cerebelli fabricam destruant, vel læsis medullâ oblongatâ, & ipsâ medullâ spinali in loco altiori, aut ipsis nervis cardiacis, impediunt, quominus vitalis influxus spirituum, fabricâ cerebelli à sanguine secretorum, in cor & alias corporis partes perficiat illa, quæ ad vitam requiruntur. Sed ut per cerebelli fabricam separantur illi spiritus vitales, requiritur, ut sanguis cordis vi musculari pellatur in arterias; hinc & vulnera profunda, cordis cava penetrantia, lethalia judicantur. Tota autem cordis actio consistit in eo, ut sanguinem per venas advectum recipiat, receptum autem propellat in arterias: omnia ergo vulnera, quæ sic lædunt vasa, quæ sanguinem ad cor deducunt, vel & illa, quæ sanguinem corde expulsum recipiunt, ut sanguis per apertum vulnus extra corpus fluat, vel in cavis corporis accumuletur extravasatus, neque redeat iterum ad cor, impediunt quominus sanguis debitâ copiam & impetu requisito prematur per arterias encephali; unde necessariò omnes functiones cerebri & cerebelli turbantur, & tandem penitus abolentur. Nec refert, an vasa lædantur in suo decursu, antequam per viscera dispergantur, quorum fabricam constituunt; an verò in ipsis visceribus lædantur simili cum effectu, nempe sanguinis vitalis effusione tam notabili, quæ lædat cordis & cerebelli actionem. Non omnia ergo viscera & vasorum vulnera, quæ hæc paragrapho recensentur, absolute lethalia sunt, nisi sub hac limitatione. Præterea requiritur, ut talis vulneris facti sit conditio, ut ligaturâ, nec aliis Artis auxiliis, non possit impediri sanguinis effluxus. Inter hæc vulnera primò recensentur,

**MAGNA VULNERA PULMONIS.** Omnem sanguinem totius corporis per venas allatum cor dextrum accipit, illumque propellit per pulmonem in cor sinistrum: dum ergo lato vulnere lædatur pulmo, sanguis, vicini adeo cordis vi pressus, exibat per vasa discissa; hinc non redibit ad cor sinistrum, sed per vulnus factum effluet; vel in aereum cavum pulmonis transiens undatim eructabitur; vel tandem effusus in pectoris cavum, pulmonis liberam expansionem impiediet. Apparet hinc facile lethalis talium vulnorum effectus.

(a) Miscell. Cur. decur. 2. Ann. 6. pag. 116. &c.

Observata jam Medica funestum eventum vulnere pulmonis evincunt. Charac-  
terâ glande sclopeto expulsa trajectum pectus fuerat, cum pulmonis sinistri ejusque  
vasorum insigni dilaceratione: intra nycthemeron cum insigni hæmorrhagia, spiran-  
di difficultate, &c, obiit percussus (a). Eodem in loco & bina alia habentur Exem-  
pla, quæ hoc confirmant. Habentur quidem & Observata apud Auctores, quæ pul-  
monis vulnera sanata fuisse docent, sed vel fuerunt leviora, vel talia ad quæ manus  
Chirurgi perungere potuit. Sic apud *Hildanum* habetur (b) quoddam pulmonis pars,  
per vulnus pectori infictum erumpens, ferreo candenti instrumento fuerit abscissa,  
& æger postea integre sanatus fuerit. Aliud satis mirabile Exemplum habet (c), ubi  
post vulnus thoraci infictum difficultas anhelitus maxima, sanguinis cum tussi rejec-  
tio, &c, docebant pulmonem vulneratum esse, tamen evaserit æger, & post tres  
menses à curato vulnere tussiendo unâ cum purè turundam, Chirurgi imprudentiâ  
in cavum pectoris delapsam, rejecerit; & tandem evaserit. Si ergo post vulnus pec-  
toris æger moriatur, & aperto cadavere pulmo læsus appareat, meritis Judicibus  
renunciatur, tale vulnus mortis fuisse causam; licet quædam pulmonis vulnera sanata  
fuerint aliquando. Imò in levioribus etiam pulmonis vulneribus metus est, ne talia  
vulnera degenerent in ulcera pulmonis, quæ postea lentâ tabe consumunt vulnera-  
tum. Tale Exemplum habetur apud *Forestum* (d).

HEPATIS. Per venam enim portarum, abdominalium viscerum sanguis ve-  
nulosus collectus defertur per hepar: ipsius ascendentis cavæ venæ truncus hepati  
innascitur: totum hoc viscus molle, ac si spongia ferè foret sanguine plena, apparet.  
Arteria quidem hepaticæ, si ingens visceris hujus moles spectetur, satis exiles sunt,  
sed venæ portarum insignes rami per hepar distribuuntur. Ideo apparet, periculo-  
sissima semper esse vulnera hepatis, & si insignes rami vasorum per hepar distribu-  
torum læsi fuerint, semper lethalia; & quidem plerumque satis subito, ingenti san-  
guinis copiâ in abdominis cavum, vel & per vulnus effusâ: unde animi deliquium  
& mors brevi sequuntur. *Jaculo in jecur cominus percusso, statim cadaverosus co-  
lor affusus est, oculi concavi, anxietas, corporis jaëctatio; mortuus est, priusquam  
concio dimitteretur, eodem quo percussus est die* (e). Facile autem patet, omnium  
periculosissima esse illa vulnera hepatis, quæ circa portas ejus insignantur, quæ ideo à  
*Celfo* (f), pro insanabilibus habentur: illa verb, quæ jecinoris crassum dividunt,  
difficilia quidem, non tamen omnino insanabilia esse voluit. Satis notabile Exem-  
plum vulneris in hepate sanati, in Epistola ad *Sennerium* recenset *Hildanus* (g):  
ubi maximo vulnere inficto dextro hypochondrio, cum tali hæmorrhagia, quæ ani-  
mi deliquium induceret, & educto scorpibus hepatis frusto, quod in vulneris  
apertura fe offerebat, licet sævissimè supervenerint symptomata, tamen optimè con-  
valuerit vulneratus. Post triennium continuâ febre periit, & in cadavere appar-  
uit, portiunculam quamdam infimi lobi hepatis abscissam fuisse, & vulnus cicat-  
rice bonâ fuisse obductum. Sed apparet ex ipsa hæc Historia, vulnus non pe-  
netrasse ad majores vasorum hepaticorum ramos. Imò & leviora hepatis vulnera,  
licet non illico lethalia, funesta tamen sæpissime fuerunt observata. *Lisior imper-*

(d) Bohnius de renunciatione vulnerum pag. 53.

(b) Centur. 2. Observ. 32.

(c) Centur. 1. Observ. 46.

(d) Observ. Chirurg. Lib. VI. Observ. 4.

(e) Hippoc. Epid. 7. Chart. Tom. IX. pag. 567.

(f) Lib. V. cap. 16.

(g) Centur. 2. Observ. 34. pag. 110.

zerritus, injeſſurus vincula audaciſſimo cuidam nebuloni, iſtus fuit bipenni, in infima jecinoris fibra. Cujus exſtillans ſanguis, in pus converſus, conjecit ipſum in lentam febriculam, utique tam vehementem univerſi corporis marcorem, ut conficeretur ante diem quadageſimum (a).

LIENIS. Quamvis Democritus dixerit (b), quòd noxiuſ & inutilis corporis humani incola ſplen ex adverſo hepatis dormiat, & per Experimenta in vivis animalibus capta conſiterit, poſſe lienem excindi ſuperſtite vitâ, nec adeo multùm turbatâ ſanitate; imò & in ipſis hominibus hoc factum fuiſſe, legatur (c), tamen tam magna habet vaſa ſanguinea, & cordi adeo propinqua, hoc viſcus, ut lethalis merito timeatur hæmorrhagia poſt ſplenis vulnera. Mortem inde ſecutam fuiſſe teſtantur Obſervata Medica. Inter ludicra puerilia, iſtus fuit ſcipione, in regione lienis, juvenis quatuordecim annorum, cum inſigni dolore, & tam frequenti animi deliquo, ut poſtridie ejus diei, vitam cum morte commutaverit (d). Alium caſum ſimilem ibidem habet Auctor, & in utroque cadavere lien in cava ſui parte rimam egerat, quæ duos faciliè digitos caperet. Similia bina Exempla lienis fiſſi à percuffione externa, cum ſanguinis extravafaſi ingenti copia in abdomine collecta, & morte ſubito ſecutâ, vidit Bohnius (e).

Leviora tamen lienis vulnera, æquè ac hepatis, non ſemper abſolutè lethalia eſſe; quamvis ſemper periculofa, valde probabile eſt.

RENUM. Servari non poſſe, quibus renes vulnerati ſunt, Celfus dixerat (f). Qui magnitudinem arteriarum emulgentium conſiderat, faciè credet, lethalem hæmorrhagiam ſequi poſſe, ſi majores emulgentium rami in renum ſubſtantia, vel & in ipſo renis ingreſſu diſcindantur. Si ſimul peritonæum læſum fuerit, ſanguis in abdominis cavum effluet; ſi verò à poſteriori corporis parte inſiſtium vulnus renem læſerit, integro manente peritonæo, tunc mirabilis fiet ſanguinis effuſio in tunicam pinguedinoſam muſculis interpoſitam, neque ſanguis tam libere poterit ex renis vulnere effluere. Nec obſtat locus Hippocrates, ubi ſectionem imperat in calculo renum: dicit enim ibi, quum dolor urget, multâ calidâ lavato, & quâ parte præcipuè dolor eſt, ſotus tepentes admoveo; quum verò intumuerit, & extuberarit, ſub hoc tempus juxta renem ſecato (κατὰ τὸν νεφρὸν) & extracto pure, arenam medicamentiſ urinam moventibus curato, &c; (g). Apparet enim evidenter, quòd noluerit renem ipſum diſſecari, nec per ſectionem factam arenas educi voluit. Quid autem de Nephrotonia, ſentiendū ſit, dicetur poſtea in Capitulo de calculo.

Non omnia tamen renum vulnera lethalia eſſe, docet Foreſti Obſervatio (h): ubi juvenis viginti annorum, cultro in lumbis vulneratus, è regione renis dextri, à ſanguine, in veſicam delapſo ex rene vulnerato, per ſex dies urinam omnino ſuppreſſam habuit; feliciter tamen & ab hac iſchuria, & à renis vulnere, evaſit.

PANCREATIS. Si nempe vaſorum trunci vel rami inſignes per hoc viſcus diſperſi diſcindantur, poterit effuſo ſanguine in cavum abdominis, vel & cor-

(a) Tulp. Obſervat. Medicar. Lib. II. Cap. xxvi.

(b) Epist. ad Hippoc. de natura humana. Charter. Tom. I. pag. 29.

(c) Boyle de utilitate Philoſoph. Experimentalis Exercit. I. pag. 109. 110. Miſcell. Cutioſ. dec. 1. ann. 4. & 5. pag. 210. & dec. 2. ann. 3.

pag. 378. & ann. 7. pag. 293.

(d) Tulp. Obſerv. Medic. Lib. II. Cap. xxix.

(e) De renunciatione vulnerum, pag. 282.

(f) Lib. V. Cap. xxvi.

(g) De internis affectionibus Cap. xv. Charu Tom. VII. pag. 649.

(h) Lib. XXV. Obſerv. 30. pag. 124.



rupto postea, mors sequi ut effectus talis vulneris. Tamen pancreas ventriculo subiacens ratò videtur lædi posse, quin simul per alia viscera vulnus transeat.

**MESENTERII.** Quàm magna vasa sanguinea per mesenterium decurrant, & quo locentur ordine, *Eustachius* tabulâ 27, figura 2 & 3, pulchre demonstret; præter enim insignes venæ portarum ramos, & venæ cavæ propages, magni trunci arteriosi per mesenterium deferuntur, arteria nempe mesenterica superior, & inferior. His ergo vasibus à causa vulnerante discissis, lethalis hæmorrhagia sequi poterit, & abdominis cavum effuso sanguine repleti. Talis casus habetur apud *Bohnius* (a) ubi ex punctura regionis epigastricæ, tertiâ die æger expiraverat. Observatum autem fuit in cadavere, istum per omentum in mesenterii centrum penetrasse, sicque, præter vascula epiploica exiliora, propaginem arteriæ mesentericæ superioris insigniorem rescuisse: unde abdomen satis vastum & obesum cruore extravasato & ad corruptionem inclinante, turgibat. Ex omenti vasibus disruptis similiter mors, per hæmorrhagiam repleto toto abdomine, secuta fuit (b). Sed aliud adhuc periculum imminet à læso per vulnera mesenterio, cujus cognitio celeberrimo *Ruyfchio* inprimis deberi videtur. Ille enim per quinquaginta & amplius annos amplissimi Magistratus auctoritate, in populosissima urbe Amstelodamo, cadavera violentâ morte perentorum lustravit, ut de vulnere conditione ad Iudicis renunciaret. Dicit enim, se frequenter observasse, vulnera mesenterio inflicta, intra duos trêse dies fuisse lethalia, postquam acerrimis & assiduus doloribus abdominis excruciatu fuerant vulnerati: sollicito tamen examine constitit, nullam aliam partem alicujus momenti fuisse læsam. Præterea Ornithotrophi, dum gallos castrant, si videant mesenterium hac operatione vel mininum læsum fuisse, statim hæc animalia jugulant, probe edocti per Experimenta, brevi moritura à tali vulnere (c). Videtur autem lethalis talium vulnere effectus à læsis nervis mesenterii pendere. Quàm mirabile enim imperium in ipsas etiam vitales functiones corporis humani habeant nervi per abdominalia viscera dispersi, docent Observata Medica in herniis suffocatis, intestinorum susceptionibus, &c!

An in *Coacis Pranotionibus* aliquid simile adumbratur (d), dum ibi dicitur: *percutit & quibus nervi interiores, sive tenuis aliquis, sive crassus vulneratus fuerit, si plaga transversa fuerit & magna; quod si parva & recta, nonnulli evadunt. Cornarius loco citato ita ita legit si ita ita ita, quæ lectio propius huic sententiæ accederet (e).*

**STOMACHI, INTESTINORUM.** In hoc numero considerantur vulnera harum partium, quatenus vasibus sanguineis ruptis mortem facere poterunt effuso sanguine; nam illa mala, quæ sequuntur à contentis ventriculi & intestinorum per vulnus dilabentibus, considerabuntur quinto numero hujus paragraphi. Ventriculum enim ambiunt satis magna vasa, quæ circa utrumque ejus orificium versùs fundum descendunt, & in hoc itinere frequentibus anastomosis junguntur similibus vasibus à fundo ventriculi sursum ascendentibus. Hinc uno insigniori ramulo discisso, sanguis per omnia vasa ventriculi reliqua trajectory facile effluit per vas vulneratum. Plurima, mortis secutæ post ventriculi vulnera, Exempla habentur apud Observato-

(a) De renunciatione vulnerum, pag. 264.

IV. pag. 8. & 9.

(b) Comment. Acad. Scient. Imperialis Petropolit. Tom. I. pag. 382. 383.

(d) N<sup>o</sup>. 509.

(e) Fœsius Tom. pag. 200.

(c) Ruyfch adveniar, Anatom. decad. 2. N<sup>o</sup>.

res. Unicum notasse sufficiet, quod demonstrat, maximam hæmorrhagiam inde ortam fuisse. Villicus in hypochondrio dextro sub costis spuris gladio valde lato vulnerabatur; multa cruenta vomuit & per alvum dejecit, supervenire sudores, syncope, extremorum frigus, convulsiones: tertio die periit. Aperto abdomine, vulnus ingens apparebat in ventriculi fundo, venis & arteriis, quarum maximis ibi numerus est, integre discissis; ingens simul erat in abdomine sanguinis effusa copia (a).

Intestina autem, mesenterio annexa, per illud vasa sua recipiunt, que utrimque intestinali fistulæ circumapplicata, in parte intestini mesenterio opposita, anastomosibus inter se junguntur. Vulnere ergo intestinis inprimis circa mesenterium inflicta, satis magnos vasorum truncos discindere possunt, unde magna sanguinis in cavum abdominis effusio, & mors. Homo vulneratur in hypochondrio dextro, paulò supra umbilici regionem, gladio acuto; conqueritur de vehementi abdominis dolore; multam sanguinis per alvum dejecit: supervenire & ventriculi subversiones, singultus, frequens animi deliquium, horà quartà mortuus est. Aperto abdomine, abstersisque, quibus refertum erat, excrementis & sanguine, intestinum colon totum undequaque per transversum discissum & sphacelatum repertum est (b).

Multum autem videtur augeri periculum à læsis majoribus vasis ventriculi & intestinalium ideo, quia continuo motu peristaltico hæc viscera moventur; hinc hæc vulnera nunquam ferè quiescunt. Fortè etiam similia mala oriuntur à nervis læsis, per ventriculum & intestina dispersis: quæ & post mesenterii vulnera sequuntur, ut modo dictum est.

Interim tamen apud Observatores vulnere ventriculi & intestinalium sanatorum occurrunt frequentissima Exempla; unde non omnia talia vulnera pro lethali habenda sunt.

**UTERI IN GRAVIDIS.** Uterus, postquam mulier concepit, & ovum imprægnatum incipit suâ mole auctâ uteri cavum implere, extenditur quaquaversum, & parî proportionem omnia ejus vasa omni mensurâ ampliantur, ac majorem copiam humorum recipiunt. Hinc uterus gravidæ mulieris habet ferè eandem crassitiem, quam habebat uterus contractus in non gravida; & tamen in tam amplam molem distenditur, dilatatis nempe vasis, & repletis simul. Unde dixit *Hippocrates* (c), ubi in utero mulier gerit, paulatim à toto corpore sanguis in uterum deferatur, & in orbem id, quod in utero est, circumfluit, ipsum auget. Et inde rationem deducit, quare gravidarum depravetur color: quodd nempe purus sanguis quotidie ex corpore desillet, & ad fœtum feratur, &c; uti habetur in eodem libro de morbis mulierum (d) quem locum antea aliâ occasione allegavi (§. 69. n°. 2.). Apparet hinc, quàm periculosa sint vulnera uteri imprægnati, cum tantâ copîâ sanguinis distendantur vasa. Periculum auget, quodd fœtus uterum distendens impediatur, quominus uterus se contrahere, & sua vasa angustare possit: si verò post inflictum utero vulnus excluderetur subito fœtus, aliqua spes esset, contracto utero, hæmorrhagiam sisti, & vulnus consolidari posse. Talia enim habentur Exempla mirabilia, quodd dissecto utero ipso, & per latum vulnus educto fœtu, supervixerint mulieres. Mulieri primiparæ læsa vagina post partum difficilem concreverat sic, ut apertura ejus pisi magnitudinem vix retinuerit; imprægnata postea iterum fuit,

(a) Boneti Sepulchretum Tom. III. p. 362. | Charter. Tom. VII. pag. 744.

(b) Ibid.

(c) De mulier. morbis Lib. I. Cap. xxiii.

(d) Charter. Tom. VII. pag. 748.

cúmque partús doloribus obortis nulla spes esset illam parere posse, fœtusque jam mortuus esset in utero, feliciter, dissecto abdomine, & utero ipso, eductus fuit, nullo symptomate vel animi deliquio superveniente (a), & superstiti matre. Aliud habetur Exemplum partús talis cæsarei dicti, publico testimonio confirmarum. Fœmina primipara quadragésimo octavo ætatis anno, omnibus tentatis auxiliis, ob loci angustiam non poterat parere: septimâ die, peritissima, nec minùs intrepida obstetrix, dissecto utero fœtum eduxit, nullo malo secuto, & muliere postea integrâ sanitate fruente (b).

**VESICÆ CIRCA ARTERIAS EJUS MAJORES.** Quamvis Hippocrates vesicæ vulnera ut lethalia damnaverit, nec posse coalescere dixerit (c), constat tamen certissimis hodie & frequentissimis Observatis, vesicam vulneratam in calculi sectione sanari. Periculum tamen est, ne magna satis per vesicam decurrentia vasa discissa validam faciant hæmorrhagiam; ex magnis enim truncis arteriarum iliacarum satis vicinis orta valido impetu sanguinem fundunt. Vasorum horum origo & decursus in *Eustachii* Tab. XII. fig. I, habentur. Inprimis augetur hoc discrimen, quia in calculosis vesica, sæpe longè crassior facta, dilatata plùs vasa habet: his autem vasis discissis, quamdiu calculus adhuc in vesicâ cavo hæret, non poterit vesica se penitus contrahere; hinc patulo vulnere sanguinem fundere pergunt. Calculo verò educto, contractâ vesicâ, & lotio per vulnus factum libere effluente, claudi possunt iterum vasa dissecta.

**AORTÆ.** Sanguis ex pulmone redux in cor sinistrum pellitur omnis in maximum vas arteriosum totius corporis, quod aorta vocatur: quæ in arcum curvata deorsum tendit, spinæ accumbens, sinistrorsum parum declinans, usque ad os sacrum; ibi in binos ramos æquales dividitur, qui vocantur arteriæ illiacæ; toto autem hoc itinere à corde ad locum illum usque, ubi bifurcatur, aortæ nomen retinet. Facile jam patet, si vulnere lædatur aorta ipsa, nullam superesse medelam, cum directo impetu sanguinem omnem ex corde sinistro accipiat, nullòque detur accessus manibus Chirurgi: in intimis enim corporis rutò later, corporibus vertebrarum incumbens. Eò autem citiùs lethale erit tale vulnus, quò magis vicinum cordi fuerit.

**CAROTIDUM.** Arteriæ carotides, ex ipsa curvatura aortæ, ex corde sinistro egressæ oriuntur, saltè sinistra carotis; dextra plerumque ex subclavia arteria ejusdem lateris oritur. Binæ hæ arteriæ ad latus utrumque asperæ arteriæ decurrunt usque ad laryngis altitudinem, ubi in binos dividuntur ramos singulæ, quorum unus, externis inprimis capitis partibus prospiciens, carotis externa vocatur; alter calvariam ingressus per encephalon distribuitur, carotis interna dictus. Toto decursu, ab origine ex aorta, vel subclavia, ad illum locum usque, ubi in binos dividuntur ramos, simpliciter carotides vocantur. In homine arteriæ illæ ferè digiti minoris amplitudinem habent: hinc apparet, quanta hæmorrhagia, illis vulneratis, fieri debeat, dum tam propinquæ cordi, impetu maximo pulsum sanguinem accipiunt. Verum quidem est, carotides ferè toto hoc decursu satis propinquas esse tegumentis corporis externis, sic ut digito illarum pulsus in collo percipi possit facillimè. Præterea impune videtur ligari posse carotis arteria, cum

(a) A. A. Lipsiens. an. 1693, pag. 130.

(b) Académ. des Scienc. l'an 1731, Hist. pag.

(c) De Morbis, Lib. I. Cap. 11. Charter. Tom. VII. pag. 532, &amp; ibid. Cap. 17. pag. 526. uti &amp; in Coacis Prænotionibus. n.º. 503. 504. 507.

per alteram & vertebrales arterias sanguinis idonea copia ad caput deduci possit. In cane, cui ante octiduum abscideram nervos recurrentes, ligavi utramque carotidem, nec potui observare illum aliquid mali inde pati: inveni enim hoc animal post alios octo dies elapsos vegetum & alacre: ligavi tunc venas jugulares sine ullo observabili malo. Post quatuor dies inveni canem sanum omnino. Examinans tunc ligaturas carotidibus injectas inveni illas firmissimè hære, & thrombum valde densum & compactum hære inter ligaturam & cor. Aperto cranio in cerebro nihil mutarum apparebat, imò cerebri volumen potius auctum quam minutum apparebat.

Si verò ponderentur illæ difficultates, quæ occurrunt, ubi in homine carotis arteria discissa est, patebit tale vulnus meritis lethale dicendum esse: ingens enim hæmorrhagia paucis certè minutis horæ, hominem è medio tollere poterit. Ut ergo salvari posset talis vulneratus, requireretur, ut peritissimus adesset ipso momento vulneris inflicti Chirurgus, qui digitis ad resistentem asperam arteriam comprimeret utrumque carotidis discissæ extremum; simul artubus ligaturæ injiciendæ forent, ut compressis venis minor sanguinis copia rediret ad cor, sicque impetus effluentis sanguinis minueretur. His factis deberet utrumque extremum carotidis discissæ investigiari, & inventum deinde ligari. Non sufficit enim ligasse arteriæ illam partem, quæ cordi propior est; pergeret enim sanguis effluere per alterum arteriæ discissæ extremum, quia carotides sub basi cerebri cum se invicem, & cum vertebralibus arteriis, magnis satis ramis emissis, junguntur. Ex his omnibus patet, unicum Chirurgum, dexterrimum quamvis, non sufficere, sed ad minimum requiri, ut bini adsint tales. Præterea vix videntur arteriæ discissæ extrema posse inveniri, nisi integumentis divisus amplius redderetur vulnus; unde postea sæpe in Chirurgos, optimè quamvis de vulnerato meritos, mors imputaretur post vulnus secuta. Si verò vulneratus tantum sanguinis amisisset, ut in animi deliquium lapsus cessaret ferè hæmorrhagia, posset forte hoc tentari.

**VERTEBRALIUM.** Arteriæ vertebrales, ex arteriis subclaviis ortæ, utrumque per foramina processuum transversorum vertebrarum colli pergunt versùs cranium. In hoc transitu ramulos per vertebrarum commissuras ad spinalem medullam, ejusque involucria transmittunt; uti etiam ad musculos vicinos. Discissæ ergo illæ arteriæ non possunt faciliè retrotrahi, & sic orificia sua claudere: & cum sub basi cranii, ramis emissis cum arteriis carotidibus internis communicent; hinc sanguis, per carotides allatus, per has arterias vulneratas effluere poterit, unde patet ingens periculum. Nulla autem hic datur opportunitas ligandi arterias has vulneratas, cum ossis illis foraminibus lateant discissæ arteriæ extrema: unica spes esset, si per hæmorrhagiam debilissimo reddito ægro, & vitâ tali minimâ sustentatâ parco & blando victu, nullisque datis cardiacis, consolidari posset arteriæ discissæ extremum. Hoc autem non penitus impossibile esse, docent ipsa cordis vulnera sanata aliquando, & memorabile illud Exemplum antea enarratum, (§. 161.) ubi axillari arteriâ discissâ homo tamen evaserat.

Facile jam patet idem periculum imminere ab aliis magnis arteriis vulneratis; emulgentibus v. gr; iliacis, &c.

Venarum autem maximarum vulnera pariter lethalia esse ob easdem causas patet: cum autem plurimæ venæ magis versùs corporis superficiem ponantur, faciliùsque compressæ possint; neque tanta sit velocitas sanguinis in venis, quam in

arteriis; ideo, cæteris paribus, venarum vulnera minùs periculosa sunt vulneribus arteriarum.

4. Quæ respirationem integre tollunt: ut abscisso laryngis cum subductione fistulæ scissæ, vulnera magna bronchiorum, vulnera lata, utramque cavitatem thoracis, cum admissu aeris, perforantia, vulnera diaphragma ab utraque parte mediastini, thoracis, penetrantia, vel ejus nervosa dissecantia.

In homine nato, ut sanguis ex corde dextro in sinistrum transire possit, requiritur, ut pulmo, per aerem inspiratum dilatatus viam faciat sanguini, ex corde dextro pulso per arteriam pulmonalem in venas pulmonales, & deinde in cor sinistrum. Necessaria ergo ad vitam est respiratio, quæ si per pauca tantùm momenta tollatur, vita perit. Ad respirationem autem requiritur, ut aer libere pulmonem ingredi possit, illùmque expandere: omnia ergo vulnera, quæ aeris ingressum in pulmonem impediunt, vel pulmonis dilatationem per aerem ingressum, lethalia sunt. Talia autem sunt sequentia.

**ABSCISSIO LARYNGIS CUM SUBDUCTIONE FISTULÆ SCISSÆ.** Aspera arteria, cartilagineis illis segmentis constans, semper aperta, nunquam collabi, nec facile comprimi potens, liberum aditum aeri in pulmonem servat: dum ergo vulnus aeream hanc fistulam sic dissecat, ut discissum extremum inferius se subducens sub partibus vicinis occultetur, & aerem admittere nequeat, actum est de vita. Si verò vulnere quantumvis magno lædatur, patula tamen via maneat aeri in pulmonem, minimè lethale erit tale vulnus, ut docent fidissima Observata. Frequentissimi enim Medicis & Chirurgis occurrunt tales casus, in quibus homines, vitæ perterriti, violentas sibi ipsis intulerunt manus; vel & à latronibus confossi discissam habuerant arteriam asperam, & tamen sanati fuerunt postea. Pauca tantùm adducentur Observata, quæ hanc rem probant. Juvenis melancholicus inopinatâ nuptiarum, quas speraverat, repulsâ, sibi ipsi discidit asperæ arteriæ cartilagineas, illæses venis jugularibus & carotidibus utrimque adjacentibus; mox voce privatus jacebat. Chirurgus didacta vulneris labia consuit; miser vulneratus vitæ pertæsus futuram dilacerat; emplastro, fabrilis glutine illito, utrimque labiis vulneris appposito, filisque transmissis adducto, uniebantur iterum vulneris labia, & mensis spatio sanatum fuit vulnus. Nihil postea remansit vitii præterquam quòd in concentu Musico cogereetur paulò submissius canere, quàm solebat ante plagam inflictam (a). Similis casus legitur & apud Bartholinum (b) de puella, quæ sibi ipsi fauces præsciderat, & vulneris futuram pariter laceraverat; postea tamen curata.

Tria similia Exempla habet Paræus (c) ubi homini aspera arteria discissa fuerat unâ cum vena jugulari: inflicto vulnere statim vocem perdiderat: unitis futurâ vulneris labiis, iterum loqui potuit; & licet mortem brevi secuturam credidisset Paræus, præter spem convaluit. Binis aliis, unâ cum aspera arteria, & œsophagus

(a) Tulpii Observat. Medic. Lib. I. Cap. 1. Hist. 89.

(b) Thom. Barthol. Histor. Med. Cent. V. (c) Lib. X. Cap. XXXI.

diffusus fuerat; unde mortui fuerunt, postquam per quatuor tamen dies post vulnus inflictum supervixerant; & confutis labiis vulneris loquela perditā redierat, sic ut unus percussorem indicaverit, alter se sibi ipsi hæc vulnera inflixisse confessus fuerit, atque ita famulum criminis suspicione liberaverit.

Memini me ante multos annos vidisse militem, qui osliatim stipem petens ostendebat patulum ingens foramen asperæ arteriæ, quod spongiâ solebat tegere, tuncque commodè loqui poterat; detecto autem foramine, vox peribat. In confictu bellico huic homini per globum plumbeum pars insignis asperæ arteriæ ablata fuit; unde non potuerunt adduci ad se invicem vulneris labia, sed relicta fuit talis apertura; plurimis tamen annis postea supervixit.

**VULNERA MAGNA BRONCHIORUM.** Aspera arteria, postquam per colli anteriora in thoracem descendit, circa illum locum, ubi aorta ex corde egressa incurvatur, in binos dividitur ramos, qui singuli ad pulmonem sui lateris tendunt: hi rami tunc, deposito asperæ arteriæ nomine, bronchia vocantur; horumque ramorum subdivisiones in pulmonibus factæ, deinde illud nomen retinent. Cum ergo asperæ arteriæ & bronchiorum munus sit aerem inspiratum per pulmonis cava aerea distribuire, aer, per magna horum vulnera elapsus, in cavo thoracis accumulabitur; calore loci expansus pulmonem comprimet, sicque omnem ejus actionem impedit, unde suffocatio & mors; inprimis, si utriusque pulmonis bronchia sic lædantur, tunc enim respiratio integre tollitur. Unde *Hippocrates* (a) dixit: *Mortui autem etiam, si in arteriam* (asperam hoc nomine semper intelligens) *& pulmonem valde magnæ plagæ fiant, ita ut pulmone percusso, paucior spiritus per os procedat, quàm is est qui ex vulnere elabitur.* Periculum autem talium vulnerum augetur, quòd vix videantur magnis vulneribus bronchia lædi posse, quin vasa sanguinea, horum bronchiorum divisiones suis ramificationibus comitantia, simul discedantur.

**VULNERA LATA, UTRAMQUE CAVITATEM THORACIS CUM ADMIS-  
SUS AERIS, PERFORANTIA.** Pulmonales, quamdiu in thorace undique exactè clauso continentur, semper sunt plus dissentii, quàm si aeri libero undique exponerentur, tunc enim collabuntur, & in spatium minùs contrahuntur, inprimis actione contractili fibrarum muscularium, quæ segmenta bronchiorum inter se connectunt. Naturaliter enim in homine inter pulmonem & pleuram nullus adest aer, sed per glottidem aeri in pulmonem semper relinquitur liber aditus. Unde pulmo plus dissenditur per aerem ingressum per glottidis rimam, quàm comprimitur per aerem externum, costas & diaphragma prementem, quia costarum arcuata figura & diaphragmatis nexus cum costis & vertebis impediunt, quominus aer externus diaphragma premat in pectoris cavitatem ed usque, ut fieret æquilibrium inter vim aeris externi, & ejusdem pulmone contenti. Hæc est ratio, quare pulmo pleuræ semper contiguus maneat, etiam post mortem, quamdiu thoracis clausi manet integritas; ut patet evidenter, si illas pleuræ muscoli intercostales cautè separantur; tunc enim pulmo omnino contiguus apparet pleuræ præ tenuitate ejus ferè pelliculæ. Dum verò pleura perforatur, aere illapso in pectoris cavum, pulmo collapsus statim contrahitur in minus spatium, & à pleuræ contiguitate recedit; diaphragma, antea cavum à parte abdominis, tensissimum, & in cava pectoris tra-

(a) *Coac. Prænot.* n.º, 509, *Charter.* Tom. VIII, pag. 88.

sum, statim flaccidum fit, & deorsum collabitur. Ex quibus patet evidenter, naturaliter in homine pulmones pleuræ undique contiguos esse, nec aerem hære in-  
ter convexam pulmonis superficiem & pleuræ cavum. Ideo, dum per musculos, huic scopo inservientes, elevatis costis & diductis à se mutuo, diaphragmate contracto & plano facto ampliatur thoracis cavitas, esset inter pleuram & pulmonis superficiem spatium aere vacuum; sed aer per glottidem libere ingrediens pulmones sic distendit, dum pectus dilatatur, ut maneant semper pleuræ contigui; sicque perficitur inspiratio. Dum verò, perfoffo thoracis cavo, liber datur accessus aeri in cavum; aeris, per glottidem ingressi, pressio æquilibratur à hinc non distenditur pulmo, sed propriâ contractilitate abibit in minus spatium. Si hoc jam fiat in utroque pectoris cavo simul, non poterit pulmo uterque collapsus dilatari per aerem inspiſſatum; & hinc cor dextrum non poterit per collapsum pulmonem pellere suum sanguinem, sicque brevi suffocabitur cordis motus, & peribit vita inde pendens.

*Galenus* jam in vivis animalibus tentaverat hæc Experimenta, & conclusit (a) quocirca à magnis vulneribus, intrò in alterutram thoracis partem penetrantibus, repenti animans parte dimidiâ, tum vocis, tum respirationis privatur: voce autem atque respiratione plânè destituitur, si venter uterque fuerit confossus. Et inde deduxit mediastini, thoracem in bina cava separantis, usum, ut vulnere penetrante unius lateris cavum, in altero maneat respirationis integritas. Postea & *Vesalius* in vivis animalibus sectiones admittens, nudatâ pleurâ demonstrabat; pulmonem illi semper contiguum manere; pertusâ autem pleurâ, illius lateris pulmonem concidere, thorace interim æquè ac priùs moto; postea illud latus pulmonis quàm maximè aperiens, pluribus costis reſectis, per membranas thoracem interſepientes poterat videri, quomodo alter pulmo in thoracis cavo adhuc integro pectoris motum sequeretur; illis verò membranis pertusis, & ille pulmo concidebat illico (b).

Ex his Experimentis videretur concludi posse, vulnera thoracis cavum utrumque penetrantia sic, ut aeri ingressus detur, esse certò & subitò lethalia. Quousque autem hoc verum sit, patebit sequentibus Experimentis.

Ante duodecim, si rectè memini, annos debebat, in hac Academia *WILLIAM Houstoun*, eruditione singulari & inprimis Anatomix & Botanices scientiâ insignis, cujus amore tædioſissima suscepit itinera, naufragia, captivitates & alia plurima mala passus, & magno Scientiarum damno in patriam redux in flore ætatis lento morbo periit, longiori vitâ dignissimus. Magno meo bono hujus Viri familiaritate usus fui, & plurima me ab illo didicisse gratus recordor. Ille quâdam die me conveniens rogavit, an crederem, vulnera utrumque cavum pectoris perforantia lethalia esse? Annuj; & argumentis modò enarratis asserti veritatem probare conatus fui. Audivit placidè ratiunculas, & dein eduxit ridens, de sinu caniculam, cui ante triduum utrumque pectoris latus perforaverat: alacriter currebat animal, ac si nihil mali passum fuisset. Examinans omni curâ insiſſita vulnera, vidi in cava thoracis penetrare, nec pulmonem accretum esse illis locis; quod suspicabar primò: candelula cerea, applicata utrique vulnere, aere per vulnera attracto & expulso, exstinguebatur. Obscuro insulitum spectaculum, & postea in canibus similia Experimenta plurima tentavi; quomodo autem successerint, referam.

(a) De usu partium, Lib. VI. Cap. XII. | (b) Vesal. de Corporis humani fabrica, Libi  
Charter. Tom. IV. pag. 419. | VII. Cap. ult. pag. 571.

1°. Cani perforavi anteriorem partem pectoris sinistri; statim aer cum sibilo intravit: tubo immisso removi undique pulmonem à pleura. Postea & dextro lateri thoracis vulnus infixi, digito immisso iidem pulmonem undique à pleura removi: remoto digito pars magna pulmonis cum impetu per vulnus erupit; pergebat respirare & ejulare canis; viterum intrusi pulmonem in pectus; exibat denuo. Hæmorrhagia aderat satis valida; & post quadrantem horæ moriebatur animal.

2°. Repetens in alio cane hoc Experimentum, per vulnera facta aerem per siphonem inflavi validè; longè diutius vixit: sed non aderat tanta hæmorrhagia. Dum quiescebat animal, pulmo in thoracis cavo manebat. Dum autem præ dolore magnos motus faceret, per vulnera facta pars pulmonis erupit.

3°. Alteri cani pariter utrumque thoracem perforavi: tubo aerem inflavi in cava pectoris, dein asperam arteriam refecui; postea, totum abdomen cruciatim discidi, tunc diaphragmate pertuso in latere sinistro, vulnere in cavum pectoris sinistrum penetrante, solutis vinculis vixit animal per bihorium, & pendulis de abdomine intestinis cucurrit per cubiculum.

4°. Longè magis mirabar, alium canem, perforato utrumque pectore, abdomine aperto, dein, & pertuso utrimque diaphragmate, per quinque horas vixisse.

5°. Hæc Experimenta frequenter iteravi, sæpe semper simili cum successu: sed dum maximis vulneribus pectus perforarem, quæ parallelo ad costas ductu dimidii digiti longitudinem æquarent sæpe, vel & superarent, vidi animalia satis citò mori: sed tunc ingens semper aderat hæmorrhagia.

Dum unà cum eruditissimis amicis, qui hæc Experimenta mecum tentabant, conabar invenire rationem, quare perforato utrumque pectore in animali pergeret vita & respiratio; incidit hæc opinio, quòd si vulnera inflicta minorem haberent aperturam, quàm erat glottidis rima, tunc aer facilius irruens per glottidis aperturam, quàm per vulnus, distenderet pulmonem. Præterea animal summo nixu videbatur expandere pulmonem, ut per vulnus sæpe exprimeretur; sicque aeris ingressum liberum per vulnus impediabat: simul vidi evidenter, quòd adductis ad se invicem costis, animal minueret vulneris aperturam quàm maximè. Ut certi essemus de his, instituius sequens Experimentum.

6°. Cani in utroque pectoris latere, loco medio inter binas costas infiximus satis magnum vulnus, vulneribus immisimus tubulos ex bractea ferri, quorum aperturæ longè majores erant, quàm apertura glottidis in hoc animali: hæc methodo vulnera manebant patula, cessabat illico respiratio, & peribat vox, atque animal videbatur mortuum. Clausis dein per digitos impositos tubulorum orificiis, perfricato validè abdomine, incipiebat iterum citissimè respirare: remotis digitis, emissà parte aeris in cavo thoracis contenti, mox iterum tubulos claudubamus, sic augebatur respiratio, & redibat vox amissa: apertis iterum tubulorum orificiis desinebat respiratio, nullam vocem emittebat animal, & moriebatur. Hoc experimentum aliquoties iteravimus, semper eodem cum eventu; & vidimus, quòd, nisi firmiter retineremus in vulnere tubulos, posset animal summis nixibus moto thorace excutere tubulos de vulnere, & costas sic adducere ut pergeret respirare.

Unde videtur concludi posse, vulnera, utrumque thoracis cavum penetrantia; & aerem admittentia, tunc tantum esse citò & certò lethalia, si vulnerum orificia glottidis aperturam amplitudine suâ superent.

An non hujus rei vestigium habetur in illo loco *Concarum Pranotionum* in



eodem hoc numero modò allegato, ubi dicitur, quòd moriatur homo, *si pulmons percussio, paucior spiritus per os procedat, quàm is est qui ex vulnere elabitur?*

Non memini, me legisse apud Observatores Exempla hominum sic vulneratorum, ut mors secuta potuerit adscribi soli aeris ingressui in utrumque thoracis cavum; semper enim ferè simul læduntur viscera thoracis cavo contenta. Sed apud *Schenckium* (a) habetur, quòd homo delapsus ex alta arbore in palum acutum incidit, qui lumborum musculos perforans, sursum in pectoris cavum usque penetravit. Curatus ab hoc vulnere foramen fistulosum in dorsi regione habuit in thoracis cavum penetrans, per quod lumen admotum statu erumpente in thoracis constrictione agirabatur, & nonnunquam exstinguebatur: sic diu supervixit sine ulla noxa.

**VULNERA DIAPHRAGMA AB UTRAQUE PARTE MEDIASTINI, THORACIS, PENETRANTIA.** Pleura dicta membrana thoracis utrumque cavum investit, sic tamen, ut singulo cavo thoracis sua propria membrana sit. Possunt ergo concipi, ac si binæ pleuræ forent tales vesicæ cavæ sibi mutuo adjacentes, & in loco contactus accretæ sibi mutuo. Harum membranarum duplicatura mediastinum vocatur, quod thoracis cavum dividit bifariam; sic tamen, ut in parte anteriori mediastinum declinet sinistrorsum; unde dextra cavitas pectoris major est sinistra (b). Cùm ergo mediastinum non sit simplex membrana, sed ex binis pleuræ saccis sibi accumbentibus nata, satis exactè dixit *Galenus* (c) describens membranam succingentem thoracis, ex illa nasci thoracem intersepientes membranas. (*ἡ δὲ αὐτὴ διὰ τὸ εἶναι διὰπάρτοισι ὁμαλὴ τὸν θώρακα περιβάλλει*). Si jam vulnus ab utroque mediastini latere diaphragma læserit, poterit aer per has vias ingredi thoracem, & sic impedire pulmonis expansionem; eodem modo ac statim dictum fuit de vulneribus thoracem utrumque penetrantibus.

Sed si consideretur, magnum hepar diaphragmati accumbere, uti & lienem, &c, satis patet, non facillè posse lædi diaphragma in binis distinctis locis, quin & illa lædantur viscera; unde mors secuta tale vulnus, non posset adscribi soli aeris admissioni in cava pectoris: præterea enim diaphragmatis & musculorum abdominalium actione pressa viscera obturabunt seri liberam viam per hæc vulnera factam: sed ut ex Experimentis modò citatis patuit, deberent hæc vulnera satis ampla esse. Unde videtur rarissimè, si unquam, talis casus contingere posse.

**VEL EIUS NERVOSA DISSECTANTIA.** Medium diaphragmatis locum dixerunt ejus centrum tendineum. Est satis lata plaga tendinea, sive aponeurosis, ad quam omnes fibræ carnez diaphragmatis concurrunt. Vocabatur & pars nervosa diaphragmatis, quia Veteres tendinibus etiam nervi nomen imposuerunt. Putabatur jam actione fibrarum carnearum diaphragmatis tendinem illud centrum undique dorsum trahi; hinc si vulnus huic parti inflictum foret, singulis vicibus, quibus agit diaphragma, distraherentur fibræ semilaceræ, auferetur vulnus, dolor fieret intolerabilis, & inde convulsio, & mors. Sed demonstravit clarissimus *Sénac* (d), partem illam mediam tendineam diaphragmatis non descendere in respiratione, cui cor pericardio suo inclusum incumbit; cuiusque adeo turbaretur situs & motus, quia pericardium latè superficiei huic tendineæ diaphragmatis

(a) Lib. II. de Vulner. thoracis Observ. 3. pag. 297.

(b) Acad. des Sciences, l'an. 1715. Mém. pag. 311. &c.

(c) De Anatom. admin. Lib. VII. Cap. II. Charter. Tom. IV. pag. 148.

(d) Acad. des Sciences, l'an. 1724. Mém. pag. 251. &c.

parti accrescit. Probatur & hoc ibidem ex diaphragmatis structura & nexu.

Sed aliud sequitur post diaphragmatis vulnera, nec minus funellum malum; unde non adeo subita quidem, certa tamen post diras calamitates mors sequitur. Dum nempe partes corporis, abdominis cavo contentæ, diaphragmatis & muscutorum abdominalium actione pressæ, vulnus diaphragmatis ingrediuntur, illud dilatant, in pectoris cava transeunt, sicque pulmonem comprimendo, & cordis ipsius actionem turbando, post summas miseras mortem inferunt citius vel ferius. Sic *Paræus* (a) se vidisse testatur in homine, qui vulnus acceperat in media tendinosa parte diaphragmatis, ventriculū per hoc vulnus, pollicis magnitudinem non superans, thoracis cavum ingressum fuisse. In alio per octo menses superstitē, post acerrimos dolores colicos mortuo, inventum fuit intestinum colon pro magna parte in thorace hæere; licet vulnus diaphragmatis minimi digiti apicem tantum capere posset. Simile Exemplum etiam habetur apud *Sennertum* (b) de studioso, qui proprio se confoderat ensē, post binos menses tamen inde curatus: sed septem mensibus elapsis post crebros vomitus expiravit. In cadavere apparuit, vulnus per pulmonem & diaphragma penetrasse. Ventriculus totus ascenderat in sinistrum thoracis cavum, & cor cum pericardio depulerat in latus dextrum; ubi vivus adhuc, post vulnus sanatum, manu imposita cordis pulsus jusserat observari.

Hinc apparet, quam periculosa sint diaphragmatis vulnera. *Hollerius* tamen testatur, se observasse in suspensi cadavere, cujus dissectioni in *Scholis Medicis Parisiensibus* præfuerat, vulnus obductum cicatrice in parte carnosa diaphragmatis (c).

5. Quæ motum chyli in cor tollunt; abscisso œsophagi, magna vulnera ventriculi, intestini tenuioris, superioris integra dissecio, vulnus ductus thoracici, vel alvei chylosi.

Recententur hoc numero vulnera illarum partium, quarum integritas requiritur; ut alimenta ingerantur, digerantur, & chylus ex his præparatus deferatur in sanguinem; ut inde restituantur illa, quæ vitæ & sanitatis actionibus perduntur quotidie.

**ABSCISSIO** **ÆSOPHAGI.** Integra nempe abscisso œsophagi omnem transitum ingestorum ad ventriculum tollit. Vulnera enim œsophagi, non integre discissi, sanata fuisse testantur Auctores. Sic apud *Schenckium* habetur (d), quod *Chirurgus curavit quemdam carceribus detentum, qui sibi ipsimet ipsigatur, quæ parte tracheam arteriam spectat, ferro vulneraverit, digitūque vulnus tantopere ampliavit, ut per ipsum alimenta & medicamenta ad os usque transmitterentur. Sanatus tamen hic est paucis diebus.* Aliud Exemplum habetur apud *Bohniū* (e) de juvene, cui à latronibus maximo vulnere faucibus inflicto, dum elato capite lac biberet, illud per vulnus effluebat; dum verò supinus biberet, illud in ventriculum descendeat. Unde patebat œsophagum non omnino rescissum fuisse. Ex hoc vulnere tamen convaleuit. Integre autem discisso œsophago unā cum aspera arteria, retractum versūs ventriculum

(a) Liv. X. Chap. xxxiii.

(b) Lib. II. Part. II. Chap. xiiii. pag. 372.

(c) Comment. in Aphor. 18. Sect. VI. pag.

(d) Observ. Medic. Lib. III. Observat. 6. pag. 316.

(e) De renunciatione vulnerum, pag. 108.

discissi œsophagi extremum non potuit unire *Paræus* alteri extremo, licet tantâ valeret in Arte peritiâ. Per futuram quidem univit asperæ arteriæ vulnus, sique loquelam amisam misero restituit, ut potuerit indicare percussorem; quartâ tamen die post vulnus inflictum perit. Aliud simile Exemplum habetur ibidem (a). Cùm autem œsophagus asperâ arteriâ tegatur, corporibus vertebrarum incumbat, & à latere maxima vasa adjacentia habeat, rarò solus vulneratur. Hinc fortè credi posset, adjacentium partium vulnera pariter mortis causam fuisse. Mirabilis habetur, & fortè unica hætenus in Arte descripta Observatio, quam publicavit celeberrimus *Boerhaavius*. Illustrissimo nempe Heroi, nobilissimo Baroni *de Wassenar*; Republicæ nostræ Archithalasso, post maximos vomendi conatus, abruptus fuit œsophagi tubus prope diaphragma: unde, post enormes cruciatus; ingestis, unâ cum aere deglutito, in cavum pectoris delapsis, intra 24 horas mors accidit (b). Conclufit optimo jure tunc Magnus Auctor, similem casum, si recurreret, indicio hujus historiæ detegi quidem posse, nullis tamen unquam remediis sanabilem fore.

**MAGNA VULNERA VENTRICULI.** Omnes cibos & potus deglutitos suo cavo recipit ventriculus; cujus fabricâ, assusis humoribus, & morâ ibi hæc sic mutantur, ut deinde per intestinalem tubum delata præbeant materiem, quæ tenuissimis fistulis venosis resorpta, sanguini mista, & ulterius elaborata, restituere possit illa, quæ sanitatis actionibus de corpore perierant. Si ergo magnum vulnus inflictum fuerit ventriculo, contenta per vulnus dilabentur extra corpus, vel in cavum abdominis; sicque omnis nutritio deficiet necessariò. Accedit, quòd & ventriculi vulnera, quatenus ipsam ventriculi substantiam, tot arteriis, venis, nervis undique repletam, lædant, sint admodum periculosa. Dum autem pereunt ex vulneribus ventriculi non multo temporis intervallo post inflictum vulnus, non potest inde deduci mors secuta, quòd nutritionis defectu perierit æger; sed ipsam substantiæ ventriculi læsionem tunc mortis causam fuisse, satis patet. Bina talia ventriculi vulnerati Exempla habet *Bohnius* (c), sic ut mors intra biduum secuta fuerit. Ubi autem vulnera ventriculi mortem inducant, quia ingesta alimenta continere nequit ventriculus perfoffus, tunc lentior mors sequitur, sensim defectu nutritionis tabefacto corpore. Imò aliquando consistit per Observationes Medicas, vulnera talia, in fistulosum ulcus degenerantia, plurimis annis aperta mansisse, supersite ægro, sic ut potuerit pro lubitu per hanc aperturam cibos porûque emittere; vel clauso per externum apparatus vulnere, eadem retinere; qualia bina Exempla habentur apud *Schenckium* (d). Imò plurima talia vulnerum ventriculi sanatorum integre Exempla apud Auctores occurrunt. Habetur mirabilis admodum Historia in Actis Anglicanis (e). Maurus juvenis maturos Musæ fructus decerpit, & avidè comedit: vitricus ejus irâ furens, ut hoc ulcisceretur, cultro magnum vulnus abdomini juvenis infligit, & latâ plagâ ventriculum sic discindit, ut comessi fructus cum impetu per vulnus erumperent. Peracto hoc facinore, dum amici vulnerati insequerentur, senex sibi ipsi ventriculum simili serè vulnere lacerat. Post quatuor horas Chirurgus veniens utrique vulnerato & ventriculum & integumenta

(a) Les Œuvres d'Ambroise Paré, Liv. X. Cap. xxxi. pag. 149.

(b) Atrocis nec descripti prius morbi Historia, &c. scripta ab Hermanno Boerhaave.

Tomus I.

(c) De renunciatione vulnerum, pag. 252.

(d) Observat. Medic. pag. 148.

(e) N°. 420. pag. 184, & Abridg. Tom. VII. pag. 506.

abdominis discissa confuit, parvo foramine relicto, ut puri exituro pateret via. Febre corripuntur ambo vulnerati, quæ per quatuordecim dies durabat, & mensis circiter spatio juvenis convaluit; senex, sexagesimum ætatis annum agens, magis periclitabatur, & tardiùs curatus fuit. Uterque tamen, post quindecim à curato vulnere annos, integrâ sanitate fruebatur.

Videntur hæc Observata docere, quòd non omnia ventriculi vulnera, magna quamvis, absolutè semper lethalia sint, si nempe aditus detur manibus Chirurghi, ut futurâ possint uniri. Parva autem ventriculi vulnera satis magnam spem curæ faciunt, modò cibus vel potu non distendatur ventriculus; tunc enim contracto manente ventriculo consolidari possunt.

INTESTINI TENUIORIS, SUPERIORIS, INTEGRÆ DISSECTIO. Videntur talia vulnera absolutè lethalia esse. Intestini enim discissi extremum, chylum in cavum abdominis effundet, ibi corruptus contenta omnia cavo abdominis viscera tabefaciet; unde certa mors. Si verò vel casu, vel Arte, discissi intestini extremum externo integumentorum margini accreverit, patebit via, quâ motu peristaltico ventriculi & intestinelorum contenta omnia intestini cavo exibunt de corpore. Chylus enim ex ventriculo in intestina egressus per tantam longitudinem tubi intestinalis, ejusque gyros & anfractus impeditur, quominus elaborat de corpore, antequam per vasa lactæa & venarum meseraicarum oscula inde resorptum fuit omne illud, quod corporis nutrimento inservire posset. Si ergo intestinum tenue integre discissum fuerit, in loco superiori, id est, ubi pyloro satis vicinum est, defraudabitur necessariò nutrimento corpus, & lento peribit marasmo, si per vulnus integumentorum contenta exeant; si verò in cavum abdominis delapsa accumulentur, ibi corrupta mortem accelerabunt.

Intestinelorum autem crassorum vulnera, uti & tenuiorum in loco remotiori à ventriculo, uti & illa quæ non integre disciunt tubum intestinalem, periculosa semper sunt, non tamen absolutè lethalia. Maniacus cultro octodecim vulnera proprio abdomini infixerat, quorum octo in abdominis cavum penetrabant: febris mox secuta, tensio abdominis, respiratio difficilis ac dolens, nausea, vomitus diarrhœa, &c, funestum præfagebant exitum: repetitis venæsectionibus, tenuissimâ dietâ, rarâ deligatione vulnorum, præter spem evasit tamen. Post septemdecim menses mania iterum correptus ex alto præcipitem se dedit, unde illico mortuus fuit. In cadavere inventæ fuerunt cicatrices sanatorum vulnorum in hepatis lobo medio, intestino jejunò, & colo (a).

Canis majori intestinum tenue secundum longitudinem divisum fuit; reposito intestino, non confuto, futurâ clausum fuit vulnus abdominale; sine ullo molesto symptomate animal sanatum fuit (b).

Plurima similia apud Observatores Exempla occurrunt. Intestinis autem crassis & tenuibus integre discissis supervixisse homines, modò vulnere externo assueretur extremum intestini discissi, ut exitus pateret facibus, pluribus Exemplis consiliit; de quibus dicitur in vulneribus abdominis. Requiritur tunc, ut à ventriculo ad locum discissum tanta supersit intestini longitudo, ut ex ingestis paratus chylus per venas lacteas & meseraicas resorptus, nutritioni corporis sufficere possit.

(a) Acad. des Sciences, l'an. 1705. Mém. p. 23. 4c. & suiv.

(b) Philosoph. Transact. Abridg. Tom. V. p. 271.

**VULNUS DUCTUS THORACICI, VEL ALVEI CHYLOSI.** Omnis chylus, ex intestinis, per vasa lactea reformatus, ingens copia lymphæ per lymphaticas venas in unum hunc alveum confluit: illo ergo læso, & contentum humorem dimittente, cessant omnes illi effectus, qui à chylo, sanguini misto, & vasorum & viscerum actionibus ulterius perficiendo, pendunt; deficit nempe nutritio. Verum quidem est, venarum meseraicarum oscula undique hiare in intestinelorum cavo, & reforescere partem tenuissimam chyli, restatque viâ ad hepar deducere; album autem chylosum succum solæ venæ lactææ ductæ ex intestinis hauriunt. Sed non videtur sustineri vitam posse, si solæ venæ mesentericæ ebiberent tenuissima tantum, chyli autem admissio in sanguinem impediretur. Pulcherrimis Experimentis demonstravit *Lowe-rus (a)* nihil chyli per venas meseraicas reforescere. Canis thoraci, in dextro latere intra duas costas inferiores aperto, digitum immisit, & ungue velut in ferram resec-to, commune chyli receptaculum tribus à passu horis valde turgidum perfregit: confuso deinde vulnere, animal, licet cibo saturaretur quotidie, intra paucos dies exspiravit. In cadavere ventriculus & intestina repleta, vasa lactea chylo turgida appa-rebant; in ductu thoracico nihil chyli reperiebatur, sed in pectoris illa parte, cui vulnus inflictum fuerat, binæ chyli libræ repetæ sunt. In altero cane pectus fini-strum perfodit inter tertiam & quartam costam superiorem: immisso per vulnus digito laceravit truncum factum ex binis ductibus chyliis in hoc animali adunatis; even-tus fuit similis: Ut autem certus esset, dilaceratum fuisse ductum thoracicum, aperto post mortem animalis abdomine aquam siphone injecti in ductum chyliciferum, quam vidit totam per vulnus factum dilabi in pectoris cavum. Dum autem animali, sic vulnerato, post diem unum aut alterum, paucis horis post largum cibum sumptum, aperta venâ sanguis mitteretur, nihil chylosi apparebat in sanguine; uti aliter in simili casu semper invenitur.

Ex his Experimentis concluditur, chylum non ingredi venas meseraicas; & in-gressu chyli in sanguinem impedito, vitam diu sustineri non posse.

Rarius accidit, in homine per vulnera solum ductum thoracicum lædi: medijs enim sæpe vertebrarum corporibus incumbit, medio inter venam sine pari à dextris, & aortam descendentem à sinistris, loco, sit ut aorta pro maxima parte ipsi incum-bat: deinde assurgens pergit supra corpora vertebrarum sub æsophago, sub arcu venæ azygos, inde supra corpora vertebrarum sinistrorsum inclinat, pergit sub ca-rotide sinistra usque ad medium ultimæ cervicis vertebrae; ibique arcus foramâ in-curvatus sinistrorsum deorsum tendit, & terminatur in venam subclaviam sinistram. Toto ergo hoc decursu tutissimè reconditur, & maximis vasis adjacet: hinc vix lædi potest, quin & aliae vulnerentur partes, à quibus læsis mors sequi poterit.

Habetur tamen apud *Bonetum (b)* Exemplum vulnerati, cui, ex symptomati-bus vulnus sequentibus, ductus thoracicus læsus fuisse videtur. Nobili Baroni circa mediam dorsi vertebram sclopeto vulnus infligitur, globo subter sinistram scapulam exeunte: tertio non adeo malè se habuit vulneratus, consueta tantum vulnèrum symptomata passus. Post quatuordecim dies observatur in linteis copiosus albicans humor, per intervalla rediens: debilis inde manet & macie conficitur, licet appeti-tus foret integerrimus. Vixit sic per plures menses, & incepit per binas septimanas

(a) De corde, &c. pag. 229. & sequ.

(b) Sepulchret. seu Anat. Practic. Lib. IV. pag. 360.

effluxus illius humoris cessare. Genio indulgens, calidioribus inprimis usus, subitâ commotus ira, epilepticis insultibus afficitur, postea hemiplegiâ lateris sinistri correptus perit. In cadavere pulmones, illâ parte, quâ vulnus indictum fuerat, insigni putredine correpti apparebant.

Magna suspicio adest, ductum thoracicum læsum fuisse; cùm autem vitam tam diu protraxerit, fortè non penitus destructum. Præterea ductus thoracicus in suo decursu sæpe bifurcatus insulas quasi format: fortè talis bifurcationis unus ramus læsus fuerat. Fateor meras tantùm hæc esse conjecturas, cùm & mortis genus, & pulmonis corruptio doceant, non à sola læsione ductûs chyliiferi mortuum fuisse vulneratum.

§. 171. **V**ULNERA suâ naturâ lethalia, Arte verò curabilia (152.) sunt, prædicantur.

1. Vulnere encephali terebrâ levanda.

Sequitur nunc altera classis vulnorum, illorum nempe, quæ mortem inducunt, & cæram quidem, si sibi relinquantur. In Arte tamen cognita sunt auxilia, quibus adhibitis mors, horum vulnorum effectus & sequela, præcaveri possit.

Primo loco inter illa numerantur vulnere encephali. Generale hoc nomen comprehendit omnia illa, quæ calvariæ cavo continentur. Notum jam est ex Anatomicis & Physiologicis, calvariæ cavum naturaliter exactissimè plenum esse: simulac ergo mutata figurâ cranii angustatur spatium, vel fractis valis effusi humores colligantur sub integro cranio, necessariò mollis encephali fabrica comprimitur, læduntur omnes functiones, quæ inde pendent, tandem & destruuntur penitus.

Si jam cranium intropressum vel effusi humores compresserint encephalon suâ copiâ; vel denique corrupti morâ eroderint suâ acrimoniâ tenerrimam hanc pulsam, unde tota vita & humanitas pendent, mors secuta, erit effectus talis vulneris. Sed si humores effusi hæreant in tali loco calvariæ, ut per terebram aperturâ scissâ potuissent tolli, apparet faciliè, potuisse servari vulneratum: & uti postea in capitulo de vulneribus capitis dicetur, plurima sunt talia Observata, homines ab effusis humoribus compresso cerebro jam apoplecticos factos fuisse, qui trepano applicato & eductis extravasatis liquidis fuerunt sanati.

Bina ergo requiruntur in tali vulnere, quòd nempe causa mortis secutæ evidens fuerit inventa, humor extravasatus comprimens encephalon; & quòd hæserit effusum liquidum in tali loco, unde potuisset tutò educi.

2. Vulnere arteriæ, venæ majoris in loco, ad quem manus Chirurgi pervenire potest.

Maximè necessarium est Chirurgo, ut cognoscat decursum arteriarum & venarum majorum, inprimis in artubus: in cavis enim corporis hærentes magni trunci vasorum, si vulnerati fuerint, ipsius manum non admittunt. Et inprimis requiritur, ut cognita sint illa loca artuum, ubi magnæ arteriæ & venæ decurrunt adeo nudæ, ut comprimi possint. Talia sunt in artubus superioribus loca subaxillaria, anterior & superior ossis humeri pars, ubi arteriæ magnus truncus ad nudum ferè os subjacens comprimi potest, sæpeque faciliè omnis hæmorrhagia à vulnere locis in-

ferioribus inficito fisti potest. In artubus inferioribus talia loca sunt in interiori & anteriori ferè media femoris parte, uti & sub poplitibus. Omnibus his locis splenia apposita, tornatili machinâ hodie adeo cognitâ (*tourniquet*) appressa validè; truncos vasorum sic comprimunt, ut omnem sanguinis transitum impediunt. Sic lethalis hæmorrhagia præcavetur, & datur opportunitas Chirurgo, ut suppressio sanguinis fluxu, & dilatato, si opus sit, vulnere, arteriam vulneratam possit invenire, & inventæ idonea remedia, ligaturam, &c, applicare. Hinc videtur hodie nullum artuum vulnus ferè absolutè lethale dici posse per hæmorrhagiam, quia per Artem cognitam potest compesci per compressionem truncorum, in locis imprimis subaxillaribus & in inguinibus; & si tunc arteria vulnerata tam profundè hæreat, ut ligari nequeat, extirpatio membri adhuc superest, quâ vulnerati vita servari potuisset. Dum autem majorum vasorum decursum ignorant Chirurgi, omni molimine per ligaturas, stypticos absorbentes pulveres, uti gypsum, &c, impediunt, ne sanguis ex laxo vase erumpens per vulneris aperturam exire possit, qui tunc totum panniculum adiposum implet; & postea corruptus, horrendâ putredine omnia depascitur, uti tristissima docuerunt Exempla.

### 3. Viscerum, ad quæ manus & medicamenta cum effectu sanationis pervenire possunt.

Nisi certis Experimentis constitisset, turè fieri posse, quis crederet, viscerum etiam vitalium partes, vulnere nudatâs, abscindi posse, ne postea corruptæ mortem inducerent. *Celsus* (a) jam audacter pronunciaverat: *si quid aut ex jecinore, aut liene, aut pulmone duntaxat extremo dependeat, id præcidatur*. Unicum sufficere memorabile admodum Exemplum, quo constat, sæpe talia curari posse, si manibus detur accessus, quæ ferè desperata haberentur. Infigebatur homini ingens vulnus sub papilla sinistra; temulentus ille neglexit vulnus: postmodum pulmonis pars tres transversos digitos æquans hiante vulnere prorupit. Temerarius ille vulneratus neglexit omnino tam grave vulnus, nihilque applicuit; & bidui itinere quamvis abesset, Amstelodamum se contulit, ibique in valetudinarium receptus fuit. Illico emortua jam pulmonis pars, filo priùs constricta, forcice abscindebatur, quæ lanci imposita tres circiter pendebat uncias. Decimo quarto die vulnus jam coaluerat, nihilque supererat mali præter levem tussiculam, non semper, sed subinde duntaxat molestant. Sic per sex annos supervixit, quocumque locorum navigans, & ebrietati indulgens dissolutissimæ vitæ homo. In cadavere nihil mali inventum fuit, nisi quod pulmo vulneris loco accreverat, unde tamen nihil incommodi, præter levem illam tussiculam, passus fuit (b).

Præcedentis paragraphi numero quinto recensebantur bini illi casus, ubi ventriculi gravissima vulnera, à perito Chirurgo per futuram unita fuerunt sanata. In vulnere abdominalium Historia parebit, viscera abdominalia læsa sic, ut effuso sanguine, vel contentis suis, in cavum abdominis, mortem inducerent; ligari posse, vulneris margini affui, &c.

### 4. Quæ mortem inferunt emissio suo liquido in cava illa, unde id

(a) Lib. V. Cap. xxvi. n.º. 24. in fine, pag. 295.

(b) Tulp. Observat. Medic. Lib. II. Observat. 17. pag. 125.

educi sine discrimine vitæ potest; ut thoracis, abdominis, ureterum, vesicæ, intestinorum quædam vulnera.

Multa vulnera sunt lethalia, non ob copiam sanguinis effusi, sed quia sanguis extravasatus, morâ, & calore loci corruptus, putridâ labe exedit & tabefacit vitæra, quæ alluit. Sic v. gr; vulnerato thorace post magnam hæmorrhagiam vulneratus in animi deliquium labitur, vasa discissa se contrahunt, & cessat omnis sanguinis effluxus. Interim sanguis in thoracis cavo hæret, qui ibi manens corrumpitur, & vicinum pulmonem exedens lentâ tabe hominem conficiet. Idem in abdominis cavo verum est. Sed paracentesis in thorace & abdomine institui potest, & sic effusus sanguis educi, omniâque hæc mala præcaveri. Si verò ureteri, vel vesicæ fundo, tale fuerit inflitum vulnus, ut urina in cavum abdominis effluat, patet facillè, urinam, jam ex sua indole in putredinem pronam, longè citiùs putrescere, hincque omnia contenta abdominis lædi summopere. Sed poterit, perforato abdomine educi omne, quod ibi collectum hæret liquidum; & cathetere flexili vesicæ immisso impediri, ne urina in vesicæ cavo colligatur, sicque illam dissendat; unde, contractâ semper manente vesicâ, vulnus inflitum faciliùs consolidatur. Si verò ureter discissus fuerit,eductâ priùs urinâ in cavum abdominis effusâ, siccissimâ tunc dietâ adhibita, magna spes est, ureteris extremum abscissum consolidari posse. Peribit quidem sic usus renis, sed plurima docuerunt Observata, alterum renem posse vices supplere, integrâ satis sanitate. Calculo enim impacto & obstruente omnino ureteris unius cavum, constitit, homines diu supervixisse, altero rene integro, & tunc plerumque multùm aucto in mole sua.

Novimus autem urinam in cavum abdominis effluere, ex vulneris loco, si nulla vel paucissima tantùm emingatur urina, & tumore quotidie aucto dissendatur abdomen.

Idem jam & in quibusdam vulneribus intestinorum verum est, de quibus postea dicitur in vulneribus abdominis.

§. 172. **P**RÆDICITUR lethale fore ex non lethali (153.) per has causas.

1. Omissione purgationis effusi puris, unde tabes purulenta; vel effusi sanguinis, hinc putrefacti.

Sub hac classe comprehenduntur illa vulnera, quæ tales lædunt partes, quarum integritas tolli potest, superstitè vitâ; post quæ vulnera tamen mors aliquando sequitur, non ex vulnere ut causâ, sed quia vulnerati incuriâ, vel Medentis errore vel imperitiâ, vel alio morbo, non à vulnere orto, vel denique propriâ vulnerati idiosyncrasiâ, talis accidit mutatio in corpore, unde functiones ad vitam requisitæ abolentur. Possunt autem hæc commodè reduci ad quatuor sequentia capitula.

**OMISSIONE PURGATIONIS EFFUSI PURIS, UNDE TABES PURULENTA.** Ex illis, quæ dicta sunt §. 198. n°. 7, constitit, in omni vulnere alicujus momenti pus nasci; imò hoc requiri, ut separentur illa, quæ vulneris consolidationem impedirent. Si jam vulneris talis sit conditio, ut pus factum in vulnere decidat in cava corporis loca, vel, nimis diu relictum in vulneris superficie, attenuatum re-



forbeat per aperta venarum orificia, poterit totus sanguis infici purulentâ caco-chymiâ, unde febris hectica, & lentus marasmus. Si jam apparet, pus in cava corporis loca delapsum, potuisse sine periculo educi, vel puris resorptionem potuisse impediri idoneâ vulneris depuratione, constat, mortem secutam non adscribendam esse vulnèri, ut causæ, sed omissioni purgationis puris effusi. Dum post magnas exspirationes latum vulnus quotidie ingentem copiam puris colligit, magna sæpe oritur in cura difficultas: si enim sæpies de die depuretur vulnus absterfo pure, impeditur consolidatio vulneris, quod tunc in fonticuli quasi naturam degenerat, & incredibilem copiam liquidi plorat; sicque ægri marasmo vero contabescunt, nullo vitio hærente in humoribus vel solidis partibus, tantum ideo, quia nimia puris confectione tantum perditur de corporis nutrimento, ut marcescant reliqua. Si verò diu testum maneat vulnus, retentum in superficie vulneris pus, morâ & calore corporis attenuatum & acius redditum, resorbetur venosis osculis apertis, miscetur sanguini, purulentiam caco-chymiâ & tabem inducit; vel per metastasin ad viscera nobilia delatum necat. Qualia Exempla plurima frequenter in Praxi occurrunt.

VEL EFFUSI SANGUINIS, HINC PUTREFACTI. Dixerat Hippocrates (a). Si sanguis in ventrem præter naturam effusus fuerit, eum suppurari necesse est. Galenus ibidem in Commentariis suis monuit, quosdam hunc aphorismum legere sic, ut non haberetur *is tñ kōlin*, sed sine articulo *is kōlin*, & tunc significaretur sanguinis effusio in quodcumque cavum; addiditque, illorum sententiam confirmari, quia additur in hoc aphorismo præter naturam. Tuncque sensus hujus aphorismi esset, quòd sanguis ex suo loco naturali effusus in quodcumque cavum corporis suppurari deberet. Monuit etiam ibidem Galenus, suppurationis nomine hic intelligi omnem sanguinis corruptelam, non autem tantum conversionem in pus propriè dictam. Si aeri liber accessus detur, sanguis in cava corporis effusus putrescit satis citò, & corrumpendo vicina viscera; vel resorptus, putridâ acrimoniâ destruendo tenerrima vitalium viscerum vascula, mortem infert. Si verò aeri nullus accessus detur, diu sine corruptione manere potest, imò sensim attenuatus iterum resorberi sine noxa, uti sæpe post validas contusiones apparet, quando sanguis, vasâ fractis sub cute integra effusus, per mensem & ultra sæpe hæret; sensim iterum disparens sine ullo malo. Ubi ergo sanguine effuso in cava corporis, aeris simul libero accessu factò, mors sequitur; & in cadavere non invenitur vulnus fuisse ex sua natura lethale, mors adscribenda est huic causæ: si nempe per Artem tuò sanguis effusus potuisset educi.

## 2. Commissio vitio in sex rebus non naturalibus.

Ex Pathologicis notum est, res non naturales dictas, in sex classes dividi, sunt enim: aer; cibus, potus; motus, quies; animi affectus; retenta excreta; somnus, vigilia. Hoc autem nomine vocantur, quia usu vel abusu, bonæ naturales, aut malæ contra naturales fieri queunt. Prudens Medicus omnia hæc dirigit, à nocituris abstinere jubet vulneratum, profutura commendat. Si jam vel Medici incuriâ, vel vulnerati obedire nolentis culpâ, committantur vitia in usu sex rerum

non naturalium, poterit vulnus, minimè ex sua natura lethale, sic mutari, ut mortem inferat. Innumera habentur apud Auctores Observata, quæ hoc probant evidentiſſimè: pauca quædam notaſſe ſufficiet.

Dum in caſtris vulneratos milites curabat *Paræus*, doluit quàm maximè, quòd ad ſingulas tormentorum bellicorum exploſiones vulneratis recrudelcerent hæmorrhagiæ: inprimis autem inde lædebantur illi, qui capitis vulneribus decumbabant: unde omnia augebantur ſymptomata, & mors accelerabatur plurimis (a). Pucto anteriorum quatuordecim bregmatis os conſractum fuerat, extrada fuerant offacula quàm plurima, febris, dolor & reliqua ſymptomata ceſſabant, ſpes optima integræ curationis aſſulgebat. Pater pueri, quamvis feveriſſimè prohibuiſſent Chirurgi, prope cubiculum decumbentis permiſit ruſſicis debacchantibus, ut tympana pullarent, fiſtulas inflarent, ſaltarent, &c. Poſtridie miſer puer acutiſſimâ febre, delirio, ſpaſmo, naufcâ corripiebatur, & quarto poſt die moriſus eſt. Pater, re ad Magiſtratatum delatâ, graviter mulctatus fuit (b). In ſimili caſu, dum decimo quarto poſt vulnus capiti inſiſctum die omnia ſe optimè habebant, ſubitâ commotus irâ puer, validâ corripitur febre, & phrenitide perit quartâ die poſtea (c).

Nobili viro læva manus amputata fuerat à dexterrimo Chirurgo: vulnere jam ſerè ſanato, uxorem interpellavit: illa à Chirurgo monita recuſavit: vulneratus ſine coitu ſemen emiſit, protinus recidit in febrim, deliria, ſpaſmos, & alia gravia ſymptomata, & quartâ die obiit. (d). Ex his Obſervationibus ſatis patet, quanta cum cautela tractandi ſint gravibus vulneribus decumbentes, quàm ſeverè monendi, ut obediunt, niſi temeritatis pœnas mortis periculo luere velint.

### 3. Neglectu, vel errore Chirurgi.

Obſervationes Medicæ plurimæ docuerunt, & quotidiana Exempla confirmant; capitis contuſiones & levia ſatis vulnera, dum negligenter tractantur, dira ſymptomata, & mortem ipſam produxiſſe. Quot perierunt vulnerati hæmorrhagiis, qui ſervari potuiſſent, ſi arteriarum trunci, in locis illis ubi nudi ſerè hærent, idoneâ ligaturâ compreſſi fuiſſent! Quantus numerus vulneratorum perit poſt conſiſctus bellicos, dum Chirurgi obruti multitudine negligentius tractant ſingulos. Nec minor vulneratorum perniciēs turpibus debetur erroribus. Miſiſq; dextro pectori ſub mamma magnum inſligitur vulnus: ſanguinem cum tuſſi per os rejicit: imperitus Chirurgus vulneris labia ſuturâ unit: ſequenti die advocatur *Paræus*: invenit febrim validiſſimam, reſpirationem & loquelam difficiſſimam, ſic ut mortem inflare meritis metueret. Diſcidit illico ſuturam, digito per vulnus immiſſo thrombum vulneris oriſcium obturantem removet, elevatis pedibus, capite demiſſo, clauſis ore & naribus vulnerati eduxit de pectoris cavo octo uncias ſanguinis jam corrupti & ſortentis; inſectionibus deterſit thoracis cavum, & eduxit reſiduos grumos; ſicque ultra ſpem vulneratus convaluit, qui prioris Chirurgi turpiſſimo errore periſſet certiſſimè (e). Quàm horrenda aliquando orta ſunt mala, dum cauſtica acerrima tendinoſis & membranofis partibus applicuerunt Chirurgi! Exci-

(a) Les Œuvres d'Ambroïſe Paré, Lib. X. Chap. xiv. pag. 131.

(b) Hildan. Obſerv. Chirurg. Cent. I. Obſerv. val. 20. pag. 25.

(c) Ibid. Obſervat. 17.

(d) Ibid. Obſervat. 15.

(e) Les Œuvres d'Ambroïſe Paré, Liv. X. Chap. xxxii. pag. 251.

derat barbitonfori tuberculum ad apicem dextri pollicis *Hildanus*: rudis ille sibi persuadens radicem mali nondum esse exstirpatam, crudo vulnere non nihil arsenici applicuit: mox dolor ingens, febris, vigiliæ, anxietas, animi deliquia, corripuerunt incautum, sic ut de vita periclitaretur: tamen evasit, sicque in propria pelle didicit, in aliena cautius postea mercari (a). Habetur & ibidem aliud exemplum mortis securæ, in robusto Helveto, medio ætatis flore, ab imprudenti applicatione arsenici, ad tumorem cancrum manûs carpum obsidentem. Nec solis rudibus in Arte hominibus contingunt errores, sed & exercitissimi aliquando doluerunt, talia sibi accidisse. Ut hoc demonstretur, sufficiet solius *Hippocratis* exemplum, qui ingenû fatetur, se deceptum fuisse, dum in capitis vulnere non distinxerat ossis læsionem, putans futuram esse, & hinc crediderat ægrum sectione non indigere, qui decimo sexto die periit, sed nimis adhibitâ sectione (b). Dum Medicorum Principi tale quid accidere potuit, unusquisque nihil humani à se alienum credat, sed omni curâ adhibitâ errores prudenter evitet. Si jam talis error à Chirurgo vel Medico commissus detegatur, æquitas jubet ut Judicibus indicetur, ne alieni erroris pœnam luat ille, qui vulnus inflixit.

4. Temperie naturali aut morbosâ ægri, vel manifestâ juxta Historiam ejus ægri, vel aliquando adeo singulari, ut nonnisi hoc eventu se manifestet. Quam intentus observet semper in suo rescripto ad Judices consultus Medicus.

Maximi momenti est in vulnere renunciatione ad ipsam temperiem vulnerat attendere; & tamen hoc sæpe vilipenditur omnino. In plurimis locis Publicâ Auctoritate constituti sunt quidam Medici & Chirurgi, qui cadavera occisorum lustrant, & illa, quæ viderunt, ad Judices renunciant. Sed Medicum vel Chirurgum, qui vulnerato adfuit, sæpissime non consulunt, ut ex illis cognoscant, quid de ægri temperie, morbis prægressis, symptomatibus post vulnus inflictum secutis, &c. observatum fuerit. Omnia tamen hæc videntur admodum necessaria esse, ut fidelis fiat de vulnere renunciatio. Multi enim homines adeo facili irritabile habent totum systema nervosum, ut levissima de causa spasmo, tetano, similibusque malis corripiantur: alii, dum sanguinem alieno de vulnere exsurgentem vident, in syncope delabuntur. An non admodum probabile videtur, etiam à levi vulnere in talibus hominibus gravissima symptomata, imò mortem ipsam produci posse? An mors secuta tunc soli vulnere ut causæ adscribi debet? Perfarum Rex ludens cum concubina, quam maxime deperibat, pugionis aciem versùs ejus præcordia dirigit, dumque illa nudum pectus simulatis ictibus exponit, stomacho læditur, sed exiguo sanè & oculis vix conspiciendo vulnusculo. Tamen repente prolapsa dicto citius expiravit (c). Præterea in nonnullis morbis circa finem vitæ nihil serè sanguinis superest in corpore: sic in phthisicis post mortem sæpe pauca tantum uncia sanguinis inveniuntur. Si jam tali homini per leve vulnus pauculum illud, quod superest, sanguinis subducatur de corpore, certa mors sequetur, sed non pendens à solo vulnere,

(a) *Hildan. Observ. Chirurg. Centur. VI.* Tom. IX. pag. 340. 341.  
*Observ. 80. pag. 607.*

(b) *Hippocr. Epid. Liv. V. n.º. 22. Charter.* pag. 59.  
*Tomus I.*

(c) *Amænius exoticar. Engelbert. Kemfser.*

Notum est, luem veneream, & scorbuto pessimum, ipsam durissimorum in corpore ossium substantiam sic erodere, ut penitus cariola facta à minima vi frangantur; si ergo in tali casu calvaria levi percussione capitis fracta mortem fecerit, non pendebit hoc à sola causa vulnerante. Sed hæc, & alia similia, cognosci possunt ex illis, quæ in ægri corpore observata sunt, antequam vulnus inflictum fuerit. Fortè longè alia latere possunt, quorum nullum unquam apparuit indicium, & quæ tantum vulneris inflicti occasione manifestantur. Dum enim evolvimus illa, quæ in cadaveribus repentinà morte exstinctorum invenerunt Observatores, videmus sæpe à latentissimis causis uno instanti mortem secutam fuisse; cum tamen nihil in sanitate læsum ullius momenti apparuisset ante mortem. Si jam tali homini paulò ante mortem vulnus inflictum fuisset, perperam adscriberetur vulneri mors secuta, pendens ab alia longè causa. *Fine namque vitæ nostræ variis & occultis causis exposito, interdum quædam immerentia supremi sui titulum occupant; cum magis in tempus mortis incidunt, quam ipsam mortem accersant (a).* Unde in similibus casibus debet renunciari ad Judices, vulnus inventum fuisse tale, ut mors secuta post vulnus, non videatur adscribi posse vulneri ut causæ. Sic suo munere functi sunt Medici & Chirurgi; reliquum ad Judices pertinet.

§. 173. **H**INC renunciatio de Vulneribus, definitio temporis intra quod lethalitas determinatur, peti possunt.

Judices, antequam de pœna percussoribus infligenda decernant, solent Medicis ac Chirurgis committere curam, ut in cadavere occisi inquirent, an mors, secuta post vulnus, à vulnere facta fuerit. Illi accuratè notant, quas corporis partes per vulnus læsas invenerint; deinde communi consilio concludunt, an vulnus fuerit absolute lethale, an verò ex sua natura quidem lethale fuerit, per Artem tamen hodie cognitam mors præcaveri potuisset; denique an vulnus læserit tales partes, quarum integritas non absolute ad vitam necessaria erat, & tamen singulari idiosyncrasi vulnerati, vel incuriati, vel neglectu aut errore illorum, qui curæ vulnerati præfuerunt, mors secuta fuerit. Hæc omnia rescribunt ad Judices, & hæc vocatur renunciatio de vulneribus. Apparet hinc, quantà cautela hic opus sit, dum imperiti sæpe, quando cadaver examinant, non tam lustrant vulnera, quàm faciunt. Quantum fieri potest, inquirendum in figuram & magnitudinem instrumenti vulnerantis; in situm vulnerari & vulnerantis, dum vulnus infligebatur; in symptomata omnia, quæ vulnus inflictum ad mortem usque secuta sunt.

Præterea consideranda sunt omnia illa, quæ vulnerato acciderunt, vel applicata fuerunt, postquam vulnus inflictum fuerat. Tunc denique prudenti sectione investigatur, quousque & per quas partes penetraverit instrumentum vulnerans. Tandemque ex cognito usu partium læsarum concluditur, an mors secuta adscribi debeat vulneri inflicto ut causæ, an non.

Non videtur autem facile determinari posse, quo temporis spatio lethalitas vulnèrum limitetur. Plurimis hominibus insedit hæc opinio, quòd si ultra novem dies supervixerit vulneratus, tunc mors postea secuta minimè possit vulneri adscribi; & contrà, si ante hoc tempus moriatur vulneratus, tunc vulnus inflictum fuisse ne-

(a) Valer. Max. Lib. IX. Cap. XII.

cessariò & absolutè lethale. Sed arteria major, in brachio vel crure discissa, poterit paucarum horarum spatio, imò & citiùs, hominem è medio tollere; cùm tamen hoc vulnus non absolutè lethale sit, sed per Artem curari potuisset. Sic & effusus in calvaria sanguis, si hæreat tali in loco, ex quo per Artem educi nequit; nec tamen tanta ejus copia sit, ut comprimendo omnem encephali usum statim turbet; potest ibi per septimanas hære, sensim corrumpi, & dein eroso cerebro, cerebello, vel medullâ oblongatâ, mortem facere: & tale vulnus jure merito lethale renunciabitur, licèt tam diu supervixerit æger. Si intestinum tenuius integre discissum fuerit in loco non admodum distante à pyloro, poterit vita protrahi per multos dies, donec nutritionis defectu sensim contabescat vulneratus; & tamen tale vulnus erit absolutè lethale. Ex quibus satis apparet, nihil certi posse definiri quoad vulnorum lethalitatem ex temporis intervallo, quod vulnus inflictum & mortem secutam intercessit.

§. 174. **EX** Historia pariter vulnorum (ab 145, hucusque) facilis erit prædictio eventuum aliorum, qui (169.) præfagiendi habentur.

Paragraphus 169, agebat de prognosi vulnorum, ibi enim determinabantur illa; quæ vulnere cognito, tanquam sequelæ hujus, præcognosci poterant futura. De vita vel morte vulnerati dictum fuit §. 170. 171. 172. Reliqua circa sanationem possibilem vel impossibilem, facilem curationem vel difficilem, & effectus vulneris post ipsam sanationem superstitis, ex ipsius vulneris natura bene cognita evidenter deducuntur. Dum enim quis ex Anatomicis, doctrinâ usûs partium intellexerit, quænam partes læsæ fuerint, quænam functiones abolitæ vel depravatæ sint, poterit determinare, an curatio possibilis sit vel non, an facilis vel difficilis, an aliquid læsum manebit in functionibus post sanatum vulnus, &c. Exemplo res patebit. Si vulnus inflictum fuerit dorso manûs, novit Medicus ex Anatomicis tendines musculorum digitos extendentium hic locari, jubet vulneratum digitos erigere; si jam videat, quòd indicem omnino erigere nequeat, concludit, tendinem, ex unitis tendinibus musculi extensoris communis & indicatoris dicti musculi constatum discissum esse: si jam possibile sit, tendinis dissecti extrema posse iterum adducti, & uniri sibi invicem, curationem difficilem, integram tamen, promittere poterit. Si verbò hoc fieri nequeat, tutò prædicet, curato vulnere indicis erectionem abolitam fore semper, nec ulla Arte restitui posse. In similibus præfagiendis cautum inprimis esse oportet & Medicum & Chirurgum, quia omnia mala, quæ post curationem vulneris remanebunt, illis adscribentur, nisi antea præmonuerint, hæc certò remansura, vel saltem metuenda esse.

§. 175. **P**HENOMENON autem (158. 159.) causa patet perito actionum vitalium, & animalium. *Vide Morbos Solidorum & fluidorum in genere præmissos.*

Omnia hæc in paragraphis citatis ad singulos numeros explicata fuerunt; summam tantùm hæc repetere sufficiet. Patuit enim 1º. quòd illa vis, quâ cohercebant

partes unitæ, pergens agere retrahat utrumque extremum; hinc necessarîo augebatur vulneris hiatus, eò magis, quò firmior fuerat antea partium cohæsiô : hinc in robustis & exercitatis hominibus vulnere labia omnium maximè à se mutuo recedunt. 2°. Minutâ causâ distendente vasa, per liberum sanguinis effluxum ex iisdem vulneratis, propria contractilitas vasorum prævalebat sensim magis & magis, donec integre ferè clauderentur. 3°. Sanguinis autem nostri talis indoles est, ut extra vasa dimissus citò concrescar, unde à sanguine extravasato, dissipatâ simul liquidissimâ parte, crusta talis sanguinea vulneris cavo innascebatur. 4°. Contractis autem vasorum discissorum aperturis, crassissima pars retinetur, tenuior adhuc pergit effluere; unde liquor dilutus rubellus effluit, postquam sanguinis fluxus desinit. 5°. Cùm autem vasa sanguinea discissa sic contrahantur, ut non amplius sanguinem rubrum dimittant, idem fiet in serosis, lymphaticis, & aliis decreescentium vasorum seriebus; unde nascetur horum vasorum obstructio, & vitali impetu à tergo urgente in obstructos vasorum fines, fiet horum dilatatio, & omnia quæ inde sequuntur, ut inflammatio, dolor, &c. Interim laxa pinguedinis membrana, cutis coercentis vinculo libera in vulneris loco, sponte assurgit in vulneris fundo, dilatabitur, & prominebit, labia vulneris retorquebit, &c. 6°. Si autem vulnus fuerit alicujus momenti, à dolore & inflammatione fundi & laterum orietur febricula, quæ suppuratoria Chirurgis dicitur: quæ si non nimis vehemens fuerit, semper boni ominis est. 7°. Hinc tunc labia & fundus vulneris antea sicca & inflammata sub hac febricula incipiunt humescere, tenue liquidum fundere, quod morâ & calore mutatum, diffusâ parte liquidissimâ in blandum, spissum, cremoraceum quasi humorem transit, pus dictum. 8°. Simul extrema vasculorum inflammatorum orificia, unâ cum immeabili liquido obstruente, separantur, unâ cum humoribus effusis miscentur, & pus constituunt, sic vasis iterum liberis redditis, separato omni illo, quod vitali humorum circuitu resisteret, liber sit humorum transitus; calor, dolor, tumor, &c, cessant, vel minuuntur plurimum. 9°. Puris sic redditus per suppurationem fundo & labiis vulneris, natura, quæ sibi sola sufficit, à fundo fursum, ab ambitu versùs centrum extendit vasorum extrema, occurrentibus aliis unit, sicque restituit illa, quæ in vulnere de corporis substantia perditâ erant. 10°. Incipiunt dein margines vulneris album subcærulescentem colorem induere, siccari, cicatricem facere, quæ ab omni ambitu centrum versùs auctâ quotidie, tandem vulnus claudit: tunc sanatio perfecta est.

§. 176. **T**UNICÆ arteriarum exteriores, illasâ interiori, punctæ; sectæ, rufæ, distractæ, erosæ, impetu sanguinis dilatantur, saccum formant, qui ad ovi sæpe magnitudinem crescit; callosos parietes accipit; pulsât; colore rubello splendet; compressus evanescit; laxatus redit; suam arteriam ampliât; vicina vasa comprimendo angustat. Aneurysma verum vocatur (160), cujus causa, signa, effectus sponte cernuntur. Atque eo quoque refertur cordis aneurysma, ejus ortus, signa, & effectus.

§. 159, & 160, dictum fuit, quænam sequantur mala, quando arteria integre discissa est, vel quando vulnus in cavum usque arteriæ penetrat, licet illam inte-

gre non disciderit. Hâc paragrapho expenduntur illa mala, quæ metuenda sunt, quando arteriæ sic vulnerantur, ut vulnus non penetret in illatum cavum, sed tantum tunicas exteriores dividat. Constat enim ex Anatomicis, arterias, majores imprimis, satis crassas habere tunicas, quatum exterior plerumque communis membranæ cavum corporis, per quod arteria pergit, investientis propago est, cui cellulosa tenuis subjacet, per quam vasa plurima, artiarum nutritioni inservientia, decurrunt: huic glandulosa dicta supponitur, fortè prioris pars: tunc sequitur muscularis tunica, crassa & fortis, in plures lamellas separabilis, orbicularibus fibris constans: ultima, internum arteriæ cavum constituens, tenuis est, fibris longitudinallibus constata.

Dum sanguis vi cordis in arterias semper plenas pellitur, observatur manifestè illas dilatari per totum ambitum æquabiliter: firmitas tunicarum artiarum constituentium resistit nimie dilatationi: & cessante cordis actione vi orbicularium imprimis fibrarum contrahuntur iterum in pristinam dimensionem. Si jam in quodam arteriæ loco, separatâ cohesione imprimis fibrarum orbicularium (nam læsio tunicæ externæ & cellulosæ videntur minùs periculosæ) minuat firmitas laterum, causa distendens manens eadem illo in loco plùs dilatabit arteriam, mutabit æquabilem figuram conici canalis, expandet locum illum debilitatum in saccum: tunc vocatur *Aneurysma verum*, propriâ vocabuli vi designans tantum dilatationem arteriæ.

Causa ergo aneurysmatis est omne illud, quod cohesionem tunicarum in quodam arteriæ loco minuit: & Observata docuerunt, hoc imprimis accidere dum arteriæ sunt *punctæ* vel *scissæ*, uti sæpiissime constitit. Dum enim vena secatur, accidit aliquoties, ut adjacens arteriæ ramus lanceolæ cuspidè simul vulneretur: paucis diebus postea incipit tunc emergere tumor cutim elevans, pulsans manifestè, auctus quotidie, nisi in initio circumductis fasciis & splenio applicato compescatur.

TUSÆ. Et hoc observatum fuit, validam contusionem arteriæ produxisse aneurysma. Homo 45 annorum sanus & fortis, cum per publicam viam incederet, fortuito à quodam ex ludentibus spherâ buxâ vehementer percussus fuit in læva dorsi parte; domum redux partem læsam diligenter observari curat; præter contusionis indicia nihil mali invenitur, sed mansit per quatuor annos leviter molestus tantum in loco percussio sensus. Post tantum temporis intervallum, incipit conqueri de profunda pulsatione in illo loco, sensim auctâ, quæ cordis ictibus responderet: paucorum mensium spatio elevatis & corrofis costis, cum dolore acerbissimo luctabatur æger. Audacissimus empiricus persuasit misero, profundum latere abscessum, aperuit locum, undatim profuso sanguine illico mortuus est (a). Similem casum vidi, ubi à sola contusione aneurysma ortum fuerat. Homo pusillæ staturæ, vespèri per tenebras incedens, palo impingit validissimè dextrum pectus: acerbum dolorem se in supræma pectoris regione sensisse testabatur, qui tamen brevi postea cessabat. Post aliquot menses insolitam pulsationem incepit sentire sub dextra clavicula, sensim auctam; à minimo corporis motu anhelabat, imò sub finem vitæ særè suffocabatur: sic per annum languens subitò periit. In cadavere vidi, arteriam subclaviam dextram in saccum ingentem dilatatam, sic ut aneurys-

(a) Lanciscus de motu cordis & aneurysmatibus, pag. 235.

matris hujus membrana chartæ tenuitatem superaret, & per illam pellucidam contentus sanguis conspici posset: levi vulnere inflicto, ingens copia sanguinis concreti erupit.

**DISTRACTÆ.** Plurima talia occurrunt apud Observatores Exempla, dum post validos nixus, pondera ultra vires sublata, sternutationem, tussim validam, &c., arteriæ distractæ in aneurysmaticos saccos degeneraverunt. Unicum Exemplum adduxisse sufficiet. In venatu homo subtilissimè caput in dextram partem flexit, & nonnisi magna cum difficultate illud potuit reducere; ab illo momento languit semper, deglutione, & respiratione multum impeditis. Post quindecim menses elapsos moritur: in cadavere reperitur aorta admodum dilatata, & ingens sacculus aneurysmaticus in arteria subclavia dextra (a). Equi illi, qui in magnis emporiis, trabis illis tam magna pondera vehunt, & per acclives pontes soleis ferteis, eminentibus aculeis donatis, tantâ viascendete coguntur, sæpissime in cruribus posterioribus habent aneurysmata, varicosos venarum tumores. Simile infortunium & in bajulis frequenter observatum fuit.

**EROSÆ.** Novimus, in morbis adeo degenerare posse humores, ut acerrimi facti durissimas etiam partes corporis erodant. Scorbuto durissimi eroduntur dentes; lues venerea maxima & fortissima etiam corporis ossa in cariem convertere potest; cancerosum virus vicina omnia dirâ tabe peredit. Sic in scorbuto videmus toties, exelis yasis, effusum sub corporis integumentis sanguinem lividas illas maculas facere; imò toties lethales inde factas hæmorrhagias notant Auctores. Intelligitur hinc faciliè, tunicas majorum arteriarum sic erodi posse, ut in saccum aneurysmaticum extendantur. Bina talia habentur apud *Lancisium* (b) Exempla, ubi tumor venereus claviculam occupabat, & vicinâ arteriâ subclaviâ erodâ, aneurysma nascebatur.

A quacunque jam ex enarratis causis arteria in quodam loco debilior facta fuerit; illo in loco plus cedit distendenti sanguini, & expandetur, cùmque singulis cordis ictibus causa illa distendens applicetur de novo huic loco debilitato, augebitur aneurysmatis capacitas, unde in immanem molem sæpe aneurysmata expanduntur, imprimis si in magnis arteriarum truncis fiant. Sic vidit *Ruyfchius* (c) hominem, qui in pectore gerebat sponte factum aneurysma tantæ magnitudinis, ut pulvinar mediocre, quo in sedili utimur, (demptis quatuor angulis, rotundum enim erat,) æquaret. In cadavere apparebat, aortam tribus digitis transversis supra cor, in tam magnum aneurysma degenerasse. In maximis aneurysmatibus sæpe apparuit, membranas extensis talis sacci esse crassissimas, cùm potius videretur distracta membrana tenuiori fieri debere. Hoc autem videtur fieri, quia sanguis in dilatatum hunc saccum aggestus, in poliposas concrevit massas, quæ applicatæ tunicæ arteriæ dilatatæ illius crassitiem immaniter possunt augere: sic in ingenti illo aneurysmate vidit *Ruyfchius*, innumerabiles tunicas, crassas, carnosas, satistenes, & sibi invicem impositas auxisse crassitudinem membranæ, sic ut inter has tunicas sanguis copiosus & coagulatus deliresceret: exterior tamen tunica, quæ aortæ dilatata membrana erat, straminis tantum crassitiem habebat, omnis reliqua moles à concretionibus illis polyposis pendebat.

(a) Acad. des Sciences, l'an. 1700. Hist. pag. 50.

(c) Observat. Anatom. Chirurg. Centur. Observat. 38.

(b) De motu cordis & aneurysmat. p. 256.



Queritur quàm maximè, quibus signis cognosci possit, & ab aliis tumoribus distingui, aneurysma; cùm Observata plurima docuerint, satis cæteroque peritos hinc turpissimè erravisse, & imprudenter pertuso aneurysmate pro remedio mortem intulisse. Cognoscitur adesse, si causæ memoratæ prægressæ fuerint, tumor dein oritur in tali loco, ubi per Anatomem novimus magnam arteriam adesse; si pulsus manifestus in tali tumore percipiatur; si leni pressione evanescat vel minuat plurimum, mox redeat ad pristinam magnitudinem, ubi pressio cessat. Notandum autem, colorem cutis rardè mutari ab aneurysmate, nisi diu duraverit, & magnum valde fuerit; tunc enim erosa, vel per distractionem attenuatà cute, color ruber conspicitur. Præterea pulsus in aneurysmate incipiente & parvo semper adest; ubi in maiorem molem excrevit, sæpe pulsus non animadvertitur, partim ob crassiores factas aneurysmatis tunicas, partim quia impetus sanguinis à corde propulsi non adeo validè egere potest in magnum aneurysma, ut illud elevetur singulis cordis ictibus. Dum autem comprimitur aneurysma, imprimis si magnum fuerit & cordi vicinum, nisi lenissimè & sensim fiat, summum discrimen est, ne subito suffocetur æger; dum concretus sanguis ex aneurysmatis cavo expressus sanguini ex corde per arteriam pulso sic resistit, ut cordis motus suffocetur subito: nec magnum Aneurysma compressum manu simul, & semel liberandum est, sed sensim; aliter in animi deliquium cadunt, sanguine subito in vacuum hunc saccum ruente. Ideo compresso aneurysmate majori, statim ægri de intolerabili oppressione circa pectus conqueruntur. Ubi autem aneurysma in interioribus latet, difficiliùs cognoscitur. Causæ tamen cognitz si prægressæ fuerint, insolita pulsatio percipiatur ab ægro, cordis motus turbetur, & aucta sanguinis velocitate per motum muscularem, vel aliam quamcumque causam, suffocetur ferè; admodum probabilis suspicio habetur, aneurysma in interioribus corporis partibus latere.

Mala autem producta ab aneurysmate pendent inde, quòd tumor suo vicina comprimendo illorum actionem turbet vel impediat, quòd arteriæ cavum mutet, & æquabilem sanguinis circuitum per illam tollat; unde & cordis actio tandem multum impeditur. Hinc apparet, diversissimos morbos ab aneurysmate posse fieri; omnia tamen mala inde orta semper eò pejora fore, quòd aneurysma majus, & cordi magis vicinum fuerit.

Altera malorum, ab aneurysmate factorum, origo pendet ex eo, quòd liquidum in sacco aneurysmatico contentum incipiat degenerare. Sanguis enim in aneurysmate majore ferè quiescit, saltem tardiùs movetur: hinc minùs arteritur, minùsque calet; sicque nascitur dispositio ad illam sanguinis degenerationem, quæ fit à minuto motu & calore. Incipiunt nempe nasci polyposæ concrectiones; quæ semel natæ habent vim affociandi sibi ex sanguine affluente similes partes ad augmentum prioris massæ, vel dictum fuit (§. 52. n°. 2.). Unde in majoribus aneurysmatibus dissectis, sæpe non invenitur multum sanguinis, sed mira sæpe textura polyposa ex sanguine stagnante nata, quæ debilem tunc arteriæ locum suæ substantiæ applicatione sic firmat, ut non tam citò rumpatur, sic ut sæpe diu vita adhuc sustineri possit. Tandem illud ex sanguine concretum, unà cum sanguine inter lamellatam polyposam substantiam stagnante, incipit corrumpi, acrimoniam solventem acquirere adeo mirabilem, ut vasa vicina, membranas, cartilagineas, ossa durissima consumat penitus. Historiæ Medicæ plenè sunt talibus Observatis. Ruysschius in Observatione paulò antè memoratâ invenit, ab ingenti illo aneurysmate;

omnes ferè costas, & sterni os, in nihilum fuisse quasi redacta. Dum autem sanguis corruptum illud, in sacco expansi aneurysmatis hærens, continuè præterlabitur, incipit putrida cacochymia nasci; unde febris hectica sensim corpus depascens oritur. Talem enim habuisse exitum magna aneurysmata, constat ex Observatis Medicis; nisi suffocata circulatione, vel rupto aneurysmate, perierint ægri, antequam contenta in hoc sacco ad illam malignitatem pervenerint.

Subitanæ tamen mortis periculum instat, à ruptura talis sacci aneurysmatici, sic enim minuto temporis pereunt, ubi minimè cogitatur. Memorabilis talis habetur casus (a). Militi post violentam tussim tumor oriebatur in parte inferiori, & anteriori colli, immediatè supra sterni emarginationem: mollis erat, rotundus, sine colore cutis mutato; pulsabat, cedebat digito prementi, mox rediens ablata pressione. Per sex septimanas tantùm gesserat hoc aneurysma, inopinatè undatim prorumpente per os sanguine, intra spatium unius minuti horæ perit. Post mortem omnis tumor colli evanuerat, & inveniebatur aneurysma, tracheæ adhærens, per foramen inter sextam & septimam cartilaginem asperæ arteriæ patulum, sanguinem in cavum tracheæ effudisse.

Dum aneurysma in interioribus corporis partibus hæret, ubi non datur manibus accessus, angusta spes curæ est: totum quod fieri potest, est ut debilitatà vitâ per venæsectiones, & tenuem dietam, minuatur circulationis impetus & velocitas; sic enim aneurysmatis incrementum prohibetur, quantum fieri poterit; summâ simul quiete corporis & animi imperatâ ob eandem causam. Ubi manibus accessus datur, si nondum in formidabilem magnitudinem increverit aneurysma, à prudenti compressione aliquid sperari potest: ubi tunc notandum, quòd maximè conducat arteriam supra aneurysma pariter modicè comprimere: sic impetus sanguinis per hanc arteriam minuitur, & compresso aneurysmate non tam faciliè sanguis regurgitabit cor versùs: Ubi à compressione nihil sperari potest, vel frustra jam adhibita fuit; sola aneurysmatis exstirpatio superest, quam feliciter institui posse, docuerunt Observata. Talem casum narrat *Ruyfchius*, ubi felix eventus fuit, licèt brachium jam gangrænâ correptum esset (b).

ATQUE EO QUOQUE REFERTUR CORDIS ANEURYSMA, EJUS ORTUS, SIGNA; EFFECTUS. Cordis aneurysma vocatur præternaturalis dilatio cavitatum ejus: qui morbus satis crebrò occurrit, licèt fortè non adeo exactè descriptus fuerit. Faciliè concipitur, quòd omnia illa mala possint & cordi contingere, quæ arterias reddunt aneurysmaticas, tunicis illarum exterioribus per vulnera, contusiones, distractiones, erosiones, destructis vel labefactatis. Observationes enim, in cadaveribus factæ, docuerunt, vulnera huc penetrasse; inflammationes, suppurationes, erosiones, &c, hic inventas fuisse. Nauta post febrim continuam, hæmoptysin, difficilem respirationem, tandem post diras toleratas anxietates moritur. In cadavere inveniuntur pulmones pure crasso infarcti; pericardium sanguine grumoso sic distentum, ut dimidium thoracis spatium expleret. Cordis substantia exterior ubique exulcerata, & quasi à vermibus profundè exesa. Imò cor adeo defiguratum apparuit, ut nec auriculæ inveniri, nec vasa egredientia majora faciliè discerni potuerint (c). Sed præter has causas, alia adhuc occurrunt, à quibus frequentius

(a) Académ. des Sciences, l'an 1733. Mém. servat. 2.  
pag. 153.

(b) Observ. Anatom. Chirur. Centur. Ob- pag. 47.

(c) Acta Physico-Medica, &c. Tom. II.

nascitur cordis dilatio præternaturalis. Cordis enim actio in hoc consistit, ut receptum ex venis in cava sua sanguinem validâ contractione urgeat in arterias totum, sic ut singulis cordis contractionibus integre evacuentur cordis cava. Debet ergo cordis vis superare posse resistentiâ arteriarum: si autem à quacumque causa auctæ fuerint hæ resistentiæ eò usque, ut cordis vires superent, non poterit cor evacuari integre, accumulabitur sanguis sensim in cordis cavis, quæ inde dilatabuntur. Sed in corde observatur illa mirabilis proprietas, quâ etiam post mortem, aquâ tepidâ vel flatu solo per venas pulsus in ejus cava, excitatur in contractionem: ideo sanguine non integre expulso ex cavis ejus, irritatum cor frequentius contrahitur, ut expellat contenta, uti evidenter apparet in ultima illa mortis lucta, quando cor non amplius valet in arterias sanguinem expellere, tunc enim celerrimè palpitat, donec tandem insuperabili victum obstaculo quiescat. Dum autem validis illis & frequentissimè repetitis nixibus cor superare tentat has resistencias, fibræ constituentes latera cavorum cordis distrahuntur validissimè, dum contentum cavis fluidum, non potens exprimi, compressum instar durissimi corporis resistit: hinc debilitatur fibrarum nimis distractarum cohesio, unde augebitur dilatio cordis in suis cavis.

Apparet ergo, quòd non requirantur adeo magnæ causæ ut cor aneurysmaticum fiat, dum enim cordis vis potest superare resistencias arteriarum, manet æquè magnum in suis cavis; simulac prævalent resistenciæ hæ cordis viribus, incipiunt dilatari ejus cava.

Potest jam hæc cordis dilatio fieri vel in solo dextro cavo, impedito libero transfluxu sanguinis per arteriam pulmonalem: vel poterit hoc fieri in corde sinistro, posito impedimento quocumque in arteria aorta: vel dum binæ hæc simul concurrunt, dilatio fiet in utroque cordis cavo simul. Notandum tamen hoc est, quòd, impedimento nato in pulmonari arteria, cor dextrum solum præternaturaliter distendi posset, corde sinistro non mutato in sua capacitate: ubi verò cor sinisterum non valet expellere suum sanguinem, non poterunt venæ pulmonales depleri in cor sinisterum; hinc nec arteriæ pulmonales tradere possunt suum sanguinem venis pulmonalibus: augebitur hinc resistentia cordi dextro, unde & illud ab iisdem causis poterit dilatari. Accedit, quòd cor dextrum, longè debilius sinistro, cedat facilius causis distendentibus; unde, cæteris paribus, frequentius dilatabitur, & in majorem capacitatem poterit distendi.

Plurima jam Observata docuerunt, in cadaveribus cor sic dilatatum inventum fuisse: pauca annotasse sufficiet. Puer jam à quinto ætatis anno asthma corpeptus laboraverat, plurimis incassum adhibitis, usque ad decimum quartum ætatis annum miseram protraxit vitam, tandem suffocatus periit. In cadavere cor invenitur accretum pericardio, & cavum utrumque cordis immaniter auctum (a). Juvenis post enormes cordis palpitaciones moritur, sinisterum cavum cordis invenitur triplo majus dextro cavo (b). Ibidem & ex *Dionysio* habetur, quòd auricula dextra inventa fuerit adeo dilatata, ut recens nati infantis caput æquaret. Homo 34 annorum post validas & diurnas palpitaciones cordis moritur, invenitur cordis ventriculus immaniter dilatatus, in sua substantia tamen æquè crassus, ac naturaliter esse solet. Aorta erat ossæ facta in ipso egressu ex ventriculo cordis sinistro

(a) Medical. Essays vol. 2. pag. 313.

Tomus I.

(b) Abridgement, Tom. V. pag. 229.

L I

(a). Vir 25 annorum, curser, pallidus, anhelosus, subitâ laborat anginâ, à qua sanatur quidem, sed manet spirandi difficultas, & cordis palpitatio sæpe recurrens, ioprimis cum citato gressu procederet: tandem subitâ morte exstinguitur. In cadavere invenitur cor triplob majus, quàm naturaliter esse solet; ablato pericardio, & expresso omni cruore, libras duas cum dimidia in lance pendens (b): tamen in hoc homine sinistrum cor dextro duplob latius erat.

Omne ergo illud, quod resistentias sanguini ex cordis cavis pulso auget, poterit præternaturalem cordis dilatationem producere. Nimia humorum copia in plethoricis, augmentum velocitatis in morbis acutis, immeabilitas sanguinis per arteriarum fines à diathesi inflammatoria, polyposa, atrabilaria, &c; vitia arteriarum, per quæ liber sanguinis transitus per illas impeditur, uti sunt illarum nimia callositas, degeneratio in cartilagineam, imò ossæam substantiam, aneurysmata, &c; præcipuæ causæ sunt à quibus cava cordis ultra naturalem suam dimensionem dilatantur. Inter rariore autem causas meretur referri, quòd aliquando aer in cordis cavis repertus fuerit, immaniter illa distendens. In muliere subitò mortuâ, aperto thorace, cor *flupenda erat magnitudinis ab aere, quo plenum erat, absque ullo serè sanguine, id quod palam factum cuspidè cutelli; eâ enim adactâ tam subitò subsidebat cor, ac vesica aere repleta, & cuspidè cutelli atacta* (a). An forte calore aucto, per velocissimum animalem motum, vel per morbos, sanguis aerem contentum dimittit, qui in cavis majoribus collectus & rarefactus distendit omnia?

Malum hoc præsens, vel saltem metuendum esse, novimus, si continuæ palpitationes cordis adsint; si signa docuerint, pulmonem impeditum esse sic, ut libere non transmittat sanguinem: si pulsus durus valde & plenus cum anxietate intolerabili ad motum auctum adsint; tunc in aorta obstaculum tale hæzere non sine ratione concluditur.

Turbatur tunc miris adeo modis circulatio, oriuntur tam varia & tam stupenda phænomena, ut naturæ leges superare videantur: pulsus vacillat omni modo, nunc deficienti, nunc iterum validissimè insurgens, respiratio difficillima fit; terribiles sæpe convulsiones oriuntur, dum cor quiescit, & paulò post validissimo spasmo contrahitur: sic enim uno momento sanguinis motus per arterias encephali cessat, mox velocissimus fit, unde turbatur tam mirificè spirituum secretio & motus. Omnes sæpe sensus externi & interni turbantur, intolerabilis anxietas, & frequentissima fit lucta vitæ cum morte; donec tandem hæc tantis malis finem imponat.

Simul apparet, quare post æsthma diu toleratum, morbos inflammatorios validos pectoris, &c; sæpe tam luctuosa mala supersint.

Ubi natum fuit hoc malum, nihil serè boni sperari potest; semel enim natâ debilitate cordis, necessariò augetur difficultas removendi obstaculum; unde crescit atrox malum, & augentur omnia symptomata, imprimis si vita fuerit ætiosior.

Totum, quod Ars efficere poterit, est, ut mali incrementum differat aliquatenus, & tolerabilem magis vitam reddat miseris. Hoc fiet, si vita instituitur adeo

(a) Acad. des Sciences, l'an 1735. Hist. 127. 128.  
pag. 29.

(b) Lanciscus de subitaneis moribus, pag.

(c) Ruyssch, Epist. Problem. XVI. pag. 111.

quieta, ut non fiat major motus cordis, quàm qui ad vitam continuandam omnino est necessarius: absoluta hinc mentis & corporis quies requiritur. Debet ingeri magna copia potus tenuissimi, serum lactis, hydrogala mellita, aquæ Spadanæ cum lacte, præcipua sunt. Cibus parvus, blandus, tenuis, repetitis vicibus parvâ quantitate exhibeatur, ut parum blandi chyli sanguini miscetur, & omnia stimulantia evitanda sedulo. Medicamenta dentur talia, quæ diluunt sanguinem, aperiunt vasa, lubricant vias; ut expeditissima fiat humorum dilutorum per vasa lubricata & aperta circumductio.

§. 177. **SI** ab iisdem causis, similiter vulnerata arteria, curata, debilius firmatur, eadem fiunt (176).

Dum in ardentissimis morbis, pertinacissimis & chronicis (maximè capitis) doloribus, arteriam temporalem secant Chirurgi, maximam semper curam adhibent, ut arteriæ vulnus, postquam debita copia sanguinis effluxerit, impositâ lamellâ metallicâ, vel simili, quocumque sic firmant, ut sanguinis impetus, arteriam singulis cordis ictibus distendentis, non possit incipientis cicatricis rudimenta extendere ultra æquabilem arteriæ dimensionem, & aneurysma facere: quæ compressio arteriæ vulneratæ si negligatur, sæpe semper tale malum fiet. Frequenter hoc observatum fuit, dum infelici casu in flexura cubiti unâ cum vena pertunderetur arteria vicina, nec idoneâ pressione firmaretur hoc vulnus: quod etiam multò difficilius hic fit, quàm in temporibus, ubi arteria læsa ad duram calvariam sic premi potest, ut nullus maneat aneurysmatis futuri metus. Unde satis tutò in hoc inprimis loco instituti potest arteriotome, à qua forte nimis abhorrent sæpe Medici, cum tamen à perito Chirurgo sine discrimine fieri posset, & aliis remediis frustra tentatos debelaverit sæpissime morbos, ut plurimis Observatis demonstravit Severinus (a). Videantur & illa, quæ dicta sunt de aneurysmate ex hac causa nato in *Commentariis* ad §. 160.

§. 178. **UBI** ab iisdem causis (176.) omnes tunicæ simul ruptæ liquorem effuderint in partes vicinas distentas, nec exeuntem, sit collectio extravasati cruoris, continenter aucta, & sine mensura, mollis, vix pulsans, livida, compressu vix evanescens, brevi putrescens, hinc gangrænam vicinorum creans. Aneurysma spurium est; (160.) cujus causâ, signa, effectus ex ipsâ hac descriptione cognoscuntur.

Si jam arteria sic læsa fuerit, ut solutâ cohesione laterum, contentus arteriæ cavo sanguis possit exire; cute tamen integrâ, vel ejus vulnere per pinguedinem, aut sanguinem coagulatum occluso, coerceatur effusus ex arteria sanguis; ille viam sibi faciet in panniculo adiposo, quem replebit, & in maximum sæpe tumorem attollere poterit; sanguine enim continuò expulso per arteriam ruptam, augetur distendens moles, donec cutis cedere amplius nequeat, vel vicinæ partes impediunt

(a) De efficaci Medic. Lib. I. Part. II. pag. 46. & seq.

ulteriorem sanguinis in panniculo adiposo collectionem; vel coagulati sanguinis thrombus arteriæ læsæ aperturam claudat. Post validas contusiones sæpe maximi tales tumores oriuntur, lividi, imò sæpe omnino nigri, à sanguine extravasato & coagulato per cutim pellucente. In scorbuticis, erolis vasis, similia sæpe mala apparent: sed cum in minoribus arteriis hoc plerumque fiat, non adeo in tumorem attollitur pars, sed maculæ planæ nigricantes nascuntur. Quàm enormes autem inde nasci possint tumores, unico Exemplo demonstrasse sufficit. Juvenis septemdecim annorum vulnerabatur sclopeti globulo femur penetrante, ad octo digitorum transversorum distantiam ab inguine. Mox aderat valida hæmorrhagia, quæ apparatu Chirurgico imposito coerceretur: sequenti die apparebat ingens tumor cum pulsu tam valido, ut ambas manus impositas attolleret: sanguis interim per vulnus ad tres vel quatuor uncias sæpe effluebat, dein sponte iterum sibilabat. Sic ad quadragesimum usque diem ab infecto vulnere res se habuit. Comuni tunc consilio, licet febris & collapsæ vires ægri summum indicarent periculum, conclusum fuit locum affectum aperiendum esse, & arteriam vulneratam ligandam, ut coerceretur hæmorrhagia. Inciso loco, ingens grumosi sanguinis moles in conspectum venit, quam propriis manibus Severinus abstulit, pondere sex libras æquantem: mox arteria vulnerata, hoc pondere comprimente liberata, cum saltu sanguinem emisit. Peritissimus Chirurgus semilaceram arteriam ligavit utrumque, & post sex hebdomadas vulneratus integre sanatus fuit, sic ut femur vulneratum nec mole minus; nec robore debilius manserit (a). Docet hæc Historia, quàm immani copîa sanguis possit colligi in panniculo adiposo, & quàm longo tempore extravasatus sine corruptela maneat, modò aeri non detur liber aditus.

Quia jam tumor talis quædam habet communia signa cum aneurysmate propriè dicto, ideo vocaverunt eodem nomine; ut tamen distinguere, dixerunt *Aneurysma spurium*. In vero enim aneurysmate tunicæ arteriæ debilitatæ quamvis, manebant tamen coherentes, & sanguinis impediabant exitum; in spurio autem ruptæ tunicæ sanguini liberum concedebant. Vocabulo minùs ambiguo utebantur Veteres, dum tale malum appellabant *ixçµuon*, quam plerumque unà cum contusione & ruptione incidere dixit Galenus (b); quamvis & per anastomosen, diapedesin, & anabrosin aliquando fieri moneat. Tumores minoris molis, ab effuso sub cute integra sanguine, hoc nomine adhuc hodie solent vocare Chirurgi: si à majori arteria lacerata tumor insignis mollis fiat, inprimis si aliquis pulsus in tali tumore percipiatur, solet aneurysma spurium vocari.

Aneurysmatis mentio non fit apud Hippocratem, quantum novi; sed definitio aneurysmatis, quam Galenus habet (c) potius conveniret spurio hodie dicto aneurysmati. Dicit enim: *At verò arteria adaperia affectus, aneurysma vocatur: fit autem quum ipsius vulnerata circumposita cutis, ad cicatricem quidem pervenit; manet autem vulnus, arteriâ nec coeunte, nec conglutinâ, nec carne obstructâ*. Signa tamen, quibus hunc affectum distinguit ab aliis tumoribus præter naturam, potius aneurysmati vero conveniunt. Addit enim: *Dignoscuntur sanè hujusmodi pathematâ pulsibus, quos edunt arteriæ; verùm quum etiam comprimuntur, tumor omnis delitescit*.

(a) Ibid. pag. 51.

(b) Method. Med. Lib. IV. Cap. 1. Charter. Tom. X. pag. 70.

(c) De Tumoribus præter naturam, Cap. XI. Charter. Tom. VII. pag. 319.

*cit, substantiâ, quæ ipsum efficit, in arterias recurrente; quam alibi ostendimus, tenuem & flavum esse sanguinem quempiam, undè cum spiritu tenui & copioso permixtum: hic verò sanguis longè calidior est illo, qui in venis continetur, & vulnerato aneurysmate erumpit, ut vix fisti possit.*

Causa ergo aneurysmatis spurii poterit esse omne illud, quod continuitatem laterum canalis arteriosi solvit, integrâ interim manente cute; vel saltem sic obturata cutis, si adsit, vulnere, ut sanguinis effluentis liber prohibeatur exitus: unde in cellulosam tunicam aggestus, tumore distendit partem.

Maximi autem momenti est distinguere aneurysma spurium à vero; unde signa illa accuratè cognosci debent. Novimus aneurysma spurium adesse, ex causis prægressis, inprimis validis contusionibus, quod longè velocius fit tumoris incrementum in aneurysmate spurio, quàm in aneurysmate vero. Deinde quodd tumor non ita distentis limitibus circumscribatur, quia per tunicam cellulosam quaquaversum dispergitur, in aneurysmate vero autem dilatatis arteriæ tunicis limitatur tumoris ambitus. Præterea aneurysma verum, saltem in initio antequam in formidabilem molem excreverit, manifestum pulsus, arteriæ pulsibus respondentem, habet; aneurysma spurium non adeo manifestum, licet tamen hoc aliquando fallere possit, uti in Historia ex Severino modò allegata patuit. Aneurysma verum, nisi jam maximum fuerit, si prematur, omnis tumor evanescit, sanguine pulso in arteriæ cavum: hoc, in aneurysmate spurio, non ita fit; illud enim pressum cedit quidem, sed tumor tunc in vicinia augetur. Deinde color cutis in aneurysmate vero, saltem in initio, rarè vel nunquam apparet mutatus; in aneurysmate spurio sanguis sub cute effusus, alieno colore cutim deturpat.

Effectus aneurysmatis spurii præcipui sunt, quodd effusus sanguis mole suâ aliena loca occupans vicinarum partium actionem impediat, & tandem morâ corruptus talem possit acquirere acrimoniam, quâ inflammationes, gangrænas, & erosiones pessimas faciat. Si autem aeris accessus prohibeatur, diu incorruptus manere potest effusus sanguis, inprimis si talia applicentur fomenta; quæ putredini quàm maximè resistunt. De his autem, & de cura similium malorum dicetur §. 334, & sequentibus.

§. 179. **A**LII effectus arteriæ dissectæ majoris (161) ex Physiologia sponte intelliguntur, ut & phænomena (162) primò nervi dissecti.

Omnia hæc explicata sunt in Commentario §. 161. 162.

§. 180. **U**T verò clara causa habeatur mirabilium effectuum, qui in nervis punctis vel partim dissectis apparent, juxta dicta (163. 164. 165.) sequentia consideranda ex Anatomicis, & Theoreticis.

Nihil magis mirabile habetur in Observatis Medicis, quàm quodd in homine sanissimo levis punctura nervi turbet omnia in toto corpore sic, ut nihil de pristino

na sanitate superfit. Immanis enim dolor, acutissima febris, deliria, convulsiones, inflammationes, suppurationes molestissimæ, gangræna, mors ipsa sequuntur aliquando leve adeo vulnusculum. Sed & tota Historia Medica docet, mutatione levissimâ nervis inductâ, aliquando turbari mirificè omnes corporis actiones.

Titillatio v. gr; ad plantas pedum quantas potest inducere mutationes! Substant illico omnes ferè muscoli & tendines totius corporis; invito risus extorqueatur; resolvuntur statim omnes vires; atque etiam convulsiones, & mortem ipsam, à tam levi causa secutam fuisse constat. Imò semel hanc molestiam experto titillationis minæ intentatæ similia producant. Simplex agitatio plumulæ in naribus, vel faucibus, vermium reptatio in ventriculo, pituita ibidem fluctuans, levi tantùm mechanicâ mutatione nervi hic dispersis inductâ, totum corpus adeo mirificè turbant.

Quamvis ex fabrica corporis, quatenus hodie cognita est, non possint explicari omnia illa mirabilia, quæ à nervis mutatis fieri in corpore observantur; multùm tamen lucis illius cognitio affundet illis malis, quæ nervos vulneratos sequuntur. Unde ex Anatomicis & Theoréticis hæc consideranda sunt.

§. 181. **N**ERVUS omnis visibilis est fasciculus minorum nervorum; membranulis nexorum, arterioliis, venulis, lymphaticis intertextis, unâ dein communi membranâ vestitus.

Per omnia hæc vascula, nervum componentia, perpetuò fluit liquor suis canalibus proprius à corde, cerebro, cerebello, & medullâ spinali. His omnibus vis contractilis satis magna semper adest.

**NERVUS OMNIS VISIBILIS**, &c. Agitur enim hic tantùm de illis nervis; qui oculis lustrari possunt. In illis autem, uti dictum fuit in *Commentario* ad §. 162, invenerunt Anatomici, quòd possint separari in minores alios, qui singuli iterum aliorum nervorum, sed longè minorum, fasciculi sunt. *Leeuwenhoeckius* nervulum, pilo porcino non crassior, invenit ad minimum constare triginta aliis minoribus, qui singuli propriâ iterum membranâ vestiebantur; idem postea & in longè tenuioribus vidit (a). Præterea vidit & vascula tenerissima sanguinea inter medias has fibrillas decurrentia. Anatomicæ injectiones, in junioribus imprimis corporibus factæ, docuerunt, vasa numerosissima per totam nervi substantiam decurrere. Nervi ergo omnes visibiles minimam partem suæ molis debent substantiæ nervosæ propriè dictæ, quæ medullæ cerebri & cerebelli, in oblongatam & spinalem dictam medullam collectæ, originem debet. Vaginulæ investientes minores fibrillas, necentes membranulæ, vasa omnis generis per has dispersa, præcipuam partem nervi visibilis constituunt. Sic defenduntur tenerissima illa, & omnem caprum fugientia vascula, & deducuntur tutò ad illa corporis loca, ubi crassiores involucris depositis nervi munere fungi debent. Nervus opticus, membranis investientibus ab utraque cerebri meninge donatus, in suo decursu tenax & firmus apparet; ubi depositis his involucris in oculi fundo in tunicam reti-

(a) Tom. III, Epist. 36. pag. 350. & alibi pluribus locis.



nam expanditur, tam mollis est, ut nisi æquabili pressione ambientis liquidi sustineatur, collapsus informis mucis speciem exhibeat. Per mediam tamen tunicam retinam numerosissima vasa arteriosa dispergi, docuerunt evidentissime Anatomice injectiones.

PER OMNIA HÆC VASCULA, &c. Omnia hæc vascula, quæ nervum visibilem constituunt, accipiunt liquida proportionalia vi cordis & arteriarum pulsa: de illis autem vasculis, quæ tunicas investientes fibrillas nerveas constituunt, nullum videtur esse dubium, cum injectiones Anatomice doceant, arteriosos ramos impulsu liquidum huc deducere. Sed ipsos propriè dictos nervos pervios esse, & perpetuum tenuissimi liquidi per illos morum fieri, non potest ad sensus demonstrari. Si tamen consideretur, medullam cerebri & cerebelli, cortici vasculoso continuatam, totam impendi constituendis fibrillis nervosis, & in illas continuitatis porrectione abire; tantam copiam purissimi sanguinis arteriosi ad cerebrum ferri; destructionem vel compressam medullam cerebri & cerebelli omnem functionem nervorum inde ortorum tolli; nervis in suo decursu ligatis omnem perire actionem sub ligatura; illam verò integram manere supra ligaturam; patebit satis evidenter, nerveas fibrillas subtilissimum fluidum, cerebri & cerebelli fabrica secretum, recipere, deducere toto vitæ tempore per distinctissimos canaliculos ad singula corporis loca; ut motuum & sensuum adeo distinctæ operationes perfici possint.

Omnis ergo nervus visibilis læsus non patitur tantum, quatenus est nervus, sed etiam quia omnis generis vascula habet, quorum integritas & inde pendens actio per vulnus læditur.

Quia autem, in sua origine ex medulla encephali distinctissimæ fibrillæ nerveæ in decursu propriis investiantur membranulis, sicque manent separatæ à vicinis; & totus fasciculus nervorum constituens nervum visibilem involvitur communi tunica satis crassa, patet, quare omnis nervus visibilis tenax & durus appareat, licet illud, quod propriè nervus dicitur, mollissimæ encephali pulpæ propago sit. Tota ergo nervi visibilis contractilitas, quæ discissi extrema resiliunt, à tunicis nerveas fibrillas investientibus, & vasis per has dispersis, pendet.

§. 182. **ERGO** partes nervi integre dissecti à loco vulneris versùs firmas partes, quibus necluntur, retrosiliunt, sub solidis ambientibus se recondunt, eorum vi comprimuntur, orificia claudunt sua, & suorum vasculorum, adeoque præter dicta (162) nihil damni.

Si jam nervus talis, descriptus præcedenti paragrapho, integre discindatur, tunicæ investientes singulas fibrillas, uti & involucrum tegens omnes simul collectas, elasticitate suâ & nexu cum vicinis partibus, retrahentur utrimque. Cum verò arteriæ satis etiam notabiles discissæ, retrotractæ, vicinorum pressione, sub quibus occultantur, & propriâ contractilitate sic claudantur, ut nihil sanguinis transmittant; patet satis, tenerrima nervosa vascula, uti & illa quæ per horum tunicas investientes feruntur, illico claudi, nec amplius humores allatos transmittere posse. Omnes ergo functiones, quæ ab integritate horum vasorum pendebant, erunt abolitæ; sicutque illa mala, quæ §. 162, enumerata sunt.

§. 183. **S**I sectus, vel punctus ita sit, ut nonnulli nervulorum dissoluti sint, qui uniti majorem componunt, partes solutæ retrocedentes (182) trahent minimas fibrillas, quæ necdebant nervulos inter se & vascula (181), unde fiet in his perpetua, lenta laceratio; adeoque dolor ingens, acutus, continuus. Partes verò adhuc coherentes sustinebunt nunc solæ omnem vim, quam antè simul; ergo plùs distrahentur, & lacerabuntur, adeoque acutissimè dolebunt, & distractæ comprimuntur; ut transitus impediatur. Dum una pars soluta, altera coherens, ita afficiuntur, vascula intermedia comprimuntur; ergo sanguis, lympa, spiritus sistuntur, urgentur, accumuluntur, unde circa partes inflammatio cruenta, lymphatica, & spirituosaf.

Inde nervi vicini, tendines, horum & nervorum vaginæ, muscoli, vasa tenduntur, stringuntur, convelluntur, hinc cerebri, cerebelli, medullæ spinalis meninges trahuntur, vellicantur, cerebri actio turbatur.

Ex quibus sequitur series omnium phænomenon (163. 164. 165.) naturali necessitate.

Si jam nervus visibilis, constans plurimis nervulis sibi mutuo accumbentibus; proprio involucre vestitis, & unâ communi membranâ tectis, sic lædatur, ut quædam ex his nerveis fibrillis, suâ adunatione majorem nervum, constituentibus, discissæ fuerint, quibusdam integris relictis, peribunt omnes functiones, quæ ab integritate fibrillarum, nunc à cohæsiōe separatarum, pendeant. Præterea ex dictis §. 158. n. 1, separata hæc fibrillarum extrema recedent plùs à se mutuo, sed hoc non poterit fieri, quin membranulæ necscentes fibras nerveas sibi mutuo accumbentes distrahentur, & lacerentur; sicque acutus & continuus dolor oritur. Fibrillæ autem integræ relictæ sustinebunt nunc solæ omnem illam vim, quam antea unitæ ferre debebant, dum vario musculorum motu, articulorum flexionibus, extensionibus; articularum pulsû, &c, mutatur situs partium: necessariò ergo magis distrahentur, unde iterum ingens dolor nasci poterit. Si enim concipiatur nervus integer constitisse centum fibrillis nerveis simul collectis in unum fasciculum, & quodd per vulnus factum quinquaginta fuerint discissi, reliqui integri duplò plùs distrahentur ab iisdem causis, quia dimidium cohæsiōis, quâ resistebant causis distrahentibus, ablatum est. Demonstratum autem fuit §. 112. n. 3, omnem causam, quæ vasa distrahit & elongat, minuere eorundem capacitatem, hinc obstructionem facere posse: unde iterum sequi possunt infinita mala. Sic incipimus videre, quænam mala fiant à nervis vulneratis, nec integre discissis tamen: dissectæ enlm partes resiliētes utrimque contrahent orificia dissectorum vasculorum, & liberum humorum transitum per illa impediēt: cohærentes adhuc fibrillæ minùs poterunt resistere causis distrahentibus; hinc elongabuntur, & minuent suorum vasorum diametros: unde & ab hac causa impediētur liber circuitus fluidorum per hæc vascula, & inde

& inde impetu viralis liquidi à tergo urgente in loca obstructa fiet inflammatio, non tantum in majoribus sanguineis vasis, sed etiam in reliquis decrefcentium serierum vasculis ad ultima subtilissima usque nempe nervosa, idem obtinere poterit. Quam enormes autem inde fieri possint dolores, docent podagra, rheumatismus, arthritidis, in quibus morbitenerrima vascula inflammata exquisitos adeo cruciatu faciunt! Sed natam inflammationem sequi poterunt varii ejus exitus, qui iterum adeo diversi sunt, prout inflammatio in majoribus vel minoribus vasculis hæret. Post phlegmonem blanda suppuratio sequitur; erysipelas exulceratum, in minoribus vasis hærens, tenue ichorosum liquidum fundit; rheumatismus verus suppuratur nunquam; podagra in subtilissimis nervosis vasculis hærens consumit partes etiam solidissimas in calcem, &c: unde iterum innumera mala oriri possunt.

**INDE NERVI VICINI, &c.** Sic factum invenimus corpus humanum, ut unico nervulo læso partes vicinæ, imò aliquando & satis distitæ, afficiantur. Dum dentis adamantina crusta, fissa vel corrupta, nudaverit fibrillas nerveas subtilissimas, per dentis substantiam interiorem dispersas, frigidi aeris attactus solus intolerabili dolore afficit non tantum dentem affectum, sed & totum latus capitis denti dolenti respondens; & elevantur vicinæ partes sæpe in enormem tumorem. Destructo nervo dolente per alcohol applicatum, vel & evulso dente affecto, cessat omne malum. Dum infortunato casu acus infixa indicis digiti ultimæ phalangæ tendinem læsit, mox dolor enormis per totam volam manûs, carpum, cubitum, ad humerum usque perrexit; inflammatio sævissima, in subitam gangranam tendens, omnia hæc loca occupavit: febris acutissima, phrenitis, convulsiones, mors tandem quartâ die à tam levi vulnere secuta fuit. Similia plurima Exempla apud *Hildanum* & alios Observatores habentur, ex quibus patet, à levi punctura nervi, vel & tendinis, mox vicina omnia affici, dein corpus turbari in omnibus suis functionibus posse ad mortem usque. An autem propagatio mali in uno nervulo orti, ad vicinos omnes & ad cerebrum usque, fiat per continuationem membranarum investientium nervos, quæ cerebri meningum productiones habentur; an verò hoc fiat irritatione ipsius substantiæ nervosæ propriè dicendæ, quæ medullæ encephali propago est; hic non discepto: sufficit post nervorum læsionem similia mala sequi, & fortè utraque hæc causa concurrat. Sic membrana renum pelvim investiens per ureteres, vesicam, urethram, continuatè propagine defertur; dumque asper calculus in pelvis angustia hærens internam hanc investientem membranam vellicat, dolor sæpe in extrema fenititur urethra, & molestissima stranguria. Dum tendinea illa membrana musculos humeri & cubiti regens, lanceolæ cuspidem in venæsectione lædiatur, dolor, inflammatio & reliqua symptomata brevi se per totum hujus membranæ ambitum dispergunt.

**EX QUIBUS SEQUITUR, &c.** Qui jam confert illa phænomena, quæ §. 163. 164. 165, recensita sunt, cum illis, quæ dicta sunt hæc paragrapho & binis præcedentibus, sine difficultate videbit rationem, quare nervum læsum tot ac tanta mala sequantur.

§. 184. **E**T intelligitur, quæ, & cur punctura, laceratio, vulnus nervi adeo funesta? Item cur membranis, tendinibus, vasisque multis eadem fiant.

Quòd nervus magis tensus est, quòd pauciores fibræ læsi nervi integræ remanserint, eò major distractio illarum, eò sæviora symptomata nascentur, & acrior aderit dolor. Nervum autem minimè tensum, vel & integre discissum, non sequentur tam dira mala. Membranis autem, cùm nervos per suam substantiam dispersos plurimos sæpe habeant, similia accidere, nulli mirum videbitur, uti & tendinibus, qui muscularibus fibris continuati & hinc nervorum propagines videntur esse, ut dictum in *Commentario* §. 164. Idem jam in vasis obtinebit, ex membranis convolutis factis, per quæ nervi pariter disseminantur, sensui, motui, & nutritioni infervientes.

Hactenus actum fuit de vulneris definitione, causis & effectibus, deinde enarrata sunt fideliter illa omnia, quæ vulnere simplici accidunt à primo momento, quo inflictum fuit, ad perfectam sanationem usque. Postea consideravimus, quænam vulnere accidant mala ab arteriis, nervis, tendinibus, membranis, &c. læsis. Deinde tradita sunt illa signa, per quæ vulneris præsentia noscitur, & simul determinatur, quænam corporis partes per vulnus læsæ sint. Ex his tunc deducebantur illa, quæ de vulnere jam cognito erant præfagienda circa vitam vel mortem vulnerati, curationem brevem & facilem, vel difficilem & longam, & læsiones functionum post vulneris curationem supersites futuras. Postea ex fidelissimis Observationis, & cogniti humani corporis fabricæ, determinatum fuit, quænam vulnera lethalia forent dicenda, & quibus sub cautelis: an nempe absolute lethalia essent, destructis per vulnus partibus necessariò ad vitam requisitis, sic ut ab Arte hodie cognita nullum posset auxilium expectari. An verò ex sua natura quidem lethalia, per Artem tamen forent curabilia. Denique an mors secuta post vulnus penderet non à solo vulnere, sed ab aliis simul concurrentibus causis, à vulnere inflicto distinctis. Ex quibus intellectis patebant illa, quæ ad Judices renunciari debebant circa vulneris inflicti naturam & effectus. Tandem ex Anatomicis & Theoreticis ratio reddita fuit mirabilium effectuum, qui nervos punctos vel partim dissectos sequuntur. Superest nunc, ut de vulneris cura generali agatur.

§. 185. **U**T vulnus sanetur, opus erit.

1. Auferre ex eo illa, quæ, vel à liquidis & solidis corruptis, vel ab instrumento vulnerante, aut aliunde, ibi relicta adunationem impedirent.
2. Supplere perdita, novâ regeneratione ablati.
3. Unire separata, & in adunatione retinere.
4. Cicatricem naturali cuti simillimam obducere.

Sanatio, uti dictum in *Commentario* ad § 4, est mutatio corporis viventis talis, ut conditio corporea, quæ vocabatur morbus, tollatur, & restitatur, illud, quod

ablatum faciebat morbum. Sed vulnus est sol utra coherasio recens & cruenta partium mollium, à corpore duro & acuto facta. Sana tio ergo vulneris erit restitutio coherasionis naturalis partium per causam vulneris antem separatarum. Sive jam simplex adsit divisio partium antea coherentium, sive magna facta fuerit jactura substantiæ per causam vulnerantem ablatæ, vita supersiles in vulnerato unit separata, restituit perditâ (vide §. 158. n°. 9.) inimitabili artificio. Medici & Chirurgi illa tollunt, quæ salutare hoc naturæ molimen impedire poterant, & suppeditant alia, quæ juvare possunt, hoc totum est, quod Ars habet. Qui plûs sibi sapere videntur, tentent in cadavere levis tantum vulnusculi consolidationem, applicent decantatissimâ balsama vulneraria, foveant calore tepente sani corporis : eventus docebit, naturam creati corporis sibi soli sufficere, sine hac nihil fieri posse per Artem. Sequentibus numeris recensentur illa, quæ in omni vulnere curatione semper requiruntur.

1. Omne, quod hæret in vulnere, alienæ à corporis nostri partibus naturæ; nunquam poterit conrescere, & impedit partium separatarum unionem, quamdiu ibi hæret. Dum elevatâ cutis lanceolâ discinditur, & vulnere imponitur purissimo ex auro factus globulus, conrescent nunquam vulneris labia, sed manebit ulcus per annos pus quotidie fundens : si tollatur illud peregrinum, nisi penitus callosa facta fuerint jam labia à continuo attritu ad durum hoc corpus, paucis diebus consolidabitur. Non refert jam, an illud peregrinum fuerit pars instrumenti vulnerantis, an aliud quid, quod unâ cum hoc in vulnus penetravit; an verò effusi humores, vel solidæ partes, à causa vulnerante sic mutatæ, ut amiserint illas dotes, quæ requiruntur, ut partibus vivis iterum uniri possint. In bellicis consistibus globi sclopetis emissi, dum vestes penetrant, sæpe partem illarum simul in vulnus abripiunt; sicque talium vulnere consolidatio per menses plurimos, imò per annos protrahitur. Nobilissimo viro sclopeti globo femur dextrum perforatur; os femoris à globo transeunte frangitur, restituebatur ab hoc vulnere sic, ut incedere potuerit; mansit tamen per viginti annos ulcus fistulosum, exeuntibus subinde ossis fragmentis. Postquam tanto temporis spatio toleraverat has molestias, aucto dolore & serè continuo reddito, ex consilio celeberrimorum Medicorum & Chirurgorum dilatatur cultro fistulosi ulceris orificium, extrahitur festuca ossis tres pollices longa, postea & tres aliæ : tandem in fundo ulceris invenitur portio panni ex femoralibus unâ cum globo vulnus ingressa. Aliquot diebus postea prodibant tria fragmenta ferreæ rubigine obducta, quæ clavis, quam in sacculo gestaverat æger illo die dum vulnerabatur, partes fuisse apparebant. Tanto temporis spatio hæc peregrina in vulnere latuerant, ejusque consolidationem impediverant (a). Patet ergo hæc tollenda esse, si fieri possit.

2. Si jam vulnus factum fuerit cum magna jactura substantiæ, non poterunt labia vulneris uniri & conrescere, nisi prius illud perditum, fuerit novâ regeneratione restitutum : nimis enim distant à se invicem, & licet vi factâ per futuras vel emplâstra tenacia adducerentur sic labia vulneris, ut contigua fierent, maneret tamen sub labiis unitis cavum, in quod humores effusi colligerentur, & sinuosum facerent ulcus.

3. Notatum fuit §. 158. n°. 1, quando phænomena omnibus vulneribus com-

munia, recenscebantur, quòd partes corporis, inter quas causa vulnerans adaesta fuit, sensim magis magisque à se mutuo recedant: sed, ut vulnus curetur, requiritur, ut partes separatæ iterum fiant contiguæ. Hic Ars naturam adjuvat, uniendo partes separatas, & sic illas muniendo, ut maneant adunatæ.

4. Quod tamen sæpe fieri nequit, quando valida suppuratio multum consumpsit pinguedinosæ tunicæ, vel magna pars cutis per vulnus ablata fuit: tunc enim semper cicatrix solidior, magis polita splendens erit, quam vicina cutis.

Hæc sunt generalia indicata in omnium vulnere curatione, quæ quomodo obtineri possint, dicitur in sequentibus.

§. 186. **F**RAGMENTA impacta metallorum, lapidum, ligni, vitri, globi tormentorum, thrombi cruenti, caro mortua, vel membranæ, ossa fracta, primò tollenda, si proderit.

Casus illi in hodiernis bellicis conflictibus frequentissimi contingunt, dum tormenta bellica lapidum & metallorum fragmentis variis onusta (*met Schroot geladen*) in adversos hostes exploduntur, & difficillimæ curationis vulnera faciunt. Omnia hæc in vulnere relicta, dum vulnus incipit tumere & inflammari, partes, quas tangunt, contundunt, callosasque reddunt, inflammationem augent, tandemque in fistulosa ulcera degenerare faciunt, non curanda, nisi per Artem, vel per suppurationem in contiguas partibus excitatam, educantur. Idem verum est, si thrombi sanguinis concreti, vel partes solidæ corporis abscissæ, & ab omni nexu cum vivis partibus liberæ, in vulnere hæserint. Si enim v. gr; ossis fragmentum adhuc cohareat cum vivis partibus, spes est, quòd iterum uniri possit. Semper autem advertendum est, quòd si talium heterogeneorum in vulnere hærentium educio non possit fieri, quin metuantur gravia inde secutura mala, tunc potius hæc relinquenda sunt, & naturæ committenda est horum separatio. Quomodo autem determinetur, an tollenda sint, an relinquenda, sequens docebit paragraphus.

§. 187. **C**ONSIDERATA naturâ vulneris, partis vulneratæ, materiæ impactæ, roboris ægrotantis, symptomatum secutorum, tolli, an relinqui debeant, judicatur.

In periculosis vulneribus inprimis summâ cautelâ opus est, ut determinetur, an heterogenea in vulnere hærentia tollenda sint, an verò relinquenda. Si omnibus attentè consideratis appareat, quòd vulneratus, his educiis, commodius vel diutius victurus sit, tunc procul dubio tollenda sunt. Sed si vulneris ex Scientia Anatomica, & functionibus læsis, talis conditio appareat, ut certa & satis subita mors timeatur meritò, relinquenda sunt, ne mortis vulnus securæ culpa impuretur Medico vel Chirurgo. Desperatos enim non attingere melius est. Si pars vulnerata non possit instrumentis, ad educationem illorum, quæ in vulnere hærent, necessariis attingi sine periculo, relinquenda pariter: ut si v. gr; circa loca admodum tendinosa, nervos majores, cerebrum ipsum, hæc peregrina hæreant, non sine magno discrimine tolli possunt. Sed & quædam corpora tutius relinqui possunt in vulnere, quam alia, prout diversâ constant materiâ. Sic innumera Observata docuerunt,

globos plumbeos, per vulnus ingresses, impune latuisse in corpore per plurimos annos, & miras postea sæpe fecisse vias, per quas tandem exirent. Ex cupro vel ferro si conflati fuissent, rubigine corrupti irritassent longè plùs partes, quibus accumbunt. Simul ratio haberi debet virium vulnerati: si enim pullus debilis, frigus extremorum, pallor cadaverosus doceant, vitale robur admodum jam imminutum esse, prudentia jubet, ut à molesto vulneris scrutinio per instrumenta Chirurgica abstineatur omnino. Mirabilia enim Observata docuerunt, sponte postea prodidisse heterogenea relicta in vulnere, quæ sine summo periculo educi non potuissent antea. Juveni viginti sex annorum bregmatis os dextrum in medio transfigitur sagittæ ferreo cuspidem armatæ; dum vulneratus tentat evellere sagittam, rumpitur lignum prope ferreum cuspidem, qui in vulnere mansit. Satis bene se habuit usque ad septimum diem: tunc incisione factâ inventum fuit os bregmatis circulari foramine perforatum, & apparebat cuspis relictus sagittæ. Bis applicato trepano ingens portio calvariæ excidebatur, & dura mater disceiebatur per totum foraminis facti ambitum, nec tamen poterat educi cuspis sagittæ relictus. In latere opposito vulneri fiebat paralysis, suppuratio ingens nascebatur, fungi cerebri enascebantur frequenter: tercio jam elapso mense specillo tangebatur in ipsâ cerebri substantia cuspis ferreus, Chirurgus tentabat educere, sed convulsiones mox ortæ impediabant, ne pergeret. Circa finem quarti mensis sponte se offerbat in vulnere apertura cuspis ferreus sagittæ, qui tunc tenaculo præhensus educeretur facillè sine ullo damno, & post viginti dies adeo periculofum vulnus cicatrice obductum fuit (a). Plura alia habentur Observata apud Auctores, quæ docent, meliùs relinqui aliquando in vulnere heterogenea, quæ postea solius naturæ beneficio excluduntur.

§. 188. **EX** iisdem (187.) definitur instrumentum, & modus, quibus tolli queant (186).

Primo examinatur, an per vulnus factum instrumenti vulnerantis pars relicta possit educi sine dilaceratione partium, an verò illud priùs dilatari debeat, vel novo vulnere facto in parte v. gr. oppositâ commodiùs possit eximi. Sic tela hamata, in vulnere relicta, non possunt per vulnus factum educi, sine magna dilaceratione partium vicinarum: hinc in tali casu vulnus potiùs dilatandum foret; vel, si fieri posset, profundendo telum per oppositam partem educi deberet, novo facto vulnere. Varie nunc figuræ & magnitudinis tenacula describuntur apud Auctores Chirurgicos, quibus heterogenea in vulnere relicta protrahi possunt. Tamen summâ hic opus prudentiâ, ne simul & semel magno cum impetu hæc educantur: præstat enim prehensum tenaculo telum leniter agitare, ut sciri possit, an alicubi hæreat sic, ut sine magna dilaceratione non possit educi; tunc enim potiùs relinquendum esset. Postquam autem inceptum in bellicis conflictibus pulvere pyrio uti, globi plumbæi, sclopetis emissi, in vulneribus hærentes, non poterant adeo commodè educi tenaculis in Arte Chirurgica usitatis hætenus; hinc novas excogitaverunt machinas, in primis spiralem terebram cavo canali occultatam, ut tunc in vulnere fundum usque posset demitti, donec globo ibi hærenti occurreret; tunc prudenter circumrotando terebram molli plumbo infigunt, donec sic hæreat,

(a) Journal des Sçavans, l'an 1725. Avril, pag. 490. & suiv.

ut globus sequatur terebram, dum extrahitur. De his instrumentis, & modo utendi, videri possunt recentiores Chirurgi.

§. 189. **DEPURATO** sic (186. 187. 188.) vulnere, si ablatum quid fuerit de corpore, id repleti debet, generatâ iterum materiâ simili perditâ. Id fit, si 1. vâcula arteriosa, lymphatica, nervosa, &c, ita se habent, ut sua liquida bona excipiant, transmittant. 2. Si liquidum bonum naturale debitâ copiâ, & apto impetu fertur in illa vasa.

Ablatis jam omnibus heterogeneis de vulnere, considerandum est, an vulnus tale sit, ut simplex tantum facta fuerit divisio partium, antea cohærentium, per instrumentum vulnerans; an verò pars quædam substantiæ corporeæ per causam vulnerantem ablata fuerit. In priori casu sufficit sola unio partium separatarum; in posteriori casu requiritur substantiæ perditæ regeneratio. Partes corporis resectas omnino recrescere non posse ampliùs, licet applicarentur illis partibus, quibus antea cohæserant, vulgò semper creditum fuit: quædam tamen Observata docuerunt, non semper de hoc desperandum esse. Militi mordicibus auferrebat vulnere tota pars cartilaginea apicis nasi, quæ in terram projecta conculcatur ab hoste, qui mordendo abstulerat. Vulneratus tollit nasi sui apicem, projectque in vicinam Chirurgi officinam, tuncque irâ flagrans hostem prosequitur. Redeunti postea, repesto vino priùs immixtus nasi apex adaptatur iterum, tenaci firmatur emplastro sic, ut in loco maneat: sequenti die jam unionis rudimenta apparebant, & quarto die omnimoda unio fuit facta (a). Simile habetur Exemplum, ubi index digiti dextræ manûs sic intra januam, dum clauderetur, vulnerabatur, ut cutis & panniculus adiposus orbiculariter discissa circa ultimum articulum revolverentur unâ cum ungue sic, ut nudum ferè os relinqueretur. Dum tentat reducere Chirurgus separatas has partes, videt integre ab omni cohæensione cum subjæctis liberæ esse: cavam tamen hanc chirothecam adaptat digito iterum, & post triduum perfecta unio facta erat (b).

Similia Observata probant possibilitatem methodi, quâ *Casparus Taliacotius* Medicinæ & Chirurgiæ Professor Bononiensis, truncatas partes corporis, nasum, aures, labia restituebat singulari artificio ex cute brachii incisâ, & adaptatâ truncis locis. Hanc rem satis fusè descripsit in libro, quem inscripsit de *Chirurgia Curiorum per incisionem*. Paræus narrat Exemplum hominis, qui diu argenteum nasi apicem gesserat, tandem pertæsus hujus deformitatis in Italia tali methodo curatus fuit: non sine magna admiratione omnium, qui illum antea noverant (c). Et apud *Hildanum* (d) habetur, quod *Griffonius*, Chirurgus ingeniosissimus, simili methodo, quam tamen debebat *Taliacotio*, nasum abscissum restituerit virgini, sic ut vix appareret factitium esse nasum; uti sæpius se cum admiratione summa vidisse testatur *Hildanus*.

Sed hæc certè minùs obvia sunt: & ubi pars quædam substantiæ in vulnere abla-

(a) Garengot. Operation. de Chirurg. Tom. III. pag. 55.

(b) Ibidem. pag. 57.

(c) Liv. XXIII. Chap. 11. pag. 574.

(d) Centur. III. Observ. XXXI. pag. 214.



ta est, vicina vasa elongata retexunt illud, quod perditum erat, mirabili naturæ humanæ artificio. Ut autem hoc fiat, bina requiruntur.

1. Inevitabili vitæ & sanitatis effectu quotidie de corpore pereunt quædam, quæ per alimenta, in nostram conversa naturam vi vasorum & viscerum, resiliuntur. Est ergo in corpore sano potestas talis, quæ valet reficere ex ingestis tot & talia, quot & qualia perierant de corpore. Sed totum hoc opus absolvitur vitali motu humorum bonorum per vasa liquidis proportionalia & sana. Requiritur ergo, ut in vasis fiat illæ conditiones, quibus possint recipere, deferre, & referre iterum talia liquida, qualia in sanitate per hæc vasa fluebant. Unde si nimia compressione, vel exsiccatione fortioribus, vasa arctantur nimis, vulneris superficies sicca evadet & inflammabitur, nec vasa transmittere poterunt illa fluida, quæ in sanitate per hæc vasa movebantur. Si nimis emollientibus tractetur vulnus; laxata vasa cedent liquidis impulsis, dilatabuntur & admittent alienos humores; & vasa sic ultra naturalem capacitatem expansa cum contentis fluidis constituent carnem fungosam distentam, quæ vulnere curam retardabit semper. Felix ergo restitutio perditum in vulnere, quatenus ad vasa, pender ab eo, ut debita firmitas concilietur vasis, quæ nec nimis resistent, nec nimis facillè cedant liquidis impulsis. Cum autem vasa omnia, superficiem vulneris constituentia, elongari debeant, ut restitatur perditum, paulò major, quam in naturali statu requiritur, proderit emollio & laxitas. Ideo dixit Hippocrates (a) : *Si quidem ulcus occludere & implere opus sit, tumefacere juvat.* Et alibi (b) : *Quum verò carnem generare voles, pinguis & calida magis conferunt.* Et Galenus (c) monet, *ubi carni producenda studemus, maxime cavendum ab adstringente medicamento.* Dum autem quotidie vulneris superficiem lustrat Chirurgus, poterit videre, an major vel minor emollio requiratur ad regenerationem perditum. Si enim vulneris superficies sicca appareat, & profundè rubri coloris, & parum puris generetur, novit statim vasa in vulneris superficie patula nimis resistere liquidis impulsis, nec illa transmittere. Si verò in omni puncto vulneris æquabilis appareat humiditas, & modicus rubor, si æquabiliter incipit fundus vulneris elevari quotidie, & latera extendi in omni ambitu, videt satis, vasa habere requisitam laxitatem, ut liquidis impulsis cedere & elongari possint. Si verò vulnus nimia humiditate diffuat, fundusque ejus & latera subito & inæqualiter attollantur, nimis laxata vasa esse concluditur, unde oppositis remediis opus est. Pulchre hoc distinguit Galenus (d), *De methodo curandorum ulcerum agens; dicit enim: Carnis quidem intemperies si squallens siccaque videatur, eam aqua temperata fovens ac multoties humectans sanabis. Quoties autem eo remedio uteris, esto tibi perfusionis humectationisque scopus, ut, quàm primùm rubescit attolliturque parvis moles, desinas.* Monet tamen paulò post, quòd medicamentorum humectandi facultas plenior esse debeat, quàm in sana carne præceptum est. Si verò humidior, quàm pro naturali habitu, caro fuerit, contraria ratio inenda est.

Hæc sunt illa, quæ observanda sunt in vulnere, quoad vasa, ut fiat regeneratio perditum: sequenti numero dicitur, quid in fluidis requiratur ad eundem finem.

2. Debet hic reficere nova substantia per vulnus deperdita; sed hæc constat

(a) De locis in homine Cap. XIII. Charter. Tom. VII. pag. 371.

(b) De affection. Cap. x. Charter. Tom. VII. pag. 631.

(c) De Methodo Medend. Lib. III. Cap. 1v. Charter. Tom. X. pag. 67.

(d) De Methodo Medend. Lib. IV. Cap. 11. Charter. Tom. X. pag. 82.

fluidis & solidis, sive vasis continentibus, & liquotibus contentis. Debebit ergo adferri ad vulneris locum talis materia, in qua hærent partes requisiæ ad hanc regenerationem perdiri. Sed liquidum bonum naturale, sanitatis legibus per vasa motum, continet in se hæc omnia; inde enim quotidie restituantur in fluidis & firmis partibus illa, quæ sanitatis actionibus de corpore pereunt. Alimenta enim non nutriunt, nisi prius per corporis nostri fabricam mutata fuerint in liquidorum humorum indolem, & deposita naturâ propriâ induerint nostram. Requiritur ergo, ut tantum de sanitate supersit, ut ex ingestis fieri possint boni & naturalis humores. Inde patet ratio, quare in cacochnicis corporibus difficillima, imò sæpe impossibilis, in euchymis autem facilis sit perdiri restitutio. Præterea requiritur, ut bonum illud naturale liquidum idoneâ copiâ adsit, ut omnia æquabiliter possit replere vasa: & inde iterum in vulneratis, qui per validam hæmorrhagiam magnam copiam boni liquidi naturalis amiserunt, curæ patet difficultas; quæ augetur adhuc, quia cruda ingesta inprimis mutantur in nostram naturam à copia humorum bonorum, quibus miscentur, uti demonstratum fuit in *Commentario* ad numerum .x. §. 25. Neque hæc adhuc sufficiunt, sed requiritur, ut debito motû impetu liquida naturalia ferantur per vasa. Langueat enim hoc motu deficit omnis nutritio, vel saltem depravatur; uti in debilibus corporibus apparet. Dum nimia velocitate, humores per vasa feruntur, destruitur corpus, non reficitur; uti in nimio labore exercitatis animalibus patet, & in illis morbis, in quibus nimia circulationis velocitas peccat.

Hoc jam totum est, quod Ars facere potest: nempe ut vasa talia sint, qualia in sanitate fuerunt; & per hæc bona liquida debito ferantur impetu; reliquum sibi soli sufficiens natura perficiet, uti dictum fuit §. 158. n.º. 9.

§. 190. **H**IS enim (189) fiet canalium vulneratorum, retroractio-  
rum, obturatorum, compressorum, ferè exsuccorum, (158), hume-  
ctatio, extensio, elongatio, implicatio cum vicinis, applicatio ad  
alia, quæ ex reticularibus plexibus propinqua; & ope boni liquidi  
conglutinatio,

Demonstratum fuit in *Commentario* ad §. 159, arterias discissas, etiam satis notabiles, sensum contrahi & obturari; hincque, nisi maximæ fuerint, hæmorrhagiam sponte sisti. Patet ergo evidenter, minora vascula discissa ab iisdem causis claudi, & sic impediti humorum effluxum; unde vi vitæ, à tergo urgente in obstructa hæc dissectorum vasculorum oscula, nascitur inflammatio & febricula, per quam majori impetu pulsî humores in fines vasorum constrictos, illos protrudent, elongant, & aperiant, vel fines vasorum exsuccos omnino & mortuos suppuratione benignâ à vivis partibus separant. Sed cutis tenaci vinculo non amplius coercita hæc vascula, à Impetu liquidi per hæc moti extenduntur & elongantur sensim, & apertis jam oculis sua demittunt in vulneris cavum liquida, unde tota puri jam vulneris superficies humida apparet, & minimis quasi papillis sensim magis & magis elevatis hirta, quæ nil aliud sunt nisi pulposæ vasculorum protuberantium extremitates: dūnque hoc fit in omni vulneris ambitu æquabiliter, sibi mutuo occurrunt excrecentium vasculorum oscula, applicantur & coalescunt; sicque renascitur

tur perdita in vulnere substantia. Si, puro jam vulnere, mucosa illa renascentium vasculorum congeries detergitur quotidie à Chirurgo, destruitur illud, quod perditum restituere debebat; unde retardatur cura, & degenerat in ulceris sordidi naturam vulneris superficies. Totum ergo, quod Ars facit, ut in vulnere fiat regeneratio perditæ substantiæ, consilium in eo, ut vasa & liquida per hæc mota habeant illas dotes, quas optima sanitas requirit; & impetus fluidi, per vasa moti, nec nimius sit, nec languet. Reliquum totum natura corporis humani perficit, uti dictum §. 158. n°. 9.

Conglutinatio autem illa videtur fieri per substantiæ appositionem, non verò interpositione succi cujusdam ferruginantis, qui glutinis instar uniret separata vasculorum extrema. Videmus enim vasa, cutis & epidermidis tegumento libera, si contigua fiant, condescere illico. Sic palpebrarum limbi excoriati unicæ noctis spatio concreverunt ita inter se, ut lanceolâ dividi debuerint. Imò digitî, pulveris pyriti ambulatione ablata epidermide, contigui relictî concreverunt inter se quàm firmissimè. Tantus est vasorum extremorum & patulorum nixus, ut cum similibus concrecant, ubi contigua facta fuerunt.

§. 191. **ET**; dum hæc (§. 190) ab omni puncto fundi præcipuè, & laterum, æquâ vi simul fiunt, impletur ab omni parte ad centrum cavitas vulneris materie solidâ & liquidâ amissis simili.

Si jam omnia vasculorum extrema in fundo & lateribus vulneris aperta fuerint æquabiliter, motus humorum per vasa aget æquali vi in omnia; hinc, si in uno loco non fuerit major resistentia quàm in alio, in omni puncto fiet æqualis elongatio vasculorum. Si autem in quodam loco major laxitas fuerit, quàm in vicinia, magis ibi distendentur & elongabuntur vasa; sicque nascetur ibi fungosa excrecentia, quæ vicina vasa comprimendo æquabilem impedit vulneris consolidationem. Dum autem sic ab omni ambitu cavi vulneris protracta vasa sibi invicem occurrunt, & uniuntur, renascitur structura vasorum, quæ perditam corporis substantiam redintegrat. An autem sic renata compages eadem sit omnino, ac ante vulnus fuerat; quæ dixerit? Simillimam saltem esse omnia phenomena docent, & crassissima sanguinea vasa æquè ac tenuissima perspirantia sic renasci, Experimenta docent. Si enim mucosam illam vasorum renascentium in cavo vulnere congeriem linteo rudius tangas, sanguis ruber exit; si leviter tantum attingas, tenuius exit liquidum; si laminam metallicam politissimam, vel speculum apponas, orietur in superficie polita talis corporis macula humida, brevi evanescens sine ullis sordibus relictis; manifestio indicio, parere in hac congerie etiam vasa talia, quæ subtilissimum exhalans fluidum continent & emittunt. Unde probabiliter concluditur, cum & vasa sanguinea, & minima exhalantia adsint, pariter hic inveniri intermedias vasorum decrefcentium series.

Tamen hæc regeneratio deperditæ substantiæ in corpore humano habet suos limites. Digitî enim vel ultimum articulum abscissum nemo renatum vidit unquam. Vasa quidem in superficie vulneris concreta cicatricem faciunt, sed totâ virâ pars truncata manet. Hinc videtur restitui posse perditam corporis substantiam, quando ab omni ambitu vulneris centrum versùs, elongata vasa concurrere & uniri possunt;

ubi autem simplici elongatione vasorum, quæ in truncata parte supersunt, deberent restitui tot partes organicæ abscissæ, deficit natura, bonâ cicatrice partem truncatam firmat. Quod rames hominibus negatum est, illud aliis animalibus concessum esse merito mirantur Philoſophi. Gammaris majoribus, & cancris marinis fractos & separatos integre à reliquo corpore pedes renasci testabantur illi, qui maris litora habitant: ridebant hæc tanquam fabulas & rudis plebeculæ commenta Erudiri: rem tamen verissimam esse detexit perspicacissimus *Réaumur*, cui tam pulchra debemus in animalium Historia.

Absciderat magnus ille Vir Gammaro alterum ex magnis illis forcipibus, quibus prædam suam prehendere & tantâ vi tenere potest; viditque post unum alterumve diem, subrubram membranulam vulnus factum tegere: paucis diebus postea incipit plana hujus membranulæ superficies convexa fieri; deinde medium illius membranæ, quasi centrum elevatur in conicam protuberantiâ; quæ sæpe post decem dies jam tres lineas Geometricas æquat longitudine. Membranulæ elevatæ color ruber in album mutatur, quôque in extremo ejus rubrum erat, secedit. Sub hac membranula tunc latet renascentis partis jam observabile rudimentum. Post quatuor vel quinque septimanas membranula hæc coercens rumpitur, renata pars nuda apparet, sed mollis adhuc, paucis tamen diebus postea osseum tegmen habet, æquè durum, ac habuerat pars abscissa. Nec differt renarum hoc membrum à deperdito, nisi magnitudine solâ, quam tamen sensim acquirere videtur: & renascitur perfectè tantum, quantum abscissum fuerat, uti repetitis Experimentis in hoc animali paruit, dum forcipes, pedes, cornua in hoc animali in varia distantia à trunco corporis abscissa fuerunt (a).

Dum pars sic renata abscondebatur denuo, tamen iterum crescebat nova prioribus ablatis similis: nec hætenus consistit per Experimenta, an hæc vis nova membra producendi in hoc animali exhauriri possit. Sic videmus, in rebus Physicis singulares Observatores docere plurima; generales conclusiones autem, ex paucis Observatis cognitis deductas, fallere sapissime.

§. 192. **E**RGO huc (189) requiritur 1. victus debitus, ut chylus, serum sanguinis, & materia nutritia blanda, glutinosâ, nec facile putrescens sit, sed facilis digestionis, & assimilationis. Decocta farinosa; cruda, fermentata; emulsionis; lac; jura; fructus maturi, cocti; olera lenissima, primaria sunt sæpe; at parcâ copiâ simul, exhibita; repletionem, famem, sitim, cavendo.

Omne, quod regenerabitur de perdita substantia corporis, debet restitui per liquida ad vulnus allata. Sed liquida nostra, quæ per vasa fluunt, sunt vel cruda ex ingestis nondum penitus mutatis in nostram naturam, vel talia, quæ, vi vasorum & viscerum, depositâ alienâ indole, omnes dotes nostrorum liquidorum assumpserunt. Ex ingestis jam alimentis per viscera chylopoietica factus chylus per multas horas unâ cum sanguine per vasa deferretur, uti consistit *Loweri* Experi-

(a) Académ. des Sciences, l'an 1713, Mém. pag. 396, &c.

mentis §. 80, citatis: hinc crudum illud chylosum, unâ cum reliquis humoribus, ad locum vulneratum etiam deferetur; & quidem magis, quàm ad reliquas partes, quia minor resistentia est in loco vulneris: unde observatum fuit in latis vulneribus, totam ferè materiem nutritiam exire, & hinc corpus quotidiano pabulo defraudatum lento marasmo perire. Nisi ergo bono victus regimine caveatur, ut chylus, ex ingessis alimentis natus, blandum habeat indolem, vulnus ab acriori chylo irritabitur quotidie, & difficulter sanabitur. Agitur enim hic de vulneribus alicujus momenti; levia enim vulnera tantam cautelam non requirunt. Sed præterea in vulneris cavum patulis vasorum officinis multùm liquidi effunditur, quod tenuiori parte resorptâ vel dissilatâ in bonum pus convertitur: si ergo chylus cum sanguine huc allatus constet talibus, quæ in putridam degenerationem inclinant nimis ex sua indole, effusi humores stagnatione & morâ in loco calido degenerabunt in putridum ichorosum; non mutabuntur in bonum pus: ergo & talia vitanda sunt. Cùm autem vulneratis quies necessaria sit, motus verò muscularis & corporis exercitia plurimùm conducant ad assimilationem crudi ingessi in naturam nostram, (vide §. 28. n°. 2, & §. 43. n°. 3.) patet, non posse exhiberi cibos, qui difficulter digeruntur; sed requiri tales, qui faciliè digeri & assimilari possunt. Aliter cruda plurima, cocta pauca ad vulnus deferuntur: sed à coctis solis, & in naturam nostram conversis, perditì regeneratio in vulnera potest obtineri.

Recescentur jam hic talia, quæ blandâ indole & facili assimilatione huic scopo iaprimis inserviunt. Avena, hordeum, fagopyrum, oryza, &c., cum aqua vel carniùm jusculis decocta, blandum tale & faciliè subigendum nutrimentum dant, nec interim putrescunt. Ex horum farinis etiam leni fermentatione optima edulia fiunt, sic enim farinosus lentor tollitur. Panis hinc optimè fermentatus, inprimis biscoctus; juscula carniùm non nimis meraca, & omni pinguedine orbata, tam pulchre profunt. Emulsiones ex farinosis feminibus mollissimis cum aqua terendo factæ jam ferè chyli naturam habent. Lac æquali copiâ aquæ dilutum hyemali tempore (æstate verò plûs aquæ misceri poterit) pro potu communi; idem lac cum farinoso leviter coctum pro cibo, blandum victum exhibet. Fructus horæi maturi gratissimò sapore & blando refrigerio multùm profunt: leviter coquantur, ut omnis absit stultentia. Olera omnia mollissima, ut sunt lactuæ, endivia, spinachia, sifari, scorzonæræ, dauci, tragopogeni, pastinacæ radices, jusculis incocta, optima sunt.

Omnia tamen hæc, quantumvis salubria fuerint, poterunt nocere quantitate; si nimia copiâ simul ingerantur. Gravabitur enim inde corpus vulnerati quiescentis, multùm crudi chyli sanguini miscetur, mutabitur vulneris conditio. Si autem sic dividatur nutrimenti assumendi copia, ut in omni bihorio aliquid sumatur, illud facillimè assimilabitur; & humores, qui vulnus altunt, habebunt semper ferè eandem proprietates. Dum autem bis de die tantùm majorem copiam alimenti sumunt, crudo chylo copioso onustus sanguis ad vulnus deferretur uno tempore; altero verò sanguis, chylo jam subacto, aliam habebit indolem, unde alteriâ hâc vicissitudine turbabitur vulneris conditio. Sed fames æquè vitanda ac nimia impletio; designat enim novo tunc pabulo corpus indigere: & omnes humores, nisi novo blando chylo demulceantur, fient acriores & subputridi. Diurnam enim inediam passorum urina acris putridula, halitus cadaverosus, hanc degenerationem hu-

morum docent. Sed inprimis debet caveri, ne sitiant vulnerati : sitis enim designat siccitatem corporis, vel immeabilitatem liquorum, vel acre liquidis mistum : sed omnia hæc vulneri summopere noxia, cum ad restitutionem perditæ æquabilis humiditatis vulneris in omni puncto, liquidorum facilis meabilitas & blanda insoles, requirantur omnino. Hinc victus humidus, & blandi liquidi copiosior usus requiruntur : sic enim humefcabitur totum corpus in omnibus partibus, liquidis dilutio major conciliabitur, & facilis meabilitas, acre nocturnum copioso liquido dilutum enervabitur, & per sudoris vel urinae vias exibat de corpore.

§. 193. **C**OGNITA temperies ægri, tempestatis ratio, consuetudo, & natura comitantis morbi, docet quale, & quo modo præparatum ex his (192) cuilibet profuit.

Omnia autem hæc, quæ de victus regimine dicta sunt ; variant pro diversa constitutione vulnerati, unde nulla potest dari generalis regula. Et dum belli tempore in Nosocomiis ingens vulneratorum numerus decumbit, & omnibus idem ferè datur victus, plurimi pereunt, qui aliter servari petuissent. Totum enim, quod hæc requiritur, est, ut sanitas superstes in vulnerato servetur, vel restituatur, si deficiat. Sed sanitas unicuique homini privata sua est, unde diversissima in solidis & fluidis partibus corpora quamvis fuerint, tamen singula sana esse poterunt, hæc vocatur sanitas temperiei, ad quam ergo quàm maximè attendendum est. Calidam enim & frigidam, humidam & siccam, biliosam, sanguineam, phlegmaticam, atrabiliariam temperiem, propriis signis distinguunt Medici ; & varium diætæ regimen, imò sæpe oppositum diversæ temperiei hominibus convenire notant, ut singulis illibata conservetur sanitas. Sic v. gr. ubi aquosum frigidum vulnerati temperamentum cognoscitur, tenues diluentes potus vitantur ; roborantia & excitantia exhibentur. Si verò humores densi & compacti, solidæ partes strictæ & firmæ fuerint, calidum & siccum temperamentum adesse dicitur ; tuncque profunt illa, quæ in priori casu nocuissent. Idem in reliquis verum est. *Carnosus, mollioribus, rubris confert sanè, majorem anni partem sicciorè victus ratione uti, namque eorum natura est. Duros verò, graciles, fulvos & nigros, humidiorè victu, diuturniori tempore oportet, nam hujusmodi corpora sicca sunt (a).*

Sed varia anni tempestas in eodem homine etiam diversum vitæ genus requirit. Æstivis enim caloribus celerrimæ degenerationes humorum sunt, hyemali frigore tardissimæ : carnes enim animalium hyemali frigore per septimanas servantur non corruptæ ; quæ æstivis caloribus intra paucos dies in putridum defluxissent tabum. Hinc sapientes veteres Medici tam sollicitè distinxerunt varium vivendi genus pro varia tempestate anni : hyeme cibum copiosum, meracum potum, sed parcum, olera paucissima, & illa tantùm, quæ calefacerent & siccarent, obsonia, assata omnia commendabant : æstate verò potum dilutum & copiosum, obsonia elixa, olera mollia copiosa laudabant. Verno autem tempore sensim jubebant augeri potum, sed magis dilutum ; assis substituebant elixa, ciborum minuebant quantitatem, sensim subducendo, ne subitò magna fieret in corpore mutatio : sic pergebant ad diætam æstivam. Deinde iterum in autumno cibos augebant, potus minuebant, sed meraciores dabant, donec ad hyemalem diætam gradatim sic per-

(a) Hippocr. de salubri victus ratione. Text. V. & VI. Charter. Tom. VI. pag. 223, 224.

ventum foret (a). Cum autem bellici conflictus sæpius æstivâ tempestate fiant, & miseris vulneratis tunc jura carnum sola dentur ferè, sæpe adeo languent, & acidos porus, maturósque fructus avidissimè expetunt; à quibus tamen aliquando prohibentur.

Atque iterum variæ ætatis ratione diversum indicatur diætæ regimen, ut faciliè patet.

CONSUETUDO, quæ altera natura meritò dici solet, etiam hîc considerari meretur. Durus arator, qui atro pane durissimo, & sale vel fumo conditis carnibus vivere consuevit, ut firmo corpore validos labores quotidie sustinere possit, si vulneratus decumberet, & solis carnum jusculis uti cogeretur, deficeret brevi; hinc tali homini solidiores cibi concedi possent, imò deberent. *Consuetudo longo tempore, etiamsi deteriora fuerint, insuetis molesta minùs esse solent*; sic monet Hippocrates (b): idem autem in libro de victu acutorum latius deduxit, monens, quòd homines cibos, quibus assueverunt, faciliè ferant, etiamsi naturâ non fuerint boni: & centrà quòd molestè ferant cibos, quibus non assueti sunt, quamvis mali non sint: idcirco de potu affirmat (c). Unde patet, prudentiam Medicam dictare, ut consuetudini aliquid concedatur, quamvis cæteroquin Artis regulis repugnet.

ET NATURA COMITANTIS MORBI. Hactenus dictum fuit de his omnibus, quatenus in homine sano vulnerato dirigi debent: sed si notabilis cacochymia aduerit ante vulnus inflictum, vel alius morbus vulnus comitetur, tunc omnis victus ratio sic dirigi debet, ut quàm maximè contraria sit illi humorum degenerationi, quæ à morbo vel cacochymia vulnus comitantibus metuenda est. Si v. gr; putrida scorbutica cacochymia adsit, vel per validam febrem omnia in putredinem vergant, solis ferè lacticiis, avenâ, oryzâ, & fructibus horæis aculentibus utimur: à carnibus, illarumque jusculis, ovis, &c, abstinemus: si iners mucosa colluvies totum corpus obfuderit, carnibus, assis, vino, aromatibus, &c; languentes excitamus vires.

Ex his omnibus accuratè cognitis, & invicem comparatis, concluditur, qualia exhibenda sint in cibo & potu, & quibus præparationibus indigean alimenta. Ingens enim diversitas ejusdem etiam cibi à variâ ejus præparatione nascitur. Caro vitulina recens cocta jusculum præbet, quod adhuc exhiberi potest, licet aliquis putridæ degenerationis in humoribus metus esset; in primis si pauculo succo citri addito exhibeatur: eadem autem caro, per aliquot dies in aere aperto relicta, si coquatur, dabit jusculum longè citiùs putrescens. Assa autem eadem caro vitulina magis adhuc in putredinem prona est, ignis vi acrioribus redditis salibus & oleis hujus carnis. Frigidis pituitosis hominibus farinosa cruda nocent, eadem fermentata tamen concedi possent. Idem de plurimis aliis præparationibus alimentorum verum est.

§. 194. **A**CRE, impetum nimis augens, vitandum. Salsum, aromaticum, acidum, olus acre, vinum, ergo vulnere mala.

Cum blanda sit adeo humorum nostrorum indoles in sanitate, ut sanguis ipse, & omnes inde secreti liquores, (si bilem & urinam exceperis, quæ tamen moræ & stagnationi in primis natam acrimoniam debent) oculo instillati nullum dolorem

(a) Ibidem, pag. 221. 222. & de victus ratione  
sanorum Lib. III. Cap. II. Charter. Tom. VI.

(b) Aphor. 50. Sect. II. Charter. T. IX. Part. II. p. 87.

(c) Text. 33. Com. 2. Charter, T. XI. p. 59.

fiant; & ex his ad vulnus allatis regenerari debeant perditæ, videtur quàm maximè profuturum, si tantùm ingerantur talia, quæ nihil acris, nihil stimulantis, in se continent, nec faciliè in acrem indolem mutari possunt. Nocent enim acrida, quatenus ad vulnus delata cruda hæc loca irritant; uti etiam, quia stimuli actione majorem humorum motum excitant, sicque impetum vitalis liquidi in tenerrima vascula, in vulnere renascentia, augent; unde hæc sæpe in fungosam carnem degenerant; vel per motum auctum inflammatione genitâ inperspirabilis fit vulneris superficies obstruictis vasculis; unde iterum cura retardabitur: totum enim illud iterum debet suppuratione factâ separari.

Omnia ergo stimulantia, quocumque demum titulo commendantur, ex sua indole nocebunt vulneri: corpus enim vulnerati sanum supponitur. Si enim v. gr; putrida cacochymia simul adellet, acida ingesta prodesse, non verò nocerent. Neque hoc tamen intelligi debet, ac si paucula salis grana vel guttulæ aliquot succi citri jusculis carnum addita nocitura crederentur: tam levi enim copiâ hæc addita nimis facilem horum degenerationem in putridum poterunt præcavere; nequiquam tamen simul finge viceri poterunt. Nisi enim jusculis tale quid addatur, abhorrebunt brevi ab his vulnerati.

Vini pariter usus ob easdem causas reprobatur; nisi languentes nimis vires, vel confectudo aliud jubeant. Multi enim homines quotidie vino vel aliis spirituosius uti consueverunt; illo, si abstinere cogantur, languent illico, & turbantur omnes functiones corporis: unde in simili casu moderatâ copiâ dari debet vinum, vel purum, vel dilutum, prout virium languor vel consuetudo requirunt.

§. 195. **I**TEM quæ faciliè putrescunt. Jura nimis spissa, herbæ alcaescentes, ergo obsunt; raphani, nasturtia, brassica, & similia.

Non solum attendendum est ad illam indolem, quam habent alimenta, dum ingeruntur; sed etiam respiciendum est ad illas mutationes, quæ ipsis calore corporis & morâ contingere possunt. Ut enim antè dictum est, humores nutritii, ex ingellis alimentis nati, ad vulnus deferentur, & pro parte patulis vasis effundentur in vulneris cavum. Si ergo ingesta ex sua natura in putredinem admodum prona fuerint, metus est ne humores ad vulnus delati non in bonum pus abeant, sed in putridum ichorosum degenerent. Cum ergo pisces, & inprimis marini, citissimè putrescant, neque ferri possint, nisi multo sale condiantur, ideo prohibentur. Juscula carnum spissiora, gelatinæ ex cornu cervi vel eboris rasura paratæ, æstivo tempore sæpe intra viginti quatuor horas in putridum liquamen dissolvunt. Accedit, quodd spissiora hæc juscula ventriculū gravant, nec faciliè digeruntur. In quibusdam plantis, ut dictum fuit §. 76, reperitur talis indoles, ut sponte corruptæ non acescant, ut plurimæ aliæ, sed resolvantur in foetidum, volatile, pingue alcali; imò in quibusdam adest, sine ulla corruptela prægressa, acer, alcalinus volatilis, sal, ut in raphanis, sinapi, nasturtiis, &c: omnia hæc nocent vulneri, quia in putredinem nimis vergunt, & acri stimulo irritant. Magis autem metuitur ab his, quæ in putredinem prona sunt, quia omnes humores nostri ex sua natura in putridam degenerationem tendunt: illa verò vegetabilia, quæ ex sua natura in acidum vergunt, spontaneæ degenerationi nostrorum humorum resistunt; cum priora cum hac



conspirent. In *Materia Medica* §. 76, catalogus herbarum alcalescentium habetur, quæ hæc nocerent.

§. 196. **T**UM quæ difficulter in chylum, & sanguinem mutantur. Qualia sunt quæ sale, fumo, aere induruerunt; vel quæ pingui multo scatent, ut lardum, pisces pingues, item anseres, anates, similes aves piscibus pastæ, &c; denique viscida, ut legumina crassa, farinosa cruda, ova.

Qui valido labore corpus quotidie exercent, durissimos cibos avidè comedunt, illisque optimè digerunt; levioribus cibis minimè delectantur; nec possent requisitum ad labores corporis robur his sustinere; sed quibus otiosa defluit vita, à durioribus assumptis pessimè se habent: unde pro generali axiomate in dirigenda sanotum diaeta haberi potest, quòd talis debeat esse cibus, qualis est labor. Duri enim cibi, nonnisi difficulter mutabiles in bonum chylum, pondus & inertiam addunt corpori quiescenti: cùm autem vulneratis quies sit necessaria, non poterit fieri talium bona digestio & debita assimilatio, quæ ad regenerationem periti in vulnere omnino requiritur. Semper tamen hæc aliquid concedendum consuetudini, uti monitum fuit §. 193; qui enim totà vitâ his assueti fuerunt, non sine molestia possunt vivere solis mollioribus cibis.

Carnes autem animalium, & pisces sale vel fumo indurata, vel siccata in aere, longè difficiliùs rediguntur in chylum bonum & sanguinem; quàm si recentia fuerint. Sed inprimis hæc nocent pingua, quæ difficillimè semper digestionis sunt, & diu retenta in corpore rancidam acrimoniam pessimam induunt. Si debilis homo lardum majori copiâ in prandio comederit, vespertino tempore sæpe eructabit pingue oleum, quod fauces adurit, & in ignem projectum vividam flammam alit. Tam diu in ventriculo retinetur hoc pingue indigestum, nec tamen, fluidum quamvis fuerit, pyloro elabitur. Idem verum est de piscibus pinguibus, ut anguillâ, sulmone, &c; & inprimis si hepata piscium comedantur, in quibus oleum tantâ copiâ hæret, ut inde purum exprimi possit; & quamvis sapor adeo placeat blandum hoc oleum, citissimè tamen in rancidum pessimum convertitur. Unde periti Chirurgi, si vulnerati talia comederint, illico vulneris conditionem in pejus mutatam obervant. Oleosa enim hæc ad vulnus delata minima vascula obstruunt, & morâ & calore acriora reddita inflammationem difficulter resolubilem efficiunt. Cùm autem in piscibus plurimis oleosum illud magnâ copiâ adsit, quo transsudante, externa superficies corporis defenditur; ne ab aqua, in qua vivunt, macerati dissolvant, hinc aves, piscibus pastæ, difficilis sunt digestionis. Licet enim assumpta alimenta mutentur in naturam assumentis per naturales functiones, tamen sæpe aliquid adhuc de priori indole manet: unde adeo diversus sapor in carnibus animalium, prout diverso utuntur pabulo. Anates, anseres & similes aves si solis vivant piscibus, carnes harum avium piscium nidorem ingratum spirant. Lepores, qui cicurati brassicæ foliis vixerunt, mensis adhibiti abominabilem foetorem spirant. Unde etiam à similibus abstinere jubentur vulnerati.

Præterea omnia leguminosa crassiora & farinosa cruda chylum lentorem generant; qui lentor, si validis exercitiis agitetur corpus, superari potest, sed in quies-

centibus hominibus plurima mala producit: quæ in capitulo de morbis à glutinoso spontaneo productis §. 71. 72. 73., recensentur.

Ova denique, licet meritis laudentur tanquam nutrimentum, debilibus corporibus restaurandis idoneum, (vide §. 28. n°. 1.) si nempe recentia diluantur in iusculis, & inprimis illorum albumen; in putredinem quàm maximè prona cum sint, hinc parcius usurpanda; si verò coctione induruerint, tunc satis difficilis digestionis esse observantur.

§. 197. **A**D eundem scopum (189) conducunt medicamenta, quæ tollunt impedimenta nata consolidationi (190. 191.), & plerumque decocti formâ exhibentur. Illa ergo erunt varia pro varietate ejus impedimenti, quod tollendum erit: nec ullum utile omnibus habetur.

Hactenus dictum fuit de illis, quæ observanda sunt in diætæ regimine vulneratorum, ut liquida sana per bona vasa delata ad vulnus faciant recrefcere perditam substantiam. Sed supponebantur vulnerati cæteroquin rectè valere: si verò in vulnerati corpore, vel & in vulnere ipso adsit conditio corporea, quæ impedit, ne partes perditæ recrefcant, hæc tollenda est. Inquiri ergo debet, quodnam sit illud impedimentum, an in liquidis, vel solidis, vel in utrisque simul hæreat; an in vulnere ipso lateat, an in illis, quæ ad vulnus circulationis efficaciam adferuntur; an nimio, vel nimis parvo impetu ad vulnus delati humores turbent vel impediant perditæ regenerationem? Cum ergo tam varia possit esse talis impedimenti natura, in d. sæpe ab oppositis causis impediatur vulnerum consolidatio; patet evidenter, nullum hic esse posse universale remedium, & inanem esse jactantiam illorum, qui hæc promittunt. Dum ab acido pus in vulnere nasci malè credidit *Helmontius*, voluit, ut omnis potio vulneraria occultum alkali, & quidem volatile, in se contineret (a). Alii alia jactant: hinc tot diversæ & tantis encomiis celebratæ doctoꝝ vulnerariorum formulæ. Sed dum bona liquida per vasa debito motu ad vulnus feruntur, fiet illud, quod requiritur. Unde *Ars Medica* tantum cognitur impedimentum idoneis remediis tollere vel emendare poterit, præterea nihil: reliquum totum à natura fiet. Illa autem remedia vulneraria plerumque decocti formâ solebant præparari, quia hæc ratione medicamentorum virtus, aquâ diluta, commodè sanguini misceri, & æqualiter per totum corpus distribui poterat. Quàm variam autem hæc decocta materiam requirant, docebit sequens paragraphus.

§. 198. **H**INC pro re nata sumuntur ex attenuantibus, inspissantibus, mitigantibus, excitantibus, virtute singulari contrarium vitium emendantibus, aperientibus, laxantibus, adstringentibus, adeoque sæpe ex oppositis.

**ATTENUANTIBUS.** Si per signa observata confliterit, impedimentum curationis vulneris pendere à nimia spissitudine humorum, quâ tollitur facilis eorum

(a) *Helmont*, ortus Medicinæ, in Capit. *Blas Humanum*, n°. 53. pag. 153.

per vasa meabilitas; patet, vulneraria remedia in hoc casu esse omnia illa, quæ humores sic dividunt & attenuant, ut sine molestia transire possint per illa vasa, per quæ sanitatis legibus fluere debent. Sed §. 115. 116. 117, demonstratum fuit, à variis causis hanc fluidorum immeabilitatem produci posse; unde etiam §. 134. 135. 136, varia tradita sunt remedia, quibus hæc cause tolli & emendari poterant. Unde iterum nascitur ingens varietas medicamentorum vulnerariorum, quatenus attenuando agunt. Longè enim alia requiruntur, ut humorum spissitudo inflammatoria attenuetur, quàm si atrabilia tenacitas, vel frigidus glutinosus lentor humorum immeabilitatem fecerint.

**INSPISSANTIBUS.** Si nempe liquidorum nimia peccet tenuitas, vel aquosus adfit languor: hæc autem humorum tenuitas vel habet simul comitem acrimoniam, ut in scorbutico sæpe fit, ubi tenuis acer sanguis undique vasibus elabitur, & echymoses illas scorbuticas facit, tuncque mollissima glutinosa inviscantia requiruntur: vel à minùs valida actione debiliùm vasorum in fluida contenta non satis compacti humores nimia tenuitate peccant: tunc omnia illa, quæ vim vasorum in liquida contenta augent, sunt inspissantia vulneraria remedia: de quibus dictum in cura fibræ debilis & laxæ §. 28. Hinc iterum apparet, sub eodem hoc titulo opposita laudari remedia, quæ enim in priori casu proderant, in altero nocerent omnino.

**MIIGANTIBUS.** Quæ talia sunt, ut mollibus suis, & inprimis oleosis partibus, sic involvant & obtundant omnia acria, ut illa inertia reddant. Unde non sunt talia, quæ singulari vi acrimoniam cuidam opposita sunt, sed molli visciditate quodcumque acre obvolvunt & mitigant. Talia sunt inprimis omnia illa, quæ emollientia vocantur in Officinis, quæ omnem in fluidis acrimoniam leniunt, & solidas partes corporis emolliunt & lubricant.

**EXCITANTIBUS.** Quando nempe vis vitæ languet, frigus, inertia, pallor, & mucosa humorum indoles prædominantur, sine signis acrimoniam cuiusdam comitantis; tunc omnia illa, quæ grato stimulo aromatico languentem motum augent, adeo profunt, qualia sunt aromata, vinum, &c.

**VIRTUTE SINGULARI CONTRARIUM VITIUM EMENDANTIBUS.** Vitium hoc ergo primò detegendum est; antequam oppositum remedium, singulari virtute hoc emendans, cognosci possit & applicari: illud autem hærebit vel in solidis vel in fluidis, vel in utrique simul. In solidis major vel minor cohesio peccare potest: de remediis ad hæc vitia dictum fuit in capitulis de morbis fibræ nimis debilis vel rigidæ; ubi autem de humorum vitiis spontaneis agebatur, indicata fuerunt illa remedia, quæ singulari virtute corrigebant liquidorum degeneraciones.

**APERIENTIBUS.** Sic vocantur illa, quæ liberrimam circulationem, per omnia vasa faciunt, ad quam requiritur fluidorum meabilitas, & vasorum debita apertura: quæ ergo iterum varia sunt, prout in solidorum vel fluidorum agunt vitia, quæ liberum humorum per vasa transitum tollunt.

**LAXANTIBUS, ADSTRINGENTIBUS.** Prout nempe nimia debilitas, vel nimium robur in partibus solidis peccat. De his omnibus autem antea dictum fuit.

Ex his ergo patet, nullum posse haberi remedium generale, quod omnibus his impediendis tollendis sufficere possit; sed singulis casibus singularia convenire remedia. In *Materia Medica* jam habentur formulæ singulis vitiis tollendis idoneæ.

§. 199. **Q**UORUM quid eligendum, docet cognita natura vitii in ægro, & tituli horum medicamentorum (197. 198).

Cognitis ergo vulnerati ætate, sexu, temperie, vitæ genere, morbis prægressis, vel nunc valnus comitantibus, habetur indicatio, quæ determinat, quid agendum sit & per quæ remedia. In Exemplo res patebit evidenter. Si homo strictæ temperiei in solidis, & atrabiliariâ tenacitate sanguinis præditus, vulneratus fuerit, vulnus siccum erit, nec bonum pus fundet: si jam æstivus adsit calor, sinit validè, caleat, urinam parcam, rubram, olidam reddat; decocta avenæ, borraginis, buglossi & similibus mollissimorum demulcentium cum fero lactis, vel aquâ purâ facta, additis syrupo florum violarum, succo citri, rob sambuci, &c, si magnâ copiâ potentur, & panni similibus emollientibus decoctis madidi applicentur parti vulneratæ, brevî mutabitur vulneris conditio: siccitas nimia emendabitur, diluti humores per vasa laxata liberè movebuntur, & obtrinebitur felix vulneris curatio. Sed si jam alius vulneratus decumbat hyemali tempore, qui pallidus & frigidus laxitate solidorum & mucosâ frigidâ humorum inertia totus tumet, & otiosam egit vitam; vulnus pallidum, frigidum & leviter tumidum apparebit, & manebit ferè in eodem statu. Si tali hominî darentur eadem ac in priori casu, pejor multò redderetur & vulneris & totius corporis conditio: si verò huic detur radicum caryophyllatæ, imperatoricæ, heleniæ, angelicæ, contraiervæ, serpentariæ virginianæ, &c, infusum vel leve decoctum, additâ aliquâ etiam vini copiâ, paucis postea horis incipiet plûs calere toto corpore & sudare; vulneris color pallidus murabitur in magis rubicundum, nova vita quasi redibit in flaccidis his partibus, regenerabitur perditum & consolidabitur vulnus. Si jam ingens febris, magnûsque calor vulnerato adsint, missio sanguinis, decocta tamarindorum, trifolii acetosi, &c, proderunt. Ubi autem non adeo evidenter cognoscitur latens impedimentum, interimque vires vitæ sunt satis validæ, ut ingestam horum decoctorum copiam movere possint, decocta radicum chinæ, sarzaparillæ, scorzonæ, sisari germanorum, &c, dantur; hæc enim remedia diluunt, attenuant, solvunt sine impetu, vasa laxant, & aperiunt; sicque æquilibrissimam circulationem reddunt; urinæ & sudoris viis multa eliminant de corpore, quæ retenta nocere possent. Hoc tunc totum est, quod fieri poterit.

§. 200. **A**ERIS puri semper, ab exhalante putri liberi, sæpe renovati, temperies sicca cum calore temperato optima.

Dum in nosocomiis in eodem loco plurimî vulnerati decumbunt, putridis exhalationibus repletur aer; unde ferè omnes pessimè se habent, & plures moriuntur, qui aliter servari possent. Quapropter hæc loca apertis fenestris persari sæpius debent, ut renovetur aer, & dissipentur putrida illa in aere hærentia. Solent ad hanc rem & suffumigia laudari; sed aeris renovatio plûs reficit decumbentes. Omnium autem maxime nocet capitis vulneribus aer non renovatus sæpe; uti Observata docuerunt. Temperies autem aeris requiritur talis, ut blando tepore verno quasi refocillet; frigidus enim aer vulneribus semper nocet, partes enim, per vulnus involucris tegentibus nudæ, illico frigus sentiunt non consuetum, & ab illo malè afficiuntur. Hinc

dixit Hippocrates (a) : *Ulceribus frigidum mordax, cutem obdurat, dolorem insupportabilem facit, nigrores, rigores febriles, convulsiones & tetanos creat.* Sed simul cum calore requiritur aeris siccitas; aer enim calidus & humidus quàm maxime in putredinem pronus est: tali enim tempestate carnes mactatorum animalium brevi tempore corrumpuntur, & in putridum tabum dissolunt. Possumus jam per Artem, aerem, in quo versantur vulnerati, pro lubitu temperare: largo enim accenso foco, inprimis ex lignis aromaticis, aeris frigus minuitur, & corrigitur nimia ejusdem humiditas. Si nimis calida & sicca fuerit tempestas, pavimento sepius de die aqua frigida resperso, vel florentibus sambuci arboris, tiliae, vel salicis ramis aquae immerfis, gratum possumus facere aeris refrigerium. Thermoscopia autem & hygroscoopia demonstrabant aeris requisitam temperiem.

§. 201. **ALVUS** servetur laxa usu emollientium, laxantium; *ἔκχρησις τῆς αἵματός.*

Non agitur hic de illis, quae validâ vi alvum ducunt; illud enim hic non requiritur. Sed tantum hoc obtineri debet, ut vulnerati sine valido nixu & molimine alvum exonerent. Videmus enim homines, qui magna cum difficultate duras faeces alvum exprimunt, retento per validum nixum aere in pulmone, faciem habere tensam & rubram, imò saepe lividam: unde saepe haemorrhagia in vulnere recrudescere possit, & iterum dilacerari illa, quae recrescere inceperant; inprimis si vicinis ano locis vulnus inflictum fuerit. Unde prudenter illis, quibus ob calculi educationem, vel ani fistulam, vicinis ano locis vulnus infligitur, aliquot diebus ante operationem perficiendam leni purgante & clysmatibus crassa intestina evacuantur sic, ut nullae faeces remaneant; deinde per aliquod tempus solum carnis jusculum illis datur, quod vitam sustinere poterit, in interim vix faeces intestinis relinquit: unde peractâ operatione, diu sine alvi evacuatione commodè vivere possunt. Hinc monuit Hippocrates (b) quod vulnere sauciato alvus rescicata malum.

Alvus autem sine magno molimine exoneratur, si faeces molles fuerint, & fistula intestinalis lubrica faciliè dilabi patiatur descendentes faeces. Hinc strictis illis & macilentis corporibus adeo dura saepe alvus est: in illis enim validâ vi intestinorum omne solubile ex facibus emulgetur; unde siccissimae, compactae & durae evadunt, & simul molli smegmate non satis obducta intestina difficilem faciunt facibus transitum. Juscula hinc pingua, mollissima olera, emollientia decocta, blanda olea pressa, emolliendo faeces, & lubricando vias huic scopo satisfaciunt. Similia clysmatis formâ injecta eundem faciunt effectum: & inprimis profunt, si jam durae faeces in ultimis intestinis haerent; tunc enim illico juvant, cum reliqua assumpta longiori tempore indigeant, antequam ad haec loca deferri possint: & saepe metuetur, ne, subito tensio deponendi alvum orto, cogatur vulneratus valido nixu duras faeces exprimere.

Postquam haec emollientia & lubricantia exhibita fuerint, vel & saepe unâ cum illis, dantur talia, quae levi stimulo fecum alvarum excretionem promovent, nec interrim corpus turbant, vel liquidas excretionem faciunt: observatum enim est post purgantia data alvum semper adstringi. Illa autem medicamenta, quae hoc per-

(a) Aphorism. 20. Sect. V. Charter. Tom. IX. Part. II. pag. 205.

(b) Lib. I. de Morbis, Cap. IV. Charter. Tom. VII. pag. 535.

ficiunt vocantur eccoprotica, quia solas fæces crassas intestinis contentas expellunt: horum catalogus habetur in *Materia Medica* ad hunc numerum. An autem talia remedia habeantur strictâ hujus vocabuli significatione solum stercus educentia, dubium videtur: omnia enim illa, majori dosi data, liquida per alvum ducunt. Sic enim recentes hororum fructuum succi, & multa inde facta, manna, cassia, mel, tamarindi, &c, majori copiâ, vel repetito usu, non tantum educunt per alvum illa, quæ intestinorum cavo hærebant, sed efficacissimâ vi fundunt humores, fusisque per alvum evacuant. Illa autem propriè purgantia vocantur. Antiqui Medici jam hæc probè distinxerant. *Asclepiades* enim erat in illa opinione, purgantia corpus colligare (*συντρίβει τὸ σῆμα*) deinde liquata educere, quæ antea non præexsiterant (a). Et *Theſalus*, uti ex propriis ejus verbis à *Galen*o citatis (b) patet, concludit, à purgante medicamento materiam in corruptionem permutari: deinde excerni vel sursum per vomitum, vel deorsum per alvum: illudque probat exemplo athletæ bono habitu præditi, & qui secundum naturam se habebat, cui datum purgans admodum corrupta eduxerat, quæ procul dubio in sano & robusto hoc homine non præexsiterant: *Galenus*, qui credebatur purgantia attrahere illa, quæ talia præexsiterant in corpore, acerrimè quidem in hanc sententiam invehitur, nec tamen videntur ejus argumenta sufficere, ut hoc improbent. Certè scammonium, etiam sanissimo homini datum, fundit sanguinem in putridam aquam, quæ alvo educitur; potestque totum corpus emaciari penitus repetito ejus usu, sic ut pallor, collapsa vasa, & debilitatæ vires fati doceant, non educta fuisse corrupta, quæ præexsiterant, sed virulentâ vi pharmaci corruptos fuisse & eductos de corpore bonos humores.

Cùm ergo omnia illa, quæ eccoprotica dicuntur, majori copiâ datâ purgandi vim habent, & plurima purgantia, minutâ dosi datâ, leni stimulo sic irriterent, ut contentæ tantum intestinis fæces expellantur; patet hunc effectum obtineri posse, si minori dosi dentur, ut corpus non multum turbent, nec humoribus magnam mutationem inducant, interim tamen alvum laxam servant, quod in hoc casu tantum requiritur.

Solicite etiam solius stercoris eductionem à purgatione distinxit *Hippocrates* (c), postquam enim de sputis egit, dicit: Quicumque verò dolores ex his locis neque per sputorum expurgationes, neque per alvi dejectionem, (*μὴτε πρὸς τὴν τῆς κοιλίας ἀκρότητα*) neque per venasectionem, & viâs rationes, & purgationes, (*ὁ φαρμακείας*) sedantur, suppurationem concitatuos esse, sciendum est.

§. 202. **SOMNUS** conciliandus anodynus, victu humido, narcoticis.

Subtilissimi liquidi defectum, spirituum nempe, natura reparat unico tantum modo, per motum nempe vitalem solum, silente omni animali motu, id est, per somnum tranquillum. Dum validis laboribus lassatus, vel meditationibus exhaustus homo, optimos cibos sumit, nisi simul blando somno corpus refecerit, torpere mentem, gravari corpus sentiet. Sed post bonum somnum quanta sentitur in corpore agilitas, quam pacata redit menti serenitas, quam facilem sentiunt mentis perspicaciam, qui bono somno refecti matutinis horis meditationibus indulgent! Hinc licet ex ci-

(a) Galen. de natural. facult. Lib. I. Cap. VIII. Charter. Tom. IX. Part. II. pag. 391.  
 x 311. Charter. Tom. V. pag. 211.

(b) Galen. adversus Julianum libell. Cap. VII. pag. 646.

(c) In Prognostico n.º 52. Charter. Tom.

bo & potu ingerantur talia, quæ restituere poterunt illa, quæ vitæ & sanitatis inevitabili lege quotidie pereunt de corpore, somni tamen tempore illa inprimis perficiuntur, ut apta evadant succedere in locum perditorum. Respiratio enim fortior, cordis & arteriarum actio validior & magis æquabilis, somni tempore humores omnes sic perficit, ut optima inde possit fieri refectio perditæ, dum cause mutantes, applicantes & consolidantes, tanta cum libertate agunt. An hoc voluit indicare Hippocrates (a) dicens, *Anima enim vigilat, & quum quidem corpori subministrat, in multas partes divisa, haud ipsa sibi vacat, sed singulis corporis partibus partem quamdam distribuit, sensibus nimirum, auditui, visui, tactui, ambulationi, actioni, omni denique corporis cogitationi, ipsa verò mens sui officii non est. Quum verò corpus quiescit, anima movetur; & in corporis partes subrepens, domum suam gubernat, omnemque corporis actiones ipsa obit.* Patet ergo, quàm noxiæ sint vigilæ protractæ vulneratis; quàm necessarius sit somnus ad regenerationem perditæ, & consolidationem vulneris! Si ergo somnus deficit, ille conciliandus est, quod fit Anodynus, quæ dolorem tollunt: vigilæ enim, in vulneratis inprimis, à dolore molesto fiunt: quamvis & mordaces curæ & validi animi affectus vigilas inducere possint. Illa autem quæ dolorem tollunt, triplici modo possunt hoc efficere vel enim agunt tollendo causam illam corpoream, quæ talem mutationem facit in corpore, ut inde in mente nascatur molesta illa perceptio, quæ dolor vocatur: vel partem corporis, cui causa dolorem faciens applicatur, sic disponunt, ut non, vel minùs validè afficiatur ab eadem causa: vel denique non ablata causâ doloris, & manente eadem conditione partis affectæ, tollitur doloris sensus V. gr; dum pars inflammata dolet, causa doloris est sanguis inflammatoriâ densitate imbecillibilis, hærens in vasis, cum impetu vitalis liquidum magnâ vi urgente in vasa obstructa: omne ergo illud, quod poterit sanguinem impactum reddere sic meabilem, ut fluat libere per vasa antea obstructa, tollet dolorem, sublata ejus causâ. Sed si mollissimis applicatis cataplasmatibus vel fomentis sic laxentur partes solidæ, ut faciliè cedere possint distendentibus causis sine rupturæ periculo, licet maneat eadem densitas inflammatoria sanguinis, & æquè validus impetus à tergo urgens, aberit tamen, vel saltem plurimum minuetur dolor. Denique si nihil ex modò dictis factum fuerit, sed remanserit doloris causâ, & eadem conditio partis affectæ, & detur granum unum aut alterum opii homini non assueto, nullus erit doloris sensus, licet causâ dolorem excitans pergat agere. Hinc generali nomine omnia remedia, quæ uno ex tribus his modis dolorem tollunt, dicerentur anodyna. Obtinuit tamen usû, ut illa tantùm sic vocarentur, quæ vel doloris causam tollunt, vel partem dolentem sic mutant, ut non afficiatur, vel saltem minùs validè ab eadem causa. Illa verò, quæ doloris tantùm sensum tollunt, non mutatis doloris causâ vel parte affectâ, vocaverunt narcotica, id est, stupefacientia. Olim tamen hæc stupefacientia vocaverunt etiam anodyna. Sic enim Cælius Aurelianus de dolore dentium agens, dicit: *Multæ autem veterum Medicorum accessionis tempore ea medicamina adhibenda jussurunt, quæ anodyna Græci vocaverunt (nos indoloria dicere poterimus) quæ aiunt non æurno tempore adhibenda, profectò sensum, non dolorem auferentia (b). Sic & Celsus dixit: Anodyna vocant quæ somno, dolorem levant. Quibus uti, nisi nimia necessitas urget, alienum est (c).*

(a) De insomniis, Cap. 1. Charter. Tom. VI. pag. 111.

(b) Morbor. Chronicor. Lib. II. Cap. IV. pag.

373.

(c) Lib. V. Cap. XXV. pag. 178.

Præcipuæ jam doloris causæ sunt in vulnere distractio partium adhuc coherentium, dum vulneris labia utrimque retrahuntur: tensio fibrarum nervearum, à truncis majoribus discissis, retrotractis, & laterales nervos minores trahentibus; vel &, semidiscissis vel punctis nervis tensis, tractio fibrillarum adhuc integrarum: inflammatorius tumor fundi & labiorum vulneris: humores effusi in cavum vulneris acres facti, hinc irritantes crudas has partes. Anodyna ergo erunt omnia illa, quæ diluendo, laxando, humectando, acrimoniam natam emendando vel obdundo, denique tumores distendentes resolvendo, tollunt doloris causam, vel partem affectam sic mutant, ut à doloris causa non afficiatur ita, ut in mente nascatur ingrata illa perceptio, quæ dolor vocatur. Hæc omnia in *Materia Medica* rediguntur ad proprios titulos.

**VICTU HUMIDO.** Omnia semina farinosa tusa possunt validâ pressione oleum suadare satis copiosum: eadem hæc trita cum aqua dant emulsionem sic dictâ, in quibus blanda olei indoles manet sine rancidæ corruptelæ metu. Ex his ergo, vel horum farinosorum decoctis cum aqua, lacte, jusculis, habetur victus humidus, in quo aqua prædominatur, sed sic adhærens farinoso horum lentiori, ut non facillè dilabatur de corpore, sed diu maneat. Talis victus diu continuatus pertinacissimos etiam dolores lenit, laxatis solidis, & blandissimâ factâ omnium humorum indole.

**NARCOTICIS.** Si jam præcedentibus auxiliis non cedat, nec remittat dolor, vel adeo sævus sit, ut non possit ferri sine magno damno, donec doloris causa tolli possit, tunc dantur in Arte talia remedia, quæ, non sublata doloris causâ, tollunt ejus in mente conscientiam: Summa enim causa doloris potest esse in corpore sine ullo doloris sensu, ut patet in apoplecticis, qui ne vivi quidem ignis applicati vim sentiunt. Plurima quidem habentur, in quibus hæc vis obtinet, ut hyosciamus, solanum datura, &c, quorum tamen omnium suspectus usus est, inprimis si internè sumantur, quia mentis actiones adeo mirificè turbant. Tutior longè, & innumeris Experimentis probatus papaveris usus. Europæi papaveris minor efficacia majorem dolorem postulat: Asiatici papaveris succus, Opium nomine in Officinis adeo notus, si prudenter & debitâ quantitate usurpatur, pulcherrimè dolorem sopit; rediturum tamen, si causa doloris maneat, post aliquot horas, ubi vis remedii cessat. Frigidâ intemperie nocere papaveris succum voluit *Galenus* (a), & post illum plurimi alii: hinc vel trepidè usurpaverunt, calidissimis admittis metuendum illud frigus corrigere tentantes, vel damnaverunt omnino tanquam deleterium pharmacum. Qui calidum amarorem opii semel gustavit, facillè crederet, malè frigidam opio noxam adscribi. Adhæsit tamen optimo remedio diu hujus infamiz nota, sic ut plurimi Medici abhorruerint ab ejus usu: unde *Paracelsus* non exiguam partem suæ celebritatis opio debuit, dum *Laudano* suo tam mira faciebat in morborum curationibus. In Asia quotidiano usu opium, & magnâ quidem copiâ, sumunt impune; inprimis illi, quibus Religio vini usum vetat. Imò illi, qui maximè damnabant opium, utebantur sine ullo metu magnis illis compositionibus Officialibus, *Theriackâ*, *Mithridatiâ*, *Philonio*, &c, in quibus magna copia opii adest. Alii turpis lucri causâ aliis testum remediis clam dabant opium, quod publicè damnabant, ut viderentur aliis arcanis perficere, quod soli debebatur opio. Verum quidem est, quòd plerique Medici fuerint in illa opinione, ac si vis medicata *Mithridatii*, *Theriackæ*, & similium non

(a) Method. Med. Lib. XII. Cap. VIII. Charter. Tom. X. pag. 290. & alibi plurimis locis.



penderet à conspirantibus viribus omnium ingredientium; sed ex unionē tot diversorum nasceretur novum quoddam & penitus singulare remedium, cujus vis medicata non foret adscribenda collectis ingredientium viribus, sed ex omnium unionē nova prorsus & efficacissima exurgeret; unde laudabant antiquam *Theriacam*, & præferebant recens paratā. Licet primā fronte speciosum videatur hoc ratiocinium, rem tamen consideranti apparebit facili, magnis his compositionibus vim validam, aromaticam, inesse præcipuam tamen virtutem pendere ab opio. *Mithridatium* enim *Damocraus*, reliquis antiquius, ex tot diversis componebatur, ut *Plinius* dixerit (a): Quo Deorum perfidiam istam monstrante: hominum enim subtilitas tanta esse non potuit: ostentatio artis & portentosa scientiæ venditatio est. *Andromachus* autem, qui *Neronis* tempore vixit, & inter ejus Medicos primus erat, *Mithridatii Damocraus*, paucis demptis, omnia ingredientia retinuit, quædam addidit, inprimis viperarum carnes, siquæ novam fecit antidotum, quam *Theriacam* dixit à viperarum carnibus additis. Libellum Græcis carminibus scriptum *Neroni* dicavit, in quo theriacæ suæ recensebat descriptionem, quam & *Galenus*, id est, tranquillam, vocavit. Nec mirum certè, callidus enim *Andromachus* triplum opii suæ *Theriacæ* addidit, unde incepit obsolescere *Mithridatii Damocraus* celebritas; sola *Theriaca* extollebatur innumeris laudibus, & per tot sæcula tanti nominis famam retinuit; evidenti argumento, opii usum fuisse quotidianum & salutarem, etiam illis temporibus, quibus damnabatur ab omnibus ferè Medicis.

Omnia hæc papaveris floribus, foliis, succo, parata remedia, quæ in Officinis prostant, possunt sic adhiberi, ut vel levissimè sensuum acumen obtundant, vel auctā dosi somnum inducant satis profundum; imò imprudenti usu lethalem possent facere apoplexiam. Sic sæpe accidit, minori dosi hæc data dolore quidem compescere, nullo inducto tamen somno, sed pacatissima menti & corpori nascitur quies, quam ne verbis quidem describere se posse mirantur gratum hoc solamen experti. Non omnibus tamen hominibus eisdem effectus facit hoc remedium, eadem quamvis exhibitum copiā: dum ergo Medicus ignorat peculiarem ægri circa usum hujus remedii idiosyncrasmam, præstat aliquot grana opii idoneo diluere vehiculo, & cochleatum dare, v. gr; omni quadrante horæ, donec percipiatur doloris levamen. Verumtamen eadem quantitas opii majorem effectum præstat simul & semel exhibita, quàm si detur divisis dosibus. Qui sæpius sumpserunt, nisi augeatur sensim hujus remedii copia, non ampliùs inde levantur: sine noxa tamen, sensim auctā dosi, ingentem opii copiam quotidie sumpsisse homines plurimis, illisque certissimis Observatis, constat. In *Materia Medica* jam habentur varæ formulæ, quibus hæc remedia pro re nata exhiberi possunt sic, ut majorem minorémve effectum pro lubitu præstent. Hoc incommodi habent semper, quòd alvum astringant; sed lenè clystima facili tollit hoc malum.

Sed & similia remedia externè loco dolenti applicata levamen summum faciunt: unde cataplasmata & fomenta ex emollientissimis herbis parata, additis simul hyoscyami, papaveris hottenfis, &c, foliis, tanti usûs sunt.

(a) Lib. XXIX. Cap. 1.

§. 203. **A**NIMUS sit hilaris. Venus vitanda, quies commendanda est.

Validi animi affectus omnes, cum miris adeo modis corpus mutare, & in omnibus suis functionibus turbare possint, nocebunt semper vulneratis: sed pacata illa mentis serenitas, quam nullius mali conscia nihil adversi metuit, & omnia prospera sperat, hic inprimis convenit. Profusum gaudium æquè noceat, ac alii magni animi affectus. *Sanctorius*, & alii, qui de *Statica Medicina* scripserunt, observarunt hilaritatem corpus quam maximè perspirabile reddere, & leve ad sensum. Sed hoc designat liberrimam per omnia vasa circulationem, & expeditissimam exercitationem omnium functionum, id est, optimam sanitatem.

**VENUS VITANDA.** Nihil enim magis movet totum systema nervosum, quam veneris usus: hinc communi omnium Medicorum consensu vulneribus noxius habitus fuit; & tristes casus docuerunt funestum eventum. Tale Exemplum §. 172. n<sup>o</sup>. 2, habetur: ubi feminis emissio sine coitu, pessima symptomata & mortem ipsam produxit. Hinc in victu vulneratorum vitanda omnia, quæ turgentem veneream irritare possunt, ut ostrea, cancri, gammari, &c.

Quietem autem vulneratis necessariam esse, sponte patet: motu enim terribissima illa vascula, quæ informis muci specie in vulnere recrefcunt, destruentur.

Binæ requirebantur conditiones (vide §. 189.) ut fieret regeneratio perditæ in vulnere: nempe, ut liquidum sanum debitâ copiâ & apto impetu deferatur ad vulnus; deinde ut vascula excipientia humores allatos habeant illas vires, quæ requiruntur, ut excipere & transmittere possint talia liquida, quæ secundum sanitatis leges per hæc vascula fluere debent. Hæcenus à §. 192, hucusque inprimis actum fuit de illis, quæ in victu & remedium usu observari debent, ut bona fiat humorum indoles, qui ad vulnus deferentur. Sequitur nunc, ut agatur de canalium transmittentium in vulnere dispositione tali, quæ requiritur, ut fiat perditæ substantiæ restitutio, & separatorum unio.

§. 204. **U**T canales in debita conditione (189) maneant, nec liquida in vulnere corrumpantur, sicque ladan actionem (189. 190. 191.) descriptam, aer accendus, vulnus totum fovendum balsamicis vulnerariis lenibus, implendum carptis, ad æquabilem pressionem, nervisque amicis medicamentis.

Post vulnus inflatum, discissorum canalium extrema retrahuntur, angustantur, & restant liquidis per illos pulsis, incipit tunc inflammatio nasci in labiis & fundo vulneris, & post hanc puris sequitur collectio: dumque hoc fit, ex fundo cavi vulneris sursum, & ab omni ambitu centrum versùs, protruduntur sensim vasculorum hiantium extrema, quæ tenerum mucum referunt, & ex hac materia sic renata fit regeneratio perditæ in vulnere (vide §. 158.) Patet ergo, requiri ad hanc rem, ut canales illi pulposi debitam retineant molliem, & humores effusi per patula vasorum oscula in cavum vulneris blandam retineant indolem; si enim spontaneâ degeneratione acrimoniam acquirant, destruetur illud pulposum, renascens.

cens. Utrique autem scopo satisfit, si aer arceatur. Constat enim certissimis Observatis animalium partes diutissime servari posse incorruptas, si omnis aeri accessus prohibeatur; cum e contra paucis sæpe diebus putrescant, si aperto aeri exponantur. Carnes caprinæ & gallinacæ assatæ, in particulas dissectæ, butyro liquefacto immergæ, in dolio exactè clauso conservatæ fuerunt ultra sex menses, in navi ex Indiis reduce, intensissimo quamvis sub aeris calore, sic ut pristinam saporis gratiam perfectissimè retinuerint (a) Præterea aer libere ad vulnus allabens tenerrima illa vasculorum renascentium extrema exsiccando destruit: unde ab his mortuis sordes in vulnere antea puro nascuntur, quæ iterum separari debent, antequam consolidatio fieri possit. Ob hanc causam crediderunt multi, aliquid venenati in aere hæere; cum viderent tantas mutationes vulnere à libera aeris admissione. Ideo etiam raræ vulnerum deligationes adeo commendaverunt peritissimi Chirurgi.

Debet ergo tegi superficies tota vulneris sic, ut ab aere defendatur. Hoc omnium optimè fit per balsama vulneraria dicta, & inprimis per balsama nativa, quæ omnia spissâ unctuositate hærent, blandum aroma in se habent, & simul acidum, quod putredini omni resistit, sic tamen obvolutum pingui, ut non noceat suâ acrimonia. Chemica enim Analysis ex omnibus balsamis nativis acidum liquorem, & fragrans, tenue, aromaticum oleum educit, in fundo manenti tenaci resinosa parte. Dum hæc modicâ copiâ, leviter calefacta, ut æquabiliùs diffuant, vulneris superficiei applicantur, tegunt tenerrima hæc vascula, aerem pinguedine suâ arcant omnemque exsiccationem impediunt, & simul humores effulos à putredine præservant. Ex his liquet, parcam tantùm balsamorum copiam ad hos usus requiri, & malè agere illos, qui magnâ copiâ horum, vulnera infarciunt: sunt enim corpora heterogenea in vulnere, quæ concretionem partium interpositione suæ molis impediunt. In *Materia Medica* jam ad hunc numerum plura recensentur nativa balsama & artificialia, quæ omnia ferè simili modo agunt & profunt.

His factis cogitandum est, quodd cutis æquabile tegumentum absit in vulnere, hinc vascula illa pulpofa recrescentia, molli balsamo tecta & humido calore fota, faciliè cedent liquidis distendentibus, augebuntur omni dimensione, & dilatata admittent alienos humores; hinc tota vulneris superficies degenerabit in flocculentam substantiam, quam carnem fungosam vocant Chirurgi. Hoc impeditur, si tam moderata pressio vulneri incumbat, ut cutis antea coercentis defectus suppleatur: quod fiet, si lenteis carptis, mollissimis siccissimisque, leviter inunctis leni balsamo illâ parte, quâ vulneris superficiem tangunt, vulneris cavum impleatur: deinde emplastro vel fasciâ circumductâ sic firmentur hæc, ut lenissimâ pressione nimiam vasculorum dilatationem coerceant tantùm, cavendo interim, ne nimis premendo destruantur tenerrima hæc vascula, vel suffocetur vitalis liquidi motus per has partes. Simul blandâ tali compressione cavebitur, ne membrana pinguedinosa, undique in vicinia cutis tegmine coercita, assurgat in vulnus, & ibi degeneret satis citò.

(a) Boyle de utilitate Philosophiæ Experimentalis, Exercitat. IV. pag. 284:

§. 205. **Q**UIBUS (204) in vulnere retinendis emplastra profunt, vix aliud huic scopo præstantia, quàm tenacitatem, non lædentem.

Non facillè hoc credunt Chirurgi, qui felices vulnorum curationes plerumque suis solent adscribere emplastris, & singuli ferè hic sua jactant arcana. Si tamen enarratæ præcedentibus paragraphis conditiones vulneri adfuerint, sanatur, qualecunque demum imponatur emplastrum; modò nihil continuerit in se, quod nocere possit, inceptum naturæ opus turbando, vel condiciones requisitas ad regenerationem perditum in vulnere tollendo, nimio stimulo, v. gr; vel aliâ quacunque ratione. Quòd autem hæc res sic se habeat, patet inde, quòd licet unusquisque ferè sibi soli cognitum, & reliquis omnibus præponendum, emplastrum adhibeat, tamen omnes æquè feliciter curent, si reliqua auxilia eodem modo vulneri adhibita fuerint. Verum quidem est, quòd emplastra cuti externæ applicata, præter tenacitatem requisitam, possint continere talia ingredientia, quæ calore corporis, cui applicantur, mora & actiuosa reddita se insinuant vasis bibulis, sicque non solum agant in partem illam, cui applicantur, sed etiam totum corpus efficacissimè mutare possint; uti v. gr; emplastra vesicatoria, mercurialia & similia plurima: sed de hac re hic non agitur: requiritur enim tantum in hoc casu, ut vulneri applicata retineantur in loco, unde sola tenacitas hic sufficit ad hunc scopum. Hinc plumbata illa emplastra, quæ ex plumbo vel ejus calcibus variis in oleo coctis ad requisitam tenacitatem fiunt, tanti sunt usûs; dum facillimè seruntur etiam ab illis, quibus à pingui ferè quocunque applicato cutis inflammatur. Talia sunt emplastrum *de Minio*, *Diapalma*, *Diapompholygos*, *de Cerussa*, *Defensivum rubrum Vigonis*, & plurima similia, quæ eundem præstant effectum in hoc casu.

§. 206. **L**IQUIDA ad vulnus allata, in vulnus effusa, fibræ semimortuæ, canales obstructi, tumefactique, creant in vulnere pus, ichorem, sordes, carnes spongiosas.

Singulis vulneris deligationibus accuratè vulnus lustrandum est, ut videatur, an aliquid occurrat mutari in tota superficie, quod perditæ substantiæ regenerationem, & vulneris consolidationem, impedire possit. Si enim omnia rubra, vitida, & humida æquabiliter fuerint, novimus vasa & humores habere debitas condiciones, ut fiat sanatio: si verò siccum apparuerit, vel sordidum vulnus, certò scimus, non posse consolidari illud, nisi prius iterum sordes illæ ablatae sint, & vasa æquabiliter humores transmittant in omni puncto superficiei vulneris. Hæc autem impedimenta nascuntur, vel ab humidis effusis, degenerantibus in alienam indolem; vel à vasis obstructis & tumefactis, vel ab utrisque simul. Plurimæ enim partes possunt in vulnere esse pro parte discissæ, sanis quidem partibus coherentes adhuc, omni tamen vitali influxu orbæ; unde emoriuntur, & separari debent; & quamdiu ibi adhuc hærent, heterogenei corporis instar, impediunt consolidationem. Postquam autem vasorum orificia in vulneris superficie incipiunt effundere humores, illi collecti stagnando, calore loci, tenuissimæque partis distillatione, mutantur in unctuosum, blandum, liquidum, pus dictum, quod semper bonum est; uti dictum §. 158.

nº. 7, nimis tamen diu relictum in vulnere nocere posset; tunc enim corrumpitur & acre fit. Si verò vulneris superficies madeat tenui ichore, non bono pure, numquam fiet bona consolidatio, quamdiu hoc adest. Hoc autem intelligitur, si talis tenuis sanies in vulnere appareat, postquam per duodecim vel plures horas idoneo apparatu relictum mansit vulnus: nam si omni pure ablato post horam unam aut alteram denudetur vulnus, non aderit pus, sed longè tenuius liquidum, quod tamen ibi relictum in pus mutabitur. Sed ichoris nomine hic intelligitur tenue liquidum, plerumque simul acrioris indolis, quod morà in vulnere nunquam tamen in bonum pus convertitur, sed semper acrius fit. Talis autem ichor vel sit à liquidis effusus, non mutandis in bonum pus; vel sit etiam ab optimo pure nimis diu in vulnere relictus; tunc enim iterum attenuatur & acre fit. Dum enim pars corporis suppurata, & undique emollita, debito tempore lanceolâ pertunditur, bonum & crassum pus exit: si verò talis locus nimis diu clausus maneat, contentum pus attenuatur iterum, & tunc aperturâ factâ, loco boni puris, tenuis effluet sanies.

Sordes autem nascuntur in vulnere vel à semidiscissis partibus, vel à mortuis & nondum à vivis partibus separatis, vel à vasis dilatatis & liquido immeabili distentis; tuncque vulneris superficies non apparet pura & rubra, sed alba ferè, instar lardi: & nisi harum sordium fiat separatio à vivis partibus suppositis, in colorem flavum, imò fuscum mutantur, & eò pejorem degenerationem notant, quò color ab albedine in fuscum magis declinat.

Carnes autem spongiosæ tunc inprimis nascuntur, quando superficies vulneris non comprimitur æquali vi, ac cutis integra premit vicinas partes: unde panniculus adiposus assurgens tumet, & citò degeherat in fungosam dictam carnem, ut dictum fuit §. 158. nº. 5, omnium maxime si per febrim natam impetus & velocitas circulationis augetur: tunc enim dilatata vasa citò assurgunt, si debita compressio non impederit. Videmus autem ubique ferè in toto corpore, ubi æquabilis pressio coercens ablata est, partes in locum minus resistentem assurgere. Sic in vulneribus capitis, vel post trepanum applicatum, calvaria tegmine ablato, si simul dura mater discissa fuerit, cerebri substantia in mirabiles fungos excrefcit. Discissis per vulnus abdominis tegumentis, integro tamen manente peritonæo, nisi firmeretur ligaturâ idoneâ locus, paulò post contenta abdominis pressa in locum minus resistentem, dilatato peritonæo, herniam facient. Carnium ergo fungosarum origo in vulnere est tantum naturalis sequela diminutæ æquabilis pressionis.

Sed omnia hæc in vulnere, quamdiu adsunt, impediunt consolidationem: heterogenea enim sunt; hinc auferenda: quomodo hoc fieri debeat, docebit sequens paragraphus.

§. 207. **Q**UÆ (206) dirigente, abstergente, corrodente, exsiccante auxilio tolli solent, sæpe & comprimendo.

Quando vident periti Chirurgi, vulneris superficiem sic degenerare, ut non ubique humida & rubra sit, sed sordes albæ, flavæ, vel fusæ appareant; noverunt, optima etiam balsama non sufficere. Natura quidem sola per bonam suppurationem nititur separare hæc corrupta; sed vasa viva supposita, sordibus his incumbentibus & adhærentibus impedita, non valent hæc removere tam facile; unde hæc jam semimortua diutius hærentia corrumpuntur, & in pejorem indolem degenerant.

Pp ij

Applicant tunc talia remedia; quæ emolliunt quidem hæc sordida, sed simul saponacea vi solvunt, & leni stimulo irritant vivas partes suppositas, ut fiat faciliior separatio harum sordium à vasis vitalibus, quibus adhærent. Hæc vocantur *Digerentia* termino Chirurgico à ventriculi digestionem desumpto. Sumunt, v. gr; balsamum quodcumque nativum ut terebinthinam, & cum vitello ovi terunt, ut oleosa balsami tenacitas frangatur sic, ut in aqua dilui possit; addunt deinde mellis aliquam copiam, quod saponacea sua vi plurima concreta dividit & solvit. Tale medicamentum plurimaculis exceptum vulneris superficie sordidæ applicat: emollitæ sic sordes, & vi saponacea solutæ, pure bono facto separantur à partibus sanis, & redditur purum vulnus. Pulcherrimè talium remedium usum, ubi, impura vulnera sunt, indicavit Hippocrates, dicens: *Pinguia inflammatis minimè conferunt, neque sordidus, neque putrescentibus. Verùm ad inflammata frigida conferunt, ad sordida verò & putrescentia, acrida, & quæ morsum quemdam excitando purgant* (a). Et alio in loco docet; humores bonos per vasa ad vulnus delatos avertere his remediis emollitis & facilius separandas sordes: *siquidem ulcus occludere vel implere opus sit, tumefacere juvat.... Cibis enim recreata caro illam, quæ à medicamento computruit, propellit, ac simul cum natura debellat* (b).

**ABSTERGENTE.** Hæc remedia parum acriora sunt digestivis dictis. Si ergo præcedentibus addantur aloë, myrrha, saponis Veneti paululum: habetur medicamentum abstergens, quod à digerente, tantum gradu paulò majoris stimuli, differt.

**CORRODENTE.** Illa jam prioribus longè acriora sunt, & partes, quas tangunt; emori faciunt; hinc crustam vulneris superficie, cui applicantur, inducunt: sub quâ vasa vitalia suo motu & allatis liquidis sensim illud mortuum separant & expellunt. Hæc autem omnia faciunt quidem, ut omni vitali influxu præventur sordes illæ adhærentes vasis vivis, sed nunquam per hæc sola separatio mortui obrineri poterit, quod sola natura per suppurationem bonam perficit. Hunc autem usum habent, quod vasa obstructa & dilata, in vulnere sordes facientia, quæ lenioribus abstergentibus pertinacius resistunt, uno momento, & ipso quasi tactu, faciant omni vitali influxu humorum privari: hinc gangrænosam quali crustam superficie vulneris obducunt, cui deinde applicantur mollissima digestiva, ut escharæ illæ per corrodentia factæ, horum applicatione emollitæ, vasorum vivorum subjacentium actione separantur à vivis partibus, quibus cohærent, siquæ vulneris superficie reddatur pura. Unde apparet, prudentem horum usum requiri, nec sæpe repetitum, nisi deciduis jam escharis vulnus adhuc impurum appareat. Malè ergo agere illos, qui credunt, solis corrodentibus depurari posse vulnus, cum tantum sordium augmentum impendant, his in mortuum escharam conversis, quæ postea emolliiri, & suppuratione factâ separari debet; imò nimis repetitâ applicatione partes vivæ puræ similiter afficiuntur; unde sordes augentur tunc, non minuantur. Pulchre hoc notavit Galenus, narrans, Medicum sordido ulceri rodens medicamentum adhibuisse quotidie, & maximè miratum fuisse, quod sordes augerentur, non verò minuerentur, unde augebat imprudens applicati remedii efficaciam, sed malo eventu. Quippe quantum ille intendebat medicamenti acri-

(a) De Affection. Cap. x. Charter. Tom. VII. pag. 632.

(b) De locis in homine, Cap. XIII. Charter. Tom. VII. pag. 372.

moniam, tantum caro subiecta colliquabatur, & sordes augebat (a).

In *Materia Medica* recensentur jam hæc corrodentia, pro vario acrimonie gradu, in varias classes distincta. Efficacissima inprimis sunt illa, quæ ex acido fortissimo, glebæ metallicæ unito, constant; & inter illa *lapis infernalis* dictus, summum usum habet: constat enim concentratissimo nitri spiritu & argento purissimo unitis: & cum formâ solidâ habeatur hoc corrodens, & in quamvis figuram possit formari, potest ferè omnium tutissimè applicari. Reliqua enim vulneri adhibita in totam ejus superficiem agunt æqualiter; *Lapis autem infernalis* singulis punctis potest applicari, & cum formâ solidâ habeatur hoc corrodens, & in quamvis figuram possit formari, potest ferè omnium tutissimè applicari. Reliqua enim vulneri adhibita in totam ejus superficiem agunt æqualiter; *Lapis autem infernalis* singulis punctis potest applicari; & cum momentaneo actu escharam facit: unde major vel minor hujus effectus est, prout citius aufertur, vel diutius applicatus manet: & cum sæpe non omnes partes superficiei vulneris æquè crassæ sint obfessæ sordibus, hinc non æquè validam corrodentis actionem requirant; omnium pulcherrimè hoc moderamen adhibito *Lapide infernali* observari poterit.

Escharæ autem per corrodentia factæ dein lenissimis applicatis remediis debent emolli, ut à vivis partibus subiectis possint citò separari; & illis deciduis tunc appareat, an repetita corrodentis applicatio necessaria sit, an verò lenioris digestivis, vel abstergentibus, vulnus purum reddi possit.

EXSICCANTIE. Quando nempe plurimo, & nimis tenui humore, vulnus maderet; tunc illa, quæ liquida absorbent, & vascula roborant, inprimis prosunt. Tales sunt terrestres bibuli pulvisculi in pollinem impalpabilem triti, ne asperitate suarum partium crudum vulnus irritent, quales sunt, v. gr; ossium combustorum cineres, mastiche, olibanum, sarcocolla, &c, quæ simul roborant.

SÆPE ET COMPRIMENDO. Inprimis prodest compressio, si sordes à dilatatis vasculis in fungosam excrecentiam degenerantibus nascantur: licet enim corrodentibus abstuleris spongiosam illam carnem, nisi debitâ compressione firmaveris has partes, brevè renascetur similis excrecentia; uti in fungis cerebri toties renatis docuerunt Observationes. Unde periti Chirurgi tunc sæpe folis lineis carptis siccis vulnus replent, & modicâ ligaturâ coercent; vel & aliquando crassum plumaceolum, balsamo vulnerario inunctum aversâ parte imponunt, sic ut pars sicca plumaceoli vulneris superficiem tangat, pars verò superior balsamo inuncta aerem arceat.

§. 208. **ILLA** (207) adhibenda, donec pus album, blandum, viscidum, leve, æquale, inodorum, adsit; sub quo sordes abstergantur, confusa & tumida consumuntur, corrupta ab aere separantur, cava implentur, conglutinantur separata.

Omnia, illa, quæ præcedenti paragrapho recensita sunt, possunt compescere nimis facile distendenda vasa, possunt semimortuas partes unâ cum parte vivorum vasorum convertere in escharam gangrænosam, sed non valent separare hanc crustam à vivis partibus suppositis; hoc enim sola natura per suppurationem facit, nec ullus modus alius superest, quo hoc fiat. Sed suppurationis iudicium est puris confectio, de quo dictum §. 158. n°. 7. Ubi ergo pus bonum apparet in vulnere, novimus vasa sic disposita esse, ut transmittant debita liquida; & simul hæc liquida

habere illas dotes, quæ requiruntur ad sanitatem. De illis quæ requiruntur, ut humores ad vulnus allati boni sint, dictum fuit antea: hoc loco tantum agitur de illis impediementis, quæ in ipso vulnere hærent, & regenerationem perditæ, bonamque consolidationem, impediunt. Quamdiu enim hæc sordes in vulnere hæserint, æquæ ac ullum aliud heterogeneum corpus impediunt sanationem. Ubi autem per debita auxilia adhibita in vulnere nascitur bonum pus, tunc novimus per hoc separari posse à vasis vivis omne illud, quod vulneris sanationem impediret. Sed pus illud non tantum debet habere omnes conditiones hic recensitas, sed debet in omni vulneris superficie idem & æquale nasci: accidit enim sæpe, ut non omnis superficies vulneris sordibus obsideatur, sed tantum quædam ejus pars; tunc pura loca bonum pus dabant, reliqua aliud diversæ indolis liquidum fundent; ergo pus non erit ubique æquabile, sed varium in variis vulneris locis, tuncque hæc loca sordida sola requirunt medicamenta paragrapho præcedenti enumerata, quæ vivis & puris vulneris partibus non conveniunt.

Sub hoc pure, quidquid semilacetum vivis cohæret, & omnes obstructorum vasculorum fines, unâ cum materia obstruente, solvuntur & separantur; & vasa libera tunc humores sine impedimento transmittunt: hinc omnis tumor laborum vulneris ab impedito libero humorum trajectu ortus disparere incipit; quæ contusione, vel aeris admissione, corrupta fuerant, secedunt, tenerrima vascula bono pure tanquam blando & naturali balsamo tecta elongantur, vicinis occurrunt, & uniuntur, novamque vasorum texturam faciunt; per quam regeneratur perditum in vulnere, & separata uniuntur.

Totum ergo, quod Arte fieri potest, est, ut tollantur illa impedimenta, quæ boni puris in vulnere generationem prohibent: reliqua natura sibi semper sufficiens perficit.

§. 209. **T**UM ea, quæ carnem generare dicuntur, applicanda, quæ sunt digerentia leniora.

Hæc remedia sarcotica dicuntur apud Chirurgos: sed unicum tantum verè sarcoticum dicendum est, nempe ipsa natura, sub blando pure renasci faciens perditæ: quam rem Galenus tam pulchre expressit, dicens (a), *Scire licet generandæ carnis materiam, sanguinem bonum esse; opificem (ut ita dicam) auctoremque naturam.* Reliqua omnia remedia, quibus carnis generandæ vis adscribitur, tantum auferunt impedimenta, & addunt adminicula; & nulla alia sunt, quàm quæ pressione debita coerceant vasa, & sic disponant, ut solent esse in sanitate: quod faciunt aerem arcendo, fovendo partes, & humores effusos sic coercendo, ut debita morâ in bonum pus mutari possint.

Purum enim jam vulnus ab omni acriori applicato læditur; destruuntur enim tenerrima illa vascula, quæ incipiunt renasci, novæ sic ab his emortuis nascuntur sordes, quæ iterum separari debent: unde sola hæc tantum conveniunt remedia, quæ §. 204. laudata fuerunt. Bene autem procedere vulneris puri curam novimus, si color adsit in vulnere subrubellus (ruber enim nimis color inflammationem naturam denotat) si pus debita copiâ & bonum adsit; si fundus & latera vulneris æquabilissimè excreverint: nilque ultra æquabilem superficiem attollatur, & labia vulneris non superent altitudine vicinam cutim, sintque æqualia, nec excelsa appa-

(a) Method. Med. Lib. III. Charter. Tom. X. pag. 59.



reant, & in margine vulneris incipiat color pallidus subcærulefcens nasci, qui cicatricem fieri indicat.

§. 210. **S**I autem, peractis, quæ primo scopo (185.) satisfaciunt (186. 187. 188.), nihil ex substantia corporis ablatum deprehenditur, labia unienda ita sunt, ut partes naturaliter unitæ iterum sibi mutuò applicentur, atque ita retineantur.

Generalia indicata, quæ in omni cujuscumque vulneris curatione requirebantur; §. 187, sunt enumerata : & quidem ibidem primo numero ducebatur, debere auferri omnia illa, quæ heterogenea ab instrumento vulnerante, vel partibus fluidis aut solidis corruptis, relicta possent impedire unionem partium separatarum. §. 186. 187. 188, dictum fuit, quomodo, & per quæ, & quibus cum cautelis, hæc heterogenea tolli debebant. Si ergo his peractis appareat, quoddam aliquid de substantia partium ablatum fuerit, illud restituendum primum est, antequam possit fieri unio partium separatarum. Quomodo autem hæc restitutio perditæ obtineri possit, dictum fuit à §. 189, huc usque. Si autem simplex tantum fuerit facta divisio partium antea coherentium per causam vulnerantem, sine substantiæ jactura, sine ullo heterogeneo corpore relicto inter partes separatas; habetur tantum simplicissima indicatio, nempe, ut labia vulneris, sponte semper à se invicem recedentia, (vide §. 158. n.º. 1) sic applicentur sibi mutuò, & applicata retineantur, ut partium omnium situs sit talis, qualis fuerat ante divisionem. Unionem partium sic dispositarum sola natura perficiet satis citò, etiam in maximis vulneribus, si conditiones modò dictæ adfuerint. Optima etiam balsa vulneraria labilis talis vulneris interposita tunc nocent; sunt enim heterogeneum corpus, quod nunquam cum corporis partibus concrefcere potest: sed requiritur tantum applicatio partium separatarum ad se invicem, nullo alio interposito remedio.

Quàm facile enim partes corporis vulneratæ concrefcant, non tantum cum illis, quibus unitæ fuerant naturaliter, sed etiam cum aliis vicinis, cum quibus antea nunquam coheserant, docent plurima Observata. Nobili juveni ense vulnus inflitum fuerat, quod non tantum oculi sinistri palpebram penetraverat, sed etiam simul adnatam oculi tunicam, & ipsam corneam leviter læsarat. Imprudenti curâ palpebra concreverat cum adnata & cornea; unde palpebra aperiri non poterat, & continua fiebat irritatio & dolor, dum oculo sano moto non poterat impediri, quin etiam alter oculus moveretur. Ingeniosissimâ methodo molestum hoc malum sustulit *Hildanus* (a). Mulieris pudenda venero ulcere erosa concrevisse inter se incuriâ Medici ex *Benivenio* recenset *Schenckius* (b). Rem hanc etiam confirmat *Chirurgia Curtorum* dicta, per quam partes corporis ablatæ restituntur: de qua dictum §. 189: & jam monuerat *Celsus*, quoddam sæpe exulceratio digitorum, nisi magnâ curâ prospeximus, sanescendo in unum eos jungat (c). Si ergo hæc concretio tam facilis fiat in partibus, quæ antea nunquam naturaliter coheserant, longè magis expectanda erit, quando partes, quæ prius unitæ fuerant, iterum contingue sunt.

(a) Centur. VI. Observ. VII. pag. 502.

XXIII. pag. 814.

) Observ. Medicin. Lib. VI. Observ.

(c) Lib. V. Cap. xxviii. pag. 332.

§. 211. **H**ORUM prius absolvitur 1. situ conciliato parti illo, qui quiescenti aderat : 2. leni & æquabili partium ad se invicem compressu, ut in omni superficie contiguz sint, & quiescant.

1. Maximæ utilitatis est cognoscere, qualis sit situs partium in homine quiescente, & inprimis in homine sano dormiente; tunc enim omnis motus voluntarius silet, & partes corporis sibi relicte omnium maximè naturali situ disponuntur. Apparebit tunc, nullum articulum corporis extensum esse, sed omnes leviter flecti. Nunquam enim in sano homine dormiente digiti extensi sunt, nunquam tibie cum femoris osse in lineam rectam porrigiur, sed semper omnes illi articuli leviter inflexi sunt: idem de reliquis verum est. Musculi enim, qui articulos flectunt, plerumque extensoribus fortiores inveniuntur; hinc ubi neutri agunt vi musculari, tunc propriâ contractilitate partium flexores musculi prævalent extensoribus, & ideo semper leniter inflexi apparent in quiescente articulo. Apparet hoc etiam evidenter in paralyti perfecta partium corporis; tunc enim omnis actio muscularis voluntaria cessat. Si enim, v. gr; totum brachium paralyticum fuerit, digiti semper inflexi inveniuntur, & sic manent; unde sæpe post curatam paralyfin non possunt extendi digiti, rigidis factis ligamentis articularum, & musculis flexoribus, tanto temporis spatio non elongatis, hinc propriâ contractilitate brevioribus redditis: unde extensores digitorum hæc obstacula superare non possunt. Hippocrates, qui tam sollicitè naturalem habitum partium corporis observavit, ut posset cognoscere, quantum morbi inde recederent, & hinc distinguere eorundem variam magnitudinem, hoc pulchre notavit, dum decubitu optimo ægri agit, dicens (a), *debet autem Medicus ægrum apprehendere in dextrum aut sinistrum latus jacentem, manibus, collo, cruribusque parum reductis, & toto corpore humentem. Sic enim plurimè sani cubant.* Dum hoc negligitur in vulnus curatione, concrescunt inter se partes alio in situ, quàm naturaliter habebant, & turpis sæpe nascitur à distractis partibus difformitas, vel motus naturalis partium depravatur sæpe plurimùm. Sic puero, cui sexto mense ætatis dextra manus miserè combusta fuerat, ab imperitis neglectâ hæc cautela, digiti omnes, excepto pollice, cum cute metacarpi concreverant, unde pessima difformitas orta, & omnis usus membri perierat; artificiosissimâ curatione, sed operosâ tamen, correxit hanc difformitatem, & usum partis restituit Hildanus (b).

In prima autem deligatione vulneris ad hoc attendendum est; nam partes crudæ unitæ citissimè conglutinantur: unde non poterit error commissus corrigi, nisi crudeli curâ discindantur iterum illa, quæ jam concreverant.

2. Partes corporis per vulnus separatæ propriâ contractilitate sensim plûs recedunt à se mutuò, uti dictum §. 158. n°. 1. Sed ut agglutinentur iterum, requiritur, ut maneant contiguz: hinc artificiosâ pressione debet superari illa vis, quâ à se mutuò recedere conantur. Quàm maximè autem notandum, quòd debeat hæc unio partium fieri in tota vulneris superficie, si enim profundi vulneris labia contigua fiant, & interim partes suppositæ dehiscant, cavum manebit in vulnere, in

(a) In Prognostico, Comm. I. Sentent. 13.

(b) Observ. Chirurg. Centur. I. Observ. 83. pag. 60.

quo effusi humores colliguntur, & in sinuosum ulcus facient degenerare vulnus. Hoc autem perficietur, spleniis appositis & idoneâ ligaturâ vicinas partes sic premendo, ut labia vulneris æquè in fundo quàm in cute ipsa fiant contigua. Requiritur tamen ut hæc compressio moderata sit, ne fiat in partibus compressis nimia vasorum angustatio, unde inflammatio & omnia, quæ inde sequuntur mâla, possent oriri. Simul tunc requiritur perfectissima quies partis vulneratæ, unde sic firmandum est membrum vulneratum, ut immobile maneat; sæpe enim in somno, vel vulnerati incuriâ, motâ parte vulneratâ, mutatur situs partium, separantur vulneris labia & dilacerantur illa, quæ jam concreverant; unde curationis pulcher eventus tollitur.

§. 212. **R**ETINENTUR in adunatione. 1°. Emplastris tenacibus, digitatis processibus; ad fines ansatis, utrimque à latere vulneris appositis, & per fila adducendis. Quæ locum habent in longis scissuris transversis cutis, vel partium laxarum.

Varii jam requiruntur modi pro vulnere diversitate, ut partes contiguz factæ maneant in debita unione. Hoc fit,

1°. Per suturam siccam dictam Chirurgis; ut distinguatur à futuris acu factis. Sumunt tenax quodcumque emplastrum, quod cuti sanæ validissimè adherere potest; vel commune fabrorum gluten, ichthyocollam, vel aliud quid simile, non refert ferè quale fuerit, modò debitam habuerit tenacitatem; illud deinde extendunt supra linteum fortis texturæ, ne facillè cedere possit; applicant utrimque ad aliquam distantiam à labiis vulneris, leviter calefactum, ut eò fortius adhæreat; tunc adducunt bina hæc emplastra ansulis instructa, ut filis transmissis attrahi ad se mutuo pro lubitu possint. Cutis adhærens his emplastris utrimque sic attrahitur, ut vulneris labia contigua fiant; & cum hæc emplastra non tegant ipsum vulnus, commodè potest videri, an naturalem situm habeant labia vulneris unita; & si aberraverint ab hoc situ, poterit illud facillè corrigi. Prout jam vulnorum variat magnitudo, varia figura & numerus horum emplastrorum requiruntur. Minoribus vulneribus, nec admodum hiantibus, digitata talia emplastra sine ansulis sufficiunt; majoribus autem vulneribus, & quorum labia magis ab invicem recesserunt, tutius applicantur similia emplastra, quæ habenulis per ansas transmissis adduci possunt. De his emplastris & vario illorum usu videatur *Heisterus* (a), ubi illa delineata habentur.

Sed, ut facillè apparet, sola cutis tantum per hæc emplastra adducitur, subiecta pinguedo, si profundo vulnere læsa fuerit, mobilis admodum & laxa non sequetur cutem adductam; unde ferè tantum locum habent, ubi cutis sola per vulnus divisa est, & partes satis laxæ facillè sequi possunt. Hinc in vulneribus faciei non nimis profundis, & integumentorum capicis imprimis usum habent; ut etiam in vulneribus non altè penetrantibus reliquarum corporis partium.

Vulneris dein labiis, per emplastrum tenax unitis, imponitur plumaceolum balsamo quodam vulnerario inunctum, ut aer arceatur, & relictis emplastris

(a) *Instit. Chirurg. Part. I. Lib. I. Cap. 1. n°. XLI. XLII. pag. 60. 61.*  
Tomus I.

quotidie vulneris extima superficies lustratur, ut pateat, an omnia rectè se habeant.

§. 213. 2°. **CIRCUMDUCTU** fasciarum, & appositu spleniorum; ut partes dehiscèntes (158. n°. 1. æquabiliter appressæ maneant, & coeant; quod determinato pressionis modo facillè fit. Convenit vulneribus inflisus juxta longitudinem partis vulneratæ.

Vulnera superficialia his non indigent, sed tantùm profunda, in quibus requiritur, ut partes in fundo vulneris æquè contigux fiant, ac superficies extrema, ut bona curatio fiat. In his autem rite applicandis Chirurgi peritia & dexteritas imprimis cognoscuntur. Fasciæ circumductæ omnem ambitum, quem involvunt, premunt æquabiliter, sed spleniis applicatis potest fasciæ compressio, eadem licèt maneat, plùs agere in quædam loca, quàm in reliqua; hincque pro lubitu determinari pressionis vis, ut omnia puncta superficiei vulneris contigua fiant. Facillè patet autem, hanc methodum nullius usùs esse, nisi partes vulnere vicinæ molles fuerint, & hinc cedere possint: si v. gr; femori juxta longitudinem partis vulnus profundius inflisum fuerit, utrimque à latere spleniis apposis & fasciis circumductis possunt æquabiliter molles partes sic premi, ut divisæ in vulnere tota superficie partes iterum contigux fiant. In aliis locis minùs carnosus non adeo facillè hoc fit; sed etiam talibus locis rarè tam profunda vulnera contingunt, quæ hoc requirant. Hippocrates, ubi de vatio deligationum usu agit, hanc methodum indicare videtur. (a) *At in quibus expassa, contrahere oportet, in cæteris quidem eodem modo. Ex longo verò quodam intervallo contractio, & ex accessu ducto compressio facienda, primò minimum, postea magis. Terminus operationis mutuus potissimùm contactus.*

Quamvis hæc methodus omnium felicissimo successu adhibeatur vulneribus inflisus secundùm longitudinem partis vulneratæ, tamen videntur & locum habere posse aliquando in transversis partium vulneribus. Memorabilis ille casus in *Commentariis* ad §. 164, recensitus hoc docet, ubi nempe saltu validissimo utriusque pedis magnus tendo, qui *Achillis* dicitur, integræ cute rumpebatur, sic ut trium digitorum transversorum amplitudine dislärent à se mutò tendinis rupti extrema: tamen idonea positura partis affectæ, & artificiosa pressione per splenia & fascias circumductas, potuerunt adeo disläte partes in mutuum contactum adduci, & con crescere perfectissimè. Patet, ergo, si in tam difficili casu hoc per *Artem* fieri potuerit, multùm etiam ab hac methodo sperari posse aliquando in transversis partium vulneribus.

§. 214. 3°. **SUTURIS** per acus chalybeas, rectas in minori, curvas in majori profunditate vulneris, acutâ acie, caudâ cavâ filum cerâ obductum abscondente; ad sufficientem à vulnere distantiam infixas, ad fundum usque adactas, sic pariter in altero labio edu-

(a) Lib. de Medici Officin. Comment. II. text. XXX. Charter. Tom. XII. pag. 62.

las, quarum filo adstricto unita prius labia retineantur, dein levi splenio superductum filum colligetur: id repetitur à medio, vel ab angulo vulneris, ad fines ejus, pro necessitate. Hinc balsamo labia linienda, superpositisque levibus spleniis supra nodos, emplastro tegendum est vulnus.

Hæc methodus uniendi vulnere separatas partes, vocatur sutura cruenta, sive vera, cum illa adunatio partium per emplastra tenacia facta futuræ nomen vix mereatur. Inprimis hic requiritur, ut fiat hæc unio cum minimo dolore & irritatione partium. Dum enim nimis ruditer hæc sunt, sæpe valida inflammatio sequitur, quæ unionem partium adductarum impedit. Ad hanc rem requiruntur acus chalybeæ satis fortes, nec tamen nimis rigidæ, ne frangantur. Conica figura in his acubus noceret, quia sensim aucta crassities facit, ut difficilius adigantur per partes: hinc sumuntur tales, quarum anterior pars prismatica acutis lateribus facile transit, & viam facit commodam reliquæ parti, quæ conica vel cylindrica est. In minis profundis vulneribus rectæ tales acus sufficiunt; in profundioribus autem requiruntur incurvæ, ut ad fundum vulneris usque protrusæ facilius versùs superiora emergant. Varia ergo acuum curvatura requiritur pro diversâ vulneris profunditate. Nisi jam cauda harum acuum utrimque crenam insculptam habuerit, quæ filum abscondere possit, dum acus protrahitur, ejus cauda cum filo utrimque prominente non posset sequi sine dilaceratione partium. Filum autem cerâ obducitur, sic enim lubricum factum transit facile, nec humores imbibit, unde fila tumefacta partes, per quas transeunt, comprimerent: præterea humores filo resorpti, morâ & calore acriores redditi, irritare possent partes. Acus tunc filo instructa ad sufficientem distantiam à vulnere infigitur, ne fiat postea dilaceratio partium, si nimis propinquo vulnere loco infingeretur. Debent autem acus adigi ad fundum vulneris usque, deinde sursum protrudi, ut per oppositum vulneris latus iterum ad sufficientem distantiam à vulnere exeant. Nisi enim ad fundum vulneris usque penetraverint, superiores partes adducentur quidem, sed inferiores dehiscunt, & cavum relinquunt; in quod effusi humores, stagnando corrupti, fistulosum ulcus facient ex puro vulnere; unde postea debebunt iterum solvi illa, quæ unita fuerant.

Filis jam transmissis blandâ manuum compressione, quâ cutis ducentem quasi suâ sponte subsequitur (a), contigua fiant vulneris labia, & deinde filis adstrictis in hac unione retineantur. Ut autem dolor & dilacerationis metus, quantum fieri potest, evitentur, spleniis ex linteo inprimis cerato, (ne humores imbibendo noceat) impositis prius, constringuntur nodi. Prout jam major fuerit longitudo vulneris, vel figura ejus magis minùve angulosa, plures vel pauciores requiruntur tales futuræ; futura enim, si nimis rara est, non continet; si nimis crebra est, vehementer afficit, quia, quò sapius acus corpus transivit, quòque plura loca injectum vinculum mordet, eò majores inflammationes oriuntur, magisque inflat (b). Plumaceolum leni balsamo vulnerario inunctum vulnere imponitur; deinde idoneâ ligaturâ, vel emplastro superimposito, retinetur totus apparatus.

(a) A Corn. Celsi, Lib. V. Cap. XXXVI. pag. 293. (b) Ibidem.

Si non oriatur valida inflammatio, vel magnus dolor, relinquitur vulnus sic per duos tréve dies, deinde ligaturâ vel emplastro remotis attenditur, an aliqua corruptela odore detegatur ab humoribus effusis; tunc enim plumaceolum prudenter removeri debet, & novum, simili balsamo madidum, applicari; aliter paucæ guttulæ balsami instillantur plumaceolo relicto. Ubi jam apparet, labia vulneris concrevisse satis firmiter, siâ prudenter leviter trahuntur, ut sciatur an commodè educi possint; plerumque enim hoc satis facillè fit, & vulnuscula hæc relicta satis citò coeunt.

Si verò valida inflammatio, dolor ingens, tensio partium magna, sequantur futuram factam, præstat illam discindere, & vulnus tunc sine futura curare. Nisi enim hoc fiat, pessimorum symptomatum caterva ingruet, quæ serò coget facere illud, quod in tempore factum magis profuisset.

Varia jam suturarum genera, & diversæ has perficiendi methodi apud Auctores habentur, qui de Operationibus Chirurgicis scripserunt.

§. 215. **CONVENIUNT** (214.) recenti, cruento, à magna tamen hæmorrhagia libero, simplici, pleno, puro, transverso, obliquo; anguloso vulnere.

Nocent (214.) copiosum cruorem stillanti, antiquo, sanioso, purulento, sordido, contuso, substantiâ propriâ orbatò, crustis obducto, vasis magnis laxis periculoso, nimis profundo, valde inflammato, venenis infecto, in parte necessario mobili hærenti vulnere.

Determinatur hæc paragrapho, quibus vulneribus suturæ cum fructu applicari possint, quibus verò noceant.

**RECENTI, CRUENTO.** Si enim vulnus jam aliquo tempore inflictum fuerit; & inprimis si aer libere accesserit, extremi vasorum fines in superficie vulneris jam erunt mortui; hinc debebunt separari per suppurationem à vivis, nec poterunt invicem concreescere; frustra ergo per futuram unio fieret.

**A MAGNA TAMEN HÆMORRHAGIA LIBERO.** Quia sanguis effusus distrahet labia per suturas adducta: unde dilaceratio, dolor, inflammatio, & reliqua, quæ inde sequuntur mala.

**SIMPLICI.** Cui nempe nulla contusio simul adest ullius momenti. Unde Hippocrates dixerat in loco citato §. 158. n°. 7, acuto relo facta vulnera sine suppuratione curanda esse; si verò contusio adesset, tunc ita medendum esse, ut celerimè suppurentur (a): nam carnes contusas... putrescere & in pus versas tabescere... necesse est.

**PLENO.** In quo nempe tantum facta fuit cohesionis divisio sine ulla substantiæ jactura. Si enim quid ablatum fuerit de vulnere non poterunt partes separatæ contigui reddi, quin distrahantur ex situ naturali, unde semper turpis cicatrix, & læsio functionum violentam talem adunationem sequuntur.

**PURO.** In quo nihil heterogenei à causa vulnerante relictum fuit, nullæ sordes, nec grumi sanguinis, nec caro fungosa adsunt: omnia enim hæc prius separari & educi debent, antequam consolidatio expectari possit.

(a) Hippocrat. Lib. de Ulcerib. Cap. 11, Charter. Tom. XII. pag. 131.

TRANSVERSO, OBLIQUO, ANGULOZO VULNERI. Quia in his casibus nec emplastra tenacia, nec artificiosæ fasciæ & spleniorum applicationes sufficere possunt, ut partes contiguæ fiant, & retineantur adunatæ.

NOCENT COPIOSUM CRUOREM, &c. Imperiti Chirurgi, dum nullo habito discrimine quævis vulnera futuris uniunt, quàm gravia sæpe miseris intulerunt damna! Quid juvabit unire separatas partes, si unitæ nequeant concreescere; vel effusi humores, unitis labiis vulneris retenti, educi debeant postea, fuscis discissis? Turpe tale Exemplum enarratum fuit §. 172. n°. 3, ubi rudis Chirurgus pectori inflictum vulnus in cavum penetrans futurâ univerat, unde in summum vitæ discrimen deducebatur vulneratus, toto pectoris cavo sanguine repleto, qui per clausum vulnus exire non poterat. Et periisset certissimè miser homo, nisi *Paræus* futuris discissis sanguinem eduxisset cavo thoracis contentum. Nisi ergo pura fuerit & sana vulneris totius superficies, nihilque fuerit ablatum de substantia partium, futuræ nocebunt semper. Præterea si vulnus fuerit inflictum tali corporis parti, per quam magna vasa sanguinea, vel notabiles nervi decurrunt, quis audebit acus profundè per talem partem adigere, nisi talis qui Scientiæ Anatomicæ partium ignarus periculum non novit? Idem discrimen adest, si nimis profundum vulnus fuerit, unde tendines & membranz tendinosæ facilè per acus lædi possent: à quibus læsis tam sæva solent sequi symptomata: accedit, quòd profundo nimis vulnere divisæ partes non poterunt adduci ad se invicem; ut in omni puncto superficiei contiguæ fiant, nisi fila transmissa attrahantur validâ vi; unde dilacerationis, inflammationis validæ, &c, magnus metus est. Si verò jam inflammatio vulneratam partem occupaverit, ruditer tractatâ parte per suturas, augebitur inflammatio sæpe in gangrænâ usque: & blandâ suppuratione inflammatorum vasculorum fines obstructi unâ cum materia obstruente debebunt solvi & separari, antequam vulneris superficies pura & unioni apta evadere possit.

Si verò instrumentum vulnerans veneno infectum fuerit, & anomala symptomata, maligna, virulenta produxerit, tota spes curæ in eo est (nisi cognita sit antidotus veneni vim destruens) ut effusis humoribus per vasa discissa, suctione, vel cucurbitulis aucto affluxu humorum ad vulneris locum, ablatur & expellatur hoc virulentum; vel vivo igne pars infecta uno destruat momento, ne labem conceptam reliquo corpori communicet. Patet ergo evidenter, per futuram vulneris retineri hoc virulentum, quod expellendum quàm ocysimè Ars jubeat.

Patet etiam evidenter, quòd requiratur absoluta quies partium per futuram unitarum: si enim moveantur hæc partes, idem fiet, ac si fila transmissa traherentur continuo, unde irritatio perpetua, dolor, inflammatio, &, quæ ex his sequi possunt mala, fient. Possumus jam omnes motus, qui à voluntatis imperio pendent, compescere; illi verò motus, qui absolute ad vitam continuandam requiruntur, pergent semper. Hæc est ratio, quare vulnera thoracis futuram non admittunt, inprimis si convexæ maximè costarum superficiei inflicta fuerint: singulis enim inspirationibus dilatato pectore distraherentur summo cum dolore partes unitæ. Ideo etiam, dum per futuram uniunt abdominis vulnera, ne contenta viscera per vulnus exprimantur, fasciis sic abdomen firmant, ut vulneratus immoto serè abdomine respiret. Damnanda ergo quàm maximè quorundam Chirurgorum imperitia & temeritas, qui quævis serè vulnera sine ullo discrimine laceri panni instar consuunt.

§. 216. 4°. **A**CU manente vulnere per labia ejus transfixâ, si loque ei ita circumducto, ut horum retroitum impediât, sed retineat unita. Convenit magnis, hiulcis, pendularum partium vulneribus.

Prior supra fiebat filis transmissis per foramina acu facta, & deinde adductis filorum constrictione vulneris labiis: sed in hac methodo acus non educitur ex partibus perforatis, sed ibi relinquitur, & deinde filum utrumque sic circumducitur, ut labia vulneris acu transfixa, & ad se invicem adducta, maneant contigua. Methodus hæc imprimis adhibita fuit curando *Labio Leporino* dicto, quando nempe pars illa labii superioris, quæ gutturnium illud sub naso constituit, fissâ est: postea etiam pulchro successu magna & admodum hiantia partium pendularum vulnera sic univerunt. Quia autem in labio leporino fissæ fuerunt à nativitate hæ partes, hinc utrumque fornice abscinditur callosa superficies, ut & in angulo superiori leve vulnusculum fornice fit, ut partes unitendæ crudi vulneris naturam acquirant: si enim quid callosi relictum fuerit, nunquam fiet ibi bona unio partium. Rite tunc sibi invicem adaptatis labiis vulneris, acus ad quatuor linearum distantiam à vulnere infigitur, & per mediam labiorum substantiam transadigitur, donec in opposito latere ad similem distantiam à vulnere acus emergat, quæ tunc in vulnere relinquitur, & decussatim circumducto filo in situ retinentur partes unitæ. Pro varia jam magnitudine vulneris plures vel pauciores acus sic transfiguntur, ut in omni puncto partes separatae fiant perfectè contiguæ. Ne autem acuti cuspides acuum relictarum lædant, abscinduntur fornice, & extremis acuum supponuntur spongiolæ, quæ longè meliùs se accommodant figuræ partium, quàm spleniola. Ut autem citò & sine vacillatione possint transadigi acus, aptoprehenduntur manubrio, quia solis digitis Chirurgi prebentæ, acus non tam firmiter transadigi possent. Præterea ut evitentur illa mala, quæ ab acuum acutis extremis relictis fieri possent, (non potest enim dura chalybs fornice abscindi nisi magnâ vi adhibita, unde sæpe hoc concussu partium unitarum in situ fieri posset mutatio) adhibuerunt acus chalybeas quidem, sed quarum posterior pars ex puro argento facta erat: transfixis tunc acubus partem argenteam relinquebant in vulnere; acumen chalybeum, unâ cum parte argentea quadam adherente, abscindere poterant longè minori vi adhibita. Idem etiam pulcherrimè perficitur acubus chalybeis paulò majoribus, hinc firmis tenendis solâ digitorum ope, quarum cauda fissâ tenet aciculam argenteam utrumque obtuso capitulo instructam, quæ tunc in vulnere relinquitur, & filis circumductis firmatur. Videatur de his *Garengeot (a)*.

Ubi jam adunatæ partes firmiter concreverunt, eductis aciculis illis argenteis, vulnuscula hæc satis facillè consolidantur.

§. 217. **U**LTIMUS scopus (185; n°. 4.) attingitur, curando ut pars parti sic respondeat, quemadmodum olim in sanitate, sicque retineantur, ut nimis nec premantur, nec laxentur, adurentia,

(a) *Traité des Opérations de Chirurgie, &c. Tom. III, pag. 18. & suiv.*



styptica, adstringentia vitando, inprimis verò curando, ut in omni parte æquabiliter prematur vulnus. Quæ omnia obtinentur peractis, quæ descripta ab (186. ad 206.) & dein imposito leni desiccante medicamento; denique cicatricem spirituosis abluendo.

Indicationes generales illorum, quæ ad curam vulnerum perficiendam requirebantur, enumeratæ fuerunt §. 185, quatuor ibi numeris comprehensæ. De tribus prioribus huc usque dictum fuit: ultimum, quod fieri debebat, erat, ut restituis illis, quæ perierant de corporis fabrica, & adunatis jam partibus, quæ per causam vulnerantem fuerant separatæ, obduceretur tegumentum naturali cuti quàm simillimum. Si enim simplex divisio partium acutissimo instrumento facta fuerit, & mox partes divisæ in situ naturali iterum fuerint unitæ; concreverint sic, ut nullum vestigium vulneris inflicti relinquatur, tuncque vulnus sine cicatrice sanatur. Cicatrix enim vulneris inflicti post sanationem integram relictum vestigium dicitur, quo pars illa integumentorum, ubi vulneris hiatus fuerat, distinguitur à cute vicina. Omnium ergo perfectissima sanatio vulneris est, ubi nullum vulneris facti vestigium manet: ubi autem hoc obtineri non potest, tota curæ pulchritudo in eo consistit, ut illud vestigium relictum in loco, ubi vulnus fuerat, quàm simillimum fiat cuti vicinæ. Dum enim per causam vulnerantem, vel per suppurationem vulnus secutum, aliquid ablatum fuit de substantia corporis, debet renasci aliquod novum, quod antè non fuerat; illudque nunquam habebit omnino easdem dotes, quas pars ablata habuerat; unde poterit distingui à vicinis partibus.

Pulchritudo autem cicatricis pendet à tribus inprimis sequentibus, 1°. Si curetur ut partes unitæ sint in eodem situ, quem obtinebant ante vulnus inflictum. 2°. Si cicatrix non emineat ultra æquabilem cutis vicinæ superficiem. 3°. Si cicatrix non sit cava. Primum obtinetur, si attendatur, ut labia vulneris per emplastra tenacia, futuras, vel idoneam ligaturam sic respondeant sibi invicem, quemadmodum in sanitate. Secundum fiet, si moderatâ pressione cutis coercentis defectus suppleatur, ne vasa hoc tegmine orbata, à liquidis suis distenta, ultra æquabilem superficiem emineant: dum enim hoc negligitur, vel nimis emollientibus vulnus tractatur, eminens zona fœdam cicatricem efficit. Tertium cavebitur, si bona facta fuerit restitutio perditæ. Cava autem cicatrix plerumque fit ideo, quia vicinæ cutis pressio panniculum adiposum in vulneris locum premit, & facit assurgere, qui ibi in sordes & fungosam carnem dictam degenerans suppuratione factâ consumitur, nec renascitur postea: unde deprimitur cicatrix, molli pinguedine fulciente destructâ, & cava manet. Unde patet, sæpe caveri non posse, quominus cicatrix profunda & cava relinquatur, si nempe per causam vulnerantem, vel per validam suppurationem secutam, pinguedo destructa fuerit. Monuit Hippocrates (a): *Ulcera annua quæcumque fuerint, aut longius tempus habuerint, os abscedere & cicatrices cavas fieri necesse est.* Et alibi (b): *Si tandem os usum, aut festum, aut alio quovis modo undecumque abscesserit, horum ulcerum cicatrices magis concavæ sunt.*

Quàm turpes & profundæ cicatrices relinquuntur, postquam per ulcera venerea

(a) Aphorism. 45. Sect. VI. Charter. Tom. IX. Part. II. pag. 277. (b) De Ulceribus, Cap. 17. Charter. Tom. XII. pag. 132.


subjacens panniculus adiposus consumptus fuit, satis notum est!

Apparet hinc facillè, quare *Adurentia*, *Styptica*, & *Adstringentia* vitanda sint; si pulchram cicatricem facere velit Chirurgus. Per hæc omnia enim, vasa viva vel destruantur, vel sic constringuntur, ut fluida non transmittant, sed suppuratione factâ mortui vel obstructi valorum fines debebunt separari; unde fiet substantiæ jactura, pinguedinis consumptio, & cava nascetur plus minùve cicatrix. Simulque patet, quantum possit contribuere ad cicatricis elegantiam æquabilis pressio, quæ impedit, ne vasa nimis distenta emineant.

Cicatricis autem nascentis signa hæc sunt. Margines vulneris vel ulceris jam consolidandi incipiunt magis albi & solidi fieri, sensimque hæc albedo centrum versùs ex omni ambitu protenditur: interim in superficie aperta vulneris similis albedo hinc inde sparsa incipit nasci, quæ æquabili superficie cum marginum limbo si concurrat, optima cicatrix nascitur. Vulnus quoque purum, antea in omni superficie puncto humidum in illis locis, ubi illud album cicatricis rudimentum apparet, siccatur. Unde omnia illa remedia, quæ cicatrifiantia vel & epulotica dicuntur, semper laudantur talia, quæ leviter exsiccant, & roborant. Hinc ex plumbo vel ejus calcibus parata emplastra; colophoniz, olibani, sarcocollæ, &c, tenerimi pulvisculi vulneri, vel ulceri in cicatricem tendenti, tanto cum fructu solent applicari; quæ omnia in *Materia Medica* ad hunc numerum recensentur.

Patet hinc inanis jactantia illorum, qui se omnia vulnera sine cicatrice curare posse arcanis suis remediis gloriantur. Prudentes cerè & periti Chirurgi, post magnam substantiæ jacturam, vel diuturnam suppurationem, nunquam pulchram fore cicatricem, prædicent: & de hac re vulnerati semper præmoneri debent, ne cicatricis deformitatem Curantis incuriæ adscribant temere.

Cicatricis locum deinde spiritu rosmarini, matricali, vel simili fovere sæpius, convenit: omnibus enim illis spirituosus hæc vis inest, ut partes animalium firmiores reddant. Debiliior enim ille locus manet, tenui tantùm pelliculâ tectus; hinc faciliùs lædendus, quàm vicina loca. Unde sæpe convenit, ut vel leni plumbato emplastro, vel molliissimâ alutâ tegatur diu adhuc locus jam consolidatus; ne vestium attritu, vel aeris injuriis, recrudescat sanatum vulnus.



## HÆMORRHAGIA.

§. 218. **S**I cruor manat ex vulnere multus per suas (159. 160.) causas, sistitur. 1. Causticis ignitis. 2. Corrosivis. 3. Adstringentibus. 4. Circumstricto filo. 5. Dissectione integrâ. 6. Fasciis & splenio pyramidalis comprimantibus.

Pertractatis illis, quæ ad curam vulnere generalem pertinent, antequam ad singularia observanda in curatione vulnerum capitis, thoracis, & abdominis, pergatur, primò consideranda sunt quædam symptomata, quæ vulneribus accidunt, & sæpe

sæpe tam gravia sunt, ut in summum vitæ discrimen adducant vulneratum: unde requiritur, ut hæc prius tolli, vel saltem multum minui possint, antequam vulneris curæ prospici possit. Primaria talia symptomata sunt hæmorrhagia, dolor, convulsio.

Hæmorrhagia propriâ vocabuli significatione copiosum sanguinis cum impetu effluxum notat; postea tamen etiam obtinuit, ut pro quocumque sanguinis effluvio fumeretur. *Αἱμορραγία* enim videtur optimè derivari ἀπὸ τοῦ αἵματος, ὡς ῥαγῆναι, quod vocabulum ex *Galenii* sententia apud *Hippocratem* idem significabat, quod ἀδρῶς ἄρρῶν, cum impetu & confertim prodire. Dum enim sanguis modicus & sensim effluit, ἵππον vocavit *Hippocrates*, vel lene stillicidium dixit *σαλπιγγὶς* (a). Ubi autem hæmorrhagiæ nomen simpliciter occurrit apud *Hippocratem*, non additâ parte corporis, ex qua erumpit, tunc intelligi illam, quæ per nares fit, sanguinis eruptionem, monet *Galenus* (b).

Post vulnus inflictum, sequens copiosus & cum impetu sanguinis effluxus notat semper, vasa majora, sanguinem vitalem rubrum gerentia, læsa esse; inprimis autem arteriosa, quia venæ, nisi maximæ fuerint, vel ligaturâ appositâ tumeant, rarò multum sanguinis fundunt, & nunquam tanto cum impetu, quanto ex arteriis læsis sanguis prorumpit. Si ergo tanta fiat sanguinis jactura, ut funestus meritò inde timeatur effectus; nec spes sit, debilitatâ vitâ, vel contractâ arteriâ, sponte fiksi posse, tunc recurrimus ad illa auxilia, quæ in Arte cognita sunt, ut impediatur sanguinis eruptio. Pleraque tamen hæc auxilia, quæ sanguinis eruptionem compefcunt; vulneris curam retardant: destructi enim valorum fines per ignem, corrosiva, ligaturas, compressiones, &c, debebunt prius separari, antequam vulneris consolidatio obtineri possit.

Varie autem methodi adhibitæ fuerunt ad compefcendas hæmorrhagias: omnes tamen hæc vel agebant constringendo vasis discissi orificium; vel, coagulo inducto sanguini effluenti, impediabant ulteriorem effluxum; vel denique utrumque simul perficiebant.

1. Præsentissimum remedium hæmorrhagias sistens habetur, si candenti ferro vas sanguinem fundens tangatur; illico enim in densam, nec resolvendam ampliùs massam, comburitur sanguis, sicque obturat vasis aperti orificium: simul ipsum vas ignis actione crispatur & constringitur, unde utroque hoc effectu conspirante sanguis sistitur. Diu hæc methodo usi fuerunt Chirurgi: unde in exstirpationibus artuum, & similibus operationibus, in quibus valida metuebatur hæmorrhagia, semper parata habebant cauteria variz figuræ & magnitudinis, ut comburendo sisterent sanguinem.

Sic apud Græcos recentiores & Arabes, *Paulum Æginetam*, *Avicennam*, &c, ferro ignito post exstirpationes membrorum supprimebatur hæmorrhagia. *Guido de Cauliaco*, & post illum alii, oleo fervido utebantur in eundem finem. *Vesalius* (c) in exstirpatione membrorum candenti ferro jubet secari carnes, ut simul sic sanguinis effluxus impediretur. Sed hæc methodus plurima habet incommoda, unde vix adhibetur ampliùs. Difficile enim est requisitum caloris gradum ferro ignito conciliare; si nimis candescat, sæpe simul aufertur illud, quod combustum

(a) Goerxi definit. Med. pag. 16.

(b) Comment. I. in Hippoc. Lib. I. Epidem.  
Text. X. Chapter. Tom. IX. pag. 18.

(c) Chirurg. Magn. Lib. V. Cap. XII. pag. 1082.

est, si non satis caleat, non sistitur hæmorrhagia. Præterea dolorem ingentem; inflammationem validam, & quæ inde sequi possunt mala, cauteria faciunt; & omne illud, quod combustione sic destructum fuit, debet postea suppuratione factâ recedere à vivis partibus & separari; unde maximum periculum est, ne deciduâ escharâ redeat post paucos dies hæmorrhagia, quæ tunc difficiliùs adhuc compesci poterit, quàm in initio. Vas enim combustum, escharâ deciduâ, brevius erit; hinc non poterit, vel saltem difficiliùs, apprehendi & ligari; unde crudelis hæc cauterii applicatio repeti deberet, superstiti semper æquali periculo, ne recrudesceret hæmorrhagia, postquam & hæc de novo facta eschara deciderit. Ideo, postquam artificiosâ compressione aut vasorum ligaturâ tam pulchre noventer sistere sanguinis effluxum periti Chirurgi, cauterii rarior usus fuit. Imò Galenus jam damnaverat escharoticorum usum, tanquam minùs tutum in sistendo sanguine. Nam (a) quantum parti adustum ad crustam est, tantum profectò ipsi de naturali carne deperditur. Id itaque omne, parti decidit, quum crusta cadit; atque ob eam rem nuda sinéque carne visitur; multisque, posteaquam crusta decidit, profusio sanguinis, quæ agre supprimi potuit, supervenit. Unde nonnisi in summa necessitate voluit adhibenda esse, & inprimis usum habere dixit (b), ubi ex erosione putrescentis alicujus profluvium sanguinis conicitur; sic enim & sanguis sistebatur, & serpens putridum vivi ignis actione destruebatur illico.

2. Dum vivus ignis per metalla candefacta vel ebulliens oleum applicabatur corporis partibus, vocabant hæc remedia cauteria simpliciter, vel & cauteria actualia. Sed dantur acerrima quædam remedia, quæ partes, quibus applicantur, sic destruant & in escharas comburunt, ac fecisset ignis applicatus. Hæc à similitudine effectuum vocabantur cauteria; sed quia actu ignem non continent, dicebantur cauteria potentialia. Vocantur & corrosiva quia partes corporis, quibus applicantur, rodendo consumunt, & destruant. Sed etiam escharæ, per horum applicationem factæ, debent separari & decidere; unde idem periculum novæ hæmorrhagiæ nascitur, ac à cauteriis actualibus applicatis. Præterea omnia hæc acerrima cum sint, vicinas partes nerveas vel tendinosas sæpissimè irritant, unde tam sæva mala oriri notum est. Laudatissimum inprimis fuit ad hos usus *Vitriolum Cyprinum* dictum, quod in globulum rasum, vel in pulverem tenuem tritum, & linteis carptis exceptum, applicabant orificio vasis discissi. Sanguis ipso attactu ferè vitrioli illius coagulatur in thrombum, qui operculi instar vas dissectum claudit, simul & constringit vas ipsum & in escharam comburit vitriolum. Sed non potest globulus ex vitriolo factus applicatus manere orificio vasis discissi, nisi idoneâ firmetur ligaturâ, quæ sola posset sufficere, uti statim patebit.

3. Dictum fuit §. 28. n°. 4, de adstringentibus, quatenus fibrarum solidarum corporis nimis debilem cohesionem redderent fortiore; sed hic adstringentium usus tantum est, ut sanguinis fluxum compescant. Hoc autem efficiunt, vel constringendo orificium vasis discissi; vel coagulando sanguinem effluentem, qui tunc vasis orificium obturat; vel denique utrumque effectum simul præstant. Sunt & præterea alia remedia, quæ, licet nec sanguinem faciant adeo concreescere, nec vasa constringant, tamen sanguinis effluxum cohæbant; unde hoc respectu

(a) Method. Medend. Lib. V. Cap. IV. Charter, Tom. X, pag. 110. (b) Ibidem.

tantum adstringentium nomen merentur. Talia sunt v. gr; farina volatilis molitorum gypsi pulvis, & similia bibula corpora, quæ liquidum quodcumque, quod attingunt, absorbent, & cum liquido absorpto concrescunt in duram satis massam, quæ vas discissum obturare & sic effluentem sanguinem sistere poterit: sed si major arteria discissa fuerit, torrente sanguinis erumpentis averrentur hi pulvisculi; hinc minus his confidere possumus: unde post magnas extirpationes, dum applicabant vulneris superficiei bibula hæc corpora Chirurgi, simul noctes diesque famuli adfidentis manu curabant premi sic apparatus totum, ut firmiter manerent applicata. Hinc iterum patet, parum ab his sperandum esse in validis hæmorrhagiis, nisi idonea simul accesserit compressio.

Inter illa verò, quæ coagulo inducto sanguini, vel constrictione vasis agebant; maxime laudabatur alcohol, si calidum imprimis applicaretur. Illud enim statim ipsum etiam sanguinis serum adeo fluidum in scissilem massam convertit, & simul satis valide solidas partes corporis contrahit; unde animalium partes molles in alcohole servatæ indurescunt, & mole minuuntur: utroque hoc effectû conspirante hæmorrhagias compescere efficaciter poterit. Sed extremum vasis discissi, per alcoholis applicationem contractum & induratum, separabitur postea; thrombus sanguinis per alcohol indurati, secedet vel sponte, vel impetu sanguinis à tergo impulsus protrudetur; unde iterum recrudescet hæmorrhagia, nisi idoneâ ligaturâ & pressione retineatur thrombus ab alcohole factus in vasis discissi orificio. Præterea calore corporis fugacissimum alcohol statim dissipatur, unde serè momentanea ejus actio est, nisi continuè de novo applicetur, & vesicâ oleo inunctâ circumpositâ impediatur ejus nimis subita exhalatio. Patet ergo & hujus usum, sine compressione simul adhibita, minus tutum esse.

Vidi enim sic, etiam parvâ arteriolâ læsâ, non potuisse sibi sanguinem alcoholis applicatione. Evulserat homini dentem molarem Chirurgus; sanguis jugi stillicidio ex alveolo dentis evulsi exibat; frustra vitrioli pulverem, imò & acerrimum vitrioli oleum applicuerat Chirurgus, ut hanc hæmorrhagiam compesceret. Vocatus sincerum alcohol calefactum, & plumaceolis exceptum, cavo alveolo imponi jussi eò usque, ut eminentia hæc plumaceola clausis maxillis satis firmiter apprimerentur, sed sine successu, licet aliquoties hoc repeteretur. Tandem repleto siccis plumaceolis alveolo, per tres dies & noctes, digito adstantis famuli comprimebatur locus assiduò, nec postea rediit hæmorrhagia; sed post paucas septimanas pars alveoli ossei, tot acribus applicatis omni vitali humorum influxu privata, excidit sine ullo alio malo. Cum ergo tam parvæ arteriæ læsæ hæmorrhagiam sistere non poterit alcohol, facile apparet, quòd in majoribus arteriis discissis etiam sæpe fallere possit.

Oleum autem terebinthinæ nisi calidum fuerit, vix sanguinem sistit. Molles quidem animalium partes, oleo terebinthinæ submersæ indurescunt, sed lentâ tantum morâ. Olea verò longè majorem caloris gradum requirunt, antequam ebulliant, quàm aqua; hinc oleum terebinthinæ calefactum comburendo solida & coagulando sanguinem, hæmorrhagiam compescere poterit, tuncque instar caustici actualis ager, de quo dictum fuit. Acerrima autem illa acida fossilia, uti spiritus nitri, sulphuris, &c, corrosiva sunt, de quorum usu dictum pariter fuit. Reliqua autem adstringentia mitiora, ut sanguis draconis, granatorum cortices,

flores, &c, non videntur habere tantam efficaciam, ut ab illis folijs multum sperari possit in compefcendis hæmorrhagiis.

Simul apparet, quid credendum sit de tot arcanis stypticis remediis, quæ jaſtantur à multis. Minores arteriæ, imò & sæpe satis magnæ, integre diſciſſæ, ſponte clauduntur, inprimis debilitatâ vitâ per magnam ſanguinis jaſturam. Plurima ex illis jaſtaris ſpecificis erant acria corrodentia; alia mitiora forti ligaturâ apprimebantur ad vas læſum; unde sæpe ſanguis ſiſtebatur ſolâ compreſſione potiùs vaſis læſi, quàm efficaciâ applicati remedii. Dùmque circa finem elapſi ſæculi plurima Experimenta, arcanis his remediis facta, obſervaverat aptiſſimus in his rebus judex *Petiius*, vidit leviores hæmorrhagias his aliquando ſiſti potuiſſe, ſed amputatione membri factâ promiſſis non reſpondiſſe eventum (a). Unde patet, ſimilia jaſtantibus non temere fidem adhibendam eſſe.

4. Si manibus accèſſus detur ad arteriam diſciſſam, ſic ut ligari poſſit, certiffimè ſiſtetur hæmorrhagia vinculo compoſito. Methodus hæc ſanguinem ſiſtendi à *Galeno* jam commendata fuit. Poſtquam enim varia auxilia ad compeſcendam vulnorum hæmorrhagiam recensuit (b) dicit (c): *Quippe de genere obturantium quodammodo eſt & vinculum ipſis profluentibus vaſis injectum; ipſique noſtri digiti, dum ea committunt conſtringuntque. Videtur autem tantùm hæc methodo uſus fuiſſe in vulneribus, membrorum enim ſphacelo corruptorum, exſtirpationem, quantum memini, non deſcripſit. In magnis etiam exſtirpationibus ubi adeo periculosa eſt hæmorrhagia ex majoribus vaſis diſciſſis, nulla ſi mentione ligaturæ vaſorum apud *Celſum* (d), qui tamen alibi (e) dicit, ubi curationem proſuſionis ſanguinis ex vulneribus deſcribit, quòd ſi alia auxilia incaſum adhibita fuerint, venæ, quæ ſanguinem fundunt, apprehendendæ, circæque id, quod diſtinctum eſt duobus locis deligandæ, intercidendæque ſunt, ut & in ſe ipſæ coeant, & nihilominus ora præcluſa habeant*: Poſt *Galenum* reliqui omnes Medici & Chirurghi hæmorrhagiam, poſt artuum exſtirpationem, cauſticis compeſcebant; imò & *Veſalius* (f) hanc operationem deſcribens, novaculâ ignitâ jubet carnem incidî ad os uſque, & poſtea ſerramentis ignitis magna vaſcula comburi. *Paræus*, cùm horreret crudelem hanc methodum, & obſervaret plurimos ſic tractatos perire, paucos evadere poſt ſummas moleſtias toleratas, primus fuit, ut ipſe teſtatur, (g) qui vaſa diſſecta ligavit poſt amputationem factam forcipe illa protrahens, & duplicato filo ligans unâ cum parte circumpoſitæ carnis; ſi verbò deciduâ ligaturâ recrudereſceret hæmorrhagia, tranſfigebat acu partes carnoſas vaſi diſciſſo vicinas, & filo ſupra ſpleniolium impoſitum conſtricto claudebat vaſis diſciſſi oriſicium (h). Poſtea ſerè omnes, relicto uſu cauteriorum actualium & potentialium ligaturâ uſi ſunt. Fecerunt autem hoc duplici modo: vel enim extremum arteriæ diſciſſæ protraherent forcipe, & dein filo circumducto ligabant: ſed ſi ſolum fortiter adſtringeretur, sæpe ſenſim diſſecabat arteriam, extremum ligatum cadebat nimis citò, & recrudereſcebat hæmorrhagia jam periculofior, quia diſciſſiùs, vaſ

(a) Académ. des Sciences, l'an 1735. Mém. pag. 594.

(b) Method. Medend. Lib. V. Cap. 111. Character. Tom. X. pag. 107. 108. & ibid. Cap. V. pag. 113.

(c) Ibid. Cap. 111. pagin. 107.

(d) Lib. VII. Cap. ultimo, pag. 498.

(e) Lib. V. Cap. xxxv. n.º. 21. pag. 290. 291.

(f) Chirurg. Magn. Lib. V. Cap. xii. pag. 1081.

(g) Lib. XII. Cap. xxxviii.

(h) Ibid. Cap. xxxv.

brevius redditum, poterat novâ ligaturâ claudi: unde *Dionisius* nodô jam constri-cto jubet, ut alterum fili extremum acu munitum per ipsam vasis substantiam transfigatur, & sic caveatur ne ligatura decidat nimis citò (a). Tamen & hæc methodus tanquam nimis difficilis postea repudiata fuit. Si verb laxior ligatura nudæ arteriæ injicitur, tunc sanguis continuò urgens locum ligatum, sensim protrudit ligaturam & decidere facit. Unde prævaluit illa methodus, quam *Paræus* descripsit; ligandi nempe arteriam unâ cum parte carnis vicinæ ambientis: sic enim clauditur optimè arteriæ extremum, nec periculum est, ne ligatura tam faciliè decidat. Patet evidentè, quòd ligatura præferenda sit combustioni vasorum, si considerentur sequentia. Dum igne vivo vel causticis potentialibus aduritur vasis extremum, & coagulatur sanguis effluxurus, partes combustæ escharam faciunt, quæ operculi instar vasis discissis tegit orificium; huic operculo cohæret thrombus coagulati sanguinis, discissæ arteriæ cavum replens: deciduâ escharâ thrombus solus in cavo vase hærens sustinet sanguinis impulsu imperum; sed vasis extremum, deciduâ escharâ patulum, faciliè transmittet thrombum, qui ergo expelletur, & liberam viam sanguini erupto faciet. Dum verb ligaturâ clausum fuit vas, connivet; hinc thrombus ponè ligaturam hærens apice angustio ligaturam tanget, & latiori basi cavum vasis obturabit: deciduâ ergo per suppurationem parte ligatâ & filo ligante, licetè nondum penitus consolidata fuerit arteria, tamen thrombus à parte sua postrema latior, non poterit transpiri per angustum conniventis arteriæ extremum; angustior apicis thrombi pars exibat fortè, reliqua pars crassior obturabit vas & sistet hæmorrhagiam. Pulcherrimè hanc rem explicuit, & figurâ additâ thrombi elucidavit *Petitus* (b).

Securior longè ergo præcedentibus hæc methodus est, quamvis non omnino careat incommodis. Sepe enim magnus dolor & valida inflammatio sequuntur, dum unâ cum vicina carne ligantur arteriæ, inprimis si simul nervi discissi ligaturâ sic intercipientur: unde sepe inviti & convulsi morus oriuntur in parte truncata, quibus ligatura solvi posset, & redire hæmorrhagia.

5. Inprimis hoc locum habet, ubi arteria non nimis magna, nec cordi admodum vicina, vulneratâ est, non tamen integre discissa; tunc enim hæmorrhagia perget, quia retrahentis propriâ elasticitate fibris vulnus arteriæ ampliatur: si verb eadem arteria integre discissa fuerit, tunc demonstratum fuit in *Commentario* §. 159, quòd extrema arteriæ resiliant & recondantur sub solidis partibus vicinis, & propriâ contractilitate, & vicinorum pressione claudantur integre, sicque sistatur sanguis. Ubi ergo jugi stillicidio sanguis de vulnere fluit, tunc locus vulneris, unde sanguis exire videtur, scarificatur scalpello, ut sic integre discindatur læsâ arteriâ. Hâc methodo se feliciter usum fuisse *Galenus* narrat: (c) *Alteri cui ex vulnere in malleolo infisso dissecta arteria fuerat, sanguinis quidem cursus haud quiescit, donec ego vocatus totam dissectui: addidit deinde, quòd sine aneurysmate curatum fuerit vulnus, quod aliter metuentum est in tali vulnere arteriæ, dum debilior cicatrix à sanguine extenditur in saccum talem dilatatum.*

Sed apparet faciliè, tutò non posse sic integre discicari arteriam, nisi medio:

(a) *Dionis*, Cours d'Opérations de Chirurgie, &c. neuvième Démonstration. pag. 509.

(b) Académie des Sciences, l'an 1751, Mé-

moires, pag. 123. & suiv.

(c) De Curandi ratione per venæsectionem; Cap. ultimo. Charter. Tom. X. pag. 451.

cris tantum magnitudinis fuerit, nec in loco cordi valde propinquo; nam tunc non cessaret hæmorrhagia, licet arteria penitus discissa foret, sed deberet ligaturâ vel aliâ methodo obturari vas discissum.

Tamen constitit, arteriam vulneratam, non verò integre dissectam, moderatâ pressione sic firmari posse, ut sanguis sisteretur, non enim tunc semper requiritur tam fortis arteriæ compressio, ut integre aboleatur ejus cavum; sufficit talis, quæ liberum sanguinis effluxum per arteriæ vulnus impedit, & thrombum sanguineum intra vulneris labia continet, qui præcipuum sanguinis effluxuri impedimentum est, & postea margini vulneris firmissimè accrescens integritatem vulneratæ partis restituit: uti in cadavere hominis subitâ morte exstincti patuit, cui ante bimestre spatium brachii arteria vulnerata coaluerat. Apparuit enim evidenter, vulneratæ arteriæ margines non coivisse inter se, sed thrombum sanguineum inter vulneris labia insertum undique accrevisse vulneris circumferentiæ (a).

6. Compressio vasis discissi omnium optima & maximè naturalis methodus est; quâ hæmorrhagia sisti potest, & quam omnes homines sponte adhibent, dum sanguinem de vulnere erumpentem vident, digitis nempe comprimendo partem vulneratam. Sed hæc compressio potest agere vel perpendiculariter in superficiem patulam abscissi vasis, vel poterit applicari à latere vasis, & sic parietes ejus contiguos sibi mutuo reddere. In priori casu impeditur quidem sanguinis effluxus, sed thrombus à concreto sanguine natus ejusdem magnitudinis cum orificio vasis discissi cum sit, dum remittitur compressio, ab impetu sanguinis à tergo urgentis facillè expellitur; unde debet in hoc casu pressio agere ut vas discissum tamdiu, donec thrombus coagulati sanguinis concreverit cum ipsis lateribus vasis discissi, quod non fit tam citò: sed valida talis compressio & diu applicata, multa potest facere mala, inflammatio nem nempe, & omnes ejus sequelas.

Si verò causâ comprimens agat in partem lateralem vasis discissi, connivent parietes vasis, & sibi mutuo contigui facti latâ superficie concrescunt; thrombus coagulati sanguinis, ponè compressum locum hærens, cum cylindricus ferè sit, non poterit pelli per compressâ latera vasis, licet nondum perfecta unio facta fuerit. Patet ergo facillè, quantum præferenda sit hæc methodus reliquis omnibus. Si enim vasis apertura claudatur tantum, cessat hæmorrhagia: sed hoc fit pulcherrimè per talem compressionem, & contigua facta vasis latera brevi concrescunt, absque eo quodd requiratur aliqua separatio partium mortuorum, uti post caustica actualia vel potentialia applicata, imò post ipsam ligaturam vasis, fieri debet. Accedit, quodd ligato vase unio laterum fiat tantum in parva superficie, ubi solum hæret; sed laterali pressione complanati vasis latera majori superficie uniuntur; hinc firmissè hærent & plus resistent sanguini erupturo. Nunquam autem citius & melius concrescunt partes inter se, quam ubi recenti vulnere divisæ fuerunt: sufficit enim tunc partium separatarum unio, reliquam naturâ perficit. Hoc autem perfectissimè fit hac methodo, dum crudo vulnere, nullis rodentibus vel ligaturis vexato, applicatur tantum talis compressio in locis illis, ubi magna vasa biant.

Ut autem feliciter & sanguis sistatur, & simul vulnus curetur, requiritur in-

(a) Académ. des Sciences, l'an 1735, Mém. pag. 521, & suiv.



primis, ut pressio agat tantum in vasis discissi latera, non adeo in reliquam vneris superficiem. Ideo ex charta diu dentibus masticata vel ex linteis carptis Chirurgi parabant globulum. quem applicabant loco vulneris, qui comprimi debebat, huic alium paulo majorem imponebant, tunc tertium iterum majorem, & sic porro, donec satis emineret ille apparatus, ut fasciâ circumductâ commodè posset apprimi ad vas dissectum. Sic enim quasi pyramis inversa nascebatur, cujus apex vasis lateri applicatus pressionem fasciæ bali circumductæ communicabat tantum illi loco vulneris, ubi requirebatur. Pulcherrimum autem instrumentum descripsit, & tabulâ expressit *Peitius*, cujus applicatione tutissimè poterat comprimi vas discissum, & simul arteriæ truncus supra vulneris locum angustari pro lubitu, dum vulnus deligatur; simul & compressio vasis discissi pro re nata augeri & minui poterat ejusdem instrumenti usu (a). Ibidem memorabili Exemplo & hujus methodi certitudinem & instrumenti usum confirmat. Nobili enim Viro exstirpationis cruris supra genu facta, & ligatura vasorum ex Arte instituta fuerat: omnia bene succedebant, donec vigesimo primo post membri amputationem die, soluta ligaturâ vasorum, ægri imprudentiâ, recrudesceret hæmorrhagia; quæ sistebatur feliciter, applicato vitrioli globulo ad orificium vasis aperti, & idoneâ ligaturâ firmato: sed post undecim dies decidua escharâ redibat hæmorrhagia. Periculoso hoc in statu sola videbatur superesse compressio vasis, ut servaretur æger: causticorum enim insiduum usum eventus docuerat; vasis retracti & brevioris redditi ligatura non sine magna difficultate fieri poterat. Applicatum hoc instrumentum pulcherrimo successu hæmorrhagiam compescuit, & integra sanatio tam periculosi vulneris secuta fuit.

• Patet ergo, artificiosam vasis compressionem compescere periculosissimas etiam hæmorrhagias, licet alia remedia frustra adhibita fuerint; illamque solam sufficere in omni casu, cum reliqua auxilia tantum in quibusdam casibus usum habere possint. Omnium autem optime agit hæc compressio, si à latere vasis discissi applicata comprimat patulum orificium; licet tamen in difficillimis casibus pressio perpendicularis in superficiem vasis disseci hæmorrhagias compescuerit aliquando felicissimè. Hujus rei pulchrum Exemplum habetur in *Academia Regia Scientiarum* (b). Homini, ante octodecim menses fracturam compositam ossium tibiæ & fibulæ passio, communi consilio Chirurgorum exstirpabatur crus, sub genu articulo: sed nec tornatilis ligatura, trunco arteriæ applicata, compescere poterat hæmorrhagiam; nec ligatura vasorum discissorum poterat adhiberi, quia arteriæ penitus offcæ comprimi non poterant; hinc pleno rivo summoque cum impetu sanguis pergebat effluere, sed linteis carptis applicatis per splenia gradatim incrementa appressis feliciter sistebatur tam periculosa hæmorrhagia, adeo ut quartâ post exstirpationem factam die, dum omnis apparatus removebatur, ne guttula quidem sanguinis efflueret. Aliquando etiam contingit in cruris exstirpatione, ut arteria, quæ tibiæ os in parte superiori & posteriori perforat, & sæpe pollicis longitudine per ipsam ossis substantiam decurrit, dissecata pergat continuo sanguinem fundere, si nempe in illo canali osseo hærens dissecetur, ubi os ferrâ dividitur. Patet faciliè, ligaturam hinc nullius usus esse; sola compressio per lintea carpta, orificio vasis discissi appressa, superavit anceps hoc malum (c).

(a) Académ. des Sciences, l'an 1731. *Mém.* pag. 134.

(b) L'an 1731. *Mémoires*, pag. 536. & suiv.  
(c) Ibid. pag. 139.

In similibus tamen casibus compressio fortior requiritur, quàm si laterali pressione complanari vasis latera contigua facta fuerint, quia vasis discissi amplitudo eadem manet: hinc faciliè thrombus concreti sanguinis vas discissum obturans expelli posset, nisi validà pressione retineretur.

§. 219. **REVULSIO** hic (218) nihil juvat, nisi vascula læsa (159) parva; & plethora adsit. Eadem de victu, potu, & internis medicamentis vera sunt; quæ autem de hæmorrhagia dicta, eadem & fluxui ichoris applicari queunt; licèt auxilium hic summum in balsamicis crassioribus.

**REVULSIO HIC NIHIL JUVAT, &c.** Galenus methodum tradens, quâ sanguis ex vulnere fluens sisti posset, dicit hoc fieri, *oburato quidem, quod perruptum est, averso autem atque aliorum translatò, quod per id ferebatur (a).* Sed circulationis sanguinis, qualem hodie novimus, ignarus cum fuerit non mirum est, illum fuisse in hac opinione, quodd revellentia, in compescendis hæmorrhagiis vulnere, multum prodesse possent. Sed si magna arteria discissa est, quid juvabit venæsectio in alia corporis parte? Certè omnis sanguis ruet potius per patulum arteriæ vulnus, ubi resistentia nulla est, ad mortem vel saltem animi deliquium usque. Vidi, repetitam etiam venæsectionem non potuisse sedare hæmorrhagiam, quæ post dentem evulsam sequebatur: quid ergo proderit, ubi major arteria discissa est, si sanguinis fluxum ex tam parva arteriola impedire non potuit? Nec poterit à revellentibus aliis, quæ frictione vel irritatione quacumque partium dissilarum à loco vulnerato agunt, quid boni sperari; cum potius noceant, quia motum prius in parte, dein in toto corpore augent.

Ubi verò ingens sanguinis copia adest, nec satis illa munita fuerit per hæmorrhagiam, venæsectio prodesse posset, si vascula læsa parva fuerint, ut nempe miratâ copiâ & impetu sanguinis, vascula læsa minis dissenta se contrahere possint.

**EADEM DE VICTU, POTU, &c.** Ubi hæmorrhagia sedata est per remedia præcedenti paragrafo descripta, in cibo & potu semper sollicitè vitantur talia, quæ copiam vel impetum sanguinis nimis subito augere possent, donec vas læsum optimè consolidatum fuerit: hocque respectu debitum victus regimen multum boni facere potest. Sed faciliè patet, nihil inde sperandum esse, ut cohibeatur sanguinis effluxus ex patulo vase vulnerato, præsens enim auxilium poscit valida sanguinis jactura. Et licèt daretur, cibum & potum aliquid huc facere posse, nimia requiritur mora, antequam chylus ex ingestis factus ad vulnus venire posset. Idem verum est de medicamentis internè sumptis, quibus talis efficacia adscribitur, ut sanguinem ex vulnere impetuosè erumpentem sistere possent. Paruit enim ex modò dictis, ne quidem fortissima stringentia posse sic cohibere periculosam hæmorrhagiam, ut illis confidere tutò liceat, quamvis magnâ copiâ ipsi vasi discisso applicentur: Quid ergo sperandum foret ab iisdem, dum internè sumpta, sanguini mista, murata jam per corporis vires, circulationis actione ad locum vulneratum parçâ copiâ deferuntur? Unà enim cum sanguine elabentur per hians va-

(a) Method. Med. Lib. V. Cap. III. Charter. Tom. X. pag. 106.

fis discissi vulnus. Præterea omnia auxilia, quæ hæmorrhagiam compescere possunt, hoc faciunt vel constricto vase, vel coagulo inducto sanguini effluxuro, vel utroque hoc effectu conspirante agunt. Si ergo hæc remedia, dum sanguini mista per vasa fluunt, has vires haberent; an non prius constringendo pulmonis vasa minima, vel coagulando sanguinem, mortem inducerent, impedito sanguinis per pulmonem transitu, antequam ad locum vulneratum pervenire possent? Dum minores arteriæ discissæ propriâ contractilitate, & minuto sanguinis impetu ob sanguinis iacturam factam, clauduntur sponte, ut dictum §. 159, tunc similibus remediis adhibitis tribuebatur hæmorrhagiæ sedatio, quæ longè aliis debebatur causis. Plurima jaçtantur talia, quorum multa impune quidem exhiberi possunt, cum nec noceant nec prosint; nemo tamen prudens his confidet, & interim, efficacioribus auxiliis neglectis, summo discrimini vulneratum exponet.

EADEM ET FLUXUI ICHORIS APPLICARI QUEUNT, &c. Accidit aliquando, ut vulnera etiam leviora, sequatur ingens tenuis lymphæ effluxus, vasis arteriosis lymphaticis majoribus læsis, uti videtur; ex venosis enim lymphaticis dissecis vix videtur tanta copia lymphæ effluere posse, cum venæ sanguineæ læsæ, nisi maximæ fuerint, parum tantum sanguinis eructent, nisi ligatura vel aliud quoddamque obstaculum inter cor & venæ vulnus ponatur. Distingui tamen maximè debet ichoris effluxus, qui à vasis lymphaticis, vulnere læsis, oritur, ab illo, qui post nervi vel tendinis puncturas, & sævissimam inflammationem secutam, fit: longè enim alia auxilia requiruntur in tali casu, ut dictum fuit §. 163. Sed hic tantum agitur de fluxu ichoris, qui à vasorum per vulnus factâ læsione oritur; tuncque illa, quæ hæmorrhagiis compescendis conveniunt, potesse poterunt. Dictum fuit in præcedenti paragrapho, artificiosam vasis compressionem tutissimum & simul efficacissimum remedium esse ad compescendas etiam maximas hæmorrhagias; & constitit, idem hoc auxilium ichoris effluxum tellere.

Chirurgus bubonem venereum, nondum perfectè maturum, aperuerat lanceolâ, & malâ fortunâ vas lymphaticum dissecuerat, unde ingens lymphæ copia quotidie de vulnere profluebat. Consilii experts celeberrimo *Ruyfchio* indicavit hunc casum qui splenis ex linteo complicato applicatis, & fibulâ validè compressis, tam feliciter sustulit hoc malum, ut sequenti die jam omnis lymphæ effluxus cessaret (a). Ubi verò post nervi puncturam ichoris ille effluxus sequitur, compressio talis brevi in gangrænam faceret transire partes inflammatas. Pulchrum etiam effectum habuerunt balsama omnia nativa, inprimis crassiora, quæ oleoso lentore vasculi talis vulnus obturare possunt; & interim vulneratis partibus amica & salutaria observantur, ac in tendinum & nervorum puncturis tantum usum habent. Dùmque hæc satis calida applicantur vulneri, ut plerumque solet fieri, fortè etiam tenera hæc vascula calore majori contrahunt & claudunt.

(a) Ruyfch, Observat. Anatom. Chirurg. Centur. Observ. 41.



## D O L O R.

§. 220. **S**I fibra nervosa, cerebro orta, ita extenditur, vel alio modo disponitur, ut dissolutionem minitetur, sit doloris idea.

Dolor est in mente perceptio rei molestæ, quam adeo detestatur natura humana, ut omni molimine vel invivus homo conetur tollere illud, quod causam illius ingratae perceptionis esse credit. Sanus enim homo habet in se facultatem percipiendi quasdam ideas occasione mutatorum nervorum quorundam, quàm à se removere nequit ullo modo. Profundæ meditationi totus quasi immerfus Philosophus, si ferrum ignitum parti corporis applicetur, mox habebit mutatam cogitationem, & orietur in ejus mente ingrata illa perceptio, quam dolorem vocamus. Quid autem sit in mente illa perceptio, impossibile est verbis explicare; solus ille novit, qui dolorem patitur. Non enim oritur aliqua repræsentatio rei diversæ à cogitatione, sed adest affectio percipiens: nemo enim cogitat, dum doler, quod extra illum sit aliquid simile illi dolori, sed omnes dicunt, quod sint ipsi dolentes.

Doloris idea jam non relinquit sui memoriam, qui enim dolorem passus fuit, & momento pòst liber est, memor quidem est, quod illud molestum adfuerit, sed nullam habet ampliùs doloris ideam, nec potest ullo modo facere, ut illa renascatur in mente, nisi nova doloris causa accesserit, quæ mutato priùs corpore, mentem in sua cogitatione mutaverit.

Quænam verò sit illa mutatio in corpore, & quibus in partibus corporis fiat, à qua nascitur in mente doloris idea, possumus cognoscere per Experimenta. Demonstratur enim, solis nervis à cerebro oriundis hanc facultatem inesse, ut ab illorum affectione nascatur in mente doloris idea. Si enim nervus, qui solus ad partem quamdam corporis tendit, destruat, poterit pars talis secari, uri, &c., sine ulla doloris idea in mente excitata, licet reliquarum omnium partium integritas maneat: Sed omnes nervi in toto corpore oriuntur à medulla oblongata, quæ medullam cerebri & cerebelli in se continet; vel à medulla spinali, quæ medullæ oblongatæ continuatio est, & præterea medullarem substantiam à proprio cortice ortam continet. Tamen solos nervos à medullari cerebri substantia ortos doloris ideam in mente excitare, patet inde, quod in omnibus illis morbis, in quibus cerebri actio per nervos tollitur, nullus sentiatur dolor. Summâ ebrietate sepulti, ut & apoplectici perfecti, ab effusis in cranio humoribus, nullum sensum doloris habent, licet vivus ignis partes corporis comburat. Idem in epilepsia exquisita tristibus Exemplis toties conficitur. Unde apparet, solis nervis à cerebro oriundis hanc inesse facultatem, ut ab illorum mutatione excitetur in mente doloris idea. Quænam jam est illa mutatio nervi à cerebro orti, quæ in mente doloris sensum facit? Videretur esse talis dispositio, quæ, si diutius du-

rat, vel magis intënditur, faceret nervi in continuitate solutionem. Si enim homini fanissimo, cui nullus dolor in ulla parte corporis adest, in quo nullum in fluidis vel solidis corporis partibus vitium invenitur, tenuissima acicula sub unguem digiti manûs vel pedis adigatur, mox oritur enormis dolor, qui totum hominem convelli faciet, tantum à mechanica tali mutatione papillæ nervosæ. Nec refert, qualiscumque causa sit, & quocumque modo agat; modò fibræ talem nervosam à cerebro oriundam sic disponat, ut rupturæ proxima sit, nec rumpatur tamen, (destructo enim nervo, dolor cessat), excitabitur in mente ingrata illa perceptio, quam dolorem vocant omnes.

Sed ut hæc mutata conditio nervi ideam doloris faciat nasci in mente, requiritur, ut nervi hujus in cerebrum, & cerebri in nervum; libera maneat actio, non interrupta ullo obstaculo: si enim nervus in suo decursu ligatus fuerit, licet ejus extremum trahatur, laceretur, &c, non erit in mente doloris sensus. Idem erit, si nervo manente libero in toto suo decursu, ipsum cerebrum in functionibus suis læsum fuerit. Patet ergo per hanc mutationem nervi aliquid mutari in ipso cerebro, tuncque ab hac mutatione cerebri nasci in mente doloris ideam. Videatur ergo admodum verosimile, posse doloris ideam nasci aliquando in mente, licet nulla mutatio in nervis acciderit: si nempe cerebrum à quacumque demum causa talem accipiat mutationem, qualem accepisset, si fibræ nervosæ quædam in aliqua corporis parte sic disponeretur, ut dissolutionem minaretur. Hanc rem confirmant *Observata Medica*. Sæpe enim accidit, ut illi, qui per belli calamitates aut alia infortunia cruribus truncati fuerant, de dolore digitorum pedis abscissi conquererentur: imò in quibusdam observatum fuit, talis doloris sensum fuisse signum imminens convulsionis, cerebro, omnium nervorum sentientium origine, mutato (a). Nec tantum hoc fiebat parvo post extirpationem factam temporis intervallo, sed etiam diu postea. Dum ergo quibusdam hominibus primum illud originale sensibus & motibus inserviens, à quo oriuntur omnes nervi, facilius afficitur, quàm in aliis, erunt obnoxii plurimis morbis & doloribus, quos externis causis adscribunt; qui tamen totam suam originem debent nimis facili mobilitati ipsius sensorii communis.

Hinc Sydenhamus videns, quòd venam secando, purgando, &c, nihil proficeret in miris illis morbis, qui à turbato spirituum motu oriuntur, conclusit tandem, (b) *quemadmodum enim homo quidam exterior conspicitur, ex partibus sensui obviis compaginatus, ita procul dubio & interior est quidam homo, à debita spirituum serie & quasi fabricâ constans, solo rationis lumine contemplandus. Hic verò cum temperie corporis intimius conjunctus & quasi unitus, tantò ægrius faciliusve de statu suo deicitur, quanto major est minorve ea, quam à natura sortitur, principiorum constituentium firmitas. Unde in talibus morbis, dum dolores varias corporis partes obidentes distinctissima simulabant mala, meritò solam spirituum animalium *irregularitas* incusabat & inordinatos motus, hisque compefcendis tantum omnem navabat operam; per Experimenta probè edoctus, omnes illos tunc sopiri dolores, & omnia illa nunc sedari symptomata, quæ tantà varietate in mirabili hoc affectu distinctissimos mentiebantur morbos. Confirmabat hanc rem, quòd sola animi perturbatio in mobi-*

(a) Miscellanea curiosa decur. 1. Ann. 1. pag. | *Observ. XV.*

§. 2. Hildan. *Observ. Chirurgic. Centur. III.* | (b) Sydenham. *Dissert. Epistolæ. pag. 496.*

libus illis corporibus tot malorum catervam producere poterat, licet momento ante nihil in solidis vel fluidis partibus mutatum detegeretur.

Si ergo supponeremus omnia puncta sentientia in corpore manere, aboleri autem omnia puncta non sentientia, haberetur imago illius hominis interioris *Sydenhami*. Sed quam multa sic tollerentur de corpore! Totum cor in morbis ardentissimis adeo agitata, inflammata, &c, non dolet, sed anxietatis sensus molestissimus oritur: totus pulmo sæpe purulentâ labe consumitur sine dolore: sic & renes; cum tamen pelvis & ureterum membrana interior malè affecta tam enormes dolores faciat: totum hepar abscessu consumitur sine dolore: sed si exterior hepatis membrana afficiatur, dolor intensus adest, &c.

Doloris ergo idea in mente sequitur talem dispositionem fibræ nervosæ in corpore, quæ dissolutionem minuitur; sic ramen, ut admodum probabile videatur posse etiam excitari doloris ideam, licet nulla mutatio nervi acciderit, sed tantum fuerit mutatum illud, à quo nervi hi suam originem ducunt, nempe cerebrum ipsum. Neque hoc tantum in nervis illis apparet, qui fideli custodiâ cavent, ne corpus destruantur, & ubique dispersi doloris sensu monent hominem, ut tollat vel evitet omne illud, quod pergens agere, ut nunc agit, partem destrueret; sed videmus, idem certissimè fieri in aliis nervis, à quorum mutatione in mente oriuntur distinctissimæ idæ, quod nempe illæ fieri possint æquè vividæ, licet nullum objectum externum egerit in sensuum organa, sed tantum per morbos mutatio inducta fuerit ipsi sensorio communi. Sic phrenitici quàm mira vident phantasmata, quàm horrendos sæpe fragores audiunt, &c, licet nulla causa externa adfuerit, quæ has ideas excitaverit mutatione nervi inductâ? Idem in melancholicis deliriis, & maniacis furoribus contingit.

§. 221. **Q**UI è acrior, quò fibra rupturæ propior: èò autem mitior; quò naturali est tensioni propior.

Cùm ex præcedenti definitione doloris patuerit, dolorem tunc percipi, quando fibra nervosa sic disponitur, ut dissolutionem minuetur; sponte sequitur, illum èò acriorem esse, quò causa dolorem excitans nervos plùs distraxerit, modò adhuc cohesio maneat: hæc enim sublatâ, cessat dolor. Et vicissim èò mitior erit doloris sensus, quò minor fuerit nervi distractio. Patet hoc in tormentis, quibus utuntur Iudices, ut invitis maleficis criminum confessionem exprimant. Suspendo enim manibus homini alligant pedibus pondera, sensim aucta, unde majori factâ partium distractione, per gradus augetur dolor ad summam acerbitatem usque. Simulac auferunt pondera, minuitur dolor. Nervi plurimi in nobis sunt satis laxi, hinc sine dolore extensionem ferunt; sed ubi per periosteum v. gr; dispersi supra ossa tenduntur, minimum tensionis augmentum tam acerbos cruciatum efficit; hinc summi illi dolores in lue venerea, dum ossi tumores incumbens periosteum sensim distendunt & dilacerant. Inde & acerbissimum illud tormenti genus, quod adhibent carnesices, dum spinæ tibie cochleâ impositâ, periosteum, adeo acuti sensûs, ad durum os conterunt, sensim auctâ pressione. Ob eandem causam & acerrimi dolores in minimis nervis fiunt; majores enim nervi minimam partem suæ molis habent verè nervosam dicendam: hinc faciliè fieri potest, ut talis major nervus distendatur, nec tamen adhuc fiat distractio in minimis nervosis fibrillis, sed tan-

tum in callosis vaginis has fibrillas regentibus. Sed quando nervus est exiguus, & tensus, & inprimis his involucris nudus, tunc summi dolores etiam à levissima causa fiunt. Docet hoc dentium dolor, ubi, crustâ adamantinâ dentis erosâ, minimi nervuli, per dentis omnem substantiam internam dispersi, vaginulis suis nudi, ab ipso aeris actu tam intolerabiles cruciatus faciunt, non sedandos ferè, nisi nervulus affectus destruaturs auctâ distractione, vel applicatis remediis, vel eradicetur dens.

§. 222. **U**NDE dolor summus in eadem parte brevis, mitior, diuturnus esse, & intendi potest, & remitti.

Cùm dolor supponat illam conditionem nervi, quâ rupturam, id est, dissolutionem continuitatis minatur; & ille eo acrior sit, quò fibra nervosa rupturæ propior est; patet dolorem summum tunc adesse, quando fibra nervosa jamjam rumpeatur: sed fibrâ nervosâ ruptâ, cessat omnis dolor, qui antè ab hac fibra nimis distracta fiebat. Dolor ergo summus, mox rumpendam fibrâ nervosam designans, brevis erit, quia ruptâ fibrâ desinet. Sic dum acutissimâ novaculâ vulnus insignitur, momentaneus sentitur dolor, sed mox evanidus. Et in podagra observatur, eò citius deservescere paroxysmi sævitiam, quò acrior urserit dolor. Dum dente carioso factò nudantur nervuli per ejus substantiam dispersi, aliquando sugendo trahitur talis fibrilla nervosa, & oritur tam immanis dolor, ut nequidem per pauca momenta ferri posset vel à robustissimo homine; sed ruptâ hâc fibrillâ, cessat brevis. Dum dens evellitur, summus dolor est; dente evulso, statim cessans. Summus ergo dolor citò destruet nervum dolentem; vel sic afficiet cerebrum, ut omnis doloris perceptio cesset, tuncque simul plerumque syncope fit, sive abolitio omnis motûs vitalis. Nec ultra possunt etiam acerbissima tormenta procedere: sic enim affecti cadaveris instar nihil amplius sentiunt; ut plurimis Exemplis constat, quòd malefici, ad torturam damnati, aliquando statim quasi exanimis fiant, nec postea vel exquisitissimos cruciatus sentiant.

Videtur huic sententiæ repugnare, quòd acerbus sæpe dentium dolor per plures dies, imò & septimanas, homines torqueat. Sed ratio est, quòd nervulus, dentis substantiam ingressus, in minimas fibrillas divisus, per omnia puncta distribuatur; hinc licet summo dolore destruaturs una talis fibrilla, idem malum ad reliquas fibrillas pergens poterit diu continuare sævos hos cruciatus.

Cùm verò mitior dolor leniorem nervi dolentis tensionem supponat, hincque minus periculum rupturæ; patet faciliè, talem dolorem longè diuturniorem esse posse: & cùm inter naturalem nervi tensionem & summam distractionem, rupturæ proximam, innumeri gradus intermedii possint concipi; apparet, tales dolores diu manere posse sine destructione nervi affecti; & pro majori vel minori distractionis gradu posse intendi & remitti. Illi autem dolores, qui oriuntur in partibus corporis cordi satis vicinis, unâ cum valida febre, brevè cessant, destructâ parte dolente; sed in locis à corde admodum remotis, & sine magna humorum agitatione, diuturni dolores, & sæpe recrudescentes, tolerari possunt sine partium dolentium subita destructione. Terribilis adeo iliacus dolor inflammatorius robustissimum hominem sæpe paucarum horarum spatio necat. Podagra verò, sæpe viginti annis repetitis paroxysmis cruciat, antequam in calcem destruxerit partes dolentes; tuncque minuitur in extremis dolor podagricus, vel & aliquando cessat: sed ad

interna defertur hæc materia, quæ prius in artus detonabat, & pessima mala producit.

§. 223. **C**AUSA doloris ergo omne, id est, quod talem extensionem, vel dispositionem, (220) facit.

Generali ergo causæ doloris nomine comprehenditur omne illud, qualecumque fuerit, quod nervum, non dolentem antea, sic distrahit, vel alio quocumque modo disponit, ut rupturæ periculum sit: nec refert, an hoc premendo, distrahendo, rodendo, &c, fiat; effectus erit semper idem: nempe nascetur in mente doloris idea. Intenfitate vel & duratione poterit differre dolor à diversis causis excitatus, cæteroque effectus erit idem.

Patet hinc, quàm multiplex possit esse causa, quæ in corpore etiam sanissimo dolorem excitat! Ut autem ordine posset indagari à Medico latens doloris causa; & cognita tolli, ad quasdam classes debent redigi causæ doloris hæcenus observatæ, quod fit sequenti paragrafo.

§. 224. **Q**UO refertur 1. Vis naturalis contractionis paucioribus fibris sustentata, dum quædam solutæ sunt (183). 2. Quod vas fibris nervosis contextum nimis replendo distendit; eò obstructio, plethora, cacoehymia abundans, auctusque motus circularis, spectant. 3. Quod vi distrahit, ut luxatio, tumor, vis externa. 4. Omne vulnens, & rodens.

1. De hac re dictum fuit §. 163, & §. 183. In paronychiæ pessima specie, in qua tendine flexorum digiti affecto tam immanis dolor oritur, hoc apparet: excidit enim sæpissime ultimæ phalangæ digiti ossiculum post enormes toleratos cruciatos. Sed ut hoc fieri possit, debet tendo affixus huic ossiculo prius inde separari: quod non simul & semel, sed lentâ tali distractione fit. Nulli enim serè parti corporis tam exiguæ molis, tam validi affiguntur muscoli, quàm digitis; & in hoc morbo musculus illis contractis, digiti semper flexi apparent. Dum ergo incipit tendo separari ab hoc ossiculo, reliquæ fibræ sustinent totam vim musculi contracti, & lentâ, sed continuâ laceratione, ab osse distrahuntur, cui coherent; unde immanis dolor sæpe totum cerebrum sic turbat, ut acutissima phrenitis, convulsio, & mors sæpe totum cerebrum sic turbat, ut acutissima phrenitis, convulsio, & mors sæpe ipsa sequatur. Omnem humanam patientiam evincunt hæc tormenta, quibus vivis ossibus coherentes partes sensim lacerantur. *Philotas, quanquam hinc ignis, illinc verbera, jam non ad quæstionem, sed ad pœnam ingerebantur; non vocem modò, sed etiam gemitus habuit in potestate. Sed postquam tumescens corpus ulceribus, flagellorum ictus nudis ossibus incussos ferre non poterat; si tormentis adhibitori modum essent, dicturum se, quæ scire expectarent, pollicetur, &c. (a).*

2. Demonstratum fuit in *Commentario* §. 39, vasa majora constare ex convolutis membranis, quæ omnia vasorum genera in se continent, etiam minima totius corporis, nervos nempe: omne ergo illud, quod distendit vasis majoris latera, distrahet pariter nervos per hæc dispersos; sed ab hac distractione nascebatur in

(a) Q. Curtii, Lib. VI. Cap. II.



mente doloris idea, ut dictum est. Dubitari posset, an omnia vasa corporis habeant in suis membranis nervos sentientes: cum in §. 220, dictum fuit, plurima viscera (quæ tamen vasorum congeriem esse ex Anatome hodie constat) sæpe consumi sensim & destrui serè sine dolore. Unde hoc tantum verum erit, quatenus vasa constituentes membranas habeant per suam substantiam disperfos nervos à cerebro oriundos & sensui dicatos. Hoc autem in plurimis vasis obtinere patet, quia tenuissimæ aciculæ apice in superficie corporis nullum punctum lædi potest, quin effluat ex vasis læsis contentus humor, & simul percipiatur doloris sensus. Cause autem, quæ vasa fibris nervosis sentientibus instructa distendunt, præcipuè sunt sequentes.

**OBSTRUCTIO** supponit semper obturationem canalis, per quem liquidum vitali motu transfluere debet: hinc necessariò sequitur: ut liquidum appulsum ad locum canalis obstructum nec penetrare potens, dilatet vasis latera, illaque attenuet & tandem solvat, uti demonstratum fuit in *Commentariis* §. 120. Patet ergo, fibris nervosis vasis obstructi latera constitutibus, tensis summpere, & tandem ruptis, posse excitari dolorem: & quidem vario intensitatis gradu pro varia distractionis mensura. Dum in pleuritide obstructæ arteriæ sanguine imbecilli in locis intercostalibus distenduntur à vitali liquido à tergo urgente, quàm immanis nascitur dolor, semper eò acerbior, quò majori impetu sanguis pellitur in loca obstructa; unde debilitatà vità per venesectionem, cessat vel minuitur dolor! Hinc obstructio propriè loquendo doloris causa non est, sed liquidum à tergo urgens dilatando vas obstructum dolorem excitat.

**PLETHORA.** Probatum fuit §. 106. *lit. a.*, nimiam copiam boni sanguinis distendere vasa, imò & rumpere posse: hinc omnes gradus doloris, qui præternaturalem tensionem vasorum ad rupturam usque sequi possunt, ab hac causa sola excitantur. Docent hoc sæpe molestissimi capitis dolores à sola nimia plenitudine orri, sanguinis missione tam feliciter tollendi. Mulieres etiam, antequam fluxu menstruo evacuabitur nimia plenitudo, sæpe ab hac causa dolores in variis partibus corporis sentiunt, qui evanescent, dum per uteri vasa dilatata elapso sanguine tollitur nimia ejus copia.

**CACOCYMYIA ABUNDANS.** Omnis humorum nostrorum degeneratio ab illis conditionibus, quæ requiruntur in sanitate, hoc nomine vocatur. Potest ergo & nimia vasorum distensio fieri æquè ab alienis humoribus aggestis, quàm à nimia copia boni sanguinis; unde & dolor excitabitur à distractis fibris nervosis vasorum membranas constitutibus. (Non agitur jam hoc loco de majori acrimonia, quam liquida degenerantia acquirere possunt, & per quam rodendo & irritando dolorem excitare valent.) Dum iners aquosa colluvies in panniculo adiposo aggesta, in crurum anasarca, cutim incumbentem distendit, ab hac sola causa dolor nascitur.

**AUCTUSQUE MOTUS CIRCULARIS.** Demonstratum fuit §. 100, solum auctum motum sanguinis per vasa calore aucto facere majorem rarefactionem liquidorum, unde sequitur vasorum major distensio, & à liquidis crassioribus, dilatata vasa ingressis, obstructio & destructio, inflammatio, &c. Sed hæc omnia fieri nequeunt sine distractione & dilaceratione fibrarum nervosarum per vasorum membranas disperfarum; unde satis patet, dolorem inde excitari. In febribus à solo aucto motu capitis dolor & artuum fieri poterit: minutà vel sublata febre, iterum cessans.

3. Omne illud, quod vi distrahit partes nostri corporis, minuit earundem cohesionem, ergo continuitatis solutionem inducere poterit, si pergat, vel augeatur hæc distractio; sed ex definitione doloris §. 220, illa conditio nervi, quæ dissolutionem continui minuitur, doloris ideam in mente facit. Distractio ergo partium, fibris nervosis præditarum, dolorem facit, à quacumque demum causa fiat. Unde dum luxata ossa, cavis suis, quibus naturaliter continebantur, elapsa; ligamenta articulos, neccentia elongant, tam acris dolor nascitur, qui, osse reposito, statim cessat, nisi distracta per luxationem ligamenta, vel vicinæ partes pressæ; jam inflammata fuerint: manifestio indicio, dolorem post luxationem ortum tantum ab hac distractione ligamentorum fieri. Unde *Hippocrates* (a) quod post humeri luxationem qui reposito articulo, partibus, quæ juxta sunt, nullâ inflammatione affectis protinus humero uti sine dolore possunt, hi nullâ curâ sibi opus esse arbitrantur: sed Medici officium est præfagire contra eorum opinionem, siquidem his rursus prolabitur, magis quàm quibus nervi inflammatione tentantur.

Facile jam patet, eundem effectum esse, si tumor natus à quacumque causa, distrahat partes. In arthritide enim inflammatoria, vel & per alios morbos, ut spinam ventosam, exostosim, &c, distracti nervi, per ligamenta articularum disperli; tam acerbos cruciatu faciunt. Quantus autem dolor à sola vi externâ distrahente fieri possit, docent tormenta maleficorum legum auctoritate facta, in quibus, vel ponderibus appensis, vel trochleis, distenduntur corporis partes.

4. Omne vulnus, uti ex ejus definitione §. 145, patet, est soluta cohesio partis mollis: sed dum instrumentum vulnerans partes antea unitas dividit, fit illa conditio nervi, quâ dissolutionem minuitur, nascitur ergo dolor, sed statim evanidus, si celeri actione instrumenti vulnerantis separantur partes, tamen illo momento, dum vulnus infligitur, dolor est. Ille autem dolor, qui aliquo tempore post vulnus inflictum nascitur, à distractione partium, per vulneris labia ab invicem secedentia, pendet; unde ille dolor vulnus quidem inflictum sequitur, sed non à vulnere ipso, ut causâ immediatâ, sed à mutatione vulneri inductâ per contractilitatem partium, oritur. Nervus enim rupturæ proximus doloris ideam in mente facit; nervo autem rupto dolor cessat: unde dum vulnus fit, dolor nascitur; vulnere facto, cessat dolor.

Rodentia autem omnia, corpori applicata, & calore corporis actuosa reddita (in cadaver enim vix agunt, si ignem solum exceperis) discernunt minutis & numerosissimis vulnusculis partes & destruunt; unde dolor satis intensus & diuturnus simul oritur, uti evidenter patet.

§. 225. **I**NDE doloris (220) in vulnere, (155) causa multiplex (224) cognoscitur.

Si jam omnia hæcenus dicta applicentur vulneri, apparet; magnum posse numerum & varietatem causarum dolorem excitantium in vulnere obtinere. Ipsum enim instrumentum vulnerans illo momento, dum vulnus infligitur, doloris causa est: partes instrumenti vulnerantis relictæ in vulnere dolorem facere possunt: labia vulneris, à se mutuo recedentia, nervi semidifici, nervi majores diffici retracti

(a) Hippoc. de Articulis Textu XXIX. Charter, Tom. XII. pag. 308.

& ramulos vulnere superiores diffrahentes, summos dolores excitare possunt. Dum labia vulneris postea inflammantur, tument, & retorquentur & simul febriculâ ortâ augetur fluidorum celeritas, iterum novæ causæ doloris adsunt. Dum effusi in vulnere cavum humores in acrem degenerant indolem, illi rodendo & irritando dolorem iterum faciunt; idem & ab acribus quocumque titulo applicatis fiet. Quando per suppurationem sensum separantur obstructa vasculorum extrema à vivis partibus, pariter dolor nascitur, qui, pure facto, cessat. Omnia hæc sollicitè distinguenda sunt, ut cognitiæ doloris causæ in vulnere debita auxilia possint adhiberi.

§. 226. **E**T effectus, inquires, jactatio, vigilia, febris, calor, sitis; siccitas, convulsio, gangræna, intelliguntur.

Quando dolor adest in corpore, sequuntur ejus effectus, qui inprimis observati fuerunt sequentes.

**INQUIES ET JACTATIO.** Dum percipimus ideas, oritur in mente nostra mutatio quædam, quæ grata vel ingrata est; vel aliquando penitus adiaphora: sic dum cognitio circulum bifariam per diametrum dividi, hoc nec placet, nec displicet. Sed si manus frigida apponitur igni moderato, omnes dicent, hoc placere; si vivus ignis applicetur manui, omnes testabuntur, hoc displicere. Quomodo hoc fiat, non potest fortè explicari; unusquisque tamen in se ipso hæc deprehendit. Illud autem gratum & ingratum, quod comitatur ideam perceptam, facit in nobis effectus quosdam, quos nequidem summa ratio potest vincere, quidquid dixerint superbi Philosophi. Voluntas enim omnibus viribus nititur, ut illud gratum menti præsens maneat, ut illud ingratum deleatur: & tunc sequuntur motus corporei, non à mente præscia determinati, sed verè automatici & spontanei dicendi, quibus conamur tollere vel evitare illud, quod in mente excitaverat ingratum illum sensum. Hæc est humanitas nostra, quam non possumus exuere. Dum profundus meditationibus penitus immerfus hæret Philosophus, si subito aciculâ pungatur ejus digitus, ipso momento manum retrahet, licet nulla sit illius morûs excitati in mente conscientia. Unde doloris sensus fidelissimi custodis instar monet, ut tollatur illud, quod corpus destrueret. Hinc videmus, homines dolentes variâ positurâ partium corporis, & continuâ sæpe agitatione moliri; ut fortè talem situm inveniant, quo tollatur, vel saltem minuatur, doloris sensus, & inde illa inquietudo & jactatio corporis in magnis doloribus. Ubi verò à minimo motu corporis augetur dolor, tunc immobiles hærent homines, uti in sævissima podagra, & dolenissimo rheumatismo fit.

**VIGILIA.** Sanissimus homo, sopitis omnibus sensibus, naturali somno dum fruitur, excitatur ab omnibus illis, quæ sensuum organa validè afficiunt: multò magis ergo impediatur somnus nondum præsens à dolore tam efficaciter cerebrum afficiente. Ideo veteres Medici in morbis soporosis pilos de naribus evelebant, urticis cedebant membra, acria applicabant corporis partibus, ut doloris sensu excitatis tolleretur nimia somnolentia.

**FEBRIS.** Ferè semper magnos dolores sequitur; etiam in illis morbis, qui ex sua natura minime in febrem vergunt: uti in podagra, lue veneræ, &c, patet. Dum enim acerbis talis dolor torquet, ferè semper aliqua febris adest.

Hinc & Hippocrates inter febrium causas etiam dolores meritis agnovit pluribus

in locis. Sic dixit, (a) *Febres ex doloribus vehementibus diuturnæ.* (b) *Ex hypochondriorum dolore febres malignæ, &c.* Ubi humeri articulus versus posteriora elabitur, dicit, omnium dolentissimum hoc esse, & summas excitare febres, &c. (c) Et; nisi luxatus articulus quicumque citò restitatur à dolore febris sequitur etiam in fanissimo corpore.

Cùm ergo febris dolorem majorem sequatur serè semper, facillè intelligitur, & calorem, aucti mortis per febrim effectum; &c, dissatis liquidis per majorem motum, siccitatem à dolore fieri. Ubi autem siccitas adest in corpore, & major calor, sitis semper cogit, ut potu copiosiori remedium fiat his malis: uti in capitulo de siti febrili dicitur postea.

CONVULSIO. Inprimis in illis, qui totum genus nervosum mobilissimum habent. Ideo infantibus, ob tormina intestinorum ab acido, toties convulsiones accidunt. Vidi hysterica puellam, quæ odontalgia ob cariosum dentem obnoxia cùm esset, convulsam frequentissimè toto corpore, dum dolor recrudesceret. In se ipso sensit convulsionem instare Galenus, dum immanem dolorem pateretur à distractione nimia humeri, quem luxatum credebant; uti dictum in *Commentariis* ad §. 164.

GANGRÆNA. Definitur, quòd sit illa partis mollis affectio, quæ abolito vitali influxu & effluxu humorum, in mortem tendit. Unde respectu nervi dolentis in magno dolore est ille status, quo in mortem tendit, dum nempe integre rumperetur brevi, jam summo opere distractus. Dum validissima pleuritis immani dolore urget, nisi succuratur subito, vel impedità respiratione ob doloris vehementiam suffocetur æger, macula livida in affecto loco orta gangrænam lethalem designat. In ileo inflammatorio, post summos dolores intra paucas horas gangræna nascitur, cessante tunc dolore, sed brevi mors sequitur. In paronychia pessima paucis sæpe horis cum intolerabili dolore sic pars afficitur, ut corruptæ partes molles postea in gangrænosum tabum dissolvant, ipsùmque digiti affecti ossiculum sideratum cadat. Omnium maximè gangræna post dolorem nascitur, si inflammatio & valida febris simul adsint; tunc enim citissimè aucto circulationis impetu destruantur partes.

§. 227. **T**UM anodynî diversitas, pro varietate causæ scitur.

Una tantùm est causa proxima doloris, nempe talis dispositio fibræ nervosæ cerebro ortæ, ut dissolutionem minuitur; omne ergo illud, quod tollit illam dispositionem nervi, doloris remedium erit. Quia verò illa nervi conditio à tam diversis causis pendere potest, ideo tanta etiam requiritur varietas anodynorum, dum singulis causis tollendis distincta debeant adhiberi remedia. Requiritur ergo prius, ut doloris causa singularis cognoscatur, antequam determinari possit, quid causam hanc enervare vel tollere possit §. 224, enumeratæ fuerunt, & in distinctas classes redactæ, doloris causæ: sequens paragraphus adæquata his causis remedia proponit.

(a) *Prænot. Coscar. n.º 78.*

(b) *Ibid. n.º 31. & Lib. I. prænotet. Charter. Tom. VIII. pag. 738.*

(c) *De Fracturis, Comment. 3. Textu LXII, Charter. Tom. XII. pag. 167.*

§. 228. **D**OLORIS causa tollitur ergo. 1. Laxatâ distentâ fibrâ. 2. Resolutione concreti. 3. Minuto motu & materiâ distendente. 4. Ablatâ tractione inæquali, & violentâ. 5. Lenito acri. 6. Discusso eodem. 7. Educto eo, quod solvit fibras.

1. Sola distractio rupturam productura dolorem facit: si nunc Ars facere valet; ut fibra possit distrahi sine rupturæ periculo, dolor cessat, vel saltem plurimum minuitur, licet causa distrahens fibrâ nervosam pergat agere. Si lignum rigidum & aridum flectere velis, rumpitur: si aquâ maceratum fuerit diu, flecti poterit sine ruptura. Sic lentum de salice vimen torquetur nec rumpitur; idem arefactum, si flectatur, frangitur. Unde in dolentissimis morbis ab omni ævo semper adhibita fuerunt talia remedia, quæ laxarent solidas corporis nostri partes. In ileo balneis foveri corpus, & oleo illiniri Hippocrates suasit: in pleuritide mollissimis applicatis & tepidis latus affectum tegi iussit; similia & internè adhibenda voluit. Galenus in se ipso (vide §. 164.) dolorem summum, & convulsiones inde metuendas, sedavit, dum curaret, ut oleo calido perfunderetur continuò. Dum plegmone, inflammatorio tumore panniculi adiposi subiecti, cutim distendit, nervisque cutaneis distractis dolorem facit, licet irrefolubilis omnino in suppurationem, vergat, ideòque maneat, imò potius augeatur causa distendens; si cataplasmata ex emollientissimis continuò applicentur, mitigabitur dolor, sic laxatis fibris nervosis, ut distrahi possint sine rupturæ periculo aut facilius solvantur. Mollissimi olei pressi cusuque cumque larga copia sumpta dolores iliacos, colicos, nephriticos tam pulchre lenit. Aquæ tepidæ vapor, omnia adeo emolliens & laxans, dolentissimis locis tanto cum levamine adhibetur. Ubi à nervi punctura immanes illi dolores oriuntur, periti Chirurgi emollientissimis remediis noctes & dies foveant partes affectas. Hinc universale remedium ad dolores omnia emollientia & laxantia exhibent quia ipsam causam proximam doloris, nempe rupturæ periculum, in fibra nervosa tollunt; dum reliqua auxilia tantum in causas remotas doloris agunt. Et licet ignoretur causa, fibras nervosas sic disponens, ut doloris sensus nascatur; tamen hæc semper tutò & cum fructu possunt adhiberi. Simul hoc boni habent hæc remedia, quod pluribus doloris causis remotis tollendis sufficiant, nec noceant tamen illis causis, quas tollere nequeunt. Vasis enim laxatis, distendens illa immeabile liquidum facilius transit, & simul omnis acrimonia demulcetur iisdem. Omne autem illud, quod solidarum partium corporis robur & contractilitatem auget, si maneat eadem causa distendens fibras, semper simul faciet doloris augmentum. Sic pleuritis longè acerbior in exercitatis & robustis corporibus observatur, quàm debilibus & laxis hominibus. Multò facilius & minori cum dolore articuli luxati restituantur in similibus, quàm in strictæ temperiei hominibus: imò in quibusdam tam facilis elongatio ligamentorum fit, ut, sine ullo dolore prolabantur articuli. Dum carnifices in tormentis summâ vi distraxerunt omnes ferè corporis partes, aspersâ aquâ frigidâ dolorem immaniter augeri noverunt. Ubi ergo laxantium & emollientium efficacia ad locum dolentem pertingere potest, nunquam deerit effectus. Si enim v. g.; in dentis media substantia fibrilla nervosa tensa doleat, non poterit ille dolor laxantibus leniri: idem verum est, si à medulla ossis affecta intolerabiles illi dolores oriuntur: uti &

dum in pessima paronychia sub cartilagineo illo scuto, tendines musculorum flectentium digitos tegente, malum hæret. Aliquando etiam contingere potest, ut, licet dolor magnus urgeat, alia tamen symptomata mali laxantium & emollientium usum prohibeant: v. g; si à cancro tecto, vel jam exulcerato, summus dolor oritur, emollientia nocerent; quia & putredinem, & fungosam illam canceri excrecentiam, augerent summopere. In reliquis autem omnibus casibus ferè universalis est laxantium usus ad dolores leniendos.

2. Dum calculus uretèribus impactus hærens dolorem facit, qui solvere posset illud concretum calculosum, tolleret dolorem. Omnia illa, quæ concretum inflammatoriâ densitate sanguinem resolvere possunt, pleuriticos dolores sedabunt. Idem in omnibus aliis casibus verum est, ubi obstruens immeabile vas infarciens, vel tumores, ex aggestis concretis nati, vicina premunt & distendunt. In capitulo autem de obstructione actum fuit de variis modis, quibus liquidorum nostrorum moleculæ, antea separatæ, concresecere possunt (§. 117): & ibidem tradita fuerunt talia remedia, quæ suâ efficacîâ poterant dividere concreta (§. 132. 133. 134. 135. 136.) Unde priùs indagari debet indoles concreti; deinde ex antè dictis inveniri poterit remedium, quod resolvendo illud concretum tollet dolorem inde ortum.

3. Omnis dolor supponit vitam supersitem; & si ab immeabili humore, distendente vasa obstructa, oritur, semper erit eò acrior, quò vita actuosior. Hinc in pleuritide, dum simul valida febris adest, dolor intolerabilis nascitur; quia magno impetu urgent humores in locum obstructum, & vasa dilatando, fibras nervosas horum vasorum texturam facientes magnâ vi distrahunt. Omne ergo illud, quod minuit impetum & velocitatem circuitûs humorum, sedabit dolorem; ut quotidiana Observata docent. Venæsectio enim, ad animi deliquium usque inflirta, illico sæpe tollit, vel saltem plurimùm levat, acutissimæ etiam pleuritidis dolores. Hinc à veteribus Medicis in vehementissimis doloribus commendabatur venæsectio ad lipothymiam usque, uti in locis antea jam allegatis (§. 141) pater. (a) Et in se ipso, uti aliâ occasione dictum fuit (§. 133) dolorem diuturnum fixum in illa maxime parte, quâ hepar septo transverso committitur, curavit *Galenus*, dissectâ arteriâ inter indicem & pollicem dextræ manûs, & sanguine effluente, donec sponte sisteretur (b). Ob eandem causam summam quietem imperabant Veteres in morbis acutissimis, in quibus ferè semper ingens capitis dolor adest. Nec tantum prodest tunc missio sanguinis, quatenus debilitando vitam, minuit motum; sed etiam quia educto sanguine minuit copiam humorum distendentium. In plethoricis molestissimis capitis dolores sæpe adiunt, licet sedatus penitus sanguinis motus sit, imò ferè suffocatus, ob nimiam copiam humorum movendorum: simulac vel spontanea hæmorrhagia per nares, vel per Arteriam facta sanguinis subductio larga, minuerit sanguinis copiam, illico cessat dolor, sublata materiâ distendente vasa nimis plena.

Sed imminutio vitalis motûs non tantum prodest in illis casibus, ubi nimia velocitas vel nimia diffusio vasorum dolorem faciunt, vel ab alia causa factum auget; sed præterea summum usum habet in leniendis doloribus, qui ab acriori

(a) Galen. Comment. I. in Aphor. Hippoc. Charter. Tom. IX. Part. II. pag. 40. & libro de Curandi ratione per venæsectionem Cap.

xii. Charter. Tom. X. pag. 441.

(b) Ibid. Cap. xxiiii. Charter. Tom. X. pag. 451.

humorum indole nascuntur. Acria enim, per vim vitæ & calorem corporis actuosâ reddita lædere possunt; in cadavere, ubi omnis motus cessat, & calor tantum communis atmosphæræ adest, nihil ferè agunt. Sic cantharides, cadaveri applicatas, nullum præstare effectum, post *Helmontium* docuit *Petit*: imò & cauterium potentiale, cuti cadaveris applicatum, ferè nihil effecit spatio quindecim horarum: dum verò linteis calidis applicatis foveretur locus, cui applicatum erat cauterium, cutim dissolvit & partem subjæctæ pinguedinis (a). In morbis, in quibus acrimonia degenerantium humorum dolores excitat, observatur, semper aucto motu vel & majore calore (qui etiam auctum motum sequitur) illos ingravescere. Dolores illi nocturni, qui tanta cum crudelitate lue venerè laborantes affligunt, calore lecti sæpe augentur adeo, ut miseri cogantur singulis noctibus surgere, ut frigefacto corpore minuatur dolor. Dum febris acuta pessimo scorbutico infectum hominem corripit, dolores augentur immaniter; imò sæpe, fractis subito vasibus, per auctum impetum acrimie humorum, sanguis quaquaversum erumpit. Sic etiam acris caloribus pessimum scorbutum exacerbari quàm maximè observatum fuit (b). Idem plurimis aliis Observatis posset demonstrari; hæc tamen sufficere poterunt.

Quomodo & per quæ auxilia motus fluidorum per vasa minui possit, dictum fuit §. 102. 103. 104. 105. Dissidens autem materia solis evacuantibus tolli potest.

4. Dum luxatione factâ os articuli sui cavo excidit, distrahit ligamenta, & premit partes vicinas; unde dolor, qui brevi cessat, vel saltem insigniter minuitur (aliquis enim dolor sæpe remanet post luxationis restitutionem ob magnam distractionem, quam passa fuerunt ligamenta, unde sæpe inflammantur) simulac os in suo loco repositum fuerit. Idem verum est, dum partes tendinæ semilaceræ inæquali tractione continuè elongatæ acerrimum dolorem creant: si enim tunc idoneo situ partis affectæ, spleniis & ligaturâ debitâ impediatur inæqualis illa tractio, dolor cessat; uti constitit in Historia §. 164, enarratâ, ubi homo ruperat illam partem tendinis Achillis, quæ gastrocnemio musculo continuatur, integrâ manente illâ parte ejusdem tendinis, quæ soleo musculo originem debet. Post sedatam enim inflammationem repetitis venæsectionibus, per idoneam ligaturam inæquali tractione sublâtâ, cessabat dolor (c). Si autem vis illa distrahens tolli nequeat, ut dum v. gr; luxatum os ob tumorem & validam inflammationem reponi non potest; tunc sola emollientia & laxantia profunt, quæ faciunt, ut sine rupturâ periculo fibræ nervosæ elongari possint.

5. Ubi sine majori motu humorum, sine ullis signis distensionis majoris partium à liquidis concretis vel accumulatis, sine ulla vi distrahente externâ, dolor nascitur, tunc in primis de acrimonia cogitamus, quæ sæpissime incusatur facere dolorem, qui ab aliis causis nascitur. Rarè enim magna acrimonia in sanguine invenitur: destruerentur enim citò terribia encéphali vasa, si acres humores per illa fluerent. Unde ferè semper tantum in primis viis acria inveniuntur, vel ubi humores stagnantes vel extravasati in loco corporis quocumque hærentes acres fiunt; sive ex propria sua

(a) Académ. Royale des Sciences, l'an 1731: Mémoires, pag. 245.  
Mém. pag. 314. & suiv.

(c) Ibid. l'an 1728. Mém. pag. 334.

(b) Académie des Sciences, l'an 1699. Mé-

indole, sive ex peculiari cacochymia, ut in lue venerea; scorbuto, &c. Hinc ferè semper topicum tale malum est. Si ergo constitit, acrimoniam doloris causam esse, patet facillè dolorem tolli vel mitigari, si leniatur lædens acrimonia. Hoc autem fiet vel specificâ medellâ oppositâ cognitæ acrimonix, ut v. gr; dum acidum acre in primis viis hærens terrestribus absorbentibus, vel salibus alcalinis enervatur, & mite redditur; vel fiet generalibus auxiliis ad qualemcumque acrimoniam, diluentibus nempe, obtundentibus, inviscantibus, &c. Per hæc enim omne acre iners redditur, uti probatum fuit, dum de spontaneis humorum degenerationibus agebatur, ubi de his remediis dictum fuit.

6. Dum in lue venerea pessima ossibus insidet malum, ab erosione lenta, & tumore ossium affectorum distendente sensu adeo exquisito præditum periosseum, tam molesti dolores oriuntur. Dum autem in his casibus repletur corpus magnâ copîâ decocti guaiaci, & deinde, sudore per accensum vini spiritum excitato, movetur illud decoctum per omnia vasa; detergitur latens hoc virus, & diffusit de corpore, cum levamine summo, vel & integrâ abolitione doloris. Idem fiet, si cacochymia notabilis, v. gr; scorbutica acris in corpore vulnerati obtinuerit: tunc enim humores ad vulnus allati, citò degenerantes in majorem acrimoniam, dolorem excitare poterunt. Mollissimis & simul leviter diaphoreticis remediis, qualia sunt ferè omnia decocta vulneraria dicta, largâ copîâ exhibitis, abluuntur & enervatur illud acre irritans.

7. Quamdiu v. gr; fragmenta instrumenti lædents, vel fragmenta ossis læsi, vel aliud tale quid, in vulnere hærent, quæ acutâ suâ figurâ & rigiditate partes lædere possunt, tamdiu manebit dolor; inprimis quia partes continuè irritatæ inflammantur & tumunt: hinc appressæ alieno huic relicto in vulnere lacerantur magis; donec educatur hoc heterogeneum per instrumenta Chirurgica, vel suppuratione circumquaque natâ expellatur. Quomodo autem hæc tolli debeant de vulnere, & quibus cum cautelis, dictum §. 186. 187. 188.

§. 229. **D**OLORIS sensus tollitur, manente ejus causâ (224) 1. Nervo inepto ad sensum reddito compressu, dissectione, vel exulsiōne. 2. Sensorio communi obtuso per vim narcoticam; atque his tolluntur nonnulli effectus (226) ex doloris sensu oriundi.

Omniū perfectissima doloris cura est, si ejus causa tollatur aliquando; tamen etiam in summis doloribus causæ latent: sæpe etiam, licet cognitæ fuerint, tolli nequeunt. Interim ingratisissimus ille sensus lenimen postulat, & per affectus, qui dolorem sequuntur, jactationes v. gr; vigiliæ, febres; &c, sic mutabitur corpus, ut gravissima possint inde sequi mala. Tunc tantum hoc superest in Arte, ut sensus doloris tollatur, licet maneat ejus causa. Sensus autem doloris fit, dum liberum est commercium inter cerebrum & nervum affectum, & dum cerebrum integritate suarum functionum valet. Omnia ergo illa remedia, quæ sensum doloris tollunt, non causam ejus, agunt vel in nervum dolentem, vel in cerebrum ipsum.

1. Constat certissimis Observatis, nervo destructo, qui unicus ad partem quam



dam corporis tendit, omnem sensum in illa parte tolli, (vide §. 162): illa enim mutatio, quæ in nervi extremo facta sensorium commune sic afficit, ut doloris idea nascatur in mente, per nervi affecti integritatem cerebro communicatur: omne ergo, quod nervi integritatem destruit inter cerebrum & locum illum corporis, cui causa dolorem excitans applicatur, tollet doloris sensum omnem, licet doloris causa maneat, & agere pergat etiam, summa cum vehementia. Qui luxatâ spinâ dorsi compressam habet medullam spinalem, ne quidem vivo igne cruribus applicato dolorem sentiunt. Nec refert jam, an compressione validâ impediatur commercium inter cerebrum & partem compressam nervi, an verò dissecando, vel urendo, destruaturs nervi continuas. Dum in artuum extirpationibus ligaturâ arctissimè circumpositâ vasa comprimunt, ut compescere possint hæmorrhagiam, simul & à nervis compressis stupor oritur & insensibilitas in parte, quæ dolorem multum minuit. Empiricus Amstelodamensis quondam dolorem dentium curabat, dum digitos suos capillis implicabat, & deinde pollice sub auriculæ lobo validissimè appresso contundebat nervum ibi hærentem, qui ramos ad maxillam superiorem dat. Idem effectus erat, dum nervus sub dente molari primò maxillam inferiorem utrimque ingrediens comprimeretur. Sævissimam odontalgiam compescunt omnia illa, quæ dolentem nervulum in dente destruant: hinc, si eroso dente pateat via, stylo ferreo candefacto illum comburunt, cum doloris præsentissimo levamine, modò ad nervulum dolentem calor ignis ferri pervenire possit. Hanc methodum in dentium dolore jam commendaverat Hippocrates (a), dicens: *In dentium autem doloribus, si dens quidem erosus fuerit, & mobilis, eximendus. Quod si neque erosus fuerit, neque moveatur, sed dolorem inferat, ustione rescandus.* Alii eodem effectû acerrima olea stillatitia caryophyllorum, origani, &c. denti cavo imponunt, quæ statim nervum, quem tangunt, igneâ vi destruant. Plurimis aliis doloribus, qui pertinaciter aliorum auxiliorum efficaciam eludebant, vivum ignem adhibuit, vel & scarificationes, Hippocrates; utroque modo nervos dolentes destruendo, doloris sensum tollens. Sic postquam ad capitis dolores multa commendavit remedia, addit (b). *At si diuturnus & vehemens capitis morbus evadat, neque capite purgato tollatur, aut hujus caput scarificare, aut venas in circuitu adurere oportet: ex cæteris enim ab his duntaxat sanum fore spes est;* & alibi (c): *In capitis dolore sanguinem ex venis detrahit; quod si non cesset, sed diuturnus sit, venas inurito, & convalescit.* Similia de capitis dolore curando per inunctionem, & in aliis locis habet. In molestissimo morbo ischiadico jubet, *quum dolor detinuerit, balneis, linimentis tepentibus, ac fomentis emollire, ad quamcumque cruris partem dolor fortè decubuerit, alvumque subducere. Quum autem levatus dolor fuerit, medicamentum infra purgans exhibere, & post hæc lac asininum coctum potare...* si verò in unum aliquem locum decubuerit dolor, & consisterit, neque medicamentis expellatur, urito quocumque loco dolor fortè exiterit. (d) Et alibi in eodem morbo, post varia tentata auxilia, si non levetur dolor, multis & profundis cruciis partem inurendam jubet, in ossis quidem partibus per fungos, in carnis per serraenta (e). Idem & in Aphorismis (f) & aliis locis commendat.

(a) De Affectionibus Cap. II. Charter. Tom. VII. pag. 621.

(b) Ibid. pag. 620.

(c) De locis in homine, Cap. XIV. Charter. Tom. VII. pag. 373.

(a) De Affectionibus, Cap. VIII. Charter. Tom. VII. pag. 629.

(e) De intern. affectionibus. Cap. XIII. Charter. Tom. VII. pag. 677.

(f) Aphorism. §9. & 60. Scd. VI.

Ideo & in Asia tantus usus *Moxæ* in doloribus arthriticis tollendis, imò & in ipsa podagra; dum artemisiæ obsoleta folia contrita, & ab omnibus fibrosis partibus durioribus depurata, sicque in mollem lanuginem conversa, in pyramidales turundas contorquent, quæ basi suâ dolenti loco imponuntur; dein incenso apice sensim descendens ignis partem urit, non adeo crudeli curâ, cùm & centies viderit *Kæmferus*, pueros hanc unctionem admisisse, absque eo, quod ullo signo vel ejulatu doloris sensum testarentur (a). Hinc adeo familiaris *moxæ* usus ibi est, ut sanitatis præservandæ gratiâ singulis sex mensibus plurimi sibi corporis loca quædam *moxæ* comburi patiantur; imò æterno carcere damnatis prodire permisum est, ut hoc beneficio fruantur.

Quia tamen nervo sic destructo pereunt omnes functiones, quæ ab ejus integritate pendebant; ideo hæc methodus dolorem sedandi non adhibetur, nisi quando doloris adest summa acerbitas; & illa auxilia, quæ paragrafo præcedenti recensita sunt, jam frustra adhibita fuerunt, vel conditio loci dolentis talis sit, ut illa remedia applicari nequeant sic, ut suâ efficaciâ causam doloris tollere vel emendare possint.

Ubi jam causa doloris tolli nequit, & non conducit, vel impossibile omnino est, nervum dolentem destruere sine læsione partium, quarum integritas sine periculo vel magno incommodo tolli nequit, tunc unicum illud superest, ut sensorium commune sic mutetur, ut non sentiat. Possè enim esse in corpore summi doloris causam sine ullo sensu doloris, licet nervorum integritas manserit, docent apoplectici, & summâ ebrietate sepulti, qui omni sensu carent. Habentur jam in Arte talia remedia, quæ doloris in mente conscientiam tollunt pro quodam tempore, licet nullo modo auferant vel emendent doloris causas: hæc a stupore, quem inducunt, narcotica vocantur (vide de his §. 202.). Princeps inter hæc opium, quod mirâ nec facili explicabili virtute doloris sensum tollit, dum in ventriculo hæret. Granum enim unum aut alterum opii deglutitum, resinosa tenacitate suâ non adeo facili dissolubile, in ventriculo hæret diu, & doloris sensum per octo horas ad minimum solet conpescere; & quod mirabile est sæpe sequenti mane opii nondum dissoluti pilula vomitu excutitur. Unde non videtur agere, quia solum & humoribus mistum circulationis lege ad cerebrum defertur, sed quia interiori ventriculi superficiæ applicatum manet, & nervis hic dispersis quamdam mutationem inducit, quæ valet obtundere cerebri vim sentientem. Quantam enim vim habeant nervi per ventriculi fabricam dispersi in sensorium commune, docebunt postea morbi plurimi, in quibus omnes actiones cerebri pessimè turbantur, licet materialis causa omnium horum malorum tantum in ventriculo hæreat. Corrupta bilis in ventriculi cavo hærens enormes capitis dolores, vertigines, deliria, &c, facit; vomitorio excusâ hæc saburrâ cessant omnia hæc mala. Idem confirmant venena plurima, quæ, dum in ventriculo hærent adhuc, totum corpus tam mirifice mutant; simulac excutuntur de hoc loco, pacantur omnia. Exemplum, quod hanc rem pulcherrimè probat, habetur apud *Wesperum*. (b) Bini pueri & sex puellæ cicutæ aquaticæ radicem comederant in pratis inventam; domum reduces ambo pueri diris convulsionibus misere perierunt, nihil autem per alvum vel vomitum prodierat. Puellæ omnes evaserunt, veneno in-

(a) Kæmpfer. Amoenit. Exotic. pag. 591. & seq.

(b) Cicut. aquat. histor. & noxe, pag. 5. & seq.

gesto per vomitum satis citò excusso. Omnium citissimè convaluit una ex his puel-  
lis, cui jam convulsæ, dentibus vi diductis, pater infusum tabaci aquâ fontanâ fa-  
ctum ingesserat, unde mox radices comestas violentissimè evomit; in lectum dein  
reposita quievit, & post brevem admodum temporis moram cibum petiit, & bene  
se habere dixit. Pater reliquias veneni ventriculo adhuc contineri suspicatus iterum  
tabaci infusum porrexit, unde mucum & bilem evomit, totâ nocte dormivit, ma-  
ne læta surrexit, obambulavit, & postea sanissima vixit. Postea & in canibus Expe-  
rimenta instituta fuerunt, quibus constitit, omnia illa dira symptomata sedari statim,  
si vomitu ejiceretur ingestum venenum. Ex his omnibus patet, simplici attractu in-  
terioris superficiei ventriculi venenum illud terribile tanta mala facere, non verò  
permissione virulenti succi cum vitalibus humoribus; aliter enim vomitu excussis ra-  
dicibus his non tam citò sedata fuissent: illud enim, quod jam humoribus mistum  
fuerat, perrexisset corpus turbare.

Admodum ergo verosimile videtur, opium etiam in ventriculo hærens solo at-  
tactu, mutatis nervis hujus visceris, talem mutationem producere in sensorio com-  
muni, ut, manentibus doloris causâ & nervorum integritate, tamen non fiat in  
mente doloris idea. Videturque Divina Misericordia hæc auxilia hominibus concess-  
isse, ut dolores enormes, quorum causæ tolli nequeunt, vel non nisi longâ temporis  
morâ enervari possunt, sopiri possent pro tempore. Unde Sydenhamus, plurimis  
Experimentis convictus, conclusit, quodd absque his auxiliis manca sit & claudicat  
Medicina: addiditque, jactatissimas etiam præparationes opii non augere ejus vires,  
vel corrigere illam, quam falsò credebant inesse multi, malignitatem (a). Certè  
prudenter adhibitum opium debitâ dosi, licet etiam per menses continetur opus  
usus, omni noxâ caret. Unde non immeritò dixit eruditissimus Joannes Terentius  
Lynceus in notis suis ad Francisci Hernandes Rerum Mexicanarum novæ Hispaniæ  
Theaurum, quodd, cum universus Oriens & Meridies impune & quotidie utatur  
opio, daturâ, bångue & similibus, dolendum sit, infinitos mortales dolorum cru-  
ciatibus perire unius hujus remedii ignorantia, qui orco eripi possent, si Medici,  
totius orbis consensu persuasi, eo sæpius uterentur (b). Prosper Alpinus, licet vene-  
naturum damnaverit opium, tamen cogitur fateri, Egyptios quotidie fumentes nul-  
lam inde noxam sentire, licet auctâ sensim quantitate ad trium drachmarum pondus  
aliqui sumperint. Si verò dudum assueti hujus usui subito illum intermitterent, syn-  
copen & alia gravissima symptomata patiuntur, donec iterum opium sumperint,  
vel largâ copiâ vinum Creticum, quod generosissimum est, unâ cum aromatibus  
potaverint (c).

Negari quidem minimè potest, imprudentem opii usum in magna quantitate  
deliria, convulsiones & lethalem apoplexiam produxisse: sed plurima remedia,  
quæ debitâ dosi turò quotidie usurpantur, nimia copiâ exhibita nocent. Memo-  
rabile tale Exemplum habetur (d) quo constat opii virulentia, dum magnâ dosi  
dabatur non assuero. Juvenes Cophæ, ut in comotationibus vincerent quem-  
dam ex fodalibus, qui reliquos omnes se superare posse gloriabatur, inter po-

(a) Dysenter. part. anni 1699, &c. pag. 130.  
& seq.

(b) Hernand. Rerum Mexican. novæ Hispan.  
Theaurus, pag. 114.

Tomus I.

(c) Prosper. Alpin. Medic. Egypt. Lib. IV.  
Cap. 1. pag. 255. & seq.

(d) Académ. des Sciences, l'an 1735. Hist.  
pag. 6.

cula infcio drachmam opii vini cyatho dissolutam propinaverant : aliquot horas postea miser ille delirabat pessimè, post profundo somno sepultus jacuit. Sequenti mane dum inviserent miserum, ut victo nempe insultarent ; invenerunt jacentem sine pulsu, lividum & moribundum ; paulò post, frustra tentatis quibusdam etiam satis vehementibus remediis, exspiravit, quindecim horis elapsis post opium assumptum. Tumores lividi, infantis quadrimestris caput magnitudine æquantes, brachia & femora cadaveris deturpabant cum fœtore intolerabili : centeni feles ex vicinia turmatim accurrebant, & cadaver lingeant cum aviditate tanta, ut certissimè devorassent, nisi cautum fuisset.

Hoc mirum Exemplum probat quidem, enormi quantitate datum opium non asueto pessima producere mala, & mortem ipsam ; imò venenatà vi corrumpi inde fluida corporis humani. Tutum tamen esse remedium, si debità prudentià adhibeatur, innumera Experimenta evincunt. Nec ideo vilipendendum est, quia doloris sensum tantum, non verò ejus causam tollit. Magnum enim quid est in morbis dolorem sedare posse : nihilque impedit interim aliis remediis doloris causam cognitam tollere, dum narcoticis doloris sensus obtunditur. Non tamen satis inculcari potest, quòd, licet nullus sensus doloris adsit tunc, pergat tamen doloris causa corpus destruere. Dum enim in dolentissimis morbis inflammatoriis, pleuritide v. gr. narcoticis compescitur dolor, sævissima inflammatio pergens vasa affecta destruere, gangrænam facit, & evigilans à somno suo homo moritur sæpe subitò. Funestus talis eventus tunc adscribitur his auxiliis, cum tantum inde factus fuerit, quòd ægri querelis non admonitus Medicus malè crediderit lenitem morbum esse, cum tamen æquali, imò majori fortè aliquando violentià, post hæc remedia exhibita pergat. Dum enim suppresso omni motu animali sic profundus somnus indicitur, vitales motus augentur : sed in morbis inflammatoriis jam peccabat nimia velocitas vitalis motus : unde nunquam tutus videtur esse in his narcoticorum usus, nisi validis evacuationibus præmissus per venæsectionem, &c., jam fractus fuerit nimius morbi impetus. Hanc rem sollicitè monuit etiam Sydenhamus, qui tamen frequenti usu in plurimis morbis salutarem narcoticorum vim tam bene noverat, & illis audacter utebatur (a). Quomodo autem, & quibus cum cautelis narcotica tutò exhiberi possint, dictum fuit in *Commentariis* ad §. 202.

Per hæc autem remedia tolluntur omnes illi effectus, qui à sensu doloris fiunt ; iniquies nempe, jactatio, & vigilia inprimis ; reliqui autem effectus, qui pendent à causa doloris, quatenus nititur destruere nervos dolentes, pergunt, sopito licet doloris sensu.



## CONVULSIO, &c.

§. 230. **V**IOLENTA, invita, & alternè repetens, contractio musculi Convulsio vocatur.

Agitur hoc loco de convulsione, quæ à vulnere ut causà nascitur : postea enim §. 710, peculiari capitulo dicitur de convulsione febrili, quæ à longè aliis causis oritur ; hinc & aliam medelam requirit.

(a) Sydenham. febris contin. ann. 1661, & seq. pag. 81. 82.

Omnis convulsio est affectio musculi; & quia musculis agentibus tendines eorumdem trahuntur, dumque hoc alternis vicibus fit, tendines nunc trahuntur, nunc laxantur iterum; hinc & subfultus tendinum aliquando vocatur ille affectus apud Medicos, dum pulsus explorantes convulsis brachii musculis tendines subsilire percipiunt. Cumque & tendines sub nervorum generali nomine complexi fuerint Veteres, (*νῦπα* enim vocaverunt (a) ligamenta & tendines æquæ ac cerebri & spinalis medullæ propagines) ideo nervorum distensionem vocavit *Celsus* illam affectionem quam hodie communi usu convulsionem vocare solent Medici.

In omni autem convulsione adest contractio musculi; quæ, si per voluntatem fieret, non esset, morbus: hinc additur in definitione, quod sit invita contractio musculi. Præterea requiritur, ut hæc contractio sit violenta, aliter enim nulla distinctio foret inter convulsionem & tremorem, in quo præter voluntatem musculi contrahuntur & relaxantur quidem alternis vicibus, sed tamen debiles sunt illæ contractiones; in convulsione verò, violentæ. Deinde additur in definitione, quod alternis vicibus repetatur hæc musculi contractio, cessans brevi, mox renascens iterum.

Notandum tamen, quod si causa illa, qualiscumque demum fuerit, quæ absque voluntatis imperio musculi contractionem efficit, pergat agere, sine alterna intermissione, tunc musculus perpetuò contractus manet, quamdiu illius causæ actio durat. Malum hoc ad convulsionem referendum esse satis patet, quia eadem causæ occasionales nunc alternas illas & invitas musculorum contractiones, nunc stabilem eorumdem, invitam tamen, obrigescentiam faciunt. Apparet in epilepticis, in quibus, dum paroxysmus adest, nunc adfunt alternæ illæ convulsionem, paulò post instar statux sæpe obrigescent, contractis sæpe omnibus totius corporis musculis; mox iterum convelluntur. Spasmus (*σπασμὸς*) vocaverunt veteres Græci illud malum, quod hodie convulsio Medicis dicitur; tetanum (*τῆτανος*) autem, quando præter voluntatis imperium musculi validè contracti obrigescent; quod mali genus *Celsus* rigorem vocavit, spasmus verò distensionem nervorum dixit (b). Convulsionis enim nomen apud recentiores tantum Medicos hæc significatione reperitur: quamvis tamen apud *Aretæum* (c), ubi de tetano agit & ejus differentiis, occurrat vocabulum *ἐνσπασμὸς*, quod satis aptè convulsionis nomine in versione exprimitur: tamen videtur promiscuè & spasmī & tetani nomine usus fuisse, ut eundem designaret affectum; uti in eodem capite satis evidenter patet. Et *Galenus* (d) dixit, *est sanè tetanus etiam convulsio: sed in tetano partes convelli non videntur, quod peræque rursum prorsumque tendantur*.

Unde concludi posse videtur, quod, licet hodierno usu convulsionis nomen adhibeatur, ubi invita, violenta, & alternè repetita musculi contractio adest; tamen generali magis significatione posse etiam hoc nomine intelligi contractionem invitam & violentam musculi, quæ diu manet sine alterna remissione; eum & quondam promiscuè hoc factum fuerit, & omnia hæc mala sæpe ab

(a) Galen. de usu Part. Lib. XV. Cap. 1. Charter Tom. IV. pag. 656.

(b) Medic. Lib. II. Cap. 1.

(c) De causis & signis morb. acut. Lib. I.

Cap. vi.

(d) Comments. in Sect. IV. Aphorism. n°. 57. Charter. Tom. IX. Part. II. pag. 171.

iiſdem cauſis naſcantur, & eaſdem partes occupent, nempe muſculos. Illam autem convuſionis ſpeciem, quæ diſtens manentibus muſculis fit, diſiſerunt in tres claſſes, *tetanus* dixerunt, cùm neutram in partem detortus homo & inflexilis diſtenditur; *hypochondriacus* verb ubi verſus anteriora corpus inflexum obrigeſcit; & *amblytus* autem, ſi verſus poſteriora incurvetur corpus ſimili modo. Præterea tetanus poteſt eſſe vel univerſalis, dum omnes muſculi corporis ſic affecti obrigeſcunt uno momento; vel poteſt eſſe particularis, uti dum v. gr; ſic ſpaſmo conſtrictis maxillæ muſculis, os pertinaciſſimè clauditur, &c.

§. 231. **C**UJUS cauſa id, quod liquidum nervoſum vi alternâ in muſculos convuſos pellit.

Obſervatur in homine mira hæc proprietas, quòd poſſit ad voluntatis nutum; per muſculos voluntatis imperio ſubditos, motum excitare, illùmque ſuſtinere & dirigere, augere & minuere, motùmque excitatum ſupprimere iterum, atque ſuppreſſum renovare denuo. Et illi motus adeo ſenſibiles in corpore excitati, tantâ vi mechanicâ mutantes alia corpora, in ſuo principio vix videntur corporei; omnèſque ſunt ſine cognitione cauſæ vel instrumentorum, quæ huc requiruntur. Nam peritiſſimus Anatomicus non meliùs hos motus perficiet, quàm innocuus puer. Omnium maximè mirabile eſt etiam, quòd in his motibus excitandis nulla appareat mutatio Phyſica in corpore præter rem mutatam; & ſuppreſſio dein ex voluntatis arbitrio motu, nullum ſuperſit tantæ mutationis veſtigium. Omnia autem hæc fieri poſſunt ſine ulla ſerè obſervabili ſucceſſione temporis; dum enim quis brachium vult elevare, jam elevatum eſt. Requiritur tantùm ad hanc rem, uti ex Phyſiologiſcis patet, ut liberum ſit commercium inter cerebrum & muſculos, per nervos ex cerebri medulla ad muſculos voluntarios delatos. Cùm ergo convuſio ex definitione data, ſit alterna talis motûs excitatio, & excitati ſuppreſſio; & poſſimus ex voluntatis arbitrio hoc imitari, (uti mendici epilepticos mentientes ſaris nôrunt) patet, convuſionem excitari poſſe ab omni cauſa, quæ invito homine per nervos talem mutationem muſculis inducit, qualem voluntatis imperio efficere poſſet homo ſanus. Cùmque modus, quo per voluntatem motum excitamus, nos lateat, ſed tantùm obſervemus effectum; etiam poterit æquè latere mutatio illa ultima ſenſorii communis, per quam convuſio naſcitur. Totum, quod Ars poteſt, eſt, ut obſervet illas corporis mutationes, quas ſequitur invita talis muſculorum contractio, & deinde has mutationes cognitâs tollat, vel emendet; licet minimè intelligatur, quâ ratione mutationes illæ corporis afficiant ſenſorium commune; ſive illum cerebri locum, ubi hæret mutabilitas cogitationis à mutato corpore, & viciffim mutabilitas corporis à mutata cogitatione.

Quia autem ex Obſervatis Medicis conſtat, plurima talia accidere poſſe corpori, per quæ convuſiones excitantur; hic autem tantùm agatur de his malis, quatenus vulnus factum ſequuntur ut cauſam præcipuam; hinc videndum, quænam ſint obſervata in vulnere ipſo hæerere, à quibus convuſiones factæ fuerunt. Illa autem recensentur ſequenti paragraſſo.

§. 232. **ADEOQUE** in ipso vulnere hæere potest, five sit materies aliena irritans, five ipsa nervi læsi (163. 164. 165. 183. 184.) conditio, five evacuatio cruoris nimia prægressa.

**MATERIES ALIENA IRRITANS.** Tenerrimum illud pulposum, medullæ cerebri productum, quod propriè dictam substantiam nervi constituit, quod tot involucris munitur in nervis majoribus, ut tuto deferri possit ad loca debita; si irriteretur à quocumque acri, vel alio corpore, quod mechanicâ figurâ & duritiæ suarum partium lædere & destruere poterit mollissimam hanc pulpam, poterit convulsio inde nasci. In vulnere jam poterunt hæere nervi & tendines discissi, vel involucris suis sic nudati, ut ad intimam illam pulposam substantiam, adeo facilè irritabilem, acriter perungere possint. Imò nervi nudi si tantum tangantur à non consuetis liquidis, enormes dolores & convulsiones ipsas inde sequi constat. Dum carie dentium, crosta fuit crusta illa durissima, nervulos tenuissimos per dentis substantiam dispersos tegens; aer frigidus allabens, sacchari particula, molle butyrum, &c, applicata his nervis nudis, convelli faciunt totum hominem præ doloris acerbitate. Simplex attactus nudi suis involucris tendinis uno momento tetano universalis obrigescere facit hominem, ut dictum §. 164; cum tendines, suis vaginis mucosis vel pinguedinosi tecti, patiantur se protrahi, elongari, consui, &c, sine magno malo. Cum ergo in vulnere sensilissimæ illæ partes nudentur sæpissime, poterit instrumenti vulnerantis pars relicta, fragmenta ossium vel simile quid in vulnere hærens, irritando has partes, sævissima mala producere. Idem fiet ab humoribus in vulneris cavum effusis, ibique in acrem indolem degenerantibus; uti & ab acris vulneri applicatis remediis titulo; uti in paragrapho modo citato Exemplum ex Hippocrate allatum confirmavit.

**IPSA NERVI LÆSI CONDITIO, &c.** In numeris citatis demonstratum fuit; punctos vel semilaceros nervos & tendines, convulsiones & alia sævissima symptomata producere; & pluribus Observatis Medicis hujus asserti veritas confirmata fuit.

**EVACUATIO CRUORIS NIMIA PRÆGRESSA.** Simulac tantâ copiam subducunt humores de corpore, ut residuum, cordis vi per vasa pulsum illa equaliter replere nequeat; deficit pressio in arterias cerebri, unde & spirituum motus per nervos cerebri cessat: hinc omnium musculorum paralysis; & à cerebro, similiter affecto, animi deliquium: unde omnia liquida nervosa & arteriosa incipiunt quiescere. Interim frigore majori corporis, motus imminuti sequela, contractæ partes venosum sanguinem versus cor derivant; quod repletum contrahitur, & summâ velocitate per vacuas arterias sanguinem movet, cum nihil resistat sanguini impulso. Tunc ergo validissimo impetu sanguis per cerebri vasa movetur; unde spirituum motus in musculos velocissimus fit, sed mox desinens; rediturus iterum, quando cor sensim impletum se contrahet. Uno ergo momento validissima causa motus musculis applicatur, quæ iterum sequenti momento desinit; unde alterna violenta & invita musculorum contractio, quæ convulsio dicitur.

In mactatis animalibus quotidiana Observata hanc rem evincunt. Dum vitulus

V v ij

ovibus, porcis, &c, discissis arteriis carotidibus pleno rivo sanguis effluit, circa mortem incipit cessare sanguinis fluxus, per intervalla tantum rediens, ob causas modò dictas, tuncque semper validè convelluntur animalia, donec moriantur. Dum per abortum, vel post partum, patulis uteri vasis omnis ferè sanguinis copia exit, toties convelluntur mulieres, & sæpe subito pereunt. Idem observatur, dum hypercatharsi per alvum nimia copia liquidorum de corpore subducitur.

Ideo monuit Hippocrates, *effuso copioso sanguine, convulsio aut singultus accedens, malum (a).* Et alibi dixit (b); *convulsio à repletionem, aut vacuationem oboritur.* Sic & profusæ purgationi succedere convulsionem & singultum asserit (c). Similia plurimis aliis in locis habet. Designat enim hoc malum, post nimias evacuationes ortum, tantam fuisse factam subductionem liquidi de corpore, ut vasa vacua collabantur, & sanguis, corde pulsus, non possit propagare motum acceptum per vasa plena, sed libere ruat in vasa vacua: unde deficit requisita pressio æquabilis in encephali vasis, à quibus tota vita & humanitas pendent. Hinc patet, quantum tunc adfit periculum, si ab inanitione nimia oriatur convulsio.

§. 233. **Q**UIN & effectus ejus, perturbatio omnium actionum; cognoscitur.

Effectus convulsionum mirabiles sunt & innumeri; nihil enim in toto corpore manet non turbatum, sive solida, sive fluida spectes, sive actiones ipsas, quæ ab his pendent. Dum enim alternâ hæc & violentâ contractione nunc rigent muscoli, nunc flaccescunt iterum, sanguis per musculos transitus impeditur uno momento, alterno momento per flaccidos musculos liberrimè & cum imperu summo transit: venæ, musculis convulsis vicinæ, citissimè deplentur; hinc venosi sanguinis impetus cor versùs acceleratur; unde maximè turbatur æquabilis sanguinis receptio in cor, ejusdemque expulsió ex corde. Respiratio miris sæpe modis turbatur, laboriosa fit & non perficienda nisi summo molimine: aliquando & vehemens strangulatio accedit, ut pulchre notavit *Aretæus*, ubi tetani effectus describit (d). Nec minor perturbatio in affectionibus animalibus observatur, Musculorum enim illi enormes motus non determinantur ex voluntatis imperio, sed invito vel & inscio sæpe ægro fiunt: sæpe omnes sensus externi & interni abolentur penitus, vel turbantur mirificè: nec mirum, cum convulsiones testentur affectum esse illud organum corporeum, cerebrum nempe, unde tota humanitas pendet. In naturalibus actionibus pariter miræ observantur mutationes. Maxillæ sæpissime sic constringuntur, ut ne cuneo quidem diduci possint; deglutitio impossibilis; ventriculi & intestinorum mirabiles inflationes abdomen sæpe ad crepaturam usque distendunt, Alvus & vesica nunc penitus intercepta nihil demittunt; aliquando, inscio ægro, clam fæces & urina elabuntur, &c. Uno verbo ut totam rem complectamur, mutantur singula & universa in toto corpore aliquando per convulsiones tam enormiter, ut nihil de pristina sanitate supersit, & ne quidem à familiaribus agnoscantur miseri; quæ omnia accuratissimè notavit *Are-*

(a) Aphor. 3. Sect. V. Charter Tom. IX. Part. II. pag. 195.

(b) Aphor. 39. Sect. VI. Charter. Tom. IX. Part. II. pag. 273.

(c) Aphor. 4. Sect. V. Charter. Tom. IX. Part. II. pag. 196.

(d) De causis & signis morbor. acut. Lib. I. Cap. VI. pag. 4.



*æus in loco modò citato, & concludit: votum quoque illis qui adsunt, priùs impium nunc honestum efficitur, ægrum vitâ defungi, quò unâ cum vitâ, doloribus & acerbis malis liberetur.*

Sæpe enim, si evaserint, luctuosissima mala supersunt, à distortis membris, musculis distractis, functionibus cerebri deletis, &c. Tristes enim casus docuerunt frequentissimè, paralytes, atrophias, stultitiam, &c, post convulsiones validas toleratas, totâ vitâ mansisse incurabiles.

Tandem & abolitio omnium actionum vitalium, animalium, naturalium, mors nempe convulsiones aliquando sequitur, & tantis malis finem imponit. Dixit Hippocrates: (a) *Vulnere succedens convulsio, lethale.* Et Aretæus in eodem loco modò citato de convulsionibus agens, dicit: *nam ob vulnera fieri solens, membranâ, aut musculis, aut nervis punctis, ex quo plerumque moriuntur. A vulnere enim convulsio, lethalis est.*

§. 234. **SANATUR.** 1. Ablato irritante (186), Arte Chirurgi, (187. 188.) 2. Acri lenito, vel dissipato. 3. Sublatâ nervi conditione (232) per remedia (228. 229.) descripta. 4. Repletionem per lene, amicum, liquidum alimentum, assiduò parçâ copiâ, ingestum. 4. Sedatâ simul hæmorrhagiâ. (218. 219).

Ingens farrago habetur apud Auctores remediorum antispasmodicorum: sed cum à distinctis adeo, imò sæpe oppositis oriuntur causis, patet facile unicuique, nullum universale remedium ad convulsiones dari; sed indagatâ priùs causâ determinari debere auxilium, quòd causam hanc cognitam tollere vel enervare possit. Cum autem convulsiones post vulnera oriuntur, vel ab irritante quocumque in vulnere hærent: vel à nervis, tendinibus, vel membranis punctis vel semidifficis; vel denique à sanguinis nimia jactura; ideo ad tria hæc indicata omnis curationis scopus dirigitur. Unde primo & secundo numero hujus paragraphi agitur de modis, quibus irritans quodcumque tolli vel leniri potest; tertio verò numero agitur de illis, quæ nervi affecti vel tendinis conditionem descriptam tollunt: ultimis binis numeris indicantur auxilia, quibus sanguinis jactura compesci poterit, & restitui illud, quod jam perditum fuerat.

1. Si spina loco nervoso infixa hæreat, sub ungue v. gr; nudâ nerveas papillas lædens post summos dolores sæpe convulsio sequitur, non tollenda faciliè; quamdiu hæc spina ibi hæserit. Unde, quantum fieri potest, in prima vulneris deligatione inquirendum, an tale quid hæreat in vulnere. Quomodo autem hoc fiat, quibûsq; cum cautelis hæc tolli debeant, dictum fuit in numeris hic citatis.

2. Rariùs acrimonia in vulnere ex allatis humoribus nascitur, nisi ingens cacochymia in corpore prædominetur; vel in victu acria plurima ingerantur. Longè frequentius ab applicatione acrium remediorum hoc fit, dum arsenicum, vel alia rodentia, imprudenter locis nervosis vel tendinosis vulneratis adhibentur. Hæc autem cognita tollenda sunt, vel enervanda talibus, quæ oppositâ virtute cognitam acrimoniam corrigere valent. Unde iterum nihil universale hic determinari potest, sed singulari acrimonie conveniens medela applicanda est. Mollissima in-

terim balsama semper profunt, quia defendunt partes, ne rodantur ab acribus; & timui obvolvendo acria lenissimo pingui, quoscatent, illa enervant. Vide & §. 228. n<sup>o</sup>. 5, & 6.

3. Causa convulsionis à vulnere frequenter erat nervi talis læsio, quā partim dissectus distrahebatur in fibris adhuc integris relictis; unde dolor enormis, convulsio, & reliqua, quæ §. 163, & 183, recensentur, oriuntur mala. Omnia autem hæc à lenta & continua distractione fibrarum nervosarum fiunt, quam semper dolores; uti ex ejus definitione §. 220, patet, comitatur. Ergo illa remedia, quæ dolorem tollunt, sanabunt etiam convulsionem ab hac causa ortam. Hæc autem remedia agebant vel in ipsam doloris causam, vel nervum reddebant ineptum sensui, destruendo commercium inter nervum affectum & cerebrum; vel denique sensorium commune ipsum sic obtundebant, ut non perciperet illam nervi mutationem, quæ à causa doloris excitare fiebat. Omnia autem hæc convulsionibus sanandis adhibita fuisse cum fructu, mox patebit.

Inter illa enim, quæ §. 228, ad doloris causam tollendam laudabantur, præcipuum locum obtinebant, & maximè universalem usum habebant, omnia laxantia & emollientia dicta, quibus adhibitis fibræ nervosæ sic disponebantur, ut distendi possent sine rupturæ metu: eadem autem ab omni tempore ad convulsiones tollendas fuerunt adhibita. Ad curandum tetanum laudat Hippocrates (a) jusculum gallinæ cum pingue & calidum, ... fons, ... tepesfactoria humida & pingua in vesicis & urticulis undique, præsertimque ad dolentes partes admota; calidi olei copiosas & crebras inunctiones pariter jubet. Et alibi (b) ad tetanum ex vulnere factum, pinguium inunctiones ante focum, fomenta, tepesfactoria, sudores tepidæ perfusione excitatos; aquæ mulsæ tepidæ potum, si quidem bibere possent æger; si non, ejusdem per nares infusionem commendat, &c. Præterea, ubi calidi utilitatem recenset (c), dicit, quoddam dolorem sedat; rigores, convulsiones, tetanos mitigat: & contrā (d) frigidum, convulsiones & tetanos facere, asserit. Calor enim omnia laxat, ut distrahi & flecti possint sine rupturæ periculo; frigus omnia reddit fragilia & contrahit, uti obvis ubique Experimentis patet. Eadem & Celsus (e) commendat, qui sic affectum jubet nonnumquam etiam in calidum oleum, totum descendere; vel in aquam calidam, in qua sanum græcum decoctum sit, & adjecta olei pars tertia. Galenus, uti in loco §. 164, allegato patuit, in se ipso à valida distractione ligamentorum imminentem convulsionem continuū olei calidi perfusione evitavit, quam statim instillare sensit, simulac olei affusio intermitteretur. Similia & apud Aretæum in cura tetani commendantur (f). Unde apparet, antiquos Medicos unanimi consensu mollissima remedia, quæ tam pulchre omnes ferè dolores leniunt, ad convulsiones curandas commendasse.

Facile etiam patet, quoddam si nervus, cujus læsio totum sensorium commune turbat, possit destrui sine metu gravioris mali per dissectionem, compressionem, caustica, &c, nullum ampliùs convulsionis adfit periculum, quia omne commercium inter cerebrum & nervum læsum sublatum est. Docuerunt hanc rem inpro-

(a) De Morbis, Lib. III. Cap. XII. Charter, Tom. VII. pag. 587.

(b) De internis affectionibus, Cap. LIV. Charter, Tom. VII. pag. 678.

(c) Aphorisma. 22, Sect. V. Charter, Tom.

IX. Part. II. pag. 207.

(d) Ibid. Aphorism. 20. pag. 205.

(e) Lib. IV. Cap. III. pag. 195.

(f) De Curat. morb. acutor. Lib. I. Cap. VII. pag. 85. & seq.

mis Observata Medica in curatione cuiusdam speciei epilepsie, in qua quodam corporis loco, v. gr. in digito majori pedis (qualem casum vidi) sentitur titillatio quædam, ac si formicæ reperent per partem; ascendit ille motus per crus, femur, abdomen præcordia usque, tuncque mox cadit convulsus toto corpore. Si subito; dum sentiret in digito pedis incipiens malum, ligaturâ sub genu arctissime stringeret omnes partes, liber erat à paroxysmo. In similibus casibus toties profuit locum illum, unde primò incipit mirus ille motus caustico profundè inurere, ut destrueretur ille nervulus, cujus affectio tam miris modis totum corpus turbare poterat. Hujus rei vestigium habetur apud Celsum dicentem: *Quid si musculus læsus videbitur, præcidendus erit. Nam percussus mortiferus est: præcisus sanitatem recipit (a).*

Illæ autem, quæ sensorium commune vi narcoticâ sic obtundunt, ut tollatur doloris sensus, mitâ efficacîâ turbulentos illos motus convulsivos compescunt sæpe, uti in hysteriis convulsionibus inprimis toties apparet. Apud veteres Medicos tamen non invenitur adeo frequentem fuisse in his casibus horum auxiliorum usum. Hippocrates tamen in cura tetani laudat inter alia remedia etiam semina hyoscyami vino infusa, cui dein æqualis olei copia misceretur, ut his calefactis dein caput & corpus ungeretur (b).

4. Pro generali regula in morborum curationibus Hippocrates statuerat (c) quodd, quibuscumque morbis ex repletione sobolescentibus, medetur vacuatio; morbisque à vacuatione abortis, repletio, &c. Quando ergo vasis sanguineis discissis ingens facta fuerit sanguinis jactura, sic ut æquabilis pressio in vasa encephali inde turbetur, convulsionem inde factâ pro causâ suâ habent nimiam inanitionem: curabuntur ergo repletionem. Decantatissima illa antispasmodica, spiritus cornu cervi, ferici crudî; succini tinctura & oleum; castorei virus; olea pulcherrima stillatitia aromatica, &c, quæ in aliis casibus tam pulchre compescunt inordinatos illos in systemate nervoso motus, hic nocent suo stimulo, quo, augendo sanguinis motum, pauculum illud, quod in vasis adhuc superest, sanguinis ex discissis vasis expellunt ad mortem usque. Tota curatio consistit in eo, ut novo & bono liquido distendantur iterum collapsa per nimiam inanitionem vasa. Verùm satis magna hic difficultas occurrit: nam ingesta viscerum & vasorum actionibus conspirantibus, & miscelâ cum bonis humoribus maximâ copia præexistentibus, assimilantur in naturam nostram, & requisitas in fluidis humanis dotes acquirunt, (vide §. 25. n°. 1.) Post magnam autem sanguinis jacturam deficit illa copia humoris boni; quæ in sanitate pauculum crudum per ductum thoracicum in subclaviâ venam deductum absorbet & quasi disparere facit: simul & debilitatur ab eadem causâ omnium vasorum & viscerum actio, unde binæ illæ efficacissimæ causæ, quæ crudum mutant in coctum, hic deficient, vel saltem languent. Totum ergo, quod fieri potest cum fructu, est, ut ingerantur talia liquida, quæ sanis humoribus simillima, nihil stimulantis acrimoniæ in se continent, & sine molestia à corpore debili ferri, & superflite adhuc vasorum & viscerum actione, licet languidâ, subigi possunt. Omnia itaque illa proderunt, quæ §. 28. n°. 1. laudata fuerunt; & inter illa inprimis carniû juscula, in quibus humores, in corpore

(a) Lib. V. Cap. xxxv. n°. 11. pag. 193.

(b) Hippocr. de intern. affection. Cap. 117.

Charter. Tom. VII. pag. 678.

(c) Aphor. 11. Sect. II, Charter. Tom. IX.

Part. II, pag. 63.

fani animalis elaborati, in aqua ebulliendo solvuntur; inprimis si pauculum succi citri addatur, quod nimis facilem degenerationem horum jusculorum in putredinem corrigit. Eandem ob causam & acetosæ pauculum his jusculis incoquitur, adduntur & oryza, hordeum, avena & similia cerealia mollissima. Omnia hæc dantur parçâ copîâ simul, & sæpe repetitâ, ne gravetur ab ingestis debile corpus, & ut fiat sensum talis vasorum repletio, quæ vitam sustinere possit, sed tam debilem, ut vulnerata vasa consolidari possint, nec ullus metus sit, ne nimis subitâ impletione vasorum, vel aucto motu lacerentur iterum illa, quæ jam inceperant concrefcere. Nisi enim fidissima Observata docuissent, vix credi posset, quàm parçâ sanguinis copîâ vita adhuc sustineri possit. Memorabile Exemplum hanc rem confirmans allegatum fuit in *Commentariis* ad §. 161. Et in fœminis, quæ sæpe per abortum omnem ferè sanguinem amittunt, & convelluntur, felix successus hanc methodum probavit; dum promortuis jam ferè habitæ, sensum sic repletis vasis, ex ipsis orci faucibus evaserunt felicissimè.

Pulcherrima habetur apud *Lowerum* (a) Observatio, quæ docet, quantum expectari possit à carnium jusculis, ubi magna sanguinis jactura facta fuit. A Medico fide dignissimo dicit se hanc Historiam accepisse. *Adolescenti sexdecim annos nato, cum magna sanguinis copia per biduum continuè erumperet, neque medicamentis, aut Arte ullâ cohiberi potuerit, jusculis eum reficere amici & adstantes curdunt; cumque ea valde avidè expeteret, atque assumeret, fluxus subinde concitator factus est, & tandem res eo devenit, ut, massâ, sanguinis ferè totâ effluxâ, quidquid jam efflueret, dilutum & pallidum, & sanguinis neque naturam, neque speciem præ se ferret, ipsi jusculo, quod toties haurerat, quàm sanguini similis; atque eadè formâ per diem unum aut alterum duravit hic aqueus fluxus, constante interim cordi motu suo, donec fluxus demum consopito, juvenis paulatim integræ sanitati restitutus est, & exinde in virum robustum & quadratum excrevit.*

§. Quomodo compesci possit vulneris hæmorrhagia, explicatum fuit in numeris hic citatis. Paruit tunc, artificiosâ methodo plurimas hæmorrhagias sedari posse. Ubi verò nullus datur manubus accessus ad vas læsum, uti dum in corporis interioribus vasa vulnerata sunt; tunc inprimis prodest ligatura brachii & femoribus circumducta tam firmiter, ut compressis venis impediatur, ne sanguis ex his partibus ad cor tam faciliè redeat: sic impediatur saltem pro tempore hæmorrhagia, & fortè nascetur occasio, ut vasa læsa contrahi & consolidari possint; sedatâ autem hæmorrhagiâ non simul & semel, sed sensim sunt laxanda hæc vincula, ne recrudescat hoc malum. Summa si sit quies mentis & corporis, & debilissima tantum si sustentetur vita, nullisque cardiâcis refocilletur vulneratus, magna adhuc spes etiam in periculosisimis casibus manet.

§. 235. **TUMOR**, & inflammatio levis vulneri bona; si augentur mala: balnea, fots, anodyna, antispastica, loco læso, & toti applicata ægro, prosunt: de quibus in *Historia & Curatione inflammationis*.

Dictum fuit §. 158. n°. 5, quòd post vulnus factum alicujus momenti se-

(a) De corde, pag. 70. 71.

quatur secundo vel tertio die in labiis & fundo vulneris major calor, dolor, rubedo, & tumor, & quod hæc omnia symptomata acciderent semper vulnere etiam in corpore sanissimo. Levis ergo talis inflammatio, cum comite tunc ferè semper febriculâ, nunquam mala est. Abscissa enim vasorum extrema contracta resistunt liquidis impulsis, unde obstructio nascitur; & à vitæ viribus, febriculâ tunc comite, urgentibus majori impetu obstructos vasorum fines, levis fit inflammatio; quam blanda sequitur suppuratio, separans obstructa extrema vasorum unâ cum immeabili liquido, & liberam humorum circumductionem restituens per totam vulneris superficiem, per quam fit regeneratio perditæ & unio partium separatarum. Ibidem tunc hoc & Hippocratis Observationibus constitit, qui naturæ ductum ubique sequens tanquam ingens malum damnaverat, si in gravibus vulneribus tumores non apparent; in alio verò loco laxos in vulneribus tumores laudabat, crudeos verò damnabat, ut pote nimis validæ inflammationis signum. Pulcherrimè hanc rem expressit Celsus, dicens: *nimis verò intumescere vulnus, periculosum: nihil intumescere periculosissimum est. Illud indicium magnæ inflammationis: hoc emortui corporis est. ... At ne febris quidem terrere debet, si in magno vulnere, dum inflammatio est, permanet. Illa perniciofa est, quæ vel levi vulnere supervenit, vel ultra tempus inflammationis durat, vel delirium movet, &c.* (a). Ubi verò validâ obstructione natâ circa vulnus, auctôve admodum motu per febrim exortam, dolor, tumor, rubor, & calor augentur validè; novimus facili, longè majorem jam hîc esse inflammationem, quàm requirebatur ex Observatione phænomenorum communium omni vulnere. Hæc ergo si pergeret, destrueret partem gangrænosâ corruptelâ; vel saltem longè validior postea sequeretur suppuratio, separans inflammatum non resolvable à reliquis partibus vivis; quod fieri nequit, quin multum pereat de substantia corporea; & inprimis de cellulosa tunica, in qua præcipua suppurationis sedes videtur esse: unde tardior consolidatio vulneris, turpior cicatrix, & reliqua omnia mala oriuntur, quæ à consumptis nimis validâ suppuratione partibus sequi possunt. Requiritur ergo, ut idoneis auxiliis tollatur nimis valida inflammatio: quod fiet, laxatis vasis, & solutis fluidis, quæ inflammatoriâ tenacitate colverant. Unde balnea, fomenta, &c, ex mollissimis herbis parata tanti tunc usûs sunt. Simul tunc attendendum, an causa inflammationis nimis in ipso vulnere hæreat, an verò febris excitata nimio impetu, vel diathesis inflammatoria sanguinis accusari possint. Priori in casu topica medela sufficeret sæpe; posteriori verò universalis medela motum auctum compescens, vel solvens inflammatoriâ spissitudinem, requireretur. De his autem pro parte dictum fuit in capitulo de obstructione, & postea adhuc agetur in Historia & Cura inflammationis.

§. 236. **S**ANGUIS in cava corporis per vulnus delapsus inde ocys educendus situ corporis; suctu per fistulam, si recens, vel dilutus primò; aperturâ vulneris dilatatâ, vel novâ.

Præter illa loca corporis, in quibus humores à sanguine secreti accumulantur in usus requisitos, vel ut collecti excernantur de corpore; vix reperiuntur cava loca vacua in corpore. Certè tota calvaria plena est, thorax plenus,

(a) A. Corn. Cels. Medic. Lib. V. Cap. xxvii, pag. 295. 296.

abdominis cavum pariter: vulneribus enim hæc cava penetrantibus exprimuntur contenta, simulac patet liber exitus. Sanguis tamen diffusus vasis effluens potest sic comprimere partes contentas his corporis cavis, ut locum jam occupet, quem naturaliter tenebant viscera in his cavis locata. Lædet ergo sanguis in hæc cava effusus actionem viscerum contentorum comprimendo; & postea corruptus acrimoniâ acquisitâ poterit rodere & corrumpere illa omnia, quæ tangit; dumque simul attenuatur, dum putrescit, resorptus venis bibulis, ubique in superficie corporis interna & externa patentibus, poterit totam sanguinis massam purridâ labe inficere, & pessima mala producere. *Hippocrates* (a) dixerat, uti §. 172; n°. 1, jam habetur, sanguinem in ventrem præter naturam effusum necessariò, suppurari: & *Galenus* in Commentariis suis ad hunc locum per *κρίσις* quancumque cavitatem præter naturam inrellexit; & simul monuit suppurationis vocabulo hic intelligi quancumque aliam sanguinis degenerationem. Non adeo tamen videtur absonum intelligere per vocabulum *κρίσις* non suppurationem propriè dictam, sed quòd sanguis extravasatus, & cavo præternaturali contentus, viam sibi faciat per loca suppuratione factâ, licet sanguis ipse extravasatus non convertatur in pus propriè dictum.

Præter hæc cava majora corporis notum est, sub cute inveniri, & ubique inter musculos poni, tunicam dictam cellulosam, vel pinguedinosam; quæ facillimè dilatabilis cedit sanguini effuso, & distendi potest in molem sæpe immanem, uti aneurysmata spuria, & fugillationes post validam contusionem docent. In his cavis præternaturalibus hærens sanguis poterit pariter pressione, & corruptelâ natâ, plurima mala facere, unde indicatio jubet, educendum esse citò, si commodè fieri possit. Tamen hoc videtur norandum esse, quòd sanguis effusus diu manere possit incorruptus, si nullus aeri detur accessus; & quòd aliquando diluentibus & solventibus remediis applicatis sic possit attenuari, ut per vasa bibula resorptus evanescat sensim. De hac re autem dicitur in capitulo de contusione.

Ubi ergo sanguis extravasatus in cavo corporis hæret, nocens compressione partium; vel si metuatur ejus corruptela, & nulla spes sit, sanguinem effusum dissipari posse, tunc per Artem educendus est. Hoc autem fiet,

**SITU CORPORIS:** qui talis tunc requiritur, ut sanguis extravasatus propriâ gravitate per vulneris orificium exire possit. Multum ad hanc rem facit si cognoscatur corporis positura, quam habuit vulneratus illo momento, dum vulnus accepit: in eodem enim situ corporis tunc reponendus est, quantum fieri potest: aliter enim sæpe membrana pinguedinosa vulnus cutis ocludit sic, ut nihil exire possit. Simul tunc orificium vulneris in declivi quàm maximè situ ponatur, ut sanguis exire possit. In abdominis cavo, v. gr; si sanguis effusus hæret, pronus in ventrem decubitus proderit. Elevatus pedibus, capite demisso, sanguinem in pectoris cavo hærentem eduxit *Paræus*, & ab instanti mortis periculo liberavit vulneratum; uti dictum fuit §. 172. n°. 3.

**SUCTU PER FISTULAM.** Hoc locum habet, quando sanguis in cavo abdominis, & inprimis in cavo pectoris effusus hæret. Sumunt tunc fistulam ex plumbo flexili, vel ex corio vel balanzæ osse, obtuso semper apice instructam, ne

(a) Aphor. 20. Sect. VI. Charter. Tom. IX. Part. II. pag. 259.

lædat partes; per hanc cavo corporis immiffam vel fugendo, vel & applicatâ antliâ extrahi poteft fanguis extravafatus. Ubi verò fanguis fub cute in cellulis membranæ pinguedinofæ aggefus hæret, patet facilè, hanc methodum nullius ufus effe.

Sed nec idoneo fitu corporis, nec fuctu per fiflulam educi poterit fanguis extravafatus, nifi fluidus fit: fi verò jam in grumos concrevit, tunc priùs fic dilui debet, ut per vulneris orificium, vel fiflulæ aperturam, transire poffit. Sumitur tunc aqua cum melle, vel faponis Veneti parçâ copiâ: additur aliquid falis marini, & pauculum vini; tepidus talis liquor injicitur, leni conquaffatione vel & ipfo refpirationis motu agitur cum fanguine concreto, quem diluit & folvit; deinde fitu corporis, vel fuctione, iterum educitur injectus liquor; illudque repetitur tamdiu, donec injectum liquidum purum & nullo fanguineo colore tinctum redeat. Simplici fic horde decocto cum melle, refiduos in thoracis cavo fanguinis grumos eduxit *Paræus* in Exemplo modò allegato; dùmque fequenti die centaurei, abfinthii & aloes infufum injiciebat, ut magis mundaret hæc loca, mirabatur vulneratum amarorem ingratum percipere & naufcare. Facilè patet hæc tentari non poffe quamdiu hæmorrhagiæ metus adhuc fupereft.

**APERTURA VULNERIS DILATATA, VEL NOVA.** Si anguftum nempe nimis vulnus fuit, vel panniculus adipofus, in vulneris aperturam preffus, obftruxerit orificium, tunc dilatio requiritur. Aliquando etiam accidit, vulneris aperturam altiori loco hære, fanguinem verò effufum declivi loco fitum non poffe evacuare per vulneris orificium, nifi inverfo fitu corporis, quem fine moleftia diu ferre non poffet vulneratus; fic dum vulnere fuperiori thoracis parti inflicto, vafis difciffis, fanguinis copia magna in pectoris cavo accumulatur, ille verfus pofteriora thoracis, ubi profundè descendens diaphragma thoracis capacitatem multum auget, hærebit, nec poterit facilè exire per vulneris aperturam, nifi capiti infifteret vulneratus: unde potiùs verfus pofteriorem & inferiorem partem thoracis in latere affecto novâ aperturâ factâ, fanguis educitur. Idem verum eft, dum, v. gr; vulnere circa lumbos inflicto fanguis in abdominis cavo hæret, qui gravitate fuâ anteriorem & inferiorem abdominis prominuli partem occupabit, undè longè faciliùs, paracentefi in hoc loco inflitutâ, poterit educi, quàm preffione abdominis & mutato fitu corporis per vulneris aperturam exprimi. Pariter etiam nova apertura vulneris requiritur, ubi fanguis effufus in panniculo adipofò descendendo viam fibi fecerit verfus declivem locum.

§. 237. **SI** vulnus inter firmas partes corporis descendit, via paranda fordibus preffione, lotionè, ligaturâ, aperturâ vulneris novâ, vel dilatatâ.

Aliquando fit, ut instrumentum vulnerans profundè adactum descendat inter partes corporis per panniculum adipofum inprimis: liquida tunc ex vafis difciffis in vulneris cavum effufa, & pus collectum ibi hærebunt, & propriâ gravitate defendentia in facilè dilatabili membrana pinguedinofa augebunt vulneris profunditatem; nec facilè exire poterunt per vulneris orificium altiori loco fitum. Imò fæpe collecta materies miras fibi & maximè finuofas vias faciet per panni-

culum adiposum inter musculos, unde postea summa oritur in curatione difficultas. Hoc omnium optimè exploratur, si vulneris orificio per siphonem leni vi immitatur aqua tepida: copia enim aquæ immixta major vel minor determinabit vulneris profunditatem, & latentis cavi amplitudinem. Si enim specillo immisso indagetur vulneris facti profunditas, sæpe dum hoc rudiùs perscitur, specillum per membranam adiposam transiens novum cavum efficit, unde postea major curæ difficultas. Apud *Hildanum* (a) habetur tale Exemplum. Rustico in singulari certamine vulnus acuto gladio infligitur in coxam dextram è regione ferè articuli: barbitonsor advocatus stylo exploratorio immisso vulnus sursum versùs os sacrum ascendere invenit. Cùm verò circa tertium diem dolor ingens, inflammatio, febris & alia gravissima symptomata adessent, *Hildanus* vocatus immisso stylo per vulneris aperturam, invenit vulnus pergere per medianam natem versùs anum.

Facile nunc intelligitur, acuto gladio inflictum vulnus non potuisse adeo diversâ directione penetrasse eodem ictu, sed alterutram viam styli immixtione factam fuisse. Unde apparet, suspensâ manu & magnâ prudentiâ explorationem vulnerum stylo immisso perfici debere, & longè tutius hoc fieri aquâ per siphonem immixtâ; modò hoc non fiat magnâ vi: tunc enim & aqua ipsa sic valido impetu injecta posset paniculum adiposum dilacerare, & viros sinus facere.

**PRESSIONE, LIGATURA.** Ubi per aquam tepidam immixtam constiterit, vel etiam prudentissimâ per stylum exploratione, quousque penetraverit vulnus; tunc illi loco apponitur splenium, quod deinde ligaturâ circumductâ apprimitur: sic impeditur, ne collecti humores in vulneris cavo magis descendant. Sensim dein singulis deligationibus mutatur situs splenii, ut magis magisque versùs aperturam vulneris pergat, lentè sic ab inferioribus ascendendo: interim apertura vulneris liberrima relinquitur, ut contenta in vulneris cavo facilè exire possint. Unde ligatura sic dirigitur, ut tantùm premat fundi vulneris infimam partem, liberum autem relinquit vulnus orificium, quod ob eandem causam nunquam turundâ obturari debet. De hac autem methodo, & pulcherrimis ejus usibus, dicitur postea in *capitulo de Fistula*.

**LOTIONE.** Dum effusi humores in cavo vulnere stagnant, & diu ibi hærent, non facilè exeunte ob acclivem orificii vulneris situm, morâ & calore loci corrumpuntur, & in acrimoniam satis malignam possunt degenerare. Ipsum blandissimum pus, in vulnere nimis diu retentum, ichorosum, tenue & acre fit. Tota ergo vulneris superficies inde malè afficitur, & fordida fiet: sed quamdiu nondum pura esset vulneris superficies, nunquam poterunt recrescere & uniri partes, licèt idoneâ compressione & ligaturâ contiguæ factæ fuerint. Requiritur ergo priùs depuratio vulneris per digestiva dicta remedia apud Chirurgos: sed hæc non possunt applicari omni vulneris superficiei, nisi diluta priùs sic fuerint, ut per vulneris aperturam immixta per omnia vulneris loca penetrare possint. Illa ergo quæ §. 207, laudata fuerunt ad depuranda fordida vulnera, hic convenient; sed diluta in aqua vel simili vehiculo, ut per omnia penetrare possint. Aloe & myrrha virello ovi subactâ, addito pauxillo salis ammoniaci & melle, dein aqua diluta præcipua hic sunt.

**APERTURA VULNERIS NOVA VEL DILATATA.** Postquam per aliquot dies tentata fuit pressio & ligatura vulneris profundi fundum comprimens, uti & post injecta depurantia illa digestiva dicta; si nondum in meliùs, tamen mu-

(a) Observat. Chirurg. Centur. IV. Observ. 84. pag. 358.



tata fuerit vulneris conditio, de aliis cogitandum est. Si vulneris orificium admodum exiguum fuerit, ut non possint exire de cavo vulneris aggesta liquida, tunc illud dilatandum est: si verò vulneris apertura talem situm habeat, ut contenta in vulneris cavo liquida nec propriâ gravitate, nec mutato situ corporis facillè exire possint, tunc cogitandum est de apertura nova facienda, per quam commodiùs & sponte elabi possent omnia illa, quæ retenta in vulnere nocerent. Ut autem hoc fiat, turundâ clauditur vulneris orificium, ut nihil exire possit: aggesti tunc humores colligentur sponte in infima parte fundi vulneris, & ubi tumorem facient, qui indicabit locum, ubi nova apertura facienda est. Idem fieri poterit, si per siphonem aquâ injectâ promineat extrorsum vulneris infimus fundus; uti & si specillum immissum per vulneris aperturam ad infima usque pertingere possit sic, ut ejus apex digito Chirurgi sentiri possit: tutè enim tunc supra specilli apicem discinduntur integumenta, ut novo apertura fiat. Si verò vulnus inter partes crassas musculosas profundè descenderit, sic tamen ut <sup>6</sup>ius vulneris non versùs cutim hæreat, sed in interioribus delitescat, longè <sup>7</sup>ancillius est novam aperturam cum fructu facere: optimum tunc est, clausâ vulneris aperturâ, ad illum locum, ubi vulneris fundus hæreere creditur, applicare mollissima cataplasmata hæc spe, ut emolliat partes externæ facillimè cedere possint liquidis in vulneris cavo aggestis, sicque inveniri locus, qui pertundi debet.

§. 238. **D**ILATATIO fit cultro, linteis carptis, spongiâ, radice gentianæ & similibus siccis immixtis filo alligato, absorptu humoris tumentibus, sicque dilatantibus.

Omnium optimè vulneris dilatatio per cultrum fit: dolor quidem acutus adest, dum dissecantur partes vivæ sed uno momento desinit; dum reliqua, quæ dilatando vulneri intervniunt, lentâ distractione satis acutum & diuturnum simul dolorem excitant, & unâ margines vulneris contundunt: quæ loca contusa postea per suppurationem debebunt separari: Unde, qui vano metu sectionem cultro faciendam horrent, majoribus torquentur doloribus.

Ut verò fiat sine sectione vulneris dilatatio, intruduntur ejus orificio lintea carpta vel similia corpora bibula siccissima, quæ, humores affluentes absorbendo distenduntur; sicque distrahunt orificium vulneris nimis angustum. Nec parva hæc vis est, quâ corpora sicca bibula, dum madefiunt, remouent à contractu partes, quibus coercentur. Adest enim in aqua mirabilis hæc proprietas, certis Experimentis cognita, quamvis difficillimè explicanda, quâ distendit corpora, quibus se insinuat, in majus volumen; tanto quidem cum effectu, ut solâ hæc vi enormia pondera eleventur, & durissima saxa findantur cuneis siccissimis ligneis intrusis & postea humectatis; uti solent facere operarii, ut enormes illas massas lapideas unde molares lapides conficiunt, separent à rupibus (a). Nec hæcenus limites immanis illius potentie novimus: sufficit scire, quod summa etiam obstacula superet. Lintea ergo carpta siccissima contorta in turundam, radices gentianæ & eodem iungosæ frustulum, vel & spongiam compressam vulneris orificio intrudunt: dein

(a) Académ. des Sciences, l'an 1739. Mém. pag. 391. Boyle de utilitate Philos. Experim. P<sup>ar</sup>g. 555.

vel tenaci emplastro, vel ligaturâ idoneâ, hæc sic retinent, ut non possint exire, dum affluentibus humoribus resorptis tumere incipiunt sic tota illa vis, quâ distenduntur hæc bibula corpora, impenditur dilatando vulnere. Inter illa autem, quæ dilatandis hæc methodo vulneribus adhibentur, nullum est, quod in tam parvum spatium comprimî potest, & tamen ab humido resorpto postea tam immaniter tumet, quàm spongia; unde solet reliquis præferri: inprimis si artificiosâ præparatione augeatur adhuc spongiæ ad hos usus efficacia. Solebant quidam spongiæ frustulum circumducto filo validissimè constringere, deinde vulneris orificio immittere, sic ut nodus circumducti fili extra vulnus hæreret & forfice abscindi posset: sed non difficultate hoc potest perfici, & longè meliùs sit methodo sequenti. Resinam cum cera & pauco oleo liquant, ut fiat inde emplastrum satis tenacis consistentiæ; huic deinde emplastro igne liquato spongiam puram, siccissimam, & satis magnam immergunt, ut undique penetretur hoc emplastro soluto: deinde validissimâ actione præli, inter duas laminas ferreas modicè calefactas, ex spongia exprimunt omne pingue, quantum fieri potest, sicque in prælo relinquunt, donec omnia penitus refrigerint. Tunc habetur spongia in minimum volumen compressa, densa ferè instar ligni, & quæ in qualvis figuras scindi poterit. Illud, quod post validam expressionem remansit in spongia emplastrum siccæ spongiæ partes sibi mutuo applicatas retinet, nec tamen impedit, quominus aqua & aquosa omnia in bibulam spongiam radiantur, illamque in pristinam dimensionem extendant. Cum ergo spongia validissimâ pressione in angustissimum spatium redacta, vulneris orificio immissa, ab humoribus affluentibus distendatur in maximam dimensionem, quam acquirere potest; patet, quàm enormis dilatatio hæc methodo fieri possit. Præterea hoc commodi habet spongia sic præparata, quòd possit in nimia ramentula scindi, quæ angustissimis etiam vulnere vel fistularum orificiis immitti possunt: quod linteis carptis vel gentianæ radice aut aliis similibus fieri minimè posset.

Omnibus autem illis turundis, sive ex spongia, sive ex aliis similibus fiant; alligatur filum, ne fortè se subducant in latius vulneris cavum, & ibi plurima mala faciant; dum non possent sine molestia inde educi sine hac cautela.

Sic hæctenus ordine pertractata sunt illa, quæ ad generalem Historiam & Curationem vulnere pertinent, simulque auctum fuit de illis symptomatibus, quæ vulneribus accidunt quandoque, & ob periculum vel summam molestiam peculiarem medelam requirunt. Sequitur nunc ut dicatur vulneribus, quæ corporis partes illas occupant, in quibus viscera reconduntur; ideòque, præter generales in omnium vulnere curatione indicationes, multa adhuc alia observanda requirunt. Solent plerumque hæc considerari in tribus illis magnis corporis cavis, in quibus nobilissima organa illa continentur, à quibus omnes functiones corporis sani pendent: unde apud Auctores Chirurgicos seorsim semper solent tractari vulnera *Capitis*, *Thoracis*, & *Abdominis*. Primò nunc agetur de vulneribus capitis.

## VULNERA CAPITIS.

§. 239. **V**ULNERA capitis lædunt vel sola externa communia; vel periosteum; vel cranium; vel duram matrem; vel piam simul; vel cerebri vasa, substantiam, corticem, medullam, ventriculos.

Distinguuntur vulnera capitis, quòd vel lædant externa, inter quæ & ipsum calvariz os numeratur; vel quòd penetraverint ad contenta in calvariz cavo. Externa autem hæc iterum bifariam solent dividi: vel enim sunt communia externarum partium corporis tegumenta; vel sunt talia, quæ soli capiti propria habentur. Integumenta communia sunt epidermis, cutis, & panniculus adiposus: quæ quidem ubique in toto corpore externo ferè adsunt; tamen in plurimis locis diversam habent indolem. Longè enim alia epidermis apparet in dorso pedis quàm in planta; multò crassior cutis plerumque in dorso quàm in abdomine; longè alia indoles panniculi adiposi in cervice, v. gr. quàm in aliis partibus corporis. Sic etiam in capite cutis satis crassa, oculis sebaceis copiosis satis magnis instructa; cellulosa tunica huic subiecta, satis tenuis, vix multùm pinguis habet: unde diversitas communium integumentorum in capite patet. Præter hæc, alia sunt capiti propria tegumenta. Expansio enim tendinea, sive aponeurosis, totum caput sub membrana cellulosa tegit, quæ per collum pergens ad humeros ferè usque descendit: in parte superiori capitis omnium fortissima est hæc aponeurosis, duplici ad minimum strato fibrarum, se mutuo decussantium, constans; descendens postea sensim attenuatur, ubi collum ambit, & circa claviculas quasi evanescit (a). Huic membranæ supponitur periosteum cranii, binis lamellis, arcè sibi invicem unitis, constans: interior lamella, ossi applicata, à quibusdam periosteum propriè vocabatur; exterior, in quibusdam locis, ut circa musculos temporales, ab interiori secedens, à multis pericranium dicitur. Sub hoc periosteum cranium ipsum sequitur ex ossibus variis, miro artificio unitis, constans, binis tabulis osscis, intermedium diploen continenibus, compositum. Hujus ossis internæ superficiæ arctissime accrescit membrana, dura mater dicta; quæ & internum periosteum cranii vocatur. Dura matri supponitur pia mater dicta, cui tamen adhuc tenerrima arachnoidea incumbit. Per hanc piam matrem omnes arteriæ, quæ ad cerebrum tendunt, omnèque venæ, quæ inde redeunt, decurrunt, & in illa ordinantur. Piz matri immediatè unitur cerebri ipsius substantia corticalis; unde medulla oritur: quæ collecta fornici instar cava relinquit, quæ cerebri ventriculi dicuntur: in quibus plexus choroidæ dicti, mira vasorum sanguineorum congerie constantes, locantur.

(a) Winslow, *Exposit. Anatom.* pag. 659.  
Tomus I.

Ad omnes has partes vulnera, capiti inflicta, percingere possunt; semper eò periculosiora, quò causa vulnerans profundius adacta plures partes ex modo enumeratis læserit. Omnium ergo minimè periculosa, cæteris paribus, erunt illa vulnera, quæ sola integumenta communia lædunt; licet tamen, uti postea patebit, aliquando pessima mala etiam ab his læsis oriri possint.

In omni ergo vulnere capitis sollicitè primà deligatione inquirendum, quousque penetraverit instrumentum vulnerans, & quas partes læserit; ut possint præfagiri mala, quæ metuenda sunt, & idonea his præcavendis auxilia applicari. Quibus signis jam cognoscatur, sola externa communia læsa esse, docet sequens paragraphus.

§. 240. **SOLA** externa læsa, scitur. 1. Ex causa vulnerante, ejus figurà lædente. 2. Vi ejus parvâ. 3. Loci vulnerati conditione, quoad figuram inprimis. 4. Levitate symptomatum. 5. Conspectu. 6. Specillo.

1. Sic si cultro discissa fuerint integumenta, poterit satis magnum vulnus esse; nec tamen profundè penetrare: si verò punctim culter adactus fuerit, non poterit alicujus longitudinis vulnus esse, quin profundè penetraverit. Sic si acinace incurvo vulnus inflictum fuerit, non poterit illud in longitudinem aliquam excurrere quin in medio satis profundè descendat; uti satis patet.

2. Satis evidens est, instrumentum vulnerans eò minùs penetrare, quò minori vi adigitur. Hoc autem cognoscitur ex vulnerati ipsius, vel aliorum, qui adie-runt relatione.

3. Calvaria utcumque ad sphæroideam figuram accedit: in illis ergo locis, ubi maxima convexitas habetur, non potest magnum vulnus esse, nisi satis profundè adactum fuerit instrumentum vulnerans; uti v. gr; circa anteriorem & maximè prominentem ossis frontis partem, & circa mediam partem utriusque ossis bregmatis; longè minùs adhuc in illo loco, ubi os frontis circa tempora cum ossè sphæroidali concurrit: ibi enim eminens angularis superficies est. In aliis locis, ubi planam magis superficiem calvaria habet, poterit satis longum vulnus sine magna profunditate infligi.

4. Illæ depravationes functionum, quæ post vulnus inflictum sequuntur, vocantur vulneris symptomata: quò ergo hæc plura fuerint, & quò graviora, eò major metus erit, plures partes, illisque magis necessarias ad sanitatis integritatem, læsas esse. Cùm autem in capite hæreat actionum animalium origo & fons, inprimis inquiritur, an in his aliquid mutatum fuerit post vulnus inflictum. Vertigo, tinnitus aurium, bilis vomitus, somnolentia, sensuum omnium, vel quorundam saltem, abolitio vel depravatio, &c, mali hinc semper ominis. Si nullum horum apparuerit, vel tantùm levissima fuerint & statim evanida, magna spes est, causam vulnerantem non adeo profundè penetrasse. Sollicitè monuerat Hippocrates, præter illa, quæ oculis subjiciuntur, etiam hæc inquirenda esse. Etenim magis aut minùs vulnerati hæc sunt indicia: *ut si ager alto sapore detentus fuerit, aut tenebræ oculis obsisa, aut si vertigo præhenderit, aut ipse considerit (a).* Faciendum tamen est, aliquando gravissima etiam capitis vulnera,

(a) Hippocr. Lib. de Caput. vulner. Cap. xv. Charter. Tom. XII. pag. 131.

in cerebri substantiam usque penetrantia, non statim stipata fuisse adeo malignis symptomatibus. In memorabili enim illo casu §. 187., memorato, usque ad septimum diem satis bene se habuit vulneratus, licet cuspis ferreus sagittæ profundè in ipso cerebro hereret, post quartum mensem inde feliciter eductus; subsequente integrâ sanatione adeo periculosi vulneris. Unde & Hippocrates, & post illum peritissimè Medici longè majus suspicabantur malum, si gravia symptomata, non initio, sed post aliquot dies ab inflicto vulnere apparerent. Sic monet Hippocrates (a). Optimum quidem igitur est, neque febrile cum qui ulcus (vulnus) in capite habet, neque sanguinem in super ipsi erupisse, neque inflammationem, neque simul ullum aliquem dolorem accepisse. Si verò quid horum apparuerit, securissimum est, ut in principio fiat, & modico tempore permaneat. . . . At incipere febrem in capitis vulnere quartâ die, aut septimâ, aut undecimâ, valde lethale est. Unde & Jacotii in eruditissimis Commentariis in Coacas Prænotiones pro generali axioma posuit, quòd illa, quæ in vulneribus mox à principio apparent, minùs terrere debeant, quàm quæ perseverant, vel postea superveniunt; siue febres sint, siue alia symptomata. Et ideo suspendere judicium jubet, licet gravissima symptomata apparuerint in initio, donec constet, an illa perseverent an non (b). Patet ergo, non posse absolutam prognosim deduci ex symptomatum levitate vel vehementia, sed simul & alia signa requiri. Turbè quidem moneri potest, pessima quæque metuenda esse, si gravia symptomata statim adsint: non tamen penitus desperandum est, etiam in gravissimis malis; nec temerè confidendum, licet in initio nihil ferè mali appareat.

5. Capitis enim vulnera, si externa sola læsa fuerint, satis oculo patent: unde abrasis in loco vulnerato capillis, & abluto sanguine tepido vino cum æquali copia aquæ diluto, primâ deligatione omni curâ inquirendum est, quousque vulnus penetraverit, & quas partes læserit; ut inde prognosis & indicatio curatoria turbè deduci possint. Inter illa autem signa, quæ conspectui offeruntur, & quæ docent, an os læsum fuerit, an verò tantùm communia integumenta recenseat & Hippocrates (c), quòd oporteat & capillos circa vulnus animadvertere, qui si telo præcisi, & in vulnus impasti sint. . . . noxam accepisse asserendum. Dum enim instrumentum vulnerans, licet satis acutum fuerit, mollia tantùm integumenta capitis penetrat, sequuntur capilli teli impressionem, nec discinduntur: ubi verò ad durum os capilli in vulnus protrusi applicantur, non ampliùs cedere possunt, sed discinduntur.

6. Leniter diductis vulneris labiis immititur specillum, ex mollissimo plumbo vel argento purissimo, quod molle semper & flexile est, paratum, apice obtuso: suspensâ manu leviter pertentando exploratur totus fundus vulneris. Si enim os alicubi nudatum fuerit, resonabit specillum; si nullibi aliquid scabri vel asperi appareat, omnia mollia sentiantur, & nullus audiat sonus, certi sumus, calvariam nec nudatam, nec læsam esse in vulneris loco.

(a) Hippoc. Prorhet. Lib. II. Cap. x. Character. Tom. VIII. pag. 818.

(b) Hippoc. Coaca præfagia cum interpretatione & Commentariis Jacobi Hollerii & Des-

derii Jacotii, &c. pag. 904.

(c) Lib. de vulneribus capit. Cap. xii, Character. Tom. XII. pag. 110.

§. 241. **H**ÆC (240.) licèt levia videantur, sæpe ex propinquitate musculorum, tendinum, periostei, cranii, nervorum, vasorum, cerebri, periculosa fiunt; tum quoque à vi contractili partis læsa.

Licèt jam omnibus rite exploratis constiterit, sola externa communia læsa esse; tamen non vilipendenda sunt hæc capitis vulnera, cùm innumera Observata docuerint, levissima etiam in hac parte vulnera pessimos produxisse effectus: neque hoc tantùm, quando interiora capitis à valido ictu, v. gr; læsa erant, licèt in externis partibus nihil ferè mali appareret; sed etiam in illis casibus, ubi nulla internarum capitis partium læsa fuit, & vulnus sola externa communia penetrasset. Hæc autem mala fiunt.

**EX PROPINQUITATE MUSCULORUM, TENDINUM.** Quanta sæpe ex læsione tendinum & musculorum oriuntur mala, dictum fuit §. 163: sed validissimi calvarie insiguntur muscoli, inprimis circa occiput, ubi splenii, cucullares, &c. hærent. Sed & magni temporales muscoli latà basi calvarie accrescunt. Involutum tendineum, forte, totam calvariam tegit, uti dictum §. 239. Si ergo vulnus hæc partes læserit, quamvis os cranii minime denudetur, periosteo illaeso; sæva tamen possunt sequi symptomata: *Quibus tempora secantur* (dixit Hippocrates (a)) *convulsio, ex contrariis flectioni partibus, oboritur*; & in *Epidemicis* loco §. 163, allegato, vulnus exiguum, nec altè penetrans, acuto jaculo circa cervicem instictum, opisthotono correptum necavit sequenti die.

**SUTURARUM.** Per has efficitur, ut cranii ossa crescere & extendi possint, manente eadem figuræ capitis æquabilitate. In junioribus omnium manifestissimæ apparent, æquè in externa convexa, quam in interna concava ossium cranii parte: in ætate provectis in interiori parte non ampliùs dentatæ illæ ossium unitorum prominentiæ apparent, sed simplex linea, quæ in summo senio obliteratur sepius. Observatur jam in illis locis, ubi suturæ sunt, duram matrem firmissimè adhærere, & vasis emissis uniri pericranio, quod etiam in futuris fortissimè adhæret: unde patet, mala, quæ circa suturas fiunt in externis cranii partibus, posse communicari internis continuitate substantiæ.

**PERIOSTEI, CRANII.** Quòd vasa ad ossa cranii deferat, & vicissim ex illis recipiat, & per hæc nectitur ossibus; unde vitalis influxus & effluxus humorum in ossa cranii, & inprimis in tabulam externam, ab integritate periostei pendet. Hoc periosteo ergo affecto, malum communicabitur ossibus cranii facillimè, & duræ matri, inprimis circa suturas, ubi emissis vasculis inter binas illas membranas manifestè communicatio obtinet; uti modò dictum est.

**NERVORUM:** Qui à quinto nervorum pari orti, & à dura portione paris septimi, numerosissimis & satis insignibus ramis per externas capitis partes distribuuntur. His ergo nervis punctis vel pro parte discissis, omnia illa metuenda sunt, quæ §. 163, memorantur. Inprimis si attendatur, satis tenfos hic esse, dum per cranii integumenta decurrunt, nervos, & adeo vicinos suæ origini.

**VASORUM.** Arteriæ enim satis notabiles per externa hæc integumenta

decurrunt, quarum læsione insignis aliquando post hæc vulnera, hæmorrhagia sequitur.

**CEREBRI.** In quibusdam enim locis cranii os tam tenue est, ut in mundata calvaria pelluceat: hinc integumentis discissis semper metus est, ne cerebrum tam vicinum afficiatur. Hoc autem inprimis fiet vel à nervis læsis, vel ob continuitatem periostei externi & duræ matris, vel quocumque vicio post vulnus externarum partium nato, quod calvariam ipsam inficere, & deinde ad contentum cranio cerebrum peringere potest.

**A VI CONTRACTILI PARTIS LÆSÆ.** Commune phenomenon est in omni vulnere, ut dictum §. 158. n<sup>o</sup>. 1, quod partes firmæ, per vulnus divise, sensim magis, à se mutuò secedant: sed hoc semper fiet tantò magis, quantò validiori vi contractili partes gaudent. Cutis capitis densa & fortis est, æquabiliter circumtensa cranio, & mobilis admodum, hinc facillimè cedens; cui supponitur membrana cellulosa: ideo, diversâ per vulnus cute cranii, brevì magnus hiatus vulncri nascitur, unde magnæ cicatrices toties post vulnera fronti inflicta manent. Si jam nervi semidiscissi fuerint, & tantâ vi secedant à se invicem vulneris labia; omnia symptomata, quæ nervum sic læsum sequuntur, erunt longè violentiora. Accedit, quòd quò plus hiant hæc vulnera, eò major superficies suppositarum partium insolito aeris frigori exponitur; unde plurima iterum mala sequi possunt.

## §. 242. **MAXIME**, si contusio simul adest.

Licet leve fuerit vulnus, si simul contusio adfuerit, multa mala metuenda sunt: ubi enim obtusum corpus, motum vel appressum partibus corporis, vasa plurima: minora destruxerit, contusio adesse dicitur, quam ergo semper comitantur vasorum laceratio, humorumque ex laceris vasis effusio, eorundemque stagnatio & corruptio. Cum autem externis integumentis capitis durum calvariæ os supponatur, nisi instrumentum lædens æurum omnino fuerit, contusio semper aliqua aderit, & quidem magis in capite ob hanc causam, quàm in aliis corporis partibus. Quia verò cutis capitis est densissima, panniculus autem adiposus succumbens tenerimus & facillimè dilatibilis, inferius autem durum os resistit, effusis humores, morâ corrupti, faciliè viam invenient per panniculum adiposum non resistentem, & descendant gravitate suâ; sicque poterunt ad posteriora capitis delapsi magnos illos occipitis ossi insertos musculos irritare, & pessima mala producere. Eodem modo & ad latera capitis, ad temporales musculos, & in fronte ad oculos, & radicem nasi descendere, ibique eadem mala facere poterunt. Facillimè autem per capitis membranam cellulosam delabi sic extravasata liquida certis Observatis constat. Quoties enim non fuit visum, contusione in capitis vertice factâ, sequenti die frontem & palpebras ipsas tumere & livescere, à sanguine extravasato huc declivi via delapso! Merito hinc damnavit Hippocrates (a) vulnera capiti inflicta obtusis telis: carnem enim contundunt, maturant, & lacerant. Et sub hujusmodi telis vulnera ad latera & in orbem, aliquantulum cava purulentæque magis redduntur atque humida, longioræque tempore repur-

(a) Lib. de Capite, vulnerib. Cap. XIV. Charter. Tom. XII. pag. 116.

*gantur. Carnes enim collisas & laceratas, in pus versas, necesse est tabescere.* Alteram, quod inde metuitur malum, est, periosteum vel os ipsum contusum fuerit, vel à liquidis extravasatis male affectum; unde ossis corruptio, & reliqua, quæ inde sequuntur mala, expectanda sunt. Contusum enim os cranii esse potest, licet naturaliter se videatur habere, & lesio per contusionem facta potuit plùs minùsve ossis substantiam penetrasse, licet varia magnitudo mali oculis dijudicari non possit, uti prudenter monuit *Hippocrates* (a). Unde patet, quàm suspècta merito prudentibus Chirurgis habeantur capitis vulnera, si contusio simul adfuerit, cùm sæpe longo temporis intervallo postea pessima sequantur mala, dum omnia salva esse credebantur. Inter plurima Observata Medica quæ hoc docent, adfert ex *Pagii* tale Exemplum *Bohnii* (b). Quidam à compositore in bregmatis os dextrum pœculo stanneo percussus fuit, nec aliquid liti in ossè fuit deprehensum: pancraticè valuit, & obambulavit, donec post decimum mensem inter ambulandum vertigine correptus conciderit, & brevè post obierit. Aperto cranio in istius loco, os planè putridum fœtidumque cum meningè apparuit.

§. 243. **A**UT, si sub parva apertura lata læsio fordes colligit.

Accidit sæpiissime post lapsum ex altiori loco, vel aliam quamcumque læsionem obtuso instrumento factam, leve vulnusculum cuti capitis infligi, licet locus satis magnus contusione latus fuerit. Vilipendunt plerumque hoc tanquam leve malum & vulnerati, & sæpe etiam minùs periti Chirurgi; postea tamen pessima mala à tam levi vulnusculo oriri mirantur. Nec mirum, cùm collecta materies, angustio nimis vulnusculo exire non potens, augeatur, & novas sibi vias per membranam cellulosam quærat; vel & morâ corrupti humores subjectum pericranium, vicinos musculos, &c. pessimè afficiant.

Vocabar aliquot jam elapsis annis ad fabrum lignarium febre decubentem; & quia nihil commune habebat morbus cum epidemico tunc grassante, nec sollicito examine ullam causam invenirem; symptomata tamen adessent plurima, quæ aliquid mali latere persuaderent, hærebam omnino. Dolor capitis aderat satis intensus, frons & palpebræ utriusque oculi tumebant & rubebant, tensionem in nucha se sentire conquerebatur æger, somnos admodum turbatos, &c. Rogavi, an extrinsecus quâdam causâ caput læsum fuerat: negavit æger, licet iteratò monerem, me simile quid suspicari. Famulus præfens bonâ fortunâ reminiseitur, ante ostiiduum, tegulam, sed ex parva altitudine in caput decubentis delapsam fuisse: rem sic se habere annuit æger, sed vix ullum dolorem se inde sensisse, nec aliquid mali postea percepisse affirmabat: unde ægre permittebat, ut locum illum capitis examinarem. Inveni vulnusculum, quod vix majoris aciculæ caput superabat, sed contusionem tam latam, ut ejus diameter pollicem æquaret. Jussi, ut illico discinderentur integumenta loci affecti; & sequenti die febris jam remissior, & omnia symptomata longè leviora erant: benignâ suppuratione depurabatur locus, & feliciter sine ullo graviore malo evasit.

(a) Lib. de Capit. vulnerib. Cap. vii. Char-  
ter. Tom. XII. pag. 118.

(b) De Renunciât. vulner. Sect. II. Cap. 1.  
pag. 136.



§. 244. COLLECTA enim materies (242. 243.) miros tumores, erysipelas, œdema; dolores, convulsiones, ossis & periosteï putredines, febres, mortem, creat. Aer cava alluens, incautè appositu emplastrorum ibi coercitus, impressus, mira emphysemata facit.

MIROS TUMORES. Dum validâ contusione, inprimis cute integrâ, vel parvo tantum in loco apertâ, plurima vasa franguntur, effusi humores collecti, cute integrâ coerciri, illa in immanem tumorem extendunt; & satis subitò quidem: cranium enim subiectum cedere nequit, hinc omnis liquidi effusi moles cutim extrorsum distendit & elevat. Et hæc est ratio, quare in aliis corporis partibus à contusionibus rarè tam magni tumores, nec adeo subitò oriuntur. Memini, quòd in domo, quam habitabam, ancilla de scalis delapsa fronte pavimento lapideo summâ vi impegerat; dum ipso momento accurro, ut succurrerem miseræ, jam tumor ovum gallinæcum æquans frontem occupabat. Notum est, ludentes pueros toties capite in dura obfusculâ impingentes, illico habere tales tumores in capite. De mira illa intumescencia, ab elastico aere in membranam cellulosâ penetrante & ibi retento, statim dicitur.

ERYSIPELAS. De erysipelate, ejusque differentiâ à phlegmone, postea dicitur in Historia inflammationis §. 380. Sufficit hic notare, quòd hoc nomine intelligatur inflammatio superficialis, & in ipsa tantum cute terè hærens (*exquisitum erysipelas, solius cutis est affectus* (a)) rubro-flavescentis coloris; in vasis minoribus, quàm sunt vasa sanguinem rubrum vehentia, pro maxima parte locum habens; nulliubi frequentius occurrens, quàm in capite & facie, & terè semper in capitis lationibus aliquid maligni latere demonstrat. Unde *ab ossis nudatione erysipelas* dixit Hippocrates (b); & Galenus in Commentariis suis in hunc locum, monet in fine hujus aphorismi subintelligi debere *malum*: quia non semper ossibus denudatis erysipelas supervenit, sed ubi his malis accedit erysipelas, prævum semper symptoma est. Præterea constat plurimis locis Hippocratis, ossis (τὸ ὄστυ) vocabulo frequentissimè intelligi calvariam, ut inter alia loca plurima etiam demonstrat aphorismus 24. sectionis septimæ. Facile jam intelligitur, compressis cutis vasis ab effusis humoribus distendentibus, vel & irritatione ab acri degeneratione eorundem, posse nasci hic tale malum.

ŒDEMA. Generali significatione quemcumque tumorem designat; & inprimis tumores molles & frigidos, ut dictum fuit in *Commentariis* ad §. 112. Hic autem non intelligitur talis tumor frigidus & lentus, sed longè diversum mali genus. Frigidum enim talem tumorem distinctionis causâ optimè nunc vocant œdema œdematodes. Ubi verò talis tumor, pellucens quidem & albus, cum magno calore simul comitante, adest, tunc vocaverunt œdema erysipelatodes. Illud malum adest dicitur, quando vasa tam parva, ut nec flavos nec rubros humores admittant, sed pellucidos tantum, inflammantur: de quo postea §. 380, dicitur. Solent & vocare erysipelas bullatum, quia partes, quas occupat, validè

(a) Galen. Method. Med. ad Glaucon. Lib. I. Cap. 3. Charter. Tom. X. pag. 369.

(b) Aphorism. 18. Sect. VII. Charter. Tom. IX. Part. II. pag. 301.

tumore distendit, & inprimis palpebras & totam faciem, si circa caput hæreat. Ab iisdem causis oritur in capitis vulneribus ac erysipelas, & plerumque pro pejori symptomate habetur.

**DOLORES.** Quia materies collecta cutim distendens nervos distrahit, vel flagnando acrior facta pericranium, adeo sensile, & tendines & musculos vicinos malè afficit.

**CONVULSIONES** ab iisdem causis hic fieri possunt; & præterea si ad interiora calvariae malum hoc tandem penetraverit.

**OSSIS ET PERIOSTII PUTREDINES**, &c. Sub membrana cellulosa hæret expansio illa tendinea, de qua dictum §. 239; sub hac pericranium, quod immediatè calvariae incumbit, illique vas emissis & receptis communicat. Dum ergo extravasati humores sub cute tenaci capitis coerciti hærent, vitium hic natum facillimè communicatur pericranio: sed illud ubi læsum fuerit, vitalis humorum influxus in os tollitur, unde illa pars cranii, quæ affecto pericranio supponitur, moritur, & postea separari debet, si sanabitur malum; vel putrefacta corrumpet subjectas meninges & ipsum cerebrum: unde pessima mala, febres, imò mors ipsa sæpe nec opinantes opprimit: quale Exemplum memoratum fuit §. 242.

**AER CAVA ALLUENS**, &c. Aer omnia undique alluit: ubi ergo vulnus capiti inflictum est, cutim penetrans ad membranam cellulosam usque; & inprimis si specillo sub labiis vulneris immisso multùm scrutatus fuerit Chirurgus, an periosteum vel & ipsum cranium læsum fuerit; aer ingreditur membranam cellulosam: si tunc tenaci emplastro vulnus tectum fuerit perfectissimè, aeris recepti egressus impeditur, qui tunc calore corporis rarefactus vias sibi facit per membranam cellulosam, & vicina loca tumere faciet. Hoc viso plerumque adhuc curiosius scrutantur Chirurgi specillis, ut inquirent latens malum, aeremque iterum admittunt per dilatatam membranam: emplastro iterum applicato augetur tumor, ulteriùs se dispergens, inprimis per frontem, palpebras & faciem; unde sequenti die aliquando miro spectaculo tota facies tumore pellucido elastico se turget, ut oculi sepulti quasi & eminens nasus dispareant. Observatur enim, membranam cellulosam ed faciliùs distendi, quò tenerior est, & minùs pinguedinis in se habet. Unde illa sub palpebris loca tam facillè tument, & scroti & penis membrana cellulosa in hydrope anasarca in tam enormem molem distenduntur; quia in his locis membrana cellulosa nihil crassæ pinguedinis, sed potius mucilaginosi quid in se continet; nisi in castratis animalibus, in quibus ingens copia pinguedinis hic colligitur. Tumores sic natos apto sativocabulo emphysemata vocant, sive inflationes, quas *Gorræus* (a) definiit *spiritus statuos collectiones in inanibus corporum spatiis*. Similem hujus vocabuli significationem etiam *Galenus* (b) habet, dicens, *Inflationes* (τὰ δ' ἐμφυσηματα) *ex statuofo spiritu collectio nascuntur, aliàs sub cute, aliàs sub membranis ossa tegentibus, aut musculos viscerumque aliquod investientibus*. Porro colligitur aliquando non parum etiam in ventriculo & intestinis, itémque in medio spatio horum & peritonæi. Postea, ut distinguat ab œdemate hos tumores, dicit, (c) quodd digitis pressi non retineant vestigium; & sonitum, velut tympanum reddant. Sed hoc tantùm verum est, quando in

(a) Definit. Medic. in voce ἐμφύσημα.

(b) Method. Medend. Lib. XIV. Cap. VII.

Charter. Tom. X. pag. 324.

(c) Ibid. pag. 324. 325.

majori corporis cavo collectum hæret, illud statuosum, v. gr; in abdomine; tunc enim illud percussum resonat instar tympani, unde & ille affectus tympanites Medicis dicitur. Ubi verò in membrana cellulosa hæret hoc malum, pressum digitis cedere potest, quia in vicinas hujus membranæ cellulas tunc protruditur illud elasticum statulenum; in pristinum locum rediens, ubi pressio cessat. Quia autem palpebræ adeo facile tument ob laxissimam hinc facillimè dilatabilem cellulosam membranam, ideo apud *Æginetam* (a) definitur emphysema, quòd sit œdematodes palpebræ tumor. Tamen alibi eadem de emphysemate ex *Galeno*, dixit, quæ modò citata fuerunt (b).

Quàm facili autem aer semel admissus in membranam cellulosam per omnia penetret, docent laniones; qui parvo vulnuscule cuti mastati animalis inflicto, aerem inflant, ut faciliùs cutim sine læsione subjectæ carnis auferant. Constat etiam Medicis Observationibus, aerem in panniculum adiposum ingressum posse omnia ferè corporis loca pervadere, & tumores mirabiles in variis partibus & aliquando in omni ferè externa corporis superficie producere. Puellæ quinque annorum circiter, lento morbo sensim tabefactæ, triduo ante mortem nascebatur in gena dextra tumor, qui sensim totum truncum corporis occupavit. Dum digitis premebatur scapulæ, subducebat se cum crepitu quodam contentus aer. Post mortem pertusâ scalpello abdominis cute, statim omnis tumor subsedit, cum fœtore intolerabili exhalante (c). Robusto juveni duo vulnera infliguntur, unum prope claviculam dextram, alterum posterius inflinctum prope scapulam sinistram: tumor invasit non solum totam faciem, sed & universum reliquum corpus, velut spongia vento plena, quocumque tangebatur, palpitibus occurrebat (d). Simile Exemplum apud eundem Auctorem alibi habetur (e). Similes tumores videtur & posse nasci, dum humores extravasati putrescunt: tunc enim constat Experimentis, per putredinem produci, vel extricari fortè, latentem in corporibus materiam elasticam, quæ si non sit aer, saltem similem vim habet, quâ per calorem immaniter expandi possit. Sic cadavera submerforum, dum incipiunt putrescere, dissento toto corpore externo, & in primis abdomine, emergunt, aucto nempe volumine, aquâ jam specificè leviora facta. Cum autem collecta materies extravasata, sub cute tenaci hærens, sic degenerare possit; patet & hanc aliquando causam obtinere posse mirabilis hujus mali. Fortè illud fuit factum in Exemplo modò recensito puellæ illius, quæ lento morbo extincta paucis ante mortem diebus totum corporis truncum adeo tumidum habuit.

Et apud *Hildanum* (f) tale habetur Exemplum, ubi post gravissima capitis vulnera defuncti cadaver biduo post vulnera inflicta tetrum adeo spirabat odorem, ut nullus accedere ferè auderet; & sequenti mane caput, facies, brachia, abdomen horrendum in modum, intumuerant, & scrotum pariter inflatum infantis caput magnitudine æquabat.

Ubi autem tale emphysema adest, indicatio curatoria jubet, ut illud distendens elasticum iterum expellatur ex tunica cellulosa, quam distendit. Hoc autem fieri poterit, moderatâ pressione, vel frictionibus, derivando inclusum æ-

(a) Lib. III. Cap. xxxii. pag. 33. versâ.

(b) Lib. IV. Cap. xxviii. pag. 66. versâ.

(c) Académie des Sciences, l'an 1704. Mémoires, pag. 90.

Tomus I.

(d) Thom. Barthol. Hist. Anat. rarior. Centur. V. Histor. 11.

(e) Centur. VI. Histor. 89.

(f) Observ. Chirurg. Centur. II. Observ. 254.

Z z

rem versùs vulneris aperturam, etiam dilatatam, si opus est, vel scarificationibus, usque in membranam cellulosam penetrantibus, concilietur liber exitus. Pulchrum scarificationum successum in tali casu habet *Paræus* (a). Homini ense vulnus jugulo infligebatur, discindens asperam arteriam pro parte & unam ex venis jugularibus, unde ingens hæmorrhagia & sibilus ob aerem per vulnus asperæ arteriæ elabentem : futurâ uniuntur vulneris labia, & remedia adstringentia applicata fuerunt. Paulò post aer se insinuans in tunicam cellulosam non tantùm vicina vulneri loca, sed totum corpus miro tumore distendit. Facies sic inflata erat, ut nec oculorum nec nasi vestigium appareret. Dum miserrimo hoc in statu ab omnibus proderelicto haberetur, peritissimus Chirurgus audacter pluribus & quidem satis profundis scarificationibus cutim pertudit, ut via fieret aeri incluso; & adeo felix fuit successus, ut integram sanitatem recuperaverit ex ipsis orci faucibus ereptus vulneratus.

Longè tamen sæpius hæc emphysemata pectoris vulnera comitantur, si in cavum thoracis penetraverint, quia aer per vulnus in pectoris cavum ingressus sæpe non potest facili exire per vulnus, vel nimis angustum, vel occlusum quacumque de causa, unde rarefactus calore vitalium viscerum viam quærit in membrana cellulosa. Si autem pulmo læsus aerem inspiratum dimiserit in pectoris cavum, faciliè patet, horrenda posse fieri emphysemata, novo aere singulis inspirationibus accedente.

§. 245. **SI** sola ergo integumenta læsa sine dictis (241. 242. 243. 244.) facilis sanatio per ligaturam idoneam, & curationem descriptam (ab 185. ad 239.) licet sæpe appareat maxima; inprimis verò juvat recens esse, dum incipit curari, rite uniri, rarò deligari, & citissimè, atque defendi cum cura à nimium humidis, aut laxantibus, & oleosis, ipsòque aere.

Ubi ergo consistit, sola integumenta communia læsa esse, nec ulla maligna symptomata adsunt, quæ metum faciant, ne in interioribus aliquid mali lateat; nihilque deprehenditur ex illis malis, quæ paragraphis hîc citatis enumerata fuerunt, felix sanatio merito expectari poterit. Ex hæctenus dictis satis quidem consistit, nunquam capitis vulnera vilipendenda esse, cum etiam talia, quæ levissima apparebant, pessimum aliquando habuerint eventum; tamen solis integumentis communibus læsis, maxima quamvis vulnera capitis fuerint, felicissimè solent & satis citò sanari: vulneris enim magnitudo hîc rarissimè vel nunquam nocet; cum econtra minima vulnera, ob rationes §. 243. dictas, ingens sæpe periculum adferant, quod evitatur inprimis vulnus nimis angustum dilatando.

Quod in omnibus vulneribus obtinet, hoc præcipuè in capitis vulneribus, quæ sola integumenta lædunt, locum habet; nempe eò felicitiùs curari, quò recentiora fuerint & adhuc sanguinolenta: omnium enim optima dispositio est tunc in partibus divisis, ut ad se mutuo adductæ iterum concrecant; ut in cura generali vulnenum dictum fuit. Omnia ergo illa, quæ ibi monita fuerunt, hîc etiam convenient. Quædam tamen singularia in capitis vulneribus, licet sola externa læsa sint, observanda sunt.

(a) Liv. X. Chap. xxx. pag. 249.

Ligaturæ, quæ apparatus retinendo, vel partibus separatis ad se mutuò adducendis intervniunt, debent esse tam moderatæ, ut leviter tantum firmant partes: si enim validius adstrictæ fuerint, integumenta externa premuntur ad duram calvariam undique hic suppositam, unde compressio vasorum, inflammatio, & reliqua unde sequentia mala oriuntur. Solent semper molli tantum ligaturâ uti Chirurgi periti in his casibus. Unio autem labiorum dehiscentium non adeo fit ob eandem rationem per splenia & fascias, sed facillimè obtinetur per emplastra tenacia, sive futuram dictam siccam; quia hæc vulnera solam ferè tantum cutim dividunt, & subjecta membrana cellulosa tenuis cuti adhærens facillè sequitur.

RARO DELIGARI ET CITISSIME. Peritissimi Chirurgi in similibus casibus vix aliquid agere videntur, dum summâ prudentiâ evitant plurima symptomata, quæ, minus peritorum incuriâ orta, postea sæpe magno Artis molimine tolli debent. Totum enim, quod hic requiritur, est ut recrescant & uniantur separata capitis integumenta. Sed hoc totum, uti jam sæpius in generali vulnere cura dictum fuit, natura sibi soli sufficiens perficit; Ars tantum impedimenta tollit, & addit adminicula. Ubi ergo omnia phænomena docent, rectè procedere curam, quid juvabit sæpius detegere vulnus, & aeris insolito tactui exponere renascentia pulposa vascula? Et vana illa depuratio vulnere, quæ detergendo plumacellis fit, destruet illud, quod renasci incipit. Sufficit ergo rarior denudatio vulnere. Si enim aliquid mali lateat, vel puris major copia prudentem abstersionem requirat, calor & levis pruritus circa vulnus monebunt: olfactu detegi poterit facillè, si aliquid putridi adsit; symptomatum autem malignitas aucta indicabit statim, si quid magis sinistri metuumdum sit. *Cæsar Magatus*, qui raram deligationem vulnere solidissimis argumentis & pulchro effectu utilissimam esse adeo evidenter demonstravit, dum de capitis vulneribus simplicibus sine ossis denudatione agit, unitis vulneris labiis, & abietinâ lacrymâ cum mastiche & farcocolla applicatis, noluit intra quadriduum solvendum esse apparatus (illo enim tempore jam agglutinatio facta erit; ubi verb ablata substantia, vel hiatus labiorum vulnere requirebat perditæ regenerationem, usque ad septimam diem solutionem vulnere differri voluit (a). Quotidie quidem, imò & sæpius de die, poterit, accedere Chirurgus, ut inquireat, an aliquis dolor, pruritus, major calor, &c. percipiantur; poterit subolfacere, an aliquid putridi adsit; sed si nihil tale inveniat, præstat relinquere apparatus. Si verb novus apparatus apponi debeat, fiat hoc citissimè, & omnia applicanda jam præsto sint, antequam detegatur vulnus. In reliquis corporis partibus vulnera, quæ sola integumenta dividunt, sæpius nudata & deterfa, præter retardatæ curæ tardia, plerumque non adeo multum mali faciunt: sed in capite, ubi vitia integumentorum tam facillè subjecto pericranio & ipsi calvariæ communicantur, majus inde periculum nascitur: unde rara horum vulnere deligatio non satis inculcari posse videtur. Ubi fractis ossibus unâ vulnus mollium partium incumbendum adest, restituito offe apparatus sæpe per septimanas relinquitur; felicissima tamen cura vulnere, fracturam comitantis, sequitur, licet nulla depuratio facta fuerit per *Artem*.

DEFENDI CUM CURA A NIMIUM HUMIDIS, &c. Tenerrima hic subiacet, & facillimè dilatabilis, membrana cellulosa, naturaliter inter densam ca-

(a) *Cæsar Magati* de rara medicat. Vulner. Lib. II. Cap. xxvi. pag. 219. & seq.

pitis cutim & calvariā suppositā coercita : ubi ergo vulnere divisīs integumentis humida & laxantia applicantur, membrana cellulosa his emollita luxuriabit, alienis liquidis implebitur, & degenerabit in fungosā molem, postea suppuratione iterum separandā, quæ, ubi valida & diuturna hic adest, ferè semper subiectum pericranium malè afficit. Hinc communi consensu omnes periti Chirurgi horum usum in capitis vulneribus damnant, *Hippocratem* secuti, qui dixit: *Capitis ulcus* (vulnus) *nullā re mēdificandum, ac ne vino quidem, aut quā minimū: neque cataplasmata. .... postulat* (a). Et eodem in libro postea addit (b), *vitiosa autem est ulceris* (vulneris in capite) *caro humida, & nimia uligine marcescens* (ἐμυδῶσα,) *idque longo tempore repurgari*. Et postquam sic monuit, à telo namque tum concisas, tum collisas carnes in pus verū ac tabescere necesse est; dicit, quā celerrimè vulnus ad suppurationem deducendum esse: *at ubi repurgatum ulcus fuerit, sicciūs evadat oportet: sic enim citissimè sanescet, & caro sicca minimeque humida succrescet, &c.* Ubi ergo contusio vulnus comitans fomenta requirit, vinum adhibent semper Chirurgi hodie, ne à solis aquosis nimia laxitas oriatur. Ob eandem causā omnia pingua in vulneribus capitis curandis vitantur, quæ præter nimiam laxitatem, quā inducunt, etiā oleosā tenacitate minima vascula obstruunt & faciunt imperspirabilia. Observaverant in Italia (c) & inprimis apud Florentinos, capitis vulnera difficillimè sanari, illāque latenti aeris qualitatē adscribebatur: sed Auctores plures animadverterunt, quòd oleum rosaceum omphacinum vulnere applicent, & vicina loca etiā hoc oleo inungant (d). Atque inde monuerunt vel nullos omnino, vel paucissimos tantū evadere, licet leviter tantū vulnerati fuissent. Unde & *Severinus* (e) olei funestum usum deplorat, qui Neapoli communis erat in capitis vulneribus; & dicit, quòd levissimæ etiā plagæ malè cederent præter opinionem, & ex centenis vix unus evaderet; cū Melitæ Medici tam felici successu œnelæo uterentur, ut ex centenis vulneratis vix periret unus: fractā nempe admisso vino oleosā tenacitate.

**IPSOQUE AERE.** Non quòd maligna quadam indole noceat semper, licet possit aer in nosocomiis, ubi plurimū in eodem loco decumbunt, putridis exhalationibus inquinatus, cuiusque etiā vulnere obesse; sed quia insolito frigore tenerrima vascula emori facit; vel & aliquando nimis humidus simul laxando & emolliendo nocere poterit. Unde rara vulneris detectio etiā ob hanc causam laudatur; & ubi vulnera capitis deligantur, aeris temperies sicca & calida inprimis commendatur, quod igne & aromatibus accensis, ut fuccino, mastice, olibano, &c. obtineri poterit. Videantur & de his illa, quæ dicta sunt in *Commentariis* ad §. 200.

§. 246. **SI** adsint verò descripta (241) utendum remediis variis (185: ad 239.) pro varietate partis affectæ (241) & mali.

Paragrapho 241, recensebantur illæ partes, quarum vicinia periculum addebat

(a) Lib. de Cap. vulner. Cap. XVII. Char. ser. Tom. XII. pag. 122.

(b) Cap. XXVI. ibid. pag. 125. 126.

(c) Lud. Duretii, Comment. in Cæc. Hippocr. pag. 429.

(d) Bonet Anatom. prætic. Tom. III. pag. 341.

(e) M. Aurelii Severini trimem. Chirurg. p. 210.

levibus cæteroquin apparentibus capitis vulneribus. Facile jam patet, circa curam malorum, quæ ex hac causa oriuntur, nihil universaliter posse determinari, sed prius debere cognosci partem vulneri vicinam; & deinde, quænam læsio huic parti per vulnus facta fuerit, vel futura metuatur, antequam aliquid certi statui possit in curandis vel præcavendis illis malis. Aliud enim requiritur auxilium, ubi vasa sanguinea arteriosa, satis insignia sæpe, unâ cum integumentis capitis communibus diffusa sunt, quàm si tendinis læsio funesta symptomata fecerit: sed de illis, quæ observari debent in vulnere pro læsarum partium diversitate, dictum fuit in generali cura vulnerum à §. 185, ad 239, usque.

§. 247. **C**ONTUSA hîc (242) rite digerenda his, quæ dissipare possint, vel suppurare, modò eligantur semper ea, quæ bona nervis membranisque (204. 207. 245.) aut excindenda sunt.

Contusio supponit multa vasa fracta esse, & humores effusos, qui tunc in membrana cellulosa collecti miros sæpe tumores faciunt: & nisi instrumentum vulnerans valde acutum fuerit, sæpe semper aliqua contusio vulnera capitis comitatur. Requiritur jam, ut humores effusi educantur, vel disponantur, sic, ut resorberi iterum possint; & vasis fractis reddatur pristina integritas. Si autem contusio levis fuerit, & liquida effusa adhuc meabilia sint, tunc tutissimum est, ut dissipentur; quod pulcherrimè fiet, si foveatur locus talibus remediis, quæ concreta liquida diluere & resolvere possunt, & simul omni putredini resistunt, nec interim nimis emolliunt. Urina hominis sani, addito paucò sale marino vel ammoniaco, & vino, pulcherrimum hîc remedium exhibet, quo toties felicissimè dissipantur tumores à capitis contusionibus in pueris orti. Talia etiam ex ruta, scordio, & similibus parantur fomenta, quæ vi antiseptica singulari omnem putredinem arcent, & simul potentissimè resolvunt concreta. Neque tantùm leviores contusiones hæc sanare possunt, sed etiam satis magni tumores sic feliciter dissipantur, quibus incisio sola opem ferre posse crederetur. Mulier à curru decedens frontem humo gelu indurata sic impegerat, ut ingens statim ibidem elevaretur tumor. Chirurgus, mulierem aliquoties vomuisse intelligens, cranium impressum esse credidit, jamque cruciali incisione locum aperire volebat. Celeberrimus *Ruyfchius* in consilium vocatus noluit incisionem fieri; sed fomentum ex optimis cephalicis dictis herbis, vino incoctis, pannis laneis exceptum, calidè applicuit, felici adeo successu, ut intra triduum tumor jam evanescere inceptit, & brevi sine ullo malo symptomate dissipatus fuerit. Addebatque, se sæpissime profuisse illis, quorum capitibus jam scalpellum incisorem imminebat (a).

Ubi verò frustra per fomenta talia dissipatio contusorum tentata fuit, vel magnitudo mali nullam benignæ talis resolutionis spem relinquit, tunc suppuratione blandâ factâ separatio illius, quod corruptum erat, sola superest. Hoc autem vocant digerere Chirurghi, quando irresolubilem materiam in bonum pus convertunt; & digerentia remedia dixerunt illa, quæ humores effusos vel immixtos, ad con-

(a) Fred. Ruyfch. Observat. Anat. Chir. Centur. Obs. 60.

ditionem boni puris deducunt; de quibus dictum fuit in *Commentario* ad §. 207. Sed in capitis vulneribus semper simul attenditur, ne adhibeantur talia, quæ nimis emollitione nocere possent; hinc à cataplasmatibus abstinendum, quia nimis humectant: sed sumitur terebinthina purissima, vel aliud simile nativum balsamum; vitello ovi addito frangitur nocturna hic oleosa tenacitas; additur deinde aliquid unguenti basilici, auri, vel similis; inspergitur deinde aloes, myrrhæ, olibani, &c, tenuissimus pulvis: sic habetur digestivum remedium, in quo simul illa sunt, quæ omni putredini efficacissimè resistunt; & nervis & membranis, nervosis tendinosive amica semper observantur: hoc plumaceolo exceptum loco affecto applicatur; deinde imponitur emplastrum aromaticum, quod partes fovet, & levi stimulo majorem harum motum excitat suppurationi promovendæ semper utilem. Omnibus dein his circumponuntur lanei panni, fomento penetrabili dissolvente, & simul omni putredini resistente, madidi; curando ut quàm calidissimè ferri possit applicetur, neque subito refrigescat. Horum omnium formulæ in *Materia Medica* habentur, quæ pro varia vulnerati temperie, & diversâ anni tempestate iterum mutari possent.

Ubi autem effusis humoribus infarcta membrana cellulosa in magnum tumorem distenditur, sæpe suffocatio hic nascitur, & ferè gangrænosa facta hæc membrana unâ cum infarctis humoribus separatur: hæc tunc tutò excindi potest. Videmus enim etiam in aliis corporis locis miro modo tumere posse membranam cellulosam: v. gr; in dorso manus vix ulla adest pinguedo, sed tendines musculorum in tenui membrana cellulosa hærent: tamen ortâ hic inflammatione sæpe tumor, binos pollices crassitudine æquans, hic observatur, & totum hoc in membrana illi tenui cellulosa hæret: sit tunc suffocatio, & aperto loco magnæ portiones gangrænosæ illius membranæ exeunt, quæ tutò excinduntur. Idem etiam in capitis læsionibus potest contingere, & similiter membrana hæc unâ cum extravasatis humoribus corrupta secedit. Non autem hic intelligitur, quod contusa, quæ resolvi non possent, crudeli curâ excindenda forent unâ cum cute tegente; noceret enim summo opere tam latam plagam pericranii integumentis suis nudare, quæ non facillè recrescerent, sed semper debilior, & externis injuriis facilis afficiendus, necus relinqueretur, non sine magno incommodo. Unde sedulo monuit *Galenus* (a) cutim in omni ulcere & vulnere semper conservandam esse, quantum fieri potest, nam *nuda caro, si sine cute relinquatur, ægre ad cicatricem perducitur*. Hujus rei triste Exemplum vidi. Homini sano mediæ ætatis lata verruca circa frontis lateralem inferiorem partem prope tempora hærebat; cum frustra tentata fuisset variis remediis, peritissimus cæteroquin Chirurgus unâ cum cute totam verrucam excidit, nec potuit unquam ullis remediis ad cicatricem deduci locus ille cute orbatus; sed sensim undique retractâ plus cute nudabantur supposita; malignum & depascens vicina nascebatur ulcus; unde misere periit. Nec mirum, cum solum pericranium nudo ossi incumbens non videatur sufficere ut tantum perditæ substantiæ regeneret. Unde tantum hic agitur de membrana cellulosa infarcta & corrupta, quæ tutò tunc abscindi potest.

(a) *Commenz.* III. in Hippocr. Lib. de Fracturis, Text. XLIII. Charter. Tom. XII. pag. 254;



§. 248. **S**I adfit malum (244) dilatare cultro, & depurare opus (238. 207. 208).

Tota enim malignitas talis vulneris in eo consistit, quod effusi humores, densa capitis cute coerciti, nec potentes exire per angustum nimis vulneris orificium, viam sibi querant per tunicam cellulosam; vel morâ corrupti pericranium, & ipsum cranii os, malè afficiant. Dilatato ergo vulnere exitus patebit extravasatis humoribus, & idoneis remediis poterit depurari locus. Cognoscitur tale malum adesse si angusta vulneris sit apertura, & integumenta vicina vacillent, si digito tangantur, & ru-meant, & si febris prehenderit vulneratum, cujus nulla alia causa invenitur.

Nec ullum periculum hic est, ne lædantur tendinosæ expansiones, nam omnis ille tumor in tunica cellulosa hæret, quæ tunc unâ cum cute discinditur: & innumera Observata docuerunt, tunc non solum cutim, sed & omnia integumenta ad os usque discindi posse, ubi hoc requiritur.

*Hippocrates*, dum recenset capitis vulnera, quæ sectionem postulant, enumerat (a) & illa, quæ non satis idoneam habent longitudinem & latitudinem, quâ perspicui possint, numquid os sub telo malè affectum sit. . . . Atque etiam ubi os quidem carne nudatum fuerit, ulcera (vulnera) autem obliquam quamdam cavitatem habeant, abunde eavum incidere oportet. . . . Sed & (vulnera) ulcera orbiculata & admodum cava, ejusmodi quoque incidere oportet, ut orbe in longitudinem bisariam diviso, prout est hominis natura, ulcus (vulnus) longum efficiatur.

Quantum autem levamen symptomatum fiat, dum in tali casu sectio, in tempore instituitur, constat Exemplo §. 243, memorato. Postquam autem dilatatum vulnus est, tunc illa digerentia, quæ paragrapho præcedenti laudata fuerunt, applicari poterunt; & de vulnere depuratione, §. 207. 208, dictum fuit. Sola autem dilatio vulneris, quæ cultro fit, hic bona est: illa enim quæ spongiis, vel similibus siccis corporibus, absorptu humorum tumentibus, perficitur, (vide §. 238) noceret plerumque, quia per aliquot horas obturatur his sic vulneris orificium, ut nihil exire possit: unde sæpe emphysema, & alii tumores nascerentur. Præterea contusio & inflammatio major in vulneris labiis sunt: quæ postea diutius protractam suppurationem requirunt, antequam consolidari iterum poterunt.

§. 249. **P**ERICRANIO læso, ut nudet diu os, vel ut putrescat, os privatur vasis periostei, adeoque & suis; stagnat in his liquor; putrefactus squamam separat; unde os flavum, fuscum, nigrum tandem foliolum deponit.

Postquam actum fuit de vulneribus capitis, quæ sola integumenta communia lædunt, sequitur, ut examinentur illa mala, quæ fiunt ideo, quia pericranium læsum est. Vix ossa reliqua in toto corpore peculiari membranâ teguntur, quæ satis arctè adhæret, sic & cranii os tale involucrum habet, quod pericranium vocatur. Demonstravit injectionibus Anatomicis *Ruyfchius* (b), innumera vasa

(a) Lib. de Capit. vulner. Cap. XVIII. Char-  
ter. Tom. XII. pag. 113.

(b) Theaur. Anat. n.º 3.

per hanc membranam dispergi, quæ ramis emissis subiecto ossi inferuntur, illique ad vitam & nutrimentum necessarios humores præbent. Per hæc vasa emissâ arcta sit cohesio pericranii cum cranio : unde & hæc membranâ avulsâ ab ossis subiecto, in vivo animali, puncta plurima rubra in osse apparent. Non poterit ergo pericranium lædi, quin destruat magnus horum vasorum, ad os tendentium, numerus. Sed extrema abrupta vasorum, in ossis detecti superficie externa, poterunt retexere iterum similem membranam in illo loco, ubi os pericranio suo nudatum fuit, communi lege, quâ omnia deperdita vel separata in vulneribus crescunt, ut antè dictum fuit §. 158. n.º 10, & §. 190, & 191. Ubi verbò diu nudatum fuerit os, & inprimis si aer libere accesserit, tenerrima illa vasorum extrema destruantur, & sunt penitus inepta, ut retexant similem perditæ membranæ fabricam. Extrema ergo illa ossis superficies, vitali influxu liquidorum orbatâ, moritur, nec unquam poterit recrescere cum partibus vivis : unde natura tunc molitur per vasa viva supposita mortui & corrupti separationem à supposita parte vitali & sana, & squamulam illam mortuam protrudit ; quâ separatâ recrescit ex ossis ipso, & vicinâ membranâ adhuc integrâ, novum pericranium. Signum autem ossis sic affecti est mutatio coloris, qui in ossibus sanis subrubescens leviter, vel & in multis locis ex albo subcærulescens habetur. Oritur tunc in loco affecto color flavus, sensim obscurior factus, & in fuscum degenerans, tandem nigrescens, & ultimò corrupti ossis squamula separatur. Quò jam ossis color à naturali magis vergit in nigredinem, eò plùs in corruptionem tendit, ut evidenter patet in dentibus : illi enim à quacumque causa malè affecti incipiunt subcærulescentem, margaritarum serè æmulum, colorem perdere, & sæpe primò pallent, dein flavescunt leviter, sensim magis fusci fiunt, tandem nigrescentes frustillarim decidunt. Constat jam accuratissimis Observariis, ossa cranium constituenta in foetu olim fuisse membranas cartilagineas, in quarum medio ossis primum rudimentum inchoatur, radiis ossis ab hoc centro per omnem ambitum diffusis : sicque primò interna tabula ossis cranii, vitrea dicta, producitur. Deinde radii illi ossis, sive fila illius reticuli, ab exteriori parte sensim latefcunt, & erigunt bracteolas, inter se diversas magnitudine, figurâ, positu, ex quibus diploe cranii exoritur. Vertices dein harum bracteolarum quibus diploe constât, quasi retunduntur, hæc deinde latefcunt, aliisque super alios squamularum instar inclinati confluent in unius lamellæ inæquabilis speciem, quæ tabulam cranii exteriorem constituit. Utraque dein tabula crassior fit & solidior : nam & intumescunt radii illi ossis & bracteolæ, & novæ crustæ accedunt. Ex hac ossium cranii genesi, non ex hypothesi sed ad ipsam naturam descripta à celeberrimo Albino (a) (quem in Anatomicis Præceptorem habuisse magnam felicitatem duco ; & gratus semper recordabor) patet lamellatam esse ossium bregmaticam, occipitis, frontis, temporum, quæ inprimis à vulneribus capiti inflictis lædi possunt ; unde vitium à pericranio læso superioribus lamellis ossis succumbentis communicari poterit, & plùs minùsve suppositis lamellis nocere. Est admodum verosimile videretur, inter singulas lamellas vasa decurrere, saltem in illa ætate, quando nondum adeo magnam soliditatem acquisiverunt ossa ; fortè postea procedente ætate, ut alia plurima in corpore vascula sensim obliterantur. Confir-

(a) Bernard. Siegfried. Albini, &c. Icones Ossium foetus, &c. pag. 6, & 7,

mant hanc rem Observata quædam, ubi partes os constituentes, per morbum omni dimensione auctæ, exhibuerunt pulposam talem & mollem vascularem fabricam. Infantis enim trium quatuorve annorum ossa cranii ferè ubique habebant septem vel octo linearum crassitiem; mollia erant, & pressis exsudabat sanguis & lymphæ satis magnâ copiâ: simul & vasa sanguinea admodum conspicua apparebant (a). Hanc rem pariter videtur agnovisse Hippocrates, dicens: (b) *At totum capitis os, si suppremam atque infimam partem admodum exiguam demas, spongiæ simile, multasque carnes humidæ similes in se habet, quas si quis digitiis conterat, ex ipsis sanguis prodit. Infanti quoque in offe venulæ tenues, & cavæ, sanguinis plenæ.* Lamellæ ergo, omni vitali influxu humorum privatæ, separabuntur vi vasorum inter lamellas medias decurrentium; saltem si hæc jam arctius ad se compressis lamellis ossis oblitterata fuerint, illa vasa, quæ ex molli illa spongiosa parte, inter binas cranii tabulas mediâ, quam diploen vocant, in os tendunt, hoc facere poterunt. Inde fortè senibus difficultus separantur ossæ lamellæ corruptæ, & simul utilitas methodi §. 252, describendæ deduci poterit.

Licet ergo, offe pericranio suo nudato, si simul insignis mutatio coloris apparuerit, expectanda sit separatio lamellarum corruptarum per exfoliationem Chirurgis dictam, tamen rarus casus docuit, aliquando & sine hac (rarissimè forsan) curam absolvi. *Vir ab equo in capite percussus, in terram tanquam mortuus cecidit, cum tanta alterius ossis scincipiis denudatione, ut Imperialis iegendo vix sufficeret. Hæc ossis denudatio in totum nigricabat, circulo excepto, qui cuti proximus straminis latitudinem obsidebat. Hoc circulo albo de die in diem diminuto, patiens convaleuit, sine ulla visibili ossis separatione, aut raspatorii usu, &c.* (c). Fortè minima pars superficiæ ossis affecta non formâ squamulæ, sed minutissimis particulis separata, senim cum pure abscessit.

§. 250. **C**UJUS causa (149) interrupta vasorum continuitas, frigoris aeris constringens, & exsiccans fines vasculorum in offe; falsò accusatâ ejus malignitate.

In generali vulnerum Historia dictum fuit §. 149, lædi per vulnus omnes illas actiones, quæ pendent à partium, nunc per vulnus separatarum, integritate, & à determinato fluxu liquidorum per vasa. Sed pericranii usus erat vasa ad os deferre, & redeuntia ab offe accipere; quod inprimis in periosteo factis artificiosisâ impletione vasorum apparet. In hac enim ætate numerosiora longè vasa in hac membrana inveniuntur, cum plurima procedente ætate occallescent & deleantur (d). Destructo ergo pericranio tolletur vasorum continuitas, unde vita & nutritio partium pendent: morietur ergo illa ossis pars, quæ sic omni vitali influxu humorum privatur, & separabitur à partibus vivis suppositis.

Quia autem Chirurgi semper observabant, ossis superficiem, pericranio suo nudatam, non posse diu exponi aeri, quin ossis corruptio & exfoliatio sequeretur;

(a) Académie des Sciences, l'an 1734. Hist. pag. 60.

(b) Lib. de Capit. vulner. Cap. II. Charter. Tom. XII. pag. 116.

Tomus I.

(c) Fred. Rüsch, Observat. Anatom. Chirurg. Centur. Observ. V.

(d) Bernard. Siegfried Albin. &c. Icones off. suum factis, &c. pag. 160. fig. 161.

Aaa

cum e contra os, quamvis pericranio nudum, si ab aere statim defensum foret, facillime sanetur sine ulla separatione; crediderunt in aere aliquid hæere maligni, quod ossa corrumpere. Verum quidem est, in aere posse hæere plurima, quæ non tantum ossibus detestis, sed & omnibus vulneribus nocent; uti, dum in Nosocomiis plurimi in eodem loco decumbunt, tuncque putridis exhalationibus inquinatus aer difficilem curam vulnerum reddere observatur. Sed hæc sunt ab aere propriè dicendo distincta, licet in aere hæreant. Videtur autem aer libere ossa nuda alluens insolito frigore, & illâ proprietate, quâ, humida attrahendo, corpora exsiccat, abrupta extrema vasorum in superficie ossis sic exsiccare & constringere, ut humoribus transmittendis omnino reddantur impervia; unde reliqua omnia mala sponte sequuntur, ut dictum præcedenti paragrapho. Unde Hippocrates nullam aeris malignitatem inculpavit, sed dixit simpliciter (a). *Frigidum inimicum ossibus, dentibus, nervis, &c.*

### §. 251. EFFECTUS verò, augmentum malorum (249).

Dum superior squamula ossis, vasis suis privata, corrumpitur, vitium hoc succumbenti immediatè ossis parti facillè communicatur; sicque per totam ossis cranii crassitiem pergere poterit ad diploen usque illamque corrumpere; quod malum dein internam cranii tabulam, vitream dictam, afficere poterit, vel inter binas osseas tabulas cranii proferpens in diploe pessima mala facere.

§. 252. CURATIO fit 1. Os leviter parvâ terebrâ diversis, vicinisque locis, usque ad medium perforando, unde exfoliatio caveatur, periosteum inde renascitur. 2. Inde arcendo pus, faniem, pinguis, aquea, aerem, applicatis plumaceolis spiritu vini mastichino imbutis. 3. Rarò, & citissimè deligando.

1. Ubi signa docuerunt, cranii os pericranio suo nudatum, aerisque libero accessu sic mutatum fuisse in sua superficie, ut omnis vitalis motus humorum in parte sic affecta suffocatus fuerit, necessariò illud mortuum separari debet à partibus vivis, quibus coheret, antequam tale vulnus curari possit. Sed totum hoc separationis opus per vasa viva, mortuæ parti supposita, perfici debet, quæ motu suo & continuâ quasi arietatione partem ossis mortuam separant & expellunt. Pulchre hoc notavit Hippocrates dicens: (b) *At verò in capitis vulnere os, quod ab alio quovis osse abscissum est, sive teli vestigium in osse relictum sit, sive aliquin os plurimum nudatum sit, plerumque abscedit, ubi exsanguis redditum fuerit, (ἀσπικται ἐν τῷ πυλὶ τῆς αἵμας) & postea addit: ideo ab alio osse vitam & sanguinem habente potissimum absolvitur, & cum exsanguis & siccum reddatur ab eo quod vitam & sanguinem habet, valde abscedit.* Sed si hoc opus naturæ permittatur, lentè admodum procedit, & quadraginta dierum, imò & aliquando longiori temporis spatio, solet perfici. Tot

(a) Aphorism. 18. Sect. V. Charter. Tom. IX. Part. II, pag. 104.

(b) Lib. de Capitis Vulnere. Cap. XXVIII. Charter. Tom. XII. pag. 126.

enim diebus observantur margines foraminis, per trepanum excisso osse contusi, separari (vide §. 194.) Sed hoc temporis intervallo plurima possunt accidere mala tali vulnere, & vitium ossis potest subiectis lamellis communicari, sique augeri malum. Inprimis in Nosocomiis publicis decumbentes pessimè plerumque solent affici, si diu cogantur ibi manere; ut Chirurgi ferè omnes, qui Nosocomiis præfuerunt, testantur; omniùmque maximè funestum hoc observatum fuit illis, qui capitis vulneribus decumbebant. Unde pulchrum illud erit in Arte inventum, quo poterit separatio corrupti ossis à sano accelerari. Tentaverunt hoc scalpbris radendo, cauteriis urendo, &c: sed sic semper abrasa vel usta superficies iterum separari debet. Tota separatio mortui, ut dictum fuit, pendet ab actione vivæ partis suppositæ; omne ergo illud, quod viam faciet vivis vasis subiectis, ut emergere possint sub hoc tegmine corruptæ partis, accelerabit hanc separationem. Optima ergo methodus hæc est, ut leviter & parvâ terebrâ os nudatum perforetur minutis, & satis sibi vicinis foraminulis ad diploen usque, ubi certè sumus vasa viva copiosa & satis magna hæreant. Hoc fecerunt vel pyramidalitè apice trepani perforativi dicti; vel & pulcherrimo cum successu factum vidi, dum acûs vulgaris apex in parvum cuneolum formabatur, qui apto manubrio firmatus digitis rotando circumactus rotundum foraminulum in osse sic facit. Dàmque hoc plurimis in locis satis vicinis fit, vasa viva supposita, incumbente tegmine libera, emergunt per hæc spiracula, retexunt novum periosseum, & sæpe feliciter sine ulla desquamatione sanatur tale vulnus. Præterea vasa, inter lamellas ossis media per easdem aperturas emergere possunt elongata, & separare sic ossis squamulam corruptam incumbentem. Pulcherrimi successus probaverunt hujus methodi utilitatem; & peritissimus Chirurgus *Bellostius*, cui hoc inventum debetur, vel qui saltem primus accuratè descripsit, se plurimis in casibus felicissimis sic perfecisse curas, & in pulcherrimo, quem scripsit, tractatu, bina recenset Exempla, quæ in Nosocomio publico coram plurimis testibus hanc rem confirmaverant.

Militi globus tormento majori bellico explosus abstulerat integumenta capitis communia, osse illæso, sed pericranio sic contuso, ut penitus viveret. Unguibus laceravit pericranium, & os subiectum nudavit, dein subitissimè os leviter sic terebravit pluribus locis. Post bidduum soluto apparatu os subrubescens apparebat; & post aliud bidduum plùs quàm dimidia pars ossis nudati, renato novo pericranio, tecta apparebat; & post septimum diem tota ossis superficies jam erat tecta omnino, totùmque vulnus octodecim dierum spatio consolidatum fuit. Alteri militi, casum inflicto vulnere ossi bregmatis sinistro, cranium satis amplo in loco nudatum erat: octo vel decem parvis foraminulis secundà vulneris deligatione pertunditur os nudum, sic tamen ut non penetrarent ad diploen usque, reliqua fiebant omnia eadem ut in priori casu. Post bidduum detecto vulnere os jam incipiebat subrubescere, & per foraminula facta apparebat jam aliquid exurgere: post octiduum jam os tectum apparebat novâ membranâ, & tota tam ampli vulneris curatio septemdecim diebus absolvebatur (a).

Ex his binis casibus utilitas hujus methodi satis evidenter apparet, & patet, tantùm requiri huc, ut per Artem via concilietur libera vasis vitalibus supposi-

(a) Le Chirurgien d'Hôpital, &c. par M. Bellost, pag. 75-79.

tis, ut emergere possint. Ultimo autem Exemplo constitit, non semper requiri, ut ad diploen usque os perforetur, sed, levi tantum apertura facta, vasa inter ossis lamellas media sufficere aliquando posse, ut regenerent pericranium perditum; cum monerit in loco citato peritissimus ille Chirurgus, quod de industria hoc tentaverit, ut certus esset, an levis talis ossis terebratio ad hunc scopum sufficere posset. Ubi verbò mutatus ossis nudati color in flavum, vel magis fuscum, docet corruptionem ossis profundius penetrasse, perterebratio ossis ad diploen usque necessaria erit, ut vasorum satis magnorum hic hærentium vi fiat separatio corrupti ossis, & regeneratio novi pericranii.

An non videtur probabile, quoddam apud Hippocratem pulcherrimæ hujus methodi vestigium reperiatur, dum dicit (a): *Verum ubi os carne nudatum fuerit, animi intentione adhibeâ, conandum est ut dignoscas, si minus id licet oculis videre & cognoscere, num os fissum sit & collisum, an collisum tantum, vel num ad teli vestigium collisio, vel rima, vel utrumque accesserit. At si quid horum senserit (os), per exiguum terebram perforato osse sanguis detrahendus, subinde adhibeâ cautione quoddam juvenum quàm senum tenuius sit, &c?* Certè simul ac ad diploen usque penetraverit terebra, sanguis erumpet, ut notum est: & videtur satis patere, quoddam in hoc loco non agatur de osse excindendo per trepanum, sed de levi tantum perterebratione parvo trepano facta, donec sanguis exeat, id est, donec ad diploen penetra-verit.

2. Observata omnium Chirurgorum, qui de vulneribus capitis curandis scripserunt, in hoc conveniunt, quoddam omnia pingua, omnia aquosa humectantia noceant vulneribus capitis, ut dictum fuit §. 245.

Longè magis ergo ab his cavendum, ubi os nudatum fuerit, & tenerrima vasa per hæc foraminula facta incipiunt pullulare; aquosa enim tabescere facerent adeo pulpofa hæc vascula, oleosa obstruerent eadem & redderent impervia. Imò ipsum pus, ex integumentis vulneratis natum, si nimis copiosum allueret, vel diutius retentum & attenuatum acrius fieret, lædere posset tenerrimam hanc renascentium vasculorum compagem; unde prudentissimè detergi debet, mollissimis linteis carptis, ne lædantur hæc tenerrima vascula. Aerem pariter arcendum esse, ne frigore insolito vel exsiccatione destruat eadem hæc vascula, ex antè dictis satis patet. *Bellostius* in loco citato plumaceolum ex linteo carpto spiritu vini madidum applicabat ossi nudato; deinde huic imponebat leve digestivum, quod sic os non tangebatur, sed labiis vulneris integumentorum proderat. Sic aer arcebat, omnis putredo præcavebatur, & roborante vi spiritus vini impediabatur ne in fungosam excrecentiam degenerarent pulpofa hæc & tenerrima vascula. Optimo cum successu mastiches, olibani, sarcocollæ, myrrhæ, colophonix & similibus, tenerrimum pollinem ossibus nudatis inspergi constat, quæ crusta balsamica regunt, nec tamen pinguedine nocent; interim pulcherrimè defendunt ab aere & omnibus liquidis in vulnus effusus partes suppositas. Eodem cum fructu horum pulvis in spiritu vini debiliore coctus (alcohol enim combureret illico hæc vascula) plumaceolis excipitur, & ossi nudo applicatur.

3. Nihil enim hic magis metuitur, quàm liber aeris accessus, qui frigore & exsiccatione omnibus vulneribus, sed inprimis capitis, nocet. Unde rara deli-

(a) Lib. de Capitis vulner. Cap. xxx. Charter. Tom. XII. pag. 117.

gatio adeo commendatur in his casibus. *Bellosius* in Exemplis modò citatis primùm apparatus par biduum relinquebat, & postea tantùm singulis tribus diebus renovabat. Si ergo nullus pruritus, nec major calor circa vulnus sentiantur, nullus adsit fœtor, nihil saniosi exeat, tutò sine deligatione relinquitur tale vulnus. Ubi verò novus apparatus applicari debet, fiat hoc citissimè: mollissimis plumaceolis lenissimè appressis inbibatur pus, mox applicentur eadem, & tegatur vulnus: curiosa enim & diuturna talis vulneris inspectio, & imprudens deterfio rudiùs facta, destruent mucum illum hic hærentem, qui nil nisi vasculorum renascentium compages est. Pulcherrimè prodest, si, antequam detegatur vulnus, utrimque ponatur testula vivam prunam accensam continens, cui succini, mastiches, olibani vel similia suffumigiorum pauculum inspergitur; sic tepida atmosphæra, gratissimo roborante aromatico fumo dives, undique detectum vulnus alluet.

§. 253. **Q**UA Arte ex punctis fodicatis (252) & undique, emergit nova substantia quasi carnea citò, tùmque reliqua (249) sanantur, ut dictum, (245. 246. 247. 248.).

Quà significatione ex punctis terebratis enascens substantia caro dicatur, explicatum fuit §. 158. n°. 9. *Bellosius* (a) qui tam nitidè omnia descripsit, quæ ad hanc methodum pertinent, apta satis phrasi, dicit, foramina ossis post secundum diem incipere germinare (*germer.*) Incipit enim ex his foraminulis elevari sensim mucus quasi, qui microscopio lustratus tenerrima vascula exhibet; imò & arteriolarum motum in hoc muco distinguere licet. Vasculosa compages per hæc foraminula emergens, simili substantiæ ex vicinis foraminulis ascendenti occurrens, retexit perditam membranam, & quidem tam citò, ut septem dierum spatio cranii partem nudatam, quæ floreni circiter amplitudinem æquaret, testam iterum observaverit *Bellosius* in Exemplis præcedenti paragrapho citatis.

Quatuordecim jam elapsi sunt anni, cùm in raro satis casu occasionem habui accuratè examinandi pulpam illam vasculosam per facta sic in osse foramina emergentem. Homini quinquagenario, in febre acuta continua, metastasi subitò unius noctis spatio siderabatur pedis dextri pars extrema tota ad illum circiter locum usque, ubi metatarsi ossa cum tarsi ossibus contigua sunt. Pars affecta sphacelo perfectissimo correpta erat sic, ut ad ossa usque adactò scalpello nullus doloris sensus nasceretur, nihilque sanguinis exiret. Applicatis remediis, quæ partem mortuam à putredine servarent, & viva sic munerent, ne proserperet minax malum, tam felix fuit successus, ut sisteretur sphacelus, & quinque diebus elapsis crena, vivas partes separans à mortuis appareret, quæ eursipem non exiguum pejora hætenus omnia metuentibus dabat. Postquam integra separatio corrupti à viva parte facta fuerat, tendinibus tenacissimis forficè resectis à dexterrimo Chirurgo, separata fuit tota pedis pars anterior & pericolosissimo morbo evasit æger hæc parte mutilatus, adhuc hodie superstes. Tuncque apparebat manifestè ossa tarsi, quæ metatarsi ossibus sphacelatis contigua fuerant, contraxisse non exiguum labem. Satis enim notabilis horum pars, extra æquabilem mutilati membri superficiem prominens, nigra petitus novas.

(a) Chirurg. d'Hôpital, pag. 78.

parabat molestias. Tenui ferrâ rescissum fuit de ossibus corruptis, quantum sine læsione partium incumbentium poterat tolli. Sed & sic ossium horum superficies mortua manebat, & separari debebat, antequam bonâ cicatrice claudi posset vulnus.

Minutus tunc cuneolis peritissimus Chirurgus terebravit totam hanc corruptorum ossium superficiem, plurimis & satis sibi invicem vicinis locis : & jucundo spectaculo vidimus post bideum singula hæc foraminula humescere, deinde microscopio insipientibus distinctissimè apparuit, micare in omnibus his punctis vascula verâ systole & diastole, quæ perfectè respondebant ægroti pulsibus eodem tempore in manuum carpis exploratis. Unde evidenter nobis constitit, emergentem hanc ex foraminulis factis substantiam esse veram vasculosam compagem.

Ubi autem hæc methodo, novâ membranâ, os nudatum tectum fuit, reliqua sanatio perficitur, ut dictum fuit in numeris hîc citatis.

§. 254. **SI** calvaria læsa est, pro varietate causæ, fissâ, fractâ, contusâ, intropressâ, vel evulso fragmento spoliata erit, atque hæc vel in una, vel in utraque ejus tabula.

Postquam consideratum fuit, quid accadat integumentis communibus & pericranio læsis, nunc agendum est de vulneribus capitis, quæ ipsum calvariæ os lædunt; & primò recensentur hæc paragrapho varii modi, quibus cranii os læsum fuisse observatum est, pro varia figura instrumenti lædents, ejusque majori vel minori impetu.

**FISSA.** Fissura dicitur solutio continui in osse, oblonga ut plurimum, angustissima plerumque, & cum aliqua adhuc partium cohesione. In his fissuris jam magna varietas obtinet, pro magnitudine varia, recto vel obliquo decursu, pro varia ossis cranii parte, quam occupant : quædam enim in externa tabula hærent, aliæ verò in interna cranii tabula, quamvis externa integra appareat. Aliquando & fissura non est in loco, cui instrumentum lædens applicatum fuerit, sed in alia & sæpe opposita calvariæ parte; vocatur tunc *contrafissura*. Qualia Exempla plurima habentur apud Auctores. Sic *Tulpius* (a) narrat, hominem sclopeto in capite ictum, frustra statim etiam perforatâ calvariâ, sexto die periisse. Post obitum calvaria, quamvis foris illæsa appareret, ostendit tamen intus varias fissuras. *Paræus* (b) binis Exemplis hanc rem confirmat. Homini lapidis ictu valida contusio & tumor cum parvo vulnere in bregmatis osse dextro facta fuerat. Dilatato vulnere os subiectum apparuit integrum, & vulneratus periit vigesimo primo die post inflictum vulnus. Post mortem, ferrâ rescisso cranio, apparuit oppositi lateris bregmatis os fissum fuisse. In alio nobili viro post validam contusionem capitis, quamvis galeâ tecti, mortuo apparuit tabula cranii interior fracta, sic ut fragmenta abrupta cerebri substantiæ infixæ hæserint, licet externa cranii tabula omnino integra inveniretur. *Hippocrates* jam hoc notaverat, & postquam varios modos, quibus calvaria lædi posset, recensuit, addidit ultimum, quando nempe *os sub vulnere frangitur aliâ capitis parte*,

(a) Observat. Med. Lib. I. Cap. 17.

(b) Lib. X. Cap. VIII.



quàm quâd ulcus est; & dicit, huic calamitati nullam superesse medelam; quia non potest detegi, quânam in parte capitis hæreat (a): unde Celsus (b) dixit, si graviter aliquis percussus est, si mala indicia subsecuta sunt, neque eâ parte, quâ cuius discissâ est, rima reperitur, non incommodum est, parte alterâ considerare, num quis locus mollior sit, & tumeat; eûmque aperire, si quidem ibi fissum os reperitur. Nec tamen magno negotio cuius Sanescit, etiamsi frustra secta est. Incerta tamen hæc omnia sunt, cum sæpe in eodem osse, sed non in ipso vulneris loco tamen, fissura inventa fuerit. Sic homini fuisse percusso in fronte prope supercilium dextrum, & inde mortuo, nihil erat in loco vulneris mutatum in osse, sed in oculi dextri orbita contrâ fissura apparebat sesquipollicaris longitudinis versùs sellam turcicam tendens (c). Imò aliquando observatum fuit, fissuram ex vulneris loco perfectam fuisse ad alia etiam capitis ossa. Talem casum narrat Ruyschius (d), ubi à validissima contusione ossis bregmatis sinistri fissura per totum os pergebat, deinde per suturam squamosam ossis temporum, totum os petrosum, & os occipitis, usque ad magnum hujus ossis foramen, quod medullam oblongatam transmittit. Ex quo casu simul apparet, suturas non impedire, quominus fissura in quodam cranii osse facta propagari posset ultra hujus ossis limites, vel multi voluerunt.

FRACTA. Differt fractura calvarie à fissura, quia in fissura propriè dicenda superest adhuc aliqua cohesio, in fractura autem integra obtinet solutio: unde fissura angustam in osse rimam facit, fractura majorem separationem partium antea unitarum supponit. Potest jam fractura talis esse, ut fragmentum à reliquo osse liberum sit omnino: poterit & quâdam sui parte adhuc unitum manere. Si integra talis solutio facta fuerit per causam vulnerantem, ferè semper fragmentum liberum introprimitur, & cerebrum lædit. Potest etiam ad fracturam, referri illud, quod Hippocrates vocavit sedem sive teli vestigium (ἵδρυς), dum v. gr; acinacis ictu vulnus inflictum discissis calvarie integumentis omnibus ipsum os læserit. Dicit enim (e) teli autem sedes dicitur, cum os suo statu permanens, manifestum fecerit, quâ infederit; & postea addit, Præcisio autem (δρακὼν), quantamcumque longitudinem & latitudinem ossis occupet, ad teli vestigium refertur, dummodo alia ossa, quæ præcisionem continent, in suo statu maneant, neque uni eum præcisione.... desistant (intropremantur). Tunc enim voluit, non ampliùs teli vestigium dicendum esse, quando os undique solum mutat locum & intrò subfidet, sed vocavit tunc ἱσφλασις, quando nempe os abruptum undique introcedit (f).

CONTUSA. Quando nempe à gravi & obtuso instrumento calvaria læditur sic, ut nulla rima tamen nec fractura appareat. Sicut enim contusio partium mollium plurima vasa frangere potest, integrâ manente cute; sic etiam idem in osse contuso obtineri potest, quodd nempe vasa inter lamellas osseas media lædantur à contusione, licet integrum omnino os appareat. Difficilis cognitio hujus mali sæpe, nisi serò, ubi malis symptomatibus ortis os pessimè

(a) Lib. de Capit. Vulner. Cap. x. Charter. Tom. XII. pag. 119.

(b) Lib. VIII. Cap. iv. pag. 515. § 16.

(c) Joh. Bohn. de renunciat. Vulner. pag. 342.

(d) Observat. Anatom. Chirurg. Centur. Observ. 47.

(e) Lib. de Capit. Vulner. Cap. ix. Charter. Tom. XII. pag. 119.

(f) Ibid. Cap. xiii. pag. 118.

affectum fuisse cognoscitur. Hoc malum *ἰσχυρὸν* vocavit *Hippocrates*, & simul monuit, non posse oculis dijudicari, an plus minusve ossis substantiam læserit contusio, an magis vel minus profundè penetraverit talis læsio (a). Si enim vasa dispersa per diploen, inter binas tabulas osseas calvariae mediam, tali contusione fracta fuerint, integro quamvis osse, facillè patet, ab extravasatis & corruptis humoribus pessima produci posse mala, erodi posse internam tabulam, & vitium sic communicari posse meningibus & ipsi cerebro.

INTROPRESSA. Fit hoc duplici modo: vel enim ossis pars fracta, & undique libera à vicinis ossibus, subsidet; vel os, integrum manens in sua cohesione, intropremitur. Quod inprimis in juniorum calvariis ab obtusa causa vulnerante accidit: in his enim ossa magis flexilia adhuc cedunt faciliùs sine ruptura. Tamen & talis intropressio in adultis observata fuit. Ossa enim cranii in homine vivente humida, & longè minus friabilia sunt, quàm quidem in sceletio eadem ossa exsiccata apparent. Rariùs tamen in adultis observatur talis intropressio, quin simul rima vel fractura adsit.

VEL EVULSO FRAGMENTO SPOLIATA SIT. Quod sæpe casum inflicto vulnere fit, quando nempe unà cum integumentis ossis portio instrumento vulnerante abscinditur. Vocaverant tunc dedolationem cranii: qualem casum habet *Scultetus* (b) ubi ad magnitudinem *thaleri Imperialis* fragmentum calvariae ablatum fuerat, & feliciter tamen curatus fuit vulneratus. Constat pariter, post validas contusiones capitis exsiliisse fragmenta ossa de tabula cranii interna, & subjectum cerebrum læsisse: quale Exemplum ex *Paræo* paulò antè in eadem hac paragrapho allegatum fuit.

Omnia jam hæc mala recensita possunt vel solam externam tabulam cranii, vel internam solam, vel utramque afficere: semper autem eò pejora, quò magis versus interiora penetraverint. Longè enim tunc difficiliorem medelam esse facillè patet.

§. 255. SIC affecta (254) scitur. 1. Causà vulneris forti. 2. Vulneris magnitudine collatà figuræ loci vulnerati. 3. Specillo. 4. Atramento affuso. 5. Strepitu inter mordendum. 6. Visu fracti, contusi, vel punctis pallidis colorati cranii. 7. Tactu ipso. 8. Symptomatibus integumentorum, carne circa septimam diem abscedente; dolore; naturâ puris tenui, & graveolente; vulneris malignitate alienâ.

Quia autem pessima mala sequi possunt calvariae læsionem, uti patebit sequenti paragrapho; ideo omni curâ inquirendum est, an calvaria à causa vulnerante aliquam noxam acceperit, an non. Tumultuarium autem in his casibus examen non sufficere novimus, moniti *Hippocratis* ipsius infortunio, qui ingenuè fassus est, se hic deceptum fuisse, dum teli vestigium non dislinxerat à futura, uti dictum §. 172. n°. 3. De hoc autem constabit sequentibus signis.

1. Patet facillè, validum ictum capiti impactum, sive obtuso sive acuto in:

(a) Lib. de Capit. Vulner. Cap. VII. Charact. Tom. XII. pag. 118.

(b) Armamentar. Chirurg. Observat. XVII. pag. 214.

strumento vulnerante, necessariò calvariam lædere. Faciliùs autem hoc oculis patet, si acuto instrumento dissecis integumentis calvaria detegatur, quàm si obruso telo integrâ cute, vel parvo tantùm vulnuscule conspicuo, læsio facta fuerit.

2. De hac re dictum fuit §. 240. n<sup>o</sup>. 3. In illis enim locis, ubi cranii ossa plana sunt, potest esse magnum vulnus sine ossis læsione; sed ubi magna adest horum ossium convexitas, vel in illis locis, ubi eminentem angulum formant, non potest esse vulnus magnum, quin prominentem ossis partem læserit, nisi circumtorquendo quasi instrumentum vulnerans vulnus inflictum fuisset, quod rarissimè fit.

3. Chirurgi periti, dum ad tales vulneratos vocantur, aquâ tepidâ cum vini exigua copia & aliquot salis granulis ablunt leviter vulnus; tunc prudenter ductus labiis inquirunt, an aliqua læsio in osse appareat. Deinde specillum politissimum obtuso apice donatum immittunt vulneri, quod satis tenue & molle esse debet, quale optimum paratur ex purissimo argento candefacto, & dein sensim refrigerato. Sic undique pertentando sentiunt primò, an os nudatum sit, quod faciliè ex sonitu specilli ad durum os noscitur: deinde oberrando per omnem ossis defecti superficiem explorant, an aliquâ asperi occurrat. Ut hoc fiat sine erroris metu monuit Celsus (a): esse specillum oportet neque nimis tenue, neque acutum; ne, cum in quosdam naturales sinus inciderit, opinionem fracti ossis frustra faciat; neque nimis plenum, ne parvula rimulæ fallant. Ubi specillum ad os venit, si nihil nisi læve & lubricum occurrit, integrum id videri potest: si quid asperi est, utique quâ futuræ non sint, fractum os esse testatur. Unde patet, summopere attendi debere ad loca suturarum, quæ aliquando in variis hominibus, & in varia ætate differunt. Sic futura sagittalis in junioribus os frontis usque ad radicem nasi bifariam dividit; in adultioribus sensim obliteratur: tamen in quibusdam hominibus satis etiam provectæ ætatis adhuc observata fuit; unde in vulneribus fronti inflictiis de hac futura cogitandum est. In summo senio sæpe omnes futuræ evanescent, & aliquando citiùs. Post pugnam Platenensem cum in unum locum ossa carne nudata comportarentur, inventum fuit caput nullam futuram habens, sed ex uno osse consistens (b), imò & quibusdam Observatis constitit, in junioribus etiam aliquando futuras obliterari penitus. Sic in cranio pueri octo circiter annorum nullum vestigium sagittalis nec coronalis futuræ apparebat, nec in interna æquè ac externa calvariæ superficie. Imò & in junioribus adhuc inceptam harum suturarum obliationem sæpius observavit celeberrimus Hunaldu, qui ideo credidit, non adeo raros hos casus esse, ac quidem vulgò putatur (c). Præterea quibusdam locis cranii naturalis est scabrities, uti v. gr. in occipitis osse. Et aliquando futuræ ipsæ miro modo differunt in diversis hominibus: sic v. gr; calvariam servo, cujus futura sagittalis prope occiput & frontem angusta penitus erat, sed in vertice miris ambagibus decurrens pollicis fere latitudinem occupabat. Merito hinc in ipso libri sui de capitibus Vulneribus initio monuit Hippocrates, quòd hominum capita neque inter se similiter habent, neque futuræ capitibus in omnibus eodem loco sitæ sunt (d).

Sæpe ergo multùm adhuc dubii manet, post explorationem specillo factam; & difficillima detectio læsionis in osse, ubi vulnus circa suturarum loca inflic- tum est: quali in casu ipse etiam Hippocrates se deceptum fuisse fassus est: more

(a) Lib. VIII. Cap. iv. pag. 514.

(b) Herodot. Calliope. pag. 54.

(c) Académ. des Sciences, Jan 1734. Hist.

Tomus I.

pag. 59.

(d) Lib. de Caput. Vulner. Cap. i. Charzet.

Tom. XII. pag. 115.

scilicet magnorum virorum, & fiduciam magnarum rerum habentium. Nam levia ingenia, quia nihil habent, nihil sibi detrahunt. Magno ingenio, multaque nihilominus habituro, convenit etiam simplex veri erroris confessio; præcipue, in eo ministerio, quod utilitatis causâ posteris traditur, ne qui decipiantur eadem ratione, quâ quis ante deceptus est (a).

4. Ubi ex cognita causa vulnerante, & vehementiâ, quâ vulnus infectum fuit; uti ex pessimis symptomaticis post vulneris infectionem secutis, vertigine, lapsu, alto sopore, &c, metuendum videbatur, quòd calvariam noxam contraxerit, & tamen loco detecto, nec oculis nec specillo detegeretur rima vel contusio in osse, voluit Hippocrates aliâ adhuc methodo latens fortè malum detegere, quod neglectum postea summa faceret mala. Jube enim (b) super os atramentum scriptorium medicamento aliquo nigro liquato maceratum inducendum, ulcusque subjecto linteo oleo madesfacto, deinde cataplasmate ex maza imposito, deligandum. Postridie vel ulcere resolutò ac repurgato os deradendum voluit. Sic enim tunc os fissum vel collisum fuerit, in illo loco nigrum illud manebit, cum reliqua ossis superficies alba apparebit. Patet ergo tantum hic requiri, ut coloratum liquidum ossi detecto imponatur, quo dein abrafo vel detergo apparebit, si alicubi os fissum fuerit vel contusum, quia ibi illud coloratum profundius penetrans non poterit abstergi vel deradi tam facile, quàm in reliqua ossis nudati superficie.

An verò atramento scriptorio usus fuerit Hippocrates, ex hoc loco minimè constat. Celsus tamen (c) sic hunc locum vertisse videtur, dicens. At, si ne tum quidem rima manifesta est, inducendum super os atramentum scriptorium est, deinde scalpro ita deradendum, nigritem enim continet, si quid fissum est.

Apud Æginetam (d) tamen, ad latentem angustiam & capillarem fissuram detegendam, proponitur medicamentum aliquod liquidum nigrum, vel & scriptorium (φαρμακόν τι μίλαν ὄρνον, ἢ ἐξ αὐτῶ τοῦ γραφικῶν ὑγχαρῆς). Præterea & sepiæ liquore & aliis fortè atramenti scriptorii loco usi fuerunt Veteres. Saltem illud, quod hodie in vulgari usu est, nisi valde dilutum fuerit, minùs ad hanc rem convenire videtur, cum vitriolo, gallis quercinis, corticibus granatorum & similibus adstringentissimis constat, quæ ossi nudo applicata tenerrima vascula, illico sic constringerent, ut postea separari deberet lamella destructis vasculis mortua. Et certè nulla necessitas jubet, ut atramento scriptorio utamur, cum quodcumque aliud coloratum liquidum eundem effectum præstare possit; atque etiam, si color niger magis arideret, ex ossibus ad nigredinem combustis, in tenuissimum pollinem tritis, & aquâ dilutis, nigrum tale liquidum confici posset, uti & ex aliis plurimis.

Præterea videtur sufficere, si os nudum tali liquido tingatur, & deinde iterum spongiâ detergeatur; neque videtur requiri ut abradatur tota superficies scalpro, cum tunc iterum nova separatio superficiei derafæ expectanda sit, uti dicitur §. 226. Sicut jam exploratio per specillum fallere poterat circa futuras, & in illis locis, ubi naturaliter ossis superficies aspera est; sic pariter & hæc methodus decipere posset, coloratum enim liquidum se insinuabit futurarum interstitiis, & adhærebit calvariæ inæqualitatibus.

5. Apud Hippocratem in Coacis Prænotionibus (e) habetur, quòd ubi am-

(a) Celsus, Lib. VII. Cap. IV. pag. 515.

(b) Lib. de Capit. Vulner. Cap. XXIII, Char-  
ter. Tom. XII, pag. 125.

(c) Lib. VIII. Cap. IV. pag. 515.

(d) Lib. VI. Cap. XC. pag. 96. versâ.

(e) N°. 501. Charter. Tom. VIII, pag. 881.

biguum, sit, an calvaria rupta sit necne, *judicare oportet, exhibitio ad manducandum in utramque maxillam aphodeli caule, aut ferulâ, ita ut animadvertere jubeas, an os aliquod ipsi strepere videatur; nam fractura strepere videntur.* Sed facile patet, strepitum talem percipi non posse; nisi satis magna fractura fuerit: certe fissura calvariæ hoc signo nunquam cognosci poterit. Tota enim hujus signi efficacia in eo consistit, quòd musculi temporales, inter mordendum magnâ vi maxillam inferiorem apprimentes ad superiorem, orientur lato ambitu; utrimque à parte laterali calvariæ, quæ sit à processu superiori ossis jugalis, à vicino latere ossis frontis, à processu maximo ossis sphænoideis, ab osse bregmatis, & squamosâ ossis temporis parte: hinc dum agunt hi musculi, si in vicinia insertionis magna fractura fuerit; poterunt ossa fracta moveri & strepitum edere; cùmque tot cranii ossibus diversis inferantur, & satis latè pateat horum musculorum ambitus, poterunt fracturæ in pluribus calvariæ locis sic cognosci, si nempe satis magnæ fuerint. Solent Chirurgi clavem ferream mordendam exhibere vulneratis ob eandem causam; vel & chordam jubent dentibus prehendere, quam dein manu extendunt, & tenfam digito percutiunt, & dein jubent vulneratum animadvertere; an aliquem motum vel strepitum in calvaria percipiat.

6. Si nempe sponte vel Arte vulnus satis pateat, ut os nudum oculis lustrari possit, tunc rimæ vel fracturæ, si adfuerint, satis apparebunt. Ubi autem sine coherætionis separatione os contusum fuerit, hoc difficilius detegitur, quod jam monuit Hippocrates (a), ut dictum fuit præcedenti paragrapho.

Præcipuum signum, quod habetur, est, si os naturalem suum colorem mutaverit, qui subrubescens leviter, vel & parum subcæruleus plerumque est. Si jam puncta pallida intercurrent, signum est, vasa subiecta, quæ pellucidæ utcumque lamellæ ossæ colorem dabant, mortua esse, neque amplius liquidis transmittendis pervia; unde separatio lamellæ vasis succumbentibus destitutæ expectanda est.

7. Monendum in primis hic est, digitorum attractum sæpe fallere, sic ut os intropressum credatur, licet nihil talis mali adsit. In validis contusionibus integumenta cranii ruditer ad durum os suppositum appressa sæpe sic læduntur, ut plurimis vasis fractis sub integra cute fiat collectio magna & subita effusio liquidi. Si in tali casu tangatur digito ambitus talis tumoris prope sanam partem, apparet, ac si os suppositum subsideret. Ratio hæc est: integumenta cranii satis crassa sunt, & in primis cutis: hæc autem ab effusis humoribus turgente membranâ cellulosâ elevatur à subiectis partibus; hinc circa ambitum talis tumoris cutis adhuc applicata manet subiectis: paulò procedendo ad partem tumentem, cùm cutis eleveetur ibi, sentitur in margine, qui limitem facit inter partem sanam & locum contusum, ac si os intropressum foret, tantum ideo, quia crassa cutis ibi loci elevatur à subiecto osse & pericranio. Hoc autem sæpe Chirurgos etiam satis peritos fefellerit: imò Ruysschius lateatur (b), quòd digitis explorans ingentem frontis tumorem, post validam contusionem natum, credidisset, cranium impressum esse, ut præfens Chirurgus volebat: nisi multiplici Experimentâ didicisset, attractum in tali casu sic fallere posse.

8. Ex his signis quidem noscitur, cranium læsum esse, sed sæpe nimis serb;

(a) Lib. de Capit. Vulner. Cap. VII. Charac. Tom. XII, pag. 118,

(b) Observ. Anatom. Medic. Centur. Observ. LX,

cum pessima symptomata sæpe præter opinionem Medici & Chirurgi tunc orta ægrum de medio tollant. Quando sine læsione calvariæ vulnera inflicta fuerunt, si observentur illa, quæ dicta fuerunt §. 245, & 252, sanantur sæpe satis citò, licet maxima fuerint. Ubi autem calvaria læsa fuit, nec tamen per modò recitata signa hoc cognosci potuit, tanquam simplex capitis vulnus solet tractari, & primis diebus sæpe omnia satis bene procedere videntur. Interim os subiectum læsum incipit corrumpi, integumenta ab osse affecto abscedunt, dolor augetur, puris cocti nihil apparet amplius, sed tenuis tantum & sæpe satis olidus ichor, vulnusque ad omnia etiam optima remedia rebelles latentis mali certam notam exhibet. Omnia autem hæc symptomata ferè vel citius accidunt, pro varia mali magnitudine, vulneratis temperie, & inprimis majori minorive aeris calore. Pulchre hæc omnia notavit Hippocrates Postquam enim signa recensuit, quibus calvariæ fractura posset cognosci, addit (a). *Progressu verò temporis fracta partim septimo, partim decimo quarto, partim etiam aliter significationem præbent. Nam & carnis ab osse abscessus fit, & os lividum, & dolores, sanie effluente. Hæc autem ægre jam auxilium admittunt.* Et alibi (b) ubi signa recenset, quæ docent perituum esse ex capitis vulnere hominem, dicit: *ubi os fractum, aut fissum, aut collisum, aut quocumque modo fractum esse quis intellexerit, neque per errorem raserit aut secuerit, tanquam sectionem non possidet, aut os integrum existat, ante decimum quartum diem hyeme plerumque febris invadit, æstate verò post septimum. Quod ubi contigerit, ulcus coloris experti evadit, ex eoque sanies parva effluit; & quod in eo inflammatum est emoritur, glutinosumque fit, ac salsamentum refert (ὡς σῆμα τάρχεος) colore fulvum, & aliquantulum lividum, tuncque os corruptione vitari incipit (φανερίζει), & nigrescit, leve existens, ad extremum autem subpallidum & exalbicans evadit. Cum verò jam purulentum existiterit, pusculæ in lingua exoriuntur, & cum delirio mors contingit.* Omnia sic accuratissimè in his locis Hippocrates descripsit. Quamdiu enim labia vulneris rubent, parum etiam inflammata, non multum mali metuunt Chirurgi periti; sed ubi vivus ille color perit, & incipiunt vulneris labia habere talem colorem, quem habent carnes emarcidæ, vel sale diu conditæ, nōrunt satis, pessima instare mala. Ideo post Hippocratem Medici peritissimi (ut dictum §. 240. nō. 4.) gravia etiam mala, statim post vulnus capiti inflictum apparentia, non adeo metuebant; sed quæ postea apparerent, inprimis circa septimum diem, adeo damnabant.

Ob eandem causam dixit Hippocrates (c) *incipere febrem in capitis vulnere quartâ die, aut septimâ, aut undecimâ, valde lethale est.*

Cum ergo ossis cranii læsionem, etiam satis levem, plurima & gravissima sequantur mala sæpissime, de quibus dictum fuit, uti & illa, quæ sequenti paragrafo enumerabuntur, patet, omni curâ inquirendum esse, ut hoc in initio detegatur, & curetur. Signa jam recensita sunt, quorum pluribus inprimis si concurrant, satis firma diagnosi habetur. Illa autem, quæ ultimo hujus paragraphi numero recensentur, certam quidem dant notam, os læsum esse, sed tunc sæpe ferè nō scitur malum, quod latuit hætenus, quod citius cognitum medelam accipere potuisset.

Et ex hætenus dictis patet, quare periti Chirurgi nullum capitis vulnus, quan-

(a) Coac. Prænot. nō. 501. Charter. Tom. III. pag. 881.

ter. Tom. XII. pag. 127.

(c) Prorethet. Lib. II, Charter Tom. VII, pag. 818. 819.

(b) Lib. de Capitis Vulnere. Cap. XXXI. Chap.

tumvis leve videatur, negligent vel perfuntoriè curent; cùm sæpe latens ossis læsio vel peritissimos fallere possit, & aliquando, solis integumentis læsis, subiectum os tamen à pure, aere, &c, afficiatur.

§. 256. **E**FFECTUS hujus mali (254) 1. Partis ossæ separatæ mors (249. 250. 251.) 2. Infectio vicinorum. 3. Hinc sæpe totius ossis infecti putrefactio. 4. Caries diploes. 5. Integumentorum cranii & cerebri corruptio. 6. Inde mala affecti cerebri, convulsio, sopor, paralyxis, apoplexia, mors.

1. Mors in ossè fit à destructione arteriarum periostei ad os deferentium vitales humores, uti & venarum referentium eisdem humores simili abolitione. Quando ergo hæc vasa omni effectu carent, lamella ossis mortua est, cui hæc vasa prospiciebant. Si jam pericranio læso destructa fuerint vasa ad os tendentia, sive ossis ipsius læsione vasa inter ejus lamellas ex pericranio dispersa, vel & illa, quæ per singularia foramina externæ cranii tabulæ insculpta ad diploen pergunt, fuerint destructa, effectus erit idem: nempe mors partis, vasis vitalibus humores adducentibus & reducentibus, orbatæ. Sed omnis pars corporis omni influxu humorum vitalium carens nunquam poterit recrefcere cum partibus vivis, sed semper debet separari à partibus vivis vicinis; unde & lamellæ ossæ mortuæ sic secedunt & expelluntur, ut dictum fuit in *Commentariis* ad §. 249.

2. Cranii ossa variis lamellis sibi invicem incumbentibus constant, inter quas vasa tenerissima media feruntur; saltem antequam provecrà ætate arctissimè appressis ad se invicem lamellis hæc vasa deleta fuerint. Probatur hoc fuit in *Commentariis* ad §. 249; & confirmavit hoc pulcherrima illa methodus, quâ leviter pertundebatur os, non tamen ad diploen usque; & tamen ex punctis pertusis emergebant vascula, quorum efficacità separabatur corruptum & regenerabatur destructum pericranium; ut dictum fuit in *Commentariis* ad §. 252. Adfuerunt ergo vasa in ipsa substantia ossæ tabulæ externæ, quæ, liberata incumbentibus lamellis ossis & elongata, constituere hanc vasculorum ex punctis sodicatis emergentium compagem. Mira habetur Observatio apud *Tulpium* (a), quæ hoc confirmat. Homini sclopeto in occipite icto, licet calvaria nullas rimas egisset, ob gravissima symptomata trepanum applicabatur; & c. *terebraui dum circumageret Chirurgus, vidimus per integrum os erupisse innumeras sanguinis guttulas cooperientes instar roris universam calvariam quibus spongiâ aliquoties deterfis, continuò novæ repullulabant.* Patet ergo, ex ipsa ossis substantia vasorum continuitate patere viam sanguini, ut per integri ossis extimam superficiem roris instar exire possit: si ergo superior lamella ossis, v. gr; mortua fuerit, malum hoc faciliè communicabitur vasculis subiectis, à quorum læsione afficietur sequens lamella; sicque malum poterit propagari per omnes lamellas tabulæ externæ, dein poterit ipsa diploe affici, & tabula interna simili modo corrumpi, &c.

3. Ex modò dictis satis patet, destructis vasis vitam tolli in parte, unde corruptio mortui sponte sequitur. Et in *Commentariis* ad §. 242, tale Exemplum fuit allegatum, ubi post validam contusionem capitis, decem jam mensibus clapo-

(a) Observ. Medic. Lib. I. Cap. 11.

sis subito mortuo homine, inventum fuit cranium planè putridum & fœtidum, Apud *Paræum* (a) habetur mirabilis casus, quo constat, cranium sic penitus putrefcere posse, putrefactum separari, vitâ supersilite. Bregmati sinistro hominis ense vulnus insiliens fuerat, cum ossis lacione, quæ tamen ad interiorem cranii tabulam non penetrabat. Consolidato jam ferè vulnere, dum cum sôdalibus calidissimis cibis & potui meracioris vini liberaliùs indulserat vulneratus, acutè febre corripitur, cum sensuum & loquelæ abolitione, & ingenti capitis & faciei tumore. Post aliquot dies apostema hic natum lanceolâ apertum dedit maximam ichoris copiam, & calvariæ os subjacens nigrum, putridum & fœtidum apparuit per totam sui substantiam, & postea vivi vermes plurimi nidum hic fecerant. Os corruptum ad volæ manûs magnitudinem secessit, nec minùs tamen à tam periculoso malo integre sanatus fuit; nisi quòd cicatrix diu adhuc debiliôr & admodum sensibilis remanserit.

4. Quando ossa corrupta in tenuem quasi pulverem fatiscunt, vocatur caries ossium, distincta omnino à separatione lamellarum corruptarum, quæ per exfoliationem fit. Diploe inter binas tabulas cranii media, vasis plurimûs, & cellulosa ossis fabricâ constat: adest hic & oleum medullare, tam citò corruptendum. Unde sive læsio ossis propagatione mali tandem ipsam diploen infecerit, sive osse integro post validam contusionem fracta in diploe vasa humores suos effuderint; poterit ab utraque causa corruptio stagnantium & extravasatorum liquidorum hic nasci, ab his corruptis vasa tenerrima adhuc integra erodi possunt, sicque augeri malum: quod per cellulas diploes inter binas tabulas osseas præregens latissimè se dispergere poterit, & simul facilè apparet, diploe sic affectâ, utramque calvariæ tabulam pariter corrumpi posse, unde mala plurima sequuntur.

5. Pericranium convexam calvariæ partem tegit; dura mater, internum cranii periostræum, concavæ ejusdem parti firmiter adhæret: utraque hæc membrana vasa in os contiguum demittit, & ex osse recipit: & videtur admodum probabile, pericranii vasa externam tabulam penetrantia in diploe communicare & uniri similibus vasis à dura matre emissis, & per tabulam internam ad diploen tendentibus. Dum ergo corruptum os cranii fuerit, & inprimis si diploe ipsa sic affecta fuerit, poterunt calvariæ integumenta externa & interna æquè affici continuitate vasorum; quam rem & confirmant Historiæ paulò antè memoratæ. Sed, internis cranii integumentis sic affectis, contiguum molle cerebrum facillimè afficitur, & corrumpitur; ut plurima Observata docuerunt.

6. Omnes sensus & motus arbitrarii à cerebro pendent, uti constat ex Physiologicis. Cerebro ergo corrupto vel læso, poterunt omnes ejus actiones vel quædam tantùm turbari & aboleri, prout malum totam cerebri molem, vel quasdam tantùm ejus partes, infecerit. Ubi autem lentè proserpens malum ab osse læso sensim ipsum cerebrum infecerit, sæpe ordine hic recitato symptomata sequuntur. Aliquando nec opinantem hominem subitâ morte sic periisse testantur plurima Observata. Sufficit hic notare, quòd à levissima vertigine ad lethalem apoplexiam usque omnia cerebri affecti mala observata fuerint ab hac causâ ortum duxisse.

(a) Liv. X. Chap. xxii.



§. 257. **E**X quibus (254. 255. 256.) & cognitio, & prædictio hujus morbi noscuntur.

Ex omnibus illis, quæ paragraphis hîc citatis dicta sunt, poterit determinari quantum per Artem licet, an calvaria læsa fuerit an non: licet tamen, si causa vulnerans satis valida fuerit, semper aliquis metus sit latentis mali, quamvis sensibus nullo modo detegi possit: dum v. gr; calvaria in alio loco sæpe finditur, quàm ubi læsio facta fuit, ut dictum §. 254. Ubi autem per signa data constitit, calvariam læsam esse, tunc in prognosi omnia illa metuenda sunt, quæ præcedenti paragrafo enumerantur: non quòd hæc semper sequantur talem læsionem, sed tamen aliquando sequi possint. Prudentia postulat, ut hæc omnia vulnerati amicis proponantur, ne postea sequentia mala Medentis incuriæ, non autem vulneris malignitati, adscribantur. Præterea & vulneratus & amici, qui ejus curam gerunt, moniti, tam gravia mala sequi posse capitis vulnera, etiam quæ satis levia apparent, longè majori curâ observabunt illa, quæ tam in diætæ regimine, quàm in cura vulneris, requiruntur: à quarum neglectu toties inopinatò mors secuta fuit, cùm omnia in vado crederentur.

§. 258. **E**T indicatur ad curationem. 1. Loci læsi detectio. 2. Mundatio. 3. Terebratio ossis. 4. Ejus periosteï regeneratio. 5. Reliqui vulneris sanatio.

1. Multùm dubitari potest, an semper absolutè necessarium sit detegere locum læsum, licet magna suspicio adsit, calvariam læsam esse. An non posset cranium vulneratum, vel fissum iterum coire, uti in aliis ossibus corporis fit? Hinc videtur hic utrumque extremum vitandum esse, dum quidam Chirurgi omnibus capitis læsionibus, nullo ferè discrimine habito, sectionem adhibent; alii verò nimis meticulosi vix etiam in gravissimis casibus hoc facere audent. *Ruyfchius* (a) qui annofo Artis usu in populosissima urbe tam multos casus viderat, dicit, etiam in vera cranii fractura, in qua symptomata non augentur, non statim ad incisionem & terebrationem esse pergendum; sed post venæsectionem fomentis cephalicis calidis, largâ copiâ applicatis, curam tentandam esse; additque, se sic felicissimè opem tulisse multis, quibus jam scalpellum imminebat. Apud *Celsum* (b) hoc jam habetur. Dicit enim in omni verò fisso fracturæ osse, protinus antiquiores Medici ad ferramenta veniebant, quibus id exciderent. Sed multò melius est, antè emplastrâ experiri, quæ calvariæ causâ componuntur, &c. Voluit sic debere hoc tentari usque ad diem quintum: Quodd si caruncula ineflescere ceperit, & febricula aut soluta fuerit aut levior, & cupiditas cibi reverterit, satisque somni accedat, in eodem medicamento erit perseverandum. . . . Hâc ratione sæpe rimæ callo quoddam implentur; estque ea ossis velut cicatrix. Et latius fracta ossa, si qua inter se non cohercebunt, eodem callo glutinantur. Estque id aliquantò melius velamentum cerebro, quàm caro, quæ exciso osse increfcit. Si verò sub prima curatione febris intenditur, brevèque somni, & iidem per somnia tumultuosi sunt, ulcus mader, neque aliter, &

(a) Observ. Anatom. Chirurg. Centur. Ob-  
serv. LX.

(b) Medicin. Lib. VIII. Cap. iv. pag.  
517.

*in cervicibus glandulæ oriuntur, magni dolores sunt, cibique super hæc fastidium increvit; tum demum ad manum scalprumque veniendum est.*

Unde patet, imprimis ex symptomatum vehementia & malignitate determinari; an offe læso locus affectus detegi debeat; an verò spes sit, ossis læsionem sine sectione posse curari.

2. Quæ hic intelligitur mundatio, vel artificialis est, per quam nempe tolluntur omnia illa, quæ in vulnere factò inveniuntur talia, ut cum vivis partibus amplius uniri & recrescere nequeant: verbi gratiâ, thrombi sanguinis concreti, fragmenta ossis undique libera, membranæ corruptæ, &c: vel est naturalis, quando per supurationem factam secedunt omnia illa, quæ vivis partibus licet adhuc aliquatenus cohererent, tamen illis iterum uniri & condescere non possunt. Utroque modo tolluntur illa, quæ vulneris consolidationem impedirent, quamdiu in vulnere hærent.

3. Agitur hic de illa terebratione, quæ minutis cuneolis fit, uti dictum §. 252; non autem de illa perterebratione cranii, quâ magnus orbiculus ex calvarie offe excinditur trepano propriè dicto.

4. Nunquam enim integumenta ossi accrescunt, quamdiu nudum est, sed prius debet recrescere nova membrana ablato periosteio similis, quæ vasa in os subiectum deducit, & inde redeuntia recipit. Hoc autem fit minutis foraminulis perforatâ calvariâ, ut vasis vivis subiectis detur exitus, quæ tunc elongata retexunt talem membranam.

5. Omnibus his peractis, quæ numeris præcedentibus dicta sunt, sanatio vulneris satis facilis est, & perficitur illâ methodo, quæ descripta fuit §. 245.

§. 259. **L**OCUS detegitur. 1. Incidendo tegumenta læsa, per scalpellum, restâ, angulosâ, perpendiculari, decussatâ sectione, in os usque impressâ, cautè in fractis & vacillantibus fragmentis, variâ electâ pro varietate loci, & mali. 2. Separando secta à cranio exactè per scalprum. 3. Infarctu carpti lintei.

Postquam vulneris conditio & symptomata vulnus secuta docuerunt, locum affectum debere sic detegi, ut oculis manibûsque pateat tota vulneris superficies, tunc hoc fit sequenti modo:

1. Capillis priùs novaculâ derasis, exploratur loci læsi magnitudo, & situs respectu suturarum, musculorum, tendinum, &c; tuncque primò determinatur, quali sectione opus sit; an, v. gr; una sectio per medium locum læsum sufficiat, an verò requirantur binæ sectiones; quæ iterum pro vario modo, quo concurrunt, majorem minoremve ossis partem denudabunt. Si enim binæ sectiones sic concurrant, ut angulum forment, poterit denudari os toto spatio, quod hujus anguli lateribus comprehenditur: si verò una sectio ducatur per lineam tangentem loci læsi, & altera perpendicularis per medium locum læsum ducatur ad priorem, patet faciliè, duplò majus spatium sic nudari: si jam eadem perpendicularis sectio producat, ut fecit priorem in puncto medio, patet quatuor sic angulos nasci, unde quadruplò majus spatium nudabitur ac in illa sectione, ubi binæ lineæ concurrunt in unum angulum. Vocatur hæc decussata sive cruciformis integumentorum

tegumentorum sectio : quæ cum omnium maximum spatium denudet, hinc illam commodissimam esse voluit Celsus (a), quæ duabus transversis lineis literæ X. figuram accipit, ut deinde à singulis procedentibus angulis cutis subsecetur. Eligitur jam sectio talis, quæ sufficit, ut locum affectum nudet : & patet, simplicem sectionem requiri, ubi tam parvus est locus læsus, ut dehiscens vulneris facti labiis in conspectum venire possit. Angulosa autem sectio conveniet, ubi locus læsus non quidem valde magnus est, major tamen, quam ut simplici sectione nudari possit. Ubi autem majus spatium detegi debet, usum habet sectio recta, ducta tangentis instar ad limitem loci affecti, cui deinde altera perpendicularis additur, per medium locum læsum transiens. Ubi verò amplius admodum locus detegi debet, sectione rectâ per medium locum affectum ductâ, altera similis priori perpendicularis, illamque per medium secans, superadditur; sicque quatuor dissectorum tegumentorum angulis elevatis totum illud spatium, quod binis illis sectionibus continetur, nudari potest.

Debet autem sectio fieri cultello acuto & satis forti, ne acies facili obrundatur; dura enim & callosa est calvarie cutis, & validam satis sectionem requirit. Cultelli autem acies statim debet ossi ipsi imprimi, & sic ipsum os radendo discindi simul pericranium unâ & eâdem sectione; ne quid ex ipsâ membranula; quæ sub cute calvariam cingit, super os relinquatur : si quidem hæc scalpro terebrivse lacerata vehementes febres cum inflammationibus excitat (b). Nisi enim firmiter ipsi ossi maneat appressus cutellus, dum tegumenta dissecantur, debet postea pericranium adhuc discindi. Verum quidem est, sic cultello crenam duci in ipso osse, sed hoc evitari nequit, & detecto loco illa ossis læsio poterit satis facili curari.

Cum igitur ad hanc rem requiratur, ut satis validâ manu cultelli ipsi ossi apprimatur, patet, summâ cautelâ prius explorandum esse, an forrè calvaria sic fracta sit, ut fragmentum possit deprimi, dum cultellus ossi apprimitur; unde pessima mala, & mors ipsa sequi possent; uti aliquando tristibus Exemplis constiit. Ubi ergo digitis undique palpando aliquid vacillare deprehendimus, sectio dirigatur, ut ille locus evitetur. Ubi autem simul valida confusio magnum tumorem in loco affecto fecit, sæpe non sine difficultate explorari potest, an os fractum vacillet, an non.

Simul cavendum est, quantum fieri potest, ne majores arteriæ, per tegumenta dispersæ, dissecantur; simulque vitari debent insignes nervorum rami hic dispersi, v. gr; in fronte supra oculi orbitam, &c; ut & muscoli, tendines futuræ, &c. Horum omnium situs ex Anatomicis cognoscitur.

2. Pericranium satis firmiter cranio vasis emissis & receptis adhæret, uti antea dictum est : hinc, licet omnia tegumenta unâ cum pericranio discissa fuerint, tamen latâ adhuc superficie cranio cohærebunt : unde, antequam nudum os in conspectum venire possit, pericranium à calvaria separari debet. Aliquando elevatis angulis dissectis pericranium sequitur, & ab osse secedit, inprimis, quando laxius ossi adhæret, ut in senioribus observatur. Dum verò sortibus hæret, uti sæpissime fit, eburneo inprimis & politissimo scalpro citissime abraditur à calvaria, non sine summo dolore, nisi æger hebes penitus aut soporosus fuerit, uti sæpe in gravioribus capitis vulneribus contingit. Optandum ergo foret, ut juniores Chirurgi in vitulinis vel ovillis capitis se exercerent, ut discant scalpro subducto pericranium à cal-

(a) Medic. Lib. VIII. Cap. IV. pag. 516.

Tomus L

(b) Ibidem.

varia subito separate : in hominibus enim hoc addiscere crudele est & periculosum.

3. Separatis sic omnibus integumentis, sanguis effluens plerumque impedit, quominus accuratè detegi possit ossis nudati læsio; unde, nisi summum periculum urgeat, solet differri ulterior investigatio in sequentem diem, vel saltem per aliquot horas expectari. Ne autem partes recenti vulnere divisæ iterum concrecant, quod citissimè fieri observatur, plumaceola plana mollissima nudi ossi imponuntur sub integumentis elevatis, sic hoc impeditur; & sedatâ hæmorrhagiâ, amotisquæ plumaceolis, tota superficies ossis nudati in conspectum venit, elevatis integumentis dissectis. Sic enim minimo labore amplissimum vulnus sequenti die futurum monet *Hippocrates* (a), qui etiam jubet cataplasma imponi, *ex tenuissima polenta, ex aceto subactâ & incoctâ, ut quàm maximè glutinosa reddatur*, ad præcavendam nempe nimiam inflammationem. Plumaceola enim hæc sicca, absorpto cruore, vel aliis liquidis, tument, & dilatant factum, quod semper quamdam irritationem & inflammationem facit.

§. 260. **C**RUOR, pus, sanies, fordes, spongiolis absorbentur, fragmenta; festucae, squamæ ossis, si parva libera ab omni membrana, oculo mox patentia, sunt, eximuntur volsellâ; vel solvuntur forfice; quæ mundatio artificialis.

Amoris dein plumaceolis, absterfo cruore, omnibûsque aliis fordibus, quæ impediunt, quominus ossis detecti superficies undique oculis pateat, omni curâ investigandum, an aliquid lateat mali, quod tolli vel corrigi debet. Si verò in osse nudato nihil fracti vel confusi appareat, & nulla detegatur rima, nec ulla suspicio sit, sub calvariæ osse extravasatos hæere humores, qui cranio in hoc loco perterebrato educi possent, vulnus factum iterum consolidandum est. Periculis enim Medicis æquè ac Chirurgis aliquando contigit hic errasse, licet, ex signis evidentibus conclusissent, sub loco jam aperto hæere aliquid mali. Plurima apud Observatores habentur Exempla, quæ hanc rem confirmant: monuetat *Hippocrates* in loco allegato §. 254. quòd aliquando os frangatur aliâ capitis parte, quàm quâ vulnus est: & in *Commentariis* ad §. 254, quædam ex optimis Auctoribus recentissæ fuerunt Observationes, quæ evincunt, semper hic aliquid dubii esse posse. Præstat ergo, vulneratum ejûsque amicos præmonere, quòd quidem omnia signa doceant, locum affectum dissecandum esse, ut latens malum detegatur, posse tamen aliquando in alio, & sæpe satis distito calvariæ loco, hæere noxam. Unde prudentes Chirurgi semper Medicum vel alios Chirurgos vocari jubent, ut communi consilio concludatur, quid agendum sit in similibus casibus; sicque testes habeant, omnia secundum Artis regulas peracta esse, quamvis eventus non respondeat votis.

Ubi verò constat, os nudatum læsum esse, indicatio generalis (§. 185. n°. 1.) docet, auferenda esse illa omnia, quæ curam vulneris impedire possent. Liquida effusa hic hærentia spongiolis vel linteis carptis faciliè absorbentur: fragmenta verò ossis, vel & festucae & parvæ squamulæ cedentes, vel inde separatæ per instrumentum vulnerans, possunt considerari tanquam corpora heterogenea, quæ ibi re-

(a) Lib. de Capit. vulnerib. Cap. xx. Charter. Tom. XII. pag. 124.

licta nocere possent, saltem vulneris curam multum retardare. Sed ut dictum fuit (§. 186. 187.) primò expendendum est, an sine damno tolli possint; an verò turius ibi relinquatur, donec sponte separentur & excidant. Si enim fragmenta hæc ossis parva fuerint; nec vivis partibus cohæreant adhuc, nulla spes est iterum uni posse, & turò auferri possunt instrumentis idoneis. Cum autem à libero accessu aeris ossa, periosseo nuda, pessimè afficiantur, ut dictum est §. 250, requiritur præterea, ut hæc fragmenta oculis sic pateant, ut statim tolli possint, neque opus sit diu instrumentis tale vulnus scrutari. Periculosum pariter, fragmenta ossea membranis adhuc hærentia vi avellere; cum & magnus dolor, & nexus pericranii cum dura matre, inprimis circa futuras, pessima posset producere mala; tunc enim melius, si tolli debent, forcice abscinduntur.

Illa autem depuratio vulneris, quæ sic manu vel instrumentis fit, vocatur mundatio artificialis; ut distinguatur ab illa, quæ sponte ortâ suppuratione perficitur, & naturalis ideo vocatur.

§. 261. **E**ADEM nimis magna, hærentia vivis, abscondita, relinquuntur, nam vel sponte separentur, vel recrescunt ad viva. Hæc mundatio naturalis.

Ubi autem fragmenta calvariæ magna valde sunt, examinandum est, an sic corrupta fuerint jam, ut nulla spes sit, quòd iterum uniri possint reliquo ossi. Hoc autem inprimis cognoscitur ex colore mutato. Si enim fragmentum tale flavum, fuscum, vel jam nigrum est, non recrescet; sed vel sponte separabitur postea, vel tollendum est statim, si commodè fieri possit. Quando autem colorem adhuc naturali similem habent talia fragmenta, & inprimis si adhuc cohæreant cum pericranio, magna spes est, quòd recrescere possint. Accidit aliquando in majorum ossium fracturis, tibiz v. gr; vel femoris, os binis locis sic fractum esse, ut medium fragmentum ab utraque parte liberum sit; & tamen observatum fuit sæpius, tale fragmentum iterum concrevisse cum reliquo osse: unde patet, non desperandum esse in similibus cranii fracturis. Observationes Chirurgicæ hanc rem omnino evincunt. Homini solæ ferreæ mulus tam vilidum ictum capiti impegerat, ut frontis os fractum & intropressum esset. Trepano excindebatur orbiculus ex calvaria, ut os fractum & intropressum commodè elevari & tolli posset. Cum autem fractura à medio frontis ad oculi cantum minorem pergeret, non audebat tollere *Paraus* tantam ossis portionem, sed elevavit os fractum sic ut duram matrem non amplius posset comprimere; & feliciter curatus fuit vulneratus (a). Sed & integre separatum à reliqua calvaria ossis fragmentum, cohærens tamen adhuc pericranio, iterum recrevit. Capiteo cuidam ense ossis frontis magna portio abscessa fuerat, circiter trium digitorum longitudine & latitudine, sic ut nuda esset omnino dura mater. Tam magnum ossis fragmentum, pericranio adhuc cohærens, unà cum integumentis supra faciem reclinabatur horrendo spectaculo; & jam cogitabat *Paraus*, ut totum refecaret, metuens tamen, ne tanto vulnere nudata dura mater pessimè afficeretur, deterfso sanguine, qui duram matrem tegebat, iterum adaptavit os ab-

(a) Les Œuvres d'Ambroise Paré, Liv. X. Cap. vi.

sciffum unâ cum integumentis, & levi suturâ in tribus locis firmavit, ne loco facile moveri possit. Pulcherrimus successus docuit, quantum sperari possit in similibus casibus, cum tam ingens ossis integre resecti portio in homine pluribus adhucaliis plagis saucia recrefcere potuerit (a).

Quamdiu ergo vivis partibus adhuc coherent talia fragmenta, relinquenda videntur; spes enim est, iterum uniri posse reliquo ossi: & si hoc non succedat, & signa docuerint, ossa hæc separata incipere corrumpi, semper poterunt eximi, vel & sponte separabuntur. Unde simul patet, noxium esse, nimis curiosè scrutari capitis vulnera, ut fragmenta ossis, quæ non statim oculis occurrunt, tollantur. Si enim adhuc aliquâ sui parte cohæreant vivis, poterunt uniri, vel sponte per suppurationem secedent, si recrefcere nequeant. Naturam sæpe solam sibi sufficere etiam in periculosisimis casibus, docet sequens Historia. Puellæ novem vel decem circiter annorum cæsim ente insidita fuerant octodecim vulnera capiti, præter alia quædam, quæ brachia & truncum corporis læserant. Omnia hæc capitis vulnera calvariam læserant, ossisque portiones quædam ad diploen usque ablatae erant; aliis in locis tota calvaria ad duram matrem usque ablata erat. Idoneo apparatu deligabatur tam misère vulneratum caput, & singulis binis diebus tantum denudabantur vulnera. Singulis autem deligationibus ossis frustula plumaceolis adhærebant, & sic secedebant sine molestia. Illa fragmenta autem, quæ pericranio adhuc cohærebant, concrefciebant iterum, & promptè replebantur loca, ubi calvaria integre ablata fuerat; sic ut quinque septimanarum spatio tot plagis saucia convalesceret hæc puella (b). Sed in hoc casu nulla mundatio artificialis locum habuit, sponte per suppurationem separata fuerunt omnia illa, quæ recrefcere non poterant.

Prudentissimum ergo est monitum Hippocratis, dicentis (c): *Ossa quæ à suo naturali statu recedunt, & media deficiunt fracta aut late admodum præcisa, hæc minùs habent periculi, ubi membrana integra fuerit: quæque rimis pluribus & latioribus intus fracta sunt, minùs etiam periculo sunt obnoxia, & faciliùs eximuntur: neque horum quidquam sectione (septræ) indiget; neque cum periculo ossa auferre tentandum, priusquam sponte sursum cedant, &c.*

§. 262. **S**I os contusum, album, fuscum, lividum, fissumve apparet, minutis hinc inde foraminulis perterebrandum, ut præscriptum (§52), ita enim viva exeunt, & mortua expellunt citò.

Aliquando contingit, ut ablati integumentis nulla quidem fractura in osse reperiatur, & tamen os malè affectum sit. Hoc inprimis observatur, ubi obtusum fuit instrumentum vulnerans, vel quando homo ex alto delapsus planæ superficiei validè impegerit caput. Tunc enim vel finditur os cranii, sæpe integris licet manentibus capitis integumentis; vel pericranium, inter resistens obstaculum & duram calvariam subiectam, sic premitur & atteritur, ut frangantur vasa, quæ ex pericranio in calvariam tendunt, & vicissim ex hac in pericranium redeunt; unde afoletur omnis vitalis influxus in lamellam calvarie pericranio contingam. Patet

(a) Ibid. Chap. viii.

(b) Bellouë Chirurg. d'Hôpital, pag. 81.

(c) Lib. de Capit. vulner. Cap. xxviii. Chæter. Tom. XII. pag. 126.

fatís ab iisdem causis posse lædi vasa, quæ inter lamellas cranii media decurrunt, unde augmentum mali fit. Cognoscitur autem, talem contusionem & destructionem vasorum in cranii osse obtinere, ex colore ossis mutato. Naturaliter enim ossa viva & sana colorem subrubellum, vel & ex albo cærulescentem habent; quia vasa vitalia, colorato liquido plena, per albam ossis lamellam, & præ tenuitate pelluentem, talem colorem exhibent. In omnibus illis ergo locis, ubi à contusione destructa sunt vasa supposita lamellis ossis, albedo erit: unde & §. 225. n°. 6. inter signa calvariæ læsæ numerabatur, si punctis pallidis coloratum cranium appareret: & *Bellossius* (a), postquam nudam pericranio calvariam minutis foraminulis perterebraverat, primum signum felicitis successûs memorat, quòd os inciperet subrubesce-re; manifesto nempe indicio, vitam redire in osse, antea vitali humorum influxu privato. Ubi autem os vasis suis destructis incipit corrumpi, tunc color albus in flavum, fuscum, lividum, imò nigrum omnino mutatur; & semper majori corruptelæ gradu, quò magis à naturali colore recedit, uti dictum fuit in *Commentariis* ad §. 249.

Cùm ergo in tali casu metus sit, ne ossis hæc corruptio subjectas lamellas contingas, similiter incipiat, ad ipsamque diploen pergat, unde & subjecta tabula vitrea, & deinde ipsum encephalon infici poterunt, inprimis cùm fractis vasis effusi humores & corrupti per integram contusi ossis superficiem exire nequeant; apparet iterum pulcherrimus usus methodi §. 252, descriptæ, quæ nempe minutis hinc inde foraminulis perterebratur calvaria, ut effusi humores exire possint, & vasa viva supposita, daro hoc tegmine mortui ossis libera emergere & separare illud, quod mortuum & corruptum est. A vivis enim vasis suppositis solùm, expectandam esse separationem ossis corrupti, jam indicavit *Hippocrates* (b): postquam enim monuerat, ossa fracta non esse educenda cum periculo, nisi sponte sursum cedant: dicit: *Sursum autem or-educi priore laxato, & carne subnascente, est consentaneum; quæ ex ossis medullis, ubi ossa inter se connectuntur, & ab eo, (osse) quod sanum est succrescit, si superior tantum ossis pars corrupta est.* Solâ Observatione sic didicit *Hippocrates* illud, quod postea Recentiorum industria confirmavit: carnem enim vocaverunt antiqui Medici, (& etiam recentiores eodem vocabulo usi sunt) vascularem illam compagem, quæ in vulneribus renata jacturam substantiæ restituit. Er pulchre addidit, hanc ex diploe succrescere, per quam adeo manifesta vasa disperguntur; imò &, superioribus tantum lamellis corruptis, talem carnem renasci ex sano osse supposito, non ex diploe, manifestè indicat.

Ubi autem fissura adest, eadem hæc methodus pariter prodest. Omnia enim mala quæ fissuram sequuntur, inprimis ab eo pendent, quòd plurimorum vasorum ruptura facta fuerit, nec pateat facilis exitus liquidis extravasatis; unde corruptela ossis, & omnia quæ inde pendent mala, sequuntur. Minutis verò foraminulis circa fissuræ locum pertuso osse, exitus patet extravasatis humoribus, & facilis habetur via, quâ vasa viva elongata prodire possunt, & retexere novum pericranium.

Quàm subito autem hæc methodo perficiatur cura, etiam in satís notabili ossis læsione, patuit ex illis, quæ dicta sunt in *Commentariis* ad §. 252, & 253.

(a) Chirurgien d'Hôpital, pag. 76-78.

(b) Lib. de Capit. vulner. Cap. xxviii. Char-

ter. Tom. XII. pag. 116.

§. 263. **Q**UO ipso (262) perioscei regeneratio cito (252).

§. 264. **S**ANATIO tum reliqui descripta est (245. 246. 247. 248. 253).

De his omnibus in numeris hîc citatis dictum fuit. Simulac enim novum pericranium sic recrevit, tunc reliquum curari debet inslar vulneris capitis, quod sola integumenta læsit communia.

§. 265. **I**NDE patet, cur angusta fissura periculosior sæpe, quàm ingens cranii confusio (256).

Omnes Medici & Chirurgi periti in hoc consentiunt, fissuram calvarie sæpe longè majus discrimen adferre, quàm validam contusionem, imò & fracturam ossis.

Fissura enim difficiliùs cognoscitur, & sæpe non detegitur, nisi serò, inprimis si circa suturas hæreat; vel & externâ calvarie tabulâ integrâ manente sola interna tabula fissa sit; uti & dum alio loco calvarie os fissum est, quàm ubi vulnus hæret. Accedit, quòd fissura, licet oculis appareat, sæpe longiùs excurrat, quàm ut tutò tota possit detegi discissis integumentis. Omnia autem hæc aliquando sic contingere, probatum fuit fidelissimis Observationibus in *Commentariis* ad §. 254, memoratis. Dum verò ingens læsio ossis facta fuit, sponte patet; & magnitudine mali incitati Medici & Chirurgi omne molimen Artis adhibent, ut præcaveant metuenda mala. Fissura tam sæpe latens, imò quandoque nullo signo detegenda, vel peritissimos fallere potest, quod de se ipso *Hippocrates* tam ingenuè fassus est.

Altera causa, quare angusta fissura tam periculosa habeatur, est, quia non potest certè cognosci, quousque penetraverit, an ad diploen usque, an etiam profundius. Si jam ad diploen usque fissa fuerit calvaria, magna satis vasa fracta erunt; effusi humores non poterunt per angustam ossis rimam transire, corrumpentur; destruent teneram illam cellulosam ossis partem, quæ diploen constituit; proserpere poterit malum inter binas calvarie tabulas, & corrumpere omnia. Erosâ dein internâ cranii tabulâ, encephalon ipsum poterit affici, & sic subitò perit homo, dum nullum creditur latere malum, & post mortem totum os corruptum invenitur. Plurima talia habentur apud Observatores Exempla. Ubi autem ingens cranii læsio facta fuit, patet exitus humoribus extravasatis, vel per Artem fieri poterit, & vasa viva supposita omne corruptum poterunt separare. Ideo tam felix sæpe cura fuit gravissimorum etiam capitis vulnerum unâ cum insigni ossis læsione; dum levis fissura, serò tantum cognita, nihil mali metuentes sæpe inopinato de medio sustulit. Ideo *Hippocrates* ausus fuit pronunciare (a) in capitis fracturis, si os quidem fractum sit, & contritum periculo vacat..... quòd si fissum fuerit & fissura in-

(a) De locis in homine, Cap. XII. Cramer. Tom. VII. pag. 371;



trò procedat periculi plenum est. Additque, ferram adhibendam esse, ne sanies per ossis fissuram affluens meningem putrefaciat. Et alibi (a) ossa capitis fracta, vel latè admodum præcisa, vel rimis pluribus & latioribus divisa, minùs periculi habere affirmat. Accedit præterea, quòd nunquam findi possit calvaria, quin simul plùs minùsve contusa fuerit (b); unde eò major numerus vasorum, in ipsa ossis substantia vel per diploen decurrentium, frangitur; hinc omnium malorum augmentum.

§. 266. **E**T patet, hanc methodum (252. 262.) preferendam ulsioni, scalpris, trepanis Veterum in his malis (249. 254. 256. 262.).

Ex illis, quæ dicta sunt in *Commentariis* ad §. 252, patuit, levem illam perturbationem calvariae pluribus foraminulis citò & tutò simul sanare hæc mala; unde videtur meritò præferenda esse reliquis methodis. Licet autem apud *Hippocratem*, uti dictum fuit, jam hujus rei vestigium habeatur, tamen frequenter usi fuerunt scalpris, ut deraderent ossis malè affecti partem. Si tamen perpendantur omnia, quæ necessariò sequuntur hanc ossis affecti abrasionem, patebit, minùs tutum hoc esse, & longè tardius sic curam perfici. Ulsionem ferro candenti commendaverunt quidam Chirurgi, ut os corruptum separaretur: sed non memini apud *Hippocratem* in læsione calvariae; uti nec apud *Celsum*, hujus mentionem factam fuisse; & certè difficile admodum foret sic adurere partem ossis corruptam, ut non læderetur pars integra ossis subjecta; quæ ergo iterum separari deberet, antequam curatio posset expectari.

Ubi autem angusta rima in osse cranii fisso apparebat, vel & teli vestigium in osse relictum erat, tunc scalpris variæ magnitudinis & figuræ, pro varia mali magnitudine & figura, utebantur, quibus os radebant, donec rima, vel teli vestigium deleteretur. Et, ut certi essent rimam talem sic deletam esse, priùs atramento scriptorio, vel alio nigro liquore (vide §. 255. n°. 4.) tingebant os nudatum, ut coloratum tale liquidum in rimam penetrans ostenderet, quousque penetraret; pergebant enim radendo, donec totum illud nigrum deleteretur. Ubi verò altius descendebat rima, neque radendo tolli poterat, tunc terebram adhibebant, ut magnam ossis partem exciderent (c). Ubi verò latior locus calvariae confusione læsus fuerat, & signa docerent os corruptum esse, tunc utebantur trepano exfoliatorio dicto, quod binis cuneis contrariâ directione positis constabat, quibus circumrotatis abradebatur calvariae superficies orbiculari plagâ. Quia convexa & in quibusdam locis inæqualis est cranii superficies, faciliè patet non adeo æquabiliter sic posse abradi illud, quod corruptum est. Sed præterea postquam radendo scalpris vel tali trepano exfoliatorio rima deleta erat, vel ablata ossis corrupti pars, tunc superficies ossis abrasa mortua est, destructis nempe omnibus vasis; hinc separari debebit, antequam iterum poterit illi increfcere pericranium. Apparet ergo ab his operationibus non multùm boni expectandum esse. Illâ autem methodo §. 252, pulchre separatio corrupti perficitur, eâdemque operâ regeneratur perditum brevi tempore.

(a) Lib. de Capite, vulner. Cap. XIII. Charter. Tom. XII. pag. 126.

(b) Ibid. Cap. vi. Charter. Tom. XII. p. 118.

(c) Ibid. Cap. XXIII, & XXIV. Charter. Tom. XII. pag. 124. 125.

§. 267. CRANIUM in junioribus intropressum, in adultioribus post fracturam intropulsam, cerebrum premit; pro varietate loci pressi, pro varia magnitudine, profunditate, acutie, puncturâ prementis, producit hebetudines, sopores, vertigines, tinnitus, caliginēs, deliria, vomitum bilis, dolores capitis, convulsiones, paralyfes, lotii, sæcumque spontaneum exitum, apoplexias, febres, mortem.

Postquam dictum fuit de illis malis, quæ ossis cranii læsiones sequuntur, sequitur ut videamus, quid futurum sit, si calvaria intropressa, vel post fracturam intropulsa, contentum encephalon compresserit, vel læserit. Constat ex Geometricis, circulum inter figuras isoperimetros maximam habere aream; sed calvariæ figura ad sphericam accedit: intropressâ calvariâ, minuetur ejus capacitas. Notum est porro ex Physiologicis, cranii cavum semper plenissimum esse in sanitate: unde resectâ calvariâ statim contentum encephalo exurgit sic, ut nunquam possit iterum adaptari resecta pars, nisi vi adhibitâ. Patet ergo, quod simulac mutata fuerit calvariæ figura per intropressionem, necessariò comprimantur contenta ejus cavo.

Sive jam figura cranii convexa mutata fuerit per intropressionem sine fractura, sive os fractum, loco suo pulsam, depressum fuerit, effectus erit idem, nempe cerebri contenti compressio. In junioribus talem intropressionem possibilem esse sine fractura, calvariæ mollietis in hac ætate sæpe persuadet: longè major firmitas in adultis difficultius hoc fieri posse sine fractura docet. Hippocrates (a), varias fracturarum calvariæ species recensens, tertio loco enumerat hanc introcessionem, quam *εσπλασιν* vocavit; dictæque, semper tunc simul rimas adesse: Quod enim medium desidit, ab alio osse naturaliter se habente abruptum fractumque introcedit; itaque sanè huic casui (intropressioni) rimam accedere necesse est. Longè tamen mollior est ossium humani corporis in vivente substantia, quàm in sceletis exsiccatis apparet: hinc fortè non omnino impossibills, licèt rarior, calvariæ depressio in adultis, non decrepitis tamen, sine fractura.

Cùm autem ab illis, quæ cranii cavo continentur, tota vita & humanitas pendeant, totumque encephalon molle sit & facillè comprimendum; patet, intropressio cranio turbari posse, imò & integre deleri, omnes functiones, quæ ab encephali integritate pendent. Quia autem cerebellum firmioris substantiæ est, & tutius reconditur, quàm ipsum cerebrum; hinc damna, à calvariæ intropressionem orta, semper sæpè cerebri actiones lædunt primariò, tandèmq; propagato malo cerebelli actionem, à qua vita pendet, tollunt. Simul patet, effectus hujus mali admodum varios esse posse, prout diversa cerebri loca comprimuntur, & prout causa comprimens majori minorve vi agit; vel etiam dum abrupta ossis fragmenta acuta cerebri substantiam ipsam vulnerant majori vel minori profunditate. Levem etiam cerebri compressionem turbare posse ejus actionem, raro constat Exemplo. Mulieri dimidia cranii olla ablata fuerat, quam circumferabat os

(a) Lib. de Capitis vulner, Cap. viii, Charter, Tom. XII. pag. 118.

tiam stipem petens : nudam duram matrem dum digiti apice leviter quis tangeret , valide exclamavit , dicens se millenas videre candelas (a). Symptomata autem , quæ compressionem encephali ab hac causâ factam sequuntur , enumerantur sequentia.

**HEBETUDINES.** Quæ levissimam tantum cerebri compressionem sequuntur. In omnibus illis , quibus à lenta & frigida causâ apoplexia nascitur , prius talis infolita hebetudo sensuum omnium , & tarditas ad motus musculares exercendos , observantur ; quæ designant , sensum accumulari in cranio tales humores , qui levi compressione obtundunt sensuum omnium vivacitatem , tandemque auctâ copiâ penitus tollent. Si jam calvaria intropressa leviter sic cerebrum compresserit , simile malum oritur , aliquando totâ vitâ manens , si non tollitur causâ comprimens. Tale Exemplum habetur apud *Hildanum* (b). Pueri decem annorum , felicissimo ingenio præditi , casu cranium circa suturam lambdoideam impressum fuerat ; cum nulla graviora symptomata sequerentur , neglectum fuit à parentibus hoc malum , mansitque hæc ossis impressio. Incepit sensum memoria & intellectus imminui , sic ut nihil addiscere potuerit , vixque sic stupidus omnino ad quadragesimum ætatis annum , tuncque peste correptus periit. Similis hebetudo etiam observatur , quando sanguis nimîâ copiâ distendit vasa majora in plethoricis ; vel in morbis acutis velocitate auctâ & majori rarefactione dilatat vasa sic , ut pulposa cerebri substantia incipiat comprimi.

**SOPORES.** Qui auctam cerebri compressionem indicant : simulac enim illæ causæ , quæ hebetudinem fecerant , augentur , oritur somnolentia , & tandem profundissimus somnus & lethalis , nempe apoplexia. Unde inter illa signa , quæ docent capite vulneratum periculosè affici , recenset *Hippocrates* altum soporem , & tenebrosam vertiginem (c).

**VERTIGINES ; CALIGINES.** Vertigo omnium ferè morborum cerebri levissimus est , & perique capitis morbi , imò ferè omnes , inde incipiunt ; & curati pro ultimo symptomate vertiginem relinquunt. In omni vertigine plerumque est rotatio apparens rerum extra nos positarum & naturaliter quiescentium ; aliquando videntur omnia ex alto deorsum labi , & contrâ. Quando increfcit malum , incipiunt apparere colores varii in objectis ; mox sequitur vacillatio omnium musculorum , incipiunt sic affecti metuere ne labantur , obvia quæque prehendant , ut se sustineant ; enervatur totum corpus uno momento , sic ut cadant , simulque tenebræ densissimæ omnem sensum visus tollunt ; hocque est ultimum quod sentiunt : si enim pergat malum , in apoplexiam , epilepsiam , vel animi deliquium terminatur.

Levissima ergo vertigo est , ubi omnium objectorum rotatio apparet ; aucto malo , tenebræ fiunt , tunc *σκιόδινος* , id est , tenebrosa vertigo vocatur : tandem cadunt sic affecti. Tria hæc in loco modò citato notavit *Hippocrates* , signa graviter capite vulneratorum recensens ; tum si ager alto sopore detentus fuerit , aut tenebræ oculis assusæ , aut si vertigo prehemderit , aut ipse conciderit. Dum *Antilochus* hostem in fronte sic vulnerat , ut lanceæ cuspis os penetraret , tenebræ oculos operuerunt , dixit sapiens *Homerus* (d).

(a) Académie des Sciences , l'an 1700. Hist. pag. 57.

(b) Observat. Chirurg. Censur. III. Observ. 47.

Tomus I.

(c) Lib. de Capit. Vuln. Cap. xv. Character. Tom. XII. pag. 121.

(d) Τὸ δὲ σκότος οὐκ ἐλάττωσε. Iliad. Lib. IV. vers. 461.

Simplex ergo vertigo levem tantum compressiunculam cerebri indicat; tenebricosa verò auctum malum designat: sublatâ autem causâ comprimente, tollitur. Unde dum in morbis acutis impetu & copiâ sanguinis distenta vasa majora cerebrum comprimunt, oritur talis tenebricosa vertigo, quæ narium hæmorrhagiâ tollitur, uti monuit Hippocrates in Prænotionibus Coacis (a) dicens, tenebricosas vertigines ab initio sanguinis è naribus fluxus solvit; ut distingueret nempe à simili vertigine, quæ non adeo in morbi initio, sed tardius sæpe apparet, corruptâ per morbum bile vel aliis sordibus circa præcordia collectis.

TINNITUS. Vertiginem tenebricosam ferè semper comitatur molestissimus in auribus sibilus, ac si millenæ tinnientes campanulæ audirentur. Ubi autem sine causâ externa talis sibilus percipitur, vocatur tinnitus aurium. Ille autem aliquando oritur ipsius organi auditus vitio, illôque etiam levissimo; tunc digito auriculari in meatum auditorium immisso & agitato, vel & trago auriculæ compresso, tolli solet satis citò; neque tunc aliquid mali portendit. Ubi verò ab ipso cerebro affecto aurium tinnitus oritur, tunc non faciliè cedit, & per annos sæpe molestus est; apoplexiæ tandem secuturæ, vel & epilepsiæ, signum, uti in Coacis Prænotionibus habetur (b). Eandem causam agnoscit hoc symptoma ac vertigo, & graviores capitis læsiones ferè semper sequitur.

DELIRIA. Cerebrum esse illud organum corporeum, à cujus integritate idearum perceptio, illarum combinatio, judicium inde sequens, animi affectus, &c., pendent, ex Physiologicis notum est. Ubi autem idearum ortus non respondet externis causis, sed ab interna cerebri mutari dispositione pendet, delirium adesse dicitur. Compresso autem cerebro ob mutatam calvariæ figuram turbari possunt omnia, quæ ab hujus organi illibatâ actione fiunt in corpore. Observatur enim plerôque, qui à nativitate fatui sunt, vitiatam habere capitis figuram: & Hippocrates, ubi recenset funesta symptomata, quæ sequuntur calvariæ læsionem quamcumque, si non adhibeatur debita cura, tandem addit, quodd delirantes moriantur (c). Et alibi sæpius delirium post capitis plagas, tanquam malum signum damnavit; (d) ob plagam in capite acceptam, stupor aut desipientia malum. (e) Ab ossis perfectione delirium, si ad vacuum usque pervaserit, &c.

VOMITUM BILIS. Mirum symptoma, quod in capitis vulneribus cerebrum læsum, vel compressione aut concussionem, malè affectum semper denotat. Constat enim certissimis & quotidianis Observatis, cerebri insignes mutationes, etiam in sanissimis hominibus, biliosum talem vomitum excitare non tantum, sed etiam sæpe bilem miro modo mutare momento ferè temporis.

Non affuetus homo navis agitationi, post vertigines & summam anxietatem, bilem æruginosam vomit: idem fit, si sanissimus homo subitò in gyrum rotetur: & tunc etiam vertigo præcedit, cerebrum affectum denotans. Et vicissim bilis corrupta, circa præcordia hærens, omnes cerebri actiones turbare potest miris modis, vertigines, deliria, convulsiones, &c., excitando: extusâ hæc saburrâ, illico cessant omnia hæc mala. Ex quibus patet, mirum commercium obtinere inter caput & præcordia, sic ut in se mutuo efficacissimè agant; nec hæcenus hoc ex cognita

(a) N<sup>o</sup>. 341. Charter. Tom. VIII. pag. 871.

(b) N<sup>o</sup>. 161. Ibid. pag. 861.

(c) Lib. de Cap. vulner. Cap. xxxi. Charter. Tom. XII. pag. 127.

(d) Aphor. XIV. Sect. VII. Charter. Tom. IX. Part. II. pag. 198.

(e) Ibid. Aphor. XXIV. Sect. VI. Part. II. pag. 303.

corporis fabrica explicari faciliè poterit, licèt certissimis Experimentis constet, rem se sic habere. Sic *Scultetus* observavit, omnes ferè capite vulneratos de oris amarore conqueri (a).

Suspectum hinc semper fuit in capitis vulneribus hoc signum. Quibus cerebrum vulneratur, febris plerumque ac bilis vomitus accedit, & corporis fideratio; atque tales perniciosè habent (b). Quibus perfectum fuerit cerebrum, iis febrem & bilis vomitum succedere necesse est (c). Ex vulnere bilis vomitus accedens, malum; & maxime in capitis vulneribus (d). Imò etiam, dum ab internis causis cerebrum incipit premi, vel alio modo malè affici, bilis, & inprimis æruginosæ, vomitus, inter mala signa recensetur. In capitis doloribus æruginosi vomitus, cum sordiditate & pervigilio citam insaniam significant (e). Hujusque pronuntiati veritas in Epidemicis (f) Exemplo *Philiste* probatur, cui symptomata hæc omnia eo ordine, ut recensita fuerunt, acciderunt; & quinto die morbi periit.

Patet ergo, cerebrum tam ab externis, quàm internis causis malè affecto, bilis vomitus sequi frequenter, & quidem malo omine. Tamen hoc notandum est, cum & leviores cerebri perturbationes aliquando sequatur bilis vomitus, non semper pessima quæque prædicenda esse, dum hoc symptoma adest, nisi & alia mala signa concurrant. Accidit enim sæpe, dum ex alto delapsi homines caput duro obstituto impingunt, quòd fiat vomitus à sola concussionione cerebri, licèt postea nihil gravioris mali sequatur. In illo enim casu §. 258, ex celeberrimi *Ruysschii* Observationibus Anatomico-Chirurgicis recensito, cum Chirurgus mulierem, post lapsum ex curru in humum gelu duratam, aliquoties vomuisse intelligeret; pessima quæque suspicatus contusum in fronte locum cruciali incisione detexisset, nisi *Ruysschius* accedens hoc prohibuisset, qui solis fomentis capiti applicatis brevi sanavit totum hoc malum.

**DOLORES CAPITIS.** An ipsa cerebri vel cerebelli substantia doleat, dum malè afficitur, nondum constat Experimentis. Cerebri corticem sine dolore lædi posse, imò impune rescindi, dum in fungum excrevit, certò novimus. Medullam laram convulsiones facere pariter constat; sed tunc illico sic turbantur omnia, ut non possit determinari, an tunc simul dolor adsit. Interim tamen constat, calvariaë integumenta externa, inprimis pericranium & expansionem tendinosam huic incumbentem, (de quâ dictum §. 239.) uti & ejus periosteum internum sive duram matrem, dolere, dum læduntur. Unde celeberrimi in Arte Viri dixerunt, cephalalgiam calvariaë ejusque integumentis proprium esse malum; uti delirium cerebro (g). Cum ergo calvariaë intropressio vel ejusdem post fracturam intropulsio non possit fieri sine læsione, vel saltem distractione integumentorum, & ipsius duræ matris, patet faciliè, dolores capitis sequi tale malum; nisi simul sic compressum fuerit ab ossis introcessione encephalon, ut omnes sensus aboleantur penitus. Unde dolores capitis in tali casu adhuc aliquid boni denotant, nempe cerebri functiones non esse penitus deletas.

(a) *Sculteti* Armamentar. Chirurg. pag. 198.  
(b) Hippocr. Coac. Prænotion. n.º 500. Charter. Tom. VIII. pag. 881.

(c) Ibid. Aphor. L. Sect. VI. Charter. Tom. IX. Part. II. pag. 285.

(d) Idem. Coac. Prænot. n.º 507. Charter. Tom. VIII. pag. 882.

(e) Idem. Proreth. Lib. I. Prædict. 10. Charter. Tom. VIII. pag. 706. Coac. Prænot. n.º 170. ibid. pag. 861.

(f) Idem. Epid. III. Comment. II. Text. I. Ægrot. IV. Charter. Tom. IX. pag. 232.

(g) Lud. Duretus in Coacis Prænot. Hippocrati. pag. 87.

CONVULSIONES. Quæ semper ferè docent, cerebrum sic compressum vel læsum esse, ut æquabilis spirituum influxus in nervos, motibus muscularibus inferientes, turbatus sit; de qua re dictum fuit §. 230, & sequentibus.

PARALYSES. Quando nempe sic læsum fuit cerebrum, ut influxus spirituum in nervos musculorum motores omnino sit impeditus. Hoc malum jam, prout vel omnes musculos, vel unum tantum latus corporis, vel denique quosdam tantum particulares musculos affecerit, varia nomina accipit, uti postea dicetur. Prout enim varia loca cerebri læsa vel compressa fuerint, diversus erit effectus. Mali semper omnis est paralytis, capitis vulnera sequens; quia denotat ipsam medullarem substantiam cerebri compressam vel læsam esse.

LOTII FÆCUMQUE SPONTANEUM EXITUM. Resolutis nempe sphincteribus ani & vesicæ: & inter pessima signa, & in morbis; & in capitis vulneribus, hoc habetur. Nervi enim sphincteribus his inservientes ex ultimis nervis spinalis medullæ, per ossis sacri foramina exeuntibus, originem ducunt; unde ipsius spinalis medullæ originem lædi jam in cerebro patet. Distinguendum tamen est inter hanc resolutionem ani & vesicæ, per quam urina & fæces sensim & continuè elabuntur, & ubi in apoplecticis aliquando, uti & in morbis acutis inflammatorii capitis, urina emittitur in vesica prius notabili copiâ collecta, singulis fortè sex horis; infcio quidem ægro, tamen sine resolutione sphincteris vesicæ, quia tanto tempore retinetur collecta in vesicâ clausâ urina.

Longè enim gravius malum est, quando resolutio vesicæ sphinctere sic clam clauditur urina, quàm si notabili copiâ collecta effluit non recordantibus ægris. Urimum enim illud incommodum pueris etiam sanis satis frequens, imò & adultis aliquando accidit, licèt nihil sinistri inde sequatur. Videtur & hæc distinxisse Hippocrates (a) dicens: *Quæ urinæ non recordantibus, nec admonitis effluunt, perniciosæ; num ex ab his meiuntur, ac si sedimentum conturbaveris?* Ubi quidem magnum malum inde metuendum voluit; cerebrum enim oppressum significat. Sed in alio loco (b) dixit, *Quibus incogitantibus urina procidit ad pudendum, exsolvantur desperati* (αἰσχροί). Sic enim legendam voluit hanc sententiam Foësius (c) licèt in textu vulgatam lectionem retinuerit, quæ habet, *quibus clam urina decidit ex pudendo contrahitur, desperati sunt*. Pro αἰσχροί legitur αἰσχροί apud Cornarium; & Duretus (d) pariter huic sententiæ accedit. Unde patet, longè gravius malum indicari, si urina sic clam delabatur, resolutio vesicæ sphinctere, quàm si copiâ quâdam collectâ non recordantibus ægris excernatur. Et ob hanc causam Hippocrates (e) postquam varias urinæ proprietates quoad colorem, crassitiem, & contenta, recensuit tanquam perniciosas, absolute damnavit urinam qualemcumque, *quæ occultè mingitur* (λαθραίως ὀφθαλμοῖς).

APOPLEXIAS, FEBRES, MORTEM. Hastenus enarrata phænomena designant; cranii introfessionem leviori compressione turbasse cerebri actiones quasdam; ubi verò eò usque aucta fuerit hæc compressio, ut omnes sensus interni & externi deleti fuerint, nunc cum motibus voluntariis, tunc simul adest profundi & per-

(a) Prorrheticor. Lib. I. prædict. 18. Character. Tom. VIII. pag. 718. Coac. Prænot. n<sup>o</sup>. 580. Ibid. pag. 806.

(b) Coac. Prænot. n<sup>o</sup>. 474. ibid. pag. 878.

(c) Foësius Hippocrat. Opera omnia, pag. 153.

(d) Lud. Duretus in Coacas Prænot. Hippocrat. pag. 347.

(e) Coac. Prænot. n<sup>o</sup>. 580. Character. Tom. VIII. pag. 886.

perui somni imago, & vocatur apoplexia, quam semper comitatur ferè pulsus fortis & celerior, superflite adhuc imò & auctà cerebelli aëione, quod sub expansio duræ matris velo tutò defensum minùs facillè comprimitur: tandem & cerebello similiter compresso, vel aucto motu destructà ejus fabricà (dum cerebro compresso omnis sanguinis per encephalon pellendi impetus ferè tantùm in cerebellum agit) mors sequitur.

§. 268. **Q**UIN & ipsum cerebrum ita læsum, corruptum hinc inflammatione, suppuratione, gangranâ, fungo, hæmorrhagiâ, similia mala (267) parit.

Præcipua malignitas vulnèrum capitis inde pendet, quòd vicinum cerebrum facillè afficiatur: si ergo læsio tanta fuerit, ut ad cerebrum ipsum pertingat, facillè patet, pessima quævis metuenda esse mala. Tota enim humanitas à mollis & pulposi hujus visceris integritate pendet. Interim constat ex Anatomicis & Physiologicis, totum encephalon vasis constare, in quibus ergo compressis, vel læsis, obstructio, inflammatio, omnesque horum morborum sequelæ obtinere poterunt: uti & illa mala omnia, quæ ab extravasatis humoribus premendo, vel ab iisdem corruptis rodendo, excitari poterunt. Observationes autem Chirurgicæ docent, hæc omnia cerebri læsiones secuta fuisse.

Homo acinace vulneratur in parte posteriori capitis cum læsione calvariæ: cùmque in initio ab imperito Chirurgo tractatus fuisset, qui ruditer examinans vulnus, specillum per calvariæ rimam in ipsam cerebri substantiam ad tertiam partem longitudinis specilli adegit; ideo prudentiores postea accedentes Chirurgi noluerunt trepanum adhibere, ne hæc operatio, quæ plurimis salutis fuerat, infamaretur. Post varia symptomata moritur vigesimo tertio die moritur; & aperto cranio deprehenditur abscessus magnus in sinistro cerebri latere, proprio folliculo circumseptus; quo pertuso ingens copia puris fœtidi effluxit (a). *Paræus* (b) testatur, se frequenter observasse, dum cadavera mortuorum ex capitis vulneribus lustraret, ut de vulnere renunciaret ad Judices, ingentem puris copiam, imò ipsius cerebri substantiæ corruptionem. Imò addit aliam Historiam, quæ docet, suppuratione intra calvariæ cavum factâ superflitem tamen fuisse ægrum. Puer caput impegerat pavimento lapideo tam vehementer, ut statim omni sensu privaretur: successit febris, delirium, & alia pessima symptomata. Septimo die ingens sudor accessit, & sternutatio, simulque magna copia puris per os, haeres, & aures effluxit, cum levamine omnium malorum; & sanatus fuit puer.

Mirum Exemplum habetur (c), ubi post lapsum ex alto, læso cranio per foraminulum suturæ sagittali in hærens, exhibet puris facis magna copia; quâ evacuatione per aliquot dies quandoque suppressâ, convellebatur æger sæpius de die; exeunte pure cessabant convulsiones; tandem quinquagesimâ die moritur. In cadavere invenitur lata fissura sex pollices longitudine superans, sed jam coalita; in dura matre nullum viciū apparebat, sed totus lobus sinister cerebri erat suppuratus; dextero ejusdem lobo & cerebello integerrimis.

Plura similia Exempla habentur apud Observatores; hæc sufficient, ut demon-

(a) Scultet. Armamentar. Chirurg. p. 317. (c) Académie des Sciences, l'an 1700. Hist. (b) Liv. X, Chap. xxiii. [p. 56. 57.

stretur, veram suppurationem in ipsa cerebri substantia obtinere posse. Et simul apparet, licet semper admodum periculosa sit suppuratio hic orta, non tamen semper mortem inde sequi.

Ubi autem loco benignæ suppurationis, quæ omne, quod legibus circulationis amplius obedire nequit, separat, gangræna cerebrum ipsum occupat, patet facile, nihil sperandum esse. Tale autem malum cerebri læsiones sequi aliquando, testantur Observata. Miles post gravissimam capitis contusionem sine vulnere, in Nosocomium recipitur, & post novem septimanas, dum nullum amplius dolorem nec aliud malum perciperet, jamque reditum in patriam meditaretur: noctu in lecto subito moritur. In cadavere nulla omnino læsio in calvaria detegitur, sed cerebri substantia, loco percusso subjecta, ad digitum crassitiem, pomi insiar putrefacti, corrupta apparebat, cum enormi, & ad ventriculos anteriores serè penetrante, putredine: levis præterea corruptio piez matris aderat, reliqua omnia apparebant illæsa (a). Dum gravissima capitis vulnera in cerebri substantia penetrantia acceperat homo mense Octobri, moritur post biduum. Ablatis fasciis post mortem teter adeo exibat ex vulneribus odor, ut nullus ferre posset, vel ad cadaver accedere auderet (b.) Tam enormis putredo bidui tempore in sanissimo homine, frigidâ sætis tempestate, nasci potuit!.

Ipsum encephalon corrumpi posse Hippocrates monuit, & vocabulo *εγκεφαλον* usus est, ut hanc corruptionem designaret. Sic dicit: *Cerebro corrupto, alii in tribus diebus, alii in septem moriuntur: has verò si effugerint, servantur.* Quibus autem ex his relictis, os disparatum (disjunctum) repertum fuerit, hi pereunt (c); & in Aphorismis (d) quibus cerebrum fideratum (sideratum) vertunt etiam *εγκεφαλον* est, ii intra tres dies intereunt. Si verò hos effugerint, sani evadunt. In his autem locis indicat, possibilem adhuc esse sanationem, licet encephalon corruptum fuerit. Patebit postea, ipsam cerebri substantiam in fungos protuberantem, posse tolli secando, rodendo, &c, superflite vitâ non tantum, sed & omnibus cerebri functionibus illæsis manentibus postea.

Dictum fuit antea §. 158. n°. 5, discissâ cute, pinguedinem subjectam, æquabili pressione cutis non amplius coercitam, assurgere, & degenerare in carnem, fungosam dictam, in vulneribus. Simile malum in vulneribus capitis obtinet, quando & cranium ipsum, & dura mater percussa sunt. Naturaliter enim calvariæ cavum semper plenissimum est, ut aliquoties jam monitum fuit: ubi ergo cranii & duræ matris vulnere non amplius coercentur contenta, incipiunt protuberare; & quia arteriæ, antequam cerebri substantiam ingrediuntur, tunicas suas crassas elasticas deponunt, ideo impulsu, vi cordis satis propinqui, fluidis minùs resistere possunt, unde dilatantur quàm maximè, & viros tumores faciunt. Et qui præter omnem expectationem citissimè emergunt tales tumores, & postquam ultra vulneris labia externa emiserunt, latissimè expanduntur, in ipso vulnere magis restricti, ideo & à figuræ similitudine, & à subito incremento, fungos cerebri vocaverunt hos tumores. Omnium autem maximi tales fungi nascuntur, si valida febris impetum, & velocitatem liquidi impulsu in vasa cerebri tam facile dilatanda auxerit. Quamdiu autem dura mater adhuc integra est, rarò tales fungi enascuntur: hæc enim mem-

(a) Scultei Armamentar. Chirurg. pag. 107.

(b) Hildan. Observ. Chirurg. Centur. 1. Observat. 15. pag. 103.

(c) Coac. prænot. n°. 188. Charter. Tom.

VII. pag. 861

(d) Aphor. L. Sect. VII. Charter. Tom. IX. part. II. pag. 319.



brana satis firma coerces suppositam cerebri substantiam. Dum verò pia mater simul læsa fuit, longè magis adhuc fungi illi protuberant: nam videmus etiam in cadavere, levi vulnufculo pertusâ piâ matre, illico corticem cerebri per vulnus factum emergere.

• Plurima jam habentur Observata Chirurgica, quibus constat, dissecto cranio & durâ matre, cerebri substantiam in mirabiles tales tumores excrescere: unum alterumve tale Observatum adduxisse sufficit.

Nobili juveni lapidis jactu dextrum bregmatis os frangitur: exit statim ipsa substantia cerebri ad dimidiæ avellanæ magnitudinem: cùmque junior quidam Medicus præsens negaret esse cerebri partem, sed pinguedinem esse diceret, Experimentis probavit *Paræus* (a) prodiisse de vulnere ipsam cerebri substantiam. Docet hoc Exemplum, vulnere læsis cranio & coercentibus cerebrum membranis, citissimè protuberare posse ipsam cerebri mollem fabricam.

Puero quatuordecim annorum globulo ligneo inter ludendum sinistra ossis frontis pars percutitur; mox concidit, bilem vomit, & postea perrexit omnia ferè ingesta evomere. Post binos menses, cùm admodum malè se habere pergeret, cranium trebratur: cum impetu per foramen factum pus erupit. Postea ipsa cerebri substantia incipit emergere, nec potuit coerces; unde filo circumstricto refecabatur: mox similis substantia fungi instar ad trium digitorum altitudinem erupit, iterum simili methodo ablata. Hocque sæpius factum fuit, sic ut fungi omnes refecti pugni magnitudinem æquaverint: tamen postea curatus fuit (b).

Septem annorum puer ex equo delapsus gravi vulnere dextrum bregmatis os læsit. Quinto die fungus excrevit ex cranio pertuso digitum crassus, pollicem longus. Parentes accuratam vulneris inspectionem, & cranii depressi elevationem, noluerunt admittere, & constanter asseruerunt, se malle filium mitiori curâ tractatum mori, quàm incerto cum eventu crudelis operationis molestias subire. Hinc solis exsiccantibus ferè fungum tollere conati fuerunt Medicus & Chirurgus. Mansit sic fungus vix mutatus per tres integros menses; symptomatibus autem pessimis, quæ in initio adfuerant penitus mitigatis, imò ferè integre abolitis, omnes actiones vitales, animales, naturales restituebantur, sic ut corporis habitus augetur, & solidis ludis puer tempus falleret. Circa quarti mensis initium fungus multùm increvit, pulvere tamen ex euphorbio & alumine usto insperfo sublatus fuit; sed intra viginti quatuor horas alius fungus ovi gallinacei magnitudine excrevit, cum exacerbatione omnium malorum. In hoc fungo valida pulsatio arteriarum apparebat, & rudis tractatus sanguinem copiosissimè fudit. Frustra tentatum fuit rodentibus consumere luxuriantem fungum, unde angustior cervicem fungi filo circumducto constrinxit Chirurgus; sed oriebatur pulsatio tam enormis arteriarum in fungo, ut tota ejus moles subilire videretur. Constringendo tamen hæc methodo perrectum fuit, & maxima fungi pars cum intolerabili foetore unâ cum filo decidit. Residuum fungi nigricans, fordidissimum, penitus corruptum horrendo aspectu apparuit: convulsiones, tremores, hemiplegia secuta fuerunt. Tamen post aliquot dies omnes illæ partes fungi corruptæ deciderunt; sed alius fungus cineritii coloris, nucem juglandem magnitudine æquans, indolens, cum pulsu manifesto arteriarum, per fungosam hanc substan-

(a) Lib. X. Cap. xxiii.

(b) Hildan. Observat. Chirurg. Centur. IV.

Observ. III. pag. 287.

tiam disperfarum, ex vulnere emerit, qui post paucos dies sponte subsedit, & ingens hiatus in ipsam substantiam cerebri penetrans apparuit. Post bidduum, unius noctis spatio, totum hoc cavum novo fungo oppletum fuit, & paucis diebus postea, prius opisthotono terribili per bidduum excruciatu, misellus puer, quarto mense post acceptum vulnus finito, moritur: sensus tamen omnes, loquela, & ratiocinium confluxerunt ad vitæ finem usque (a).

Mirabilis hæc Historia docet, fungos tales cerebri ipsius substantiâ vasculosâ, mirum in modum dilatâ, constare, & citò renasci, licet ablati fuerint. In cadavere deprehensum fuit, cerebri corticem in loco vulneris penitus consumtum fuisse, & pure copioso omnia diffuere.

**HÆMORRHAGIA.** Vasa sanguinea triplicis inprimis generis in encephalo solent considerari. 1°. Illæ arteriæ, quæ per duram matrem dispersæ, satis fortes & validæ, & duplicaturâ hujus membranæ defensæ, tutò satis locantur. Arterias autem hic satis insignes esse, docent sulci ab his arteriis cranio impressi. 2°. Vasa sanguinea per piam matrem dispersa, quæ tota vasculosa esse injectionibus Anatomicis demonstrantur. Arteriæ autem illæ, crassis tunicis depositis, antequam piam matrem ingrediuntur, tenerrimæ sunt, hinc faciliùs lædendæ. Simulac verò vasa illa sanguinea ex pia matre in cerebri corticem contiguum pervenerunt, jam non ampliùs sanguinem rubrum habent, sed longè tenuius fluidum. Naturaliter enim in cortice cerebri nihil rubri sanguinis unquam apparet. 3°. Per ipsam medullarem substantiam encephali vasa sanguinea disperguntur, nudo oculo etiam conspicua, quæ blando calore tenerrima flamina medullosa foveant. Similia satis magna etiam medullam oblongatam ambiunt. Et in cavis cerebri ventriculis mirabiles illi processus piæ matris hærent, qui plexus choroidei dicuntur, nulli parti ventriculorum cerebri accreti, sed libere ibi fluctuantes, & toti vasculosi, ut & injectio Anatomica, & sine his nudus oculus etiam docet. In omnibus his locis per vulnera lædi possunt hæc vasa, & sanguinem effundere; & licet causa vulnerans non adeo profundè penetraverit, tamen concussu valido, tenerrima vasa per piam matrem & in cerebri ventriculis, &c, dispersa, poterunt frangi, & effusus sanguis comprimendo encephalon poterit omnes actiones cerebri turbare, imò integre delere; ut innumeris Observatis constat.

Qualicumque demum nunc causa fuerit, quæ cerebrum læserit, vel compresserit, vel denique inflammando, suppurando, putrefaciendo, destruxerit ejus fabricam; poterunt sequi omnia illa mala, quæ §. 267, recensentur, à levissima vertigine ad lethalem apoplexiam usque.

§. 269. **I**D vitii (267) noscitur tactu, visu, ablatis integumentis (259).

In prima deligatione vulnerum capitis omnia hæc sedulò examinanda sunt; quantum fieri potest: symptomata enim, capitis vulnus secuta, sæpe eadem sunt, licet diversæ partes læsæ fuerint. Nam dum cranium intropressum, vel post fracturam intropulsam, comprimit encephalon, poterunt adesse omnes cerebri mor-

(a) Miscell. curios. Decur. II. anno. IX. Observ. CLXXIV. pag. 311.

bi; atque iterum, dum cranio illaeso, fractis vasis, v. gr; piz matris, effusus sanguis contentum premit cerebrum, omnia eadem mala sequi poterunt: sed cum per sensus cognosci possit, an calvaria laesa fuerit, an non; hoc primò explorandum est. Quod fit, si capillitio priùs derafo locus affectus digitis mollissimè undique pertractetur, ut appareat, an convexa calvariae figura mutata fuerit, an non. Magnam tamen in hoc examine cautelam requiri, & tactum saepe fallere posse, dictum fuit §. 255, n°. 7. Si verò tam magna fuerit intropressio calvariae, ut visus foveam impressam faciliè detegat, nullum dubium manet. Et dum ob symptomata vehementiora, discissis integumentis, nudatur calvaria, faciliè detegitur, an tale malum oblineat, an non.

§. 270. **A**BLATIO pungentis; restitutio prementis in statum naturalem, conservatio hujus status, sufficiunt curationi.

Generalis indicatio curationis tribus his continetur. Aliquando enim accidit; fractum cranium & intropulsum acuto fragmento laedere subjectum encephalon; quandoque, obtuso & inprimis rotundo obstaculo dum caput impingitur, orbiculare frustum ex calvaria excutitur, quod intropressum cerebrum comprimit, non autem pungit vel lacerat. Imò aliquando contigit, externà tabulà calvariae illasà, internam tabulam in fragmenta dissiluisse, quae pungendo & lacerando subjectum cerebrum mortem intulerunt. Talem casum refert *Paræus* (a). Nobili viro caput casside armatum globo plumbeo percutitur sic, ut ferreum illud capitis tegumentum intropremeretur; nihil tamen in externa cutè laesum apparebat, nec ulla calvariae intropressio poterat detegi. Sexto tamen die moriebatur apoplecticus. In cadavere apparuit, calvariae tabulam internam, externà licèt integrà, in fragmenta dissiluisse, quae in cerebri substantiam penetraverant. Idem se in alio simili casu vidisse & celeberrimis Archiatriis praesentibus ostendisse dicit. Apparet faciliè difficultas detegendi tale latens malum: ubi autem cognoscitur adesse, summa cum prudentia acutum tale fragmentum extrahendum est; cavendo, ne circumtorquendo, vel fortius movendo, laedatur magis cerebrum. Ubi verò calvaria intropressa vel intropulsa in statum naturalem restituta fuerit, tunc requiritur ut in hoc situ retineatur, & impediatur, ne iterum introcedere faciliè possit. Causa tunc comprimente sublata, aequabilis humorum circuitus per partes jam liberās restituet naturalem usum: Ars in hoc casu tantum in sicut naturalem reducit illa, quae inde deviaverant.

§. 271. **E**RGO detectum cranium (259) molle in pueris, emplastro tenaci elevatur; in adultis, si firmum, elevatorio attollitur; si vacillans cerebrum non sustinet, perforanda juxta fracturam calvaria, ut vecti possit attolli impressum vacillans, juvat sternutatio; & animae retentio.

Rarè deprimitur cranium sine fractura, nisi in junioribus, in quibus mollis

(a) Liv. X. Chap. viiiz,

adhuc ossa facilius cedere possunt sine ruptura. Ut autem eleveur cranium sic intropressum, excogitaverunt Chirurgi hanc methodum, ut sursum perpendiculariter tractis integumentis os intropressum eleveur. In juniori enim aetate pericranium firmissimè ossibus adhæret, vasis in omni puncto emissis & receptis: procedente verò ætate, plurima talia vasa sensim obliterantur, unde observatur in summo senio minor cohesio periostei cum ossibus. Cum ergo in junioribus firma adhesio pericranii & ossium flexilitas magnam spem faciant, sic elevari posse depressum cranium, hæc methodus tentanda erit, antequam ad operisiora Artis molimina procedatur: saltem nunquam nocebit hoc prius tentasse. Duplici autem modo hoc fit. Vel enim loco affecto imponitur cucurbita, quæ, ubi firmiter adhæret, subito perpendiculariter sursum avellitur: sic magnâ vi trahuntur sursum omnia integumenta, & simul elevari poterit intropressum cranium (a). Vel cuti in loco affecto applicatur tenax emplastrum ex pice, vel alio quocumque, quod firmiter adhærere possit; & monet *Hildanus* (b) capillos non omnino abrādendos esse, ut magis hæreat emplastrum; & simul voluit emplastri magnitudinem non debere esse tantam, ut totum locum intropressum tegat, sed tantum tertiam circiter ejus partem, sic enim tora vis, dum elevatur emplastrum, loco intropressio applicabitur. Simul debet per medium emplastrum funiculus transire, quo prehensio possit perpendiculariter sursum trahere emplastrum Chirurgus, postquam prius firmissimè loco affecto adhæsit.

Ubi verò frustra tentata fuit hæc methodus, vel in adultis nulla spes est, posse sic restitui calvarie depressionem; tunc dissectis integumentis nudato ossi applicant illa instrumenta, quæ elevatoria dicuntur. Varia talia habentur descripta apud Auctores Chirurgicos, & omnium optima videntur illa, quæ spiralem terebram habent; quæ leniter circumtorquendo suspensâ manu medio centro loci depressi infigitur, & deinde, ubi hæret satis firmiter, sursum trahitur unâ cum cranio intropresso. Varia talia instrumenta delineantur, illorumque usus indicatur apud *Hildanum* (c), *Scultetum* (d), *Paræum* (e), &c. Imò *Hildanus* ibidem narrat, dexterrimum Chirurgum, dum aliis instrumentis careret, felicissimò successu adhibuisse spiralem terebram, quâ doliarum utuntur, & rudi hoc instrumento non tantum elevasse depressum cranium, sed & fragmenta nonnulla extraxisse.

Quamvis autem suspensâ manu infigatur loco depresso talis terebra, tamen aliqua pressio requiritur, ut applicari possit: hinc, si vacillet os depressum, periculum foret, ne profundius descendens cerebrum pessimè læderet. In tali casu aliâ opus est methodo: si rima tam patula adsit, ut vectis intromitti possit, tunc sic elevatur os depressum, curando ut vectis hypomochlium firmæ calvarie innitatur. Ubi verò non patet talis vectis aditus, ut depresso ossi submitti possit, per Artem faciendâ via est. Excinditur tunc trepani modio juxta locum fractum & depressum foramen, per quod immisso vecte os depressum elevari poterit; & si unum tale sufficere non videatur, plura similia excindenda forent. In maxima cranii depressione septies modiolis cranium in depressionis circumferentia perforare se coactum.

(a) Ambroise Paré Livre X. Chapit. v.  
Hildan. Observat. Chirurg. Centur. II. Observ.  
V. pag. 83.

(b) Ibid. pag. 83. & 84.

(c) Observ. Chirurg. Centur. II. Observat.  
IV. pag. 80. 81. 82. 83.

(d) Armamentar. Chirurg. Tab. III. pag. 28.

(e) Livre X. Chap. v.

fuisse fatetur *Scultetus* (a) & deinde foraminum interstitia forfice excindere debuit, ut tolleretur os depressum, quod elevare non poterat. Et quamvis tantum decimo sexto post acceptum vulnus die tant periculosa institueretur operatio perfectissimè tamen homo sanatus fuit; sic ut octo circiter septimanis post hæc peracta, militare munus suum iterum potuerit obire.

**JUVAT STERNUTATIO ET ANIMÆ RETENTIO.** In sternutatione sentitur levissima & grata titillatio circa nares, vel & aliquando simile quid percipitur circa præcordia: simulac alterutrum vel utrumque ex his sentitur, homo cogitur suspendere omnes actiones corporis, & expectare, quid futurum sit; momento post ingens convulsio omnium musculorum expirationi inservientium sic cum impetu non coercendo, & subitissimè contractus pulmo omnem aerem contentum expellit sonoro cum sibilo. Illo ergo momento, dum validissima illa exspiratio fit, sanguis per pulmonem transire nequit; hinc sanguis venosus à capite rediens impeditur, quominus se libere in cor dextrum evacuet, unde distenduntur omnia encephali vasa, simulque validissimo hoc concussu arteriosi sanguinis impetus augeatur; sicque à binis his concurrentibus causis factis validè distenditur totius encephali moles. Rem autem sic se habere patet, quia repetitâ sternutatione incipiunt vacillare omnes sensus & motus musculares, turget facies, lacrymæ exprimuntur, nasus stillat; imò si frequentius recurat, sæpe omnes cerebri functiones mirificè turbantur. Dum verò anima retinetur, sanguinis transitus per pulmonem, retento aere & per calorem dilatato compressum, pariter impeditur; unde venæ jugulares se evacuare non possunt, & hinc omnia eadem fiunt, quæ in sternutatione dicta fuerunt, cum hac tamen differentia, quòd tempore inter binas sternutationes mediolibet iterum fiat transitus sanguinis per pulmonem; quamdiu autem anima retinetur, augeatur omni momento pulmonis compressio, aere retento in pulmone, morâ plùs calefacto, & dilatato. Si ergo ossa adhuc flexilia fuerint in junioribus, vel in adultis sic soluta, ut levi vi mobilia sint, turgens retento sanguine encephalon poterit elevare depressam cranii partem, vel saltem adjuvare hanc elevationem, dum aliâ methodo tentatur.

Neque adeo levem esse hanc vim, quâ distentum encephalon urget coercentem calvariâ, docuit mirabilis casus. Puellæ tredecim annorum, tegulis ex scissili lapide factis (*leyen*) ex altissimâ domûs tecto in caput delapsis, adeo magna fiebat impressio calvariæ, in loco ubi futura sagittalis cum coronali concurrat, ut quatuor pollices æquaret diameter loci læsi. Cùm pessima symptomata urgerent, præmissâ venæsectione, statim applicabatur trepanum; dùmque tentaret peritissimus Chirurgus elevare depressâ calvariæ frusta, invenit omnia sic separata esse à vicinis, ut tolli debuerint. Sic ingens hiatus patebat, tam magnâ parte calvariæ ablata; felix tamen tanti vulneris cura trimestri spatio perfecta fuit. Debiliior tamen locus laminâ plumbeâ defendebatur, quam per binos menses gessit hæc puella postquam neglexit, nihil ampliùs mali metuens; sicque per septem adhuc menses sana vixit. Malâ fortunâ correpta fuit tussi convulsivâ tunc epidemicâ, quæ tanta cum vehementia miseram hanc puellam in lecto de nocte decubentem exagitant, ut cicatrix sanati vulneris dilaceraretur, & ultra binas uncias ipsius cerebri substantiæ exprimeretur de vulnere: statim paralytica facta fuit omnibus suis mem-

(a) *Armament, Chirurg. Observat.* VII. pag. 128.

bris loquelâ tamen & ratiocinio manentibus integris, & quintâ die post triste hoc infortunium perit (a). Satis notum est, molestissima illa tussis sic impediri omnem sanguinis transitum per pulmonem; ut horrendo spectaculo livescat, imò nigrescat sæpe tota facies sic affectorum, cum nihil sanguinis venosi ab externis, æquè ac internis capitis partibus, cor dextrum, ob convulsos pulmones plenissimum, ingredi possit, pergente interim corde sinistro urgere sanguinem per arterias. Unde distentissima encephali moles disrumpit cicatricem vulneris jam per novem menses sanati: Atque hinc patet, quantâ efficacîâ distenta encephali vasa urgeant calvariam.

§. 272. **I**N situ tenetur cavendo pressionem externam aptâ deligatione.

Altera pars indicationis curatoriz §. 270 descriptæ, erat, ut pars intropressâ; jam restituta in statum naturalem, sic conservaretur. Hoc autem satis facîle fieri poterit, modò tantùm præcaveatur, ne aliqua pressio externa in hunc locum agere possit. Tota enim moles encephali, calvariz cavum naturaliter semper replens, à comprimente parte calvariz intropressæ libera, assurgit, & sustinebit restitutum os, ne propriâ gravitate iterum demergatur. Unde non videtur hic opus esse magno molimine, nec instrumentis, ut restitutum os in situ retineatur. Apud *Hildanum* (b) delineatur instrumentum, quò restituti ossis subsidentiam præcavere nititur. Spiralis nempe terebra cranio insigitur, quæ in parte superiori variis foraminibus perforatur, per quæ stylus ferreus transmitti posset variâ altitudine, ut hujus styli transversâ cranio incumbentis ope sustineri posset vacillans ossis pars, voluitque splenis suppositis utrique styli extremitati in omni calvariz loco hoc fieri posse. Apparet facîle; molestum esse, tamdiu terebram hanc calvariz infixam relinquere; & ex modò dictis patuit, hoc minimè necessarium esse. Sufficit ex charta vel linteo contorto, ut alio simili quocumque corpore, annulum facere, paulò majorem loco affecto, illûmq; aptâ deligatione sic firmare, ut immobilis hæreat, totûmq; locum affectum suo ambitu contineat. Sic cavebitur, ne ligatura capiti circumducta locum affectum premere possit; neque, dum in somno pulvinaribus vel aliis obstaculis allideret caput vulneratus, poterit comprimi locus læsus.

§. 273. **F**ISSO, fracto; contusove cranio; si arteriz, venæ; lymphatica vasa sub cranio rupta effuderint suos humores, hi pre-mendo cerebrum producunt mala (267); tum putrescendo in pus, ichorémve, inficiunt tenerrima vicina cerebri, unde rursum similia. Hæc vasa ex cranio in duram, ex hac in piam, inde in cerebrum, sinus, ventriculos, decurrentia, variis locis, varia periculo & sanatione damna producunt.

Si tanto cum impetu causa vulnerans capiti fuerit applicata, ut durum calvaria

(a) Medical Essays, Tom. II. pag. 245. 249. | (b) Obserr. Chirurg. Centure, II. Obserr. IV. pag. 82.

os findere, frangere, vel & validâ contusione lædere poterit; patet facillè, summum esse metum, ne vasa sanguinea, vel & alia, quæ tenuioribus liquidis replentur, per cerebri membranas, vel ipsam ejus substantiam ubique dispersa, frangantur; & his fractis, effusi humores, collecti sub cranio, comprimant contentum encephalon. Ut enim jam aliquoties dictum fuit, totum calvariæ cavum semper exactissimè plenum est; hinc non possunt effusi humores hic colligi, quin fiat ab iisdem compressio contenti encephali. Omnia ergo illa mala, quæ ab hac compressione fiunt, & numerata fuerunt §. 267, metuenda sunt. Nihil enim refert, hoc respectu, quænam sit causa comprimens: five cranii figurâ mutatâ minuatür ejus cavum, five humores effusi, manente eadem calvariæ amplitudine, spatium occupent, quod antea à solo encephalo replebatur exactissimè; effectus semper erit idem, nempe turbatio, vel abolitio functionum encephali, compressâ ejus substantiâ.

Vasa sanguinea, quæ per duram matrem disperguntur, satis firma sunt, tunicis nempe callosis instructa, uti in reliquo ferè toto corpore, unde difficillius franguntur. Sed si consideretur, duram matrem ubique calvariæ firmiter adhærere, facillè patet, causâ vulnerantis impetum, in calvariam agentem, substantiæ continuitate quasi, faciliùs communicari duræ matri: accedit, quòd fissâ vel fractâ calvariâ, summum periculum sit, ne adhærens dura mater simul laceretur, vel à fragmentis ossis acutis vulneretur: Vasa autem sanguinea, satis magna, per piam matrem, ipsamque medullarem substantiam dispersa, tenerima sunt, (depositis nempe callosis tunicis suis huc perveniunt, uti ex Physiologicis constat) hinc faciliùs rumpi poterunt, licet tutiùs recondantur.

Præterea humores fractis vasis effusi, stagnantes, spontaneâ degeneratione corrumperentur; & acres facti terribilissimam encephali pulsam inflammando, suppurando, rodendo, destruent: unde iterum omnia eadem mala nascuntur, quæ à compressione fieri observata fuerant, sed longè pejora; quia ablata causâ comprimente spes erat restitui posse functionum integritatem; destructâ verò ipsâ organi fabricâ, erosissimis vasis, immedicabile malum est. Ab effusis autem & corruptis humoribus talia mala fieri, constat ex illis, quæ dicta sunt in *Commentariis* §. 170. n°. 1. *lit. ß*, & §. 268.

Ex his etiam patet, gravissima capitis vulnera, dum fractâ calvariâ exitus patet effusis humoribus, sæpe minùs periculosa esse, quàm ubi leviori vulnere sub calvaria effusi humores retinentur. Vide *Commentaria* §. 265.

Arterias autem, venâsque sanguineas ruptas, sanguinem effudisse sub calvaria, nemo dubitat; & ab hoc sanguine effuso, encephalon comprimente, orta fuisse omnia illa mala recensita, constat certissimis Observatis. An verò lymphatica vasa, per encephali fabricam dispersa, à similibus causis rupta, tantâ copiâ lympham fundere possint, ut ab hac lymphâ collectâ comprimatür encephalon, magis dubium videri posset; cùm hæc vasa tam exigua sint, & rariùs accidat, quòd, integris manentibus vasis sanguineis per encephalon dispersis, sola lymphatica rupta fuerint. Talia tamen vasa adesse, quæ tenuissimam lympham vehunt, satis constat. Tota superficies duræ matris, quæ piæ matri accumbit, semper humida apparet; uti & tota externa encephali superficies: ventriculorum cerebri omnis ambitus tenuissimo tali liquido madet, quod nisi adesset, contiguæ superficies partium prævi concrescerent inter se. Illud tenuissimum fluidum, continuè halitus formâ per

tenerima vascula expulsum, nisi resorbeatur venulis, accumulatur, & omnes cerebri morbos producere poterit; uti Observata plurima apud Auctores docent, lympham talem collectam fuisse inter duram matrem & cerebrum, inter piam matrem & arachnoideam ipsi actumbentem, in ipsis cerebri ventriculis, &c. Observatum enim fuit, omnem ventriculorum cerebri superficiem tegi membranâ tenerimâ, quæ injectionibus Anatomicis, & per inflammationem hinc natam, vasculosa esse de- tegitur (a). Sed hæc vascula naturaliter tenuem lympham, non verò rubrum sanguinem, continent. Præterea vasa lymphatica vulgò Anatomicis dicta, quæ semper venosa sunt, hic pariter inventa fuerunt, & à *Ridley* delineata (b). Cum ergo & in aliis corporis partibus vulneratis aliquando sequatur incredibilis lymphæ tenuis affluxus, videtur & idem in encephalo obtinere posse; illudque Observatis Medicis confirmatur. Puer septennis, baculo caput percussus, post cephalalgias, vigiliis, somnolentiam, vertiginem, &c, vigesimo sexto die moritur. Ventriculi anteriores cerebri inveniebantur sero limpidiſſimo distenti (c). Illustriſſimus Princeps ex alto delapsus capitis sinistram partem tam validè gradibus allidit, ut feminis sine sensu, motu, loquelâ jaceret per integrum serè diem; venæsectione institutâ, parum ad se rediit. Ingens dein oritur capitis dolor, diès noctesque torquens inmaniter, omnémque somnum impediens. Communi Medicorum pericissimorum consilio trepanum adhibendum esse conclusum fuit; dumque illud jamjam applicandum esset, incipit serofus latex ex aure sinistra extillare, & pergit ille effluxus, donec octo libræ sic prodirent (d). Plura similia habentur Observata; sed tamen in omnibus illis casibus notabili temporis intervallo post vulnus inflictum talis lymphæ inventa fuit in cerebro, vel effluxit per aures, &c; unde adhuc aliquod dubium manet, an à ruptura vasorum lymphaticorum, an verò alia de causâ hujus lymphæ accumulatio facta fuerit.

HÆC VASA EX CRANIO IN DURAM, &c. Prout jam liquida, fractis vasis effusa, hæserint in variis locis encephali, poterunt comprimendo, vel rodendo, lædere diversas functiones. Sic v. gr; dum effusi in ventriculis cerebri humores ad quartum ventriculum perveniunt, qui initium est rimæ decurrentis per totam longitudinem spinalis medullæ; poterunt hæc viâ delabi, varias paralyses particulares, hemiplegiam, &c. producere. Cæteris autem paribus, semper erit eò pejus malum, & difficilius curandum, quò profundius hæserint humores extravasati. Sanguis enim collectus inter cranium & duram matrem, perforatâ calvariâ statim exi- bit; si inter duram matrem & piam hæserit, non nisi pertusâ durâ matre educti poterit. Si in ipsis ventriculis cerebri, vel & circa basim calvarię hæreant effusi humores, patet facilitè summum discrimen & curæ difficultas; quæ sæpe etiam omnino impossibilis est, dum nequit exitus consiliari per Artem effusis liquidis encephalon comprimentibus.

274. **C**ONCUSSUS validus capitis, integro saepe cranio; eadem (273) facit rumpendo, comprimendo.

Aliquando accidit, lapsu ex alto, vel capitis validâ contusione obtuso instruo

(a) Winslow Exposition Anatomique, pag. 183.  
(b) Ridley Anat. Cereb. F. V. l. XLIV.  
(c) Bohnius de renunciat. vulner. pag. 183.  
(d) Miscell. curios. Decur. I. ann. VI. Observ. XII, pag. 22.



mento factâ, integro cranio, sic lædi cerebrum, ut omnia sequantur mala, quæ hæcenus enumerata fuerunt. Dum enim v. gr; quis ex alto delapsus duro impingit obstaculo, cerebrum calvariâ contentum eadem velocitate deorsum fertur; sed obstaculum resistens calvariæ motum sistit primò, unde cerebri moles, adhuc illo momento priorem motûs directionem habens, validè poterit allidi ad duram calvariâ, & sic insigniter lædi: eodem modo, ac dum quis navi vehitur, & obstaculum occurrens navis motum sistat, perget moveri antroorsum, & cadet. Verum quidem est, cùm encephalon calvariâ exactè repleat, multum minui hujus impulsûs vehementiam; tamen inde posse frangi vasa encephali, humores effundi, & omnia, quæ inde pendent, mala sequi, docent Observata Medica. *Pulchra erat virgo, Nerii filia; erat quidem annorum viginti. Verùm ab amica muliercula ludente, latè manu in sinciput percussa est, ac tunc sanè tenebrosâ vertigine pre-hensa est, non spirabat; quàmque domum pervenisset, eam illico febris prehendit, & capitis dolor vexavit, & faciem ruber colorabat. Septimo die ad aurem dextram pus graveolens aliquantulum rubrum, cyatho amplius prodit; meliùsque habere videbatur, ac levata est. . . . . nono interiit (a)* Facile apparet, levi tali percussione, latè manu factâ, calvariâ aut intropressam minime fuisse; sed ipsum encephalon sic fuisse læsum, ut fractis vasis effusi humores in fœtidum, subrubellum ichorem degeneraverint, & tandem mors ipsa secuta fuerit. Plurima similia apud recentiores Observatores habentur Exempla, quibus constat, illæso cranio posse tamen validâ capitis percussione sic lædi encephalon, ut fractis vasis majoribus, & sanguine effuso intra calvariæ cavum, mors sequatur. Unicum tale adduxisse sufficiet. Puellæ sedecim annorum, ex lapsu quarto die defunctæ, cadaver lustravit *Bohnus (b)*, ut de mortis causâ renunciaret ad Judices: & licet post lapsum viventis adhuc puellæ ex ore & naribus copiosus manasset cruor, ac post mortem adhuc manare pergeret, nihil omnino violenti effectûs in capite observabatur. Apertâ calvariâ, & elevato cerebro, carotidum ramus sinister anterior ruptus inveniebatur. Docet hoc Exemplum, magnam arteriam, tutè sub ipsâ basi cerebri reconditam, solo concussu tali, calvariâ illæsâ posse rumpi: unde apparet, simile malum reliquis encephali vasis accidere posse. Cùm autem constat ex Physiologicis, arterias per piam matrem dispersas, simulac corticem cerebri ingrediuntur, in tomentosam tenuitatem abire, & vasculis his tenerimis corticalibus continuari medullosas fibras minimas, facile patet, valido tali concussu posse frangi vel comprimi tenerima illa encephali stamina, unde vita & humanitas pendent: atque inde varia læsio, vel & abolitio omnium encephali functionum, sequi possunt, licet nulla læsio, ac humorum effusio, intra cavum calvariæ detegatur: omnem enim sensum hæc minutissima fugiunt. Juvenis robustus, ut evitaret rotæ supplicium, in carcere prono capite, manibus post tergum reiectis, tantâ vi impegit in parietem validissimo cursu, ut illico conciderit mortuus, nullo verbo vel clamore edito. Dum cadaver lustrabatur, nulla contusio, nullus tumor, nulla fractura apparebant in capitis vertice, quo impegerat in parietem, uti testabantur alii eodem loco inclusi. Integumentis omnibus ablatiis, in illorum parte interiori, quâ calvariæ accumbunt, nulla læsio apparebat, neque in ipsâ calvaria, præterquam quòd pars squamosa ossis temporum parum feculifera

(a) Hippocr. Epid. Lib. V. textu XXXII. (b) De Renunciât. vulner. pag. 174. Charter. Tom. IX. pag. 344.

set ab offe bregmatis, cui incumbit; tamen inde nullo modo tam subita mors sequi poterat. Serrâ discisso cranio nullum omnino damnum apparebat, sed encephalon non replebat exactè calvariae cavum, ut solet, & totius encephali substantia firmior & solidior apparebat, quàm aliter observatur (a). Patet ex hac Historia, subitam mortem, validam capitis percussione talem secutam, tantùm adscribi potuisse huic encephali totius subsidentiæ, per quam tenerrima illa stamina vel fracta fuerunt, vel sic intorta aut complicata, ut non ampliùs pervia manserint subtilissimis totius corporis liquidis.

Simul etiam colligitur ex dictis, diversas posse functiones encephali lædi, prout variae partes hujus organi tali concussione læsæ fuerint. Hippocrates dixit (b), Quibus cerebrum occasione aliquâ concussum fuerit, eos quàm primùm voce privari necesse est; & alibi (c), addidit, talem neque videre, neque audire necesse est. Et Heurnius in Commentariis suis ad hunc Aphorismum (d) dicit, se novisse quosdam, qui cùm in occiput lapsi fuissent, totâ vitâ gustum & odoratum amiserint. Quatuor annorum puer, sine ulla difficultate loquens, de scamno in caput decidit; nullum omnino observatur damnum; tertio die surgens puer incipit balbutire, cæterum sanus; sequentibus diebus augetur malum; deinde fomentis cephalicis capiti applicatis, aliisque quibusdam remediis interne datis, rediit loquelæ integritas (e). Homini quidam post capitis percussione per plures annos mansit summa difficultas loquendi, quando decumberet (f). Neque tantum talis cerebri concussio fit, percusso capite; verùm etiam accidere poterit, dum quis ex alto delapsus aliis corporis partibus impperit. Tale Exemplum habetur apud Galenum (g) de homine; qui ex alto delapsus dorsi initium terræ impperat; tertio die postea exiguum vocem emisit, quartâ omnino obmutuit, & resoluta simul fuerunt crura, manibus omnino illæsis, &c: septimâ die redierunt vox & crurum motus. Galenus quidem solius spinalis medullæ affectionem hic culpavit; sed cùm paralytis solos inferiores artus occupaverit, faciliè patet, spinalis medullæ initium non fuisse læsum, aliter & manus paralyticæ fuissent. Unde vocis ablatio in hoc casu cerebri concussioni potius videtur adscribenda esse.

§. 275. **C**OGNOSCUNTUR mala hæc (273. 274.) ex nota causa; ejus impetu; loco excipiente; vomitu bilioso; visu; auditu, olfactu, gustu, tactu minutis, depravatis, sublatis; vertigine, caligine, lapsu; sopore; stertore; resolutione; convulsione; delirio; lethargo; apoplexiâ; horripilatione; febre geminatâ; cruore per os, nares, aures effluente; rubore faciei & oculorum.

Agitur hæc paragrapho de signis, per quæ cognosci potest, effusos humores

(a) Académ. des Sciences l'an 1705. Histoir.

re, pag. 68. 69.

(b) Aphor. LVIII. Sect. VII. Charter. Tom.

IX. Part. II. pag. 325.

(c) De Morbis Lib. I. Cap. 2. Charter. Tom.

VII. pag. 533.

(d) Pag. 504.

(e) Miscell. curios. Dec. I. ann. II. Observ. CXX. pag. 198.

(f) Académ. des Sciences, l'an 1732. Hist. pag. 421.

(g) De Locis affectis Lib. I. Cap. VI. Charter. Tom. VII. pag. 325.

sub cranio premendo, vel rodendo acrimoniâ stagnando acquisitâ, encephalon lædere; vel etiam concussione sic mutatam esse tenerrimi hujus organi fabricam, ut ejus functiones inde turbentur, vel deleantur.

EX NOTA CAUSA, EJUS IMPETU, LOCO EXCIPIENTE. Omnia enim hæc, si cognita fuerint, magnam lucem affundunt latentium malorum inquisitioni. Obutium enim instrumentum vulnerans, valido impetu capiti impactum, semper metum facit fissuræ vel fracturæ cranii. Prout jam vario loco capitis, læsio facta fuerit, iterum majus minûsve periculum erit. Quibusdam enim in locis calvaria tenuissima est, aliis locis longè crassior. Satls notabiles arteriæ duræ matris in profundis sulcis calvariæ hærent in certis locis, unde causa lædens, his locis applicata, facillè frangere poterit hæc vasa, & effusus sanguis comprimere encephalon.

VOMITU BILIOSO. Ille enim vulnera capitis sequens, ferè semper malè affectum cerebrum designat; siue ab effusis humoribus compressum fuerit, siue concussione validâ turbata fuerit ejus actio. De hoc vomitu autem dictum fuit §. 267.

VISU, AUDITU, OLFACTU, GUSTU, TACTU MINUTIS, DEPRAYATIS, SUBLATIS. Constat ex Physiologicis, cerebri integritatem requiri, & liberum commercium inter cerebrum & nervos his sensibus inservientes, ut fiat perceptio idearum, quæ per sensus externos menti representantur. Unde patet evidenter, si post vulnera capitis minuatur, aut depravetur, vel & integre aboleatur horum omnium, vel quorundam tantùm actio, cerebrum sic affectum esse, ut origo nervorum, his sensibus inservientium, compressa, vel alio quocumque modo læsa, non ampliùs transmittat subtilissimos spiritus cerebri fabricæ secretos, & ad sensum integritatem requisitos.

VERTIGINE, CALIGINE, LAPSU. Dictum fuit in *Commentariis* §. 267, levissimum cerebri morbum esse vertiginem, siue apparentem rotationem corporum vicinorum; ubi verbè augetur malum, tunc simul tenebras apparere, & vocatur tunc vertigo tenebricosa; simul sic resolvitur tunc omne corporis robur ut incipiant vacillare omnia membra, & tandem cadat homo. Illud autem designat quòd non tantùm illa pars sensorii communis affecta sit, quæ nervis sentientibus originem dat, sed etiam malum pertigerit ad illa loca, unde nervi, motibus muscularibus inservientes, oriuntur. Unde in loco allegato in *Commentariis* §. 240, n<sup>o</sup>. 4, *Hippocrates* signa enumerans, quibus cognoscitur, an aliquis graviter capite vulneratus fuerit, tria hæc conjungit, tenebras circumfusas, vertiginem, lapsum. Et alibi (a) monet, quòd in omnibus alicujus momenti capitis vulneribus rogare oporteat, *an conciderit homo, aut an in soporem alioreum collapsus sit. Si enim horum quidpiam factum fuerit, ampliore custodiâ opus habet.* Rationem dein addit, non quòd hæc designent semper cerebrum ipsum vulnere læsum esse, sed simpliciter, quòd encephalon vulnus tunc *perceperis* (τὸ ἐγκέφαλον ἰσχυρότατος τὸ τραύματος)

SOPORE, STERTORE. In locis citatis inter mala signa semper profundus sopor numerabatur; si verbè simul stertor accesserit, pessimum est, quando nempe toto prostrant pectore somnum, ut in apoplecticis fit; tuncque designat,

per vulnus omnes actiones cerebri deletas esse; solas autem cerebelli functiones integras mansisse, imò plerumque auctas, dum, libero humorum transitu per cerebrum impedito, tantò fortior & velocior liquidorum tractio per cerebelli fabricam fit.

**RESOLUTIONE, CONVULSIONE.** Cum à cerebri integritate pendeat exercitium muscularis motus, quatenus voluntatis imperio subiacet; hinc ejus læsione poterunt omnes, vel aliqui muscoli corporis paralytici fieri; & quia tunc muscoli sic affecti flaccidi & penduli sunt, hinc dicuntur resoluti. Ubi autem musculi voluntarii violenta & alternè repetens contractio fit, sed invita, tunc convulsio adesse dicitur, quæ plerumque tunc oritur in hoc casu, quando per quædam loca cerebri manet libera spirituum transmissio, per alia verò impeditur. Potest etiam hoc malum à spinis ossibus, pungentibus medullarem cerebri substantiam, vel à humoribus effusis, acris factis & rodentibus, &c. excitari. Utrumque hoc malum semper cerebrum affectum in vulneribus capitis designat.

**DELIRIO.** Quando nempe idem excitare in mente non respondent objectis externis, sed ab interna sensorii communis mutatione oriri ducunt, tunc dicitur homo delirare: unde apparet, in vulneribus capitis delirium semper malum signum esse, quia designat cerebrum ipsum affectum esse. Quod etiam monuerat Hippocrates in locis allegatis in *Commentario* ad §. 267.

**LETARGO.** Otiosa quasi oblivio dicitur hoc malum quod motum & sensum tollit cum inexpugnabili necessitate dormiendi, ita tamen, ut sic decumbentes omnibus illis, quæ validissimè sensus afficiunt, adhuc excitari possint; sed mox iterum, in seminum relabantur. Unde cerebri functiones omnes maximè impeditas designat hoc malum, ideòque semper magnum periculum denotat.

**APOPLEXIA.** Omnia, quæ hæcenus enumerata fuerunt, symptomata docebant cerebrum affectum esse quidem, sic ut quædam ejus functiones depravate vel abolite fuerint: ubi verò omnes omnino cerebri actiones silent, omnes sensus interni & externi, motusque voluntarii, cessant, supersit solà actio cerebelli, quod vitalibus motibus inservit, tunc apoplexia adesse dicitur, quæ summus cerebri morbus est, & plerumque in capitis vulneribus ab effusis humoribus compressum esse cerebrum indicat.

**HORRIPULATIONE.** Quæ sæpe semper designat in hoc casu sanguinem ruptis vasibus exire; præsertim si sine ordine recurat, neque febrem incipientem comitetur. Videmus etiam frequenter in morbis, magnas mutationes secuturas, horripulationem talem præcedere; unde in vulneribus capitis semper illa horripulatio suspecta est, cum designet intima quasi sensorii communis perturbari, unde tales concussus in toto corpore sunt.

**FEBRE GEMINATA.** Dictum fuit §. 158, n.º 6, omni vulnere alicujus momenti illo tempore, dum pus fit, levem adesse febriculam; quæ ergo nihil funestè designat; sed ubi hæc febricula subito augetur, vel postquam hæc cessaverit, nova & vehemens febris insurgit semper designat, magnum latere malum. Monuit ideo Hippocrates (a): Quibus cerebrum vulneratur, febris plerumque ac bilis vomitus accedit, & corporis sideratio, atque tales perniciosè habent. Et in Prorethetis (loco allegato §. 240, n.º 4.) dicit, optimum quidem esse, si capite

(a) COAC. PRÆNOT. n.º 900, Chartæ. Tom. VIII, pag. 881.

vulneratus non febricitet, &c. Si verò quid horum apparuerit, securissimum est, ut in principio fiat . . . at incipere febrem in capitis vulnere quartâ die, aut septimâ, aut undecimâ, valde lethale est. Talis enim febris novam inflammationem aut validam suppurationem, hic adeo periculosam, designat. Unde & in illa Historia, quæ ex Hippocratis libro quinto Epidemiorum præcedenti paragrapho allegata fuit, talem febrem geminam pessima symptomata & mors ipsa secuta sunt. Puella enim illa, leviter manûs palmâ sinipit percussa, statim quidem febricitavit; sed dum septimo die pus graveolens subrubrum cum levamine effluxisset, rursus increfcente febre in soporem deferebatur, neque loqui poterat; faciei pars dextra contrahebatur, spirandi difficultas aderat, & cum tremore convulsio, & lingua detinebatur, & oculus stupefactus est. Nono interiit. Dum examinantur Historiæ vulnerum capitis apud Observatores, plurima talia occurrunt Exempla, quæ docent, febrem sic subitò post aliquot dies increfcentem, vel & de novo ortam, mali fuisse ominis; & sæpe semper, encephalon læsum vel compressum fuisse.

CRUORE PER OS, NARES, AURES, EFFLUENTE. Non videtur sanguis sub calvaria effusus per has vias exire posse, cum dura mater adeo accuratè omnem internam cranii superficiem investiat, ut nullus detur exitus. Verum quidem est, quòd constet Observatis Medicis, sæpe chronica capitis mala levata fuisse, dum per has vias exierint humores, quod notavit Hippocrates (a) dicens: *Capite dolenti ac vehementer laboranti, pus, aut aqua, aut sanguis per nares, vel os, vel aures effluens, morbum solvit.* Nondum tamen per Anatomen hodie cognitam detectæ sunt illæ viæ, per quas humores calvariæ cavo contenti sic exire possent; fortè per morbum factæ fuerunt, licèt naturaliter non præexistenter. Sic & in aliis morbis tales exitus humorum observantur, licèt hæcenus lateant viæ. Pleuritis enim sic sputis, per pulmonem eductis, solvitur, &c. Certè si tam facilis foret exitus sanguini sub calvaria effuso, non indigeremus cranii perturbatione; quam tamen tot Experimentis necessariam & utilem fuisse constat. Sed sanguis per os, nares, vel aures effluens, denotat maximo impetu causam vulnerantem caput percussisse; cum arteriæ potuerint frangi per hanc vim: ideoque summus metus est, etiam illa vasa sanguinea quæ per encephalon decurrunt, tunicis callosis suis orbata, rupta esse.

RUBORE FACIEI ET OCULORUM. Sanguis ex corde per arterias carotides pulsus, partim ad interiora capitis per internas dictas carotides pergit, partim per externas carotides distribuitur, quæ faciei & externis capitis partibus prospiciunt. Ubi ergo, effuso sanguine cerebrum comprimente, liber trajectory humorum per cerebrum impeditur, tantò majori copiâ per carotides externas fereatur; unde facies magis rubicunda, tensa & florida apparebit. Et quia carotis interna, postquam ex canali osseo, per quem transmittitur, emergit, ramos dat, qui ac oculi orbitam, ipsamque oculum tendunt, ibique cum externæ carotidis ramis communicant; ideo impedito libero transfluxu sanguinis per cerebri vasa, oculi imprimis rubent, quia statim major copia sanguinis per ramos illos carotidis internæ, qui ad oculos tendunt, derivatur. Ideo faciei & oculorum rubor tam suspectum signum dat in omnibus capitis morbis. Fortissimâ apoplexiâ decumbentes turgidam, inflatam, & rubicundam faciem habent. In phrenitici floridus ille vultus adeo damnabatur ab Hippocrate. Et in puella illa, cujus Historia ex Hippoc.

(a) Aphor. 10. Sect. VI. Charac. Tom. IX. Part. II. pag. 253.

erate habetur præcedenti paragrapho, & quæ à levi capitis percussione perit, adeat faciei rubor. Pluribus in locis apud Hippocratem damnatur oculorum rubor, & facies illa florida. Sic (a) dicit: *Qui capite dolent, stupore correpti, delirantes, alvo suppressâ, oculo ferociente, floridi, hi opisthotono corripiantur.* In quo loco per ferocem illum adspectum turgentibus oculi & sanguine suffusi, uti in summa iracundia fit, intelliguntur. Et in subsequente sententia addit (b) *Capitis succussiones, oculi rubicundi mentem manifestè emovescentes, perniciosæ sunt, &c.*

§ 276. **Q**UIS verò locus intra cranium sit læsus scitur. 1. Ex sensibilibus externis ( 249. 254. 255. 256. 262. 267. 269. ), si adtunt. 2. Invento loco cranii læso ( 255 ) per Artem. 3. Ex tumore & rubore cutis capillis orbæ ad applicationem emplastri. 4. Ex motu spontaneo manûs ad certam capitis partem. 5. Ex symptomatibus lateris unius paralytici, alterius convulsi.

Postquam constitit ex præcedentibus signis, encephalon per vulnus læsum esse, siue instrumentum vulnerans ad interiora penetraverit, siue intropressâ calvariâ, aut effusis humoribus, illud compressum fuerit; quæritur, in quo loco encephali damnum hæreat. Paret facile, quòd summi momenti res sit, hoc rectè cognoscere; eùm cranii pertectio non possit institui cum fiduciâ, nisi priùs constet, in quo loco hæreat malum. Sæpe tamen satis difficile est locum affectum determinare. Nam aliquando læsio in alio longè loco inventa fuit, quàm ubi causa vulnerans applicata fuerat, ut dictum fuit in *Commentariis* §. 254. Sæpe etiam nec ægri, nec adstantes, indicare possunt, quænam capitis pars ictum exceperit. Neque à functionibus læsis observatis post capitis plagam hoc certò determinari poterit. Inde enim quidem concluditur encephalon læsum esse, sed nullus inde auderet semper certò concludere, quissam encephali locus læsus esset. Quis auderet determinare loca cerebri, unde singuli nervi, sensibus externis inservientes, primam suam originem ducunt? Quis memoriæ ratiocinii, &c, sedem in mirabili hoc & intricatissimo organo demonstrare poterit? Celeberrimi viri miras hic quidem finxerunt hypotheses; sed eventus docuit, summa etiam ingenia, dum speculationibus indulgent, turpiter errare posse. Magnus Steno, tantâ peritiâ in Anatomicis & dexteritate valens, candidè in publico eruditissimorum Virorum confessu fassus est, se cerebri fabricam ignorare omnino (c); & in pulcherrima illa dissertatione vana omnia signa destruxit, & veram monstravit viam, quâ sensim ad cognitionem hujus organi ascendere posset humana industria. Interim tamen per signa hæc paragrapho descripta, quantum per Artem hodie cognitum licet, in locum affectum encephali inquirendum est. Et si omnibus his accuratè examinatis tamen quis erraverit, non erit Artificis vitium, sed Artis ipsius defectus, quem fortè sequentium sæculorum inventa emendabunt.

1. De his dictum fuit in paragraphis hic citatis.

2. Numero hic citato recensita fuerunt ordine omnia illa signa, per quæ coi-

(a) *Coac. Exercit. n.º 163, Charter, Tom. VIII. pag. 861.*

(b) *Ibid. n.º 164.*

(c) *Winslow, Exposit. Anatom. pag. 644.*

gnoscebatur ipsius calvariae læsio: si ergo per hæc constiterit, cranium in quodam loco læsum esse, & simul appareant symptomata, quæ docent encephalon affectum esse, habetur admodum probabilis ratio concludendi, encephali læsionem hæzere illo in loco, quem cranium malè affectum demonstrat.

3. Ubi per signa §. 275, recensita, constat encephalon læsum esse, neque tamen ullum indicium adsit, quo locus affectus determinari posset, tunc sequenti methodo conantur invenire Chirurgi locum læsum. Omnem capillitium novacula abradunt, deinde toti capiti applicant emplastrum aromaticum quodcumque, illudque per aliquot horas relinquunt. Deinde albato emplastro omni curâ totum caput lustrant, an aliquid tumidi vel inflammati appareat in quodam loco; quod si invenitur, tunc magna suspicio est, huic loco subesse læsionem. Dum enim hoc emplastrum cuti capitis adhæret, & blando stimulo aromatico paulò majorem motum excitat, si quid contusi fuerit, faciliùs hoc apparebit orzo tumore. Ubi non poterat deregi, quoniam in loco capitis læsio hæreret, huic calamitati nullis remediis posse subveniri *Hippocrates* pronuntiavit (a).

4. Quâ ratione hoc fiat, quis dixerit? Rem tamen sic se habere, quotidiana & certissima docent Observata. Ipso hoc die, quo hæc scribo, hominem ex alto lapsum vidi, sine ullo sensu jacentem, qui dextrâ capitis & faciei parte duro obstaculo impeggerat, cum valida contusione & levibus vulnusculis harum partium, continuò manu dextrâ in altum sublatâ tangebatur, imò fricabat satis fortiter affectas partes. Postquam validâ missione sanguinis ad se rediisset post bihorium, nullius omnino rei se memorem esse dixit, postquam lapsus fuerat. Dum ergo videbant Chirurgi, quod automatico tali motu manus vulneratorum sic deserebatur ad locum læsum, probabili conjecturâ concluderunt, ubi nulla læsio externa conspiciebatur, indicari pariter locum affectum, si ad certam & semper eandem capitis partem spontaneo tali motu manus decumbentis ferretur. In apoplecticis idem illud phænomenon sæpe apparet. Videtur certè signum hoc magnum pondus habere, cum observentur plurimi tales motus automatici, qui nullo modo à voluntatis imperio pendent, neque à mente conscia prædeterminantur, per quos illud, quod noceret tollere conatur corpus nostrum, mirabili hæc proprietate à Creatore instructum.

5. Illud organum corporeum, unde in nobis sensus & motus voluntarii pendunt, videtur in sua origine, collectione, distributione & operatione duplex esse. Carotis enim arteria dextra & sinistra est, vertebralis dextra & sinistra est. Ex his oritur hemisphærium cerebri dextrum & sinistrum, distinctissima à se invicem; tota medullæ collectio in sinistram & dextram dividitur; quod in corpore calloso, fornice, cruribus medullæ oblongatæ, nervis opticis, olfactoriis, &c. imò etiam in ipsâ medulla spinali & nervis inde derivatis, evidentissimè apparet. Licet tamen omnia hæc sic duplicia inveniantur, tamen unus & simplex est homo, qui sentit: bini nervi olfactorii, adeo distincti in sua origine & progressu, tamen eundem sensum olfactus faciunt. Dum binis oculis revera bis videmus idem objectum: (utl pater limite medio inter binos oculos positus, vel leviter tantum preffo digitis alterutro oculi bulbo) tamen unica visio fit: idem in auditu verum est.

Cum ergo illud organum sentiens & movens duplex sit, hinc una pars potest

integra manere, dum altera, quoad corpoream speciem manens, impotens omnino fit ad omnia, uti patet in hemiplegia, in quo morbo dimidium corpori sic resolvitur, ut nullus motus à mentis arbitrio pendens ibi supersit; tamen manet illa facultas conscia, sentiens & cogitans motum; & licet homo sic affectus omni nixu velit movere latus affectum, nullus tamen sequitur motus in musculis; imò etiam aliquando in pessima morbi hujus specie simul omnis sensus aboletur in latere affecto.

Hippocrates (a) jam monuerat hoc dicens: *Cerebrum hominis quemadmodum etiam omnibus ceteris animalibus duplex est, medium autem ipsius dividit membrana tenuis: quapropter non semper eandem capitis partem dolet, sed particulatim utramvis, aliquando verò totum.* Oriur jam subtilis quæstio, an origo sentiens, & principium illud movens, locentur in parte opposita illi loco, ubi effectus suos edunt, an verò in eodem latere corporis; id est, an motus & sensus origo, qui parte corporis sinistrâ exercentur, hæreat in parte cerebri dextra, an in sinistra? Hoc autem subtilissimorum Anatomicorum Observatis, & Experimentis determinari debet, illudque cognitum ubi fuerit, magnam lucem affundet; ut in capitis vulneribus, ex sensuum & motuum læsione in alterutro corporis latere, determinetur locus encephali, ubi læsio hæret.

Mollis & pulposa cerebri fabrica semper magnam difficultatem fecit in demonstrationibus Anatomicis; omnium autem minimam consistentiam habet in junioribus. In senectute, & imprimis in illis hominibus, qui valido labore corpus exerceverunt, firmius est, & melius tractari potest. In talibus cadaveribus, post diuturnam macerationem, dissoluta, pro maxima parte, corticali, cinerea encephali substantiâ, luculenter apparuit, medullares fibras, in dextra cerebri parte ortas, ad sinistram partem tendere, & vicissim. Ille autem fibrarum decursus potissimum triplici in loco animadverti potuit; in utraque scilicet priore & posteriore annulari protuberantiæ crepidine, atque maxime in imo medullaris caudicis, quâ in spinalem abit; & omnium evidentissimè duabus circiter lineis infra pyramidalia & olivaria corpora hoc apparet: si enim leniter à se mutuo diducantur pyramidalia corpora, non tenues decussari fibrillas, sed validos earumdem fasciculos in adversam partem tendere evidentissimè demonstratur (b). Hoc ferè totum est, quod Anatome circa decursum fibrarum medullarium cerebri detexit.

Plurima jam habentur Observata Medica, quæ decussatam illam cerebri actionem confirmant. Serva duodecim annos nata cranium contusum & ruptum habuit; sectione per ferram non, ut decebat, adhibitâ, decimo quarto die periit. Convulsio autem manum sinistram occupabat, quod dextra parte ulcus (vulnus) potius haberet. (c). Quibus tempora secantur, convulsio ex contrariis sectioni partibus, oboritur (d). Et in pulcherrimo de capitis vulneribus libro (e) idem confirmat Hippocrates monens, temporum regionem non temere secandam esse, quia sectionem talem convulsio sequitur, dicitque: *At si sinistra tempora secta fuerint, dextra convulsio prehendi; sin ad dextra sectio fuerit, sinistra convelluntur.*

(a) De Morbo Sacro, Cap. III. Charter. Tom. X. pag. 478.

(b) Santorini. Observat. Anatom. Cap. III.

pag. 61. 62.

(c) Hippoc. Lib. V. Epidem. textu XXIII.

Charter. Tom. IX. pag. 341.

(d) Coacis Prænot. n°. 498. Ibid. Tom. VIII. pag. 881.

(e) Cap. XIX. Charter. Tom. XII. pag. 123.



Ex in eodem libro (a), ubi signa recenset, quibus noscitur, ex capitis vulnere perituum esse hominem, dicit: *Plerosque etiam alterâ corporis parte nervorum distensio invadit. Siquidem sinistram capitis parte ulcus fuerit, dextram corporis partem convulsione prehendit. Sin verò dextrâ capitis parte ulcus fuerit, sinistra corporis pars convulsione corripitur.* Sic jam antiquissimis Medicinæ temporibus talia fuerunt Observata, quæ huic sententiæ favent.

Inter recentiores Auctores *Fabricius Hildanus*, qui simpliciter plerumque narrat illa quæ vidit, nulla admiscens ratiocinia, plures habet Observationes, quæ hanc sententiam confirmant. Homo quadragenarius globo ferreo, qui ultra librâ cum dimidia pendebat, bregma sinistrum percussus fuit, cum insigni cranii depressione & fractura. In terram quasi mortuus procidit, loquelam, visum & auditum penitus amisit, quin etiam ex opposita parte paralyti correptus fuit. Elevato cranio depressio, & reliquis idoneis auxiliis sanitati restitutus fuit (b). Homini sexagenario lapidis ictu os frontis in sinistro latere illo in loco, ubi capilli prodire incipiunt, profundius impressum erat. Ipso momento ictus in terram procidit, vomuit, simul loquelam, intellectum, visum ac auditum amisit, totâque latere opposito paralyti correptus fuerat. Amici noluerunt, discissis integumentis cranium intropressum restitui; & paucis diebus postea periit (c).

Mulier vulnus contusum in dextro osse bregmatis cum fractura & intropressione cranii acceperat. Evomuit mox ab initio biliosum humorem, & cibum indigestum; sinistrum latus resolutum est, in dextro autem convulsiones pariebatur. Convaluit tamen, licet multum de ipsa cerebri substantia per vulnus educum fuisset (d). Juvenis robustus baculo vulnus ad sinistrum bregma cum ossis fractura recepit: dilatato vulnere, & cranii fragmentis ductis, post quinque septimanas vulnus serè cicatrice obductum fuit. Ille tunc cum scorto rem habuit, paucisque horis postea recidit in febrem & dolorem capitis vehementiorem, quàm antè. Latus item oppositum resolutum est, brachium verò lateris ægrotantis spasmo correptum, & quarto die postea periit (e). Puer ex alto delapsus caput læserat; in initio levius putabatur malum. Os in medio vulnere postea incepit nudari, & in sutura sagittali parvum foramen apparuit, per quod copiosum pus exibat. Puris illa excretio aliquando sistebatur per aliquot dies, tuncque quater vel quinque de die fortiter convellebatur spatio quadrantis horæ brachium dextrum, uti & maxilla ejusdem lateris. Simulac rediret puris excretio, cessabant hæc convulsiones. Moritur tandem puer, & totus lobus sinister cerebri fuit inventus suppuratus, dextro lobo & cerebello integerrimis (f).

*Valsalva* (g) testatur, se quàm plurimis cadaverum sectionibus semper invenisse, quòd, ubi alterius medietatis corporis resolutio facta fuerat, causa semper hæserit in opposita cerebri parte, testisque eruditissimos, qui his sectionibus adfuerant, recenset. Et si aliquando, ad alteram etiam cerebri partem, extensam læsionem invenerit, hæc tamen erat in opposita parte multò notabilior. Inter illos autem viros doctos & graves, qui his Experimentis adfuerant, nominat & *Petrus Mol-*

(a) Cap. xxxi. Ibid. pag. 127.

(b) Hildan. Observat. Chirurg. Centur. 2. Observ. III. Exempl. I pag. 78.

(c) Ibid. Exempl. III.

(d) Ibid. Centur. Observat. XIII. Exempl.

I. pagin. 21.

(e) Ibid. Observat. XIX. pag. 25.

(f) Académie des Sciences, l'an 1700. Hist. pag. 56. 57.

(g) De Aure humana, Cap. v. pag. 85. 86.

*linellum Philosophiæ & Medicinæ Doctorem*, cujus habetur (a) notabile Experimentum, quod sic se habet: sinistram cranii partem vivo cani aperuerat, tum duram matrem iterum & sæpius pungens observaverat, canem variis quidem torqueri convulsionibus, præsertim cum illa pars duræ matris pungeretur, quæ maximè ad os adhærebat, nunquam tamen apoplexiâ corripì. Postremò sinistri cerebri lobum penitus extraxit. Cecidit extemplo canis, non quidem in sinistram latus, quemadmodum expectandum videbatur, sed in dextrum, & relevatus iterum ad eandem partem procubuit. Simul dextra pars corporis omni sensu carere visâ fuit, contrâ quàm accidit in sinistra, quæ & sensum retinuit & motum. Addit deinde, quòd noverit, alios idem Experimentum sumptisse eodem exitu: & ex his omnibus concludit, quòd celeberrimi Viri *Morgagnus* & *Lanciscus* jure merito statuerint, faciliè posse conjici, utra pars cerebri offensam acceperit, si attendatur in quodnam latus procubuerint hemiplectici.

Plurima similia Observata possent adduci, quæ & in morbis & in capitis vulneribus hanc sententiam confirmant: hæc tamen enarrata sufficere posse credo. Inprimis magnum pondus huic opinioni addit illud ultimum in vivo canentatum Experimentum. Nec tamen dissimulandum est, quasdam occurrere apud Auctores Observationes, quæ huic sententiæ repugnant; quarum unam alterâ breviter recensēbo.

Puer undecim annorum in lethargum gravissimum incidit, & dum profundissimo somno detinebatur, corporis (b) *tota pars dextra paralyti resoluta neque movebatur, neque sentiebat. Forestus* vocatus, cum nulla alia remedia aderant, thymum contritum cum aceto nari dextræ imposuit, indeque non nihil reviviscere videbatur puer; simul è nare materia quædam crassa, valde corrupta, sanguinolenta, viscosa instar putridæ saniei exibat. Prædixit hinc *Forestus*, abcessum unâ cum sphacelo dextram partem cerebri occupasse. Brevi moritur puer: dumque jam ante obitum, rebus omnino conclamatis, discessum meditaretur *Forestus*, nobilis Matrona, quæ curam pueri habebat, utroque parente absentibus, illum retinuit, ut cadavere inciso mortis causâ detegi, & parentibus renunciari posset. Cranio ablato, cerebrum & cerebellum in parte dextra vergens ad posteriorem partem omnino saniosum, putridum, corruptum, sanguinolentum inventum est. Sinistra verò pars cerebrum album, sanum & incorruptum habebat. Sic in cadavere prælagii veritas detecta magnam famam *Foresti* conciliavit; Casus ille sollicitè descriptus directè repugnat antè memoratis, & videtur magnum pondus habere.

Juvenis læditur in regione bregmatis sinistri; postridie dextrî lateris convulsivi motus, & sinistri paralysis observantur. Tota regio bregmatis sinistri contusa deprehendebatur, ut suâ sponte octo ossa separarentur, de quibus unum acutiùs in ipsam substantiam cerebri per utramque meningem depressum inveniebatur (c). In hoc casu resolutio ejusdem lateris partem, convulsus oppositum latus tenebat; contrariâ ergo directione, ac in casibus paulò antè recensitis.

*Valsalva* (d) candidè monuit, nihil dissimulare volens, in uno alteròve

(a) In Commentariis de Bononiensi Scientiarum & Artium Instituto, pag. 139.

(b) *Foresti* Observat. Lib. X. Observat. XI. Tom. I. pag. 414.

(c) Bonet Sepulchret. seu Anatom. Præc. Lib. I. Sect. XV. Observ. XXVII. pag. 373.

(d) De Aure Humana, Cap. V. pag. 86.

casu in utroque hemisphærio cerebri æqualem læsionem sibi apparuisse; frequentissimè tamen vidisse oppositam lateri resoluto plagam cerebri affectam esse.

Hic tamen consideretur, sæpe nihil detectum fuisse post mortem in cerebro; licèt gravissimæ læsiones functionum hujus visceris adfuissent ante mortem; cùm levis tantùm mutatio vel compressio in tenerrimis his staminibus sufficiat ad pessima quæque producenda mala, ut pulchro Experimento docet *Valsalva* in loco citato.

Nervi cordis ad jugulum canis filo arcuè constricti, & illico soluti, adeo in structura sua insensibili labefactati fuerunt, ut canis intra aliquot dies, eodem modo, ac si nervi illi amputati essent, moreretur, licèt iidem nervi rursus inspecti nullum sensibilis læsionis vestigium ostenderent. Unde potuit in talibus casibus à solo etiam concussu oppositum cerebri hemisphærium in sua fabrica læsum fuisse, licèt sensibus nihil mali detegi post mortem potuerit. Quod adhuc magis probabile apparebit, si consideretur, sæpe duram calvariam in opposita parte findi, dum illa pars, quæ ictum exceperit, integra manet, ut dictum fuit in *Commentariis*, §. 254.

Cùm ergo numerosissimæ Observationes celeberrimorum Auctorum, & Experimenta in vivis animalibus capta, decussatam illam cerebri sentientis & moventis actionem confirmet; pauca tantùm habeantur Exempla, quæ repugnent huic sententiæ, illæque adhuc possint sic explicari, ut saltem minùs repugnare videantur; patet, si non omnino certam, saltem maximè verosimilem esse hanc opinionem, quâ statuitur, quòd si unum latus paralyticum, alterum convulsum fuerit, tunc mali origo hæreat intra cranium in illa parte, quæ lateri paralytico opponitur. Si verò convulsio v. gr. in dextro latere corporis appareat, & nullum omnino vitium adsit in latere sinistro, tunc ob eandem causam admodum videtur probabile sinistram cerebri partem affectam esse sic, ut æquabilis influxus spirituum in mûsculos dextræ lateris turberetur quidem, non tamen impediatur omnino. In Exemplis modò memoratis tales casus habentur.

Notandum tamen quàm maximè, in nervis illam oppositionem directionis non obtinere, quæ in cerebro per hæc Experimenta detegitur: nam nervi in dextra parte orti eidem lateri prospiciunt. Celeberrimi Anatomici fuerunt in alia opinione, & imprimis crediderunt, nervos opticos se mutuò decussare, & ad oppositi lateris oculum tendere singulos; multisque opticis phænomenis explicandis hoc inservire posse arbitrati sunt Philosophi. Fortuitus tamen casus docuit contrarium. Celeberrimus *Santorini* (a) dissecabat cadaver hominis, cui dexter oculus jam dudum cæcus fuerat verà amaurosi, nullo deprehenso vitio conspicuo oculi. Nervus opticus hujus oculi inventus fuit æquò gracilior, & colore obscurior, utpote cinereus; quem cùm anxie persequeretur dexterrimus ille Anatomicus, invenit illum nervum, coloris diversitate faciliè distinguendum, semper dextrum latus tenere; & simul evidentissimè vidit, nervorum opticorum fibras, non modò non decussari, sed ne implicari quidem; sed tantùm hos nervos sibi mutuò accumbere, & dein iterum disjungi.

(a) Observ. Anom. cap. III, §. 14. pag. 64.

§. 277. **T**UM 1. Cruor effusus illico tollendus. 2. Loca infecta depuranda. 3. Ossicula fortè infixâ cerebro evellenda.

Quando jam consistit, causam lædentem quamcumque capiti fuisse applicatam cum tali effectu, ut functiones encephali læsæ fuerint, primò examinatur qualis fuerit hæc læsio; an ab intropulsa calvaria contentum cerebrum premente, vel acutis fragmentis pungente vel lacerante, an ab effusis sub cranio humoribus, an verò à valido concussu hoc factum fuerit. Quibus autem signis hæc causæ variæ detegantur, in præcedentibus explicatum fuit. De cura intropressæ calvariæ dictum fuit §. 271. 272. Per concussionem validam tenerrima encephali pulpa sic potest affici, ut compressis hoc concussu minimis vasculis liber transitus humorum per hæc impediatur: sed si non fuerint facta vel destructa omnino hæc vasa, æquabilis humorum circumductio aperiet iterum collapsos hos canaliculos, & post aliquot horas sensim redibunt functiones. Ubi autem sub calvariæ olla hæret aliquid, quod comprimere vel lædere potest encephalon, indicatio curatoria generalis jubet hæc tollenda esse, ut facillè patet: tuncque ad tria hæc in hac paragrapho enumerata attendendum est.

1. Patet evidenter. Omne enim extravasatum liquidum, quod hic hæret, semper comprimit encephalon, cum naturaliter omnia hic adeo plena sint: & si diu maneat hæc causa comprimens, contigua minimorum canaliculorum latera concreescere poterunt & impervia manere totâ vitâ; unde postea immediabilis orietur læsio functionum encephali.

2. Quando nempe humores effusi, corrupti, in pus, ichorem vel saniem mutati, infescunt vicina loca, quibus accumbunt; uti & ubi solidæ partes sic affectæ fuerint, ut sanitatis legibus ampliùs obedire nequeant.

3. Observationes enim docuerunt, hæc infortunia aliquando contingisse; unde & hæc tollenda erunt.

§. 278. **E**XTRAVASATUS sanguis aufertur. 1. Resorbendo; 2. Dissipando. 3. Perforando cranium.

1. In contusionibus, dum sub integra cute sanguis vasis fractis effusus hæret, & nigra vel cærulea macula locum affectum deturpat; videmus sapissime sensim dissipare omne illud extravasatum; vasis nempe bibulis venosis resorptum, & allabentibus humoribus tenuioribus attenuatum. Quare ergo & illud hic loci fieri non posset? Sanguis autem extravasatus in loco clauso, ubi nullus datur aeri accessus, hæerere potest diutissimè sine corruptela.

2. Quando nempe extravasatus cruor diluentibus & resolventibus remediis sic attenuatur, ut vasis bibulis venosis, in omni interna æquè ac externa corporis superficie patulis, resorptus dissipetur, & sensim dispareat.

3. Ubi tanta copia est effusi sanguinis, ut validâ compressione encephali functiones maximè lædat, non daretur tempus, ut lentâ tali resorptione & dissipatione tollatur extravasatum; priùs enim sæpe periret homo. Unicum tunc superest

§. 278. 279: VULNERA CAPITIS. 419  
quamvis crudele, auxilium, ut calvariâ perforatâ exitus detur sanguini extravasato.

Jam examinandum est, quomodo singula hæc fieri debeant.

§. 279. **R**ESORBETUR, si in venas; largo missu sanguinis, & succenturiatâ purgatione alvi, evacuatas, vi vitæ repellitur.

Dum vivi animalis junioris (quia in his facilius cranium tolli potest) calvaria aperitur, apparet manifestè undique transpirans halitus; tota superficies utriusque meningis humida est, omnis ambitus ventriculorum tenui rore madet. Assiduo ergo tenuissimis vasis exhalantibus efflatur tenuissimum tale liquidum, quod omnia humectat & fovet. Sed nisi pariter adessent venulæ resorbentes in illis locis; accumularetur sensim ibi latex, & totam encephali actionem comprimendo tolleretur. His ergo oculis venosis debebit resorberi extravasatus sanguis. Mirum fortè videri posset, sanguinem, statim concresecntem, dum extra vasa hæret, tenuissimas has fistulas ingredi posse: sed si consideretur, sanguinem concretum, de vena missum, sensim iterum solvi, & deliquesce in tenuius liquidum; & quidem citius hoc fieri, dum blando calore fovetur, & præterea exhalante tenuissimo rore continuè dilui coagulatum cruorem; & simul, plena cum calvaria semper sit, validè premi, & arteriosam fabricam encephali & inprimis duræ matris vasa, sanguine impulsio vi cordis nunc distendi, mox iterum se contrahere; patebit, extravasatum cruorem hic omni momento premi, atteri, tenuissimo liquido dilui, & tandem sic attenuari posse, ut minima oscula venarum absorbentium ingredi valeat. Cum autem absorbentes hæ venulæ resorptos humores majoribus venis tradant, facilius fiet hæc resorptio extravasati, si venæ majores depletæ fuerint: & ob hanc causam larga missio sanguinis hic commendatur. Porro per purgantia talia, quæ fortiter evacuant, & simul sine aucto motu vel majori stimulo potenter solvunt, subducuntur de corpore humores; attenuantur autem illi, qui remanent, & minus ergo distendunt vasa, dum facilius per omnia transire possunt. Sic facilius patet ingressus resorptis humoribus in venas depletas, & post illas, evacuationes siccius redditum corpus in omni superficie interna & externa avidè absorbet contigua liquida. Sic observatur post validas alvi subductiones sitim ingentem nasci, & assatim hausta liquida citissimè resorberi venosis oculis in cavo ventriculi & intestinorum hiantibus. Quantum autem possit hæc methodus, ut extravasatus sanguis resorbeat, ad oculum apparet in validis contusionibus. Tumorem talem, qui caput infantis æquaret, in natibus post lapsum ex curru, hac methodo integre dissipatum vidi; licet tota pars nigresceret ab effuso, sub integra cute, hærente sanguine. Nemo autem faciliè dicet, extravasatum hunc cruorem transpirasse per cutim illam: si enim eo usque attenuari possit coagulatus sanguis, ut per exhalantia cutis vascula exire posset, faciliè patet, quod commodè ingredi poterit absorbentium venularum oscula. Apparet ergo multum boni ab hac methodo meriti sperari posse.

Ggg j

§. 280. **H**INC statim ad maximam copiam, ægro tolerabiliem; utraque, hæc evacuatio instituenda (279), & , si juvat, pro re nata repetenda, iterumque, si post has administratas minuuntur symptomata (275).

Nunquam nocebit, modò vires consent, largas tales evacuationes facere; & imprimis maxima venesectione, & repetita quidem, hic tanti usus est. Visum enim fuit sapissime, ubi omnia signa docebant, sanguinem effusum sub calvaria cerebrum comprimere, audacissimâ venesectione illico remississe symptomata, licet jam de trepano applicando cogitaretur. Et licet malum non cederet his remediis, & trepanum postea deberet institui, nunquam nocebit per hanc methodum corpus reddidisse inflammationi minùs obnoxium: sic enim pessima symptomata, perforationem calvariae quandoque sequentia, & imprimis fungorum cerebri generatio multùm præcavebuntur. Hæc ergo primò tentanda videntur, antequam ad trepanationem ipsam perveniat. Si jam his evacuationibus incipiunt minui illa mala, quæ compressum ab effusis humoribus cerebrum sequuntur, novimus magnam spem esse, ut repetito horum usu, (semper habito respectu ad decumbentis vires) tolerantur penitus. In gravissimis certè casibus pulcherrimos hujus methodi successus me sæpius vidisse lætus recorder; & *Paræus* (a) audacter repetitæ sanguinis missionis notabile Exemplum habet. Juvenis 28 annorum, lapsu bregmatis os sinistrum lapidi validè impegerat: aderat contusio, sed nulla cranii fractura. Septimâ die febris valida, delirium, inflammatio magna, tumor ingens totius capitis, faciei & colli, loquelâ, visu, deglutitione impeditis. Sequenti die duodecim uncias sanguinis detraxerat Chirurgus: postridie *Paræus* vocatus, dum videbat pessima hæc symptomata non remittere, & validas esse vires: quadraginta & duas uncias sanguinis de vena misit: sequenti die, auctis adhuc potius malis, iterum duodecim uncias subduxit; & postea adhuc binis sanguinis missionibus quindecim uncias eduxit, sic ut intra quatridduum ultra octoginta uncias sanguinis amiserit æger, & à tam periculoso malo integre curatus fuerit. Monuerat quidem magnus *Hippocrates* (b) quæ ad extremum ducunt evacuationes, periculosa, & hinc videretur fortè temerarium tantam copiam sanguinis subducere; sed eadem sectione (c) axioma sequens posuit: *extremis morbis, extrema ad integritatem remedia, optima*. Cum ergo hic vita periclitaretur, nisi subita medela adhibeatur, patet ratio, quare validæ adeo evacuationes adhibeantur. In levioribus enim malis nemo prudens hæc tentare auderet.

§. 281. **D**ISSIPATIO attenuati perficitur. 1. Resorbendo (279. 280.) partem dissipandi. 2. Attenuando per diluentia aquosa, & resolutiva calidè pota. 3. Parti affectæ rasæ imponendo emplastra, cataplasmata, fomenta, ex discutientibus, nervinis, cephalicisque. 4. Auribus, naribusque eadem applicando.

Dissipatio vocatur, quando extravasatus sanguis sponte, vel per *Artem*, ita

(a) Liv. X. Chap. xiv. pag. 131.

(b) Aphor. 3. Sect. 1. Charter. Tom. IX.

Part. II. pag. 7.

(c) Aphor. 6. Ibid. pag. 114.

diffolvitur, ut minima absorbentium vasorum oscula ingredi, sicque sensim quasi evanescere possit.

1. De his dictum fuit.

2. Si sanguinem sani hominis de vena missum, & coagulatum, in aqua tepida quis conquassaverit, sensim minuetur illud coagulum, aqua affusa rubescet, & ultimò tam parum illius massæ coagulatae supererit, ut vix credi possit: remanebit tamen semper aliquid, fortè quia libero aeri tam diu expositus fuit sanguis. Videmus enim quotidie in contusionibus extravasatum sanguinem dissolvi sic, ut integre dissipetur. Ob hanc causam, post sanguinis missionem & purgantia, datæ tanta copia decoctorum aquosorum, quantam corporis vires ferre & mobilem reddere possunt: sic sanguis omnis diluitur, & exhalanti fluido copiosa materia suppediatur, ut resolvatur sensim illud coagulum, & solutum resorbeatur venulis minimis absorbentibus. Quia autem aquosa sola potata, imprimis post magnas evacuationes, corpus enervant sic, ut hæc assumta inciperent colligi in cavis corporis, & corpus ad hydropem disponerent; ideo simul his decoctis adduntur lenia aromata, quæ blandâ solvendi vi commendantur, & simul levi stimulo parum plûs movent, quod nunquam nocebit post has evacuationes prægressas. Totus enim scopus est sanguinem reddere sic dilutissimum, ut copia tenuis liquidæ per exhalantia vascula continuò applicetur extravasato cruori, & ille sic dilutus & attenuatus resorberi possit venosis osculis. Formula talis decocti in *Materia Medica* habetur.

3. Verum quidem est, quòd horum omnium efficacia non directè & immediatè agere possit in extravasatos humores, qui sub calvaria hærent, cum externa capitis ferè tantùm à carotide externa suos humores accipiant. Proderunt tamen, dum externis capitis partibus sic sotis & laxatis minuitur humorum impetus versùs interiora capitis; uti & dum horum remediorum pars per venas resorbentes externæ cutis sanguinem ingreditur, & postea communi circulationis lege ad locum affectum deferri potest. Neque videtur semper anxieté discutiendum esse, quomodo & per quas vias remedia applicata agant, modò constet profuisse. Sic in morbis acutis inflammatoriis, capitis interiora obsidentibus, fomenta ex aqua, aceto, nitro, tanto cum fructu derafò priùs capiti applicantur. Unde in periculoso tali malo, omnia Artis molimina adhibentur, per quæ aliquid emolumenti, quantumvis etiam leve hoc fuerit, sperari potest. In usu tamen horum semper animadvertendum est ad illas cautelas, de quibus dictum fuit §. 245. 246. 247, semperque curandum, ut cataplasmata, vel fomenta talia applicata, in debito calore retineantur; quod pannis calidis sæpe applicatis fieri poterit. Talis emplastri & fomenti formula in *Materia Medica* ad numerum 247. habetur.

4. Verum quidem est, duram matrem omnem superficiem internam cranii exactissimè obducere, sic ut totum encephalon in proprio quasi territorio seclusum ab omnibus aliis hæreat. Tamen per Observata Medica constat, binâ hæc loca esse cerebri quasi spiracula, per quæ sæpe miris modis humores exeunt. Dictum fuit in *Commentariis* ad §. 275. chronica sæpe capitis mala levare citissimè, dum per nares vel aures, aqua, pus, &c. effluunt; illudque *Hippocratis* testimonio confirmatum fuit. Notum est, in omnibus morbis capitis, qui ab inflarctis encephali vasis à nimia plenitudine, vel à inflammatoriâ humorum densitate,

fiunt, sanguinis per nares effluxum adeo prodesse. Enarrata fuerunt Exempla in *Commentariis* ad §. 273, quibus constat, post gravissimas capitis lésiones, lymphæ per aures effluxum sanasse etiam, ubi communi expertissimorum Medicorum & Chirúrgorum consilio jamjam trepanum applicandum erat. Hinc proximus ad interna capitis hic videtur patere aditus. Certè summis naribus incumbit tenuis ossis ethmoidis lamella, foraminulis pertusa, quæ quidem in homine vivo duræ matris vaginulis emissis, & nerveis fibrillis, opplentur exactissimè: tamen quàm tenue est illud sepimentum, quod calvariæ cavum à naribus hic dividit! Unde vapores per nares attracti ferè immediatè encephalo applicantur.

§. 282. **Q**UÆ (279. 280. 281.) si statim non tollunt, minúscule valde symptomata (275), sed hæc vel persistunt, vel augentur, illico perforandum cranium, ut exitus detur humoribus (273. 277. n<sup>o</sup>. 1.), & facultas depurationi (277. n<sup>o</sup>. 2.), & evulsioni fragmentorum (277. n<sup>o</sup>. 3.)

Crudele videtur & temerarium omnino illico semper calvariam perforare, ubi signa docent, post capitis vulnera encephali functiones validè læsas esse. Nisi enim certò constet, cranium depressum esse, vel fragmenta excussa encephalon lædere sic, ut non possint tolli hæc mala sine perforatione calvariæ, præstat semper priùs per aliquot horas saltem expectare, & interim validis evacuationibus tentare, an levetur symptomata. Plurimi enim tales casus occurrunt quotidie, ubi ex alto delapsi homines omni sensu & motu privati jacent, & paucis horis postea sensum reviviscunt, valido tali concussu turbato cerebro, licèt nulli humores effusi fuerint. Et licèt trepanum applicari deberet, valida sanguinis missio priùs facta nocebit nunquam, sed econtra summopere proderit. Unde videtur methodus, tribus præcedentibus paragraphis recensita, priùs semper tentanda esse; & si intra duodecim horas ab his remediis applicatis nullum levamen percipiatur omnino, sed omnia mala potius augeantur, tunc unicum auxilium superest, nempe ut perforatà calvarià detur exitus humoribus effusis. Monendi tunc sunt amici vulnerati, certam mortem instare, anceps tantùm hoc & operosum superesse remedium, à quo jure merito multùm boni expectari potest, tamen nunquam certa cura promittenda est. Poterunt enim effusi humores hære in talibus locis, ut apertà calvarià exire tamen nequeant: possunt valido concussu fracta esse tenerrima illa stamina medullæ encephali, unde tota vita & humanitas pendent. Ubi verò hæc operatio requiritur, quò citius tunc perficitur, eò melius; pergent enim liquida effluere fractis vasibus, major fiet compressio encephali, sic omni momento auctà copià liquidi extravasati: unde sæpe medullosæ fibræ tenerrimæ, soli tenuissimo totius corporis liquido perviæ, compressis lateribus & contiguis factis, desinunt esse canales aperti; & postea,eductis quamvis liquidis complementibus, æquabili liquidorum circumductione contigua semel facta latèra minimorum horum vasculorum non ampliùs à contactu removeri poterunt; unde concresecunt inter se, & sequetur immedicabilis læsio omnium illarum functionum, quæ à subtilissimi liquidi motu per minima hæc vascula pendeant. Præterea humores effusi, diu hic relictì, poterunt corrumpi, & acquisitè



acrimoniam rodere omnia vicina. Ex quibus omnibus patet, semper hic in mora periculum esse, licet tamen Observationes fideles docuerint, magno etiam post vulnus infectum temporis intervallo perforationem cranii institutam fuisse summo cum fructu. Homo capite vulneratus fuerat, cum nulla adessent mala symptomata, intra quatuordecim dierum spatium vulnus hoc curatum fuit. Diu post, ingens capitis dolor, vertigo, caligo oculorum, dextrique brachii paralysis latere hic malum evidenter demonstrabant; & *Scultetus* (a), vigesima nona post vulnus infectum septimanam, detecto cranio, angustam rimam videns, binis foraminibus perforavit calvariam, & medium inter hæc foramina interslitium ferrâ versatili excidit: paulâ tali aperturâ evacuebatur collectus sub calvaria humor, & mensis spatio felicissimè pristinæ sanitati restituebatur vulneratus. Sed faciliè apparet ex hac Historia, non fuisse in initio extravasati liquidi sub calvaria copiam, sed angustâ rimâ fisso cranio, sensim hic collectum fuisse pus, vel saniem. Sed ubi fractis vasis statim copia effusi liquidi sub calvaria colligitur, patet faciliè, non posse diu differri hanc operationem sine magno periculo. Unde dixit *Hippocrates* (b), in illis casibus, ubi perterebranda erat calvaria, intra triduum ad sectionem veniendum; neque id spatium citra sectionem superandum, idque præcipue si calidâ anni tempestate ab initio curationem susceperis. Tamen agebatur hic loci tantum de læsione calvariz, quæ scalpro eradi non poterat. Ab effusis autem humoribus sub cranio magis præceps discrimen imminet.

Perterebratio cranii solebat etiam institui, ut dictum in *Commentario*, §. 271, ut os depressum & vacillans vestè posset elevari: sed in hoc casu triplex inde potest expectari utilitas, nempe ut extravasatis liquidis liber pateat exitus; deinde si per suppurationem deberet aliquid separari à vivis partibus, ut puri factio pateret via; ultimò ut ossis fragmenta, encephalon pungendo, lacerando, &c. lædensia, commodè possint tolli.

§. 283. **LOCUS**, ubi terebra applicanda, cognoscitur. 1. Ex loci læsionis noto (276.) ubi optimè fit, si nihil vetat.

Postquam conclusum fuit, calvariam terebrâ perforandam esse, ut concilietur exitus effusis humoribus, tunc inquiritur, cuinam loco calvariz terebra applicari debeat. Apparet faciliè, postquam per signa descripta, §. 276, detectus fuit locus læsus, ibi debere terebram applicari, quia maximè verosimile est ibi hæsurum effusum sanguinem. Sed sequenti paragrapho patebit, plurima esse loca, ubi cranii perterebratio, vel impossibilis omnino, vel periculosa admodum est; unde sub hac tantum limitatione, generalis hæc regula locum habet. Maturo autem consilio, nec festinanter, determinari debet locus, cui terebra applicabitur, ne postea crudelis hæc adeo apparens adstantibus operatio (vulnerati enim ipsi ferè semper stupidi & hebetes in his casibus vix dolorem sentiunt) repeti debeat; sicque aliquando ansa detur illis, qui percussoris causam defendunt, imputandi mala secuta, Chirurgis & Medicis.

(a) *Armament. Chirurg. Observ.* 13. pag. 111, 112.

(b) *Lib. de Capiti. Vuln.* cap. XXII. Chæter. Tom. XII, pag. 123.

§. 284. **V**ETAT 1. Sutura. 2. Musculi plurimi. 3. Cavitates ossis frontis. 4. Arteria major ossi inserta. 5. Inferior situs loci. 6. Vacillatio fracti, contusi, carioli ossis. 7. Inæqualitas eminentis & excavati iterum cranii.

1. Dum in cadavete ferrâ undique divisum cranium elevare nituntur Anatomici, vident evidenter, duram matrem in omni ferè puncto calvariæ adherere; sed in locis suturarum hanc adhæSIONem tam validam esse experiuntur, ut vecte ferreo inteposito vix summâ vi avellere possint. Patet ergo, quodd, si terebratio his locis instituat, non posset orbiculus ossis excisus tolli sine magna dilaceratione duræ mæris; unde dolor ingens, convulsio, & alia pessima mala sequi possent. Hinc communi omnium Auctorum consensu illa loca vitantur, potiusque ab utroque latere futura terebratur cranium, quàm in futuræ loco. Dum homini grave vulnus securi inflictum fuerat illo in loco, ubi futura sagittalis cum coronali unitur, post gravissima symptomata, plurimis fragmentis ossis extractis, convaluit quidem, sed nullâ Arte potuit evitare *Hildanus* (a), quin fistulosum ibi maneret ulcus: unde & curæ difficultatem recenser inter illa argumenta, quibus improbat trepani applicatio in loco suturarum. Hanc tamen operationem in futuris institutam se vidisse, dum studiorum causâ in Italia versaretur, testatur celeberrimus Medicus *Johannes Fredericus Werdenbergius* in epistola ad *Hildanum* de hac re data (b). Apparet tamen evidenter ex modò dictis, periculosum semper esse, trepanum ipsis futuris applicare.

2. Notum est, circa occiput validissimos musculos calvariæ infigi, & lateralem partem cranii utrimque occupari temporalibus musculis. Undè merito videntur & illa loca vitanda esse, si fieri possit. Monuerat *Hippocrates* (c): in capitis sectione cæteriæ quidem capitis partes tuto secari possunt; tempus verò & quod adhuc superat est, juxta venam, quæ per tempora fertur, hæc, inquam, regio secari non debet. Nervorum enim distensione prehenditur, qui sectus est. Et in loco allegato in Commentariis, §. 241, dicit, quibus tempora secantur, convulsio ex contrariis sectioni partibus oboritur (d). Ex quibus concludere licet, semper periculosum fore; hos musculos lædere; quamvis tamen non semper lethalia mala inde sequantur. Plurima enim Observata evincunt, sectos fuisse musculos temporales, applicatum fuisse trepanum illi loco quem occupant, & tamen curatos fuisse ægros. Ex magno satis similibus Observatorum numero unum alterumve Exemplum recensebo. Homo a cinace vulneratur in tempore sinistro, cum fissura calvariæ adeo patente, ut digitum indidem facillimè caperet; tamen à tanto vulnere brevi temporis spatio incolumis evasit (e). *Riverius* in Observationibus, ipsi communicatis à *Samuele Formio Chirurgo Mompeliensi*, qui quinquaginta annorum spatio Artem exercuerat, habet casum sequentem (f). Mulier vulnus acceperat ictu lapidis in tempore sinistro: cum

(a) Observat. Chirurg. Centur. 11. Observ. VIII. pag. 85.

(b) Ibid. pag. 86. 87.

(c) Lib. de Capit. vulner. Cap. XIX, Character, Tom. XII. pag. 133.

(d) Conc. Prænot. n°. 498.

(e) Sculteti Armamentar. Chirurg. Observ. III. pag. 195. 196.

(f) Riverii Opera, pag. 571. Observ. XIX.

trepanum necessarium videretur, in consilium vocatus exercitissimus ille Chirurgus non dubitavit cruciali incisione discindere temporalem musculum, & loco detecto trepanum applicare; neque ullum grave symptoma inde ortum esse testatur. Similem casum, ipsi communicatum ab alio Chirurgo, habet alibi (a) In puero duodecim annorum ex alta arbore delapso os temporis adeo confractum fuit, ut coactus fuerit Chirurgus notabilem partem musculi temporalis tollere, ut latens malum posset detegi, & trepanum applicari. Felix tamen fuit curæ successus, præterquam quod maxilla inferior parum versus latus oppositum distorta manserit (b). Ubi ergo necessitas urget, præstat etiam in his locis trepanum applicare, quam certæ morti relinquere vulnere.

3. Notum est ex Anatomicis, ossis frontis tabulas à se invicem diductas facere sinus frontales dictos, plerumque satis capaces, variz magnitudinis in variis hominibus, supra oculorum orbitas fere ad media supercilia productos, aliquando ossis lamellis in minora cava distinctos, qui binis satis magnis aperturis ad utrumque septi narium latus patent, & sic narium internam capacitatem augent. Sinus illi membranam illam, quæ nares internas investit, undique obducunt. Si ergo trepanum hic applicaretur, externam tabulam perforatam, illico occurreret membrana illa internam ejus superficiem investiens, quæ tolli deberet; uti & illa ejusdem membranæ pars, quæ internam tabulam simili modo investit, antequam posset terebrâ perforari interna tabula. Patet facile, hoc difficillimum, si non penitus impossibile, esse, cum membrana hæc, narium cava investiens, adeo sensibilis sit, ut vel levisimâ plumulæ agitatione in naribus irritata, sternutatione excitata, totum corpus convelli faciat. Simul notandum, quod vix unquam ad cicatricem perducî possit vulnus, quod ad sinus frontales penetravit. Hoc jam apud Celsum (c) habetur, qui manet, omnibus capitis locis perterebratis commodè cicatricem induci, *exceptâ frontis eâ parte, quæ paululum super id est, quod inter supercilia est. Ibi enim vix fieri potest, ut non per omnem ætatem sit exulceratio, quæ linteo- lo, medicamentum habente, contegenda erit.* Postea Recentiorum Observata hoc confirmaverunt. Hæc ergo loca, ex Anatomicis cognita, in applicatione trepani vitanda esse patet.

4. Si consideretur calvaria humana mundata, in interiori ejus superficie plurima apparent impressa, sæpe etiam satis profundè, vestigia, quæ majorum articularum, per duram matrem distributarum, ramificationibus respondent: si autem major talis truncus, dum terebra in osse circumducitur, ejus dentibus laceretur, validè poterit nasci hæmorrhagia, quæ plurimum turbat operationem, & sæpe difficulter compesci potest. Summa tamen difficultas est in his locis determinandis, quia in diversis hominibus situs majorum horum truncorum varia; tamen quædam loca sunt, in quibus hi sulci majores in plurimis calvariis deprehenduntur; quæ ergo vitanda sunt. Sic v. gr. in utroque osse bregmatico, prope futuram coronalem in laterali inferiori parte, talis magnus sulcus apparet, qui ascendendo sensim minuitur, &c. Illa autem loca, comparando diversas calvarias inter se, potissimum cognoscuntur.

5. Si enim circa basim calvariz hæreant effusi humores, vix ulla spes est, edu-

(a) Ibid pag. 580.

(b) Garengot Operat. de Chirur. Tom. III, Tom. I.

(c) Observ. XV. pag. 131.

(c) Lib. VIII. Cap. xv. in fine, pag. 522  
H h h

ci posse illos cranii perturbatione, cum illa non possit fieri nisi in multo altiore loco. Verum quidem est, quod, cum calvaria plenissima semper sit, posset aliquando pressione encephali, replentis calvariae cavum, humor effusus sensim ascendere versus foramen factum, & sic evacuari; sed apparet simul, hoc satis difficile esse. Talem casum habet *Tulpius* (a) de fene septuagenario ebrio, qui ex alto delapsus contraxit in calvaria tam amplum vulnus, ut commodè per ejus hiatum educeretur, quicquid inhæret exiima cerebri membrana. Aderant tamen illico vertigo, vomitus & stupor: postmodum quidem rediit ad se expertus febris, & immixtis omnium aliorum symptomatum; verum die quarto, excreta prius sputis purulentis, periit præter omnem spem ab inopinata Apoplexia. In cadavere invenitur frequens humor, replens ventriculos cerebri, & prope sellam equinam ingens ossis cuneiformis fragmentum, separatim à reliquo osse, apparebat, & plurimum sanguinis coagulati. Dum ergo per tam amplum vulneris hiatum circa basim cerebri effusus sanguis exire non poterat, patet, à perforatione calvariae non multum boni expectari posse in tali casu. Unde *Celsus* merito dixit: *Servari non potest, cui basim cerebri . . . percussa est* (b).

6. Dum cerebra applicatur calvariae, non poterit excindi orbiculus ex cranio, nisi apprimatur cerebra ossi: si ergo illud solum integrè fuerit, vel parum tantum adhuc cohaeserit, introprimetur, & turpi errore encephalon subiectum comprimetur. Idem infortunium metuendum est, si lues venerea, v. gr; os eroderit; vel ab alia quacunque causa cranium cariem contraxerit: tunc enim minimè etiam vi adhibita cerebra per integram ossis crassitiem illico penetraret. Aliquando sic post capitis vulnera corrumpi calvariae os, patuit Exemplis memoratis in *Commentariis*, §. 242, & 256. n°. 3.

7. Dum calvariae cavum osseum sedulo examinatur, apparet evidenter, non esse ubique aequabilem superficiem; sed in quibusdam locis assurgere, in aliis magis excavari, ut contento encephalo, vasis, sinibus, &c. se quasi accommodet; unde varia saepe crassities ossis in variis calvariae locis. Optimum ergo foret, dum de loco deliberatur, ubi trepanum applicandum est, plures considerare calvarias; & videre, quibus in locis illae inaequalitates maximè inveniantur; & deinde illa loca vitare, si fieri possit.

Quamvis autem ex Artis regulis & Anatomicà cognitione partium satis evidenter pateat, septem illa recensita hæc paragrapho in trepani applicatione vitanda esse, tamen optimi Artis Magistri monuerunt, si aliter fieri nequeat, tentandam esse operationem, licet aliqua ex recensitis incommodis adfuerint; praestat enim saepe anceps experiri auxilium, quam nullum, dum certa mors praevidetur. Vix enim credibile videtur, omnes has cautelas potuisse observari, dum puellæ duodecim annorum, ex alto delapsæ, duodecim distinctis locis calvaria pertrebrata fuit, paucorum dierum spatium; quæ tamen puellæ perfectissimè curata fuit, licet totum bregmaticum os, & pars ossis temporalis, valido lapsu omnino fracta fuissent. Mirabilem hunc casum refert *Dionysius* (c), cujus filius quartâ vice in hac puella operationem perfecerat.

(a) *Observ. Medic. Lib. I. Cap. III. pag. 6.* | 283.

(b) *Medic. Lib. V. Cap. XXVI. n°. 2. pag.* | (c) *Opérat. de Chirurgie, pag. 358.*

§. 246. **T**UM qui læso cognito (276) proximus, applicandæ terebræ locus optimus est.

Ubi ob causas paragrapho præcedenti enumeratas non potest perforari calvaria in loco læsionis, omnium optimus erit ille, qui carens his obstaculis loco tamen læso proximus est. Circa hanc rem tamen notanda sunt quædam satis magni momenti. Dura mater undique quidem calvariæ adhæret, sed omnium fortissimè in locis futurarum, uti dictum fuit paragrapho præcedenti, n°. 1: unde sanguis effusus, hærens inter calvariam & duram matrem, poterit illam separare à cranio: sed ubi futuræ sunt, ibi hoc fieri non poterit; unde certis limitibus hærebit semper sanguis effusus inter cranium & duram matrem, nec poterit facillè ultra futurarum loca pergere. Si jam v. gr; locus læsus esset in ossis bregmatis illa parte anteriori, quæ ob viciniam futuræ coronalis, per quam frontis ossi jungitur, & ob magnam arteriam plerumque hic locatam, tutò perterebrari non posset; tunc quidem locus proximus eligendus esset, talis tamen, qui ipso bregmatis osse contineretur. Si enim in osse frontis ad alterum latus futuræ coronalis terebratio fieret, non posset sanguis, duræ matri sub bregmatis osse incumbens, exire, quia dura mater in loco futuræ coronalis firmissimè hærens impediret, quominus illuc venire posset. Unde sub hac limitatione tantum generalis hæc regula locum habet, quæ jubet locum proximum eligendum esse, si in ipso læsionis loco terebratio fieri non possit. Sanguis enim intra cranium & duram matrem effusus sic in diversis quasi cameris hæreere potest, quæ penitus distinctæ cum aliis non communicant. Omnium maximum tale spatium sub ossibus bregmatis hæret, futurâ sagittali in medio divisum in binas tales distinctas cameras. Idem etiam in fronte verum est, quodd iterum distinctum tale spatium habet; & cum os frontis mediâ futurâ ad radicem nasi plerumque divisum sit in junioribus, imò sæpè etiam in adultis, patet, & illud spatium sic bifariam dividi.

Ubi verò sanguis effusus hæret intra duram & piam matrem, iterum notandum est, totum calvariæ cavum internum bifariam dividi. Duræ enim matris processus, falciformis dictus, à crista ossis ethmoidis per totam longitudinem futuræ sagittalis pergens usque ad processum duræ matris transversalem (qui cerebellum tegit & ab iacumbentis cerebri pressione defendit) & intra bina cerebri hemisphæria profundè demersus, dividit bifariam internum cranii cavum, & impedit, quominus sanguis in dextro latere effusus ad sinistram pergere posset. Unde & in illo casu ad hanc rem pariter attendendum est.

§. 286. **Q**UIN, urgentibus symptomatibus (273. 275.), licèt nullus locus certò inveniri queat (276), tamen trepanum applicandum & ab una, & ab altera parte cranii, in finem descriptum (277).

Aliquando accidit, omnia signa quidem docere, quodd effusus sub calvaria sanguis comprimat encephalon; interim tamen non adsunt certa indicia, quibus determinari posset, in quonam loco cranii hæreat: tunc nihil superest, quam vuls

H h h ij

neratum certæ morti tradere, vel incerto penitus eventu cranium perterebrare. Potest enim sanguis effusus ipsam basim calvariæ occupare; potest in ipsius ventriculis cerebri hære, potest in longè alio loco accumulatus esse, quàm est ille, cui terebra applicabitur. Videtur tunc, præmonitis priùs de ambiguo successu vulnerati amicis, meliùs esse anceps remedium experiri, quàm nullum; præsertim cum innumeris Observatis constiterit, trepani applicationem, rite administratam, non esse adeo periculosam; & vulnerati tales plerumque omni sensu careant: sic ut narret *Dionysius* (a) se nobili juveni, trepano applicato, effusum sub calvaria sanguinem eduxisse, nec noverat tamen vulneratus se hanc operationem passum fuisse, donec perfectè curato hoc indicabatur. Hinc licet adstantibus adeo crudele videatur, dum frustra instituta hæc operatio in alio loco calvariæ repeti debet; tamen decumbentibus non adeo molesta esse solet. Ubi autem nihil omnino cognoscitur de loco affecto, tunc solet os bregmatis perterebrari; quia & maximam partem ossis calvariæ constituit, & satis magna vasa huic ossi supponuntur. Si nihil inveniatur, in oppositi lateris osse bregmatis idem tentatur. Apud *Hippocratem* non invenitur, quòd repetitis vicibus in eodem ægro trepanum applicuerit; sed quantum potui colligere ex pulcherrimo ejus libro de vulneribus capitis, non perforavit calvariam, ut humoribus sub cranio effusis viam faceret, sed tantum ut calvariæ malæ affectæ partem toleret. Notavit quidem, quòd os calvariæ malè affectum pus colligere possit, illudque infra ad cerebrum transfundere (b), sed de extravasatione humorum, vasis fractis sub integra calvaria, nullam mentionem fecit. Unde non videtur applicuisse trepanum, nisi ubi constaret, calvariam vitiatam esse, & cognitus esset locus læsus: & ideo ubi os fractum erat alià capitis parte, quàm quæ vulnus erat, huic calamitati nullis remediis subveniri posse asseruit (c). *Celsus* tamen talem sanguinis extravasationem novisse videtur, dicit enim: *raro sed aliquando tamen, evenit, ut os quidem totum integrum maneat, intus verò ex istu vena aliqua, in cerebri membrana rupta, aliquid sanguinis mittat; isque ibi coneretus magnos dolores moveat, & oculos quibusdam obracet. Sed fere contra id dolor est, & eo loco cute incisa, pallidum os reperitur, idedque id quoque os excidendum est* (d). Et in eodem capite jubet pluribus foraminibus cranium perforandum esse, si rima longius patet.

Plurima exempla habentur apud recentiores Chirurgo, quibus constat, felici successu pluribus locis perterebratam fuisse calvariam. Homini ex equo delapso vulnus in osse bregmatis apparuit; applicato trepano, multum sanguinis exivit, sed sine levamine symptomatum; post triduum tumor in occipite apparuit; quo aperto, alterum trepanum ossi occipitis applicatum fuit: copiosus exibat ex foramine facti sanguis; & dum ille efflueret, incepit ad se redire, & perfectè convaleuit. Hæc Historia pulchre confirmat illa, quæ dicta sunt paragrapho præcedenti; quòd sanguis intra duram matrem & calvariam effusus in distinctis cameris hæreat, quæ non communicant inter se (e). In eodem loco idem Auctor alium casum narrat puelle, cui in utroque osse bregmatis trepanum applicuerat, felici etiam cum successu. In maxima depressione septies in circumferen-

(a) Opérat. de Chirurgie, pag. 350.

(b) Lib. de capit. Vulnere, Cap. iv, Charter. Tome. XII. pag. 117.

(c) Ibid. Cap. x. pag. 119.

(d) Medic. Lib. VIII. Cap. iv. pag. 516.

(e) Dionis Opérat. de Chirurg. pag. 340.

tia depressiois cranium modiolis perforare coactus fuit *Scultetus* (a), unâ & eâdem die in Capiteo, qui tamen binorum mensium spatio à tam gravi vulnere curatus, munus suum militare cum laude exercere potuit. Ex in mirabili illa Historia, de qua dictum fuit in *Commentario*, §. 284, duodecim annorum puellæ cranium duodecies perforatum fuit, cum integra tamen sanatione. Longè adhuc mirabiliorum Historiam narrat celeberrimus suo tempore Chirurgus *Solingenius* (b); *Philippus Nassavius* ex illustri *Auriacorum* stemmate oriundus, ex equo delapsus sic caput impigit stipiti, ut calvaria variis locis fracta fuerit; & ideo vigesies septies ipsi cranium trepano perforatum fuit à Chirurgo Neomagensi; tamen inde convaluit: huiusque rei testimonium, sanati nobilissimi viri autographo confirmatum, vidit *Solingenius*; addiditque, illum postea adeo pancreaticè valuisse, ut inter pocula tres compositores postea morti tradiderit.

Ex quibus omnibus patet, tutam satis esse, quamvis frequenter repetitam, trepani applicationem, si rite instituitur, quod quomodo fieri debeat, in sequentibus dicitur.

§. 287. **I**NVENTO loco ( 276. 283. 284. 285. 286., ) abrado capillitio, inciduntur integumenta ( 259 ), separantur à cranio, eleuantur labia, siccatur os, tegitur carptis linteis, sistitur cruor ( 218 ), lenitur dolor ( 227. 228. 229 ) prohibetur inflammatio ( 235 ), &c, si non urget valde malum, rite factâ deligatione in diem sequentem relinquitur apparatus.

Postquam determinatus fuit locus, cui trepanum applicabitur, requiritur, ut calvaria integumentis suis nudetur perfectè, ne modiolis dentes, molles partes relictas, lacerent; in primis sollicitè cavendo, ne aliquid de pericranio relinquatur: illud enim, scalpro terebratæ laceratum, *vehementes febres cum inflammationibus* excitare, jam *Celsus* monuerat (c) Unde crinibus abradis integumenta ad os usque cruciali incisione dissecantur, ut dictum, §. 259. Anguli quatuor vulneri sic facti elevantur; & digitis, vel scalpro pericranium à calvaria separatur; mollissimis plumaceolis parum calefactis abstergitur cruor ab ossis nudati superficie; dein simile plumaceolum, pauculo mastiches tenuissimæ tritæ insperso, applicatur nudæ calvariæ: similiter & lineæ carpta supponuntur elevatis integumentis, ut magis ab osse nudo secedant. Hæmorrhagia plerumque levis esse solet, & brevè cessat: si verò major parum ramus arteriosus discissus fuerit, alcohole calido compesci poterit; vel idoneâ ligaturâ leviter comprimendo per aliquot horas sistetur sanguinis fluxus: vel etiam, si urgerent symptomata, filo transmissio per integumentorum locum, ubi hæret arteria discissa, poterit satis commodè ligari. Patet enim facillè, non posse trepanum applicari, quamdiu hæmorrhagia duræ: sanguis enim effusus continuò impediret, quo minus explorari posset, quousque perforatio calvariæ processisset. Dolor, si adest, leniri poterit levi inunctione unguenti populei, quod mollissimum & simul anodynum est: plerumque ta-

(a) *Armamentar. Chirurg. Observ.* 7. pag. 139. (b) *Medic. Lib. VIII. Cap. IV. pag. 56.*

(c) *Manuale Operationen der Chirurg. &c.*

men tales vulnerati hebetes & stupidi jacent. Si inflammatio metuatur, & imprimis si non statim applicabitur trepanum, sed in sequentem diem differeretur operatio, postea fovere locum convenit. Sic Hippocrates, loco in Commentariis, §. 259. n<sup>o</sup>. 3, allegato, dum detegenda erat calvaria, discissis integumentis iussit (a) linamentis ulcus (vulnus) implendum; quæ in posterum diem quam minimo labore ulcus amplissimum exhibeant; sed simul monuit, quamdiu hæc linamenta adhibentur, cataplasma applicandum esse ex tenuissima polenta, ex aceto subactâ & incoctâ, ut inflammatio nimia præcaveatur.

Queritur nunc, an, detecto jam cranio, ejus perforatio differri debeat per aliquot horas, vel in diem sequentem; an verò statim perfici debeat. Videtur semper hæc operatio citissimè instituenda esse; raro enim adhibetur, nisi in urgente malo. Binæ plerumque sunt causæ, quare differri voluerunt operationem quidam Chirurghi. Primò, quia capillorum abrasio, integumentorum dissectio & separatio à cranio, satis temporis requirunt; unde amici vulnerari sæpe ægre ferrent, diuturniori cruciatu torqueri miserum. Secundò, ob hæmorrhagiæ post dissecta integumenta metum, & denique, quia dissectæ partes sponte retrahæ vulnus factum magis patulum reddent, unde facilius patebit terebræ aditus. Sed si consideretur, plerumque tales vulneratos omni sensu carere, vel saltem admodum hebetes jacere; hæmorrhagiam idoneis remediis satis citò posse compesci, saltem ad hoc tantum ferè requiri paucarum horarum moram; & dissecta labia, modò satis amplius fuerit locus discissus, posse facillè sic deduci, ut terebræ via pateat; apparebit facillè, omnium optimum esse, si statim post nudationem cranii ad ejus perforationem purgatur.

Nec obstat huic sententiæ Hippocratis auctoritas: ille enim dissectis integumentis, ut ossis læsionem investigaret, voluit hoc examen in posterum diem differri (b): verum, uti præcedenti paragrapho dictum fuit, non videtur perforationem calvariæ instituisse, ut extravasatis humoribus daretur exitus; sed tantum, ut malè affectam cranii partem tolleret: quod malum certè longiorem moram fert sine tanto discrimine. Ubi verò vasa fracta humores contentos perurgent effundere; nisi subito liber fiat his exitus, summus metus est, ne sic comprimatur encephalon, ut postea functiones læsæ restitui nequeant, licèt perforatâ calvariâeducti fuerint humores extravasati. Tamen & Hippocrates in eodem libro (c), postquam recensuit illa signa, quæ indicant capite vulneratum hominem periturum, dicit: *ceterum ubi febrem occupasse, vel aliquod aliud signum huic adesse cognoveris, minimè differendum est; sed os ad membranam usque (terrâ) secundum, aut scalp pro eradendum.*

§. 288. **T**UM capite firmato, auribus obturatis, aere calefacto; deterfo, ossi terebra cum stylo applicatur, æquabili, æqualiter & modicè actâ, fronti suppositâ terebratione agitur donec vestigium rite sit impressum.

Ut instituat hęc operatio cum successu, attendendum in primis ad sequentia.

(a) Lib. de Cap. vuln. Cap. xx. Chart. Tom. XII. pag. 124.

(b) Ibid. Cap. xx. & xxxi. pag. 124.

(c) Ibid. Cap. xxxii. pag. 128.



Caput ægri debet sic firmari, ut penitus immobile hæreat: unde lectulus, in quo decumbit, sic ponendus est, ut ab omni parte Chirurgus & ministri commodè accedere possint. Pulvinari, cui caput ægri incumbit, solent supponere asserem, vel patinam stanneam, aut simile quid; ne inter operandum cedat molle pulvinar, & sic turbetur operatio. Præterea certus debet esse Chirurgus de constantia illorum, qui caput vulnerati immobile retinebunt: nisi enim assueti fuerint intrepido animo hominum calamitates intueri, sæpe in animi deliquium labuntur, dum hæc operatio satis crudelis videtur, & sæpe satis notabili tempore durat. Solent quoque plerumque aures vulnerati gossypio obturari, ne ingratus ferræ stridorem audiat: monet tamen *Dionysius* (a), sæpe hoc neglectum fuisse sine ullo damno; nec mirum, cum plerumque illi, quibus trepanum applicabitur, sine sensu jaceant.

Omnibus illis instrumentis, quæ ad hanc operationem requiruntur, prius ordine dispositis, & calefacto aere vicino, & repleto fumis accensi succini, mastiches, & similibus, cereo ellychnio commodissimè illuminatur locus, cui terebra applicanda erit. Terebra autem, quæ ad hanc rem utuntur, cavum orbiculum refert: atque tali cavâ terebrâ *Hippocratem* jam usum esse satis patet (b). *Celsus* vocavit modiolum (c) *ferramentum concavum, teres, imis oris serratum, per quod medium clavus, ipse quoque interiore orbe cinctus, demittitur*. Videtur autem tantum usus fuisse modiole, dum locum ossis corrupti poterat comprehendere modiolus: ubi vero latius vitium erat, tunc terebrâ fabrilis, vel simili huic instrumento, foramen faciebat (d), in ipso sine vitio ossis aique integri: deinde alterum non ita longè, tertiumque, donec totus is locus, qui excidendus est his cavis cinctus sit.... Tum excisorius scalper ab altero foramine ad alterum malleolo adactus id, quod inter utrumque medium est, excidit; ac sic ambitus similis ei sit, qui in angustiore orbem modiole imprimitur.

Si jam comparentur illa instrumenta, quibus Veteres in perterebrazione calvariarum usi fuerunt, cum illis, quæ hodie in usu sunt, apparebit facillè, magnam perfectionem his instrumentis accessisse, dum sensim vitia, quæ usus demonstrabat, correctæ fuerunt. Diu enim adhuc usi fuerunt trepanis cylindricis: sed sic magnum periculum erat, ne circa finem operationis depressâ terebrâ duram matrem læderet: unde postea conicæ figuræ trepana adhibuerunt; quæ sensim latescencia fusinebantur marginibus ossis disseci, neque facillè poterant demergi & duram matrem lædere. Sed facillè patet, conicum talem modiolum non posse descendere, dum circumagitur, nisi ejus latera acuta marginem ossis radere possint, & sic viam facere latiori sensim facto modiole. Unde pulchro invento modiolum talem cavum hodie faciunt ex plurimis lamellis chalybeis à parte superioris & lateri oblique descendentibus, & sibi mutuo incumbentibus, omnibûque versùs eandem partem inclinatis. Singulæ hæc lamellæ in acutum apicem desinentes dentem ferræ faciunt, ex quibus dentibus inferior orbiculus trepani constat: latera autem harum lamellarum acuta, radendo marginem orbiculi disseci, viam faciunt sensim descendentem modiole; & obliquâ harum lamellarum ad invi-

(a) Cours d'Opérations de Chirurgie, p. 355.

(b) Lib. de Capit. vulner. Cap. ultimo Charac. Tom. XII. pag. 129.

(c) Medic. Lib. VIII. Cap. XII. pag. 570.

(d) Ibid. pag. 512.

cem inclinatione efficitur, ut ossis deraſi ſcobs ſurſum emergat ſponte, & excidat; quæ aliter impediret terebræ liberam circumductionem. Interna modiolī ſuperficiēs poliſſima & conicæ figuræ eſſe debet; ſi enim diſſecti ossis orbiculus cavum modiolum faciliſſimè poterit ingredi; & circa finem hujus operationis ad hoc illudve latuſ poterit inclinari terebra, prout requiritur; quod fieri non poſſet, ſi cavitatē modiolī cylindrica foret, uti faciliſe patet. Figuræ trepani cum omnibus ſuis requiſitis, apud Auctores expreſſæ, meliorem dabunt ideam hujus instrumenti, quàm quidem ex ſola deſcriptione haberi poſſet. Videatur *Garengot* (a) apud quem omnia hæc habentur.

Si nihil vetat, modiolus major præferendus erit minori; nullum enim periculum metuitur à foraminis excindendi majori amplitudine: & liberrima via ſic datur eſſuſis ſub cranio humoribus, quæ exire poſſint. Ut autem caveatur, ne vacillet terebra, dum calvariæ applicatur, in medio poſuerunt ſtylum chalcibeam inferiùs acutum, paulò eminentem ultra cerratum modiolī extremum, cui ſtylus calvariæ innitens ſic firmat modiolum, ut non aberret; ſicque poterit ferræ veſtigium ritæ calvariæ imprimi. Vocatur tunc *Trepanum mas*, quando in medio talem ſtylum habet; qui ſi abſit, dicitur *Trepanum fœmina*. Olim ſolebant ſemper habere binos ejuſdem magnitudinis modiolos; quorum unus talem ſtylum habebat, alter non, quia non poterat ad finem operationis ſtylus ille addeſſe, ut faciliſe patet: citiùs enim penetraret calvariā, & duram matrem læderet, quia ultra marginem ferratum modiolī eminet. Hodie ſic hæc instrumenta conſciuntur, ut ſtylus ille auferri commodiſſimè poſſit, poſtquam veſtigium calvariæ impreſſum fuerit. Præſtat tamen ſemper binos modiolos ejuſdem magnitudinis habere, ne turbetur operatio, ſi fortè caſu frangeretur lamella quædam ex illis, quæ modiolī ferratum ambitum conſtituunt.

Omnibus illis ſic rite paratis, in medio centro orbiculi excindendi, trepano, perforativo dicto, leve veſtigium imprimitur, quod ſtylus trepani maris excipiet, licet etiam hoc omitti poſſet, ſi ſtylus ille trepani maris bene paratus fuerit: tunc enim faciliſe unâ alterâve terebræ circumductione ſtylus ille ſibi viam faciet. Perpendiculariter tunc applicatur terebra, ſtylo ſuo inſtructa, loco excindendo: deinde ſiniſtræ manûs index digitus cum pollice ſummitati vertibili trepani ſic applicatur, ut cavum forment circulum; cui frontem imponit Chirugus, qui operationem perficiet; vel & mentum, ut alii volunt, ut minimam etiam terebræ aberrationem ſtatim ſentire poſſit, & corrigere: deinde dextrâ manu prehenſo vertibili manubrio terebram lentè & æquabiliter circumducit aliquot gyris, donec ſtylo medio ſenſim profundius adaſto, dentes modiolī calvariā radere incipiant; ſicque pergit, donec crena talis calvariæ inſculpta fuerit, quæ ſine vacillationis periculo, ſtylo exento, terebram poſtea ſuſtinere poterit.

§. 289. **E**XEMTO tunc ſtylo pergitur; terebrâ lentè adaſtâ; ſcobe aſſiduo erasâ, donec cruor erumpens, ossis mollities, mutatio ſoni, diploen attractam doceant; quæ ſape non præſens fruſtra exſpectatur.

Poſtquam tale veſtigium terebrâ cranio inſculptum eſt, tunc ſtylus medius tollitur

(a) Nouveau Traité des instrumens de Chirurg. Tom. II. pag. 98. 116. 134. 135.

litur

litur, ne citius penetrans duram matrem lædat. Videtur in Antiquorum trepanis jam stylus ille mobilis fuisse; dicit enim Celsus hanc operationem describens: (a) *At, ubi jam iter modiolò impressum est, medius clavus educitur, & ille per se agitur.* Si autem postea, uti dicitur §. 291, orbiculus calvariae excisus cochleâ eximitur, præstat hanc jam applicare, antequam ad diploen usque penetraverit terebra; quia aliter, dum hujus instrumenti circumrotatione spiralis ductus imprimitur ossis substantiæ, posset aliquando tabula cranii externa separari ab interna; & tunc difficilior foret orbiculi discissieductio. Unde prius hoc instrumentum applicandum est, ut viam in osse faciat, dum adhuc binæ tabulæ cranii firmiter cohererent; quo factò eximitur iterum, & applicato modiolò lentè & prudenter pergitur terebrando: *est enim, uti Celsus (b) monuit, quidam premendi modus, ut & foretur & circumagatur: quia, si leviter imprimitur, parum proficit, si graviter, non movetur.* Veteres, qui non videntur adeo adhibuisse trepanum, ut effusos sub calvaria humores educerent, sed potiùs ut corrupti ossis partem tollerent, pergebant terebrando, donec crederent modiolum penetrasse ad sanam ossis partem usque: unde dixit Celsus (c), *cùm sanitas inferioris parvis scobe cognita est, modiolus removetur.* Os enim viriatum alieno colore inficitur: hinc quamdiu terebra in corrupta ossis parte circumagatur, scobis abrasa similis coloris est; ubi autem profundius penetrans terebra sanam ossis partem radit, color scobis mutatur hoc docet. Cùm autem hodie trepanum hanc ob causam rarissimè adhibeatur, sed tantùm ut perforatâ calvariâ exitus detur humoribus effusis, vel ut depressum cranium commodius elevari possit, & fragmenta avulsa tolli, &c, ideo pergitur, donec ad diploen perventum fuerit. Cùm autem lentè & prudenter circumducatur terebra, & sæpius tollatur, ut scobis in crena collecta & inter lamellas trepani hærens auferri posset; non videtur adeo magnus metus esse, ne terebra à valido attritu nimis incalesceret. Dum illud metuebat Hippocrates sic jussit, (d) *inter secundum autem terebra, sapius, ne os incalescat, auferenda, & in aquam frigidam demergenda.* Terebra enim, dum circumagatur incalescens, os calefaciendo & resiccando incendit, efficitque ut plus ejus ossis quod sectionem ambit, abscedat, quàm quod abscedere debuerat. Eandem cautelam adhibendam voluit Celsus (e), dum terebrâ cranium perforabatur; ubi verbò modiolus applicabatur, dixit: (f), *neque alienum est, instillare paululùm rosæ vel lactis, quò magis lubrico circumagatur.*

Ad diploen autem pervenisse terebram cognoscitur mutato sono, dum non amplius per duram ossis substantiam modiolus circumducitur; unde & minor resistentia sentitur: & cùm vasa sanguinea sæpe satis insignia per cellulosam hanc ossis fabricam decurrant; his laceratis serræ dentibus, cruor erumpit; vel saltem scobis derafæ color, albus priùs, tunc mutatur in rubrum. Huc usque auctaster terebram circumduci posse, dixerunt ferè omnes, nullùmque omnino periculum subesse, antequam ad diploen penetraverit modiolus: imò in initio parum festinandum esse voluerunt plurimi, cùm circa finem adeo lentè & suspensâ manu procedendum sit. Sed constat certissimis Observatis, aliquando diploen deesse, im-

(a) Medic. Lib. VIII. cap. III. pag. 510. 511.

(b) Ibid. pag. 510.

(c) Ibid. pag. 511.

(d) Lib. de Capit. vulner. Cap. xxxv. Char-

ter. Tom. XII. pag. 510.

(e) Medicin. Lib. VIII. Cap. III. pag. 512.

(f) Ibid. pag. 510.

mis in senili ætate: & vidi tales calvarias, in quibus diploe in quibusdam locis aderat, aliis aberat omnino; unde sic turpissimus error committi posset. Videtur jam Celsus hoc monuisse, dum dicit (a): *sed tum majore curâ agendum est, cum jam aut simplex os dimidium perforatum est aut in duplici superius. Illud spatium ipsum, hoc sanguis significat.* Licet enim in hoc capitulo, uti & in præcedenti, de ossium vitiiis in genere videatur agere: tamen illa, quæ mox sequuntur, evincunt, quod de cranii perforatione hic loquatur, cum dicat, metum esse, ne mucrone, cerebri membrana lædatur, &c.

§. 290. **E**LOTO tum cruore, & per alcohol calidum compresso, exemptâ accuratè scobe, summa cum cautela, lentè, patienter, uno alteròve gyro tantum agendus modiolus, assiduò everrenda scobs, perpetuò inspiciendum an color in circulo exarato mutetur, assiduò exploranda fundi æquabilitas, tum variatâ pressione terebræ, pro vario colore apparente, os solvitur eò usque, ut parum adhærescat & æquabiliter.

Ubi ad diploen penetravit modiolus, apparet facilè, quantâ cautelâ opus sit: sola enim interna tabula cranii, vitrea dicta, superest; quæ sæpe tenuissima est in quibusdam calvariis, in aliis iterum multò crassior. Præterea arteriæ duræ matris, in profundis sulcis cranii internæ tabulæ insculptis, locantur; unde si pars talis sulci in orbiculo illo dissecto hæreret, posset terebra in illo loco jam penetrare calvariam, & insigne tale vas lædere; cum in aliis locis satis crassa adhuc pars cranii perterebranda restaret. Inæqualis in plurimis locis cranii crassities pariter in causa est, quare tantâ hic tarditate & prudentiâ opus sit. Si ergo, dum terebra per diploen transit, sanguis copiosior erumpat, ille alcohole calido sisti dabitur; impediret enim liberum conspectum crenæ in osse factæ. Scobs continuò everrenda est, post unam alterâve terebræ circumductionem; & attendendum ad coloris mutationem, quæ in scobe abrafa apparet. Quandiu enim in diploe terebra circumagitur, tandiu scobs rubicunda apparet; ubi verò terebra internam cranii tabulam incipit radere, scobs iterum alba incipit fieri. Sæpiissime stylo immisso orbiculi disseciti fundus explorandus est, an ubique æqualis sit, an in omni loco os resonet, ad styli contactum; an verò in quodam loco, dissecto jam osse, mollis membrana rangatur. Simul attendendum est, admoto cæreo ellychnio, an in fundo crenæ color albus ubique æqualis appareat, an verò pellucente per renuam ossis lamellam durâ matre, in quodam loco mutetur jam color. Ex omnibus enim his peritus Chirurgus novit, quibus locis major terebræ appressio conveniat, quibus verò non; sicque sensim summa cum prudentia pergit, donec tenuissima tantum lamella supersit: integre enim excindere orbiculum periculosum foret, quia vix sine læsione duræ matris, cranio coherentis, hoc fieri posset; ex quo graves inflammationes cum periculo mortis oriri monuit Celsus (b).

(a) Medicin. Lib. VIII. cap. III. pag. 522. ] (b) Ibid.

Ob hanc causam Hippocrates, qui (ubi jam dictum fuit) hanc operationem adhibuit, ut ossis vitia tolletet, non ut exitum faceret effusis sub calvaria humoribus, noluit os ad membranam usque secandum esse, si quis initio curam suscepit, (a) ne in ipso opere terebra membranam vulneret. Verum inter secandum ubi parum admodum abest, ut os ipsum totum sectum sit, jamque os labat, jubet ab ipsa sectione desistendum, permittendūque ut os sponte sua diffe-dat. Secto enim ossi, & inter secandum relicto, nihil mali contingere potest; tenue namque jam fit quod reliquum est. Ubi verò per initia curationem quis non suscepit, sed, ab alio traditam tardius, perficere debeat; tunc ad membranam usque os excindendum esse jubet: & pulcherrimè recenset omnes illas cautelas, quas adhuc hodie adhihent prudentes Chirurghi, ne in tali casu duram matrem ferræ dentibus lædant. Specillo enim terebræ circuitum sæpius tentandum jubet, & in partem ossis crassissimam, terebram semper adigendam monet; simulque sæpe tentandum esse, an dimovendo os educi possit, antequam nempe integre dissectum fuerit. Omnia hæc eadem observanda monet (b), si quis ab initio susceptâ curatione os ad membranam usque excindere voluerit.

Simul patet, quantum usum habeat conica interni modioli cavitas: nam os dissectum ascendit facillè in latiorē semper factum modiolum, & inclinari facillè potest modiolus in omni ambitu, dum circa finem operationis non ampliùs æquabiliter circumduci debet, sed hanc illamve crenæ partem, ubi crassius esse os specillo detegitur fortius radete. Si enim cylindrica foret interna modioli cavitas, non posset inclinari, quin apprimeretur os dissectum cavtatis internæ parietibus; impediretur libera terebræ circumductio, & sæpe secederet superior calvariæ tabula à diploe; unde postea residuum os difficilius tolli posset. Hoc aliquando accidisse patet ex Celsò, sive de industria hoc factum fuerit, dum solam externam tabulam tollerent, non altius penetrante ossis affectione; sive vitio instrumenti hoc contigerit. Dicit enim (c) ubi totum os ejectum est, circumradendæ lavandæque sunt oræ, & si quid scobis membranæ infedū, colligendum. Ubi superiori parte sublata, inferior relicta est, non oræ tantum, sed os quoque totum lavandum est, ut sine noxa postea cutis increseat; quæ aspero ossi innascens protinus non sanitatem, sed novos dolores movet. Simul apparet, si ullibi, certè in hac operatione, periculossimam esse festinationem, imprimis circa finem; & omnium optimum esse, ut tenuis lamella relinquatur; poterit enim tunc vacillans jam ille orbiculus sine periculo tolli: quod quomodo fieri debeat, docebit sequens paragraphus.

§. 291. **U**BI color cærulefcens, ejus per totum ambitum æqualitas, segmenti vacillatio docent, serè perforatum esse cranium, segmentum velle, cochleâ, vel cochleari eximendum.

Postquam constitit signis hîc recensitis, modiolum eò usque penetrasse, ut sine periculo læsionis duræ matris ulteriùs pergi non possit; tunc pars ossis dissecti educenda est. Hoc autem tentaverunt variis modis: vel enim velle parum in-

(a) Lib. de Capit. vulner. Cap. xxxiv. |  
Charter. Tom. XII. pag. 128.

(b) Ibid. Capit. ultimo, pag. 129.

(c) Medicin. Lib. VIII. Cap. 111. p. 512, 513.

curvo immisso intra orbiculum dissectum, tentabant elevare jam ferè ab omni cohesione liberum os; sed tunc facillè patet, quòd, dum ab uno latere elevatur, in opposita parte necessariò deprimatur, atque ita dura mater lædi posset aspero margine ossis sic diffracti: & licet prudenter in omni ambitu tali vestì frangeretur coherens adhuc ossis pars, tamen adhuc cohereret firmiter duræ matri vas emissis & receptis; & sic hæc methodo difficulter tolli poterit. On-nium optimum videtur, si perpendiculariter sursum trahendo educi posset: quod fieri poterit, si cavo semicirculari instrumento, utrimque intra crenam immisso, prehendar dissecus orbiculus, & deinde hæc simul sursum educantur; dum calvariæ margo instar hypomochlii his instrumentis inservit. Si autem in vicinia fracta fuerit calvaria, facillè patet, neque hoc turò fieri posse. Pulcherrimè fit, si cochlea spiralis applicetur medio centro orbiculi disseci, ubi vestigium est à stylo trepani maris impressum, ut dictum fuit in *Commentario*, §. 288; deinde illa leniter circumtorquendo sic infigatur ossi, ut firmiter hæreat: potest ita commodissimè tunc leniter hinc inde moveri dissecus orbiculus; & postea, ubi vix ampliùs coherere videtur, perpendiculariter sursum educi.

§. 292. **D**EIN asperitas lateralis ossis radenda lenticulari cultello, scobs demenda, via paranda cruori & sordibus exituris per sternutationem, animæ retentionem, & depressorium: prudentissimè & rarò foramen implendum, tegendumque tenui, molli linteò, imbuto medelâ membranâ amicâ; & aptâ lamellâ plumbi ansatâ

Cùm operatio hæc, si ex Arte instituta fuerit, semper relinquat marginem foraminis facti asperum, & ossis festucis hirtum; quia orbiculus excisus tenui adhuc parte coherens sursum vi evellitur; & statim contentum calvariâ encephalon in hunc locum assurgat; læderetur ab his aculeis dura mater, nisi statim cultello lenticulari (sic dicto, quia obtusum ejus extremum lentis figuram refert) abradatur omne illud, quòd in margine foraminis facti eminet. Illa autem, quæ in figura hujus instrumenti & usu quàm maximè observanda sunt, videri possunt apud *Garengotum* (a). Scobs sic abrasa, duræ matri jam nudatæ incumbens, postea tollitur.

Aliquando accidit, ut, perforatâ calvariâ, statim sanguis, vel pus aut ichor, inter cranium & duram matrem collecta, prodeant; sæpe etiam, licet hæc adsint, nihil exiit. Dura mater enim ubique cranio adhæret, ut jam sæpius dictum fuit: hinc si, v. gr; in quodam loco calvariæ effusi humores duram matrem à cranio separaverint, & trepanum non fuerit directè applicatum huic loco; poterit sic dura mater, undique adhærens, coercere collectos humores, ut non possint per foramen factum; quamvis satis etiam vicinum fuerit, exire. Tuncque nihil superesset, quàm in alio loco iterum cranium perforare. Tamen antea tentatur animæ retentio, vel & sternutatio; quia sic majori copiâ sanguinis distenditur encephalon, (redu libero per venas impedito, affluxu interim per arterias ma-

(a) Nouveau Traité des instrumens de Chirurgie, Tom. II. pag. 127. & suiv.

nente, ut explicatum fuit in *Commentario*. §. 271.) illudque diffentum effulos humores versùs foramen factum premet, ubi minor resistentia est. Aliquando & observatum fuit, licet statim non exiverint per foramen factum collecti humores, sequenti die sponte illos prodiisse. Ut verò promoveatur facilis exitus effusi liquidi, cum prudentia lenissimè deprimunt Chirurgi duram matrem instrumento, quod meningophila vocatur, ac si diceres membranæ custodem. Instrumentum illud obtusum talem apicem habet, uti cultellus lenticularis, qui rotundo cylindro politissimo continuatur. Hoc instrumento, parum tepefacto priùs, ne frigore his partibus detectis insolito noceat, lenissimè premitur dura mater, ut ab ambitu foraminis exfecti parum recedat, sicque facilis via pateat humoribus in vicinia foraminis effusis: simul etiam sic impeditur, ne dura mater, dum animam retinet vulneratus, acuto foraminis margini appressa lædatur. Simile quidem nomine instrumentum, sed diversæ structuræ & usus; apud *Celsum* (a) describitur. Erat enim lamina ænea firma, paululùm resima, ab exteriori parte lavis, quâ utebatur, ut, factis priùs in calvaria foraminibus, eorumdem septa media scalp pro turâ excidere posset; loco enim excindendo submittebatur hæc lamina inter cranium & duram matrem, ne scalprum malleolo percussum hanc membranam læderet. Eadem hæc laminâ etiam utebatur, ut os depressum attolleret (b).

Postquam humores effusi educti fuerunt, notandum quænam maximè, quòd in loco foraminis facti desit calvaria coercens; & cum ejus cavum semper plenissimum sit, nisi cautela adhibeatur, incipiet attolli in hoc loco encephalon; inprimis si dura mater simul læsa fuerit, & in fungum excrecere. Et quamvis dura mater illæsa fuerit, tamen, nisi idoneo apparatu coerceatur, inciperet sensim attolli, & super ossa eminere, ut *Celsus* monuerat (c). Unde aptâ ligaturâ compensari debet deficiens pressio. Sumitur orbiculus ex linteo molliissimo, parum major quàm est foraminis excissi amplitudo, ille applicatur duræ matri, & sub limbo foraminis inter duram matrem & cranium in omni ambitu subducitur, sicque cavetur, ne acuto margini foraminis appressa dura mater lædi posset. Centro hujus lintei filum adhæret, ut postea commodè semper tolli posset. Instillantur tunc aliquot guttulæ balsami Peruviani tepidi, vel alterius similis balsami vulnerarii, deinde foramen repletur plumaceolis rotundis, ejusdem cum foramine diametri, & simili balsamo madidis: repleto sic foramine, applicantur plumaceola parum majora; integumentorum dissectis labiis molliissima digestiva applicantur; dein idoneâ ligaturâ firmatur totus apparatus.

Pulchrum laudatur inventum peritissimi Chirurgi *Bellostii* (d), qui lamellam plumbeam ejusdem diametri, ac est foramen trepano factum, binis ansis utrimque instructam, parvis foraminulis perforatam, & balsamo vulnerario tepido madidam, immittebat foramini; deinde huic lamellæ imponebat plumaceola molliissima, quæ effluentes humores imbibere; ansas utrimque reflectebat supra calvariam, deinde aptâ ligaturâ firmabat apparatus. Sic leni tali pressione impediabatur, ne exurgeret in foramen dura mater: poterant renovari plumaceola, relictâ hæc lamellâ plumbeâ; quæ tamen etiam, si opus videretur, facile tolli & reponi poterat. Hæc lamellâ per quatuordecim dies utebatur, deinde tollebat, ne ossis consolidationi noceret diutius relicta.

(a) *Medecin. Lib. VIII. cap. III. pag. 512.* | (c) *Ibid. pag. 510.*

(b) *Ibid. cap. IV. pag. 519.*

(d) *Le Chirurgien d'Hôpital. pag. 69. & suiv.*

Quia autem, nisi idoneâ ligaturâ retineatur, à tumente encephalo posset elevari hæc plumbea lamella, inprimis cùm foramen conico modico exsistit ab inferioribus sursum semper lateat; ideo & aliâ methodo usi fuerunt Chirurghi. Sumptum nempe laminam plumbeam, quæ foraminis inferiorem diametrum æquabat: hanc filo instructam in medio centro applicabant duræ matri, deih huic transversim imponebant plumbeam lamellam, lineam Geometricam circiter latitudine æquantem, & longitudine parum excedentem diametrum prioris laminæ: hujus lamellæ extremitates utrimque sub cranio prudenter demittebant, quæ ergo impendebat, quominus encephali pressio posset elevare orbiculum illum plumbeum. Huic lamellæ pariter filum affigebatur, ut commodè tolli posset (a).

### §. 193. CURATUR dein ut vulnus membranæ (105, ad 239.)

Illa, quæ in generali vulnerum cura dicta sunt, sufficiunt, ut habeatur cognitio illorum, quæ requiruntur, ut fiat sanatio perforatæ calvariæ; inprimis si simul considerentur illa, quæ habentur in *Commentario* ad §. 245. Maxime hic requiritur aeris moderatus tepor, dum nudatur plaga, & rara deligatio; præterquam in initio, dum adhuc prodeunt extravasata liquida; uti etiam quamdiu valida adest suppuratio. Nimis humida & laxantia, uti & pinguis, ferè semper noxia fuerunt; olibanum, mastiche, sarcocolla, & similia lenia roborantia, in tenuissimum pollinem trita, & vulnere adpersa, pulcherrimè profuerunt. Hæc methodus confirmatur Hippocratis auctoritate, qui, postquam monuerat, omnia capituli vulnera, ubi repurgata sunt, siccantibus tractari debere, subiungit (b): *Eadem quoque est ratio membranæ cerebrum ambientis: illa enim protinus esse secunda & exemplo denudata quàm citissime purgari & siccare debet; ne, si diutius madefcat, nimid uligine tabescat, & in tumorem exsurgat. His enim ita se habentibus periculum est, ne ipsa putrescat. Summa quies animi & corporis, diæta tenuis, inprimis commendanda sunt: cùm levia etiam vitia in usu sex rerum non naturalium in capitis vulneribus adeo noceant; uti in præcedentibus pluribus Exemplis confirmatum fuit.*

§. 294. ITA enim intra quadraginta & quinquaginta dies separati sunt margines ossei foraminis; quotidie enascitur caro cavum replens, quæ sensim durior, tandem calli ossei, cavati, vel eminentis formam adipiscitur, ubi debilitas & dolor aliquis remanent.

Omnis ambitus foraminis, excissi ferræ dentibus, & abrasione per cultellum lenticularem, contusus fuit: hinc omnis illa superficies ossis quasi gangrænosa est, & separari debet; antequam poterit fieri regeneratio perditæ. Optime hoc notavit Celsus, dicens (c): *Si quod etiam os adustum est, (à terebra calefacta, dum circumagitur celeriter) à parte sana recedit; subitque inter integram atque emortuam*

(a) Garengot *Traité des Opérations de*  
Chirurgie, Tom. III. pag. 212.

ter. Tom. XII. pag. 126.

(b) Lib. de Capitis vulner. cap. xxvi, Char-

(c) Medecin. Lib. VIII. cap. III. in fine  
pag. 513



partem caruncula, quæ quod abcessit, expellat. Eaque ferè, quia testa tenuis & angusta est, *ovis*, id est, squama à Græcis nominantur. Hæc separatio seriùs occurrere fit, inprimis pro variâ ætate vulnerati; incipitque tunc tota superficies foraminis fusca fieri, imò aliquando nigrescere: totum tamen illud sponte benignâ suppuratione separatur; tuncque incipiunt ab omni ambitu foraminis, inprimis à diploe & ab ipsa dura matre, vasa viva elongari, sibi mutuo occurrere, implicari, & retexere sic deperditam ossis substantiam, Pulcherrimè hanc rem notavit Celsus, dicens: (a) *Ubi bene res cedit, incipit ab ipsa membrana; vel, si os eo loco duplex est, inde quoque caro excrevens id, quod inter ossa vacuum est, replet. nonnunquam etiam super calvariam excrevit.* Renata hæc substantia primò tenerum mucum refert, sensim in callum mutatur, & tandem osseam ferè duritiem acquirit; sed nonnisi longiori morâ. Si æquabilis pressio semper adhibita fuerit, pulchra fatis erit cicatrix; si minor pressio luxuriare fecerit renascentia hæc vascula, eminebit callus supra æquabilem superficiem calvarie; si nimia pressio, vel valida exsiccantia applicata fuerint, cava erit cicatrix. Plerumque intra quadraginta vel quinquaginta dies hæc cura absolvitur, si nihil sinistri acciderit, quod consolidationem retardaverit.

Observatione quàm maximè dignum est, quòd, quamvis perfectissimè videatur recrevisse callus, rarè tamen totum foramen integre repletum sit tali substantiâ, quæ osseam duritiem, acquirit; plerumque in medio mollior locus manet, ubi carnea magis substantia, duræ matris fortè propago, concurrat cum illa, quæ ex ossis ambitu undique recrevit: unde plerumque in medio talis cicatricis debiliior locus adest, fortè nunquam in perfectum os indurescens. Hoc in pluribus calvariis defunctorum, qui hanc operationem passi fuerant, se observasse testatur Cærengeotus (b), & præsertim in calvaria hominis, cui ante viginti annos celeberrimus Chirurgus trepanum applicuerat: invenit enim in illo loco foramen inæquale, quod minus pîsum transmittere poterat. Non mirum ergo, si debilitas in hoc loco cranii, & aliquis dolor sæpe remaneant; inprimis à subita tempestatum mutatione: simulque apparet, debere locum illum, quamvis sanarum, diu adhuc muniri, ne ambientium injuriis lædatur. Aliâ occasione, in Commentario ad §. 271, dictum fuit de memorabili illo casu, quo tredecim annorum puellæ, magnâ parte calvarie ablata, post novem menses elapsos post integram consolidationem, cicatrix rupta fuerit à vehementissima tussi, sic ut binæ uncie ipsius cerebri substantiæ expressæ fuerint; & post quinque dies inde perierit.

Curam autem bene procedere monet Celsus. (c) *Si membrana mobilis ac sui coloris fuerit; caro increvens rubicunda; facilis motus maxillæ atque cervicis. Mala signa sunt, membrana immobilis, nigra, vel livida, vel aliter coloris corrupti, dementia, acris vomitus, nervorum vel resolutio, vel distentio, caro livida, maxillarum rigor, atque cervicis.* Et paulò post subjungit, illa utique capite fracto servanda: sunt, ut donec jam valida cicatrix erit, vitentur sol, ventus, frequens balneum, vini modus.

(a) Medic. Lib. VIII. Cap. xv. circa finem. | III, pag. 274. 275.

pag. 521.

(b) Traité des Opérations de Chirurgie, Tom. I.

(c) Médecin. Lib. VIII, cap. IV. p. 520. 522.

§. 295. **I**NFLAMMATIO, suppuratio, gangræna, fungus excrefcens rarò membranarum, & ipsius etiam corticis imprimis cerebri, tolluntur remediis, quæ his malis propria, tum applicatione antiphlogisticorum, detergentium, antisepticorum, filo, & lamellâ plumbeâ (292). Cæterum malignitas vulnerum capitis censetur. 1. Loco, 1. Loco, in occipite, vertice, futuris, pessima. 2. Symptomatibus; febris post septimam cum frigore, tremore, vulnere pallido, arido, livido, osse aspero, flavo, hemiplegiâ, convulsione. 3. Ætate. 4. Temperie. 5. Tempestate anni. 6. Malignitate impuri, putrisque aeris.

Supereſt jam ut considerentur illa symptomata, quæ post institutam calvarie perforationem aliquando sequuntur, & magnum sæpe periculum inducunt. Cùm enim ablato osse, ob calvarie plenitudinem, contentum encephalon unâ cum dura matre per foramen factum assurgat, nisi hoc caveatur illis, quæ dicta sunt §. 292; ad margines duri ossis appressâ durâ matre, impediatur liber transitus sanguini per hujus vasa, orietur inflammatio, & omnia, quæ ilam sequi poterunt, mala; inprimis suppuratio & gangræna. Multùm huc facit insolitus aeris, inprimis frigidi, attractus. Idem malum fieri poterit in piæ matris vasis, ipsiusque cerebri corticali substantia, unde omnes encephali functiones lædi poterunt. Generalis cura inflammationis, de qua dicitur postea, tollere præsens malum poterit; tutius verò præcavere, antequam natum fuerit. Venæsectio larga, epispastica, pedibus applicata, clysmata lenissima, tenuis victus, potus copiosus feri lactis, hydrogalæ, &c, corpus sic disponent, ut ab inflammatione alienissimum sit. Eadem hæc natam inflammationem tollere valebunt, audacter etiam repetita, si urgeant symptomata. Periculosissimam enim hic esse suppuracionem, lethalem ferè semper gangrænam, nullus dubitat; unde omni Artis molimine præcavendi sunt hi inflammationis exitus.

Frequens scilicet, & valde metuendum malum, solet sequi calvarie perforationem; fungosa nempe, & subtilissimè increscens encephali dilatatio, quæ rarò, vel nunquam fortè, contingit, quamdiu dura mater integra est; hæc verò discissâ vel erossâ, pia mater, adeo tenuis, coercere nequit huc assurgentem cerebri substantiam; quæ adhuc citius protuberabit, si pia mater simul læsa fuerit. Ob incrementi celeritatem, & figuræ similitudinem, fungi vocantur, ut dictum in *Commentario* §. 268. *Celsus* videtur simile malum observasse, sed credidit esse tu mentem duram matrem. Aperto enim cranio, & detectâ durâ matre, dixit (a) *Quod si membrana per inflammationem intumuerit, infundenda erit rosa repida. Si usque eo tumebit, ut super ossa quoque emineat, coercet eam bene trita lenticula, vel folia vitis contrita, & cum recenti vel burgo vel adipe anserino mista.* Videtur autem omnibus Observatis constare, fungos illos fieri à corticali pulposa cerebri substantia, coercentibus membranis & osseo tegmine orbatâ, & immaniter dilatâ ab impulsu arteriosâ vi humoribus; omnium maximè, si febris circulationis velocitatem auxerit. Cùm autem cortex cerebri naturaliter nihil rubri sanguinis habeat, ideo &

(a) *Medic. Lib. XIII, Cap. IV. pag. 510.*

hi fungi secti, & erosi, raro sanguinem fundunt, nisi maximâ dilatazione horum vasculorum diametri eò usque auctæ fuerint, ut rubrum sanguinem admittant; quod raro quidem fit, tamen aliquando factum fuisse testantur Observata. In mirabili enim illo casu, in *Commentario* §. 268, recensito fungosa talis excrescens, pertuso cranio, moles validè pulsantes habebat arterias, & rudiùs tractata sanguinem copiosissimè fundebat. Ob hanc causam, immينو circumscriptionis impetu, fungi illi ante mortem sæpe subsident; ut in eodem casu aliquot ante mortem diebus observatum fuit: fungus enim nucem juglandem æquans, coloris cineritii, indolens, sponte subsedit, paucis ante mortem diebus; & ingens hiatus in ipsa cerebri substantia apparuit. *Scultetus* in homine, acinace caput vulnerato, rimam cranii magnam & satis latam cum duobus fungis invenit: post mortem autem, dum vulnus inspiceret, vidit fungos subsedisse quàm plurimum (a). Quæ omnia confirmant, quòd fungosæ tales excrescentiæ à corticali vasculosa encephali substantia, ab impulsu humoribus dilatata, nascantur.

Quæritur jam, quid agendum sit in tali casu: ubi fungus talis eminet, retro-premi nequit, encephalon enim comprimeretur, & pulposa hæc vascula levi etiam pressione destruerentur; unde putredo summa, & pessima mata. Abscindere vel erodere ipsam cerebri substantiam periculosum nimis fortè videbitur. Tamen innumera Observata docuerunt, fungos tales resectos fuisse, superstitie vitæ non tantum, sed & omnibus encephali functionibus illæsis manentibus postea. Puero quatuordecim annorum, post trepani applicationem, talis fungus ex foramine calvariæ emerit: filo circumstricto abscissus fuit; renascebatur similis, eodem modo resectus; hoc cum aliquoties factum fuit, ad pugni magnitudinem de substantia cerebri sic perisse constat: tamen à tanto malo incolumis evasit, licet & quævis obvia sumeret pauperculus, & satis negligenter ipsum vulnus à mulierculis curatum fuerit, dum Chirurgus abesset. (b) Puero ejusdem ætatis à ponderoso lapide, in dextrum latus capitis ex alto delapso, ingens cranii fractura accidit. Cum, exemptis pluribus calvariæ fragmentis, omnia pulcherrimè cedere viderentur, & cum pars duræ matris, à cranii fragmentis impressis lacerata, separata fuisset, elapso die vigesimo, enatus fuit de vulnere fungus, qui intra viginti quatuor horas ad magnitudinem ovi gallinacei extra cranium eminuic: tamen adperso pulvere aromatico exsiccante, & emplastro ex similibus composito, & intra quatuordecim dies totus fungus subsedit, & postea plenissimè convaluit vulneratus (c). Plura exempla, quæ docent impune tolli posse hos fungos, apud eundem Auctorem habentur. Acrioribus tamen remediis fungos tales tentare videtur periculosum: & eodem in loco *Hildanus* casum narrat, quòd rudis Chirurgus, contento prudentioris consilio, fungo tali pulverem vitrioli & aluminis usi inasperferit, unde statim dolor vehementissimus, febris acutissima, inflammatio, delirium, & paucis diebus postea mors ipsa secuta fuit.

Si consideretur mirabilis ille apparatus, quo arteriæ ad encephalon tendentes ubique communicant inter se, postquam calvariæ ingressæ sunt; & simul notetur, quòd injectiones, docuerint, plex matris arterias ubique anastomosibus in-

(a) Sculteti Armament. Chirurg. Observ. XIX pag. 217.

(b) *Hildani* Observat. Chirurg. Centur. IV.

Observ. III. pag. 287.

(c) Ibid. Centur. I. Observ. XV. p. 12. 26

ter se uniri; idemque in tomentosis illis ultimis corticis vasculis obtinere ex analogia admodum sit probabile; patebit ratio, quare, magnâ etiam parte corticalis substantiæ cerebri ablata, functiones cerebri illibatæ manere possint. Simul notandum, quòd parva etiam corticis cerebri moles, coercentibus tegumentis libera, in immanem molem possit extendi; cùm vasculis adeo teneris & facillimè dilatandis constet.

Omnium optimum videtur ergo majores fungos filo circumducto refecare prope calvariæ foramen, ubi semper angustiores sunt; minores verò exsiccanibus compescere: cui scopo spiritus vini, cum mastiche vel olibani coctus, pulchre convenire videtur; vel & pulvis mastichis, sarcocollæ, &c. fungo insperlius.

Licet autem fungus ablatu fuerit, recrescet, brevè, uti innumeris Observatis constitit; nisi restituatur æquabilis pressio, quæ impediat nimiam luxuriantium vasorum distensionem; simulque adeo moderata fiat circulationis velocitas & impetus, ut non nimis urgeantur tam facillè dilatanda vascula. Prius perficietur lineis carptis replendo foramen; vel & applicando lamellam illam plumbeam, de qua dictum §. 292; & deinde idoneâ ligaturâ hæc sic firmando, ut in loco maneat. Posterius impetrabitur, si missione sanguinis minuatur copia distendentis liquidi: quiete corporis & mentis; diluentibus antiphlogisticis magnâ copiâ potatis; victu tenui & blando; lenibus anodynis, poterit compesci nimia circulationis velocitas. Clysmata ex similibus facta, fomenta applicata partibus inferioribus, epispastica &c., derivabunt impetum versus inferiora.

Ex tota hac vulnerum capitis Historia, uti & ex illis quæ de vulneribus in genere dicta sunt, satis constitit, levia sæpe capitis vulnera præter omnem expectationem funestum habuisse exitum; atque iterum, gravissimas non tantum calvariæ, sed etiam ipsius encephali læsiones, sine ulla abolitione vel lesione functionum, aliquando curatas fuisse. Plurimarum Observationes ex optimis Auctoribus enarratæ fuerunt, quæ hæc confirmant. Unde videtur pro axiomate haberi posse, quòd nullum capitis vulnus, quantumvis leve videatur, perfunctoriè tractandum sit: neque facillè desperandum esse, etiam in gravissimis malis. Ut tamen, quantum per Artem hodie cognitam licet; vulnerum capitis prognosis habeatur, sequentia consideranda sunt.

1. OCCIPITE. Validissimi hic muscoli calvariæ insiguntur; cerebellum, à quo tota vita pendet, hic reconditur; sinus magni transversales hic ponuntur. Effusus si fuerit vasis fractis sanguis, difficillimè hinc educi poterit; imò si sub expanso duræ matris velo, quod cerebellum tegit, & à pressione incumbentis cerebri tutè defendit, hæserint effusi humores, impossibilis omnino videtur humoreductio.

VERTICE. Calvaria enim omnium tardissimè ibi ossæam duritiem acquirit; in junioribus diu membranaceus talis locus manet, quem fontanellam vocant. Falciformis duræ matris processus satis validè adhæret ibi, & sinus longitudinalis supponitur: unde facillè patet magnum discrimen vulnere, quæ huic loco insiguntur.

PARIETE. Quia satis sæpe tenuia plerumque inveniuntur bregmatis ossa inprimis circa medium centrum, & sulci impressi his ossibus docent, satis magnas arteriarum duræ matris hic locari. Præterea hæc ossa capitis pro maxima parte solis

integumentis communibus teguntur; unde *Hippocrates* (a) magis periculosa huic parti inflicta vulnera conclusit, quia os imbecillum, minimâ carne tectum, & plurimum cerebrum subest.

**SUTURIS.** Quia pericranium hic cum dura matre videtur uniri, & cranium hic fortissimè cum dura matre coheret; unde mala in externis partibus orta, substantiæ continuitate, ad interiora faciliè propagari poterunt. Accedit, quòd, si effusi humores, perforatâ calvariâ, educi debeant, numquam hæc operatio, possit institui in loco suturarum, semperque magnum dubium adsit, si inter cranium & duram matrem effusus hæreat sanguis, à quo suturæ latere calvariâ perterebrari debeat, cum dura mater firmissimè adhærens futuris in diversis quasi cameris locare possit extravasata liquida; uti latius dictum fuit in *Commentario* ad §. 285.

**2. SYMPTOMATIBUS.** Symptomata, post vulnus inflictum orta, docent, quænam functiones læse fuerint, & majus minùse metuendum ex vulnere periculum: quæ ergo plura hæc, quòd graviora fuerint, eò major semper metus. Sed dictum fuit in *Commentariis* §. 240 n°. 4. gravia symptomata, statim post vulnus inflictum apparentia, sæpe minùs formidolosa esse illis, quæ post aliquot dies elapsos apparent; illudque *Hippocratis* testimonio confirmatum fuit. Pessimi semper omnis habita fuit febris, quæ post septimum diem à vulnere inflicto oritur; novam enim inflammationem, vel suppurationem, hic adeo metuendam, serè semper designat; & ab *Hippocrate* (b) damnatur hæc febris, tamquam signum malè affecti cranii, & neglectæ ejus curæ. Vulneris autem ruber color mutatus in pallidum vel lividum; uti & quando instar carniū emarcidarum, vel sale diu conditarum, labia vulneris apparent, & arida fiunt; designat, omnia hic in mortem & corruptionem tendere; uti fusiùs dictum fuit in *Commentariis* §. 255. n°. 8. Cum autem cranium læve, & coloris candidi rubelli aut subcærulescentis naturaliter sit; ejus asperitas & mutatus color in flavum, vel & fuscum, docent, illud corruptum esse, & naturâ, vel Arte separari debere sic affectam partem. Videantur de his illa quæ dicta sunt in *Commentario* §. 249. Hemiplegia autem, uti & convulsio, cerebrum ipsum affectum esse docent; siue illud compressum fuerit ab introgressa calvariâ, uti dictum §. 267, siue ab effusis sub cranio humoribus pressione vel corruptelâ lædatur cerebrum; vel & solâ validâ concussionem, sine notabili liquidorum effusione, tenerrimâ encephali fabricâ insigniter mutatâ, vel destruatâ; de quibus vide §. 273. 274. 275.

**3. ÆTATE.** In junioribus ossa molliora faciliùs cedent, & minùs resistere possunt causis vulnerantibus: in adultis omnia hæc firmiora sunt: in senibus dura quidem sunt omnia ossa, sed maximè fragilia. Præterea ossa omnia in juniori ætate magis vasculosa sunt, & hinc majori humiditate scatent; cum procedente ætate plurima vasa complanata concreverint; uti pulchre notavit *Hippocrates*, dicens (c) *at puerorum ossa & tenuiora sunt, & ob eam causam molliora, quòd sanguine magis redundant..... Unde si sub telis æqualibus & imbecillioribus, æquale aut etiam levius vulnus acceptum sit, pueri os magis & citiùs, minorique spatio purulentum evadit, quàm senioris: ac si altoqui ex vulnere:*

(a) Lib. de Cap. vuln. Cap. 111. Charl. Tom. XII, pag. 116. 117.

(b) Ibid. Cap. XXXI. pag. 127.

(c) Ibid. Cap. XXXIX. pag. 127.

*moriendum fit, junior seniore citius perit.* Accedit quòd juniores mobilissimum habeant totum systema nervosum; unde etiam levioribus de causis adeo facile convelluntur; ideòque à capitis vulneribus in hac ætate majus periculum imminet. In senibus verò tardior separatio ossis affecti, & difficilior regeneratio perditæ observatur semper, quia minor numerus vasorum vitalium in ossis substantia in hac ætate; imò sæpe integra diploe, quæ tota serè vasculosa est, in summo senio evanescit.

4. TEMPERIE. Temperies vulnerati dupliciter considerari potest: vel enim est temperies sana, vel morbosa. Unicuique enim homini privata & propria sanitas est, quæ tantum ratione hujus singularis corporis talis dici potest: & videmus diversissima in solidorum compage & fluidorum attributis corpora tamen sana esse. Hæc vocatur sanitas temperiei, quam in calidam & frigidam, humidam & siccam, &c. distinxerunt veteres Medici. Patet facile inde magnum discrimen obtinere in omnibus vulneribus, & imprimis capitis; in calidis enim & biliosis hominibus longè validior inflammatio, & multò major degeneratio humorum extravasatorum expectanda sunt: in frigidis, mucosis, debilibus hominibus, contrarium obtinet. Temperies autem morbosa ex prædominante cacochymia cognoscitur: pessima autem in capitis vulneribus illa temperies morbosa, quæ ossa insicere & corrumpere solet; uti scorbutica, rachitica, venerea, &c.

5. TEMPESTATE ANNI. Summus æstus, & glaciale frigus, semper capitis vulneribus noxia; vernus tepor inprimis prodest. Æstivos tamen calores hyemali frigore magis noxios damnavit Hippocrates dicens (a): *ex vulnere etiam capitis, quantumque parte acceptum fit, ubi alioqui ex vulnere quis fuerit periturus, hyeme quàm æstate diutius vivit.* Et alibi, postquam signa recensuit, quibus cognoscitur, capite vulneratum periturum esse, dicit (b) *æstate ante septimum diem, ante decimum quartum hyeme pereunt.* Longè etiam faciliùs acre frigus accenso foco temperari potest, quàm intensus calor. Fortè & ob hanc causam in calidis regionibus capitis vulnera difficiliùs curari observatum fuit: sic in Italia hoc constitisse Ludovicus Dureus monet. Alia tamen & hujus rei ratio data fuit in Commentariis §. 245.

6. MALIGNITATE IMPURI, &c. Dictum fuit in Commentariis §. 245, aeris, inprimis frigidiusculi, liberum accessum capitis vulneribus nocere: & in Commentariis ad §. 200, demonstratum fuit, purum aerem, sæpe renovatum, & ab omnibus putridis exhalationibus liberum, omnibus vulneribus tam pulchre prodesse. Unde post conflictus bellicos, qui frequentissimè æstivis caloribus contingunt, dum in nosocomiis ingens vulneratorum numerus decumbit, tot exhalationibus putridis repletur aer, ut plurimi pereant; inprimis illi, qui ex capitis vulneribus decumbunt. Unde peritissimus Chirargus bellofius inter utilitates præcipuas, quas pulchra ejus Methodus minutis cerebris calvariam nudatam & malè affectam perforandi, descripta §. 252. 253. 262, habet, recenset, quòd vulnerati sic longè citiùs curentur; nec cogantur diu languere in nosocomiis, ubi à malignis illis exhalationibus robustissima etiam corpora pessimè affici, quotidianis Experimentis constat: & affirmat, se centies didicisse, sanatos jam, & abitur meditantes, putridis febribus, hæmorrhagiis, diarrhæis, &c., correptos perisse (c).


(a) Lib. de Capite. Vulnerib. Cap. IV. Character. Tom. XII. pag. 117.

(b) Ibid. Cap. XXXI. pag. 118.

(c) Chirurg. d'Hôpital. pag. 67.

§. 296. **S**I cruor, pus, sordes sub membrana latentes deprehenduntur post perforatum cranium, audacter incidenda, pertundendæ erit membrana coercens.

Perforatâ calvariâ exitus quidem patet humoribus effusis inter hanc & duram matrem; sed si sub dura matre extravasata liquida hæserint, facillè patet, hæc non posse educi, nisi discindatur vel pertundatur dura mater. Verum quidem est, quod omnes Medici & Chirurgi semper sollicitissimè caverint, ne modiolî dentes, dum calvaria perterebratur, duram matrem lædant; inde enim (a) *graves inflammationes cum periculo mortis* oriri testatur *Celsus*. Sed aliud quid est dentibus ferræ lacerare hanc membranam, aliud cuspidè lanceolæ acutissimæ prudenter pertundere. Nec aliud in tali casu superest: si enim relinquuntur hæc extravasata liquida, corrumpuntur, & destruent teneram encephali fabricam; vel dura mater corrupta & gangrænosa facta secedet; qualem casum refert *Scultetus* (b). Videtur autem hoc satis tutò fieri posse, cum consliterit Observatis, magnâ etiam parte duræ matris rescissâ in periculosissimo vulnere, profundè in ipsam substantiam cerebri penetrante, sanatum fuisse ægrum. Illud patuit in mirabili illo casu memorato in *Commentariis*, §. 187, ubi bis applicato trepano ingens pars calvariæ exscindebatur, & simul dura mater dissecabatur per omnem ambitum tam magni foraminis. Dum verò sanguis effusus coagulatus hæret sub dura matre, sæpe color niger per hanc membranam pellucet; & dum forcipe tollere vellet grumum sanguinis Chirurgus, arriperet duram matrem. Si de hac re dubitatur, digito salivâ madido leviter tantùm fricetur ille locus; colore enim sanguineo digitus tingetur, si thrombus coagulati sanguinis nudus ibi hæreat; si verò sub dura matre recondatur, non colorabitur digitus. Ubi verò pertusa fuit dura mater, ex antèdictis patet, periculum esse, ne fungus cerebri nascatur; quod ergo idoneâ pressione præcavendum erit. Si autem humores effusi non hæserint inter duram & piam matrem, sed profundius in ipsis v. gr; cerebri ventriculis locentur, nulla medela superest. Quis enim auderet cerebri ipsius fabricam pertundere? Unica spes est, pressione encephali, calvariam semper exactè replentis, alibi hærentes effusos humores posse sensim derivari versùs aperturam factam.



## VULNERA THORACIS.

§. 297. **V**ULNERA thoraci inflicta, nec in cava penetrantia, cognoscentur adpectu; stylo; aere nulla arte exiliente; iniectione tepidæ repulsi; corporis situ, ut in accepto vulnere, eodem; signis certis adnati pulmonis ad illum locum pleuræ, quæ transit ictus.

Thorax vocatur illa pars trunci corporis quæ antèriùs sternò, postèriùs dorsò

(a) Medic. Lib. VIII, Cap. III, pag. 512, 1 (b) Armamen. Chirurg. Observ. II, p.

K k k iij

vertebris duodecim, à latere arcuatis costis, superius costis binis superioribus terminatur, & inferius per diaphragma à cavitate abdominis separatur. Cum autem diaphragma arcuarum fornicem faciat & obliquè possum, sic ut anterioris fati altè assurgat, posterius autem profundius descendat, patet, thoracis cavum versus posteriora multò amplius esse. Internè tota hæc cavitas membranâ politissimâ, pleurâ dictâ, undique investitur, quæ binas quasi cavas vesicas formans, uti dictum §. 170. n°. 4. sibi mutuo accumbentes prope sternum thoracis cavum bifariam dividit. Inter binas illas pleuras locatur pericardium unâ cum corde incluso, quod tertiam thoracis cameram constituit.

In omni vulnere thoracis primò quæritur, an in cava thoracis penetret, an non? Ubi instrumentum vulnerans pleuram membranâ, vel pericardium, perforaverit, tunc dicitur in cava thoracis penetrasse, aliter non. Plurimæ autem lædi possunt partes, & quidem magno cum periculo, licet vulnus thoraci inflictum non penetret in ejus cava. Utriusque enim lateris pleura, ubi pervenit ad latus columnæ vertebrarum utrumque, secedit à finibus ultimis costarum, & assurgens inde spatium fati amplum relinquit, quod cellulosâ membranâ occupatur, per quam œsophagus, aorta, ductus thoracicus, &c. pergunt. Omnes ergo partes hic positæ possunt lædi, licet vulnus non penetret in cava thoracis. Rariùs tamen hoc fieri posse facillè patet, quia à parte posteriori vertebrarum columnâ tutò defenduntur. Vulnus autem in pectoris cava non penetrasse, sed sola externa læsisse, cognoscitur sequentibus signis.

**ASPECTU.** Si nempe vulnus fati patulum fuerit, & rectâ penetraverit.

**STYLO,** ex plumbo vel argento mollissimo, sine ulla vi adhibita per vulneris aperturam, introducto. Sed facillè patet, mutatum situm corporis, pinguedinem vulnus obstruentem, thrombum sanguinis, &c, stylo viam facillè sic impedire posse, ut resistentia inveniatur, quamvis vulnus in cavum thoracis penetraret.

**AERE NULLA ARTE EXILIENTE** In *Commentariis* §. 170. n°. 4, demonstratum fuit, quamdiu thoracis cavum clausum est, pulmonem pleuræ semper exactè contiguum esse, nullumque omnino aerem inter pulmonem & pleuram hæc-  
re: ubi verò instrumentum vulnerans pleuram penetravit, aer ingredi potest, pulmo illius lateris collabitur; & spatium sic natum repletur aere ingresso. Ille aer autem, calore rarefactus, iterum per vulnus pro parte exiit, novus aer iterum ingreditur, siquæ ibit & redibit hanc viam; inprimis si vulnus pleuræ non nimis patulum fuerit; tunc enim aliqua adhuc dilatio pulmonis ab aere per glottidem ingresso fieri poterit, uti latius dictum fuit in loco modò allegato. Omni jam curâ periti Chirurgi in vulneribus thoracis inquirunt, an aer cum impetu per vulnus exeat, inprimis sequenti modo. Postquam Chirurgus pollice vel digitis vulneris labia sic compressit, ut nullus aer ingredi vel exire possit, jubet vulneratum validè inspirare aerem, & inspiratum aerem in pulmone retinere, clausâ larynge: deinde, antequam expirat vulneratus, candelulam ceream prope vulnus ponit; tuncque subito labia vulneris diducit: si jam aer cavum pectoris ingressus fuerit, ille cum impetu efflabitur de vulnere, & movebit flammulam candelulæ cereæ. Dum enim aer, pertusâ pleurâ, in cavo pectoris hæret, clauso vulnere, à corporis calore rarefiet; simul, si validâ inspiratione adhuc parum dilatari:



tantum possit pulmo illius lateris, aer in pulmone, clausa glottide, retentus & rarefactus expandet pulmonem; hinc urgebitur eò magis aer in cavum pectoris ingressus; qui ergo, simulac aperto vulnere libera datur via, cum impetu & sibilo exibat. Facile autem apparet, certissimum quidem esse, si per vulnus inflictum hæc methodo aer exeat, quòd vulnus in cavum thoracis penetraverit; interim tamen accidere posse, quòd thorax quidem perfoctus sit, & nullus aer tamen ingressus sit, pinguedine, inprimis post mutatum corporis situm, replente statim viam instrumento vulnerante factam; vel etiam, licet pauculum aeris sic ingressum fuerit, ille non facile poterit iterum exire per vulnus ob eandem causam. Inprimis autem hoc fiet, si angustum vulnus in thoracis cavum penetraverit. Ex his ergo apparet qualem hoc signum certitudinem dare possit.

INJECTÆ TEPIDÆ REPULSU. Tutissima videtur hæc methodus, & omnium certissima. Exploratio enim per stylum facta sæpe fallere potest, cum aliquando mutato corporis situ, inprimis in obesis, membrana cellulosa viam impediatur, quominus stylus immissus ad fundum vulneris possit pertingere. Aliquando etiam insigni longitudine stylus poterit immitti, nec tamen penetrare in pectoris cavum, vulnerante instrumento supra costas per pinguedinem adacto, uti constitit Observatis Chirurgicis. Studiosus in singulari certamine gladio sic vulnerabatur in dextro thorace, ut vulnus, quod obliquo corpore à latere inflictum fuerat, in sinistro thorace exiret, nec tamen penetraret in pectoris cavum; ense supra costas gliscente. Aqua tepida, syringâ per vulneris orificium, leni vi injectur: si insignis aquæ copia sine resistantia sic immitti possit, nullisque tumor in vicinis partibus à collecta aqua in membrana cellulosa oriatur, novimus aquam in pectoris cavum per viam vulneris factam intrasse; si verò statim magna resistantia sentiat, & redeat aqua injecta per vulneris orificium, contrarium patet. Neque ullum inde metuitur malum, licet aqua tepida per siphomen injecta in pectoris cavum sic delabatur. Facile enim inde poterit educi idoneo situ corporis, vel aliis methodis, de quibus dicitur §. 303. Imò, licet ibi relinqueretur, vas bibulis venosis, omnem thoracis interni & pulmonum superficiem occupantibus, resorbetur. Sic enim contenta in thoracis cavis liquida dissipari posse, frequentissimæ docuerunt Observationes. In empyemate, pus resorptum per sputa, urinas, vel alvum, evacuatum fuisse aliquando constat; uti & idem pus, venas ingressum, sanguini mistum, metastasi ad varia corporis loca delatum fuisse. Dum ex amaribus paratum medicamentum injiceret thoracis cavo *Paræus*, ut detergeret & munderet hæc loca ab extravasato & corrupto sanguine, mirabatur, paulò post vulneratum percipere summum amarorem, & vomendi conatum (a); idcirco postea ab his abstinuit.

CORPORIS SITU, &c. Quantum usum habeat in determinanda vulneris inflicti natura, & præfatio malorum, quæ à vulnere metuenda sunt, cognoscere situm corporis, quem habuit vulneratus, dum vulnus accepit, dictum fuit in *Commentario* §. 168. n<sup>o</sup>. 1. Sæpe enim omnino impossibile foret indagare viam, quâ instrumentum vulnerans penetravit inter corporis partes, nisi in eodem situ reponatur vulneratus, quem habuit, dum vulnus ipsi inflictum fuit. Varia enim musculorum actio miris modis mutare potest partium situm, uti pulcherrimè expressit *Eustachius* in tabulis suis Anatomicis: ibi enim trigésimâ tabulâ dextrum brachium elevatum, flexo cubi-

(a) Les, Œuvres d'Ambroise Paré, Liv. X. Chapit. XXXII pag. 251.

to, apparet, sinistrum verò extenso cubito deorsum porrigitur. Si in hac figura conferatur dextrum thoracis latus cum sinistro, patebit insignis differentia in positura partium.

**SIGNIS CERTIS ADNATI PULMONIS, &c.** Cùm pulmo toto vitæ tempore pleuræ contiguus maneat, & in inspiratione pariter ac in expiratione, uti ex Physiologicis constat; tamen naturaliter undique liber est in pectoris cavo, asperæ arteriæ cohærens per vasa sua aërea, vasis verò sanguineis cordi unitur; cæterum in nullo puncto pleuræ adhæreret. Præcipua autem causa, quare non concrecant hæ partes inter se, videtur esse hæc, quòd in omni puncto pleuræ & pulmonis fistulæ minimæ arteriosæ omni vitæ tempore exhalent tenuissimum rorem, qui impedit, ne pulmo cum pleura concrecat. Quam rem Hippocrates concinnâ brevitate, ut solet, pulcherrimè expressit, dicens (a) *Pars namque omnis disjuncta nec continua, sive cute, sive carne tegatur, concava est; quæ quidem sana, spiritu; ægra verò sanie impletur.* Ubi autem inflammatione distensis valis majoribus minima hæc compressa non efflant tenuissimum illud liquidum, sicæ superficies concrescunt inter se satis citò; unde post pleuritidem, peripneumoniam, empyema, toties invenitur pulmo pleuræ accretus. Si ergo constet, vulnere hos morbus passum fuisse, de hac re cogitandum est. Si enim vulnus infictum fuerit tali loco, ubi pulmo cum pleura concrevit, poterit instrumentum vulnerans pulmonis substantiam penetrare, nec tamen intrare pectoris cavum. Cognosci poterit, si aqua per siphonem injecta in vulneris orificium tussiculam exciter, & per asperam arteriam expellatur, tunc enim vulnus in pulmonem quidem, fed non in pectoris cavum penetravit.

Hæc sunt illa signa, quibus solet concludi, vulnus sola externa læsisse, non autem penetrasse in pectoris cavum. Accidere tamen aliquando potest, ut omnia hæc, sollicitissimè quamvis observata, fallant tamen; inprimis si angusto instrumento vulnus infictum fuerit: tunc enim educto instrumento poterit pinguedo sic obturare vulnus factum, ut nec aëri, nec stylo, nec aquæ injectæ pateat via, & tamen pulmonis vasa læsa v. gr; poterunt effundere sanguinem in pectoris cavitatem. Unde simul attendendum est, an respiratio læsa fuerit: si enim vel aëre ingresso, vel sanguine extravasato, pectoris cavum angustetur, semper erit difficilis respiratio; quæ ergo si observetur post vulnera pectoris, semper videtur periculum indicare, quamvis nullo alio signo apparet, vulnus ad interiora thoracis penetrasse. Summa enim in his cautela opus est, ne famæ detrimentum accipiat Medicus vel Chirurgus, dum periculosum & sæpe lethale vulnus leve & nullius ferè momenti habuerint.

§. 298. **SI** obliqua descendunt illa (297) supra, vel intra costas; sæpe dein pleurâ erosa in cava thoracis pus deponunt, maximè, si puri ad externa egressu via quacumque arte impeditur. Tumque empyema fit & inde multa mala.

Licet jam constiterit, vulnus non penetrasse in pectoris cava, tamen inde pessima mala oriri possunt. Si enim vulneris fuerit talis conditio, ut ejus orificium altiori loco ponatur, interim satis profundè inter musculos descendat; humores

(a) Lib. de Arte, Cap. VIII, Charact. Tom. II, pag. 150.

effusi hic colliguntur, morâ & stagnatione acriores fient, sinus formabant varios; tandémque poterunt, erosâ pleurâ, in pectoris cavum delabi: quotidie ex tali sinuoso ulcere collectum pus depluet, augebitur cavo thoracis contentorum liquidorum copia, fiet empyema, pulmo maceratus pure, quotidie acriori faëto, tã besiet; unde post summas miseras toleratas, tandem mors ipsa sequetur. Omnium molestissima hæc mala sunt, quando fistulose tales cavitates ponè costas descendunt; tunc enim nec dilatacióni, nec compressióni ullus ferè locus superest. Præterea sterni & costarum substantia ossea vel cartilaginea læsa si fuerit, poterunt inde multa mala sequi, & curatio sæpe erit difficillima; uti patebit, ubi de ossium morbis agetur. Memorabilem Historiam, quæ hæc confirmat, habet *Galenus*. Ictus puer fuerat (a) in sterno in palastra: neglectus primùm est; deinde parum probè curatus. Post menses quatuor pus in parte percussa apparuit: hoc auferre cogitans Medicus puerum incidit & (ut putabat) subitò ad cicatricem vulnus perduxit. Postea rursus inflammatio oborta est, mox quoque iterum abscessus: iterum sectus puer est, nec amplius cicatrix obduci potuit. *Galenus* postea, cum pluribus aliis Medicis advocatus, invenit sterni os sideratum; cùmque omnes recusarent curam aggredi, *Galenus* sterni partem corruptam excidit, subiecti pericardii partem putridam invenit, & nudum cor vidit; & tamen brevi satis tempore puer sanatus fuit. Et de hoc casu videtur etiam locutus fuisse in ipso initio libri primi de *Placitis Hippocratis & Platonis* (qui liber primis quatuor capitulis truncus tantum habetur), dum dicit, se in tali puero tam apertè cor vidisse, ut in animalium dissectionibus, ubi consulto & datâ operâ id nudamus; additque, puerum hunc servatum fuisse (b). Omnium maxime hæc mala metuenda sunt, quando vel vulneris situ, vel perversâ Arte, impeditur exitus puris versùs exteriora.

§. 299. QUARE in curatione abstinendum ab omni turunda, emplasticis, comprimentibus; contrà depurantibus, balsamicis, plumaceolis, levi ligaturâ utendum, & situ corporis apto.

Cùm ergo tot & tanta mala oriri possint in thoracis vulneribus ab humoribus extravasatis retentis in vulneris cavo, ibique novas sæpe vias sibi facientibus per membranam cellulosam, patet evidenter, liberum exitum his procurandum esse omni modo. Quondam communi omnium ferè Chirurgorum usu plerisque vulneribus, & imprimis thoracis, immittebantur turundæ, ut scilicet impeditur officium vulneris subita nimis consolidatio, nondum concretâ internâ vulneris superficie; & ut facilis esset exitus corporum heterogeneorum in vulnere relictorum, & simul ut facile ad fundum vulneris usque venire possent remedia vulneraria; Peritissimus Chirurgus *Bellostius* (cui etiam præcipuè debetur pulchra illa methodus ossa periosleo suo nudata minutis foraminulis perterebrandi, uti dictum fuit §. 252. 262.) huic torrenti se opponere ausus fuit, & solidissimis argumentis demonstravit noxiū turundarum usum, imprimis in thoracis vulneribus (c): simul pulcherrimis Exam-

(a) De Anatom. administ. Lib. VII. Cap. I. Cap. v. Charter. Tom. V. pag. 78.  
 XIII. Charter. Tom. IV. pag. 161.

(b) *Galen. de Hippoc. & Platon. placis. Lib.*

Tom. I.

(c) Chirurgien d'Hôpital, pag. 1-43.

plis ostendit, rerum usum confirmare illa, quæ ratio dictaverat. Turundæ enim, ex linteis carpis contortis vel similibus paratæ, vulneris orificio immisæ, effusis humoribus resorptis tument, & nisi tenaci emplastro vel ligaturâ firmentur, expelluntur brevi: si verò coerceantur sic, ut exire nequeant, turgentibus lentâ dilaceratione vulneris orificium dilatant non sine magno dolore & irritatione partium; & simul, dum vulneris orificium oburant, impediunt exitum puri alivæ liquidis effusis; quæ ergo novas sibi vias facient, & vulnus in ulcus pessimè sinuosum poterunt convertere: imò & pleurâ, erosâ, poterunt delabi in pectoris cava; unde tristissima fient mala. Præterea singulis vitæ momentis mutatur thoracis capacitas, moventur costæ illisque affixi muscoli, etiam in placidissima respiratione; unde numquam quiescit tale vulnus, & continuò vulneris labia turundæ affricantur; unde dolor, inflammatio, & tandem callositas nascitur in labiis vulneris, quæ postea tolli debebit, antequam ad consolidationem vulnus deduci poterit. Ex quibus omnibus satis apparet, nihil boni à turundarum in vulneribus thoracis usu expectari posse. Fortè tantùm prodesse possent, si vulneris orificium nimis angustum dilatarî deberet, quamvis tamen, ut dictum fuit §. 238, cultro facilius hoc fiat: & si huic usui inservire debeant turundæ, uno alterove die applicatæ hoc efficere poterunt, neque ideo necesse est illas toto curæ tempore applicare. Quinimo turunda ex spongia rite præparata (ut ibidem dictum fuit) orificio vulneris immisâ paucis horis poterit insignem dilatationem facere. Ob eandem rationem patet, quare & tenacissima emplastra hic nocent: quia nempe liberum humorum per vulnus effluxum impediunt. Optimè ergo vulneribus thoracis applicantur plana plumaceola, balsamo vulnerario, vel pro re nata mollissimis digestivis inuncta: his dein imponitur emplastrum non nimis tenax, foraminulis plurimis perforatum; & idonea dein applicatur ligatura, si opus videatur; hac cum cautela, ut splenis applicatis, vel alio quocumque modo, impediatur ne fasciæ circumductæ, vulneris aperturam comprimendo, exitum extravasatis humoribus impediant.

Monuerat Hippocrates (a) Quicumque vulnerati thoracem externâ vulneris parte sanati sunt, internâ non, periclitantur, ne supperati fiant. Quibus autem debilis inducta est intus cicatrix, facillè rescinditur. Unde apparet, summam cautelam adhibendam esse, ut interna vulneris superficies consolidata fuerit, antequam externum ejus concresecat orificium. Hinc fortè videretur concludi posse, quòd turunda, impediens concretionem orificii externi, prodesse posset. Sed si consideretur, turundam sic vulnus obturare, ut pus collectum in cavo vulnere exire nequeat; patebit impediri concretionem vulneris interni, dum pus retentum in vulnere à contactu removet partes uniendas, & idem copiâ auctum novas vias sibi faciet, & sic augebit vulneris interni superficiem. Non autem fuisse Hippocratis mentem, ut turundis occluderetur in tali casu vulneris orificium, ex alio memorabili loco ejusdem Auctoris patet, qui pulchre Coacem prænotationem modò allegatam explicat. Dicit enim (b) Qui autem à vulneribus purulentis sunt (ubi eodem vocabulo *ῥῆγες* utitur, ut in Coacæ prænotatione, illudque vocabulum frequentissimè sumitur pro collectione puris in thoracis cavis) aut hastâ, aut pugione, aut jaculo intro vulnerati sunt, quamdiu quidem ulcus per antiquum vulnus foras respirationem habuerit, & hæc parte frigidum in se attrahit, & calidum à se emittit, tum pus

(a) Coacæ, Prænot. B<sup>o</sup>. 430, Carter. Tom. VIII. pag. 877.

(b) De Morbis, lib. I, Cap. IX, Charter. Tom. VII. pag. 542.

*facile, tum sanè si quid aliud, expurgatur. Et si sanè tum interna pars, tum externa simul sanescant, penitus æger sanus evadit. Sin autem externa quidem pars sanescat, interna verò minimè, purulentus (ἰμῦς) fit. At sanè si simul tum interna, tum externa pars sanata sint; cicatrix autem intus debilis, aspera & livida æstuat, quandoque refricatur ulcus, & sic purulentus evadit.*

Et quo loco satis patet, non per turundas tentari debere curam, ut interna & externa æqualiter & firmiter consolidentur; sed situ corporis tali, ut contenta cavo vulneris liquida proprio pondere versùs aperturam externam delabantur; & ubi fundus vulneris demissior est ejus orificio, nec tamen situ vulnerati hoc corrigi possit, tunc spleniis, vulneris fundo applicatis, & idoneâ ligaturâ poterunt pellè humores contenti versùs vulneris orificium, & sic uniri partes in vulneris fundo, liquidis expulsis, ut contiguæ factæ concrecant facillè. Interim pus, continuò exiens per orificium vulneris, facillè impedit, ne illud concrecat, antequam interiora sanata fuerint. Si autem vulneris interna superficies, fordidâ factâ, priùs requirat depurationem, antequam consolidatio expectari possit; tunc applicari possunt illa auxilia, quæ §. 207, enumerata sunt; de quibus etiam postea dicetur in fistularum curatione. In horum usu pergitur, donec pus album, blandum, viscidum, læve, æquale, inodorum adsit; & postea leni compressione, sensim à vulneris fundo ad ejus orificium procedente, tentatur consolidatio puri jam vulneris.

§. 300. **I**N cava pectoris adire scimus 1. Consideratâ causâ cum amplitudine vulneris. 2. Specillo corpori, in situm vulnerandi reposito, applicato. 3. Aeris in pulmonem inspiratu forti, dum clausum vulnus, mox naribus & ore clausis, nixu expirantis edito; tumque detecto subito vulnere, expiratione, & sæpe sono ejus agitati in cavo pectoris. 4. Iniectione. 5. Emphysemate, quando aer thoracis cavo contentus; pertusi pulmonis actione assiduè auctus; calefactus; rarefactus; pressus inspiratu; exire impeditus libere ex vulnere; in labiis vulneris actus per membranam cellulosam; auctus; facit ut sæpe totus homo, hinc inde ad pollices, tumore pellucido, levi tumeat; solis plantis pedum, manuumque volis exceptis. *A. reg. Sc. 1713. Hist. f. 15. 18. Item 4. 14. & 119. 120,* ubi emphysema lethale à costis fractis illatâ cute. 6. Cruoris spumosi exitu.

Magnâ cautelâ opus est, dum determinabitur, an vulnus insitum in pectoris cavum penetraverit, an non. Nam thoracis cavum anteriùs multò altius ascendit, à par e posteriori profundius descendit. Unde sæpe turpes errores acciderunt, dum credebantur vulnera thoracem penetrasse, cum tamen in abdominis cavum transirent. Sic habetur apud *Ruysehium* (a), quòd temerarius Chirurgus, in loco quodam suburbano habitans, thoracis paracentesin cum instituire vellet,

(a) Observat. Anatom. Chirurg. Centur, Observat. LXV.

ipsum in consilium vocari jusserrat; cum autem *Ruyfchius* ob adversam valetudinem venire non posset, ille Chirurgus solus thoracem, ut putabat, perforavit. Mox hydatides multæ eruperunt; quibus visis territus Chirurgus turundam immisit vulnere facto. Paulò post misera femina perit, & aperto cadavere patuit, nihil liquidi præternaturalis in thoracis cavis hære, sed ignarum Chirurum abdomen perforasse, non thoracem, & hepar vulnerasse, quod ibi, peritonæo accretum, in hydatides degenerasse visum fuit, quæ per vulnus factum eruperant. Unde patet, ex Anatomicis diaphragmatis situm & nexum rite cognosci debere, ut certi quid hic statui possit.

Vulnera autem possunt in pectoris cava penetrare, dum abdomini inflicta per diaphragma transeunt; cujus rei certa signa non habentur, & sæpe tantum post mortem in cadaveribus hoc apparuit: quales casus enarrati fuerunt in *Commentario* §. 170. n°. 4. vel vulnera thoracem propriè dictum perforantia in cava ejus transeunt, de quibus hic agitur; illudque cognoscitur sequentibus signis.

1. Cum sæpe omnia instrumenta, quibus punctim vulnera insignuntur, conicæ sint figuræ; patet, vulneris amplitudinem, collatam cum instrumento vulnerante, docere posse, quousque penetraverit instrumentum vulnerans. Fallere tamen in hoc casu posset hoc signum, si vulnus supra costas inter musculos adactum fuerit: potest enim tunc instrumentum vulnerans magnâ sui parte penetrasse, nec tamen ingredi thoracis cavum.

2. De hac re dictum fuit §. 168. n°. 1. & §. 297, ibique patuit, mutato situ corporis musculos alio modo positos, & pinguedinem in vulnus pressam facillimè aditum stylo exploratorio impedire posse.

3. De hoc signo etiam dictum fuit §. 297. Inprimis hic cavendum, ne hæc exploratione aer ingrediatur pectoris cavum: diductis enim vulneris labiis, & dilatato per inspirationis nixum thorace, posset facillè ingredi aer, licet hucusque nondum intrasset. In obesis enim, inflicto vulnere in cavum thoracis penetrante, pinguedo sæpe educto instrumento vulnerante illico viam sic obturat, ut aer ingredi nequeat. Unde, dum hoc tentatur, primò sollicitè comprimenda sunt vulneris labia; deinde forti inspiratione haustum aerem retineat vulneratus; tuncque naribus & ore clausis nixum expirationis edat. Aer tunc retentus, calore expansus: validissimè dilatabit pulmonem; hinc comprimet aerem, qui inter pleuram & pulmonem hæret, calore loci pariter admodum rarefactum; detecto tunc vulnere, nullus metus est, aerem per externum vulnus posse ingredi in thoracis cavum, quia pulmo distentissimus applicabitur undique pleuræ, si nullus hætenus aer in cavo pectoris hæret; si verò aer jam ingressus fuerit, ille calore rarefactus, à pulmone dilatato pressus, prævalebit atmospheræ pressioni, & cum impetu exibat de vulnere. Si autem vulnus tale fuerit, ut liber satis aeri ingressus in thoracis cavum pateat, nec tamen tam patulum fuerit, ut glottidis aperturam multùm superet (vide §. 170. n°. 4.), ibit & redibit aer cum sibilo manifesto per vulneris aperturam; tuncque nullum dubium superest.

4. De hoc signo etiam dictum fuit §. 297.

§. In §. 244, de mirabili hoc symptomate dictum fuit, quatenus vulnera capitis aliquando sequatur. Longè tamen frequentius pectoris vulnera, in cavum penetrantia, hoc malum sequitur, & tunc brevè satis temporis spatio per totum corpus miris talis tumor dispersi poterit. Dum enim per vulnera ingressus fuit aer

in thoracis cava, & orificium externum per emplastratenacia, vel pinguedinem clausum fuerit; calore loci rarefactus aer viam sæpe sibi facit per panniculum adiposum. Inprimis autem maximi tales tumores oriuntur, si pulmonis vasa aerea, per vulnus læsa, inspiratum aerem in pectoris cava deposuerint; tunc enim omni momento augetur malum. Mirabilem casum habet *Paræus*, qui huc referri potest, quem jam memoravi in *Commentariis* §. 249, ubi constitit, asperâ arteriâ læsâ in collo, aerem per vulnus hujus elapsum se insinuasse in panniculum adiposum, & miro modo sic intumuisse faciem, ut nasus & oculi penitus disparent quasi. Cùmque vulneratus jam pro derelicto haberetur, peritissimus Chirurgus, profundis scarificationibus hinc inde factis, ingresso panniculum adiposum aeri viam fecit, & ex ipsis orci faucibus vulneratum eripuit (a). Mirabile emphysema, post vulnus thoracis penetrans & pulmonis substantiam lædens, habetur in *Aëtii Parisinis* (b). Homini triginta annorum, sanguineæ temperiei, & valde carnosus habitus, inflgebatur vulnus in pectoris cavum penetrans, à quo quintâ die periit. Ante mortem totum corpus miro tumebat emphyemate, exceptis plantis pedum & volis manuum, & capitis vertice. In pectore tumor ille undecim pollices crassus erat, in ventre novem, in collo sex, in reliqua autem corporis superficie quatuor pollices æquabat. Oculi in cadavere pro parte extra orbitas eminebant, aeris magnâ copiâ distenti in tunica cellulosa. Rarissimus alter casus observatus fuit (c), ubi integrâ cute costis fractis emphysema lethale ortum fuit. Homini sexaginta annorum, carpenti rotis super pectus transeuntibus, quarta & quinta costa vera lateris sinistri in medio fractæ erant: paulò post in loco affecto tumor notabilis apparuit ab aere ingresso panniculum adiposum; qui quotidie unâ cum difficultate respirationis crescebat, donec quartâ die post hoc infortunium moreretur homo. In cadavere patuit, emphysema totam corporis superficiem occupasse, exceptis plantis pedum & manuum volis. Discissâ cute & reliquis integumentis, quæ incumbabant costis fractis, in musculis intercostalibus parva & vix perceptibilis apertura inventa fuit, sine illa ecchymosi; aperto verò thorace, membranz externæ pulmonem investientis exigua particula lacerata apparebat, quæ partim adhuc cohærebat pulmoni, partim affixa erat costæ fractæ: nihil autem sanguinis extravasati in pectoris cavo inveniebatur.

Et quibus omnibus satis patet, emphysema pectoris vulnera sæpissime sequi, inprimis si vulnus aerem quidem admiserit in pectoris cavum, sed interim quacumque de causa impediatur liber exitus aeris ingressi ex vulneris orificio. Omnium autem maximos tales tumores fieri docent hæc Observata, si simul pulmo læsus aerem inspiratum in pectoris cavum dimiserit; præcipuè si simul non adsit magna hæmorrhagia: tunc enim sanguis, in cavum thoracis delapsus illudque replens, impedit, ne tanta copia aeris in pectoris cavo accumuletur, quæ toti corpori inflando sufficeret. Simulque apparet evidens ratio, quare, si vulnus thoracis subito sequatur tale emphysema, merito, concludatur illud penetrasse in pectoris cavum.

6. Hoc signum denotat cerèd pulmonem esse læsum: sanguis enim tunc, læsis sanguineis vasis effluens in aerea vasa pulmonis, cum aere mistus spumescit, unde tunc vel per asperam arteriam eructant spumofum cruorem, vel undatim talis sane

(a) Les Œuvres d'Ambroise Paré, Liv. X.  
Chap. xxx. pag. 249.

pag. 1. & suiv.

(b) Acad. des Sciences l'an 1713, Mémoires,

(c) Ibid, Mémoires, pag. 154. & suiv.

guis de vulnere externo effluit. Sed pulmo lædi nequit, nisi instrumentum vulnerrans in pectoris cavum penetraverit; nisi fortè pulmo illo in loco pleuræ fuisset accretus: de qua re dictum fuit §. 297. Pulcherrimè hoc expressit *Virgilius* (a) ubi *Antiphaten à Turno vulneratum* describit:

----- Volat Italia cornus

Aera per tenerum, stomachoque infixâ sub altum

Pectus abit: reddit specus atri vulneris undam

Spumantem, & fixo ferrum in pulmone tepefcit.

Obeandem causam, si sanguis spumofus in morbis per os rejicitur, ex pulmone illum prodire concluditur.

§. 301. **EFFECTUS** talis vulneris sæpe 1. Aeris ingressu pressio in pulmonem, respirationi hinc, & circulationi ineptum 2. Effusus cruor in thoracem, & accumulatus. 3. Ejus extravasati, calefacti, moti, clausi undique, putrefactio. 4. Hinc pleuræ, pulmonum, mediastini, diaphragmatis, pericardii maceratio, erosio corruptio, scætor. 5. Infiniti ex his oriundi morbi. 6. Cruoris excreatio.

Enumerantur jam illa mala, quæ observata fuerunt aliquando sequi vulnera thoracis in cavum penetrantia, quæ omnia inprimis ab aeris admissione, vel extravasatis humoribus pendent.

1. In *Commentariis* §. 170. n°. 4, demonstratum fuit, inter pulmonem & pleuram in homine sano naturali:er nunquam aerem esse; hocque requiri necessariò, ut pulmo, pectore dilatato, distendi posset aere per glotidem irruente. Unde, simul ac per vulnera thoracis aer in cavum pectoris admittitur, patet, liberam pulmonis expansionem impediri, imò à patulis vulneribus integre tolli. Eodem loco per varia Experimenta constituit, quousque, & quânam sub limitatione hoc verum sit. Si enim aer liberrimè per vulnus factum ingredi possit, non poterit dilatari pulmo; si angustiori vulnere ingrediatur minor aeris quantitas, quàm per rimam glottidis apertam intrare potest, fiet aliqua pulmonis expansio, non tamen tanta ac in sanitate fieri debet. Quam rem pulcherrimè expressit *Galenus* dicens: (b) *Novum verò est, inspiratione per animantis os factâ, tantum necessariò ob vulnus perire, quantum ipsius circumflui aeris in vicem, ipsius thoraci extrinsecus influi: quando autem minus per os ad necessarium sibi usum inspiraverit, tantò minus efflare; quânto autem efflatio decreverit, tantò vocem sequi breviorē necesse est.* Si jam aer, ingressus pectoris cavum, quacumque de causa iterum per vulneris orificium exire nequeat, ille calore rarefactus expandetur, pulmonemque fortiter comprimendo impedit respirationem, & dilatationem pulmonis inde factam; quæ in homine dato requiritur, ut sanguis corde dextro expulsus, libere per arteriæ pulmonalis angustias transire possit. Omnium autem horum ratio facillè deducitur ex cognitis aeris proprietatibus, & illis requisitis, quæ ad respirationem peragendam, & liberum sanguinis circum per pulmonis vasa, necessaria esse in Physiologicis demonstrantur.

(a) *Æneid. Lib. IX. versu 700.*

(b) *De Anatom. administrat. Lib. VIII.*

Cap. III. Charter, Tom. IV. pag. 172.



2. Si arteriæ intercostales læsæ fuerint v:gr; sanguis ingenti copia colligi poterit in thoracis cavo; vicinum enim cor magnâ vi sanguinem in has arterias pellit; motus thoracis per respirationem impedit, ne arteriæ læsæ quiescant & se contrahere tam citò possint. Si jam pulmonis vasa sanguinea dissecta fuerint, faciliè patet, subitò ingentem cruoris copiam accumulari debere: si verò ex corde egressa vasa maxima lædantur, brevis mors sequetur. Sanguis autem sic effusus, nisi per vulneris aperturam externam effluat, colligetur in thoracis cavo, & impedit liberam pulmonis dilatationem; unde summa anxietas & respirationis impedimentum.

3. Cruor sic effusus hæret in loco calido & humido, & per respirationem assidue moto; hinc facillima degeneratio in putridam corruptelam hic obtinet; in primis cum per vulnera, in cavum thoracis penetrantia, sæpe semper aer ingrediat; uti etiam, si pulmo in aereis suis vasis læsus fuerit, & aerem inspiratum in pectoris cavum dimiserit. Observata jam Chirurgica docent, parvo fatis temporis spatio putrescere hic effusum sanguinem. In *Commentariis* §. 172. n°. 3, ubi agebatur de illis malis, quæ vulneratis accidere observantur aliquando ex neglectu vel errore Chirurgi, enarratus fuit ille casus, quo militi thoracem vulnerato, sic ut sanguinem cum tussi per os rejiceret, imperitus Chirurgus vulneris labia sutura univerrat ita, ut nihil exire posset. Sequenti die advocatur *Paræus*, qui illico suturam rescidit, & digito immisso thrombum sanguinis coagulati, vulneris orificium obturantem, removit, & eduxit de pectoris cavo uncias octo sanguinis, jam corrupti, & sœtatis. In nobili viro, thoracem vulnerato, gladii ictu in cavum penetrante, post septem vel octo libras sanguinis perditas, dum circa finem primæ diei post vulnus inflictum removeret apparatus *Bellostius* (a), eduxit sex septemve uncias sanguinis jam semicorrupti. Dixit *Hippocrates* (b) *Quodd si sanguis ex vulnere aut vend in superiorem ventrem fluxerit id in pus verti necesse est.* Sed demonstratum fuit in *Commentariis* §. 172. n°. 1, ubi ex Aphorismis similis locus allegatus fuit, quod hic suppurationis nomine intelligatur quæcumque sanguinis corruptela; uti & *Galenus* in explicatione illius aphorismi monuerat.

4. Tam brevi temporis spatio nata corruptela effusi sanguinis augebitur omni momento; calor enim hic summus ob viscerum vitalium viciniam adest; hinc in putridissimum liquorem mutabitur cruor. Pulmo, in hoc gangrenoso corrupto liquore hærens, macerabitur, & putrescet; sic & pericardium, pleura, &c. Præcedenti numero constitit, citissimè cruorem effusum in pectoris cava corrumpi posse; sed & summum corruptelæ gradum acquirere posse, docuerunt Observata. Homini in dorso sic percusso, ut per pectoris cavum transiens ensis in pectore sinistro mammam penetraret, cum pessima urgerent symptomata, applicata fuit paracentesis; & sexto die post inflictum vulnus notabilis satis copia effluxit puris, sed tam sœtidi, ut nullus in cubiculo manere auderet, ubi decumbebat vulneratus (c). In alio vulnerato, dum, tertiâ die post inflictum vulnus, illud dilataisset *Sculetus*, ex cava thoracis effluxit libra sanguinis, sed adeo calidi, ut profluens patientem magis ureret, quàm candela accensa (d). Unde non mirum, viscerum, tam putrido tabo immerforum, substantiam consumi & erodi posse, quod in ipsius cordis adeo firma substan-

(a) Le Chirurgien d'Hôpital. pag. 93.

(b) De Morbis Cap. II. circa finem Chatter. 255.

Tom. VII. pag. 533.

(c) Armament. Chirurg. Obser. XLIII. P.

(d) Ibid. Obser. L. pag. 161.

tia contigisse legitur apud *Hildanum* (a). *Rusticus* plaustris feno onusti everfionem & ruinam corpore exceperat, & de doloris aliquo sensu, cordis quâdam compressione, & spirandi difficultate conquestus fuit, post quatrimum tamen ad confuetos labores rediit. Aliquot diebus elapsis ardenti febre, asthma, delirio, vigiliis, lipothymia, &c, correptus, undecimâ die morbi vitam finivit. In cadavere invenitur pericardium plenum faniofo pure, cui velut immerfium cor magnâ fuit parte, ad utramque potiffimum auriculam, partim exefum, partim emarcidum inveniebatur. Pulmo ejufdem labis particeps apparuit.

5. Humores effusi poterunt comprimendo, vel natâ acrimoniâ putridâ rodendo, turbare, vel abolere omnes functiones illorum vifcerum, quæ hic locantur. Inde dyspnœa pefsimâ, immanes cordis palpitaciones, anxietates intolerabiles, inflammationes, exulceraciones, gangrænæ, &c, harum partium nafci poffunt. Sed & fanguis effufus, morâ & calore putrefcens & attenuatus, venis bibulis, in fuperficie harum partium locatis, reforberi poterit, fanguini mifceri, & putridam cacochymiam pefsimam inducere: unde febres acutæ putridæ, reforpti tabi putridi, ad alia corporis loca miræ metallafes, phthisis, atrophia. Unde merito concluditur, innumeros morbos, illôfque pefsimos, ab extravafatis in pectoris cavis humoribus nafci poffe.

6. Si ftatim post vulnus inftictum fanguis exfcreatur, designat pulmonem læfum effe, inprimis fi fpuumfcens exeat: unde in cavum pectoris ex pulmonis vafis læfis delabi poterit fanguis, nifi fortè pulmo in loco vulneris pleuræ fuerit accretus. Si aliquot diebus post vulnus inftictum cruenti quid expfuitur, poterit hoc fieri, quia fanguis extravafatus, morâ & calore attenuatus, pulmonis vafis reforptus fuerit. Quomodo hoc fiat, non difputo: certum tamen eft, ipfum empyema per fputa purulenta fanatum fuiffe. In vera pleuritide fputa flava cum ftriis fanguineis pulmone excreta morbum toties fanaverunt, uti innumeris Obfervatis practicis conftat. Unde patet poffibilitas, quodd fanguis effufus in cavum thoracis, fputa cruenta facere poffit.

§. 302. **E**FFUSI hic cruoris figna. 1. Orthopnœa. 2. Decubitus in dorfum commodior, in latus læfum difficilis, in fanum impoffibilis. 3. Sequelæ descriptæ (301). 4. Pondus in fepto. 5. Fluctuatio materiæ. 6. Natura & fitus vulneris infticti. 7. Debilitas ingens, cum pallore, sudore frigido. 8. Omnium ferè fymptomatum incrementum perpetuum.

Postquam jam conftitit, vulnus in thoracem penetraffe, alia quæftio magni momenti proponitur; an nempe, vafis difciffis, notabilis copia fanguinis effufus in cavo thoracis hæreat. Neque femper adeo facile eft, hoc determinare, cum multa figna, mox recensenda, fallere poffint; hinc requiritur concurfus plurium. fignorum, ut quid certi de hac re ftatui poffit. Multùm autem mall poffe nafci, fi in hæc diagnosi fallatur Medicus vel Chirurgus, patet, quia fanguis effufus tolli debet vel per vulnus factum, vel per novam aperturam: fi verò hoc tentatur, dum nihil fanguinis hæret in pectoris cavo, aer admittitur, femper hic nocens,

(a) Obfervat. Chirurg. centur. II. Obferv. XXVII. pag. 106.

vulnus irritatur, &c; unde summâ cautelâ ad omnia attendendum est, ne vulneratus inutilem molestiam patiat, vel Medentes famæ periculum incurrant.

1. Orthopnœa vocatur anhelosa, difficilis, & stertens cervicæ & thoracis erectis tantum absolvenda, respiratio; quæ semper designat, liberam pulmonis expansionem ab aere inspirato impeditam esse, à quacunque demum causa hoc fiat. Cum autem sanguis effusus in thoracis cava illud spatium occupet, quod dilatatus pulmo replere debebat, patet facillè, difficilem respirationem hinc fieri. Dum autem erecto corporis situ vulneratus hæret sanguinis effusi pondere depressum diaphragma thoracis cavitatem auget, unde tunc poterit adhuc aliqua pulmonis expansio fieri; saltem major, quàm in alio situ corporis. Signum autem hoc, si solum consideretur, fallere posset; aer enim cavum pectoris ingressus, impediens liberam pulmonis expansionem, orthopnœam facere posset. Spasmodica pulmonis contractio in asthmaticis simile malum efficit: unde, si vulneratus tali morbo obnoxius sit, non multum certi daret hoc signum.

2. Magnum pondus habet hoc signum. Diaphragma enim versùs posteriora corporis profundè descendens capacitatem thoracis multum auget; unde sanguis effusus in cavum pectoris, dum homo decumbit, sponte inferiorem & posteriorem thoracis locum occupat, & illa pars diaphragmatis faciliùs cedit deorsum: pars enim media tendinea diaphragmatis, cui pericardium latè basi accrescit, deorsum deprimi non facillè poterit, ut dictum in *Commentariis* §. 170. n<sup>o</sup>. 4. Unde patet, in hoc situ sanguinem extravasatum omnium commodissimè locari. Dum verò in latus læsum decumbit, difficilior quidem, sed serena tamen est corporis positura: sed si in latus sanum decumbat vulneratus, sanguis effusus pondere suo premet mediastinum & pericardium versùs alterum pectoris cavum; unde minuetur & hujus capacitas, & augebitur respirationis difficultas: quam dum sentiunt sic decumbentes, statim vel inviti corporis situm mutant, ob suffocationis metum.

3. Sequelæ illæ inprimis à corruptela sanguinis extravasati pendent, & labe visceribus impressâ, quæ putridus talis tabus alloit: unde his cognoscitur quidem sanguinis extravasati præsentia, sed sæpe nimis serò.

4. Dum erecto corporis situ ponitur æger, sanguis effusus toto suo pondere diaphragma premit deorsum: unde ponderis incumbentis sensus tunc percipitur, & dolor circa illa loca, quibus diaphragma necitur. Sæpe etiam à diaphragmate depresso in illo latere abdominis tumor apparet. Hinc aliquando in empyemate à copia puris aggesti depressum diaphragma, & sensum magis magisque distentum, sic abdomen protuberare facit, ut alacitem mentiatur morbus.

5. Ubi suspicio aderat, in pectoris cavis pus accumulatum hære, jubet Hippocrates ægrum multâ calidâ lotum in sella stabili collocari; & dum alter manus tenet, Medicus agitato humero auscultet, (a) *quoniam in latere affectio strepitum edat*. Eandem methodum adhibebat, ut detegeret latentem in pectoris cavis hydropem (b), & determinaret locum, quo aperto accumulatum in pectore serum educi posset. Apparet autem facillè, hoc signum aliquando fallere posse, dum sanguis extravasatus in pectoris cavis colligitur; ille enim stagnando grumescit

(a) De Morbis Lib. II, cap. XVI, Charter, Tom. VII, pag. 568.

Tom. I.

(b) Ibid. cap. XXIV. pag. 576. & de Internis Affectibus, cap. XXIV. Ibid. pag. 566.

M m m

& hinc difficilius ejus fluctuatio percipitur: præterea si magnâ copiâ cruoris repletur pectus, ob plenitudinem nullus audietur, concusso thorace, sonus. Unde prudenter hoc monuit Hippocrates, dicens (a): Quibus suppuratis, dum conculantur multus strepitus de humeris fit, minus puris habent hi, quàm quibus paucus, si, difficilius spirent & meliorem colorem habeant. Quibus autem strepitus nullus fit; verùm difficultas spirandi fortis, & unguis lividi, hi pleni sunt pure, & perniciosè habent.

6. Dum enim locum vulneris & viam instrumenti vulnerantis per partes novimus, ex Anatomiciis scitur, an magnæ arteriæ vel venæ sint, an non. Sic trunci majores arteriarum intercostalium prope marginem inferiorem costarum decurrunt: mammariæ internæ ad latus sterni utrumque, transversî digiti distantia ab hoc esse, pone costarum cartilagine ponuntur. Magna vena azygos ad dextrum latus vertebrarum dorsi locatur, &c. Ex quibus omnibus bene cognitis majus minusve periculum vulneris determinatur.

7. Sunt homines tam pusillanimes aliquando, ut, dum alienum vulnus vident; in animi deliquium cadant: talibus vulneratis etiam levissimè omnia hæc symptomata accident. Sed facillè in tali casu ad se redeunt aquâ frigidâ respersi, vel stimulate cardiaco exhibito, neque adeo diu durat debilitas inde orta. Ubi verò post vulnus in thoracis cavum penetrans ingens debilitas contracta, & pallida facies, oculi pallidi, languidi, sudor frigidus guttatim in cute collectus hærens, imprimis in facie & pectore, pulsus vix observabilis, deprehenduntur; tunc novimus, difficilis vasis tantam copiam sanguinis effundi, ut vix ullus ad cor redeat, sed omnis ferè extra corpus profundatur, vel in cavis pectoris collectus hæreat. Unde tunc summum periculum imminere monendum est; sæpe enim subito tunc moriuntur. Pulchre hoc monuit Hippocrates dicens (b): sanguinem profundentia cum sudatiunculis vulnera, maligna. Lequentes ita affecti oculis pereunt. In Coacis Prænotionibus (c) idem pronunciatum habetur, præterquam quòd loco *ἐν τῇ στήθι* ibi legatur *ἐν τῇ στήθι*; sed & alibi rigores succedere largis hæmorrhagiis monuit (d), & dixit, rigorem sanguinis fluxionem sistere: sed patet in hoc loco ex præcedentibus, quòd de narium hæmorrhagia ibi agat. Ubi autem in thoracis vulnerare magna vasa, cordi adeo vicina, læsa fuerint, patet facillè, rigorem quidem largam hæmorrhagiam sequi posse, sed non ideo sanguinem sisti in hoc casu.

8. Vasa sanguinea maxima hic sunt, & cordi admodum vicina: hinc illis læsis, perget sanguis effluere in thoracis cava: unde compressio pulmonum, anxietas, dispnoea, &c. augebuntur perpetuò, donec minoris viribus vulnerati, vel contracto vase discisso, cesset effluxus sanguinis. Multa etiam symptomata adesse possunt vulneratis in hoc casu à comitante terrore, irâ, &c. quæ sensim minuuntur; illa autem mala, quæ ab effuso sanguine fiunt, pergent, quamdiu durat hæmorrhagia; & ideo symptomatum augmentum perpetuum recentium meritis inter illa signa, quibus cognoscitur, sanguinem in thoracis cava effundi. Ubi autem signa docent, vulnus in corporis cava majora penetrasse, & simul meritis metuitur, ne vasa discissa pleno rivo sanguinem effundant interius, licet nulla

(a) Coacis Prænot. no. 432. Charter. Tom.

VIII. pag. 877.

(b) Prothet. Lib. I. num. 130. Charter.

Tom. VIII. pag. 721.

(c) No. 328. ibid. pag. 870.

(d) Prothet. Lib. I. no. 152. ibid. pag.

799.

hæmorrhagia externè appareat, summâ cautelâ opus est in prognosi determinanda, ne fama Medici vel Chirurgi periclitetur, si nihil metuendum pronunciarerint : sæpe enim tales vulnerati inopinatò pereunt, & mors vulnerati eorum ignorantie imputabitur ab his, qui illius, qui vulnus inflixit, causam defendunt. Quantâ autem curâ attendendum sit ad omnia phænomena, ut determinari rite possit, an cruor extravasatus in thorace hæreat, an non ; patet inde quòd & periculosissimi aliquando hic decepti fuerint. *Meryus* (a) ingenuè fateatur, quòd in juvene, cui ens vulnus inflictum fuerat parti anteriori & superiori brachii dextri, jam tribus horis post vulnus inflictum tot viderit & tanta symptomata, ut non dubitaret, quin pectoris cavum cruore extravasato plenum foret, unde de paracentesi thoracis instituenda serib cogitabat. Postea tamen eventus docuit, nihil tale factum fuisse, cùm ostidui spatii perfectè, sanatus fuit vulneratus. Admodum autem verosimile videbatur, tendinem pectoralis musculi læsum, fecisse dolorem summum pectoris, respirationem difficillimam, &c.

§. 303. **EST** QUE tum illico educendus. 1. Situ, motu, nixuque corporis. 2. Suctu per tubum flexilem, ad latera perforatum, obtrufum ad finem. 3. Injectu liquoris diluentis, resolventis, depurantis. 4. Dilatatione vulneris. 5. Aliâ aperturâ inter secundam & tertiam costam veram inferiorem; ad distantiam quatuor digitorum à vertebis, & ab angulo inferiori omoplateæ, faciliâ instrumento secante, sectione costis parallelâ, inter has mediâ, deorsum directâ acie.

Postquam constitit ex signis præcedenti paragrapho recensitis, sanguinem extravasatum in thoracis cavis hære, indicatio curatoria quidem jubet, illum tollendum esse illico, ne compressione vel corruptelâ, noceat; tamen simul quàm maximè notandum est, illam sanguinis effusi educationem fieri non debere, antequam constiterit, vasa læsa non ampliùs sanguinem fundere. Quid enim proderit educere cruorem, si motu corporis, suctu, iniectione, &c. sic irritentur vasa læsa adhuc patula, ut pergant sanguinem fundere. Si jam pulsus sit satis fortis & æquabilis, calor ad extrema corporis usque adsit, nullus singultus, nulli spasmi appareant, & virium simul adsit constantia, novimus cessare internam hæmorrhagiam, & turbæ tentari posse illa Artis molimina, quæ requiruntur ad educationem sanguinis in cavis thoracis hærentis.

Dubitari præterea posset, an semper Arte educi debeat sanguis extravasatus, cùm fidelissimis Observatis constiterit, sanguinem, pus, aquam, &c, ex thoracis cavis evanuisse sensim, resorpta in venas, & per sudores, urinas, &c; deinde excreta. Talis casus recensetur ab *Hieronymo fabricio ab Aquapendente* (b). Amicus ejus thorace vulnerabatur tam angustulo vulnere, ut stylo non potuerint detegere Medici, quòd in thoracis cavum penetraret; illud tamen patuit ex sputo sanguinis, ponderis sensu diaphragma prementis, tussi, febre, respiratione impeditâ, &c. Cùm autem

(a) Académie des Sciences l'an 1713. Mémoires, pag. 159.

(b) Opera Chirurg. Part. 1. Lib. II. cap. xxii. pag. 214.

nihil ex vulnere poterat educi, Medici statuerant, thoracis paracentesim sequenti die instituent. Interca accidit, ut æger cyathum cruoris plenum meieret, unde à dolore, febre, & omnibus symptomatibus levatus est. Alter casus similis habetur apud *Bellofium* (a). Centurioni vulnus inflatum fuerat in thoracis penetrans cavum cum latione pulmonis, stipatum omnibus symptomatibus, quæ similia vulnera solent comitari. Dum vena secabatur, loco sanguinis verum pus exivit, cum levamine omnium malorum. Casum hunc sibi à peritissimo Chirurgo narratum, & pluribus fide dignissimis testibus oculatis confirmatum fuisse, testatur Auctor. Urinæ copiosam excretionem, sudorem profusum profuisse in similibus casibus, observatum fuit sæpius (b). Plura talia Observata occurrunt; sed hæc sufficiunt, ut probetur, miris modis naturam, quæ toties sibi soli sufficit, sanasse talia vulnera. Tamen rariùs hæc contingunt, & prudentiæ Medicæ quidem est sedulo attendere, an signa quædam doceant, naturam tale quid moliri: interim tamen, si soli naturæ hoc opus relinqueretur, certum est, plurimos perituros, corrupto extravasato cruore viscera vitalia tabefaciente, qui per Artem, hoc cruore educto, servari potuissent. Illa autem eductio tentatur sequentibus modis.

1. Si Sanguis adhuc fluidus in thoracis cavo hæreat, vulnùsque satis patulum non oblique decurrat per integumenta, sed directè penetret; si tunc vulneratus ponatur in tali situ, ut propriâ gravitate versùs vulneris aperturam sanguis descendere possit, effluet sponte. Unde & peritissimi Chirurgi in tali casu per aliquot horas nihil imponunt omnino vulneris orificio, ut sanguis liberimè exire possit. Hominem ense sub mamma dextra thoracem perfossam sic tractavit *Dionysius* (c). Cum enim inveniret pectoris cavum sanguine plenum, dilatato priùs vulneris orificio, totâ nocte plagâ incumbere jussit, & sequenti mane vacuum omni sanguine inventi thoracis cavum; & optimè sanatus fuit vulneratus. Pedibus elevatis, capite declivi, hominem similiter vulneratum jussit poni *Paræus* (d), scæque digitis per orificium vulneris immisiss, remoto thrombo coagulati cruoris, eduxit sanguinem effusum, & ab imminente suffocatione liberavit vulneratum.

Multùm juvatur hæc sanguinis extravasati eductio per vulneris orificium, si abdomen fasciâ latâ, vel manubus comprimat, & inspiratum aerem diutissimè retineat vulneratus; interimque clauâ glottide expirationis nixum faciat; sic enim dilatato quàm maximè pulmone, & sursum presso diaphragmate, exprimitur per vulneris aperturam sanguis in thoracis cavum effusus.

2. Cum sæpe incommodum admodum sit in multis thoracis vulneribus ægrum in tali situ retinere, ut propriâ gravitate extravasatus sanguis per vulneris aperturam exeat, ideo excogitaverunt aliam Methodum. Tubum nempe flexilem ex auro (e) ad latera multis foraminulis pertusum, stylo aureo ejus cavum obturante instructum (ut possit commodè flecti sine angustatione sui cavi (cautè per vulneris orificium dimittebant in thoracis cavum quàm profundissimè; deinde vel succu, vel siphone applicato extrahebant effusum sanguinem. Obtusus apex talis tubi requirebatur, ne pulmonem læderet. Similis tubus ex plumbo, uti & ex corio flexili & balanzæ ossæ, parari posset in eodem usus. Tali instrumento in angulum curvato, extracto dein stylo obturante, sine ulla si fitione adhibita (f) magnam san-

(a) Chirurgen d'Hôpital, pag. 265.

(b) Ibid. pag. 94. 95.

(c) Opérations de Chirurgie, pag. 295. 296.

(d) Livre X. Chap. xxxii. pag. 251.

(e) Sculpt. Armament. Chirurg. Tab. XII.

fig. 9 10.

(f) Ibid. Observ. 42. pag. 258.

guinis extravasati copiam de thorace eduxit *Scultetus*.

3. Facile patet, binas præcedentes methodos tantùm locum habere, ubi sanguis extravasatus adhuc fluidus est: si verò in grumos concreverit, non poterit facilè exire per vulneris orificium, multò minùs ingredi foramina tubi immitti. Verum quidem est, quòd sanguis coagulatus sponte quidem dissolvatur postea, sed tunc simul putrescit, quod hic summopere noceret: & sæpe ob compressum pulmonem tanta urget anxietas, ut spontanea illa sanguinis concreti resolutio expectari non possit. In tali casu in thoracis cavum injiciunt aquam tepidam cum melle & salis pauculo, addito sapone Veneto (de quibus dictum fuit in *Commentario* §. 236.), deinde illud liquidum immixtum respirationis motu agitur, & continetur quasi cum grumis illis concretis, qui sic solvuntur, ut unà cum injecto liquido per vulneris aperturam exire possint. Pro varia jam indicatione liquidum illud injiciendum diversis ingredientibus medicatum redditur. Dilutioni & resolutioni concreti sanguinis sufficit aqua tepida, cum melle & pauxillo salis; ubi verò jam putrescere incepit cruor extravasatus, infusum scordii, rutæ, marrubii, & similium antisepticorum, & leviter detergentium, cum pauxillo aceti, convenit.

4. De hac dictum fuit §. 238.

5. Ubi vulneris talis est conditio, ut non possint educi per illud collecta in thoracis cavo liquida, tunc nihil aliud superest, quàm novum vulnus facere tali in loco thoracis, versùs quem sponte suà ob thoracis interni figuram liquida hæc delabuntur. Hoc imprimis requiritur, ubi superiori thoracis parti vulnus inflictum fuit, tunc enim vix possibile est, ut effusus sanguis per vulneris aperturam exeat. Cùm autem thoracis cavum à posterioribus ob inclinatam diaphragmatis posuram profundius descendat, hinc in posteriori parte thorax perforatur, loco tam demisso, ac fieri potest sine periculo læsionis diaphragmatis, quod inferioribus collis adnascitur, & à posteriori parte thoracis versùs anteriora ascendens angulum satùs acutum cum vertebrarum corporibus format. Ne autem lædantur validi illi musculi, sacrolumbalis, longissimus dorsi, &c., qui ad utrumque spinæ dorsi latus positi per lumbos & dorsum ascendunt; apertura illa thoracis quatuor transversis digitis à vertebbris distare debet ad minimum. Plerumque solet hæc apertura fieri inter secundam & tertiam, vel inter tertiam & quartam costam spuriam, ab inferioribus sursum numerando. Cùm autem diaphragma in dextra parte altius ascendere in thoracem ex *Anatomicis* constet (a), ideo in dextro latere thoracis dum instituitur paracentesis; solet illud fieri inter tertiam & quartam costam; in sinistro verò latere, inter secundam & tertiam costam spuriam fieri posset, uti monuit *Solingenius* (b). Forè ob hanc causam *Hippocrates* inquirens, cuiusmodi pectoris lateri sectio adhibenda esset in empyemate, optabat, pus hæere in latere sinistro (c). *Dionisius* etiam inter tertiam & quartam costam hoc fieri jussit (d). Unde videtur textu bujus paragraphi error subrepisse, dum locus incidendus inter secundam & tertiam costam veram indicatur, cùm & mox sequentia

(a) B. Siegf. Albini *Hist. Musculorum hominis*, Lib. III. cap. LXXXI. pag. 100.

(b) *Manuale Opération*, &c. *twæde Deel* cap. J. pag. 118.

(c) *De Morbis Lib. II. cap. xvi. Lib. III. cap. xv. Charter. Tom. VII. pag. 568. 593.*

(d) *Cours d'Opérations de Chirurgie*, Dér. *monstrat*, V. pag. 296.

locum longè inferiore indident, & §. 1191. lit. 7, ubi de thoracis perforatione in cura empyematis agitur, indicetur locus inter costam quintam & sextam, vel quartam & quintam ab inferioribus numerando; quem locum *Egineta* (a) etiam in cura empyematis indicat à quibusdam dissecari, licet ab hac operatione vel subitaneam mortem, vel insanabiles fistulas prælagiat. Unde crederem in textu legendum esse, *inter secundam & tertiam costam spuriam inferiorem*; nisi fortè hic intelligeretur perforatio thoracis in anteriori parte facienda, quæ certè optimè inter secundam & tertiam costam veram, ab inferioribus numerando, tunc institueretur, utl & habet *Dionysius* (b), qui unicum tantum paracentesis in hoc loco institutæ commodum memorat, quod nempe vulneratus, ab sente Chirurgo, proprium vulnus curare posset. Sed major thoracis in posteriori parte profunditas, & declivis sponte via sanguinis effusi versùs aperturam factam, dum decumbit homo, facillè persuadent, perforationem thoracis in parte posteriori & inferiori præferendam esse. *Hippocrates* de empyematis curatione agens, non quidem exactè definivit locum incidendum, tamen determinat, hoc infimo loco, & à parte posteriori, faciendum esse. Dicit enim: (c) *At si præ crassitudine & copid* (puris) *nullum tibi strepitum ediderit, quo deprehenderis (ipsum hoc namque sis interdum) utrum latus intumuerit, ac magis doluerit, hoc infimâ parte sub ipsum tumorem potius, quàm anteriore secato, quod facilius exitus pateat.* Et alibi de eodem morbo agens dicit (d) *sectionem aut usionem facere oportet quàm proximè ad septum transversum, cavendo tamen ipsum septum attingas, ne lædatur nempe.*

In pectoris hydropse, dum aqua educenda erat, jubet *Hippocrates* (e) tertiam ab ultima costam ad os usque secari, dein terebrâ acutâ perforari, & dum perforata fuit, aquæ pauculum educi jubet, &c. Ex quo loco satis patet, infimum thoracis locum elegisse *Hippocratem*, ut illo perforato contenta liquida educerentur.

Locus ille sic determinatus facillè invenitur, nudato corpore ægri, costas numerando: in obesum autem, utl etiam si emphysema adfuerit, difficilius hoc cognoscitur. Unde aliâ methode conati fuerunt Chirurgi locum incidendum determinare. Quidam filum à cartilagine ensiformi rectâ ad spinam dorsi ducebant, deinde illud filum dividebant in tres partes æquales, & tunc locum determinabant in tali distantia à sternò, quæ binas tertias longitudinis sili haberet (f). *Dionysius* (g) mensurabat quatuor digitorum transversorum distantiam ab infimo angulo omoplatæ, & ad similem distantiam à spina dorsi notabat locum incidendum. Cum autem scapula mobilis sit, & locum mutare possit variâ actione muscutorum ipsi affixorum, patet, non adeo certam semper esse hanc methodum. Unde præstat, loco sic invento, digitis pertentare, an quidem costarum interstitio respondeat.

Solet tunc locus incidendus, jam cognitus, atramento notari, ne postea lateat.

(a) Paul. Æginet. Lib. VI. cap. xliiv.

(b) Cours d'Opérations de Chirurgie, &c. pag. 196.

(c) De Morbis Lib. II. cap. xvi. Charter. Tom. VII. pag. 168.

(d) Ibid. Lib. III. cap. penultimo pag. 193.

(e) De incernis affection. cap. xxiv. Charter. Tom. VII. pag. 656.

(f) Van Solingen Manuale Opération de de de cap. 1. pag. 118.

(g) Cours d'Opérations de Chirurgie, De monstrat. v. pag. 196.



Sed, cùm mobiles costæ sint, patet facillè, mutatâ corporis positurâ cutis situm etiam mutari. Unde meritò monuit Hippocrates (a). Quum verò secare aut urere voles, notâ impressâ, fac ut eamdem figuram servant inter secandum aut urendum, ne te cutis, figurâ immutatione, sursum aut deorsum vergens decipiat. Apertura tunc fieri debet instrumeto secante; non autem pungente, ut sit in paracentesi abdominis, quæ stylo chalybeo canulæ argenteæ cavæ immisso perficitur; quia magnum periculum foret, ne pulmo vulneretur sic pungendo. Ut autem instrumentum secans penetret in cavum thoracis, debent dissecari cutis, panniculus adiposus, latissimus dorsi, intercostales musculi & pleura; quod ut tutò fiat, parum reclinato versùs posteriora corpore ægri, ut cutis laxa sit, digitis elevat Chirurgus omnia integumenta communia, & simul, si fieri possit, latissimum dorsi; & illa sic elevata simul & semel satis lata plagâ dissecat ad trium quatuorve digitorum transversorum longitudinem. Hoc factò, antroorsum, & simul parum in oppositum latus flectitur corpus ægri, ut costæ à se mutuo plus recedant, & tendantur musculi intercostales; tunc scapello leniter incurvo, cujus dorso in tota longitudine applicatur digitus index, & simul apex scapelli digiti extremo regitur, tenso musculos intercostales & pleuram dissecat, cautè in cavum penetrando parvo vulnere, ne pulmonem lædat: simulac dissecta pleura est, statim pulmo collabitur & à costis recedit, unde tunc tutò vulnus dilatari potest. Sectio autem fit costis parallela, & medio inter binas costas loco, acie scapelli deorsum directâ, ut vitentur vasa intercostalia, quæ costæ superioris imæ parti, in sulcum cavatæ, adjacent.

His cautelis tutissimè perficitur hæc operatio. Quædam præterea monita circa hanc rem apud Auctores occurrunt, quæ minoris momenti videntur. Sic Hyeronimus Fabricius ab Aquapendente (b) voluit, illo temporis momento, dum pleura percutitur, debere expirare ægrum, ut nomen pulmo à pleura recedens hoc tempore scapello non lædatur. Sed ex Physiologicis hodie novimus, & in inspiratione & in expiratione pulmonem semper pleuræ contiguum esse, illûmq; pectoris dilatationem sequi. Monuerat Hippocrates quoddam (c) qui empyi, aut hydropici, uruntur aut secantur, pure aut aquâ confertim effluente, omnino intereunt; hinc & voluerunt quidam non simul & semel omnem extravasatum sanguinem educendum esse, sed partitis vicibus. Sed in empyemate, vel hydrope pectoris, pulmo diu maceratus fuit pure vel fero extravasato undique alluente, unde totâ hæc colluvie simul & semel educitâ sanguis subito dilatans ferè tabefacta pulmonis vasa, illa rumpere possent, unde subita mors. In vulneribus autem thoracis dum hæc operatio instituitur, raro tam diu solet differri, ut hoc metuendum sit: & plurimis Observatis Chirurgicis constitit, tutò omnem sanguinem extravasatum sic subito educum fuisse. Multùm facillitât hanc operationem, quoddam extravasati humores pulmonem comprimendo, & diaphragma suo pondere deprimendo, faciant, ut pleurâ pertusâ, non adeo facilis fiat læsio harum partium.

Distum fuit §. 297, pulmonem aliquando pleuræ adnasci: si jam malâ fortunâ acciderit, illo in loco, ubi paracentesis facta fuit, pulmonem pleuræ accrevisse; patet facillè, magnam inde oriri difficultatem. Plerique Chirurgici Auctores, qui de hac re scripserunt, sibi hoc accidisse testantur; tunc jubent, ut Chirurgus

(a) De Morbis Lib. III. cap. penult. Charter.  
Tom. VII. pag. 593.

(b) Operat. Chirurg. cap. XLV. pag. 490, 491.

(c) Aphor. Sect. VI. n°. XXVII Charter.  
Tom. IX. Partie II. pag. 263.

digito per vulnus imisso prudenter separat pulmonem à pleura, cui cohæsit. Certè nihil aliud superest, quàm hoc tentare, licet crudele videatur in vivente homine partes concretas sic lacerare, nisi enim hoc fiat, frustra instituta fuit paracentesis. Mirus habetur apud Hippocratem locus, qui huc facere videtur. Describit enim illa mala, quæ oriuntur, quando pulmo in latius procidit ( *ἡ πλῆξις μὲν προσπίπτειν ἐς τὸ πλευρὸν* ) quæ satis conveniunt cum illis phænomenis, quæ post morbos acutos inflammatorios pectoris, pulmone pleuræ accreto, apparent: & medela, quam ad hunc morbum sanandum commendat, satis etiam respondet. Postea autem addit ( *a* ) quòd si ex vulnere istud fiat, aut purulentum scdō ( *fieri namque hoc solet* ) ; vesicam fistulæ alligatam, & statu impletam huic intrò immittito, & penicillum stanneum solidum indito, & ulterius protrudito. Ex quo loco fortè concludi posset quòd Hippocrates, ut pulmonem à pleura divelleret, vesicam complicatam per vulnus immiserit, dein inflaverit, ut illa statu distenta in cavo pectoris avelleret pulmonem à pleura, cui concreverat. Saltem hoc videtur inde deduci posse, quòd tentata fuerit jam antiquitus hæc separatio pulmonis concreti cum pleura membrana. Ob metum hujus concretionis voluerunt nonnulli, integumentis difficilis musculos intercostales prudentissimè dissecandos esse sine læsione pleuræ, & tunc pleuræ locum nudatum examinandum esse sedulò, an ex crassitie ejus insolita & callositate metuendum sit, pulmonem huic loco accrevisse; in quo casu magis conduceret, sectionem parum producere, donec liber ab hac cohæsione locus inveniatur. Sed faciliùs sic demonstratur in cadavere talis operatio, quàm in vivente homine instituitur, in quo tardam talem sectionem per strata quasi facere crudele admodum videtur. Mirabiles verbò tales concretiones pulmonis cum pleura aliquando observantur, quæ irritam omnino facerent hanc operationem. Vidi sic in cadavere nobilis juvenis, post hæmoptysim subitâ apoplexiâ exstincti, pulmonis dextri medium lobum undique pleuræ ita accretum, ut thoracis dextra cavitas in bina cava distinctissima divideretur. Si tali in casu vulnus superiori parti pectoris dextri inflictum fuisset, faciliè patet, paracentesim nullo modo futuram, si solito loco institueretur. Rari autem hi casus sunt; & error inde natus non Artifici, sed Arti adscribendus foret, cùm nullis indiciis latens tale malum cognosci posset.

Perforato sic thorace, omnia illa, quæ præcedentibus numeris hujus paragraphi memorata fuerunt, adhiberi poterunt, ut sanguis extravasatus educatur. Si autem liquida, concretum sanguinem dissolventia, immitti debent, satis commodè per vulnus priùs inflictum injiciuntur, quia altiorum locum thoracis occupat, & deinde faciliè per novam aperturam factam exire poterunt.

§. 304. SI nullis distenduntur turundis, rarò deteguntur, aer arceatur, suctu artificioso, & nixu respirationis debito expellitur aer admissus, frigus, cautè vitatur, brevi & optimè sanantur, si curabilia sunt.

Expositæ fuerunt §. 299, illæ rationes, ob quas turundarum usus in vulneribus

(*a*) De Morbis Lib. II. cap. xxiii. Chartes. Tom. VII. pag. 575.

thoracis

thoracis non penetrantibus damnabatur; nec videntur minùs obesse in vulneribus thoracem penetrantibus. Ubi autem conducere videtur, non simul & semel, sed paritè vicibus educere contenta cavis pectoris liquida (quod rariùs fit in pectoris vulneribus; sed aliquando pure vel aqua in thorace collectis, juxta monitum *Hippocratis* observatur) tunc turunda vulnèrì factò immittitur, ut pro lubito evacuari possit stagnans in pectore liquidum. Etiam post institutam paracentesim, primò die turundam applicare debere, ne recenti vulnere divisa pleura concresecat, monuit *Bellostius* (a), qui in aliis casibus ubique ferè turundarum usum tanquam perniciosum damnavit. Postea autem semper nocere videntur, dum tumentes absorbent humoribus dilatantur, & à motu thoracis affricantur lateribus vulneris, quæ inde callosa facta difficilem curam faciunt. Aeris accessum ad interiora thoracis sic prohibere voluerunt; sed remotà in singulis deligationibus turundà, per patulum foramen aer liberrimè ingreditur, ejusque exitu dein novà turundà intrusà impedito, calore dilatatus miras sæpe vias sibi faciet, & pessima emphysemata producere poterit. Pøstat ergo potiùs plano plumaceolo vulnus tegere, & liberam viam relinquere humoribus per vulnus factum elapsuris; & si vulnera satis patula fuerint, sollicitè cavendo, ne plumaceola imposita in cavum pectoris delabantur, quod turundis immixtis aliquoties accidisse testantur Auctores. Nobili Dano vulnerato, & negligentius à Chirurgo habito, turunda in thoracis vacuum delapsa fuit; & post sextum mensem ore excreta, & postea tamen integrà sanitate fruebatur (b). Homini dextrum pectus prope axillam gladio, inter secundam & tertiam costam veram, per fossium fuerat; ex quo vulnere per quindecim dies sanguis fluxit, & simul sanguinem tussiendo excreabat. Post varia, illaque satis gravia, symptomata vulnus tandem cicatrice obductum fuit. Mansit tamen respiracionis difficultas, tussis continua, & puris fetidi & viridis excreatio. Tribus mensibus elapsis à curato vulnere, tussiendo unà cum multo pure ejecit binas turundas, diverso tempore in vulneris curatione sub emplastro perditas (c).

Alterum, quod hic requiritur, est, ut aer arceatur, ne per vulnus in cavum pectoris ingrediat, vel si ingressus fuerit, inde educatur. Quamdiu nondum extravasata liquidaeducta sunt ex pectoris cavis, impossibile est aerem arcere, cum liber exitus requiratur humoribus effusis; sed ubi nihil ampliùs de vulnere exit, tunc aer, in thorace hærens inter pleuram & pulmonem, educendus est, & omni curà cavendum, ne postea iterum ingreditur. Constat enim ex Physiologicis, requiri ad liberam pulmonis ab inspirato aere, expansionem, ut nullus aer in pectoris cavo hæreat. Hoc autem fieri potest, vel sugendo, vel omnium optimè frequenti methodo. Detecti vulneris labia digitis adducuntur, ut nullus aer ingredi possit, deinde æger lentè & profundà inspiratione magnam copiam aeris hauriat, illumque retineat in pulmone, quamdiu hoc commodè facere poterit: aer ille sic retentus, calore rarefactus expandet pulmonem, & comprimetur aer inter pleuram & pulmonem hærens. Si tunc, antequam expiret æger, diducantur vulneris labia, pars magna aeris contenti in cavo thoracis, exprimitur: statim iterum claudenda vulneris labia, & tunc expiret æger, non priùs. Dum hoc repetitur aliquoties,

(a) Chirurgen d'Hôpital. Part. III. Chap. VI. pag. 123. 124.  
pag. 128.

(c) Hülden. Observ. Chirurg. Cent. 2. Ob-

(b) Tulp. Observ. Medic. Lib. II. Cap. XV. serv. XLVI. pag. 41.

omnis omnino aer ex pectoris cavo expelletur, & sentiet vulneratus statim, se longè commodiùs respirare. Omnia aere sic expulso, subito vulnere applicatur tenax emplastrum illo tempore, dum æger inspiratum aerem in pulmone retinet, tunc enim pulmo distensus, pleuræ contiguus, obturabit viam aeri per vulnus ingressuro. Relinquitur autem hoc emplastrum diutissimè; & si renovari debeat apparatus, aliud simile emplastrum iterum imponitur iisdem cum cautelis: & si ullibi, certè in talibus thoracis vulneribus, rara deligatio summam utilitatem adfert. Methodi hujus efficaciam probant etiam illa Experimenta in vivis animalibus capta, quæ §. 170. n°. 4, enarrata fuerunt. Dum enim, perfollo utrimque thorace paulo vulnere, cessaret omnino respiratio, & animal mortuum videretur; simile Arte ducto aere illapso ex pectoris cavis, reviviscebant animal, & vox perdita redibat statim.

Cùm autem omnes partes thorace contentæ, caloris fonti, cordi nempe, proximæ, blando tepore foveantur semper, summo opere cavendum est, ne detecto vulnere insolitum frigus sentiant; unde aer semper calidus hic requiritur, inprimis, quando renovabitur apparatus.


Hæc methodo vulnera thoracem penetrantia, licet periculosissima fuerint, & sævis symptomatibus stipata, aliquando sanantur, neque facillè desperandum esse mira Observata docuerunt, & §. 170, pleura talia Exempla ex fidissimis Auctoribus enarrata fuerunt. Magnum quidem malum semper ab his vulneribus metuendum esse nullus dubitat, cùm vitalia viscera, cor nempe & pulmones, & maxima totius corporis vasa sanguinea hic locentur: sed cùm non semper absolute lethalia sint ipsius etiam cordis vulnera. ( de quo dixerat Plinius (a) *quod solum hoc viscerum vitium non maceratur, nec supplicia vitæ trahit, læsumque mortem illico affert* ) patet etiam in gravissimis vulneribus sæpe spem aliquam superesse; cùm etiam, maximis vasibus læsis, pro mortuis derelicti homines aliquando emerferint, dum nulla illorum cura gereretur, nullisque refocillarentur cardiacis. Non autem solum constat, gravissima talia vulnera sanata fuisse, sed etiam brevi admodum tempore. Centurioni gladio pectus dextrum perfoctum fuerat prope axillam, & satis subito septem vel octo libras sanguinis perdidit; nec cessabat hæmorrhagia, licet idoneo apparatu vulnus religatum esset. Pulsus debilis, inæqualis, frequentia animi deliquia, febris, &c, acerbam prognosin faciebant. Postridie, nondum cessante hæmorrhagiâ, cogebatur vulneratus locum mutare, unde omnes illum in itinere expiratum credebant. Tamen dum tertiâ die solo emplastro regebatur vulnus, copiosâ urinæ evacuatione, & sputis sanguineis eductis, & profuso fudore sequenti nocte adeo levabatur, ut omnia symptomata evanescerent, vulnusque solo emplastro, incarnativo dicto, curaretur brevi, & quintâ die post vulnus infictum equo satis commodè veheretur, neque ampliùs decumberet de die (b). Apud eundem Auctorem pleura talia Exempla habentur, quæ docent gravissima thoracis vulnera, pessimisque stipata symptomatibus, sine turundis, & rarâ deligatione felicissimè & satis brevi tempore curata fuisse.

(a) Nasur. Hist. Lib. XI, cap. 37.

(b) Belloste Chirurgien, d'Hôpital. part. 124  
pag. 92.

§. 305. **TUMQUE** præcaventur omnia illa & sæva symptomata (301).

Pessimæ sequelæ, quæ post vulnera thoracis apparent, serè tantum oriuntur ab aere admissio in pectoris cavis; vel ab extravasatis liquidis pectoris cava angustantibus, aut illorum corruptellâ, quâ nocent visceribus contentis. Dum vulnera hæc non obturantur turundis, effusus sanguis libere effluit, rara deligatio & cautelâ modò expositæ aeris ingressum impediunt, idemque jam admissi methodo dictâ educi poterit. Unde felix successus semper curæ sequitur, nisi tales partes læsæ fuerint, sine quarum integritate vita consistere nequit: simulque patet Historem & Curam vulnerum thoracis magnam lucem affundere multis morbis pectoris, & viscerum contentorum; uti postea in empyemate, pectoris hydrope, & parebit.



## VULNERA ABDOMINIS.

§. 306. **ABDOMINIS** vulnera non penetrantia in cavitatem noscuntur, 1. Stylo, & situ. 2. Injectu. 3. Causa vulnerante cognita, & naturâ vulneris.

Truncus corporis in duas magnas cavitates dividitur; quarum superior & minor thorax, inferior & major abdomen vocatur. Abdominis autem cavum à thorace per diaphragma dividitur. Omne ergo, quod in trunco corporis diaphragmati subjacet, ab abdomen pertinet, sive partes continentes fuerint, sive contentæ. Omnis thoracis ambitus costis tegebatur; sed abdominis maxima pars mollibus integumentis tantum defenditur. Si enim exceperis superiorem lateralem utrimque partem abdominis, quæ costis spuriis circumvallatur, ponè quas magnum hepar & lien, adeo friabilia viscera, tutò reconduntur; & vertebrarum columnam, posteriora abdominis pro parte occupantem; denique inferiorem & lateralem partem, quæ ossibus innominatis utrimque defenditur; reliqua omnia abdominis mollia sunt. Ut jam thoracis cavitas pleurâ dictâ membranâ undique cingebatur, sic & totum abdominis cavum undique simili membranâ obducitur, quæ peritonæum vocatur. Atque inde iterum generalis divisio vulnerum abdominis sumitur: omnia enim vulnera, quæ partes abdominis continentes lædunt, integro manente peritonæo, vocantur non penetrantia; ubi verò peritonæum perforatum simul est, tunc in cavum abdominis penetrare dicuntur. An autem penetraverint vulnera, cognoscitur sequentibus signis.

1. De hac re dictum fuit in *Commentariis* §. 300. n°. 2. Sed in abdomine adhuc major adest difficultas, imprimis in obesis ob magnam pinguedinis molem, quæ in his abdomen tegit. Unde & peritissimi Chirurgi styli exploratione nihil certè hic detegi posse dixerunt: mutatus enim partium situs, tumor labiorum vul-

Nnn ij

neris, sanguinis thrombi vulnus obturantes, pinguedo in vulnus pressa, viam stylo, per vulneris aperturam immisso, impediunt. Accedit quod vulnerati sæpius ignorent, vel malè indicent posituram corporis, quam habuerunt, dum vulnus infligebatur.

2. Dum aqua tepida siphone vulneris aperturæ injicitur: de qua re dictum fuit in *Commentariis* §. 300. n°. 4.

3. Si enim ex figura instrumenti vulnerantis, comparata cum amplitudine vulneris, constiterit satis profundè illud adactum fuisse, & rectè penetrasse, possumus concludere, illud in cavum abdominis ivisse; & contrà si ex iisdem signis pateat, non satis profundè adactum fuisse, vel obliquà viâ. Sed patet facillè in illis, quibus pinguis aqualiculus propenso sesquipede exstat: instrumentum vulnerans profundè posse adigi sine perforatione tamen peritonæi.

§. 307. **SI** profundè ferè usque ad peritonæum penetraverint, debilitatis ibi tegumentis, herniæ occasionem præbent in corpore robusto; pejus nihil, quàm, si obliquè decurrentia inter integumenta abdominis fistulosa vulnera effecerint.

Quantum possit extendi peritonæum in gravidis & ascite laborantibus, satis patet. Unde vulnera abdominis non penetrantia aliquid singulare habent, quod neglectum sæpe pessima produxit mala. In singulis enim inspirationibus depresso diaphragmate contenta abdominis omnia comprimuntur, muscoli abdominales in expiratione iterum reprimunt; unde patet, contenta abdominis continuè à diaphragmate & musculis abdominalibus premi. Si ergo, discissis profundo vulnere integumentis abdominis ferè ad peritonæum usque, tollatur æquabilis pressio in quodam loco, per vim respirationis expandetur adeo facillè dilatabile peritonæum, & saccum formabit, quem intestina, omentum, &c. ingredientur, & sic facient herniam, quæ nihil aliud est, nisi dilatatio peritonæi in quodam loco, quem locum dilatarum contenta abdomine viscera ingredientur. Rarissimè enim; si unquam, à rupto peritonæo herniæ fiunt; ferè semper ab eodem in saccum expanso, licèt in alia opinione videatur fuisse *Celsus* (a): Observata certissima docuerunt, in omni abdominis ambitu hernias posse nasci, modò æquabilis pressio deficiat in quodam loco. In cadavere mulieris inventa fuit hernia ad latus sinistrum lineæ albæ, quatuor digitis transversis supra umbilicum, omenti & intestini coli portionem continens. Ortum duxerat hæc hernia à valida percussione abdominis in hoc loco (b). Mirabilem casum habet *Sennertus* (c), qui docet, debilitato abdominis quodam loco, immanes tumores herniosos posse nasci. Victoris uxor, cùm maritum in pertica incurvanda juvaret, ab illa resiliente percussa fuit ad sinistrum inguèn. Paulò post in hoc loco parvus tumor oritur, sed brevi tempore admodum crescens; & postea evidenter apparuit, miseræ huic scæminæ gravidæ uterum tumentem dilatarum abdominis integumenta in saccum ingentem ingressum fuisse; poteratque & visu & tactu in hoc loco vivi foetus motus percipi; & cùm nihil

(a) *Medicin. Lib. VII. cap. iv. pag. 413.* | *g. 259.*  
 & *cap. xvii. pag. 454.* | (c) *Lib. IV. part. 1. sect. 1. cap. xvi. Tom;*  
 (b) *Acad. des Sciences l'an 1714. Mém.* | *III. pag. 39.*

aliud superesse videretur, partus tempore instanti, dissecto utero eductus fuit vivus infans, tuncque præsens Sennertus vidit, dissectis communibus integumentis peritonæum integrum fuisse, non disruptum, sed ab uteri mole insigniter dilatatum. Post sanatum abdominis vulnus, in plagæ loco insignis hernia nascebatur in homine, qui hanc negligentius tractans post sex annos gangræna hic orta periit (a). Quò jam robustior fuerit homo sic vulneratus, eò majus herniæ futuræ periculum; quia tantò fortior pressio in reliquum abdomen agit, unde faciliùs & citiùs dilatabitur debiliior locus. Accedit, quòd robusti corpus validis exercitiis movere solent, unde majore respirationis nixu magis dilatabitur pars minùs resistens.

PEJUS NIHIL, &c. Notum est, semper magnam pinguedinis copiam abdomen occupare, nisi macilentissimus homo fuerit, hæc autem pinguedine non tantum musculus abdominalibus imponitur, sed & inter illos ubique locatur: si ergo vulnus inter abdominis integumenta obliquo ductu decurrat, humores extravasati, vel pus hic collectum, si non possint ob quamcumque causam libere exire per vulneris aperturam, miro sæpe modo viam faciunt in panniculo adiposo, & inter musculorum interstitia profundos cuniculos agunt; tuncque ingens fit curæ difficultas: imò sæpe omnino impossibile est fistulosa talia ulcera, ex vulneribus abdominis nata, curare, cum ad hoc requiratur, ut vel pressione artificiosa fundus talis fistulæ comprimatur, liberà manente aperturâ; vel sectione detegantur omnes ejus anfractus. Utrumque autem in his casibus sæpe fieri non posse, patet faciliè consideranti membranæ adiposæ magnam crassiciem in abdomine, ejusque insertionem inter musculorum abdominalium interstitia. Celsus monuerat, pessimas hic fistulas nasci, dicens (b) *Ventri nullum os subest; sed ibi perniciosæ admodum fistulæ sunt: adeo, ut sostratus insanabiles esse crediderit. Id non ex toto ita se habere usus ostendit.*

Inprimis autem abdominis fistulas periculosas credidit, quia, dum exciduntur; herniæ occasione præbent; & ideo dixit (c) *tutior fistula est contra jecur & lienem & ventriculùm, quàm contra intestina; non quòd perniciosior ibi res sit, sed quò alteri periculo locum faciat.* Fistulam in inguine puellæ incurabilem doluit Tulpus (d), quæ longâ & anfractuosa viâ à costâ spuria cariota ortum duxerat. Plures tales casus observantur, de quibus in *Capitulo de Fistulis* latius dicetur: unum alterumve Exemplum hic adduxisse sufficit. Capitaneo ense vulnus infligebatur ad distantiam duorum digitorum transversorum ab umbilico, versus superiora & posteriora vergens: cumque non penetraret in cavum abdominis, plumaceolo plano & simplici emplastro rectum fuit vulnus, & sequenti die clausum erat. Post sex dies abdomen miro modo tumebat & dolebat; sed post venzefectionem & mollissima fomenta abdomini applicata, leniebatur dolor, & sequenti die in loco vulneris tumor parvus eminens apparuit, quo aperto, incredibilis copia puris effluxit, & obidui spatio perfectè convaluit (e). In alio vulnerato gladius ad binorum digitorum distantiam à linea alba in epigastrio intraverat: cumque planus esset & faciliè plicabilis sine ruptura, secundum ductum costarum ad vertebrae dorsii usque

(a) Tulp. Obserr. Medicar. Lib. III. cap. xx. pag. 210.

(b) Medicin. Lib. VII. cap. IV. pag. 413.

(c) Ibidem.

(d) Observ. Medic. Lib. III. cap. xxviii. pag. 227.

(e) de Lamotte Traité complet de Chirurgie, Tom. III. pag. pag. 97.

470 VULNERA ABDOMINIS. §. 307. 308. 309:  
penetraverat, unde fistulosum ulcus nascebatur, cujus fundo aperto felix curatio sequebatur. (a).

§. 308. **Q**UARE futurâ, ligaturâque his prospiciendum: in cæteris curatio communis vulnere sufficit.

Illa, quæ dicta sunt de generali cura vulnere, hic conveniunt; & sufficerent, nisi herniæ vel fistulæ metus foret. Angusta & profunda simul integumentorum vulnera facili in fistulas degenerant; unde idoneo situ vulnerati, & artificiosâ pressione impediri debet, ne humores collecti in panniculo adiposo sinus forment. Latiora autem integumentorum vulnera summum periculum herniæ faciunt, unde convenit illa futurâ unire ( vide §. 214. ) & fasciis splenisque ex Arte applicatis debilem hunc locum sic firmare, ut contenta abdominis huc pressa non possint dilatare peritonæum. Cum autem omnis nixus validus respirationis hic adeo noceat, sollicitè vitanda sunt illa omnia, quæ faciunt, ut homo fortius respiret: inprimis cavendum, ne inspiratum aerem clausâ larynge diu retineat, uti fit v. gr; in alvo exoneranda, maximè si duræ fæces magno molimine excerni debeant. Unde leni clymate eluenda alvus: dein victus talis debet institui, unde minima copia crassiorum fæcum in intestinis colligitur, v. gr; ex jure carniū, quo solo vix sustineri potest; tamen per integrum mensem sine damno stricta poterit esse alvus, cum vix ullæ fæces inde in intestinis accumulentur. Ob eandem causam urina diutius retinenda, un sponte ferè & minimo nixu exeat. Tussis, si forte adsit, compescenda diacodiatis: clamor, risus, sternutatio, &c, vitanda, quantum fieri potest: quies summa debet imperari ob eandem rationem.

§. 309. **A**T eadem in cavitatem abdominis ire liquet. 1. Stylo, & situ. 2. Injectu. 3. Causâ vulnerante cognitâ, & naturâ vulnere. 4. Egressu contentorum.

De signis illis, quæ tribus prioribus numeris recensentur, actum fuit §. 306, & §. 300. n°. 1. 2. 4.

4. Si per vulnus factum exeant illa, quæ abdominis cavo contineri novimus, nullum potest manere dubium, quin vulnus in cavum abdominis penetraverit. Inprimis, autem periosso abdomine, intestina vel omentum excidunt. Intestina elapsa faciliè cognoscuntur, sed in obesis pinguedo, dissectæ cutis pressione liberata, per vulnere aperturam extuberat, & pingue omentum refert; unde in vulnere diagnosi nasci posset error. Simul etiam vulnus, in cavum abdominis penetrans pinguedine huc pressâ, sic posset obturari, ut nec stylo, nec injectione aquæ tepidæ hoc detegeretur. Si jam contenti vasis & visceribus abdominalibus humores exeant, ut sanguis, urina, bilis, &c, de quibus dicitur §. 312; evidens habetur signum vulnus in cavum abdominis penetrasse non tantum, sed etiam abdominis contenta laxisse.

(a) De Lamotte traité complet de Chirurg. Tom. III. pag. 108-113.



§. 310. **SI** tum omnia symptomata levia, dolor, febris, inflammatio absunt, posito in vulnus ægro, cruor non exit, injectis liquor immutatus redit, interiora illæsa scimus.

Postquam jam ex signis constat, vulnus penetrasse in cavum abdominis, tunc inquirendum est, an contenta abdominis cavo viscera & vasa læsa fuerint, an non. Cum autem singula viscera suis functionibus conspirent ad sanitatem, parebit primò, nihil alicujus momenti hic læsum esse, si non observentur multæ functiones turbatæ esse, quæ ab integritate horum viscerum pendent. Quia autem viscera abdominalia præcipuè chylopoiesi inserviunt, hinc, cibi & potus receptio, retentio, mutatio in chylum, hujus resorptio, & fæcum residuarum excretio si fiant illà lege, ut in sanitate fieri solet; certi sumus, causam vulnerantem, licet in abdominis cavum penetraverit, tamen non læsisse hæc viscera. Cum autem, licet minus propriè, quia extra peritonæi ambitum locantur, & organa illa, quæ urinæ secernendæ & excernendæ inserviunt, ut & generationi dicatæ partes multe in abdomine dicantur hæerere; hinc & attendendum est, an symptomata, vulnus secuta, has partes læsas esse demonstrent.

Præter has viscerum abdominalium læsiones aliquando accidit, mesenterii nervos discissos solos gravissima symptomata, & mortem ipsam, producere; uti ex *Ruysschii* *Observatis* si *Commentariis* §. 170. n°. 3, dictum fuit: sed tunc immanis dolor, inflammatio, & febris satis docent: periculum adesse. Unde hæc si absunt, optima spes facilis curationis habetur. Sed magna vasa sanguinea, chylosa, & lymphatica, per abdominis vulnera lædi possunt; unde ægro in vulnus decumbente satis patulum, si nihil effluat sanguinis, vel alterius liquidi, novimus vasa hæc illæsa esse: quia autem sanguis effusus & coagulatus in cavo abdominis hæerere posset, nec exire tamen, ideo, aquam tepidam siphone per vulneris aperturam injiciunt, quæ si non mutata redeat, nihil tale metuitur. Notandum tamen in homine vivente & sano, abdomen semper halitu plenum esse, qui aperto mastoctorum animalium ventre tam manifestè apparet: ille frigus aeris admissi, vel alià quacumque de causa, condensatus & collectus lymphæ tenuis specie de vulnere posset exire, licet interiora omnia illæsa forent.

§. 311. **ILLICO** arcendus aer ingressus, suctu & expirationis nixu excludendus; gastroraphiâ consuenda integumenta; turundæ auferendæ; balsami illitû, decubitu, in vulnus, quiete corporis; victu leni, humido, parco, rarâ deligatione percurabitur.

**AER ARCENDUS**, &c. Ubi per modò dicta constat, interiora omnia abdominis illæsa esse, talis vulneris cita consolidatio requiritur. Sed notandum est, aerem per vulnus aliquando ingredi, & in cavo abdominis retentum, calore rarefactum immaniter expandi posse, & comprimere omnia viscera, si per vulnus exire impediatur. Ab eodem aere, in panniculum adiposum se insinuante, mira emphysemata oriri possunt, uti in thoracis vulneribus, §. 300. no. 5. dictum est. Unde antequam de consolidatione vulneris talis cogitatur, debet constare, nul-

lum aerem in cavo abdominis hæere; & si adsit, debet prius educi. Hoc autem sit simili modo ac §. 304, dictum fuit: inspiratum nempe aerem vulneratus retinet quamdiu ferre potest; & tunc, clausâ larynge, expirationis validum nixum facit; sic enim depresso diaphragmate, simulque agentibus in expirationis nixu musculis abdominalibus, contenta abdominis valide premuntur, & aer contentus per vulneris aperturam expellitur. Ne autem eodem tempore omentum vel intestina exprimantur, linteo raro tegitur vulnus, quod aerem quidem transmittit, reliqua autem egressura coerct.

Excluso sic aere requiritur ex generali indicatione in cura omnium vulnerum §. 185. n.º 3.) ut partes, per causam vulnerantem separatæ, uniantur iterum, & in hac adunatione retineantur: quod fit in vulneribus abdominis in cavum penetrantibus peculiari methodo, nempe.

**GASTRORAPHIA, CONSUENDA INTEGUMENTA.** Antiquis jam descripta fuit hæc operatio, & uti videtur, diversis etiam tentata modis. *Galenus* (a) metuens, ne peritonæi disseci labia difficulter concreverent inter se, cum membrana nervosam & exsanguem esse crederet, sic instituit hanc operationem, ut peritonæi disseci labia abdominis disseci oppositis lateribus concreverent. Jubebat enim, acum ab externa parte per cutim introrsum adigendam esse; non pertundendo peritonæum, & deinde in latere opposito vulneris peritonæum unâ cum omnibus incumbentibus tegumentis ab interiori parte extrorsum eadem acu transfigebat; & postea in eodem vulneris latere cutim & musculos iterum pertundebat acu ab exteriori parte introrsum, vitando peritonæum; sed tunc vicissim in opposito latere peritonæum cum omnibus incumbentibus acu ab interiori parte extrorsum transadactâ perforabat. Hâc methodo conabatur efficere, ut peritonæum dissecissimum concreveret cum musculis abdominis disseci lateris oppositi. Tamen & ibidem *Galenus* aliam methodum gastroraphiæ recenset, quâ cognatæ naturæ partes inter se uniantur & coalescunt; peritonæum nempe peritonæo, musculi musculis, &c. & quæ ob hanc causam etiam melior esse videtur. *Celsus* (b) hanc operationem describens illam sic fieri jussit, ut prius interiori membranæ sutura injiciatur; deinde hoc facto eadem fila, eademque acus, ad cutem transferebantur, simili modo etiam futurâ uniebantur, vulneris labia: dicit enim, futuram, summæ cutis, neque interioris membranæ, per se satis proficere, sed utriusque. Voluit etiam è duobus lineis faciendam esse futuram, & spissiore quam alibi; quia & rumpi facilius motu ventris potest, & non æquè magnis inflammationibus hæc pars exposita est. In hac futura perficienda imprimis requiritur, ut minimo cum dolore, & sine periculo læsionis omenti, vel intestinorum, fiat; neque ullus metus sit, ne sutura facta ob continuum abdominis motum laceretur. Quia autem cutis abdominis tenacissima est (uti experiuntur omnes, qui cadaverum apertorum ventres consuunt) & difficillimè perforanda; ideo acus valde acutæ, & à latere scindentes, requiruntur, ad tertiam circiter suæ longitudinis partem incurvæ, cæterum rectæ. Filum forte, vel & pleura fila simul, non conortata inter se, sed in eodem plano posita, transmittuntur suis extremis per binarum talium acum capita; deinde acûs unius cuspis, pulpâ indicis digiti occultata,

(a) Method. Med. Lib. VI. cap. IV. Charter. Tom. X. pag. 140, 141.

(b) Medecin. Lib. VIII. cap. XVI. pag. 453.

cauté sub peritonæo in abdominis cavum dimittitur, ne lædantur intestina vel omentum: perforatur peritonæum & integumenta, transfadigendo hanc acum ad digitum circiter transversam distantiam à vulnere. Simili modo per oppositum vulneris labium altera acus adigitur, & fila transmissa priùs suppositis spleniolis nodo constringuntur. Repetitur jam hæc futura, prout vulneris amplitudo requirit. Reliqua autem, quæ in gastroraphiæ applicatione notanda sunt, apud *Garengeotum* (a) & alios Auctores habentur: videantur & illa, quæ dicta sunt in *Commentario* §. 214.

**TURUNDÆ AUFERENDÆ.** Illæ enim in hoc casu semper nocerent; cum requiratur partium separatarum unio, quam semper impedit quodcumque corpus hæterogeneum interpositum. Noxium autem in abdominis vulneribus turundarum usum, ratione & Experimentis pulchre probat *Bellostius* (b).

**BALSAMI ILLITU, DECUBITU IN VULNUS, &c.** Cum autem per futuram adductis labiis requiratur illorum unio, ad hanc sufficere, si secundum dicta in vulnerum cura generali §. 204, balsamo vulnerario leni leviter illinantur, vel & plumaceolum tali balsamo madidum superimponatur. Situs autem vulnerrati talis inprimis requiritur, ut vulnere incumbat, ut sponte sua pus & alia fortè extravasata huc tendant. Quies summa hic requiritur, quia corporis motu tussi, risu, sternutatione, alvi exoneratione difficiliore, augetur respirationis vis; & periculum foret, ne futura laceraretur, vel saltem rudiori tali abdominis motu distracta fila irritarent partes, per quas transmittuntur: unde inflammatio, dolor, & alia inde sequentia mala oriri possent. Ob eandem causam victus lenis & humidus requiritur, parca copiâ simul, ne repleto ventriculo distendatur abdomen: inprimis carnum iuscula hic commendantur, ut dictum fuit in *Commentariis* §. 308. Si jam nullus dolor aut pruritus, nulla inflammatio, &c, superveniant, rara deligatio curam accelerabit; ut dictum fuit in generali vulnerum cura.

§. 312. **SI** acutus dolor; febris; inflammationis signa; cruor; ichor; potus; cibus; chylus; bilis; pus; urina; stercus; fœtor; ex vulnere exeuntia; causa vulnerans, situs & natura vulneris; pallor; sudor frigidus; inquietudo; animi deliquia; pulsus defectus, præsentia considerantur, docebunt, læsa vasa vel viscera abdominalia; & quæ.

Hactenus considerata sunt vulnera abdominis, quæ vel solâ communia integumenta læserant, integro manente peritonæo; ut & illa, quæ in cavum abdominis penetraverant quidem, sed tamen non læserant contenta vasa vel viscera. Sequuntur jam illa signa, quibus noscitur, interiora læsa esse; simulque ex hisdem concluditur, quænam partes abdominis cavo contentæ, vulneratæ fuerint. Signa autem hæc desumuntur vel ex illis, quæ de vulnere exeunt; vel ex functionibus læsis.

**ACUTUS DOLOR.** Suspectum quàm maximè in vulneribus abdominalibus signum, denotans partes membranaceas, vel nervosas esse læsas. Quantum au-

(a) *Traité des Opérations de Chirurgie*,  
Tom. I. pag. 124. & suiv.  
*Tomus I.*

(b) *Chirurgien d'Hôpital*, part. II. chap.  
xv. pag. 114. &c.

tem ex illarum partium læsione imminet periculum, demonstrant illa, quæ dicta sunt in *Commentariis* §. 170. n°. 3. Ibi enim constitit ex *Ruysschii* Observationibus vulnera mesenterio inflincta, sine læsione aliarum partium, post enormes dolores abdominis, intra duos trêsv dies fuisse lethalia; simulque apparuit, admodum probabile esse, à nervis mesenterii læsis omnia hæc mala orta fuisse. *Celsus* inter signa vulnerati jecinoris recenset (a) *punctiones, dolorisque usque ad jugulum, junctumque ei latum scapularum os, intentos.* In renibus vulneratis dolorem (b) *ad inguina testiculisque descendere monet;* percussâ vulvâ dolorem (c) *in inguinibus, & coxis, & feminibus esse dicit, &c.*

**FEBRIS.** Quæ, si non ex animi perturbatione ortum duxerit in vulneratis, semper vel acerbis doloris comes est, vel inflammationem natam sequitur; quæ in nervosis illis partibus, mesenterio nempe, intestino, &c., semper periculosa.

**INFLAMMATIONIS SIGNA.** Horripilatio nempe, illamque sequens calor febrilis, sitis, anxietas, respiratio laboriosa, pulsus durus, lingua sicca, &c. Quàm funesta autem sit inflammatio plurimorum viscerum abdominis, docent ileus, & herniæ suffocatae, à quibus morbis vel robustissimi homines sæpe paucarum horarum spatio pereunt.

**CRUOR.** Designat vasa sanguinea majora læsa esse, si cum impetu erumpat, & quidem arteriosa, si coccineo colore fulgeat; venosa verò, si magis nigricans appareat.

**ICHOR.** Ex variis partibus, per vulnus abdomini inflinctum læsis, tenuis talis aquosus liquor prodire posset. Lymphatica hic plurima vasa sunt, quæ talem lympham fundere possent. Ductus pancreaticus, porus hepaticus, renum pelvis, si vulnerata fuerint, possent incredibilem copiam talis ichoris in cavum abdominis effundere. Imò halitus in abdomine sani animalis, ex vasis perspirantibus expulsus, condensatus frigore admissi aeris per vulnus, nec resorptus iterum per venas, hinc collectus, per aperturam vulneris posset exire sæpe satis notabili copîa, licet interiora omnino illæsa forent.

**POTUS, CIBUS.** Hæc designant, ventriculum esse læsum: cujus vulnera periculosa semper esse, non tamen absolute lethalia, constitit ex illis, quæ dicta sunt in *Commentariis*, §. 170. n°. 5; quibus addi posset & illud, quod habetur in *Miscellaneis Curiosis* (d), Exemplum hominis, cui ventriculus vulneratus per undecim annos partem cibi & potus per vulneris, aperturam, callosis factis labiis non consolidatam, emittebat.

**CHYLUS.** Si per vulnus exeat, intestina tenuia esse læsa docet, vel ductus chyliferos, in quibus candidissimo colore distinguitur à chylis intestinorum semper magis griseo, vel & flavescere, si intestinum tenue vulneretur prope illum locum, in quo bilis chylis miscetur.

**BILIS.** Designat læsionem ductus communis, vel cystici, vel intestinum fortè duodenum vulneratum esse circa illum locum, ubi ductus communis huic intestino inferitur: inprimis autem magna copia bilis in abdominis cavum effluit, si ipsa vesica fellis læsa fuerit. Rarus admodum talis casus habetur in *Actis Angli-*

(a) *Medicin. Lib. V. cap. xxvi. pag. 186.*

(b) *Ibid.*

(c) *Ibid.*

(d) *Decad. II. Ann. V. pag. 2.*

*canis* (a) de milite, cui vulnere in cavum abdominis penetrante vesicæ fellæ fundus perfoctus fuerat, absque ulla notabili læsione vicinarum partium. Mira factis symptomata secuta fuerunt hoc vulnus, statim enim distendebatur abdomen, ac si tympanitide vel ascite laboraret; neque augebatur vel minuebatur tumor ille ad mortem usque, quæ septimæ diei initio post inflictum vulnus contigit. Nulli tamen ructus, flatus, aut horborygmi aderant, & alvus toto hoc tempore manebat pertinacissimè stricta licet acris satis purgantia & clysmata adhiberentur. Somnus vix ullus aderat, licet opiata satis magnâ dosi exhibita fuissent. Vulnus æternum flaccidum, pallidum, sine pure. Pulsus erat fortis, æqualis, tardus, pridie ante mortem, leviter subinde intermittens; mens constabat ad mortem usque, levis singultus & nausea adfuerant quintâ die post vulnus inflictum. Ex hac Historia patet, pessimum signum esse, si bilis per vulnus abdominis exeat.

PUS. Designat factam jam suppurationem internarum partium à vulnere inflicto; nisi forte præexliterit vomica purulenta instrumento vulnerante nunc aperta.

URINA. Si exeat ex vulnere, pelvis, ureterum, vel & vesicæ læsionem significat, uti facile patet.

STERCUS, FÆTOR. Constat ex Physiologicis, ingesta alimenta actione ventriculi & intestinorum tenuium sensim sic emulgeri, & per bibula venarum meseraicarum & vasorum lacteorum oscula reorberi partem maximè solubilem, ut circa finem intestini ilei solæ ferè fæces non solubiles residuæ in cæcum dictum intestinum delabuntur; inde per totam coli intestini longitudinem sensim propulsæ ad rectum intestinum perveniunt, & alvo excluduntur. Simul observatum fuit, nullibi percipi fætorem illum stercorem, incipientis putredinis indicium, nisi in cæco, colo, & recto; nunquam autem in tenuibus intestinis. Ideo in cæco intestino (b) *sedere fermentum stercorem, opus corruptionis, & non nutritionis*; dixit *Helmontius*. Ubi ergo stercus exit per vulnus inflictum, vel fætor talis de vulnere expirat, concluditur, crassa intestina læsa esse. Unde *Celsus* postquam dixerat, communes esse notas jejuni intestini & ventriculi vulnerati, subiungit (c). *Cætera intestina ista vel stercus, vel odorem ejus exhibent.*

CAUSA VULNERANS, SITUS ET NATURA VULNERIS. Instrumentum, quo vulnus inflictum fuit, si haberi possit, sæpe docet, quousque vulnus penetraverit, si comparetur cum vulneris inflicti amplitudine: simul patet, multum differre vulneris inflicti naturam pro variâ directione, quâ instrumentum vulnerans in cavum abdominis penetravit, sursum, deorsum, ad latera, &c. Sed præterea abdominalium viscerum situs multum differre poterit, pro variâ positura corporis, quam vulneratus habuit illo tempore, dum vulnus infligebatur, uti etiam aliis de causis. Sic notavit accuratissimus Anatomicus *Vinslowus* (d) hepar in homine ligamentis suis quidem sic firmari, ut non facile ab uno latere in aliud dilabatur, neutiquam tamen ab his suspendi, sed sustineri à ventriculo & intestinis; inprimis quando hæc viscera repleta sunt. Unde post diuturnam inediam proprio pondere depressum hepar trahit diaphragma, & molestum sensum

(a) N°. 414. pag. 341. Abridgem. Tom. VII. pag. 571. 572.

(b) *Ortus Medicin.* pag. 179. n°. 81. in fine capituli: *Sextuplex digestio alimentæ humanæ.*

(c) *Medicin. Lib. V. cap. xxvi. pag. 187.*

(d) *Exposition Anatomique, &c. Traité du bas-ventre, n°. 167. 168. pag. 350.*

facit; quem ventriculo malè adscribi credit idem Auctor. Unde si, vacuo ventriculo, stanti homini vulnus infligatur ad binorum digitorum distantiam sub costis spuris lateris dextri, poterit lædi hepar in tali casu ultra costarum limbum prominens: quale Exemplum refert *Garengeotus* (a) hominis sic vulnerati, in cuius cadavere apparuit abscessus in hepate à vulnere inflicto natus. Idem jam verum est de ventriculo, qui repletus admodum satis profundè sæpe descendit.

**PALLOR, SUDOR FRIGIDUS, INQUIETUDO ANIMI, DELIQUA, PULSUS DEFECTUS.** Omnia hæc signa vitam deficientem denotant, & plerumque largam sanguinis jacturam sequuntur: unde licet, nihil sanguinis per vulnus effluat, si hæc signa adsint, de interna hæmorrhagia cogitandum est, & magna vasa sanguinea læsa esse concluditur: sanguine enim sic in cavum abdominis effluente, parca copia tantùm ad cor redit: hinc ejus vires imminuuntur, unde pulsus incipit vacillare, intermittere, & tandem penitus deficere in perfecta syncope. Inde & pallor collapsis vasis sanguine vacuis, & frigidus sudor, resolutarum virium certum indicium. Incipit tunc illa lucta vitæ cum morte, quam agoniam vocaverunt; anxietas nempe summa, & inquietudo, sic ut continuò situm corporis mutant, quantum vires permittunt; tandèmq; animi deliquium, vel & mors ipsa sequitur. Videantur & illa, quæ dicta sunt in *Commentariis* §. 302. n<sup>o</sup>. 7.

Aliquando fortè & hæc symptomata oriri possunt à nervorum, per viscera abdominalia dispermorum, læsione. Magnum enim hos nervos habere imperium in vitales functiones docent subitanæ mortes, etiam in sanissimis & robustissimis hominibus ab herniis suffocatis, intestinorum susceptionibus, &c; in quibus morbis omnia hæc signa apparent, & paucarum sæpe horarum spatium mors sequitur. Unde & *Celsus* signa ventriculi vulnerati enumerans, dixit (b) *Venarum motus elanguescunt, sudores tenuis oriuntur, per quos extremæ partes frigescent.* Et statim addit, communes jejuni intestini & ventriculi vulnerati notas esse.

Ex his omnibus signis cognoscitur, partes abdominis cavo contentas læsas esse; & sæpe eiuſdem satis evidenter patet, quænam, partes læsæ fuerint: unde ex his diagnosis horum vulnerum habetur. Sequens paragraphus prognosin docebit.

§. 313. **TUM** infinita mala sequuntur, partim, 1. A natura viscerum, tenui, vasculosâ, non musculosâ, difficillimæ circulationis, nec nisi clauso abdomine absolvendæ. 2. A functione læsa visceris. 3. Ab effusis cruoris copia, corruptione. 4. Ab aeris ingressu, rarefacti, prementis, actione.

1. Constat ex Physiologicis omnia viscera abdominalia, quæ chylopoiesi inferviunt, venosum suum sanguinem deferre ad sinum venæ portarum, qui dein in ramos divisus per omnem hepatis molem venosum hunc acceptum sanguinem distribuit sic, ut non ampliùs ab angustis ramis in latiores fluat, sed ut in arteriis à latiore basi in angustos fines pellatur. Unde patet, difficillimam hic humorum circulationem esse, cùm sanguis venosus, qui maximam partem mortis, à corde &

(a) *Traité des Opérations de Chirurgie*,  
Tom. I. pag. 341.

(b) *Medecin. Lib. V. cap. xxvi. pag. 287.*

arteriis accepti, amittit, hic iterum per angustias convergentium vasorum transire debeat. Sed circulum humorum juvat actio diaphragmatis & musculorum abdominalium, per quam omnia viscera abdominalia premuntur alternis vicibus. Inspirationis enim tempore diaphragma deorsum tendens cavum abdominis arctat, & omnia contenta comprimit, expirationis vero tempore contracti musculi abdominales eodem modo reagent. Hinc omni vitæ momento alternis his pressionibus, promovetur sanguinis circulatio per abdominalia viscera. Unde in illis hominibus, qui otiosam vitam degentes salubre corporis exercitium negligunt, toties circa hepar & alia abdominalia viscera difficiles nascuntur obstructions, & pessimi morbi chronici. Ubi ergo per vulnus læditur vel turbatur actio diaphragmatis vel musculorum abdominalium, patet, tolli hoc adminiculum, quod requirebatur omnino ad expeditam humorum circumductionem per abdominalia viscera. Hoc apparet evidenter in vivis animalibus dissectis: dum enim cani decussatâ sectione dissecantur musculi abdominales & peritonæum, post aliquot, momenta venæ omnes viscerum abdominalium apparebunt distentissimæ, quia non potest commodè sanguis venosus per hepatis angustias pelli, deficiente actione musculorum abdominalium. Facile interim patet, non ab omnibus abdominis vulneribus hanc noxam expectandam esse, sed tantum ab illis, quæ diaphragmatis vel musculorum abdominalium actionem insigniter lædunt. Accedit, quod per patula vulnera aer illapsus insolito frigore quàm maximè nocere possit abdominalibus visceribus; & à binis his causis videtur deduci posse, quare omentum, vel intestina, extra vulnus dilapsa tam facile gangrænescant.

2. Singula hæc viscera proprios usus habent ad chylicationis opus conspirantes: uno ergo, vel pluribus læsis, turbabitur chylicatio. Sic v. gr; intestino tenui dissecto prope pylorum, omnis chylus in cavum abdominis decideret, vel per vulnus exibat, nutrimento suo defraudabatur corpus, & vero peribat marasmo. Fellis vesiculâ læsa ut dictum fuit præcedenti paragrapho, bilis in cavum abdominis decidebat, & alvus manebat pertinacissimè stricta nullis remediis cavescens, cum subita & permanente abdominis inflatione; quæ mala non facile quis prævidisset futura à tali vulnere. Unde simul patet, quanta sit bilis necessitas ad abdominalium viscerum plurimorum actionem. Sed bilis ex sanguine venoso viscerum chylopoieticorum, in singulis fortè diverso, & mirè mutato per hepatis fabricam, conficitur; unde læsis visceribus abdominalibus sæpe tolluntur quædam requisita ad bonæ bilis secretionem; quæ ergo à naturali sua indole degenerans chylopoiesin miris modis turbare poterit. Sic hepar & lien quasi spongiæ sanguine plenæ apparent: ab horum ergo læsione copiosa cruoris effusio, inflammatio, suppuratio in amurcam quasi horum viscerum substantiam convertens, &c, expectari poterunt.

3. Discissis vasis sanguineis, quæ tam numerosa & satis ampla per abdominis viscera distribuuntur, ingentem sanguinis copiam in cavum abdominis posse effundi, facile patet. Ille copiam suâ premendo viscera, nocere potest, uti & natâ corruptellâ; inprimis, si simul aer libere accesserit, tabefacere posset omnia. Modicam verb sanguinis effusionem, sine visceris ullius nobilioris læsione, & impedito libero aeris accessu, non adeo periculosam credidit *Ruyfchius* (a), edoctus Experimento

(a) Observ. Anatom. Chirurg. observ. LXVI.

in vivo animali capto. Cani enim mediocris magnitudinis, prius ligatis vasibus splenicis, lienem exciderat; neglexerat autem ligare arteriolam epiploicam, quæ tantam tamen sanguinis copiam fundebat, ut jamjam moriturus canis videretur. Hanc tamen arteriolam sine ligatura abdomini intrusit, ubi procul dubio perrexit sanguinem fundere: futurâ vulnus abdominis univit, & vulnere intra sex septemque dies consolidato, canis convaluit. Ex hoc Experimento concludit, sanguinem extravasatum in cavo abdominis, modò secludatur aer, posse reorberi sic, ut nihil inde mali postea sequatur.

4. Si per vulnus aer in cavum abdominis intraverit, & interim ejus exitus à pinguedine, vulneris orificium obturante, vel aliâ quacumque de causa, impediatur, calore corporis rarefactus aer distendere poterit abdomen in molem immensam: sed & simul eadem vi comprimet omnia contenta abdominis cavo viscera; Inprimis autem ventriculum & intestina, illâque penitus complanare poterit: unde miserissima mala, solâ eduçione rarefacti aeris, sananda.

§. 314. UNDE lethalia sæpe sunt. At intestina læsa, & pertractatione oblata, consuenda, si magnis; sibi linguenda, si parvis vulneribus læsa sunt, & reliqua peragenda; ut (311) dictum est.

Ex omnibus prædictis patet, quantum discrimen sit vulnus in cavum abdominis penetrantium, unâ cum læsione contentorum vasorum vel viscerum. Si jam simul considerentur illa, quæ de vulnere lethaliitate dicta sunt §. 170. n°. 3, & 5, ut & illa mirabilia mala, quæ diaphragmatis læsionem sequi observata fuerunt, de quibus ibidem n°. 4. agebatur; patebit facillè, mortem inevitabilem sæpe vulnera abdominalia sequi.

Sequitur jam, ut considerentur illa, quæ fieri debent in cura abdominalium vulnerum, si intestina læsa fuerint, & manibus pertractari possint. Hippocrates (a) tenuium intestinorum vulnera lethalia pronuntiavit: Galenus tamen in suis *Commentariis* non quolibet vulnera tenuium intestinorum lethalia esse voluit, sed rarissimè sanari dicit illa quæ in cavum usque intestinorum penetrarent. In alio aphorismo. Hippocrates dixit (b) *si quod intestinorum tenuium perfectum fuerit, id non coalescit* Celsus pariter dixit, (c) *Si tenuius intestinum perforatum est, nihil profici posse... Latius intestinum sui potest: non quoddam certa fiducia sit, sed quoddam dubia spes certâ desperatione sit potior; interdum enim glutinatur.*

Hodie tamen plurimis, illisque fidelissimis, Observatis constat, intestina tenuia etiam integre discissa fuisse, tamen superstites fuisse vulneratos. Si ergo intestinum læsum fuerit, neque vulnus adeo magnum sit ut, patulâ viâ, contentâ intestini cavo in abdomen delabi possint, sibi relinquenda sunt; sponte enim tunc solent sanari. Simulac enim intestina per vulnus abdominis erumpunt, solent validè distendi statibus, si integra fuerint; & tunc tenuia & membranacea apparent: ubi verbò in naturali statu considerantur, satis crassa & solida apparent; unde parvum vulnus non adeo nocere poterit. Exemplo hominis manisci, (de quo dictum fuit

(a) Sect. VI. n°. XVIII. Charter, Tom. IX. |  
Part. II. pag. 257.

(b) Ibid. n°. XXIV. pag. 261.

(c) Medicin. Lib. VII. cap. XVI. pag. 452.



§. 179. n<sup>o</sup>. 5.) qui octodecim vulnera proprio abdomini infixerat, constitit sanari sponte tales intestinorum etiam tenuium læsiones, uti docuerunt cicatrices sanarorum vulnerum in cadavere postea repertæ. Dum cani majori (uti ibidem dictum fuit) intestinum tenue secundum longitudinem dissecaretur, nullâ futurâ intestini in abdomen retrusî factâ, animal tamen convaluit. Imò Observata docuerunt largâ satis intestinorum vulnera, per quæ contenta exibant, sponte sanata fuisse. Homini globo plumbeo majori vulnus inflictum fuerat in cavum abdominis penetrans cum insigni læsione intestini coli; sic ut per bimestre spatium excrementa per vulnera exirent: tandem tamen sine ullo Artis adminiculo illud vulnus consolidatum, & homo sanatus fuit (a). Insigni decoctori vulnus abdomini infligebatur cultro, sic ut acies penetraret in latius dextri lateris intestinum, quod, licet ultra triginta horas pependit extra corpus, jam abunde refrigeratum, reductum tamen fuit in locum suum sine ullo malo. Profluebant quotidie per vulneris hiatus fæces alvinæ, & licet perditus helluo nullam dixerat rationem servaret, felicissimè tamen intestini vulnus consolidabatur, uti post sextum annum à vulnere inflicto in cadavere apparuit (b).

Ubi autem vulnera intestinis inflicta tam magna sunt, ut inde jurè metuendum sit, ne contenta in cavum abdominis delabantur, ibique accumulata & putrefacta corrumpant omnia; tunc, si detur manus pertractandi tale intestinum vulneratum occasio, hæc consuenda sunt. Solent Chirurghi in tali casu uti futurâ, quam pellionum vocant; quia solent pelliones laceras animalium pelles tali futurâ unire. Hæc autem futura fit, dum ambo vulnerati intestini labia simul ac u pertunduntur, quam sequitur filum sericeum planum: dein sequens punctura similiter fit ad distantiam binarum linearum à priore, semper ab eodem latere intestini incipiendo: hoc repetitur, donec labia vulneris contigua sint. Sic spirali circumvolutione filum continet vulnerati intestini labia, & fili pars satis longa ex vulnere pendula relinquitur, ut postea consolidato intestino commodè educi possit. Ob hanc causam etiam majoribus intervallis puncturæ faciendæ sunt, nec fili extrema subducenda spiralibus gyris ejusdem fili per intestini labia circumductis, ut multi Auctores voluerunt: tunc enim postea non posset protrahi filum sine corrugatione violenta intestini consuti: unde acerrimi dolores, inflammatio, gangræna, &c, sequerentur. Videatur de hac futura *Garengeotus* (c). ubi optima methodus hanc perficiendi describitur.

Patet facillè, nonnisi urgente necessitate, hanc futuram instituemdam esse, cum requirit intestini extra abdomen protracti satis longam moram in aere externo, & rudiorem ejusdem intestini pertractionem. Unde & notaverunt Auctores, sæpe funestum eventum sequi. Exempla tamen illa, quæ in *Commentariis* §. 170. n<sup>o</sup>. 5. allegata fuerunt, ubi ipse ventriculus, vulnere divisus, consuebatur; uti & illa, quæ dicuntur postea in *Commentariis* §. 317, probant satis, non posse hanc operationem tamquam damnosam aut inutilem repudiari.

(a) Bellost. Chirurgien d'Hôpital part. 111. chapit. xv. pag. 166.

(b) Tulpii Observat. Medicar. Lib. III cap. 22. pag. 109.

(c) Traité des Opérations de Chirurgie, Tom. I. pag. 105. & suiv.

§. 315. **S**I per latum vulnus illæsum intestinum exit; fovetur; animalibus vivis dissectis applicatis, vel fomento idoneo; reponatur; fiant reliqua, ut §. 311.

Intestina, quamdiu in abdomine hærent, semper undique tepido rore exhalante humectantur, & simul pingui subtilissimo lubricantur; uti solus etiam attractus docet in animalibus vivis dissectis. Ubi ergo per vulnus inflatum intestina evolvuntur, carent blandâ & tepidâ atmosphærâ; unde refrigerantur, siccantur, & satis citò sæpe in mortem tendunt; quod inprimis murato colore cognoscitur. Pulcherrimè hanc rem expressit Celsus, dicens (a) *Protinus considerandum est, an integra ea sint; deinde, an his color suus maneat.... Tum, si utrumlibet intestinum (crassum nempe & tenue) lividum, aut pallidum, aut nigrum est; quibus illud quoque necessariò accedit, ut sensu careat, medicina omnis inanis est. Si verò ea adhuc sui coloris sunt, cum magna festinatione succurrendum est: momento enim alienantur, externo & infueto spiritu circumdata. Quod autem pulchre intellexerit Celsus, intestina naturaliter irrigari non tantùm tenui lymphâ, sed & pingui simul oleo, patet evidenter, quia paulò post addit sequentia (b) *Ac, si jam sicciora sunt intestina, perluenda aquâ sunt, qui paululùm admodum olei sit adjectum.* Ubi ergo patulo de vulnere intestinorum orbes evolvuntur, statim reponenda sunt, si nondum refrigerata vel exsiccata fuerint. Multùm facilitatur hæc repositio intestinorum, si in tali situ ponatur vulneratus, ut contenta abdominis non urgeant propriâ gravitate locum vulneris; unde resupinandum hominem, (c) *coxi præterioribus*, voluit Celsus. Hâc enim positurâ corporis, contenta abdominis cavo viscera diaphragma premunt in thoracis cavum, sicque abdominis capacitas augetur; unde faciliùs possunt egressa intestina recondi. In hac repositione intestinorum iterum pulchre monet. Celsus quòd (d) *Medicus priora semper intestina, quæ posteriora prolapsa sunt, condere debet sic, ut orbium singulorum locum servet. Repositis omnibus leniter homo concutiendus est, quo fit, ut per se singula intestina in suas sedes reducantur, & in his confidant.* Nisi enim hoc observetur, tormina validissima, & plurima alia mala sequi possent.*

Aliud adhuc monitum, & satis magni momenti, habetur apud Garengeotum (e); nempe, quòd si vulnus esset in abdomine medio sub umbilico, per rectum abdominis musculum in alterutro latere penetrans, tunc intestinum, vel omenti pars prolapsa sæpe posset recondi sub musculo recto, inter hunc & ejus vaginam tendinèam, quæ musculum sub umbilico admodum laxè ambit; & malè crederetur, hæc reposita esse in cavum abdominis. Facile patet, à tali errore pessima mala sequi debere; intestini nempe, sic validè à musculo incumbente pressi, inflammationem, dolorem, &c.

Ubi autem intestina prolapsa jam, refrigerata fuerint, vel & ab aere exsiccata, tunc omnium optimum est, si blando priùs tepore foveantur & humectentur simul. Nihil

(a) Medic. Lib. VII, cap. xxvi, pag. 451.

(b) Ibidem.

(c) Ibidem.

(d) Ibidem, pag. 453.

(e) Traité des Opérations de Chirurgie; Tom. I, pag. 101.

tunc

tunc melius excogitari potest, quam si abdomine discisso vivum & sanum animal imponatur elapsis intestinis; tunc enim naturali quàm maximè fori caleſcunt & humectantur. Unde etiam in ileo, terribili adeo morbo, sæpe tantum solamen habetur, uti & in herniis incarceratis reducendis. Si viva animalia præſtib non ſint adhuc uſum, aqua calida cum lacte dulci & pauxillo olei blandi, decoctum carnis vitulinæ subpingue, decocta emollientium herbarum, &c. adhiberi poſſunt in eodem uſu, modò ſemper tepida retineantur. Verum quidem eſt, quòd inteſtina prolapſa & refrigerata, ſi recondantur abdominis cavo, ibi caleſcent & humectabuntur; ſed debemus priùs certi eſſe, antequam hæc reponantur, vitam rediſſe in his partibus, jam refrigeratis & ſemimortuis. Aliter enim, ſi jam gangræna adeſſet, peſſima corruptio expoſtandanda foret; &, licèt ſeparatio corrupti fieret, contenta inteſtinali fiſtulâ in cavum abdominis delaberentur; unde poſt ſummas miſeriâs toleratas tandem mors ſequeretur.

§. 316. **SI** per parvum exeunt foramen; tamens flatu, inflammatu; ſæpe, reduci non poſſit; ſotu, punctu, dilatatu vulneris, reponitur.

Quando amplo vulnere abdomen perfoſſum eſt, Inteſtina facilè evolvuntur; ſed etiam tunc ſine magna difficultate reponi poſſunt. Ubi verò per anguſtum vulnus pars inteſtini expreſſa fuerit, longè periculoſius malum eſt. Inteſtinum enim egreſſum comprimetur vulneris ambitu, & inflammabitur, & brevi tumebit diſtensum flatibus, vel & ingeſtis alimentis motu perſiſtaltico huſcuſpulis, nec redire potentibus, ob inteſtini anguſtationem in vulneris loco. Unde ſuffocatio & gangræna ſatis citò ſequuntur; uti in herniis incarceratis toties viſum fuit. Facilè patet, non poſſe reduci inteſtinum, niſi minuatur illius diſtenſio, vel dilatetur vulnus. Prius ſemper tentandum eſt, quia dilatatio vulneris non ſine moleſtia fieri poterit. Fomenta illa, de quibus dictum fuit præcedenti paragrapho, calidè amplicantur; dein leniter manibus palpando tentatur, an ſtatus vel contenta in tubo inteſtinali poſſint iterum propelli per vulnus, tunc enim detumefcet inteſtinum, & reduci poterit. Si autem flatibus diſtensum fuerit, & per aliquot horas fomenta talia fruſtra applicata ſint, tunc acu hinc inde pertundendum eſt inteſtinum diſtensum, ut ſtatus exire poſſint. Neque aliquid metuendum videtur ab his vulnuſculis; nam ſtatu expulſo contrahetur inteſtinum, & diſparebunt parvulæ tales aperture, nihiſque contentorum inteſtini per illas poterit egredi. Tales inteſtini puncturas ſe felici cum ſucceſſu inſtituiſſe dicit *Paræus* (a). Ne tamen ignaris detur occaſio culpandi hanc inteſtinatorum perforationem, præſtat hoc clam perſicere; quod facilè fieri poterit. Funestus enim talis vulneris eventus aliquando adſcriberetur Chirurgo, licèt ex Arte hoc fieri debere in tali caſu ſatis pateat.

Si autem ne ſic quidem detumefcat inteſtinum, ſola dilatatio vulneris ſuper-eſt; quam *Celſus* etiam in hoc caſu commendavit dicens (b). *Si anguſtius vulnus eſt, quàm ut inteſtina commodè refundantur, incidendum eſt, donec ſatis pateat.* Summâ autem cautelâ hîc opus eſſe facilè patet, quia inteſtinum elapſum in loco vul-

(a) Liv. X. Chapitre XXXVI. pag. 156.

(b) Medic. Lib. VII, cap. XVI. pag. 452.

neris arctissimè comprimitur à peritonæo & integumentis, unde facillè lædi posset. Ut hoc evitetur, specillum fulcatum introducunt in abdominis cavum, parum etiam protrahito, si opus sit, intestino; tunc ut Chirurgus certus sit, intestinum non esse interceptum inter specillum & vulneris marginem, parum adhuc protrahit intestinum; deinde cultellum sulco specilli imponit, & cautè discindit peritonæum: hoc facto elevat specillum unà cum cultello jam in ejus sulco hærente & discindit integumenta abdominis, donec pateat facilis vulneris amplitudo, ut commodè intestina prolapsa refundi possint in cavum abdominis. Si verò tanta sit strangulatio intestini prolapsi, ut impossibile sit specillum fulcatum introducere, tunc indicis digiti pulpâ premittitur intestinum, ut parum recedat à vulneris margine, & deinde supra unguem ejusdem digiti indicis parum discinduntur integumenta & peritonæum, ut via fiat specillo fulcato introducendo.

Ut quàm tutissimè hoc fieri posset, pulcherrima instrumenta excogitaverunt celebres Chirurgi. Sic specillum fulcatum habetur, quod crenâ suâ abscondit cultellum, presso è latere pro lubitu Chirurgi emergentem, cujus figura habetur apud *Heisterum* (a). Solo cultello recto, obtuso apice instructo, utebatur *Peitius*, cujus cultelli acies obrusior erat: cultellus ille perpendiculariter abdomini immergebatur, nec poterant inde lædi viscera, quia globosum habebat apicem, & vix scindere poterat; sufficiebat, tamen cultelli acies, ut discindere posset tenâ adductum abdominis integumenta (b). Simplicitas hujus methodi placuit multis; alii Chirurgi maluerunt prioribus uti.

Dilatato sic vulnere, repositisque intestinis clapsis, omnia illa dein fieri debent: quæ §. 311. dicta sunt.

§. 317. **SI** vulnere, suppuratione, gangrænâ, fistulæ intestinalis pars ablata est, pars superior se offerens, vel prudenter adducta, assuenda foramini vulneris.

Ubi autem intestinum integre dissectum est, vel per vulnus angustum exiens, nec in tempore reductum, gangrænâ vel suppuratione partem suâ amisit, tunc continuas fistulæ intestinalis sublata est, & si resunderentur in cavum abdominis disjuncta extrema, facillè patet, effuso chylo intestinorum in abdominis cavum, ibique accumulato & corrupto, miserissimam sequi debere & inevitabilem mortem. Idem verum est, si intestinum integrum quidem adhuc, sed jam in parte quadam gangrænosam, reponeretur: illud enim postea separari deberet, tuncque omnia eadem fierent mala. Totum ferè, quod tunc habet *Ars*, est, ut affigat externi vulneris margini discissi intestini extremum; sicque totâ vitâ manebit hic turpis cloaca, quæ ani vicem supplebit. Separata enim intestini extrema coalescere iterum posse, ne quidem sperare quondam audebant *Milici* & Chirurgi, cum *Hippocratis* obstabat auctoritas, dicentis (c) *si quod intestinorum tenuium persectum fuerit, id non coalescit*. Mira tamen Observata docuerunt, non semper etiam de hac concretionem desuperandam esse. Homo robustus jam ab octo annis laborave-

(a) *Institutus Chirurg.* part. II. cap. cxiv. | *Chirurgie* T. I. pag. 119.

Tab. XXIV. pag. 797.

(c) *Aphorism. Sect. VI. n. XXIV.* *Charter* Tom. IX. Part. II. pag. 261. & *Coac. Præn.* n. 503.

rat herniâ, quæ tamen ipsi non admodum molesta fuerat; subitò intumuit hernia unâ cum duritie summa, quam frustra cataplasmatibus emollire tentabat Chirurgus. Tandem suppurabatur tumor, illôque aperto, partem intestini putrefacti quatuor digitis longam abscidit Chirurgus; postea similis longitudinis pars intestini sponte cecessit. Cùm jam crederetur, quòd hoc in loco apertura maneret, quæ ani vice fungeretur totâ vitâ, præter omnem expectationem incepit minui humorum per vulnus effluxus, & trīginta trium dierum spatio percuratum fuit, & sanissimus postea vixit (a). Alter casus adhuc evidentius docuit, coalescere posse intestina integre divisa. Homini herniâ laboranti, tubi intestinalis portio, fex pollices longitudine æquans, gangrænâ corrupta perierat. Filo transmissio per mesenterii partem illam, quæ intestino corrupto cohæserat, utrumque intestini extremum in vulneris apertura retinebatur hâc spe, ut accrescerent vulneris margini, & extremum intestini superius ani viceungeretur; altero extremo inutili manente: sed præter spem mensis spatio sic uniebantur hæc extrema, ut ingesta alimenta confusâ viâ iterum per anum excernerentur: & convaluit homo, hoc tantùm habens incommodi, quòd, si nimium manducasset, dolore colico corripereetur, qui in vulneris loco incipiens sensim diminuebatur. Videtur autem hoc factum fuisse, quia in loco, ubi bina extrema concreverant, tubus intestinalis angustior parum erat, & firmioris substantiæ, nec tam faciliè cedere poterat (b). Hanc rem confirmat aliud mirabile Exemplum. Serenissimi Ducis Brunsvicensis Chirurgus Aplicus *Ramdohrus* fœminæ, post herniam incarcerationam sponte ruptam, insignem partem tubi intestinalis corrupti abscidit; deinde extremum superius intestini immisit inferiori extremo & levî futurâ univit, & in abdomen reposuit. Ex ipsis orci faucibus erepta hæc fœmina postea sana vixit, sed post annum pleuritide correpta periit; atque inciso cadavere patuit, intestini extrema inter se coaluisse. Intestina hæc unâ cum parte abdominis, quæ accreverant, à dexterrimo Chirurgo dono data, servat *Heisterus* (c).

Facile autem patet, divisi intestini unionem talem fieri non posse, si bina extrema in abdomine fluctuant; sed requiri ad hanc rem, ut cuidam parti vicinæ accreta maneant contigua. Ob hanc causam frequentius hæc unio fit in herniis, quia per abdominalem annulum duplicatum intestinum exiens contigua habebit hæc extrema, uti pulchre demonstratur, & figuris elucidatur à celeberrimo *Morando* (d), qui ex structura partium concretionis rationem, & alia inde frequentia solidissimè deducit. Ubi simul probatur, semper in loco unionis minorem esse capacitatem tubi intestinalis: quod etiam sæpius post mortem in cadaveribus illorum, qui has calamitates passi fuerant, se vidisse testatur idem Auctor. Ob hanc causam, nisi durioribus edulis abstineant, nec nimiam ciborum copiam ingurgitent, periculum est, ne hæc in angustia hæreant; unde dolores acerrimi, imò sæpe ruptura loci, jam consolidati dudum: quale Exemplum habetur fœminæ ab hac causa mortuæ, pluribus annis elapsis post integram sanationem; in cujus abdomine & ingesta alimenta, & medicamenta, effusa reperiebantur, disrupo intestino in illo loco, ubi bina extrema intestini, antea divisi, concreverant (e).

(a) Académie des Sciences l'an 1753: Hist. pag. 41. & suiv.

(b) Ibidem. pag. 44.

(c) Institut. Chirurg. part. II, cap. CXVII.

nº. XIII. pag. 768.

(d) Académie des Sciences l'an 1635, Mém. pag. 345. & suiv.

(e) Ibidem. pag. 343.

Ubi verò nulla spes est, divisa intestinalis fistulæ extrema posse simul uniri & consolidari tunc hoc solum superest, ut extremum superius, aliquando sponte in vulnere hærens, vel & prudenter illuc adductum, assuatur vulneris aperturæ, ut ibi artificialis anus totâ vitâ maneat. Alterum extremum ligatum, ne ejus contenta hoc tempore in abdomen delabantur, totâ vitâ manebit inutile. Sic vita servari poterit, modò tanta adhuc sit longitudo intestinalis tubi à pyloro ad anum hanc artificialem usque, ut ex ingestis alimentis sufficiens copia chyli possit sanguinem ingredi, ut inde restituatur illa, quæ inevitabili sanæ vitæ effectû quoridie de corporis substantia pereunt. Uti autem cognosci possit, quodnam ex binis extremis intestini dissecti sit illud, quod duodeno continuum superius dicitur, signa quædam habentur, à clarissimo *Littro* recensita (a). Illud enim extremum manifestum motum vermicularem habet, materia chylosa repetitis vicibus per hoc extremum exit, & illius parietes non apparent integre collapsi; vel si quandoque collabuntur, paulo post iterum elevantur à materia intestini cavo contentâ, & huc propulsâ. In altero autem extremo intestini dissecti, quod recto intestino continuatur; motus peristalticus deficit, nihilque exit inde, nisi in initio, vel quando convulsivo motu retrogrado ab inferioribus sursum aliquid exprimitur; quod nunquam tamen tam regulariter fit, ac in extremo superiori apparet. Illud extremum, quod duodeno continuum esse sic deprehensum fuit, tribus in locis, quæ ejus circumferentiam trifariam dividunt, unitur per suturam vulneris foramini, vel filis transmissis retinetur intestini extremum in vulneris apertura, donec ibi concreverit. Sic per Artem vita servatur, sed non sine sædo satls incommodo, cum totâ vitâ fæces hâc viâ exire debeant. Quandoque etiam contigit, naturæ solius beneficio extremum superius intestini dissecti vulneris aperturæ accrescere. Sic *Meryus* (b) in virgine viginti octo annorum, post herniam incarceratam, & gangrenâ corruptam, abscidit quinque pedum longitudine circiter putrefactum intestinum, & omniæ superius accrescebat inguini, per quod totâ vitâ postea fæces exibant; satls etiam duræ & figuratæ, si facillè digerendos cibos modicâ copiâ simul assumeret. Plures tales casus occurrunt post conflictus bellicos, dum milites pugionibus bombardis impositis in adversos hostes ruunt: unde frequentia satls abdominis vulnera cum intestinorum dissectione contingunt. Memini, me ante viginti circiter annos vidisse militem, cui post talem plagam dissectum intestinum colon vulneris orificio exteriori accreverat; & facillè patiebarur, cum osliarum stipem peteret, ut examinaretur intestinum, aliquâ sui parte extra vulneris aperturam prominens, ubi pulchre interior superficies intestini lustrari poterat. Jam decem elapsi tunc erant anni post vulnus inflictum, & videbatur optimâ sanitate frui.

§. 318. **SI** omentum exierit, & humidum, calidum, rutilo sanguine rubescens adhuc est, reponendum, ut §. 316.

Dixerat *Hippocrates* (c) si omentum excidat, necessariò putrescit. Certè tenerima omenti fabrica non potest diu aeris externi frigori exponi, quin vitalis humo-

(a) Académie des Sciences l'an 1700, Mém. de l'Académie, pag. 394.

(b) Ibid. l'an 1701. pag. 371. 373.

(c) Aphorism. Sect. VI. n°. LVIII. Charter. Tom. IX. Part. 11. pag. 289.

rum circuitus per hanc partem lædatur insigniter; imò sæpe integre destruat. Unde, si fieri potest, reponendum illico. Notandum tamen est, quod omenti membrana adeo tenuis sit, ut rudiorum pertractationem sine laceratione ferre nequeat. Unde summâ hic circumspeditione opus est: aliter enim rudius tractatum omentum, dum reponitur, fractis vasibus postea inflammatione, suppuratione, vel & gangrænâ corruptum, pessima mala producere posset. Ob hanc causam potius dilatandum vulnus est, ut sine vi reponi possit. Humiditas, calor & rutilus sanguinis, per tenera vasâ omenti pellucens, color docent, vitalem superesse adhuc humorum motum per omenti elapsi de vulnere substantiam.

§. 319. **S**I siccum, frigidum, lividum, ligaturâ, sectione, fotu, curatum reponendum est:

Ubi verò omentum diu extra vulnus hæsit, solet emori, & quidem satis citò; quod ex frigore, siccitate, & livido vel nigro colore cognoscitur. Mortuum talem partem in abdomine recondere periculosum foret: illa enim postea à vivis partibus separata in abdominis cavo putresceret, & viscera omnia inficere posset. Unde, voluit Celsus ut, intestinis jam abdomine conditis, (a), omentum consideretur, ex quo si quid jam nigri & emortui est, forfice excidi debet; si quid integrum est, leniter super intestina reduci. Si tamen mutato quamvis colore, aliqua spes superesse videatur, vitam redire posse in hac parte, fomentis mollissimis, & imprimis vivis animalibus dissectis impositis, fovenda est; si signa vitæ redeuntis appareant, humiditas nempe, calor, & ruber color, in abdominis cavum reponenda; sin minus, tolli debet illud, quod corruptum est. Tamen celebres Chirurgi, si leviter tantum livesceret omentum elapsum, illud reposuerunt, nec ullum inde damnum secutum fuisse testantur (b): tunc enim naturali corporis calore redibat faciliè vita in hac parte. Ubi autem mortua pars omenti tollenda est, tunc per partem ejus sanam filum transadigitur, deinde ligatur, & sub ligatura ad digitum circiter transversum distantiam abscinditur illud, quod corruptum est; reliquum abdomine conditur, curando, ut sili pars satis longa ex vulnere pendeat, ut separatione factâ illud commodè tolli possit. Neque multum mali observatum fuit talem omenti resectionem sequi. Galenus (c) quidem dixit, ablatâ parte omenti frigidiorum fieri ventriculorum, & minus rectè concoquere: illudque se vidisse affirmat in gladiatore, cui vulnerato ferè totum omentum abstulerat, & qui postea cogeatur assidue lanis ventrem obvolvere, ne ab externo frigore læderetur. Tamen postea numerosissimis Observatis constitit, omenti ablationem hæc mala non sequi (d). Unde satis tutò tolli posse videtur. Quod etiam confirmatur, quia sæpe in cadaveribus omentum pro maxima parte deficit; licet functiones viscerum abdominalium satis integræ fuerint in talibus hominibus (e).

(a) Medicin. Lib. VII. cap. xvi. pag. 453.

(b) Dionis Cours d'Opérations de Chirurgie, démonst. 11. pag. 73.

(c) Garengeot Traité des Opérations de Chirurgie. Tom. I. pag. 120.

(d) De usu part. Lib. IV. cap. ix. Charter. Tom. IV. pag. 377.

(e) Académ. des Sciences l'an 1725. Hist. pag. 13.

§. 320. **MISSIO** sanguinis largior; clysmata in initio injecta si crassa illæsa; diæta; blanda respiratio; quies; situs; palmaria hæc remedia.

Ex hæcenus dictis quædam generalia auxilia deducuntur: quæ etiam in periculosisimis vulneribus abdominalibus summopere semper profuisse certis Experimentis constitit. Nempe,

**MISSIO SANGUINIS.** Nihil plùs hic metuitur, quàm inflammatio viscerum abdominalium, quæ post enormes dolores citò in gangrænâ tendens sæpe subitò necat. Sed summum remedium præbet larga missio sanguinis, quæ præsentem inflammationem tollere, futuram verò præcavere efficaciter solget. Sic in hernia suffocata vix ulla remedia juvant, nisi audacissimâ sanguinis missione sic debilitent vires; ut motus inflammatorii careant urgente nimis vitali impetu.

**CLYSMATA,** &c. Si crassa intestina læsa essent, patet facillè clysmata nocitura fore; liquidum enim sic injectum delaberetur in abdominis cavum. Ubi autem constât, hæc illæsa esse; tunc omnium maximè convenit, clysmatibus injectis durâs fæces, crassis intestinis contentas, educere; ne postea vulneratus cogatur alvum duram nixu valido exprimere. Dum enim alvus exoneratur, diaphragmate deorsum pressio ob inspiratum & retentum aerem, & simul agentibus musculis abdominalibus, validissimè comprimuntur omnia abdominis contenta, quæ ergo urgebunt vulneris locum; sicque intestina vel omentum exprimentur; vel dilacerabitur iterum illud, quod jam inceperat consolidari. Unde patet satis clysmatum in vulneribus abdominis utilitas.

**DIÆTA.** In generali vulnerum cura §. 192, dictum fuit, vulneratis prodesse illa inprimis alimenta, quæ blanda, nec facillè putrescentia, facili digestionis atque assimilationis essent, si parçâ copiâ simul, repetitis vicibus, fumerentur. Sed in abdominis vulneribus præterea considerandum est, sæpe læsam esse actionem illorum viscerum, quæ crudis ingestis efficacissimam mutationem imprimere debent, quâ apta evadant, ut postea pulmonis & vasorum efficaciâ in nostram munterent naturam; simul etiam à majori copia assumptorum ventriculû & intestina statim diffendi. Unde patet, adhuc majori cautelâ hic opus esse. Sed præterea summi usus est hic dare talia, quæ minimam copiam crassarum fæcum in intestinis relinquunt, cum alvi exoneratio, per clysmata priùs eductis omnibus fæcibus, hic vitanda sit, quantum fieri potest. Omnibus his indicationibus nihil meliùs respondet, quàm jusculorum ex carnibus juniorum animalium usus. Si enim omni bihorio uncie tres quatuorve sumantur, addito pauxillo succi citri, ut nimis facilis in putredinem degeneratio caveatur, suslinebitur vita, nullâque ferè actione ventriculi & intestinorum opus erit ad hæc ingesta mutanda; simulque vel nullæ, vel paucissimæ saltem, in intestinis accumulabuntur fæces, unde per plures dies, imò septimanas, sine molestia alvum retinere poterunt. Panis tostus poterit immergi, vel & incoqui his jusculis; modò tollatur postea, ne fæcum copia in crassis intestinis inde augeatur. Pro potu sola aqua, modicâ vini quantitate additâ, sufficeret. Posset tamen & panis, vel hordei aut avenæ decoctum, vel & mollissima cerevisia concedi. Lac hic vitatur, quia nimiam copiam crassarum fæcum relinquit, ut patet in infantibus, qui, solo materno lacte licet utantur, tamen duras tenacisque admodum fæces sæpe alvo deponunt.



**BLANDA RESPIRATIO, QUIES, SITUS.** In singulis enim inspirationibus distenduntur muscoli abdominales; & contrahuntur iterum expirationis tempore; unde vicissim omnia abdominis contenta premuntur. Quò ergo pacatior fuerit respiratio, eò minùs movebuntur partes vulneratæ, ergo & faciliùs consolidabuntur. Ob eandem causam quies hic summopere necessaria est. Situs autem talis sit, in quo commodissimè diu manere poterit vulneratus; nempe ut in lectulo, erecto parum corpore, sedenti ferè similis ponatur, & quantum commodè fieri poterit declive sit vulneris orificium, ut pus, sanguis, &c, facillimè exire possint, neque accumulèntur in cavo abdominis.

Hæc sunt illa, quæ in omnibus vulneribus abdominalibus conveniunt; utri etiam post calculi sectionem vel fistularum ani. Nisi enim tunc caveatur alvi exoneratio, sæpe felicissimè peractam operationem pessima mala sequuntur. Gravissima etiam vulnera abdominalia, & pessimis symptomatibus stipata hæc methodo curata fuisse felicissimè, constat Observatis. Unicum tale adduxisse sufficiet, cujus jam alià occasione in *Commentariis* §. 170. n°. 5, mentio facta fuit. Maniacus homo sibi ipsi cultro octodecim vulnera infixerat abdomini, quorum octo penetrabant in cavum abdominis, & lædebant contenta viscera. Febris valida, tensio abdominis, respiratio difficilis & dolens, nausea, vomitus, diarrhœa, &c, acerbam dabant prognosin, sic ut ferè pro derelicto haberetur. Septies repetita venæsectio primis quatuor diebus; diætâ tenuissima ex solis ferè jusculis carniûm, additis quandoque lactucâ, chicoreo, portulacâ & similibus mollissimis oleribus; quies summa, lenibus emulsis diacodiaris impetrata; rara & prudētissima vulnèrum deligatio, effecerunt, ut bimèstri spatio à tot vulneribus incolumis emergeret non tantum, sed & mentem sanam in corpore sano haberet. Post septemdecim menses iterum maniacus factus ex alto se præcipitem dedit, & illico mortuus fuit. In cadavere cicatrices invenire docuerunt, lobum medium hepatis læsum fuisse, uti & intestinum jejunum ac colon (\*). Hæc Historia docet, quantum ab hac methodo expectandum sit in periculosissimis etiam casibus.



## CONTUSA.

§. 321. **SI** durum, obtusum corpus, motu, resistenciâ, morsu vel pressu, multa vascula simul confregit, læsio hæc Contusio vocatur.

Contusio est solutio continui, facta in quacumque parte corporis, per instrumentum durum, cujus superficies non exit in aciem sed in obtusam quamcumque figuram: Sic enim distinguitur à vulnere, quod est solutio continui, acuto instrumento vulnerante facta. Unde contusio, cæteris paribus, semper ampliorem locum occupat, quàm vulnus, quia instrumentum lædens majori superfacie corpori applicatur. Facile jam patet, effectum fore eundem, sive obtusum corpus motum

(\*) Académie des Sciences l'an 1705. *Mém.* pag. 40. & suiv.

impingat corporis partē, siue pars corporis mota duro obtuso obstaculo quiescenti occurrat siue gravitate suā obtusum corpus partem nostrī corporis prelerit, aut mordendo corporis pars quædam contrita fuerit.

§. 322. **C**UJUS idea, accumulatio vulnuscutorum cum attritu solidorum, & vasculorum.

In loco contuso tot possunt concipi vulnuscula, quot sunt partes læsæ in toto contusionis ambitu; unde minimorum vulnuscutorum, sibi invicem adjacentium, aggregatum dat ideam contusionis. Sic v. gr; si arteria novacula discinderetur, vulnus esset: si innumeris juxta se mutuo quā proximè positīs sectionibus divideretur, repræsentaret ferè talis arteriæ contusionem. Solidæ autem partes duræ & resistentes à causâ contundente atteruntur & comminuantur in minima fragmentula. V. gr; si os brachii à quacunque causâ rumpitur in binas partes, dicitur fractura; si autem comminuitur in minima fragmenta, contusio vocatur.

§. 323. **E**FFECTUS ergo, solutio continui lacerans, destructio plurium conterens, effusio liquoris in inania vicina, vel facta, & infinita mala, quæ ex his sequi possunt. Contusis, fractisq; costis emphysema lethale. *Monum. Ac. R. Sc. 1713. 119.*

**SOLUTIO CONTINUI LACERANS.** Dilaceratio dicitur, quando partes molles corporis distrahendo franguntur; & talis distractio in omni contusione adest, & per hanc distinguitur à vulnere, in quo etiā quidem adest continui solutio, sed non adest illa dilaceratio, cū instrumento acuto vulnus infligitur. Potest quidem contusio vulnus comitari, sed tunc compositus morbus est.

**DESTRUCTIO PLURIUM CONTERENS.** In vulnere aderat simplex divisio partium, quæ antè cohæserant; unde tam felix sæpe etiā maximorum vulnorum cura, dum partes divisæ contiguæ iterum factæ concresecbant. Sed in contusione sæpe sic conteruntur partes, ut vitali earundem fabricâ destructâ impossibile sit, iterum uniri has posse vicinis; unde requiritur ad curationem separatio horum omnium, quia omni vitali humorum influxu orbata mortua sunt, & instar heterogenei corporis suâ interpositione vivarum partium adjacentium unionem impediunt. Ideo Hippocrates merito dixit, (a) *carnes contusæ... putrescere & in pus versas tabescere... necesse est.* Unde celerrimè movendam suppurationem hic voluit.

**EFFUSIO LIQUORIS IN INANIA VICINA, VEL FACTA.** Fractis vasīs; liquida his contenta effluunt, & deponuntur in loca aliena. Totum corpus cavis plenum esse dicere ausus fuit Hippocrates: (b) *pars namque omnis disjuncta, nec continua, siue cute, siue carne tegatur, concava est; quæ quidem sana spiritu, ægra verò sanie impletur.* Unde effusi humores ubique locum invenient in cavis illis majoribus aut minoribus corporis. Nullum enim ferè vas, nulla musculi tendinīve fibra observatur in corpore, quin hereant in membrana facillimè dilatabili, cellulis pluri-

(a) Lib. de Ulceribus cap. 11. Charter. Tom. XII. pag. 131.

(b) Lib. de Arte cap. VIII. Charter. Tom. II. pag. 150.

mis cum se mutuò communicantibus constante: minora ergo hæc cava per omne corpus dispersa hærent, & poterunt repleri humoribus ex fractis vasis effusis. De majoribus autem cavis, ventriculis nempe cerebri thoracis cavo, pulmonum tracheis & vesiculis, pericardio, abdomine, ventriculo, &c. res faciliè patet. Sed non tantùm humores effusi naturalia corporis cava majora & minora replere poterunt, sed iidem accumulati poterunt distendendo removere partes, quæ priùs contiguæ fuerant, scilicet novas cavitates facere, vel naturalium cavorum magnitudinem augere immanner. Dum v. gr; post validam contusionem capitis, fractis vasis duræ matris, sanguis effusus inter hanc & cranium colligitur, dura mater à cranio, cui antè arctè cohærebat, separatur; sicque novum nascitur cavum, quod non adfuerat.

ET INFINITA MALA, &c. Omnia illa mala, quæ contusionem sequuntur, ad tria capita possunt reduci. Vel enim fiunt inde, quòd destructis solidis, & effusis humoribus, tollantur illæ functiones, quæ à determinato motu fluidorum per vasa integra pendent. Vel oriuntur, quòd effusi humores, in cavis corporis naturalibus vel præternaturalibus collecti, mole suâ premant partes vicinas, illarumque functiones tollant omnino, vel turbent saltem. Vel denique iidem humores effusi, morâ & stagnatione corrupti, talem possunt acquirere acrimoniam, quâ partes circumpositas rodere & destruere possint. Si jam hæc tria applicentur singulis partibus corporis, patet, infinita inde posse fieri mala, quorum enumerationi impossibilis foret: sufficit generales horum malorum fontes indicasse. Exemplum, quod hic adfertur ex *Academiæ Regiæ Scientiarum Monumentis*, docet, mirabilia, nec faciliè vel à peritissimis prævidenda, mala, validas contusiones sæpe sequi. Homini enim sexagenario, carpenti rotis supra pectus ejus transeuntibus, contusæ & fractæ fuerant costæ, sic ut costæ fragmentum extimam pulmonum membranam leviter tantùm dilacerasset; unde aeris inspirati pars elapsa per hoc vulnusculum se tunicæ cellulosæ insinuat, & mirabili emphysemate totam ferè corporis superficiem inflabat; sicque miser homo quartâ die suffocabatur. Flatulentum talem tumorem post contusiones oriri circa costas jam notaverat *Paræus* (a), licet hujus rei causam non adeo intellexisse videatur. Plurima alia occurrunt passim apud Observatores Exempla, quæ docent, validam contusionem, licet nulla læsio in externis partibus apparerat, sæpe fregisse hepar, lienem, &c. unde subita mors. Imò aliquando observatum fuit, validas contusiones, licet in externis nec internis partibus aliquid notabilis damni appareret, tamen subitam mortem induxisse. Videantur illa, quæ de hac re dicta sunt in *Commentariis* §. 274. Et apud *Bohnius* memorabilis talis casus habetur. Homini lapis aliquot librarum valido jactu hypogastrio dextro impingitur, unde subito concidens exspiravit. Dum Prætoris jussu defuncti cadaver lustrat *Bohnius*, nec in integumentis, nec in visceribus aut vasis, ullam læsionem invenit, (b) nisi quòd in diaphragmatis illo loco, quo costis notis ejusdem hypochondrii hoc contiguum est, aliquid contusionis & sugillationis viderit, quæ tamen ambitu suo vix dimidiam nummi imperialis magnitudinem æquaret.

(a) Lib. XII. Cap. vi. pag. 193.

1 (b) De Renunciatione vulnèrum, pag. 17.

§. 324. **PESSIMUM** verò ex his (323), si, integumentis coherentibus, interiora sic affecta (321. 322. 323), ut liquida stagnent, coeant, putrescant, unde ecchymosis, aneurysma spurium, sugillatio, ulcus, gangræna, caries, in glandulis scirrhus, cancer.

Cutis tenax & validè cohærens non tam facilè obtuso instrumento rumpitur, vasa, cuti supposita, per panniculum adiposum decurrentia, longè teneriora sunt, & faciliùs franguntur. Sic si quis malleo digitum percusserit, cutis manebit plerumque integra, & tamen macula nigra, ab effuso fractis vasis sub integra cute sanguine, locum contusum deturpat. Omnium maximè, si vasa cuti supposita à causa contundente ad durum os subjectum atterantur; unde tam vasti & subiti tumores fiunt, dum caput duro obstaculo impingitur. Sed humores sic ruptis vasis effusi, integrè cute coerciti, in membrana cellulosa accumulantur, stagnant, ideòque coagulantur; tandèmq; & putrescere possunt, licèt hoc tardiùs fiat; si nullus aëri externo accessus derur. Varia quidem inde oriri possunt damna, quæ tamen inprimis referri possunt ad sequentia.

**ECCHYMOSIS.** Est effusio humorum extra vasa sua sub integumentis, cuius definitio habetur apud *Æginetam*. (a) *Carne contusâ à quodam gravi illapso, & parvis in illa venulis divulsis sanguis profunditur per diapadesin: qui ubi colligitur sub cute, facit illud, quod vocatur ecchymoma. Non divulsâ cute sic ut tumor mollis tactui cedens sequatur, lividus & indolens ut plurimum.* Sic & *Galenus* (b) ecchymosin esse dixit, quando sanguis in spatia quæ vasis circumjacent, effunditur. Et alibi (c) *Quum contusa caro in eam, quæ sub cute est, regionem, sanguinem suffundit. . . . hic affectus suffusio (ἐκχυμωσις) vocatur.*

**ANEURYSMA SPURIMUM.** Quando nempe, majori arteriâ læsâ, magna copia sanguinis effusi in panniculo adiposo sub cute colligitur: de quo vide *Commentaria* §. 178. Unde minoribus vasis ruptis, si modica copia sanguinis sub cute integra colligatur, dicitur ecchymosis; si autem insigni vase fracto distendatur cutis sanguine extravasato, vocatur aneurysma spurium.

**SUGILLATIO.** Quando minuitur, vel & integre ferè tollitur, pressio atmosphæræ in superficiem corporis in quodam loco, sive sugendo hoc fiat, sive cucurbitis impositis; sanguis in hæc loca minùs pressa ruit, vasa distendit, & ingreditur minora vasa dilatata, in quibus naturaliter non erat sanguis ruber, & in his vasis impactus hærens sæpe retrogredi nequit; hinc macula rubra, livida, imò sæpe ferè nigra fit. Unde sugillatio dicitur talis macula post suctum partis ejusdem relicta. Dum verò v. gr; malleo percutitur pars corporis, vasis sanguineis compressis subitò per hunc ictum, poterit sanguis pelli in serosa & lymphatica vasa, & talem maculam facere colore mutato insignem. Differret ergo sugillatio ab ecchymosi, quòd in ecchymosi ruptis vasis sanguis in vicina spatia effunderetur, in

(a) Lib. IV. Cap. xxx. pag. 66. versù.

(b) Aphor. Sect. VI. n°. xx. Charter. Tom. IX. Part. II. pag. 259.

(c) Lib. de Medici Officina, Comment. III. Text. xxxi. Charter. Tom. XII. pag. 58.

fugillatione autem sanguis validâ pressione ingreditur vasa aliena, integra tamen; unde etiam fugillatio potius in vicinia, quam in ipso loco contuso, hæret. Patet autem facili, ecchymosin & fugillationem sæpe se mutuo comitari post validas contusiones, unde etiam frequenter apud Auctores hæc vocabula confunduntur.

**ULCUS, GANGRÆNA.** Si nempe humores effusi, stagnando corrupti; vicina inflammentur, vel erodant. Imò aliquando, distentâ nimis ab effusis humoribus tunica cellulosa, nascitur suffocatio; unde gangræna & pessima putredo sequi possunt.

**CARIES.** Si nempe mala recensita ad os usque pertingere poterint.

**IN GLANDULIS SCIRRHUS, CANCER.** Cùm ex Anatomicis constet, glandulas innumeris arterioliis constare, quarum variâ dispositione ab arterioso sanguine separatur tenuior liquor, qui collectus per illarum emissaria exit, patet, contusione læsis his partibus, sic posse destrui hæc vascula, vel comprimi aut obstrui glandularum emissaria, ut liber denegetur exitus secretis per arteriosam glandularum fabricam humoribus; unde stagnatione, & liquidioris partis exhalatione vel resorptione in minimas venulas, nascitur inspissatio liquidi secreti, & fit tumor durus, vix resolubilis, indolens, quem scirrhum vocaverunt Medici: cui tumori jam inveterato, durissimo & scabro, si dolor accesserit, cancer dicitur.

§. 325. **LÆDIT** sæpe ossa, tùmque sequuntur descripta (249. 250. 251. 254. 256. 257.), & medullæ læsio, unde ulcera, fistulæ caries, putredines; habet se enim medulla in ossibus, ut cerebrum in cranio (273. 274.).

Quando contusio ossa ipsa affecerit, vasa, quæ inter lamellas, ossis fabricam constituentes, decurrunt, possunt comprimi, vel & penitus destrui; unde vitalis influxus humorum in has lamellas tollitur: quæ ergo mortuæ separari debent à vivis partibus subjectis. Poterit jam hoc malum sensim prosperare per totam ossis substantiam, ut explicatum fuit in paragraphis hic citatis, quando de læsione variorum calvariarum ossæ agebatur.

**ET MEDULLÆ LÆSIO, &c.** Maximè metuendum hoc malum in ossium contusionibus: majorum enim ossium cavis medulla reconditur, similisque substantia inter cellulas ossæ dispersa hæret. Ut autem cerebrum osseo tegmine turbè defenditur, sic & medulla in cavo ossæ latet: cerebrum peculiari membranâ tegitur, piâ matre nempe, quæ vasa ejus substantiam ingressura excipit & ordinat; ita etiam medulla tenerrimâ tegitur membranâ, in similes usus. Vasa piæ matris arteriosa, depositis suis tunicis crassioribus, tenerrima apparent: idem & in vasis & medullæ substantiam pergentibus verum est; sic ut medullam, ex ossæ femoris annosi bovis desumptam, digitis facillimè in oleosum quasi liquamen quis conterere possit, licet innumeris arteriis irrigari hanc medullam constet. Ut jam siso, fracto vel contuso cranio, vitia nata ab effusis humoribus, vel ipsè corruptis, ipsum encephalon inficere poterant, sic etiam ossis læsiones ipsi medullæ contentæ nocere poterunt. Sed validâ concussionem capitis, integrâ quamvis manente calvaria, tenerrima encephali vasa destrui poterant; idem & in medulla obtinere facili patet, si os medullam continens valido percutiatur ictu. Ubi autem medullæ vasa tener-

rima vicio tegetis offis his communicato, vel aliâ quacumque causâ laxa fuerint, stagnabit oleum medullare fractis valis effusum, rancidam pessimam acrimoniam acquirit, vicina omnia erodet, os ipsum cariosum reddet; unde ulcera pessima & vix sanabilia, fistulæ pertinacissimæ non curabiles, nisi depurari possit medullosum illud corruptum; putredo oleosa pessima omnia depascens, & infinita alia mala nascuntur, de quibus postea dicetur in morbis ossium, § 526.

§. 326. **T**UM aliquando musculos, unde validæ suppurationes, gangrænæ, paralyseis, contracturæ. Si autem magnos nervos, qui multos emittunt ramos; corrumpit contusio, tum paralyseis, atrophia, insensibilitas, atque certa fiet, nec curabilis ullâ Arte, gangræna inferiorum, quæ inprimis vera de spina dorsii, ejusque contenta medulla.

**MUSCULOS.** Constat hodiernâ Anatome, musculum quemcumque visibilem posse separari in minores fibrarum muscularium fasciculos, neque hætenus etiam per microscopia inventus fuit finis: nunquam enim singularem muscularem fibræ quis vidit, temper tantum plures fibras collectas simul. Fibrarum muscularium illi fasciculi membranâ tenui cellulosa involvuntur, quæ subtile pingue in se habet lubricandis his fibris inserviens. Arteriæ autem numerosissimæ inter fasciculorum horum interstitia, & in membrana cellulosa, illis interpositæ, decurrunt; uti injectiones *Ruyfchianæ* demonstraverunt, sic ut ferè totam musculi substantiam constituere videantur. His arteriis similes venulæ comites per musculi substantiam disperguntur, uti & nervi. Musculo ergo contuso, frangi poterunt hæc vasa, effundi humores, in membranæ cellulosæ cava, ibi colligi, & vasa vicina comprimere: poterunt extravasata liquida corrumpi, & acrimoniam acquisitâ rodere illas partes, quas tangunt; unde inflammatio, suppuratio, gangræna & reliqua inde oriunda mala fieri poterunt. Suppurationes autem ab hac causa ortæ omnium pessimæ sunt, quia pus factum in membrana tenerrima cellulosa, musculares fibras invadente, miras vias inveniet, & per omnes anfractus hujus membranæ proropenere poterit, sicque pessimos sinus & fistulas facere. Accedit, quod per diurnam suppurationem consumtâ tunicâ hâc cellulosa, quæ fasciculos fibrarum, & fortè ipsas fibras ultimas musculares, à se mutuo distinguit, hæc concresecunt inter se; unde tollitur libera expansio harum fibrarum per illas causas, quæ musculos agentes distendunt, depravabitur muscularis actio, vel & integre tollitur. Sed & ipsæ fibræ musculares, propriè sic dictæ, validâ contusione poterunt destrui; unde motus muscularis, harum fibrarum integritatem requirens, cessabit, & fiet paralyseis musculi, id est, impotentia exercendi motus unâ cum musculi affectu flexili laxitate. Sed etiam poterit inde oriri contractura, quando per validam suppurationem destructâ membranâ cellulosa, fibras musculares distinguente, illæ concresecunt inter se, & tenuissimis etiam humoribus impervix fiunt: unde sensim accurtantur, & nullâ vi amplius distrahi possunt: hinc membrorum contracturæ mirabiles fieri poterunt; uti etiam ex eo, quod musculi cujusdam actione destructâ, ejus antagonista prævaleat, & membrum, cui affigitur, versùs suam originem trahat continuò, unde illud tandem obrigescit: & ideo toties diurnam paralysem contractura sequitur.

Ubi autem à contusione quædam fibræ musculares ruptæ fuerunt, sic tamen, ut inde actio musculi non tollatur, tunc videtur adesse illud malum, satis dolorificum, quod veteres Medici (σώματα) vulsionem, vel & (ρήματα) rupturam dixerunt. Galenus de contusione agens dicit (a) Patet autem ex illa venas und cum carne in suffusionem (συνουσιον) generatione dividi. Vulsiones (σώματα) autem oriuntur in musculorum fibris, ubi amplius extensæ sunt, ut nonnullæ rumpantur, quos affectus juniores Medici rupturas (ρήματα) vocitant. Horum tamen primus Hippocrates memor, &c. Rupturas autem illas sic descripsit Hippocrates (b) Quibusdam autem, cum imbecilles in carnibus aut venis vulsura facta fuerint, non suppurantur, sed diuturni sunt dolores, & ruptiones (ρήματα) vocantur.

Et in fine ejusdem capitis addit sequentia (c) Fiunt etiam vulsiones à laboribus, à casibus, à plagâ, & si quis onus majus tollat, & à cursibus ac luctâ, & ejusmodi omnibus. De his etiam videtur dixisse in Coacis Prænotionibus: (d) Vulsiones omnes quidem molesta sunt, & dolores in principio intentos inducunt, & postea quoque aliquos commonefaciunt. Verum difficillimæ sunt circa thoracem, & maxime periculose Notandum, quod in versione σώματα reddiderint Convulsiones, sed malè uti videtur, cum σώματα hæ vocentur. Difficulus autem adunari iterum divisas sic musculorum fibrillas, monet Galenus (e) Hæc enim erat ejus opinio, quod satis facillè coalesceret rupta caro, si ecchymoma citò discuteretur; ubi verbò longiori tempore hoc fieret, tunc sordes collectæ inter fibras divulsas se interponerent, & impedirent adunationem. Unde à majori fatigatione, febre, alimentorum minus debità concoctione, & similibus causis, recrudescerebatur dolor. An non tale quid adesse videtur, dum post validos nixus, pondera graviora in altum sublata, &c. dolores acerrimi & subitanei oriuntur, qui sæpe diutissime torquent, & à minimo motu corporis exacerbantur? Certè talibus doloribus absolutam corporis quietem summum remedium esse, constat Experimentis: & in pectoris aut dorsi ruptionibus curandis jussit Hippocrates (f), ut per annum à labore abstineretur: & alibi (g), postquam hoc malum ab immodico labore fieri dixerat, monet, quietem corporis summopere necessariam esse; aliter enim morbus revertitur, tuncque magis quàm ab initio, lædit.

SI AUTEM MAGNOS NERVOS, &c. Si considerentur nervi in sua origine ex medulla oblongata, vel spinali, patet illos mollissimos esse. Si spectentur in illis locis nervorum extrema, ubi involucris suis depositis constituunt illud organum corporeum, à cuius mutatione per objecta externa novæ nascuntur per sensus in mente ideæ, quàm tenera apparent! Mollissima nervi acoustici pulpa, retina oculi statim collabens in mucum informem, nisi æquabili pressione liquidi ambientis sustineatur, evidentissimè hoc docent. Tenerrima autem hæc flamina nervosa ex loco suæ originis ad extremitates etiam corporis partes tutò deferuntur tenacibus vaginis defensa. Si ergo nervus major in hoc itinere contundatur, poterit lædi, imò destrui pulposa illa mollissima substantia, licet involucria nervi appareant il-

(a) Lib. de Medic. Officina Commen. III. Text. xxxi. Charter. Tom. XII. pag. 98.

(b) De morbis Lib. I. Cap. viii. Charter. Tom. VII. pag. 541.

(c) pag. 542.

(d) N°. 425. Charter Tom. VIII. pag. 877.

(e) Method. Medend. Lib. IV. Cap. ultimo Charter. Tom. X. pag. 103.

(f) De morbis Lib. II. Cap. xxv. ad calcem. Charter. Tom. VII. pag. 576.

(g) De Internis affectionibus Cap. 12. Charter. Tom. VII. pag. 644.

læsa; adeoque tolli omnes illæ functiones, quæ à nervorum, in majori hoc nervo collectorum, integritate pendent. Patuit hoc in Experimento *Valsalvæ*, citato in *Commentario* §. 276. n°. 5. Dum enim cani nervos cardiacos sibi contrinxit artè, & mox iterum solvit ligaturam, periit hoc animal post aliquot dies eodem modo, ac si nervi illi abscissi fuissent; & post mortem tamen nulla sensibilis læsio in his nervis apparuit. Ligatur a nempe sic compresserat ipsam pulposam nerveam substantiam, ut liber spirituum influxus per hos nervos penitus interciperetur.

Quare autem post nervum majorem destructum, & inprimis sic læsa medullâ spinali, sequatur nullâ Arte curabilis gangræna, dictum fuit in *Commentariis* §. 162; & ibidem casus memorabiles allegati fuerunt, qui hanc rem confirmant.

§. 327. **I**MO sæpe ipsa viscera corrumpit; tùmque horum inflammatio, suppuratio, gangræna, scirrhus, functio læsa.

Quanta mala fiant aliquando post validas capitis contusiones, ipso cerebro etiam inde læso, dictum fuit in vulnere capitis Historia. Pectoris cavis contenta viscera tunc reconduntur arcuatis costis, sterno, & spinâ dorsî, undique defensa. Tamen mirabilis casus, §. 323, recensitus, docuit, aliquando à contusionibus & hæc viscera lædi posse, dum costæ fragmentum extimam pulmonis membranam laceraverat; unde mirabile illud emphysema, & mors sequebantur. Abdominis viscera facilius contusionibus lædi possunt, cum mollibus tegumentis pro maxima sui parte tegatur abdomen; lien tamen, & maxima hepatis pars, costis spuriis defenduntur. Contusionibus tamen validis hæc viscera aliquando fissa fuisse, cum morte subita inde sæcuta, patuit Observationibus Medicis recensitis §. 170. n°. 3. Neque hoc mirum videbitur, si consideretur, hepar & linem adeo tenera esse, ut non nisi cum prudentia possint integra eximi de cadavere. Unde validæ abdominis contusiones toties adeo subito lethales fuerunt. Narrat *Paræus* (a), quodd, dum bini pugiles certarent, quorum unus parvæ staturæ, sed robustus & quadratus, alterum procerum valde in terram projiceret; ille iratus prehendit postea adversarium, & cubito cordis scrobiculo innitens toto pondere sui corporis, prosteruens miserum occidit illico. In cadavere copia maxima sanguinis effusi inveniebatur in thoracis æquè ac abdominis cavo. Innumera apud Auctores occurrunt Observata, quibus constat, validis contusionibus sic læsa fuisse varia viscera, ut inde mors vel pessima mala secuta fuerint. Frangi enim sic possunt vasa, & effundi humores, qui extravasati & corrupti vicinas partes rodendo iterum pessima mala excitare poterunt. Inde enim inflammatio & omnes ejus sequelæ, suppuratio nempe, gangræna, &c, sequi poterunt. Et cum à vasorum integritate, & debito fluidorum per hæc motu, omnes viscerum functiones pendeant, patet iterum, & illas lædi, imò integre aboleri posse.

(a) *Œuvres d'Ambroise Paré, Apologie & Voyages, pag. 783.*



§. 328. **EX** quibus ( 322. 323. 324. 325. 326. 327. ) facilis est explicatio tot mirabilium & miserabilium malorum quæ ex contusione ( 321 ) sequi solent, prædici possunt, tam acuta, quam chronica, certè infinita.

Si jam illa, quæ dicta sunt §. 322, de contusionis idea, uti & effectus inseparabiles omnis contusionis recensiti §. 323, applicentur diversis corporis partibus, quæ contusione lædi possunt, parebit statim, quænam timenda sint mala; poteruntque illa turbè prædici ex cognitis partium corporis fabrica & usu. V. gr; si quis lapsu impeerit duro obruso obstaculo hypochondrium dextrum, & paulò post insignis flavedo in oculis & cute appareat; cognoscitur, bilem retropressam sanguinis massam infecisse, vesiculæ ergo fellis regionem, & ipsum hepar, contusione læsa fuisse. Si jam consideretur, hepatis substantiam adeo teneram esse, ut spongiam sanguine plenam referat, summus metus est, ne fractis vas in cavum abdominis sanguinis magna copia effluat; unde convulsionem, animi deliquia, & mors ipsa sæpe brevè sequetur. Si verò levius malum fuerit, & minora tantum per hepatis substantiam dispersa vasa fracta sint, effusi humores, premendo vicina vasa, vel corruptelâ natâ rodendo, poterunt inflammationem, suppurationem, scirrhum, &c. in hoc viscere producere, unde lenta, post summas misérias toleratas, mors sequetur. Si valida contusio lumborum regionem læserit, & mixtus cruentus sequatur, novimus renum vascula fracta esse; unde iterum pessima fient sæpe mala. Sanguinis enim coagulati thrombi, in pelvis & ureteris angustias delapsi, poterunt intercipere omnem transitum urinæ ex renibus in vesicam; unde renum inflammatio, ischuria, &c, sequentur. Imò parvulus grumus sanguinis hic relictus basim poterit dare, cui circumaccrescet calculus, unde iterum nova malorum origo. Si jam cogitetur, in aliis visceribus idem malum accidere posse, patebit facillè, innumera sequi posse mala, quæ vel citò necabunt, effusis humoribus, vel destructâ fabricâ partium, quarum integritas ad vitam absolūtè requiritur, aut læsis functionibus quibusdam vita quidem manebit, sed à sanitate multum deficiens; unde chronici quàm maximè & sæpe simul nullâ Arte superabiles, morbi orientur. Tristis casus hoc docuit in strenuo belli duce, cui, dum feroci vectus equo in adversos ruit hostes, accidit, ut equus vulneratus subito se erexerit; unde ephippii nodus validissimè ventriculi regioni allidebatur. Statim sequebatur copiosus sanguinis vomitus; cùmque nobilis vir non satis servaret moderatum vitæ regimen, & strenuè debaccharetur, imò omnino negligeret tam grave malum, diu quidem supervixit, sed totâ vitâ enormes dolores ventriculi passus fuit, postea vomitum molestissimum, dysenteriam, &c, donec tandem tot miseris mors finem imponeret. In cadavere hepatis magna pars, & totum pancreas cancræsa inventa fuerunt. Sic pessima mala sunt à testiculorum contusionibus. Vidi testem scirrhum ab hac causa factum, imprudenter dein emollientibus & suppurantibus tractatum in tam enormem molem excrevisse, ut scrotum unâ cum testiculo incluso, genu ejusdem lateris proximè attingeret; qui deinde horrendo cancro exedebatur, & post diras calamitates mortem induxit in corpore cæteroquin sanissimo.

§. 329. **COGNOSCITUR** præsens, simulque detegitur affecta pars. 1. Conspectu, tactuque. 2. Effectu doloris, stuporis gravitatis, coloris mutati in rubrum, fuscum, plumbeum, nigrum, flavum, viridem, hæmorrhagiæ, gangrænæ, ( 323. 324. 325. 326. 327. ) 3. Comparatione causæ moræ, figuratæ, cum parte læsa.

In hac paragrapho agitur de illis signis, quibus cognoscitur, contusionem adesse, & simul detegitur pars affecta.

1. Fractis enim vasibus sub cute integra, effusi humores panniculum adiposum replent & distendunt, unde tumor & mollities partis contusæ conspectu & tactu deteguntur, omnium maximè in capitis contusionibus, quia durum calvariæ os superpositum facit, ut effusi humores cutim magis elevent, unde tam enormes sæpe à contusionibus tumores hic tam subito oriuntur. Quod eleganter expressit *Terentius* (a), ubi pro meritis suis pessimè ab adolescente mulctatus leno dicit :

————— *omnes dentes labefecit mihi !*  
*Præterea colaphis tuber est totum caput.*

2. Dolor ferè in omni contusione adest: ubi autem validissima contusio ferè destruxit omnia vasa, tunc vel nullus, vel admodum obtusus dolor est; sed tunc adest stupor & gravitatis sensus in parte affecta, quæ denotant nervos sentientes in parte contusa destructos esse, vel ab effusis humoribus, aut à causa contundente sic compressos, ut non sentiant. Cum autem sub cute, plerumque integrâ, colligatur effusus sanguis, mutatur color partis contusæ pro varia quantitate effusii cruoris, uti & pro vario tempore elapso post contusionem factam. Levem enim contusionem ruber color sequitur, minoribus vasibus fractis pauculum sanguinis fundentibus; qui tamen post aliquot horas jam magis obscurus fiet & ad nigredinem verget. Post validam contusionem sæpe citò partis affectæ color mutatur in plumbeum, lividum, imò sæpe nigrescentem, dum concretus cruor sub integra cute, magnâ copiâ, hæret. Et licèt in initio ruber color fuerit, tamen postea dilatât vel resorptâ parte tenuissimâ sanguinis extravasati, residuum nigrescit. Nec tamen nimis terrere debet plumbeus ille & lividus color partis contusæ; non enim semper gangrænæ est indicium: quod facillè distinguitur, quia, si à gangræna pars livescat, frigus, & elevatæ epidermidis bullulæ ichore plenæ, discrimen faciunt. Ubi concretus cruor incipit resolvi sensim & dissipari, tunc plumbeus ille vel & niger color sensim diluitor fit, incipitque in rubedinem vergere, & circa margines loci contusi flavus, vel & leviter viridescens color, apparet, parte rubrâ sanguinis sensim resolutâ & dissipatâ: quod designat, extravasatos humores & concretos incipere dissolvi. Notum est, dum sanguis de vena mittitur hominis sani, quodd paulò post separatur in binas partes, serum nempe limpidum flavescens, & partem rubram concretam huic sero innatantem. Si omne serum effundatur, post paucas horas iterum notabilis copia apparet, immutât sensim parte rubrâ concretâ, & in serum deliquescente: sic ut, sæpius est;

(a) *Adelphi, Act. II. Scen. III. versu 36.*

fundendo serum, tandem tota pars rubra concreta ferè evanescat. Idem videtur & hic obtinere in contusionibus, quòd nempe concretus cruor sensim resolvatur in serum tenuius, unde illa mutatio coloris in loco contuso, quando incipit fieri attenuatio & dissipatio extravasati sanguinis. Pulchre hoc natavit *Hippocrates*, ubi de calcanei fractura agit. Inter optima enim signa, & quæ omnem metum recidivæ tollunt, numerat, (a) sanguis suffusus (*αἷμαμαλα*), nigrities, proximæ partes subvirides sunt, citra duriem; quod idoneum testimonium est ubicumque sanguis transfunditur, &c.

Nisi autem simul satis patulo vulnere cutis divisa fuerit rarò contusione valida hæmorrhagia sequitur: sanguis enim fractis vasis exiens, in panniculo adiposo collectus, grumescit, & viam occludit sanguini egressuro. Sed si viscera, vel vasa majora, contusione læsa fuerint: poterit ingens copia sanguinis in cava corporis ire: ut v. gr; si hepar sic læsum fuerit: sed tunc pallor, frigus extremorum, debilitas summa, syncope, &c, internam talem hæmorrhagiam satis designant. Ubi autem per validam contusionem sic destructa sunt omnia vasa in parte quadam corporis, ut omnis influxus & effluxus humorum in hac parte tollatur, tunc gangræna adest, sive mors partis.

3. Si novimus corpus durum, obtusum, motum, impegisse parti corporis, vel partem corporis motam offendisse ad durum obtusum tale obstaculum, scimus contusionem adeste. Unde & vulnera, nisi acutum fuerit instrumentum vulnerans, sæpe comitatur contusio. Simul & indolens & situs partis læsæ consideranda sunt: sic v. gr; viscera thoracis non faciliè contusionibus læduntur, viscera abdominis verò faciliùs, &c.

§. 330. **E**T bene scitur 1. Internam; magnam nobilium viscerum contusionem curatu impossibilem, morborum causam & mortis esse, 2. Ossium valde periculosam, curatu difficilem, inprimis circa juncturas, & medullam, 3. Cranii pessimam, ut *Historia præmissa* docuit, ob viciniam cerebri; 4. Glandularum majorum; ad aures, axillas, mammas, pancreas, inguina, uterum, minitari scirrhus, cancos, & mala inde sequentia.

Quænam prognosis ex cognita parte læsa per contusionem habeatur, patet per sequentia.

1. Vel enim fractis vasis lethalis nec compescenda hæmorrhagia sequetur, vel contusæ partes debebunt suppurando separari à partibus sanis, ut *Hippocrates* in loco allegato in *Commentariis* §. 323, monuerat; sed à suppurationibus internis viscerum tabes frequentissimè oritur, quæ lentà morte miseros perimit. Præterea, cum singula viscera suam symbolam conferant ad sanitatem perfectam, post suppurationem sæpe sic turbabitur visceris læsi functio, ut vita quidem supersit, sed morbofa, & misera. Cum autem tales læsiones per contusionem inprimis in hepate & liene frequentius obtineant, ob friabilitatem magnam horum viscerum, patet, faciliè, pessima quævis expectanda esse, & curam fore difficillimam, imò ra-

rissimè integram sanitatem restitui posse, cùm ferè semper scirrhusi quid remaneat totà vità, quod functionem visceris læsi turbabit.

2. Fractis enim vasīs, quæ ossis lamellis vitam & nutrimentum præbent, illæ moriuntur & separari debebunt. Si verò fiat talis contusio in majoribus inprimis ossibus circa juncturas, nulla ferè separatio sperari potest; in his enim locis lamellæ ossis à se mutuo secedunt, & cellulas formant, in quibus vasa numerosissima sanguinea, ut & talia, quæ oleum tenuissimum continent; quæ ergo destruantur, & effusi humores stagnantes pessimè corrumpentur: unde caries ossis, & omnia, quæ inde sequi poterunt mala. Si verò medulla ipsa sic læsa fuerit, pessima mutatio in rancidam acrimoniam, ossis erosio, incumbendum omnium corruptio, &c., sequentur. Confer illa, quæ dicta sunt in *Commentariis* §. 325. Accedit, quoddam circa juncturas ossa contundi non possint, quin simul lædantur ligamenta, quæ ossa articulata necant; unde dolores summi, anchyloses, &c., fieri possunt.

3. De hac re dictum fuit in vulnerum capitis Historia.

4. Confer illa, quæ dicta sunt in *Commentariis* §. 324. In omnibus autem locis hic recensitis insignes glandulæ locantur, à quarum contusione pessima mala sæpe sequuntur. Ex decem casibus scirrhus mammarum & cancer novies fortè à contusione oritur. Vidi sic miseram mulierem, cui in eodem lecto dormiens filia cubito mammam contuderat; (dum somnolenta toto pondere corporis sui mamma matris innitebatur, corpus circumvertere tentans) paucarum septimanarum spatio habuit totam mammam scirrhusam & mole immaniter auctam, quæ postea in horrendum cancerum degeneravit. Similia mala circa parotides, glandulas axillares, & inguinales observata fuerunt à contusione orta fuisse. Uterus verò in non imprægnatis mulieribus pelvi ossæ undique satis turè defenditur, unde non faciliè contundi potest; sed in gravidis, supra ossa pubis fundo suo assurgens, faciliè lædi poterit; ut & ab imprudenti Obstetricis contrectatione, vel & à partu difficili; post quem toties uteri scirrhi, in cancerosa ulcera degenerantes, observati fuerunt.

§. 331. IN curatione contusi semper tentanda resolutio, cavenda suppuratio, magis verò gangræna.

Cùm in contusione solidæ corporis partes attritæ & ruptæ sint, & liquida effusa occupent loca aliena, ad curationem requiritur, ut tollantur extravasati humores, & uniantur partes solidæ nunc separatæ. Omnium felicissimè hoc obtinebitur, si concretis humoribus reddatur fluiditas: tunc enim vasīs bibulis resorpti movebuntur cum reliquis humoribus. Hæc vocatur cura per resolutionem. Suppuratio autem, si fieri possit, hic cavenda, quia semper sic multum de substantia partis contusæ perit, dum separatur omne illud, quod circulationis legibus obedire nequit amplius; unde turpes sæpe postea cicatrices remanent, & aliquando post validas suppurationes, consumptâ tunica cellulosa, musculi tendinesque vicini accrescent partibus; unde illorum usus turbatur, vel & penitus aboletur aliquando. Verum quidem est, non semper impediri posse suppurationem; sed hoc certum est, applicatis illis remediis, de quibus dicitur §. 333. 334. Sæpe resolvi posse talia; quæ isdem non, aut tardius, applicatis in suppurationem cerò tenderent. Faciliè autem patet, longè magis vitandam esse gangrænam, quia per hanc vitalis insu-

xus & effluxus humorum in partem affectam tollitur; & postea totum illud mor-  
uum per suppurationem à vivis partibus vicinis debet separari. 499

5. 332. **RESOLUTIO** fit; dum extravasatum auferitur sine ul-  
teriori vasorum læsione.

Liquidum extravasatum tollendum esse generalis indicatio in omni contusione  
jubet: sed si v. gr; discisso loco contuso, exitus detur effuso cruori, non dice-  
tur hæc resolutio, quia nova læsio facta fuit. Idem verum est, quando per sup-  
purationem cura perficitur: tunc enim vasorum læsionum fines separantur, & cum  
liquidis effusis sub forma puris exeunt. Sed ad resolutionem requiritur, ut nulla fiat  
ulterior læsio, dum interim tamen extravasatum liquidum tollitur. Hoc est illud,  
quod Hippocrates vocavit exsiccare, & resorbere effusum sanguinem: (a) dum  
enim agit de illis malis, quæ sequuntur carniū contusionem circa costas, sine  
earundem fractura, postquam debita auxilia præscripsit, addit, idoneam ligatu-  
ram necessariam esse, *ὅπως ἂν ἐκτραθῇ μὲν, & ἀναρροῖ τὴν τὸ ἐκχυμένον, τὸ ἐν τῇ ὥρᾳ  
γυρόμενον*. Quomodo autem & per quæ hæc resolutio obtineri poterit, dicitur in se-  
quentibus.

5. 333. **ID** autem contingit. 1. Id reddendo fluidum. 2. Laxando  
vasa vicina. 3. Agendo fluidum in vasa, ea evacuando, vel fri-  
cando.

1. Sanguis effusus extra vasa concrevit statim, sicque ineptus fit ut per mini-  
ma vasa sanguinea fluere possit, vel & venarum osculis resorberi. Primum ergo,  
quod requiritur, est, ut fluiditas concilietur concretis humoribus. Si enim possit  
illud extravasatum ad aquæ tenuitatem reduci, certissimè dissipabitur, modò cor-  
pus cæterum sanum fuerit. *Carnes attrahentes ex ventre, & intrinsecus dixerat  
Hippocrates (b), qui expirabile & inspirabile totum corpus esse agnoverat. Unde  
venæ bibulæ, in omnibus corporis cavis majoribus & minoribus patulæ, resorbent  
illud extravasatum; modò sic attenuatum fuerit, ut illarum oscula possit ingredi.*

2. Omne illud, quod attenuatum jam resorbebitur, debet ingredi vasa minima  
venosa bibula; deinde deferri in majores ramos. Constat autem Experimentis cer-  
tissimis, canales minimos ex vitro purissimo ad lampadem ductili factos, uno ex-  
tremo suo immerfos liquido cuicumque, illud attrahere in suum cavum; & qui-  
dem eò altius ascendere liquidum in hos tubulos, quò arctiores fuerint, ut  
etiam quò magis à perpendiculari versùs horizontalem lineam declinent, omnium  
maximè si deorsum descendat alterum extremum; tunc enim pondus liquidi ad-  
juvat vim illam, quâ liquidum in hos tubulos trahitur. Simili actione videntur  
extravasati humores, priùs attenuati, tenuissimas fistulas venosas ingredi. Valvulæ  
autem, in minimis venulis lymphaticis visibilibus conspicuæ, efficiunt, ut liquidum  
sustentatum non resistat liquido ingressuro. Sed canales flexiles eò facilius im-

(a) Lib. de articulis Comment. III. Text. (b) Epidem. Lib. VI. Comment. VI. Text. 14  
xxvi. Charter. Tom. XII. pag. 97. Charter. Tom. IX. pag. 140.

plentur, quò latera eorumdem minùs resistunt: hinc laxatio vasorum vicinorum efficit, ut tenuissimæ fistulæ reforescentes faciliùs tradere possint absorptum liquidum majoribus ramis venosis, quòd hic requirebatur.

3. Fluida sic resorpta tenuissimis fistulis venosis ed facilius pergent per majores tamos venosos, quò minor est copia liquidi movendi, si reliquæ causæ sanguinis venosi motum promoventes, maneat eadem. Præcipuè autem illæ sunt adjacientium venis articularum pulsus, & muscularis motus: turgentibus enim musculis, dum agunt, comprimuntur venæ vicinæ, & pellitur sanguis per illas cor versus. Si ergo moles movendorum minuitur, & causæ moventes maneat æquæ validæ, patet, celerius depleri venas, hincque faciliùs ingredi resorptum minimis bibularum venarum osculis fluidum. Experimenta autem hanc rem confirmant. Dum flagrante sub sole iter conficerent homines, squalidum corpus, & os aridissimum haberent, & ardentissimâ siti cruciarentur, mirabantur, post balneum, sitim exstingui, os humectari, & totum corpus molle ac humidum factum priorem deposuisse squalorem. Hoc Experimentum *Galenus* (a) adfert, ut probaret, totum corpus inspirabile esse. Per validos enim motus in magno aeris calore distantur plurima de corpore; unde illud siccum & bibulum redditum avidissimè resorbet contiguam externæ etiam suæ superficiei aquam. An non etiam ob hanc causam, post magnas sanguinis jacturas, corpus repletur aquosis humoribus, dum venulæ minimæ absorbentes facillimè evacuare possint resorptos humores in vacuas venas majores? Interim vires debilitatæ, & minutus calor faciunt, ut tenue illud æquolum accumuletur in cavis corporis majoribus & minoribus, quæ in sanitatè quidem spiritum, in morbis autem ichorem habent, ut dixit *Hippocrates* loco allegato in *Commentariis* §. 323. Fortè & inde deduci posset ratio, quare *Hidropici*, eductis omnibus aquis paracentesi vel alio quocumque modo, tam citò iterum rumeant, sicet à potu abstinuerint. Quamvis enim in cavis corporis *hydropici* maxima copia aquæ collecta sit, tamen vasa reliqua collabuntur & deplentur, unde reliquum corpus defecescit tantò plùs, quò magis distenditur abdomen in ascite; idèoque magis bibulum fit.

Frictiones autem, leni compressione, inprimis in venas agunt, quia debilioribus tunicis instructæ sunt, quàm arteriæ; unde venæ deplentur: sed quia in omni fritione fit alterna pressio & relaxatio partium, ideo venæ, leni hâc pressione depletæ, statim iterum implentur; unde per frictiones simile quid fit ac per evacuationes; venis nempe depletis facilis ingressus conciliatur fluidis absorptis per minima bibularum venarum oscula. Accedit quòd extravasatus sanguis & concretus per ipsam fritionem attenuetur & resolvatur. Si enim hominis sani de vena missus sanguis, jam concretus in aere aperto, teratur in mortario vitreo, iterum resolvitur in spumescens coccinei coloris liquidum. Unde summus usus fritionum in contusionibus faciendus patet.

§. 334. **HINC** larga missio sanguinis; mox data purgatio fortis, nec inflammans; fomentum penetrans, laxans, resolvens parti impositum; frictio calida ad partem, interna resolutentia, sudorifera, & urtica, profunt.

(a) *Epidem. Lib. VI. Comment. VI. Text. 1. Charter. Tom. IX. pag. 541.*

Recensentur jam hæc paragrapho efficacissima auxilia, quibus satisfieri possit indicatione curatorum præcedenti paragrapho proposita.

**LARGA MISSIO SANGUINIS.** Summum enim hoc est in omni contusione remedium, modò vires consent: unde & audacter institui debet, & reperi, si opus vidatur. Sic enim impeditur febris & inflammatio valida, hic quàm maxime metuenda. Tollitur enim sic crassissima liquidorum humanorum pars, ruber nempe sanguis, vasa deplentur, facilisque datur aditus tenuioribus liquidis ingestis. Simul etiam, per venesectionem depletis majoribus venis, facillimè poterunt, minimæ venæ bibulæ absorptos humores majoribus ramis venosis tradere; unde promptior fiet dissipatio extravasati sanguinis.

**MOX DATA PURGATIO FORTIS, NEC INFLAMMANS.** Medicamenta, quæ purgantia dicuntur, non tantùm evacuare illa, quæ præexistenter talia in corpore, qualia excernuntur, sed solvere humores sanos, & solutos per alvum ducere, probatum fuit in *Commentariis* §. 201. Unde *Erasistratus*, & qui ejus opinionem sequebantur, optimè concluderunt purgationes esse (a) *evacuationes und cum corruptione & alteratione eorum, quæ evacuantur*. *Galenus* quidem in alia opinione fuit; sed revera res se sic habere videtur. Sanissimo enim homini datum scammonium sic solvit humores sanos, ut fusi in aquam tenuem incredibili copiâ alvò excernantur; & si sæpius repetatur hujus medicamenti usus, totum corpus emaciatur, vasa collabuntur, & debilitas summa fit. Quæ omnia satls evincunt, non fuisse evacuata liquida morbofa præexistencia, sed sanos humores; pharmaci vi solutos in aquam tenuem fatidam, exivisse de corpore. Per hæc ergo remedia deplentur vasa, & solvuntur humores; simulque quàm maxime bibulæ redduntur venulæ, in omni superficie interna æquè ac externa corporis hiantes, uti pulchro constitit Experimento. Adolescenti febricitanti accesserat diarrhœa, cum extremo stupore sensuum. Cùm nihil omnino ore haurire vellet, interlmque febrili calore arefceret totus, jussu Medici pedes ejus tepidæ aquæ immerguntur. Hoc facto, protinus mirum cernitur aquæ in vase decrementum, & deinde ejusdem vix coloratæ impetuosa per anum effusio (b). Unde patet, optimè satisfieri indicationibus primæ & secundi numeri præcedentis paragraphi per purgantia talia: solvuntur enim humores, evacuantur vasa, & augetur vis illa, quâ bibulæ venæ humores contiguos absorbent.

Simul tamen notandum, non conducere in hoc casu illa purgantia, quæ majori motu excitato agunt, ut colocynthis, tithymali aut euphorbiæ succus & similia; sed illa tantùm, quæ efficacissima quamvis solvendi vi prædita sint, tamen sine tantis turbis excitatis effectum suum præstant; uti sunt scammonium, jalapa, senæ folia, &c., ex quibus variz formulæ paratz in *Materia Medica* habentur.

**FOMENTUM PENETRANS, &c.** Hæret in loco contuso sub cute plerùmque integrè effusus cruor coagulatus: ille fluidus reddi debet sic, ut simul putredo caveatur. Dum enim sanguis coagulatus aeri aperto exponitur, sensim deliquescit; sed putrescit simul. Unde in his fomentis unâ cum vi resolvente requiritur etiam talis proprietas, ut omni putredini resistant. Sal ammoniacus, vel & marinus, in aqua vicecuplo solutus, additâ quartâ parte vini & octavâ parte aceti, fomen-

(a) Galen. Libell. de purgant. Medicam. fa-  
cult. banet. Cap. 11. Tom. X. pag. 464.

(b) De Re Medica Dissert. IV. Thomæ Sim-  
culi. pag. 183.

tum tale dat, quod calidè applicatum omnibus illis indicationibus respondet. Laxat enim ratione aquæ; sal, acetum, vinum optima resolventia sunt; & simul omnem putredinem arcent. Urina sani hominis, additâ aliquâ aceti quantitate, simile fomentum dat, quo felicissimè dissolvuntur tubera, à contusione capitis in juniori ætate adeo frequentia.

Posunt etiam aquæ infusi plurima simplicia medicamenta, in quibus vis illa resolvens adest, & formula talis fomenti in *Materia Medica* habetur. Huic scopo etiam interservire possunt emplastra varia; pariter in *Materia Medica* ad hunc numerum recensita: quæ, dum tenacitate suâ cuti adherent, exhalans subtilissimum fluidum coercent, & reperiuntur quasi ad partem, cui applicantur: unde pars affecta in proprii quasi vaporis balneo hæret, laxantur vasa; & his laxatis, aromatum his emplastris admistorum fragrantia se insinuat, unde sæpe pulcherrimi usûs sunt. Fomenta enim, nisi semper calida retineantur ad partem affectam, minus profunt.

**FRICTIO CALIDA AD PARTEM.** Si nulla inflammatio, nec magnus dolor adsint in parte contusa, frictiones summum usum habent; sed blande. Leni enim hac agitatione atteritur concretus sanguis & dividetur, sique aptus redditur, ut possit ingredi minima bibularum venarum oscula. Simul etiam venæ evacuantur: unde facilis iterum motus resorpti humoris per depletas venas; ut dictum fuit in *Commentariis* paragraphi præcedentis. Sic homini, cui à malevolis pessimè excepto tota facies contusa in tumorem elevabatur horrendum, unâ cum talibus fomentis, continuâ & levi frictione dissipatus fuit sine ulla suppuratione omnis ille tumor, & pristina rediit forma, quod vix sperari posse videbatur.

**INTERNA RESOLVENTIA, &c.** Illa, quæ partes olim fluidas, nunc concretas iterum reducunt in illas moleculas, ex quibus concreverunt, vocantur resolventia. Inter hæc aqua calida præcipuum locum habet; partim quatenus diluendo se interponit inter massulas concretas; partim etiam quia aliorum solvensium medicamentorum vehiculum est: de quibus videantur illa quæ dicta sunt in *Commentariis* §. 54. n°. 4. Præmissa ergo venæsectione, & purgantibus illis antiphlogisticis, quæ sine aucto multum motu solvunt potentissimè, convenit quàm maximè largam copiam dare talium decoctorum, in quibus magna aquæ copia est; & simul talia, quæ leni stimulo vasorum actionem in fluida parum augent, ne iners aqua hæreat & accumuletur in corpore, eligendo simul talia, quæ putredine resistunt. Infusa hinc scordii, rutæ, marrubii, &c.; decocta quinque radicum, lignorum trium fantalorum, &c., cum nitro & melle adeo profunt. Dum enim his calidè potatis assidud replentur vasa per venæsectionem & purgantia prius depleta, & simul fomentis continuè applicatis loco contuso, & per frictiones, horum efficacia derivatur ad locum læsum (videantur *Commentaria* §. 134.) totum fit, quod ab Arte expectari poterit. Omni enim tunc momento aqua calida, solventi virtute horum medicamentorum dives, alluit humores extravasatos, illos diluit, solvit, & aptos reddit, ut minimis venulis resorberi possint; sique omne extravasatum auferetur sine ulteriori læsione, quod hic requirebatur. Cum autem omnia hæc remedia, largâ copiâ sumtâ, soleant iterum diffilari de corpore per diaphoresin, vel etiam per urinæ vias; hinc pro vario regimine hæc vel sudorifera, vel diaphoretica fiunt. Si enim in calida atmosphæra totum corpus hæ-



reat, uti v. gr; dum in lecto quis bene lecto corpore decumbit, ab his excitabitur sudor: si verbò frigidiusculo in aere versetur talis homo, plerumque ab his, major urinæ excretio solet sequi.

§. 335. **QUORUM** ordo, repetendi necessitas, magnitudo requisita noscuntur ex (334), & summo periculo.

Non in quavis contusione adhibentur omnia illa Artis molimina; leviores enim contusiones solis fomentis ex urina, sale & aceto, & similibus faciliè sanantur. Sed ubi metus est validæ inflammationis, suffocationis & gangrænæ, tunc omnia illa auxilia adhibenda sunt. Incipiendum tunc à venæsectione, & facis largâ quidem: modò vires ferendo pares fuerint: deinde exhibentur purgantia illa, ut solutis humoribus, & debilitatâ vitâ, sic disponatur corpus, ut ab inflammatione & febre quàm alienissimum fiat. Ubi nondum minuitur his applicatis tumor, dolor, & inflammatio, auctèr repetenda sunt inprimis si contusio interiora corporis læserit: tunc enim à suppuratione summa metuuntur mala; vel postea, non bene curato tali malo, poterit manere insanabilis scirrhus; unde cancer & alia tristissima mala fieri poterunt. Ubi autem post hæc applicata incipiunt minui symptomata, tunc, si manibus ad locum affectum detur accessus, frictio summum remedium est, non prius; tenfæ enim ab extravasatis humoribus & inflammatæ partes à frictione, inprimis rudiori, gangræna citissimè corripentur.

§. 336. **SIMUL** victus tenuissimus, minimèque putrescens, requiritur.

Requiritur enim, ut omnes humores sint dilutissimi, & vita sustineatur, sed tam debilis, ut nulla inflammatio metuenda sit. Simul etiam, cùm extravasati humores sponte suâ in putredinem vergant, in victu eliguntur talia, quæ huic humorum degenerationi repugnant. Decocta hinc hordei, avenæ, oryzae, panis & similia, lac aquâ dilutum, poma cocta, fructus horæ maturi inprimis hic commendantur; iuscula carniū diluta, cum oryza vel hordeo cocta, addito succo citri, pariter prosunt. Neque ullus metus est, debili tali nutrimento non posse sustineri vitam: corpus enim humanum quiescens levissimo etiam potest sustentari alimento. Hoc in se ipso expertus fuit celeberrimus *Boerhaavius*, dum acerbissimis rheumatismi doloribus excruciatu solo sero lactis per duodecim dies viveret; & tamen satis fortis maneret ad motus musculares peragendos, nisi dolor impedivisset. Cùm autem per venæsectionem & purgantia debilitatum fuerit corpus, non poterit tantâ efficacità agere in ingesta, illâque in naturam suam convertere: unde alimenta ingesta facilius sequentur suam naturam, & in spontaneam degenerationem inclinabunt. Quia autem putredo in extravasatis humoribus metuitur, ideo præcipuè in victu laudantur talia, quæ sponte suâ in acidum magis vergunt; & ob eandem rationem vitantur carnes, ova & pisces. Acris autem omnia & aromata nocerent augendo motum circulatorium, quin in hoc casu pacatus & debilior potius esse debet. In omnibus tamen illis respiciendum simul est ad anni tempestatem, læti temperiem sanam vel morbosam, consuetudinem,

&c; de quibus omnibus videantur illa, quæ dicta sunt in *Commentariis* §. 192. 193. 194. 195. 196.

Si omnia hæc dicta de victu & auxiliis Pharmaceuticis & Chirurgicis observentur, felix semper erit successus, si curabile malum fuerit. Reliqua illa jactata specifica remedia ad contusiones non tantam fidem merentur, ut his solis cura committi possit. Pleraque quidem sunt innoxia, & adhiberi possunt; modò non negligantur efficacissima modò enumerata auxilia. Sic hirci resectis testibus manantem cruorem siccari jubet *Helmontius* (a) illumque vult dari ex alto delapsis, ut contusione grumefactus cruor dispergatur. Sperma ceti, rubiæ tinctorum decoctum, laudant alii, &c.

§. 337. **SI** verò ob magnitudinem resolvi non potest, & manubus accessus datur, scarificatio, apertura, suppuratio succedunt, simul actis, quæ dicta (334). Si magnitudine mali pars jam mortua integre, aut & talis, ut inde certò prævideantur dolores intolerabiles, inflammationes, suppurationes, atrophix, febres, extirpanda, si fieri potest (464 ad 475).

Si tanta fuerit magnitudo mali, ut nullo modo sperari possit, extravasatos humores posse auferri sine læsione ulteriori vasorum, superest unicum hoc, si manibus accessus derur ad locum contusum, ut apertura facta detur exitus effusis humoribus; & benignâ suppuratione depuretur locus, & ad conditionem vulneris puri redigatur. Nisi enim hoc fiat, extravasati humores, premendo vicina vasa, inflammationem, imò suffocationem omnis vitalis motûs, id est gangrænâ, facere poterunt. Si verò corruptela simul accesserit, pejora adhuc sequi poterunt mala. Locus tunc contusus integre discinditur, vel lanceolis scarificando pluribus locis pertrunditur, ut via pateat libera extravasatis humoribus: partes tunc vivæ suppositæ, hæc pressione liberatæ, separabunt & expellent omnia illa, quæ per contusionem sic destructa fuerunt, ut circulationis legibus obedire amplius nequant. Inprimis autem hoc fit, si magna mala metuenda sint à partium vicinarum inflammatione, aut erosione, ut dictum fuit in vulnere capitis *Historia* §. 243. 244. 248.

Neque tamen in hoc casu negligenda sunt illa auxilia, quæ §. 334. enumerata fuerunt. Si enim nimis valida fuerit inflammatio in parte contusa, loco benignæ suppurationis gangræna nasceretur: unde venæsectio & purgatio aniphlogistica hic conducunt summopere; utl & fomenta illa, quæ omnem putredinem arcent. Simul etiam tunc proderit, largam copiam decoctorum resolventium dare, ut omne illud, quod ex corruptis humoribus, vel ex pure hinc nato, bibulis venis resorptum sanguinis massam infecerit, per diaphoresim, vel urinæ vias, educatur de corpore. Ut enim constitit ex præmissis, posse extravasatum cruorem sic attenuari, ut resorbeat venis bibulis; sic etiam poterit pus, vel corruptus ichor, eadem viâ sanguini misceri, & pessimam cacochymiam producere; unde iterum varia malâ sequi poterunt.

Si verò per validam contusionem sic læsa sint maxima vasa, vel eò usque destru-

(a) *Oxeni Medic. Cap. Pleura furens*, pag. 322. n.º 32.

ita fuerit partis fabrica, ut nulla amplius humorum vitalium circumductio per partem fieri possit, perfecta sit necrosis, & corruptentur omnia. Unicum tunc superest, ut extirpetur hæc pars, & ita vita fervetur. Cognoscitur hoc malum adesse, si nullus calor & nullus sensus in parte contusa supersint, licet profundis scarificationibus dissecetur, & brevi post natâ putredine fœtor cadaverolus oriatur. Nisi tunc subito extirpetur pars affecta, proserpente sphacelo brevi pereunt. Qualis casus contigit peritissimo aurigæ, qui, dum habenis assuefacere vellet indomitos equos, iisdem in furibundum cursum concitatis de curru decidit, & crura rotis implicata miserrimè contrita habuit, sic ut nullus amplius sensus vel calor in his partibus superesset. Cùm autem necessariam hic extirpationem admittere nollet, quartâ die periiit. Idem verum est, si validâ contusione ossa sic fracta sint, ut in minutas festucas dissilierint; quæ pungendo & irritando partes nervosas, dolores summos, inflammationes validissimas, & quæ inde sequuntur mala facere poterunt. Homini dextra manus ab illabente cado, vino pleno sic fuerat contusa, ut ossa metacarpi, quæ digitum annularem, medium, & indicem sustinent, penitus contrita fuerint, unâ cum musculis & vasibus adjacentibus. Monebat celeberrimus Chirurgus, nil superesse nisi extirpationem partium sic contritarum; & secutura pessima symptomata, si hoc negligeretur. Noluît tamen vulneratus hoc pati, & licet selectissima applicarentur remedia, duorum triumve dierum spatîo, dolores acerrimi, inflammatio validissima, tumor immanis, gangrænâ brevi futuram demonstrabant; extirpatis statim partibus illis contusis, feliciter sanatus fuit (a). Quantum autem possit etiâ in desperatissimis casibus intrepidus animus unâ cum summa peritia & dexteritate, docet sequens Historia apud eundem Auctorem (b). Capitaneo navis bellicæ, tristissimo infortunio, totum brachium ad humerum usque miserrimè contusum fuerat, sic ut nullus omnino sensus vel calor in tota hac parte superesset; & quamvis verus sphacelus jam ultra humeri articulum proserpissset, jamque cadaveroso fœtore totum brachium corrumperetur, Arte suâ & ægroti magnanimitate fretus egregius Chirurgus certæ moti incertum remedium præposuit, & immediatè sub articulo partem extirpavit; idoneis dein remediis adjuta natura separavit reliquum, quod jam corruptum erat; & intra bimestre spatium incolumis ad suos rediit ex ipsis græci faucibus ereptus æger.

§. 338. **PLURA** tamen methodus dicta (331. 332. 333. 334. 335.) præstat, quàm credi ferè possit, quum natura egregiè separet sponte, attenuet, resolvat, dissipet, & expellat.

Non tamen faciliè, etiâ in gravissimis casibus, ad extirpationem veniendum est: Observata enim fidelissima docuerunt, sanata fuisse aliquando talia mala, de quibus omnino desperandum videbatur. Hinc videtur semper priùs tentanda esse methodus numeris hic citatis descripta; cùm hoc tutò fieri possit, & interim cognita sint in Arte talia remedia, quibus partes etiâ mortuæ condiri, possint, ut non faciliè proserpat nata jam putredo. Alliaria, scordium, marrubium, salvia,

(a) De la Motte, Traité complet de Chirurgie, Tom. III. pag. 247.  
Tom. I.

(b) Ibid. pag. 408.

ruta, &c, aquæ infusa, addito sale, aceto & vino, vel vini spiritu, dant somentum quod noctes diésque calidè applicatum omnem putredinem certissimè prohibet; sicque rutò per aliquot dies expectari potest, an fortè natura hic aliquam separationem moliat, vel redeant in parte contusa renascentis vitæ signa. Sic solebat hæc occasione Auditoribus suis narrare celeberrimus Auctor, quòd nobilem Germanum, hujus Academiæ, civem, hæc methodo curaverat; cui de curru excusso rotæ supra crura transeuntes miserrimè confregerant utriusque cruris tibiam & fibulam, cum horrenda dilaceratione partium vicinarum, licèt incipiens gangræna jam occuparet partes. Mirabile exemplum habetur in Observationibus Chirurgicis modò laudati Auctoris (a). Juvenis fuisse tam validè percutiebatur anterior dextri cubiti pars, ut à cubito ad carpum usque ingens contusio cum dolore intolerabile appareret: applicuit miser parti contusa linteum spiritu vini madidum; sed vix ullum levamen inde sentiens, Chirurgum consuluit. Cùm jam dolor in manu ferè evanesceret, circa cubitum verò augetur, manus affecta pallida apparuit, frigida omnino, & à digitis extremis cutis rudius attacta secedebat. Scarificationibus profunda lanceolâ factis in manu, nullus percipiebatur dolor, imò per manum transfadactâ lanceolâ ne quidem gutta sanguinis exibat; & pergebat hæc insensibilitas & frigus ad mediam longitudinem cubiti usque. Spiritu vini cum sale & unguento Ægyptiaco fovebatur pars; simul applicabatur cataplasma ex farina hordei, fabarum & lupinorum, additis aromaticis & vino, & his remediis calor & sensus redierunt ad carpum usque, totâ manu adhuc manente frigidâ & sine sensu; quæ tamen quinque dierum spatio nec fœtebat, nec nigricabat. Scarificationibus de novo in manu institutis instillabatur oleum terebinthinæ; sicque reliquis eodem modo applicatis per alios quinque dies, omnia manserunt in eodem statu; tuncque sensim calor & vita redierunt, & sine exstirpatione partis sanatus fuit æger; sic tamen, ut bini digiti contracti manerent, & reliquos difficiliùs movere posset. Cùm ergo in tam desperato casu pars contusa adhuc servari potuerit, videtur prudentis Medici & Chirurgi esse, ut non, nisi omnibus aliis incassum adhibitis, ad exstirpationem confugiant. Si enim sanguinis impetus per venæsectionem & alia auxilia sic compescatur, ut nullus metus sit inflammationis vel gangræne ab hac causâ, & externè simul applicentur talia, quæ omnem putredinem arcere valent, tenuisque simul dicta & minimè putrescens adhibeatur; magna spes est, posse separari corrupta à vivis, & postea recrefcere perdita.

## OSSA FRACTA.

§. 336. **S**i unius ossis partes vi à cohzsione solvuntur in magna fragmenta, Fractura dicitur.

Hactenus dictum fuit de solutione continuitatis in partibus mollibus corporis humani; sequitur jam consideratio ejusdem mali, quando in ossibus obtinet. Ubi

(a) De la Motte, Traité complet de Chirurgie, Tom. III. pag. 405.

autem in offe unitatis solutio est, recepto in Arte nomine Latini fracturam dixerunt, Græci κατὰ ρωμήν (a). In cartilaginibus autem facta continui solutio proprium nomen non obtinuit, sed sub fracturæ nomine comprehenditur: saltem Hippocrates de fractura auriculæ agens (b), quæ tota cartilaginea est, idem nomen usurpat, dicens, ἡ δὲ ὡς κατεσθῆ, &c.

Uti tamen receptum fuit, non quancumque continui solutionem in offe fracturam vocare, sed illam tantum, quæ vi externâ fit, uti monuit Ægineta dicens (c) *In universum autem fractura est divisio ossis, vel ruptura, vel discissio à quadam vi externa facta*: sic enim fractura distinguitur à carie ossis. Præterea in definitione hæc dicitur fracturam tunc vocari, si unius ossis partes à cohesione separantur; ut distinguatur à luxatione, per quam ossa, contigua naturaliter, separantur. Ut autem fractura à contusione distinguitur, quæ attritum solidorum supponit (vide §. 322), additur in definitione, fracturam vocari, si ossis partes in magna fragmenta solvantur. Tamen & apud Veteres ossium comminutio in minima fragmenta ad fracturam referebatur, modò, à vi externa fieret; tuncque vocabant hanc speciem fracturæ ἀλφειδών (d).

§. 340. QUÆ si sola, & una, simplex; ubi multiplex, composita; si stipata vulnere, contusione, inflammatione, ulcere, pluribus fracturis, complicata vocatur.

Solent Chirurghi dividere fracturas in tres species; simplicem nempe, compositam, & complicatam. Simplex dicitur, quando os unicum uno tantum in loco fractum est, sine magna læsione partium incumbentium vel vicinarum. Ubi autem talis fractura contingit illis corporis locis, ubi bina ossa majora sibi mutud accumbunt, ut v. gr; in cubito, si solus radius fractus fuerit, ulnâ illasâ, tunc vocatur & hæc species fracturæ apud Chirurgos incompleta; quia non adeo multum mutatur situs partium, & eadem longitudo membri manet. Ubi verò ulna & radius simul fracta fuerint, vel & tibia & fibula in crure, solet vocari fractura completa, vel etiam composita: licet etiam videatur compositam fracturam dici posse, ubi unicum os pluribus in locis fractum fuerit. Ubi autem præter fracturam unius vel plurium ossium talia adsunt symptomata, quæ peculiarem curam requirunt, uti vulnus, ulcus, &c, tunc vocatur complicata; quia in curatione talis fracturæ horum comitantium malorum ratio habenda est. Facile autem patet, non dici posse fracturam complicatam, nisi satis valida talia mala adfuerint; non potest enim fractura fieri sine aliqua saltem contusione, & ferè semper levis inflammatio fracturas sequitur. Unde tunc solet fractura complicata dici, quando hæc mala comitantia tanti momenti sunt, ut requirant alium apparatus & curandi methodum, quàm quæ in fractura simplici vel composita sufficerent. Sic v. gr; si insigne vulnus fracturam comitetur, non potest talis deligatio fieri, ac in fractura simplici, quæ sæpe per plures septimanas relinquitur, sed requiritur talis apparatus, qui sine periculo separationis ossis fracti & repositi solvi queat sæpius, ut vulneris cura haberi possit.

(a) Galen. Method. Med. Lib. VI. Cap. v.

Charter. Tom. X. pag. 143.

(b) Lib. de Artic. Comment. II. Text. XLVIII.

Charter. Tom. XII. pag. 361.

(c) Lib. VI. Cap. LXXX. pag. 96. versâ.

(d) Ibidem.

§. 341. **Q**UIN etiam pro vario situ fracturæ transversa, obliqua, longitudinalis audit; & ratione fragmentorum sibi innitentium; aut juxta latera sibi mutuò applicatorum, vel eminentè spinâ emergentium, varia nomina, naturam, medelam accipit.

Pro vario autem fracturæ situ iterum varia nomina imponuntur. *Transversa* dicitur, quando sectione perpendiculari ad ossis longitudinem os divisum est. Hæc est illa fracturæ species, quam Chirurgi nostrates solent vocare *radysbreuk*: & simili vocabulo apud veteres Græcos designatur à fracti caulis similitudine *καυλῶν κατὰ γὰρ* (a); ubi nempe transversâ fracturâ partes ossis fracti omnino à se mutuò separatae sunt, & nullibi ampliùs coherent. Unde & apud *Æginetam* (b) talis fractura etiam *παρὰ τὸν* & *σικυῶν* à similitudine fractæ radiculæ & cucumeris dicitur. Hinc & vocabulum *ἀποκαυλιθῆναι* apud *Hippocratem* hoc sensu videtur usurpari, dum dicit (c) *ἢ ὃ καὶ γὰρ ἢ καὶ τὴν γὰρ τοῦ, ἢ μὲν μὴ ἀποκαυλιθῆναι πάντῃ παύειν, ἀλλὰ ἐξυρίχεται τὸ ἑστὸν*, id est, si verò inferior maxilla frangatur, nec autem omnino transversim fracta fuerit, sed cohereat os, &c: ubi apparet manifestè, quòd τὸ ἀποκαυλιθῆναι, opposuerit τῷ ἐξυρίχθαι.

**OBLIQUA.** Quando nempe divisio ossis non perpendicularis est ad ossis longitudinem; sed ab hac illâve parte à perpendiculo declinat; unde major fracturæ superficies, & difficillor retentio fragmentorum, ubi reposita fuerint.

**LONGITUDINALIS.** Quando nempe secundum longitudinem os fissum est, unde potius fissura esset vocanda, quàm fractura; quia partes sic affecti ossis non omnino separantur à se invicem, sed veluti per rectitudinem finduntur: quod genus fracturæ Veteres ideo vocaverunt *χιδανθῶν* (d), sive ossis divisionem secundum longitudinem (e).

**RATIONE FRAGMENTORUM**, &c. Possunt enim ossis fracti extrema in eodem situ remanere, quem naturaliter habebant, imprimis in fractura transversa: possunt etiam parum loco moveri, sic tamen ut sibi mutuò adhuc pro parte innitent: possunt denique fragmenta penitus à solito contactu removeri, & ad latera utrimque delabi, quod sæpe semper in fractura obliqua fit, & aliquando etiam in transversa. Denique si fragmenta acuta fuerint, possunt spinæ instar per integumentum emergere, quæ certè pessima fracturæ species est.

Omnia autem hæc sedulo considerari merentur, non tantum ut variis nominibus distinguantur fracturæ, verum etiam quia pro his fracturarum varietatibus diversa requiritur curatio, & meliùs in prognosi distingui potest, quænam inde metuenda sint mala.

(a) Galen. Method. Medendi Lib. VI. Cap. v. Charter. Tom. X. pag. 143.

(b) Lib. VI. Cap. lxxxix. pag. 96. versâ.

(c) Lib. de Articulis Comment. II. Textu xlv. Charter. Tom. XII. pag. 342.

(d) Galen. Method. Medendi. Lib. VI. Cap. v. Charter. Tom. X. pag. 143.

(e) Ægineta Lib. VI. Cap. lxxxix. pag. 96. versâ.

§. 342. **EFFECTUS** ejus varii, pro varia indole ossis fracti, pro modo fracturæ vario, pro varietate fragmentorum quoad situm, figuram, numerum, magnitudinem, pro varietate denique loci, in quo, vicinorum, circa quæ, sit.

Effectus fracturæ primò est læsio omnium illarum functionum, quæ ab ossis integritate pendebant; deinde simul turbatur actio partium vicinarum, quæ à fragmentis ossis comprimi vel lædi possunt. Hinc facillè patet, magnam posse esse maiorum varietatem, quæ à fractura ut causâ sequuntur. Diversitas hæc primò pendet à,

**VARIA INDOLE OSSIS FRACTI.** Ossa v. gr; majora, ut os femoris; humeri, &c, cavum habent, in quo medulla reconditur; claviculæ, costæ, ossa carpi & tarsi non habent tale cavum medullâ plenum. Unde à majoribus his ossibus fractis sæpe medullæ læsio contingit, à qua pessima fieri possunt mala.

**MODO FRACTURÆ VARIO.** Transversa enim fractura optima est, cum fragmenta sibi mutuo inniti possunt; obliqua pejor, quia facilius fracti ossis extrema juxta se mutuo delabuntur. Unde *Hippocrates* de clavicula fracta agens, monet, illam facilius curari, si in totum transversa fracta fuerit; (a) *si in longitudinem, ægrius.* Multum etiam auget curæ difficultatem, si valida contusio aut vulnus fracturam comitentur.

**PRO VARIETATE FRAGMENTORUM QUOAD SITUM.** Dum in fractura transversa ossis fracti extrema in eodem situ manent, non lædenur inde partes vicinæ: si parum ad latera divergant, sic tamen ut fragmentum inferius adhuc sustineat superius, non fient inde magna mala. Sed si fragmenta ex situ naturali remota juxta latera sibi mutuo applicentur, necessariò vicini muscoli, tendines, &c; prementur, & longè major requiretur extensio; ut in situm naturalem iterum redigantur fracti ossis partes.

**FIGURAM.** Quò enim magis acuta fuerint hæc fragmenta, eò plùs lædent partes vicinas. Unde *Celsus* varia fracturæ genera recensens, dixit, (b) *Omne igitur, os modo rectum, ut lignum in longitudinem finditur; modo frangitur transversum; interdum obliquum: atque id ipsum nonnunquam retusa habet capita, nonnunquam acuta, quod genus pessimum est; quia neque facillè committuntur; quæ nulli retuso inniuntur; & carnem vulnerant, interdum quoque nervum aut musculum.*

**NUMERUM, MAGNITUDINEM.** Quò in plura fragmenta os fractum dissiliit, eò majus periculum læsionis partium vicinarum; & difficilius reposita ossa in situ naturali retineri possunt. Quò majora fuerint fragmenta, eò facilius erit, cæteris paribus, curatio.

**PRO VARIETATE LOCI IN QUO.** Ossa majora in medio densissima sunt; circa juncturas, secedentibus lamellis ossis, cellulosam substantiam habent: si ergo circa juncturas os frangatur, non poterit hoc fieri sine destructione cellulosæ illius fabricæ; unde plurima mala ab humoribus extravasatis & corruptis nasci poterunt. Sed & ligamenta, quæ ossa articulata nectunt inter se, prope juncturas

(a) Lib. de Articulis Comment. I. Textu  
XLIII. Charter. Tom. XII. pag. 323.

(b) Medicin. Lib. VIII. Cap. VII. pag. 534.

inferuntur; unde & horum inflammatio & anchyloses sequi poterunt. Lictum fuit in *Commentariis* §. 218. n°. 6, arteriam satis notabilem tibie partem posteriorem & superiorem perforare, & sæpe ad pollicis longitudinem per ipsam ossis substantiam decurrere: si ergo fractura fieret in illo loco, ubi arteria in canali osseo hæret, posset funesta hæmorrhagia sequi, si simul cum fractura vulnus adesset; vel aliter, effuso sub integra cute sanguine, aneurysma spurium, & omnia, quæ inde sequuntur, mala fieri possent.

**VICINORUM, CIRCAQUE.** Si enim circa fracturæ locum insignes nervi, aut vasa arteriosa vel venosa, decurrunt, patet facili quantum periculum fieri, ne hæc comprimantur, vel lædantur à fragmentis; inprimis si illa acuta fuerint. Plurima etiam mala metuenda sunt, si fracturæ loco tendines validorum musculorum affixi fuerint. De his omnibus in prima deligatione cogitandum est: unde minimè festinare debet in his Medicus nec Chirurgus, sed bene considerare locum fracturæ, & comparare cum optimis *Eustachii* Tabulis. Nisi enim tunc moneatur, quænam mala metuenda sint, omne damnum, quod postea sequetur, imputabitur illis, qui curæ præfuerunt. Si v. gr. osse humeri fracto prope humeri articulum, compressi vel læsi fuerint magni trunci nervosi hic decurrentes, poterit sequi paralysis, stupor, marcor, &c, quæ nullâ Arte superari poterunt. Sollicitè hoc monuit *Hippocrates* agens de illis fracturis, in quibus fragmenta per cutem emergunt, dicens: (a) *Quibus femoris vel humeri os excessit, ferè non evadunt, sunt enim ossa hæc grandia, & medullosa: adde quòd multa ac magna simul lacerantur, nervi scilicet, musculi ac vane. Quòd si reponantur, solet nervorum distensio supervenire; si non reponantur, acutæ biliosæque febres cum singultu ac nigritie..... Magis adhuc evadunt, quibus inferior pars ossis, quàm quibus superior excessit..... Multum quoque refert an ab exteriori humeri femorisve parte ossa exceßerint: multa enim & grandes venæ per interiorem partem feruntur, quarum nonnulla vulnerata hominem jugulant: per exteriorem verò pauciores incedunt. In ejusmodi igitur casibus periculi meminisse oportet, quod propriè circumstat, idque in tempore prædicere. Sic à fractis costis summa sæpe fiunt mala, dum fragmenta pleuram lacerant, imò aliquando ipsos pulmones lædunt; unde sæpe empyema, & inde nata immedicabilis phthisis sequitur. A fractura calcanei, cui validissimus tendo, *Achillis* dictus, accessit, (b) sequuntur febres acutæ admodum, continetæque, cum tremore, singultu, mentis alienatione, quæ paucis diebus hominem præcipitant.*

**§. 343. PRIMARI** ergo sunt destructio muneris fulciendi, sustinendi musculos & dirigendi eosdem; musculorum contractio, membri accurtatio, musculorum ex debito loco deturbatio, membri intorsio, ejusdem deformatio; periosteï externi, vasculorum cellulas occupantium, periosteï interni, membranæ medullosæ, medullæ ipsius laceratio, contusio, corruptio; luxuries vasculorum, ossorum, unde calli inæqualitas, tumor, membrique deformatio, membranarum, tendinum, nervorum distractio, laceratio, irrita-

(a) Lib. de fracturis Comment. III. Textu  
xlvii. Charter. Tom. XII. pag. 257.

(b) Ibid. Comment. II. Textu xxxiii. Charter. Tom. XII. pag. 201.



tio, compressio ( convulsio; vasorum vicinorum mutatio, destructio, obstructio, inflammatio, dolor, ecchymosis, marcor suppuratio, gangræna, mors partis & sæpe totius, contusio ferè semper.

Enumerantur hæc paragrapho præcipua mala, quæ ossium fracturas solent sequi.

**DESTRUCTIO MUNERIS FULCIENDI.** Dum pedibus insissimus vel incedimus, totum pondus corporis nostri ossibus femorum & crurum sustinetur; unde in rachitidis pueris nimis flexilia hæc ossa à pondere corporis innitens incurvantur. Ubi ergo per fracturam ossium integritas sublata est, deficit statim illud fulciendi munus, nisi fractura transversa fuerit talis, ut nondum fracti ossis extrema locum mutaverint, sed adhuc sibi mutuo insistant: brevi tamen pòst, si in tali casu homo pergat movere partes fractas, fragmenta à contactu mutuo removebuntur, & deficit fulciendi vis. *Parvus* (a) à calcitrante equo percussus, dum retrocedere nititur, ut evitaret ulterius malum, mox concidit, & sinistri cruris ossa utraque fracta, pondere innitens corporis pressa, emerferunt non tantum per cutim, sed & ocream ipsam perforaverunt, cum intolerabili dolore.

**SUSTINENDI MUSCULOS, ET DIRIGENDI EOSDEM.** Plerique musculi nostri corporis ex osse oriuntur, & in os inferuntur: si ipsincteres & musculares vasorum & viscerum fibræ excipiantur, vix reperiuntur musculi, quin saltem uno suo extremo ossi affigantur. Ossibus ergo fractis tollitur illa motus directio, & turbatur miris modis musculorum his ossibus affixorum actio. Dum patella, quæ tendini, ex musculis extensoribus cruris nato, accrescit, & hypomochlii instar hunc tendinem elevat & sustinet, frangitur, statim turbatur horum musculorum directio & efficacia. In reliquis verum est.

**MUSCULORUM CONTRACTIO, MEMBRI ACCURTATIO.** Noverat jam suo tempore *Galenus* (b), musculis inesse hanc vim, ut sponte contrahatur illorum caro; neque illud pendere ab animali facultate musculum movente, probabat ex eo, quòd etiam post mortem; transversim dissecto musculo, utrumque extremum retrahi videret. *Vesalius* (c) in vivis animalibus Experimenta instituens hanc rem pulcherrimè confirmavit. Dum enim muscoli ventrem prorsus dividebat, musculum ad insertionem suam unâ parte, aliâ verbò ad exortum, colligi & retrahi observabat. Dum alterius muscoli tendinem præcinderet, musculum versus exortum suum convelli cernebat: si caput musculi divideret, versus insertionem suam contrahabatur. Dum autem & musculi caput & insertionem unâ truncaret, tunc musculus ad suum ventrem illâque sedem, quâ maximè carneus est, conglobabatur. Ossa autem, quibus musculi affiguntur, retinent eosdem in illa distensione: unde his factis spontaneâ contractione musculi breviores fiunt, & ossis partem, cui adhærent, retrahunt, unde membrum brevius fit, & quidem eò plùs, quòd plures & validiores musculi fragmento inferiori affiguntur. Sic si os humeri frangatur supra illum locum, cui deltoides musculus affigitur, retrahetur sa-

(a) Livre XV. Chapitre XXIII. pag. 344.

(b) De motu muscul. Lib. I. Cap. VIII. Char-

ter. Tom. V. pag. 376.

(c) Lib VII. Cap. XII. pag. 568.

tis validè versus superiora os fractum, & accurrabitur membrum. *Nam nervi musculque, intenti per ossa, contrahuntur (a).* Idem etiam in osse femoris verum est: ideòque unanimi consensu omnes Chirurgi testantur, fracturas ossis femoris rarò sine claudicatione sanari, si in parte superiori prope coxam fuerint; si autem in medio vel circa genu idem os fractum fuerit, longè major felicitis curationis spes superest. Videtur autem inter alia hoc etiam inde fieri, quòd quò altiori loco fractum fuerit femoris, os, èd plures musculi inferiùs fragmentum sursum trahunt; cùmque illi simul validissimi sint, requiritur fortissima extensio, ut iterum reduci possint; difficillimè in unione retinentur.

**MUSCULORUM EX DEBITO LOCO DETURBATIO.** Plerique musculi ab ossibus originem ducunt, & in ossa inferuntur, imò & quidam satis notabili longitudine ossibus adhærent; si ergo ossa fracta loco suo mota fuerint, turbabitur situs & decursus musculorum vicinorum, qui ossi fracto inferuntur, vel inde originem ducunt. Præterea ossis fragmenta ipsa poterunt & deturbare alios musculos, licèt in hoc osse nec originem nec insertionem habeant, quatenus nempe alienum locum occupantia premunt & repellunt partes vicinas. Sed hanc musculorum ex locis propriis deturbationem semper comitantur.

**MEMBRI INTORSIO, EJUSDEM DEFORMATIO.** Externa superficies corporis humani varias eminentias habet, & varia iterum loca, quæ magis depressa sunt, quod inprimis à musculis vario modo positis, & pro varia actione eorumdem nunc tumentibus, nunc subsidentibus, fit. Hoc autem inprimis in torosis, & non nimis obesis, viris patet; in foeminis longè minùs, quarum corpus semper magis æquabile apparet; uti pulchre Pictores & Statuarii observant, dum *Herculis* vel *Laomedontis* validos lacertos, aut *Veneris* molle & glabrum corpus suà Arte exprimunt. Simulac ergo fractis ossibus musculi ex naturali situ deturbantur, mutatur figura partium, & naturalis membri forma perit. Unde periti Chirurgi, ut certi sint ossa fracta bene reposita esse, comparant v. gr; brachium vel crus læsum cum altero brachio vel crure sano, & summa cum cura attendunt, an ubique similes eminentiæ & cavitates appareant. Possent enim v. gr; brachii fracti partes adaptari iterum sibi mutuo, licèt non omnino in eodem situ repositæ essent, quo naturaliter antea coheserant: sed deformatio membri in tali casu semper hunc errorem detegit. Omnium maxima talis deformatio post fracturam apparet cubiti ossibus fractis; tunc enim musculi supinatores & pronatores manûs solent miro modo figuram naturalem partis mutare.

Sequuntur jam illa mala, quæ ossibus ipsis post fracturam accidunt.

**PERIOSTEI EXTERNI VASCULORUM CELLULAS OCCUPANTIUM, PERIOSTEI INTERNI, MEMBRANÆ MEDULLOSÆ, &c.** Ossia omnia incumbentem habent membranam, quæ vasa defert ad ossa, & inde redeuntia recipit; vocatur periosteum, & plerumque ossibus artissimè adhæret. Tegit autem ossum externam superficiem ubique, præterquam in illis locis, ubi ligamenta ex ossibus enascuntur, quæ articulationes ambiunt & firmant: ibi enim secedit ab osse periosteum, pergitque supra ligamenta decurrens, donec alteri ossi iterum inferatur & accrescat; & hoc modo periosteum (b) sine continuitatis interruptione ab uno osse ad aliud pergit. Omnis ergo ossum superficies tegi-

(a) *Celsi Medicin. Lib. VIII. Cap. x. pag. 132.*

(b) *Clopton Havers Osteologia nova, Serms. I. cap. III. §. XII. in fine.*

tur perioſteo, exceptâ illâ parte, quæ capſulâ articulari, ex ligamentis articuloſis ambientibus factâ, continetur. Sed rariſſimè, ſi unquam, offium illa pars frangitur, quæ in hac capſula articulari hæret: fracto ergo offe ſerè ſemper perioſteum externum læditur. Sed præterea mira cellulofa fabrica in offibus plurimis occurrit; offa enim minora, quæ magnum cavum medullare non habent, ut digitorum phalangæ, offa metacarpi, carpi, &c, per totam ſuam ſubſtantiam cellulofis offeis conſtant. In offibus majoribus verò, quæ magnum cavum in medio habent, in quo medulla locatur, lamellæ offeæ, in medio offis artiffimè unitæ, verſus extrema à ſe mutuo ſecedunt, & miros cancellos formant, in quibus vaſa ſanguinea, & loculi medulloſi locantur. Si ergo hæc offa circa extremitates frangantur, deſtruetur cellulofa hæc fabrica, frangentur vaſa, effundentur liquida, quæ ſtagnando corrumpi poſſunt, & plurima mala producere. Simul facilè patet, offe fracto, internum perioſteum, medullæ membranæ tenerrimam, & ipſam medullæ ſubſtantiam, poſſe deſtrui; cùm hæc adeo tenera ſit, ut in annoſo etiam bove rudiùs attrẽtata digitis in pulvere coneratur. Quanta autem poſſint fieri mala ab oleo medullari corrupto, poſtea dicetur in morborum offium Hiſtoria. Omnia autem hæc certiffimè dilacerantur, ſi fracti offis extrema à ſe mutuo receſſerint, & juxta latera ſibi mutuo applicentur; tunc enim omnia, quæ offis cavo reconduntur, certiffimè rumpuntur. Verum quidem eſt, peſſima inde metuenda mala non ſemper fracturas ſequi; poſſe tamen hæc quandoque contingere, facilè patet. Unde præſtat, hæc ægrum vel amicos monere, ne talia, ſi poſtea ſupervenerint, Medentium incuriæ adſcribantur.

**LUXURIES VASCULORUM OSSEORUM, UNDE CALLI INÆQUALITAS, TUMOR MEMBRÆQUE DEFORMATIO.** In Coacis ~~Pænoionibus~~ habetur, (a) Quodcumque os in corpore reſectum fuerit, aut cartilago, non augeſcit; & in Aphoriſmīs additur, (b) neque coaleſcit. Poſtea & Galenus dixit, nunquam os poſſe uniri offi, nec cartilaginem concreſcere cartilagini: ſed in offibus fractis fieri unionem per calli nati interpoſitionem, glutinis inſtar, non verò per concretionem partium ſeparatarum (c). In Commentario autem primo, quem ſcripſit in Hippocratem de fracturis, latiùs hanc rem deduxit dicens, (d) Quum offa ob ſiccitatem naturalem nequeant carnis modo coaleſcere, callo circa fracturæ oras increſcente, quaſi quoddam vinculo circumdantur. Hic autem creatur de eo quod ſuperat, ex ipſo fracti offis alimento. Quod ſi vel non idoneo viſtu utatur, vel plenus ſit, id quod ſuperat copioſius eſt, effuſumque faſcias rotas veluti craſſo ſanguine madefaci. Unde videtur voluiſſe, quod callus non foret de ipſa propriè dicenda ſubſtantia offis, ſed tantum glutem quoddam, quod ſe interponens inter fracturæ extrema, faceret illa iterum coherere. Paulò poſt enim ſubjungit, Quod enim gluten lignis efficit; offibus fractis quæ glutinantur, id callus præſtat. Cùm autem non poſſet negari, quod callus ille duritiem ipſius offis tandem acquireret, & non crederet tamen callum offis naturam induere poſſe, mirâ ſatis phraſi uſus dixit: Quidquid igitur ex eo, dum effunditur, circa fracturæ oras concreſcit, tempore, ab offe cui hæret, mutatur & ſimile ipſi redditur, calliſque nomi-

(a) No. 505. Charter. Tom. VIII. pag. 882.

(b) Sec. VI. n.º. xix. Charter. Tom. IX. Part. II. pag. 258.

Tom. I.

(c) Method. Medend. Lib. V. cap. vii

Charter. Tom. X. pag. 111.

(d) Text. xii. Charter. Tom. XII. pag. 179.

T t t

*natur.* Unde voluit, calli nomen retinendum esse, licet jam ossis duritiem acquisivisset. *Post Galenum* plerique videntur fuisse in eadem opinione. Sed vidimus antea in *Commentariis* §. 158. n<sup>o</sup>. 2, in vulneribus perditam substantiam regenerari, & uniri partes separatas, non interpositione glutinis, sed verâ restitutione perditæ, per sanguinem bonum allatum, opifice & auctore naturâ; uti *Galenus* ipse in loco ibi citato verissimè dixerat. Et in vulnere capitis Historia evidentissimè patuit, ablatam calvarie partem, instrumento vulnerante vel trepano excisam, recrescere. Videtur ergo & idem obtinere in ossibus fractis; nempe, fieri horum concretionem non interpositione glutinis cujusdam, sed verâ unione substantiæ; & in illis casibus; ubi pars ossis ablata est, non interponi inter separata fragmenta lentum humorem, qui sensim induresceret, sed renasci organicam fabricam osseam, quæ perditæ damnum reparat. Observationes Chirurgicæ hanc rem pulcherrimè confirmant. Homini onusti plaustrî rota supra crus transiens miserrimè fregerat tibiæ & fibulam cum maxima dilaceratione omnium vicinarum partium, sic ut non sine ratione de exstirpatione partis cogitaretur. Repositis tamen ossibus fractis, & idoneis auxiliis adhibitis, post bimestre spatium fibulæ fragmenta unita erant penitus; sed tibiæ insigne fragmentum, quatuor digitos transversos longum, in quo foramen medium medullare conspicuum erat separabatur, ideoque ingens hiatus inter bina hæc tibiæ ossis extrema manebat. Decem tamen mensium spatium totum illud spatium repletum fuit substantiâ solidâ & firmâ adeo, ut homo ille postea sine incommodo crure hoc usus fuerit (a). An credibile videtur gluten ex superfluo ossis nutrimento natum, ex binis illis extremis fracti ossis exsudans, posse sic elongari sine ulla deviatione utrimque, ut fieret impletio tanti hiatus? An non potius hoc adscribendum miræ illi proprietati, quam corpus humanum habet ex Adorandi Creatoris Instituto, per quam valet ex ingestis, viscerum & vasorum vi in nostram naturam mutatis, restituere illa quæ perierant, & augere in omni dimensione illa, quæ jam formata sunt? Certè vitale illud rudimentum, in sacculo colliquamenti ovi imprægnati latens, creatâ sui corpusculi fabricâ, spatio viginti & unius dierum, ex mollissimo albumine ovi conficitur solida ossa, quibus pullus recens exclusus tunc insidet non solum, sed & alacriter currit. Idem ergo videtur hic obtinere in ossibus, quoad regenerationem perditæ, & unionem illorum, quæ divisa fuerant, quod in vulneribus mollium partium corporis contingit; organicæ nempe substantiæ regenerationem, & veram concretionem; non autem agglutinari hæc inter se interpositione informis glutinis.

Ut jam in partium mollium vulneribus renascentia hæc vascula, adeo tenera & pulposa, cutis tegmine orbata, poterant nimis distendi, & in fungosam carnem degenerare; sic idem verum est in callo illo ossium, qui pariter luxuriare potest, si vel nimia liquidorum copia, aut nimis valido eorumdem imperu valde dilatentur vasa hæc, quæ ossis renascentis substantiam faciunt: inprimis autem hoc metuendum in junioribus, quibus solidarum partium semper minus firmum robur est, & humidiorum major copia, & plerumque etiam celerior motus. Ideoque in his callum luxuriare toties observaverunt Chirurghi, inprimis, si pleniori victu uterentur. Sed inde necessariò sequitur inæqualitas & figuræ mutatio in parte. Longè tamen frequentius membri deformatio contingit, quando nondum debitam fir-

(a) de la Moë, *Traité complet de Chirurgie*, Tom. IV. pag. 284, & suiv.

mitatem adepto callo, extrema ossis fracti ad se mutuo apprimuntur: tunc enim ceræ flexilis instar callus undique exprimitur, & prominentem in loco fracturæ annulum facit. Hoc inprimis contingit, quando femoris vel cruris ossibus fractis nimis citò incedere volunt ægri; cum enim totum corporis pondus his ossibus sustineri debet, si nondum ossis duritiem acquisiverit callus, exprimitur.

MEMBRANARUM, TENDINUM, NERVORUM DISTRACTIO, LACERATIO, &c. Inprimis si fractura talis sit, ut fragmenta supra se mutuo efferantur; omnium maximè, si hæc fragmenta acuta fuerint, ut sæpe fit: tunc enim omnia vicina læduntur, & dilacerantur. In eadem hac paragrapho dictum fuit, quod, *Paræus* dum fracto cruri inniteretur, fragmenta ossis non tantum integumenta & musculos, sed ipsam ocream quoque perforaverint, cum dolore intolerabili. Quanta autem mala metuenda sint à membranis, tendinibus, vel nervis læsis aut irritatis, dictum fuit in Commentariis §. 162. 163. 164. 165. 181. 182. 183. 184. Tristes adeo inde aliquando sequuntur calamitates, ut *Hippocrates* monuerit Medicos, ut si sine ignominia possint, fugiant tales casus. (a) Si quidem spes in angusto est, & pericula multa circumstant: atque ubi ossa non reponantur, videtur Medicus Arte destitui; ubi reponantur, homo ad interitum magis præcipitatur quàm liberetur.

VASORUM VICINORUM MUTATIO, DESTRUCTIO, &c. Pessima mala, quæ sequi solent fracturas, rariùs fiunt ab ossis ipsius læsione; longè sæpius, quia ossis fragmenta vicinas partes comprimendo vel vulnerando malè afficiunt. Plurima jam vasa ossibus ipsis affiguntur, vel in illorum vicinia decurrunt, quæ à fragmentis loco suo moris lædi vel comprimi possunt: unde sollicitè monuit *Hippocrates*, ut dictum fuit paragrapho præcedenti, multum interesse, an humeri vel femoris os ab interiore, an verò ab exteriori parte excefserit, quia multæ & magnæ venæ per internam partem feruntur. Sed inter causas obstructionis §. 112, recenscebantur omnia illa, quæ canales flexiles externâ compressione, vel & distractione, redderent angustiores: patet ergo, post fracturam ossium sæpe obstructionem sequi. Et licet non omnino intercipiatur humorum transitus pervasa sic angustata, miris tamen modis poterunt turbari plurimæ functiones corporis; cum harum integritas sæpe pro magna parte à debita proportionem amplitudinis truncorum ad ramos, & vicissim, pendeat. Si jam obstructioni vasorum accesserit celerior humorum circumductio per febrim naram, inflammatio fiet, & sequi poterunt omnes ejus exitus, suppuratio nempe, gangræna, sphacelus, &c. A distractione autem membranarum, tendinum, aut nervorum, summi dolores nascuntur in fracturis, non verò adeo ab ossis ipsius læsione; ut faciliè patet ex eo; quòd, repositis in situm naturalem ossibus fractis, dolor omnis cesset, vel minuat plurimum. Dum autem fractis vasis sub cute integra, vel parvo tantum vulnere divisa, sanguis exit, colligitur in panniculo adiposo, & ecchymosin facit; uti in contusionis Historia dictum fuit. Ubi verò arteria, vel magnus truncus nervosus, partibus inferioribus prospiciens, sic compressus vel destructus fuerit; ut nihil ampliùs transmittere possit, omni vitali influxu privantur partes suppositæ; tuncque vel putri gangrænâ corrumpuntur, vel lento exsiccantur marasmo, ut constitit mirabili illo Exemplo hominis, cui arteriæ truncus sub axilla integre dis-

(a) Lib. de fracturis Comment. III. Text. 1. Charter, Tom. XII. pag. 159.

sectus fuerat; unde postea totâ vitâ brachium mumiz inflat arefactum remansit. Videantur de his *Commentaria* §. 161.

Mors autem quandoque fracturas ossium sequitur, ob summos dolores ortis febribus acutissimis, delirio, convulsionibus; vel si gangræna partem læsam occupet, quæ in sphacelum versâ superiora petit, & post vigilias, deliria, syncopen, singultum, &c. tandem placido sopore necat.

**CONTUSIO FERE SEMPER.** Non potest enim vis externa ossis partes à cohæsiōe solvere, nisi simul agat in partes molles ossi incumbentes; illæ ergo inter causam lædentem & durum os suppositum pressæ necessariò contundi debent. Unde semper aderit saltem aliqua contusio; nisi ossa per luem veneream, scorbutum, aut similes morbos tam fragilia facta fuerint, ut etiam à levi vi frangantur. Ad hanc rem autem quàm maximè attendendum est, quia, ossibus fractis etiam felicissimo successu repositis, sæpe plurima mala à contusione partium sequuntur: unde *Hippocrates* circa finem libri de Fracturis, in quo plurima recensuit mala, quæ fracturas & luxationes sequi solent (pro generali axiomate posuit, magis metuendum esse à contusione, quàm à fractura ipsâ. Dicit enim (a) *Leviore vitia sunt, sub quibus os frangitur, quàm sub quibus hoc inviolatum, venæ ac nervi grandiores ibi conteruntur. Hæc enim hominem magis ad interitum præcipitant, quàm illa, si continua febris accedat.* Unde sæpissime illa remedia, quæ contusioni sanandæ conveniunt, fracturis etiam adhibenda sunt. Licet enim restitutio ossium fractorum illorūque in situ retentio, videatur satisfacere generali indicationi, illudque sæpe sufficere videatur plurimis Chirurgis; tamen ex modò dictis facile patet, pro variis malis, fracturam comitantibus, diversam medelam requiri.

§. 344. **QUÆ** expensa (342. 343.) præfens malum, ejusque statum docent: sic tactus fragmenta; auris crepitationem; oculus læsam figuram, immobilitatem; intellectus causam, ejus impetum modum impulsus, senii decrepiti, temperiei morbosæ, hybernique frigoris efficaciam simul consideraverit, clarior est diagnosi.

Describuntur hæc paragrapho illa signa, quibus præfens fractura cognosci possit. Sæpe enim tales casus occurrunt, in quibus etiam peritissimi Chirurghi non sine labore hoc distinguere possunt. Ubique ferè locorum habentur homines, plerumque satis imperiti, qui rudi plebeculæ facile persuadent, se longè melius Chirurgis ipsis novissè Artem membra luxata & fracta restituendi. Illis solemne est, in quovis ferè malo luxationem vel fracturam culpæ, & statim omnem apparatus talium malorum adhibere; unde sæpissime miseros emungunt, simulque à consueta laboribus cessare cogunt, sine ulla necessitate. Similibus imposturis & ignorantiam suam tegunt, & ignaris mira præstitisse videntur. Honestum virum decet, omni molimine inquirere, an tale malum addit. Ubi autem fragmenta ossis loco suo mota sunt, & juxta latera sibi mutuo applicantur, vel & aliquando per ipsam cutim emergunt, facilis habetur diagnosi. Sed si fragmenta contigua manserint; vel, licet parum deviaverint, adhuc tamen sibi mutuo innitantur, & os fractum undique copiosis musculis tectum fuerit, ut v. gr; in femore; longè

(a) *Comment III, Text. LXII. Charter, Tom. XII, pag. 268.*

difficilius hoc cognosci poterit. Sic etiam, si in cubito vel crure, ubi bina ossa sunt, alterutrum tantum fractum fuerit; uti etiam, si Chirurgus serius advocatus omnes partes, jam valde inflammatas & tumentes inveniat. Pericissimus Chirurgus (a) ingenuè fateatur, se in simili casu diu cespitalse, antequam fracturam adesse cognosceret. Homini, dum fossam transiliret, crus frangebatur, cumque in loco admodum solitario hoc infortunium ipsi contigisset, cogebatur genubus manubusque innoxius diu prorepere, antequam clamores ejus ab aliquo audiri possent. Tandem accurrunt rustici, qui miserum domum vehunt. Adeo tunc dolebat membrum, & tantopere tumebat, ut non nisi repetito sæpius examine deprehenderet Chirurgus fracturam adesse, quæ transversa erat utriusque ossis ad duorum circiter pollicum distantiam à malleolis. Partes autem vicinæ tumidæ & inflammatione tensæ retinebant in situ ossa fracta; unde inprimis difficultas detegendi hanc fracturam nascebatur.

Omnium difficillima cognitu est ergo fractura talis, in qua fragmenta adhuc sibi mutuo innituntur; quo in casu sæpe, si non cognoscatur movendo partem affectam, fragmenta à mutuo contactu removeantur, & supra se mutuo efferuntur; unde difficilior curatio, & major læsio & compressio vicinarum partium: cum in priori casu nulla requiratur extensio, vel levis tantum, si fragmenta parum deviaverint à situ suo naturali. Si ergo talis causa fuerit applicata corpori, à cujus impetu, & modo impulsus, metui possit os quoddam fractum fuisse, debet sollicitè examinari pars hæc, antequam vestes exuantur, ne fortè motà parte fragmenta à mutuo contactu secedant, & fiat deterior fracturæ species. Prehenditur tunc pars læsa utrimque ad aliquam distantiam à loco, cui ictus impactus fuit, & prudentissimè movendo tentatur, an aliquid ibi vacillet, aut aliqua crepitatio, fragmentis ad se mutuo attritis, percipiatur: si quid talis inveniat, discindendæ potiùs sunt vestes, quàm exuendæ, ut caveatur fragmentorum à mutuo contactu secessus. Longè major adhuc fracturæ suspicio nascitur etiam à levioribus causis, si decrepitâ senectute ossa fragilissima facta fuerint; cum in hac ætate oleum medullare incipiat deficere, unde ossium ariditas & major fragilitas sequitur. Idem verum est, si intenso sub frigore talis casus acciderit, nam & tunc ossa faciliùs frangi certis observatis constat; & videmus, omnia ferè corpora acri gelu rigescere & fragiliora fieri.

Præterea per morbos sic possunt mutari ossa, ut etiam levissimâ causâ, frangantur. Sic ubi lues venerea ossibus hæret, observatum fuit sæpius, quòd læsto egressi tales homines solo pondere corporis sui ossa fracta habuerint. In pessimo scorbuto, rachitide, &c, aliquando etiam talis fragilitas ossium observata fuit. Mira talis Observatio habetur apud *Hildanum* (b) à clarissimo Medico *Philiberto Sarageno* ipsi communicata. Saxagenarius vir arthritide pituitosâ circa articulos humeri & cubiti dextri ferè per bimestre spatium torquebatur obfuso cum dolore. Nullis usus fuit remediis, cæteroquin sanus, partem affectam tantum in quiete retinens. Dum chirothecam manui partis affectæ levissimò conatu induit, brachii os quatuor vel quinque digitis infra humerum transversim frangitur. Osse restituto, dum post triduum remoto apparatu partem inspiciunt Chirurgus & Medi-

(a) de la Motte, *Traité complet de Chirurgie*, Tom. IV. pag. 248.

(b) Censur. II, Observ. LXVI. pag. 139. 140.

cus, & omnia bene se habere lætatur, inveniunt aliam ejusdem ossis fracturam circa cubiti articulum, quam statim etiam idoneo muniverunt apparatu. Et in alia Epistola, post sex menses elapsos ad *Hildanum* scripta ab eodem Medico, habetur, quod per bimestre spatium frustra calli generationem expectaverint; & postea in cadavere ejusdem hominis, ex inveterato renum ulcere mortui, viderint, quod brachii os omnino carie computruisset. Similis casus habetur apud eundem Auctorem (a); ubi honestæ matronæ ferè sexagenariæ, decem liberorum pancreaticæ valentium matri, in lecto sine ulla vi externa brachii os ruptum fuit, dum exprorectis brachiis, & sublato corpore jacente, subuculam puram induere vellet. Curata fuit hæc fractura idoneis auxiliis. Sed postea, dum post diuturnum in lecto decubirum surgere vellet, & ob hanc rem tibialia induere, ancilla illi opem ferens dextrum crus transversim fregit miseræ. Chirurgus vocatus consuetâ methodo curavit sine magna difficultate & hanc fracturam. Sic per biennium vixit, varias adhuc fracturas passa, tandemque tot cruciatibus confecta supremum diem obiit. Nihil autem luis veneræ hic adfuisse videbatur, quia maritus nunquam aliquid mali senserat; & numerosa proles optimâ sanitate gaudebat; & ne levissima quidem suspicio unquam optimæ matronæ minuerat fammam. Unde patet aliquando à latentibus causis tantam posse nasci ossium fragilitatem, ut levissimâ vi sæpe frangantur.

§. 345. **VERUM** oblongæ fracturæ difficilior detectio, nisi serò; dolor, tumor, crassities partis, inæqualitas, pus sædum, causa fortis cognita, aliquid luminis dabunt.

Oblonga fractura dicitur, quando à vi externa os secundum longitudinem suam instar ligni fissum est. Difficillimè talis fractura cognosci poterit, nisi fuerit in talibus locis, in quibus ossa ferè nuda hærent; ut v. gr. in anteriori cruris parte, ubi os tibię satis nudum totâ ferè sui longitudine digitis tangi potest. In reliquis locis corporis non faciliè quis talem fracturam distinguere posset. Pessima quidem mala talem fracturam sequi possunt, quæ tunc docent illam adfuisse, sed serò tamen. Osse enim sic fisso, franguntur vasa per ossis substantiam decurrentia; effunduntur liquida; unde corruptio horum, ossis caries, incumbientium partium inflammatio, & suppuratio metuenda sunt. Præcipua signa hujus fracturæ sunt, si cognoscatur causa satis valida prægressa fuisse, dolor profundus adsit, & diu maneat, & partes ossi impositæ attollantur tumore secundum longitudinem ossis decurrente. Si dein ruptis postea integumentis pus sædum exeat, major suspicio nascitur, os suppositum læsum esse. Sed omnia hæc signa satis ambigua sunt; cum & validam contusionem sæpe sequantur, licèt talis fractura non adsit; puris autem sædi exitus ossis corruptionem jam serò docet: unde difficillima est hujus fracturæ diagnosi. Et licèt cognosceretur talem fracturam adesse, non multum tamen inde emolumentum accederet. Quid enim in hoc casu Ars facere posset? Omnia manent in eodem situ, sola ossis læsio adest. Diceret fortè quis, venæsectionem, fomenta resolventia, antiphlogistica, & putredinem præcaventia, adhibenda esse, & victum tenuem, &c, ut præcaveatur inflammatio hic imprimis

(a) Cœsur, II. Observ. LXVIII, pag. 147.



metuenda, & omnes ejus effectus. Sed confusio huic fracturæ semper omnes eadem requirit auxilia, licet os minimè læsum foret. In Historia vulnerum capitis dictum fuit, quomodo fissæ calvária curari debeat; sed an os sic secundum longitudinem fissum potest detegi tutò, ut scalpris radi vel minutis punctulis terebrari posset? Si femoris os sic fractum cognosceretur, quis auderet validos huic ossi circumpositos musculos discindere, ut ad os affectum manibus aditus pateret? Hinc in paucis tantum corporis locis, ubi ossa solis integumentis communibus tecta sunt, hæc cura tentari posset; sed & in iisdem locis, longè faciliùs cognoscitur tale malum. In reliquis ergo difficillima foret, nec magnæ etiam utilitatis talis fracturæ cognitio; cùm nihil tamen tentari posset, præter generalia ad omnem confusionem remedia.

§. 346. **FACILEM**, difficilem; tardam, celerem, integram; vel deficientem fore curationem prædicit figura, simplicitas, compositio, duratio fracturæ; numerus, figura, magnitudo fragmentorum; locus ossis læsi; vicina læsa; tempus anni; ætas ægri & temperies.

Agitur hæc paragrapho de Prognosi fracturarum, quæ docet, quænam mala metuenda sint, & quænam bona speranda. Omnes ergo illi effectus fracturarum, §. 343, enumerati, considerandi sunt, & post severum examen, ex cognita fracturæ indole, & scientia Anatomica partium, tunc concludi poterit, an curatio facilis futura sit, an verò difficilis. Facilis autem cura dicitur, si sine magno Artis molimine, & absque multa molestia fracturam passi, perfici possit: difficilis autem, ubi contrarium obtinet. Deinde determinari debet, an longo temporis spatio opus sit, ut fractis ossibus debita restituatur integritas, an non. Ultimò quæritur, an sperari possit talis curatio, ut firmitas, figura & usus membri fracti, eadem futura sint ac antè; an verò post curam peractam aliquis defectus sensibilis supererit, per quem deturpabitur figura partis læsæ, vel tolletur aut impediatur saltem ejus usus. Summà autem hæc prudentiâ opus est: plerumque enim solet culpa damni relictæ Chirurgis imputari, & summa quidem sæpe cum injuria. Honesum enim virum quidem non decet parvam rem attollere, histriionis instar, ut plùs præstitisse videatur; prudentia tamen requirit, ut mala metuenda indicentur, ne, si victa Ars his fuerit, vel ignorasse, vel sefellisse videatur. Si nimis meticulosus Chirurgus etiam in leviori casu pessima quævis ominetur, sæpe alius vocatus curam suscipiet; quæ si felix fuerit, prioris famæ nota inuretur. Turpe pariter erit, si felicem curam promissam sequatur malus eventus. Ut autem tutò prognosin haberi possit considerari merentur sequentia.

**FIGURA.** Omnium optima illa fracturæ species, quæ transversa vel & raphanoides vocatur; inprimis si fragmenta sibi mutuo adhuc innitantur, neque penitus loco mota fuerint. Obliqua autem fractura longè difficilior est, quia tunc fragmenta se mutuo non sustinent, & musculorum ossibus nexorum contractione à contactu facillimè dimoventur, neque facillè est fasciis sic firmare partes, ut fragmenta reposita in debito situ maneant. Pulchre hoc expressit *Celsus* de fracturis

agens: dicit enim (a) *Earum maxime tolerabilis est simplex, eaque transversa: peior, ubi obliqua, atque ubi fragmenta: pessima, ubi eadem acuta sunt.*

**SIMPLICITAS, COMPOSITIO.** Facile patet, longè difficiliorem curam esse, si os pluribus in locis fractum sit; & imprimis, si fracturarum loca adeo distent à se mutuo, ut non possint uno & eodem apparatu comprehendi, sed singulæ fracturæ diversum requirant. Memorabilis talis casus habetur (b) apud *Lamotium*; ubi homini crus, & prope malleolos, & circa genu fractum erat; cùmque idoneo apparatu utraque fractura munita esset, superior satis bene se habuit; inferior autem fractura, sævissimis doloribus obortis, debuit postea ligaturâ multorum capitum tractari, instar fracturæ complicatæ. Si jam fractura non tantum composita, sed & complicata fuerit, sive stipata vulnere, contusione, inflammatione, &c. difficilior adhuc cura facile prævidetur.

**DURATIO FRACTURÆ.** Quando ossis fracti partes in naturali situ manserunt, non multum mali expectandum est à majori duratione fracturæ, quia Ars nihil hic addere potest, sed tantum idoneo apparatu cavendum est, ne fragmenta situm suum postea mutant. Ubi verò fragmenta ossis non ampliùs à se mutuo sustinentur, sed supra se invicem efferuntur, tunc quò majori temporis spatio hoc duravit, eò major & diuturnior distractio & laceratio partium vicinarum; unde dolores enormes inflammatio, tumor, &c. solent sequi, & tunc impossibile est ossa hæc reponere, antequam illa symptomata sedata, vel aliquatenus saltem mitigata fuerint. Pars enim talis validè inflammata & tumens, si rudiùs tractetur, brevi gangrænâ corripitur; vel & ab intolerabili dolorum acerbitate convulsio sequi possit. Ubi autem in fractura complicata per vulnus comitans ossa nudata sunt, vel fragmenta ossis per cutim emerferunt, quò diutius hæc aeri exposita fuerint, eò difficilior & tardior cura expectanda est; quia tunc sæpe ossis sic malè affecti exfoliatio fieri debet, ut patet ex illis, quæ dicta sunt in Historia vulnerum capitis §. 249. 250.

**NUMERUS, FIGURA, MAGNITUDO FRAGMENTORUM.** Quò major fragmentorum numerus est, eò difficilior erit retentio eorundem in debito situ, postquam reposita sunt; uti etiam quò eadem fragmenta minora sunt. Si enim v. gr; brachii os binis in locis fractum fuerit, ut fragmentum medium, ab utraque parte solum, trium transversorum digitorum longitudinem æquet; illud, quamvis optimè repositum fuerit, difficillimè tamen situ retineri poterit, cùm & contractio musculorum, & ipsa spleniorum & fasciarum circumpositarum pressio, illud facillimè iterum expellere possit: unde requiruntur machinæ, quæ membrum fractum in debita extensione retineant. Operoso ergo satis Artis molimine indigent tales fracturæ, nec facilis talis cura dici potest. Ad similes casus *Hippocrates* commendat (c) è *corio Ægyptio* binos orbes, quolibet utuntur qui diu in magnis compedibus detinentur; & in cruris fractura jubet, ut unus super talos applicetur, infra genu alter. Debebant præterea hi orbes habere utrimque ex simplici vel duplici loro exiguas ansulas, sic ut superioris orbis ansulæ directè responderent illis, quæ in orbe inferiori erant. Deinde corneos baculos aptæ longitudinis his ansulis immittebat, quibus in iusta distantia

(a) Medicin. Lib. VIII. cap. x. pag. 531.

(b) Traité complet de Chirurgie Tom. IV. pag. 254. & suiv.

(c) Lib. de Fracturis Comment. III. Textu xxix. Charter, Tom. XII. pag. 146.

retinerentur orbes illi coriacei; sicque simul debita longitudo servabatur partis fractæ, & cavebatur ne media fragmenta exprimerentur. Reliqua in applicatione horum orbium coriaceorum observanda ibidem sollicitè notat. Si autem fragmenta habeant acutam figuram, difficillimus casus est, quia talia in situm reposita vix retineri possunt, & vicinas partes pessimè lædunt, ut dictum fuit in *Commentariis* §. 342. Præterea Observatis Chirurgicis conficit, ossis divisionem, instrumento acuto scindente vel secante factam, non posse curari tam brevi temporis spatio, quàm si obtuso obstaculo impingens os fractum fuisset quod mirum videbitur. Ratio forè hæc est, quòd in vulgari fractura, fragmenta semper eminentias quasdam habeant & asperitates, quæ ossibus rite repositis sic sibi mutuo respondent, ut meliùs cohæreant, nec faciliè possint per rursim, sternutationem, vel aliam causam, fragmenta hæc ad se mutuo atteri; à quo attritu renascens callus destruitur, vel saltem retardatur ossium fractorum unio. Ubi verò scindente instrumento os divisum fuit, æquabilis magis fragmentorum superficies efficitur, ut faciliùs ad se mutuo atteri, & loco moveri possint. Tres quatuorve memorabiles casus, qui hoc confirmant, habentur in Observationibus egregii Chirurgi *Lamortii* (a), qui testatur, quòd duplò longiori temporis spatio indiguerit, ut curaret talem fracturam etiam simplicem, quàm in quavis alia complicata etiam pessima, exceptis illis fracturis, in quibus magna fuit facta perditio substantiæ ossis, vel quæ ingentem simul comitem habebant ossis contusionem, aut contritionem in minima fragmenta.

LOCUS OSSIS LÆSI. Dictum fuit §. 342, varios esse fracturarum effectus pro vario loco ossis læsi. *Celsus* quædam communia brachiis, femoribus, cruribus, digitis fractis recensens, dicit (b) *siquidem ea minimè periculose media franguntur: at, quòd propior fractura capiti vel superiori, vel inferiori est, eò peior est. Nam & majores dolores adfert, & difficiliùs curatur.* In medio enim ossa majora omnium solidissima sunt; circa extrema autem, quibus articulantur vicinis ossibus, cellulosa sunt, & friabilia. Difficultatem talis fracturæ augment ligamenta vicina quibus ossa articulata nectuntur. Multum etiam differt, an versus extremum superius, an autem circa inferius, os quoddam fractum fuerit; ut patuit in *Commentariis* §. 342; ex *Hippocratis* testimonio. Sic observavit *Hildanus* (c), si os femoris prope articulum coxæ fractum fuerit, vix unquam sine claudicatione sanari talem fracturam; ubi autem in medio, vel circa genu fractum fuit idem os, à perito Chirurgo sæpissime curatur sine ullo malo superfluo. Simul eodem in loco plurimorum gravissimorum Auctorum testimoniis hoc confirmatur.

VICINA LÆSIA. Videantur de his illa, quæ dicta sunt in *Commentariis* §. 342. TEMPOUS ANNI. (d) *Calidum ossium fracturis plurimum confert sed maxime sua carne nudatis*, dixit *Hippocrates* (e) *frigidum autem inimicum ossibus esse*, pronuntiavit. Unde, cæteris paribus, hybernâ tempestate minùs prospera erit ossium fracturum curatio. Sed æstivis caloribus major putredinis metus est; unde vere & autumnò felicior cura sperari potest.

(a) *Traité Complet de Chirurgie*, Tom. I<sup>er</sup>. pag. 303. 318.

(b) *Medicin. Lib. VIII. Cap. x. pag. 510.*

(c) *Observ. Chirurg. Censur. V. Observ.*

Tomus I.

XXXVI. pag. 475. 476.

(d) *Aphor. Sect. V. n.º. XXII. Charter. Tom. IX. part. II. pag. 107.*

(e) *Ibid. Aphor. XVII. pag. 104.*

ÆTAS ÆGRI. Quòd homo origini propior est, eò citius ossa fracta consolidantur, in summo senis vix, vel saltem non nisi longissimo tempore. Sed in junioribus metuitur sæpe nimia calli luxuries; unde media ætas optima hic est. Egregius Chirurgus *Lamotius* (a) ingenuè fatetur, bis sibi hoc infortunium accidisse, dum in difficili partu sortum pedibus extraheret, ut brachium ipsis fractum fuerit, tamen facili apparatu, spatio duodecim dierum hæ fracturæ sanabantur; cum in adultis & senis ad minimum triplò longius tempus requirant, ut consolidentur.

TEMPERIES. Omnes illi morbi, quibus pinguedo corporis tollitur, vel corrumpitur, efficiunt, ut vel non, vel saltem difficillimè, recrecent ossa fracta. Hinc in lue venerea, scorbuto pessimo, rachitide, phthisi, &c, vix curantur fracturæ; ut constitit etiam illis Exemplis, quæ in *Commentariis* §. 344, memorata fuerunt. Sed præterea sortè in quibusdam hominibus latet talis dispositio, per quam non ita facillè ossa fracta consolidantur, licèt cæteroquin nulla notabilis cacoehymia vel aliud vitium occurrat. Celeberrimus *Ruysschius* (b) se tales casus vidisse asserit, licèt omnia ex Artis regulis ad curationem adhibita fuissent. Et in Observationibus suis Anatomico-Chirurgicis (c) narrat quòd in cadavere hominis sani, laqueo suffocati, invenerit duo ex anterioribus carpi ossibus, ante triennium fracta, nondum coaluisse. Vidi mulierem, cui humeri os fractum fuit, & postea restitutum ex Arte, sed nunquam caluit, licèt in flore ætatis esset: unde postea totà vità in loco fracturæ flexile manebat brachium, neque tamen adeo multùm incommodi inde sentiebat. Observavit *Hildanus* (d), in gravidis difficillimè fieri ossium fractorum consolidationem; & casum narrat, ubi in gravida os tibie in medio fractum fuerat (septimum autem jam excefferat imprægnationis mensem) & tamen viginti & tribus septimanis post fracturam elapsis nondum coaluerant fragmenta; tandem trigèsimà septimà curatio peracta fuit. Sed in hac femina insigne vulnus comitabatur fracturam, & fragmenta quædam ossis abfcesserunt, unde sortè credi posset, inde curæ difficultatem & tarditatem ortam fuisse. Sed alibi (e) habet memorabilem Historiam, quæ difficultatem curæ fracturarum in gravidis confirmat: Nobilis matrona, obesa & plethorica, dum equum conscendere vellet, tibiam sinistram inter genu & talum fregit. Eodem die *Hildanus* fracturam felicissimè reposuit, nihilque neglectum fuit, quod curæ felicitatem promovere posset; cùmque nullus dolor, neque ullum aliud malum symptoma accederet, bimestri spatio curam absolvi posse sperabat. Lactabat hæc matrona infantem, cùmque quadragesimo die callus adhuc lubricus & mollis inveniretur, iussit illum ablaetari; & paulò post, apparuit illam gravidam esse, & septem mensibus post acceptam fracturam puellum sanum & vegetum feliciter peperit. Quidquid tentatum fuit toto hoc graviditatis tempore non potuerunt consolidari ossa fracta; licèt morositate hujus matronæ, continuò tarditatem curæ exprobrantis incitatus *Hildanus* omnem diligentiam & industriam adhibuisset. Post partum verò quædraginta dierum spatio callus firmatus est, & membri fracti usus integre fuit restitutus. Hinc concludit, naturam in gravidis, totam in formando & perfici-

(a) Traité complet de Chirurgie, Tom. IV. pag. 171.

(b) Advers. Anatom. Decad. 2, n°. II. pag. 6.

(c) Observat. IV. pag. 8.

(e) Centur V. Observ. LXXXVII. pag. 484.

(e) Centur. VI. Observ. LXXIII. pag. 582.

ciendo sætu occupatam, calli generationem quasi negligere. Similes Observationes, quæ hoc confirmant, habentur & in *Miscellaneis curiosis* (a); ubi tamen & occurrit Historia, quæ constat, in femina jam quinto mense gravidâ, patellam sinistra pedis fractam, sex septimanarum spatio curatam fuisse, sic ut in domo obambulare, licet cum quadam difficultate, potuerit. Unde, licet fortè non videatur universaliter concludi posse, ossium fracturas in gravidis ante partum nunquam consolidari; tamen in talibus casibus merito curæ tarditas & difficultas prædicenda videtur, ne postea in Chirurgum vel Medicum culpa retardatæ quæz coniciatur.

### §. 347. SANATIO requirit,

- 1°. Restitutionem in situm naturalem extendendo, reponendo.
- 2°. Retentionem in eo situ per fascias & machinas.
- 3°. Unitorum, retentorumque consolidationem, enato callo.

Sequitur jam cura generalis omnium fracturarum. Omnis autem sanatio (vide *Commentaria* §. 4.) est mutatio corporis viventis talis, ut conditio corporea, quæ vocabatur morbus, tollatur, & restituatur illud, quod ablatum faciebat morbum. In fractura jam adest, semper cohesionis ablatio, & mutatio sitûs partium hanc comitatur plerumque. Unde patet, ad sanationem requiri sitûs naturalis restitutionem, & unionem partium separatarum. Hæc autem obtineri poterunt illis auxiliis, quæ tribus hujus paragraphi numeris recensentur.

1. Si sitûs partium mutatus fuerit, semper requiritur extensio, antequam rurè reponi possint ossa fracta. Superficies enim fragmentorum sæpe semper plûs minusve asperæ sunt & inæquales; unde, si sine extensione tentaretur repositio, fragmenta ad se invicem attererentur, & sic facillimè eminentes asperitates deterrerentur; quæ vel fragmentorum extremis se interponerent, & consolidationem retardarent; vel inde expulsiæ vicinas partes membranosas & tendinosas irritare & lædere possent; uti optimè monuit *Fabricius ab Aquapendente* (b). Præterea musculi contrahuntur, uti dictum fuit §. 343, simulac ossis cohesio, quæ dirigitur & sustinetur, sublata est. Unde requiritur & illorum extensio, antequam ossa reponi possint.

2. Postquam ossa reposita sunt in situ naturali, si immobilis omnino servari posset pars voluntatis imperio, hoc sufficeret. Sed non advertentibus hominibus, ut in somno v. gr; vel etiam invitis per tussim, sternutationem, risum, &c, sæpe summi in corpore excitantur motus, per quos ossa reposita facillimè iterum loco suo moverentur. Ob hanc causam fasciis, spleniis, ferulis & aliis machinis, pro diversitate partis affectæ, sic firmatur membrum læsum, ut immobile omnino retineatur. Pluribus hominibus accidit primis duabus tribûs noctibus post repositam fracturam, ut membrum affectum in somno subsiliat facis validè, convulsus quasi, unde & tunc cum terrore solent evigilare. Nisi tunc idonea cautela

(a) Decur I. A. 10. Observ. xxv. pag. 21.

(b) Oper. Chirurg. Lib. IV. de fracturis, cap. III. pag. 328.

adhibita fuit, ossa reposita loco moventur, & de novo reponi debent. Quod in se ipso doluit factum fuisse *Paræus* (a), dum quâdam nocte dormienti tantâ vi crurâ fractum subsiliit, ut ossa fracta loco moverentur; unde debebant post extensionem factam iterum, restitui; quod longè majori cum dolore fiebat, quàm primâ vice.

3. Demonstratum; fuit in *Commentariis* §. 343, recrescere ossa fracta & uniri inter se, non interposito glutine, quod separata ossis extrema suâ viscositate retineret, sed verâ unionem substantiæ, simili modo ac in vulneribus partium mollium regenerabantur perdita, & uniebantur divisa. Unde facillè apparet, Artem hîc nihil facere posse, sed solam corporis humani fabricam totum hoc opus abolvere, dum liquida bona per vasa proportionalia apto impetu & debitâ copiâ ad locum læsum ferantur. Omnia ergo, quæ in diætâ regiminè in vulnerum cura generali dicta sunt, hîc conveniunt. Hæcque est ratio, quare in junioribus tam cito consolidatio ossium fractorum observetur: in decrepita senectute tardè, vel non omnino, hoc fit; quò enim propius suæ origini est corpus humanum, eò velocius observatur incrementum. Undè merito dixit *Hippocrates* (b) *Aluntur quædam ad incrementum, & essentiam; quædam ad essentiam solum, ut senes: quædam præterea & ad robur.* Hinc facillè patet, nihil ad calli generationem facere alimenta viscosa, ex cerealibus farinosis in aqua coctis, & glutinosis animalium partibus, quæ laudavit *Fabricius ab Aquapendente* (c). Imò hæc data potius nocebunt, cum assumpta difficiliùs digerantur; inprimis quiescente corpore, & glutinoso spontaneo in primis viis, & deinde sanguine, originem dabant, ut demonstratum fuit in *Commentariis* §. 69. Et *Hildanus* (d) dicit, se observasse in homine quadragenario & bonæ temperiei, cui ab Emperico victus talis ex viscosis præscriptus fuerat, quòd in cachexiam incidere; unde ictero laboravit, aliisque malis, tandemque hydropicus periit. Nec plùs expectandum est ab usu laudati ideo ad calli generationem lapidis osteocollæ, qui cavum in medio habens, quale pro medulla locanda in majoribus ossibus corporis observatur, ossibus specificum remedium credebatur; cum & durâ fragili substantiâ constaret & figuræ quamdam similitudinem haberet. Tutò dari posse iners & terrestre hoc remedium certò constat; vires autem habere tantas in calli generatione, nondum probatum est. *Hildanus* (e) quidem vires ejus extollit, & curæ felicem successum in homine quadragenario cacochymico, cui utrumque cruris os fractum fuerat, usui hujus lapidis interno & externo adscribit; & in puero quatuordecim annorum sanissimo & sanguineæ temperiei nimiam calli luxuriam imprudenti ejusdem lapidis usui tribuit. Sed certè & sine hujus lapidis usu pulcherrimè in adultis fracturæ etiam difficiliter sanantur; & in junioribus callus abundat. Ubi verò in senili corpore deficiens natura languet, non confidebat *Hildanus* solius hujus lapidis usui, sed alia certè magis, efficacia auxilia adhibuit, licèt prosperum successum soli lapidi osteocollæ attribuerit (f). Seni nempe septuagenario & decrepito baculi ictu circa carpum manifestè & completa ossium fractura facta fuerat, & jam ante multos annos paralyti ejusdem lateris

(a) Liv. XV. Chapit. xxv. pag. 346.

(b) Lib. de Alimento. Comment. IV. text. xlv. Charter. Tom. VI. pag. 193.

(c) Opera Chirurg., Liv. IV. de fracturis, cap. vi. pag. 335.

(d) Observ. Chirurg. Centur. I. Observ. xcii. pag. 71.

(e) Ibid. Observ. xc, & xcii.

(f) Observ. Chirurg. Centur. III. Observ. xc. pag. 275.

laboraverat, neque integre ab hac restitutus fuerat. Repositis ossibus fractis, cum iter suscipere cogeretur *Hildanus*, curam domesticis suis reliquit: post mensem rediens, dum examinaret fracturæ locum, invenit ex collisione ossium callum nondum factum esse. Optimo & quàm maximè nutriente, non viscoso tamen, victu præscripto, dedit lapidem osteocollam mane & vesperi, addito cinamomo; deinde totum brachium unguento aromatico stimulante perunxit quotidie, & post inunctionem emplastro simili, cui lapidis osteocollæ pulverem addebat, textit, hisque auxiliis intra paucos dies nulla aderat ossium crepitatio, & quatuor septimanarum spatio fractura curata fuit. Felicem curam lapidis osteocollæ viribus adscribere placuit *Hildano*: sed victus optimus languentes vires excitabat, stimulantis unguenti & emplastri aromatici efficaciam motus major in parte affecta nascebatur; hisque simul conspirantibus integra sequebatur curatio. Quantum autem possit levis talis irritatio partis cujusdam corporis humani, ut deficiens nutritio in hac parte restituatur, dictum fuit in *Commentariis* §. 35. n°. 3. Ubi verò vel vitio fracti ossis, vel totius corporis languore, deficit illa vis, quæ corpus humanum perditam regenerat, & unit separata, frustra datur osteocollæ lapis; uti ipsius etiam *Hildani* testimonio patet. Fatetur enim candidè (a), se frustra hunc lapidem exhibuisse, & externè loco fracto applicuisse in muliere gravida, post partum verò curam optimè successisse. Ex his, credo, satis apparet, similia remedia quidem sine noxa adhiberi posse, sed regenerationem perdiri, & unionem separati, tam in partibus mollibus, quàm in ossibus, expectandam esse à natura corporis humani, quæ sibi soli sufficit.

§. 348. **SI** fracta situm proprium retinent, prima indicatio cessat. Si parum divergunt in latera, requiritur extensio parva.

Si omnino juxta mutua latera pertractata sunt, requiritur ingens extensio, ut intercepta moveantur; & ut debita longitudo & adaptatio fiant.

**SI FRACTA SITUM**, &c. Accidit aliquando, inprimis hyemali tempore; quando major fragilitas in omnibus corporibus observatur, lapsu vel alia de causa frangi ossa, sic tamen, ut fragmenta maneant in situ naturali: talis fractura cognoscitur inprimis ex causa satis valida prægressa, dolore profundo, & dum ab utraque parte loci læsi prehensio manibus membro, sentitur aliquis motus & crepitatio. Si tunc, comparatione instituta cum parte simili sana, nulla mutatio figuræ deprehendatur (posset enim circumtorquendo partium situs mutatus esse, licet fragmenta contigua essent), patet faciliè, nullam extensionem nec repositionem hic locum habere, sed tantùm requiri ad curationem, ut fragmenta in hoc situ retineantur.

**SI PARUM DIVERGUNT**, &c. Fracto osse fit sæpe, ut fragmenta quidem adhuc sibi mutò innitantur, tamen utrimque pars eorundem ad latera emineat. Vel etiam, licet sibi mutò in omni ferè puncto contigua manserint, tamen sic intorta fuerint, ut partium, ossibus his affixarum, situs & directio mutantur; quod ex læsa figura apparebit. In his casibus non requiritur valida extensio, sufficit enim

talis, per quam fragmenta parum tantum à mutuo contactu remouentur, ut sine attritu superficierum possint in debitum situm reponi.

**SI OMNINO JUXTA MUTUA LATERA, &c.** Tunc enim longitudo membri in tantum minuitur, quantum fragmenta supra se mutuo effertur; unde requiritur, antequam restitutio fieri possit, talis extensio, per quam partes omnes ultra naturalem longitudinem parum distrahantur, ut sine partium vicinarum interceptione, & sine attritu ossium ad se mutuo, fragmenta reponi possint. Unde *Calus*, postquam descripsit signa, quibus talis fractura cognosci potest, dicit (*aj*) *Ergo, si hoc depressum est, protinus id membrum oportet extendere. Nam nervi musculique intenti per ossa, contrahuntur: neque in suum locum veniunt, nisi illos per vim aliquis intendit.* Et postea addit: *Ubi verò paulò longius, quam naturaliter esse debet, membrum vis fecit, tum demum ossa manibus in suam sedem compellenda sunt.* Neque adeo facillè in nimia extensione peccatur, imprimis si majora ossa fracta fuerint. Sic *Hippocrates* (*b*) de femoris osse fracto agens, validam extensionem fieri jubet; additque, non lædi partem, licet plùs jussu intendatur. Et alibi (*c*) monet, plerosque minùs extendi quàm decet; puerum verò se vidisse plùs jussu intensum. In juniori ætate enim molliora omnia sunt; hinc validissimà extensione ultra naturalem longitudinem multum distrahi possent\*, quod in adultis non facillè timendum est; imprimis si majora ossa fracta fuerint. Validi enim muscoli & tendines nimiam distractionem facillè impediunt. Præterea peritus Chirurgus manibus palpando locum fractum poterit detegere, an sufficit extensio facta, an verò adhuc validior requiratur. Unde omnes Chirurgi in similibus fracturis validam extensionem jubent: & *Paræus* (*d*), dum crus ejus fractum debebat reponi, sollicitè monebat Chirurgum, ne sibi parceret; & rogabat, ut hoc tempore oblivisceretur, se amicum curare. Quàm valida autem requiratur aliquando extensio in difficillimis casibus, sequens Historia docet. Juveni cruris dextri tibia & fibula prope talum sic fracta fuerant, ut ossium extrema ad binorum circiter pollicum longitudinem per integumenta emerent. Per septem horas sic jacuerat miser, anæquam Chirurgi adesse poterant; unde summa jam membri fracti accuratio, & tumor vicinarum partium, aderant. Magnum simul vulnus hanc fracturam comitabatur, & ingenuè fateretur celebris Chirurgus (*e*), quòd tantam extensionem fecerit ad reponendum ossa fracta, ut alter, qui ipsi opem ferebat, Chirurgus moneret sæpius, caveret, ne pedem aveleret. Quomodo autem extensio membri fracti commodè fieri possit, & quibus legibus, sequens docebit paragraphus.

**§. 349. EXTENSIO** fit, 1. Apprehenso osse prope fracturam manu, vel laqueis. 2. Firmato agro. 3. Disposità parte in situ naturali. 4. Distractione lentà, rectà, partium fracturarum eà vi, eousque, prout vis contractorum musculorum requirit. 5. Vi & applicatu instrumentorum mechanicorum, si robur manùs deficit.

1. Si nihil impediatur, prope locum fracturæ manibus prehendum est mem-

(a) *Medecin. Lib. VIII. cap. x. pag. 322.*

(b) *Lib de fracturis Comment. II. Textu*

*xviii. Charter. Tom. XII. pag. 322.*

(c) *Ibid. Comment. I. Textu xix. pag. 167.*

(d) *Liv. XV. Chap. xxiii. pag. 344.*

(e) *De la Motte, Traité complet de Chirurgie, Tom. IV. pag. 293. & suiv.*



brum affectum. Vulnus, ingens contusio, musculi loco suo moti, & miro sæpe modo mutantis partis figuram, aliquando verant, ne in vicinia fracturæ ulla vis adhibeatur. Cùm autem Chirurgus, qui ossa fracta reponet, non possit ipse extensionem membri fracti simul facere, nisi in minoribus ossibus, ut v. gr; digitorum phalangis, &c; indiget ad hanc rem ministris, qui hanc extensionem faciunt, dum ille ossa fracta in situm reponere tentat. Chirurghi peritissimi in gravioribus casibus ideo alios Chirurgos in auxilium vocant inprimis, ut debita extensio ab exercitatis fiat, qui noverunt hanc quàm aquabililimè perficere; illud enim quàm plurimùm ad felicem restitutionem facit. Quia autem pars sæpe satis diu debet extensa retineri, antequam in debitum situm ossa fracta reponi possint, ideo illi, qui partem extendent, debent sic locari, ut satis diu sine molestia in eadem corporis positura manere possint; aliter enim turbaretur operatio. Omnium optimum est manibus extensionem facere, quia sic meliùs dirigitur, & faciliùs percipitur, si à rectitudine deviet: si autem crassities membri fracti impedit, quominus manibus firmiter prehendi urimque possit, ut v. gr; in fractura ossis femoris; tunc laqueis utrimque prehensam partem extendere oportet. Ideo Celsus, dicit (a) *Intendere autem digitum vel aliud quodque membrum, si adhuc tenerum est, etiam unus homo potest; cum alteram partem dextra, alteram sinistra prehendit. Valentius membrum duobus eget, qui in diversa contendunt. Si firmiores nervi sunt, ut in viris robustis, maximeque eorum feminibus & cruribus evenit, habenis quoque vel lineis fasciis utrimque capita articulorum deligenda, & per plures & in diversa ducenda sunt.*

2. Nunquam debet tentari repositio ossis fracti, nisi æger vel ligaturis vel à ministris idoneis retineatur immobilis. Nec confidendum hic facillè magnanimitati & robori ægri, cùm sæpe dolor acerbus ab extensione membri fracti ortus cogere vel fortissimum quemque, ut invitus resisteret & impediret operantes.

3. Sitūs naturalis partium dicitur ille, qui in homine quiescente adest, & inprimis in dormiente; tunc enim omnes motus voluntarii cessant, & partes suæ sponte, maximè in naturali situ disponuntur. Numquam articuli extensi sunt, numquam omnino inflexi, sed leviter tantùm. Dum autem partes in hoc situ naturali sunt, musculi omnes minimè tensi sunt: si ab hoc situ, etiam contra voluntatis imperium, pars remouetur, musculi illi, qui per voluntatem sic poterant mutare situm partis, turgeant. Sic. v. gr; validus musculus deltoideus brachium elevat; si verò brachium ejusdè ab altero homine attollatur, turgebit manifestè idem musculus, licet non tam fortiter, quàm si per voluntatis imperium brachium elevaretur. Sed dum extendetur membrum fractum, ut ossa reponi possint, debebunt elongari musculi, quod ergo longè minori vi fiet, si musculi fracti fuerint, & contra longè validiore distractione opus erit, si iidem musculi turgeant.

Præterea, si distensio membri fiat, dum illud non hæret in situ naturali, debet postea ossibus repositis in situm naturalem reponi, quia in alia positura non poterit ita manere sine dolore: sed tunc mutabitur situs partium, & sæpe ex suo loco ossa iterum recedent. Hoc voluit Hippocrates dum dixit (b) *ex quiescente quidem ac remisso rectitudines (Θωείας) spectandæ sunt, velut in manus figura. Et*

(a) Medicin. Lib. VIII. cap. x. pag. 531.

(b) Lib. de Medici Officina, Comment. III. Text. 222. Chatter. Tom. XII. pag. 87.

Galenus in Commentariis suis in hunc textum dicit (a): *Quibus in figuris, quum oīamur, singulas corporis partes habere consuevimus, hæ in curationibus eligendæ sunt.* Et paulò post pro Exemplo manuum situm naturalem describens addit: *Itaque, si homines oīari consideraveris, plerumque manus inter summam extensionem & extremam flexionem non planè medias comperies, sed quæ ad extensionem propendeant.* In ipso verò initio libri de fracturis Hippocrates postquam monuit, debere Medicum (b) *tum luxationum, tum fracturarum, intensiones quàm rectissimas facere, agens de manu fracta, dicit (c) qui igitur prævio consilio nihil prospiciunt, plerumque nihil peccant. Qui namque deligatur, ipse iustâ naturâ coactus, manum ita porrigit. Qui verò Medici sapientes sibi videntur, hi sunt nimirum qui peccant.* Postea satis prolixè improbat illorum opinionem, qui manum pronam deligebant; & longè magis culpât illos, qui supinum manûs situm eligebant cùm longè adhuc magis incommoda sit hæc positura. Monet deinde pulcherrimè, quòd dum quidam extensam manum deligaverant, plures alios dolores, ipsâ læsione majores, excitaverint; dùmque postea flectere jubebant, nec ossa, nec nervi, nec carnes eodem habitu ampliùs consisterent, sed superatâ vinculi firmitate, in situ mutarentur. Et alibi de fractura brachii agens dicit (d) *si brachium extendatur, eoque sic figurato, intentio adhibeatur, humeri lacerius intentus alligabitur; atque ubi qui deligatus est cubitum curvet, humeri lacerius habitum mutabit.* Patet ergo, quanti momenti sit hæc regula in fracturis curandis. Sic v. gr; ossis humeri naturalis positura est parallela corporis trunco, dum nulli musculis agunt; ubi ergo illud fractum fuit, tali in situ debet poni, dum extendetur. Si ossa cubiti fracta fuerint, cubiti articulo leviter flexo, manûs situs inter pronum & supinum medius esse debet. Idem de reliquis verum est.

4. Festinatio hic semper nocet, requiritur enim ut fragmenta ossis, quæ juxta mutua latera pertractata fuerunt, sine ulteriori partium læsione iterum in situm suum redeant. Nisi autem recta extensio fiat, fragmenta hæc lædent magis vicinas partes. Distractio autem hæc lentè debet fieri, quia musculi contracti, & sæpe contorti, non possunt simul & semel elongari validè vi sine convulsionis metu. Unde extensio membri fracti sensim augeri debet quàm æquabilissimè; sic enim partes contractæ omnium tutissimè elongabuntur. Ideo Hippocrates (e) in restitutione brachii fracti voluit, ut ligno vel alio simili fulcro sub ala transmissio homo ferè suspendatur; saltem sic ponatur, ut vix sedere possit, deinde cubito sic flexo, ut rectum angulum cum osse humeri faciat, lorum molle circumponatur, & inde pondus grave suspendatur, quo moderatè extendi posset pars affecta: deinde addit, quòd robustus homo ponderis vicem supplere posset, deorsum trahens partem affectam. Facile autem patet, quòd homo partem trahens imitari debeat, quantum possibile est, æquabilem illam vim, quâ pondus appensum partem elongat. Limes autem extensionis est, quando paulò longius, quàm naturaliter esse debet, membrum vis fecit, ut dictum fuit ex Celfo in precedenti paragrapho; tunc enim poterunt fragmenta in situm reponi sine attritu ad se mutuo, vel interceptione partium vicinarum. Neque facile peccari posse nimia extensione, in primis in majoribus ossibus fractis, ut femoris v. gr; ibidem ex Hippocrate probatum fuit. Majori autem minorive extensione opus erit, prout validiores mus-

(a) Lib. de Medic. Officin. Comment. III. Text. xxi. Charter. Tom. XII. pag. 88 89.

(b) Lib. de fract. Comment. I. Text. 1. Charter. Tom. XII. pag. 153.

(c) Ibid. Text. iv. & v. pag. 158.

(d) Ibid. Comment. II. Textu II. pag. 188.

(e) Ibid. Text. III. pag. 189.

culi ossibus fractis affixi fuerint; ab illorum enim contractione accurratur membrum. Unde de femoris ossis fracturis dixit *Celsus* (a) *Neque tamen ignorari oportet, si femur fractum est, fieri brevius, quia nunquam in antiquum statum revertitur; summisque digitis postea cruris ejus insisti: ex quo multa debilitas est; fædior tamen, ubi fortunæ negligentia quoque accessit.* Posset tamen aliquando nimia extensione, imprimis si instrumentis mechanicis fiat, lædi partis usus, nimis distractis musculis; unde illorum debilitas sæpe nasci posset, ut probatum fuit in *Commentariis* §. 25. n°. 3. Dum autem peritus Chirurgus locum fractum manibus tangit, cum extensione, facile poterit percipere an extensio facta sufficiat, an verò adhuc validior requiratur.

5. In osse femoris fracto reponendo, in hominibus adultis & robustis, sæpe deficit manu robur, unde ab omni tempore machinas tunc adhibuerunt. *Hippocrates* ipse (b) varias describit, ut cruris vel femoris ossa restitui possent, ubi manibus hoc perfici non poterat: monet tamen (c) inanem ostentationem esse uti machinis, si res non exigit. Variæ tales machinæ apud *Paræum*, *Fabricium* & *Aquapendente*, in *Actis Academiæ Regiæ Scientiarum*, &c, depinguntur, in quibus omnibus ferè partes firmatæ cochleis circumductis elongantur pro lubitu. Requiritur in his, ut æquabilissima tractio fiat, non per subultus, & directio talis sit, ut secundum rectitudinem agere possint.

§. 350. QUÆ (348. 349.) quum sine vi & dolore sæpe vix fieri queant, ubi partes jam inflammatæ, sæpe omitti debent, donec sedata inflammatio. Aliter convulsi moriuntur, vel gangrænâ corripiti.

Si diu fracta fuerint ossa, solet magnus tumor nasci, quem dolor acutus & valida inflammatio comitantur sæpissime. Sed omnis extensio membri fracti, siue manibus siue machinis fiat, requirit satis validam vim, & rudiorum attractum partis affectæ. Crudele autem foret, partem jam inflammatam validè, & dolen- tissimam sic vexare; cum ob doloris acerbitem summam convulsiones metuenda sint, & à partis inflammatæ rudiori tractatione gangræna expectanda. Unde prudenter monuit *Celsus*, postquam jussit membrum, fractum debere extendi: (d) *Rursus, si primis diebus id omissum est inflammatio oritur, sub qua & difficile & periculose vis nervis adhibetur: nam distentionem nervorum vel cancer sequitur; vel certe, cum missimè agitur, pus. Itaque, si ante reposita ossa non sunt, post eam reponenda sunt.* Et *Hippocrates* (e) de ossibus fractis, quæ per cutim emerferant, resiliendis agens, pariter monet, non lacessendas esse partes, ubi inflammatio adest; unde eodem die vel postridie hoc tentari posse dixit: sed non tertio, quarto, vel quinto die; tunc enim major metus est convulsionum, si os restituitur, quàm si relinquatur. Simul addit, admodum angustam spem superesse; si reposito osse convulsio succedat; tuncque præstare dicit, ut iterum os expella

(a) *Medicin. Lib. VIII. Cap. x. pag. 537.*

(b) *Lib. de Fract. Comment. II. Text. XLII.*  
 11. *Chart. Tom. XII. pag. 109. & seq. & Com-*  
*ment. III. Text. XI. pag. 152.*

*Tom. I.*

(c) *Ibid. Comment. II. Text. LXIII. pag. 176.*

(d) *Medicin. Lib. VIII. Cap. x. pag. 512.*

(e) *Lib. de Fract. Comment. III. Text. XLII. XLIII. Chart. Tom. XII. pag. 152. 153.*

tur, si sine magna molestia fieri possit. Voluit tunc expectandum esse, donec septem vel paulò plures dies transierint, tuncque tandem, si febris & inflammatio absint, tentandam esse repositionem. Et in alio ejusdem libri & commentarii loco (a) agens de illis fracturis, in quibus femoris humerive os excessit, monet, sic nervos, venas musculos lacerari; & quòd, si reponantur, soleat convulsio sequi; magis verò evadere illos, quibus nequidem tentatur horum ossium repositio.

Ubi ergo vel ob ingentem lacerationem partium vicinarum, vel ob nimiam moram antequam cura adhiberi potuit, magnus tumor, dolor, & valida inflammatio partem occupant; certi sumus, rudiori tractatione gangrænam vel convulsionem metuenda esse. Antequam ergo repositio tentari possit, requiritur, ut hæc symptomata tollantur, vel saltem mitigentur plurimum. Valida tunc venæsectio, somenta vel cataplasmata mollissima parti læsæ applicata, interna remedia antiphlogistica, largus, satis diacodii usus, hæc spe adhibentur, ut minuantur dolor & inflammatio, & tumor partis subsideat. Pro re nata hæc auxilia repetuntur, donec effectus respondeat Medentium votis; & tunc tandem, non prius, repositio tentari potest. Si verò his omnibus adhibitis symptomata mancant æquè vehementia, vel & augeantur, prudentia postulat ut nihil tentetur ulterius, sed tunc sola exstirpatio membri superest, si metuatur sphacelus: vel relinquenda sunt ossa fracta, totumque opus soli naturæ committendum est. Unde, ut dictum fuit in *Commentariis* §. 343. *Hippocrates* monet Medicos, ut fugiant tales casus, si sine ignominia possint. Si enim non reponantur ossa fracta, Arte desistitur Medicus videbitur; si verò reponantur, ægro magis ad interitum, quam ad salutem est.

Quamvis autem ossa fracta, si fieri possit, quam citissime reponi debeant, tamen etiam post plures dies non desperanda est illorum reductio. *Hippocrates* (b) de fractura ossium cubiti agens, dicit, postquam methodum deligandi membra fracta descripserat, quòd septimà die locus fractus jam adeo grácilis fiat, subsidente omni tumore, ut ossa fracta facillimè moveri & in debitum situm redigi possint, si inde recesserint, vel non bene adaptata fuerint in initio. Unde patet, post tantum temporis intervallum adhuc dirigi posse & consolidari ossa fracta.

§. 351. **SI** fragmenta libera eximenda, si facillè fieri queat. Si acutina eminentia extensionem planè prohibent, & patent, excindenda; si latent, incisione detegenda prius. Si fractura composita: valde & complicata, inprimis cum ingenti simul contusione, ossium contritu, vasorum magnorum destructione, requiritur illico; si nihil vetat, exstirpatio.

Magnam molestiam in fracturis curandis faciunt fragmenta & festuæ offæ; inprimis si acutæ lædant vicinas partes. Satùs frequenter hoc accidit, ubi tibia & fibula simul fracta sunt; & satis patet, pessima inde fieri posse mala, si extendendo membrum fractum his aculeis irriterentur musculi vicini, vel tendines. Un-

(a) Text. XLVII. pag. 157a.

(b) Lib. de Fract. Comment. I. Text. XLII. Charter. Tom. XII. pag. 178a.

de merito concluditur, hæc tollenda esse, inprimis si undique à cohesione libera fuerint; tunc enim instar corporis heterogenei curationem impediunt. Semper tamen priùs examinari debet, aneductio talis fragmenti sine difficultate & magna irritatione partium fieri possit: aliter potius relinquenda forent, sponte enim postea hæc separabuntur & expellentur. De his agens *Celsus* dicit, (a) *Si id majus est, membranulisque cingitur, finire oportet has sub medicamentis resolvi*. Illis autem celerimè abscedere hæc fragmenta monuit *Hippocrates* (b) *quibus celerimè pus apparet, & celerimè etiam atque optimè caro increscit: caro enim quæ in viata parte succrescit, plerumque os attollit*. Et in alio loco agens de illo casu, ubi præter expectationem aliquid abscederet ab osse dicit, signum esse ossis abscissuri, (c) *quod pus ex ulcere amplius profuit, & videtur ad exitum festinare* (& ἵππ. παρ. 14): Inse ipso prædixit *Paræus* (d) ossa abscissura, dum tenuis & crudus ichor exiret de vulnere, & labia tumerent, carnesque molles instar spongiæ apparerent. Quanta autem fragmenta sic aliquando folius naturæ ope separantur, patuit. Exemplo in *Commentariis* §. 343, allegato.

SI ACUMINA EMINENTIA, &c. Aliquando accidit, ipsa ossis fracti extrema acuta esse, quod genus fracturæ pessimum esse meritò dixit *Celsus* (e), quia non faciliè in situ retineri possunt, ubi reposita sunt, & vicinas partes vulnerant. Si tunc extensio membri fracti ab his acutis eminentiis prohibeatur, nil superest, quàm ut abscondantur; si nempe emineant. De his agens *Celsus* dixit (f) *si acuum, ante acumen ejus, si longius est præcidendum; si brevius, limandum, & utrumque scalpello lavandum: tum ipsum recondendum est*. Et *Hippocrates* monuit, eminentia ossa præcidenda esse in fracturis, si nempe noxia sint, carnes vulnerent, aut molestiam afferant, vel nuda sint: deinde dicit (g) *reliqua verò non multum refert, præcidantur necne: scire enim certum licet, ossa, quæ carne nudata sunt ex toto, & arida, omnia penitus abscissura: ea verò præcidi non oportet, à quibus squama resolvenda est*. Imò eadem hæc fragmenta, si vicinas partes læserint, & debitam extensionem membri fracti impediunt, interim tamen sub integumentis lateant, his discissis tollenda sunt, licet hoc crudele videatur. Vulgò solet credi Chirurgo, Artis suæ exercitio induratos, proximi miseras sepe nimis vilipendere, & ferro igneque uti aliquando in talibus casibus, ubi mitior cura, quamvis fortè tardior æquè tuta fuisset. Ubi autem ipsi similibus calamitatibus affliguntur, tunc saltem vix credibile videtur quòd crudelem curam mitiori præferrent, nisi gravissimas ob causas. Sed *Paræus* pessimam cruris fracturam passus, expertissimum Chirurgum, qui ipsi aderat, secrò monuit, ne parceret amico, sed vulnus novaculà dilataret, ut ossa commodius restitui possent, & digitis educi fragmenta, quæ undique à vicinis partibus libera inveniebantur. (h).

SI FRACTURA COMPOSITA VALDE, &c. Si tanta fuerit laceratio & destructio partium, ut omnis vitalis humorum per partes circuitus abolitus sit, nul-

(a) Medicin. Lib. VIII. Cap. x. pag. 340.

(b) Lib. de Fractur. Comment. III. Text. xlv. Charter. Tom. XII. pag. 355.

(c) Ibid. Text. xviii. pag. 340.

(d) Livre XV. Chapit. xxv. pag. 346.

(e) Medicin. Lib. VIII. Cap. vii. pag. 524.

(f) Ibid. cap. x. § 39.

(g) Lib. de Fractur. Comment. III. Text. xlv. Charter. Tom. XII. pag. 356.

(h) Annot. Paræ Liv. XV. Chap. xxiii. pag. 344.

la ampliùs spes superest; brevè enim corruptentur omnia: unde tunc unicum remedium est partis sic affectæ exstirpatio; si ipse sit, salvâ vitâ illam institui posse. Omnis enim separatio corrupti, & unio illorum, quæ soluta sunt à cohesione, à sanis humoribus per vasa bona allatis pendet. Ubi ergo vasis majoribus læsis, vel destructâ per ingentem contusionem partium fabricâ, tollitur humorum motus per partes læsas, nil boni sperari potest. Notandum tamen quàm maximè, non tentandum esse ultimum hoc & periculosum adeo auxilium, priusquam omnino certi sumus nihil vitale ampliùs in parte superesse. Mirabiles enim casus, docuerunt, rediisse aliquando vitam in partibus, quæ omnino mortuæ credebantur. Unde præstat saltem per unum alterumve diem expectare, interimque partem læsam fomentis antisepticis sic munire, ut non putrescat. Talia enim habemus in Arte remedia, quibus confidere possumus, ut in cura contusionis dictum fuit. Ut autem demonstretur, etiam in pessimis fracturis non statim ad exstirpationem veniendum esse, sufficiet mirabilis casus, cujus facta fuit mentio in *Commentariis* §. 343. Homini currus aliquot librarum millibus onusti rota supra crus transiens tibiam & fibulam miserrimè fregerat, cum tam valida contusione & dilaceratione partium, ut uno alterove forficis ictu tota pars exstirpari potuisset quàm facillimè. Ossa omnibus tegumentis nuda erant, ingens hæmorrhagia debilitaverat ægrum, omnia vicina pessimè confusa tumebant immaniter; vixque ulla spes apparebat, posse sustineri diu vitam in hac parte tam enormiter læsa. Restituit tamen ossibus sequitur ingens suppuratio, tumor aderat ingens, & cadaverosus odor pessima quævis metuenda esse indicabat. Unde non sine ratione peritissimus Chirurgus in consilium vocatus exstirpationem suadebat. Alter tamen, quia ab initio curæ præfuerat, confidens ægri robori & bonæ temperiei, cumque simul anni tempestas faveret, nulla febris adesset, neque magnus dolor, distulit anceps hoc & crudele remedium, partemque læsam vino ejusque spiritu continuò fovens arcebat omnem putredinem. Post binos menses separabatur ingens portio ossis tibiæ, dum interim fibulæ fragmenta consolidata fuerant. Amissa tibiæ pars bono callo restituta fuit, & anni spatio integra cura facta fuit, post tam enormem læsionem superflite integro partis usu, sine ulla deformitate (a).

§. 352. **RESTITUTIO** fit partem rite extensam (349), & paratam (351), cautè, lentè, leniter ita intorquendo, donec os ossi debito in loco occurrat, musculi vero revulsi suo in situ sint repositi, nihilque intercipiatur.

Chirurgus, qui curæ præest, aliis Chirurgis præsentibus, vel ministris, extensionem partis fractæ peragendam quidem tradet, sed repositionem partis rite extensæ ipse perficere debet. Ab hac enim tota curæ pulchritudo pender. Ideo *Hippocrates* (b) monuit, ita ægrum collocandum esse, ut pars affecta luminis sic exponatur, ut in extensione partis non lateat manu operantem, num factis in directum sit posita. Si tunc eousque extensio facta fuerit, ut ossa, quæ supra se mutuo efferebantur, possint sine læsione partium vicinarum iterum in pristinum

(a) De Lamotte, *Traité complet de Chirurgie*, Tom. IV. pag. 284 -- 250.

(b) Lib. de Fracturis, Comment. I. Text. XVII. Charter. Tom. XII. pag. 166.

situm reduci, manubus oberrando circa locum fracturæ illa quæ loco mota sunt dirigit Chirurgus & reponit. Inprimis hic notandum est, non sufficere, ut fragmenta iterum sibi mutuo insistant, sed requiri, ut illum omnino situm obtineant, quem ante fracturam habuerunt. Osse v. gr; humeri fracto, possent fragmenta sic sibi adaptari, ut penitus intortum esset brachium, & omnium musculorum adiacentium situs & directio mutarentur; unde magna deformitas & depravatio usûs partis affectæ sequeretur. Magnâ ergo hic cautelâ opus est, neque festinandum nimis; difficulter enim postea corrigi poterit error semel commissus. Dum autem debita extensio facta fuit, simulac remittitur pars extensa, musculi ossibus affixi suâ contractione solent in debitum situm redigere fragmenta; vel si deviant, aut intorta fuerint, poterit peritus Chirurgus leviter intorquendo vel premendo illud corrigere.

Simul notandum est, partem extensam non simul & semel, sed sensim, debere remitti; aliter enim periculum foret, ne aliquid de partibus vicinis fortè interciperetur inter ossis fragmenta, dum sibi mutuo applicantur; unde impediretur fragmentorum coalescentia; dolor, inflammatio & alia pessima symptomata sequerentur, uti facillè patet.

§. 353. **Id** notescit ex Anatomicis, comparatione partis sanæ, dolore sublato, longitudine & figurâ naturali reddita.

Postquam in situm suum reposita esse ossa fracta creditur, antequam deligatio fiet, prius sollicitè examinandum est, an quidem repositio sic facta fuerit, ut fragmenta & aliz partes vicinæ naturalem situm obtineant. Solentque tunc Chirurgi Medicum præsentem rogare, ut illud examinet. Cognoscitur autem hoc.

**EX ANATOMICIS.** Inde enim ossium situm & figuram novimus: & in illis locis, ubi ossa nuda facillè tangi possunt, v. gr; si tibia fracta fuerit, digitis oberando secundum totam longitudinem spinæ ossis tibiæ, facillè detegitur an ossa fracta deviant à naturali situ, an non. In aliis verò locis, ubi crassius musculis ossa teguntur, an adeo facillè hoc sic determinari poterit.

**COMPARATIONE PARTIS SANÆ.** Maximi momenti hoc signum est, cui confidere licet, ut certa habeatur cognitio, ossa fracta bene reposita esse. Si v. gr; cruris ossa fracta fuerint, illis repositis crus affectum cum altero crure sano conferendum est, & sollicitè examinandum, an in utroque membro isidem in locis similes prominentiæ, cavitates, &c. occurrant. Musculi enim ossibus affixi suâ mole & positurâ figuram membri faciunt, quæ ergo si eadem omnino appareat in membro læso & sano, certi sumus omnes partes debitum situm obtinere. Hoc etiam videtur indicasse *Celsus* dicens, postquam ossa in suam sedem restituta fuerant, (a) *At membrum alteri æquaturn, involvendum duplicibus triplicibusque pannis, &c.*

**DOLORE SUBLATO.** Dum fragmenta supra se mutuo efferuntur, non potest hoc fieri, quin vicinæ partes premantur, & distrahantur; & si acuta fuerint fragmenta, eorumdem laceratio & punctura sequuntur necessariò: unde facillè patet ratio, quare tam enormis dolor fracturam ossium comitetur sæpe. Simulac autem

(a) Medicin. Lib. VIII. Cap. x. pag. 531. 533.

ossa reposita sunt, cessat hujus doloris causa; unde statim dolor omnis abest, vel saltem insigniter minuitur, aliquando enim à valida contusione aut laceratione partium aliquis dolor manet, postquam optimè etiam reposita sunt ossa: simul etiam certi sumus, nihil interceptum fuisse inter fragmenta reposita, si dolor cessat. Unde absolute posuit Celsus (a) *Indiciumque ossis repositi est dolor sublatus.*

**LONGITUDINE ET FIGURA NATURALI REDDITA.** Quod cognoscitur, comparando partem læsam cum parte sana. Si enim fracta ossa (b) *non adversa, sed obliqua junguntur (quod fit, ubi loco suo non sunt), membrum id altero latere brevis est, & musculi ejus tument.*

In comparanda autem longitudine membri fracti magnâ attentione opus est, cum aliquando acciderit peritissimos etiam in hac re falli. Homini femoris os circa cervicem ejus ruptum fuerat, unde primò pro luxatione habebatur hæc fractura. Repositis, in situm, ut credebatur, naturalem, fragmentis, comparabant Chirurgi longitudinem partis læsæ cum parte sana, & inveniebant partem læsam breviorē esse: sed quia sine ulla vi poterat ad eandem longitudinem cum parte sana reduci, nihil mali suspicabantur. Peractâ tamen curatione homo claudicabat, & membrum fractum brevius apparebat altero sano. Dum in lecto decubentem examinabant iterum, & utrumque crus extendebatur, sine difficultate ad eandem longitudinem poterat membrum læsum reduci. Inventum tunc fuit, quòd os ilium ejusdem lateris descendebat, dum extendebantur crura, & sic fallax apparebat æqualitas, dum lumborum flexibilitas facillè permittit, ut unâ cum femore os ilium deorsum iret. Unde in tali casu, dum comparatur longitudo partis læsæ cum parte sana, debet Chirurgus certus esse, ossa illi ab utroque latere in eadem altitudine esse posita (c). Potest enim æger, ut dolorem evitet, os illi unius lateris attollere vel deprimere.

§. 354. **RETENTIO** in situ fit fasciis, spleniis, ferulis, canaliculis quietem conciliando, tum impediendo & dirigendo actionem musculorum.

Longè difficilior est sæpe in situ retinere ossa jam reposita, quàm vulgò creditur, & in hac parte curæ fracturarum, peritia & dexteritas Chirurgi imprimis apparent. Musculi enim ossibus affixi suâ actione poterunt fragmenta ex situ naturali removere: tussi, sternutatione, motu membri læsi, tempore somni, &c. simile infortunium accidere poterit, uti in se ipso factum doluit *Paræus* (d) dum dormienti, musculis convulsis validâ vi, attolleretur crus fractum, unde statim fragmenta à mutuo contactu movebantur, quæ novâ extensione factâ iterum debebant reponi, non sine summo dolore, quem inflammatio, febris, & suppuratio sequebantur.

Unde requiritur, ut sic firmetur membrum læsum, ut immobile omnino sit. Hoc autem fit.

**FASCIIS.** Variæ adhibentur membris fractis fasciæ, prout nempe diu relinquatur, vel sæpius debet renovari apparatus. In fractura simplici spiralis fascia unius

(a) Medicin. Lib. VIII. Cap. x. pag. 532.

(b) Ibidem.

(c) Académ. des Sciences l'an 1722. Mém.

pag. 450. 451.

(d) Livre XV. Chap. xxv. pag. 346.



vel duorum capitum sufficit (a). Ubi autem vulnus, confusio valida, inflammatio, &c, fracturam comitantur, incommodum foret quotidie hunc apparatus solvere, ut tractari possit locus affectus; cum deberet attolli membrum læsum, ut fascia spiralis circumducta auferri, atque iterum applicari posset: quod vix fieri poterit sine periculo separationis fragmentorum à se invicem. Ideo aliam methodum excogitaverunt Chirurghi; fasciam nempe libriformem vel octodecim capitum dictam adhibent, quæ ex tribus linteis, sibi mutuo impositis, & utrimque binis scissuris in tria capita divisus fit; sic tamen ut illud linteum, quod membrum læsum tangit, brevius sit; sequens parum longius, extremum iterum longitudine superet medium. Oxycrato vel simili liquido madens hæc fascia libriformis supponitur parti læsæ, & deinde capita primi linteï supra se mutuo parum decussatim ponuntur, à mediis capitibus incipiendo; postea eodem modo & reliquorum linteorum capita uniuntur. Unde requiritur, ut horum linteorum longitudo partis affectæ crassitiem superet, nec nimis tamen. Melior tamen idea talis fasciæ habetur ex figuris Auctorum, quam ex descriptione: videatur *Heisterus* (b) & alii, qui de hac res scripserunt. Quamvis autem Recentiorum inventis hæc fascia annumeretur, videtur tamen apud *Hippocratem* similis ferè describi (c). Ubi enim expectabat, majus aliquod fragmentum abscessurum esse, jubet, ut duplices panni sumantur dimidium spiritamam, non minus, lati, quoad longitudinem paulo breviores; quàm ut bis membrum fractum complectantur, multò tamen longiores, quàm ut semel; totque numero sint, quot res postulat. Intinctos hos pannos vino nigro austro voluit medios applicari loco affecto, ut fasciæ duorum capitum solent; deinde permutando capita, dextrum versus sinistram, sinistrum autem versus dextram partem (*πρὸς τὴν ἀντιπρὸς*) procedere, neque ullo modo adstringi hæc jubet, sed sic insidere, ut ulcus sulciant. *Galenus* in Commentariis suis hunc textum *Hippocratis* explicans satis similem fasciæ, libriformis dictæ, descriptionem habet. *Celsus* tamen in cura fracturæ, quam carnis vulnus comitatur, similis fasciæ nullam mentionem facit; sed tantum monet, laxius deligandam esse partem, quàm si ea plaga non esset; & (d) numero potius fasciarum id agendum est, ut laxæ quoque aequè contineant. Pulcher usus fasciæ hujus in eo consistit, quòd immoto membro fracto commodissimè possit renovari apparatus ad curam vulneris requisitus.

Illas autem proprietates, quæ in omnibus fasciis requiruntur, pulchre recensuit *Hippocrates* dicens (e): *fasciæ parandæ sunt leves, tenues, molles, munda, late, nullas suturas, nullas exstantias habentes, atque ita validæ, ut extensionem ferant, pauloque fortiores, non aridæ, sed liquore madentes, quo quæque inebriari consueverunt.*

Facile patet, fasciam illam, quæ libriformis dicitur, non tam validè firmari partem fractam, quàm illa, quæ spiralibus gyris circumducitur; sed vulnus aut ulcus, vel ingens confusio fracturam comitans, validam compressionem minimè ferrent, unde tunc libriformis illa fascia sufficit. Spiralis autem fascia hunc usum inprimis habet, ut æquabili pressione fragmenta reposita in situ retineat, & solent ideo fractu-

(a) Heister Institut. Chirurg. Tab. II. lit. B.C.

xxi. Charter. Tom. XII. pag. 247.

(b) Institut. Chirurg. Tab. IX. fig. 4. & Tab. XXXVIII. fig. 25.

(d) Medicin. Lib. VIII. Cap. x. pag. 539.

(e) Lib. de Fracturis, Comment. III. Text.

(e) Lib. de Medicis officina, Comment. II. Text. xvi. Charter, Tom. XII. pag. 62.

re loco primum fasciæ gyrum circumducere Chirurgi; & si v. gr; primam hanc fasciam à sinistra parte in dextram circumduxerint, postea aliam fasciam, iterum à fracturæ loco incipiendo, à dextra parte in sinistram circumvolvunt, ut fiat maxima æquabilitas pressionis, illaque inprimis in fracturæ locum agat. Quæ omnia iterum pulcherrimè descripsi Hippocrates. De cubiti enim ossium fracturis curandis agens dicit, (a) *Postea lineæ (fasciæ) deligare, capite supra fracturam injecto; sic ut firmet quidem, non tamen vehementer comprimat. Ubi super eadem fracturam, bis terve fasciam circumjecerit qui deligat ad superiora distribuatur; quò sanguinis affluxus interceptiatur; illicque desinat. At prima lineæ (fasciæ) minimè longa esse oportet. Secundarum verò fasciarum caput quidem supra fracturam injiciendum est. At semel eodem involvatur; tum deorsum demittatur, leniùs adstringatur, atque ex majori intervallo circumdetur. Ubi & plura alia utilissima circa fasciarum usum monita habentur; uti & apud Celsum (b).*

**SPLENIIS.** Monuerat (Hippocrates), quòd (c) *probe nosse deet omnem fasciam ad decliviam, & acuminatam diffugere, ut capitis sursum, tibiæ, deorsum. Id. & quæ alibi dixit, (d) quæ extremitate tenuantur, pannis (spleniis) æquanda sunt in orbem datis.* Illum ergo usum splenia inprimis habent, ut idoneo loco posita partis affectæ figuram reddant cylindricam, ut fasciæ firmiùs hæerere possint, neque sponte versus tenuius membri extremum delabantur. Præterea, dum ossis femoris fracti extremum v. gr; versus exteriorem partem excessit, poterit spleniis applicatis sic determinari fasciæ circumductæ pressio, ut magis agat in illum locum, sicque impediatur, ne faciliè musculorum actione, vel alia de causa iterum loco moveantur ossis fracti partes. Quantum præterea usum habeant splenia in dirigendo & impediendo musculorum actionem, statim dicetur.

**FERULIS.** Licet spleniis appositis, fasciisque circumductis, pars læsa quàm optime munita fuerit, non poterit tamen sic caveri, quominus in fracturæ loco flecteretur membrum, si in fomno v. gr; fortè moveretur; unde turbaretur situs partium repositarum. Ob hanc causam Chirurgi membro fracto, spleniis & fasciis jam munito, circumponunt in tota ferè longitudine assulas, ex charta craffiori (bortpapier) vel ex tenui ligno factas, ut hoc impediatur. In his requiritur talis firmitas, ut cavere possint flexuram in fracturæ loco; simulque possint utcumque accommodari figuræ partis læsæ, sintque simul adeo leves, ut pondere non obfint. Quia autem ferulæ caulibus cavus, levis admodum, & interim satis firmus, à Veteribus ad hunc usum adhibebatur, ideo ferulas vocaverunt.

De illis agens Hippocrates dixit (e) *Ferulæ autem sint leves, æquales, in extremis firmæ, hinc & illinc paulò minores deligatione, craffissimæ quæ exstat fractura.* Leni tantum ligaturâ firmantur ferulæ quia non applicantur, ut premant, sed tantum ut teneant vinculum, ut Hippocrates prudenter alio in loco monet (f): ubi simul addit, cavendum esse, ne partes excarnes prominentes

(a) Lib. de fracturis, Comment. I. Text. xxiii. xxix. Charter. Tom. XII. pag. 169. & seq.

(b) Medicin. Lib. VIII. Cap. x. pag. 533.

(c) Lib. de Med. Offic. Comment. II. Text. xi. Chart. Tom. XII. pag. 48.

(d) Lib. de Fracturis Comment. I. Textu

xxxiv. Charter. Tom. XII. pag. 173.

(e) Lib. de Medici Officina, Comment. III: Text. xii. Charter. Tom. XII. pag. 76.

(f) Lib. de Fracturis, Comment. I. Text. xli. Charter. Tom. XII. pag. 179. & de Med. Officina, Comment. III. Text. xiv. lib. id. pag. 80.

lædantur à ferularum applicatione, inde enim ulcus fieret, & nervi nudarentur. Unde in ossum cubiti fractura cavendum jubet, ne ferulæ è regione pollicis vel minimi digiti ponantur, vel si omnino hoc necessarium videatur, tunc sine brevissimæ: eminentes enim ulnæ & radii partes circa carpi articulum inde læderentur. Idem verum est in cruris fractura: cavendum nempe, ne ferulæ malleolos vel prominentes tibiæ aut fibulæ partes circa genu tangerent: tota enim pressio vinculi, quo retinentur in situ ferulæ in has partes ageret. Vidi sic turpi errore, dum hoc neglexerat Chirurgus, natam circa malleolos & genu gangrænam à sola pressione ferularum ad has partes. Facile jam apparet, in illis locis, ubi bina ossa sunt, si alterutrum tantum fractum fuerit, non esse adeo necessarium semper ferularum usum. Optimè hoc monuit *Celsus*, qui similia ferè ac *Hippocrates* de ferulis dixit (a). *Curiosius omnia in continendis ossibus fiant, si neutrum alteri auxilio est. Nam ubi alterum integrum est, plus opis in eo, quam in fasciis ferulisque est.* In locis modò citatis ex *Hippocrate* & *Celso* simul apparet, quòd ante septimum diem non applicuerint ferulas; recentiores tamen Chirurghi etiam in prima deligatione illas adhibent, uti in se ipso fieri curavit *Paræus* (b).

CANALIBUS QUIETEM CONCILIANTIBUS. Requiritur præterea, ut membrum læsum sic ponatur & firmetur, ut penitus immobile, sit quantum commodè fieri poterit. Sed cum sic debeat semper in eadem positura remanere, necessarium est, ita ponatur pars læsa, ut sine incommodo in eodem situ diu manere possit. Unde v. gr; in femoris vel cruris fractura leviter flecti debet articulus genu, extenso enim crure jacere nemo diu poterit. Deinde, pulvinari supposito, sic fulcienda pars est, ut pondus partis totà longitudine membri sustineatur, non verò uni tantum parti incumbat; quia inde inflammatio, suffocatio & gangræna nasci poterunt. Sic observatum fuit aliquando, pessimam gangrænam calcem occupasse ab hac tantum causa. A diuturno enim decubitu calcis os ipsum tandem corrumpi monet *Hippocrates* (c), summumque inde nasci periculum; & quòd corrupto hoc osse morbus sæpe totà hominis vità duret. Ut hæc mala evitaret, iussit *Hippocrates* alibi (d), ut crus fractum & deligatum ponatur supra sem aliquam planam & mollem, ne in hoc illudve latus circumverti facillè posset, vel antèrius aut posterius emineat. Si enim non in totà longitudine sustineatur crus fractum, v. gr; sed tantum calx & genu incumbant lecto, solo pondere in loco fracturæ curvatura nascetur. Idem verum erit, si locus fractus quidem sustineatur, calx verò & pes inferior suo pondere magis descendere possint. De canalibus autem, quibus crura fracta imponebantur, ut immota retinerentur, *Hippocrates* fatetur se incertum esse, quid diceret (e) Prodesse quidem possunt, sed non quantum existimatur. Si enim reliquum corpus in hanc illamve partem convertatur, non prohibet canalis, quo minus sequatur crus, nisi ipse homo caveat: neque etiam prohibet, quo minus sine corpore crus in hanc illamve partem moveatur. Addit tamen, vulgò persuasum esse, *Medicus culpâ magis, vacare, si canalem subjiciat.* Recentiores autem Chirurghi pulcherrimas excogitaverunt machinas, quibus commodè locari, & immobile retineri posset membrum fractum; sic tamen ut simul facillè posset & sine periculo renovari appa-

(a) Medicin. Lib. VIII. cap. x. pag. 536.

(b) Livre XV. Chapitre XXIII. pag. 344.

(c) Lib. de Fractur. Comment. II. Text. xx.

XIII. Charter. Tom. XII. pag. 300. 101.

(d) Ibid. Text. LXIII. pag. 117.

(e) Ibid. Text. LXV. pag. 217. 218.

tus in fracturis complicatis. Capsula talis pro locando crure fracto describitur & delineatur in *Actis Academiae Regiae Scientiarum* (a), cujus figura etiam in *Institutionibus Chirurgicis* (b) celeberrimi Heisteri habetur. Quantum autem profit ad felicem curam fracturarum commodus reliqui corporis æquè ac partis læsæ situs, dum diu decumbere debent sic affecti, facillè patet. Unde peritissimi Chirurghi solebant ipsi semper lectum sternere, antequam curam agerentur (c), ut certi essent, omnia bene disposita esse.

**TUM IMPEDIENDO ET DIRIGENDO ACTIONEM MUSCULORUM.** in hac re imprimis peritia Chirurghi elucet: musculi enim ossibus affixi, his fractis, turbantur in sua directione, & sæpe, nisi caveatur Arte, suâ contractione à naturali situ removebunt fragmenta. Sic v. gr; si radii os fractum fuerit, pronator quadratus & ligamentum inter radium & ulnam suâ contractione adducent fragmentum versus ulnæ os. Imò fasciæ circumductæ suâ pressione augebunt hoc malum. Sed si splenia ponantur inter radium & ulnam, hæc efficiunt, ut fasciarum pressio in hac splenia inprimis agat, adeoque cavebitur, ne radius ad ulnam propius accedere possit. Idem etiam obtinere poterit, ubi fibula fracta est. Ubi autem in loco fracturæ os in plura fragmenta comminutum est, metus est ne musculi affixi suâ contractione expellant hæc fragmenta, & postea membrum sanatum brevius sit. Requiritur tunc, ut debita longitudo partis læsæ servetur machinis applicatis, quæ impediunt, quominus accurtetur membrum, donec unita inter se fragmenta musculorum robori resistere possint. De his autem dictum fuit in Commentariis §. 346. Magnam hic sæpe esse difficultatem in deligatione similium fracturarum probè noverat Hippocrates, qui de calcis fractura agens, monet, sic (d) hæc bene alligare non cujusvis est. Nam si quis vinciat eo modo, quo cætera circa tales vinciuntur, fasciâ modò ad pedem datâ, modò ad ipsam chordam (tendinem Achillis) circumactâ fasciæ compressio, calcem quâ iussu fuit expellet. Postea verbò (e) methodum optimæ deligationis in hoc casu describit. Unde patet, quàm necessaria sit in cura fracturarum Anatomica musculorum & tendinum vicinorum cognitio.

§. 355. **FASCIÆ** adstrictæ tumorem; suffocationem, gangrænam producunt; unde infinita mala; ergo leviter attrahendæ, ut firmare, & vascula leniter comescere, queapt.

Multùm sæpe hic peccatur, dum fasciæ validè nimis adstringuntur, ut nempe in situ retineantur ossa reposita. Frequentissimè enim accidit, imò serè semper, ut post aliquot horas tumere incipiat membrum fractum, & præcipuè circa fracturæ locum; sive hoc ab ipsa læsione aut contusione fiat sive à rudiori tractione partis, dum extensio & repositio perficiuntur. Si ergo tunc fasciæ in initio fortiter adstrictæ fuerint, antequam tumeat pars, patet facièlè tumente jam parte, fasciarum pressionem augeri; unde à compressis vasibus obstructio, inflammatio, imò, integre suffocata circulatio, gangræna nasci poterit. Ingens dolor tunc

(a) Ann 1718. Mém. pag. 396.

(b) Tab. IX. fig. xx.

(c) De Lamotte Traité complet de Chirurgie, Tom. IV. pag. 179.

(d) Lib. de Fracturis Comment. II. Text. xix. Charter. Tom. XII. pag. 199. & seq.

(e) Ibid. Text. xxv. pag. 202.

oritur, quando nimis adstrictæ sunt fasciæ: si autem Chirurgus negligat ægri querelas, postea turpi errore sæpe tota pars jam gangrænâ corrupta apparet, tuncque exstirpatio sola superest. Hinc optimi Chirurgi sollicitè semper monuerunt, si de dolore queratur æger, illico inquirendum esse in ejus causam: potiusque removendum esse totum apparatus, ne turpi neglectu pereat pars affecta, imò & æger de vita periclitetur. Tristes tales casus frequenter observati fuerunt, & apud egrægiū Chirurgum Lamottium (a) plures tales enarrantur. Minus ergo nocet; non satis adstrinxisse fascias, quàm nimis, quia novâ fasciâ applicatâ illud corrigi poterit. Signa autem, quibus cognosci poterit, an debita adstrictio facta fuerit per fascias, an non, pulcherrimè recensuit. Hippocrates, dicens (b) hinc autem cognoscēs rectè hominem curatum esse, ac terminum deligandi, ubi num prematur rogaveris; atque is responderit se premi quidem, sed leviter, idque præsertim quâ fractura est. Hæc itaque sic se habere, necesse est fateatur, qui rectè est alligatus. Moderationis autem indicia sunt, si eodem die, ac nocte, quo deligatus fuerit, ipse sibi videatur non levis, sed valentiùs adstringi; postridie verbò tumor in manu oriatur mollis ac parvus (ὀδονδύριον): indicant hæc vinculum fuisse abs te moderate adstrictum. Labonte jam die minus adstrictas fascias sentiat, sed tertio die penè resolutas. Jure autem licet, si quid horum quæ proposuimus, absit, vinculum non satis arctatam; si quid superet, fuisse justò plus adstrictum. Tumor ille, qui in inferiore parte membri deligati apparet, si mollis, albus, & parvus fuerit, designat leviter tantum compressas esse venas, unde simul quiescente parte difficilior & tardior motus humorum per venas fit, & inde tumor ille nascitur: ubi autem in loco superiori pars tumet, signum est, & arterias simul compressas esse, unde inflammationis & gangrænæ metus est. Ubi autem tertio die laxantur sponte fasciæ, minuto tumore partis læsæ, jussit Hippocrates (c) fascias paulò arctiùs adstringendas esse; atque deinde iterum septimâ die, si opus videatur: semper iisdem cum cautelis, ut antè dictum est. Ubi autem solvitur apparatus, semper sollicitè debet examinari, an fortè ossa reposta non deviaverint iterum à situ naturali, de qua re dictum fuit §. 353.

§. 356. SI vulnera adsunt, curanda ex Arte, (185, 239.) sed rarâ deligatione. Idem de inflammatione, dolore, tumore, & reliquis symptomatibus intelligendum.

Si in complicata fractura simul vulnus adfuerit tanti momenti, ut non possit tutò committi soli naturæ; tunc oportet fasciam libriformem, vel octodecim caputrum dictam adhibere, ut commodè possit & sine periculo separationis fragmentorum cura vulneris haberi. Minus quidem firmat pattem hæc fasciâ, quàm illa, quæ spirali-bus gyris circumducitur; sed in hoc casu vulnus non tetret validiorem pressionem. Peccantilli, qui sic deligare conantur, ut fasciâ spiralis vicina premat tantum, vulnere verò locum liberum relinquit, vel excisso in fasciâ foramine fenestram quasi relinquunt in loco vulneris. Dum enim omnia vicina construnguntur fasciis, solum

(a) Traité complet de Chirurgie Tom. IV. pag. 27. & suiv.

(b) Lib. de Fractur. Comment. I. Text. xxxvii. xxxviii. xxxix. Charter. Tom. XII.

pag. 175, & sequ. de Medic. Officina Comment. III. Text. xxxvii. Ibid. pag. 95.

(c) Lib. de Fracturis Comment. I. Text. xi. Charter. Tom. XII. pag. 177.

vulnus liberum relinquitur, major humorum impetus & copia urgebunt vulneris locum; unde inflammatio, carnis fungosæ protuberantia, & similia mala oriuntur. Damnaverat jam hanc methodum Hippocrates dicens, (a) *Necesse est, ulcus in tumorem assurgere; nam si carnosæ pars quæ sana est hinc atque hinc vinciatur, mēdīd non comprehensū, ea pars quæ relicta sine vinculo fuerit, maximè turgebit, minūsq̃ erit sui coloris, quò pacto igitur ulcus hæc effugiet? igitur necesse est decoloretur ulcus, & materia ad ipsum exprimatur, tum lacrymet, ac minimè suppueret: ossa verò & quæ abscessura non essent, abscedant.* Additque postea (b) *se latius de hac re egisse, ut pessimam hanc deligandi viam, pluribus ulsitrans, repudiarent omnes.* Reliqua autem, quæ in cura vulnorum dicta sunt, sic & inprimis in hoc casu; quia semper magna cura adhibenda est, ne ossa reposita situm suum mutant.

Quamvis autem in simplici fractura non adeo exacta victūs ratio videatur requiri in homine cæteroquin sano, tamen cogitandum est, nihil pejus hic contingere posse, quàm si inflammatio accedat fracturæ; solvi enim tunc debebunt fasciæ, & talia applicari, quæ tollere valebunt inflammationem natam, quæ fortè præcave-ri potuisset. Venæsectio ergo inprimis in plethoricis, & inflammatorie diathesi obnoxius, conveniet; uti & victus tenuis. Vitanda ergo omnia, quæ humorum copiam vel impetum augere possent. Inprimis autem hæc cautelæ requiruntur primis diebus, quando major inflammationis metus est. Ideo Hippocrates dixit (c) *quibus initio cutis non abruptitur, neque os cute excedit, idonea est ratio victūs prope quævis (ὡς οὐδὲν): minū tamen cibi sumant atque ad decimum diem, præsertim quum quiescant: ashibeantque ex obsoniis mollioribus, quæcumque modicè admodum de- jiciunt alvum, sed à vino & carne sibi temperent. Tum paulatim se reficiant.* Ubi verò tumor ingens, acris dolor, aut valida inflammatio fracturam comitantur, subito adhibenda sunt illa, & audacter repetenda, si mala hæc urgeant, quæ in cura contusionis §. 334, laudata fuerunt. Simul tunc & tenuissimus victus convenit.

§. 357. **T**UM sic concretio, callūsque, citior, tardior pro ætate; ossis crassitie, pondere incubituro, vario tempore, intra viginti, & septuaginta dies.

Tertium requisitum in generali cura fracturarum (vide §. 347, n°. 3.) erat, ut fragmenta reposita, & in situ retenta, concreverent iterum inter se; & si quid perditum foret de ipsa ossis substantia, illud regeneraretur. Obtinuit autem usus apud Medicos & Chirurgos, illam substantiam, cujus interpositione uniuntur fragmenta inter se, vocare callum. Quid autem sit callus, & quomodo generetur, dictum fuit in *Commentariis* §. 343, & §. 347, n°. 3. Paruit enim ibi, ex ingestis nutrimentis, vasorum & viscerum vi in naturam corporis humani mutatis, per vasa bona, impetu & copiâ debitis, allatis restitui perditâ, & uniri separata. Ars nihil aliud hic efficit, quàm ut debitum in situm resonat fragmenta, quæ deviaverant;

(a) Lib. de Fractur. Comment. III. Text.

VI. VII. Charier. Tom. XII. pag. 234.

(c) Ibid. Text. VIII. pag. 235.

(c) Ibid. Comment. I. Text. XIV. XVIIII. pag. 181. 182.

& in illo situ deinde retineat. Reliquum perficit corporis sani fabrica. Unde tantum examinandum est, an aliquid in sanitate deficiat; & ille defectus cognitus per Artem corrigendus est. In *Commentariis* autem §. 349, dictum fuit de præcipuis causis observatis, quæ curam retardant, vel penitus impossibilem reddunt.

Tempus autem, quo solet fieri unio fragmentorum, varium est multas ob causas etiam in hominibus sanissimis. Unde *Hippocrates* postquam dixerat, (a) plerisque ad summum triginta diebus brachii ossa conserent; mox addit, Nihil autem perpetuum est multum enim & natura a natura, & ætas ab ætate distat.

Præcipua autem varietas temporis requisiti ad curam fracturarum pendet ab, **ÆTATE**. In junioribus enim citissima consolidatio fracturarum fit; sed & sæpe calli nimia luxuries oritur. In senectute longè majori temporis spatium opus est; tunc enim potius decrevit homo: unde summa difficultas in regenerandis perditis, & uniendis separatis, nascitur. Media ætas omnium optima est; tunc quidem tardius fracturæ sanantur, quàm in junioribus, sed firmius consolidantur: neque tantum periculum est, ne callus luxuriat. In *Commentariis* §. 346, dictum fuit, brachii os fractum in recens natis duodecim dierum spatio sanatum fuisse; cùm in adultis triplum serò huius temporis requiratur in tali casu, & in senibus adhuc longius.

**OSSIS CRASSITIE**. Propter majus pondus ferre debent ossa, vel validioribus musculis sustinendis & dirigendis inserviunt, sic & crassitie variant; atque iterum observatur, tantò majus spatium temporis, cæteris paribus, requiri ad fracturæ consolidationem, quantò crassiora fuerint ossa. Sic femoris (b) os quinquaginta dierum spatio firmari dixit *Hippocrates*; cruris (c) autem & humeri (d) ossa quadraginta diebus; cubiti (e) verò ad summum triginta diebus; costas fractas (f) viginti diebus; uti & digitorum phalangas, (g) &c. Unde solet tempus sanationis fractorum ossium plerumque intra viginti & septuaginta dies limitari; cùm in homine sano & mediæ ætatis, si nihil sinistri acciderit, intra hoc tempus crassissimum etiam in toto corpore femoris os sanari soleat. Quando autem fragmenta separantur majora, & debet magna pars ossis perditii recrescere, longè majus temporis spatium requiritur; uti constat illo Exemplo, quod allegatum fuit in *Commentariis* §. 343, ubi tibiæ ossis fragmentum, quatuor digitos, transversos longum, separabatur; tunc enim decem mensium spatium requirebatur, antequam tutò cruri insilire potuerit homo hanc fracturam passus.

**PONDERE INCUBITUR**. Callus enim, in loco fracturæ natus, satis diu mollior reliquâ ossis substantiâ manet. Si ergo os fractum tale fuerit, ut totum pondus corporis innitens ferre debeat, dum incedit homo; patet faciliè, longius tempus requiri, antequam sine periculo hoc tentari possit. Unde minori tempore indiget ad curationem brachii os, quàm cruris ossa; & inprimis si utraque fracta fuerint. Calcis os fractum sexaginta diebus (h) sanum fieri, si quiescat, dixit *Hippocrates*, cùm ad femoris ossis fracti sanationem quinquaginta dies sufficerent: sed antea monuerat (i) quòd directè sub ribia calcis os poneretur; unde patet, quod totum corporis pondus huic ossi innitatur. De fractura ossium pedis

(a) Lib. de Fractur. Comment. I. Text. XLII. XLII. Charter. Tom. XII. pag. 179. 180.

(b) Ibid. Comment. II. Text. LXIX. pag. 223.

(c) Ibid. Text. LXVI. pag. 210.

(d) Ibid. Text. VI. pag. 191.

(e) Ibid. Comment. I. Text. XLI. pag. 179.

(f) Lib. de Articul. Comment. III. Text. LVII. Charter. Tom. XII. pag. 364.

(g) Lib. de Fractur. Comment. II. Text. LXII. Charter. Tom. XII. pag. 194.

(h) Ibid. Text. XLII. pag. 206.

(i) Ibid. Text. XII. pag. 151. 156.

& manûs agens (a) monet, hæc omnia viginti diebus perfectè sanari, exceptis illis, quæ cruris ossibus junguntur, vel illis, directè supponuntur; tunc enim quadraginta dierum spatium requiri dicit, & bene curari, si ægri tam diu jacere velint: quod multi nolunt, quia morbum parvi faciunt; ideoque plerique non bene sanantur. Ferunt enim pedes onus totius corporis.

Antequam ergo liber usus membri fracti ægro permittitur, licèt debitum tempus elapsum fuerit, prudentis Chirurgi est, sollicitè examinare fracturæ locum, ut certus sit, callum debitam firmitatem jam habere. Ut hoc constet, prehenditur à binis ministris ab utraque parte fracturæ membrum: deinde illud tentant, leni tamen vi & prudenter adhibita, quasi incurvare; dum interim Chirurgus digitis locum fracturæ tangit. Si tunc aliqua vacillatio, vel quædam flexura etiam levissima in hoc loco percipiatur, signum est, nondum satis induruisse callum; unde periculum novæ fracturæ fieret, vel saltem deformitatis, dum incurvaretur membrum; vel callus mollior adhuc pondere corporis innitens exprimeretur, & annulum protuberantem formaret; unde simul minueretur debita membri longitudo. Interim dum sæpe diu pars affecta immobilis retineri debet, cavendum, ne vicini articuli rigidi fiant. Sæpe enim visum fuit, anchylosin à sola quiete diuturna partium ortam fuisse. Ideo sæpius curæ tempore vicini articuli prudenter à Chirurgo moveri debent: non autem hoc permittendum ægro, ne fortè ossium bene repositorum separatio iterum fieret, imprudenti partis motu.

Licèt autem optimè reposita fuerint ossa, præstat tamen sæpius, dum renovatur apparatus, partem læsam sollicitè examinare, & comparare cum parte sana, ut videatur, an eadem sit utriusque membri figura & longitudo. Si enim aliquis adhuc defectus adsit, poterit corrigi, dum adhuc flexilis callus est; ubi verò jam ossæm duritiem acquisivit, tunc raro & non nisi summa cum difficultate hoc emendari poterit. Unde merito monuit Hippocrates (b) quoddam si alligatis ferulis suspicio sit, ne ossa rectè concurrerint; vel aliud quidpiam hominem infestet ubi dimidium temporis (requisiti ad integram curationem) præterierit, vel paulò antè, solvere oportet, & rursus deligare. Non tamen omnino desperandum videtur, licèt toto curationis tempore elapso, quo solent ossa fracta inter se consolidari, aliqua adhuc superflua deformitas; Observata enim docuerunt, sæpe adhuc, in junioribus inprimis, curam successisse. Juveni sedecim annorum fractum fuerat femoris os, & malè curà post novem septimanas elapsas, dimidio pede brevius apparebat altero femore; unde totà vità claudicandum fuisset misero. Peritissimus Chirurgus, examinans fracturæ locum, inveniebat, ossis fracti extrema juxta se mutuo protracta concrevisse. Cum satis fortis esset æger, & callus recens adhuc, laqueis arreptam partem dum validissimè extenderent ministri, manibus premendo utrumque, in debitum situm reposuit fragmenta, sine ullo dolore ægri; & sic debitam longitudinem membro fracto restituit, tam felici cum successu, ut post mensis spatium sine ulla claudicatione incedere posset juvenis (c). Imò observatum fuit, citius consolidari in tali casu fragmenta, quàm dum recens fracta uniuntur inter se. Quod & confirmatur alio satis miro casu apud eundem Auctorem (d). Ubi homini, fracturam amborum cruris ossium passo, & optimè curato, malà

(a) Lib. de Fractur. Comment. II. Text. XII. Charter. Tom. XII. pag. 455.

(b) Ibid. Comment. I. Text. XLIV. Charter. Tom. XII. pag. 181.

(c) De Lamotte Taité complet de Chirurgie pag. 174. & suiv.

(d) Ibid. pag. 242. &c.



fortunâ post sex septemve septimanas iterum frangebatur crus in eodem loco, dum ludens cum amicis caderet. Restitutis ossibus fractis jam post duodecim dies tanta firmitas accesserat, ut commodè movere posset, & elevare crus affectum. Cautior hoc infortunio factus æges sollicitè evitaverat, ne simile quid ipsi postea accideret; sed post tres menses elapsos, dum equo vehitur, inde excutitur, & equus, innitens cruri huic jam bis fracto, illud iterum rumpebat in eodem loco: tamen & tunc pulcherrimè cura successit, brevi satis tempore, & sine ulla ferè difformitate.

Ubi verò ossium fractorum extrema non recreverunt inter se, sed quasi caticatrice obductâ manserunt separata, tunc longè difficilior casus est. Hoc autem aliquando accidere patuit ex illis, quæ dicta sunt in *Commentariis* §. 346. Si enim hoc fiat, quia per morbos ossium nutritio & incrementum deficiunt, tunc nulla medela superest. Si verò tanrùm pro tempore cesset hæc ossium consolidatio, ut gravidis aliquando observatum fuisse ibidem dictum fuit, expectandum est donec perpererint. An autem prodesse posset in similibus casibus Methodus à Celfo descripta, dubium videtur. Dicit enim (a) si quando verò ossa non conferbuerunt, quia sepe soluta, sæpe mota sunt, in aperto deinde curatio est. Possunt enim coire. Si vesustas occupavit, membrum extendendum est, ut aliquid lædatur: ossa inter se manu dividenda, ut concurrendo exasperentur, & si quid pingue est, eradatur, iotùmque id quasi recens fiat. Magnâ tamen curâ habita, ne nervi musculive lædantur. Totus scopus videtur in eo consistere, ut fragmentis ad se mutuo attritis recens vulnus quasi in ossibus fiat. Sed si fragmenta quedam sic deterantur, summæ poterunt inde nasci molestiæ. Fortè in simili casu præstaret totum opus naturæ committere, quæ aliquando mira perfecisse fuit observata. Homini utrumque cubiti os transversim fractum fuerat ad quatuor digitorum transversorum distantiam à carpo: noluit ille doloris metu, ut reponerentur ossa, vel applicarentur fasciæ, imò ne quidem membrum læsum in quiete retinuit, unde nulla facta fuit consolidatio fragmentorum, sed mansit quasi novus articulus flexilis in fracturæ loco, sine dolore vel incommodo notabili, æque satis diu vixit. Post mortem ejus unus ex Chirurgis, qui ipsi adfuerant, brachium affectum dissecuit, & invenit, superiorum fragmentorum extremitates rotundam acquisivisse figuram, cui respondebant similes cavitates in fragmentis inferioribus. Ipsum periosseum, circa hunc locum crassius factum, ligamenti instar novum hunc articulum firmabat & coercerat. Imò cavitates illæ, inferioribus fragmentis insculptæ, à parte anteriori magis depresso erant, à parte posteriori magis elevata; sicque facili antrorsum flexura erat in hoc loco, & simul nimis extensioni limes ponebatur, simili ferè modo, ac in cubiti flexura fit. Ossa hæc à Celeberrimo du Verney inter rariora Anatomica asservata fuisse legitur (b).

Aliquando accidit, inprimis in junioribus, in quibus semper solidiorum mollior compages observatur, & fluidorum major copia, callum renascentem exhortitare ultra æquabilem ossis superficiem; simili ferè modo ac in partium mollium vulneribus minus pressa luxuriant vasa. Inprimis hoc accidit, si per febrem agitati humores renascentia & mollia adhuc vascula nimis distendant. Tantâ enim aliquando copiâ huc ruunt humores, ut Galenus dixerit, sæpe visum fuisse (c) involatâ cute, quæ fracturam tegit, effundi cruorem sic, ut fasciæ impleat. In tali casu conveniunt illa,

(a) Medicinæ Lib. VIII. Cap. x. pag. 541.

mensis Novemb. 1685. pag. 513. &c.

(b) Nouvelles de la République des Lettres  
l'an 1685. pag. 118. &c. & in Actis Erudit.

(c) Lib. de Articulis. Comment. III. Text.  
15111. Charter. Tom. XII. pag. 394.

quæ liquidorum copiam tollunt, & simul nimium illorum impetum minuunt, vel à parte læsa avertunt. Venæsectio ergo, & purgantia, quæ sine aucto motu agunt, hic conducunt, uti & parcius victus, qui sustinendæ vitæ sufficiat, ne tamen humorum copiam augeat, Lenis frictio partis affectæ pariter conducere videtur, ut dissipetur illa, quæ nimia hic copiâ accumulatur; & dein major compressio, ut nimis laxa vasa sic firmetur ut non tam faciliè cedant impulsis humoribus. Quæ omnia pulcherrimè apud *Celsum* habentur; si enim superincrevit nimius callus, idcòque locus intumuit, dicitur (a) *Diu lenitèrque id membrum perfricandum est ex oleo & sale & nitro, multumque aquâ calidâ salsâ fovendum, & imponendum malagmâ, quod digerat, affricatiusque alligandum: oleribusque, & præterea vomitu utendum, per quæ cum carne callus quoque extenuatur: conferturque aliquid de sinapi cum sicu in alterum pariter membrum impostum, donec id paululum erodat, eoque evocet materiâ. Ubi his tumor extenuatus est, rursus ad ordinem vitæ revertendum est. Si verbò imprudenti membri fracti usu, antequam satis firmatus fuerit callus, inprimis in femoris & cruris ossium fracturis, pondere corporis innitentis expressus callus annulum formet; tunc debet membrum læsum iterum extendi in debitam longitudinem, & externâ pressione coerceri callus exorbitans.*

Si verbò vel à nimia compressione partis, vel alia quacumque de causa, metuat calli defectus, contrariâ medelâ opus est. Laxior enim tunc fasciarum adstrictio, fomenta emollientia, plenior victus, & talia remedia, quæ languentem humorum motum excitant, inprimis profunt. Ob hanc rationem, ut callus nempe feliciùs cresceret, iussit *Hippocrates* (b), postquam jam ferulæ applicatæ fuerant, si solveretur membrum, illud calidâ perfundi debere, & fascias pauciores debere circumduci, & leniùs adstringi, quàm in initio. Et *Galenus* (c) in *Commentariis* suis in hunc locum animadvertit, *Hippocratem* à prima die, usquedum ad ferulas venit, auxisse fasciarum numerum, & validiùs adstrinxisse; post septimum verbò diem appositis ferulis reliquisse partem immotam usque ad diem vigesimum, ut nutritur callus; deinde aquâ calidâ affusâ ad partem evocasse huc materiam, cum in initio fasciarum numero & adstrictione prohibuisset, ne huc fluere. Pulcherrimè hæc habet *Ægineta* dicens (d) *Quædam fracturâ sine callo manent, ultra desiniam naturæ limitem; vel ob continuas resolutiones, vel ob immoderatas fomentationes, vel ob importunum motum, vel ob multitudinem fasciarum, vel ob totius corporis atrophiam; à quibus & tenuius membrum fieri accidit. Oportet igitur & alias occasiones cum studio remove, maximè autem atrophiam: partim calidioribus alimentis materiam attrahentes ad partem, uti & nutrimentum sufficiens & balnea & reliquam animi hilaritatem subministrantes. Signa verbò callo jam firmatorum sunt, & aliqua quidem, maximè verbò fascias madescere, nullo etiam vulnere oborto, &c. Quid autem sentiendum sit de lapidis Osteocollæ & similium efficacia in hoc casu, dictum fuit in *Commentariis* §. 347, n<sup>o</sup>. 3.*

Callus autem, quo ossa fracta junguntur, tandem ossæ naturam induit & firmitatem: unde *Observata* docuerunt, partem talem postea faciliùs alio in loco fractam fuisse, quàm in prioris fracturæ vestigio relicto. Tamen apud *Ruyf-*

(a) *Medicin Lib. VIII. Cap. x. in fine,* XLIII. *Charter. Tom. XII. pag. 180.*  
 pag. 543.  
 (b) *Lib. de Fractur. Comment. I. Text.* (c) *Ibidem pag. 180. 187.*  
 (d) *Lib. VI. Capit. cx. pag. 107.*

chium (a) habetur, quod invenerit gallinæ ossa fracta à naturā ferruminata fuisse sic, ut sola ossa spongiosa substantia renata foret, deficiente laminā externā ossa, quæ suā duritiē naturaliter priorem defendit & firmat. Satis autem patet, facillimè ossa sic consolidata iterum frangi potuisse; idēque aliquando humanis ossibus fractis accidisse credidit, quæ inde levissima de causā iterum frangebantur.

Aliud satis mirabile habetur apud eundem Auctorem (b) Observatum, quod patet, sæpe summas molestias & dolores fracturam sequi posse, licet optima cura fuerit adhibita. Servabat enim duo femoris ossa, quæ post fracturam curata fuerant tam infeliciter, ut fragmenta se mutuo supercanderent. Sed quod notandum est, invenit varias exostoses, quarum nonnullæ acutæ & tenues vulnerare poterant vicinas partes: & hæ exostoses non tantum circa callum in fracturæ ambitu reperiabantur, verum etiam supra fracturæ locum è parte sana emerferant; viditque illas enatas fuisse ex illis foraminulis, quibus tendinosæ fibræ solent insigi, hisque fibris in fractura vel luxatione evulsis credidit nasci tales exostoses. Hanc autem opinionem confirmant similia Observata in aliorum animalium ossibus, quæ ibidem enarrantur. Licet autem similia mala nec prævideri faciliè, nec curari possint; tamen, sic discimus, non temere optimè sæpe meritis Chirurgis imputare illa damna, quæ etiam sollicitissimā Arte curatas fracturas sequi poterunt, nec ullā industriā præcaveri.



## LUXATA.

§. 358. **LUXATIO** est recessus extremi ossis mobilis ex cavo; in quo naturaliter movetur, cum motus impedimento.

Luxatio, quæ & delocatio (c) dicitur; uti etiam dislocatio; notat ossis emotionem ex illo loco, quem naturaliter occupabat; hæcque significatione quancumque situs naturalis ossium mutationem designaret. Obtinuit tamen usu, à quo præcipue vocum significatio pendet hoc nomine tantum intelligere ossium articulatorum recessum ex loco, quem naturaliter occupabant. Celsus tamen de luxationibus agens illas bifariam distinxit, dicens, (d) *Moventur autem ea sedibus suis duobus modis. Nam modò, quæ juncta sunt, inter se dehiscunt, ut cum latum os scapularum ab humero recedit, & in brachio radius à cubito, & in crure tibia à sura; & interdum saltu, calcis os à tala; quod rarè tamen fit: modò articuli suis sedibus excidunt.*

(a) Theaur. Anatomic. VIII. n°. XLIX. pag. 16.

(b) Musæ. Anatom. Ruych. sive Catalog. rariorum, &c, Thecæ A. Repositor. V. n°. 1. Tom. I.

pag. 119. 130. not. 1. & 3.

(c) Cæli. Aureliani. Morb. chronicor. Lib. II.

cap. 1. pag. 347.

(d) Medicin. Lib. VIII. cap. XI. pag. 142.

Cùm ergo luxatio propriè dicta in ossibus articulatis tantùm obtineat, definitio hic data optimè convenit. In omni enim articulo considerantur bina, os recipiens, & os receptum. Ossis recipientis partem illam cavam, quæ ossis alterius caput recipit, *κεφάλων* vocaverunt; ossis verbò recepti partem, quæ hoc cavo continetur, *ἄρθρον*, sive articulum, simpliciter dixerunt (a). Unde optima etiam definitio luxationis habetur apud *Æginetam* (b) nempe quòd sit, *elapsus articuli ex proprio cavo in alienum, à quo motus arbitrius impeditur*. Nisi enim simul adsit motus impedimentum, non potest propriè luxatio vocari, licet ossis mobilis extremum exeat suo cavo, in quo naturaliter movetur. In mirabili enim maxillæ inferioris articulo observatur, capitulum hujus ossis locari quidem in sinu satis profundo, in ossis squamosi parte ima, ad exortum processûs zygomatici insculpto, tamen ope lamellæ cartilagineæ elasticæ interpositæ potest maxillæ capitulum suo sinu exire, & in illum redire iterum sine motus impedimento. Quin imò ad varios motus maxillæ inferioris perficiendos requiritur, ut articulus ille sic possit suo cavo exire.

### §. 359. QUI integer; vel pro parte; unde luxatio, & disforio;

Facilè concipitur, ossis articulati caput posse vel omnino elabi ex suo cavo; quo naturaliter continetur; vel sic à naturali situ dimoveri, ut patim in cavo suo, partim extra illud hæreat. Tamen hoc in omnibus articulis fieri posse negavit *Hippocrates* (c). Humeri enim & femoris articulos, cùm rotundi omnino sint, & similibus cavis recipiantur, non posse pro parte tantùm elabi conclusit, sed necesse esse, ut vel toti exeant suo cavo, vel pro parte elapsi revertantur. In aliis autem articulis hoc fieri posse, satis patet. In luxationum definitione hinc dixit *Ægineta*, (d) *Differentias alias dicere non habemus, nisi solùm illam, quæ secundùm majus & minus contingit. Omnino enim elapso articulo communi generis nomine ἑξάρθρωμα dicitur; leviter verbò dimoto, vel usque ad supercilia cavitatis prolapso, παραρθρῆμα*. Obtinuit enim usu, præpositionem *παρά*, vocabulo præfixam, levioris affectum designare; unde *parapoplexiam* pro leviori *apoplexia*, *paracynanchen* pro leviori *cynanche*, &c. dixerunt Medici. Ideo non ita exactè his vocabulis videtur usus fuisse *Vesalius* (e), dum dixit, luxationes, quæ ab influxu humoris in articulum sunt, *παραρθρῆματα* vocari; *ἑξάρθρωμα* verbò, si ab impulsu fiant. Patebit enim ex sequentibus, veram & completam luxationem fieri posse ab humoribus in cavum articuli delapsis. Solet autem luxatio talis, quæ pro parte tantùm elapso articulo fit, vocari *subluxatio*, vel & *disforio*. Tamen & *disforionis* nomen musculorum tendinûmve à vi externa mutatum situm designat; uti & ligamentorum distractionem à simili causâ interquendo quasi factam (belgice *Vestuychen*). Unde minùs ambigua significatione luxatio talis incompleta dicitur *subluxatio*.

(a) Gortzi Definit. 2. §. 3. pag. 77.

(c) Lib. VI. Cap. III. pag. 101.

(f) Lib. de Artic. Comment. III. Text. cxv.

Charter. Tom. XII. pag. 417.

(d) Lib. VI. Cap. III. pag. 101.

(e) Chirurg. magna, pag. 921.

§. 360. **P**ESSIMA quæ epiphyfi a corpore ossis soluta accidit.

In ossibus majoribus, quæ mobili articulatione aliis junguntur; v. g. in femoribus ossibus, observatur, quod extrema utraque à reliquo ossis corpore distincta sint; quod omnium pulcherrimè in recens natorum & abortuum ossibus videri potest. Ossa enim hæc quondam fuerunt tota cartilaginea, & in illorum media longitudine primò incipit granulum rotundum osseum apparere, quod citò in longitudinem utrimque se diffundens cartilaginem in os mutat (a). Sed extrema utraque manent diu cartilaginea, in quibus interius incipit pariter cartilago in os mutari, quod se sensim per totam ferè horum molem diffundit. Diu tamen manet inter corpus ossis femoris v. g.; & utrumque ejus extremum aliquid cartilaginis quò tamquam glutine extrema ossis reliquo corpori agglutinata videntur, donec tandem, & hæc cartilagine ossèa factà, extrema cum ossis corpore reliquo in unum continuum os concrecant (b); sic tamen ut extrinsecus aliquamdiu nota divisionis maneat, quæ tandem etiam deletur (c). Vocaverunt jam hæc extrema ossis femoris, ab ejus reliquo corpore, intermedià hæc cartilagine, vel divisionis remanente notà, distincta, epiphyfes. In junioribus animalibus hæc epiphyfes levi v. à reliquo ossis corpore separantur, uti quotidie in mensis apparet. Illo autem in loco, ubi epiphyfes junguntur ossis corpori, enascuntur ligamenta, quæ articulos undique ambiunt & firmanr; atque ideo hunc inprimis usum esse appendicum *impedire* Columbus voluit (d), ut ex illarum conjunctione cum osse ligamenta prodirent, quæ nulli alteri parti continuata observantur, sed in his locis ex ipso osse nascuntur. Notavit etiam *Clopton Haversius* (e), (ut dictum fuit in *Commentariis* §. 343.) in illis locis, ubi ligamenta oriuntur, periosteum hæctenus ossis omnem ambitum tegens ab illo secedere, ligamenta hæc nata superascendere, sicque ad aliud os pergere.

Si ergo epiphyfis à corpore ossis solvatur, patet faciliè, motum articuli talis turbari. Non tamen adeo propriè luxatio dicenda videtur, quia extremum ossis mobilis in cavo suo manet, in quo naturaliter movetur. Sed in definitione data §. 358, ille recessus extremi ossis mobilis ex suo cavo luxationem constituebat; unde fortè potiùs ad fracturam referri posset hoc malum. Videtur, *Galenus* illud numerasse inter fracturarum species vocans (f) *ἁπαγμα*; cum reliquas fracturas generali *κατάμματος* nomine comprehenderet: monuitque, illud vocabulum *ἁπαγμα* Medicis proprium esse, aliis verbò plerisque hominibus inusitatum. Significabat autem illam fracturæ speciem, dum ossis finis, quæ parte maximè cum alio osse articulatur, abruptus est. Quia autem sæpe talis fracturæ species pro luxatione habetur, ideo solet & huc referri. Inprimis autem hoc observatum fuit accidere (g) in luxationibus femoris sic dictis, quæ sæpissime epiphyfi solutà à reliquo osse, vel & ipsà cervice ossis femoris, quæ tenerrima est, fractà, fiunt. Narrat enim

(a) Albini *Icones Ossium* fœtus humani, &c. pag. 107.

(b) *Ibid.* pag. 116.

(c) *Ibid.* pag. 101.

(d) *De re Anatomicâ* Lib. I. cap. 11. pag. 5.

(e) *Observat. de Ossib.* Cap. 1. Serm. I. §. xii.

(f) *Method. Med. Lib. VI. Cap. v. Chart. Tom. X. pag. 141.*

(g) *Ruyſch. Theſaur. Anatomici.* VIII. n°. cxi. pag. 30.

*Ruyfchius*, celebrem Chirurgum ossis aperuisse anum claudicantium cadavera, semperque invenisse cervicem ossis femoris fractam fuisse, nunquam verò adfuisse luxationem. Cum autem junioribus epiphyfes leviori vi solvantur à reliquo osse, ideo frequentius illis hoc malum accidit: inprimis, dum ulnis gestantur, si infantes subito corpus retrorsum projiciant, magnum periculum est, epiphysem ossis femoris solvi, vel ipsam cervicem hujus ossis frangi posse; unde totà vitā claudi manent, dum ossis corpus, à capite suo articulo solutum, musculorum vi sursum trahitur. Mira tamen in similibus casibus observata fuerunt naturæ molimina, quibus hunc defectum sarcire nitebatur. Invenit enim *Ruyfchius* (a) in cadavere vetulæ, tale malum passæ, collum ossis femoris totum decedisse, & naturam hic substituisse varia ligamenta dura, crassa, teretia, quorum ope caput ossis femoris uniebatur reliquo ossi. Majorem longè difficultatem in curatione hujus mali esse, quàm in luxatione propriè dicta, faciliè pater: ossa enim luxata in naturalem situm reposita, modò quiescat pars, faciliè retinentur; ubi verò epiphyfis à corpore reliquo ossis soluta fuerit, musculi ossi affixi propriâ contractione illud ex naturali situ removebunt; unde tunc sæpe semper sequitur membri accurtatio, & depravatio motus.

### §. 361. CAUSA, vis externa extendens, intorquens, expellens:.

Nulla luxatio fieri potest sine vi externa, si articuli & ligamenta, illos firmantia, se habent ita, ut naturaliter esse solent: imò in adultis & fortibus satis magna vis requiritur, ut articuli excidant; ut faciliè pater ex ligamentorum articulos firmantium robore. Vis autem externa applicata tribus modis hæc paragrapho recensitis agit.

### §. 362. AUT interna, cavo innata, extrudens:

Ligamenta, quæ articulata ossa nectunt, ex illis locis, ubi epiphyfes reliquæ ossi junguntur, enata, capsulæ cavæ instar totum articulum ambiunt, sicque locum omnino clausum constituunt; neque aliquid foris ingredi, vel intrus elabi possunt. In cavo interno omnis articuli continentur bina extrema ossis excipientis & excepti, cartilagine undique incrustata; & in majoribus articulis glandulæ satis insignes, *Haversianæ* dictæ (b) à primo Inventore. Unica talis magna glandula (c) in femoris articulo; quatuor vel quinque minores in articulo genui conspiciuntur. Præterea plurimi folliculi minores internam ligamenti articulum ambiens superficiem occupant. Per has glandulas, quas innumeris vasculis constare Injectiones Anatomicæ docuerunt, secernitur mucus, instar albuminis ovi (d), saporis salsi. Cartilaginosa autem ossium extrema articuli cavo contenta, quantum hodie novimus, nullo etiam perichondrio testâ, videntur transudare tenue oleum

(a) Thesaur. IX. n°. LXXIV. pag. 361.

(b) Clopt. Haverf. Observat. de Ossib.

Scrup. IV. Cap. I. §. XLIII.

(c) Ibid. §. CXLVII.

(d) Ibid. Cap. II. §. CLIV.

medulare, quod in cavernosa parte ossium circa articulos hæret satis copiosum, In ossibus equinis majoribus nudo etiam oculo conspicuos vidit *Haversius* (a) tales poros, per quos oleum medullare in cavum articuli transiret. Confirmant hanc rem plurima alia Experimenta. Dum enim articuli cadaveris integri servantur, donec omne mucilaginosum sensim dispareat, (resorptum sortè) invenitur in illorum cavis merum pingue oleum, quod etiam in digitorum articulis observavit (b) idem Auctor. Post validos motus & diuturnos mactata animalia parum medullæ in cavis majorum ossium habent; cum contrà in quiescentibus & saginatis medulla abundet. Ex quibus omnibus satis constare videtur, medullam ossium etiam huic usui servire, ut per ossium articularum extrema exsudans misceatur mucilagini à glandulis secretæ; sicque ex his simul unitis fiat illud linimentum, quod ossium articularum extrema inungit, & lubricissima reddit, ut sine multo attritu ossium ad se invicem articuli moveri possint: Et ob hanc causam, ubi pingue oleum corporis consumitur nimis laboribus, senio, vel morbis, crepitus articularum oritur, dum sicca nimis ossium extrema ad se mutuo attrerunt. Simul & in cavum articuli ex ultimis arteriis exhalantibus tenuis ille ros expellitur, quem in omnibus cavis corporis minoribus æquè ac majoribus adesse novimus.

Triplex ergo in articularum cava concurrit humor; universale perspirans, oleum medullosum, & mucilago à glandulis hic positis secreta, ex quibus simul mistis nascitur lubricum illud linimentum, quod calore, & attritu ossium ad se mutuo, attenuatum iterum resorbetur tali copia, quali aggeritur. Si verò à quacumque causa deficiat, vel minuat, resorptio liquidi hic effusi, & pergant interim causæ secernentes & expellentes illud effundere, accumulabitur illud, ligamentarem capsulam distendet, & debilitabit; unde facilis prolapsus ossis articulati ex suo cavo ab hac causa nascitur. Ingentis molis tumores circa articulos nasci ab hac sæpe causa testantur. Observata practica satis frequentia. Oleum verò medullare, per poros extremorum cartilagineorum ex ossis cellulari substantia in articuli cavum expulsum, satis etiam in concretionem primum esse, si non attenuetur motu & attritu ossium, articularum ad se invicem, docet *Haversius* (c). Dicit enim se in saginatis animalibus (quæ plerumque etiam validos motus non exercent) sæpius invenisse concretam pinguedinem in poro, per quem exsudare solet hoc pingue, hærentem, quam primo adpectu pro glandula quadam habebat, postea tamen nil esse præter oleum concretum invenit.

Pulcherrimè etiam hanc luxationis causam, & alia plura circa hanc rem habet *Hippocrates*; de articulis enim agens dicit, (d) *Mucus omnibus à natura inest, & quam purus fuerit sani sunt articuli, ideòque faciliè moventur, quum sint inter se lubrici. Obortitur autem labor & dolor, ubi vexaverit qui à carne laborante fluxit humor. Inprimis quidem frigidus fit articulus, neque enim lubricus est qui ex carne affluxit humor. Deinde copiosus valde dispersus, neque à carne irrigatus, semper resiccatur; quumque cum ob multitudinem articulus capere non possit, effluit, malèque concrevens nervos quibus articulus colligatur, attollit, relaxat & dissolvit. Ob idque, quum magis sit, magis; quum minus, claudi fiunt. Et alibi*

(a) Observ. de Ossib. Ser. III. Cap. 1 §. xxi.

(b) Ibid.

(c) Ibid.

(d) De locis in homine, cap. m. *Charteris* Tom. VII. pag. 364.

(a) Quibus, ab ischiade diuturna vexatis, ischium è proprio loco excidit, atque rursus incidit, iis muci innascuntur.

Si jam simul attendatur, posse hic nasci inflammationem, cum innumeris arteriis ligamenta & glandulas articularum irrigari constet ex Anatomicis; poterit & sequi suppuratio, puris facti in cavo articuli accumulatio, &c, adeoque omnia mala similia produci poterunt, ac à naturalibus articularum humoribus hic collectis nec refoptis iterum. Satis autem frequentes fieri ab hac causa luxationes, docuit *Petitus* (b), & ingenue fateatur, se hoc didicisse propriis erroribus. Dum enim à lapsu v. gr; vis valida trochanterem majorem ossis femoris urget, facile patet, caput ossis femoris fortiter apprimi suæ cavitati, quâ continetur; unde glandulæ hic locatæ, & ligamentum teres validam contusionem pati poterunt, quam sæpe inflammatio, suppuratio, & puris vel mucilaginis accumulatio sequitur. Distracta sic & debilitata ligamenta non amplius retinebunt caput ossis femoris in suo situ, sensim illud expelletur ex suo cavo, musculi affixi suâ contractilitate sursum trahent os femoris, & immedicabilem postea claudicationem facient. Difficile cognitu hoc malum in initio, cum luxatio diu post sequatur. Si cognoscatur talem causam prægressam fuisse, & dolor molestus in articuli loco addit, venæsectio, tenuis diæta, & cura antiphlogistica requiruntur; ut inflammatio futura caveatur, vel tollatur si jam addit. Quies simul parvis affectæ, & idonea fomenta applicata proderunt summopere; sicque poterit præcaveri luxatio, ab hac causa nascitura, quæ, si jam nata fuerit, immedicabilis videtur.

§. 363. **H**Æ. causæ (361. 362.) juvantur extensis, laxatis, ruptis ligamentis, sive id ab externa, sive ab interna causa.

Sola ligamentorum cohesio efficit, ut ossa articulata suo loco maneant: in quibus ergo requiritur flexibilitas quidem, ut cedere possint variis articuli motibus; sed & simul talis tenacitas, ut non patiantur facile nimiam elongationem. Demonstratum fuit in *Commentariis* §. 25. n. 3, nimiam distractionem meritis numerari inter illas causas, quæ partes solidas corporis debilitant; unde nimia extensio ligamentorum, licet non statim fecerit luxationem, poterit tamen sic disponere articulos, ut postea facillimè luxationem patiantur. Idem verum erit, si vel à nimia laxitate totius solidæ compagis corporis, vel à peculiari ligamentorum debilitate, illa non satis resistent causis distrahentibus. Ideo *Celsus* generales omnium luxationum causas describens dixit, (c) *Omnes articuli, cum aliis nervis comprehenduntur, excidunt aut vi expulsi, aut aliquo casu nervis vel ruptis, vel infirmis; facilliusque in pueris & adolescentulis, quam in robustioribus.* In juniori ætate omnes partes solidas molliores esse, & facilius distrahi posse, omnino verum est. Sed & in quibusdam hominibus, adultis quamvis & satis robustis, mira laxitas ligamentorum in omnibus, ferè articularis observatur. Aliquando enim publico spectaculo

(a) Aphorism. Sect. VI. n. 118. Chart. pag. 159, & suiv.  
Tom. IX. part. II. pag. 289.

(b) Académ. des Sciences l'an 1711. Mém. (c) Medicin. Lib. VIII. Cap. XI. pag. 543.



se exposuerunt histriones, qui omnes ferè articulos corporis solâ musculorum vi luxare, atque iterum reponere noverant, & cereum quasi corpus in qualvis ferè figurâ flectere. Meritò hinc monuit Hippocrates, (a) quòd in luxatis facillè restituentis naturæ à naturis plurimum differunt, & multum cavum à cavo distat: nam hoc quidem facilius, illud minus facillè superatur. Multum etiam discriminis est inter eos quibus nervorum conjunctio laxa est, & quibus tensa.... Complures autem videre licet, ita humidos, ut, ubi velint, sine dolore articulos suâ sede moveant, atque item & sine dolore restituant. Postea etiam addit (b) quòd carnosus articuli minus facillè exsistant, sed & difficilior reponantur, si elapsi fuerint; contrarium verò obtinere in macilentis. Deinde hanc rem (c) boum Exemplo confirmat, quibus ultimâ hyeme emaciatis femoris articuli facillimè excidunt.

Si autem vi externâ rupta fuerint ligamenta, vel suppuratione, erosione, &c, soluta fuerint illorum cohesio, facillè patet, levi etiam de causa articulos excidere posse.

§. 364. **H**INC figuræ in parte mutatio, tumor, cavitas, elongatio, accurtatio membri, immobilitas, distractio musculorum, torpor subjacentium, paralysis, vasorum vicinorum compressio, dolor, pervigillum, inflammatio, œdema, ancylosis, convulsio, marcor, mors partis, vel & totius.

Recensentur hæc paragrapho illa phænomena quæ luxationem facillè comitari solent, vel sequi.

**FIGURÆ MUTATIO, TUMOR, CAVITAS,** Signa communia quæ quamvis luxationem comitantur, describens Celsus dicit, (d) *Siquidem semper eâ parte tumor est, in quam os prorumpit; eâ sinus, à qua recessit.* Inprimis autem insolitus talis humor, & præternaturalis cavitas apparet, si articuli luxati sitis nudi fuerint, ut v. gr; in humero & cubito: in femoris enim articulo, ob copiosam pinguedinem & plurimos musculos circumpositos, difficilior hoc detegitur. Ut autem certò constet, an articulus luxatus fuerit necne, pulchre monuit Hippocrates, partem læsam debere conferri cum parte sana. Nam (e) *ad exemplum integri æstimare vitiatum oportet.... Neque spectare alterius hominis articulos: (aliis enim magis exstant, aliis minus) sed ipsius laborantis, an integer vitiatò dissimilis sit.* Non autem solam figuræ mutationem sufficere, ut constet articulum quemdam excidisse, pariter monet, dicens (f) *multis enim articuli præ dolore, aut alia de causa, ut non exciderint, nequeunt tamen eo modo quo in sanis corporibus, figurari.* Imò, licet cavitas præternaturalis appareat circa articuli locum, nisi & tumor insolitus in alio loco addit, ob caput articuli alieno loco positum, turpis poterit error committi, imprimis circa articulum humeri. Hippocrates (g) dicit, se plures novisse, nec ignobiles Medicos, qui credebant, humeri articulum luxatum esse, dum divulso acromio humeri superior commissura depressa & cava appareret. Et Galenus (h) in Commenta-

(a) Lib. de Artic. Comment. I. Textus XXXII. XXXIV. Charter. Tom. XII. pag. 304. 305.

(b) Ibid. Text. XXV. pag. 305.

(c) Ibid.

(d) Medicin. Lib. VIII. cap. XI. pag. 543.

(e) Lib. de Artic. Comment. I. Textus XXXIV. Charter. Tom. XII. pag. 310.

(f) Ibid. Text. XXXVII. pag. 311.

(g) Ibid. Text. XLII. pag. 317.

(h) Ibid. pag. 323.

riis in hunc textum *Hippocratis* narrat, sibi simile quid accidisse. Dum enim in palæstra acromium ipsi diductum fuisset, palæstræ magister cavitatem præternaturalem videns credebatur, humeri caput in alamprolapsum fuisse, unde validè extendebat brachium, & deinde elapsum articulum repellere nitebatur, sed frustra. Dum aliis etiam adiutoribus adhibitis validissima fieret extensio, *Galenus* ipse, digitis alterius manus alæ lateris affecti immisis, tentabat reducere luxatum articulum; cùm autem nihil præter naturam in alæ cavo inveniret *Galenus*, monuit, ut ab ulteriori extensione abstineret: illo tamen invito perrexerunt distendere, credentes doloris acerbitate victum *Galenum* iussisse, ut cessarent; & nisi alter accedens prudenter cohibuisset, musculum avulsissent, perversâ tamen hæc arto convulsionis periculum instare sensit *Galenus*, quod non nisi continuâ olei calidi perfusione evitare potuit; uti aliâ occasione dictum fuit in *Commentariis* §. 164. Unde apparet, quantâ cautela opus sit, ut constet de articuli luxatione, cùm periculosissimi etiam aliquando sic erraverint. Vidi sic misero rustico totum brachium ad humerum usque gangrænâ correptum fuisse, dum phlegmone verâ tumentem cubitum luxatum crederet, & validis, illisque sæpe repetitis, extensionibus vexasset rudissimus homo; qui tamen ignaræ plebeculæ persuaserat, se in luxationibus & fracturis curandis omnes antecellere.

**ELONGATIO, ACCURTATIO MEMBRI.** Dum articulus suo cavo; quo naturaliter continetur, excidit, musculi ossi affixi propriâ contractione illud sursum ducunt; unde plerumque luxatum membrum brevius fit, simili modo ac in *Commentariis* §. 343, dictum fuit, ossibus fractis membra accurtari. In quibusdam tamen casibus, licet rariùs, membrum luxatum elongatur: si nempe caput articuli elapsum sustineatur sic, ut à musculis attrahi nequeat. Sic v. gr; maxilla inferior si utrimque luxetur (a), totum mentum inclinatur, & in anteriorem partem promovetur, inferioresque dentes longius, quàm superiores excedunt, intentique temporum musculi apparent. Ultra enim tubercula quæ ante cavum articuli ponuntur, prolapsâ maxillæ inferioris capita non possunt retrahi à musculis affixis, & ideo in tali casu maxilla inferior semper ultra superiorem eminet. Et *Hippocrates*, de femoris luxationibus agens, inter illa signa, quæ docent, femur in anteriorem partem prolapsum esse numerat, quod pars affecta longior sit; si cum altera conferatur; (b) Ossi enim, quod à coxa sursum procedit ad pectinem, femoris caput inhaeret, cervixque articuli cavo sustinetur. Ob has autem binas causas femur luxatum longius fieri voluit. Accurtatio ergo membri luxati frequentius quidem accidit: elongatio tamen ejusdem etiam aliquando locum habet. Rariùs tamen accidit, partem luxatam eandem longitudinem retinere cum parte sana: illud tamen contingere monet *Hippocrates*, ubi femoris luxati caput in anteriorem partem erumpit, & simul addit, raro talem luxationem fieri.

**IMMOBILITAS.** Omnes illi motus, qui requirebant articuli luxati debiram & naturalem dispositionem, vel omnino fieri non possunt, vel saltem non nisi summa cum difficultate; certè nunquam in vera luxatione omnes motus exerceri possunt, qui integro articulo fieri solebant. V. gr; humeri articulo bene constituto, potest homo extenso brachio innumeros conos describere, quorum ver-

(a) *Medicin. Lib. VIII. cap. XII. pag. 544.*

(b) *Lib. de Artic. Comment. III. Text. LXIX; Charact. Tom. XII. pag. 329,*

tices in articuli cavo concipi possunt, bases verb ab extremis digitis describuntur : si autem humeri ossis caput cavo scapulæ elapsum fuerit, numquam hoc fieri poterit. Idem etiam in aliis articulationibus verum est. Non tamen semper omnes articularum motus destruuntur luxatione factâ ; sæpe enim quidam supersunt, uti optimè notavit *Hippocrates*. Postquam enim egit de illis, qui à primo natali die humeros breviores habuerunt, sive ob luxationem in utero jam factam, sive alia de causa, dicit, (a) Quibus verb ætate jam robustâ, humeri caput erupit, neque restitutum est, pars quæ supra commissuram est, tenuatur & gracilioris habitûs sit : ubi dolore liberantur, non aequè præstare possunt opera omnia, quæcumque requirunt, uti cubitus à pectore ductus in latera attollatur. Ad ea autem valent, quæcumque efficienda sunt, humero, vel in priorem partem, vel in posteriorem ad pectus adducto : nam terebrâ, ferrâ, secure, ac rastris utuntur, dummodo cubitus non admodum altè attollere necesse sit. In aliis plurimis locis ejusdem libri de diversis luxationibus ejusdem articuli agens *Hippocrates* monet, quinam motus articuli impediuntur, quinam verb superfluitas maneant. Unde sub hac limitatione immobilitas inter effectus luxationum numeratur.

**DISTRACTIO MUSCULORUM.** Caput articuli elapsi, alieno loco positum, necessariò premet vicinos musculos, illòque distrahet : sed præterea musculi ossi luxato affixi necessariò situm suum mutabunt : hinc quidam ex illis elongari debebunt, alii verb e contra laxari. Et ab hac causa etiam pendet mutatio figuræ in parte luxata. Dum *Petitus* (b) signa enumerat, quibus cognoscitur, ossis femoris caput cavo suo elapsum versus posteriora ivisse, monet, glutinosos musculos laxatos esse, tricipitem autem chordæ instar validissimè tensæ à pubis regione usque ad medium ossis femoris apparere. Dum maxillæ inferioris utrumque caput luxatum est, faciliè patet ex Anatomica cognitione partium, quanta distractio debeat fieri musculorum temporalium, &c ; unde sæpe convulsiones, & mors ipsò sequuntur.

**TORPOR SUBJACENTIUM, PARALYSIS.** Si nempe articulus elapsus vicinos nervos majores compresserit ; vel uti à vertebrarum luxatione contingit, ipsa medulla spinalis prematur. Ubi de spinæ luxatione agit *Hippocrates* (c), monet, quòd, ubi spinæ superior pars intorsum luxatur, toto corpore resoluti & torpidi (*σπασμωδαιοι*) fiant. Videantur & illa, quæ dicta sunt in *Commentariis* §. 170, no. 1. lit. γ. Si jam caput ossis humeri, in cavum axillæ elapsum, magnos truncos nervorum ibi decurrentes comprimat, patet faciliè, eadem mala in partibus suppositis fieri posse. Quando ossis femoris caput in anteriorem partem luxatur, inter alia signa hujus mali numerat *Hippocrates* (d) urinæ suppressionem, quia femoris caput tunc insignibus nervis adjacet. Videretur autem à compressis nervis potius debere sequi urinæ excretionem involuntariam, quàm ejusdem suppressionem. Sed monuerat *Hippocrates* alibi (e), si medulla spinæ læsa fuerit quacumque de causa, primis temporibus nec stercus, nec urinam, egeri ; vetustiore autem facto morbo, hæc etiam, non urgente homine, prodire : unde patet, à compressis

(a) Lib. de Artic. Comment. I. Textu LXI. Charter. Tom. XII. pag. 310.

(b) Académ. des Sciences l'ag 1713. Mém. pag. 163.

(c) Lib. de Artic. Comment. III. Text. LI. Charter. Tom. XII. pag. 321.

(d) Ibid. Text. CVII. CVIII. pag. 471.

(e) Prothetic. Lib. II. cap. XI. Charter. Tom. VIII. pag. 819.

nervis sequi aliquando urinæ suppressionem. Si ergo integre compressi fuerint nervi motui & sensui dicati, paralysis erit perfecta cum insensibilitate; si levior tantum compressio, minuet quidem, non tamen integre abolbit nervorum functionem: partes subjectas occupabit torpor, qui, uti pulchre dixit *Galenus* (a), inter paralytin & integram valetudinem medius affectus est.

**VASORUM VICINORUM COMPRESSIO.** Æquè jam, ac caput ossis humeri; cavo suo elapsum axillam versus, premit sæpe vicinos insignes nervorum truncos, sic & poterit comprimere maxima vasa sanguinea hic posita; adeoque, quamdiu ibi hæret, impedire liberum sanguinis influxum & effluxum in partibus suppositis; unde gangræna, vel atrophia, sequuntur. Videantur & illa, quæ dicta sunt in *Commentariis* §. 161, & §. 166.

**DOLOR.** Illa dispositio fibræ nervosæ, cerebro ortæ, quæ dissolutionem continui minuitur, doloris ideam in mente excitat, uti dictum fuit §. 200. Sed non potest articulus suo loco elabi sine valida distensione ligamentorum hunc articulum ambientium; & quamdiu os luxatum manet in hoc situ præternaturali, ligamenta plùs distrahuntur, quàm naturaliter solent: unde dolor, & sætis acutus quidem, omnem luxationem recéns factam comitatur; cessans plerumque, vel saltem plurimum minutus, postquam ossa luxata in debitum situm reposita fuerunt. Ob hanc rationem, doloris inter causas, meritis numerabatur luxatio §. 224. n°. 3. Si jam consideretur, periosseum in illo loco, ubi ligamenta articularum oriuntur, ab osse secedere, & supra ligamenta pergere (vide *Commentaria* §. 343.), patebit non posse distrahi ligamenta, quin similiter efficiatur periosseum incumbens, quod acutissimum sensum habet; unde iterum nova doloris causa oritur. Præterea caput ossis luxati, premendo partes vicinas, poterit fibras nervosas per has partes dispersas distrahere, & earumdem vasis compressis obstructionem, inflammationem, &c. facere; unde iterum nascetur dolor. Ubi autem os luxatum non repositum fuerit, diuturnâ distractione fibræ ligamentorum debilitantur sic (vide §. 25, n°. 3.) ut faciliùs cedere possint & elongari sine rupturæ periculo; unde dolor sensim minuitur, & tandem cessat (vide §. 228, n°. 1.) Vicinæ partes verò, à capite ossis luxati pressæ & tritæ, callosæ fiunt & sensum amittunt. Paulò antè dictum fuit, ubi de immobilitate, quæ luxationem sequitur, agebatur, tandem dolore liberari illos, quibus articuli elapsi non fuerunt repositi, & multos adhuc motus sæpe satis commodè perfici posse. Ubi de luxatione ossis femoris versus partem exteriorem agit *Hippocrates*, dicit, (b) *Ubi caro, in quam articulus excessit, jam trita est, & glutinosa evasit, dolor tempore conquiescit: quo cessante, ingredi absque baculo possunt, si alioquin volint, potestque affecto crure ferri corpus.* Notavit enim *Goræus*, (c) *παλιν* in fluidis significare majorem lentorem; in solidis verò partibus auctam tenacitatem.

**PERVIGILIUM.** In *Commentariis* §. 226, vigilia numerabatur inter effectus doloris: cùm ergo modò probatum fuerit, dolorem luxationem comitari, patet & pervigilium adesse debere, quamdiu doloris acerbitas durat.

(a) De Loc. affect. Lib. II. Cap. III. Charter. Tom. VII. pag. 404.]

(b) Lib. de Artic. Comment. III. Text. xciii. Charter. Tom. XII. pag. 411.

(c) Defin. Med. pag. 133.

**INFLAMMATIO.** In sequenti capitulo patebit, inflammationem adesse, dum immeabile liquidum in vasorum angustis hærens liquido à tergo urgente, & per febrim fortius moto, premitur, & atteritur. Supponitur ergo obstructio, & celerior humorum circuitus. Sed in *Commentariis* §. 112, demonstratum fuit, omnem vim comprimentem, vel & elongantem vasa flexilia, angustare eorundem cavitates, ideòque obstructionis causam esse posse. Per luxationem autem elongantur ligamenta, & muscoli & tendines offibus affixi; ossa sedibus suis elapsa comprimunt vicinas partes; unde obstructio ut effectus à luxatione tanquam causà sequetur. Febris autem inter doloris effectus recensetur §. 226; unde apparet, in luxationibus bina illa concurrere, quæ inflammationi producendæ sufficiunt; obstructio nempe & celerior motus sanguinis per febrim, à dolore, omnem luxationem comitante, ortam. Quàm valide autem febres unà cum inflammatione luxationes sæpe sequantur, *Hippocrates* pluribus locis docuit: humeri osse in cubiti articulo versus priorem partem luxato, nisi (a) subito reponatur, graves vehementesque inflammationes cum febre oriuntur. ... verum ubi humerus in posteriorem partem erumpit (id quod rarè accidit) maximè omnium dolorem movet, & febrim, eaque sub pura bile continuatur, mortifera est, & paucis diebus hominem præcipitat. Quod & confirmat (b), ubi de cubiti luxatione agit. Et alibi de maxillæ luxatione agens (c) monet quàm celerrimè restituendam esse: nisi enim reponatur (d) mortis periculum instat propter febres continentes: & postea addit (e), quòd soleant tunc alvo biliosa sincera pauca dimittere, & si evomant, sincera, biliosa, nempe vomunt.

**ŒDEMA.** Dicitur fuit in *Commentariis* §. 112, n°. 1, hoc nomine quidem omnes tumores præter naturam vocatos fuisse, postea tamen solos tumores molles indolentes, & digito prementi cedentes sic dictos fuisse. Talis tumor plerumque tantum in membrana cellulosa hæret, accumulata lymphâ & stagnante in cellulis hujus membranæ. Luxationes autem talis tumor comitatur inprimis, quando articulus elapsus venas majores comprimit: sic enim impeditur liquidi venosi motus, unde tenuissimus ros, ab arteriis efflatus in cava membranæ cellulosa, per venas commodè refluere nequit, adeoque accumulatus stagnat, & in aquam, sive ichorem dictum *Hippocrati*, convertitur.

**ANCYLOSIS.** Recenti cicatrice contractos articulos ἀγκύλας Græcis vocari dixit *Celsus* (f). Articulorum verò detentiones (τὴν κήρυον κατὰ μέρος), appellari ἀγκύλας & ἀγκυλώσεις, habetur apud *Æginetam* (g), factas ob humorum infarctionem vel ob quandam nervorum contractionem. Ablatam ergo articulorum flexibilitatem ancylosis significat; quam sæpe tumor præternaturalis comitatur. Sed, ut mobiles articuli maneant, requiruntur debita figura & adaptatio extremorum ossium articularum, lubricitas summa ob cartilagineas æquabilissimas horum extremitatum superficiem, & linimentum inungens; denique & ligamentorum, articulum ambientium, debita debet esse flexilitas. Sed per luxationem factam hæc requæsitæ aliquando tolluntur, vel insigniter mutantur. Ligamenta enim, dum articulus suo cavo excidit, rupta, vel valide distRACTA, inflam-

(a) Lib. de Fract. Comment. III. Text. LXII.  
Charter, Tom. XII. pag. 266. 267.

(b) Lib. de Artic. Comment. II. Text. 1.  
Charter, Tom. XII. pag. 331.

(c) Ibid. Text. xx. pag. 340.

(d) Ibid. Text. XXIV.

(e) Ibid. Text. XXIII. pag. 347.

(f) Medicin. Lib. V. cap. XXIII. n°. XXVIII.  
pag. 157.

(g) Lib. IV. cap. IV. pag. 70. vers. 1.

mantur; uti etiam ab illa vi, quæ ad luxata restituenda adhiberi debet. Sed hanc inflammationem suppuratione sequi poterit, vel & gangræna; unde postea ligamenta contracta manebunt & rigida. Præterea malè sic affectis ligamentis non fiet talis secretio mucæ articulos lubricantis, qualis naturaliter fieri solet; unde iterum impeditur articuli motus. Et dum ligamenti inflammatis à minimo motu articuli acerrimus dolor oritur, quiescente parte, non attenuatur satis nec reforbetur articularum linimentum; quod ergo accumulatum, distatà tenuissimâ parte, in massam irresolubilem postea concrevens, omnem articuli motum tollet. Si jam, dum elabitur ex suo cavo articulus, vel dum elapsus reponitur, cartilaginea superficies ad margines cavi forius attritalædatur, vel alio quocumque modo depravetur, iterum alia ancylosis origo patet.

CONVULSIO. Acerrimum dolorem, turbato toto sensorio communi, convulsio sæpe sequitur, uti dictum fuit §. 226. Unde vel ob hanc rationem convulsio luxationem sequi posset. Sed præterea luxationem sæpe comitantur ingens musculorum distorsio, tendinisque distractio, quæ convulsioni producendæ sufficiunt. Novimus enim quotidianis Observatis, si musculorum, digitos manus pedisque moventium, tendines loco suo exsiliant, quàm enormis dolor & tetanus musculi sequantur, quem Crampum vocare solent. Monuit Hippocrates (a), ubicumque cruris ossibus luxatis, accedente vulnere, articuli qui ad pedem sunt, sive in interiori, sive in exteriori rem partem penitus excidant, reponendi non sunt... Scire enim convenit, ubi repositi sersentur, hominem decedere, paucisque diebus vitam trahere. Nam pauci septimum diem excedunt, cum nervorum distensione absumentur. Idem malum expectandum esse dicit (b) si cubiti ossa circa carpum sic luxentur, ut facto vulnere excidant, & postea dicit (c) quòd si reposito articulo nervorum distensio supernascatur citò expelli debet, & subinde calido humore perfundi.

MARCOR. Ubi à quacumque causa arteriæ majores, vel & nervi, ad partem quamdam tendentes impediuntur, quominus vitales humores, ad vitam & nutrimentum necessarios, deferant & distribuunt per partem, oritur verus marasmus; dum sensum dissipatis liquidis, quæ aderant, nec novis allatis, vasa omnia contrahuntur. Mirum tale Exemplum in Commentariis §. 161, habetur, ubi arteriâ axillari integre dissectâ, brachium totum postea Mumiz instar exaruit. Ubi ergo v. gr; caput ossis humeri elapsum maxima illa vasa axillaria compressit diu, simile malum metuendum esse facile patet.

Sed & aliam causam marcoris notavit Hippocrates, quando nempe ossa luxata non fuerint reposita. De femoris enim luxatione agens dicit, quòd si hæc acciderit illis, qui nondum incrementi apicem adepti sunt, neque restituta fuerit, (b) brevius redditur femur, crus & pes; neque enim ossa similiter in longitudinem augentur, sed breviora fiunt, femur præsertim. Crus item universum sine carne & musculis efficitur, ad hæc effeminatum tenuisque; partim quòd articulus loco motus sit, partim quòd nequeat suo munere fungi, quum naturalem statum non retineat. Namque usus aliquis id, quod valde effeminatum est, confirmat; solvit etiam aliquid ex eo, quod augeri membrum in longitudinem prohibebat. Potissimum autem læduntur, quibuscumque, dum iterum sunt, hic articulus elabitur; deinde quibus id accidit, dum in ætate sunt admodum tenera; minime quum jam robusti sunt. Marcorem autem illum locum habere notat

(a) Lib. de Artic. Comment. IV. Text. xv.

Charter. Tom. XII. pag. 435.

(b) Ibid. Text. xxvj. pag. 443.

(c) Ibid. Text. xxx. pag. 445.

(d) Ibid. Comment. III. Text. LXXV. LXXXV. pag. LXXIII. 403-405.

inprimis in proximis articulo luxato locis (a) : quod probat Exemplo illorum, quibus humeri luxati à nativitate fuerunt, vel saltem antequam perfectum corporis incrementum adepti fuerint. Illis enim humeri os brevius est, cubitum verò & summam manum sanis minora paulum habent. Hujus rei & hanc rationem addit, quòd possint pleraque opera non minùs manu partis læsæ præstare, quàm alterâ manu sanâ : ideoque, coxæ articulo versus interiorem partem elapso, carnes magis minui dicit, quia crure uti nequeunt. Unde marcor ille, articulum luxatum, nec repositum, sequens, non semper adscribi potest compressioni majorum vasorum, sed sæpe etiam pendet à defectu motûs muscularis in parte sic læsa. Ideo notat Hippocrates (b), quòd, ubi adultus femoris os versus exteriorem partem exciderit, nec restitutum fuerit, non adeo multum minuatur partis torositas, quia non perit membri usus. Carne enim, in quam articulus excessit, per attritum firmiore factâ, sine baculo incedere possunt. Postea verò ex plurimis circa hunc marcorum Observatis generale axioma deduxit, dicens (c) *Quæcumque in corpore ad aliquem usum fabricata sunt : si quis moderatè utatur, excrescatque in eo laboris genere, cui singula assueverunt ; hoc passio bene valent, augentur, & ad longam senectutem deducuntur. Si in usu non sint, sed otiosa degant, morbis patent, non augentur, & maturè senescunt : id præcipuè accidit nervis atque articulis, nisi quis illis utatur.* Quantum autem effectum præstet motus muscularis, ut ex ingestis restituantur illa, quæ vitæ & sanitatis inevitabili effectû quodidie pereunt de toto corpore & singulis partibus, demonstratum fuit in Commentariis. §. 25. n.º. 2. & §. 28. n.º. 2. Si jam simul consideretur, musculos, tendines, ligamenta, &c, sibi relicta spontaneâ contractione, abbreviari, & tandem rigescere; & minutis causis distendentibus propriâ contractilitate vasa nostri corporis arctari; patebit ratio, quare post luxationem, impedito membri motu, marcor sequatur.

Omnia hæc, quæ de hoc marcore apud Hippocratem sic sparsim habentur, collegit Celsus, & brevi, nec minùs eleganti sermone sic expressit. Articuli (d) quibus in pueritia exciderunt, neque repositi sunt, minùs quàm cæteri crescunt : omniumque, quæ suo loco non sunt, caro emacrescit, magisque in proximo membro, quàm ulteriore : ut putâ, si humerus loco suo non est, major in eo ipso sit macies, quàm in brachio ; major in hoc, quàm in manu. Tum pro sedibus, & pro cassibus, qui inciderunt aut major aut minor, usus ejus membri relinquitur ; quòque in eo plûs usus superest, eò minùs id extenuatur.

Optimorum Chirurgorum Observata etiam hanc rem confirmant. Juveni (e), dum in pratis sedentem arrepto pede protraxerat ludibunda puella, dolor ortus fuerat circa femoris articulum, satis levis. Peritissimus Chirurgus advocatus, omni curâ examinans hoc malum, nullum luxationis signum invenit, sed à musculorum, & ligamenti articulum ambiens, distractione dolorem hunc ortum fuisse credidit : ideoque linteam spiritu vini madidum loco dolenti applicuit, & commodâ ligaturâ firmavit. Sollicita mater, quæ longè operosiora Artis molimina expectaverat, advocat rusticum, quî ignaræ plebecule in luxationibus restituendis magnus Magister habebatur. Rudis ille homo validissima extensione produxit, quæ falsò credebatur adesse, luxationem sic ut caput ossis femoris, cavo suo enormi hâc vi eductum, versus interiora vergeret, uti

(a) Lib. de Articul. Comment. III. Text. XXXVIII. pag. 408.

(b) Ibid. Text. xciii. xciv. Charter. Tom. XII. pag. 411. 412.

(c) Ibid. Text. civ. pag. 417.

(d) Medic. Lib. VIII. cap. xi. pag. 544.

(e) Delamoue, Traité complet de Chirurgie ; Tom. IV. pag. 367, & suiv.

evidenter apparuit, postquam idoneis remediis acerrimus dolor & tumor immensus adeo crudeliter vexatæ partis imminuebantur. Crus affectum binorum pollicum longitudine superabat crus sanum. Cum nondum apicem incrementi æger adeptus esset, prædixit Chirurgus, defecturum posse in parte affecta proportionale reliquo corpori incrementum. Eventus probavit hujus asserti veritatem, cum enim postea ad quatuor pollicum longitudinem increvisset totum corpus, crus læsum binis circiter pollicibus brevius remansit sano, licet in initio simili longitudine superasset.

MORS PARTIS, VEL TOTIUS. Inter effectus doloris §. 226, gangræna numerabatur: quæ talis partis corporis mollis affectio est, quæ abolito influxu vitalis humoris in arterias, effluxu per venas, in mortem tendit. Validam autem inflammationem, quæ toties luxationes comitatur, sæpe idem malum sequitur. Dum cruris ossa circa pedem cum vulnere luxantur; monet *Hippocrates* (a), si tentatur repositio, gangrænam pedem & crus prehendere. Si ergo vasa majora sic compressa fuerint, vel læsa per luxationem, ut impediatur humorum vitalium influxus & effluxus, mors partis inflat; ut etiam, si validâ inflammatione jam præsentem luxatum os reponere tentant. Fortis enim sæpe extensio & rudior attrectatio ad hoc requiruntur, à quibus citissime inflammatio in gangrænam transit. Triflis talis casus habetur apud modò laudatum Auctorem. (b). Famulo luxationem cubiti pridie passus, licet valida inflammatio jam articuli locum & vicina occupasset, restitutionem moliebatur rudis homo, in auxilium adhibitis etiam binis robustis viris, qui partem validissime extenderent. Sequenti die gangræna jam ad mediam brachii altitudinem ascenderat, & misero solâ exstirpatione membri vita servari potuit. Mortem autem totius sequi aliquando satis constat ex illis, quæ in *Commentariis* hujus paragraphi jam dicta sunt. Maxillæ enim luxationem diras convulsiones & mortem sequi dictum fuit. Post cubiti luxationem validas febres continuas, paucis sæpe diebus lethales, nasci, ab *Hippocrate* pariter observatum fuit; ut etiam, ubi majores articuli unâ cum vulnere sic luxantur, ut ossa emineant; tunc enim convulsiones instant & mors, si reponantur; & licet relinquatur, sæpe tamen adhuc anceps vitæ periculum manet.

### §. 365. EX quibus notis signa evidentia habentur luxationis.

Ut constet de luxatione articuli cujusdam, primò inquiritur, an talis causa præcesserit, à cujus vi & impetu articulus suâ sede expelli potuisset. Sive hæc vis externa fuerit, de qua dictum §. 361; sive interna in cavo articuli nata; de qua similiter dictum fuit §. 362. Simul tunc attenditur, an fortè ligamenta articulum coercentia à vi externa prægressa distracta nimis, vel & rupta fuerint; vel à quacumque demum causa sic laxata, ut non satis firmet articulum, quem ambiunt; de quibus dictum fuit §. 363. Postquam ex his constitit, justum adest luxationis factæ merum, sedulò inquiritur, an illa signa adsint, quæ luxationem factam decent. Primariæ sunt, tumor præternaturalis, ob caput articuli elapsi alieno loco positi; & cavitas infecta in illo loco quem naturaliter caput ossis elapsi solebat occupare. Ut firma autem sit diagnosi,

(a) Lib. de Artic. Comment. IV. Text. xvi. |  
Charter. Tom. XII. pag. 437.

(b) de Lamotte, Traité complet de Chirurgie Tom. IV. pag. 539.



debent hæc bina adesse; alterutrum si enim tantum deprehendatur, falleret sæpissime. Exemplum habetur in *Commentariis* præcedentis paragraphi talis erroris, ubi malè credebatur adesse luxationem humeri, quia cavitas præternaturalis apparebat circa articuli locum ob acromii divulsionem, interim nullo apparente tumore insolito in vicinia. Sic vidi, quòd post lapsum orto tumore duro inflammatorio in inguine, luxatio ossis femoris culparetur; cum tamen in macilenta satls puella facile perciperetur tactu, articuli locum se bene habere, nullamque cavitatem præternaturalem adesse. Multum confirmatur hæc diagnosi, si motus membri, à naturali articuli conformatione determinatus, omnino sublatus sit, vel saltem quàm plurimum depravatus. Si tunc simul pars affecta conferatur cum parte sana, & in figura & in longitudine insignis differentia appareat, nullum dubium videtur superesse.

Aliquando tamen contingere potest, ut satls difficilis sit luxationis diagnosi. Si enim à valida contusione, distortionè, &c., inflammatio locum articuli tumere fecerit, non adeo facillè licebit distinguere cavitatem præternaturalem in loco articuli, & tumorem insolitum in vicinia; dum interim omnis articuli motus impeditur ob doloris acerbiteriam. Unde in simili casu quàm maximè attendendum est, an causæ prægressæ tales fuerint, à quibus meritò luxatio expectari posset. Neque nocebit in dubio casu suspendere iudicium, quia, validà inflammatione natà, minime tutum foret luxata reponere, unde hæc prius per idonea remedia sedatà, postea locus affectus examinari poterit.

Quantà autem sæpe cautelà opus sit ad luxationes distinguendas, docet mirus satls casus, qui apud *Galenum* habetur. Homini in palæstra brachium luxatum fuerat: Medicus, partem læsam conferens cum parte sana, circa articuli locum nullam tamen differentiam invenit; unde satls temere hanc (a) tulit sententiam, *vulnus quidem aliquod huic regioni illatum fuisse . . . articulum verò illasum esse*. Balneum itaque adire ægrum, & postea, pannis laneis, oleo cum pauca cerà persufus, testà parte, decumbere & quiescere iussit. Cum tamen his factis totà nocte dolor non remississet, sequenti die indignabundus (quia alii adhuc Medici ipso imperitiores in consilium vocati essent) promptissimè pridie factam diagnosim confirmavit, humerum verò læsum inflammatum dolore dixit, idèoque in usu eorumdem pergendum esse voluit. Tertià die, cum nihil remitteret dolor, in consilium vocatus *Galenus* vidit, humerum affectum quidem non habere præternaturalem cavitatem in loco articuli, imò potius plùs tumere, quàm alter humerus, qui secundùm naturam se habere credebatur; sed sub alam brachii affecti digitis immissis statim deprehendit, caput articuli elapsi ibi hæcere, unde luxationem adesse conclusit. Fefellerat autem Medicum comparatio partis læsæ cum altera parte simili, quam sanam credebatur; cum tamen æger, sciscitante *Galeno*, recordari se dixit, quòd quandam ex curru delapsus humerum læsisset; unde acromium avulsum fuerat; sicque in humero, qui naturaliter se habere credebatur, præternaturalis cavitas circa articuli locum apparebat, & ideo comparatio binorum humerorum inter se Medicum in errorem duxerat.

Postquam jam consistit de luxatione præsentì, præterea requiritur in diagnosi, ut determinetur, versus quem partem articulus elapsus iverit, an versus anteriorem, inferiorem, superiorem, posteriorem, &c. Plurima enim ad prognosim & curam scitu

(a) Lib. de Medic. Officin. Comment. I. Text. r. Charter. Tom. xix. pag. 67.

necessaria ab hac cognitione pendent. Anatomica cognitio, ossium articularum variam unionem in diversis articulis docens, & consideratio motuum illorum, qui ab articuli naturali dispositione pendent, multum hic lucis dant. Præsertim autem hoc noscitur ex loco, in quo caput articuli elapsi hæret. Ideo sollicitissime collegerunt Hippocrates, & post illum optimi omnes in Arte Magistri omnia signa, quibus distinguere possent variaz ejusdem articuli luxationes. Sic v. gr; cubito in posteriorem partem prolapsio monet, quòd sic affectus (a) *extendere brachium nequit*; & contrà, eodem articulo in anteriorem partem luxato, *flectere non potest*. De femoris variis luxationibus agens, singularum signa accuratè notavit (b), &c: quæ omnia hic describere supervacuum videtur.

§. 366. **E**T expensis magnitudine, figurâ, situ, parte pressâ & interceptâ, tempore durationis, concretionem luxatorum, dolore, inflammatione, convulsione, & reliquis symptomatibus, partibus ambientibus tenuioribus, crassioribus, ligamentis destructis, vel modò elongatis, musculis annexis, & similibus, prognosim habetur, quæ doceat, an integra, an deficiens, celeris, tarda, facilis, vel difficilis futura sit sanatio.

Postquam per signa diagnostica consistit luxationem factam esse, sedulò debent ponderari omnia illa, quæ hæc paragrapho recensentur, ut possit haberi certa prognosim illorum, quæ metuenda sunt à luxatione jam cognita; vel & ab illa vi, quæ necessariò debet adhiberi, ut luxata ossa restituantur. Omnia autem hæc indicare oportet, si non ægro ipsi, saltem amicis ejus, ne postea secuta damna, quamvis nullâ Arte vitari potuerint, Medentium incuriæ, non verò magnitudini mali, ascribantur. Inprimis autem in prognosi quæritur, an cura talis expectari possit, ut omnes motus, integro articulo exerceri soliti, restituantur; an verò aliquis quidem usus membri luxati superstes futurus sit; non tamen absolutè talis, qualis ante luxationem factam fuerat. Sic enim distinguitur *integra & deficiens* curatio. Præterea debet determinari, an brevi temporis spatio cura perfici possit, an verò longiori morâ opus sit, ut debita firmitas articulo restituitur. Si enim v. gr; à valida distractione, vel à laxitate nimia, luxationem factam prægressa, ligamenta robur suum amiserint, non poterit, celeris curatio expectari. Facilis autem cura dicitur, si levis tantum extensio ad luxata restituenda sufficiat, neque gravia ulla symptomata adsint. Ubi autem contrarium obiter, difficilis cura meritò prævidetur, quæ & validam vim, & multa Artis molimina requireret. Nam (c) *histrionis est, parvam rem attollere, quòd plùs præstitisse videatur*; nunquam tamen nocebit, difficiliorem parum dedisse prognosim: sic enim si sinistri quid acciderit, illud prævisum fuisse Medentibus, apparebit; si verò om-

(a) Lib. de Artic. Comment. II. Text. 1. | finem, pag. 398, & seqq.  
Charter. Tom. XII. pag. 331.

(b) Ibid. Comment. III. Text. LXVIII. ad

(c) Cell. Medicin. Lib. V. cap. xxv. n.º. 1; | pag. 283.

omnia feliciter cesserint, faustus eventus laudem merebitur. Quenam autem metuenda sint, patebit, consideratis sequentibus.

**MAGNITUDE.** Luxationis magnitudo mensuratur distantia, quæ est inter illum locum, quem caput ossis elapsi occupat, & articuli cavum. Facile autem pater, quò plùs recesserit os luxatum à suo cavo, in quo naturaliter hæret, eò magis distrahì debere, imò & rumpi aliquando, ligamenta articulum ambientia; atque etiam musculos & tendines vicinos eò majorem vim pati, unde dolor summus, inflammatio, &c., sequuntur. Simul etiam evidens est, eò faciliùs restitui posse luxationem, quò propiùs articuli cavo hæserit os elapsum. Unde *Celsus* (a) monet, longè faciliùs humerum in suam sedem compelli, si in partem priorem, quàm si in alam, exciderit.

**FIGURA.** Dictum fuit §. 364, figuræ mutationem in membro luxato adesse: quò ergo, comparatione institutà cum simili parte sana, major invenitur figuræ diversitas, eò major mutatio suàs partium omnium vicinarum adest; adeoque earumdem validior distractio, vel intorsio: quæ omnia, ut facile patet, curæ difficultatem augent. Sed & ipsius articuli luxati figura magnam hìc differentiam adferre poterit. Sic v. gr; humeri osse luxato, debita extensione factà, si ejus caput ante sinum cavum scapulæ locetur, remissis partibus extensis, faciliè in suum locum revertitur. In osse femoris autem longè alio modo se res habet. Caput enim ejus unà cum cervice angulum obtusum facit cum reliquo ossis deorsum tendentis corpore; unde alià adhuc Arte opus erit. Licet enim, validà extensione factà, è regione cavi sui poneretur articulus elapsus, posset facillimè sursum ire, & præterlabi cavum suum à latere positum. Unde *Hippocrates* (b), de restitutione ossis femoris versus interiorem partem luxati agens, sic disponit totum apparatus, ut, dum extensione factà articulus elapsus è regione sui cavi fuerit, curantis brachio urgeatur à latere sic, ut in sedem suam revertatur.

**SITU.** Si considerantur pulcherrima illa Observata; quæ *Hippocrates* (c) de ossis femoris luxati vario situ habet, patebit evidenter, quanta si differentia effectuum luxationes sequentium ob solam hanc causam. Si enim versus interiorem partem iverit femoris os, nec reponi potuerit articulus (ut sæpe contingit) (d) carnes ambientes os luxatum emacrescent, & plurimum viciatus manebit partis usus. Longe levius è contra malum sequetur (e) si versus exteriora luxatum fuerit idem femoris os. Ideoque generalem hanc conclusionem posuit *Hippocrates* (f) in coxis quidem multùm refert in interioremne partem articulus excidat, an in exteriorem: in genu refert quidem, sed minùs. Sius verò claudicandi modus utrisque est. Nam quibus in exteriorem procidit, vari magis fiunt; minùs autem recti stant quibus in interiorem partem luxatur. Similiter ubi circa talos articulus prorumpit, si quidem in exteriorem partem, vari fiunt, sed stare queunt: si in interiorem, valgi; & stare minùs possunt.

**PARTÈ PRESSÆ ET INTERCEPTÆ.** Quanta mala fieri possint, dum ossa fedibus suis elapsa vicinas partes premunt, nunquam evidentiùs apparet, quam in luxatione vertebrarum: harum enim cavo inclusa medulla spinalis tunc premitur, contunditur, imò & aliquando laceratur. Eò autem magis funesta mala contingunt,

(a) Lib. VIII. Cap. xv. pag. 149.

(b) Lib. de Artic. Comment. IV. Text. XIII. Charter. Tom. XII. pag. 455.

(c) Ibid. Comment. III. Text. XLVIII, ad

Tom. I.

finem. Charter. Tom. XII. pag. 358. & sequ.

(d) Ibid. Text. XCIII. XCIV. pag. 411. 412.

(e) Ibid.

(f) Ibid. Text. LXXXVII. pag. 406.

prout altiori loco talis luxatio facta fuerit. Capitis hinc luxationem; elapsis versus posteriorem partem processibus, quibus summæ vertebræ committitur, absolute lethalem merito posuit Celsus, ita ut (a) *Nervi sub occipitio extendantur, & mentum pectori agglutinetur, neque bibere is, neque loqui possit; interdum sine voluntate semen emitat: quibus celerrimè mors supervenit.* Et postea monet, eundem casum manere (b) eos, quorum in spina vertebræ exciderunt, sed tardiùs quidem mori, quàm quibus capitis luxatio contigit; intra triduum tamen. Simul ibidem pessima illa mala enumerat, quæ vertebrarum luxationem sequuntur; si nempe totæ loco motæ fuerint: tunc enim medullam spinalem, membranas, & nervos rumpi necesse esse dixit. Si verò paululum tantùm excesserunt vertebræ in anteriorem partem, curam ex Hippocrate proposuit. Videantur etiam de hac re illa, quæ dicta fuerunt in Commentariis §. 364, de torpore & paralyti partium, quæ articulo luxato supponuntur. Si autem, dum reponitur articulus luxatus, interceptiantur malâ fortunâ nervi, vasa, musculorumve aut tendinum partes, &c., facillè patet, quàm enormes dolores, convulsiones, &c., inde fieri possint. Non facillè tamen hæc interceptio continget, si debita extensio partis luxatæ repositionem præceperit.

TEMPORE DURATIONIS. Generalem hanc regulam posuit Hippocrates in luxationibus restituendis, (c) *semper autem restituere convenit omnes articulos qui exciderunt; protinus quum adhuc calidi sunt, vel certè quàm celerrimè. Nam qui reponit, faciliùs & citiùs reponit; & æger minorem molestiam sentit, ubi priusquam locus intumuerit, articulus restituitur.* Sic enim & facillimè hoc fieri monet, & ægrum minimam molestiam pati, si restituitur articulus elapsus, antequam locus intumuerit. Celeberrimi etiam Chirurgi, dum ante fracturæ repositionem totum apparatus priùs disponunt, qui requiritur ad retinenda in situ ossa fracta, luxata ossa statim reducunt, & dein illa parant, quæ continendis ossibus jam repositis necessaria videntur (d). Et si malâ fortunâ luxationem fracturæ comitetur, semper priùs luxationem restituant, antequam fracturæ curam aggrediantur; partim ob modò dicta, partim etiam quia ossis fracti extrema, naturali situ disposita, illâ vi, quæ requiritur ad restituendam luxationem, facillè iterum à se mutuo recederent (e). Si autem elapsus articulus aliquo tempore sic manserit, brevi tumebit locus affectus, inflammabitur, & dolebit immaniter; unde gangrænæ metus à ruidiori atrectatione imminet. Præterea ligamenta, distracta diu, robur suum amittunt; unde facillimè postea elabetur repositus articulus. Glandulæ autem insignes, in majoribus articulationibus locatæ, pressione capitis ossis elapsi liberæ, vel & inflammatæ, tumere poterunt sic, ut cavum articuli multum minuant; unde & difficilis repositio & difficilior adhuc repositi ossis retentio in situ naturali. Accedit, quòd & mucosum illud articulos lubricans linimentum, motu articuli attenuari & dissipari solitum, nunc accumuletur, & inspissetur sæpe in massam postea nullâ Arte resolvendam, quæ articuli cavum sæpe sic replet, ut nullus locus ampliùs elapso ossi capiti supersit. Si jam simul consideretur, luxationem, nisi citò restituitur, semper sequi inflammationem, à qua suppuratio diuturna, & profundè hærens fieri poterit,

(a) Medicin. Lib. VIII. Cap. XLIII. pag. 546.

(b) Ibid. Cap. XIV. pag. 547.

(c) Lib. de Artic. Comment. IV. Text. LXIV. Charter. Tom. XII. pag. 466.

(d) de Lamotte, Traité complet de Chirurgie, Tom. IV. pag. 358.

(e) Ibid. pag. 358.

(utl *Hippocrates* (a) de luxatione femoris agens monuit) patebit faciliè ratio, quare in prognosi plurima mala prævideantur, si diu duraverit luxatio, antequam tentetur reductio.

**CONCRETIONE LUXATORUM.** Notum est, partes omnes corporis; sibi mutuo accumbentes & contiguas, à concretionem impediri intermedio liquido tenuissimo, roris instar, omnia cava minora & majora corporis occupante. Simulac autem ille ros deficit, brevì concrefcunt inter se partes antea separatae. Ubi autem inflammatio partem quamdam occupat, vasa majora infarcta & distenta tenuissimas exhalantes fistulas comprimunt; unde ficitas in partibus inflammatis oritur, & ob hanc facilis concretio cum vicinis. Sic post validas pleuritides & peripneumonias semper ferè pulmo pleurae accretus reperitur. Ossis jam elapsi caput, naturali suo linimento orbatum, partibus accumbens à distractione valida aut compressione inflammatis, faciliè cum illis concrefcit, si diu ibi hæreat. Unde patet, impossibilem esse tunc reductionem. Sed & ipsum articuli cavum repleri luxuriantibus glandulis, vel mucò inspissato, statim vidimus. Fortè & sensim ipsum hoc cavum oedem minuitur diu elapso manente articulo: dentibus enim evulsis lamellæ, maxillæ, quæ à se mutuo remotæ alveolum constituerant, sensim propius ad se mutuo accedunt; tandè quæ sic uniuntur, ut nullum alveoli vestigium maneat.

**DOLORE.** Recens factam luxationem semper dolor comitatur, ut dictum fuit in *Commentariis* §. 364. Si verò acerbissimus fuerit, meritò pessima quæque metuntur: quia indicat, partibus talem adesse conditionem, quæ in cohæſionis totalem solutionem tendit (vide §. 220.). Præterea pessimi effectus doloris summi, §. 226, enumerati, expectari debent; præcipuè quia ad repositionem articuli luxati requiritur valida extensio partium, jam adeo dolentium; unde convulsionis, delirii, gangrænæ, &c, metus est.

**INFLAMMATIONE.** Quare inflammatio luxationem factam sequatur, dictum fuit in *Commentariis* §. 364. Semper autem adesse solet, nisi citò reponatur articulus elapsus. Ubi autem valida inflammatio partem luxatam occupavit, maximum periculum est. Nisi enim reponantur citò luxata, difficillimè postea reponi poterunt: si verò inflammatae partes rudiùs tractentur, gangræna brevi sequetur. In tali autem casu ex binis malis minus eligendum est, præstâtque luxata relinquere, donec inflammatio idoneis auxiliis sedata fuerit. Hæc fuit etiam *Hippocratis* sententia: dicit enim de periculosis luxationibus agens (b) eodem autem die restituendi sunt (articuli) vel certè posteriori; tertio aut quarto minimè; siquidem quarto die malum recrudesceat maximè videmus. Ubi ergo non protinus recondantur, his diebus superſedendum est. Contineri enim solet, quod intra decem dies conditur. Et alibi de cubiti luxatione agens generalem regulam posuit, quòd (c) nullum articulum, dum febris est, compellere in suam sedem convexit, sed minimè omnium cubitum. Febris autem inflammationis validæ luxationem comitantis signum & comes est. Sic & *Celsus* monuit, dicens, (d) Quidquid autem loco suo motum est, ante inflammationem reponendum est. Si illa occupavit, dum conquiescat, laceſcendum non est: ubi finita est, tentandum est in his membris, quæ id patiuntur. In *Commentariis* §. 364, talis casus habetur, quo confidit, pessimam gangrænâ se-

(a) Lib. de Artic. Comment. III. Text. LXIII. Charter. Tom. XII. pag. 411.

(b) Ibid. Comment. IV. Text. xxx. p. 445.

(c) Lib. de Fractur. Comment. III. Text. LXII. Charter. Tom. XII. pag. 267.

(d) Medicin. Lib. VIII. Cap. xi. pag. 544.

cutam fuisse, dum cubiti luxatio reponeretur, postquam inflammatio valida partem jam occupaverat. In tali ergo casu differri debet luxatorum reductio; & monendi sunt æger ejusque amici, instare pessima mala, si hoc tentetur; difficilem autem postea curam fore, nec integram sæpe: ne mala secutura imputentur temere postea Chirurgo vel Medico. Licet enim luxata quàm citissimè restitui debeant, si nil vetet; tamen Observata docuerunt, non desperandum esse omnino, licet articulus elapsus diu remanserit. Humerus enim luxatus, cùm valida inflammatio accessisset, non potuit reponi nisi post binos menses elapsos; & tamen integra fuit sanatio tam diuturni mali (a). Quàm tædiosa autem mala sequantur articulum jam inflammatorum extensiones, pluribus exemplis demonstravit Hildanus (b).

**CONVULSIONE ET RELIQUIS SYMPTOMATIBUS.** Convulsio- nem luxationi aliquando succedere in *Commentariis* §. 364, dictum fuit; inprimis ob doloris vehementiam, & musculorum aut tendinum distorsionem aut distractionem validam. Quanta autem mala convulsionem sequi possint, dictum fuit in *Commentariis* §. 233. Facile autem patet, luxatorum restitutionem tentari non posse, ubi convulsio adest, quia & dolor immaniter augetur, & valida deberet fieri partium omnium distractio; adeoque convulsiois causæ auferentur. Adeo autem metuebant convulsionem Veteres Medici in hoc casu, ut & Hippocrates (c) & post illum Celsus dixerit (d) si quoque reposto osse, nervi distendantur, rursus id proxi- nus expellendum est. Videtur & alibi ob hanc causam Hippocrates dixisse (e) in tetanis & opisthotonis, si maxillæ solvantur (luxentur) lethale est. Non potest enim hæc luxatio restitui, quia tetanus prohibet; & nisi citò restituatur, mortis periculum adest, ut dictum fuit in *Commentariis* §. 364.

Si jam præter modò recensita symptomata, valida febris, animi deliquia, singlur, &c., adint; patet facile, tutò non posse tentari luxatorum reductionem; adeoque difficilem prognosin esse.

**PARTIBUS AMBIENTIBUS TENUIORIBUS, CRASSIORIBUS.** Dictum fuit ex Hippocrate in *Commentariis* §. 363, carnosis articulos minùs facile excidere, sed & difficiliùs reponi, si elapsi fuerint. Hinc periculose inprimis luxationes majorum articulorum, quos validi muscoli ambiunt, & fortissima liga- menta coercent. Non enim possunt nisi à validissimis causis tales articuli suis sedibus expelli; unde periculosa sæpe symptomata solent sequi. Ob hanc causam Celsus, agens de illis luxationibus, quas vulnus comitatur, dicit (f) Hic verò & ingens periculum est, & eo gravius, quò majus membrum est, quòve validioribus nervis aut musculis continetur. Idèoque ab humeris, femoribusque, metus mortis est; ac si reposta sunt ossa, spes nulla est, non repostis tamen, nonnullum periculum est. Et ubi de femoris luxatione agit, dicit (g) Magnum autem femori periculum est, ne vel difficulter reponatur, vel repostum rursus excidat... cùm ibi valentissimi nervi musculique sint, si suum robur habent, vix admittere ut reponatur; si non habent, repostum non continere. Unde patet, etiam ad hæc in prognosi attendendum esse.

(a) De Lamotte Traité complet de Chirurgie, Tom. IV, pag. 354.

(b) Centur. II. Observ. xc. pag. 168.

(c) Lib. de Artic. Comment. IV. Text. xxx. Charac. Tom. XII. pag. 445.

(d) Medicin. Lib. VIII. Cap. xxv. pag. 557.

(e) Coac. Prænot. n.º 361, Charac. Tom. VIII. pag. 87a.

(f) Medicin. Lib. VIII. Cap. xxv. pag. 557.

(g) Ibid. Cap. xx. pag. 554.

**LIGAMENTIS DESTRUCTIS, VEL MODO ELONGATIS.** Si per luxationem factam ligamenta, articulum coercentia, sic distracta fuerint, ut patiantur elabi os suâ sede, sine ruptura tamen, restituto offe sensim contracta poterunt iterum pristinum robur acquirere. Si verbò disrupta fuerint, magnum periculum est, ne cruda hæc labia ipsi offi vel vicinis partibus accrescant; vel cicatrix sanati vulneris ligamenta minus flexilia faciat: unde postea impediatur articuli facilis mobilitas. Sic v. gr; vix potest concipi luxatio ossis femoris à vi externa subito facta (sensim enim debilitatis vel elongantis ligamentis, à causis in ipso cavo articuli hærentibus, fieri posse luxationem, certum est) quin simul disruptum fuerit ligamentum illud teres ex cavo coxæ enatum, & femoris ossis capiti insertum. Unde in hoc casu curæ difficultas patet: rarissimè enim retrotracta hæc ligamenti rupti extrema iterum recrescent; unde repositum os postea faciliùs excidere poterit. Ubi autem luxata ossa, ligamentis penitus destructis, per vulnus integumentorum exeunt, difficillimus casus est. Et quidem eò usque, ut Hippocrates desperaverit de curatione talium luxationum. Dicit enim (a) *ubicumque cruris ossibus luxatis, accedente vulnere, articuli qui ad pedem sunt, sive in anteriorem, sive in posteriorem partem penitus excident, reponendi non sunt, sed sinendum est, ut cui placet Medico, eos reponat: scire enim convenit ubi repositi servantur, hominem decedere, paucisque diebus vitam trahere; nam pauci septimum diem excedunt, cum nervorum distensione absumantur.* Unicam salutis spem superesse monet (b) si non reponantur articuli sic luxati; nam tunc adhuc servari poterunt, sic tamen (c) ut turpis claudicatio totâ vitâ maneat. Idem etiam obtinere periculum (d) monet, si brachii ossa cum vulnere luxentur. Omnium pessimas tales luxationes esse monet (e) quæ robustioribus ossibus accidunt. Unde (f) si femoris os ad genu luxatur cum vulnere (ὀλκος ποτισμένον), ubi reponitur, manetque majori vi, & citius adhuc homo absumitur, quàm superioribus cassibus, si non reponitur, res longè periculosior est, quàm in superioribus. Hæc una tamen salutis spes superest. In solis digitis pedum & manuum luxatis, & per vulnus factum eminentibus (g) curam tentari posse voluit; sed non nisi summa cum cautela. Plerumque enim & hæc ossa reposita postea abscedere monet (h) quare nisi videretur Medicus, ne vulgò imperitus haberetur, nihil reponere prorsus deberet. Rarus tamen casus docuit, non semper desperandum esse, saltem si circa inferiores articulos talis luxatio unâ cum destructione ligamentorum contingerit. Fœmina agilissima ex altissima, quam conscenderat, arbore delapsa directè pedibus suis terræ impergerat: unde in sinistro crure valida ecchymosis à pedum digitis usque ad femoris mediam altitudinem facta fuit. Sed pes dexter, solo impingens, circa malleolos sic invertebatur, ut tibiæ os, ruptis integumentis, ad trium quatuorve digitorum longitudinem non tantum emineret, sed terræ infixum hæreret. Simul fibula fracta erat ad binorum circiter digitorum distantiam ab articulatione. Ingens contusio & pessima dilaceratio partium faciebant, ut in consilium vocati

(a) Lib. de Artic. Comment. IV. Text. XV. Charter. Tom. XII. pag. 435.

(b) Ibid. Text. XVII. pag. 437.

(c) Ibid. Text. XXV. pag. 442.

(d) Ibid. Text. XXVI. pag. 443.

(e) Ibid. Text. XXVIII. pag. 444.

(f) Ibidem.

(g) Ibid. Text. XXX. pag. 445.

(h) Ibid. Text. XXXI. pag. 446.

Chirurgi expertissimi concluderent, exstirpationem partis debere fieri. Cùm tamen in flore ætatis esset, robusta & optimæ temperiei fœmina, malùmque circa inferiorem partem esset, tentata fuit reductio ossis luxati, & fracturæ: tutò enim expectari poterat, an aliqua spes affulgeret curæ, cùm rarò tam citò gangræna, quæ metuebatur meritis, prosperaret, quin exstirpatio adhuc cum fructu potuisset postea institui. Præter spem tamen ferè omnem, optimis remediis adhibitis, dolores leniti fuerunt, nec ullæ convulsiones sequebantur: & per exfoliationem separatis partibus ossis fibulæ & tibiæ, quæ aeri nudo expositæ corruptæ fuerant, tam periculoso malo emeritis hæc mulier; sic ut incedere potuerit, & solita perficere opera, rigido tamen manente articulo pedis (a). Satis tamen patet, quàm difficiles & periculosæ sint luxationes, quæ destructis ligamentis contingunt.

**MUSCULIS ANNEXIS ET SIMILIBUS.** Si enim circa articulum luxatum validi muscoli hæserint, non poterit luxatio fieri, nisi à fortissimis causis, unde sæpe sic distrahi poterunt muscoli, ut postea vel nullo modo, vel saltem non integre, pristinas vires recuperent; ideòque postea in motu partis luxatæ semper defectus supererit. Sic v. gr; ex Anatomicis notum est, alterum bicipitis brachii musculi tendinem, ex superiori & exteriori parte sinûs scapulæ ( in quo caput ossis humeri locatur ) ortum in capsula articulari hæerere, super caput ipsum ossis humeri procedere ad sinum, ibi loci insculptum; sicque ex articuli cavo emergere, & dein in carneum ventrem intumescere, alterique ejusdem musculi capiti uniri. Si jam humeri ossis caput versus anteriora luxetur, patet facillè magnam vim sic inferri posse huic bicipitis tendini; unde postea in motu membri defectus forte supererit.

Sic indicatis præcipuis fontibus, unde prognosis luxationum deduci posset, sequitur, ut de curatione agatur.

§. 367. **AD** quam requiritur 1. Luxatorum redaptatio. 2. Repositorum in suo loco ad sanationis finem retentio.

Si omnibus bene ponderatis constitit, nulla adesse talia symptomata, quæ vel inutilem redderent, vel impossibilem, luxationis restitutionem, hæc tentanda est. In præcedentibus monitum fuit, diu factas luxationes restitui non posse, quia plerumque articuli cavum à concretis humoribus, vel luxuriantibus partibus à pressione ossis elapsi jam liberis, repletum esse solet. Pariter monitum fuit, non posse tentari curam, si valida jam adfuerit inflammatio, tumor ingens, vel convulsio; uti etiam, si hæc certò brevè adfutura prævideantur: tunc enim curam differi prudentia jubet. Ad curationem autem requiruntur bina sequentia.

1. Hoc per se patet.

2. Ligamenta, quæ ossa articulata inter se nectunt, præcipuam firmitatem articulus præstant. Sed luxatio non potest contingere, nisi hæc ligamenta vel rupta fuerint, vel sic elongata, ut patiantur articulum suâ sede elabi. Dictum autem fuit in *Commentariis* §. 363, distractione validâ sic posse debilitari partes fir-



mas corporis; ut multum de suo robore amittant. Unde, licet luxatorum restitutio facta fuerit, nondum tamen ligamenta pristina firmitatem habent, ideoque sæpe facilis foret elapsio articuli, nisi Arte caveretur, ne hoc fiat. Quam facile autem iterum luxari possint articuli post reductionem factam, docet casus, quem narrat sæpius laudatus Chirurgus (a). Ingenue enim fatetur, sibi accidisse dum restituisset luxatum humerum, nec caveret, ne æger brachium elevaret, illico iterum elapsum fuisse articulum; quem tanta cum celeritate reduxit, ut nec famuli, qui ipsum adjuvabant, hunc errorem animadverterent. Requirit ergo ad luxationis curationem, ut ossa reducta in suo situ retineantur, tamdiu, donec debita firmitas redierit ligamentis; sic ut motus, in sanitate exerceri soliti, sine periculo luxationis iterum fieri possint: ille enim finis curationis est. Tempus autem, quod requiritur, ut ligamenta iterum debitam firmitatem recuperent, non adeo exactè limitatum invenitur apud Auctores. Interim certum est, illud varium esse, pro diversa magnitudine luxationis, & articuli, pro varia ægri temperie, & symptomatibus magis minùse urgentibus, quæ luxationem comitantur. Luxationis magnitudo, ut dictum fuit paragrapho præcedenti, mensuratur distantia ossis elapsi à cavo suo, quo naturaliter continetur; & facile patet, eò majorem vim inferri ligamentis & reliquis ambientibus, quò plùs à loco suo naturali distet articulus elapsus; adeoque, eò longius tempus ad integram curationem requiri. Prout jam majorem minorémve vim sustinere debet articulus in sanitate, eò diutius iterum cura protrahitur: sic (b) femoris, & (c) tali, luxatio diuturnam quietem requirit, monente Celsus: digiti verò articulum (d) decimo quarto die confirmatum esse, dixit Hippocrates. Quantam autem hic differentiam faciat diversa temperies, monuit iterum Celsus, dicens (e) si corpus tenue, si humidum est, si nervi infirmi, expeditius os reponitur; sed & mulò faciliùs excidit, & postea minùs fideliter continetur. Quæ contraria his sunt, meliùs continent: sed id, quod expulsum est, difficulter admittunt. Similia his & apud Hippocratem (f) habentur. Symptomatum autem numerum & vehementiam protrahere sæpe curam, satis patet. Tamen Hippocrates monuit, levem inflammationem post restitutam luxationem potius prodesse, quàm nocere; cum & dolor tunc membri usum prohibeat, & tensa per inflammationem ligamenta fortius retineant articulum in suo cavo. Dicit enim in loco citato (quem & alià occasione allegavi §. 224. n°. 3.) (g) Qui repósito articulo, partibus quæ juxta sunt nullà inflammatione affectis, protinus humero uti sine dolore possunt, hi nullà curà sibi opus esse arbitrantur. Sed Medici officium est præagire contra eorum opinionem, siquidem his rursus prolabitur magis, quàm quibus nervi inflammatione tentantur. Non nocebit unquam parum diutius cavere, ne validi motus membro, luxationem passio, exercentur; modò caveatur simul, ne nimis diuturnà quiete obrigescant articuli.

(a) De Lamotte Traité complet de Chirurgie, Tom. IV. pag. 347.

(b) Medicin. Lib. VIII. Cap. xx. pag. 555.

(c) Ibid. Cap. xxiii. pag. 556.

(d) Lib. de Artic. Comment. IV. Text.

xiv. Charter. Tom. XII. pag. 467.

(e) Medicin. Lib. VIII. Cap. xi. pag. 544.

(f) Lib. de Artic. Comment. I. Text. xxviii.

xxviii. Charter. Tom. XII. pag. 306. 307.

g Ibid. Text. xxix. pag. 307. 308.

Simul in cura attendendum est, ut idoneis remediis & victu debito leniantur illa symptomata, quæ maximè molesta his in casibus esse solent; vel & præcaveantur futura. Præcipua sunt, dolor, & inflammatio, cum omnibus, quæ ex his sequi poterunt, malis. De his jam dictum fuit in præcedentibus partim, & etiam partim insequentibus dicitur. Facile autem patet, eò plura & graviora symptomata expectanda esse, quò major fuerit articulus luxatus; quia non nisi à fortioribus causis tales articuli suis sedibus expelli possunt, & validam pariter extensionem requirunt, ut reduci possint. Unde Hippocrates sic monuit (a) ubicumque autem reponitur, imponenda abstinentia est maxima, ubi maximus fuerit, & difficillimus ad reponendum; minima ubi exiguus & facile reconditur articulus.

§. 368. **REPOSITIO** fit 1. Firmando corpus ægri. 2. Movendo partem, ut directè respondeat suæ cavitati. 3. Introducendo per intorsionem, trusionem, \*pulsationem.

1. Cùm enim extensio major minòrve ad luxationem restituendam requiratur; neque illa sine dolore fieri possit, patet facillè ob rationes dictas §. 349. nò. 2, requiri, ut sic firmetur æger: ne turbare operantem possit. Præterea hoc requiritur, ne totum corpus sequatur, dum pars affecta trahitur.

2. Prudenter monuit Galenus de generali cura omnium luxationum agens; quodd necesse sit, (b) id quod in antiquam sedem unde excessit, reversurum est. rursus idem iter facere . . . . Considerato igitur in singulis luxatis, unde cepit articulus expelli, quò processerit, & ubi constiterit; oportebit enim excidendi finem principium esse revertendi, atque inde rursus ad excidendi principium procedere. Deinde hoc assertum Exemplo humeri in priorem partem elapsi illustrat. Quantam verò utilitatem habeat hoc monitum ad felicem luxatorum restitutionem, facillè patet. Os enim suâ sede elapsum viam sibi fecit vicinas partes removendo; facillimè igitur redire poterit per viam jam factam, minimè per alienam; inprimis autem si ligamentis ruptis articulus excesserit; nisi enim eisdem directè loco iterum occurrat, non poterit in suam sedem redire. Requiritur jam, ut hoc fieri possit, extensio, magis vel minùs valida, prout major vel minor fuerit articulus luxatus; simulque ne partes vicinæ fortè interceptiantur, dum articulus elapsus in suam sedem revertitur. Manubus sufficiens extensio fieri plerumque poterit in minorum articularum luxatione; vel & in junioribus aut laxæ temperiei hominibus, etiam in majoribus articulis; si verò validior vis requiratur, laqueis & machinis sæpe opus erit. Plurima pulcherrima circa horum usum & fabricam apud Hippocratem in libro de Articulis habentur, quibus & alia addiderunt Recentiores; videantur & illa, quæ de hac extensione dicta sunt in Commentariis §. 349.

3. Ubi jam articulus elapsus debitâ extensione, & iusto motu, sic depositus fuit, ut respondeat suæ cavitati, reliquum satis facillè perficitur. Unde de luxa-

(a) Lib. de Artic. Comment. IV. Text.  
LXXIV. Character. Tom. XII. pag. 466.

(b) Ibid. Comment. I. Text. VII. pag. 294.

tione ossis femoris versus interiorem partem agens Hippocrates dicit (a). Si bene extendamus femoris caput, è regione pristini sui cavi excubabitur, quod ubi sic excitatum fuerit, non facile prohiberi poterit, quominus in suam sedem revertatur; ita ut jam quovis modo impellere, ac dirigere abunde sit. Sed minus extendunt quam par sit, idcirco majori negotio reponunt. Ligamentorum enim elasticitas, & musculorum robur, tæpe tunc sufficiunt, ut redeat in suum cavum elapsus articulus. Cognita autem articulationis luxatæ fabrica facile docet peritum Chirurghum, quid ulterius faciendum sit, si, post extensionem debitam, è regione sui cavi locatus articulus non revertatur in suam sedem: tunc enim levi intorhione, trusione, pulsatione, &c, reliquum perficitur. Imò in multis luxationibus restituendis extensio & reductio ferè eodem tempore fiunt ab exercitatis Chirurgis. Sic de maxillæ luxatæ restitutione agens Celsus, postquam monuerat, quomodo æger disponi & firmari deberet, dicit (b) *Ubi vehementer maxilla apprehensa est, si undè parte procidit, concutendum mentum, & ad guttur adducendum est: tunc simul & caput apprehendendum, & excitato mento, maxilla in suam sedem compellenda, & os ejus comprimendum est, sic ut omnia penè uno momento fiant.* Dum suspensio sub axilla homine, (supra portam, scalam, &c,) luxatum humerum reducere tentant Chirurghi, validâ tractione penduli brachij deorsum factâ, sæpissime illico in locum suum redit articulus elapsus. Quantum autem intersit Chirurgo ad curæ felicitatem in difficilioribus casibus peritis habere adjuutores, facile patet.

Rediisse autem in antiquam sedem luxatum os, cognoscitur plerumque ex sono quodam, qui auditur illo momento, quo reductio fit. Monuit autem Celsus quòd (c) *caput humeri impulsus in suam sedem, modò cum sono, modò sine hoc, compellatur.* Ferè semper tamen talem, obscurum saltem, sonum audiri, omnes ferè Chirurghi observant. Multùm mali ab hoc sono videtur timuisse Hyeronimus Fabricius ab Aquapendente (d): credebatur enim fieri, dum caput ossis allideretur sinu superciliis; unde hæc rumpi possent, & cavitatem subire, antequam caput ossis ingrederetur; adeoque integra reductio fieri non posset: aut putabat strepitum illum nasci, quia caput ossis sinum contundit; unde postea pessima quæque timebat mali. Sed fidelissima optimorum Chirurgorum & quotidiana observata docuerunt, satis inanem hunc metum esse, cum plerumque talis strepitus percipiatur, & raro tamen talia mala sequantur, quæ his causis adscribi meritis possent. In Commentariis §. 365, dictum fuit, inter signa diagnostica luxationis præcipuè numerari partis viatam figuram & cavitatem circa sedem articuli, tumorem autem in loco alieno: bene repositis ossibus luxatis, apparet, hæc omnia iterum abesse debere. Simul dolor recens factam luxationem semper comitatur, ob validam distractionem ligamentorum & aliarum partium ambientium; reposito autem articulo, statim ille dolor vel ompino cessat, vel insigniter saltem minuitur: solet enim aliquando superesse aliquis dolor, optimè etiam factâ reductione, ob vim, quam passæ sunt partes ambientes & à luxato offese, & ab extensione quæ sæpe satis valida requiritur, antequam reductio fieri possit.

(a) Lib. de Artic. Comment. IV. Text. xlv. Charter. Tom. XII. pag. 456.

(b) Medicin. Lib. VIII. cap. xlv. pag. 546.

Tom. I.

(c) Ibid. cap. xv. pag. 449.

(d) Chirurg. Univers. Lib. V. cap. 1. pag.

310.

§. 369. **REPOSITA** in loco retinentur quiete; fasciis, situ partis naturali.

Postquam reposita fuerunt ossa, quæ suis sedibus exiverant, altera pars curationis (§. 367. n°. 2.) superest, ut nempe in naturali situ retineantur. Hoc autem fit,

**QUIETE.** In omni luxatione ligamenta articulos cohercentia vel rupta fuerunt, vel admodum saltem elongata: nisi ergo quies imperetur, facillè iterum elabatur repositus articulus. Præterea demonstratum fuit §. 25. n°. 3, solidas partes corporis debilitari nimis distractione; & §. 28. n°. 5, dictum fuit, augeri vim coherætionis in solidis, si diu omnes partes in eodem contactu mancant; & quidem sæpe eo usque, ut tandem nimium robur acquirant. Quies ergo semper necessaria erit, ut firmitas redeat ligamenti nimis distractis, vel ut fiat unio eorumdem, si rupta fuerint. Cavendum tamen, ne à nimis diuturna quiete rigescant ligamenta; vel ab accumulato linimento articularum, & inspissato ob motus defectum, nascatur ancylosis. Unde post aliquot dies elapsos, dum metus inflammationis abest, & omnis dolor sedatus, præstat leviter dimovere articulum & molliiter perfricare; uti sollicitè monuit *Hippocrates* (a) de curatione humeri luxati agens. Omnium maxime in cubiti luxationibus hanc cautelam observandam monuit *Celsus* dicens, (b) *Celerius tantum sæpiusque id resolvendum est multoque magis aquâ calidâ fovendum, & diutius ex oleo & nitro ac sale perfricandum. In cubito enim celeriter, quàm in ullo alio articulo, sive extrâ remansit, sive insus reversit, callus circumdatur; isque, si per quietem increvit, flexus illius postea prohibet.*

Præterea dolor aut inflammatio, quæ sæpe, ob validam vim ambientibus partibus illatam, etiam post reductionem luxationis supersunt, quietem postulant.

**FASCIIS.** Nisi omnino rupta, vel validissimè distracta fuerint ligamenta, repositum os facillè continetur, modò quiescat pars. Unde non semper fasciæ requiruntur. Sic enim maxillam luxatam dum reposuit peritissimus Chirurgus (c), nullas se applicuisse fascias testatur; & tamen optimè cura successit. Si verb aliquis metus sit, ne reductum os iterum elabatur, præstat fasciis firmare partem; inprimis si splenis, vel aliis similibus applicatis, fasciarum pressio maximè determinetur ad illum locum, versus quem articulus excessit. Pulcherrimè hoc notavit *Hippocrates* de cura luxationis humeri ossis agens, dicit enim (d) *His itaque mederi oportet cerato & splenis, & multas fascias circumdare: tum lanam mollem ac mundam in alam subijcere, donec id cavum compleatur, ut vinculum fulciat, & articulum sustineat.* Sic enim cavebitur, ne iterum caput ossis humeri ex sua sede in axillæ cavum delabi possit. Illam enim solam luxationem ossis humeri se novisse dicit *Hippocrates* (e); unde de aliis luxationis modis non egit.

Facillè autem patet, si cognoscatur via, quâ os suo cavo elapsum est, in omni

(a) Lib. de Artic. Comment. I. Text. xxx. xxxi. Chamer. Tom. XII. pag. 308. 309.

(b) Medicin. Lib. VIII. cap. xvi. pag. 551.

(c) De Lamotte, Traité complet de Chirurgie,

Tom. IV. pag. 335.

(d) Lib. de Artic. Comment. I. Text. xxix, Charter. Tom. XII. pag. 308.

(e) Ibid. Text. III. pag. 190.

luxatione per idoneam ligaturam sic posse præcaveri, ne rursus excidat. Ubi autem sic firmata pars fuit, rarius solvi debet, nisi inflammatio accesserit: tunc enim frequentius in omnibus luxationibus apparatus debere solvi iussit *Hippocrates* (a).

SITU PARTIS NATURALI. Debet pars affecta diu quiescere : ut autem possit sine molestia sic retineri, requiritur talis situs, quem in homine dormiente observamus, dum nulli museuli agunt voluntatis imperio : sed flexores artuum propriâ contractilitate tunc prævalent extensoribus musculis ; unde omnes ferè articuli leviter inflexi apparent. Videantur quæ de naturali partium situ dicta fuerunt in *Commentariis* §. 349. n°. 3. Generalem ideo hanc regulam in omni luxatione posuit *Hippocrates* (b) *Semper autem quiescere vitiatum articulum convenit, & quam optimè figurari.* Et hinc inde in singularibus luxationibus commodissimum situm describit. Sic v. gr ; de cubiti luxatione agens dicit (c) *in curatione ita figurare brachium oportet ut manus paulò sublimior cubito habeatur, humerus verbò ad lazus.* Sic autem & suspensum, & collocatum habiui, positioni, viribus, naturæ, & usui commodum erit.

His observatis omnibus, felix satis expectari poterit curæ successus, quando à vi externa, suâ fide expulsi fuerunt articuli : ubi verò ligamentorum nimia laxitate elabuntur articuli, longè difficiior cura est. Dixerat *Celsus* : (d) *Qui nervorum vitio prolapsi sunt, compulsi quoque in suas sedes iterum excidunt.* Repositio talium luxationum facillima quidem est, sed retentio in situ difficillima ; imò aliquando penitus impossibilis. Sola ferè spes est, ut diuturnâ quiete partis, & roborantibus fomentis applicatis, redeat laxatis ligamentis debita firmitas. In similibus casibus pulchrum effectum vidit *Petitus* (e), dum splenia crassa, spiritu vini aromatico cum aluminis pulvere & ovi albumine mistis madida, articulo femoris undique applicaret ; idoneâ ligaturâ circumpositâ, ut hæc applicata manerent ; szipiùsq; de die, non remoto apparatu, & splenia & fascias eodem remedio humectabat. *Galenus* se bis curasse femoris luxationem, ab hac causa factam, affirmat ; (f) *diu autem oportet siccantibus medicamentis commissuram circumdare, dum nervus illigans abunde siccetur, ne amplius ita extendatur, ut femur oris cavi possit excidere.* Tantam difficultatem in curatione talium luxationum agnovit *Hippocrates*, ut ad ultimum Artis præsidium, ignem nempe, in talibus casibus, confugerit. Cum enim multos videret ob hanc calamitatem bellicis certaminibus inutiles redditos, neque ullum illos rectè curantem novisset, fuso sat sermone (g) hanc curandi methodum descripsit. Agit autem de illa luxatione ossis humeri, quâ illud in alæ cavum prolabitur : facillè patebit tamen & in reliquis ejusdem articuli, vel & aliorum luxationibus, illud tentari posse.

Tota autem curationis ratio in eo videtur consistere, ut ferro candenti adussâ cute, & panniculo adiposo in illo loco, versus quem articulus prolabi solet, per cicatrices sanatorum ulcerum sic corrugentur & indurentur integumenta, ut non patiantur se facillè extendi postea ; unde cavebitur, ne hæc viâ elabi articulus possit. Brachio parum ele-

(a) Lib. de Artic. Comment. IV. Text. LXIV. Charter. Tom. XII. pag. 466. 467.

(b) Ibidem. pag. 467.

(c) Ibid. Comment. II. Text. 1. pag. 331.

(d) Medicin. Lib. VIII. Cap. XI. pag. 544.

(e) Acad. des Sciences, l'an 1712. Mémoires. pag. 163.

(f) Lib. de Artic. Comment. IV. Text. XL Charter. Tom. XII. pag. 453.

(g) Ibid. Comment. I. Text. XLI - LX. pag. 311., & sequ.

vato (nisi enim attollatur, non datur facilis accessus ad alam; si elevetur multum, tensa nimis cutis prehendi non poterit) laxam cutim unâ cum panniculo adiposo digitis prehensam attolli jubet, ut sic integumenta quàm maximè recedant à glandulis, nervis insignibus, & magnis vasis sanguineis hic locatis.

Deinde jubet, ut elevata sic cutis, ferro non nimis crasso vel rotundo, sed oblongo potius, quàm celerrimè trajiciatur; ideòque ferrum eò usque ignitum voluit, ut pelluceat (a) *χρὴ δὲ διαφύγει καίμιν*: deinde cute adhuc elevata, per bina hæc foramina, ustione factâ, jubet transmitti debere tenuem spatulam (b) *ἐπαλασσοῦν*; quo facto remittenda cutis est, & medio inter bina foramina loco alia ustio facienda est: tui ferro candenti per integumenta adacto, donec subiectæ spatulæ occurrat. Sic tribus in locis distinctis sine periculo læsionis suppositarum partium ustio fiet. In curatione autem escharæ separabuntur, & deinde integumenta accrescent iterum sibi invicem; sed ut faciliè patet, ob jacturam substantiæ igne omnia destruyente factam, corrugatæ sient cicatrices, & duræ: ideòque monuit (c) ne toto curæ tempore multum attollatur humerus, sed modicè tantum, quatenus curatio ulcerum possulat: sic enim, non distentis integumentis, firmius & arctius accrescent sibi mutuo margines ulcerum. Imò, ulceribus jam curatis, voluit Hippocrates brachium adhuc longo tempore debere (d) lateri alligari, ut firmissimæ reddantur cicatrices, & illud spatium, in quod maximè humerus procidere solebat, contrahatur. Bina præterea adhuc alia loca (e) indicavit, quorum ustio prodesse posset in hoc casu; nempe ab utroque latere capitis ossis humeri, inter hoc & magnas chordas, quæ utrimque cavum axillæ faciunt; tendines nempe pectoralis musculi & latissimi dorsi.

Simili modo herniarum curam aliquando tentatam fuisse ab Empirico novi, dum herniæ locus, reductis priùs elapsis visceribus, caustico vel ferro candenti profundè satis exureretur; hæc spe, ut contracta per cicatricem satis profundam integumenta non paterentur faciliè postea extensionem.



## INFLAMMATIO.

§. 370. **INFLAMMATIO**, Ignis, Phlegmone, ob causæ, & effectuum similitudinem, ab igne nomen habet.

Antequam de morbis acutis dicendum erat, optimè Historia inflammationis & omnium ejus effectuum præmittitur, quia & magnum lumen his morbis inde affunditur, & inflammationis, partes externas corporis occupantis, successivæ mutationes in sanationem, vel aliq̃s morbos, distinctius cognosci poterunt, & ex illis prævideri, quid futurum sit, si simile malum internas corporis partes obideat.

Obtinet jam communi usu, & quidem in omnibus linguis, quantum novi, ut

(a) Lib. de Artic. Comment. I. Text. XLIV.  
Charter. Tom. XII. pag. 313.

(b) Ibid. Text. XLV.

(c) Ibid. Text. LV. pag. 318.

(d) Ibid. Text. LV.

(e) Ibid. Text. LV. pag. 317.

huic malo ab igne nomen imposuerint. Inflammatio sic Latinis dicitur, φλεγμονή, φλόγωσι, Græcis, &c. Nec mirum, cum omnes majorem calorem, quem ab ignis majiori copia in loco nasci in Physicis probatur, inflammationi semper attribuerint: Galenus sic dicit: (a) *tumori autem quum pulsus accedit, atque ardor, inflammationem perficit, quæ propriè φλεγμονή superius appellata est: quod vocabulum non sic accipiebatur apud Veteres; eo siquidem notabant omnem ardorem, quemadmodum sæpenumero declaravimus. Ab Erasistrati verò sæculo, consuevit usurpari ad illos tumores significandos, quibus non modò ardor accedit, sed renixus etiam, & pulsus, necessarijque rubent. Similiter & alibi (b) recensens illa signa, quibus phlegmonem adesse cognoscitur, caloris mentionem fecit. Sic etiam Ægineta (c) dicit: Communiter quidem calidos omnes & dolentes cum ardore tumores phlegmonas vocare consueverunt. Pro diversitate verò materiæ efficientis ipsos, horum quoque differentiam variare dicunt. Sanguine namque bono & moderatè crassiusculi in partem aliquam confertim irruente, & ob copiam impacto, propriè dictam phlegmonem fieri; bile flavâ autem in quadam parte hærente, herpeta; sanguine verò cum bile flava irruente, erysipelas. Quando verò sanguis influens calidus admodum fuerit & crassius, carbones parere solet.*

Commune ergo omnis inflammationis attributum calor erat, & nomen omnibus inflammationum speciebus commune φλεγμονή, quod postea tamen illi inflammationis speciei tantùm datum fuit, in quâ unâ cum calore renitens tumor & rubor aderat; reliquas autem inflammationum diversitates variis nominibus appellaverunt. Ita & apud Celsum legimus (d): *Notæ verò inflammationis sunt quatuor, rubor, & tumor, cum calore & dolore.* Unde constat, & apud Latinos generale inflammationis nomen certæ tantùm speciei datum fuisse.

In loco autem inflammato majorem ignis copiam adesse, docent thermometra, & effectus omnino similes, ac fierent ab igne elementari corpori applicato. Dum enim homo sanus dorsum manûs, v. gr; igni admovebit, incipiet sentire majorem calorem; deinde pars incipiet rubere: si propius adhuc admoveat, tumor fiet, & dolor; si pergat igni admoveere manum, dolor immaniter augebitur, epidermis in bullas elevata secedet, & tandem auctâ ignis actione in escharam comburetur cutis, quæ tunc omnino mortua per supurationem factam à vivis partibus separari debet. Sed eadem omnino, & quidem eodem ordine, mala inflammationem sequuntur. Levis enim calor, rubor, & tumor inflammationem natam in manûs dorso comitantur cum dolore; quæ omnia augentur, prout incrementum malum. A valida inflammatione, in gangrænam jam tendente, pariter epidermis in bullas elevatur, crustæ gangrænosæ oriuntur, similiter per suppurationem tantùm separandæ à vivis; & si pergat augeri inflammationis vehementia, omnia ad ossa usque nigrescunt, ac si vivo igne in carbonem usta fuissent; tuncque sphacelus adesse dicitur. Hinc ardentem febrem, ignem (γὸ πῦρ) vocavit Hippocrates, quia sæpe tantus inde fit calor circa vitalia, ac si verus ignis ibi hæreret; unde etiam tam subita sæpe mors. Et in ardentissima febre, peste nempe, dum morbi malignitas per metastasin ad certa loca corporis ruit, observatur illa, sic comburi, ac si igne actuali hoc factum fuisset, uti in carbonibus pestilentiali-

(a) Lib. de Fract. Comment. III. Text. viii. Charter. Tom. XII. pag. 236.

(b) Lib. de Tumorib. præter natu. cap. 11.

Charter. Tom. VII. pag. 313.

(c) Lib. IV. cap. xvii. pag. 63. versâ.

(d) Medicin. Lib. III. cap. x. pag. 139.

bus patet; qui suppuratione in omni ambitu factâ postea excidunt, perfectè eodem modo, ac solet fieri, dum ferro candenti pars corporis exusta fuerit. Sic sapiens Antiquitas sola Observatione effectuum merito ab igne nomen inflammationi dedit, cum & cause & effectus omnino respondeant; & hodiernis Observatis circa ignis naturam hæc omnia pulchre confirmetur.

§. 371. **ESTQUE** sanguinis rubri arteriosi in minimis canalibus stagnantis pressio & attritus à motu reliqui sanguinis moti, & per febrem fortius acti.

Datur in hac paragrapho definitio inflammationis, sive phlegmones, propriè dictæ ex suis causis, quam Veteres dederunt ex phænomenis. Definiverunt enim phlegmonem, (ut patet ex illis, quæ ex Galeno præcedenti paragrapho fuerunt allegata) quoddam tumorem præternaturalis, renitens, durus, ruber, calens, cum dolore puris thorio, & febre plerumque comite. Notandum autem est, definitionem hic datam tantum respicere inflammationem, quatenus hæret in illis vasis, quæ naturaliter sanguinem rubrum continent, vel quæ saltem dilatata illum admittere possunt. Quid autem fiat, ubi simile malum in tenuioribus vasis hæret, dicitur postea §. 379. 380. His positis, datæ definitionis explicatio dari poterit.

Bina hic occurrunt, quæ simul unita inflammationis naturam constituunt: obstructio nempe, & sanguinis in locum obstructum irruentis aucta celeritas. Stagnat enim sanguis in inflammatione, & transire nequit per vasorum angustias, licet à tergo impulsus liquor urgeat: adest ergo obturatio canalis transitum tollens liquido per illum trajiciundo. Sed ex illis, quæ dicta sunt §. 107, patet, obstructionem adesse, his positis. Materia obstruens est sanguis ruber sed arteriosus; quia, in solis arteriis obstructionem propriè dictam locum habere posse, demonstratum fuit in *Commentariis* §. 119. Loca obstructa sunt minimorum canalium angustia; quia, ut faciliè patet, immeabiles moleculæ per latiorum vasorum amplitudinem transire adhuc poterunt; circa fines verò convergentium vasorum hærebunt. Non autem hic intelliguntur minimi totius corporis canales, sed tantum angustissimi rami maximorum vasorum, quæ nempe crassissimam partem humanorum liquidorum, sanguinem rubrum continent. Unde canales illi minimi quidem dicendi sunt ratione maximorum vasorum, sed maximi sunt inter minimos. Ultimus enim finis arteriæ rubræ major semper erit arteriâ ferossâ inde ortâ, quæ omne rubrum suæ diametri parvitate naturaliter excludit. Sic & pariter ultimus finis arteriæ ferossæ ob eandem causam semper major erit arteriâ lymphaticâ inde ortâ, &c. Unde patet, veram phlegmonem ferè tantum in arteriis rubris minimis, vel in ferosis dilatatis hærare; ideoque esse illam, quæ §. 122, dicebatur inflammatio primi generis. Ubi autem in angustis convergentium vasorum immeabiles moleculæ hærent, liquidum vitali motu à tergo urgens necessariò comprimet easdem; & quidem satis magnâ vi, cum cordis & arteriarum actione sanguis ruat in loca hæc obstructa, tali quantitate motus, quâ potuisset ad extrema corporis usque satis magna adhuc cum celeritate pervenire; unde magna pressio erit, & renovata singulis cordis & arteriarum contractionibus (vide *Commentaria* §. 120.). Cum autem immobiles hærent videantur moleculæ obstruentes, minimorum canalium an-



guistiis impactæ, non ita apparet primâ fronte, quare attritus fieret, qui itum quemdam & reditum harum molecularum supponere videtur. Sed si considerentur illa quæ dicta sunt in *Commentariis* §. 132, n°. 1, patebit, obstruentes moleculas non semper immobiles hæere, sed nunc arteriarum contractione retrocelli versus latioris locum, nunc iterum cordis, arterias implentis, actione protrudi in easdem angustias; unde verus attritus hic locum habet.

Hactenus autem dicta omnia conveniunt æquè obstructioni, in minimis canalibus à sanguine rubro arterioso stagnante factæ, quàm inflammationi: unde in definitione inflammationis additur, *per febrim fortius acri*. Ubi valida inflammatio notabilem corporis partem, vel viscera quædam occupavit, febris tunc semper adesse deprehenditur: sed si in minima corporis, in primis externi, parte inflammatio hæreat, an tunc dici potest, semper adesse febrim? Ophthalmiæ, anginæ quædam inflammatoriz, &c, toties observantur, licet nulla in pulsu mutatio appareat. Pulchre hoc explicuit Galenus, dum pulsuum naturam describit, qui inflammationem committantur; (a) *Incipienti quidem major eo qui secundum naturam, & vehementior, & celerior & erebrior. Augescenti adhuc cum illa omnia incrementum, tum clarè jam durior, & magis vibratus est. Paulò post autem subjungit. Hæc inflammatio habet, quæ pulsus per totum corpus immutat, vel quia magna est, vel quia principem partem insidet. Si verò universum corpus non afficiat, pulsus in parte inflammata talis erit, qualem diximus. Sub hac ergo limitatione accipiendum est, quod febris sit omnis inflammationis comes; nempe, si non in toto, saltem in parte inflammata, pulsus, robur & celeritas augebuntur, tuncque febris quasi partis ipsius est, uti iterum alio in loco pulcherrimè monet Galenus. Postquam enim dixerat, plurimas esse inflammationis differentias, illis tamen omnibus febres solere accedere notat. Deinde primam inflammationis differentiam ponit, quod humida vel sicca sit; (b) *humidam quidem, quæ in calida defluxione partem obsidente fit: siccam verò, in qua citra ullum defluxum innatus calor accenditur. Hoc autem quadamtenus velut febris partis ipsius est. Antiquissimorum etiam Medicorum opinione confirmatur, quod auctus motus inflammationem semper comitur: Celsus enim in Præfatione, ubi varias Medicorum sectas & dogmata recenset, sequentia habet; (c) Si sanguis in eas venas, quæ spiritui accommodatæ sunt, transfunditur, & inflammationem, quam Græci φλεγμονή nominant, excitat, eaque inflammatio talem motum efficit, qualis in febre est, ut Erasistrato placuit. Ubi notandum, non dici simpliciter, quod febris fiat, dam inflammatio adest, sed tantum, talem motum fieri, qualis in febre est.**

Inde saluberrimum in Praxi Medica monitum posuit *Simson* (d), ne decipiantur Medici, credentes nullam inflammationem adesse, si febris absit. Cum sæpe fixos dolores intestinorum & ventriculi inflammationem producat, licet nulla febris observetur, pulsus explorato: imò pleuritides spurias epidemicas se vidisse asserit, quæ sine ulla febre pluribus mensibus affligebant ægros, nisi statim venæsectione, & aliis inflammationi debellandæ apertis remediis, curarentur.

(a) Lib. de Puls. ad Tyron. cap. xii. Chart. Tom. VII. pag. 8, 9.

(b) Methodo medendi ad Glaucon. Lib. II. cap. 11. Charter. Tom. X. pag. 367.

Medicin. Lib. I. Præfat. pag. 5.

(d) The System of the Womb, &c. by Thomas Simson, pag. 106. 107.

Ex modò dictis simul apparet, obstructionem plurima habere communia cum inflammatione; nulla enim inflammatio concipi potest, quin simul adit obstructio. Præterea in *Commentariis* §. 120, demonstratum fuit, validam obstructionem augere velocitatem liquidi transmittendi per vasa libera; id est, febrem tacere. Sed simulac febris obstructionem factam comitatur, adest inflammatio; quæ ergo posset vocari obstructio cum febre vel in toto, vel saltem in parte.

§. 372. **Q**UOD ergo fieri potest vel in finibus arteriosis, vel in vasis serosis lymphaticis aliisve minoribus arteriosis, dilatatis osculis admissos globos rubros, aut alia fluidi elementa crassa per fines transmittere non potentibus. Si sanguis transfunditur in eas venas, quæ spiritibus accommodatæ, inflammationem excitat. *Cels.* lib. I. *Præf.* pag. 5.

Inflammatio ergo propriè dicta sive phlegmone, ut patet ex definitione data paragrapho præcedenti, tantum locum habere potest in vasis, quæ naturaliter sanguinem rubrum habent; vel & in illis, quorum initia per morbos sic dilatari observantur, ut partem rubram sanguinis possint admittere. In reliquis minoribus vasis fluidi tenuioris elementa concreta quacumque de causâ possunt pariter hæreere immeabilia, potestque fluidum à tergo pariter urgere loca hæc obstructa majori velocitate: cum tamen nullus rubor tunc appareat in parte sic affecta, non vocatur phlegmone, sed erysipelas, œdema calidum, &c, ut dicitur §. 379. 380. Quousque autem rubra pars sanguinis penetrare possit, & quot decrecentes vasorum series ingredi, si illorum initia præternaturaliter dilatentur, nondum per Experimenta adeo limitari potest. Interim hoc constat, sanguinem rubrum in morbis non solum ingredi posse vasa serosa, quæ sanguineis magnitudine proxima coloratum fluidum, serum flavum nempe, continent; sed etiam longè minima adhuc, quæ pellucida fluida naturaliter tantum habent. Album oculi, in omnibus sanis margaritarum splendorem sæpe æmulans, natâ inflammatione sæpe totum rubet, & innumeras vasculorum ramificationes exhibet, quæ sanguine rubro distentæ nudo oculo distinctissimè conspici possunt, cum in statu naturali nihil colorati liquidi habeant. Imò vidi aliquoties in pessimis ophthalmiis, per ipsam corneæ tunicæ adeo pellucidam substantiam transire vas sanguine rubro plenum, nudo etiam oculo conspicuum. Sed tenuiora adhuc vasa esse corneæ, quàm adnatæ, nullus dubitat; cum unâ cum contentis fluidis in sanitate pelluceant omnino, & inflammatione validâ hic natâ, diu circa limbum corneæ undique appareant rubro sanguine distenta vascula, nullo adhuc vitio in ipsa cornea apparente; donec tandem vi & duratione morbi sensim dilatata corneæ vascula sanguinem rubrum etiam admittere possint. Ex quibus patet, veram phlegmonem sive inflammationem sanguineam aliquando etiam in minutis admodum vasculis obtinere posse.

Quod ad locum attinet ex *Celso* in hac paragrapho allegatum, cujus jam ob aliam causam in præcedenti paragrapho meminimus; constat antiquissimos *Medicos* venarum nomine comprehendisse etiam illa vasa, quæ hodie arterias vocamus, quàm venas propriè dictas, *Erasistrati*, & plurimorum postea ejus sectæ adductorum;

addictorum, opinio fuit, non contineri venis pulfantibus, arteriis hodie vocatis, sanguinem, sed spiritum, qui pulsum faceret in his vasis. *Galenus* tempore adhuc plurimi, huic sectæ addicti, audacter idem dixerunt; imò quidam promiserunt, se demonstraturos, ipsam aortam sanguine vacuum esse; quos *Galenus* falsè deridet, & pulcherrimis Experimentis falsà dixisse (a) evicit.

Unde ex *Erasistrati* opinione secundùm *Celsum* saltem hoc patet, quòd crederet, tunc inflammationem adesse, cùm sanguis ex venis in arterias, naturaliter sanguine vacuas, iret; id est, in locis alienis hæreret. Hodie, cogniti sanguinis circulatione, his meliora novimus; tamen quodam sensu tolerari posset hoc effectum, cùm & inflammatio fiat, si sanguis talia vasa ingreditur, quæ naturaliter tantùm tenuiores humores capiunt.

Videantur etiam illa, quæ in *Commentariis* §. 122, dicta sunt de inflammationum variis speciebus, quatenus in diversis decrescendum diametrorum seriebus vasorum hærent.

§. 373. **E**RGO ejus sedes omnis pars corporis, in qua reticulares arteriarum distributiones, vel lymphaticorum arteriosorum ortus.

Postquam *Ruyfchius* pulcherrimâ suâ Arte detexerat, ubique serè in corpore arterias in minutissimos ramos divisas distribui, & in omni serè puncto ramulos ex majoribus truncis emissos communicare cum vicinis; obtinuit usû apud Medicos, has arteriarum distributiones reticulâ vel plexus reticulares appellare, quia relicta inter concurrentes & sibi mutò implexos ramulos interstitia reticuli nassas satis aptè referunt. Dùmque tot annorum spatio sedulam operam huic Arti navavit magnus ille Vir, invenit sæpe (ut passim in ejus operibus occurrit) relicta spatia inter reticulares plexus, quæ vasis carere videbantur, postea feliciori successu repleta, innumera iterum vascula exhibuisse, simili serè ordine distributa, ac in majoribus ramulis observatum fuerat antea. Sed ubicumque arteriæ in minimos ramulos divisæ observantur, poterunt hære fluidi molecule, concretionem, vel mutationem figuræ, factæ immeabiles: vel & angustatione horum vasculorum, minutâ capacitate, impediri poterit liber transitus liquidi naturaliter per illa fluentis; unde obstructio, & aucto motu liquidi à tergo impulsu inflammatio, nasci poterit. Cùm etiam in omni serè corporis loco ex arteriis sanguineis deciverent ramuli, qui suâ parvitate partem rubram sanguinis excludunt; poterit, horum vasculorum initiis dilatatis, per errorem loci rubra sanguinis pars minora vascula ingredi, & in illorum angustis hære immeabilis: unde iterum fient omnia similia mala.

§. 374. **H**INC arteriæ ipsæ; venæ; nervi, membranæ; musculi, glandulæ, ossa, cartilagine, tendines, viscera omnia,

(a) De Anatom. Administrat. Lib. VII, Cap. XVI, Charter, Tom. IV, pag. 164, & sequ. Tom. I.

adeoque totum ferè corpus, sed nusquam frequentius, & tenaciùs, quàm in adipe.

Cùm ergo ex hodierna Anatome constet, omnes ferè corporis partes vasa habere, quæ demonstrari ad oculum possunt; patet, inflammationem in toto ferè corpore, obtinere posse, omnibûsque ejus partibus, quæ hæc paragrapho enumerantur.

**ARTERIÆ, VENÆ.** Tunicæ horum vasorum componuntur ex aliis minoribus vasis, uti in majoribus horum truncis ad oculum demonstrari potest per injectiones Anatomicas. Et in animalibus, post diuturnum & velocissimum cursum mastæ, sæpe tota aortæ externa superficies ferè nigra apparuit, ob distenta nimio sanguine vascula, quæ mirabili texturâ per membranas magni hujus vasis distribuuntur. De hac re dictum fuit in *Commentariis* §. 113. n°. 2, ubi tumor vasculorum minorum, majorum vasorum membranas constituentium, referebatur inter illas causas, à quibus majorum canalium capacitas minui poterat.

**NERVI.** Duplici modo possunt considerari nervi, vel quatenus cerebri, cerebelli & medullæ spinalis propagines tenerrimas continent, vel quatenus vaginis tenacibus, omni vasorum genere donatis (vide *Commentaria* §. 181.) constant; quibus vaginis tunc mollissima & pulposa encephali & medullæ spinalis substantia ad qualvis corporis partes deferuntur. An tenerrima illa & omnem sensum fugientia vascula, quæ propriè dictam nervi substantiam constituunt; inflammantur aliquando, non adeo patet. Tamen cum & per hæc tubi tenuissimum fluidum à cerebro, cerebello, & medullâ spinali (uti dictum fuit in ejusdem §. 181, *Commentariis*) non videtur adeo absonum & in his vasculis tale quid obtinere posse. In majoribus autem, & per injectiones Anatomicas tam evidenter demonstratis, vasculis, quæ sua texturâ vaginas & tunicas nervorum constituunt, inflammationem veram obtinere posse, facillè patet.

**MEMBRANÆ.** Nam per injectiones Anatomicas hodie novimus, solidissimas etiam, & exsanges omnino habitas Veteribus, membranas nil aliud esse, nisi meram vasorum texturam.

**MUSCULI, TENDINES.** Innumeras arterias muscularem carnem undique perperare, hodie constat; imò & solidissimos apparentes & penitus albicantes tendines artificiosâ injectione penitus rubescere novimus; non tantum ob vasa illa repleta, quæ vaginas tendines invadentes constituunt, sed etiam plurima similia inter ipsas sibi mutuo accumbentes tendinum fibrillas decurrere certum est. Unde & hic inflammatio locum habere potest; & in pessimo rheumatismo, musculis inflammatis, sæpe tam enormes dolores sunt, dum vel levissimus nixus ad motum tentatur.

**GLANDULÆ.** Sive hæ sint meri vasorum convolutorum glomeres; sive cavi folliculi, per emissaria collectum cavis suis humorem eructantes, qui à vasculis innumeris membranâ folliculorum talium perperantibus secretus in cava eorum infunditur, res omnino eadem erit. Nam in utroque casu innumera vascula arteriosa fabricam glandulæ constituere asseritur; unde & in his inflammatio nasci poterit: ut quotidiana Observata testantur in parotidibus, glandulis sub maxillaribus, inguinalibus; &c.

OSSA. In vulnere capitis Historia in *Commentariis* §. 249. 252. 253, factis evidenter, ut puto, probatum fuit vasa ex periosteio ad os delata, inter ejus lamellas decurrere; alia etiam per singularia foramina ad diploen cranii, in aliis vero ossibus ad medullam, pertinere: unde & separatio corrupti, & restitutio perditæ, vasorum per ipsam ossis substantiam disperforum efficaciam adscribebatur. Ergo & hic inflammatio potest nasci, vel in vasis arteriosis decurrentibus inter medias lamellas osseas, vel in ipsis medullæ vasculis; unde dolores profundissimi & perniciatissimi simul, spina ventosa, &c, uti postea in Capitulo de morbis ossium dicitur. Ossibus autem inflammationem etiam aliquando accidere posse jam *Galenus* (a) notaverat. Postquam enim dixit, ipsas etiam vasorum tunicas inflammari posse, uti & membranas, nervos & tendines, addit: *Quamobrem ossa quoque nonnunquam inflammatio attingit, ut & ex ipsis aliquando primariò affectis movetur (ἰσχυράτα)*. Ex illis autem, quæ præcedunt locum allegatum, faciliè patet, quòd voluerit *Galenus*, partibus incumbenibus inflammatis malum ad ossa pertinere posse non tantum, sed etiam inflammationem in ipsis ossibus primò natam ad reliquis partes pergere aliquando.

CARTILAGINES. Ossibus certè proximæ sunt cartilagines, & plurimæ tandem in ossa mutantur; uti ex osteogenia apparet. Cum autem in ossibus, quæ quondam cartilagines fuerunt, vascularis structura deprehendatur, uti modò dictum fuit, admodum probabile videtur, similem fabricam præexistisse in cartilaginibus: sed etiam subtilissimorum Anatomicorum industriâ vasa in cartilaginibus detecta fuerunt. Sic in cartilagine thyroidea se centenos poros vidisse affirmat *Cloptonus Haversius* (b) quorum quidam vasa ex perichondrio ad cartilaginis substantiam pergentia admittebant, alii ab eadem redeuntia transmittébant. In juniorum cadaveribus felici injectione vidit *Ruyschius* (c) *vasa sanguifera sese penetrare per patellæ corpus, atque immenso numero in ima ejus medullia se abdere*. Et alibi (d) hanc rem confirmat, dicens, se oculis demonstrare posse, vascula sanguifera vera dari in ipsis cartilaginibus; scèque hæc detexisse in cartilaginea superficie capitis ossis femoris, & etiam ad margines cartilaginum mobilium, quæ inter ossium articulatim commissuram extrema ponuntur. Cum autem hæc vasa ex osse contiguo in cartilagine tendant, mirabatur, quòd ad duarum tantum linearum altitudinem procederent, nunquam autem emergerent in supremam cartilaginis superficiem. Ex his ergo patet, in cartilaginibus, æquè ac in ossibus, inflammationem fieri posse.

VISCERA OMNIA, ADEOQUE TOTUM FERRE CORPUS. Mirabili vasorum texturâ, & in singulis ferè diversâ, constare viscera, hodie certò novimus. Et acuti morbi viscerum postea pertractandi docebunt evidentissimè, inflammationem & omnes ejus sequelas, suppurationem, gangrænam, scirrhum, &c, aliquando in his observatas fuisse; ne quidem ipso corde excepto, quod tamen solum viscerum vitis non macerari, nec supplicia vitæ trahere, sed læsum mortem illico adferre *Plinius* voluit (vide *Commentaria* §. 304.) Nam mulieri, suppuratâ cordis pulpâ, per multos dies urinam purulentam effluxisse, & in cadavere

(a) Lib. de Tumor. præter Natur. Cap. 11. Charter. Tom. VII. pag. 315.

(b) Oserv. de ossib. Serm. V. Cap. 1. n°. CCXXXIII.

(c) Adversar. Anatom. Dec. II. n°. 11. pag. 3.

(d) Ibid. Dec. III. n°. 11. pag. 33.

ejusdem, quarto mense mortuæ, calculos & abscessus in corde repertos fuisse, testatur *Hollerius* (a). Unde merito concluditur, totum ferè corpus inflammationi obnoxium esse, cum omnes ferè ejus partes vasculosas esse hodiernâ Anatomie constet.

**NUSQUAM FREQUENTIUS ET TENACIUS, QUAM IN ADIPE.** Constat certissimè, cellulosa dictam tunicam ubique ferè in corpore inveniri, quæ diversa nomina acquirit, prout diversam materiam contingit. Si enim alba, granulosa, non nisi calore fusilis, materia cellulas hujus membranæ repleat, adiposa tunica dicitur: quando verò materia in hac membrana contenta ferè sponte diffluit, pinguedinosa vocatur. In illis verò corporis locis, in quibus tenerima invenitur hujus membranæ fabrica, ejusque cellulae tam parvæ, ut pingue contentum oculos fugiat, simpliciter cellulosa dicitur; uti v. gr; in dorso manus, fronte, &c. Quàm latè autem hujus membranæ dominium pateat in corpore humano, apparebit, si consideretur, omnes musculos tendinesque investiri tali cellulosa membrana non tantùm, sed omnes musculorum fibras, quousque oculorum acies, & subtilissimorum Anatomitorum dexteritas & patientia, penetrare poterunt, similibus vaginis cellulosis tegi. Vasa ferè omnia in tali cellulosa substantia decurrunt; imò & ipsam vasorum & viscerum fabricam talis cellulosa substantia pro parte constituit. Unde patet, frequentissimè in hac tunica, cellulosa dicta, vel pinguedinosa aut adiposa, inflammationem posse contingere; & ubi in hac parte hæret, tenacissima esse solet, sæpe non resolvenda; sed in suppurationem vel & gangrænam frequentissimè tendit. Cum enim arteriæ, per hanc membranam dispersæ, pingue oleum, vel simile unctuosum smegma lubricandis partibus inserviens, in sanitate secernere soleant, & in cellulas, tam faciliè dilatabiles, hujus membranæ deponere; videtur, his vasis dilatatis vel ruptis per inflammationem, ipsa rubra pars sanguinis transsudare quasi & accumulari in his cellulis: undè tumor ruber & durus, veram phlegmonem comitans, oriri videtur, qui ferè semper tantùm in hac tunica cellulosa hæret. Pulcherrimè hanc rem *Galenus* (b) expressit, (quem locum antea etiam in *Commentariis* §. 118, aliâ occasione allegavi) dicens: *Quum sanguis calidus copiosior in aliquam animalis partem præcubuit, majora ejus vasa protinus distenduntur, quæ plenitudinem non ferunt; ab his deinceps quæ minora sunt. Mox ubi nec in iis satis continetur, exsudat foras in ea ampla spatia, quæ inter vasa sunt, sic ut etiam omnia, quæ in composita carne habentur, loca occupet.* Per carnem autem hic intellexisse *Galenum* membranam illam adiposam, vel cellulosa, satis patet ex illis, quæ ultimo capite ejusdem libri scribuntur. Præterea per inflammationis eventus optimè confirmatur, illam frequentissimè in membrana cellulosa hære. Si enim validam inflammationem suppuratio vel gangræna sequatur, pus collectum, vel gangrænosus tabus, perzusa cute, in membrana adiposa semper hæreere observatur. Sic vidi, dum terribilis gangræna totum crus à genu ad apices digitorum pedis usque ferè occupasset, secessisse magna panniculi adiposi frustra subjectis musculis & tendinibus omnino illæsis.

(a) Comment. in Coac. Hippocr. pag. 824.

(b) Method Med. Lib. X. Cap. vii. Chartæ Tom. X. pag. 133.

§. 375. 1°. **H**ANC Stagnationem (371) efficit in arteriis minimis quicquid premendo, distrahendo, intorquendo, rumpendo, contundendo, urendo, erodendo, crispando, vasorum fines ita arctat in conicis, cylindricisve, ut diameter aperturæ fiat diametro sphaeræ sanguinis minor. Calor, motus vehemens, infixa, ligaturæ, pondera incumbencia, acria ingesta vel applicata, frigus acre, frictio nimia, omnes causæ vulnerum, contusionum, erosionum, fracturarum, luxationum, obstructionum, huc pertinent.

In definitione inflammationis §. 371, bina considerabantur: stagnatio nempe sanguinis rubri arteriosi in canalibus minimis, & dein pressio & attritus, sanguine à tergo urgente majori impetu in loca hæc à stagnante sanguine obstructa. Enumerantur nunc hæc paragrapho illæ causæ, quæ hanc stagnationem efficere possunt in arteriis minimis, quæ tamen per ultimas suas angustias naturaliter partem rubram sanguinis transmittere possunt.

1. Arteriæ, quæ rubrum sanguinem vehunt, postquam per laterales ramos tenuiores pars inde secesserit ad varios usus, rubram sanguinis partem, quæ molecularum suarum determinatâ magnitudine minora vasa ingredi naturaliter non potest, tradunt venis, cum quibus continuum canalem faciunt. Ubi ergo arteria talis minima desinit, ibi incipit vena: arteria autem ex majori amplitudine semper in suo decursu magis & magis angustatur; vena autem in initio angustissima toto suo decursu amplior fit. Hinc in arteriis liquidum à basi conî versus verticem, in venis verò à vertice versus basim movetur: unde & venæ, æquæ ac arteriæ, canales conici dici possunt. Circa illum autem locum, ubi angustissima jam facta arteria venulæ minimæ continuatur, per aliquam saltem longitudinem videtur canalis cylindricus esse, cujus latera nec convergunt, nec divergunt: si plus procedatur versus arteriam vel versus venam, jam iterum conî vel directi, vel inversi, figuram canalis habet. Sed circa hunc locum, ubi arteria sanguinea desinit, & vena minima huic continuata incipit, maxima est angustia; unde omnium frequentissimè molecule sanguinis, quacumque de causa immeabiles factæ, hic hærebunt. Si jam concipiatur, vasorum fines arctari quacumque ratione, stagnatio fiet liquidi, quod per has angustias transire nequit. Simul ex dictis patet ratio, quare in textu dicatur, *in conicis cylindricisve*.

Dictum fuit in *Commentariis* §. 115, particulas minimas liquidorum circulantium in animalibus, per microscopia visibiles, sphaericas apparuisse, & circa ultimas vasorum angustias, singulas ferè tantum molecularas, & sæpe adhuc cum quadam difficultate, transire potuisse: unde facile patet, arctatis à quacumque causa canalium angustissimis sinibus, impediri liberum transitum, & obturari canalis cavum; dum magnitudo molecule transmittendæ capacitatem vasis transmissuri excedit. Fit ergo obstructio, (ut ex ejus definitione data §. 107, patet) quæ omnis inflammationis semper comes est.

Cum autem, (ut dictum fuit in *Commentariis* §. 109.) canalium nostrorum sectio perpendicularis ad axim sit circulus, illeque inter figuras isoperimetras omnium maximam habeat aream; patet iterum, omnem causam, quæ valet mu-

D d d d iij

tare figuram canalium, facere stagnationem liquidi transmittendi per ultimas canalis angustias. Præcipue tales causæ hic enumerantur, quarum, plurimæ antea explicatæ jam fuerunt.

**PREMENDO, DISTRAHENDO, INTORQUENDO.** Videantur de his illa, quæ dicta sunt in *Commentariis* §. 112. n<sup>o</sup>. 1. 2. 3.

**RUMPENDO.** Vasorum dicissorum orificia sponte contrahi, & liberum exitum fluidis, naturaliter per illa circumductis, impedire, demonstratum fuit in *Commentariis* §. 159; uti & §. 158. n<sup>o</sup>. 2. & 4: simulque patuit ex illis, quæ dicta fuerunt ibidem n<sup>o</sup>. 5, tunc veram inflammationem ab hac causa sequi.

**CONTUNDENDO.** Cum contusionis idea accumulationem vultusculorum involvat, uti dictum §. 322, patet ex modo dictis, quare stagnatio liquidorum inde fiat. Accedit, quod contusio semper fiat, à duro obtuso corpore partes corporis nostri lædente, quod sine compressione fieri non potest.

**URENDO, EKODENDO, CRISPANDO.** Omnibus enim his modis vel destruitur pars corporis integre, ut vivo igne vel fortissimis causticis sit, unde vasivis ad limites talis mali positus obstaculum nascitur; hinc stagnatio, & inflammatio sequuntur: vel si minor fuerit horum actio, contractis solidis, & inspissatis fluidis, immeabilitas tamen nascitur in pluribus vasis; unde iterum eadem mala fient, uti postea latius in *Capitulo de combustione* dicetur.

**CALOR.** Si nempe multum excesserit gradum illum, qui in homine sano naturaliter observatur. Demonstrabitur autem postea, quando de calore aucto, namque februm symptomate, agetur, quod fibræ solidæ inde siccantur, rigidaeque & contractæ reddantur (vide §. 689.): sed, auctà rigiditate fibrarum, vasorum ex his confiatorum contractilitas augetur; adeoque cavitas eorumdem minuitur, unde obstructio fiet; uti demonstratum fuit in *Commentariis* §. 113. Si jam simul consideretur, nimio calore dissari tenuissimas flvidorum partes, sanguinem autem & ejusdem serum concrefcere in massas solidas, vix resolubiles postea; patebit evidenter, calorem auctum meritis inter inflammationis causas recenseri.

**MOTUS VEHEMENS.** Videantur illa, quæ dicta sunt in *Commentariis* §. 100, ubi probatum fuit, à solo aucto motu obstructionem, inflammationem, omnemque ejus sequelas nasci.

**INFIXA.** Dum acuta quævis corpora partibus infixa hærent, lædunt vasa, & comprimunt vicina; simulque dolorem & irritationem continuam faciunt; unde facile patet, inflammationem debere sequi, in primis si circa partes satis acuti sensus hælerint: tunc enim non solent sedari hæc mala; donec suppuracione factà natura expulerit illud molestum. Mirum talem casum habet *Ruysschius* (a). Puella incisus parentibus aciculam deglutiverat. Postea tumor durus & inflammatorius in inguine oritur cum febre & dolore satis valido. Applicatis mollissimis cataplasmatis ad suppuracionem perducebatur tumor; quo deinde lanceolâ discisso unâ cum pure copioso acicula æruginè obducta prodiit, non sine excrementorum alvinorum commixtione. Ad felicem tamen curam perductum fuit periculosum hoc malum. Plurima tamen Observata docuerunt, aciculas & similia acuta corpora diu hædere posse in panniculo adipso sine magno malo. Tornionem sic

(a) Observat. Anatom. Chirurg. n<sup>o</sup>. LV. pag. 51.



novi, qui jam à sex annis festucam ligneam infixam gerit illi manūs loco, qui inter pollicem & indicem digitum medius est; quam ibi hærentem facillè tangere licebat: confuetos tamen labores exercebat quotidie sine ullo ferè incommodo; unde noluit pati unquam, ut educeretur à Chirurgo, licèt pessima quævis ipsi ominaretur. Aliud vidi simile Exemplum, quod hoc probat. Puella conquerebatur de dolore quodam punctorio circa humerum: dum partem omni modo examinabam, nihil potui detegere mali, licèt etiam undique attrætarem; dixitque se non semper, sed aliquando tantum, dolorem illum percipere. Jussi ex galbano factum emplastrum applicaret, & post aliquot dies rediret. Cùm nullum inde levamen haberet, rursus omni curâ dum partem affectam attrætarem, sensi digitum pungi, vidique acutum apicem eminere per cutim læsam: eduxi forcipe acum, unâ cum parte fili sex pollices longâ; mōxque agnovit, se illam acum, dum operi suo intenta esset, ante sex circiter septimanas perdidisse.

**LIGATURÆ.** Vasa comprimendo illorum cavum arctant, maximè autem agunt in venas; quia & minùs firmas tunicas habent, quàm arteriæ; & pleræque magis versùs superficiem corporis locari solent. Ubi autem fortius adstringuntur ligaturæ, tunc unâ cum venis & arteriæ comprimuntur. In venæsectionis administratione quotidie hoc apparet: si enim modicè adstricta fuerit ligatura, pertusâ venâ sanguis cum impetu exsilit; si nimis fortiter adducta fuerit, compressâ simul arteriâ, nihil ferè sanguinis effluit: quod ubi vident Chirurgi, laxato vinculo, sanguinis effluxum promovent. Videantur & illa, quæ dicta sunt in *Commentariis* §. 112. n°. 4, ubi simul explicatum fuit, quare *pondera incumbentia* externâ vasorum compressione obstructions pariant.

**ACRIA INGESTA VEL APPLICATA.** Videtur omnibus ferè partibus corporis nostri, tam externis quàm internis, hæc proprietas inesse, ut ab acrim applicatione contrahantur; & plurima experimenta hanc rem evincunt. Si guttula aceti oculo inspergatur, sic contrahuntur palpebræ invito etiam homini, ut nullâ ferè vi diduci possint; acria venena ingesta ventriculū & intestina contrahi faciunt; unde ab aere retento & calefacto inflationes summæ oriuntur. Dum vivi canis nudo intestino olei vitrioli guttulam penicillo applicarem, vidi illud statim sic contrahi, ac si laqueo injeçto constrictum fuisset. Verosimile jam videtur, etiam in minoribus vasis acria, si illuc veniant, similes constrictiones facere posse, unde obstructio, &, accedente motûs circulatorii augmento, inflammatio nasci poterunt. Sic dum acidula labes sanguinem ipsum infecerit, pruritus, obstructions, pustulæ, ulcera circa vasa cutanea observantur, ut dictum fuit §. 64. Dum stagnans serum, hydropicorum crura distendens, acre fieri incipit, cutis inflammatur sæpissime. Si autem tantâ vi prædita fuerint acria, inprimis extrinsecè applicata, ut vasorum continuitatem solvere valeant, patet facillè ex prædictis, longè adhuc magis inflammationem producere posse.

**FRIGUS ACRIÆ.** Constat certò, per frigus solidas partes corporis in omni dimensione minui; ergo & arctari vasorum cava. Simul probatum fuit in *Commentariis* §. 117, sanguinis moleculas frigore adunari: utroque ergo hoc effectu frigoris, obstructio & inflammatio nasci poterit; inò sæpe satis subita gangræna, uti dicitur postea §. 454. 455. An non inde patet ratio, quare tam frequens pleuritis sequitur, dum sudantes à laboribus agricolæ se frigori incautiùs exponunt? Aer enim inspiratus frigidus ferè tangit intercostalia loca, dum tenerima

tantum pulmonalium vesicularum membrana interponitur : simul externè talis frigidus aer, allabens non bene tecto corpori, malum auget.

**FRICTIO NIMIA.** Quantum possit frictio in resolvendis obstructionibus, dictum fuit in *Commentariis* §. 133. n°. 3. Sed ubi vel nimis valida, vel nimis diuturna frictio adhibetur, poterit excitari etiam in frigidissimo hydropico calida febris, ut dictum fuit in *Commentariis* §. 28. n°. 2. Accelerato enim motu sanguinis venosi, cor fortius & celerius contrahitur, unde augmentum circulatorii motus : à quo, si nimium fuerit, inflammationem oriri, demonstratum fuit in *Commentariis* §. 100. Sic & validà frictione videmus, partes corporis calere, rubere, tumere & dolere ; sed hæc omnia veram phlegmonem præsentem demonstrant, citò quidem resolvendam, nisi diuturna adhibita fuerit frictio, vel violenta admodum. Dum enim in navibus, subito vento inflatis velis, rudentes, quos firmiter prehenso manus tenent nautæ, celerrimè trahuntur, à validissimo hoc attritu ingens dolor, & calor tantus fit, ut uno momento in gangrænosas vesiculas attollatur epidermis. Si jam simul consideretur, per frictiones rubram partem sanguinis pelli in plurima minora vasa, in quibus naturaliter nunquam hæret, (ut docet rubor omnem frictionem ferè sequens) patebit adhuc melius, per frictiones nimias inflammationem excitari posse.

**OMNES CAUSÆ VULNERUM, CONTUSIONUM, &c.** De his omnibus antea jam actum fuit.

§. 376. 2°. **E**AMDEM producit, quidquid meatus obturat, acriusque applicat simul, sive intus, sive extus; ut oleosa, salina, acria.

Totum corpus in sua superficie externa & interna perspirabile esse novimus quàm certissimè ; per minimas nempe fistulas arteriosas, extrorsum patentes, omni momento vitæ sanæ tenuissimus expellitur halitus ; qui politâ laminâ metallicâ, vel speculo frigido, percussus, condensatur in tenuissimam lympham, quæ tota exhalat sine ullis sæcibus residuis. Si jam à quacumque causa obturentur illi meatus, per quos perspirabile illud tenuissimum expellitur, dilatantur vascula illa tenuissima à liquido impulso ; & sic dilatata crassiores humores admittunt, unde obstructio & stagnatio necessariò sequuntur. Sed, minimis exhalantibus vasculis sic obstructis, proxima his magnitudine vasa, cum non possint prioribus tradere partem tenuissimam fluidi quod continent, pariter dilatantur ; sicque malum propagari poterit à tenuissimis exhalantibus ad sanguinea vasa usque.

Cum autem tenuissimum illud exhalans omni ferè dote aquam referat ; oleum verò ingressum aquæ in tenuissimas fistulas vitreas impediat, vel saltem reddat difficiliorem ; hinc fortè ab oleis applicatis cuti externæ toties erysipelata & inflammationes oriuntur. Oleo sic inuncta fuisse Athletarum corpora, ne nimio sudore diffunderent, legitur : post balnea verò unctiones adhibitas fuisse, ne humiditas in balneis acquisita evanesceret, nec referatis à balnei calore meatibus nativa caliditas exspiraret (a). Multis hominibus, post applicationem pinguis em-

(a) Hier. Mercur. de Arte Gymnastica Lib. I, Cap. VIII. pag. 36. 37.

plastri vel unguenti, statim cutis inflammatur: imò videntur & quidam in interioribus ferè similem dispositionem habere; dum à pinguioribus assumptis, inprimis à lardo, statim febricitant. Si jam oleosis his & pinguibus corporibus acrimonia simul insit, pertinacissimæ inde inflammationes nasci poterunt. Oleum amygdalarum, quod recens pressum adeo blandum est; æstivo tempore paucorum dierum spatio rancidum fit, & tantam acquirit acrimoniam, ut parca etiam copiâ deglutitum statim fauces inflammet. Idem in butyro, rancido factò, vel in sarragine nimis diu fixo, verum est. Acre autem pingui mistum plùs nocet, quia loco, cui applicatur, tenacissimè adhæret, neque aquosis facillè se ablui patitur. Baccæ mezeraei Officinarum, thymelææ lauri folio semper virente fructus, digitis pressæ merum pingue oleum sudant; quod gustatum primò saporis lenitate fallit, sed mox fauces inflammatur adeo, ut ne incautiùs gustantem ferè præfocaverit; nec potui, per integrum bihodium continuò fauces eluens postea cum melle, tollere penitus molestissimam hanc acrimoniam. Sic etiam olea illa acria empyreumatica valido igne ex cervorum cornibus, ligno guaiaco, & similibus, expressa, (quæ ad rigiditates articulorum ab infractione materie immeabili sanandas adeo commendantur) imprudentiùs cuti inuncta pessimas inflammationes, imò gangrænâ ipsam aliquando produxisse, observatum fuit. In his enim maxima tenacitas oleosa, quâ meatus obstruunt; & valida simul acrimonia, quâ vasa irritata constringuntur, deprehenduntur,

§. 377. 3. **OMNIA**; quæ sanguinem cogunt; ut coeat; motus nimius; derivatio tenuioris partis ex sanguine per sudores, urinas, salivas, diarrhœas; coagulantia.

In Historia obstructionis dictum fuit, illam fieri ab excessu molis transitaræ suprà capacitatem vasis transmittentis; adeoque ejusdem generales causas esse, angustiam nimiam vasorum, vel auctam magnitudinem molecularum fluidi transmittendi, vel denique ubi hæc bina simul concurrunt. Binis autem præcedentibus paragraphis dictum fuit de causis, stagnationem producentibus in minimis arteriis sanguiferis; quatenus illa fit ab arctatione horum vasorum: hæc autem paragrapho agitur de illis causis, quæ, manente licet eadem vasorum capacitate, sic sanguinem coire faciunt, ut per ultimas minimarum arteriolarum angustias transire nequeat. Inter has autem numeratur primò,

**MOTUS NIMIUS.** In *Commentariis* §. 100, ubi agebatur de illis, quæ sunt ab augmento motus circulatorii ut causæ; demonstratum fuit, sanguinem à motu aucto sic disponi, ut faciliùs concreseat. In sanguine enim semper est nixus in concretionem; qui tamen eò validior est, quò vasorum tortior est actio in sanguinem contentum. Robusti hominis sanguis de vena missus concrevit statim, & in quiete relictus plurimùm concreti rubri, parum autem fluidi feri exhibet; contrarium in debilis puellæ cruore obrinet. Totum autem hoc pendet à magis minùsve efficaci actione vasorum in sanguinem. Sed per motum auctum, vasorum actio intra idem tempus & sæpius & fortius agit in fluida contenta; unde major eorundem condensatio sequitur. Præterea aucto motu dissipantur fluidissima, quia organis seccernentibus & exccernentibus intra idem tempus major copia fluidi à sanguine separandi, applicatur; unde iterum sanguinis concreti augetur. Accedit etiam, quod auctum motum sequatur calor aug-

mentum, à quo pariter sanguis sic inspissatur, ut per minimas arteriarum angustias amplius transire nequeat. Unde in morbis acutis, dum calor augetur plurimum, statim cerebri actiones læsæ, & respiratio difficilis docent, in sanguine nasci talem immobilitatem, ut non possit amplius libere transire per minima horum viscerum vasa.

**DERIVATIO TENUIORIS PARTIS EX SANGUINE PER SUDORES.** Docuerunt Observationes. (ut dictum fuit in *Commentariis* §. 93.) in sanguine humano crassissimam partem esse globulos rubros, plurimum autem tenuioris liquidi illis interponi, per quod à mutuo contactu & facili concretionem impediuntur. Simulac ergo quacumque de causa de sanguine tollitur tenuis illa & fluidissima pars, molecule crassiores contiguæ factæ, & circa ultimas arteriarum angustias maxime pressæ, adunantur & concreunt; unde canalium obstructio, & liquidi stagnatio, sequuntur. Sic phthisicis, dum nocturnis sudoribus dfluunt, incipit circa cutanea valcula immeabilis sanguis hære, & pustulas inflammatorias facere. Ob hanc causam sudores in morborum acutorum initiis damnavit (a) *Hippocrates*; & (b) *Sydenhamus* in variolis nocuisse observavit, si initio morbi sudoribus diffuserent ægri.

**URINAS.** In hysteriis & hypochondriacis sæpe incredibilis copia urinæ, tenuis instar aquæ, emittitur, si animi quodam affectu graviore turbati fuerint: sed sanguine sic diluente suo vehiculo orbato, crassior pars concrefcere incipit, & aliquando pessimæ inflammationes sequuntur; vel sanguinis crassamenrum, circa abdominalia viscera depositum, pertinacissimas obstructions producere solet. Unde toties passivum hysterici vel hypochondriaci atrabilis sequitur.

**SALIVAS.** Si examinetur saliva, quæ homini sano aperto ore sponte effluit, satis tenuis est (motu enim linguæ & vicinarum partium mucus oris & faucium, salivæ mistus, magis tenacem efficit) & Chemico examine serè totam aquosam esse constat; cum ex sexaginta uncis salivæ serè quinquaginta & novem uncie leni igne abstrahi possint, quæ omni dote aquam referunt. Saliva pariter non concrefcit in aqua ebulliente; unde sero sanguinis tenuior est. Copioso ergo salivæ effluxu tollitur plurimum tenuis liquidi de corpore; unde hoc orbatus sanguis immeabilis fit. Ob hanc causam illi, qui, vel ex mala consuetudine, vel nicotianæ abusu, quotidie magnam salivæ copiam perdunt, toties pessimis abdominalium viscerum obstructionibus laborant. Postquam densis aphthis omnes oris interni partes diu testæ fuerunt, his postea deciduis, incredibilis copia salivæ exit per dilata vasa. Nisi idoneis auxiliis tollatur immodicum illud salivæ profluvium, exhausti sæpe pereunt, vel postea diuturnis morbis conflictantur; dum tenuissima parte sanguinis sic deperditâ difficillimæ obstructions nascuntur. Nec obstat, quod salivatione mercuriali, per plures sæpe septimanas protractâ, quotidie ingens liquidi copia sic perdat, absque eo, quod sanguis inde inspissetur: nam tunc non exir saliva propriè dicta, sed soluti omnes humores corporis per vim argenti vivi putridæ aquæ specie exeunt; unde tunc non fit jactura tenuissimæ partis sanguinis, manente parte crassâ immeabili, sed vera dissolutio ipsius etiam partis rubræ sanguinis; idèoque hoc ferre possunt, modò bono victu restituantur novi humores, dum evacuantur illi, qui antea adfuerant.

**DIARRHŒAS.** Per illam pariter tenuiorem sanguinis partem de corpore

(a) *Prediction*, Lib. I. *Comment*. II. *Text*.  
 XVII. *Charter*, Tom. VIII. pag. 740. (b) *Dissert*. *Epistol*. & alibi passim.

subduci posse, satis patet. Ideo in febre ardente, si alvus cum impetu prorumpat, lethale dixit Hippocrates in *Coacis Prænotionibus*, & alibi. Cum enim in hoc morbo sanguis jam immeabilis hæere incipiat in minimis arteriis, subductis per alvi fluxum liquidis tenuioribus, immedicabile malum redditur.

COAGULANTIA. Videantur de his illa, quæ dicta sunt in *Commentariis* §. 117.

§. 378. **E**FFICIUNT eam in vasis lymphaticis arteriosis 1. Omnes causæ, quæ initia horum latiora ampliant, ita ut in ea intrent partes sanguinis crassiores, quæ propulsæ ulterius occurrunt angustis conniventibus, ubi tum patiuntur eadem, quæ exposita (§. 377): talis est laxitas vasculi in suo principio; motus violentus liquidi arteriosi; 2. Omnes causæ alteri inflammationi communes (§. 375, 376.).

Hæcenus consideratæ sunt illæ causæ, à quibus liber transitus crassissimæ sanguinis partis (rubræ nempe) per minimas arterias sanguiferas impeditur; quæ vel agebant vasa angustando, vel fluidum transmittendum reddebant immeabile. Sed præterea observatur vera inflammatio rubra in illis vasis, quæ naturaliter excludunt sanguinem rubrum angustia sui cavi. Evidens hujus rei Exemplum habetur in ophthalmia, in qua sæpe tota adnata, imò & ipsa cornea, rubet, vasculis rubro sanguine repletis nudo etiam oculo conspicuis; cum tamen naturaliter nihil sanguinis rubri in his vasculis contineatur. Debuerunt ergo talem inflammationem præcessisse quædam causæ, per quas dilatata hæc vascula admittere potuerunt sanguinem rubrum. Facile autem patet, rubram sanguinis partem, semel ingressam hæc vasa tenuiora, obstructionem facere debere, cum continuo occurrat majoribus angustis canalium convergentium. Unde in hoc casu stagnatio nascitur, licet maneat eadem amplitudo canalium, neque augeantur moleculæ fluidi transmittendi. Aptissimo nomine vocatur *error loci* tale malum, cum sanguis ruber, minora vasa ingressus, immeabilis hæret, non potens transire per ultimas horum vasorum angustias: totum enim malum pendet tunc tantum ab eo, quod sanguis ruber alieno loco hæreat. Videantur illa, quæ circa hanc rem dicta sunt in *Commentariis* §. 118, ubi simul probatum fuit, vitium illud obtinere posse in omnibus illis locis corporis, in quibus minora vasa, tenuius fluidum vehentia, ex majoribus derivantur. Adeoque error loci nunquam poterit obtinere in vasis sanguineis rubris, cum nulla particula observetur in sanguine sano, quæ suâ magnitudine globum rubrum superet; sed in reliquis decrefcentium vasorum seriebus adeisse poterit. Quousque rubra jam pars sanguinis aliquando penetrare poterit, nondum certo per Experimenta constat: hoc tamen novimus, quod in morbis minora longè vasa sæpe ingrediatur, quam sunt illa, quæ serum sanguinis continent; ut statim patuit, dum ipsa corneæ tunice vascula quandoque ingredi poterit. Cum autem omne illud fluidum, quod in sanguine sano rubris & serosis globulis tenuius est, lymphæ vocetur generali nomine; hinc & vasa,

Eccc ij

per quæ hoc tenuius fluidum movetur, lymphatica dicuntur; quæ vel venæ sunt, vel arteriæ. Sed probatum fuit in *Commentariis* §. 119, obstructionem locum habere non posse in venis. nisi ab externa earundem compressione transitus impediatur liquido: unde errore loci partes fluidi crassioris tantum in arteriis lymphaticis hæere poterunt; sub quo nomine comprehenduntur omnes arteriæ, quæ naturaliter globos rubros & serosos excludunt, tenuioria autem fluida admittunt.

Requiritur ergo ad errorem loci, ut initia arteriarum lymphaticarum sic dilatentur, ut rubram sanguinis partem admittere possint. Sed demonstratum fuit in *Commentariis* §. 26, vasorum amplitudinem pendere à binis diversis causis, resistentiâ nempe laterum vasorum, & momento liquidi impulsu; adeoque mensurari ratione compositâ ex ratione directâ impetus liquidi impulsu, & ratione inversâ resistentiâ laterum. Si ergo laxitas major oriatur à quacumque causa in vasculi lymphatici initio, manente quamvis eodem impetu liquidi impulsu, illud dilatabitur; & vicissim aucto impetu liquidi impulsu, manente quamvis eadem firmitate laterum, idem fiet; omnium ergo maximè, si binæ hæ causæ simul concurrant. Videantur & illa, quæ de laxitate vasorum, ut causâ erroris loci, dicta sunt in *Commentariis* §. 118. Quare verò aucto motu liquidi arteriosi vasorum initia ampliuntur, dictum fuit in *Commentariis* §. 100. Experimenta autem confirmant modò dicta. Pars enim corporis exposita vaporî tepidæ aquæ tumebit, & rubebit, magis solito, ob sanguinem rubrum laxata vasa minora ingressum. Et post validos cursus videmus totam cutim externam rubere, & oculos quasi sanguine perfundi, ob sanguinem rubrum aliena ingressum vasa, quæ majori impetu fluidi impulsu dilatata fuerant.

2. Ubi jam sanguis ruber lymphatica vasa ingressus fuit, patet facili, quòd omnes illæ causæ, quæ angustare poterant majorum vasorum cava, applicatæ his minoribus, idem faciant. Illæ autem recensitæ fuerunt in numeris hic citatis.

§. 379. **U**NDE & similis morbus in omni vase conico; ubi fluit ex lato in angusta liquor, obtinere potest; ut enim in sanguine rubro, sic in lymphâ alia est fortè pars crassior reliquis.

In sanguine sano, recens de corpore educto per minimum vulnusculem, turbulique vitreis minimis excepto, microscopia diversas partes distinguunt, ut etiam in pellucidis animalium viventium partibus, in quibus motum humorum per vasa observare licet. Conspiciuntur enim globuli tenuiori pellucido fluido inæstantes, in quo nihil ulteriùs detegere possumus, cum pelluciditas faciat, ut homogœneum tantum fluidum videatur. Omnino tamen probabile videtur, in lymphâ tenui pellucida sanguinis esse quasdam partes crassiores reliquis, quæ determinatâ suæ molis magnitudine continentur in vasis proportionalibus, neque naturaliter tenuiora his vascula ingredi poterunt. Nisi enim globuli rubri tam magni forent, ut in sanitate serosa vasa, & his minora, ingredi non possent, facili patet, quòd omnis sanguis derivaretur in minora vasa; unde majora omnia exinanirentur. Idem verum est in vasis serum sanguinis vehentibus, & reliquis minoribus.

bus. Unde, simulac in morbis sanguis nimis fluidus sit, diffilantur omnia de corpore, vel in cavis majoribus & minoribus corporis fluida accumulantur, ut in hydropicis fieri observatur; sed tunc semper vasa majora collabuntur, defectu copię crassioris sanguinis, qui illa distendere solebat. Idem jam videtur verum esse in reliquis decrepescuntium vasorum seriebus, à maximis sanguineis ad subtilissima usque; quodd nemp singulis vasorum seriebus propria sint fluida, quę tam crassas moleculas continent; ut proxima minoris magnitudinis vascula ingredi nequeant, sed propriis vasis coercentur. His positis, si à quacumque causa minuatur canalium talium convergentium cavum, vel advenitur moleculę, quę solitariae per ultimas horum angustias transeunt, inflammatio sequi poterit; non rubra, sed pellucida in tenuissimis his vasculis. Pręterea, si sequentis magnitudinis vasculi orificium, sive à laxitate, sive à nimio motu, sic dilatetur, ut proximę magnitudinis vasis crassissimas moleculas admittat, simile malum fiet ab errore loci. Quot ergo intercurrent vasorum series inter vas maximum & minimum, tot poterunt esse diversę inflammationes; & quidem in singulis duplices, vel à proprio fluido, immeabili facto ob molecularum auctam magnitudinem, vel angustiam vasis; vel errore loci, ob moleculas crassiores ex vasis majoribus initia dilatata vasorum minorum ingressas. In maximis tamen vasis sanguineis error loci nunquam inflammationem facere poterit, cū nulla crassior pars globulo rubro in sanguine deprehendatur. An rheumatismus, arthritis, podagra, à minimorum vasculorum inflammatione sunt? Videantur illa, quę dicta sunt in *Commentariis* §. 122.

§. 380. **E**X quibus vera diversitas phlegmones, erysipelatis, œdēmatīs, schirri, cum inflammatione liquet.

**PHLEGMONES.** Licet Veteres quancumque inflammationem hoc nomine quondam vocaverint, obtinuit tamen usu postea (ut dictum fuit in *Commentariis* §. 270, & *Galenī* & *Eginetę* testimoniis confirmatum fuit) sic vocare tumorem præternaturalem, rubrum, renitentem, calentem, pulsanem & dolentem, in parte molli, quem febris in toto vel in parte comitatur. Fit autem à sanguine rubro stagnante circa arteriarum fines, dum reliquus sanguis, cordis & arteriarum viribus pulsus, majori impetu à tergo loca hæc obstruata urget. Potest ergo phlegmone hæreere vel in angustis ultimis arteriarum rubrarum, quod rariū fit; vel fieri è sanguine rubro impacto per errorem loci arteriis serosis vel lymphaticis, quod longè frequentius observatur. Patuit autem ex illis, quę dicta sunt in *Commentariis* §. 374, veram phlegmonem potissimum hæreere in membrana adiposa.

**ERYSIPELATIS.** Sic definitur à *Galenō* erysipelas, quod verę phlegmones æmulum malum omnino videtur: (a) *Si ex sanguine & flava bile iusto calidioribus fluxio mista fuerit, aut ex sanguine quidem, sed fervido, ac substantiā tenuissimo, affectus erysipelas vocatur, multo inflammatione calidior, adpectūque flavior. Et si tetigeris, sanguis facili subfugit, rursusque affluit, exquisitē tenuis &*

(a) Method. Medend. ad Glaucon, Lib. II, cap. 1. Charter. Tom. X, pag. 368.

*visu ruber. Non tamen æquè cruciat erysipelas atque inflammatio: neque secundum ullam inflammationis speciem aut pulsat, aut premit, aut distendit. Verum aliquando moderatè omnino infestat, & maximè, quum in solam cutem sparsum est, minimèque subiectam carnem lædit. Atque magna ex parte tale sit, exquisitumque erysipelas est. Et paulò post dicit, (a) Exquisitum erysipelas solius cutis est affectus. Cum autem erysipelatosi loci color aliquid flavescentis rubro misti haberet, bilem tamquam causam præcipuam erysipelatis, inculaverunt veteres Medici. Sed novimus hodie, serum sanguinis naturaliter flavescere; unde ubi pauculum rubrum cum multo sero hæret in vasis serosis obstructis & inflammatis, color ille ex rubro flavescens in parte affecta oritur. Simul etiam apparet, quantam affinitatem inter se habeant erysipelas & phlegmone, cum tantum differant magnitudine molecularum obstructum. In phlegmone enim pars rubra sanguinis in vasis distentis & obstructis accumulatur; in erysipelate serum sanguinis imprimis cum pauculo rubro intermixto sic inmeabile hæret: phlegmone potissimum in membrana adiposa hæret; erysipelas integumenta corporis externa, vel & membranaceas partes internas, obsidet. Atque etiam patet, erysipelatis in phlegmonem degenerare posse, dilatatis vasis majorem copiam rubri sanguinis admittentibus, maloque propagato ad membranam adiposam: & aliquando nasci posse inflammationem, quæ inter erysipelas & phlegmonem quasi ambigat; tuncque compositio nomine ex utroque affectu vocaverunt tale malum veteres Medici. Illis enim, quæ modò allegavi, statim subjungit Galenus, (b) Quemadmodum id quod subiectam carnem invadit, minimè ex planè tenui fluxione fit, solum erysipelas non est; sed jam mistus ex erysipelate & inflammatione affectus in quo, quum propria erysipelatis symptomata prævalent, à recentioribus Medicis erysipelas phlegmonodes; quum verò inflammationis, erysipelatodes inflammatio dicitur. Quòd si neurius luculenter vincant, sed paria cernantur, inflammatio & erysipelas mixta esse dicuntur.*

ØDEMATIS. Οἰδήμα, ut dictum fuit in *Commentariis* §. 112, n<sup>o</sup>. 1; simpliciter significabat tumorem: postea tamen hoc nomine plerumque intelligebatur tumor mollis, non dolens, & digito tangenti facillè cedens, sine mutatione coloris in cure, qui tumor plerumque ab aquosis humoribus panniculum adiposum distendentibus fit. Illud verò oedema, de quo hic agitur, longè alterius naturæ est, & ut distinguitur à vulgari oedemate, caldum solet vocari. Demonstratum enim fuit in *Commentariis* §. 379, in minoribus etiam vasis arteriosis, quæ suâ angustia serum & rubram partem sanguinis excludunt, veram inflammationem contingere posse. Tumor ergo dolens, calens, non ruber, parum flavescens, imò aliquando penitus albus, vocabitur oedema calidum; quòd tantum ergo differt ab erysipelate, quia in minoribus longè vasculis hæret. Solet vocari & oedema erysipelatosum, quia quàm proximè ad erysipelas accedit. In facie & capite frequenter observatur; tuncque vulgò rosa bullata (*de belroos*) dicitur. Videtur jam apud Galenum aliquod talis oedematis vestigium reperiri. Quamvis enim illo nomine quemvis tumorem vocari asserat, vel magis particulari usu frigidos tumores postea sic dictos fuisse moneat alibi, tamen de curatione erysipelatis agens, five cum alijs affectibus juncti, dicit, (c) *Quemadmodum autem sæpe phlegmone admiscetur erysipelas, ita etiam aliquando oedemati: ac vocetur, quod ex ambobus tum est*

(a) Ibidem. pag. 169.

(b) Ibid. pag. 168. 167.

(c) Method. Med. Lib. XIV. cap. III. Chart. Tom. X. pag. 311.



constat, *erysipelas œdematosum*. Quodd autem non intellexerit illum casum, quando distenturum frigido tumore partium cutis erysipelatosa sit, evidenter patet ex illis, quæ sequenti capite subjungit dicens, (a) *Quemadmodum autem ex biliosa fluxione erysipelas, ita ex pituitosa constat œdema ipsum, rarus quidam ac indolens tumor. Equidem scio aliter quoque œdemata provenire circa pedes in hydropicis affectionibus, phthisibus, aliisque pravis, qui vehementes sunt, habitibus; atque in illis quiddam œdema plenitudinis hominem premeus est symptoma, nullam seorsim propriam curationem requirens. Licet autem ex præconcepta opinione indolentem tumorem dixerit, quem à pituita ortum credebatur, tamen ex remediis, quæ ad hanc œdematis speciem commendat, patet facillè, potius calidæ quàm frigidæ indolis fuisse: paulò post enim addit, (b) *At si ex pituitoso humore in partem insuente œdema constitit, abunde aliquando satisfacit spongia sola, quæ ex aqua, in qua sit acci aliquid, maduerit.**

Cùm ergo illud œdema calidum vera sit inflammatio, hærens in arteriis lymphaticis minimis, semper metus est, talem fortè natam esse diathesim in tenuissima sanguinis lymphæ, quæ immeabilis facta sua vascula obstruit; unde cerebri inprimis functiones, à libero circuitu humorum per minimas arteriolas pendentes turbari poterunt; sive simili malo etiam in encephalo nato, sive per metastasin ab exterioribus versus interiora delato. Accedit, quodd, si vehemens fuerit ille morbus, destructis tenerimis vasculis, satis subitò in gangrænâ tendat.

**SCIRRHI CUM INFLAMMATIONE.** Scirrhus est tumor durus, scaber, vix dolens, circa loca inprimis glandulosa hærens. Qui, si confirmatus fuerit, & diu hæserit, tali constat materitiâ, quam nullâ Arte hæcenus resolvi posse constat, neque unquam benignâ suppuratione à partibus sanis separari. Unde patet, quàm periculosa sit inflammatio in scirrhi vicinia, vel in integumentis ipsum tegentibus, nata; cùm citò in cancerum tunc degeneret, uti postea latius dicitur, quando peculiari capitulo de scirrho agetur. Optimè Galenus scirrhi duritiem à phlegmones resistentia distinxit, (c) *Phlegmone namque non durum (σκληρὴν) sed resistentem tumorem efficit (ἀντίρρονον), perinde atque utres sunt liquidæ materiæ, aque aeris pleni.*

§. 381. **Q**UOTIES autem causæ hæ (375. 376. 377. 378. 379.) produxere stagnationem hanc (371. 372. 379.) in vasis (372. 373. 374. 378. 379.), tum vis acti sanguinis à vita superflite producit effectus quosdam, qui simul signa inflammationis.

Binâ in omni inflammatione, in quacumque demum vasorum serie hæreat, occurrunt observanda; liquidi nempe immeabilitas, facta angustatione vasis, vel concretionem molecularum fluidi, vel denique errore loci; & vis vitæ à tergo urgens velocitate auctâ propulso humores in vasa impervia. Hæc si concurrant, adest inflammatio; si sola immeabilitas liquidi adfit, obstructionis idea habetur; quæ ergo causa

(a) Method. Med. Lib. XIV. cap. IV. Character. Tom. X. pag. 311.  
(b) Ibid.

(c) Epidem. Lib. VI. Comment. I. Text. xxx. Character. Tom. IX. pag. 389.

proegumena est inflammationis, procatarctica autem causa est motus auctus urgens locum obstructum. Dum autem hæc sunt, nascuntur quædam mutationes in parte inflammata, quæ observatæ dant veram diagnosin inflammationis præsentis. De his autem agitur paragrafo sequenti, ubi ordine enumerantur.

§. 382. 1. **A**RTERIÆ minutæ vixque visibiles obstructæ jam à sanguine distendente augentur: inde tumor ruber. 2. Vasa lymphatica arteriosa, antè pellucida, & invisibilia, eadem patiuntur; inde augmentum rubedinis, præcipuè dum vasa tenerima, & vesiculæ, in panniculo adiposo, plena sanguine intruso, crasso, liquidiore parte orbaro. 3. Distenta vascula, rupturæ propinquant in fibris minimis; inde dolor punctorius. 4. Compinguntur valde liquida & solida; hinc durities, renixusque partis. 5. A rubro accumulato; & valido impulsu, rubedo splendens. 6. A renixu, pulsu, compactu, vasorumque adhuc meabilium angustatione à tumore obstructorum, attritus fit ingens partium liquidi inter se, in solidum, solidi in illas; inde calor, & æstus. 7. Et quia pulsus à corde sanguinis impetus exceptus finibus vasis obstructi latera dilatat, fit pulsatio. 8. A fibris irritatis, & sanguine celerius per aperta acta, quia venis revehitur, sed arteriis in multis prohibetur, acceleratur pulsus, fit febris, sitis, calor, vigilæ, debilitas, molestia,

1. Demonstratum fuit in *Commentariis* §. 120, ubi de illis effectibus agebatur, qui obstructionem ut causam sequebantur, quod vasa obstructa necessario deberent extendi & dilatari. Illa enim vis, quæ cor pellit sanguinem in arterias, facit recedere illarum latera ab axi canalis, quia plenæ sunt, & convergunt sensim angustiores factæ. Resistentia ergo circa fines arteriarum, & plenitudo illarum, præcipuæ causæ sunt, quare à sanguine impulsu dilatentur. Sed in canalibus obstructis resistentia summa est, & simul maxima plenitudo; quia nihil per fines illorum transire potest; maxima ergo necessario debet sequi dilatio. Si jam simul consideretur, inflammationem comitari auctum sanguinis motum, patet evidenter, adhuc magis debere extendi canales, dum inflammatio adest, quàm in simplici obstructione. Dum autem hæc dilatio fit in illis arteriis, quæ naturaliter sanguinem rubrum vehunt, vel saltem dilatatæ jam illum admittere possunt, evidens est, tumorem ab extensis vasis natum, rubrum esse debere: si enim in minimis vasis hæreat obstructio aut inflammatio, posset etiam in maxima dilatactione, quam sine ruptura ferre possent, adhuc excludi pars rubra sanguinis, ut dictum fuit §. 379, & 380. Imò & concipi potest, tale malum in vasculis adeo exilibus hære, ut illorum tumor, ab hac dilatactione factus, ne quidem sub sensu caderet. Videantur de hac re illa, quæ dicta sunt in *Commentariis* §. 122. Vera autem, & propriè sic dicta, inflammatio semper in talibus vasis hæret, quæ sanguinem rubrum admittere possunt, vel naturaliter, vel dilatatæ, uti ex definitione §. 371, datà patet,

Præterea

Præterea calor auctus, omnis inflammationis comes, uti demonstrabitur statim n. 6, facit augmentum tumoris. Constat enim certis Experimentis, corpora omnia expandi in omni sua distensione per caloris augmentum.

2. Arteria serosa ex minima arteria sanguinea derivatur, ut ramus ex suo trunco; sed non possunt arteriæ sanguinæ latera distendi, quin distrahanur & amplientur orificia arteriarum serosarum, quæ ex illis oriuntur; unde pars rubra sanguinis hæc orificia dilatata poterit ingredi. Idem verum erit respectu arteriarum lymphaticarum, quæ ex serosis arteriis derivantur. Nam & hæc posse distendi sic, ut capiant sanguinem rubrum, patet in ophthalmiis, uti jam antea dictum fuit. Hinc ergo manifestum tumoris & rubedinis augmentum fit. Neque tamen ab his omnibus valis distentis viderentur posse tam enormes tumores oriri, quales sæpe in validis inflammationibus apparent: sed demonstratum fuit in *Commentariis* §. 374, nulquam frequentius & tenacius fieri inflammationem, quam in adipe, dum & tenerrima hujus membranæ vascula infarciuntur sanguine rubro immeabili, & per oscula vasorum, patentia in cellulas hujus membranæ, dilatata pars sanguinis rubra effunditur; unde tam facile expansilis membrana adiposa mirum sæpe in modum distenditur. Pulcherrimè hanc tumoris in phlegmone originem notavit *Galenus*. Postquam enim dixerat, nullum tumorem posse nasci, nisi nova substantia parti tumenti accedat, vel à copioso calore partes fusæ in spiritum abirent, qui distenderet illam in majorem molem, (uti v. gr; aqua in vapores per calorem resoluta immensum spatium occupare potest); probavit non fieri tumorem in phlegmone ab hac liquidorum rarefactione, quâ in vapores sive spiritus solverentur. (a) Apparet enim manifestè, si pars laborans phlegmone secta fuerit, sanguis permixtus effluere, & locus universus sanguine plenus, quemadmodum spongia madentes; spiritus autem neque statim excidere, neque postea: & in fine ejusdem capitis addit. (b) in inflammationibus autem omnia sanguine replentur, ex vasis per eorum tunicas refundante, in omni verò carnis parte roris instar permixto. Per carnem autem intellexisse *Galenum* tunicam adiposam, patet ex illis, quæ dicta sunt in *Commentariis* §. 374, uti & ex aliis plurimis apud eundem locis. Nam & in capite modò citato sollicite monet, tumorem, qui inflammationem comitatur diversum penitus esse ab illo, qui aucto corporis habitu fit: ibique (c) *πολυσπινκίας* vocabulo utitur, ut majorem obesitatem significet.

Sed dum tenuiora vasa dilatata ingreditur sanguinis rubra pars, simul cum illo & serum & tenuior lymphæ in his valis hærebunt; sed rubrum illud solum immeabile ibi manebit, angustis conniventium vasorum impactum; reliqua tenuiora, inter resistentes hoc obstaculum & à tergo urgentes humores pressa, per laterales ramos derivabuntur; unde magis & magis accumulabitur in vasis obstructis solum rubrum; atque inde iterum oritur rubedinis in parte inflammata augmentum.

3. Cum ergo vasa immeabili liquido obstructa distendantur impetu fluidi à tergo urgentis, distrahentur tunicæ eorumdem; ergo & fibræ nervosæ per has dispersæ; adeoque dolor excitabitur, uti patet ex illis quæ dicta sunt in *Commentariis* §. 220, & §. 224, n. 2. Cum autem maximum vas inter minima (arteriæ nempe rubræ angustissimus finis) ne quidem decimam partem capilli crassitie æquet, patet, distractionem fibrillarum nervearum, per talis vasculi tunicas dis-

(a) Lib. de Tumor. præter Naturam, cap. II.  
 Charter. Tom. VII. pag. 313.  
 Tom. I.

(b) Ibid. pag. 313.  
 (c) Ibid. pag. 313.

perfarum, dolorem excitare debere talem, ac si in puncto minimo corporis hæretet; hæcque dolor punctuarius vocatur. Sed talis minima arteriola rubra plurimum adhuc excedit magnitudinem serosæ aut lymphaticæ; in quibus tamen ab inflammatione similis distractio, & dolor nascitur, minori adhuc spatio hærens. Unde, & centenis talibus vasculis inflammatis, dolor apparet, quasi in uno puncto fixus hæretet; tantum inde ortus, quia liquidum à tergo majori impetu impulsum vascula sic distendit, ut fibræ nervosæ, horum vasculorum latera constituentes, rupturam minentur. Unde Simulac in sævissima etiam pleuritide venæsectione tantum sanguinis educitur, ut æger jamjam in animi deliquium caderet, cessat integre, vel saltem plurimum remittit, dolor.

4. Sanguis noster, quiescit, separatur in binas partes, rubrum nempe conerescens, & serum fluidum, cui illud rubrum innatat. Binæ autem inprimis causæ sunt, quæ concretionem sanguinis impediunt; perpetuus nempe motus, & tenuioris liquidi interpositio inter globulos rubros, per quam à mutuo contactu remouentur. Ubi autem rubrum illud immeabile hæret vel in vasis sanguiferis, vel & in minoribus dilatis, quiescit, & fluidissima pars exprimitur; ut dictum fuit no. 2, hujus paragraphi: unde fit adunatio & compressio globulorum rubrorum ad se mutuo; cumque flexiles sint, mutabitur figura spherica, & pluribus in punctis se invicem tangent, adeoque plûs coherere incipient. Unde, pergentibus iisdem causis accumulabitur in vasis distensis admodum, uti & in cellulosa substantia tunicæ pinguedinosæ, rubrum illud concretum; atque inde major durities & renixus partis inflammatæ necessariò sequentur. Cùmque vasa sic distenta comprimant alia sibi adjacentia, angustatis illorum cavis propagabitur malum per totum loci inflammati ambitum. Ob hanc causam duritiem cum dolore sæpe posuit Hippocrates pro inflammatione. Sic in Prognosticis de vesicæ inflammatione & malis, quæ illam sequuntur, agens dicit (a) *ὁσπερ ἡ οὐλὴ ἐν τῇ ἐνδύτραι, αὐτὴν ἐνδύτραι ἔρδολέντες, &c.* Et aliis in locis, uti notavit Hollerius (b) phlegmonem ab aliis tumoribus præter naturam distinxit duritie & dolore.

5. Tenuiori omni fluido expresso, solum rubrum in vasis distensis accumulatum hæret; unde, cæteris paribus, eò major semper rubedo, quò validior adest inflammatio. Cutis autem, quæ in plerisque corporis locis laxa semper est & mobilis, à panniculo adiposo sanguine immeabili infarctò & turgido quàm maximè tenditur, unde polita resplendet. Tensæ enim cuti semper talis nitor adest; unde pingues nitere dicuntur, distentâ nempe cure per pinguedinem accumulata. Sic perpassum canem macie confectus lupus rogabat (c), unde sic niteret. Quàm pulchre resplendet tensa cutis in juniorum fronte, quæ in senibus laxa turpibus sulcatur rugis!

6. Constat hodie certissimis Experimentis, solo tritu corporum ad se mutuo posse excitari calorem summum, imò vivum ignem sic nasci. Simul etiam evicuum fuit, tantò majorem excitari ab hoc tritu calorem, quò fuerint rigidiora & magis elastica corpora sic attrita; uti etiam, quò majori vi ad se mutuo apprimantur, & quò celerius agitentur (d). Verum quidem est, aquam vel aliud

(a) Comment. II. Sentent. LXXI. Chart. Tom. VIII. § 59.

(b) Comment. in Conc. Prænot. Hippoc. P25. § 52.

(c) Phedr. Fab. Lib. III. Fab. VII.

(d) Boerhaav. Chem. Artic. de igne, Experiment. IX. Tom. I. pag. 56, & seq.

liquidum interpositum inter corpora, dum ad se mutuo atteruntur, impedire, ne tantus calor nascatur, ac quidem ab iisdem, nullo liquido interposito, fieret; unde videretur, ab attritu fluidorum nostrorum ad canales quibus continentur, non posse facile excitari calorem. Sed si consideretur, sanguinis globulos elasticos esse, & moveri rapidissime per canales elasticos, & circa ultimas arteriarum sanguiferarum angustias singulos ferè tantum transpirari; adeoque, omni tenuiori fluido jam per laterales ramos dilapso, fortiter ad latera vasorum arteri; patebit facile, ab hoc attritu calorem nasci debere. Unde etiam in robustis, quibus densus sanguis, major calor observatur: dum verò dissolutus sanguis plus vergit in aquam non elasticam indolem: minor semper calor adest. Ob eandem causam major calor comitatur velociorem sanguinis per vasa motum. Neque obstat, quòd in loco inflammato immeabilis sanguis in vasibus obstructis hæreat. *Leeuwenhoeckii* enim Experimento, in *Commentariis* §. 132, allegato, constitit, immeabilem talem moleculam illo tempore, quo cor non agit, arteriæ contractione retropelli, mox cordis systole, expulso sanguine in arterias, propelli iterum ad priores angustias; unde patet, ire & redire posse sic moleculam obstruentem in canali obstructo: Cum autem ex modò dictis constitit, tenuiora liquida exprimi, crassum immeabile accumulari & condensari continuo, simulque motus velocitatem augeri in parte inflammata, patebit ratio, quare tantum sequatur necessarii caloris augmentum. Sed vicina vasa, nondum obstructa, ab inflammatis vasculis dilatatis compressa angustabuntur; unde & in his major attritus fiet, partim ob maiorem angustiam, partim ob auctam celeritatem liquidi transijcendi. Si enim ex centum vasculis quinquaginta fuerint impervia; per reliqua, nisi stagnatio fiat, tanto majori velocitate debebunt transire fluida. Omnia ergo illa concurrunt; à quibus constat per Experimenta posse nasci majorem calorem. Sanguis enim, liquidissimam parte expressa, concrevit in solidam ferè massam, quæ validâ actione vasorum, & impetu liquidi à tergo urgentis, omni momento condensatur; angustata à vicinis tumentibus vasa fortius applicantur ad liquida contenta, motusque fluidorum per vasa acceleratur. Unde patet ratio, quare inflammatio ob causæ & effectuum similitudinem ab igne nomen habeat, ut dictum fuit §. 370.

7. Cum totum corpus in omni ferè puncto arterias habere hodie ex Anatomicis constet, illaque omnes eodem tempore, dum cor est in systole dilatantur, contrahantur autem momento sequenti, dum cor est in diastole, patet, omnia ferè corporis puncta pulsare omni momento vitæ. Sed illos motus, qui semper eadem lege fiunt in corpore nostro, non animadvertimus, licet etiam validissimi fuerint. Simulac verò à consueto ordine deviant, statim illos percipimus. Sic cordis pulsus adeo validus, tam facile, manu pectori admodum, percipiendus, non sentitur ab homine sano: simulac verò à consueto rythmo recedit post animi affectus, motum corporis velociorem, &c, illico cor palpitare dicitur. Non mirum ergo est, pulsuum in parte inflammata sentiri, qui antea non adfuisse videbatur. Sanguis enim, vi cordis projectus in arterias obstructas circa fines suos, omnem suum impetum impendit his dilatandis; unde necessariò latera arteriarum magis recedunt ab axi sui canalis; cessante autem cordis actione arteriæ tantò majori vi reangunt, quòd plus distentæ fuerint. Pulsus ergo augetur in parte inflammata, &c, suo robore & velocitate auctis superans naturalem, percipitur distinctissime.

8. Quando arteriarum fines obstructi sunt, liquida venis contenta; quæ his arteriis respondent redeunt ad cor: sed postea hæc corde expulsa non poterunt pelli per arterias obstructas, sed debebunt transire per arterias reliquas liberas tantò majori velocitate. Non minuitur enim copia liquidi per vasa transiendi, sed minuitur numerus vasorum transiuentium; unde patet evidenter, debere augeri velocitatem fluidi per reliqua vasa aperta movendi. Sed simul apparet, ab hac causa non posse nasci majorem velocitatem, in fluidorum motu, Medico observabilem, nisi pars affecta habuerit talem magnitudinem, ut numerus vasorum imperviorum, comparatus cum reliquis vasis apertis, insignem differentiam facere possit. Si enim millesima pars arteriarum sic natà inflammatione obstructa, augmentum celeritatis requisitum, ut per reliqua vasa aperta moveatur sanguis, non videtur facilitè observari posse. Ergo alia debebit esse causa, quare natam inflammationem febris comitetur sæpe, vel sequatur; licet in exigua admodum parte corporis hæserit morbus. Sic enim in paronychia, v. gr; dum inflammatio exiguum tantùm corporis locum occupat, tamen sæpe valida febris adest. Ideo in textu additur à *febris irritatis*. Ubi de doloris effectibus agebatur in *Commentariis* §. 226, fuit demonstratum, à dolore febrem nasci: sed dolentissimas inflammationes valida ob hanc causam comitatur febris; si vix vel parum doleant, sæpe sine febre sunt. Unde ab irritatione fibrarum nervearum, per vasa inflammata, vel vicinas partes, ab his pressas vel distractas, dispersarum, potissimum febris excitari videtur. Revera autem adesse talem irritabilitatem in vasis nostris, per quam acceleratur humorum circuitus, docent plurima Observata. Dum in morbis acutis soluta morbi materia per vasa fluit, per metastasim sæpe deponenda ad alia loca, vel criticis evacuationibus expellenda de corpore, quantæ sæpe oriuntur turbæ in corpore, quàm miris modis sæpe acceleratur & turbatur pulsus! Cùm ab ingestis majori copiâ cibis, vel iisdem non assuetis & durioribus aut acrioribus, factus chylus unâ cum sanguine per vasa fluit, nascitur febris. De his autem agitur postea in febrium Historia; sufficit obiter hæc notasse, ut constet fibrarum irritationem febrem producere posse.

Natam verbò febrem comitantur præcipua ejus symptomata, *flus, calor, vigilia*, &c., de quibus singulis postea peculiari capitulo dicetur. Notandum autem, non quilibet inflammationem comitari hæc mala, sed tantùm, ubi tota sanguinis massa inflammatoriam illam spissitudinem habet, quâ non nisi difficulter per minima vasa transire potest. Constat enim, in sanguine sano esse naturalem proclivitatem in cohesionem, & quidem eò majorem, quò homo fuerit robustior. Quamdiu autem viscerum & vasorum efficaciam potest superari nixus ille in concretione, qui in sanguine adest, tamdiu vita manet incolumis. Videmus autem quotidie in morbis acutis sic degenerare sanguinem; ut tandem vix amplius fluidus maneat, & concresecat illico, simulac cessat vasorum attritus illum à concretione impediens. Sic in febre ardenti stillæ sanguinis de naribus prodeuntes illico in solidas massulas concresecunt; imò sæpe solutas nasi interni arterias sic oburant statim, ut salutare illud naturæ molimen, toties profusâ hæmorrhagiâ hos morbos solvere tentantis, impediatur omnino. Unde meritò Hippocrates in *Coacis prænotionibus* (a) minimas illas sanguinis stillas damnavit & ali-

bi (a) trium ægrorum Exemplo lethalem eventum probavit, quibus quarto & quinto die pauculum quid de naribus sic stillaverat. Dum ergo incipit augeri hæc proclivitas sanguinis in cohesionem, patet facile, difficilius transire illum per minimas arteriolas, hinc cordi oritur major resistentia: & cum pulmo statim debeat excipere, & per arteriæ pulmonalis minimas angustias transmittere, sanguinem corde dextro expulsum, minimum vitium incipientis talis immeabilitatis in pulmone percipitur, unde aucta respiratione nituntur sic affecti viam parare sanguini per pulmonem transjiciendo. Tunc nascitur illa *molestia*, quæ in omnibus morbis acutis, inflammatoriis inprimis, malum signum dat; laboriosa fit & difficilis respiratio, & continuò mutato corporis situ anxietatem suam ægri testantur. Hæc est illa *σπασμός Hippocrati* dicta, quæ (licet etiam ab aliis causis nasci possit, ut postea dicitur §. 631, & sequentibus) frequenter tamen sanguinis immeabilitati ortum debet.

Ex omnibus ergo, quæ hæc paragrapho dicta sunt, patet phlegmonem his signis cognosci, quod sit tumor ruber, cum dolore punctorio, durus & splendens, calens & pulsans, quem febris in toto, vel in parte saltem, comitatur.

### §. 383. **HÆC** species (382) est morbi nondum adulti:

Omnia autem signa præcedenti paragrapho recensita observantur in phlegmone, quæ nondum ad apicem sui incrementi pervenit, sed adhuc in adscensu est. Tria enim in omnibus morbis stadia observant Medici, incrementum, statum, descensum. Incrementum vocatur, quamdiu omnia symptomata augentur; status, ubi hæc ad summum pervenerunt fastigium, neque sensibile horum augmentum vel decrementum animadvertitur; decrementum verò, quando & vehementia & numerus symptomatum minuuntur. Ubi enim phlegmone ad statum pervenit, tunc incipit disponi ad varios exitus vel in sanitatem, per resolutionem nempe; vel in alios morbos, suppurationem, gangrænam, sphacelum, scirrhum; uti statim dicitur. Sed tunc simul mutantur plurima ex illis phenomenonis, quæ phlegmonem nondum adultam comitabantur; & succedunt nova, quæ prius non aderant. Sic v. gr; rubedo, tensio, dolor, durities, quæ in phlegmone observantur, ubi illa in gangrænam tendit, incipiunt minui; imò tandem omnino cessant: & contrà sensus hebes, color pallidus, cinereus, fuscus, flacciditas, pustulæ ichore plenæ, &c, succedunt. Sollicitè ergo in phlegmone, uti & in aliis morbis, hæc stadia distinguenda sunt, ut aliquid certi in diagnosi, prognosi, & indicatione curatoria determinari possit.

### §. 384. **TUM** cruor emissus pleno saltu ex vena latè aperta pelvi exceptus, frigescent, format albam, duram, crassam, rigidam pellem instar corii ferè porcini.

Ubi validâ inflammatione laboranti homini sanguis sectâ venâ educitur, mirum

satis apparet in sanguine phænomenon. Notum est, sanguinem venâ exsilientem, puro vase exceptum, paulò post coagulari; deinde separari in binas partes, tenue nempe flavescens liquidum, serum dictum; & partem rubram concretam, huic sero plerumque innatantem; quæ insula solet dici. In morbis autem inflammationis plerisque superior pars insulæ tegitur albâ subcærulefcente pelle, sæpe aliquot lineas crassâ, quæ firmiter insulæ rubræ cohæret, & sæpe talem tenacitatem habet, ut novacula se vix dividi patiatur. Quia autem in pleuritide laborantium sanguine frequenter talis coriacea cuticula observatur, ideo talem sanguinem pleuriticum dixerunt Medici, licet & in aliis morbis sæpius observetur. Mira satis habentur apud Auctores de hac re Observata; sic Syhendamus (a) notavit, quòd, si sanguis de vena secta non recto flumine versus horizontem profluiat, sed percutim repens perpendiculariter dimanet, licet satis celeri se proripiat gradu, non nascatur tunc talis coriacea in sanguine pellis; & ingenue fatetur, se hujus rei causam nescire. Observavit simul, in tali casu ægros non perinde levâri, quàm si pleno rivo sanguis effluxisset, & hanc pellem habuisset. Præterea monet, à quocumque alio obstaculo, quo impeditur liberrimus sanguinis de vena secta exitus, impediri hujus pellis generationem, & minùs levaminis inde ægros percipere. Et, quod magis mirum videtur, licet patulo de venæ vulnere liberrimè efflueret sanguis, modò agitetur digito immisso, non nasci illam pellem observavit. Satis ergo videtur obscura esse origo hujus pellis in sanguine venâ educto. An seri sanguinis productum est, per morbum ipsum in majorem concretionem proni? Sed certè hæc pellis ipsius insulæ, quæ sero innatat, summum locum occupat semper. An chylus, in sanguinem perfectum nondum elaboratus recrudescens? Sic voluit acutissimus *Simson* (b). Obstare tamen videtur, quòd chylus sanguini permixtus, neque adhuc subactus, fluidus sero sanguinis innatat, non verò cohæreat insulæ. Dicit idem Auctor, si brachio aut femori vinculum arctum injiciatur, deinde post tres quatuorve horas incidatur vena, sic ut sanguis libere profluiat, hanc pellem semper adesse, uti etiam in sanguine mulierum gravidarum; causamque posuit, quòd sanguis aliquamdiu obstructis vasis remoram patiatur post ligaturam injectam, & circa uterum in gravidis stagnet, vel saltem lentius moveatur. Ut verum fatear, anceps hæreo, quid de hac pelle tenaci, sanguinis rubræ parti semper arctissimè cohærenti, statuendum sit. Voluerunt magni nominis in Arte Medica Viri, fieri hanc crustam, dum auctâ circulationis velocitate densatus sanguis magis in concretionem pronus fieret; adeoque non esse causam prædisponentem, sed potiùs effectum, morbi. Sed vidl, dum sanissimis hominibus vena secaretur quotannis verno tempore, sæpius talem crustam adesse. Imò in homine debili, cui ad hæmoptysin præcavendam, quâ laboraverat, sanguis mittebatur singulis tribus mensibus, vidi semper crustam illam adesse. Adfuit ergo talis sanguinis diathesis, licet nulla inflammatio adesset. Et contra in validissimis inflammatoris morbis aliquando nulla talis crusta in sanguine apparuit; quod tamen pro malo omni ne semper habitum fuit.

(a) De Pleuritide. pag. 333. 334i

1 (b) De re Medica Dissert. quatuor, pag. 118.



§. 385. **INCRESCENTE** malo, eadem adhuc (382. 383. 384.); sed aucta; separatur expressa lymphæ, densatur sanguis ruber.

Omnia illa, quæ hæcenus enarrata fuerunt symptomata, ortum ducebant ex eo; quodd immicabile fluidum in angustis conniventiis arteriarum hæreret; simulque impetus sanguinis, velocius à tergo impulsus urgeret, hæc loca obstructa. Si ergo augeatur tenacitas materiæ obstructæ, vel & in pluribus vasis idem malum fiat, & increscat momentum liquidi à tergo urgentis; patet facile, omnia hæc mala augeri debere. Hinc major tumor partis inflammatæ, color præ summa rubedine in purpureum vergens, calor urens, dolor immanis à fibris distractis jam rupturæ proximis, splendor tenæ partis summus, &c. Et cum sanguis pulsus in vasa obstructa transire nequeat, tenuissima pars per lateralia vasa exibat; rubrum solum immicabile manebat; applicabatur materiæ obstructæ, & vi sanguinis à tergo urgentis ad illam compingetur; unde continuè augebatur copia immeabilis materiæ; adeoque major difficultas tollendi hæc obstacula nascetur.

§. 386. **SI** humor fluens blandus, motus ejus sedatus, causa obstructuens non nimis solidata, obstructio parva, eque inprimis arteriis, vel in initiis lymphaticorum, canales mobiles, diluens vehiculum, reducto fluore concreti, motu stagnantis, solvitur inflammatio *resolvendo*.

Omnis morbus exit in sanationem, aliud morbum, vel mortem. Generalis hæc regula etiam in inflammatione locum habet: unde varii ejus exitus considerandi sunt. Dum solvitur inflammatio sic, ut nihil mali supersit, & omnes functiones partis affectæ ad pristinam redierint integritatem, sine ullo alio morbo secuto; tunc dicitur sanatio. Si verò inflammatio in suppurationem abeat, tollitur quidem inflammatio, sed ejus loco alius morbus, abscessus nempe, sequitur. Idem verum est, si inflammatus locus in scirrhum induruerit. Ubi autem inflammatio validissima omnem influxum & effluxum vitalis liquidi tollit in parte affecta, cessat hæc quidem, sed sequitur gangræna, post hanc sphacelus, qui vera mors partis est.

Omnium ergo maximè optabilis inflammationis exitus erit ille, qui resolutio Medicis vocatur. Quando nempe à vita superstite, & idoneis remediis adhibitis, immeabilis materia, in vasis obstructis hærens, sic solvitur, vel vasa, in quibus hæret, sic disponuntur, ut transire possit illud immicabile in venas, vel retrocelli in majora vasa; sic ut, manente integritate vasorum, liber restituatur per vasa, antea impervia, circuitus humorum, & concretum fluidum nunc solum humoribus circumstantibus mistum, sine impedimento transire possit per illas angustias, quas secundum sanitatis leges pervadere debet. Ubi hæc obtinent, tunc dicitur inflammatio sanata esse *resolvendo*.

Inquirendum ergo est in illa signa, quæ docent, possibile esse hanc resolutionem; hæc autem omnia hæc paragrapho enumerantur. Longè enim diversa medela

requiritur, si constiterit, inflammationis alium exitum expectandum esse, uti patet in sequentibus.

**SI HUMOR FLUENS BLANDUS.** Omnes humores nostri sani, exceptis excrementis & bile forsan, adeo blandi sunt & lenes, ut oculus, & nervi nudi in crudo vulnere, sine dolore horum attractum ferant: & hoc requirebatur ut per tenerima vasa valido salis impetu in sanitate transire possent, nec læderent tamen. Cum ergo resolutio inflammationis supponat motum stagnantis liquidi, & resistitur fluorem concreti, sine ulla destructione vasorum, patet facillè, nullam acrimoniam notabilem hic adesse posse. Dum enim premitur in vascula obstructa, validà vi cordis, sanguis, ibique à vasorum actione retropremitur, dum cor est in diastole; omni momento quasi affricatur horum vasculorum lateribus; si ergo sanguis scatet acribus, evidenter apparet, tenera hæc vascula debere solvi & destrui. Hæc est ratio, quare in scorbuticis, v. gr; ne levis quidem inflammatio, licet ab externis causis in cruribus nata, resolvendo curari possit, sed ferè semper in ulcerosam diathesim degeneret. Idem etiam in aliis omnibus cacochymis, quæ acrimoniam comitem habent, observatur.

**MOTUS EJUS SEDATUS.** Demonstratum fuit in *Commentariis* §. 120; natà obstructione, à liquido vitali urgente extendi vas obstructum, dilatarì, attenuari, & tandem solvi. Sed tunc aderat tantum talis humorum celeritas, qualis in sanitate esse solet. Facillè autem apparet, aucto impetu humorum in locum obstructum citius adhuc debere solvi vasis obstructi cohesionem. Sed ad resolutionem inflammationis requirebatur, ut maneret vasorum integritas. Ubi ergo velocissimus motus humorum comitatur inflammationem, nulla resolutionis spes est.

**CAUSA OBSTRUENS NON NIMIS SOLIDATA.** Velocior motus humorum non tantum nocet, quatenus vasa obstructa per hunc frangi possent, verum etiam, quia tantò majori vi compinguntur molecule obstruentes ad se mutuo. Ad resolutionem autem inflammationis opus erat ut obstruens concretum resolveretur iterum in illas molecules, ex quibus adunatis concreverat. Quò autem magis expressum fuerit liquidum tenuius crassiores molecules à mutuo contactu impediens, quò plùs hæc ad se invicem pressæ & adunatæ fuerint, eò firmius cohærebunt, & difficilius iterum dissolvi poterunt. Sed dum augetur circulationis velocitas, dissipantur tenuissima, & adunantur crassiora, uti demonstratum fuit in *Commentariis*, §. 100; & simul causæ, compingentes ad se mutuo molecules immeabiles, in obstructo vase hærentes, intra datum tempus eò frequentius his applicantur. Hæc est ratio, quare in pleuritide & similibus morbis, ubi validissima febris per duodecim horas, v. gr; adfuit, desperent periti Medici de resolutione, & omnem curæ scopum ad coctionem & excretionem materię inflammatoriæ dirigant.

**OBSTRUCTIO PARVA EAQUE INPRIMIS IN ARTERIIS VEL IN INITIIS LYMPHATICORUM.** Parva obstructio dicitur vel ratione loci, quem occupat in vase obstructo; vel quia in paucis tantum vasis partis affectæ tale malum hæret. Si enim v. gr; in vasis serosi initio dilatato globulus ruber hæserit immeabilis, longè facilius poterit tolli hæc obstructio, quàm si ad ultimas angustias talis arteriæ serosæ penetraverit. Sic si maxima pars vasorum in loco quodam corporis obstructa fuerit, singula hæc dilatata prement & angustabunt vicina, unde difficilior resolutio semper erit talis obstructionis. Omnium autem facillimè, cæteris paribus, obtineri poterit resolutio inflammationis, si malum hæserit in majoribus

majoribus vasis. Venæsectio enim, & pleraque alia inflammationis remedia in majoribus vasis potissimum efficaciam habent. Sic si, v. gr; rubra pars sanguinis immeabilis hæserit in arteriæ sanguiferæ maxima angustia, vel errore loci ingressa fuerit vasa serosa, vel proxima his magnitudine lymphatica, debet illud obstruens sic solvi, vel vas obstructum sic laxari, ut transire possit; vel debebit ex his angustis retropelli in latiore locum. Sed globulus ruber ex *Leeuwenhoeckii* Observatis in serosis, ex quibus componitur, facillè dissilit; sic & globus serosus in alios minores solvi poterit: ergo obstructio talis, si hæreat in arteriis sanguiferis, serosis, vel lymphaticorum initiis, sic resolvi poterit. Sed si minora longè vasa in suis initiis dilatata, ingressus fuerit globus ruber sanguinis, licet in serosis solveretur, vel & in minores, nondum tamen posset angustias ultimas talis vasculi superare; unde patet in hoc casu resolutionis difficultas. Alterum remedium, in resolvendis inflammationibus summæ efficacæ, erat, ut per largam sanguinis missionem sic minueretur copia, & debilitaretur impetus liquidi à tergo urgentis ut contractione propriâ vasis retropelleretur obstruens ex angustia in latiore locum (vide §. 141.). Sed tota hæc actio pendet à reactione vasis, cessante causâ distendente: omnium ergo efficacissima erit in vasis maximis, quæ firmas & maximè elasticas tunicas habent; in minimis autem & tenerissimis vasculis vix multum boni inde expectari potest. Patet ergo, ratio, quare ad curam inflammationis per resolutionem requiratur, ut obstructio non hæreat in minimis vasculis. Observata jam practica hanc rem confirmant, & quidem omnium pulcherrimè in ophthalmiis, ubi oculi vasa inflammata optime distinguere possumus. Quamdiu vasa adnatæ tantum rubent, nullo vitio in pellicula corneæ apparente, magna spes est benignæ resolutionis sine ullo remanente vitio. Ubi autem tenerissima & adeo pellucida vascula corneæ dilatata crassiores humores admiserint, nunquam resolvitur integre hoc malum; sed semper sequetur suppuratio, vel opaca macula relicta corneæ nitorem deturpabit diu, imò & sæpe totâ vitâ manebit.

**CANALES MOBILES.** Vasa nostra, ut maneat sanitas, debent cedere posse liquidis impulsis; & dein, cessante causâ distendente, tedire ad prisinam magnitudinem. Hæc vocatur canalium mobilitas. Bina jam opposita vitia sunt, quibus minuitur, imò & integre tolli potest aliquando, canalium nostrorum debita mobilitas: si nempe horum latera adeo laxa sint, ut facillimè cedant quidem liquidis vi cordis impulsis, sed cessante cordis actione, tam parum firmitatis & roboris habeant, ut non possint suâ vi propellere sanguinem impulsam. Et contrâ tanta rigiditas aliquando nascitur in canalium lateribus, ut non patiantur se satis dilatarî ab impulsis humoribus. Prius vitium nimia debilitas; posterius nimium robur vasorum dicitur. Si nimia debilitas peccet, levi etiam vi dilatanda vasa poterunt quidem errore loci admittere crassiora liquida; sed cum facillè cedere possint, poterunt & ultimi fines in hoc casu sic dilatari, ut crassiora hæc ingressa venis tradant, unde tunc facillimo negotio solvitur obstructio. Accedit, quod in hoc casu motus humorum langueat semper, atque deficient vasorum robore nunquam densa & compacta sint fluida: unde facillè patet, rarè in similibus corporibus inflammationes nasci; natas autem non difficulter curari posse. Ubi autem nimium robur vasorum adest, compactus semper & densus sanguis est; liquidissima dissipantur; hinc crassiora uniuntur, & nata inflammatio difficulter re-

solvi poterit partim ob majorem immeabilitatem fluidi densati; partim ob validam canalium obstructorum contractionem, quâ obstruentes moleculas arctissime comprehendunt, & resistunt suæ dilatationi. Quotidie hoc observatur, morbos acutos inflammatorios in foeminis & junioribus facillimè benignâ resolutione curari quàm sæpissime, in adultis, & duro labore fractis corporibus, rarò. Hoc monuerat *Hippocrates* dicens (a) *Corpora exercitata ac densa citius à pleuritis & peripneumoniciis morbis pereunt, quàm inexercitata.*

**DILUENS VEHICULUM.** Dum in morborum acutorum initio, per sudorem, alvi fluxum, vel aliam quamcumque evacuationem, dissipantur liquidissima, semper magnus metus est finisri eventus. Moleculæ enim crassissimæ sanguinis, interposito liquido tenuiori, à mutuo contactu & concretionem impediuntur.

Dum sanguis mittitur homini sano, apparet homogenum fluidum. Illud autem sibi relictum secedit in binas partes distinctas: rubræ enim moleculæ adunatæ concretescunt, secedente sero fluido. Si verò sanguis recens missus mollior agitetur, donec refrigerit, impeditur illa separatio feri à rubra parte sanguinis, & tota massa fluida manet. Unde patet, quantæ necessitatis sit diluens tenue liquidum, ut sanguinis concretio prohibeatur. Ob hanc rem *Hippocrates* in morborum acutorum initio semper damnavit liquidioris sanguinis partis subductionem per sudores, alvi fluxum, &c. Sic dixit (b) *sudor multus, cum febris acutis oborietur, malus.* (c) *In febre ardente, si alvus eruperit, mortale est.* Et *Sydenhamus* qui tam sollicitè varia naturæ molimina in sanandis morbis observavit, notat (d) quòd, si in variolarum initio profusis sudoribus diffuserent ægri, semper auferentur omnia symptomata.

Si omnes illæ conditiones modò enumeratæ, vel saltem plurimæ, adsint, tunc expectari potest resolutio, sive mutatio morbi inflammatorii in sanitatem perfectam, non expulsâ de corpore materiâ morbi, neque destructis vasibus; sed meabili redditâ materie, & vasibus obstructis referatis. Si verò quædam ex dictis conditionibus ad resolutionem requisitis desint; tunc per Artem conamur supplere hunc defectum. Blando victu & medicamentis mollissimis lenitas conciliatur humoribus: venæsectione, quiete, aere frigidiusculo, &c, nimia circulationis velocitas sedatur: fomentis applicatis parti affectæ vasa laxantur, ut facilius cedere possint: potu tenui aquoso diluens vehiculum suppeditatur; vitando simul omnia, quibus fluidissima humorum pars de corpore subducitur. De his autem omnibus postea dicetur in cura inflammationis.

§. 387. **SI** humor fluens blandus, motus citatus, obstructio magna nec resolvi (386) potens, auctis symptomatibus (382. 384. 385.), vascula distenta rupta cum dolore, calore, pulsu, tumore, liquores suos effundunt, solvunt, putrefaciunt leviter, solida tenera atterunt, solvunt, fluidis miscent in unum similem album, spissum,

(a) Coac. Prænot. n.º. 398. Charter. Tom. VIII. pag. 871.

(b) Prothet. Lib. I. n.º. 57. Charter. Tom. VIII. pag. 740.

(c) Coac. Prænot. n.º. 130. Charter. Tom. VIII. pag. 859.

(d) Sydenham. Opuſc. Universa, 321.

glutinosum, pinguem humorem, pus dictum; hæc *suppuratio*, alter modus, quo terminatur inflammatio.

Ubi obstruentes moleculæ vasorum convergentium sinibus adeo impactæ hærent, ut non detur aditus diluenti vehiculo, quo solutæ penetrent in venas; interimque motu citato fluidum à tergo urgens pergit magis magisque protrudere immeabile illud obstruens in majores angustias vasorum; patet tandem immeabile fluidum, maxime pressum, immobile hæsurum penitus in vase obstructo, neque retropelli posse ex his angustissimis latiore vasis locum. Tota ergo illa vasis inflammationis longitudo omni influxu vitalis humoris carebit, adeoque debet separari à reliquis partibus vivis & sanis. Observatio jam sollicita naturæ, morbos curantis, docuit Medicos, suppurationem natam perfectissimè separare à vivis partibus & sanis omne illud, quod inflammatione perditum erat. Unde apparet, non adeo metuendam esse suppurationem, nisi in talibus corporis partibus, quarum integritas absolutè ad vitam & sanitatem requiritur, ut v. gr; in encephalo, vel ubi pus natum sine periculo educi non potest, ut in locorum intercostalium inflammatione, &c. Quomodo autem per suppurationem separantur omnia illa, quæ vitali fluidorum motui penitus inepta facta sunt, pulcherrimè præstuit ex illis, quæ dicta sunt in vulnere Historia; dum recensebantur illa phenomena, quæ in omni vulnere in corpore sano, à primo initio usque ad integram curationem, observantur (vide *Commentaria* §. 158.) Primò enim sanguis ex vasis, à causa vulnerante discissis, effluebat; dein contractis horum orificiis, subrubellus tenuis ichor; tunc sicca ferè fiebat vulneris superficies, & à vitali motu humorum, urgente obstructis jam vasorum fines, oriebatur inflammatio vera; uti docent dolor, rubor, calor, tumor, febricula, sitis, &c. Postea separabantur extrema vasorum impervia, unà cum parte fluidi immeabilis his vasorum sinibus impacti; apparebat in vulnere liquor tenax, albus, pinguis, pus dictum; quo prudenter detergo omnis vulneris superficies æquabilissimè humida apparebat, evidenti signo, referata jam esse antea obstructorum vasculorum oscula separatis nempe extremis vasorum contractis & imperviis. Suppuratio ergo est salutare illud naturæ humanæ molimen, quo omne illud, quod vitali humorum motui ineptum factum est, separatur à reliquis partibus vivis & sanis. Hinc optimè dixit (a) *Hippocrates* (vide locum citatum §. 158. n. 7, & §. 323.) quòd acuto telo infictum vulnus possit curari sine suppuratione; carnes verò contusæ & dissectas debere putrescere, & in pus veras contabescere. Quamvis autem putredinis vocabulum hic usurpetur, dum de suppuratione agitur, non intelligenda tamen est propriè dicta putredo, quæ in cadavere fit, ubi vita nulla est; sed alia degeneratio humorum, quæ per vitam supersistit fit. Pulcherrimè hoc distinguit *Galenus* de febribus agens. Sedimentum enim urinæ album, læve & æquale, tamquam optimum signum laudabat, designans materiam morbi solutam evacuari de corpore. Vocavit tamen hanc mutationem putredinem, dicens (b) *Putredo autem humorum, quæ fit in vasis, similis est illi, quæ in inflammationibus fit & abscessibus phymatis*, &c, & aliis. Duo autem genera hujus putredinis esse dicit (c) alterum quidem fit superante naturâ, alterum vero

(a) Lib. de ulcer. Cap. 11. Charter. Tom. XII. pag. 131.

(b) De Febr. Lib. I. Cap. VII. Charter.

Tom. VII. pag. 115.

(c) Ibidem.

*evidēd.* Superante quidem & per inflammationes & phymatodes tumores omnes, pus; in humoribus autem venarum & arteriarum, id quod subsidet in urina, proportionē puri respondens. Atque hæc putredo non simpliciter putredo censetur, sed etiam habet aliquid concoctionis; manente enim adhuc concoquendi facultate vasorum, putrescens tunc humor ad talem alterationem deducitur. Unde apparet evidenter, quodd puris confectio distinctissima sit à spontanea degeneratione humorum in putredinem.

Inflammationis autem non resolvendæ transitus in suppurationem videtur talis esse. Liquidum à tergo urgens, auctā per febrim comitem celeritate, singulis cordis ictibus pellitur in locum obstructum; unde continuā hāc arietatione disflenta ante obstructionis locum vasis latera incipiunt sensim divelli, & separatur cohesio extremi obstructi cum reliqua parte vasis. Dum hoc fit, effunduntur humores ex vasis jam apertis: calore loci hæc solvuntur, incipiuntque quasi subputrescere; immeabile fluidum in extremis vasorum separatis hærens ab iisdem causis incipit solvi; solidæ partes tenerrimæ, antea continentes hoc immeabile, pariter atteruntur, dividuntur, & cum liquidis effusis, morā & calore mutatis, abeunt in homogœneum liquidum, quod pus vocatur. Miram fortè videri posset, solida vasorum latera sic solvi posse & misceri cum fluidis, ut horum miscela appareat homogœneus liquor; sed, si consideretur incredibilis ferè horum vasorum parvitas, res patet. Ex Observatis enim *Leuwenhoeckianis*, & aliorum acutissimorum Virorum, patuit calculo subducto, quinquaginta ferè milliones globulorum rubrorum sanguinis æquare tantum ponderis granum unicum (a). Sed minimæ arteriæ sanguiferæ unicum tantum talem globulum transmittunt; unde apparet, quàm exigua & quàm tenera hæc vascula esse debeant: arteriæ tamen sanguiferæ minimæ sunt maxima adhuc vasa inter minima. Sed & antea probatum fuit, veram inflammationem sanguineam posse etiam esse in serosis, & lymphaticis arterioliis. An ergo mirum videtur, solida stamina talium vasculorum sic posse atteri, & misceri fluidis; ut dispareant? In phthisicis aliquando sic consumitur tota pulmonis substantia, & puris formā per spūta educitur, ut post mortem lustrato cadavere non absque ratione mirentur Medici, quomodo, tantillā parte nobilis adeo visceris superflite, vita tam diu protrahi potuerit.

Humor autem ille, ex liquidis effusis & solidis tenerrimis attritis & simul permixtis constans pus dicitur: cujus dotes, si perfectissima maturatio & coctio inflammationi non resolvable facta fuerit, hic recensentur. Semper enim pus tunc album apparet, spissitudine ferè referens lactis cremorem; tactu pingue, in omni puncto æquabile; nihil omnino heterogenei habens. Ubi verò ab his conditionibus recedit pus, damnatur. Hæc omnia notavit Hippocrates in Prognosticis dicens (b) *est autem pus optimum quod album, æquale, læveque est, & minimè sætidum: quod autem è contrario se habet, deterrimum est.* Sic & Celsus agens de illis, quæ ex vulneribus & ulceribus exeunt, de sanie nempe, sanguine, ichore, &c, dicit, (c) *Pus inter hæc optimum est. Sed id quoque pejus est, multum, tenue, dilutum; magisque, si ab initio tale est: itemque si colore sero simile, si pallidum, si lividum, si sæculentum. Præter hæc si male olet; nisi tamen locus hunc odorem excitat. Melius est, quod minus est, quod crassius, quod albidius: itemque si læve est, si nihil olet, si*

(a) Medical. Essays Tom. II. pag. 113. | Tom. VIII. pag. 617.

(b) Comment. I. Sentent. XLII. Charter. | (c) Medic. Lib. V. Cap. XXVI. no. XX. p. 289.

*aequale est.* Paulò Pòst pulcherrimè notat, pure factò inflammationes solvi; sic enim pergit. (a) *Modò tamem convenire & magnitudine vulneris & tempori debet. Nam plùs ex majore, plùs nondum solutis inflammationibus naturaliter fertur.* Ubi jam materia inflammatoria, coquenda in pus, magis rebellis est; vel vires coquentes debiliores, vel utraque hæc concurrunt, tunc non nascetur pus enumeratas modò conditiones habens, sed alius magis minùsve ab his degenerans liquor; ut pulcherrimè notavit Galenus explicans textum Hippocratis modò citatum. Postquam enim dixerat, sanguinem in phlegmone effusum in inania spatia, vasis vicina (tunicam nempe cellulosam), non posse redire in priorem naturam, sed immutari debere & putrescere, non aliter quàm omnia, quæ alieno in loco vehementiùs incalescunt, subjungit sequentia. (b) *Itaque si natus quidem calor à propria temperie plurimùm recesserit sanguis, ut in morticino corpore, putrescit. Sin autem ille vim adhuc aliquam retinet, mixta quadam sanguinis mutatio fit; partim quidem ab ea, quæ præter naturam, partim verò ab ea, quæ secundùm naturam causa est; quarum ut illa putrefacit; sic ista, concoquit. Earum verò utravis prævaluerit, protinus indicia, tum in colore, tum in odore, tum in substantia, necessariò consequuntur.*

Puris ergo confectio à sanitate superflite pendet: ideòque meritò inter pessima signa in morbis numeravit Hippocrates, si ulcus ante morbum, vel in morbo natum, nullum ampliùs pus funderet, sed siccum evaderet: moriturum enim talem ægrum pronunciat (c).

Cognoscitur autem, locum inflammatum tendere in suppurationem ex sequentibus conditionibus.

**SI HUMOR FLUENS, BLANDUS.** Si enim insignis adfit humorum acrimonia, hæc stagnatione & calore majori loci inflammati augebitur admodum: unde fiet erosio vasorum & destructio, non autem blanda illa separatio extremorum vasorum obstructorum, quæ in suppuratione fieri debet.

**MOTUS CITATUS.** In resolutione inflammationis requirebatur unà cum humorem lenitate motus sedatus; sed ubi suppuratio sequetur, velper adest major velocitas circulationis. Unde suppuratio medium quasi obtinet inter benignam resolutionem, & gangrænam. In resolutione, sine ulteriore læsione vasorum, aut evacuatione liquidi immedabilis facti, reducantur concreta ad pristinam fluiditatem, & stagnantia moventur: in gangræna autem fit vera mors partis inflammatae; & postea totum illud mortuum separari debet à vicinis vasis vivis. Sed in suppuratione absconduntur vasorum obstructorum fines, & liquida extravasata unà cum solidis tenerimis in pus versa debent educi; sicque differt à resolutione: à gangræna verò, quia per suppurationem non destruitur tota pars affecta. Ob hanc causam & aucta humorum velocitas, quæ inflammationem comitatur, admodum pacata debet esse, ut resolutio sperari possit. Et contrà, si validissima adfit febris, brevi gangræna sequetur: in suppuratione autem, nec tam sedatus est motus, ut in resolutione; nec tam velox, ut in gangræna solet esse. Unde dum nulla resolutionis spes est, æquè nocere potest, si nimis minuatur febris, quàm si incitetur imprudenter; uti postea patebit in *Commentariis* §. 403. n°. 3.

**SI OBSTRUCTIO MAGNA, &c.** Quandonam obstructio magna vel parva

(a) Ibid. pag. 290.

(b) Prognost. Comment. I. Sentent. XLII.

(c) Ibid. Sentent. XXII. pag. 605. & Coarct. Prænot. n°. ccccxxvi. pag. 881.

Charter, Tom. VIII, pag. 618.

dicenda sit; uti etiam de signis resolutionis, dictum fuit in paragrapho præcedenti. Sed præcipue noscitur inflammationem tendere in suppurationem, si tumor, calor, dolor, rubedo, & reliqua symptomata, paragraphis hic citatis enumerata, augeantur; non quidem summa cum velocitate, tunc enim gangræna potius sequeretur; sed continuo tamen incremento. Difficile quidem foret, accuratè cognoscere illum limitem, ubi desinit resolutionis possibilitas, & incipit suppurationis initium, tamen hoc certum est, dolorem, pulsationem, febrem, calorem, &c. manifestè augeri illo tempore, dum suppuratur locus inflammatus. Pure autem factò, hæc omnia iterum minuuntur, quod pulchre monuit Hippocrates dicens (a) *dum pus roreatur, simul dolores & febres magis, quàm eo procreato, oboriuntur*. Nec mirum, cum vascula dissenta, dum rupturæ proxima sunt, acerrimum doloris sensum excitare debeant (vide §. 221.): illis autem ruptis, dolor inde ortus cessat

§. 388. **SI** humor acer, valde motus, obstructio magna, vasa rigida; omnia symptomata (§. 382. 386. 387.) magna, tum vascula subito rumpuntur, liquida putrescunt; ichor effusus sub epidermide in bullas colligitur instar loturæ carnis, vel saniei flavæ, cineritius, pallidus, fuscus, ater fit color; rubor, dolor, calor, pulsatio, tumor in loco affecto desinit, in vicinis obtinet; fit mors partis affectæ: vocatur *Gangræna*; tertius modus, quo exit inflammatio.

Sequitur jam tertius inflammationis exitus, qui dicitur *Gangræna*. Dum à quacunque causa in parte molli corporis tollitur influxus liquidi vitalis per arterias, ejusdemque reditus per venas; tunc mors hujus partis fit, quæ dum incipit & perficitur, gangræna vocatur. Differt ergo hic inflammationis exitus à suppuratione, quòd omnis liquidorum motus in parte affecta suffocetur omnino, ruptis subito vasculis; cum in suppuratione sensim separentur obstructa vasorum extrema per motum vitalis liquidi à tergo urgentis. Inflammatio autem in gangrænam tendit inprimis, si adsint sequentia.

**HUMOR ACER.** Accerima quævis corpori applicata externè gangrænam faciunt; nec refert ferè, an acida, an alcalina, an alterius cujuscumque speciei acria fuerint. Sic oleum vitrioli; cautetium potentiale Ghirurgorum, ex sale alcalino acri cum calce viva cocto; olea acria empyreumatica ex cornu cervi vel ligno guaiaco expressa; sales volatiles alcalini, &c, cuti applicata veras escharas gangrænosas faciunt. Idem fiet, si sanguinis massa acribus inquinata fuerit. Verum quidem est, hæc acerrima sanguinem ingredi non facillè posse: observantur tamen in morbis mirabiles tales humorum degeneraciones, per quas sæpe satis subito in summam acrimoniam evecti destruunt omnia. In scorbutico pessimo putrido sæpe gingivæ cum intolerabili fetore, verà gangrænâ depascuntur; pessima ulcera, citò gangrænosâ, in variis corporis partibus, & inprimis in cruribus, funt. Similia & ab atra bile turgida, & motâ, observantur mala (vide §. 1104.). Unde patet, si inflammatoriz sanguinis tenacitati simul comes fuerit insignis acrimonia, brevi debere destitui vascula, & nasci gangrænam.

(a) Aphor. Sect. II. n°. XLVII. Charter. Tom. IX. Part. II. pag. 85.



**VALDE MOTUS.** Sedatus motus humorum resolutioni inflammationis favebat; citatior suppurationem promovebat; sed admodum vehemens tantâ vi agit in fines obstructos minimarum arteriolarum, ut subito rumpantur omnia, non separantur sensim; ut in suppuratione fit. Pulsuum autem velocitate & respiratione auctis, motus velox humorum circulantium cognoscitur in toto corpore; summus autem dolor & calor ingens in parte inflammata idem designant. Si jam velocitati motûs humorum, simul adfit eorundem acrimonia, patet facili, citissime debere destitui tenerrima hæc vascula; cum acria & majori impetu & frequentibus intra datum tempus his applicentur. Præterea demonstratum fuit in *Commentariis* §. 100. solâ celeritate motûs circulatorii auctâ, sales & olea sanguinis acriora reddi; sicque novos nasci stimulos, augentes circulationis velocitatem, ex qua producti fuerant. Ex quibus omnibus satis apparet, quantum periculum imminet parti inflammatæ, si validissima febris adfit.

**VASA RIGIDA.** Demonstratum fuit in *Commentariis* §. 52, auctâ vasorum rigiditate, densari quàm maximè sanguinem, & dissipari liquidissimam partem; unde magis in concretionem pronus erit. Et, ut dictum fuit §. 386, canalium flexilibus mobilitas & diluens vehiculum inter illa numerabantur, à quibus resolutio inflammati sperari poterat: contraria ergo si obtineant, pejor semper sequetur eventus. Cùmque in hoc casu magnâ velocitate per vasa moveantur humores, totus ille impetus ager in obstructos vasorum fines, cujus aliter magna pars dilatandis flexilibus canalium lateribus impenditur; adeoque avellentur subito magnâ hæc vi vasorum extremitates unâ cum infaciente concreto fluido, & sient omnia illa, quæ mox dicentur. Inde patet ratio, quare duro labore fractis corporibus adeo funesti plerumque sint morbi inflammatorii.

**OMNIA SYMPTOMATA MAGNA.** Si tumor loci inflammati subitissime increscat, rubedo summa in purpureum vergens, calor urens, dolor magnus increscens continuè, pulsus celerrimus, respiratio anhelosa, &c; brevè gangræna aderit.

**TUM VASCULA SUBITO RUMPUNTUR, &c.** Si jam consideretur, acre fluidum valido motu pulsuum urgere fines vasorum immeabile materiâ sic infarctos, ut nihil omnino transire possit; apparet facili, subitam rupturam vasorum expectandam esse: imprimis si rigiditas nimia vasorum impediât, quominus distendi facili sine ruptura possint. Sed vasis ruptis liquida effluent; quæ spontaneâ mutatione corrumpentur, & quidem satis celeriter; cum magnus calor, validæ inflammationi semper comes, putredini producendæ faveat quàm maximè; ut dictum fuit §. 84. n°. 5. Dum autem omnia hæc sunt in loco inflammato, observantur quædam mutationes sensibiles, quæ docent, tale malum jam adesse, vel saltem brevi adfuturum. Illa autem phænomena omnia perfectè similia sunt his, quæ ab igne, corporis parti applicato, fiunt, ut dictum fuit in *Commentariis* §. 370. Incipit enim tunc epidermis secedere à cute subjuncta, & ab humoribus effusis in bullas attolli, ichore plerumque subrubello plenas; vel in pejore gradu mali flava tenuis sanies his bullulis continetur: splendens illa rubedo mutatur in colorem cinereum, pallidum, fuscum, & nigrum tandem, & prout color vergit à cinereo vel pallido in nigredinem, eò major minorve mali progressus notatur. Deinde omnia serè inflammationis phænomena quiescunt, imò aliquando penitus abolita videntur. Nec mirum hoc est, cum à motûs vitalis hu-

morum celeritate aucta per partem inflammataam ortum ducant. Rubor hinc evanescit, cum, cessante humorum influxu non amplius pellatur sanguis per vasa partis sic affectæ; & cum ob eandem causam non amplius distendantur fibræ nervosæ, dolor cessat. Calor, & pulsatio, cum validum fluidi impulsus ad latera vasorum attritum supponant, pariter desinunt, ubi gangræna inflammationem sequitur. Subita hinc doloris & reliquorum symptomatum remissio in morbis acutis inflammatorii, sine bonis signis prægressis, meritò adeo funesta habetur. Ubi enim in lœco corporis externo gangræna post validam inflammationem fit, ex modò dictis signis facili cognoscitur, adesse illud malum; sed si interiora corporis similem patientur morbum, subita doloris cessatio præcipuum signum dat. Sic in vehementissima pleuritide, & dolentissima intestinorum inflammatione, sæpe acerrimus dolor evanescit subito; dumque miseri victum morbum credunt, paulò post moriuntur. Hæ sunt fallaces illæ in morbis pessimis induciæ, Medici famæ sæpe adeo infidiosæ; dum imprudens optimum morbi, citò tunc semper lethalis, eventum sperat & prædicat.

Destitutis ergo vasis, aboletur omnis influxus & effluxus humorum in parte affecta, id est, mors fit; tuncque omnia, quæ sequuntur, mala à spontanea corruptione mortuæ jam partis pendent. Si enim considerentur illæ mutationes, quæ, in aere calido & humido inprimis, recens mactatorum animalium carnibus accidunt; patebit, similes esse ferè illis, quæ in gangrænosus partibus observantur. Vividus enim & ruber color recentis carnis incipit sensim deleri; succedit color pallidus vel cinereus, sensum magis in fuscum vergens; imò & tandem nigrescunt ferè carnes tales putrefactæ; & in tabum olidum distillant, cum antea adeo firmæ fuerint. Citius autem hæc omnia in parte gangrænosa fiunt, quia vicinæ partes vivæ calore suo putredinem mortui augent.

Vicina autem mortuæ tali parti loca vitalibus humoribus adhuc pervia sunt; sed in confinio mortui & vivi necessariò obstaculum humoribus, huc pulsus, nascitur, cum per mortuam jam partem penetrare nequeant. Unde illo limite quasi nova nascitur inflammatio; post quam, suppuratione factâ, separatur mortuum gangrænosum à vicinis vivis, vel proserpit gangræna, vitali humorum motu suffocato in contiguis locis. Hoc autem fecerit aliquando incautos, dum crederent nondum adesse gangrænam, quia dolor adhuc sentiebatur in parte affecta; licet propriè loquendo in parte gangrænosa nullus sensus sit, sed à partibus suppositis & ambientibus adhuc vivis & inflammatis dolor ille oriatur. Bonum autem semper signum habetur, si in ambitu toto partis jam gangrænosæ rubor, dolor, calor, tensio, &c., inveniantur; modò non tam valida sint hæc symptomata, ut metus sit, & hanc inflammationem in gangrænam tendere. Novimus enim tunc, vitam supersitem in reliquo corpore moliri separationem gangrænosi corrupti à vivis partibus vicinis.

§. 389. **U**BI sic affecto (388) loco, compressio externa accidit, vel calor ingens humida dissipat, pars mortua inflat arefacti cori durescit, inferiora suffocat, & corrumpit.

In loco jam illo, quem gangræna occupat, nullus humorum motus est per vasa; sed

sed mera quies & stagnatio; unde fient hîc tales mutationes, quales fierent in cadavere ab iisdem causis. Calor partium vivarum suppositarum & ambientium, si simul humiditas adsit, in putridum liquamen totum illud mortuum convertet; si autem externâ compressione, vel calore ingenti, dissidentur humidissima tunc pars mortua exsiccat, indurescit, & arefactum corium nigrum perfectè refert; sæpe tantæ tenacitatis, ut novacolâ vix discindi possit. Hoc autem imprimis in partibus externis, cute testis observatur; in reliquis enim locis in tabum potius deliquescent gangrænosa. Sic in herniâ incarceratâ mortui hominis, antea sanissimi, intestina vidi in putridam pulvem conversâ fuisse bidui spatio, quo morbus duraverat. Ubi autem in morbis acutis à decubitu circa os sacrum & coccygis gangræna nascitur, macula nigerrima arida & exsucca in loco affecto apparet. Quam subito autem à sola compressione externa etiam in sanissimo homine non tantùm gangræna nascitur, verùm etiam cutis nigrescat & corii instar induretur, didici sequenti casu. Dum vastæ molis lignum parant fabri lignarii, ut inde molendini axis construeretur, illudque circumvertunt, accidit tristi infortunio, ut elevata vestibus hæc moles, proprio pondere circumrotata, in proximam fossulam abriperet binos homines; quorum unus tanto pondere suffocabatur miserriinë; alter tibie sinistrae spinæ incumbentem molem sustinere debuit ultra dimidium horæ, antequam tolli poterit. Bonâ fortunâ fossulæ fundus limo molissimo copioso tangebatur, unde minùs nocuit tanti ponderis pressio; & homo ille non multùm mali inde passus fuit, sed lætus se domum recepit, pedibus ultra quadrantem horæ sine incommodo incedens. Sequenti die vocatus inveni tunc in cruris parte anteriori, ubi tibie ossis tanta superficies solis ferè integumentis tegitur, maculas nigras majores minorésque, quæ sugillationis à contusione factæ speciem referebant; sed probè examinatis his apparuit cutim in illis locis mortuam & nigerimam instar corii induruisse. Scabra enim ligni incumbentis superficies quædam loca sic presserat, ut cutis, intra durum os suppositum & massam incumbentem posita, omni vitali influxu & effluxu humorum privaretur; & postea, suppuratione in omni ambitu harum macularum natâ, totum illud mortuum excidit. Sic pulchre vidi, quid sola compressio facere possit, & quare in morbis loca, quibus in lecto totum ferè corporis pondus sustinetur, tam subitò aliquando gangrænâ corripiantur. Ubi autem durum tale coriaceum tegmen vivis partibus suppositis appressum hæret, illæ inflammabuntur, adeoque tumentes, si non possint elevare hoc operculum & separare à vivis partibus, quibus cohæret, comprimuntur similiter, & profundius serpet idem malum.

§. 390. **F**RIDIDA actu vel potentiâ, adstringentia, coagulantia, repellentia, pinguis acria, emplastica, narcotica, ligaturæ fortes, compressio externa, hanc mutationem inflammationis in gangrænâ (§ 388) citò promovent.

Recensentur hæc paragrapho talia de quibus constat, quòd, si loco inflammato applicentur, satis subitò ex inflammatione gangrænâ faciant.

**FRIGIDA ACTU VEL POTENTIA.** Inter illa, quæ in inflammationem disponebant, ut in gangrænâ tenderet, numerabantur §. 388, obstruendo  
Tom. I. H h h

magna, & vasorum rigiditas. Sed frigoris effectus sunt, solidorum major contractio & robor, fluidorum verb aucta immeabilitas. Summum ideo frigus, constringendo vasa, & coagulando humores, omnem humorum circuitum impedit; unde subita partis mors ab acerrimo gelu fit. Ubi autem vis vitæ hæc obstacula superare vallet in parte quadam corporis frigefacta, tunc ingens calor nascitur ab attritu fluidi densati per vasa angustiora reddita. Experiuntur hoc illi, qui nive manus fricant: post molestem enim frigus satis acris calor percipitur. Unde patet, frigida, loco inflammato applicata nocere, vel quatenus motum, integre suffocant; vel quatenus postea calorem, qui jam nimius adest, augment. Aliquando tamen frigida applicata prodesse possent; si per errorem loci humores crassiores, minora vasa ingressi, contractis frigore vasis retropellerentur in majores ramos; præcipuè si vitium illud in tenuioribus fluidis hæreret. Sanguinis enim rubra pars statim coagulatur in aqua frigida, serum & tenuior lymphæ non. Sed facillè patet, nihil boni exspectari posse à frigidis applicatis, nisi recens morbus, & mitis simul fuerit. Si enim obstruens inflammatorium in vasorum minimis angustis impactum penitus immobile hæreat, augebitur potius malum. Hæc autem perfectè quadrant Veterum doctrinæ. Sic Hippocrates, postquam binis in locis (a) frigidum inter alia mala, etiam nigredines (μυλασμα) facere monuerat, paulò post frigidi utilitates recensens dicit, illud prodesse si (b) inflammationes aut deslagnationes ad rubrum- & subruentum colorem, ex recenti sanguine vergunt... inveteratas enim denigrat. Erysipelas etiam non ulceratum juvat, exulceratum siquidem lædit. Et Galenus, licet frigidorum usum in phlegmone commendat, pulchras tamen cautelas addit, dicens (c) Magisque profectò ad incipientes phlegmonas frigidis, adstringentibusque, quàm discutientibus, est utendum: atque etiamnum magis, ubi crassum, quod confluit, non est. Sed si sanguis in parte quàm phlegmoneprehendit, vehementer est impactus, (σφοδρὰς ἐμπέσεις γινώσκας) non est ampliùs repercutientibus utendum, sed tum discutere est tempestivum. Non potuisset certè melius dixisse, si ex circulatione sanguinis cognita inflammationis naturam cognovisset. Et alio in loco de erysipelatis cura agens monet, quòd hoc ampliozem quidem refrigerationem requirat, quàm phlegmone; & dein addit, (d) Esto autem refrigerationis terminus ipsa coloris mutatio. Etenim quòd purum erysipelas, statim cum hac quiescit: quod non purum est, sed jam quodammodo phlegmonodes, si plusculum refrigeres, lividum cuius præfert. Si ne sic quidem quis desistat, nigricat, potissimùm in senili corpore; ut quodam ita refrigeratorum ne discutientibus quidem medicamentis ad perfectionem sanentur, sed relinquatur scirrhus quidam tumor in parte. Ex quibus satis patet, quàm anceps sit frigidorum ad inflammationes sanandas usus, cum inde tam facillè in peiores morbos degenerent, nisi ipso initio adhibeantur; vel in illis casibus, ubi non à sanguine rubro, sed à tenuioribus humoribus, aliena vasa ingressis, morbus oritur: utl v. gr; in erysipelate, œdemate calido, & similibus malis.

Frigida autem potentià vocantur illa, quæ applicata corpori sano calorem tollunt vel minuunt, licet ipsa actu calida fuerint; vel saltem non multum frigidiora quàm est pars ipsa corporis, cui applicantur. Sunt ergo talia, quæ causas ca-

(a) Aphor. Sect. V. 1. no. XVII & XX. Character. Tom. IX. part. II. pag. 104. 05.

(b) Ibid. n.º. XXIII. pag. 108.

(c) Method. Med. Lib. XIII. cap. VI. Character. Tom. X. pag. 301.

(d) Ibid. Lib. XIV. cap. III. pag. 320.

loris in parte minuunt vel tollunt integre. Sed calor à motu fluidorum per vasa nascitur, hoc minuto decrefcit; aucto verò increfcit: patet ergo, quòd frigida potentia dicantur illa, quæ circulationis velocitatem & robur tollunt vel minuunt. Sic v. gr; aqua calida, parti applicata, laxando vasa, & diluendo moleculas obstruentes nimium calorem in loco inflammato tollere poterit; unde frigida dicitur potentia, licet actu calida fuefit. Facile autem patet, hæc & similia raro nocere inflammationibus; ut patebit in curatione inflammationis: non enim tollunt hæc motum humorum per vasa, sed remotis obftaculis circulationis æquabilitatem reftituunt. Illa autem nocerent quàm maximè, quæ vitam fuffocando in parte frigus inducerent, ut de quibufdam venis legitur. Sic cicutà epotà Socrates fenfit frigefcere crura, & hoc frigore fuprà pubem adfcendente, placidè expiravit.

**ADSTRINGENTIA, COAGULANTIA.** Per illa enim vasorum minuitur amplitudo, & fluida redduntur immeabilia: confpirant ergo hæc, ut obftuccionis caufas augeant, adeoque liberum motum humorum per vasa tollunt: hoc verò motu omnino fublato in parte, gangræna adefit.

**REPELLENTIA.** Locus inflammatus, ob rationes dictas §. 282. n°. 1. 2, tumet, & fæpe fatis validè: unde conclufuerunt veteres Medici, aggeftam hic effe materiam, quæ antè non adfuerat, adeoque aliunde adveniffe. Hanc autem accumulationem, cùm fæpe fatis citò viderent fieri, per fluxionem nafci credebant. Ideo partem curæ ponebant in repulfu illius, quod influxerat; inprimis in initio morbi, ut paulò antè in eadem hac paragrafo ex *Galeno* probatum fuit. Talem repulfum fanguinis à finibus arteriarum bafim verfus poffibilem effe, certiffimis conftat Obfervatis. Saniffimus homo fubito percelfatur metu, ftatim pallor faciei & labiorum docent, fanguinem rubrum retroceffiffe verfus cor & maiora vafa; unde & cordis palpitatio, & anxietas mox hunc pallorem fequuntur. Idem etiam in animi deliquio manifefto patet. Hoc autem repulfu moleculæ fanguinis, quæ errore loci ingreffæ fuerant minora vafa, poffent iterum retropelli in latiora; ficque folveretur obftuccio. Quoufque autem hæc prodeffe poffint, dictum fuit paulò antè, quando de frigidorum applicatione ad loca inflammata agebatur. Cùm autem illa omnia quæ externè applicari poffent hac fpe, ut talem retropulfum efficiant, agant tantum vasorum contractione auctâ, patet facile, periculofum effe horum ufum, nifi in initio inflammationis ab errore loci factæ; fimilique ab his augeri malum, nifi ftatim profuerint.

**PINGUIA ACRIA, EMPLASTICA.** Videantur de his illa, quæ dicta funt in *Commentariis* §. 376. Cùm enim hæc inflammationi producendæ apta fint, natam jam ab aliis caufis augebunt procul dubio, inprimis fi emplaftica tenacitate loco affecto adhaferint: tunc enim & magis inperfpirabilem reddent locum affectum, & acre his miftum loco affixum manebit diu.

**NARCOTICIS.** Fortè ex fua natura non funt adeo damnofa, inprimis fi prudenti ufu adhibeantur. Sed cùm hæc omnia doloris fenfum obtundant, manente ejus caufâ; hinc fæpe inflammatio augeatur omni momento, & fine ullo doloris fenfu deffructis vafis, gangræna fequitur. Acerrimus autem dolor, calor, pulfus & reliqua fymptomata fatis monuiffent & ægrum, & illos, qui ejus curam gerunt, peffima quævis metuenda effe in tali cafu, nifi hæc narcotica exhibita pacaviffent doloris fenfum: unde tunc fæpe negliguntur effiaciffima auxilia, quæ hunc inflammationis in gangrænam exitum impediiffent.

**LIGATURÆ FORTES.** Quomodo inde gangræna nascatur, dictum fuit in *Commentariis* §. 355. Facile autem patet, si inflammatus jam locus fortè ligaturâ stringatur, longè citiùs expectandum esse idem malum.

**COMPRESSIO EXTERNA.** De hac dictum fuit in paragrapho præcedenti.

§. 391. **TUMQUE** in sphacelum augent.

Demonstratum fuit in *Commentariis* §. 394, veram phlegmonem omnium frequentissimè in tunica cellulosa sedem suam habere, illamque immanem in molem aliquando distendi posse. Sic nam inflammatione in dorso manûs, ubi tenerissima tunica cellulosa est, tamen aliquando tumor oritur, binos pollices transversos & amplius sæpe crassitie æquans. Ubi ergo gangræna natam in hoc loco inflammationem sequitur, tota illa moles corrupta separari debet postea. Poteritque in tali casu scalpellum ad magnam profunditatem sine ullo sensu adigi, unde omnia supposita mortua esse crederentur. Accidit tamen sæpissime, tendines & musculos suppositos vitales manere; tuncque nondum est sphacelus: ille enim dicitur adesse, quando ad ossa usque omnia incumbentia mortua sunt; uti postea dicitur in *Commentariis* §. 425. Verùm ubi panniculus adiposus adeo distentus, jamque gangrænâ corruptus, interimque tenaci cute coarctatus, omnia subiecta premit; poterit & in illis vitalis humorum circuitus suffocari omnino, tuncque gangræna in sphacelum, id est, mortem perfectam partis, transit. Omnia ergo præcedenti paragrapho recensita, quæ inflammationem in gangrænam convertebant, poterunt gangrænam natam sic augere, ut fiat sphacelus.

§. 392. **SI** pars inflammata glandulosa, calor internus externusve magnus, materies impacta interior, crassior, emunctoria obstructa glandularum, folliculi verò harum & latera distenta, sit tumor durus, indolens glandulæ: vocatur *Scirrhus*; quartus finis abeuntis inflammationis.

Ultimus jam sequitur inflammationis exitus: ubi nempe nec resolvitur inflammatio, nec separatur tamen à sanis partibus vicinis illud, quod vitali humorum motui secundum sanitatis leges peragendæ ineptum redditum fuerat. Manet ergo illud morbosum sanis unitum partibus sic, ut tandem indomabilem adeo indolem acquirat, ut nullo amplius naturæ molimine, nullis hæctenus cognitis in Arte auxiliis, solvi possit; sed ferro vel igne debeat tolli. In illis autem corporis locis, per quæ rapido motu pulsus sanguis omni momento transit, patet satis, non posse diu immutata manere infarcta immeabile materie vasa; continuâ enim hæc aëritatione vel separabitur omne illud, quod libero humorum per vasa motui resistit, per blandam suppurationem; vel gangrænâ aut sphacelo corrumpetur brevi. Ubi verò talis est conditio loci affecti, ut sanguinis arteriosi impetus vel nihil omnino, vel saltem parum admodum, in illum agere possit; tunc metus est, ne materies impacta, liquidiore parte sensim distatâ immobilis ibi maneat, & tumorem durum indolentem constituat, qui *Scirrhus* vocatur. Omnium autem frequen-

tissimè ille exitus inflammationis observatur in partibus glandulosis. Emissarii enim harum glandularum obstructis, nihil poterit exire secreti per harum fabricam liquidi; quod morâ & stagnatione inspissatum illarum cava, vel intricatissimam vascularem compagem, replebit & distendet: cùmque humorum circulantium imperus directè agere non possit in materiam hanc impactam; hæc manebit, liquidissimâ parte spoliabitur, & scirrhum faciet. Evidens hujus rei Exemplum habetur in mammarum inflammatione. Lac enim, ex sanguine per arterias mammarias allato secretum, in ductibus galactophoris hærens, coagulari incipit; tenue serum per papillæ fistulas exsillat; residuum inspissatum ibi hæret extra circulationis quasi territorium; & tumorem talem durum indolentem, sedatâ inflammatione, sæpe totâ vitâ relinquit. Ob eandem causam toties scirrhus testiculorum inflammationem sequitur: si enim consideretur, parvam adeo arteriam spermaticam ex ipsius aortæ trunco natam, verâ anastomosi ramulis emissis, similibus venulis communicantibus, sanguinem rubrum tradere, deinde innumeris ramulis convolutis, & distinctim locatis testium substantiam constituere; patebit evidenter, sanguinis arteriosi impetum in loca obstructa hic ferè nullum esse: unde semel impacta materies hic adeo rebelles ad optima quævis remedia tumores sæpe facit. Inflammationem autem in locis glandulosis natam sequitur inprimis scirrhus, si adfuerint frequentia.

**CALOR INTERNUS, EXTERNUSVE MAGNUS.** Solent frequenter mammarum inflammatarum curam puerperæ custodibus suis, vel & aliis sæpe delirantibus aniculis, committere: cùmque nihil plùs soleant metuere, quàm suppurationem, & suppurati loci lanceolâ Chirurgicâ perturbationem; omni molimine hanc prohibere conantur. Si autem mollissimis fomentis applicatis benignam resolutionem inflammati tentarent perficere; minimè culpandæ forent: sed periculoso errore mammam inflammatam ardenti prunæ exponunt; vel linteis siccissimis & calidissimis fovant continuò; aut spiritum vini ferè servidum applicant; tali quidem sæpe cum effectu, ut nulla sequatur suppuratio, sed dissipatâ parte liquidissimâ, & residuo quàm maximè inspissato, indomabilis nascatur scirrhus: tuncque miseræ mulieres, dum levem puncturam acutissimæ lanceolæ adeo metuebant, postea sæpe crudelem, & fatis aliquando periculosam, operationem sustinere debent. Idem etiam malum sequitur frequenter, si validissima febris inflammationem loci glandulosi comitetur, ob easdem causas.

**MATERIES IMPACTA INERTIOR, CRASSIOR.** Cùm lac tantam copiam crassi coaguli caseoli in se contineat, illudque morâ & stagnatione tam facile separatur à parte serosa, quâ diluebatur; ideo in mammis omnium frequentissimi scirrhi observantur. Quando sanguinis fluidissimâ parte spoliati sæx, atram dictam bilem Veteribus constituens, picæ ferè suâ tenacitate infecit fluidorum massam, levissimæ etiam in locis glandulosis obstructions in scirrhos degenerant; uti dicitur postea in *Commentariis* §. 485.

**EMUNCTORIA OBSTRUCTA GLANDULARUM, &c.** Omne enim illud, quod ex arteriis allato sanguine glandularum fabricâ fecernitur, per harum emissaria debet effundi in determinatos usus. Si jam à quacumque causa impediatur liquidi secreti exitus, debet illud accumulari, & distendere folliculum; quo continetur. Liquidissimâ autem parte secreti humoris dissipatâ vel resorptâ, residuum spissius factum ibi hærebit immeabile. Humoribus autem circulantium im-

Il h h h iij

petus agere potest in vasa, quæ latera folliculi talis infarcti constituunt, minime in contentam hujus cavo materiam, uti facile patet: unde hæc manebit sæpe nullâ Arte re solvenda. Stagnatione autem, & liquidissimæ partis dissipatione, tenuissimos etiam in nostro corpore humores miris modis concrelescere posse, certò novimus. Bilis in sua vesicula stagnans, obstructo ejus emissario, in calculos toties concrevit. Limpidissima urina solâ morâ duro calculo originem præbet: & postea patebit, ubi calculi Historia dabitur, tales concretiones calculosas etiam in ventriculis cerebri, abdominis cavo, &c, repertas fuisse; quæ loca tamen tenuissimò tantùm rore, ex minimis arteriis exhalante, alluuntur. Interna narium superficies in homine sano, si bene emunctæ fuerint nares, tenui satis lymphâ madet; sed paucorum horarum spatio diffusâ parte tenuissimâ coriæ: jam concreverunt lemæ. Plura similia adduci possent, sed hæc sufficiunt, ut probetur tenues admodum humores in corpore humano pessimis concretionibus originem dare posse.

§. 393. **CAUSA**, pars affecta, magnitudo, profunditas, velocitas, natura ægri, symptomata inflammationis, collata cum signis, effectibusque, prognosin absolvunt.

Enarrata jam fuerunt inflammationis præsentis signa & varii exitus. Sequitur jam prognosin, quæ determinat, quænam mala metuenda sint, quænam bona sperari possint. Ut autem cognoscatur, quò vergat inflammatio, an in benignam resolutionem; an verbò in suppurationem, gangrænâ, aut scirrhum, debent considerari sequentia.

**CAUSA.** Sic v. gr; contagium variolosum ita mutat sanitissimi etiam hominis corpus, ut intra triduum tota externa cutis, imò & sæpe interna æsophagi, ventriculi, &c, superficies scateat pustulis inflammatoriis: sed nunquam hîc resolutio, expectari potest; semper suppuratio; vel in pessima specie vera gangræna sequitur. A contagio verbò morbilloso cutis externa inflammatur quidem, nunquam tamen suppuratio sequitur, sed desquamata epidermide solvitur malum. Observaverunt omnes Auctores, qui peste correptos homines tractaverunt, in variis corporis locis oriri inflammationes aliquando tam sævas, ut paucis horis pars inflammata in carbonem exuratur, qui postea, suppuratione in toto ambitu natâ, à partibus sanis separabatur, & excidit. Apparet ergo diversissimos esse inflammationis exitus pro varietate causarum, ex quibus oritur.

**PARS AFFECTA.** Prout nempe magis minùsve ad vitam & sanitatem necessaria est. In manu v. gr; tumor inflammatorius satis magnus etiam facile necessest; sed si circa glottidis rimam inflammatione tumeat membrana has partes investiens, exiguo etiam tumore suffocabitur æger. Si in manu vel pede phlegmone in gangrænâ transeat, separari poterit hîc mortuum illud à vivo; sed si in cerebro tale malum contigerit, patet facile, vix ullam spem superesse. Sed non tantùm majus minùsve discrimen à varietate partis affectæ pendet, verùm etiam longè diversus inflammationis exitus erit ob eandem causam. In locis glandulosi scirrhimetus est; in illis verbò corporis partibus, ubi maxima pinguedinis copia locatur, inflammatio sæpissime in suppurationes & fistulas difficiles transit, uti circa anum, &c,



**MAGNITUDO.** Quò enim majorem locum corporis occupat phlegmone, eò plura vasa sunt obstrueta, eò major quantitas immeabilis liquidi in vasis infarctis hæret; simulque tantò major est celeritas circulationis per vasa reliqua libera, ut dictum fuit in *Commentariis* §. 382, n<sup>o</sup>. 8. Sed hæc omnia repugnant illis conditionibus, quæ requiruntur ad resolutionem inflammationis (vide §. 386.); unde in tali casu semper suppuratio, vel gangræna expectanda sunt.

**PROFUNDITAS.** Demonstratum fuit in *Commentariis* §. 374, omnes ferè partes corporis inflammatione posse corripì; nusquam tamen frequentius & tenacius illam nasci, quàm in tunica pinguedinosa. Profunda hinc inflammatio vel hærebit in tunica hac, vel in aliis partibus. Si in pinguedine hæreat, quæ inter musculorum interstitia se insinuans satis profundè decurrit, remedium externè applicatorum efficacia vix eò usque penetrare poterit: & suppuratio, vel gangræna talem inflammationem sequens, difficillimè poterit depurari. Si verò tendines, musculos, vasa, membranas, periosteum, ossa ipsa occupaverit inflammatio; patet ob easdem causas curæ difficultas. Quanta autem mala fieri possint, si viscera ipsa inflammata fuerint, dicetur, postea, quando de morbis acutis inflammatoriis agetur.

**VELOCITAS.** Dum liquida immeabilia hærent in vasis obstrueta, à vita superflite pulsus fluidum in hæc loca facit effectus quosdam, qui sunt signa inflammationis; recensita §. 382. Si autem hæc incrementum velocissimè, si rubor, tumor, calor, dolor, &c. augeantur omni momento; facillè prævidemus, brevi rumpenda esse tenerrima vascula, & nullo modo expectandam esse resolutionem; sed gangrænam brevi adfuturam. Ideo §. 386, motus humorum sedatus numerabatur inter illa, quæ requirebantur ad resolutionem inflammationis; & contra citatus humorum motus suppurationem, vel & gangrænam futuram, designabat.

**NATURA MORBI.** Unicuique homini sua privata sanitas est; & licet solidorum & fluidorum dotes omnino variè videantur in duobus hominibus, tamen sæpe ambo integrè sanitate fruuntur; sic tamen ut unus in hos, alter in alios morbos, magis pronus vivat. Duris laboribus fractus rusticus si pleuritide decumbat, vix emerget. Densissimus enim sanguis & vasa rigida nullam ferè spem benignæ resolutionis relinquunt. In laxis autem & debilibus corporibus tales morbi longè faciliùs curantur. Sed & morbosa temperies inflammatione laborantium varium morbi faciet exitum. Sic mucosi & frigidi homines rarò inflammationibus laborant, & tantùm ferè levissimis: si autem putridus scorbutus humores infecerit, minima inflammatio uncula, vel leve etiam vulnusculum, in difficillimum ulcus, vel & gangrænam, sæpe transit.

**SYMPTOMATA,** &c. De his dictum fuit §. 382, & sequentibus. Ex illis autem omnibus rite consideratis facillè prævidetur, quem exitum habitura sit inflammatio; sicque prognosis absolvitur.

§. 394. **PERSPICUUM** quoque pro vario statu mali varias esse curaturæ indicationes.

Sequitur jam, ut ex omnibus antè dictis eliciantur indicationes curatoriarum, per quas determinatur, quomodo tolli debeat cognitum malum. Nihil autem magis damnosum in Arte est, quàm morbo quidam generalem curam adscribere, nullà ratione habita variè ejusdem morbi status. Sic eodem nomine pleuritidis, diversè

certè vocantur morbi; qui in sua origine similes quamvis fuerint, tamen sæpe in decursu omnino variant, & diversissimam medelam requirunt. Longè enim alia curatio requiritur, dum pleuritis incipit, quàm ubi jam per aliquot dies duravit, & manifesta signa incipientis suppurationis adsunt. Non potest ergo generalis cura inflammationis dari, sed requiritur diversa, prout in hunc illumve exitum tendit. Verum quidem est, resolutionem inflammati in curatione tentandam semper esse, si ullo modo possibilis videatur; tamen, si v. gr; gangræne indicia jam appareant, sola separatio corrupti per suppurationem in ambitu mortui natam superest, & omnis curatio ad illam promovendam dirigitur: cùm omni Artis molimine caveatur suppuratio, quamdiu resolutionis spes est; inprimis si interna corporis inflammatio occupaverit. Quatuor ergo illi modi, quibus terminatur inflammatio, seorsim considerandi sunt, & singulorum curatio describenda erit. Primò ergo dicetur de cura inflammationis, quæ resolvendo fit; quando nempe reducto fluore concreti & motu stagnantis, solvitur inflammatio.

§. 395. SI enim aliqua caufarum (375. 376. 377. 378. 379.) in parte quacumque (372. 373. 374. 379.) inflammationem (371) produxit, ut adsint symptomata (383. 384.) & conditiones primæ (386); oriuntur hæ indicationes,

1. Impedite ulteriorem vasculorum læsionem.
2. Eam, quæ jam facta, tollere.
3. Materiæ obstruenti fluiditatem, lenitatemque conciliare, conferre.
4. Vel, si id obtineri non potest, retropulsam in vasa majora agere:

Cùm hæc postea tantum usum habebunt in curatione pleuritidis, peripneumoniz; anginæ & similium morborum; hinc singula accuratè consideranda erunt.

Exactissimè jam determinatur in textu morbi conditio, cujus sanatio mox describetur. A quacumque enim causa nata fuerit inflammatio, quaecumque etiam partem corporis, internam vel externam, occupaverit; modò recens fuerit morbus, & adsint illa, quæ §. 386, enumerantur, tentari poterit resolutio; quæ obtinebitur, si fieri possint illa, quæ sequentibus quatuor numeris continentur.

1. Ad inflammationis resolutionem requirebatur concreti obstruentis reductio in fluiditatem, & stagnantis liquidi motus, uti dictum fuit §. 386 Sed, nisi conservetur integritas vasorum, liquida effusa vasis fractis stagnabunt nec essariò. In omni autem inflammatione tumor à vasis distentis, & dolor à distractione, fibrarum rupturæ jam proximæ, satis testantur jam jam rumpenda esse vasa, si eadem cause pergant agere: sed vasorum continuitate solutâ, sequitur suppuratio; vel, si subitò hæc fiat, gangræna. Patet ergo, requiri ad resolutionem inflammationis, ut caveatur ulterior vasculorum læsio.

2. Quamdiu adhuc integra sunt vasa inflammata, illorum læsio consistit in nimia dilatazione, distractis lateribus à liquido vitali impulso in locum obstructum. Si ergo tollatur nimia hæc vasorum extensio, satisfcit huic indicationi.

Binx autem hæ indicationes curatoriz solida respiciunt; quæ sequuntur, ad fluida pertinent.

3. Hæc

3. Hæret in vasis obstructis concretum immeabile fluidum; cùmque inflammatio tantùm in arteriis locum habere possit (vide §. 371.), Impetus liquidi à tergo urgentis versus majores angustias semper pellet illud obstruens: requiritur ergo, ut attenuetur eò usque, ut per ultimas angustias vasis obstructi transpirari possit. Non sufficit tamen sola attenuatio concreti liquidi, nisi simul blanda nostrorum humorum indoles conservetur: natà enim putredine, concretus sanguis solvitur quidem, sed simul magnam acquirit acrimoniam. Sed acre sanguini mistum, rapido pulsuum motu per tenerissima hæc vascula, nimia distensione prægressà jam debilitata, brevi illa destruet; unde tunc gangræna loco benignæ resolutionis sequeretur: demonstratum enim fuit in *Commentariis* §. 388, acrimoniam humorum facere, ut inflammatio citissimè in gangrænam tendat. Patet ergo, quòd concreti solutionem lenitas semper comitari debeat.

4. Aliquando accidit, vasorum initia dilatata crassas adeo moleculas ingredi, ut vix sperari possit, illas eò usque posse attenuari, ut per ultimas illorum angustias libere fluere possint. Sic sanguis ruber in pessimis ophthalmiis ipsa pellucidæ corneæ vascula ingreditur, quæ longè adhuc tenuiora sunt, quàm adnatæ vascula; hæc tamen suâ angustia omne coloratum fluidum excludunt naturaliter. Licet ergo sanguis ruber hic hærens immeabilis solveretur in serum, illudque iterum in lympham sero tenuitate proximam, tamen non posset per ultimos fines tenuissimorum horum vasorum transire. Unicum tunc superest ut resolutio fieri possit, nempe retro pulsus obstruentis moleculæ ex angustia, quibus impacta hæret, versus latiorum vasis locum, & inde in majora vasa, ut sic torrente sanguinis abrepta, motu & attritu ad vasa & vicinas moleculas, solvatur.

## §. 396. **LÆSIO** ulterior impeditur.

1. Causas (395. 396. 377. 378. 379.) notas tollendo; corrigendo:

In morbis curandis totum, quod Ars facere potest, est, ut restituatur sanitas: sed illæ causæ, numeris hic citatis recensitæ, sunt tales, ut sanissimo etiam corpori applicatæ inflammationem facere possint: frustra ergo sunt omnia molimina, nisi possint tolli causæ. Sic dum à decubitu diuturno inflammatio circa os sacrum & coccygis oritur, si non possit caveri partis hujus compressio à pondere corporis incumbentis, non poterit impediari inflammationis in gangrænam transitus. Idem in reliquis inflammationis causis verum esse faciliè patet.

2. Impetum arteriosi sanguinis minuendo, per educationem sanguinis; purgationem alvi.

Bina concurrebant in definitione inflammationis explicata §. 371, sanguinis nempe arteriosi in minimis canalibus stagnatio, cum pressione & attritu à motu sanguinis, per febrem fortissè acti in hunc locum obstructum. Sed sanguis immeabilis hærens in his canalibus obstructionem quidem facit, sed nulla cæteroaquin inde fieret læsio vasis obstructi, nisi impetus arteriosi sanguinis à tergo urgeret. Præcipuum ergo, quod requiritur, ut læsio ulterior vasorum inflammatorum caveatur,

erit, sic minuere illum impetum, ut nec rumpi, nec magis distendi vasa possint ab hac causa. Integre tolli non potest arteriosi sanguinis motus per partem vitā supersistere; poterit tamen tam pacatus reddi, ut non ampliùs nocere possit. Hoc autem obtinebitur per.

**EDUCTIONEM SANGUINIS.** Dìctum fuit §. 381, vitam supersitem, ubi illa stagnatio adest, producere effectus quosdam, qui simul erant signa inflammationis. Horum autem numero & magnitudine mensuratur inflammationis malignitas, & prævidentur varii ejus exitus. Ubi ergo à quacunque causa debilitatur vita, & minùs actiuosa redditur; minuentur illi effectus necessarij, qui à vitali motu humorum in loca obstructa irruentium pendeant. Possimus jam per sanguinis missionem pro lubitu minuere motum sanguinis per vasa ad mortem usque, id est, quietem perfectam; ergo & pro vario gradu hujus evacuationis plus minùsve reprimere circulationis impetum. *Helmontius*, & post illum alij proscripserunt sanguinis hanc jacturam, tanquam inutilem & damnosam in curatione morborum inflammatoriorum: credebant enim, pleuriticidē v. gr; nasci, dum acidum hostile intercostalibus locis instar spinæ infixum hæreret (a), hinc clamabant, frustra mitti sanguinem, sed evellendam esse hanc spinam pleuriticam; (b) *cruentum Molah cathedris præferebat Medicis*; specificis remediis debere debellari hunc morbum; non verb enervandas esse vires per venæsectionem, &c. Sed ex antecedentibus patuit, spinam illam pleuriticam esse sanguinem immeabilem in vasis arteriosis hærentem; liquidum autem, à tergo pulsum in loca hæc obstructa, urgere hanc spinam, & distractione fibrarum dolorem illum producere. Verum quidem est, perfectissimam curationem fore, si posset illico solvi, & in fluorem reduci immeabilis ibi hærens sanguis. Sed an hoc efficere potuit *Helmontius* suis specificis? Jactavit quidem hirci resectis testibus manantem cruorem, si exsiccatus teneretur in pollinem; cervi priapum; papaveris sylvestris flores, &c. Sed si quis legat illa, quæ in fine hujus capituli habet de proprio morbo, patebit satis, jactata hæc remedia parum profuisse. Cùm ergo hætenus nullâ fide constet, dari talia remedia, quæ specifica suâ vi externè applicata, vel intus assumpta, solvere possint tam subitò stagnantem hunc & immeabilem sanguinem; nihil meliùs potest fieri, quàm ut impediatur ulterior hujus obftruentis proffusio in majores adhuc angustias vasorum convergentium; ejusdemque caveatur major compactio & consolidatio. Bina autem hæc obtineri possunt, minuto impetu sanguinis arteriosi; quod satis commodè & tutò per venæsectionem fieri potest, uti etiam per,

**PURGATIONEM ALVI.** Hæc enim post sanguinis missionem remedium dicitur efficacissimum ad sedandum nimium impetum. In *Materia Medica* ad hunc numerum habentur talia purgantia, quæ sine aucto motu hunc effectum præstant, simulque humores nostros solvunt. *Sydenhamus*, postquam triginta annos *Præxi Medica* impendemat, sollicitè naturæ decursum in morbis observans, in schedula monitoria de novæ febris ingressu, quam sub vitæ finem edidit, illam methodum commendat. Agebat de inflammatoria febre, cum subita determinatione materiæ morbi cerebrum versis. Post venæsectionem præmissam haustum purgantem ex tamarindis, rheo, senæ foliis, manâ, &c, dabat; vesperi leni paregorico sedabat

(a) *Helmont. Capit. Pleura furens no.* | (b) *Ibid. no. xxxiv. pag. 322.*  
 xxxi, pag. 319.

turbas à purgante hoc, quamvis leni, excitatas. Alternis diebus ad tertiam vicem usque tali purgante utebatur: hâcque methodo feliciter sanabatur morbus, ex sua natura satis periculosus. Monet tamen sollicitè, purgantia hæc nocuisse, nisi præmissa fuerat venæsectio.

Facile autem patet, non in qualibet inflammatione requiri omnia hæc Artis molimina; sed tantum in tali casu, quando partis affectæ integritas ad vitam vel sanitatem quàm maximè requisita non patitur alios inflammationis exitus; vel etiam, quando in tali corporis loco inflammatio hæret, ut suppuratione factâ non posset commodè pus educi; unde postea pessima quævis mala expectanda forent.

### 3. Copiam liquorum minuendo per eadem.

Dictum fuit in *Commentariis* §. 378, frequentissimam inflammationis causam esse nimiam dilatationem vasorum lymphaticorum, arteriosorum, per quam admittunt crassiores sanguinis partes, quàm ut per ultimos illorum fines possint transire. In *Commentariis* verò §. 106. lit. d, & §. 118, demonstratum fuit, plethoram esse inter illas causas, per quas vasorum initia dilatantur. Cùm ergo venæsectio, & purgatio alvi, copiam liquorum minuant, proderunt & hoc respectu. Præterea diminutâ liquidorum copiâ, minor fit pressio & compactio elementorum sanguinis ad se mutuo, à qua pressione inflammatoria sanguinis densitas sæpissime oritur. Si enim sanguis, corde pulsus, in vacuas arterias rueret, nulla foret resisténtia; adeoque nulla fieret compressio: ubi autem cor sanguinem exprimit in arterias plenas, debent vel arteriæ dilatari, vel sanguis, harum cavo contentus, comprimi. Quò autem magis repletæ sunt arteriæ, eò magis resistunt suæ dilatationi; adeoque debet fieri sanguinis condensatio. Merito igitur ob hanc causam §. 106. lit. d, inter plethoræ effectus inflammatio numerabatur, adeoque imminutio copię liquidi, per vasa fluentis, sic disponet corpus, ut à diathesi inflammatoria quàm maximè alienum sit; potiùsque in oppositum malum vergat, hydropem nempe, qui validas liquidorum evacuationes solet sequi.

### 4. Revellendo impetum sanguinis in partes alias, frictu, frictu, epispasticis, vesicantibus, fomentis, balneis, fonticulis, setaceis, forti alvi subductione.

Hoc artificio sapiens antiquitas usâ fuit semper, uti ex Veterum monumentis apparet. Hippocrates de angina agens dicit, (a) *Sic affectis à venis quæ in brachiis sunt, sanguis detrahendus est; simulque alvus subducenda; ut; quod morbum exhibet, id avellatur.* Sic & Galenus de capitis dolore curando agens laudat revulsionem in totum corpus (b) *acribus clysteribus, & vinculis, ac multis infernarum partium frictionibus; sanguinis etiam nonnihil, si ita necessitas urget, detrahendo. Parti autem medemur, interim dum in corpus totum revellimus, ea capiti inspergentes, quæ repellendâ vim obtinent.* Plura similia loca apud eosdem Auctores

(a) Lib. de Loc. in Hom. Cap. xi. Charter. Tom. VII. pag. 370.

(b) Method. Medend. ad Glaucon. Lib. I. Cap. xvi. Charter. Tom. X. pag. 364.

occurrunt, quibus constat, quòd in plurimis morbis magnam spem curæ in revulsionibus his posuerint. *Helmontius*, in veteres Medicos ubique ferè debacchatus, risit has revulsionum nugas: & post *Harvæum* plurimi spreverunt hæc auxilia, tamquam penitus inutilia, & sanguinis circulationi cognite repugnantia. Ratione tamen & Experimentis confirmatur revulsionum in morbis utilitas: simulac enim minuitur, vel tollitur integre, resistentia sanguini per vasa propulso in quodam corporis loco, illico majori velocitate huc ruit & derivatur. Discissa sic mediocris etiam magnitudinis arteria, omnis sanguis per hunc locum, jam non resistentem, effluit. Dum excusso fœtu liberantur abdominalia vasa & viscera tantâ pressione, nisi circumductâ fasciâ pendulæ & flaccidæ fulciantur partes, sæpe tanto cum impetu versus hæc loca derivatur omnis sanguis, ut deficiat debita pressio in cerebri & cerebelli vasis, & lethali syncope pereat puerpera. Idem fit in asciticis, dum subitò paracentesi instituta omnis aqua educitur, nisi stringatur abdomen. Patet ergo, minuatâ resistentiâ in quodam corporis loco, sanguinem majori impetu & copiâ eò versus derivari. Sanguini autem corde propulso per vasa resistunt illorum plenitudo, & laterum firmitas, quâ renituntur suæ dilatationi. Omnia ergo, quæ vasa partis cuiusdam corporis deplent, vel efficiunt ut illorum latera facilius cedere possint distendenti sanguini, derivant impetum & copiam humorum in hanc partem. Si jam v. gr; consideretur, sanguinem, corde pulsûm, partim versus caput & superiora trunci corporis, partim versus inferiora distribui; patebit, depletis vasibus inferioribus, vel minuatâ horum resistentiâ, impetum & copiam sanguinis huc versus derivari, & averti à superioribus. Possibilis ergo est revulsio impetû sanguinis arteriosis à loco inflammato ad alium quemvis; inprimis si ille locus, versus quem revulsio fit, ab iisdem truncis majoribus arteriosis sanguinem suum accipiat. Sic in morbis inflammatoriis encephali exteriorem partem capitis fovet Medici, ut, per carotidis externæ ramos aucto impetu sanguinis, minor pressio urgeat capitis interiora. Dum fracti ossis callus luxuriabat, dixit *Celsus* (vide *Commentaria* §. 357.), quòd conferat (a) *aliquid de sinapi cum sicu in alterum pariter membrum impositum, donec id paululûm erodat, eoque evocet materiam*. Omnia autem revellentia vel laxant vasa, vel illa evacuant, frictione, aut stimulantibus, excitatâ frequentiori vasorum contractione in parte, versus quam revulsio fieri debet. Revulsio autem inprimis fit sequentibus.

**SUCTU.** Quod omnium optimè per cucurbitulas fit; per quas in illo loco; cui applicantur, tollitur atmosphæræ pressio, vel saltem insigniter minuitur; educto aere per anliam, aut suctionem; aut admodum rarefacto per linum accensum cucurbitulæ cavo contentum. Simulac jam in hoc loco minuitur æquabilis pressio aeris in corporis superficiem, vasa omnia plûs distenduntur; tumet, & rubescit pars; & si diu maneant applicatæ cucurbitulæ, vera inflammatio, imò & gangræna, nasci poterunt. Incantamenti instar dolores sedari, revulsione factâ per cucurbitulas applicatas, jam notaverat (b) *Galenus*. Ad menstrua cohibenda cucurbitulam quàm maximam mammis apponi iussit (c) *Hippocrates*. Difficillimas ophthalmias, vix ullis remediis cedentes, solis cucurbitulis nuchæ appositis

(a) *Medicin. Lib. VIII. Cap. x. in fine.*

*Charter. Tom. X. pag. 191.*

*pag. 542.*

(c) *Aphor. Sect. V. n.º. 1. Charter. Tom. IX. Part. II. pag. 124.*

(b) *Method. Med. Lib. XII. Cap. ultimo.*

sanatas fuisse, vidi sæpius. Quanto in usu apud Ægyptios in similibus morbis fuerint, videri potest apud *Prosperum Alpinum* (a).

**FRICTU.** Venæ inprimis, utpote facilius comprimendæ, deplentur frictione; hinc arteriæ, his venis respondentes, facilius se in venas depletas evacuant: minuitur ergo resistentia sanguini in has arterias fluxuro; adeoque majori impetu & copia huc derivatur, ut patet ex modò dictis. Ob hanc causam potest pars quæcumque corporis solâ frictione calere, rubere & inflammari: & si continuetur frictio, calor & motus augmentum toti corpori communicantur. Hinc in acutis morbis longam frictionem damnavit *Celsus*; (b) *Longè verò fritione uti, neque in acutis morbis, neque incrementibus convenit; præterquam cum phreneticis somnus eâ quæritur.*

Et paulò post frictionum usum ad revulsionem faciendam memorat, dicens, (c) *Nam & capitis longos dolores ipsius frictio levat; non in impetu tamen doloris: & membrum aliquod resolutum ipsius fritione confirmatur. Longè tamen sæpius aliud perfricandum est, cum aliud dolet: maximeque cum à summis, aut à mediis paribus corporis evocare materiam volumus: ideoque extremas partes perfricamus.*

**EPISPASTICIS.** Sic dicuntur hæc remedia ab attrahendo, quia versus partem, cui applicantur, copiam & impetum humorum deducunt. Licet jam omnia quæ vasa in parte quadam corporis laxant & debilitant, attrahentia dici possint, quia vas laxatis facilius humorum datur ingressus; tamen plerumque hoc nomine solent vocari talia, quæ acri stimulo vasa partis, cui applicantur, irritant in frequentiores & fortiores contractiones, id est, humorum vitalium per vasa motum accelerant. Varia jam hæc attrahentia acceperunt nomina, pro majori vel minori eorumdem acrimonia. Quæ levem tantum ruborem excitabant in parte, cui applicantur, phænigmi dicebantur; si major rubor, calor, pruritus, & tumor sequerentur, solebant vocari sinapismi; quia tritis seminibus sinapi parti cuidam corporis applicatis, omnia hæc phænomena sequuntur: si acriora adhuc epidermidem in vesicas attollerent, vesicatoria, vel vesicantia, dicebantur; si ignea vi urerent partes, caustica appellabantur. Omnia hæc veram inflammationem excitant in locis, quibus applicantur, illamque augere possunt, si acerrima fuerint, in gangrænam usque. Quantam autem hæc omnia efficaciam habeant ad revellendum impetum sanguinis versus alias partes, quotidiana docent *Observata Practica*. Si acutâ phrenitide laborantis pedes involvantur pasta panis cum seminibus sinapi tritis, rasurâ raphani rusticani, aut similibus; sæpe intra paucas horas, dolore & inflammatione hic ortis, levatur morbus, & resipiscere incipit æger. Quando natura molitur ex universali humorum massa fecernere nocitura, & deponere ad quædam corporis loca, solent Medici, epispasticis applicatis, vagam hæcenus materiam determinare versus tales partes, ubi minimè nocebit: & sæpe pulcherrimo cum successu. Sic in variolis, dum à primo morbi insultu crura & pedes fovebantur mollissimis decoctis, & applicabantur hæc epispastica pedum plantis, sæpius vidi, densissimæ agmine variolæ inferiora corporis occupasse; in facie autem, & artubus superioribus, paucissimas tantum erupisse. Ex quibus satis patet attrahentium utilitas.

**VESICANTIBUS.** Hæc, uti modò dictum est, sunt fortiora adhuc epi-

(a) De Medicina Ægypt. Lib. II. Cap. xiv. pag. 141. & sequ.

(b) Medicin. Lib. II. Cap. xiv. pag. 89.

(c) Ibid. pag. 89. 90.

(*spasticis*; & *parti corporis*, *cute testæ*, applicata solvunt epidermidem, illamque attollunt in vesiculas, liquido distentas, & inde nomen habent. Omnia jam, quæ validissimam inflammationem excitare valent, sunt etiam vesicantia; dum enim inflammatio in gangrænam transit, bullulæ epidermidis primùm ferè nascens gangræne signum dant: sic & ignis vivus epidermidem in vesicas attollit. Acerrima hinc omnia remedia, ut ranunculi pratenses, hydropiper, sedum minus acre, &c, si vel majori copiâ, vel diutius, applicata maneant corporis parti cuidam, vesicas excitant. Omnium tamen maximè in usu sunt cantharides: quæ insecta arida & exsucca, per triginâ annos & ultra in officina servata in vase vitreo, satis etiam negligenter clauso, tamen vim suam retinuisse novi. Tritæ cantharides, sed rudius, emplastro tenaci miscentur, vel & pastæ panis; & parti, versus quam revulsio debet fieri, applicantur per octo vel decem horas; intra quod tempus solent vesicæ elevatæ apparere. Si enim nimis diu relinquuntur cantharides, irritando pulpam illam nervosam, epidermidi subjectam, sæpe intolerabiles dolores excitant; imò & aliquando molestissimam stranguriam faciunt, & mictum cruentum.

Cùm autem omnia hæc insignem acrimoniam habeant, & irritando partem, cui applicantur sæpe motum sanguinis in toto corpore augeant (quod tamen repugnat indicationi in hoc casu, ut patuit numero 2, hujus paragraphi) ideo in illorum usu majori cautelâ semper opus erit.

**FOMENTIS BALNEIS.** Hæc ex aqua, additis simul talibus, in quibus vis emolliens & laxans adest, fieri solent. Quæ autem omnia tantum agunt, quatenus, laxatis solidis, minuunt resistentiam laterum vasorum; unde facilius dilatantur, quamvis maneant eadem causæ vasa distendentes. Omnium efficacissima sunt balnea vaporis: solius enim aquæ tepidæ halitui exposita pars corporis per quadrantem horæ incipiet tumere. Ubi autem revulsio fieri debet versus tales corporis partes, quæ commodè balneo immergi nequeunt; tunc fomenta balneorum vicem pulchre supplent; modò calida retineantur.

**FONTICULIS.** Discinditur cutis ad panniculum adiposum usque; vel & in illis, qui inani metu ferrum repudiant, cauterio potentiali eroditur. Vulneri sic factò imponitur globulus ex auro, argento, ebore, vel aliâ quacumque materiâ non facile mutabili, emplastroque tenaci sic firmatur, ut loco moveri nequeat. Sic heterogeneo corpore interposito inter vulneris facti labia impeditur horum concretio; levis confusio fit in toto ambitu vulneris à duro hoc corpore appresso; inde inflammatio quædam quotidiana & levis irritatio in parte, versus quam impetus arteriosus sanguinis derivari debet. Profunt inprimis fonticuli talibus ægris, qui adeo flexiles habent solidas partes, ut minimo excessu impetus facillimè dilatarentur vasa, & errore loci crassiores fluidorum partes admittant. Sic v. gr; illis, qui levissima de causa ophthalmiâ laborant, toties profuit fonticulus. Ubi autem valida inflammatio partem quandam subito occupat, patet facillè, fonticulorum usum inutilem esse; nam poterit pars affecta diu corrupta esse per gangrænam, antequam fonticuli aliqua efficacia posset expectari. Idem verum est de.

**SETACEIS.** Plerumque nuchæ solent imponi. Tenaculo arreptam cutim unâ cum panniculo adiposo elevat Chirurgus; dein crassâ acu, ad hanc operationem paratâ, pertundit, silumque crassius in vulnere factò relinquit; quod quotidie trahitur per vulnus; unde irritatio, & inflammatio continua loci, in quo setaceum hæret. Similes usus habent ac fonticuli; sed plerumque majorem do-



lorem & irritationem faciunt. Pertinacissimos capitis dolores, nullis aliis remediis cedentes, revulsione sacra per setaceum curatos vidi; & plurima apud optimos Auctores habentur Exempla, quibus hoc confirmatur. Mirum talem casum habet *Ruyfchius* (a). Puella octodecim annorum, sanguineæ temperiei, capitis dolore assiduo & intolerabili torquebatur. Incausum adhibita fuerant efficacissima in similibus casibus remedia, purgantia, venæsectio repetita, vesicatoria, sternutatoria, cucurbitulæ. Imò cruciali incisione integumentorum capitis, quam larga sequebatur hæmorrhagia; frustra adhibita, cogitabant celebres in Arte Viri de cranii terebratione instituenda. Antequam tamen ad ultimum hoc & crudele remedium pergeretur, proposuit *Ruyfchius* setacei applicationem; quo facto, statim dolor evanuit; cùmque postea ægra, molestiarum pertæsa, filum auferret, sopitus hæctenus recruduit dolor; novo setaceo applicato, statim cessans, Sed tertiâ vice setaceo ablato molestissima cephalalgia rediit, cedens tamen statim, dum novum applicaretur.

**FORTI ALVI SUBDUCTIONE.** Quantum prodesset in morbis inflammatoriis impetum & copiam humorum minuere alvum ducendo, & quænam purgantia tunc convenirent, dictum fuit numero 2, hujus paragraphi. Notandum autem, eadem etiam prodesse ad revellendum impetum à parte inflammata, imprimis si in superioribus corporis partibus hæserit malum. Tanta enim potest derivatio fieri per vasa mesenterica versus intestinorum cavum, ut nulla ferè superfit sanguinis pressio in vasis encephali: unde fortiora purgantia toties vertigines, imò & animi deliquia, sequuntur. In Ophthalmiis, dum tota adnata rubet, sanguine crasso minora vasa ingresso; dato fortiori purgante, dum pallor faciem & oculos occupat, repulso sanguine in majora vasa, sæpe tam felix & subita curatio fit. Clysmata frequenter injecta hunc effectum pariter faciunt; partim laxando, partim leni stimulo derivando humorum impetum versus hæc loca. *Hippocrates* de curatione doloris aurium agens, postquam cucurbitularum applicationem in parte averfa jusserat ad avertendam fluxionem; dicit (b) quoddam si per hæc dolor minimè sedetur, ... medicamentum quod deorsum dejectionem moveat, propinato; sursum autem minimè, quum vomitus nihil conferat. Et paulò post de ophthalmiis agens addit, quoddam si subito oculi inflammationem concipiant, nihil omnino illine; sed aut fortissimo in infimis partibus urito; vel alio quopiam alvum subducente medicamento attenuato; & cautione adhibita ne vomitum provokes. Ex quibus patet, Veteres Medicos purgantia adhibuisse, ad revulsionem faciendam à locis inflammatis, & quidem talia, quæ satis fortiter agerent; utitur enim in hoc loco *Hippocrates* vocabulo *ἀντιφlogιστικόν*, quod extenuationem corporis, & vasorum collapsum per validam evacuationem, significat. Vomitus autem sollicitè vitari jussit ideo in his casibus, quia sanguinis copia & impetus versus caput augentur, dum vomitus fit; uti facillè patet, si vomentem hominem quis adspiciat: oculi enim rubent, lacrymantur, labia & tota facies distendantur, & sanguine turgent.

5. Aere subfrigido, sicco; affectibus animi nullis, vel sedatis; quiete naturali, vel artificiali; victu tenui, liquido, antiphlogistico, poru simili; medicamentis diluentibus & refrigerantibus simul.

(a) Observat. Chirurg. n°. xi. pag. 39.

(b) Lib. de loc. in hom. cap. vi. *Charac.* Tom. VII. pag. 364.

Agitur hoc numero de illis, per quæ motus humorum per vasa sedatissimus fieri possit, ut impediatur ulterior læsio vasorum inflammatorum.

**AERE SUBFRIGIDO, SICCO.** Quatenus nempe pulmonibus recipitur inter respirandum. Sanguinem enim ex corde dextro per arteriæ pulmonalis angustias pulsuum quàm celeritè ab hoc attritu calefcere, & refrigerio aeris indigere, ex Physiologicis constat. Si autem aer externus incaluerit nimis, non poterit hoc refrigerium inde expectari. Constitit autem pulcherrimis Experimentis in vivis animalibus capitis, solo hujus refrigerii defectu acutissimam febrem nasci, paucis etiam horæ minutis lethalem, dum in aere calidissimò versarentur hæc animalia (a). Patet ergo, aerem subfrigidum multùm conferre ad pacatam sanguinis circulationem. Siccus autem aer humido semper præfertur, cæteris paribus; & humidus aer, si frigidus simul sit, nimio posset peccare refrigerio. Observatur enim semper, homines autumno & hyeme ad sensum majus frigus percipere, si humidus aer fuerit, quàm si siccus; licet tamen thermometra eundem gradum caloris novent: quod videtur fieri, quia aer corpus nostrum ambiens citiùs calefcit à calore corporis, si nullam aquam habeat, vel saltem minimam copiam; nam (b) quò densior corpora, sive fluida fuerint, sive consistentia, eò pluri tempore egent, ut ab eodem igne æqualiter incalēscant.

**AFFECTIBUS. ANIMI VEL NULLIS, VEL SEDATIS.** Possè motum circulatorium sanguinis accelerari admodum per validos animi affectus, constat quotidianis & certissimis Observatis. De hac re dictum fuit etiam §. 95, n°. 1. Unde patet sedulò hos vitandos esse; si verò nati fuerint, sopiendi illico. Quomodo autem hoc fieri possit, dictum fuit in *Commentariis* §. 104.

**QUIETE NATURALI VEL ARTIFICIALI.** Quantum possit quies in omni morbo, in quo nimia circulationis velocitas adest, vel surura temitur, dictum fuit in *Commentariis* §. 105. Dum autem nullis animi affectibus turbatur mens, nihilque validè agit in sensuum organa, solet sponte subrepere pacatissimus somnus. Unde in morbis omnibus acutis inflammatoriis tenebricoso in loco decumbere faciebant ægros veteres Medici, ab omni strepitu remotos. Si verò per hæc quies nondum possit conciliari, tunc præmissis illis, quæ præcedentibus numeris dicta sunt, anodynorum usus factus tutus erit. Videantur de his illa, quæ dicta sunt in *Commentariis* §. 202, & 229, n°. 2.

**VICTU TENUI, LIQUIDO, ANTIPHLOGISTICO.** Ut restituatur illa, quæ inevitabili vitæ & sanitatis effectu quotidie pereunt de corpore, requiruntur alimenta, quæ, licet optima fuerint, semper tamen alienam indolem habent, & per viscerum & vasorum actionem debent mutari in naturam nostram. Dum autem hæc permutatio & subactio ingesti alimenti sit, si illud, vel nimis copiosum fuerit, vel non facitè permutabile, oritur etiam in sapis & robustis corporibus febricula; per quam vel subigitur, vel expellitur illud, quod turbas has excitat. Imò quotidie ferè aliquor post prandium horis quivis etiam sanus in se ipso augmentum celeritatis in pulsu observat. Quò autem debiliores fuerint vires illæ permutantes cruda ingesta in bonum sanguinem, eò major acceleratio morbis circulatoriū ab assumtis alimentis. Si debilis puella fumo induratas carnes, pingue lardum, vel similes difficilis digestionis cibos sumserit in prandio, febricitabit

(a) Boerhaav. Chem. trad. de igne, Exper. XX. Coroll. xvi. Tom. I. pag. 17. & sequ.

(b) Ibid. Experim. XXI. pag. 150.

certò post aliquot horas. Phthisici, quos sensim hectica febris depascitur, etiam à lactis usu copiosiore augmentum suæ febris percipiunt. Cum autem ingestorum assimilatio in naturam liquidi vitalis sani pendeat inprimis ab actione solidorum in liquida, & magnâ copiâ humorum jam coctorum, cui sensim pauculûm crudi chyli miscetur (vide *Commentaria* §. 25.); & per sanguinis missionem & alvi ductionem, numero 2 & 3, hujus paragraphi præscriptas, ad curam inflammationis per resolutionem, subducantur humores cocti & minuatur circulationis impetus; pater evidenter, in victu non posse usurpari nisi talia, quæ facillimè subiguntur. Omnia ergo, quæ levissima etiam actione viscerum chylopoieticorum in bonum chylum possunt mutari, & deinde pulmonis & arteriarum inprimis efficaciam facillimè ulterius perfici in sanguinem, huc conveniunt. Lactis hinc ferum, inprimis acidulum illud, quod ex lacte ebutyrato paratur, lac duplò vel triplò aquæ dilutum, prisa hæc hordeaceæ, avenaceæ, &c, fructuum horæorum recentes succi tanti in his casibus usus sunt; inprimis si parçâ copiâ simul, & repetitis sæpe vicibus ingerantur. Talis enim victus nunquam gravabit corpus, si nîlque gratum refrigerium illi inducet, quod in morbis acutis inflammatoriis adeo prodest. Spontaneo hinc appetitu, æstivis caloribus summis, sani etiam homines, & in morbis calidis ægri, tenues liquidos refrigerantes cibos appetunt, à contrariis verbò abhorrent: & contrà hyemali sub frigore, & in morbis languidis frigidis oppositus victus prodest. Paucis verbis, ut solet, hæc expressit *Hippocrates* dicens (a) *Imbecilli victus, frigidi; valentes verbò calidi.*

POTU SIMILI. Succus citri, vel aurantiorum, cerasorum, ribesiorum; vel illorum Syrupi aut sapæ inspissatæ, quæ in Officinis prostant, magnâ copiâ aquæ diluta, gratissimum potum exhibent; cùmque ingens horum varietas esse possit, & omne tenue liquidum ad hunc usum conveniat, poterit facillè ex his seligi tale, quod ægro placeat.

MEDICAMENTIS DILUENTIBUS ET REFRIGERANTIBUS SIMUL. Hæret sanguis arteriosus immeabilis in canalibus minimis, & impetu à tergo urgentis liquidi premitur & atteritur, utl patuit ex definitione inflammationis data §. 371; & demonstratum fuit §. 382. n°. 6, calorem intensum sequi hunc attritum. Ut ergo ulterior læsio vasorum inflammatorum impediatur, conveniunt talia remedia, quæ & diluendo concretum, obstructionem solvere possunt, & nimium calorem natum tollere. Diluens tantum unicum propriè loquendo habetur in hoc casu, aqua nempe; & reliqua omnia medicamenta tantum diluunt ratione aquæ; quam continent: sed statim dictum fuit, liquidos cibos & tenues potus hic convenire, id est, aquosos; unde & unâ cum medicamentis conspirabunt, ut dilutio fiat. Refrigerantia autem medicamenta sunt talia, quæ nimii caloris causas tollunt, vel minuunt. Sed in *Commentariis* §. 382, n°. 6 & 8, demonstratum fuit, calorem nimium, inflammationis comitem, nasci ab auctâ circulatione & attritu valido solidorum in liquida, & liquidorum in solida in vasis inflammatis, utl & in vicinis adhuc perviis, sed à tumore obstructorum accumbentium angustatis. Ergo refrigerantia remedia erunt omnia illa, quæ densitatem nimiam fluidi tollere possunt, vasa infarcta laxare, & nimium impetum circulationis minuere. Omnia ergo aquosa non tantum proderunt diluendo, sed etiam simul sunt refrigerantia. Observatur enim, eò frigidiorum esse corporis temperiem, quò major aquæ

(a) *Epidem. Lib. VI. Comment. IV. text. XVIII. Charter. Tom. IX. pag. 494.*

copia in corpore adest; & contrà, eò majorem adeste calorem; quò minùs dilutus sanguis est: hinc hydropicis omnia frigent, robullis verò & exercitatis hominibus calor magnus adest. Simul autem aqua prodest, quatenus solidas partes corporis laxat, uti dictum fuit in *Commentariis* §. 35 & 54. Sed sanguine per aquosa diluto, & laxatis vasis, semper minuitur circulationis impetus, uti patet evidentissimè in debilibus puellis, quæ aquosorum potuum tepidorum abusu in tantos languores incidunt. Ubi ergo spes est, inflammationem resolvì posse; basis omnium medicamentorum antiphlogisticorum est aqua: cui adduntur mollissima farinosa, ut magis laxentur vasa; & solventissima remedia, ut concretum inflammatorum attenuetur, & meabile reddatur. Variæ jam poterunt esse talium remedium formulæ; quarum specimina quædam in *Materia Medica* ad hunc numerum habentur. Notandum etiam est, sanguinis missionem, & purgationem alvi, de quibus numeris 2 & 3, hujus paragraphi dictum fuit, in morbis inflammatoriis refrigerium facere.

6. Sedando impetum in ipso loco, applicatis refrigerantibus, repellentibus, adstringentibus externè, admistis anodynis, tum aperientibus, variâ pro re nata, mixturâ.

Hactenus dictum fuit de illis auxiliis, quæ mutando alias partes, vel & totum corpus, ulteriorem vasorum læsionem impediunt: nunc agendum de illis, quæ ipsi loco inflammato externo applicata nimium impetum humorum sedare valent. In *Commentariis* §. 382. n°. 8, dictum fuit, à fibrarum irritatione in loco inflammato accelerari, motum humorum, & in parte affecta, & in toto corpore. Omne ergo, quod applicatum parti inflammatae poterit tollere hanc irritationem, sedabit impetum. Sed hæc irritatio fiebat inde, quia sanguisurgens vasa obstructa distrahebat illorum latera; omne ergo, quod obstructionem naturam solvere poterit, & liberam viam sanguini expedire per vasa aperta, tollit hanc irritationem. Duplici autem modo hoc fieri poterit, vel laxando sic vasa obstructa, ut transmittant per ultimos suos fines in venas immeabiles moleculas; vel sic constringendo vasa per refrigerantia, repellentia, aut adstringentia, ut retroPELLANTUR obstructus immeabile ex angustis, quibus hæret, versus latiorē locum vasis. Posterior hæc methodus in cura inflammationis apud veteres Medicos usitata fuit satis frequenter, quando à nulla causa evidente prægressa subitò inflammabatur pars quædam corporis; tuncque à fluxione deducebant mali originem: *Galenus* de hac re agens monet, quosdam, Methodicorum sectæ addictos, Medicos dixisse, inflammationes omnes laxantibus indigere, quia adstrictas affectiones esse credebant (notum enim est, hanc sectam Medicorum à stricto & laxo morborum causis deduxisse) & postea plurimos temere hanc opinionem secutos fuisse. Paulò post autem subiungit, quòd & ratio & experientia suadeant, post debitas evacuationes, partem inflammatam perfundendam & illiniendam esse talibus remediis, (a) *quæ influentis humoris repellendi vim habeant*; simulque vacuarent illum, qui jam in affecto loco continetur; tonumque & robur affectis partibus redderent. Laudavit autem ad hos effectus præstandos, semper vivum, malicorium, rhus, &c, in quibus

(a) *Method. Medendi*, ad *Glaucon*, Lib. II, cap. 11. *Charter*. Tom. X. pag. 370.

vis refrigerans & adstringens satis manifesta adest. Et in sequenti capite ejusdem libri dicit, quod inflammationes ab aliis causis, non autem subita tali fluxione, nascuntur, (a) humectare ac calefacere nihil vetat.

Ex modò dictis ergo, uti & ex illis, quæ habentur in *Commentariis* §. 390, ubi agebatur de effectu frigidorum actu vel potentia applicatorum loco inflammato, patet, aliquando, sed non semper, prodesse refrigerantium, repellentium, & adstringentium usum; & requiri cautelam in horum applicatione, cum magnopere lædere possint, si non profuerint. In levioribus inflammationibus pulcherrimè sæpe profunt, si in principio adhibeantur; sic ophthalmias incipientes solà aqua frigida applicatà toties curatas vidi. Ubi autem vetustior jam morbus est, inflammatorium illud obstruens vas quasi incuneatum (uti *Galenus* (b) optimè dixerat in loco citato §. 390. non patietur se retropelli facilè: unde angustatis per hæc vasis, & fluidis coagulatis, augebitur malum. In hoc casu ergo laxantia aperientia, quæ vasa expediunt, & materiam obstruentem solvunt, conducunt. Prudentis ergo Medici est pro re nata varia seligere remedia.

Utiliter etiam his videntur admisceri posse anodyna, sive dolorem sedantia medicamenta. Dictum fuit in *Commentariis* §. 202, illa remedia, quæ dolorem sedant, agere triplici modo: vel enim tollunt doloris causam; vel partem corporis, cui causâ dolorifica applicatur, sic disponunt, ut minùs afficiatur ab hac causa, vel denique manente causâ doloris; nullâque mutatione inductâ parti affectæ, tollunt doloris sensum. Omni ergo modò memorata erunt anodyna, quatenus aperiendo canales obstructos & laxando, aut repellendo immeabilem materiam ex angustis versus loca latiora, tollunt doloris causas; aut partem affectam sic disponunt, ut minùs afficiatur ab eisdem causis. Sed præter hæc possunt & adhiberi illa, quæ doloris sensum sopiunt in parte, cui applicantur; modò simul non negligentur illa auxilia, quæ doloris causas tollere vel emendare valent. Solani hinc, hyosciami, cynoglossæ, & similibus folia, fomentis, locis inflammatis applicandis, addere licet: nam doloris validi effectus (uti dictum fuit §. 226.) sunt febris, calor, sitis, siccitas, &c., quæ omnia nocent partibus inflammatis: cumque plurima ex his malis à doloris sensu oriantur (vide §. 229. n°. 2.), patet facilè, multum boni expectandum esse ab illis remediis, quæ doloris sensum obdunt.

§. 397. **LÆSIO** facta tollitur usu eorundem (396): nam distractione nimia laxatâ, propria fibræ vis priscam formam restituit; & nutritio vires reddit.

Læsiō facta erat distensio vasis obstructi à pressione liquidi vitalis urgentis locum obstructum. Cum ergo omnia, præcedenti paragrapho recensita, impetum sanguinis vel minuant, vel avertant; patet facilè, læsionem factam per eadem remedia tolli. Quamdiu enim resolutionis spes superest, nondum soluta est vasorum cohesio, licet validè distracta fuerint. Unde, simulac obstructio resoluta fuit, sensim proprio robore redeunt in priorem dimensionem distractæ fibræ: totum enim malum, quod tunc superest, est debilitas fibræ à nimia distractione

(a) Ibid. pag. 371.

(b) Method. Med. Lib. XIII. cap. vi.  
Charact. Tom. X. pag. 301.  
Kkkk ij

facta vide §. 25. n°. 3.) , quæ curatur, si causæ diffrahentes tollantur ( vide §. 28. n°. 5.) & idoneis alimentis, per vim vasorum & viscerum mutatis, restituantur illa, quæ perierant. Quò jam firmiora & magis elastica fuerint vaia, quæ per inflammationem distenta fuerunt, eò citius redeunt in priscam formam; & contrà, quò tenerioribus in vasis hæserit inflammatio, eò longius tempus requiritur, antequam his redeat debitum robur. An fortè inde ratio deduci potest quorundam phenomenorum, quæ post morbos inflammatorios encephali, resolutione sanatos, sæpe diu supersunt? Accidit enim aliquando post phrenitidem, aut deliria in febribus acutis, variolis, &c, fatis, valida, sanatis his morbis, superesse ingentem debilitatem, vel & perturbationem omnium vel quarundam tantum functionum, quæ ab encephalo pendent. Si tunc vesicatoriis, catharticis, sudoriferis, & similibus evacuantibus, aut validè moventibus, tentetur cura, omnia in pejus ruunt: sensim temporis & naturæ commissâ hæc mala evanescent. *Sydenhamus*, qui in rimenda tectissimorum etiam morborum indole adeo sagax erat, suo hanc rem confirmat suffragio (a). Observaverat enim in febre continua epidemica, quæ citissimè caput petens phrenitidem facere solebat, post evacuationes generales, per venæsectionem & cathartica factas, coma aliquando supervisse; quod tamen post multos dies sensim evanescebat, modò quotidie læsto surgeret æger, neque validis remediis vexaretur. Videtur enim in similibus casibus æquabilis humorum per vasa encephali motus utcumque turbatus manere, donec redierit vasculis, nimia distentione debilitatis, pristinum robur.

§. 398. **MATERIÆ** obstruenti conciliatur fluiditas, si illa attenuatur, si diluitur,

1. Vasis oscillationes elasticas restituendo per imminutionem distendentis liquidi, misso sanguine, purgatione multâ; per stimulum additum fibris ope liquidi tenuis, aromatici, calidè epoti, fermentis, frictionibus, cucurbitis, scarificationibus.

Tertium requisitum ad curam inflammationis, quæ resolvendo fit, erat, ut materiæ obstruenti fluiditas & lenitas concilietur & conservetur (vide §. 395.) Unde jam ordine tractandum est, de methodo & auxiliis, quibus hoc obtineri poterit: ac primò quidem de illis, per quæ fluiditas conciliatur tali materiæ imbecilli, ut per vasorum fines angustissimos sine impedimento transire possit. Duplici autem modo inprimis videtur hoc fieri posse; vel diluendo, quando nempe aqua admisione & interpositione suarum partium separat adunatas sanguinis moleculas; vel attenuando per attritum vasorum & frictiones, aut & talia remedia, quæ particularum suarum figurâ & rigiditate dividere possent illa, quæ concreverant. Possunt deinde diluentia & attenuantia sic combinari, ut conspirantibus viribus majores effectus faciant.

1. Sanguis noster sponte suâ in concretionem tendit, si quiescat; & quidem eò magis, quò fortior homo est: jugis ergo motus requiritur & mutatio situs in sanguinis particulis, ut impendantur à concretionem: & per eundem hunc motum

iterum solvitur illud, quod jam inceperat concrefcere. Dum homo in animi deliquium cadit, flagnat in magnis venofis receptaculis circa cor fanguis; & in primis magnâ copîâ inter cor dextrum & pulmonem in finu venofô & auriculâ colligitur, & incipit flatim ad concretionem difponi. Si aquâ frigidiffimâ, corpori adperfâ, homo talis incipiat revivifcere, mox valida nafcitur cordis palpitatio; lentefcens jam fanguis, & in polyposos quali flocculos mutari incipiens, in pulmonalis arteriæ anguftiis hæret; contractâ arteriâ pulmonali hi flocculi retroprimuntur; ficque eunt & redeunt, donec tandem repetito hoc attritu ad vaforum latera folvantur; tuncque omnis anxietas ceffat, & libera iterum patet fanguini, corde dextro expulfo, per pulmonalis arteriæ anguftias via. Idem effectus expectari poterit, fi vafis inflammatis refituantur ofcillationes elasticæ, quibus antea movebantur. Si enim confiderantur illæ caufæ, per quas in fanitate vafa noftra moventur; patebit, in vafe inflammato debere deficere motum illum ofcillatorium, per quem nunc diftenduntur, nunc contrahuntur iterum. Dum enim cor contrahitur, omnem fanguinem cavis fuis contentum expellit in arterias plenas; quæ ergo, cum flexiles fint, dilatantur, momento poft, dum cor eft in diaftole, arteriæ propriâ elasticitate & actione fibrarum fuarum mufcularium contrahuntur iterum; unde fanguis harum cavis contentus propellitur; cumque valvulæ aortæ impediunt, quominus fanguis verfus cor retroprimi poffet, hæc vi fanguis ex arteriis derivatur in venas. Si jam concipiatur, obftaculum hære in arteriæ cavo, quod liberum fanguinis tranfitum impediat, fanguis vi cordis impulfus, dilatare poterit talem arteriam; fed non poterit momento fequenti contrahi arteria dilatata, quia fanguis ejus cavo contentus per obftroctum finem tranfire nequit, & retrogreffum impedit à tergo urgens impetus vitalis liquidi. Manebit ergo talis arteria diftenta & plena, fed immota; cum ejus elasticitas & vis mufcularis non poffint superare refiftentias. Quomodo jam poterit reftritu ofcillatio in hac arteria? Solâ imminutione liquidi diftendentis. Sed obftroctus finis negat tranfitum in venam; unde nihil fupereft, quàm fic minuere copiam & impetum vitalis liquidi, ut naturalis arteriæ contractio ejus efficaciz prævaleat, adeoque contentus fanguis retroprimatur verfus arteriæ bafim. Obftroens tunc illud immeabile, non amplius preffum fluido à tergo urgente, arteriæ contractione pariter ibi verfus latiorum locum (nifi fic impactum fuerit his anguftiis, ut penitus immobile fit), momento autem fequenti pelletur in priores anguftias, ficque hoc ita & reditu atteretur ad latera vafis & vicinas fanguinis alluentis moleculas; unde merito attenuatio & divifio concretarum molecularum expectari poterunt. Quod autem mafculæ concretæ fic iterum folvantur, ut per arteriarum ultimas anguftias tranfire poffint, ad oculum patuit in Experimento pulcherrimo *Leeuwenhoeckiano*, cujus mentio facta fuit in *Commentariis* §. 132. n°. 1. Quomodo autem & copia, & impetus diftendentis fluidi, minui poffint per venæfectionem & purgationem alvi, dictum fuit numeris 2 & 3; præcedentis paragraphi. Quantum verò poffit imminutio liquidi diftendentis ad refituendam vaforum ofcillationem, à nimia plenitudine fuffocatum, in plethoricis patet; in quibus fæpe pulfus arteriæ vix poteft percipi, fi ad fummum gradum plethora pervenerit: dum autem ingenti fanguinis miffione nimia minuitur copia, mox pulfus infurgit, & omnes functiones, antea ferè fuppreffæ, refituntur.

PER STIMULUM ADDITUM FIBRIS OPE LIQUIDI TENUIS

Kkkk ij

AROMATICI, CALIDE EPOTI. Demonstravit celeberrimus *Baglivus* in tractatu, quem scripsit de *fibra motrice & morbosa* (a), solidis corporis partibus inesse talem proprietatem, ut irritata à stimulis miras sæpe turbas excitare possint; sive aucto naturali, quem secundum sanitatis leges exercere solent, motu sive eodem omnino perturbato. Per Experimenta certissima constat, in majoribus partibus stimulos hunc effectum facere. Ingesta alimenta, motu ventriculi & intestinorum sensim per omnes horum gyros & anfractus deducuntur usque ad finem intestini recti, totòque hoc itinere spoliata omni solubili, tandem excernuntur de corpore: si autem purganti stimulo irritentur intestina, brevi admodum temporis spatio ingesta per alvum deturbantur, accelerato motu peristaltico propulsa. Acræ venena, dum internam intestinorum superficiem rodunt, faciunt sæpe sic contrahi intestina in omnibus locis, quæ tangunt, ut integre claudantur; unde, intercepto aere elastico, enormes adeo abdominis tumores tunc aliquando observantur. Imò hæc irritabilitas adeo tenaciter multis corporis partibus adhæret, ut etiam post mortem, imò in & iisdem à reliquo corpore resectis, diu superstes maneat. *Verulamii* Observatio docuit, (vide *Commentaria* §. 1.) cor hominis evicerati in ignem projectum saltasse in altum, & motum hunc continuasse septem vel octo minutorum spatio. Dum in fele, post abortum demortuâ, licet diu jam obriguisset, abdomine ac pectore reterato, cisternam chyli inflaret *Peyerus*, obstupuit, aere ad cor delato, aurículas primò, dein totum cor vibrare per plures horas. Dum fortuito hoc casu incitatus idem tentabat in humanis cadaveribus, parem habuit successum; sic tamen ut in quibusdam facilius, in aliis verbò difficilius cordis motus resuscitaretur; & aliquando præter aerem insufflatum, quem calidum esse expedit, etiam externo fotu opus haberet. Suspensorum autem corda facillè motum recipere, & servare receptum diutissimè, Experimentis didicit (b). Ex quibus omnibus apparet, fibras viscerum & vasorum, stimulis applicatis etiam satis levibus, incitari posse ad majores motus. Dum sanissimus homo nimiam copiam salis, vel aromatum, aut vini sumsit, stimulis his irricabuntur vasa & cor in celeriores motum, & nascetur febris. Ubi ergo obstructa vasa, impetu vitalis liquidi à tergo urgentis, distenta fuerunt admodum & diu, sæpe fibræ nimis distractæ vires suas amiserunt, neque satis reagunt in fluidum contentum. Postquam ergo per venæsectionem & purgantia, subducta sunt distendentis liquidi copia, & minutus sanguinis arteriosus impetus, proderit dare talia remedia, quæ sanguini mista, & per canales arteriosos circumducta, blando stimulo possunt irritare fibras vasorum, ut fortiori vi contrahantur, sique atterant & dividant obstruentes moleculas, ut per angustias vasorum sine molestia transire possint; tunc enim inflammatio sanata erit per resolutionem. Huic autem scopo inserviunt blanda aromata, quæ largâ aquæ copiâ insusa potantur, lignorum santalorum, sassafras, quinque radicum aperientium & simillium infusum, vel leve decoctum, quæ nunquam in tali casu nocere poterunt. In *Materia Medica* ad hunc numerum talis formula habetur.

Dum autem talia remedia largâ copiâ assumuntur, ut illorum efficacia determinetur versus partem affectam, profunt fomenta, frictions, cucurbitæ, scarificationes: de quorum omnium usu actum fuit in *Commentariis* §. 134. Frictio-

(a) Lib. I. cap. XI. p. 355. & sequ.

(b) *Peyer, Parerg. Anatom. pag. 199.*



nes autem in hoc casu profunt, quia perfectè imitantur & suppleant alternâ prefione & relaxatione vasorum actionem in fluida. Facile autem patet, lenissimas tantùm hic requiri frictions; neque illas unquam adhiberi posse locis inflammatis, nisi postquam tensio & dolor per evacuantia, & impetum sanguinis minuentia remedia, integre sublata fuerint; vel saltem plurimùm imminuta.

## 2. Nova liquida tenuia, aquosa, calida potando, impacta diluendo.

Postquam per evacuantia subducta fuit magna pars liquidorum, & vasorum oscillationes restitutæ fuerunt, nihil magis convenit ad curam inflammationis per resolutionem, quàm replere vasa tali liquido, quod per omnia etiam minima vasa facillimè transire poterit. Aqua autem has dotes habet; & subtilissima nostrorum fluidorum pars, quæ sub sensu cadit, aquam ferè omni dote refert; unde patet, aquam per minima etiam corporis vascula transire posse. Hæc calida potata summum remedium in omnibus morbis inflammatoriis dat: circulationis lege enim deducta ad illa loca corporis, ubi obstruens illud inflammatorium hæret impactum, illud alluet; vasorum efficaciam cum illo coneretur; sicque sensim se interponens inter concretum hujus moleculas, illas separabit à se mutuo & diluet. Quantum autem possit in referendis obstructionibus aqua diluendo & attenuando, dictum fuit in *Commentariis* §. 134, & 135. Simulque notandum est, reliquis omnibus, quæ concretum inflammatorium attenuare & solvere possunt, auxiliis, aquam pro vehiculo servire. Omnes ergo potus tennes, in quibus aqua prædominatur, hic tanti usus sunt: serum lactis, hydrogala, cerevisia tenuis & mollis, hordei, avenæ, &c., decocta, cassiæ & theæ infusum, præcipua sunt.

## 3. Utendo attenuantibus, resolventibus, & oppositis genio obstruentis, internè, externè; formâ decocti, balnei, fotus, vaporis, cataplasmatidis, emplastri, unguenti specie.

Quamvis aqua, plurima concreta dissolvere possit, ut omnia salina, Gaponacca, mucosa, gelatinosa, &c., tamen & multa sunt, quæ aquâ solâ solvi nequeunt. Ob hanc causam unà cum aquosis sumuntur talia remedia; in quibus vis solvendi cognita est. Seliguntur autem illa, quæ obstruentis genio opposita sunt. Obstruens autem in hoc casu est sanguis ruber, vel & tenuius liquidum immeabile, in propriis vasis hærens, aut per errorem loci alienis vasis impactum; simulque adest major motus & calor, qui in putredinem quàm maxime vergere faciunt nostros humores (vide §. 4. n°. 84. & 5.); unde attenuantia concretum inflammatorii simul debent esse putredini quàm maxime adversa. Pulcherrima jam talia habentur remedia cognita in Arte, in quibus simul & summa vis solvens, & antiseptica simul virtus est. Mel, veteribus Medicis adeo usitatum in omnibus morbis inflammatoriis, has dotes egregiè possidet; ejus enim usu immodico, vel & nimis diuturno, sic solvi potest totus sanguis, ut aquæ instar per alvum dilabatur; interim tamen omnes vegetabilium partes melle condiuntur, & conservantur quàm optimè ab omni corruptela. Imo Babyloniorum sepulturas in melle fieri me-

moriz tradidit *Herodotus* (a). Saccharum, tanto hodie in usu, simili valet efficaciam: fructuum horarum recentes succi, cichorei, taraxaci, scorzonaræ, tragopogoni, &c, solventissima decocta, tanto cum fructu in hoc casu adhiberi possunt. Inter salina attenuantia nitrum reliquis præfertur, quia reliqua (vide §. 135. n°. 2.) vel alcalina sunt, hincque nostros humores in putredinem magis disponunt; vel stimulis suis, non adeo faciliè superandis à vi vasorum & viscerum, imperum sanguinis arteriosi nimis augerent. Variæ jam inde & satis gratæ possunt fieri remedium formulæ, pro usu interno; simulque proderit & externè parti inflammatæ applicare similia, per balnea, fomenta, vapores, cataplasmata. Externa autem hæc remedia non tantum videntur agere, quatenus aqua, attenuantibus remediis dives, se per bibulas cutis externæ venas insinuans, & sanguini mista communi circulationis lege defertur per omnia corporis loca; vel & per derivantia, attrahentia, propellentia (vide §. 134.) determinatur magis versus locum inflammatum; verum etiam quatenus eadem hæc remedia, aqua diluta, se per arterias ipsas introducunt; scilicet directè ad ipsa loca obstructa pervenire poterunt integris suis viribus. Illa enim arteriæ pars, quæ ponè locum obstructionis hæret, vacua est, & nullus illam urget impetus sanguinis corde impulsus, omnisque rami talis arteriæ, qui ultra obstructionis locum ex illa prodeunt, pariter vacui erunt. Unde illà vi, quæ fistulæ minimæ cavæ contigua fluida trahunt, ingreditur hos ramos liquidum applicatum. Dum ergo & interna & externa remedia sic conspirant, ab utraque parte molecule immixtibiles, in vasis obstructis hærentes, alluuntur attenuantibus. Si tunc simul oscillationes elasticæ reflexitæ fuerint, patet faciliè, has moleculas teri quasi cum his remediis, atque sic solvi posse, si adhuc ulla spes benignæ resolutionis super sit. Emplastra autem & unguenta, quæ ad hunc scopum obtinendum applicantur parti inflammatæ, non debent habere nimiam tenacitatem aut acrimoniam insignem; quia tunc potius morbum augerent (vide §. 376.); unde sumuntur talia, quæ leviter tantum cuti hærent, & tenuem exhalantem rorem reperiunt & coercent, ut sic pars affecta in proprii quasi vaporis balneo hæreat, & per laxata vasa bibula remedium applicatorum virtus se facilius insinuet.

§. 399. **LENITAS** procuratur potu aquoso, victu blando, medicinâ blandâ diluente, & obtundente, vel singulari dote acri specifico oppositâ.

Dictum fuit §. 386, requiri blandam humorum indolem, ut resolutio inflammationis fieri possit: unde non sufficit materiæ obstructi fluiditatem conciliare, nisi simul conservetur lenitas, aut corrigatur acrimonia, quæ jam adest. Aquâ & omnia aquosa in primis huic scopo inserviunt: nihil enim aqua purâ lenius est, & per hanc acerrima quævis sic dilui possunt, ut non noceant amplius. Virrioli oleum concentratissimum, quod ignis instar partes corporis, quibus applicatur, uno momento destruit, copiâ ingenti aquæ affusâ sic poterit enervari, ut tunc deglutiiri possit. Unde, simulac acria quædam sanguini mista sunt, sitis cogit

statim ingentem copiam aquæ vel alterius tenuis potûs assumere; donec per urinæ vias, aut sudores, expulsa fuerint. Experiuntur hoc omnes etiam sanissimi, qui sale conditas carnes, vel similia, in prandio sumserunt nimîa copiâ. Præterea tenues aquosi potus reliquis indicationibus curatoriis, de quibus præcedentibus paragraphis dictum fuit, simul faciunt. Victus ex mollissimis cerealibus, hordeo, avenâ, sagopyro, oryzâ, &c, lacte, oleribus mollissimis pariter hic conducet. Hordei prisana in morbis acutis ferè sola ægros nutriebat *Hippocrates*; ut ex libro ejus de *visu in morbis acutis* patet. Optima medicamenta in hoc casu sunt, quæ ex emollientibus & leniter viscosis fiunt; althææ, malvæ, verbasci & similibus decocta; emulsiones ex farinosis & suboleosis; olea ipsa mollissima expressa tanti hic usûs: quamcumque enim acrimoniam sic obtundunt & involvunt, ut iners fiat. Quia autem olea illa satis citò rancida fiunt, imprimis in magno calore; ideo sæpe emulsa his præferuntur, in quibus oleorum obtundens virtus est, neque tamen adeo metuenda est hæc degeneratio in rancidam acrimoniam. Si autem ante inflammationem factam acris cacochymia humorum præexistiterit, vel postea observetur nata fuisse, tunc convenient illa, quæ acrimonix cognitæ specificâ vi opposita cognoscuntur. Sic acidæ acrimonix absorbentia, vel & alcalina, putridæ verbò acidâ convenient, &c.

## §. 400. RETROPULSUS fit;

1. Evacuatione magnâ liquidi arteriosi, venosique, missione sanguinis.
2. Laxatione fibrarum.
3. Frictione artificiali.

Dictum fuit §. 395, ubi generales indicationes curatoriæ enumerantur, quæ in curatione inflammationis per resolutionem locum habent; quodd si non possit materiæ obstruenti conciliari talis fluiditas ut per arteriarum angustias transeat, tunc unicum hoc superesset tantum, ut nempe retropulsa ex his angustis ageretur in majora vasa, ibique torrente circulantium humorum abrepta divideretur sic, ut postea meabilis esset per illa vasa, per quæ secundum sanitatis leges fluere debet. Methodus hæc locum habere potest in omni quidem inflammatione, sed imprimis in illa specie, quæ errore loci fit; quando nempe fluidi crassiores molecule minorum vasorum dilatata orificia ingressæ, per ultimos illorum fines transire nequeunt. Si enim in tali casu v. gr; globulus ruber arteriam serosam ingressus retropelli possit; redibit iterum in arteriam rubram, per cujus ultimas angustias naturaliter transire poterit; adeoque soluta erit inflammatio. Ut autem hæc retropulsio fiat, debet tolli, vel admodum minui, impetus liquidi vitalis in locum obstructum; debent sic laxari fibræ vasis obstructi, ut permittant retroire impactam moleculam; tandem debet conciliari motus huic moleculæ, per quem regredi possit versus latiore vasis obstructi locum. Singula hæc sequentibus numeris expenduntur.

1. Videantur de hac re illa, quæ dicta sunt in *Commentariis* §. 141, n<sup>o</sup>. 1.
2. Hæret enim molecula obstruens validè impacta vasis angustix: unde, si

rigidæ fuerint fibræ hujus vasis, sic compriment hanc moleculam, ut immobilis maneat: proderit ergo in tali casu fibras laxare, dum simul prius per sanguinis missionem impetus liquidi à tergo urgentis minutus fuit, aliter enim ulterius protruderetur obstruens molecula in majores angustias, quia laxatæ fibræ paterentur se facilius distendi; quod repugnaret huic indicationi, quæ retropulsam obstruentis jubet, non verò ejus propulsam per laxata vasa. Quomodo autem, & per quæ remedia, laxari possint fibræ corporis humani, dictum fuit §. 35, 36, 54.

3. Videantur illa quæ de frictione ad hunc scopum adhibendâ, dicta sunt in *Commentariis* §. 141, n. 2.

§. 401. **H**INC intelligitur; quænam sit in omni morbo inflammatorio, interno, externo, illa, semper quærenda, resolutio; quæ sanatio perfecta; quæ sine crisi (§ 386).

In quocumque corporis loco inflammatio hæreat, manet semper eadem definitio; nempe, obstructio canalis arteriosi cum impetu valido vitalis liquidi à tergo urgentis locum obstructum. Quænam ergo erit inflammationis resolutio, quando molecula obstruens canalem arteriosum sic attenuatur & dividitur, aut vas obstructum sic laxatur, ut liber fiat humorum transitus per vas antea impervium: vel etiam quando talis molecula retropellitur in latiora vasa? Facile autem patet, hanc inflammationis curam omnium optimam & tutissimam esse, quia sine ulteriori partium læsione functionum integritatem restituit. Sed non semper est in potestate Medici inflammationem curare per resolutionem. Quænam autem requirantur, ut resolutio fieri possit, dictum fuit §. 386.

**QUÆ SANATIO PERFECTA.** Sola resolutio potest dici sanatio perfecta inflammationis, quia illam tollit, nullo alio morbo inducto. Reliqui autem exitus inflammationis in suppurationem, vel scirrhum, non sunt perfectæ sanationes, quævis inflammationem tollant; quia desinit inflammatio in alium morbum, qui iterum novam curationem requirit, antequam sanitas integre restitatur. Ubi autem inflammatio in gangrænam vel sphacelum desinit, tunc non in sanationem, sed in mortem tendit.

**QUÆ SINE CRISI.** Quid propriè crisis in morbis sit, & quomodo hoc vocabulum apud Medicos tam veteres, quàm recentiores variâ significatione usurpatum fuerit, postea opportunius dicetur in februm Historia, ubi de hac re latius agetur. Sufficit hic notasse, quòd tunc inflammatio dicatur sanari sine crisi, quando morbi materies, liquidum nempe immeabile in vasis arteriosis hærens; à vita superfluit & remediis adhibitis sic disponitur, ut iterum libere fluat per vasa sua, sanitatis legibus obsequiosum penitus. Ubi autem eadem hæc materies morbi sic quidem mutatur, ut mobilis fiat, nec amplius impacta maneat vasorum angustis, & tamen tales conditiones non habeat, quæ requiruntur, ut cum sanis humoribus sine functionum impedimento fluat per vasa; tunc evacuat de corpore, vel deponitur ad quædam corporis loca; diciturque tunc crisi sanari inflammatio; & evacuatio materię, vel depositio ad alia loca vocantur criticæ. Dum v. gr; globulus ruber errore loci ingressus est vas serosum, & inflamma-

rio inde facta fuit ; si vel retropellatur globus ruber ex vase seroso in arteriam rubeam , vel dividatur in sex serosos globulos ( quibus ex *Leeuwenhoeckii* sententia componi creditur ) sanata erit hæc inflammatio sine crisi : quia materies morbi sic disposita fuit , ut sine impedimento fluere possit per omnia vasa , per quæ secundum sanitatis leges moveri debet. Si verb vasis obstructi finis unâ cum immeabili obstruente molecula , impetu liquidi sani & blandi à tergo urgentis , sensim separatur , sublata erit obstructio ; sed continuitate vasis interruptâ effundentur humores , separatim extremum vasis obstructi cum immeabili sua molecula contenta non poterit amplius sanitatis legibus obedire ; hinc debet removeri , cum jam instat corporis heterogenei considerari possit. Unde tenerrima hæc solida , cum liquidis effusis mista , calore corporis , & levissimo inchoatæ putredinis initio mutantur in pus , quod evacuari debet , cum nunquam possit nostrorum humorum indolem acquirere. Sanatur tamen & hoc modo inflammatio , sed factâ crisi ; quia materia morbi per vim vitæ superflitem mutata separatur & excernitur de corpore. Sic apparet evidenter , quomodo inflammationis resolutio differat ab ejusdem sanatione , quæ per crism fit. Et videtur pulcherrime hic convenire *Galen*i de morborum vario exitu generale axioma ( αἵ τὰ μὲν γὰρ μεγάλα κρίνεται πάντως ὅσα δὲ μικρὰ λύεται μόνον. Si quidem magni judicantur omnino ; qui autem parvi , solvuntur solim. Valida enim inflammatio in suppurationem aut gangrænam definit ; levis verb resolvi poterit.



## ABCESSUS.

§. 402. **SI**, his ( 395. 396. 397. 398. 399. 400. ) frustra , non , aut sero paratis , inflammatio in suppurationem ( 387. ) vergit , idque per signa , ibi ( 387 ) posita , notescit , indicationes erunt ,

1. Crudum ocyus maturare in unum humorem.
2. Idem , ut & vicina , emollire.
3. Ad exteriora ducere.
4. Puri cocto exitum conciliare.
5. Mundare locum.
6. reliquum instar vulneris percurare.

Abcessus , ἀπὸ αἵματος , ἀποσπῆμα , apud veteres Medicos variam significationem habuit. Morbi enim mutationem in alium morbum hoc nomine vocavit *Hippocrates* dicens ( β, ἰς ἄλλων πυρετῶν & τοσημάτων ἀποσπῆσις ἵς τιταρταῖς ἡγινώθη, ex aliis febribus & morbis decessus ( abscessus ) in quarianas fiebant. Præterea & absces-

(a) De Crisib. Lib. III. cap. iv. Charter, Tom. VIII. pag. 433

(b) Epidem. Lib. I. Comment. II. Text. XXI. Charter, Tom. IX. pag. 44.

sus nomine vocabatur illud naturæ humanæ molimen, per quod ex sanguine separabantur quædam nequitura, quæ evacuabantur de corpore; vel deponerentur ad quædam loca; ideoque distinxerunt Veteres bisariam hos abscessus, nempe in illos, qui per effluxum (κατ' ἐξου) & alios, qui per decubitus (κατ' ἀνίσθησιν) in partes quasdam fiebant (a). Sic v. gr. in peripneumonia materies morbi observatur exire de corpore per sputa, alvi fluxum biliosum, aut urinam crassam copiosam cum multo sedimento; tuncque abscessus per effluxum factus fuit. Ubi autem nulla talis excretio observatur, interimque signa salutaria ægrum superstitem fore docent, tunc monet Hippocrates (b), expectandos esse abscessus vel ad aures, vel versus inferiora corporis materiâ morbi versus has partes depositâ. Vulgatissimo tamen hodie in usu est, abscessus nomine intelligere inflammationis transitum in suppurationem, & puris inde nati collectionem in loco quodam corporis. Hoc autem sensu abscessus definiuit Galenus (c) affectiones in quibus ab invicem partium corpora, quæ priùs mutuo se tangebant, se abscedunt. Spatium igitur in medio vacuum fieri necesse est, quod materiam aliquam aut flatuosam, aut humidam, aut ex utraque mistam, continebit. Mutantur autem in abscessum & inflammationes quædam, & erysipelatosi phlegmosique tumores non pauci. Dum enim vasorum inflammatorum fines obstructi vitalis fluidi à tergo urgentis vi separantur, cum effusis humoribus miscentur, & calore loci foveantur, transeunt in pus; quod partes priùs contiguas removendo locum sibi facit. Cum autem verâ phlegmone (ut dictum fuit §. 374.) ferè semper tantum in panniculo adiposo hæreat, faciliè cedens hæc membrana pure collecto distendi potest in maximum aliquando tumorem. Tale autem cavum præternaturale fieri à pure collecto, postquam phlegmone suppurata fuit, non verò præexistisse, patet inde, quod si pars inflammata lanceolâ pertundatur, antequam pus factum fuerit, sanguis exit, vel & tenuius ichorosum fluidum, & totus tumor solidus apparet: ubi verò post suppurationem factam pertunditur talis locus, pure educto cavitas manifestâ apparet, facta à secessu partium, quæ priùs contiguæ fuerant.

Omnium optimam esse inflammationis curam, quæ per resolutionem fit, nullus dubitat; sæpe autem non est in potestate Medici vel Chirurgi hanc obtinere; tunc suppuratio sola superest: faciliè enim patet, reliquos inflammationis exitus, in gangrænam sæpe vel scirrhum, peiores longe esse. Si ergo ex signis §. 387, enumeratis constet, talem esse inflammationis indolem, ut non possit expectari resolutio; vel, licet fortè in initio spes adfuerit illam obtineri posse, tamen frustraneâ applicatione, aut neglectu idoneorum remedium, aut iisdem serò adhibitis (postquam per plures jam dies impetus vitalis liquidus continuâ pressione consolidavit obstruentes moleculas, & expressâ parte fluidissimâ easdem reddidit omnino irresolubiles) omnis hæc spes evanuerit; tunc indicationes curatorie omnino sic dirigendæ erunt, ut quæ citissime factâ suppuratione tollantur omnia illa, quæ & in solidis & in fluidis per inflammationem adeo corrupta sunt, ut nullo modo ampliùs sanitatis legibus obedire possint: & deinde hoc facto restituantur perdita, & uniantur illa, quæ à naturali cohesione separata fuerant. Hæc autem sequentibus numeris hujus paragraphi considerantur.

(a) Gal. Epidem. Lib. I. Comment II. Text. XLIV. Charter. Tom. IX. pag. 55.

(b) Prognostic. Comment. II. Text. LXV. LXVI. Charter. Tom. VIII. pag. 654. 655. &

Coacar. Prænot. n°. cccxcv. Ibid. pag. 874.

(c) Method. Med. ad Glaucon. Lib. II. cap. IX. Charter. Tom. X. pag. 382.

1. Causa materialis morbi, quamdiu tales condiciones habet, ut morbum faciat vel augeat, cruda vocatur; ubi autem per vitam supersittem, propriam indolem, aut medicamenta idonea sic mutata fuit, ut minus recedat à sanitatis legibus, minúsque turbet functiones corporis, tunc cocta dicitur. Ille autem status morbi, in quo hæc causa materialis sic mutatur, ut minús noceat, dicitur maturatio vel coctio. Poterit ergo hæc cruditas in partibus fluidis & solidis locum habere; adeoque & maturatio. In phlegmone autem crudum vocatur, omnis materies sic obstruens, ut resolvi nequeat; omne vas sic obstructum, ut referari non possit. Debet ergo, ut restituatur sanitas, separari vas illud sic obstructum unà cum contenta materia imbecilli, à reliquis vasis vivis & perviis, & cum effusis liquidis mutari in unum humorem, qui pus dicitur. Quamdiu ergo nondum soluta est cohesio finis obstructi à reliquo vase pervio, vis vitæ, urgens locum obstructum, faciet augeri omnia symptomata inflammationis (vide §. 381, 382; ubi autem hæc separatio facta est, cum per fines abscessos jam liber sit humorum transitus, patet satis, minui debere plurimum omnia hæc mala. Cruditas ergo ex symptomatum omnium incremento, vel summo vigore; maturatio verb ex eorumdem remissione cognoscitur. Pulchræ habentur apud Celsum, ubi de abscessibus agit (a) *Crudum est autem, in quo major quasi venarum motus est, & gravitas, & ardor, & distentio, & dolor, & rubor, & durities; & si major abscessus est, horror, atque etiam febricula permanet: penitusque conductâ suppuratione pro his; quæ alioqui citius ostendit, punctiones sunt. Ubi ista se remiserunt, jamque is locus prurit, & aut sublividus, aut subalbidus est, matura suppuratio est.*

2. Durities & renixus partis inflammatae à compactis admodum liquidis & solidis oritur (vide §. 382, n°. 4.); & quamdiu illa adest, crudus merito dicitur morbus. Sed maturatio requirit separationem finium obstructorum à reliquis vasorum partibus: quò ergo magis hæc emolliuntur ut contabescant quasi, eò citius & minori cum dolore hæc separatio fieri poterit. Si autem valida phlegmone partem occupavit, plerumque observatur, licet medium loci affecti jam mollescere incipiat, omnem tamen ambitum adhuc durum esse; unde & vicina simillimis emollientibus foveri debent, uti monuit Celsus, (b) *Si qua circa duriora sunt, ad ea emollienda, vel malva contrita, vel fani græci lin. ve semen ex passo coctum superdandum est.*

3. Si pus natum ex suppuratione loci inflammati circa corporis superficiem sub cute hæreat, plerumque solet sponte cutis elevari in tumorem; omnium maximum, si emollientibus & laxantibus foveatur locus. Si autem profundiorum locum occupaverit, tunc majus periculum est, ne sinuosas sibi vias in panniculo adiposo formet; vel in corporis interioribus si lateat, purulentâ labe viscera corruptantur. Simulac ergo ex signis §. 387, recensitis constat, inflammationem tendere in suppurationem, omni Artis molimine tentandum est, ut versus exteriora derivetur pus. De pleuritidis cura agens Celsus ad magnum & recentem dolorem commendat sanguinis missionem: sed ubi (c) *vel supervacuum vel serum id auxilium est, confugiendumque ad cucurbitulas est, antè summâ cute incisâ. Rectè etiam sinapi ex aceto super pectus imponitur, donec ulcera pustulâsq*

(a) Lib. V. cap. xxviii. n°. xi. pag. 327. |

(b) Ibid. pag. 318.

(c) Ibid. Lib. IV. cap. vi. pag. 109. 210.

*excitet; & tum medicamentum quod humorem illuc citet.* Et in peripneumonia, ubi ad summum incrementum morbus pervenit. (a) *Prodest etiam impositus super pectus sal bene contritus, cum cerato missus: quia leviter cutem erodit, eoque impetum materię, quę pulmo vexatur, evocat. Utile etiam aliquod malagma est ex his, quę materiam trahunt.* Si jam ubique pus factum commodè posset versus exteriora duci, non adeo metueretur ille inflammationis exitus: nam v. gr; à pleuritide suppurata moriuntur ægri, dum ulcus pure plenum tumore suo versus interiora prominente, pulmonem comprimendo suffocat, vel dum idem ruptum in thoracis cavum pus deponit; unde empyema, phthisis, & mors. Si verò apostema in locis intercostalibus natum versus extimam corporis superficiem vergat, ibique tumorem faciat, illo pertuso, & pure evacuato, felix plerumque successus sequitur. Ob hanc causam veteres Medici externas has partes stimulis irritabant, vel & molliissimis fovebant cataplasmatibus aut fomentis, ut versus exteriora tenderet morbi impetus.

4. Quando vasorum obstructorum fines, cum sanguine immeabili in illis hærente, calore, humoribus admistis, & morā in loco clauso, abierunt in pinguem, album, homogeneum liquorem, tunc pus coctum adesse dicitur. Quibus autem signis cognoscatur, tale pus jam præsens esse, postea in §. 405, explicabitur. Ubi autem pus illud loco clauso & calido diutius continetur, incipit sensim tenuius fieri & simul acrius; cūque venulę resorbentes paulis suis orificiis in tota superficie cavi, quo pus continetur, hient, illud resorbetur his, & reliquę sanguinis massę admistum, purulentam cacochymiam efficit: unde febris hectica, & phthisis sequi poterunt. Præterea pus illud acrius factum totam superficiem loci, quo continetur, malè afficiet; cūque simul attenuetur, poterit novas sibi vias facillimè invenire in panniculo adiposo; unde pessimi sinus & fistulę sæpe sequuntur, dum non satis citò puri cocto conciliatur exitus. Unde iterum patet, quantum differant inter se resolutio inflammationis, ejusdemque cura per suppurationem. Dum enim resolvitur inflammatio materies morbi per vitam supersistens & idonea remedia sic mutatur, ut evadat salubri quàm similima, & cum reliquis humoribus per vasa fluere possit sine læsione functionum, unde nulla requiritur evacuatio. Quando autem per suppurationem fit separatio illorum fluidorum & solidorum, quę per inflammationem corrupta fuerant, hæc quidem convertuntur in blandum pus; illud tamen penitus alienum est à nostrorum humorum indole, illisque nistum omnia turbat, febresque accendit, donec evacuetur de corpore, vel per metastasim in sanguine secernatur, & deponatur ad quædam corporis loca; unde iterum educi debebit; ut sanatio fiat. Patet ergo, puris cocti evacuationem requiri, & quidem satis citò, cū longiori morā semper acrius reddatur. Quanta autem mala fiant, dum pus in abscessu latens non satis citò educitur, docuerunt Observationes Medicę. Virgini quadragenarię sinistra parotis suppurata fuerat, & decimo quarto morbi die ad pugni magnitudinem excreverat abscessus ibi factus. Licet autem in initio morbi febris nulla adfuisset, sed domestica curaret negotia quotidie; cū non in tempore exitus factus fuit puri contento, febris accessit stipata pessimis symptomatibus, lipothymia, nausæ, vigiliis, &c, unde paucis diebus postea periit. Sponte quidem

(a) Cels. Medicin. Lib. IX. cap. VII. pag. 322. 33.



ruptus fuerat abscessus aliquot diebus ante mortem, sed nihil vel parum admodum puris effluerat (a). In puero trimestri abscessus circa humerum dextrum erat; cum autem parentes incisionem fieri nollent, sponte quidem tumor incepit subsidere, sed resorptum pus per metastasim ad genitalia delatum lethalem gangrenam harum partium fecit (b). Plurimæ similes Observationes occurrunt apud Auctores, quæ docent, quàm periculosum sit pus coctum in vomica clausa diu relinquere.

§. Quamdiu locus suppuratus clausus manet, vomica clausa dicitur; ubi verò vel sponte, vel per Artem, puri exitus conciliatus fuit, tunc vomica aperta vocatur. Tota autem superficies cavi illius, quod pus continuit, macerata fuit in hoc pure, unde semper plùs minùsve malè affecta erit; inprimis si pus morà & calore acrius factum fuerit. Non poterit ergo partium separatarum unio & consolidatio fieri, neque restitutio perditorum, nisi priùs omnis illa superficies ad conditionem puri vulneris reducat. Semimortua ergo vasorum extrema & semicorruptæ panniculi adiposi partes, priùs separari debebunt, & reliqua omnia fieri, ut dictum fuit in vulnere Historia §. 206. 207. 208. (c) *Ulcera non purgata coire nequeunt, etiamsi adducantur; neque sua sponte coalescunt. Ulcera etiam, quorum circumpositæ partes inflammantur, coire non possunt, quamdiu aderit inflammatio. Neque glutinari possunt ulcera quorum ambientes ulcus partes nigritie occupantur, aut sanguine putrescente, aut etiam varice sanguinis influxum supeditante, nisi circumstantes ulcus partes sanas effeceris.*

6. Post depurationem illam ulcus transit in naturam puri vulneris, sed cum iactura substantiæ; unde tunc perdit regeneratio, & separati unio, procurari debet.

§. 403. **MATURATIO** fit applicatione horum, quæ,

1. Motum in parte augeant, fovendo, stimulando, calefaciendo per ea, quæ re ipsâ, vel & virtute calefaciunt; in toto similia præstant, excitatâ febriculâ.

Omnis maturatio crudi inflammatorii in coctum pus fieri debet per vim vitæ superstitem: simulac enim hæc vel deficit, vel languet, nullum pus fieri observatur. Ideo inter signa mortis numerat Hippocrates (d), si ulcus vel ante morbum, vel in ipso morbo natum, siccum fuerit. Et in phthisicis ultimo morbi stadio sputa minuuntur, imò & sæpe cessant ob eandem causam. Vis vitæ autem mensuratur liquidorum trajectu per vasa. Cum ergo separari debeant vasorum obstructorum fines, unâ cum materia immeabili contenta, per vim liquidâ à tergo urgentis, patet illud citiùs fieri, si motus fluidorum per vasa in parte suppuranda augeatur robore & celeritate; tunc enim intra datum tempus frequentioribus & validioribus simul ictibus fluidum per vasa projectum arietabit obstructos fines,

(a) Hildan. Observ. Chirurg. Censur. I. Observ. xxxix. pag. 33.

(b) Ibid. Observ. lxxxi. pag. 59.

(c) Hippocrat. Lib. de Ulcer. Cap. iv.

Charter. Tom. XII. pag. 132.

(d) Prognost. Comment. I. Sentent. xxx. Charter. Tom. VIII. pag. 605.

illósque à cohæſione ſolvēt. Unde & motus citatus reſeñſebatur §. 387, inter illas conditiones, quæ faciebant inflammationem in ſuppurationem tendere. Notandum tamen, nimis velocem liquidorum per vaſa motum ſubitò rumpere vaſcula, non autem ſenſim ſeparare; unde gangræna loco ſuppurationis benignæ ſequeretur, ut dictum fuit §. 388. Requiritur ergo hic juſtum moderamen, ut nempe motus in parte major ſit, quàm in ſanitate; nec nimis tamen. Calor autem loci inflammati, ſi in corporis ſuperficie ſit; vel febris major minörve, ſi internis lateat malum, demonſtrabunt, an motus augendus vel minuendus ſit. Unde vel topicis auxiliis parti affectæ applicatis, vel internis remediis, augendus erit motus, ſi deficiat. Et ut dictum fuit *Commentariis* §. 371, inflammationem habere comitem febrim in toto, vel ſaltem in parte, ſic etiam motus augendus erit vel in parte inflammata ſola, ſi fieri poterit; vel in toto excitatà febriculâ. Sic videmus in phthiſicis, in quibus quotidie pus ſit febriculam illam hæſticam ſemper adēſſe, ingraveſcentem, dum pus conſcitur; imminutam verò, quando pus factum exſcreatur. Ideo *Hippocrates* dixit loco in *Commentariis* §. 387, allegato, (a) *dum pus procreatur, ſimul dolores ac febres magis, quàm eo procreato oboriuntur.* In *Materia Medica* ad hunc numerum laudantur gummata illa aromatica, ammoniacum, galbanum, opopanax, &c., in quibus omnibus ſtimulus adest moderatus, & tenacitas ſimul ſatis magna, per quam hærent parti, cui applicantur; ſicque coercento exhalans ſubtiliſſimum quaſi proprio vaporis balneo partem ſovent, ſimulque laxatis ſic vaſis aromaticum illud ſtimulans inſinuant; unde tam pulchros effectus habent talia remedia in omnibus inflammationibus, ubi à nimis debili motu ſcirrhus metuitur. Omnia autem hæc, quæ blando tali ſtimulo majorem motum in parte affecta excitant, ſimul & virtute caleſcunt, quia auctum motum fluidorum per vaſa major calor ſequitur; uti demonſtratum fuit in *Commentariis* §. 382. n°. 6. Proſunt ſimul & pulcherrimè illa, quæ actu ipſo calida ſunt, modò non tantum habeant caloris gradum, ut diſſipando liquidiffimam partem, reliquum in ſcirroſam duritiem convertant. Unde omnium optimus hic eſt humidus calor; quando nempe fomenta vel cataplaſmata, loco ſuppurando applicata pannis laneis calefactis vel ſimilibus obvolvuntur, ut continuo ſed blando calore ſoveatur pars affecta. Nam (b) *calidum ſuppuratorium eſt, non in omni ulcere maximum ſecuritatis ſignum: cutem emollit, extenuat, dolorem ſedat.* Quare autem *Hippocrates* dixerit, non in omni ulcere, explicat *Galenus* in *Commentariis* ſuis in hunc aphoriſmum; quia nempe putridis ulceribus & rheumaticis omnibus calidum nocet, augendo putredinem, & attrahendo fluxionem.

2. Excitatum motum, & calorem ad eum locum coercent, impediendo nimiam exhalationem & diſſipationem per obſturgantia glutinoſa, lenimen acrimonix nimix.

Locus Inflammatus ſemper calet magis, quàm in ſanitate ſolebat (vide §. 382. n°. 6.); cùmque omnia ſymptomata inflammationis augeantur, ubi illa in ſuppurationem tendit (vide §. 387.), ergo & calor auctus erit dum abſceſſus ſit. Sed per calorem auctum liquidiffima pars humorum noſtrorum diſſipatur, uti pate-

(a) Aphoriſm. Sect. II. n°. XLVII. Charter. | (b) Ibid. Sect. V. n°. XXXI. pag. 107.  
Tom. IX. Part. II. pag. 85.

bit in *Commentariis* §. 689; unde maximè conducet talia applicare, quæ cohtinuâ humectatione partem affectam fovent, & restituunt illud, quod per calorem auctum dissipatur continuò. Pulcherrima ergo erunt illa remedia, quæ maximam copiam aquæ continere possunt, nec facillè tamen illam iterum dimittunt. Talia autem sunt glutinosa omnia, quæ cum aqua in ductilem pastam abire possunt, uti omnia farinosa, & inprimis farina seminum lini, quæ ingentem copiam aquæ absorbere potest. Ex similibus mollissima cataplasmata fiunt, quorum variz formulæ in *Materia Medica* ad hunc numerum habentur. His si involvatur undique locus suppurandus noctes & dies, inprimis si curetur, ut calida maneant, solet satis citò omne inflammatum irrefolubile maturari, & in bonum pus converti. Cùm autem omnia hæc remedia unâ cum vi humectante simul emolliant & laxent partes solidas corporis, dolorem plerumque satis acrem, suppurationis comitem, plurimùm mitigant (vide §. 228. n<sup>o</sup>. 1.) ; omnémque acrimoniam inviscando & obtundendo leniunt: adeoque & hoc respectu profunt, quia blanda humorum indoles requirebatur ad suppurationem, uti dictum fuit in *Commentariis* §. 387. Cùm autem inprimis hic metuatur degeneratio in putredinem (vide §. 84. n<sup>o</sup>. 4. & 5.) ob stagnationem fluidorum in vasis obstructis, illorùmque celeriores motum per vasa vicina aperta, & auctum calorem; ideo seliguntur talia quæ calore partis, cui applicantur, brevi mutantur in oppositam putredini indolem, id est, acescunt. Farinam hinc fecalis citissimè acescentem, ipsùm acetum, acetosam & similia Chirurgi addunt cataplasmatibus maturantibus. Solent etiam his addere recens butyrum, oleum lini, vel similia mollissima pinguia, partim quia cutaneos meatus obturando humidi diffationem impediunt; tum etiam quia per hæc addita cavetur, ne cataplasmata illa nimis citò arescant.

3. Moderando motum totius fluidi vitalis, ejusque temperiem ita, ut nec torpeat, nec excitetur, nimis.

Maximi momenti hæc regula est in Praxi Medica, tam in morbis internis; quàm in externis curandis. Motus citatus humorum inflammationem facit tendere in suppurationem (vide §. 387.) motus nimius, subito destructis vasculis tenerrimis gangrænâ producit (vide §. 388.); motus sedatus autem in resolutione inflammati locum habet (vide §. 386.). Quamdiu ergo resolutionis spes est, impetum vitalis liquidi audacter minuunt Medici per illa remedia, de quibus actum fuit §. 396, ut caveatur ulterior læsio vasorum inflammatorum: ubi autem signa docent, resolutionem inflammati impossibilem esse, tunc requiritur semper major motus, quàm naturaliter in sanitate aderat, ut separentur fines obstructi vasorum, & convertantur cum effusis humoribus in bonum pus: adeoque patet, tunc sæpe nocere posse illa, quæ nimis debilitant circulationis impetum. In hoc ergo casu vel per remedia interna, vel per topica parti affectæ applicata, tale queritur moderamen in motu humorum per vasa, ut in loco suppurando sit major calor & celerior motus, quàm in sanitate; neque tamen tanta hæc sint, ut subito destructis vasculis omnem influxum vitalium humorum per partem tollant, id est, gangrænâ faciant. Cognoscitur autem tale moderamen adesse, si calor in loco inflammato caloris sani gradum excedat quidem, nec multum tamen; si dolor adsit, sed non summus; si pulsatio percipiatur modica; si tumor, rubor,

& reliqua inflammationis symptomata augeantur quidem, sed sensim. Hæc autem signa in ipso loco affecto docent, an minui debeat, an augeri vitalis fluidi motus. Ubi autem inflammatio tanti momenti est, ut totum inde turbetur corpus, tunc febris magnitudo, sitis, siccitas linguæ, faciliè demonstrant, quid fieri debeat, ut illud moderamen obtineri possit. Nullum ergo universale suppurans est, sed, prout vel augeri vel minui debet motus humorum, diversa medela requiritur. In calido juvenili corpore suppurando loco applicatum cataplasma ex avena, lacte, butiro infusio, proderit; in melancholicis, senibus, aut frigida temperiei hominibus bulbos ceparum sub cineribus assatos, galbanum, ammoniacum gummi & similia stimulantia adduntur, ut incitato parum motu, felicius succedat suppuratio loci inflammati, & caveatur scirrhus; qui sæpe sequitur in tali casu, si inflammatio glandulosa loca corporis occupaverit. Idem jam in internis inflammationibus obtinet. Sic in pleuritide incipiente audax sanguinis missio ad animi deliquium usque sæpe morbum tollit; ubi verò serius vocatus Medicus videt, curam per resolutionem non amplius obtineri posse, superest tunc coctio materię morbi, & coctæ evacuatio per sputa, urinas, &c, vel in abscessum conversio. Qui tunc per venæsectionem vel alia evacuantia vitam nimis debilitat, semper nocet; cùm requiratur in tali casu febris moderata ad maturationem crudi inflammatorii.

4. Relinquendo locum clausum, donec omne inflammatum irresolubile suppuratum sit. His enim causis bonum fiet pus in parte.

Accidit in majoribus abscessibus sæpius, medium centrum loci suppurandi mollescere, & digitis cedere, dum tamen maxima pars tumoris inflammati in omni ambitu dura manet. Cùm autem pure jam facto, si nimis diu relinquatur locus clausus, plurima sequi possint mala, uti dicitur in *Commentariis* §. 406, ideo sæpe festinant Chirurgi aperire tales tumores, dum vel minimam fluctuationem percipiunt. Sed omnia mala, quæ observata fuerunt sequi, si non satis citò concilietur exitus puri, pendent vel à putredine & acrimoniâ, quam pus nimia morâ acquirit, ut & dum copiâ auctum novas sibi vias parat in panniculo adiposo, & sinus fistulasque producit; vel ab ejusdem attenuati resorptione per vasa bibula venosa, unde cacoehymia purulenta sanguinem inficiet; aut dissipatâ parte tenuiori reliquum crassescens scirrhosos tumores producet, inprimis circa loca glandulosa. Quamdiu autem locus clausus manet; & aeri nullus datur accessus, non tam subita degeneratio in putredinem fiet; & dum pus continetur cavo, cujus ambitus undique durus est, non poterit faciliè cuniculos agere in panniculo adiposo: neque magnus erit metus resorptionis attenuati puris, cùm dissenta vasa arteriosa per inflammatoriam non resorbibilem materiam adiacentes venas comprimant. Præterea illud pus, quod in seminaturo tali abscessu hæret, optimum dat remedium, quo vicina omnia adhuc dura & cruda solvantur, dum contiguum pus, calore & morâ, illa quasi contabescere facit. Tali phrasi usus fuit *Hippocrates* in loco allegato in *Commentariis* paragraphi 323, uti & alibi, ubi dicit, (α) ἀνὰ κενὴν γὰρ τὰς σφύρας τὰς φλαβίδας ἔχουσιν αἱ τῶν γυνεῶν ἐκταταίται.

(α) Lib. de Capit. vulnerib. Cap. XIV. Charter, Tom. XII. pag. 121.

*Carnes enim collisas & laceratas in pus versas, necesse est tabescere.* Sic etiam in *Commentariis* §. 158. n<sup>o</sup>. 7, dictum fuit, pus in vulnere natum solvere partes semilaceras, & inflammata vasorum extrema unâ cum infarctis liquidis. Patet ergo, quanti usus sit, locum suppurandum clausum relinquere, donec, omne crudum inflammatum, fuerit maturatum. Ita enim imitatur naturam, quæ suppurationem optime perficit, ubi locus clausus est, qui suppurari debet. Sic recenti vulnere divisus partibus, postquam sanguinis effluxus cessavit, crusta sanguinea cavo vulnere innascitur, & sub hoc tegmine blandâ suppuratione depuratur vulnere superficies. Unde naturam ubique secutus *Hippocrates* hoc axioma Medicum posuit, *Quæcumque concoqui opus est, occludi convenit; contraria verò exficcare atque aperire.*

Si jam omnia illa fiant, quæ quatuor his numeris enumerata fuerunt, tunc bonum pus fiet in parte. Quænam autem sint puris boni conditiones dictum fuit in *Commentariis* §. 387.

§. 404. **N**ISI materies inflammata sic mutata, cum periculo, & sine profectu, aperitur abscessus.

Quamdiu enim nondum ad perfectam maturitatem deductus est inflammatorius tumor, si aperitur, nihil puris effluet, sed merus sanguis, uti dictum fuit in *Commentariis* §. 382. n<sup>o</sup>. 2; vel si jam pro parte in pus versus fuerit, illo educto reliqua indurata difficilis & longiori temporis spatio maturari poterunt. Præterea dum crudi tales tumores secantur, longè acerbior dolor oritur, & majus periculum est, ne pertusa cute subjectæ partes lædantur. In maturo enim abscessu collectum pus cum elevat à partibus suppositis, hinc turbè aperiri poterit, cum lanceolæ cuspis; cute perforatâ, cavum pure plenum ingrediatur; unde nullum periculum læsionis vasorum aut fibrarum musculosarum erit. Ideo *Celsus* de abscessibus agens, qui in locis nervosis occurrunt, dicit (b) *Sed cætera etiam suberuda aperiri possunt; inter nervos ultima expectanda maturitas est, quæ cutem extenuet, eique pus jungat, quò propius reperiatur.* Idem verum erit in illis locis, ubi magna vasa sanguinea decurrunt; uti v. gr. in inguinibus & sub axillis, ubi frequenter tumores tales inflammatorii occurrunt, postea suppurandi. Nemo enim prudens, tales abscessus aperiet, nisi penitus maturi fuerint, cum magna vasa vel illorum insignes rami facillimè lædi possent, ingenti cum periculo, si nimis citò dissecarentur. Quantum autem retardetur cura, & augeantur dolores, si crudi abscessus aperiantur, optimorum Chirurgorum Observata docent. Nobili viro post febrim prægressam, sub axilla oriebatur tumor inflammatorius acerrimè dolens; Chirurgus, qui curam ejus gerebat, spreto prudentiorum consilio, simulac levem fluctuationem in hoc tumore percipisset, profundè adactâ lanceolâ pertudit, acerbissimo cum dolore ægri. Neque pauculo puris educto illum sequebatur levamen, sed contrà febris & inflammatio augebantur. Molissimis cataplasmatibus applicatis diu, sanatum fuit malum, quod paucorum dierum spatio fieri potuisset, nisi temerario ausu ante perfectam maturationem apertus fuisset tumor. Pluribus exemplis hanc rem probat sæpius laudatus Chirurgus *Lamot-*

(a) Epidem. Lib. VI. Comment. II. Text. xxxiv. Charac. Tom. IX. pag. 416.

(b) Medicin. Lib. VII. Cap. II. pag. 409.

*rius* (a). Sic aliquoties vidi, bubones venereos nimis citò diffectos, quia metuebatur lues à pure diu retento, maximas molestias fecisse, & sæpe per menses curam protraxerat fuisse, dum cogeantur erodentibus consumere Chirurgi, illa quæ pus diutius relictum in loco clauso paucorum dierum spatio solvisset certissimè. Notandum tamen, frequenter accidere in abscessibus, extremum marginem adhuc aliquam duritiem habere, dum tamen reliquum penitus maturatum est. Sponte ruptis talibus tumoribus, & pure omni sic educto, duræ illæ reliquæ paucis diebus solent fundi quasi & evanescere. Non nocuisset ergo & aperuisse tales tumores, quorum longè maxima pars jam suppurata fuerat.

§. 405. **MOLLITIES** partis, fluctuatio pressi tumoris, albitudo, remissio doloris, caloris, ruboris, tensionis, pulsus, febris, vertex mucronatus tumoris, gravitas dolori succedens, docent pus jam factum, atque exitui aptum esse.

Cùm itaque periculosum sit aperire locum suppuratum ante perfectam maturitatem, similique plurima mala sequi possint, si pus factum nimis diu relinquatur in loco clauso, uti dicitur sequenti paragrapho; ideo summâ curâ expendenda sunt illa signa, quæ docent, pus jam factum esse & collectum in abscessu sic, ut cum fructu inde educi possit. Signa illa autem deducuntur ex mutatis phænomenis, quæ loco suppurando accidunt, dum incipit irresolubilis materies inflammatoria abscedere, ad perfectam maturationem usque.

**MOLLITIES PARTIS** In *Commentariis* §. 382. no. 4, demonstratum fuit, in phlegmone à compactis admodum inter se liquidis & solidis magnam duritiem fieri, quia tunc sanguis densatus in vasis, obstructis quidem, integris tamen adhuc; hæret. Ubi verò, dum suppuratur phlegmone, vascula distenta rumpuntur, humida effunduntur, tenerrima solida atteruntur; solvuntur, & abeunt in pus (vide §. 387.) duritiei succedit necessariò mollities, cùm tunc sub integra cute subsit fluidum, non autem dura & cruda inflammatoria materia. Posse enim ingentem duritiem esse in corporibus, licèt pro maxima parte fluidis consistant, modò illa distinctis vasis contineantur, non verò in unum locum confluant, docent poma, pyra, rapæ; &c. Licèt enim hi fructus incredibilem succi copiam habeant, tamen admodum duri sæpe sunt; ubi verò tunduntur, in pulpam mollissimam abeunt; uti etiam dum igni propriùs admoventur: tunc enim elasticus aer, in his fructibus latens, calore rarefactus vasa rumpit, unde humores effunduntur; sicque durissimum pomum intra horæ quadrantem adeo mollescere potest, ut diffluat. Idem etiam contingit, dum per putredinem solvitur in his fructibus vasorum continuitas.

**FLUCTUATIO PRESSI TUMORIS.** Ut certi sint Chirurgi, inflammatum locum æqualiter suppuratum esse solent oppositis tumoris locis digitos apponere, tuncque nunc ab una, nunc autem ab altera, parte leviter premere: si tunc, dum premunt ab uno latere, in opposita parte percipiunt humoris contenti undulationem, noverunt satis omnem tumoris ambitum maturatum esse. Ubi verò talis fluctuatio non sentitur, licèt ab utraque parte mollities appareat,

(a) *Traité complet de Chirurgie*, Tom. I. pag. 111. & suiv.

tunc in medio tumoris poterit adhuc esse cruda inflammatoria materies, quæ impediatur, quominus motus impressus uni parti ad oppositam partem pertingere possit. Tales autem occurrere abscessus, qui bisariam sic quasi dividuntur, dum in medio centro adhuc crudi manent, in extremis autem maturati sunt, docent Observationes Chirurgicæ, & jam monuerat Hippocrates dicens (a) *Quæ tubercula foras protuberant, acuminata, æquabiliter commaturescentia, neque in ambitu dura, deorsum tendentia, neque bifida, meliora sunt. Contraria, mala; & quæ plurimum contraria, pessima.* Et Galenus in Commentariis suis in hunc textum monet (b) *In bifidis enim medium non sine vitio invenitur, sed crudum (ἀνεμύκτον) atque durum.* Verum quidem est, abscessum maturum fluctuationem hanc communem habere cum aneurysmatibus, & tumoribus quibusdam ampullosis, humores continentibus; sed tamen abscessus ab his optimè distinguitur, quia inflammationem prægressam sequitur. Satís autem patet, hanc fluctuationem præfisi tumoris non posse commodè percipi, nisi emineat tumor; dum enim in panniculo adiposo, profundè inter musculos decurrente, abscessus hæret, hoc signo non facilè detegitur.

ALBITUDO. In Commentariis §. 382. n<sup>o</sup>. 1, & 2, demonstratum fuit, rubedinem comitari debere inflammationem natam, quia nempe vasa obstructa & dilatata, uti etiam panniculus adiposus, sanguine rubro crasso infarcta erant. Ubi ergo omne illud crassum inflammatorium unà cum vasorum extremis obstructis abiit in pus album & æquale, causæ majoris rubedinis aberunt. Præterea, dum ab interiore parte pus, ab exteriori verbò mollissima fomenta vel cataplasmata, cutim macerant, illa contabescit quasi, albúmque colorem acquirit. Dum enim, emplastro quocumque applicato, fovetur reperiussis exhalantis liquidi vapore cutis, paucorum dierum spatio albescit penitus. Sensim etiam marcescens & extenuata cutis puris albi subjacentis colorem exhibet. Patet ergo ratio, quare inter signa maturi abscessus meritiò numeretur & albitudo. De abscessibus agens Celsus habet sequentia. (c) *Et, quod de subito durius non est, melius est; & quod, quamvis rubet, coloris tamen in album mutati est: quæ signa jam pure oriente nascuntur; tumor enim ruborque multò antè incipiunt.*

REMISSIO DOLORIS, CALORIS, RUBORIS, TENSIONIS, PULSUS, FEBRIS. Omnia hæc signa inflammationis producebantur à vi acti sanguinis per vitam supersitem, dum nempe impetu & celeritate auctis urgebat vasorum obstructorum fines (vide §. 381.); horúmque omnium ratio data fuit in Commentariis §. 382. Postquam ergo per suppurationem fines obstructi arteriarum separati fuerunt, cessat causa horum symptomatum; adeoque desinunt, vel saltem plurimùm minuuntur. Unde meritiò Hippocrates (d) monuit (vide locum allegatum in Commentariis §. 387.) circa puris generationem dolores & febres majores esse, quàm illo jam factò. Notandum tamen, aliquando acerbissimum dolorem supervesse, licet locus suppurandus perfectissimè maturuerit, quia pus collectum & auctum quotidie cutim incumbentem distendit & sensim dilacerat: sed dolor ille, uti patet, ab alia causa oritur, & rupto sponte, vel pertuso lanceolâ abscessu, cessat illico. Ideo

(a) Epidem. Lib. VI. Comment. I. Text. XIII. Charter. Tem. IX. pag. 375.

(b) Ibidem. pag. 376.

(c) Medicin. Lib. V. Cap. XXVIII. no. IX. pag. 376.

(d) Aphorism. Sect. II. n<sup>o</sup>. XLVII. Charter. Tom. IX. Part. II. pag. 85.

*Celsus* postquam recensuerat signa, quibus abscessus cruditas cognoscitur (vide *Commentaria* §. 402. n°. 1.) statim subjungit; (a) *Ubi ista se remiserunt, jamque is locus prurit, & aut sublividus aut subalbidus est, matura suppuration est.* Notandum enim est, licet cutis, maturo jam abscessu; albescat plerumque, aliquando tamen à pure distendente sic comprimi vasa cutanea, ut sublato vitali influxu & effluxu humorum gangrænescat, & sublividum colorem acquirat. Similia his maturi abscessus signa habentur apud *Æginetam*. Dicit enim postquam loci inflammati in suppurationem tendentis signa recensuerat, (b) *Consummato abscessu, plurima (horum) minuuntur, punctura autem pruriginosa sunt, & corporis sentitur, & tumor in apicem acutum elevatur, tangenti lenis & cedens, & superficies circa apicem abraditur (ἀνοίσεται).* Ubi pulchre notat, quomodo sensim cutis in vertice mucronato abscessus maturi quasi excoriando per strata secedat.

**VERTEX MUCRONATUS TUMORIS.** Quando phlegmone suppuranda maturefcere incipit, ferè semper in medio loco percipitur mollities & fluctuatio aliqua, licet reliquis ambitus adhuc durus sit. Cum autem ad suppurationem promovendam mollissima soleant applicari cataplasmata, laxata integumenta cedent in hoc loco puri sensim copiâ aucto, & extendentur ultra æquabilem tumoris superficiem, quia in reliqua parte tumoris suppurandi major durities facilem extensionem prohibet. Ob hanc ergo causam vertex mucronatus talis eminebit, illoque in loco, sensum distractis & debilitatis integumentis, rumpetur sponte abscessus, vel tutissimè lancuolâ pertundi poterit.

**GRAVITAS DOLORI SUCCEEDENS.** Paulò antè dictum fuit, dolorem augeri, quamdiu suppuratur locus inflammatus: debent enim sensim abrumpi fines vasorum obstructorum; adeoque, dum fibræ nervosæ, per vasorum tunicas dispersæ, rupturæ proximæ sunt, acerrimus erit dolor (vide §. 221.), qui cessabit, quando integra ruptura fuit. Sed tunc aderit pus, quod extra vasa in cavo præternaturali factò, vel & cavo naturali dilatato, collectum hæret, & pondere suo gravabit partes, quas occupat. Sanus enim homo, licet corporis sui pondus non sentiat, simulac tamen extra vasa humores colligantur, statim gravitatem percipiet. Dum post validas contusiones fractis vasis sub integra cute sanguis colligitur in paniculo adiposo, statim de gravitate insolita partis conqueruntur ægri (vide §. 329. n°. 2.) Ubi hydrops anasarca, accumulato sero, crura distendit, plumbeos quasi artus trahunt miseri. Facile autem patet, gravitatis illum sensum tantum locum habere, ubi alicujus momenti suppuratio adest; & in morbis internis latentis abscessus præcipuum signum esse, si post dolorem acutum inertis ponderis sensus in loco affecto percipiatur; uti postea in pleuritide, peripneumonia, & similibus morbis patebit, quando de illis dicetur.

§. 406. **SI** tum relinquitur diu in loco clauso, attenuatur, acre fit, putrescit, augetur, vicina consumit, erodit, mole, pondere, & motu sinus fistulæque, creat variis locis varias, pessimas intestino recto. Aut dissipatâ parte tenuiori, reliquum durefcens tumores dueros, maximè circa glandulas, creat. Vel denique venis, lym-

(a) *Medicin. Lib. V. Cap. xxviii. no. xi.*

(b) *Lib. VI. Cap. xviii. pag. 64.*



phaticis, aut sanguiferis per erosa oscula impressum absorbetur, sanguini miscetur, hunc inquinat, & collectum in visceribus pessimis collectionibus ea corrumpit, horum functiones turbat, atque ita infinitos, eosque gravissimos morbos efficit.

Postquam ergo per signa præcedenti paragrapho enumerata constitit, omne cridum inflammatorium maturatum esse, & in bonum pus conversum, tunc quantocyùs pus illud collectum debet educi: semel enim ad ultimam perfectionem ubi pervenit pus, album nempe, crassum, leve, æquabile & inodorum redditum, tunc sensim incipit degenerascere, & quotidie in pejus mutari. Extra vasa enim hæret, neque ampliùs circulationis legibus subjacet, sed stagnat, & calore loci spontaneam mutationem sequitur, quâ in putredinem vergit. Quamvis enim in loco clauso, nullo aere admisso, lentius corrumpantur omnes animalium partes, putrescunt tamen. Præterea per putredinem observatur nasci major tenuitas in nostris humoribus; sanguis enim de vena missus, concrefcens statim, natâ putredine postea integre dissolvitur. Cystica bylis, in sanis & quiescentibus animalibus spissior semper, dum putrescit, in tenue liquamen solvitur. Ideo & puri, nimis diu in abscessu maturo retento, perit illa unctuositas & balsamicus lentor, quo cremorem lactis ferè æmulatur, atque in tenue ichorosum fluidum mutatur: hanc verb tenuitatem auctam à putredine semper comitatur major acrimonia, ut dictum fuit in *Commentariis* §. 86. Tota ergo superficies cavi loci, quo pus illud attenuatum & acrius factum continetur, aluitur continuo tenui jam & rodente ichore, unde tenella vasorum extrema hic hiantia destruentur, humores effusi in similem corruptelam abibunt; adeoque erosio parietibus cavi continentis, augebitur abscessûs magnitudo, & ab humoribus huc delatis per erosa vasa crescet puris copia. Innumera jam, & ubique obvia apud probatissimos Auctores, Observata docuerunt, à pure diu relicto & putrefacto consumi & erodi etiam solidas corporis partes. Post empyema consumptos fuisse pulmones, sic ut vix reliquæ invenirentur tam nobilis visceris, legitur apud *Schenkium* (a). Pericardium non tantùm, sed & ipsam cordis substantiam adeo solidam à pure erosam fuisse memoriæ tradidit idem Auctor (b). Solida ossa erosa & in cariem conversa à pure corrupto, doluerunt toties Chirurgi in profundis suppurationibus, &c. Patet hinc ratio, quare dixerit *Hippocrates*, (c) *qui suppurati curantur aut secantur, si pus purum aut album effluat, evadunt; si subcruentum & carnosum, & graveolens, percutiunt*; uti etiam (d) *qui suppurato jecore aduruntur, si pus putrum albumque fluat, sospites evadunt (in tunica namque his pus inest)*; si verb qualis amurca fluat, percutiunt. A corrupto enim pure tunc erosa erat ipsa viscerum substantia, unde certa imminet perniciës.

Præterea, cum inflammatio omnium frequentissimè locum habeat in tunica adipeosa, ut dictum fuit §. 374; suppuratio ex inflammatione nata eundem occupabit locum. Sed tenerrima hujus tunicæ fabrica facillimè erodetur à pure acriori reddito; imò solo etiam pondere suo & mole pus, in hac membrana tam facilè

(a) Observat. Medic. Lib. II. pag. 250. 251.

(b) Ibid. pag. 274.

(c) Aphorism. Sect. VII. n°. XLIV. Charter. Tom. IX. Part. II. pag. 315.

(d) Ibid. n°. XLV. pag. 316.

dilatabili hærens, illam distendit, & novas sibi facit & pessimè sinuosas vias. In *Commentariis* enim §. 244, §. 300, n°. 5, demonstratum fuit aerem, panniculum adiposum ingressum, miro emphysemate totum aliquando sepelivisse corpus; unde patuit, viam patere ex quocumque loco hujus tunicæ per omnem ferè ejus ambitum. Sic vidi, parotide glandulâ suppuratâ, dum non conciliabatur exitus puri collecto, illud viam sibi fecisse descendendo in panniculo adiposo per collum, humerum, & brachium, ad cubiti flexuram usque; ibique sic corruptis ligamenta cubiti articulum firmantia, ut postea immedicabilis facta fuerit ancylois. Post profundam inflammationem circa femoris articulum, sequebatur abscessus; cùmque latens sub maximis musculis pus educi non potuisset, illud descendens sinuosum ulcus fecit, per totam femoris & cruris longitudinem decurrens; unde post tædiofissima mala, incassum tentatis omnibus, periit cacoehymia purulentâ confectus egregius juvenis. Si jam simul consideretur, pus illud in tunica cellulosa collectum, morâ & calore attenuatum, sæpe validissimis musculis accumbere, patet, facili, quodd horum muscutorum motu pressum propelli possit per omnia loca vicina, adeoque sinus profundos & pessimas fistulas sic fieri posse; inprimis dum pus per tunicam adiposam sic repens se muscutorum interstitiis insinuat. Prout jam major crassities est adiposæ tunicæ, vel plura sunt strata muscutorum sub incumbendum in loco suppurato, eo pejores cuniculos agere poterit pus diu retentum. Ideo in abdomine, ob magnam copiam pinguedinis hic plerumque positæ, & inter muscutorum abdominalium varia strata decurrentis, adeo molesti sinus & fistulæ observantur; uti dictum fuit in *Commentariis* §. 307.

Nullibi tamen ferè pejores fistulæ & sinus à pure nimis diu retento nascuntur, quàm circa intestinum rectum. Cùm enim crassissimæ feces per illud exire debeant, necesse erat, ut distendi posset facili in omni ambitu: ideo undique mollissima & copiosa pinguedo huic intestino circumponitur, adeoque pus in abscessu hic nato diu retentum profundissimos sinus facere poterit (a) *Putrescens enim ferendo quæ mollia sunt, depascitur, quum nimirum anus humidus sit, & caro mollis, in qua pabulatur, dum tuberculum rumpatur, infraque ad rectum intestinum computrescat.* Si jam ipsum intestinum rectum simul erosum fuerit, per cellulosa tunicam hujus intestini, cryptas mucilaginosas, &c., poterit se pus diffundere, & tædiofissima mala producere; quæ multùm augentur, dum feces alvinæ hic transeuntes omnia conspurcant. Tanta mala metuens *Hippocrates* noluit expectandum esse, donec tuberculum in his locis natum penitus maturuerit, verùm crudum adhuc quàm celerimè secari jussit (b).

AUT DISSIPATA PARTE TENUIORI, &c. Accidit & hoc aliquando, licet rariùs, inprimis quando calidis admodum remediis tractatur abscessus, sine emollientium & humectantium admisione. Solent sic mulieres mammas suppuratas exponere prunæ ardenti, ut evitent maturi abscessus aperturam lanceolâ Chirurgicâ faciendam. Dissilatur tunc pars tenuissima, residuum inspissatum in scirrhum indurefcit, & totâ vitâ cruciat metu cancri, qui & sæpe sequi solet. Similis durities sæpe remanet post bubones venereos ante debitam maturationem discissos, vel nimis calcfacientibus remediis tractatos. Convenit ergo hic monitum *Galen*i,

(a) *Hippocrat. Lib. de Fistulis, Cap. 1. Char-*  
ter. Tom. XII, pag. 141.

(b) *Ibid Cap. II, pag. 142.*

ubi de erysipelatis & phlegmones curatione agit, dum scirrhus metuendus erat ab his affectibus; dicit enim (a) *Quodd si quis iis, quæ vehementer trahunt, discutiantque medicamentis vacuare tentet, nec iis, quæ humectent & calefaciant, molliat ac liquet; huic paucis inprimis diebus egregiè processisse curatio videbitur; ceterum quod de affectu restabit, insanabile erit. Si quidem toto, quod in eo tenuium parium erat, discessu, quod reliquum est, veluti lapidosa concretio linquetur.*

VEL DENIQUE VENIS LYMPHATICIS, AUT SANGUIFERIS, &c. Dictum fuit id Commentariis §. 158. n. 7, pus in vulneribus fieri ab effusis per vasorum extrema humoribus, morâ & resorptione, vel dissipatione partis fluidissimæ, inspissatis. Si enim detergeretur omni horâ vulnus, non inveniebatur pus, sed tenuis tantum humor, qui duodecim horarum spatio v. gr; in pus mutatur. Videbitur autem fluidissima pars extravasatorum humorum potius resorberi oculis venosis quam dissipari extrorsum, quia bonum pus non nisi bene tecto vulnere per emplastra vel unguenta, solet fieri; & in omni vulneris superficie venarum æquè quàm arteriarum disticta hiant oscula, quæ illâ vi, quâ minimæ fistulæ vitreæ liquores trahunt, contiguos humores hauriunt, & dein majoribus venis tradunt, sicut sanguini miscent. Pari ergo ratione pus in abscessu diu relictum sponte attenuabitur, simulque, blandâ suâ indole depositâ, acre fiet: tuncque venosis oculis contiguus resorptum cacochymia purulentâ sanguinem inficit: unde febris hectica, & phthisis sequi poterunt. Pus autem in loco cavo corporis collectum resorberi sic posse venosis oculis, & sanguini misceri, docent Observata plurima. Nobili viro in bellico conflictu cubitus trajiciebatur globulo plumbeo, sic ut cubiti os fractum esset, & dein gravia plurima symptomata unâ cum febre continua accedent; simulque magnus satis abscessus vulneris locum & vicina occuparet. Cùm jam maturi abscessus aperturam faciendam statuissent Chirurgi, ingens diarrhœa vulneratum corripuit, statimque omnis tumor membri vulnerati evanuit; visumque fuit, ingentem puris copiam alvo excretam fuisse. Et dum postea novo pure tumeret abscessus, ortâ denuo diarrhœa illud evacuatum fuit: hocque modo periculosum satis vulnus sanabatur (b). In homine abdomen perforso, cum levamine omnium symptomatum, urinam copioso pure mistam vidit (c) externi *Sculptetus*. Vidit *Galenus* (d) *pulmonis vomitum per urinam; thoracis autem per intestina & alvum expurgari*. Pulmonis vomitum, cum spinæ distorsione, purulentâ dysenteria per plures dies durante sanatam fuisse, observatum fuit (e); licet ingens debilitas & pessima plurima signa persuasissent expertissimis Medicis, nihil spei amplius superesse; neque tantum ex ipsis orci faucibus sic erepta fuit hæc puella, verum etiam spinæ distorsio sponte emendata fuit. In variolis toties observatur, pus resorptum pessimas febres accendere; & deinde ad varia corporis loca pus illud deponi, subitòque attollere tumores, qui pertusi verum pus emittunt, & aliquando in pessima ulcera degenerant. Ingens Observationum numerus apud fide dignissimos Auctores habetur, quibus confirmatur pus nimis diu relictum in loco clauso venis absorberi, & sanguini misceri posse atque postea ad varia cor-

(a) Galen. Method Med. Lib. XIV. cap. iv. 245.

Charter. Tom. X. pag. 322.

(b) Belloste Chirurg. d'Hôpital, part. III.

chap. xv. pag. 264.

(c) Armament. Chirurg. Observ. LXL, p.

Tom. I.

(d) De Loc. Affect. Lib. VI. cap. iv. Charter. Tom. VII. pag. 517.

(e) Acad. des Sciences l'an 1731. Mémoires, pag. 724, & suiv.

poris loca deponi: simulque patet ancipitem penitus eventum esse in his casibus, prout has illas partes pus à sanguine secretum occupat. Licet enim in casibus modò enumeratis felici successu per alvi & urinæ vias pus eductum fuerit, magnum tamen periculum semper adest, ne viscera pessimis collectionibus corrumpat, aut totam sanguinis massam, cui miscetur, sic depravet, ut postea immedicabiles inde sequantur morbi. Pus enim in abscessu clauso collectum vix resorbabitur, nisi jam tenuius & acrius factum fuerit; dùmque sanguini mistum per vasa fluit, majorem adhuc acquirit acrimoniam, unde pessimæ sæpe febres, sanguinis corruptio, & infinita mala sequi poterunt. Ab hac causa toties in variolis, dum omnia ferè in vado credebantur, subito phrenitis summa orta fuit, quam brevi mors sequebatur; pure nempe resorpto & ad cerebrum delato. Habetur apud Hippocratem (a) talis casus, qui huc facere videtur. Describit enim ægrum, internâ pectoris suppuratione laborantem, in quo stertor pectoris, difficilisque respiratio docere videbatur, collectum magnâ copia pus fuisse. (a) *Supra quadragesimum autem diem, prope sexagesimum, ut opinor, oculus sinister cum tumore, sine dolore excatus est: neque verò longè postea etiam dexter, pupillaque admodum candidæ & fixæ fiebant; neque multò post hanc excacationem mortuus est, non ultra septem dies, cum stertore & multa desipientia. Admodum enim verosimile videtur, pus resorptum, pessimâ metastasi primò ad oculos delatum, dein ad ipsum cerebrum mortem induxisse. Prout jam varia viscera à purulenta hac colluvie occupantur, diversi orientur morbi; dum pus hic depositum premendo partes, quibus accumbit, vel majori acrimoniâ natâ rodendo, illorum functiones turbat, vel integre tollit. Unde patet simul, summâ hic prudentiâ opus esse: nimis enim citò apertus abscessus, antequam omnia penitus maturuerint, plurima damna facere poterit; ut dictum fuit in Commentariis §. 404; si verò non concilietur exitus puri facti, periculosissima sequi poterunt mala. Signa autem maturationis perfectæ cum cura enumerata fuerunt paragrapho præcedenti.*

Ab hac puris resorptione toties pereunt illi, quibus extirpatis membris, vel aneurysmate exsecto, ingens vulnus factum fuit, quod quotidie magnam copiam puris dat. Si enim sæpe detergeatur pus in superficie vulneris collectum, omne ferè corporis nutrimentum deficit, hæc viâ exiens; sicque vero marasmo contabescunt. Si verò diutius relinquantur pus in tanti vulneris superficie, illud resorptum cacochymiam purulentam inducit, & omnia, quæ inde sequi possunt, mala: nisi decoctis vulneraribus detergentibus, potatis magnâ copiam, abluatur pus sanguini mistum. Aliquando autem debiles tales ægri sufficientem talium decoctorum copiam ferre nequeunt, sed inde hydropici fierent; tuncque ferè semper infelix successus sequitur.

§. 407. **I**SIDEM auxiliis (403) integumenta loci suppurati infernè & supernè emolliuntur, attenuantur, laxantur, ut & vicina:

Quando inflammatio per benignam resolutionem curari non potest, tunc sola suppuratio bona est, ad quam obtinendam requiruntur indicationes curatorie

(a) Galen. Epidem. Lib. VII. sect. xxx. Charer. Tom. IX. pag. 565.

§. 402, recensitæ, & sex numeris ibidem comprehensæ. Primò enim debebat crudum inflammatorium ad perfectam maturationem perducì; de qua re actum nunc est, uti & de signis, per quæ certi sumus, illam maturationem factam esse; tùmque præcedenti paragrapho enumerata sunt illa mala, quæ metuenda sunt, quando abscessus maturus, bono pure plenus, nimis diu clausus relinquitur. Secunda indicatio curatoria erat, ut locus suppurandus, uti & vicina emollirentur (vide §. 402. n°. 2.) de qua re nunc hæc paragrapho agitur.

Omnium frequentissimè inflammatio in panniculo adiposo, aut tunica cellulosa dictâ, hæret, (vide §. 374.). Cutis densa unâ cum epidermide huic incumbit in omni ferè superficie externa corporis: hæc vel pertundi, vel sponte rumpi debet, ut concilietur exitus puri facti; unde facillè patet, requiri quàm maximè, ut hæc integumenta laxentur & emolliantur. Sed illa remedia, quæ ad maturationem crudi inflammatorii commendabantur in *Commentariis* §. 403, eisdem operâ & hoc perficient. Obturantia enim illa glutinosa, quæ n°. 2, illius paragraphi laudantur, simul hanc vim habent, ut laxent & emolliant solidas corporis humani partes. Dum ergo talia cataplasmata vel fomenta applicantur externè loco suppurando; integumenta macerantur & contabescunt quasi; simulque pus sub cute hærens internam ejus superficiem alluet, & macerabit: quod multùm adjuvatur prægnante illo calore, qui (vide §. 403. n°. 1.) in parte suppuranda adest. Non videtur ergo aliud quid ad hanc indicationem curatoriam requiri.

§. 408. **Q**UIN & hac ope (407) minutâ resistentiâ horum, per auxilia maturantia (403) pus factum extrâ pellitur vel attrahitur foras.

Pus jam factum, in loco clauso hærens, auctum quotidie à vicinis partibus, pressum communi omnibus fluidis lege, tendet eò versùs, ubi minor resistentia est. Si jam emollientissimis remediis applicatis sic debilitata fuerint integumenta, ut cedant facillimè distendenti puri, illud elevatis integumentis extrorsum tendet, neque sinuosas vias in panniculo adiposo sibi faciet. Omnia ergo illa auxilia, quæ ad maturationem crudi inflammatorii adhibentur, simul etiam pus factum foras attrahunt. Probatum enim fuit in *Commentariis* §. 134, attrahentia remedia esse talia quæ resistentiam minuunt illo in loco, versùs quem derivatio fieri debebat.

§. 409. **T**UM modicè acria, emollientia, subpinguia, mista simul applicantur, ut & mortua tegumenta faciliùs, & sine dolore, aperiiri queant.

Debet exitus conciliari collecto puri sub integumentis adhuc integris, unde horum divisio fieri debet, sive sponte & sensim dilacerentur à pure distendente, sive lanceolâ Chirurgicâ pertendantur. Ut autem hoc minimo dolore fiat, mollissima & subpinguia applicantur, quibus sic contabescunt integumenta, ut emortua ferè omni sensu careant. Ubi ergo incipit ferè maturus abscessus in verticem mucronatum elevari, huic loco Chirurgi plumaceolum unguento basilico, vel alio simili mollißimo, inunctum solent applicare, ut summa fiat in hoc loco integumentorum emollio; sic enim laxatis fibris minuetur dolor (vide §. 228. n°. 1.).

N n n ij

qui in hoc loco prominente satis acer plerumque esse solet. Simul aliquando emollientibus miscetur modicè acria, ut fermentum panis, sapo Venetus, mel, &c, quæ macerata integumenta quasi emori faciunt, & citius rumpi. Sic lotrices, quæ totâ diè saponis lixivio manus macerant, albam & ferè emortuam digitorum cutim habent, quæ sæpe etiam excoriando secedere solet. Formulæ similium remediorum in *Materia Medica* ad hunc numerum habentur.

§. 410. **DEIN**, pressio rite pure in assurgentem tumorem, par-ti altissimæ, mollissimæ, eminentiori, inferiori, intrudatur scalp-ellum, donec exeuns pus satis penetratum doceat; dein eleve-tur æquabili sectione sursum latâ plagâ, aut per oppositam pla-gam cuspidè acâ, media integumenta dissecantur, vitatis fibris; vasisque; leniter mox exprimatur, & successivè, pus abundans; nec aere, nec turundis, vexetur.

Ubi jam omnis ambitus loci suppurandi perfectè emollitus est, & omnia si-gna docuerunt, maturationem factam esse, nisi sponte rumpantur integumenta, exitus puri conciliandus est per Artem; ne fiant illa mala, quæ §. 406, recensita fuerunt. In locis glandulosis abscessus diutius clausi relinquuntur, quàm in aliis partibus, quia major ibi scirrhi metus est, si fortè aliquid nondum maturatum relinqueretur. Unde de abscessuum apertura agens *Celsus* sequentia monuit, (a) *Si pus maturuit, in aliis quidem & inguinibus rarò secundum est: item ubicunque me-diocris abscessus est: item quoties in summa cute, vel etiam carne vitium est, nisi festinare curandi imbecillitas cogit. Satisque est cataplasmatibus efficere, ut per se pus aperiatur, nam ferè sine cicatrice potest esse is locus, qui expertus ferrum non est.* Ex quibus apparet, quòd non tantùm in locis glandulosis, sed etiam in aliis casibus spontaneam abscessuum aperturam prætulit illi, quæ per Artem fit, in-primis, uti videretur, ob cicatricis deformis metum. Sed vulnus lanceolâ factum pul-chrius postea consolidari poterit, quàm si major cutis plaga tabefacta, & à pure contento exesa, fecerit. Quare autem turpem sæpe cicatricem post apertum terro abscessum viderit *Celsus*, patet faciliè ex illis, quæ in eodem loco habentur. Ubi enim altius hærebat pus, candenti ferramento abscessum aperiri iussit: in alio in casu dum cutis vehementer extenuata erat, illam totam super pus excidendam voluit. Idem faciebat, si cutis palleret; tunc enim illam emortuam esse & inutilem fu-turam dixit, adeoque commodius esse, ut excideretur.

Ut concilietur exitus puri in abscessu maturo collecto, attendendum est ut hoc fiat minima cum molestia ægri & sine periculo læsionis partium suppositarum. Sola enim integumenta communia pertundenda sunt; sub quibus pus hæret, & quæ à pure distenduntur & elevantur. Solent hinc Chirurgi mollissimè premere in omni ambitu tumorem suppuratum, ut integumenta recedant quàm maximè à partibus suppositis; cùmque soleat plerumque quædam pars tumoris in verticem mucronatum prominere, uti dictum fuit §. 405, huic inprimis loco scalpellum imprimitur, quia integumenta hinc magis attenuata, & ferè emortua, facillimè, & ferè sine dolore, pertundi pos-

(a) *Medicin. Lib. VII. cap. 11. pag. 408. 409.*

sunt, inprimis si subpinguibus & modicè acribus applicatis mucronatus ille vertex ferè contabuit, uti paragrapho præcedenti dictum fuit. Quantum autem commodè fieri poterit, locus inferior tumoris pertundi debet, ut propriâ gravitate pus per aperturam factam effluere possit: sic tamen ut consideretur situs, quem pars affecta habebit post aperturam factam; (a) *dandæque opera, ut imus sinus exitum habeat; ne quis humor intus subsidat, qui proxima & adhuc sana rodendo sinuet.* Si vero apex abscessûs maturi in superiori loco est, ibique integumenta mollissima & albißima appareant, præstat ibi pertundere, quàm in alio loco quamvis inferiori, ubi viva adhuc & inflammata cutis non sine summo dolore, & magnis sæpe postea secuturis molestiis discindi poterit. Postea enim aperturâ factâ poterit mutato partis situ, vel leni compressione per splenia & fascias ex Arte circumductas satis impediri, ne pus relictum in abscessu, pondere suo sinuosas vias in panniculo adiposo faciat.

Simulac scalpellum integumenta penetravit, hæret in medio pure, & statim ad latera scalpelli pus incipiet prodire, inprimis si leni pressione vicinorum tenfa fuerint integumenta à pure subiecto. Ubi autem satis magna puris copia adest, præstat parum profundius demergere scalpellum, ut postea elevato ejus apice æquabili sectione latior plaga fiat. Ob eandem causam, si sine discrimine fieri possit, per medium abscessûs mucronatum verticem, ab uno latere\* ad oppositum, scalpellum transfigitur, & dein illud elevando simul & semel imposita integumenta discinduntur, ut sic maxima apertura fiat; quod nunquam nocebit. Nisi enim patulum sic fiat orificium, membranæ cellulosæ partes sæpe satis magnæ, ferè gangrenosæ, protrudentur unâ cum pure, & aperturam obstruent, unde postea novâ sectione opus erit. Accedit, quod evacuato pure tenfa antea integumenta propriâ contractilitate corrugentur, & aperturam factam plurimum imminuant. Ideo pro generali ferè regula haberi potest, dum abscessus pertundetur, tam latam debere fieri plagam, ac sine periculo læsionis partium subiectarum fieri poterit. Ubi autem pus statim sub cute hæret, patet facili non requiri, uti scalpellum ad magnam profunditatem adigatur. Aliquando verò accidit, pus hære re profundius reconditum, & tunc majori cautellâ opus est: turpe enim est, frustra secuisse abscessum; periculosum autem sæpe, profundius apicem scalpelli adigere: & in similibus casibus pericia & dexteritas Chirurgi inprimis elucescunt. Nisi enim ex Anatome situm partium optimè noverit, vel inani semper trepidabit metu, vel temerario ausu contemnet periculum, quod ignorat. Cum enim inflammatio omnium sæpissime in panniculo adiposo hæreat, uti jam aliquoties dictum fuit, illæque inter musculos ubique se insinuet, patet, quod profundissimè sæpe pus latere possit, nullo omnino vitio apparente in integumentis. Inflammationis profundæ signa prægressa, suppurationis dein indicia hanc sequentia, fluctuatio puris, pressâ parte, percepta, lucem in obscuris talibus casibus dabunt. Notabile maximè talem casum habet toties laudatus egregius Chirurgus *Lamottius* (b). Fœmina post lochiorum suppressionem jam per novem menses lecto affixa fuerat, incurvato miserimè corpore jacere coacta, ut acerbissimos parum leniret dolores; facie enim genibus admotâ, calcaneis autem versus nates reflexis, noctes dièsq; in eodem manebat situ. Cùmque dolor inprimis hypogastrium mediâ inter umbilicum & pubem altitudine oc-

(a) Celsi Medicin. Lib. VII. cap. XL. pag. 409.

(b) Traité complet de Chirurgie Tom. I. pag. 180.

cuparet, omni curâ hunc locum examinavit peritissimus vir, atque aliquam undulationem percipit, quamvis nulla durities aut tumor adessent, neque integumentorum color ullo modo mutatus esset. Longo Arti usu firmus in similibus malorum diagnosi conclusit, profundum hic latere abscessum, qui omnium malorum causa esset; & licet abnueret quatuor Chirurgi, qui antea miserrimæ hujus formine curam gesserant, aperturam faciendam esse in hoc loco statuit, illamque maxima cum cautela perfecit, donec in cavum abdominis penetrasset. Nihil tamen omnino puris exivit per aperturam factam, licet comprimeretur abdomen, spiritum contineret ægra, vel situs corporis mutaretur. Attonitus inauso hoc eventu optimus Vir, in sinu ridentibus aliis Chirurgis, abiit; candidæque fateretur, insomnem se duxisse noctem. Sequenti mane, dum mutaret apparatus hesternæ plagæ, ingentem copiam puris exire vidit lætus, licet non intelligeret, ubi illud latuisset. Perrexit pus quotidie effluere per sex circiter septimanarum spatium, tuncque perfectè convaluit à tam desperato morbo hæc formina; posteaque adhuc peperit, & sine difficultate incedere potuit, parum tantum inclinans versus dextrum latus, ubi malum hæserat. Similem casum vidi, dum profundum mammæ muliebris abscessum aperiret Chirurgus, quod ne gutta puris exiverit, licet ad pollicis altitudinem & ultra scalpellum adegisset: paucis tamen horis postea sponte ingens copia puris per aperturam factam prodiiit. Unde patet, non statim mutandam esse diagnosis in tali casu, si omnibus prius rite ponderatis conclusum fuerit, pertundi debere locum. Licet enim scalpelli apex ad puris latibula non penetraverit, versus locum tamen hunc minus resistentem sæpe sponte pus paulò post derivabitur.

VITATIS FIBRIS, VASISQUE. Si sub integumentis pus collectum immediatè hæreat, & ut dixit *Celsus* (a) pus cuti jungatur; satis patet, nullum esse metum læsionis vasorum aut fibrarum, cum pus cutim à subjectis partibus elevet, neque hætenus confluerit, suppurationem veram musculorum substantiam occupasse unquam, sed in panniculo adiposo hædere tantum. Quamvis enim *Ægineta* dixerit, quod (b) *Abscessus sit corruptio & permutatio carniū aut carnosarum partium, veluti musculorum, venarum, arteriarum*, tamen post maximas suppurationes, imò & gangrænas, quotidiana Observata docent, consumpto panniculo adiposo nitidissimos & integros inveniri musculos. Verum quidem est, miras aliquando degeneraciones non tantum tunice adiposæ, verum etiam muscularis ipsius substantiæ observatas fuisse, sed tunc talibus tumoribus apertis, non exivit pus, sed alius omnino liquor; unde non videntur ad suppurationem propriè dictam pertinere talia mala. Memorabile tale Exemplum habetur in *Actis Edinburgensibus* (c). Fœmina per aliquot menses tumorem gesserat in cruris externa parte, in medio prominentem & molliorem, cum manifesta fluctuatione, dum digitis premeretur. Cum cutis in illo loco ruberet, dolor adesset acerrimus, febris hæctica, sudor nocturnus, diarrhœa tertio quoque die recrudescentes, &c., videbatur optimum, fore, si locus incideretur. Postquam ergo per bidentium cataplasmata maturantia applicata fuerant, & integumentis plurimum attenuatis evidentissimè fluctuatio percipiebatur, incisione satis profundâ, quæ pollicem cum dimidio longitudine æquaret, apertus fuit tumor; sed ne guttula puris prodiiit;

(a) *Medicin. Lib. VII. cap. 11. pag. 409.*

(b) *Lib. IV. cap. xviii. pag. 64.*

(c) *Medical Essays Tom. I. pag. 234.*



effluerunt verò binæ tréſe unciz muci. Sequenti die fungoſa moles per aper-  
turam factam emiuit, quã ablata ſimilis recrevit, & poſtquam ingens copia  
ſimilis ſubſtantiz ſic ablata fuerat, immiſſum ſpecillum per totam cruris ſubſtan-  
tiam penetravit, donec in oppoſita parte cutim tangeret. Paucis diebus poſtea  
mortuã hãc muliere, cutis cruris affecti ſana reperiebatur, ſed panniculus adipo-  
ſus unã cum muſculis degeneraverat in fungoſam molem ſic, ut diligenti exa-  
mine tamen non potuerint diſtingui muſculi. Perioſteum ubique ſeceſſerat ab  
oſſibus malè affectis. Ex hoc caſu conſtat quidem, in informem talem maſſam  
potuiſſe per morboſ mutari muſculos, tamen nullum hic pus fuit inventum, quod  
maximè notandum eſt. An ſimiles abſceſſus intellexit Hippocrates dicens (a),  
*Verum, ut ſummatim dicam, cætera quoque omnia, quæ mucoſa ſunt, & mucos produ-  
cunt, ut pote glutinoſa, ubi tangerantur, citò in hanc vel illam partem digitiſ elab-  
untur; quamobrem altiora hæc Medici reperiunt, quàm exiſtimate?* Agebat enim  
in hoc loco de fractura auris, & ſuppuratione illam ſecuta; & monebat, ſi in-  
ciſio fieri deberet, illam non parvam debere eſſe, quia pus altiùs hærebat, quàm  
quiſ putaret, & paulò antè monuerat, cataplaſmata nocere auri fractæ, quæ abſceſ-  
ſus concitant, & mucos plurimos & ſuppurationes moleſtas; deinde illa ſubjun-  
git, quæ modò allegata fuerunt.

Non videtur ergo tantum periculum eſſe læſionis fibrarum, dum maturi abſ-  
ceſſus aperiuntur; adeoque ſupervacuum eſſe anxiam illam cautelam, quam ſa-  
tis operoſè deſcribit Fabricius ad Aquapendente (b) in ſingulis ſerè locis cor-  
poris, ut nulla fiat ſectio niſi ſecundùm ductum fibrarum muſculorum ſubjacen-  
tium: idem enim ille Auctor poſtea in eodem capitulo fatetur, Anatomes ignaros paſ-  
ſim non errare in ſecandis abſceſſibus, (c) ob puris copiam, quæ attollit partem,  
& reddit membra ſubjeſta tuta ab incidente ſtrumento.

LENITER MOX EXPRESSIMATUR, ET SUCCESSIVE, PUS ABUN-  
DANS. In maximis abſceſſibus, in quibus ingens copia puris collecta hæret,  
ſimul & ſemel omne pus educere non ſemper tutum videtur. Omnes enim par-  
tes, quæ ſaccum talem pure plenum ambiunt, antea preſſæ admodum, nunc uno  
momento hãc preſſione liberatæ, flaccidiſſimæ fiunt, & ſanguinis maximam co-  
piam in vaſa ſua admittunt, unde minor ejus appuſſus ad cerebrum & cerebel-  
lum, hinc animi deliquia & mors ipſa metuenda forent. Idem periculum im-  
minet, ſi ab alia quavis humorum colluvie partes preſſæ ſubito liberantur: ideo  
monuit Hippocrates quidd (d) qui empyi aut hydropici uruntur, ut ſecantur  
pure aut aquã conferſim effluente, omnino intireunt. Si verò abſceſſus fuerit in tali  
corporis loco, ut factã aperturã pro ratione effluentis puris poſſint ſulciri partes  
circumductis ſaſciis, tunc ſatis tutò maximæ etiam evacuationes fieri poterunt,  
ut poſtea dicetur, ubi de aſcitis cura per paracentefin agetur. Neque nocebit ali-  
quam puris copiam hic relinquere; cavi enim hujus ſacci parietes pure bono, opti-  
mo certè & naturali baſamo teſtæ, ſoventur, & depurantur, ſemimortua vaſo-  
rum extrema ſeparantur, & omnia diſponuntur ad optimam conſolidationem,  
ut latius dictum fuit in vulnere Hiſtoria §. 148. n°. 7. 8. 9. Requiritur ſolùm,

(a) Lib. de Artic. Comment. II. text. LVI.  
Charter. Tom. XII. pag. 363.

(b) De Chirurgicis Operat. cap. CVII. pag.  
654.

(c) Pag. 663.

(d) Aphoriſm. Sect. VI. n°. XXVII. Charter.  
Tom. XII. part. II. pag. 263.

ut non maneat tanta puris copia, quæ distendendo partes nocere posset, & vias sinuosas sibi facere in panniculo adiposo; quod satis cavebitur, si apertura facta relinquatur libera, & in tali ponatur situ, ut pus abundans propriâ gravitate exire possit. Unde quàm maximè cavendum est, ut apertus abscessus,

**N E C A E R E, N E C T U R U N D I S, V E X E T U R.** Aperto abscessu, licet omne pus eductum fuerit, tamen post viginti quatuor horas, & citius aliquando, novum pus ibi colligetur, quod pariter educi debet. Ob hanc causam Chirurgi metuentes, ne apertura facta nimis citò concresecat, solebant turundas huic orificio immittere, siquæ impedire hanc concretionem. Sed turundæ tales, ex linteis carptis siccis factæ, humores contiguos absorbent, & inde turgent; unde, cum conicæ figuræ sint, exprimuntur brevi postea; vel, si emplastris aut fasciis applicatis retineantur, dilatata epistomii instar orificium obturant, omnemque exitum puri collecto impediunt; quod ergo sinuosas sæpe vias quærit in panniculo adiposo tam facile dilatabili. Præterea turundæ illæ, dum tument absorptis humoribus, lentâ dilaceratione orificii latera distrahunt; unde molestus dolor, & inflammatio nova sæpe oriuntur. Patet ergo, turundarum in his casibus usum vel inutilem esse, vel damnosum. Sed etiam; dum renovatur apparatus, & turunda extrahitur, pure elapso liberissimus datur aeri accessus in cavum hoc jam vacuum. Quantum autem nocere possit aer, si libere hiantes hic tenuissimorum vasculorum fines alluat, dictum fuit in *Commentariis* §. 204 & 245.

Omniū ergo optimum erit, plano plumaceolo factam aperturam tegere, ut pus collectum libere effluere possit, simulque cavere, ne fasciæ vel emplastra premant orificium; potiusque curandum est, ut vicinæ partes spleniorum & fasciarum artificiosâ applicatione premantur leviter, siquæ pus derivetur versus orificium patulum & ab omni pressione liberum. Turundarum autem in apertis abscessibus usus jam *Celso* suspectus fuisse videtur; de his enim agens dicit, (a) *Tum, si qua in alis, vel inguinibus sunt, sine linamento nutrienda sunt. In cæteris quoque partibus, si ima plaga exigua est, si mediocris suppuratio fuit, si non alitè penetravit, si febris non est, si valet corpus, aquè linamenta supervacua sunt. In reliquis, parcè tamen, nec, nisi magna plaga est, imponi debent. Videantur & illa, quæ de turundarum noxis dicta sunt in Commentariis* §. 289.

**§. 411. D E N I Q U E** curetur mundantibus, suppurantibus, digestivis, balsamicis, deterisivis, exsiccantibus, pro re nata variatis, juxta doctrinam vulnerum 192 ad 220.

Sequitur nunc, ut agatur de illis indicationibus curatoris, quæ binis ultimis numeris §. 402, recententur; nempe, quomodo mundandus sit locus apertus, & ad conditionem puri vulneris deducendus. Tota enim superficies interna cavi abscessus macerata fuit in pure contento, unde ferè semper malè affecta erit, ut dictum fuit in *Commentariis* §. 402. n°. 5; adeoque debet hæc superficies mundari, & separari omnia illa, quæ in solidis fluidisque partibus sic corrupta sunt, ut unionem partium separatarum impedire possent. Omnium autem maxi-

(a) *Medicin. Lib. V. cap. XXVIII. no. XI. pag. 317.*

mè impura erit abscessus superficies, si pus nimiam moram à blanda sua indole degeneraverit; tunc enim & cutim impositam, & vicinas panniculi adiposi partes quasi contabescere facit; sed tunc sordidae tales superficies consolidari simul nequeunt, nisi prius mundentur. Monuit hoc Galenus dicens (a) *Quum verò cutis in suppurationibus amplius extabuerit, ita ut attritis vestium fragmentis similis reddatur (ὡς παχὺν γυμνάριον) haud facile subiectis corporibus coalescit; itaque, emissario largiore facto, ulcus necessarium curandum est.* Quænam verò requirantur auxilia, ut sordidum ulcus depuretur, & ad vulneris puri recentis conditionem deducatur, in Historia vulnerum dictum fuit; & quidem præcipue in Commentariis §. 204. 205. 206. 207. 208. 209.

§. 412. **S**I inanis metus ferrum repudiat, applicetur causticum parti (410); eschara butyro separetur mollita; curatio fiat ut prius (410. 411.)

Omniunt tutissimè scapello aperitur maturus abscessus, sed aliquando Chirurgis res est cum hominibus, qui adeo pusillanimes sunt, ut in animi deliquium cadant, si vel mentio tantum hujus rei fiat. Optimum est, talibus fraudem facere, & illis nil minùs suspicantibus pertundere abscessum. Varias ad hanc rem machinas excogitaverunt Chirurghi, dum annulo, quem indice digito gerebant, lanceolam occultabant; aut lanceolæ cuspidem, lamellæ metallicæ affixam, cataplasmate aut unguento tegebant, & deinde loco aperiendo applicabant, quod tunc leviter premendo apparatus faciliè perficitur. Plura talia apud Pareum (b) & alios habentur. Si neque sic necessaria apertura maturi abscessus impetrari possit, tunc nihil aliud superest, quàm ut mucronato abscessus vertici applicetur cauterium potentiale dictum apud Chirurgos, qualia plura sunt in Officinis. Lapis infernalis, vel & corrosivum vulgare Chirurgorum ex calce viva & cineribus clavellatis paratum (vide *Materiam Medicam* ad hunc numerum) inprimis solent adhiberi. Applicatur parti emplastrum, quod in medio foramen habet, respondens loco, ubi causticum applicari debet; huic foramini imponitur causticum; & dein alio emplastro superimposito regitur; & ille apparatus sic relinquitur per unam alteramve horam, donec eschara satis profunde inusta fuerit. Unguento deinde basilico, butyro infuso, vel similibus mollissimis applicatis, escharæ mortuæ à partibus vivis separatio promovetur; & dein pus per aperturam sic factam educitur: tuncque ad curationem omnia eadem requiruntur ac modò dictum fuit. Certum ininterim est, meticulousos tales majorem longè dolorem pati; maturi enim abscessus divisio scalpelli ope unico temporis momento perficitur; caustici autem actio horam, & sæpe longius tempus, requirit; & postea, dum eschara sensim à vivis partibus contigua secedit, adhuc satis magnus sæpe dolor sentitur. Major præterea cicatricis deformitas solet sequi post caustici applicationem.

(a) Method. Med. ad Glaucon. Lib. II. cap. IX. Charter. Tom. X. pag. 384. 385.

(b) Livre VII. chap. x. pag. 167.

## FISTULÆ.

§. 413. **H**INC Sinuum, Fistularumque origo, causa, natura, locus, effectus, intelliguntur (406).

Dum recenscebantur §. 406, illa mala, quæ metuenda sunt, quando pus in abscessu undique maturo nimis diu relinquitur, dictum fuit, quod pus mole, pendere, & motu, sinus fistulâque creet, variis locis corporis variis. De his autem sinubus, & fistulis in hoc capitulo agitur.

Sinus autem apud Medicos & Chirurgos designat cavum, inter partes molles corporis naturali contactu remotas, factum à pure in abscessu collecto, & per aperturam, sponte vel Arte paratam educto. Talem enim sinus definitionem dedit *Galenus* de hoc re agens, (a) *At enim quæ pars ita afficitur, quousque in externa superficie aperta sit, abscedere ipsa dicitur, tumque per se affectus abscessus vocatur. Verum, ipso parte aliquid sic, aperto, ut contentus humor excernatur, affectus non amplius abscessus, sed jam sinus nominatur.* Ex hac verò definitione sequeretur, post omnem abscessum sequi necessarium sinum. Obtinuit tamen usu, sinum tantum vocari, quando latera abscessus aperti, educto pure contigua facta non concreverunt citò inter se, sed separata manent diutius; adeoque in hoc cavo præternaturali quotidie novi humores aggesti difficultatem curæ faciunt. Unde alio in loco sequentem sinus definitionem *Galenus* dedit (b) *Quum corpora pus excoriât, & continentia à subjectis separat ac diducit; dein eo quomodocumque evacuato, separata pristinum statum recuperare nequeunt, affectio sinus appellatur.* Similia & habet alibi. Postquam enim monuerat (loco in *Commentariis* §. 411, citato) curim in suppurationibus sic tabefactam, ut *atriiis vestium fragmentis similis reddatur*, difficulter subjectis corporibus coalescere; statim in sequenti capitulo initio dicit, (c) *Quum amplius subjectis corporibus coalescere cutis non potest, ejusmodi affectus sinus appellatur.* Hanc autem sinus definitionem iisdem ferè verbis ex *Galeno* habet (d) *Paulus Ægineta*.

Fistula autem à sinu differt, quod sit angustior, diutius plerumque duraverit, & interna superficies, uti & orificium, callo sæpe obducta sint. Unde sequentem fistulæ definitionem dedit *Ægineta* (e) *fistula sinus est callosus, plerumque ex abscessibus nascens, ducta ab arundineis fistulis translatione appellatus.* Et alibi (f) addit, fistulas plerumque abscessus non bene curatos sequi. Paucissimis verbis Latinissimus *Celsus*, Postquam monuerat ex abscessibus, & aliis ulcerum generi-

(a) Lib. de Medic. Officin. Comment. II. Text. xxvii. Charter. Tom. XII. pag. 64.

(b) Lib. de Tumor. præternatur. cap. iv. Charter. Tom. VII. pag. 316.

(c) Method. Med. ad Glaucon Lib. II. cap.

x. Charter. Tom. X. pag. 385.

(d) Lib. IV. cap. xlviii. pag. 69.

(e) Lib. IV. cap. xlix. pag. 70.

(f) Lib. VII. cap. lxxvi. pag. 93. versâ.

bus fistulas oriri, illarum definitionem dedit, dicens (a) *Id nomen est ulceri alto, angusto, calloso.*

ORIGO. Autem sinuum & fistularum facile patet ex illis, quæ in *Commentariis* §. 406, dicta sunt. Phlegmone enim in abscessum mutata, si pus collectum, loco clauso manente, nimis diu retineatur, vel aperturam nimis angustam, aut non satis declivem, exire commodè non possit, sinubus & fistulis originem dat.

CAUSA. Pus bonum pondere & mole sua viam sibi faciens in facile dilatabili tunica cellulosa; vel idem pus morâ & stagnatione corruptum & acrius factum, vicina rodens.

NATURA. Constitit in cavo præternaturali inter partes molles, à naturali contractu remotas per collectam materiem purulentam, ichorosam, saniosam, &c.

LOCUS. Semper in panniculo adiposo est; neque constitit ullis Observatis fide dignis, quantum novi, nunquam muscularem substantiam propriè dictam fistulas pervasisse. In *Commentariis* §. 374, dictum fuit, quàm latè pateat panniculi adiposi extensio per totum corpus & omnes ferè ejus partes; & quomodo non tantum masculis & tendinibus circumponatur, verum etiam majorum musculorum in minores subdivisionibus se interferat, quo usque sensibus hoc detegi potest. Unde patet, quàm mirabiles anfractus sæpe sinus & fistulæ habere possint, & quare in profundis admodum & dissitissimis ab orificio suo locus fontem eorundem sæpe inveniant Chirurgi ut plurima testantur Observata. Juvenis viginti duorum annorum acerbissimo jam ultra sex septimanarum spatium cruciabat dolore, qui lumbos, inguen, & nates in dextro latere occupabat, & cogebat miserum noctes dièsq; dorso incumbere, genus elevatis, & pedibus versus nates reflexis. Optimis remediis incassum adhibitis, dum examinantur partes dolentes, nulla mutatio in colore cutis aut figurâ partium inveniebatur: ad latus autem vertebrarum lumborum inter cristam ossis ilii & ultimam costam spuriam percipiebatur undulatio profunda. Hoc loco, ad magnam satis profunditatem adacto scalpello, discilio ad trium pollicum longitudinem, effluerunt sinceri puris libræ sex & ultrâ; & postea eodem die incredibilis copia puris sponte per aperturam factam exivit, totumque inundavit lectulum, infcio ægro, sed summo tamen cum doloris levamine. Dum apparatus auferret Chirurgus, & premèret abdomen, denuo notabilis copia puris exivit; & adhuc multò plùs, dum crus & femur ejusdem lateris comprimerentur, quamvis nullus omnino tumor in his partibus appareret. Dúmque sequentibus diebus, omni pure evacuato, quantum fieri poterat per compressionem abdominis & femoris, premerentur partes à pede infimo adscendendo ad genu usque, magna adhuc puris copiâ exivit (b). Ex mirabili hoc casu apparet, pus bonum, & nondum degenerans in pejorem indolem, solo, ut videtur, pondere sinuosas tales sibi fecisse vias à lumborum regione ad infima pedis usque; & licet validâ tali suppuratione omnem corporis habitum perdidisset miser ille homo èd usque, ut summa femoris pars pugno comprehendi potuerit, quinque tamen mensium spatio post aperturam factam convaluit, & dein, post binos menses amissum corporis

(a) Medicin. Lib. V. cap. xxviii, n°. xii. | pag. 318.

(b) De Lamotte. Traité complet de Chirurgie, Tom. I. pag. 357, &c.

habitum penitus recuperavit; imò obefior, quàm ante morbum hunc, redditus fuit.

Similem casum vidi, sed infaufto eventu lethalem. Mediæ ætatis viro sano & alacri sine manifesta causâ oritur tumor mollis in latere sinistro ad altitudinem circiter ossis ilii, & ad distantiam binorum digitorum tranversorum à spina dorsi. *Celeberrimus Boerhaavius* consultus jussit scalpello dividi tumorem latâ satis plagâ: sed meticulosus æger, simulac primum scalpelli ictum sensit, aufugit illico, neque potuit precibus amicorum, neque secutorum malorum intentatis minis, adigi, ut sectionem pateretur. Levissimus tantùm fuerat scalpelli ictus, qui cutim vix penetraverat, unde nihil effluxit omnino; sed, applicato emolliente cataplasmate, post biduum per cutis hoc vulnusculum incredibilis copia puris effluxit. Quia cæteroquin omnes functiones corporis optimè apparebant, magna spes curæ affulgebat, sed pergebat quotidie copiosi puris effluxus. Cùm dilatationem parvulæ hujus aperturæ quàm maximè necessariam esse urgeret meritò dexterimus Chirurgus, qui ejus curam gerebat, post plurimos dies elapsos tandem illam admisit, sed iterum dolorem sentiens, cùm firmari ab adstantibus ministris absolute renuisset, motu corporis impeditus, quominus satis ampla hæc fieret. Interim per aliquot dies videbatur minui puris quantitas, sed mox inopinatè ingens copia puris undarim ferè effluxit. Magna cum difficultate à morosissimo hoc ægro impetravit Chirurgus, ut specillo liceret explorare, quò versùs ille sinus tenderet, potuisset versus superiora sub integumentis ad costas usque illud adigere: cùmque mortem ipsam vel levissimæ etiam sectioni præferre se pertinacissimè assereret miser æger, ruptorio communi applicato illi loco, ubi specilli immissi apex resistentiam invenisset, nova apertura facta fuit. Sed licèt splenis, ligaturis, corporis situ idoneo, &c, tentaretur cura, nihil omnino profuit, & pergebat pus exire tantâ copiâ, ut fasciæ, splenia, & lectulus inde quotidie inundarentur. Febricula hectica interea depascebat corpus; manente tamen appetitu integerrimo, & alvo liberâ, nec nimis laxâ tamen. Post aliquot septimanas, emaciato jam penitus corpore, in inguine dextro ad altitudinem summitatis ossium pubis tumor mollis apparuit; quo aperto, sinceri puris septem libræ effluerunt, neque tamen ideo sequentibus diebus cessabat pus exire per aperturam inguinis æquè, ac per binas priores, quæ in dorso erant. Tandem exhausto corpore, ad vitæ finem usque appetitu optimo manente, & placidè exspiravit.

Cùm mirarer quàm maximè, unde tanta copia puris prodire potuisset, & peritissimus Chirurgus putaret, ex ipso abdominis cavo per inguinis aperturam fluxisse; quod tamen vix credere potui, cùm nullus abdominis tumor, & nullum vitium in chylopoiesi apparuerit per totum morbi decursum, obrinui ab amicis defuncti, ut in cadavere hæc perscrutari liceret.

Specillum immisimus per binas aperturas in dorso, neque illud ad notabilem aliquam profunditatem adigere potuimus. Dum verbò illi orificio, quod in inguine erat, specillum applicuimus, illud torâ suâ longitudine ingressum fuit, licet nulla vis adhiberetur; sed quàm lenissimè hoc factum fuerit. Educto hinc specillo solum per idem orificium introductum fuit & sensim versùs superiora illud adigebatur, donec resistentia perciperetur. Deinde lentâ incisione fili hujus plumbei ductum sequentes invenimus, illud non penetrasse in cavum abdominis, sed versus posterius sursum ivisse, sub peritonæo supra musculum psoas, sub rene dextro; neque potuimus ullam communicationem invenire hujus sinûs cum aperturis illis, quæ in

dorso erant. In thoracis & abdominis cavis ne guttula quidem puris inventa fuit; cùmque toto morbi decursu nullum vitium in cerebri functionibus observatum fuerat; à cranii apertura abstinuimus. Ex quibus satis patuit, omnem illam puris copiam in solo panniculo adiposo hæsisse, cùm nullæ aliæ partes viciatæ apparent, & in magnis cavis corporis nullum puris vel suppuracionis prægressæ velligium deprehensum fuerit.

**EFFECTUS** sinuum & fistularum similes sunt illis, qui in *Commentariis* §. 406, recensiti fuerunt, dum pus nimis diu in abscessu maturo clauso relinquere-tur: in sinibus enim & fistulis hærens, neque integre evacuari potens plerumque, ibi moram trahit, attenuatur, putrescit, & in acrem saniem degenerat; & quidem adhuc citius quàm in abscessu clauso, cui aeri datur accessus. Sinus ergo & fistulæ parietes pessimè afficiuntur ab hoc pure corrupto, sicque degenerabunt tandem, ut difficillimè mundari possint, & ad puri vulneris conditionem reduci; quod tamen omnino requiritur, ut unio partium separatarum fieri possit, quam etiam impedit pus ibi relictum, instar corporis heterogenei interpositi omnem concretionem prohibens. Simul patet inde, eò peiores fistulas esse, quò diutius duraverint, & quò propiores fuerint talibus partibus, à quarum erosione vel magnum periculum, vel curæ tarditas & difficultas, merito prævidentur. Unde *Hippocrates* de his agens dixit (a) *Fistulæ difficillimæ sunt, quæ in cartilaginosis & excarnibus locis sunt, & quæ cavæ sunt, & procedunt, (cuniculos agunt), ac sanie manant semper, caruncula in osculo ipsis est. Curatu autem faciliores sunt, quæ in mollibus, & carnosiss, & non nervosis existunt. Accuratissima etiam, sed parum amplior, fistularum prognosis apud Celsum habetur. (b) Expedita curatio est in fistula simplici, recenti, intra carnem. Adjuvâque ipsam corpus, si juvenile, si firmum est. Inimica contraria his sunt: itemque, si fistula os, vel cartilagineum, vel nervum, vel musculos læsit; si articulum occupaverit; si vel ad vesicam, vel ad pulmonem, vel ad vulvam, vel ad grandes venas arteriasve, vel ad maxillas, guttur, stomachum, thoracem penetravit. Ad intestinâ quoque eam tendere: semper periculosum, sæpe pestiferum est. Quibus multum mali accedit, si corpus vel ægrum, vel senile, vel mali habitus est.*

§. 414. **APERTI** (413) facilè cognoscuntur; clausi cavitatis mollis tactu deteguntur.

Quæritur jam, quibus signis cognosci possit, an sinus aut fistula addit? Quando apertura extorsum patet versus corporis superficiem, tunc satis detegi possunt. Si enim puris magna copia per parvum tale orificium exeat, vel pressione partium vicinarum inde educi possit, satis patet, amplum debere locum esse: in quo pus illud hæsit. Ut autem simul constet, versus quam partem sinus vel fistula tendat, specillo jubet explorari Celsus dicens, (c) *Anie omnia autem demitti specillum in fistulam convenit, ut quò tendat, & quàm aliè perveniat scire possimus. Hæcque methodo voluit simul distingui posse, an fistula ad os usque pervenerit necne; uti etiam an os cariosum jam factum sit. Ut autem certus esset, an ab uno orificio externo ortæ fistulæ dividerentur in plures quasi rivulos, sequens monitum dat (d) Cor-*

(a) Coac. Prænot. no. Dxi. Charter. Tom. VIII. pag. 882.

328. 329.

(b) Medicin. Lib. V. cap. xxviii. no. xii pag.

(c) Ibid. pag. 329.

(d) Ibid. pag. 330.

poris inclinatio nocet, num in plures partes fistulæ penetrarint; quia sæpe, cum quis aliter decubuit, aliterque membrum collocavit, pus ferri, quod jam desierat, iterum incipit; testaturque, non solam alium finem esse, ex quo descendat, sed etiam in aliam corporis partem eum tendere. Omnium autem optima methodus sinus & fistulas, variumque eorumdem decursum detegendi, videtur esse, si per siphonem prudenter & leni vi aqua tepida injiciatur. Hæc enim faciliè se per omnes anfractus fistularum insinuat; & si versus exteriora sub integumentis fistula decurrat, tumore elevatae cutis varium docebit iter: si verò profundius descendant sinus aut fistulæ, quantitas aquæ injectæ cavi talis præternaturalis magnitudinem docebit saltem; neque in tali casu specilli usu plura ferè detegentur. Præterea, si parum rudiùs adigatur specillum per fistulæ orificium, vias sæpe faciet dilacerando tenerum panniculum adiposum, quæ non adfuerant; neque potest sic cognosci fistulæ longitudo, si anfractuoso itinere decurrat.

Ubi verò clausi adhuc sinus sunt, difficilior diagnosi est, inprimis si profundè admodum hæserint. Lucem tamen dabunt inflammationis prægressæ signa, & dein suppurationis hanc fecuræ indicia. Si tunc post hæc attractu mollis cavitas, & undulatio percipiantur, satis certi sumus, sinum talem adesse. Accedit, quoddam rariò suppuratio alicujus momenti in corpore diu lateat, quin hæctica adsit febricula. Summa tamen prudentiâ hic opus est, ne aliquando latens aneurysma, aut varicosus tumor pro suppuratione profunda habeantur; qualis error tamen peritio Chirurgorum non faciliè continget, si mali originem & decursum attentè mente consideraverit. Tamen satendum est, profundos adeo aliquando inventos fuisse abscessus, ut in illis detegendis sæpe cespitaverint etiam peritissimi, ut patet ex miro illo casu, cujus mentio facta est in *Commentariis* §. 410; & apud optimum Chirurgum *Lamortium*, qui tanto cum candore hunc casum descripsit, plura similia Observata inveniuntur.

§. 415. **CURANTUR** dissectâ parte inferiori, implezione cavi per liquefacta digestiva pro re nata, injectu deterfivorum, ligaturâ sensim premente à fonte ad aperturam: sed citissimè integumentis artificiosè supra cannulam fossatâ, filum argenteum; vel per syringotomon, dissectis.

Omnibus sinibus & fistulis communis curatio, hæc sequentia requirir. 1º. Ut liber concilietur exitus puri, & impediatur, ne illud in sinu & fistula stagnare diu possit, & corrumpi. 2º. Ut tota interior superficies cavi sinûs vel fistulæ mundetur, & ad conditionem puri vulneris deducatur. 3º. Ut mundæ partes, sed adhuc separatae, cœntiguæ fiant & concrecant inter se. Ubi autem bina priora requisita. Ars perficit, tertium faciliè obtinebitur; uti optimè monuit *Celsus* dicens (a) Neque verendum est, ne purum corpus puro corpori junctum non coeat, adjectis quoque medicamentis ad id efficacibus; cum sæpe exulceratio digitorum, nisi magnâ curâ prospeximus, fâscendo in unum eos jungat. Præcipua ergo difficultas in libero puris collecti exitu conciliando, & depuratione cavi sinûs, consistit: & dantur aliquando tales casus, in quibus illud admodum difficile, imò sæpe omnino im-



possibile est. Vidi sic fistulam angusto orificio in pectoris sinistri anteriori parte patentem, quæ anfractuosa viâ ponè costæ cartilaginem descendebat. Non poterat ullâ Arte impediri ne pus in fundo hujus fistulæ collectum stagnaret, cum costæ cartilago & compressione redderet inutilem, & aperturam fundi talis fistulæ periculosam admodum, si non omnino impossibile. Voluit quidem *Celsus* in tali casu costam ab utraque parte præcidendam & eximendam esse, (a) *ne quid inius corruptum relinquatur*; sed nemo facîle tentabit, credo, in vivente homine ex costâ fragmentum abscindere, & deinde illud avellere à pleura, cui satis firmiter adhæret. Omnes ferè methodos expertus æger sine fructu patienter tulit, quod non poterat evitare, malum; & post biennium subitâ morte extinctus fuit. Sic etiam, ubi fistula ad os usque pervenit, illudque affectit, non poterit depurari locus, antequam corrupti ossis particula secesserit, vel per Artem ablata fuerit. Frequentissimæ occurrunt tales fistulæ circa maxillas, quæ per annos sæpe durant, nullisque cedunt remediis, dente autem evulso carioso, vel etiam sano, qui per maxillam thecam penetrans continuâ irritatione partes molles incumbentes lædit, paucorum sæpe dierum spatio sanantur. Ad fistularum autem curam imprimis laudantur sequentes Methodi.

**DISSECTA PARTE INFERIORI.** Si sinûs aut fistulæ orificium sic ponatur, ut contenti cavo humores propriâ gravitate versus illud tendere nequeant, semper difficilis cura est; accumulabuntur enim & augebunt cavum illud præternaturale. Ideo tunc tentant peritû Chirurgi semper novam aperturam facere in parte inferiori, ut sponte pus, sanies, &c. elabi possint. Si autem dubium videatur, ubinam inferior sedes sinûs vel fistulæ sit, turundâ obturant orificium per 24 horas sic, ut nihil exire possit; tuncque collecti humores tumorem facient in loco maximè declivi. Idem fit, si per siphonem prudenter aqua tepida injiciatur. Hâc methodo quidem cavetur, ne stagnent in sinu vel fistulâ collecti humores, sæpe autem tota superficies interna sordida admodum, vel etiam callosa facta est; unde requiritur depuratio, quæ fit.

**IMPLETIONE CAVI PER LIQUFACTA DIGESTIVA PRO RENATA.** Quomodo similes sordes in vulneribus natæ tolli debeant, dictum fuit in *Commentariis* §. 207, atque eadem remedia hic convenient, leniora vel acriora, prout crassiores sordes fuerint, vel magis, minùsve callosa superficies sinûs vel fistulæ inveniatur. Sed patulo vulnere facîle hæc in omni puncto applicari poterunt; longè autem difficilior est, eadem per omnem superficiem anfractuosa fistulæ distribuere. Veteres Medici collyriis ad hanc rem usi sunt: quo nomine licet hodie plerumque in Officinis tantùm intelligantur illa remedia, quæ oculorum morbis curandis inserviunt, tamen constat, illud quondam magis generalem significationem habuisse; καλλύριον enim dicebatur quasi κολλῶν ἵμα, cauda truncata, ut ex optimis Auctoribus probat *Gorrhaeus* (b), ob figuram conicam. Sic & *Celsus* laudans ad curam fistulæ recentis & simplicis, quæ in carne est, emplastrum, quod recentibus vulneribus imponitur, modò salem vel alumen, vel squamam æris, vel æruginem, &c. habeat, dicit (c) *Exque eo collyrium fieri debet alterâ parte tenuius, alterâ paulò plenius. Idque eâ parte, quâ tenuius est, an-*

(a) Medicin. Lib. VII. cap. IV. n°. II. pag.

(b) Defin. Med. pag. 314. 315.

(c) Lib. V. cap. XXVIII. pag. 310.

*cedente demitti oportet in fistulam, donec purus sanguis se ostendat.* Totus scopus procedente fuisse, ut hæc methodo superficiei internæ sinûs vel fistulæ in omni puncto applicarentur talia, quæ fordes hic natas abstergere, aut callum consumere possent. Omnium optimum ergo videtur esse, si aloë myrrha, olibanum, ærugo, &c, non excipiantur solis pinguibus emplastris, sed potius melle aut viello ovi subigantur: tunc enim ab humoribus affluentibus solventur, sicque majori efficacîa agent in loca quibus applicantur; & præterea, dum sic disfluunt, æquabilibus distribuentur per omnem sinûs aut fistulæ amplitudinem. Accedit, quòd collyria firmam satis consistentiam habere debeant, ut instar corporis solidi per orificium sinûs vel fistulæ immitti, & ad fundum usque protrudi possint; adeoque, nisi deliquescant sensim, toto tempore, quo ibi manent, instar corporis duri contudent & prement parietes, sicque sæpe magis nocerent, quàm prodesse. Sumitur ad hunc usum v. gr; terebinthina purissima, vel aliud simile nativum balsamum; cui additur æqualis quantitas vielli ovi; deinde his bene mistis additur mel, & alia detergentia, prout requiritur; & ex his vel fit solidum coni truncati instar collyrium, vel liquidioris consistentiæ remedium, quo leni calore fuso tota cavitas impletur.

**INJECTU DETERSIVORUM.** Facile patet, priorem methodum tantum locum habere, ubi simplex sinus vel fistula est, rectæque viâ decurrit. Quando autem anfractuoso itinere fistula procedit, vel in plures quasi rivulos funditur, aliis auxiliis opus est. Tunc enim (a) collyrio uti non debemus, quod unam pariem curret, reliqua omittit; sed eadem medicamenta arida in calaum scriptorium concicienda sunt, usque ori fistulæ aptandus; inspirandæque, ut ea medicamentâ in us compellantur, aut eadem ex vino liquanda sunt; vel, si sordidior fistula est, ex mulso; si callosior, ex aceto; atque intus infundendum, quidquid inditum est. Omnia ergo illa medicamenta, quæ collyriis parandis pro re nata inserviebant, liquidis convenientibus diluta per fistulæ aperturam solent injici, & variæ tales formulæ in *Materia Medica* ad hunc numerum habentur. Notandum tamen, sæpe hæc nocere, si valido impetu urgeantur: tunc enim in facili dilatabili panniculo adiposo novas vias facere possent, adeoque malum augere. Præterea omnia hæc tantum profunt, quatenus fordes tollunt, & callositatem fistularum consumunt: post depurationem autem factam nocerent potius, quia impedirent partium separatarum unionem: optima enim etiâ balsama, inter partes corporis vulnere separatas interposita, instar corporis heterogenei consolidationem impediunt. Unde sola glutinantia commendat *Celsus*. Tunc si (b) ea tunica, quæ inter foramen & integram carnem est, vixit tot medicamentis exeat; infraque, ulcus purum sit. Spongiam enim melle cocto illitam imponi jubet, & collyria damnat, cum nullus metus sit, (c) ne purum corpus puro corpori junctum non coeat, ut paulò antè ex eodem Auctore dictum fuit. Cognoscitur autem, totam internam superficiem puram esse, si pus album, leve, æquabile exeat, nihilque saniei vel ichoris addit, nullusque fetor percipitur. Sic v. gr; turundam vel collyrium sinui aut fistulæ immisum, uti & emplastrum aut plumaceolum ejusdem orificio applicatum, sedulo examinant Chirurgi periti, dum renovant apparatus, ut videant an in quodam loco, tenui sanie hæc madescant; loco boni puris; tunc enim certi sunt, nondum omnem ambitum sinûs vel fistulæ purum esse.

(a) *Cels. Medicin. Lib. V. cap. xxviii, no.*  
xii. pag. 331.

(b) *Ibid.*

(c) *Ibid.*

## LIGATURA SENSIM PREMENTE A FONTE AD APERTURAM.

Pus, licet optimum fuerit, tamen morâ & stagnatione corrumpitur, & degenerat in saniem tenuiorem & acriorem (vide *Commentaria* §. 402. n°. 4.); unde, licet interna sinûs aut fistulæ superficies optimè mundata fuerit, nisi impediri possit puris nimis diuturna mora, novæ iterum fordes nascentur, neque poterit fieri partium separatarum concretio. Ut autem hoc impediatur, artificiosa ligatura summum usum habet, & talis dispositio partis, ut pus collectum liberrimè exire possit per fistulæ orificium, ac nullo modo colligi & stagnare in fundo ejusdem. Sic habetur apud *Galenum*, quod in femore (a) *sinum deorsum vergentem & ad genu terminatum, cujus os sublime supra femoris medium esset, sine ulla ex adversa parte divisione, ad sanitatem perduxerit, substrato popliti molli pulvino quò demissus inguen quàm genu esset.* Ligatura verò talis esse debet, quæ leni pressione mundas jam partes reddat contiguas. Cùm autem etiam in puro vulnere, si alicujus momenti fuerit, quotidie pus generetur, debet illud exire posse: unde non simul & semel in tota sua longitudine sinus vel fistula per fascias & splenia comprimi debet, sed sensim à fonte ad aperturam procedendo. Summâ ergo curâ inquirendum est, in quo loco fundus sive fons sinûs vel fistulæ hæreat: hoc autem cognosci potest prudenti injectione multæ vel similibus detergentium, quæ fistulæ depurandæ inserviunt, si attendatur, quò versùs & quousque hæc tendant; utl etiam si leni pressione, incipiendo in loco satis disto, & pergendo sensim versùs aperturam, contentum in sinu pus exprimatur: simulac enim tunc pressio, in parte sanâ vicinâ, facta, progrediendi pervenit ad fundum sinûs, incipiet pus prodire per aperturam. Cognito ergo illo limite, ubi fundus sinûs vel fistulæ contiguus est partibus sanis, imponitur huic loco spleniolum (si certus sit Chirurgus totam internam superficiem mundam esse) sicque pressio fasciæ circumductæ determinatur, ut in hunc locum agat; reliqua sinûs aut fistulæ longitudo spiralis fasciæ circumductione laxiùs tantùm firmatur, ejusdem officio liberrimo manente, ut pus contentum exire possit. Solicitè hanc methodum descripsit *Galenus* de varia sinuum cura agens (b) *colligatio à sinûs profundo quidem incipiat, & ejus ore finiat. Fasciarum verò spiræ sinûs profundum sine dolore arctent, quæ paulatim usque ad os laxentur; Similique sic monet, idque ipsum laxam deligationem habeat medicamenti, circumducto forissecus emplastro, ad os sinûs forficibus discisso, ut sanies aliqua effluere possit.* Sequenti deligatione antequam tollatur spleniolum fundo sinûs applicatur, leniter exprimitur omne pus, & postea ablato spleniolo tentatur, an adhuc aliquid puris premendo loca vicina exeat; si enim hoc fiat, signum est, splenium non fuisse adhibitum debito loco, sed ultra illud adhuc pus collectum fuisse: adeoque debet ejus situs mutari. Si verò nihil puris tunc exire deprehendatur, spleniolum illud parum plùs versus sinûs aperturam admoveatur, sed sensim procedendo, & similibus cum cautelis; sicque concretio partium separatarum in fundo sinûs incipiet, sensimque versus ejusdem aperturam progredietur. Brevi sermone, ut solet, hæc comprehendit *Hippocrates* dicens, (c) *Quæ abscesserunt, ut sublimia sint, naturalem sedem tangere quidem debent, non verò comprimi* (hunc enim sensum

(a) Method. Med. ad Glaucon. Lib. II. cap. x. Charter. Tom. X. pag. 386.

(b) Ibid.

Tom. I.

(c) Lib. de Medic. Officin. Comment. II. text. xxvii. Charter. Tom. XII. pag. 63.

esse obscuri satîs hujus loci Galeni Commentarius docere videtur) *Ex sana verò parte exordiendum, & ad ulcus finiendum, ut, quod subest, fundatur (ἐξ ἀθιάζοντα) aliud autem non colligatur.* Optimè autem hic videtur convenire emulgenti vocabulum, quia sic sensim à fundo sinûs derivatâ pressione versus ejus aperturam liberam, exprimitur omne pus, ut sit, dum vaccarum ubera simili blandâ compressione à superioribus versus inferiora mulgentur, papillæ orificio interim patulo manente. Signa autem, per quæ novimus curam in hoc casu bene procedere, Galenus optimè recensuit sequentia: (a) *an verò altâ sinûs partes coaluerint, ex manente sanie deprehendes, si ea multa vel pauca, cocta vel cruda sit. Præterea si neque in ipso sinu dolor sentiatur, nec tumor appareat, sed totus locus æquabilis sit, siccus, ac doloris expertus. Quod si puris probè costii portio exigua in ore conspiciatur, multò magis de gluinando sinu sperandum est.* Quamvis autem hæc methodus in plurimis calibus pulchre profuerit, faciliè tamen pater, illam locum habere non posse, nisi totâ superficiei sinûs vel fistulæ purissima fuerit, & pressio externa in illam agere possit. Ubi ergo vel ab offe vicino affecto fistula originem duxit; vel tota callosa interiùs se non faciliè depurari patitur, aut sic decurrit, ut pressio externa fundum ejus attingere nequeat; tunc sola dissectio integumentorum superest, ut totâ superficie nudatâ medicamenta idonea possint applicari in omni loco, ubi hoc requiritur.

**SED CITISSIME INTEGUMENTIS DISSECTIS ARTIFICIOSE SUPRA CANNULAM FOSSATAM.** Omnium promptissima cura fistularum & sinuum est, si dissecantur integumenta, sic ut fistula materur in ulcus apertum. Difficultas enim curationis non pendet adeo à callositate interna, quàm quod pus ibi stagnet & corruptur. Observata fidelissima docuerunt, & plures similes casus ipse vidi, quibus constitit, simplici dissectione curatas fuisse fistulas quatuordecim dierum spatio, quæ aliis methodis frustra tentatæ fuerant per plurimos menses, imò & annos. Hujus rei probè gnarus Celsus ideo dixit, (b) *Adversus fistulas quoque, si altius penetrant, ut ad ultima demitti collyrium non possit; si tortuosæ sunt, simultiplices; majus in manu, quàm in medicamenti præsidium est; minusque operæ est, si sub cute transversæ feruntur, quàm si rectâ intus tendunt.* Igitur, si sub cute transversa fistula est, demitti specillum debet, supràque id ea incidi. Si flexus reperiuntur, hi quoque simul specillo & ferro persequendi sunt. Idemque faciendum, si plures se quasi rivuli ostendunt. Multa quidem jactantur ad maxime etiam rebelles fistulas sine sectione curandas arcana, sed quàm parum his fidei habendum sit, patuit Exemplo Ludovici Decimi quarti, Galliarum Regis. Cùm enim fistulâ ani laboraret, & innumera proponerentur remedia, præcipua tentata fuerunt Regis jussu in aliis ægris simili morbo laborantibus, sed incautum omnia. Cùmque integer annus jam transisset, dum hæc tentamina fierent; Rex operationem subiit, & constanti animo tulit, licet pluribus incisionibus omnes fistulæ rivulos prosequi cogeretur Chirurgus (c). Ut autem hæc sectio tutò fieri posset sinet læsione suppositarum partium, varias excogitaverunt methodos Chirurgi. Quando enim sub integumentis decurrit fistula, sufficit cannulam fossatam per orificium fistulæ immittere prudenter, & adigere ad fundum usque: deinde scalpello vel novacula crenæ huic instrumento insculptæ fortiter appressâ simul & semel omnia incumbencia discindere. Ubi verò fistulæ decursus ma-

(a) Method. Med. ad Glaucon. Lib. II. cap. x. Charter. Tom. X. pag. 386.

(b) Medicin. Lib. VII. c. iv. an. 1. pag. 412.

(c) Dionis Cours d'Opérations de Chirurgie Démonstrat. iv. pag. 288, & suiv.

gis introrsum tendit, uti v. gr; in fistulis ani toties fit, tunc adhibent,

**FILUM ARGENTEUM.** Ex argento puro candelactō & sensim refrigerato, ut mollissimum sit, paratur stylus apice obtuso instructus, qui per aperturam fistulæ immittitur, & sensim protruditur ad fundum usque, donec sub integumentis sentiat obfusio ille styli apex: incisione tunc ibi loci factâ apex ille educitur, tuncque bina styli extrema simul eleuantur, ut integumenta à suppositis partibus removeantur, & tunc scalpello vel forfice discindi possint.

Hâc methodo usi fuerunt in fistulis ani sectione curandis: stylum enim talem per externum orificium fistulæ immisissum protrudebant, donec indice digito ano immisso ejus extremum sentirent Chirurgi, emergens nempe per internum fistulæ orificium; vel, si illud non adesset, styli apice audacter perforabant intestinum rectum. Tunc indice curvabant styli extremum, & per anum educebant; & prehenfis binis styli extremis protrahebant illa quæ discindenda erant; nempe non tantum integumenta communia, sed & sphincter ani, & ipsius intestini recti latus, dissectari in tali casu debent (a). Aliam adhuc methodum fistulas ani curandi habet Hippocrates (b): stanneum specillum quod altero suo extremo perforato quintuplex linum crudum gerat, serâ equinâ circumvolutâ colligatum, fistulæ orificio jubet immitti: deinde sinistræ manûs indice ano inducto specilli extremum prehendi, incurvari, & foras produci vult, donec linum sequatur. Ablato dein specillo lini capita nodo constringi jubet, ægrumque dimitti, ut sanorum instar negotia sua peragat. Scopus erat, ut sensim sic attererentur lino crudo integumenta omnia, tandemque integre solverentur: unde monuit Hippocrates (c) *quantò putrescente & exesâ fistulâ, linum laxatur, tantò illud singulis diebus intendere ac intorquere semper oportet. Si verò linum crudum, putrescere videatur, antequam fistulam exederit, alterum linum crudum, sed adjunctum trajiciatur, connectaturque.* Hanc curationis rationem longam esse dixit merito Celsus (d); an autem sine dolore sit, uti affirmat pariter, quàm maximè dubitarem. Linum enim paulatim cutem, quæ supra fistulam est, incidit: simulque & id sanescit, quod à lino relisum est, & id, quod ab eo mordetur, inciditur. Dum enim inter ambulandum motis his partibus linum ad cruda fistulæ latera atteritur, molestus satis dolor esse debet; si verò adeo callosa sit fistulæ superficies, ut ab hoc attritu non doleat, non faciliè etiam hâc methodo integumenta incumbencia solverentur; tuncque post longa hujus curationis tædia ad scalpellum tamen veniendum erit. Frustra autem sæpe tentatam fuisse hanc methodum satis patet ex illis, quæ paulò pòst apud Hippocratem in eodem loco habentur. Dicit enim (e) *si verò fistula minimè exesa fuerit, demisso in eam specillo quousque pervenerit, incidenda est, aris flore inspergenda, & per dies quinque sinenda.* Et Celsus in loco modò citato sic monet, (f) *qui festinant, adstringere cutem lino debent, quò celerius secetur.* Ut etiam, si linum illius calum exceditibus medicamentis, adjici quidem celeritati, sed & tormento quoque; tandemque subjungit posse (g) *tamen fieri, ut ad scalpelli curationem etiam illo*

(a) Dionis Cours d'Opérat. de Chirurg. De-  
monst. IV. pag. 185.

(b) Lib. de Fistul. cap. III. Charter. Tom.  
XII. pag. 141.

(c) Ibid. pag. 143.

(d) Medicin. Lib. VII. cap. n°. 19. pag.

14.

(e) Lib. de Fistul. cap. IV. Charter. Tom.  
XII. pag. 143.

(f) Medicin. Lib. VII. cap. V. n°. 19. pag.  
414, in fine.

(g) Ibid. pag. 415.

*Loco veniendum fit.* Eviluit ideo hæc methodus, cum vel nullum successum habeat, vel diuturnitate, simulque doloris ferè continui molestiâ & ægro & Medenti summum tædium faciat.

**SYRINGOTOMON.** Ab usu, quem in fistulis secandis habet, nomen datum fuit huic instrumento, cujus variæ figuræ apud Auctores habentur. Omnium maxime solebat laudari ad fistularum ani curationem. In hoc instrumento stylus, quo exploratur fistulæ profunditas & decursus, unitur scalpello, per quod dissectio fieri debet; sicque unico instrumento perficitur operatio, quæ aliter plura requirebat. Syringotomi tamen, qui apud *Scultetum*, *Solingenium*, *Fabricium ab Aquapendie* & alios delineantur, minus commodi videntur esse, inprimis pro fistularum ani curatione. Falcatus enim cultellus in specillum ex eodem metallo paratum definit, adeoque non potest habere illud instrumentum debitam flexilitatem, quæ requiritur, ut digito per anum immisso specillum in cavum intestinum prominens incurvari & protrahi possit. Recentiorum autem Chirurgorum industria hujus instrumenti incommoda correctæ fuerunt. Cultelli enim falcati ex optima chalybe confecti, uni extremo ferruminando, unitur specillum ex puro & flexili argento confectum, dum alterum extremum in manubrium incurvum definit (a). Reliqua autem, quæ in confectioe hujus instrumenti observanda sunt, uti & ejusdem figura, apud laudatum Auctorem habentur.

Dissecta sic fistula mutatur in ulcus apertum, & si tunc appareat, plures adhuc cuniculos adesse, simili modo dissecandi sunt, ut nullæ maneant latebræ, in quibus pus collectum possit corrumpi & curam retardare. Cùmque sæpe tunc interna superficies callosa inveniatur, solent hinc inde scarificare Chirurgi, ut fortioribus digestivis vel etiam erodentibus callositas citius tolli possit. Imò *Celsus* dixit, (b) *ubi ad fines fistulæ ventum est, excidendus ex ea totus callus est.* Omnia autem quæ in *Commentariis* §. 411, dicta sunt, hic pariter observanda erunt.

§. 416. **BUBO**, parotis, furunculus, anthrax, carbunculus, phyma, erysipelas, morbilli, variolæ, maculæ rubræ, hinc quoad cognitionem, prædictionem, curationem, sciuntur.

Ex illis autem omnibus, quæ hæctenus in Historia inflammationis, & suppurationis inde secutæ, dicta fuerunt, habetur cognitio plurimorum malorum, quæ ad inflammationem & ejus exitus varios referri possunt, quamvis peculiare nomen illis in Arte detur. Simulque eorumdem prognosis & curatio ex iisdem fontibus hauriri possunt. Præcipua hic enumerantur.

**BUBO.** Inguina *Βουβωνας* dixerunt Græci, & glandularum in inguine tumores eodem nomine vocaverunt. Cùm autem similes glandulosi tumores sub axillis observentur, idem nomen & illis datum fuit. Imò & glandularum in aliis corporis partibus tumores bubones appellatos fuisse, apud *Galenum* legitur: (c) *Quin etiam in collo & secus aures, sæpenumero glandulæ iis quibus in collo, capite, vel aliquâ vicinâ parte ulcus est natum, intumescunt. Nominant autem ipsas glandulas cùm sic intumuerunt, bubones.* Obtinuit tamen hodie usu, glandularum inguinalium, vel &

(a) *Garangeot, Traité des instruments de* 412.

*Chirurgie* Tom. I. chap. ix. pag. 186.

(c) *Method. Medend. Lib. XIII. cap. v.*

(b) *Medicin. Lib. VII. cap. iv. no. 1. pag. Charter. Tom. X. pag. 297.*

subaxillarium tumores, hoc nomine tantum vocare. Bubones autem illi sunt vel inflammatorii, suppuratorii, vel & scirrhosi, à communibus nempe inflammationis causis ortis. Præterea & in morbis contagiosis pessimis frequentissimè bubones oriuntur, uti v. gr; in peste. Sic & in lue venerea sæpe observantur, & tunc plerumque non adeo subito nec validè inflammantur, sed diutissimè solent hæerere, antequam vel resolvi, vel ad bonam suppurationem deduci possint, ad efficacissima etiam remedia sæpe rebelles. Aliquando etiam in morbis per *αισθησι* vel & *μυδρασι* ad hæc loca deponitur materies morbi optimo cum succellu. Imò etiam in hominibus, cæteroquin sanissimis, sine ulla causa topica subito tumores hic nascuntur, primò inflammatorii, dein suppuratorii: hæcque sunt incognita illa naturæ molimina, per quæ ex universali humorum massa separantur illa, quæ nocerent, licet nulla signa latentis cujusdam mali prægressa fuerint. Ideo & hæc loca pro emunctoriis viscerum habita fuerunt apud. Veteres Medicos, & glandulas facillimè fluxionem recipere ob imbecillitatem & rariorem texturam dixit *Galenus* (a) Certè, si consideretur glandularum inguinalium & subaxillarum situs, apparebunt, aptissimas esse illas, ut excipiant illa, quæ ex universali humorum massa abscedent. Ponuntur enim in mollissima tunica adiposa, ab omni compressione musculorum ferè liberæ; maximis arteriis venisque & truncis nervosis adjacent, & ab illis ramos recipiunt. Tantum autem cum reliquis humorum nervorum ramis habent commercium, ut illis læsis sæpe illico hæc glandulæ inflammantur & tumeant. Sic vidi sæpius in paronychia dolentissima subito sub axilla tumorem ortum fuisse, licet in extremo digiti apice hareret malum. Dum aciculam sub ungue adigeret mulier malà fortunā, & nervosam ibi reconditam pulpam læderet acerbissimo cum dolore, intra quadrantem horæ sub axilla ejusdem lateris tumorem insignem natum fuisse miratus fui. Patet hinc ratio, quare *Hippocrates* dixerit, (b) *febres bubonibus oborta, præterquam diariæ, malum.* Designat enim tunc, naturam quidem tenuasse salutari molimine per abcessum expellere nocitura, nec tamen potuisse. Unde febres tunc sequentes latentis, nec minùs contumaci tamen, causæ originem debent; nisi ephemera fuerint, quæ, intra viginti quatuor horarum spatium integre finitæ semper, naturæ vincentis rectè demonstrant. (c) *Bubones verò febribus succedentes, si in acutis statim per initia remiserint, deteriores.* Irritum enim tunc naturæ conamen indicatur in periculosis febribus, quod semper malum est, rarò enim solent bubones apparere in febribus, nisi acutissimæ fuerint. In pessimis variolus bubones me vidisse memini: in peste omnes Observatores illos satis frequentes esse testantur.

**PAROTIS.** Glandularum circa aures positarum tumor hoc nomine vocatur. *Παροτις* Græcis, quasi *παρά τοῖς ὤτοι ἀνίστηται* prope aures abcessus dicitur. Apud *Hippocratem* sæpe *τὰ παρ' ὧν ἐν ἀργύραις* vocantur, vel & simpliciter *τὰ παρ' ὧν*. Uel jam dictum fuit de glandulis inguinalibus & subaxillaribus, quòd in mollissima pinguedine hæreant à compressione musculorum liberæ; & illud & de parotidibus verum est: locum enim illum occupant cavum, qui ad radicem auriculæ inter processum mammillarem & condyloidem maxillæ inferioris reperitur; & inde versus anteriora; inferiora & posteriora lobi auriculæ extenduntur. Pariter & magnis

(a) Method. Medend. Lib. XIII. cap. v.  
Charter. Tom. X. pag. 396.

(b) Epidem. Lib. II. Comment. III. text. x.

Charter. Tom. IX. pag. 161. Confer. Aphorism.  
Sect. IV. n.º. LV. Ibid. Part. II. pag. 170.

(c) Ibid.

ramis externæ carotidis adjacent. Frequentiùs longè in morbis apparent harum glandularum tumores, quàm bubones; & plurima in morbis prælogia Hippocrates inde deduxit, ut postea patebit. Sufficiet hic ex Celso notasse sequentia: (a) sub ipsis verò acribus *μαρτυρίαις* oriri solent, modò in secunda valetudine, ibi inflammatione oritè; modò post longas febres, illuc impetu morbi converso. Id abscessus genus est, itaque nullam novam curationem desiderat: animadversionem tantummodo hanc habet necessariam, ut, si sine morbo id intumuit, primùm reprimendis experimentum fiat: si ex adversa valetudine, illud inimicum est, maturarique & quàm primùm aperiri commodius est.

**FURUNCULUS.** Est tumor inflammatorius dolentissimus, in superficie corporis externa hærens, difficulter ad suppurationem veniens, ruberrimus, & postquam abscessus talis ruptus est, plerumque concretum sanguinem in fundo ostendit, unde vulgò sanguineum ulcus (*bloodswe*) solet vocari. Accidit aliquando, hujusmodi abscessus, plurimos in eodem loco homines, epidemicorum more, affigere, & non singulos, sed plures in diversis locis corporis nasci. Celsus sequentem furunculi descriptionem habet, (b) furunculus verò est tuberculum acutum cum inflammatione, & dolore; maximèque ubi jam in pus vergit. Qui ubi adaperitus est, & exiit pus, subter apparet pars carnis in pus versa, pars corrupta subalbida, subrubra; quem ventriculum quidam furunculi nominant. In eo nullum periculum est, etiamsi nulla curatio adhibeatur: maturefcit enim per se atque erumpit. Sed dolor efficit, ut potior medicina sit, quæ maturius liberet. Cum autem in furunculi nunquam benigna resolutio expectari possit, totus curationis scopus in eo consistit, ut quàm celerrimè suppurentur; & quia plerumque difficiliùs ad perfectam maturationem perducentur, hinc emollientibus solent addi talia, quæ paulò majorem motum in parte suppuranda excitare valent. Unde Celsus dixit, (c) proprium ejus (furunculi) medicamentum galbanum est.

**ANTHRAX.** Quando à subita & validissima inflammatione cutis externa unà cum panniculi adiposi subjecti parte sic corrumpitur, ut in siccam duram escharam convertatur, quæ omnino mortua, suppuratione debet solvi à partibus vivis contiguis; tunc anthrax vocatur. In peste frequens hoc malum fuisse testantur Observatores; inprimis quando, jam mitiori utcumque reddità atrocis morbi indole, versus externa corporis derivabat victrix natura latens virus. Duplex tamen anthracis species describitur apud Galenum, ubi de variis inflammationis speciebus agit. (d) Quum verò sanguis admodum calidus ac crassus est, in quamcumque partem conferunt fluxerit, hanc exurit, ulcusque cum crusta efficit. Quidquid verò circumstat, in inflammationem attollit, ferventem, ac dolore gravi confectantem. Vocatur autem hujusmodi affectus (*ἀνθράξ*) carbunculus. Quòd si influens sanguis niger sit, crassus, saculentus, ac servidus, qualis est prior, admixtamque saniem quamdam tenuem habeat, pustulæ in cutis superficie oriuntur, his quæ ex igne sunt similes; sub quibus ruptis crustosum ulcus invenitur. Est & hic affectus etiam (*ἀνθράξ*) carbunculus. Prior species datæ definitioni anthracis maximè convenire videtur; posterior mitioris indolis malum designat. Curatio in eo consistit, ut, suppuratione

(a) Medicin. Lib. VI. cap. xvi. pag. 391.  
391.

(b) Ibid. Lib. V. cap. xxviii. nò. viii. pag.  
344.

(c) Ibidem.

(d) Method. Med. ad Glaucon. Lib. II. cap.  
I. Charter. Tom. X. pag. 369.



in omni ambitu anthracis natâ, separaret à vasis vivis, quibus coheret, & integer excidat. Nunquam enim poterit ipsa anthracis substantia in pus converti sola ergo mollissima remedia hic conveniunt.

**CARBUNCULUS.** Anthraci propriè dicto affine malum, sed mitius plerumque solet hodiernis Chirurgis hoc nomine vocari, quando nempe post validam inflammationem, & plerumque admodum dolentem, pluribus aperturis defihcit cutis, & per hæc orificia corrupti panniculi adiposi fragmenta exeunt; quia autem aliquando novem aperturas habuisse talis carbunculus visus fuit, nostratibus *Negenoo* dicitur: quamvis revera sæpiissime plures paucioresve habere observetur. Distinctum tamen ab his carbunculis videtur fuisse malum, quod *Celsus* sub eodem nomine descripsit: (a) *Rubor est, superque eum non nimium pustulæ eminent maximè nigrae, interdum sublivida, aut pallida. In iis sanies esse videtur; infra color niger est. Ipsum corpus aridum & durius quàm naturaliter oportet. Circæque quasi crusta est; eaque inflammatione cingitur. Neque in eo loco levare cutis potest, sed inferiori carni quasi affixa est. Somnus urget. Nonnumquam horror, aut febris oritur, usque utrumque. Idque vitium subteraneis quasi quibusdam radicibus ferpit interdum celerius, interdum tardius. Cura etiam, quam postea subjungit satis probat, malignam satis indolem hos carbunculos habuisse, & perfectâ morte destruxisse partes, quas occupabant. Protinus enim adurere jubet, quod sine sensu fieri posse addit, (b) quoniam ea caro mortua est. Finem verbò ustionis posuit, quando (c) ex omni parte sensus doloris est. Quàm periculosi autem sæpe fuerint illi carbunculi, monuit eodem loco *Celsus*: (d) Si circa stomachum faucibusve id vitium incidit, sæpe subito spiritum elidit.*

**PHYMATA.** *Quò rû φήματα* phymata ista fuisse *Galenus* voluit, dicit enim (e) Ab iis, quæ ex terra progerminant, Græci homines phymata vocaverunt, hoc est, tubercula, eos præter naturam, tumores qui prorsus sine causa externa proveniunt, sed potissimum eos hoc nomine vocant qui extra corporis superficiem extuberant. Verùm ob nominis alterius inopiam interdum & latos, pauloque naturalibus partibus elatiores (tumores) hoc eodem nomine appellant. Unde satis laxa hujus vocabuli significatio videtur fuisse, & hoc nomine bubones, & aliarum glandularum suppuratio- nes designatas fuisse, constat ex alio *Galenii* loco: (f) *Verùm eximè phymata quadam, appellantur, inflammationes nonnullæ, sponte nascentes, quæ & celerrimè in accumen generantur, quæ celerrimè in altum attolluntur, & celerrimè etiam suppurantur; quorum plurima est in inguinibus & axillis generatio, quod his in locis plures sint adenes, naturam excrementis in se promit excipiendis, idoneam fortissi. Imò & abscessus, post longas febres natos ad articulos, φήματα vocavit (g) Hippocrates; & alibi (h) vomitam introrsum ruptam; & in ipsa urethra natum tumorem suppurandum, eodem nomine (i) appellavit. Quem locum Hippocratis *Celsus* hoc modo expressit: (k) *Quibus in fistula urinæ minuti abscessus, quos φήματα**

(a) *Medecin. Lib. V. cap. xxviii. no. 1. pag. 315, 316.*

(b) *Ibid. pag. 316.*

(c) *Ibid.*

(d) *Ibid.*

(e) *Epidem. Lib. VI. Comment. I. text. xlii. Charter. Tom. XII. pag. 375.*

(f) *Aphorism. Sect. III. no. xxvi. Charter. Tom. IX. Part. II. pag. 121.*

(g) *Ibid. Sect. IV. no. xlii, xlii. pag. 163.*

164.

(h) *Ibid. Sect. VII. no. viii. pag. 295.*

(i) *Ibid. Sect. IV. no. lxxxi. pag. 171.*

(k) *Medicin. Lib. II. cap. viii. pag. 70.*

*Græci vocant, esse cæperunt, iis, ubi pus ex parte profluxit. sanitas redditur. Idem Auctor alio in loco *phymata* vocavit (a) orientia tubercula simpliciter. Ubi verò de abscessuum variis generibus agit, pluribus sequentem phymatis descriptionem d. (b) Phyma verò nominatur tuberculum furunculo simile, sed rotundius & planius, sæpe etiam majus. Nam furunculus ovi dimidii magnitudinem raro explet, nunquam excedit. Phyma etiam latius patere consuevit: sed inflammatio doloꝝque sub eo minores sunt. Ubi divisum est, pus eodem modo apparet; ventriculus, qui in furunculo, non invenitur; verum omnis corrupta caro in pus vertitur. Id autem in pueris & sæpius nascitur, & facilius tollitur: in juvenibus rarius oritur, & difficilius curatur. Ubi ætas induravit, ne nascitur quidem.*

Ex quibus omnibus hoc patet, tumorem inflammatorium, satis citò plerumque suppressandum, phymatis nomine ut plurimum appellari; adeoque ejusdem cognitionem & curam ex inflammationis & abscessus Historia deducendam esse.

**ERYSIPELAS.** Videantur illa, quæ dicta sunt in in *Commentariis* §. 580.

**MORBILLI.** Si perpendantur illa, quæ *Sidenhamus*, accuratissime morbillorum decursum à primo initio ad finem usque describens, habet; patebit evidenter, post febrem prægressam, quarto plerumque die in regularibus, ferèis oculisve in anomalis, in cute externa faciei apparere minimas papulas inflammatorias, quæ racematim coherentes maculas rubras faciunt: postea truncus corporis atque artus rubere incipiunt, latè diffusis maculis. Tandem octavo vel nono die iterum disparet omnis illa rubedo, & ruptâ cuticulâ corporis superficies tota alba appareat, ac si farinâ respersa foret, & squamularum formâ decidit epidermis. Unde apparet, morbillos ad erysipelas proximè accedere, cùm integumenta corporis externa, vel & membranaceas partes internas quandoque, tantum occupent, illòsque nunquam sequatur suppuratio, sed epidermidis desquamatione secedant.

**VARIOLÆ.** Sunt verè pustulæ inflammatoriæ, non erysipelatozæ, uti in morbillis, sed in suppurationem benignam, si mites fuerint & bonæ indolis, abeunt; vel in gangrænâ, si pessimæ. Externam corporis superficiem non tantum, sed & os internum, fauces, ventriculum, viscera occupare observatæ fuerunt, uti postea latius dicetur, quando peculiari capitulo de his agetur. Sufficit hic notare, quòd inflammationis verè omnia phænomena, & exitus in abscessum vel gangrænâ hic observentur; & generales regulæ, quæ in cura inflammationis & abscessus explicatæ fuerunt, & sequenti capitulo de gangrænâ adhuc dicentur, in variolis pariter locum habeant.

**MACULÆ RUBRÆ.** Hoc nomine vocantur omnes cutaneæ illæ efflorescentiæ, sive exanthemata, dictæ, quæ aliquando post morbum prægressum, quandoque & sine ulla alia læsione functionum sensibili observantur; neque tamen ad modò recensita in hac paragrapho mala referri possunt. De his postea inter febrium symptomata §. 723, & sequentibus, peculiari capitulo dicitur; tuncque patebit, illarum quoque cognitionem & curam ex Historia inflammationis deduci posse.

(a) *Medicin. Lib. V. cap. XVIII. n.º. XVI.* | (b) *Ibid. cap. XXVIII. n.º. IX. pag. 355. pag. 354.*

§. 417. **N**EC difficulter hinc scitur eventus suppurationis internæ ; ad quam Artificis manui accessus non datur , inagna quippe & multa mala (406. 413. ) , & collectiones puris in cava corporis.

Ex omnibus jam illis , quæ hæcenus de abscessibus & fistulis dicta sunt , patet facile , quanta sæpe sit difficultas curæ in suppurationibus internis , quas nec oculis lustrare , nec manibus attingere possumus. Indicationes enim curatoriæ §. 402 , recensitæ æquæ in suppurationibus internis , quàm externis locum habent : sed sæpe impossibile , vel saltem admodum difficile est , illa facere , quæ indicationes jubent. Nam nec crudi maturatio in coctum , nec vicinorum emollitio per mollissima fomenta & cataplasmata poterit accelerari , si manibus negetur accessus. Omnino impossibile plerumque est , ad exteriora ducere in his calibus materiam suppuratam , & puri cocto lanceolâ Chirurgicâ exitum conciliare : quod ergo morâ & stagnatione corruptum & attenuatum rodet vicinas partes ; vel resorptum bibulis venis purulentâ cacoehymiâ totum sanguinem inficiet : unde omnia mala illa fient , quæ §. 406 , recensita fuerunt. Sed pus sic in interioribus corporis partibus latens in abscessu clauso , auctum quotidie , nisi resorptum fuerit venis , pondere suo & mole novas sibi vias inveniet , & sinus latentissimos fistulisque intricatissimas facere poterit ; donec tandem ruptis vel erosis membranis in cava corporis majora effundatur , siccque in pectoris cavo empyema , in abdomine verò purulentum dictum ascitem efficiet. Dùmque pus , morâ & calore corporis quotidie magis magisque à blanda sua indole degenerans , viscera alluit , post summas misérias toleratas , tandem tabefactis visceribus lentus marasmus sequitur.

§. 418. **S**I tum necessitas partis affectæ ad vitam , sanitatémve scitur , facile prævidentur futura , & curationis difficultas.

Si cognitum fuerit , quænam partes corporis internæ per suppurationem læsæ fuerint , determinari poterit ex Physiologicis quænam mala expectanda sint , simulque major minörve curæ difficultas evidenter apparebunt. Sic v. gr ; si hepar suppuratum fuerit , magnum merito periculum imminere creditur. Visceris enim hujus ad vitam sanam integritas omnino requiritur ; cum bilis confectio , ad chylopoiesin adeo necessariæ , ab hepate inprimis pendeat. Icterus ergo , cachexia , hydrops , & plurima alia mala inde metuenda sunt. Præterea friabilis hujus visceris substantia , à pure diu retento & acriori reddito , tota corrumpi poterit ; unde tabes hepatica , & alvi fluxus colliquativus putridissimus , citò necans. Si verò ruptum tale apostema in cavum abdominis contentum pus effuderit , ascites purulentus cum certa ferè semper pernicië sequetur. Apertum enim tunc in hepate ulcus quotidie novum pus generabit ; viscera omnia abdominalia in hoc pure macerabuntur , & corrumperunt brevi. Si autem bonâ fortunâ pus in hepatis abscessu latens per abdominis integumenta viam sibi fecerit versus exteriora , anceps adhuc erit eventus. Cum enim

purum & album pus effluit, evadere poterit talis æger; sed si amurcæ speciem habeat, peribit cerò, utl monuit *Hippocrates* (a). Dubia ergo tantum spes in tali casu superest, neque tamen certa omnino desperatio. Si autem inflammatio nata in molli encephali substantia in suppurationem abiverit, nec exitus patebit puri hic collecto; nec evitari sæpe poterit tenerrimorum flaminum, à quibus tota vita & humanitas pendent per suppurationem destructio: undè satis patet, nihil fere spei superesse. Rara quidem in vulnerum capitis Historia Exempla docuerunt, per nares auricve aliquando, nondum hætenus bene cognitæ per Anatomen viis, pus, ichorem sanguinem exivisse de calvarie cavo, & evasisse homines in desperatissimis etiam casibus; tamen fortè ne centesimus sic evadit. Si jam vitalia in thoracis cavo recondita viscera, cor, & pulmones abscessus occupaverit, satis patet, quanta metuenda sint mala.



## G A N G R Æ N A.

§. 419. *SI* inflammationi (371. 372.) gangræna (388) succedit; alia curatio requiritur. Vocatur autem gangræna ea partis mollis affectio, quæ, abolito influxu vitalis humoris in arterias, effluxu per venas in mortem tendit; sed sphacelus ea, quæ jam in tota parte omnem vitalem actionem perfectâ morte destruit, superflicie vitâ in reliquis.

Patuit in Historia inflammationis, illam habere varios exitus, resolutionem nempe benignam suppurationem, gangrænam & scirrhum. De resolutione inflammationis, utl & de suppuratione dictum fuit: sequitur nunc ordine, ut agamus de gangræna, &, qui illam sæpe sequitur, sphacelo.

Gangræne definitionem satis accuratam dedit *Galenus* dicens, (b) *Gangrænas autem vocant mortificationes ob magnitudinem inflammationis, non quidem factas, sed quæ fiunt*: vel utl satis eleganter exprimit per paraphrasin versio hujus loci; *quum pars corporis aliqua ob inflammationis magnitudinem nondum emortua est, sed adhuc emoritur*. Eandem definitionem ex *Galeno*, ut solet, habet *Ægineta* (c), qui tamen præmittit, quòd inflammatio nec resoluta (*διαφορική*), nec in pus conversa, ut plurimum in gangrænam vel sphacelum transeat. Designat ergo gangræna partis corporis incipientem mortem. Dum jam perfecta gangræna adest, facillè distinguitur ab inflammatione per illa signa, quæ §. 427, enumerabuntur: ubi autem validissima inflammatio jamjam in gangrænam mutabitur, vel & gangræna ex inflammatione nasci incipit, aliqua ambiguitas esse possit ex hac definitione. In

(a) *Coac. Prænot. no. cccclx. Charter. Tom. VIII. pag. 878. Aphorism. Sect. VII. no. xlv, Charter. Tom. IX. part. II. pag. 316.*

(b) *Method. Med. ad Glaucon. Lib. II. cap. XI. Charter. Tom. X. pag. 388.*

(c) *Lib. IV. cap. xix. pag. 64.*

illo enim limite quasi medio & valida inflammatio partis mollis in mortem tendit, & incipiens gangræna nondum totam vitam abolevit. Pulcherrimè hoc alio loco monuit Galenus. Postquam enim dixerat, gangrænam medium affectum esse inter sphacelum & magnam inflammationem, quòdque tantò gravior esset inflammatione, quantò levior sphacelo, addit sequentia, (a) *Verùm abutimur interdum vicinorum affectuum nominibus ad eos significandos, qui ad hos accedunt, quamquam nondum ex toto ipsorum speciem & naturam habent. Sic igitur & ingentem inflammationem cum non amplius suum colorem tuetur, dolorique est, interdum nominare gangrænam consuevimus, quæ quamvis gangræna nondum penitus sit, futura tamen est paulò post, si negligatur.*

Videtur Celsus & cancri & gangræne nomen adhibuisse, ut hunc affectum significaret. Dicit enim, (b) *Interdum vel ex nimia inflammatione, vel ob æstus immodicos, vel ob nimia frigora, vel quia nimis vulnus adstrictum est, vel quia corpus senile, aut mali habitus, cancer occupat.* Deinde talem cancri descriptionem exhibet, quæ gangræne & sphacelo satis convenit (cancer enim à carcinomate Celsus omnino distinguit) tandèmq; hæc subjungit, (c) *Modò oritur ea, quam Græci γαγγραινα appellant. Priora (cancer nempe) in qualibet parte corporis sunt: hæc (gangræna) in prominentibus membris, id est, inter ungues & alus, vel in inguina, fereq; in senibus, vel in his, quorum corpus mali habitus est.* Pergit postea graphicè describere illa omnia, quæ gangræne proserpenti, & in sphacelum tandè terminatæ accidunt. Unde videretur ex modò allegatis concludi posse, quòd Celsus in extremis corporis gangrænam, in reliquis verò partibus cancrum vocaverit idem malum. In eodem tamen capitulo curam gangræne describens monet sequentia, (d) *solent verò nonnunquam nihil omnia auxilia proficere, ac nihilominus serpere sub his cancer. Inter quæ miserum, sed unicum, auxilium est, ut cætera pars corporis tuta sit, membrum, quod paulatim emoriur, abscindere.* Satís autem patet, quòd hîc de extirpatione partium extremarum, sphacelo corruptarum, agat, & tamen hunc affectum cancrum nominet Celsus.

Gangræna verò inflammationem sequitur, quando tam valida est obstructio, ut nullo modo resolvi possit, illaque in omnibus loci affecti vasis adit; vel, licet quædam vasa libera fuerint in initio mali, illa à vicinis obstructis & tumentibus sic comprimentur, ut brevi tollatur omnis transitus humorum per arterias; adeoque & nihil redire poterit per venas, arteriis obstructis continuatis. Idem malum fiet, si morûs circulatorii impetu & velocitate, vel acrimoniâ humorum circulantium, aut utriusque his causis simul conspirantibus, subito rumpantur vascula in loco inflammato, & effusi humores putrescant (vide §. 388.) Utròque in casu impediatur liquidorum arteriosorum influxus in partem, & eorundem per venas reditus, uti faciliè patet: tota ergo pars sic affecta nullum amplius vitale commercium cum reliquo corpore habet; adeoque spontaneâ mutatione, omnibus animalium partibus communi, in putredinem tendet. Requiritur ergo longè alia curatio, quàm in suppuratione; in qua blanda quidem separatio fit finium vasculorum obstructorum unâ cum immeabili materia obstructuente, & aliqua simul degeneratio liquidorum obtinet, sed talis, quæ vincentè naturâ sit; cum putredo devictâ naturam offendat,

(a) Lib. de Artic. Comment. IV. Text. XVI. | pag. 300.

Charter. Tom. XII. pag. 437.

(c) Ibid. pag. 301.

(b) Medicin. Lib. V. cap. XXVI. n°. XXXI.

(d) Ibid. n°. XXXIV. pag. 304.

ut optimè *Galenus* notaverat ( vide loca allegata in *Commentariis* §. 387. ) ; si enim calor innatus à propria temperie plurimum recesserit, tunc sanguinem putrescere, ut in cadavere, dicit: ubi verò ille calor adhuc aliquam vim retinet, tunc mixta quædam mutatio fit, partim ab ea, quæ præter naturam, partim verò ab illa, quæ secundum naturam causa est. Illa verò causa, quæ præter naturam est, putrefacit; ea, quæ secundum naturam est, concoquit. In suppuratione ergo coctio est à superflua vita in parte, quæ secundum naturam causa est; in gangræna verò sola putrefactio, quæ præter naturam est, agit.

Quamdiu verò partes molles solæ sic moriuntur, vel mortuæ sunt, gangræna vocatur; quæ præcipuè in panniculo adiposo, uti sequenti paragrapho dicitur, hæret, ubi verò muscoli, tendines, ligamenta, periosteum, ossa ipsa, perfectâ mortificatione afficiuntur, tunc vocatur sphacelus. Quia autem in cadavere omnis vitalis actio perit æquè in toto, quàm in singulis partibus; ideo definitioni additur, quodd sphacelus supponat quidem perfectam mortem in parte affecta, superflitem tamen vitam in reliquis. Sed quoniam in gangræna, à partibus ambientibus & suppositis adhuc vivis, plerumque calor manet; & validissimam inflammationem, quæ partes affectas urit, plerumque sequi solet; imò aliquando, uti paulò antè dictum fuit, validissima inflammatio gangræna vocatur, quando jamjam in hæc abibit; ideo Chirurgis nostratibus solemne est, gangrænam vocare ignem calidum (*heet vuur*); sphacelum autem, in quo omnis actio vitalis cessat, dixerunt ignem frigidum (*houd vuur*); quia pars sic affecta brevi ad frigus aeris ambientis deducitur: calorem enim excitans causa, motus nempe humorum per vasa, in parte sphacelata omnino deficit.

Sphaceli autem vocabulum non semper perfectam partis affectæ mortem significasse videtur apud veteres Medicos. Sic v. gr; *Hippocrates* (a) ipsius encephali sphacelum describit, neque tamen absolutè lethalem morbum pronuntiavit; sed tantum dixit, paucos ex hoc morbo evadere: imò sequenti capitulo curam hujus mali descripsit. Facillè autem patet, sphacelum propriè dictum in hac parte omnino lethalem esse debere, & quidem quàm citissimè, si hoc nomine absoluta mortification tam nobilis visceris intelligeretur. *Galenus* autem *Archigenis* vetusti Medici, locum quemdam considerans, in quo vocabulum *σφακελίωσις* occurrebat, notavit, ambiguum quàm maximè esse hujus vocis significationem: (b) sunt enim qui dicunt ipsam vehementem dolorem declarare; alii tantum inflammationis excessum, ut partem ad corruptionis periculum inducat, quod à nonnullis gangræna appellatur; alii partis affectæ corruptionem ipsam sphacelon dici volunt &c. Plura alia loca apud *Hippocratem* & *Galenum* habentur, quæ varium hujus vocis usum demonstrant; quæque apud *Gorræum* & *Foësum* in *Hippocratis* *Œconomia* recententur. Unum alterumve talem textum adduxisse hic suffecerit.

§. 420. **GANGRÆNA** ergo ut plurimum panniculum adiposum, sphacelus cuncta ad ossa usque inscit, illa præcedit, hic ut plurimum sequitur; nisi ab ossis corruptione, medullæ, vel pe-

(a) De Morbis Lib. I. cap. VII. Charter. Tom. VII. pag. 558.

(b) De Loc. affect. Lib. II. cap. VIII. Charter. Tom. VII. pag. 409.

riostei originem duxerit : unde & apparet singularis gangrænæ species, quæ sine febre, inflammatione, aut jacturâ caloris nativi, fit in partibus sub contusa medulla dorfi positis (326).

Demonstratum fuit in *Commentariis* §. 374, inflammationem nullibi frequentius locum habere, quam in panniculo adiposo ; cum autem gangræna ferè semper inflammationem validissimam sequatur, patet evidenter, quòd & hæc eundem locum occupet. Hoc autem quàm maximè notandum est, quia aliquando Chirurgi sphacelum adesse credunt, ubi sola gangræna adest ; dum v. gr ; in dorso manûs ubi vix ulla pinguedo adest, nascitur phlegmone, sæpe membrana cellulosa incredibiliter intumescit : si tunc post talem phlegmonem sequatur gangræna, & ad tantam crassitiem mortua pars inveniarur, sphacelo omnia corrupta esse putant ; cum tamen sub tumente membrana cellulosa vivi & integri tendines musculique sepulti hæreant ; uti postea, separatis corruptis partibus apparet. Si autem in tam macilenta parte tantus tumor nasci possit ab inflammatione, quid fiet in natibus, femoribus, cruribus, brachiis, &c, ubi insignis adeo copia pinguedinis naturaliter observatur, maximis musculis accumbens, ut lubrico pingui oleo illorum motus faciliores reddat ?

Quamvis ergo enormis sæpe crassities gangræna corrupta sit, quotidianæ fere Chirurgicæ Observationes docent, totum illum tumorem tantum in panniculo adiposo hære, qui tunc, separatione factâ à partibus suppositis vivis, ingentibus frustis educitur ; sicque aliquando servantur partes corporis, dum sola exstirpatio superesse videtur. Sphacelus autem non tantum adiposum panniculum, sed & musculos, tendines, ligamenta, periosteum, ossa ipsa, perfectâ morte destruit.

Si jam consideretur, tumentem tam immaniter panniculum adiposum, cure integrâ sæpe coercitum, comprimere omnia subjecta, patebit facillè posse ab hac causa sola deleri omnem vitalem influxum & effluxum humorum in partibus suppositis. Accedit, quòd putredo, gangrænâ natam sequens, contigua omnia suâ labe inficere possit ; adeoque gangræna sphacelum plerumque solet præcedere. Sunt tamen quidam casus, ubi sphacelus sine gangræna prægressa oritur, uti v. gr ; si ingenti contusione in parte quadam corporis omnia ad os ulque simul & semel destruantur ; vel etiam, si quacunque de causa ossa ipsa, vel contenta his medulla, aut periosteum vasa ad ossa deferens & redeuntia inde excipiens, sic afficiatur, ut vitalis humorum motus per arterias & venas tollatur omnino in his partibus. Lues veneræ & spina ventosa sæpe observatæ fuerunt ossa sic corruptisse, licet partes incumbentes adhuc vivæ forent ; tuncque malum sic à suppositis partibus ascendendo corruptit omnia ; cum in gangræna priùs afficiantur incumbentia, & dein suffocentur omnia, quæ his supponuntur.

Quare autem gangræna sequatur, dum validâ contusione, vulnere, aut aliâ quacunque de causa, medulla dorfi sic læsa fuit, ut liquidi nervosi influxus in partes, læsionis loco suppositas, omnino impediatur, demonstratum fuit in *Commentariis* §. 162, ubi simul dictum fuit, nervorum majorum destructionem similia mala producere. Cum autem reliquæ gangrænæ validas febres, vel inflammationes, soleant sequi semper ; vel à mero caloris nativi defectu in summo senio nascantur ; hæc species, sine his prægressis orta, lentâ quidem sed indomabili pernicië omnia depascitur.

§. 421. **ERGO** gangrænæ & sphaceli causa eadem, sed vi, du-  
ratione, loco, diversa.

Quando vasa corporis nostri sic murata sunt, ut sanguinem aliòve per illa in  
sanitate fluentes humores, transmittere nequeant, neque debitas inde secretiones  
facere, & dein venis tradere, mors est. Quod ubi in panniculo & cute tantum  
obtinet, gangræna vocatur; si autem omnis actio vitalis in tota parte quadam  
corporis destructa fuerit, tunc sphacelus est. Causa ergo & gangrænæ & spha-  
celi eadem erit; nempe omnis illa, quæ influxum, effluxum, secretionem, ex-  
cretionem humorum in parte quadam corporis tollit.

Major autem debet esse vis causæ, quæ sphacelum producet, cum solidio-  
res longè partes per illam corrumpantur; musculi nempe, tendines, ossa ipsa:  
gangræna autem tantum tenerum panniculum adiposum, plerumque & cutim,  
perfectâ morte destruat.

Sed & eadem causa, quæ gangrænam produxit, pergens agere, sphacelum fa-  
cere poterit. Si enim v. gr; ab externa compressione vitalis influxus & effluxus hu-  
morum in cute & panniculo adiposo integre sublatus fuerit, patet faciliè, nisi  
causa comprimens removeri possit, omnia supposita ad os usque suffocari debere,  
adeoque ab ejusdem causæ majori duratione sphacelum nasci.

Locus autem gangrænæ, ut dictum fuit, est in panniculo adiposo; sphacelus au-  
tem occupat omnia: unde iterum nova distinctio gangrænæ & sphaceli oritur.

§. 422. **I D E O** 1°. omnia, quæ inflammationem faciunt (375. 376.  
377. 378. 379.), si liquida stagnent, & nifus in ea vivi sanguinis  
magnus: eò pertinent, α. Ligatura venarum. β. Compressio earum  
ab causa quacumque, ut tumore, &c. γ. Frigus ingens. δ. Prohibita  
perspiratio in phlegmone per adstringentia, emplastica, frigida, re-  
percussiva, stupefacientia, maximè si interna acria, vel acria simul  
externis applicatis permista. ε. Inflammatio interna, externa. ζ. Vul-  
nerata, contusa, luxata, fracta, maximè si arctè contracta. η. Oleosa  
acria sanis applicata, vel ægris. θ. Decubitus. ι. Herniæ suffocatae, &  
clausæ.

Hæc paragrapho & sequentibus agatur de causis illis, quæ gangrænam & spha-  
celum facere poterunt. Primo loco recensentur omnes illæ causæ, quæ inflam-  
mationem producant, quæque numeris hic citatis enumeratæ fuerunt. Omnis  
enim inflammatio supponit obstaculum in angustiis arteriosis, per quod liber tran-  
situs liquidi transmittendi impeditur; adeoque, si hoc in omnibus vasibus partis  
cujusdam corporis fieret, sphacelus esset, impedito omni vitali motu humorum  
per partem sic affectam. Si jam simul consideretur, ex definitione inflammationis  
§. 371, non tantum hic adesse stagnationem liquidi immeabilis, verum etiam va-  
lidum impetum sanguinis à tergo urgentis agere in loca hæc obstructa, patebit,  
posse sæpe subito rumpi vascula, liquida effundi, putrescere, &c, adeoque &



gangrænam nasci, uti demonstratum fuit in *Commentariis* §. 288. Quia autem arteriæ suos humores tradere debent venis, quæ eisdem reducant ad cor; ex quo iterum pelli debent per arterias, ut maneat debita sanguinis circumductio per totum corpus omnisque ejus partes; ideo omnes illæ causæ, quæ impediunt quominus arteriæ libere se possint in venas evacuare, poterunt suffocare vitalem motum fluidorum in parte, adeoque gangrænam & sphacelum producere. Demonstratum autem fuit in *Commentariis* §. 119, obstructionem in venis locum habere non posse, nisi ab externa compressione earumdem; adeoque huc pertinent.

α. *LIGATURA VENARUM.* Solebat hæc occasione celeberrimus horum Aphorismorum Auctor Auditoribus suis sequentem casum enarrare. Nobilis juvenis, Academix Ultrajectinæ civis, hilari exceptus convivio domum redierat bene potus. Auræ captandæ gratiâ apertæ fenestrix pronus incubuit, cubitis innixus, siquæ totâ nocte mansit vino somnôque sepultus. Sequenti mane expergefactus, dum corpus movere volebat, concidit, credens se pedibus carere. Tristi enim infortunio subligacula artè adstricta sic compresserant venas, ut nihil per illas redire poterit, dum interim per arterias, aucto per ebrietatem impetu, sanguis pelleretur; unde tumor partium, & ab hoc tumore major adhuc adstrictio subligaculorum facta fuerat. Suffocato hinc omni vitali humorum motu, gangræna utrumque crus occupaverat, quæ citò ascendens ad femur utrumque, letalis fuit.

β. *COMPRESSIO, &c.* uti jam ligaturæ, sic & aliz quævis causæ comprimentes venas possunt gangrænam facere eadem ratione. Observationes Medicæ & Chirurgicæ docuerunt, insanabiles gangrænas & sphacelos originem suam debuisse latentibus in corpore tumoribus, qui nullâ Arte tolli poterant, & difficillimè cognosci. Sic *Hildanus* (a) mirabilem talem casum se vidiſſe affirmat, Homo integræ ætatis, optimæque temperiei, insolitum frigus, gravitatem & stuporem in utroque crure sentire incipit, sine ulla causâ cognita prægressa: auctis sensim his malis gangræna sequitur, & post illam sphacelus ad genu ascendens, & mors. In cadavere invenitur tumor scirrhusosus venam cavam descendentem comprimens circa illum locum, ubi in binas iliacas finditur. Additque fide dignissimus Auctor, quod plura similia Exempla, brevitati studens, omiserit. Non minus mirabile casum mihi videre contigit in viro illo, cujus mentionem feci in *Commentariis* §. 413. Binis enim ante mortem septimanis crus sinistrum dolore incipiebat, tumere, tandemque totum œdematosum fieri, tumore jam ultra genu ascendente; cùmque simul extremus pes frigescebat inciperet, apicellæque digitorum pedis jam sublivescerent, gangrænam brevi secuturam timui; adeoque fomentis antisepticis totam partem noctes dièsque involvi curavi. Credebatur autem mecum peritissimus Chirurgus, qui ægro huic aderat, latentem puris collectionem iliacam venam aut cruralem compressisse, adeoque immedicabile malum fore, nisi causa comprimens tolli posset. Scrupuloso tamen examine non potuimus detegere locum, ubi hæreret causa mali; unde in solo antisepticorum usu pergendum esse conclusimus. Sequenti die mirabamur, crus multum detumuisse, magisque calere; narrabatque æger, & qui illi adfuerant, quod pluri-

(a) De Gangræna & Sphacelo Cap. IV, pag. 775.

mos flatus summo cum impetu & maximè sonoros ano explosisset. Perrexit omni horâ minui affecti cruris tumor, & bidui spatio, lenibus frictionibus simul adhibitis, totus evanuit. In cadavere, ut dictum fuit, nihil puris in cavis corporis majoribus inventum fuit; sed in abdomine inveni intestinum colon, non subjacens ventriculo, (ut solet) sed illi incumbens, flatibus distentum: illa autem ejus pars, quæ in latere sinistro à liene descendendo ponè intestina tenuia locatur, sic contracta erat, ut pollicis vix æquaret crassitiem, simulac verò sub intestinis tenuibus emergebat illud intestinum; iterum inflatum apparebat. Unde admodum verosimile videtur, colon illo in loco iliace venæ incumbens, flatibus distentissimum, illam compressisse; unde tumor cruris ejusdem lateris secutus fuit, qui flatibus his explosis iterum evanuit. Nisi hæc certè in cadavere vidissem, fateor, quòd vix unquam credidissem, à flatibus sic comprimi posse ingentem talem venam, ut gangrænâ inde periculum immineret.

7. FRIGUS INGENS. Dictum fuit in *Commentariis* §. 117, moleculas sanguinis frigore sic adunari, ut immeabiles fiant; adeoque obstructions faciant. Si jam ingens frigus in partem quamdam corporis egit tam validè, ut liquida congelaverit, quæ per vasa fluere debent, patet facilè, omnem vitalem influxum & effluxum humorum in tali parte tolli penitus; adeoque veram gangrænâ adesse imò & sphacelum, si vis frigoris ad ossa usque penetraverit. Verum quidem est, sanguinem ejusque serum majorem requirere frigoris gradum, antequam congelantur, quàm aqua; & calorem corporis in homine sano ingenti etiam frigori resistere posse, si simul validè corpus moveat: tristia tamen Exempla, & quotidiana in Borealibus regionibus, docuerunt, extrema corporis à summo frigore subtilissimè sæpe sic siderari posse, ut vero sphacelo corrupta decendant. Unde summi frigoris effectus satis conveniunt ignis vivi actioni in partes nostri corporis; sit nempe subtilissima destructio earumdem. Quod pulcherrimè habetur apud *Virgilium*, qui & frigoris & caloris effectus conjungit, dicens (a).

*Ne tenues plusiæ, rapideve potentia solis.*

*Acrior, aut Boreæ penetrabile frigus adurat.*

Gangrænâ tamen & sphacelus; ab acerrimo frigore orta, signa habent distincta, quibus differunt à reliquis gangrænâ; uti dicitur §. 427. n<sup>o</sup>. 6, atque etiam diversam curam requirunt; de qua §. 454, & sequentibus agetur. Omnium autem citissimè gangrænâ nascitur à frigore, si satis magno calori succedat. Dum profundum putem mundare vellet famulus, julio mense, summum frigus percepit, simulque dolorem atrocissimum in magno pedis sinistri digito, qui paulò post ad malleolos adscendebat: tota pars hæc vero sphacelo erat corrupta, & post horæ spatium jam ultra cruris medietatem adscenderat, & procul dubio brevi sustulisset hominem de medio, nisi subito exstirpatio facta fuisset (b).

8. PROHIBITA PERSPIRATIO, &c. Quantum noceat prohibita perspiratio inflammationi, & quomodo, pinguibus applicatis cuti externæ, pessimæ aliquando nascantur inflammationes, in primis si acria pinguibus mista fuerint; dictum fuit in *Commentariis* §. 376. De adstringentibus autem, frigidis, emplastiscis, &c. probatum fuit in *Commentariis* §. 350, quòd omnia hæc mutatio-

(a) *Georgic. Lib. I. versu. 92.*

(b) De Lamotte *Traité complet de Chirurgie*.  
Tom. III. pag. 384.

nem inflammationis in gangrænâ citò promoveant. Phlegmone enim propriè dicta tantum in majorum valorum angustis hæret, quæ vel naturaliter, vel dilatata saltem, sanguinem rubrum capere possunt; unde, licet humorum motus per vasa majora impeditus fuerit, per minora tamen poterit manere libera circulatio: sed gangræna tunc tantum adest, quando vitalis influxus & effluxus humorum in omnibus valorum ferebus suffocatur in loco quodam corporis: adeoque omnia illa, quæ in parte inflammata perspirationem prohibent, gangrænâ faciunt, quia liquidorum motum per minima vascula tollunt, majoribus vasis per inflammationem jam impervius factis. Observationes Medicæ docuerunt, infelicissimo cum successu similia locis, phlegmone obsessis, sæpe applicari. Puella laborabat ardentissimâ febre continuâ, fervido sub caniculæ ardore, & die critico sudore & calore summo æstuans, haustæ de puteo gelidissimæ aquæ manus immergit; mox dolor & tumor manus occupavit, quousque aquæ immerse fuerant, & paulatim harum partium livor sequebatur. Profundis scarificationibus, aliisque remediis adhibitis, *Hildanus* servavit miseram, sic tamen ut dextræ manus digitorum extremæ phalangæ caderent sideratæ omnino (a). Similes casus & in *Miscellaneis curiosis* (b) habentur, qui hoc confirmant.

Omnium verò frequentissimè gangræna nascitur, si loco inflammato applicentur talia, quæ acri suo stimulo motum augment in parte affecta; uti etiam, si iidem internè exhibitis acceleretur motus circulatorius. Demonstratum enim fuit in *Commentariis* §. 388, humorum acrimoniam & validum motum mutare inflammationem in gangrænâ. Inde toties funestus eventus fuit in morbis inflammatoriis, dum Chémici sales suos volatiles oleosos & similia acerrima tam audeacter propinarent, tamquam summa resolventia; imò & Chirurgi spiritum salis ammoniaci, alcohol, &c., applicarent locis inflammatis.

1. INFLAMMATIO INTERNA, EXTERNA. Quomodo phlegmone in gangrænâ transeat, dictum fuit §. 388, sed ibi tantum de tali malo agebatur, quod externas partes occuparet, & variâ phænomenorum mutatione sensibili inflammationis transitum in gangrænâ demonstraret. Interim tamen certissimum est, veram phlegmonem, & omnes ejus exitus, in suppurationem, gangrænâ, scirrhum, in internis corporis partibus æquè locum habere posse; uti postea patebit, quando de morbis acutis inflammatoriis agetur. Idem etiam demonstratum fuit in *Commentariis* §. 374, & 379.

2. VULNERATA, CONTUSA, &c. De his omnibus in propriis capitulis dictum fuit. Quàm frequenter autem à nimis valida adstrictione fasciarum gangræna oriatur, dictum fuit in *Commentariis* §. 355.

3. OLEOSA, ACRIA, &c. Videantur illa, quæ de his dicta sunt in *Commentariis* §. 376, & 390. Similia enim acerrima sæpe cum sint, & tenacitate oleosâ pertinacissimè hæreant partibus, quibus applicantur, gangrænâ producere poterunt, licet nulla inflammatio adfuerit; longè citius autem, si inflammatis partibus talia iniungantur. In nobili *foemina Celeberrimus Boerhaavius* tristem talem casum vidit. Laborabat paralyti cruris femorisque dextri; cumque præscriptum ipsi fuisset linimentum ex galbaneto *Paracelsi*, oleo cornu cervi, & similibus sti-

(a) *Hildanus* de gangræna & Sphacelo, cap. 1v. 774.

(b) *Decur.* II, ann. 3. pag. 145. ann. 4. pag. 103.

mulantibus acrioribus, ut leviter pars inungeretur; illa lentæ curæ pertæla maximâ copiâ hoc linimentum applicuit, & deinde linteo cerato undique partem texit, ne remedium vis exspiraret. Cum autem obtusior sensus in parte affecta adesset, illâque dolorem perceptum spe subitæ curationis contemneret sequenti die totum femur & crus gangrænâ correptum inveniebantur. Unde patet, quâni periculosus sæpe sit usus oleosorum & acrium simul, si imprudenter applicentur.

6. DECUBITUS. Frequentissima hæc gangrænæ causa est: dum enim decumbimus, totum corporis pondus paucis tantum locis sustinetur, unde à compressis vasis inflammatio & levis dolor oriuntur, mutato situ corporis statim evanida. Hinc homines etiam sanissimi, dum dormiunt, corporis posituram subinde mutant, sicque faciliè hoc præcavetur. Ubi verò in morbis dolentissimis, arthritide, podagrâ & similibus, coguntur ægri jacere immobiles, cum à minimo corporis motu hæc tormenta immaniter augeantur; compressis arteriis venisque in illis partibus, quibus corporis pondus incumbit, suffocatur omnis vitalis motus & gangræna fit. Nunquam tamen frequentius, nunquam citius, ab hac causa gangræna nascitur, quàm in morbis acutis, in quibus sæpe oritur illa *aisa* *δυσία* quâ levem dolorem & molestiam in partibus, à decubitu compressis, minimè sentiunt ægri, tuncque simul projectis viribus dorso incumbere solent. Sed (ut dictum fuit in *Commentariis* §. 112. n°. 4, ubi de obstructionis causis agebatur) homine sic horizontaliter decumbente, lectus semper in medio comprimitur superius & inferius assurgit, unde totum corporis pondus offi sacro & coccygis imprimis ferè innititur, quod solis integumentis & paucâ pinguedine tectum est. Partes ergo molles his ossibus impositæ validâ hac pressione omni vitalium humorum influxu & effluxu privantur, & moriuntur citissime; imò & ipsa hæc ossa corrumpuntur: unde postea difficillimæ curationis tædia affligunt miseros hos homines, si à periculosis illis morbis evaserint. Ut præcaveantur omnia hæc mala, sola mutatio situs corporis sufficit: si enim sexies v. gr; tantum nycthemeri spatio liberentur hac pressione corporis incumbentis partes affectæ, explicabuntur ab humoribus impulsis vasa, & redibit vita. Deinde curatur, ut nudo corpore mollissimæ alutæ incumbant, quâ nihil pulchrius est in hoc casu. Ubi autem secesserit epidermis, & levis excoriatio facta fuerit, tegitur locus emplastro diapompholygos vel simili, cui cerussæ vel lapidis calaminaris tenuissimus pulvis inpergitur. Si jam ob summam ægri debilitatem, vel aliam quamcumque causam, vix possibile sit situm corporis toties mutare; tunc vel loris suspensum tenetur corpus, vel annulus ex stramine convolutus, mollissimâ alutâ obductus, corpori supponitur ita, ut partes, pro quibus metuitur, ab omni compressione liberentur. Non potest ergo satis inculcari Medicis, ut semper de gangrænâ à decubitu nascitura cogitent, ubi in morbis acutis hebetes & semilopitos quasi ægros vident, paucarum enim sæpe horarum spatio circa coccygis os omnia corrumpuntur. Sed non tantum hic loci, verum & circa scapulas, ischii ossis tubera, femoris ossis trochanteres majores, imò & circa ipsas vertebrarum spinas in emaciatisimo homine, à decubitu gangrænam natam vidi. Quanta sæpe mala fiant, dum in fracturis curandis Chirurgi ægrorum quærelas vilipendunt, neque situm partis mutant, dictum fuit in *Commentariis* §. 354. Et de pessimum fracturarum curatione agens *Hippocrates*, sequens monitum habet, (a) *Meminisse*

(a) Lib. de Fractur. Comment. III. text. xxvi. Charter Tom. XII. pag. 245.

etiam debemus exulcerari ejus modi partes, si diu in eodem habitu perseverent, & ægerimè ad sanitatem postea perducì. Usus fuit hic vocabulo *εστίμματα*, quod exco-  
riationes, attritus, intertrigines significat, & optimè quidem. Dum enim incipit pars  
quædam corporis à decubitu malè affici, oritur macula rubra, paulò post cuticula  
quasi detrita abscedit, & dum leve malum credunt minùs periti, paucis horis postea  
macula nigra pessimam mortificationem indicat.

1. *HERNIÆ SUFFOCATÆ ET CLAUSÆ.* Quamvis herniæ nomen di-  
versissimis soleat tribui morbis, uti v. gr; dum tunicæ testem ambientes, vel & ip-  
sum scrotum extravasatâ lymphâ replentur, hernia aquosa dicitur: si venæ in sperma-  
tico funiculo in varices intumuerint, hernia varicosa dicitur: si testis in scirhum  
induruerit vel aliquando in fungosam massam miro modo excreverit, hernia car-  
nosa dicitur, &c; hoc tamen in loco intelliguntur illæ herniæ, quæ à contentis  
abdomine partibus, per dilatatum vel & ruptum peritonæum exeuntibus ex cavo  
abdominis fiunt. Cùm autem intestina, à mesenterio pendula, & omentum quasi  
fluctuant in abdomine; hinc præ cæteris omentum vel intestina per dilatatum,  
vel ruptum, peritonæum solent exire. Dictum autem fuit in *Commentariis* §.  
307, in omni abdominis ambitu hernias posse nasci, & alias partes, præter in-  
testina vel omentum, sic aliquando ex cavo abdominis elabi: omnium tamen  
frequentissimæ sunt herniæ, quæ à dilatato peritonæo per umbilicum, vel in  
inguine per annulos muscutorum abdominalium, exeunte fiunt. Umbilicales  
tunc vel inguinales herniæ solent vocari; quæ postremæ, si in scrotum usque  
delabantur, scrotales; si verbò versus femora tendant, uti in feminis frequenter  
fit, femorales dicuntur. Si jam v. gr; per annulos muscutorum abdominalium  
dilatatum peritonæum unâ cum intestini parte exiverit, pater facillè in ipsis his an-  
nulis hæreere intestini fistulam duplicatam (nisi raris in casibus pars intestini mesente-  
rio opposita, sensim dilatata, per annulos abdominales exiverit in appendicem  
sensim longiorem factam mutata (a). Motu ergo peristaltico chylus &  
reliqua, cavo intestinalis fistulæ contenta, huc pelli debebunt, & sæpe redire  
inde nequeunt, dum in angustiis annuli abdominalis intestinum comprimitur.  
Idem à flatibus intestinum elapsum replentibus fieri poterit. Vocatur talis hernia  
tunc suffocata & clausa, quia nec elapsum intestinum, nec contenta ejus cavo,  
in abdomen redire possunt. Summi tunc dolores oriuntur, motus peristalticus  
turbatur, vomitus fit, singultus, &c, & paucarum sæpe horarum spatio intes-  
tinum sic strangulatum gangrænescit; imò, quod magis mirum videtur, robustissimus  
& sanissimus homo sic subitò moritur. Post summos enim cruciatus subitò omnis  
dolor cessat: dùmque miseri omnia in vado esse credunt, pereunt. Peritos tamen  
Medicos vel Chirurgos non facillè decipiant fallaces illæ induciæ, cùm extre-  
morum frigus, facies cadaverosa, & frigidus sudor, lividusque sæpe corrupti in-  
testini per integumenta pellucens color, mortem instare satis doceant. Ex cogni-  
ta hæcenus fabrica corporis non facillè mihi videtur explicari posse, quare herniam  
suffocata & clausam cità adeo mors sequatur sæpe: Observationes subitò em-  
pircæ & Medicæ docuerunt, nervos abdominales mirum habere imperium in vi-  
tales functiones ipsas. Sic in *Commentariis* §. 170. n°. 3, ex *Russchii* Observatis  
notatum fuit vulnus abdomini inflictum, quod mesenterium læserat, post diros

cruciatu paucis diebus lethale fuisse, licet in cadavere non inveniretur in ulla alia parte læsio alicujus momenti: tamen in vulnerum abdominis Historia ex optimorum Auctorum Observatis consistit, ingentis longitudinis frusta resecta fuisse vel sponte separata ex tubo intestinali, vitâ tamen manente. Patuit ibidem, confui posse lacera intestina, imò & mesenterium filo trajectum ad vulneris abdominalis aperturam adduci, ut bina extrema intestini læsi contigua redderentur, & concreverent inter se. In tali casu, ubi ab hernia suffocata gangræna metuitur, audacissimâ venesectione sic debilitandus æger est, ut inflammatio hic nata careat urgente motu vitali; deinde narcotica dentur parvâ dosi simul, sed quâvis oclavâ horæ parte, donec induciæ fiant: mollissimis interim fomentis foveatur hernia, clysmata ex similibus parata injiciantur omni horâ; & tentetur reductio: quæ si his obtineri nequeat, sola discissio integumentorum abdominalium omnium & peritonæi superest, ut strangulatum intestinum liberetur, & in abdominis cavum revolvi possit, de qua re videantur *Commentaria* §. 316. Ubi autem gangræna jam occupavit herniam suffocatam, plerumque citâ mors sequitur; vel, si evaserint tales ægri separatâ parte corruptâ tubi intestinalis, extremum superius aperturæ affigendum est, ne fæces in cavum abdominis delabi possint. Tuncque totâ vitâ in hoc loco anus artificialis manet, nisi rarâ fortunâ intestini extrema iterum sic concreverint inter se, ut continua maneat intestinalis fistula à ventriculo ad anum usque. Miri tales casus in *Commentariis* §. 317, habentur, quibus probatur, talem concretionem possibilem esse.

§. 423. 2°. QUÆ liquida acuunt, ut vascula exedant, destruuntque, ut a. Stagnatio clausi & calidi humoris diuturna, unde acrimonia (80), corrosio, hinc cruor in aneurysmate, pus in abscessu, aqua in cranio, thorace, abdomine, scroto, &c; contusa & effusa in laxis. ß. Mala, morbosa, acris temperies in toto peccans, & locum alluens, ut lymphæ diu fluens circa loca tendinosa, ichor canceri, fluor dysentericus, fluor hydropicus, materiæ febrilis, pestilentis, variolosæ, scorbuticæ fluxus ad carnem, inprimis ad gingivas.

a. Sanguis noster, & omnes inde secreti humores, (si fortè bilem & urinam exceperis, in quibus tamen stagnando acrimonia nascitur, vel saltem plurimum augetur) blandi adeo sunt in sanitate, ut nec oculo insillati, nec crudo vulneri applicati, ullum dolorem faciant: hoc autem requirebatur, ut rapido facilis motu per tenerima vasa humores fluere possent. Si ergo à quacumque causa liquidis nostris major concilietur acrimonia, destruentur vasa, atque sic impediatur vitalis influxus & effluxus humorum, adeoque nascetur gangræna. Unde §. 368, humorum acrimonia meritis recensetur inter causas, quæ inflammationem in gangrænam tendere faciunt. Præcipuè talis acrimoniæ in liquidis nostris natæ, causæ sunt sequentes.

a. STAGNATIO, &c. Demonstratum fuit in *Commentariis* §. 80, liquida humanæ, etiam in corpore sanissimo, solâ quiete & calore sponte in putredine

nem vergere ; imò & omnia alimenta assumpta , quamvis ex propria indole ab omni putredine aliena fuerint , viginti horarum spatio in corpore nostro sic mutari , ut similem naturam adipiscantur. Sanus homo , aquis submersus , paucis diebus putrescit totus , à simplici stagnatione liquidorum , & calore aeris communis. Calor autem major hanc degenerationem in putredinem auget in nostris humoribus , nisi tantus fuerit , ut exsiccatione difflet humidum , & reliqua exsiccet. Sic in aere calidissimo , & siccissimo simul , non putrescunt animalium carnes tam citò ; imò sæpe penitus exsiccantur ab omni putredine servantur : in aere autem calido , & humido simul , putrescunt quàm citissimè. Præterea observatur , si nullus deus aeris accessus ad stagnantes humores , eosdem diu ab omni putredine immunes servari posse. Ob hanc causam *stagnatio clausi & calidi humoris diuturna* , in textu habetur.

**CRUOR IN ANEURYSMATE.** Videantur illa quæ dicta sunt in *Commentariis* §. 112 , n<sup>o</sup>. 1 , & §. 176. Ibi enim constitit ex fidelissimis Observatis , cruorem in dilatata arteriæ sacco stagnantem , tantam acquisivisse aerioniam , ut non tantum partes molles corrumperet , sed etiam solida ossa destrueret omnino.

**PUS IN ABSCESSU.** Videantur *Commentaria* §. 406.

**AQUA IN CRANIO , THORACE ABDOMINE , SCROTO , &c.** In cavis corporis majoribus & minoribus aquam accumulari posse , quotidianis Observatis constat ; sive hoc fiat ruptis vasis lymphaticis , contentam lympham effundentibus , sive , dum exhalans ros in cava corporis à venulis bibulis non reforbetur. Quam diu autem nullus aer accedit , diu sine ulla corruptione manere potest talis aqua ; tandem tamen putrescere incipit , & omnes partes rodere , quas alluit Ubi postea de hydropse agitur , patebit ex fidelissimis Observatis , omentum , hepar , lienem , &c. in putrida tali aqua macerata , contabuisse penitus ; imò apertis post mortem ascite defunctorum cadaveribus , sæpe tetra mephitis pessimè omnes adstantes affecit. Omnium frequentissimè gangræna ab hac causa nascitur , quando hydrops anasarca crura & femora occupat. Cum enim frigidi semper hydropici sint , sæpe dum foco nimis assident , vel hypocaustulis suppositis pedas calefaciunt peridermis in bullas attollitur , quibus ruptis ingens copia aquæ exit sæpe summo cum levamine. Frequenter tamen tunc circa illas aperturas à sero præterlabente , accessu aeris jam magis acris facti , gangræna fit : distentus antea tam enormiter panniculus adiposus collabitur flaccidus , & partim ab acris sero alluente corrumpitur , partim ob vitalis influxus debilitatem moritur.

**CONTUSA ET EFFUSA IN LÆSIS.** Vidcantur illa , quæ de his in *capitulo de contusione* dicta sunt.

§. **MALA , MORBOSA , &c.** Stagnatione humores sanos & blandos acres posse fieri apparuit ex modò dictis : sed accidit aliquando , sanguini & inde secretis liquidis adeste jam majorem acrimoniam , licet per vasa moveantur solita naturali lege. Verum quidem est , rarè vel nunquam in sanguine ipso esse magnam acrimoniam ; citò enim destruerentur tenerima vasa : tamen quandoque quædam adest , quæ non adeo sensibiles effectus habet , quamdiu integræ sanguinis massæ mista manet : ubi verò secreta inde sunt , & in quibusdam partibus corporis collecta , tunc sæpe pessimè nocet. Sic v. gr. susceptum luis veneræ con-

R r r üj

tagium, humoribus circulantibus mistum, nullum ferè sui signum exhibet: ubi autem latens illud virus ad partes quasdam deponitur, illas erodit, nequidem durissimis ossibus exceptis. Si ergo acre aliquod morbosum sanguini inhaerens ad loca quædam corporis deponatur, vel humores à sanguine secreti solitò acriores locum quemdam diu alluant, poterunt vascula inde exedi & destrui; adeoque tolletur vitalis influxus & effluxus humorum, id est, gangræna fiet.

**LYMPHA DIU FLUENS CIRCA LOCA TENDINOSA.** Dictum fuit in *Commentariis* §. 163, nervorum tenforum aut tendinosorum talia vulnera, quibus pro parte tantum rescinduntur, sæpe sequi evacuationem tenuis, acris, & copiosissimi simul feri: simulque notabatur, nunquam in talibus casibus benignam suppurationem fieri, sed sinuosas collectiones ichorose talis materię omnem pinguedinem musculis interpositam sic corrumpere, ut gangrænosa facta magnis sæpe frustis exeat, imò & ipsas tendinum vaginas pinguedinosas sic destrui; unde postea immobilitas musculorum fit, & totius membri usus sæpe perit. Ichorem vocavit Celsus dicens (a) *ἰχὴρ tenuis, subalbidus, ex malo ulcere exit, maximeque ubi, nervo læso, inflammatio secuta est. Μαλίστη crassior est; glutinosior & subalbida, mellique albo subsimilis. Fertur hoc quoque ex malis ulceribus, ubi nervi circa articulos læsi sunt, & inter hæc loca, maxime ex genibus.* Quia autem circa articulos inflata vulnera aliquando talis ichoris effluxus comitatur, & postea articuli vicini immobilitas sæpe totà vitā mane, ideo Chirurgi articulorum aquam (*Leedenwater*) vocaverunt: composito hinc nomine aptissime expressit hoc malum *Hildanus* (b) *Hydrarthron* vocans. Cumque urentis doloris sensum ægri in hoc malo percipiunt, summam lymphę effluentis acrimoniam culpæ solent, licet fortè à distractis lentā dilaceratione fibris nervosis, vel tendinosis acerrimus ille doloris sensus oriatur. Intermittit hoc plurimis & fidelissimis. Observatis constat, post lymphę talis diuturnum fluxum circa loca tendinosa gangrænam ferè semper sequi; siue hoc fiat ob lymphę fluentis acrimoniam, siue quia diluente hoc vehiculo orbatus sanguis pertinacissimas inflammationes facit. Integrum tractatum de *Ichore & Meliceria* habet *Hildanus*, ubi plurimi casus enarrantur, qui modò dicta confirmant.

**ICHOR CANCRI.** In calamitosissimo enim hoc morbo in tantam sæpe acrimoniam degenerant humores effluentes, ut lintea applicata stygię instar aquę comburant, & vicinam cutim erodant profundissime, per quam defluunt. Sed, uti postea dicitur, non tantum in partibus externis, verum etiam in internis cancri inventi fuerunt; unde facillè patet, quàm horrenda mala debeant fieri, dum acre illud virus interiora corporis depascitur.

**FLUOR DYSENTERICUS.** Si v. gr; cancriosus hepatis vel pancreatis virus intestina depluens continuum deponendi alvi tenebrum, cum horrendis torminibus, faciat, patet facillè, sic erosio intestinis, veram gangrænam fieri posse. Dum turgens atra bilis calore aeris, corporis motus, vel quacumque alia de causa, morveri incipit, dysenterię illę atrabilarie sunt cum dolore intolerabili, quam sæpe brevi post gangræna intestinorum sequitur (vide §. 1104.), & placida, omni dolore sublato, mors.

**FLUOR HYDROPICUS.** Paulò antè in eadem hac paragrapho dictum fuit,

(a) *Medicin. Lib. V. cap. xxiv. n.º. xx. p. 288. 289.* (b) *De Ichore & Meliceria, cap. III. p. 837.*



serum hydropicum per aperturas, casu vel & Arte factas in cruribus, totum aliquando evacuari; verum simul in hoc transitu sæpe vicina his aperturis loca corrumpere. Sed Observationes Medicæ docuerunt, idem illud serum quandoque, venis reisorptum & humoribus circulantibus mistum, per alvum, urinas, &c., exire. *Hydropicis, & circa venas aquâ in alvum prolapsâ solutio, fit (a) dixit Hippocrates.* Si jam morâ & stagnatione aquæ illæ putrescere inceperint, antequam venis reorbeantur, augebitur hæc putredo, dum cum sanguine per vala circumducuntur; & si per mesenterica vasa in cavum intestinorum tunc excernantur, villosa tunica intestinorum macerabitur & contabescet, dum purridâ hâc aquâ alluitur continuò, unde putredo, gangræna & mors ipsa toties sequuntur. Generalem hinc modò allegatæ Coacæ prænotionis sensum alio in loco magis limitavit Hippocrates dicens (b) *in hydrope incipiente alvi profluvium aquosum oboriens, citra cruditatem, morbum solvit;* tunc enim nondum putredinis ullus metus est.

**MATERIÆ FEBRILIS.** Febris, utl patebit postea, quando peculiari capitulo de hac agetur, sæpe causam suam materialem, unde ortum duxit, vel à qua sustentatur, sic mutat & subigit, ut sine ulla evacuatione redeat omnium functionum integritas. Aliquando etiam latens in corpore noxium mutatur quidem per febrim, & mobile redditur; cum autem illud pergeret turbare functiones, si maneret, expellitur de corpore; vel per abscessum deponitur ad quædam corporis loca. Nec refert, an illud, quod sic abscedit, præexistiterit ante: utroque enim in casu materia febrilis vocatur. Ubi ergo materia febrilis per abscessum deponitur ad quædam corporis loca, non tantum per erysipelata, phlegmonas, & suppuraciones facit, sed aliquando subito vitam omnem in parte suffocat, unde gangræna & sphacelus quàm celerrimè oriuntur.

Aliâ occasione in *Commentariis* §. 253, memini mirabilis talis casus, ubi homini quinquagenario in febre acuta continua unius noctis spatio siderabatur extrema pars dextri pedis, & postea decidebat; homine tamen superflite manente: simulac enim morbi malignitas hanc partem occupaverat, cessabat febris, & redibat reliquo corpori sanitas. In vetula septuagenaria, febre ardenti laborante, mirabatur Tulpus, quòd pessifer morbi humor tanto impetu brachium sinistrum invaderet, (c) *ut facto initio à commissa humeri præcipitaretur una nocte in inmedicabilem sphacelum usque ad extremos digitorum apices, cum tanta protinus cutis nigredine, & tam exsucco atræ carnis squalore, ac si integrum mensem expositum fuisset reorrido urentis solis aestui.* Simile infortunium & in alia muliere se vidisse asserit; & apud alios Observatores plures tales casus habentur. Observaverat & Hippocrates, in morbis aliquando jactura partis cujusdam corporis vitam redimi, unde sequens monitum Medicis reliquit (d) *Pedes autem digitiq; penitus nigri minus perniciosi sunt lividis. Sed & alia signa considerare convenit. Nam si æger malum leviter ferre videatur, atque signum aliquod salubre præterea se ostendet, morbum in abscessum versum iri spes est; ex quo homo quidem incolumis evadet, partes autem corporis quæ nigredinem contraxere, decident.*

(a) Coac. Prænot. n.º. CCCCLXI. Charter. Tom. VIII. pag. 879.

(b) Ibid. n.º. CCCCLVII. pag. 878.

(c) Observ. Med. Lib. III. cap. XLVIII.

pag. 164.

(d) Prognosi. Comment. II. Sentent. IX. Charter. Tom. VIII. pag. 624.

PESTILENTIS. Omnes, qui de terribili hoc morbo scripserunt Auctores testantur, quoddam mali hujus virulentia in partem quamdam corporis abderet, illa subito destrueretur, sic ut mortua & vivis adhuc contigua hærens, suppuratione in ambitu natâ, postea separari debuerit. Anthraces pestilenciales dicebantur plagæ tales, in superficie corporis apparentes, ac si vivo igne ambullæ fuissent. Longè terribiliora adhuc mala sequebantur illam pestem Atheniensium, quam *Thucydides* adeo graphicè descripsit (a), qui non solum hæc correptos viderat, sed ipse laboraverat. Sanissimos enim repente invadebat tetra lues, cum capitis dolore, oculorum rubore, & inflammatione: mox fauces & lingua sanguinolentæ erant; spiritumque tetrum & pessimè olentem exhalabant ægri. Sequebatur sternutatio & raucedo: paulò post ad pectus descendebat morbus cum ruffi vehementi; dein bilis vomitus; singultus molestissimus; ardor internus intolerabilis; corpus externè non admodum calere videbatur; sed subrubrum lividumque, & pustulis minutis ac ulceribus repletum erat. Sic sensim videbatur morbus à capite descendere per omnia; illique, qui septimum nonumve diem superaverant, descendente jam in ventrem morbo, exulceratione vehementi & magno profluvio debilitati peribant. Si autem morbi furor corporis extremitates corripuisset, tales ægri maxima quidem pericula effugerant; & evaserunt quidam; sed manuum pedumque summis amissis mutili, quandoque pudendis, vel & oculis, orbi, ipsâ morte calamitosiorem vitam trahebant languidi. Sic & *Galenus* (b) sævam pestem in summos pedes grassatam fuisse, illôsq; corrupisse, memorat.

VARIÓLOSÆ. In pessimis enim confluentibus tota facies in bullam gangrenosam elevatur, & hæc pelliculâ ruptâ ichor exit tenuis sæpe olidissimus, subjecta cutis & panniculus adiposus à tabo hoc gangrenoso miserrimè depauperantur. Imò memini me aliquoties vidisse, quoddam *Sydenhamus* notaverat, in femoribus talium ægrorum elevatas vescicas, ovum gallinaceum æquantes, tenui ichore, vel & sanguinolentâ sanie plenas, quibus ruptis subjecta caro nigerrima apparebat.

SCORBUTICÆ FLUXUS AD CARNEM, INPRIMIS AD GINGIVAS. In scorbutico illud satis mirum observatur, quoddam adeo minuat vasorum cohesio, ut à levissima vi frangantur. Sic rudiorum attactum in hoc morbo laborantibus semper ecchymosis sequitur, fractis vasis, effuso sub cute integra sanguine. Imò sine ulla vi externa, sponte ruptis vasis, maculæ illæ scorbuticæ fiunt cæruleæ, vel & nigricantes, à musculorum adjacentium motu fractis vasis, vel erosio ab acriori sanguine. Vasorum enim minutam cohesionem in hoc morbo semper acrior sanguinis indoles comitatur; uti postea patebit in hujus morbi Historia. Non mirum ergo est, si scorbuticæ materiæ fluxus ad carnem, destructis vasis, gangrenam faciat. Crurum ulcera pessima, ad optima quævis remedia omnino rebellia, facillimè gangrenosa, quotidie observantur in scorbuticis. Nullibi tamen citius scorbuti præsentis indicia observantur, nullibi celerius corrupti partes, quas occupat, quam circa gingivas. Incipiunt calere, dolere, vel & prurire gingivæ, ad levem attactum sanguinem fundunt; hinc inde dein maculæ albæ oriuntur, in ambitu suo rubræ & inflammatæ, quæ sæpe, si negligantur, proferunt

(a) De bello Peloponesiaco, Lib. II. | (b) De usu part. Lib. III. c. v. Chart. Tom. IV. p. 345. punct

punt & depascuntur omnia, inprimis in junioribus, cum horrendo fœtore, & copiosissimo salivæ tenuis & olidissimæ simul ex ore fluxu. Nostros malum hoc cancrum aquaticum (*Waterkanker*) solent vocare, quia canceri instar exedit omnia, & jugis talis salivæ fluor adest. Nisi in initio compescatur hoc malum, (quod spiritu salis marini aquâ diluto omnium certissimè; dein & aliis acidis fossilibus, muriæ salis marini, &c, fit) non tantùm gingivas, sed & genas, labia, linguam, imò & dentes, ipsamque osseam maxillam omnino corrumpit, & excidere facit. Aeris liber accessus, calor loci & humiditas, lymphæ acerrima sæpe & putrida, continuò hæc loca alluens in pessimo scorbuto, natam semel hic corruptelam augent immaniter.

§. 424. 3°. QUÆ mortem extremorum creant defectu vitalis influentiæ, ut quies senilis, debilitas summa, contusiones ingentes magnorum nervorum, spinæ dorsæ, medullæ spinalis, magnorum gangliorum (§26. 420.)

Cùm gangræna talis sit corporis mollis conditio; quæ abolito influxu vitalis humoris in arterias, effluxu per venas, in mortem tendat (vide §. 419.); patet evidenter, illam nasci debere, quando causæ moventes humores per vasa tam debiles sunt, ut ad extrema corporis usque motum continuare nequeant. Cordis autem vis arterias implens & dilatans, arteriarum efficaciam, quæ se contrahere possunt & impulsum à corde sanguinem propellere per ultimas suas angustias in venas, sunt illæ causæ, quæ sanguinis motum per vasa abfolvunt. Attamen musculorum, venis adjacentium, motu venosi sanguinis fluxus cor versus promovetur. Ubi ergo in senio, vel per debilitatem summam, à quacumque etiam causa natam, cordis vires sic imminuuntur, ut non possint ad extrema corporis usque arterias impulso sanguine dilatare, incipit nasci quies illa senilis, & ab hac extremorum gangræna. Præterea requiritur in arteriis talis flexibilitas, ut cedere possint, & dilatari à sanguine corde impulso; simulque tale robur, ut cessante cordis actione, elasticitæ suæ, & fibrarum muscularium actione, propellere possint sanguinem cavis suis contentum. Unde ab oppositis fibrarum solidarum; & vasorum ex his compositorum, vitiis, idem sequitur effectus; nempe æquabilis sanguinis motus impedimentum, & stagnatio.

À nimia debilitate & laxitate fibrarum & vasorum; impediri humorum per vasa motum, probatum fuit in *Commentariis* §. 26, & 44. Idem malum fieri à nimia fibrarum & vasorum rigiditate, constitit ex illis, quæ §. 33, & §2, dicta sunt.

In decrepita autem senectute, plurimis canalibus concretis jam, qui in juventute & flore ætatis pervii fuerant (vide *Commentariis* §. 43. n°. 4.), nimium in vasis robur adest, & callositas, per quam resistent suæ dilatationi; unde tandem cor non ampliùs valet evacuare contentum suis cavis sanguinem, adeoque obruitur, & quiescit. Videantur illa, quæ in *Commentariis* §. 128, de inevitabili mortis necessitate ab hac causa dicta fuerunt. Mirabilem casum, qui modò dicta confirmat, habet *Tulpus* (a). Seni Fatuo, diutissimè debili, fatiscabant ed usque &

(a) *Observat. Medicin.* Lib. III. cap. XLVI. pag. 162.  
Tom. I.

languidum cor, & effictus partium calor, ut à minima corporis offensa sequeretur protinus gangræna. Si enim vel natibus insideret, vel cubito incumbere, vel calcem pavimento imponeret, vel scapulam in parietem inclinarer, illico à gangræna oblidebatur non minùs pars premens, quàm pressa. Brevi serpens m. lum occupabat univèrsam ferè corpus, sic ut omnia jam emortua forent, antequam verè emoreretur miserrimum hoc lascivientis mortis ludibrium. Similem ferè casum in scemina nonagennaria vidi, cui ante mortem non tantùm extrema gangrænola sicbant, verùm & gena, cui dormiens incubuerat simili labe corripiebatur. Tam debiles enim videntur fuisse in his ægris cordis vires, ut externâ compressione, quantumvis, hæc lævis fuerit, complicata vasa explicare non potuerint.

Sed & aliam incurabilis gangrænæ causam Historia Medica docet, quando nempe arteriæ, quamvis cordis vires integræ satis fuerint, sic obriguerunt, offese quandoque factæ, ut nec cedere possint sanguini cordis vi impulso, neque se contrahere. Nobili viro sexaginta septem annos nato, qui optimâ sanitate valuerat toto vitæ decursu, oriebatur gangræna in digito pedis, quæ sensim ascendens cruris dimidium jam occupabat. Cùm cæteroque vires constarent, & pulsus satis fortis & æquabilis esset, certæ morti, quæ sic gradatim corpus depasceret, incertum auxilium præposuit animosus senex, crûsq; gangrænolum sibi amputari voluit. Exstirpatione factâ, duæ trësve uncie sanguinis ex musculari carne resecta exiverunt: ubi autem laxabatur tornatilis ligatura, quæ arteriam subpopliteam compresserat, mirabatur peritissimus Chirurgus, qui operationem sece- rat, ne gutta quidem sanguinis exire. Arteriosi autem trunci extremum durum & callolum esse apparuit. Quatridu autem post exstirpationem peractam perit æger. Dum examinabatur crus abscissum, patebat, truncos arteriosos majores pro maxima parte osses factos fuisse, & in quibusdam locis adeo contractos, ut vix setam admitterent suis cavis. Unde satis patuit gangrænæ hujus causa (a).

Cùm ergo seniles tales gangrænæ ferè semper immedicabili vitio vasorum ortum debeant, vel cordis debilitati non faciliè corrigendæ, patet satis, nec separationem corrupti hic expectari posse per suppurationem, neque profuturam exstirpationem. Nihil ergo superest, quàm ut pars affecta sale, aceto, vino, ruta, scordio & similibus condidatur, & ab omni putredine præservetur; simulque bono victu & cardiacis vires vitales augeantur, quantum fieri potest. Hæc methodo celeberrimus *Boerhaavius* in Senatorio hujus urbis viro per sex integros menses stigma gangrænolum, in pollice pedis natum, continuit, ne perferperet. Cùm autem, convocato Medicorum consilio, plurium suffragis concluderetur, tentandam esse separationem illius mortui à vivis partibus per suppurationem, & hunc in finem cataplasmata maturantia applicarentur, tridui spatio gangræna jam ad femur usque ascendit, & paulò post placidè exspiravit æger.

Quare autem contusiones ingentes, vel alias læsiones insignes magnorum nervorum, gangliorum, spinæ dorsii aut medullæ spinalis, sequatur gangræna ex- plicatum fuit in *Commentariis* §. 162.

(a) Philosoph. Transact. n<sup>o</sup>. CCCCLXIX, pag. 216. Abridg. Tom. VII. pag. 572.

## §. 425. 4°. VENENA mirabilia:

Præter hæcenus recensitas gangrænæ causas; adhuc aliæ quædam occurrunt; quæ ad priores classes reduci non poterant. Dantur enim in rerum natura talia, quæ corpori humano applicata mortem partis, imò & totius, citò & certò faciunt, licet modus Phycus, quo hoc faciant, hæcenus lateat. Cùm enim in qualitatibus sensibilibus venenorum sæpe nihil occurrat, cui tanta efficacia ascribi posset, totà substantiâ nocere, & occultâ qualitate hæc agere Galenus, & post illum Scholæ dixerunt. Recentiores Philosophi, quibus rerum causas ignorare turpissimum videbatur, explosæ qualitates illas occultas, & riserunt Venterum simplicitatem, qui candidè ignorantiam confessi, effectus illos mirabantur, quorum causas minimè intelligerent. Verum potiori jure subtilissimos Philosophos, de veneno viperarum disputantes, risit Magni Herruræ Ducis venator (vide *Commentaria* §. 155,) dum illorum ratiunculas convelleret, epotâ non tantum bile viperæ, verum etiam iratissimæ & maximæ viperæ salivâ, spumâ, & venenato succo ponè dentes in loculis peculiaribus collecto, vino dilutis, & haustis. Licet enim in vulnere noceant venena quædam, impune tamen sæpe deglutiuntur. Unde Psyllis, qui sugendo curabant venenata vulnera, non tribuit Celsus, (a) scientiam præcipuam... sed audaciam usu ipso confirmatam; Adeoque conclusit, (b) ergo quisquis, exemplum Psylli securus, id vulnus exsuxerit; & ipse tutus erit, & tutum hominem præstabit. Illud interea antè debet attendere, ne quod in gingivis, palatove, aliâve parte oris ulcus habeat.

Vidimus §. 423, in morbis aliquando nasci aliquid, quod naturæ humanæ adeo adversum est, ut partem corporis, versus quam deponitur, illico faciat emori. Dicitur fuit ibidem, contagium variolosum paucorum dierum spatio sic corrumpere posse omnia in sanissimo etiam juvene, ut tabo gangrænoso totum corpus diffuisset. Sed præter hæc, Observationes Medicæ docuerunt, venenatorum animalium morsu etiam levissimo, gangrænâ & sphacelum nasci posse. Dum per Libyæ desertâ exercitum duceret Cato, ubi ingens venenatissimorum animalium copia erat, occurrebat & exiguus serpens *Seps* dictus, qui miserum militem parvo tantum vulnere læserat in crure, statim, (c).

----- Plagæ proxima circum

Fugit rapta cutis, pallentiâque ossa retexit

Jamque sinu laxo nudum est sine corpore vulnus.

Membra natant sanie; suræ fluxere; sine ullo

Tegmine poples erat; femorum quoque musculus omnis

Linguitur, & nigrâ distillant inguina tæbe.

Sic sensim ascendendo abdomen, pectus & contenta his viscera diffuebant; imò & ipsa ossa consumpta fuisse canit Poeta, & quidem satis subitò: (d)

----- Omne

Quidquid homo est aperit pestis, natura profana

(a) Medicin. Lib. V. cap. xxvii. no. III.

pag. 309.

(b) Ibid.

(c) Lucan. Pharsal. Lib. IX. vers. 768.

(d) Ibid. vers. 779.

*Morte patet, manant humeri, fortisque lacerii:  
Colla, capique fluunt. Calido non ocyus Austro  
Nix resoluta cadit, nec solem cera sequatur.  
Parva loquor, corpus sanie stillasse perustum;  
Hoc & flamma potest; sed quis rogos abstulit ossa?  
Hæc quoque discedunt; puiresequ' secuta medullas  
Nulla manere sinunt rapidi vestigia sati.  
Cyniphias inter pestes tibi palma nocendi est:  
Eripiunt omnes animam, tu sola cadaver.*

Fortè Poetæ fides parum suspecta videretur nonnullis, cùm solitâ licentiâ uti potuisset in horrendis illis malis enarrandis, quæ morsum hujus serpentis sequuntur: sed in *Commentariis* §. 105, casus mirus habetur, qui huc satis accedit. Sanissimam enim puellam venenatissimus serpens momorderat, unde brevi moriebat: dùmque cadaver paucis tantùm post mortem horis auferre volebant, tabefactæ jam ab ossibus secedebant carnes.

Latet sæpe deleteria facultas in quibusdam rebus, de quibus nullus cogitasset unquam, nisi frequentes casus docuissent, inesse his talem malignitatem. Sic observatum fuit in Gallis, secales grana (inprimis illa quæ martio mense terræ tradi solent) solo humido & frigido fata, si pluviz copiosæ fuerint, pro magna parte in spicas surgere degeneres omnino, quæ & nigre erant, & à solita figura recedentes galli gallinacæ calcaria non ineptè referebant. Dùmque in annonæ penuria non mundarent satis secales ab hoc vitio pauperes, plurimi gangrænâ siccâ, nigrâ, lividâ corripiebantur, quæ à digitis pedum incipiens sensim adscendebat: in magno satis talium ægrorum numero tantùm unus fuit, cui gangræna in manu inciperet. Quod maximè mirum videbatur, soli viri hæc gangrænâ afficiebantur, mulieres nullæ, nisi hinc inde quædam juniores puellæ. Dum gallinis dabantur vitiosa hæc secales grana, maluerunt integro triduo inediam pati, quàm hæc sumere; quibusdam autem fraude ingesta hæc grana non videbantur nocere (a). Mirabilis hæc Observatio docuit, saluberrimum humano generi alimentum sic à latente causa mutari posse, ut verum fiat venenum.

§. 426. **G**ANGRÆNÆ futuræ signa sunt causæ ejus (422. 423. 424. 425.) præcognitæ.

De his omnibus, numeris hic citatis, dictum fuit. Agendum nunc de illis signis, quibus præsens gangræna cognoscitur, & distinguitur ab inflammatione, quæ illam sæpe præcedit; & à sphacelo qui gangrænam aliquando sequitur.

(a) Académ. des Sciences l'an 1710. Hist. pag. 80.

§. 427. **A**T verò præsentis, hæc, 1. phænomena inflammationis subito ablata sine correctione causæ ( confer 382. 383. 385. 422. 423. 424. 425. ) 2. Sensus hebes. 3. Color pallidior, cinereus, fuscus, lividus, niger. 4. Mollities, flacciditas, ad tactûs vestigia non resurgens. 5. Pustulæ ichore lymphatico subflavo, vel rubello plenæ in loco inflammato. 6. Ubi à frigore, pruritus & punctura ingens; unâ cum rubore intenso, quem brevi nigrîtudo mortifera sequitur.

Si bene intellecta fuerint illa, quæ dicta sunt de causis præcedentibus, naturâ, & loco gangrænæ, facilè distinguetur, an gangræna adsit, necne, sequentibus signis.

1. Phænomena inflammationis oriebantur à vi vitæ urgente sanguinem in vasa obstructa majori celeritate, ut dictum fuit §. 381: omnia autem illa §. 382, & sequentibus enumerata fuerunt. Si ergo hæc phænomena increverint omni momento, dein subito desinant, novimus, non cessasse hæc mala ob causæ correctionem, id est, resolutionem concreti inflammatorii; quia hæc nunquam fit, nisi initia fuerint omnia inflammationis symptomata ( vide §. 386. ) Neque poterit tunc adesse suppuratio, quia per hanc inflammationis phænomena non abolentur, sed sensim, non subito, mutantur & mitescunt: multò minùs adhuc scirrhus expectari poterit, in quo omnia adhuc lentiori gradu mutantur. Superest ergo tantùm ille exitus inflammationis, quo in gangrænâ, id est, mortem partitis, tendit. Quare autem tunc cessent symptomata, quæ inflammationem comitantur, explicatum fuit in *Commentariis* §. 388. Ubi inflammatio corporis partem externam occupat, sensibus mutatio coloris & reliqua signa gangrænæ, ex inflammatione natæ, percipi possunt. Si verò interiora corporis simile malum occupaverit, calor, doloris, febris subita ablatio idem docet.

2. Locus inflammatus antea dolentissimus erat, ob distractas fibras nervosas per tunicas vasorum distentorum dispersas: cùm ergo causa distendens, vitalis nempe humorum influxus per vasa, cesset, aberit & dolor; vel saltem quàm plurimùm minuetur. Accidit enim aliquando, panniculo adiposo jam per gangrænâ corrupto, cutim tamen nondum emortuam esse, unde aliquis sensus supererit; ut etiam in partibus panniculo adiposo suppositis; quæ tunc, interposito hoc mortuo & insensibili, corporum externorum actionem obtusiori sensu percipiunt.

3. Demonstratum fuit in *Commentariis* §. 382. n. 1, 2, & 5, locum inflammatum rubere, & cutim præ summa tensione splendere. Simulac verò omnis humorum motus per partem inflammatam tollitur, incipit deficere floridus ille ruber color, pallor dein nascitur, quem color cinereus, fuscus, &c, excipit; sic ut, pro vario colore partis affectæ, varius sit corruptelæ gradus; eò pejor semper, quò magis à pallore in mortiferam nigredinem vergat. Pulcherrimè hæc gangrænæ præsentis notas sic recensuit *Galenus* (a) *quum enim vehementer obstructa sunt in maximis inflammationibus, tum vasorum orificia, tum omnes*

(a) De Tumor, præter, naturam cap. VIII. Charact. Tom. VII. pag. 317, 318.

*meatus naturali perspiratione destituti, sic agrotantia corpora promte moriuntur. Ac primum qui coloris flos inflammationibus adfuerat in ipsis exstinguitur (dicitur enim τὸ τῆς χροῆς ἰσχυρὸς; deinde dolor & pulsus abeunt, nequaquam sedato affectu, verum sensu emortuo.*

4. Quamdiu inflammatio durat, durus & renitens tumor partem occupat, qui compressus illico resilit, quia impetus vitalium humorum, à tergo urgens loca obstruenda, distendit omnia. Ubi ergo deficit ille impetus, mortuà jam parte, omnia flaccescunt, & panniculus adiposus, antea distentissimus, nunc mollis apparet, & impressi digiti vestigium retinet. Tangenti tunc locum sic affectum videtur sub cute tenax quasi fluctuare materia, vel saltem manifesta partium cuti suppositarum vacillatio percipitur, quæ tantùm à corrupto panniculo adiposo fit; cujus ingentia frustra postea secedunt, dum mortuum à vivis benignâ suppuratione separatur.

5. Signum hoc solet ferè pathognomonicum haberi, quo præsens gangræna in externa corporis superficie cognosci possit. Rumpuntur enim subito vasa (ut dictum fuit §. 388.), dum inflammatio in gangrænam abit, & effunduntur humores; breviter corrumpebantur. Epidermidis, tenerrimi cum cute subiecta nexus solvuntur, illaque ab effusis humoribus in pustulas attollitur; quæ vel ichore flavescente, vel & aliquando subrubello, loturæ carniū instar, turgent; in pessimis autem gangrænis, quæ breviter in sphacelum tendent, etiam nigro ichore plenæ tales bullulæ apparent.

6. Peculiaris hæc gangræne species distinctis signis cognoscitur. In borealibus regionibus, & rigidissimâ hyeme, miserrimi tales casus sætis frequentes occurrunt. Extremæ nempe corporis partes, digiti pedum manuumque, nasi apex, aurium lobi, acerrimo gelu subitâ gangrænâ sic corrumpebantur, ut postea cadant: sic autem solet procedere hoc malum. Primum à frigore pallor oritur, sequitur dein rubedo, quam comitatur dolor punctorius molestissimus, vel pruritus magnus; rubedo dein augetur, in purpureum ferè colorem vergens; dein nigrescit pars sic affecta, & ad ossa usque vero sphacelo corrupta, cadit. Quia autem gangræna ab hac causa orta citissimè partes corporis facit emori; & aliam longè curationis methodum requirit, uti dicitur §. 454; ideo omni curâ attendendum est, ne ullus in hac diagnosi error contingat.

§. 428. **SPHACELUS** futurus scitur ex signis gangræne præsentis (§. 427) assiduò auctis.

Dictum fuit in *Commentariis* §. 420; gangrænam plerumque præcedere; hanc verò sequi sphacelum. Si ergo omnia signa gangræne præsentis, præcedenti paragrapho recensita, augeantur, novimus sphacelum metuendum esse. Gangræne enim partes poterunt viva supposita comprimendo suffocare, vel & prosperente putredine corrumpere.

§. 429. **PRÆSENTIS** autem signa sunt; 1. Gangræna exquisita prægressa. 2. Sensus, motusque integre sublatis, ut pars scissa, puncta,



usta, usque ad ipsa, ossa, nihil sentiat, sed gravis modò sit. 3. Color lividus, fuscus, niger. 4. Mollities, flacciditas, frigus, cutis separabilis, tandem siccitas, durities. 5. Fœtor cadaverosus. 6. Corruptio mortifera, profunda, omnia vicina depascens in ossa usque.

1. Signum hoc Medici & Chirurgi attentionem tantùm excitat; non enim semper sphacelus sequitur, licèt exquisita gangræna prægressa fuerit, sed tamen tunc meritò metuitur hoc malum.

2. Non adeo facilè sæpe determinare, an sphacelus adsit, necne. Sæpe enim panniculus adiposus, validâ phlegmone occupatus, in crassitudinem immanem distenditur, etiam in illis locis ubi non multùm pinguedinis adest; uti v. gr; in manuum & pedum dorso, & digitis. Si jam gangræna tales partes occupet, poterit scalpellum adigi ad magnam profunditatem sine ullo doloris sensu. Imò poterit distendi panniculus adiposus, cute integrâ coercitus, sic comprimere subjectas partes, ut hebetior in illis sensus sit, imò ferè nullus, quamvis nondum omnino mortuæ fuerint hæ partes, & postea ab hac pressione liberæ reviviscant quasi. Unde non potest concludi, sphacelum adesse, nisi certi fuerimus, profundissimis scarificationibus vel puncturis nullum omnino excitari dolorem: si enim adhuc aliquid vivi sub panniculo adiposo gangrænâ corrupto, lateat, poterit separatio corrupti expectari.

Notandum præterea, sæpe motum superesse posse in parte, quamvis sphacelo penitus corrupta fuerit. Vidi hoc in viro illo, cui in febre subito anterior pedis pars sphacelo corripiebatur (vide §. 423. lit. A.): movebat enim digitos pedis affecti, licèt scalpello ad ossa usque adacto nullum omnino dolorem perciperet, nec vel unica sanguinis guttula efflueret. Neque mirum hoc videbitur, si consideretur plurimos musculos, pedum manuumque digitos moventes, satis aliè locari; unde, licèt extremæ partes membri sphacelo affectæ fuerint, poterunt musculi adhuc sani suâ actione partes mortuas movere, quibus suis tendinibus affiguntur. Tendines enim, funium instar, trahuntur, dum musculi agentes turgent; & cum tenacissimi sint, diu manent integri, licèt reliquæ partes molles jam putredine dissuant: unde & in illo viro coacti fuimus postea, dum separabantur mortua à vivis, forcice rescindere cohærentes adhuc tendines. Simulac integre mortua fuerit pars corporis, sentitur ejus gravitas tanta ac si plumbum vivis partibus affixum hæreret. Quamdiu enim liber transitus humorum per omnia vasa obtinet, integrâ sanitate fruimur & corporis nostri pondus non sentimus; ubi autem à quacumque causa ille impeditur, gravitatem & torporem percipimus. Unde lassitudines illas spontaneas morborum prænuncias dicit *Hippocrates* (a).

3. Videantur illa, quæ præcedenti paragrapho n°. 3, dicta sunt.

4. Quare mollescat & flaccida fiat pars corporis gangrænâ & sphacelo affecta, dictum fuit pariter paragrapho præcedenti. Cum autem calor, à fluidorum per vasa motu fiat (vide *Commentaria* §. 382. n°. 6.), motu hoc sublato, necessariò pars sic affecta ad communem aeris ambientis temperiem reducitur; sed tunc frigidescere dicitur, quia calor corporis sani semper calorem aeris ambientis superat.

Quamdiu autem gangræna tantum adest, partes suppositæ adhuc vivæ suo calore poterunt aliquem saltem temporem parti affectæ conciliare; ubi verò ad ossa usque omnis vitalis influxus desinit, patet faciliè, frigus nasci debere.

Solet tunc epidermis secedere semper, quæ & tenacissima est, & non faciliè putredine corrumpitur: sic etiam post combustiones, cantharides applicatas, &c., integra manet epidermis; solutis tamen vinculis, quæ illam cuti nectebant, ab humoribus effusis in bullas attollitur. Imò dum pars cadaveris humani in aqua diu maceratur, & putrescit, non corrumpitur epidermis; sed secedit à partibus suppositis in tabum putridum jam resolutis.

Licet autem incipiente sphacelo mollities & flacciditas partis sic affectæ appareat; tamen postea, fluidissimis partibus dissipatis, reliqua omnia exsiccata contrahuntur, & exsiccantur sic, ut durissima appareant. Partibus enim sphacelo corruptis idem accidit, quod in carnibus animalium mactatorum, in aere libero suspensis, observatur, apud illos, qui equinis carnibus ferocissimos canes alunt: Primum enim hæc carnes putrido tabo dissolunt, dein indurescunt quàm maximè. Imò in aridis & exsiccis senilibus corporibus sphacelo correpta pars sine ulla putredine servari potest diu, sed exsiccata. Mirabilis talis casus Hagæ-Comitum observatus fuit. Nonaginta duorum fere annorum ævus de dolore atrocissimo dextræ tibie conquerebatur: Medicus advocatus vero sphacelo totum cruris affectum invenit, fere ad genu usque. Cùm vires projectæ, & decrepita senectus, extirpationem sidentæ partis vetarent, bono victu & cardiacis remediis vires instaurabantur: interimque emortuum illud membrum terebinthinæ spiritu inungebatur assiduo, posteaque spiritu juniperino fovebatur. Sic omnis putredo prohibita fuit, neque proserpsit sphacelus; sed miro spectaculo pars mortua, Ægyptiacæ mumie instar exsiccata, vivo corpori adhæsit per sex fere integros menses; tuncque tandem mortua fuit hæc mulier (a) *Hildanus* ex Observationibus *Smetii* similem casum refert (b). Mulier nempe alterum pedem aridum, nigrum, & absque tumore sphacelatum, sine ullo motu aut sensu, aliquamdiu gestaverat: post multum temporis pars hæc mortua à vivis separata cecidit, speciemque lingue bovilæ, fumo indurata, præ se tulit.

5. Pars enim sphacelo affecta omnia eadem patitur in aeris communis calore, quæ cadaver; unde & similis fœtor, & corruptio aderit.

6. Sicut jam in cadavere spontaneâ corruptione omnia pereunt, exceptis ossibus solis, quæ etiam post sæcula plura superfuisse, constat Observatis; sic & sphacelo omnes partes molles, nisi exsiccantur, in tabum putridum dissolunt, & ab ossibus secedunt. Simul & hoc in sphacelo observatur, quod, nisi Arte vel naturâ limes ponatur inter vivum & mortuum, & partes molles rimâ facili in hoc confinio secedant à se mutuo, pergat mortifera hæc corruptio depascere omnia vicina, & quidem eò citius, quod vita est actuosior: unde in juvenili corpore, inprimis si valida simul febris adest, tam citò sphacelus serpit; in decrepita senectute, modò antiseptici pars mortua à corruptione præservetur, sæpe satis diu toleratur malum. Liquida enim per vasa vitalia ad sphacelum usque propulsa sistuntur, & venæ corrupta miasmata reorbent; hinc vivum, & contiguum

(a) Miscellan. Curios. dec. III. an. v. & vi. pag. 495.

(b) De Gangræna & Sphacelo cap. viii. pag. 779.

mortuo, ulterius afficitur. Horrendum tale spectaculum narrat *Tulpius*, dictque, nullum mortalium acerbius quid tulisse unquam, vel vidisse execrabilius. Mulier nempe annorum quinquaginta ex acerbissimo ventris dolore nata gangræna medium abdomen depascebatur sic, (a) *ut consumto umbilico, & perforato peritonæo, denu- daverit non modò mesenterium, ac intestina, sed exederit præterea pleraque ventris extra.* Cruentas cutis, musculorum, peritonæi, omenti oras, lacerum mesenterium, ventris viscera pure sanie, & effusus cibi reliquiis fœdissimè conspurcata, nemo sine horrore videre poterat. Pulcherrimè modum, quo gangræna & sphacelus proferpere solent, *Celsus* descripsit dicens, (b) *Caro illi ulceri vel nigra, vel livida est, sed sicca & arida; proximæque cutis plerumque subnigris pustulis impletur; deinde ei proxima, vel pallida, vel livida & ferè æruginea & sine sensu est. Deterior in inflammatione est, omniæque ea simul serpunt: ulcus, in locum pustulosum; pustulæ, in eum, qui pallet aut livet; pallor aut livor, in id quod inflammatum est; inflammatio in id, quod integrum est, transit.*

§. 430. **I**NGENS in hoc morbo & velox discrimen præstigia vera exigit.

Simulac sphaceli præsentis signa apparent; omnibus rite perpensis, sine ulla mora concludendum est, quid fieri debeat, ut vita servari possit. Si verò nihil aliud supersit, quàm exstirpare partem mortuam, illud faciendum quàm citissimè. Unius enim alteriusve horæ spatio aliquando sic prosperit malum, ut nulla amplius medela supersit. Plurima Observata Medica & Chirurgica docuerunt, quàm velox discrimen in hoc morbo sit: unicum & satis notabilem casum adduxisse sufficiet. Mulier, ante quatuor septimanas sætum enixa, sana, subitò in dextro pede tantum dolorem sensit, ut ejus atrocitatem summis ejulatibus exprimeret. Nullum tamen in parte dolente post sollicitum etiam examen vitium apparuit; nec frigus, nec calor nimius aderat: nec mollissimis cataplasmatibus, neque aliis remediis adhibitis, levabatur dolor; & ad suram usque tumere & inflammari incipiebat crus. Cùmque sæpius mutarentur applicata remedia, ut leniretur intolerabilis dolor, tandem levamen sensit agra, & obdormiens satis tranquillam noctem duxit: dum verò Chirurgus novisset, pacatum esse dolorem, sequenti mane serius illam invisit, ne turbaret: sed obstupuit ille, videns totum pedem frigidum, sine ullo sensu, perfectò sphacelo corruptum, malo jam supra malleolos ascendente. Concludebatur illico partem exstirpandam esse: post bihori- um, necessariis omnibus ad hanc operationem dispositis, redit Chirurgus; sphacelus autem jam totum crus ad genu usque occupaverat. Tanta serpentis mali velocitate territus noluit tentare exstirpationem, quam inutilem fore credebat, cùm jam vitales vires labascerent; uti patebat ex debilitate pulsus. Sequenti die jam dimidiam femoris altitudinem sphacelus occupabat. Audacior alter Chirurgus, sed non prudentior, exstirpavit femur, sine ullo ægræ dolore quidem; sed & sine ullo fructu, cùm bihorio postea exspiraverit (c).

(a) *Observ. Medicin. Lib. III. Cap. III.* pag. 301.  
pag. 187.

(b) *Medicin. Lib. V. Cap. XXVI. n.º XXXI.* (c) *De Lamotte Traité complet de Chirurgie* Tom. III. pag. 358.

§. 431. QUAM veritatem dabit. 1. Iusta consideratio ætatis; temperiei, morbi virium. 2. Velocitas mali. 3. Causa interna vel externa cognita. 4. Anni tempestas. 5. Locus affectus, ut vita magis minufve necessarius, vel prout humidâ, sinuosâ, aut siccâ temperie donatur.

Ut firma ergo prognos habeatur, quæ determet, quænam metuenda sint; quænam speranda; sequentia debent considerari.

1. ÆTAS. In junioribus, cum liquida solidis prævaleant, omnia ferè diffuunt; unde sæpe satis velox putredinis semel natæ progressus. Hoc imprimis in gangræna illa gingivarum, quam cancrum aquaticum solent vocare, patet, quæ citissimè in hac ætate omnia depascitur. Mediâ ætate gangrænæ & sphaceli magnas tantum inflammationes sequuntur; vel & in febribus acutis aliquando observantur. In senectute verò à mera quiete & defectu subtilissimi liquidi eadem hæc mala nascuntur; tuncque rarè vel nunquam curantur, cum non possit emendari causa. An *κακίνοι ἀπόπρωτοι* cancri extrema occupantes, quos in senectute nasci, & senibus commori dixit Hippocrates (a), huc referendi? Certe Celsus cancri nomine simile malum descripsit, & *γὰρ σπασα* appellari dixit, si (b) in prominentibus membris, id est, inter ungues & alas vel inguina, nasceretur. Addiditque, ferè in senibus, vel in his, quorum corpus mali habitus est, hoc malum fieri. Et Hippocrates, in loco modo citato, paulò post subiungit, quòd ex articulis periculo maximè obnoxii sint magni digitus, & imprimis pedum.

TEMPERIEI. Hæc vel sana est, vel morbofa. Sic in calidæ temperiei hominibus si sphacelus natus fuerit, nisi Arte vel naturâ limes ponatur serpenti malocitò perget vicina depascere. In frigidis autem, cæteris paribus, lentior observatur gangrænæ & sphaceli progressus. Si autem morbofa temperies in putridum vergens prædominetur, ut in scorbuto putrido, atq; bilis quâdam specie, &c; pessima quævis metuenda erunt.

MORBI. Sic v. gr; post diuturnum hydropem gangræna pedum rarissimè curatur. Ubi verò in morbo acuto febrilis materia (vide §. 423, lit. A.) extremam corporis partem quamdam occupat, & omnino emori facit; magna spes est, modò reliqua signa salubria sint, evadere posse talem ægrum, sed hæc parte sui corporis mutilum.

VIRIUM. Quàm maximè notandum est, quòd & post velocissimum humorum motum in febre ardentissima, & post stagnationem & quietem in decrepita senectute, nascantur gangræna & sphacelus. In priori casu, quò vires vitales fuerint validiores, eò citius perget malum; in posteriori verò, eò minor spes erit, quò debiliore vita fuerit. Facile autem patet, debilitatem summam magis metuendum esse, quàm nimis velocem humorum vitalium per vasa motum, illum enim minuere possumus per illa remedia, de quibus in *Commentariis* §. 102. 103. 104. 105, dictum fuit; exciari verò satifcentes, imprimis in summo senio, vires longe magis arduum est, imò sæpe penitus impossibile.

(a) Prædic. Lib. II, Cap. VIII, Charter. |

(b) Medicin. Lib. V, Cap. XXVI. n°. XXXI. Tom. VIII, pag. 317. | pag. 301.

2. Inflammationis, quæ benignâ resolutione curari poterit, decursus nunquam velox est; sed symptomata omnia, vel sensim, vel vix augentur: ubi eadem in suppurationem tendit, dolor, calor, rubor, &c, velocius incrementum; omnium velocissimè, si in gangrænam abitura sit; atque iterum in gangræna tantum majus discrimen; quò citius hæc prosperaverit: idem & in sphacelo verum est. Casus ille hoc confirmat, qui præcedenti paragrapho allegatus fuit: statim enim dolor in summam atrocitatem usque augebatur; inflammatio validissima secuta fuit, quæ brevè mutabatur in gangrænam; hæc verò in sphacelum quàm citissimè prosperentem. Jure merito ergo peritis omnibus Chirurgis semper suspecta fuit magna velocitas incrementis mali; & quidem omnium maximè, si ab internis causis, sine ulla læsione externa, gangræna nata fuerit.

3. Tunc enim novimus, an hæc causa tolli vel emendari possit, an non? Si v. gr; cognosceretur, tumorem scirrhum venam cavam descendentem sic comprimere, ut inde gangræna in extremis inferioribus nasceretur (vide §. 422. *lit. β.*), satis pateret, incurabile hoc malum esse: si verò à decubitu diuturno pondus corporis partes circa os sacrum & cœcygis sic compresserit, ut inde gangræna fiat, mutato situ corporis, impediri poterit mali progressus; & dein idoneis remediis separari à partibus vivis illud, quod corruptum erat.

4. Ab acerrimo frigore gangrænam nasci certum est; uti etiam à summo calore; sive per ignem corpori applicatum, sive à validissima inflammatione. Omnium ergo optima anni tempestas erit illa, in qua nec acre frigus, nec intensus calor adest, id est, ver vel autumnus. Hyemalis verò tempestas maximè nocet illis gangrænis, quæ à quiete senili fiunt; æstas autem damnosa inprimis, si post validas inflammationes; aut humorum putridam corruptelam, similia mala sequantur: omnium maximè, si intensum calorem aeris humiditas simul comitetur.

5. Nisi incipiens gangræna subito corrigatur, destructis solidis, extravasatis & corruptis fluidis, sic corrumpitur pars, ut nullo modo sanitas restitui possit. Tuncque nihil aliud superest, quàm separare illud mortuum à vicinis partibus vivis quàm citissimè. Si jam pars affecta talis fuerit, ut ejus integritas ad vitam absolute requiratur, patet facillè, nihil spei superesse; uti v. gr; si cerebellum, medulla oblongata, medulla spinalis, &c, gangræna corrumpantur. Præterea major curæ difficultas erit, si gangræna humida, corporis loca occupaverit; nata enim putrefactio ab humorum illuvie continua plurimum augebitur; unde tam difficiles gangræne, quæ os internum occupant, & tam citò prosperunt, cum fetore in tolerabili. Ubi autem locus affectus sinuosus est, uti sunt genitalia in utroque sexu, intestinum rectum, &c, semper metus est, ne difficilior mortuum à vivo separari possit; & quamvis hoc factum fuerit, postea malum hoc degeneret in fistulosum ulcus. Ubi verò extremæ corporis partes sicce & tendinosæ gangrænâ aut sphacelo corrumpuntur in senibus, vel & in aliis hominibus, quibus sicca temperies naturaliter est, similia mala oriuntur; plerumque tamen tardius prosperet malum, neque tanta putredo sequetur: sed etiam longè difficilior erit separatio corrupti à vivis & sanis partibus, quia hæc per liquida sana, ad limites gangræne debito impetu & copiâ allatâ, perfici debet.

Ex omnibus jam, quæ hæcenus dicta sunt, colligi possunt axiomata quædam, quæ legitimam in his malis prognosin faciunt, & sequenti paragrapho enumerantur.

Tttt ij

§. 432. 1. **HINC** regulæ,  
A Gangræna sphacelus.

A Sphacelo mors partis: & vicinorum cita infectio.  
Gangrænæ illico succurrendum.  
Sphacelus illico exstirpandus.

**A GANGRÆNA SPHACELUS.** Cum gangræna ut plurimum solum panniculum adiposum occupet (vide §. 420.), sphacelum præcedere solet. Sæpe enim sub tumente enormiter panniculo adiposo, & jam gangrænâ corrupto, vivi musculi adhuc uti & periossteum & ossa sana, hærent. Facile autem patet, gangrænâ mole suâ vicinas partes vivas comprimere posse adeo, vel & propagatione mali sic afficere, ut moriantur; tuncque à gangræna sphacelus natus est.

**A SPHACELO, &c.** Quamdiu adhuc per quasdam membri affecti partes aliqua humorum circumductio superest, nondum sphacelus adest, & adhuc aliqua spes manet, corrupta à vivis partibus separari posse. Ubi verò omnis vitalis influxus & effluxus humorum omnino sublatus est, mors partis adest. Sed mortua hæc pars vivis coheret; & sæpe eadem causæ, quæ sphacelum produxerant, pergunt agere, & vicina similiter perdunt: imò, licet hæ causæ cessaverint, contigua tamen loca citò inficiuntur. Liquida enim vasorum continuitate ad locum corruptum deferuntur; hinc putredinem hanc alluent omni momento, & stagnabunt hic, quia per mortuæ partis vasa transire nequeunt. In solidis autem partibus continuitate substantiæ proserpet malum. Quàm citò autem vicinæ partes à sphacelo afficiuntur, patuit in memorabili illo casu, cujus mentio facta fuit in *Commentariis* §. 430.

**GANGRÆNÆ ILLICO SUCCURRENDUM.** Illa enim (uti optimè dixit *Galenus* in loco allegato in *Commentariis* §. 419.) inter magnam inflammationem & sphacelum quasi media est (a) quæ tantò gravior ejusmodi inflammatione est, quantò levior sphacelo: sub hoc enim natura membri universa corrumpitur, idemque ubi jam hæret, curationem non admittit, sed solum à principio, cum nondum sphacelus est, sed magna gangræna sphacelo vicina. Cum autem gangræna in mortem partis, id est, sphacelum, tendat; patet, omni Artis molimine huic succurrendum esse quàm citissimè.

**SPHACELUS ILLICO EXSTIRPANDUS.** Sanæ enim & vivæ partes vicinæ afficiuntur brevì proserpente malo. Unde, quò diutius differtur exstirpatio, eò plùs perditur de corpore. Adeoque, (b) miserum, sed unicum, auxilium est, ut cætera pars corporis tuta sit, membrum, quod paulatim emoritur, abscindere. Faciendum tamen est, Observationes Medicas & Chirurgicas docuisse, aliquando & naturam, quæ toties sibi soli sufficit, perfecisse curam in talibus casibus, ubi sola exstirpatio locum habere posse videbatur. Homo quadraginta circiter annorum, bonæ temperiæ, vulneratur gladio in parte media interna & inferiori brachii dextri. Vulnus hoc sequebatur statim ingens hæmorrhagia, quam adstringentibus & forti ligaturâ compecebant. Febris continua, ardens, accessit, cum vigiliis ferè perpetuis; & brevì postea ad cubitum usque omnia sphacelata apparuit-

(a) Lib. de Artic. Comment. IV. Text. XVI. |  
Charter. Tom. XII. pag. 437.

(b) Celsi. Medicin. Lib. V. n°. XXXIV.  
pag. 304.

runt; imò & interna brachii pars ad axillam usque jam corrupta erat, & ipsum brachii os usque ad distantiam quatuor digitorum transversorum ab axilla nudum erat, omnibus ipsi incumbentibus jam putredine sublati. Cùm ad tantam altitudinem jam adscendisset malum, febris adesset cum anxietate, genæ lividæ forent, pulsus debilis & vacillans, periti Chirurgi in consilium vocati concluderunt, extirpationem tentari non posse. Dum hæc fierent, accedit muliercula, quæ se curaturam hunc ægrum pollicetur: Chirurgi commiserunt illius curæ hominem, quem brevè credebant periturum, Illa totam partem unguento quodam perfricat, deinde linteis tegit, simulque cibos valde nutrientes & optimum vinum exhibet: post viginti quatuor horas jam apparebat limes serpentis mali; pergebat eodem modo, & quotidie in melius videbatur mutari malum, secedentibus partibus corruptis sponte. Cùm autem à cubito ad apices digitorum usque omnia corrupta forent, & teterrimum fætores spargerent, voluerunt Chirurgi tollere hoc corruptum, cùm vix amplius hæreret reliquis partibus: sed noluit pati hoc mulier illa, quæ curam dirigebat, unguento solo omnia perfici posse affirmans. Tandem post sex septimanas sponte totus cubitus ab osse humeri cecidit: illa interim & nudam ossis humeri partem & reliqua suo unguento textit; & tam felici quidem cum successu, ut mensis spatium elapso ossis humeri, pars, quæ nuda fuerat, secesserit à reliquo osse sano, & quatuor mensium spatium ad cicatricem deductum fuerit terribile hoc malum (a). Unguentum autem illud, quo usa fuerat hæc mulier, Balsamo *Lucatelli* in Officinis dicto, satis simile erat, confectum ex olivatum oleo, cera, terebinthina, ligno santalo rubro. Ne autem credatur, mirabilem hanc curam hujus unguenti efficaciam adscribendam esse, alius casus evincit, quo consistit, naturam, nullis omnino remediis adjutam, talem separationem sphacelo corrupti membri perfecisse. Septemdecim enim annorum puellæ crus sphacelatum erat; cùmque huic pauperculæ extirpationem partis affectæ suaderet peritissimus Chirurgus, solo miseram servandi desiderio ductus, illa pertinaciter negavit, nihilque membro huic corrupto applicuit præter lintea pura: tamen sponte suâ in articulo genu separatione factâ membrum corruptum decidit (b). Plures similes casus occurrunt apud Observatores, qui docent, sponte à sanis partibus secessisse, illa, quæ sphacelo corrupta fuerant. Longè tamen frequentius accidit, prosperere sphacelum, nisi exstirpetur, & satis citò occidere. Cùm ergo semper sphacelo corrupta pars tolli debeat, sive sponte separetur, sive rescetur; & anceps admodum eventus sit, si soli naturæ hoc committatur; apparet, axioma tamen hoc verum esse, quo statuitur, sphacelum illico exstirpandum esse. Interim mirabiles illi casus docent, non omnino desperandum esse in illis casibus, ubi vel ob debilitatem summam, vel alia quacumque de causa, exstirpatio fieri nequit. Tuncque bono victu & cardiacis vires erigendæ sunt; dum interim pars affecta conditur talibus, quæ omnem putredinem prohibent & emendant; de quibus paragrapho sequenti dicetur.

2. Gangræna cerebri, viscerum, vesicæ lethalis, & in acutis citâ mortis, partibus majoribus vix apparentibus læsis, causa.

C E R E B R I. Si enim consideretur mollis & tenera cerebri substantia, patet facillè, illam brevi tempore in putridum tabum debere diffuere, si gangræna hic

(a) Acad. des Sciences l'an 1702, Mem. pag. 270. & suiv.

(b) De Lamotte Traité complet de Chirurgie, Tom. III. pag. 367.

nata fuerit. Neque datur hic depurationi locus, licet mortua à vivis separarentur; nam undique dura calvaria exitum impedit. In vulnere capitis Hiftoria patuit quidem ex fidelissimis Observatis, magnam partem cerebri, sed inprimis corticalis substantiæ, aliquando per vulnera, fungos, suppurationem, &c. ablata fuisse, vitā tamen superfluit; quin & sine ulla remanente læsione functionis cerebri; imò etiam evacuatione per nares vel aures levata fuisse omnia symptomata, quæ ab effusis sub calvaria humoribus, encephalon comprimentibus nasci solent. Sed ut evadere posset homo, cujus cerebrum gangrænā affectum est, quot non deberent concurrere fortunati eventus, qui tamen singuli rarò occurrunt! Deberet enim sibi gangrænā, & corruptum separari à reliquis adhuc integris; deinde deberet illud jam separatum non ampliùs inficere tenerimam cerebri pulsam, cui contiguum est; adeoque citissimè evacuari per tales vias, quas nondum Anatomicorum industria detexit, licet Observata videantur docere, illas, adesse; si non naturaliter, saltem in morbis. Ultimò requireretur, ut restituerentur illa, quæ per gangrænā de ipsa cerebri substantia perierant. Si omnia hæc scribè ponderetur, patebit, credo, nihil spei superesse, ubi cerebrum gangrænā corruptum fuerit; multò adhuc minus, si cerebellum, vel medulla oblongata eodem malo affecta fuerint. Dixerat Hippocrates (vide Commentaria §. 268. (a) *cerebro corrupto* (ἡ κεφαλή σφαιροειδὴς) alii in tribus diebus, alii in septem moriuntur, has verò si effugerint, servantur; sed satis dubium videtur, an ipsius encephali corruptionem intellexerit hoc nomine. Quædam enim loca videntur docere, quòd longè alia mala sub hoc nomine descripsit: dicit enim (b) quòd si cerebrum fideratum fuerit (ἡ δὲ κεφαλή οὐκ ἐκφυλάσκει) caput dolor occupat, & per cervicem ad spinam pervadit, ipsum inauditio obsidet, frigus in caput irruit, totus tumescit, ac repente voce captus proditur; ex naribus sanguis fluit, & lividus evadit. Hunc si morbus leviter corripueris, quum sanguis abierit, melius habet, si verò vehementer correptus fuerit, citò moritur. Patet autem evidenter, non hic describi encephali corruptionem, sed compressionem à sanguinis copia nimia, vel derivatione ad caput. Alibi autem calvariæ corruptelam sub hoc nomine designavit, dicit enim: (c) *Dolor paulatim anteriorem maximè capitis partem detinet, & intumescit, & livescit, febrisque ac rigorprehendit. Quum sic habuerit, quā parte tumescit, secare oportet, & os perpurgaum radere, donec ad duplicatam laminam* (ἡ δὲ τὴν διπλοῦσαν περρῶν) deinde ut fracturam curare. Ex quibus patet, Hippocratis auctoritatem non repugnare huic regulæ prognosticæ, quā gangræna cerebri damnatur tanquam lethalis.

**VISCERUM.** Cùm gangræna partes corporis, quas occupat, destruat; & dein, nisi sistatur, proserpat lacis citò sæpe; patet facili, nullam ferè spem superesse, si hoc malum occupaverit viscera; præsertim si mollioris substantiæ fuerint, ut hepar, & lien; illa enim brevè in putrilaginem disfluent. Vitalia autem viscera, thoracis cavo recondita, si post validissimas inflammationes gangrænā corripere, mors certa videtur sequi debere, cùm in ipso quasi fonte suo tunc vita opprimatur. In cadavere proprii filii, ischuriâ mortui, renes cum vicinis partibus gangrænā affectos vidit Hildanus (d). Interim tamen certissimis Observa-

(a) Coac. Prænot. no. CLXXXVIII. Charter.

Tom. VII. pag. 583. 584.

Tom. VIII. pag. 861.

(c) Ibid. Lib. I. Cap. VIII. pag. 559.

(b) De Morb. Lib. III. Cap. IV. Charter.

(d) De gangrænâ & Sphacelo Cap. IV. p. 774.



tis constitit, non omnium viscerum gangrænam certè lethalem esse, si enim firmioris & membranaceæ substantiæ fuerint uti v. gr; intestina, & possibilis sit gangrænosus corrupti separatio non tantùm à partibus vivis, verùm etiam separari eductio de corpore, sæpe evadunt, ut pluribus Exemplis demonstratum fuit in *Commentariis* §. 317, ubi de illis casibus agebatur, quando per vulnus, suppurationem, aut gangrænam intestinalis fistulæ pars ablata erat. Videtur ergo in illis visceribus, quorum firmior substantia non tam facillè in putridum tabum diffuit, & in quibus corrupti eductio de corpore sperari potest, gangræna summum quidem periculum, sed non semper certam mortem facere. An non hoc indicavit *Hippocrates*, dum de pulmonum inflammatione agit? In validissima enim horum inflammatione illos ad latera prolabi & livores foras ostendere dicit; tuncque Veteres vocasse sideratos (ἀσπίδης) sic affectos (a) monet. Sed livor ille gangrænae natæ signum est (vide §. 427. n<sup>o</sup>. 3.). In sequenti dein Prænotione subiungit sententia: Quibus verò totus pulmo inflammatus fuerit undè cum corde, ut ad latera allabatur, hi toti resolvuntur, & jacet æger frigidus, expertus sensus moriturque secundo aut tertio die. Si verò etiam sine corde contigerit, & minus diu vivunt. Quidam autem etiam servantur. Per sputa enim posset educi ex pulmone tabus gangrænosus. Corde autem ipso corrupto, quis aliquid sperare auderet? Sputa verò talia gangrænosæ educi aliquando de pulmone, docent *Observata Medica*. Sputum cænosum, argilæ cujusdam liquidioris speciem præ se ferens, in desperatis phthisicis observavit *Benedictus* (b) & in illorum cadaveribus pulmones in aurumcam fordescensentem conversos vidit, certissimo plenæ suppurationis indicio. Sed & sputa hæc gangrænosæ videntur aliquando observata fuisse, ægro postea superstitè, dum gangrænosum corruptum, à vivis partibus & fanis separatum, sic excerneretur. Saltem sequens *Hippocratis* sententia hoc docere videtur: (c) Sputi excretaiones in febre, lividæ, nigrae, biliosæ, si quidem supprimantur, malæ sunt; secedentes verò pro ratione, utiles. Simile & in *Aphorismis* pronunciatum habetur. (d) In febribus non intermittentibus excretaiones lividæ, cruentæ, graveolentes, & biliosæ, omnes malæ: bene tamen si prodeant, bonæ. Sequens autem *Aphorismi* pars, & *Galenii Commentarii*, docent, tunc bene prodire has excretaiones, quando & facillè serunt ægri, & inde levatur morbus. Inanis fortè videbitur fiducia, salutem sperare, si pulmo jam gangrænosus factus fuerit; sed certè nunquam nocebit ægris, si ne quidem in desperatissimis morbis Medicus omnem spem abjecerit.

VESICÆ. Post validas inflammationes, aut insignes læsiones vesicæ, per vulnèra, lacerationes in calculi rudiori eductione, &c, gangræna sequitur, pessimè semper eventus; partim, quòd acris urina affectam sic vesicam semper alluens putredinem natam augeat; partim etiam, quòd numerosissimis nervis prædicta vesica cerebrum totumque systema nervosum miris modis afficere possit. Stomachum affici, bilis vomitum, singultum, frigus, mortem ipsam sequi, si vesica vulneretur, monuit *Celsus* (e). Evulso calculo, (f) diffinitione nervorum periclitatur aliqui,

(a) Coac. Prænot. no. cccc. Charter. Tom. VII. pag. 875.

(b) Tabidor. Theatr. pag. 68.

(c) Coac. Prænot. no. cxxliii. Charter. Tom. VIII. pag. 865.

(d) Sect. IV. no. XLVII. Charter. Tom. IX. Part. II. pag. 165.

(e) Medicin. Lib. V. Cap. xxvi. no. xix pag. 288.

(f) Ibid. Lib. VII. Cap. xvi. no. v. pag. 482.

*dum vesica ejus agitur, dixit alibi. Duras ac dolentes vesicas (id est, inflammatas) (a) graves omnino ac exitiales pronunciavit Hippocrates, & omnia quidem exitiosissimas, quæ cum febre continua sunt; tuncque in prima morbi periodo ægrum sæpe interire monuit. Interim tamen excisâ vesicâ cancerum (quo nomine gangrænam designasse Celsum, in Commentariis §. 419, dictum fuit) aliquando sequi Celsus scripsit, illumque cognosci (b) si & per vulnus, & per ipsum colem fuit sanies mali odoris, cumque ea quædam à conereto sanguine non abhorrentia, tenuisque carunculæ lanulis similes. Licet autem, non videatur omnino desperasse de curatione hujus mali, monet tamen (c) orto cancro sæpe affici stomachum, cui cum vesica quoddam consortium est: exque eo fieri, ut neque, retineatur eibus, neque, si quis retentus est, concoquatur, neque corpus alatur: idcirco ne vulnus quidem aut purgari, aut ali possit. Quæ necessario moriem maturant.*

Si jam in morbis acutis inflammatoriâ densitate immeabiles facti humores, vel per errorem loci in alienis vasis hærentes, tenerrima encephali vascula, unde vita & humanitas pendet, sic obstruxerint, ut omnis vitalis influxus & effluxus tollatur, mors subita sequetur; neque ulla ferè læsio sensibilis detegi poterit, cum omnem sensum fugiant hæc minima. Nec refert, an statim morbus has partes occupaverit, an verbò in aliis corporis locis nata inflammatio per metastasin versus encephalon tendat. Unde tam sollicitè Hippocrates omnia signa notavit, quibus futurum delirium in morbis prævideri posset, ut caveatur, antequam fieret, malum: quod, ubi factum est, certam perniciem adferre solet. Vidi sic in febre continua ortum cruris dolorem, qui subito evanescebat; sed mox orta phrenitis improvise substituit ægrum tertiâ morbi die. Et apud Hippocratem similes casus habentur, qui hoc confirmant. (d) Calvo in Larissa femur dextrum derepente doluit, nihilque ex oblati profuit. Primo die febris acuta ardens sensim prehendit, doloreque concomitabatur. Secundo die femoris quidem dolores remiserunt, sed febris intensa est; submoleste patiebatur (ὑποδυσίαι), non dormiebat, summa corporis frigeant, urinarum non bonarum copia profluxit. Tertiò femoris quidem dolor cessavit, verum mentis alienatio perturbatiôque, & multa jactatio. Quarto circa meridiem celerrimè defuncta est. In Commentariis §. 423. lit β, dictum fuit, materiam febrilem aliquando versus extrema corporis deponi, ibique citissimè corrumpere non tantum molles partes, verum etiam ossa ipsa; idem & in peste observatum fuisse, ibidem constitit. Si jam similis materia versus encephalon, pulmones, cor, viscera, tenderet, patet faciliè illico mortem sequi debere.

### 3. Gangræna oris interni, labiorum, narium, genitalium, curatu difficilis.

Notum est ex Anatomicis, circa labia cutim desinere, & solam epidermidem labia, genas internas, & reliquas oris fauciumque partes tegere. Si in his partibus oriatur inflammatio non resolvable, raro sequitur bona suppuratio, sed ferè sem-

(a) Prognost. Comment. II. Sentent. LXXI. Charter. Tom. VIII. pag. 659. Coac. Prænot. n°. cccclxxxii. Ibid. pag. 879.

(b) Medicin. Lib. VII. Cap. XXVII. pag. 485.

(c) Ibidem. pag. 486.

(d) Epidem. Lib. III. Comment. III. Text. LXXVI. Ægot. v. Charter. Tom. IX. pag. 199.

per depascens putredo gangrænosa. Aeri enim expositæ partes, salivâ sæpe acriori, humectatæ continuò, in fœtidissimum liquamen diffiunt: cùmque tunc ingens plerumque adsit salivosi humoris profluvium, & semel natum hoc malum, nisi citò curetur, excedat omnia vicina, cancrum aquaticum vocaverunt. Frequens satis in his regionibus malem, & aliquando epidemicorum morborum more plures simul affligens, inprimis illos, quibus acris scorbutica cacochymia adest; uti dictum fuit in *Commentariis* §. 423, *lit. A*. Nascitur primò in buccarum interiori parte, gingivis, labiis, linguâ, tonsillis, &c. levis rubedo parum dolens, & major calor; paulò pòst medium illius loci stigma album occupat, quod sæpe fallit Chirurgos, qui suppurationem futuram tunc putant. Dolor tunc augetur inprimis in illo loco, ubi album illud stigma hæret, uti & in ejus marginibus, qui tunc ruberrimi apparent. Profundiùs exeditur porrò ille locus, & totum illud album, quod nil est nisi vera eschara gangrænosa, cadit, si levius malum fuerit, & in adultis. Si verò major adfuerit malignitas, & inprimis in juniore ætate, ubi omnia molliora sunt, proserpit malum, & alba illa macula quaquaversum in omni ambitu dispergitur: simul tunc putridissimus halitus ore exit, & perpetuum olidissimæ salivæ stillicidium; & nisi subita tunc & efficax adhibeatur medela, citissimè exedit omnia.

Tristissima sic mala vidi, quorum non sine horrore recordor, in pauperum infantibus, dum in initio neglectum fuerat hoc malum, vel perversâ tractatum medelâ. Gingivarum enim gangræna, proserpente malo, non tantùm destruxerat dentes, qui jam prodierant; sed & futurorum rudimenta in alveolis latentia sic corruperat; ut miscelli illi jam ab ineunte ætate senectutis incommoda ferre debuerint, edentuli facti. Sed levia hæc sunt; corruptis gingivis totam ferè maxillam inferiorem ossæm cecidisse vidi, linguam erosam, labia, genas, mentum, exesa omnino, donec mors tantis malis finem imponeret. Tantus autem fœtor sæpe comitatur hoc malum, ubi ad summam malignitatem pervenit, ut ferri nequeat. Vocabar ad hominem obesum, & scorbuto putrido pessimo laborantem, cujus maxilla inferior tota ferè hoc malo exesa erat: cùmque ignorarem morbum, ille propriùs assidentem, dum alloqui vellet, tam tetro afflavit halitu, ut in animi deliquium ferè ceciderim, & totâ die molestissima nausea remanserit. Cùm frequenter à scorbuto oriatur hoc malum, ideo spiritu cochleariæ, theriacali, & similibus os colluere solent; sed hæc ferè semper nocent. Si levius malum fuerit, & incipiens tantùm (quod cognoscitur, si rubedo, calor, & dolor adsunt, sed nullus adhuc fœtor) sal ammoniacus, aut nitrum multâ copiâ aque dilutum, addito pauculo aceti vel succi citri, optimè proderunt, si os his coluatur, vel lineæ his madida partibus affectis applicentur leniter. Solent autem pessimo more Chirurgi penicillis remediis his intinctis ruditer perfricare partes, quod semper nocet, dum dolor augetur inde, & teneræ partes destruantur. Si verò jam incipiat serpere malum, & fœtor adsit, modò dicta remedia non sufficiunt, sed oportet tunc spiritu salis marini domare hanc putredinem. Unciæ dimidiæ mellis rosarum viginti guttæ spiritus hujus miscentur; deinde serpens de die affecta pars penicillo huic remedio intincto oblinitur: augetur spiritus salis marini quantitas, si major putredo adfuerit: imò in pessimis casibus ipsam spiritum salis marini, sine ullis aliis admistis applicui, & pulcherrimo cum successu semper; nam statim sistebatur gangrænæ hujus progressus, & brevi pòst separabatur

Tom. I.

V v v v

eschara gangrænosa à vivis partibus. Neque fessellit unquam me huic auxilio unicè confidentem, nisi cùm, gingivis jam omnino corruptis, maxillæ os affectum foret, tunc enim illius cariem impedire non potui: mollium verò partium oris interni gangrænam eradicat certissimè (a).

Ubi autem in labiis illud malum nascitur, aliud præterea periculum adest. Epithelio enim, quod labiorum mollem substantiam tegit, eroso, nervosæ papillæ in molem immanem sæpe expanduntur, dum coercente hoc vinculo liberantur, & in pessimum cancrum fungosum degenerant. Si verò nares internas investiens membrana corrumpatur, ossa nudantur; in quibus, cùm tenerrima sint, nulla sperari potest exfoliatio, sed semper carie consumuntur & cadunt. Patet ergo curæ difficultas, si gangræna hæc loca occupat.

**GENITALIUM.** Loca enim hæc cellulosa mirabili structurâ constant; semiputridum odorem etiam in sanis spargunt, binis corporis cloacis, (alvo nempe & vesicæ) quibus corrupta à corpore eliminantur, quàm proximè adjacent: Unde nata hic gangræna citissimè prosperit, & difficulter curatur. Imò *Hildanus* (b) ingenuè fateatur, ex infinitis propemodum, quos viderat, ægris gangrænâ scroti laborantibus, ne unum quidem restitutum fuisse. Unde sanatæ talis gangrænæ Historiæ à peritissimo Medico ipsi communicatam, tamquam monstrum in Arte, admirabatur. Mirum talis gangrænæ Exemplum ante septem annos videre mihi contigit. Homini quadragenario, optimæ temperiei, sano & robusto levis stranguria oritur, sine ulla causa manifesta: cùm adhuc semel similem molestiam passus à balsamo sulphuris terebinthinato levamen percepisset, iterum idem illud sumisit, & quidem repetitis vicibus, sine ullo fructu. Biduo elapso à decocto emolliente, quod sumserat, stranguria minuebatur, sequenti die aucta plurimum; cæpitque tunc dolorem sentire in perinæo, & dum urinam redderet, mirum tremorem in toto scroto & pene percepit: accessit dein febris, & urinam emisit, quæ sedimentum crassum mucosum haberet copiosum, & balsamum sulphuris adhuc redoleret, ante quadriduum assumtum. Licèt fomenta mollissima externè applicarentur; vena secaretur; purgantia antiphlogistica sumeret, &c, nihil ferè inde levaminis apparuit magna enim cum molestia urinæ olidissimæ paucas guttulas valido nixu exprimebat, & septimâ die morbi scrotum immaniter intumuit; uti & cavernosa penis substantia in uno tantùm latere. Sequenti die scrotum gangrænosum factum crepuit, & sanguinolentam saniem effudit, pensisque totum latus affectum pariter gangrænosum apparuit. Fomenta & cataplasmata ex ruta, scordio, marrubio, sale ammoniaco, &c, applicabantur cum aceto; profundè fiebant scarificationes; cùmque horrenda putredo adesset, spiritum salis marini ipsum sexcuplâ aquæ copiâ dilutum applicui partibus gangrænosis; sicque impediabatur, ne prosperet malum. Cùm intolerabilis ægro adesset anxietas, nausea continua pulsus celer & debilis, urina & sanies corrupta inundarent hæc loca continuo, nihil ferè spei superesse videbatur: calor tamen æquabilis corporis totius ad extremam usque, & firmum corporis robur faciebant, ne omnino desperarem. Non potui tamen impetrare ab ægro, qui certissimam mortem prævidebat, & avidè exoptabat, tamquam terribilis mali unicum finem, ut fierent illa, quæ profutura

(a) Boerhaav. Chem. Tom. II, part. III. Process. cxliiii.

(b) Observat. Chirurg. Centur. V. Observ. Lxxviii, pag. 468.

quàm maximè sperabam : communi potui spiritum salis marini dulcis instillaverunt adstantes ægro inscio, tandèmq̃ue permisit, ut profundas satis scarificationes faceret in partibus gangrænosiss Chirurgus, quas deinde textit lineis spiritu salis marini sextuplo aquæ diluto madidis, & cataplasmata ex antisepticis applicavit. Sic potuit impediri, ne prosperet malum, & decimâ quartâ morbi die incepit in laterali penis parte apparere rima, quæ mortuum à vivis separabat; & post triduum, in inguine, simile separationis inceptæ vestigium apparuit. Optimam tunc recuperandæ valetudinis spem concepit æger, & satis alacriter assumpsit oblata remedia; rediit appetitus, bonoque victu languentes crigebantur vires : omne corruptum gangrænosum occidui spatio separatum fuit sic ut de toto scroto nihil superesset, nudisque suspensorii testium muscoli conspicerentur. Urethra binis in locis, prope bulbum nempe, & digiti transversi circiter à glande penis distantia, jacturam substantiæ passâ fuerat talem, ut postea non amplius urinam dimitteret per glandis aperturam, sed illa in perinæo efflueret, & quamvis tubo argenteo politissimo immisso, & in urethra noctes dièsq̃ue relicto, caveremus, ne concreverent abreptæ urethræ fines, simulq̃ue mollissimis applicatis balsamis conaremur efficere, ut elongata vasa retexerent illud, quod perierat, non potuimus hoc impetrare, sed remanserunt illi hiatus, posteaq̃ue semper urinam reddidit per foramen urethræ in perinæo, & manebit hæc molestia totâ vitâ, licet optimâ sanitate fruatur adhuc superstes ille homo. Simile sanatæ gangræniæ in scroto Exemplum habet in suis Observationibus *Stalpartius van de Wiet*, qui & notavit, postea aliquid carnosum à cute, & carnosâ abdominis membranâ, deorsum excrevisse, ac testiculos sensim contexisse: (a) recens autem hoc scrotum glabrum omnino erat rugisque carebat; tamque aridè continebat testes, ut loco moveri non possent. Similem cicatricem post sanatam gangrænam in illo homine vidi.

A partu difficili, genitales fæminarum partes aliquando sic contunduntur & lacerantur, ut gangræna sequatur, difficilis tæmpor, non tamen omnino incurabilis. Apud Observatores tales casus memorantur : unicum ex *Ruyfchio* adduxisse sufficiet. Mulier ex partu difficili incidit in tam enormem vulvæ & intestini recti gangrænam, ut brevè illam perituram crederent multi. Evasis tamen ab hoc malo, & perfectissime curata fuit, licet post separationem corrupti in vagina in veniretur foramen in rectum intestinum penetrans; quod nucem juglandem cortice suo vestitam transmittere posset, per quod fæces alvinæ liberrimè in vulvam transibant. Plures alias à simili malo mulieres se curasse ibidem monet *Auctor* (b).

#### 4. Sphacelus extremorum, tendinosorum, lethalis in senio.

Demonstratum fuit in *Commentariis* § 424, & Observationibus Præcticis confirmatum seniles illas gangrænas plerumque nasci à talibus causis, quæ nullam medelam capiunt. Plerumque enim vasorum nimia rigiditati, vel & cordis viribus labefactis ortum debent. Nulla ergo separatio corrupti hic ferè expectari poterit, cum illa ab humorum sanorum per vasa, debitam flexilitatem habentia, valido appulsu pendeat. Neque proderit extirpatio partis affectæ, nam ab iisdem causis in trunca parte redibit malum; uti memorabili Exemplo tunc allegato constat.

(a) Observat. rarior. Centur. I. n.º. LXXXV. | (b) Observ. Chirurg. n.º. LIX. pag. 55.  
Tom. I. pag. 363. | 56.

Unicum; quod Ars habet, est, ut condiiatur pars affecta talibus, quæ etiam in cada- vere arcerent putredinem: hæcque methodo potuit in effectus etiam senibus, quâdam jam sui parte mortuis, per integros menses impediri, ne proserperet malum. Solet plerumque in pedum digitis purpureum aut lividum tale punctum apparere primò, quod, nisi sic condiiatur, brevi proserpens lethalem sphacelum facit. Neque, quan- tum novi, ullis Observatis consistit, curatam fuisse gangrænâ in decrepita senec- tute sponte in pedum digitis ortam. In sene tamen septuagenario, sed vegeto, dum sponte circa malleolum internum dextri pedis natam gangrænâ acetò, vino & sale, cum ruta recenti infusus, foveri curarem noctes dièsq; separatio gangrænosi corrup- ti facta fuit, & cura successit.

5. Gangræna hydropicis, phthificis, scorbuticis pessima, mortis nuncia.

In hydropicis gangræna nascitur, vel quia collecta aqua premendo partes suffo- cat; vel quia putrida & acris reddita contigua rodit: sed nihil tunc spei superest. Si enim maneant aquæ, augebitur malum; cum eadem causæ pergant agere, quæ illud produxerunt. Si verò quocumque modo evacuentur aquæ, flaccidæ, & jam ferè tabescentæ partes, non ampliùs æquabili pressione fluidi, illas alluentis, suf- ficientæ, disfluent, vasa rumpentur, & accelerabitur mors partis affectæ, & to- tius.

In phthificis autem, cum jam atrophia adsit ex cacochymia purulenta sanguinis, tandèmq; putridissimâ diarrhœa soleant perire; patet facillè, nullam spem superesse, si gangræna partem quamdam corporis occupaverit. Vitales enim vires minuuntur quotidie, & acrior sit omnium humorum indoles; unde nec separatio corrupti, nec regeneratio perditæ hic obtineri poterit.

In scorbuticis autem (ut dictum fuit in *Commentariis* §. 423, lit. B.) sic mi- nuuntur vasorum cohesio, ut à levi etiam vi frangantur; simulque major humorum acrimonia adest: imò & in pessimo scorbutò putrescunt omnia (vide §. 1151, n. 3. 4.). Cum ergò humorum acrimonia, vasculorum ruptura, effusorum humorum putredo gangrænâ facere possint (vide *Commentaria* §. 388.), difficillima erit cura ejusdem mali, si scorbuticâ cacochymia sanguis infectus fuerit. Hinc in ulceri- bus crurum, in scorbutò adeo familiaribus, gangrænosa illæ crustæ ferè semper ad- sunt; renatæ mox, si detergentibus applicatis ablatur fuerint; & ob hanc causam hæc ulcera vix unquam ad bonam cicatricem reduci possunt.

6. Sphacelus superiora petens, vigilias, deliria, syncopen, ructus, singultus, spasmos, dolores, sudorem frigidum, soporem, creans præ- nunciat mortem.

Recententur omnia symptomata, quæ lethalem sphacelum comitari solent, & quidem illo, quo procedunt, ordine. Si enim sistitur vel sponte, vel per Artem, sphacelus, oritur separatio inter vivum adhuc & mortuum, neque ampliùs, ta- li limite posito, proserpit. Ubi verò pergit malum, tunc dicitur superiora pete- re, qui ab extremo articulo pedis digitum incipiens ascendit, pedem, crus totum,

femur denique occupans : in manuum verò digitis si inceperit, per totum brachium ad axillam usque adscendere solet antequam occidat. Semper autem observatur, cerebri functiones turbari, si sphacelus in mortem tendat : unde etiam incipiunt vitalia affici ; tandemque placido sopore sepulti tales ægri moriuntur. Pessimum ergo signum est, si in gangræna vel sphacelo, extrema corporis occupante, signa appareant turbati cerebri. Unde Hippocrates monuit, (a) at sideratio gravis periculo non vacat. Quod si vomitus biliosus, aut cum anxietate adfuerit, aut oculorum stupor, vocis defectio, aut rarus sermo, aut deliratio quædam, mortem & convulsionem metuere oportet. Vigilæ autem, uti patebit postea in phrenitidis & symptomatum febrilium Historia, primum sæpe semper signum dant, quo excitatur attentio Medici, ut omni Artis molimine à capite vim morbi avertat : has deinde sequitur delirium ; tunc cerebello affecto syncope fit ; dumque inde excitantur, ab inordinato motu spirituum per nervos viscerum abdominalium, ructus & singultus oriuntur ; postea spasmi & dolores. Tunc sudor ille viscidus, guttatim in cute collectus, frigidus, mortis imminens signum certissimum, apparet : de quo mira phrasi dixit Helmontius quoddam (b) non sit tam latex in sua natura, quantum ros alimentarius resolutus, cui mors imperat. Tandem placido sopore sepulti moriuntur. Prout jam à diversis causis sphacelus nascitur, celeriori vel tardiori gradu hæc omnia procedunt. Si enim à mera quiete senili hoc malum oritur, lentè prosperit, & poterit per plures menses aliquando tolerari, antequam mortem inferat ; modò pars affecta condiatur talibus, quæ omnem putredinem arcent. Si verò in vegeto juvenili corpore post validissimam inflammationem gangræna, & post hanc sphacelus, sequatur ; celerrimè superiora petit, & paucarum sæpe horarum spatio incurabilis evadit ; uti pluribus Exemplis, in hoc capitulo jam allegatis, constat. Pleaque jam ex his phænomenis, quæ sphacelum lethalem comitantur, apud Celsum habentur. Postquam enim descripserat, quomodo prosperet gangræna, addit sequentia : (c) Inter hæc deinde febris acuta oritur, ingensque sitis : quibusdam etiam delirium accedit, alii quamvis mentis suæ compotes sunt, balbutiendo vix sensus suos explicant : incipit affici stomachus : fit sædi spiritus ipse odoris. Atque initium quidem ejus mali recipit curationem : ubi verò penitus insedit, insanabile est. Plurimque sub frigido sudore moriuntur.

7. Lividitas, nigrîtudo ; ariditas circa ulcera, gangrænam, sphacelum, mortem, adesse nunciant.

In Prognosticis suis Hippocrates, ubi tam sollicitè omnia recenset, ad quæ Medicum attendere oportet, ut prævideat illa, quæ in morbis futura sunt ; habet & sequens monitum, (d) Nec verò ignorandum an ulcere, vel ante morbum, vel in ipso morbo nato, laboret. Nam si æger moriturus est, lividum & siccum, aut pallidum, & siccum ante evadet. In Commentariis autem §. 158, n°. 7, & §.

(a) Epidem. Lib. VII. text. LXXI. Charter. Tom IX. pag. 378.

(b) Cap. Latex humor. neglectus, n°. XVII. pag. 303.

(c) Medicin. Lib. V. cap. XXVI. n°. XXXI. pag. 301.

(d) Prognost. Comment. I. Sentent. XXXI. Charter. Tom. VIII. pag. 605.

403, n°. 1; ubi hujus prognostici mentio facta fuit, demonstratum est, à vita superflite, & humoribus ad vulnus ulcérive allatis, pus bonum fieri; si nempe bona liquida apto impetu & debitâ copiâ huc venirent; sin minùs, aliud liquidum in vulnere observari, à boni puris conditionibus degenerans; unde in cacochymicis corporibus tam difficilis erat boni puris confectio, & ulcerum vel vulnorum consolidatio. Ubi verò vasorum vel humorum, aut utrorumque, vitio nihil defertur ad vulnus, siccabitur ab aere & vicinarum partium calore vulneris superficies, & totum illud, quod sic exsiccatum erat, postea separari debebit, ut cura perficiatur. Designat ergo ariditas ulceris, vitalem influxum & effluxum humorum desinere in hoc loco: lividitas autem & nigritudo veram jam mortificationem indicant; adeoque pro pessimis signis hæc meritò in morbis habentur.

§. 433. **INDICATIO** in gangrænæ curatione; 1. Vires firmare. 2. Putridi ingressum in venas impedire. 3. Putredinem conceptam arcere, coercere.

Absolutis illis, quæ circa diagnosin & prognosin gangrænæ notanda erant, agendum est de indicationibus curatorii, quæ determinant, quomodo, & per quæ remedia cura perfici possit. Ne autem confusio hic oriatur, in memoriam revocanda sunt illa, quæ in *Commentariis* §. 419, dicta fuerunt. Nempe difficulter distingui posse illum limitem, qui gangrænam incipientem dirimit à phlegmone, à qua nascitur. Cum ergo gangræna in sui initio ad phlegmonem quàm proximè accedat; & ab eadem tamen plurimùm differat, quando in sphacelum jam transibit; patet intermedio hoc tempore varios esse malignitatis in gangræna gradus, neque eandem requiri curationis methodum. Incipiens enim gangræna aliquando felici correctione tolli potest, utl dicetur §. 441. Ubi verò confirmatum malum est; non poterit reddi corruptæ parti sanitas, sed debebit mortuum separari à vivis partibus, quibus adhæret. Generalia tantùm ideo indicationis curatoriæ capita hæc paragrapho expenduntur; de reliquis postea dicetur.

1. Quamdiu expeditus sit motus humorum sanorum per vasa debito cum impetu & velocitate, sanitas adest, & virium integritas. Ubi verò nascitur æqualis hujus motûs impedimentum, sive in toto, sive in parte, vires debilitantur etiam vel in toto corpore, vel saltem in parte affecta. Unde spontaneas illas lassitudines, per quas homines solitos labores non sine molestia perficere possunt, licet cæteroquin adhuc satis bene se habere videantur, morbos prænunciare dixit *Hippocrates* (a). Frequenter enim observantur hæc lassitudines, quando inflammatoriâ spissitudine minùs meabilis redditus sanguis, difficiliùs per ultimas vasorum angustias transire potest. Vires ergo firmabunt omnia illa quæ liberum humorum per vasa circuitum sustinent, & tollunt illa impedimenta, quæ hunc turbant. Adeoque, pro causarum diversitate, varia ad firmandas vires conducent remedia; utl sequenti paragrapho dicetur.

2. Urina naturaliter eluit de corpore illa, quæ putredini proxima nocerent, si plurius cum reliquis humoribus per vasa fluere: ubi autem perfecta ichuria uri-

(a) Aphorism. Sect. II. n. v. Charac. Tom. IX. part. II. pag. 46.



næ secretionem & excretionem impedit, hæc retenta, acriora facta & putrida, tennerrimis encephali vasis inprimis nocere videntur; & ægri hoc morbo laborantes, postquam similia ferè mala passi fuerunt, ac illi qui sphacelo moriuntur, pariter sopore profundo oppressi pereunt. Merito ergo metuitur, ne putredo gangrænam sequens, venis contiguis resorpta, simili modo noceat; adeoque cavendum est, ne hoc fiat.

3. Omnis pars corporis nostri, quæ omni vitali humorum influxu & effluxu, quo antea gaudebat, privatur, spontaneâ mutatione in putredinem tendit. Requiritur ergo, ut futura putredo caveatur, vel jam nata emendetur, & sic coercetur, ne vicina adhuc integra inficiat. Ubi manibus accessus datur ad partem affectam, talia applicari poterunt, à quibus merito ille effectus expectandus est; si verò in profundis corporis lateat malum, patet faciliè, hoc difficillimum esse.

§. 434. **FIRMANTUR** vires, dando 1. Quæ causæ internæ (422. 423. 424. 425.) debellandæ prosint, spiritus excitent, liquidis motum circularem conservent, habitâ simul ratione ætatis, sexûs, temperiei, tempestatis. Illa ergo ex classe refrigerantium, vel calefacientium petuntur pro re nata. 2. Cibos, potûque analepticos. 3. Epithemata ex pane tosto cum præscriptis (nº. 1. hujus §.) applicata venis, vel circa nares.

1. Dum huic indicationi satisfieri debet, necessariò respiciendum est ad indolem causæ, quæ gangrænam produxit: sed causæ omnes in numeris hîc citatis in diversas classes ordinatæ fuerunt, & enumeratæ. Sic v. gr; si putridus scorbutus pessimâ cacochymia sanguinem infecerit, proderunt ad firmandas vires omnia illa, quæ putredine huic adversa sunt: vinum Rhenanum, succus citri, aurantiorum, &c, optima erunt. Pauperibus lac ebutyratum, vel ejusdem serum, cum pauculo macis vel nucis myristicæ, decoctum, inserviet. Cùmque omnis gangræna, quamvis ex diversissimis causis nata, semper putredinem faciat, patet, acidorum illorum ferè universalem usum esse.

**SPIRITUS EXCITENT.** Certissimis constat Observatis esse in rerum natura talia, quæ in subtilissimum nostri corporis liquidum, quod spiritus vocamus, insigne habent efficaciam, & totum corpus miris modis turbare possunt. Interim tamen tota hæc vis pendet sæpe à corpusculis, vel effluviis, adeo subtilibus & minutis, ut non tantum sensus, sed & omnem ferè imaginationem, fugiant. Asa foetida v. gr; solo halitu suo viroso inordinatos illos spirituum motus compescit sæpe tam feliciter in hysteris mulieribus; & tamen, postquam per integros menses satis amplum locum suis effluviis implevit, vix ulla sensibilis apparet ponderis imminutio. Moschi fragrantia e contra mobilissimas in genere nervoso feminas toties pessimè affectit, imò & diras aliquando in his convulsiones excitavit: tamen nec moschus sensibile ponderis detrimentum patitur, licet plurimis etiam servetur annis, & omnia vicina corpora indelebili ferè odore infecerit. Habentur in Arte cognita talia remedia, quæ solo halitu suo languentes spiritus excitent,

& novam quasi vitam inspirent etiam debilissimis hominibus. Si jam in animi deliquium lapsuræ puellæ odoratissimum citrei pomum naribus supponitur, mox reviviscit: idem & aceti fragrantia, & ferè omnium aromatum gratissimorum halitus faciunt. Inprimis autem illa, quæ spiritus excitant, in gangræna & sphacelo curandis locum habent, quia nil magis debilitat, nec citius ferè omnes vires etiam in robustis hominibus prosternt, quàm putrida effluvia. Si sanissimus homo æstivo tempore malâ fortunâ occurrat cadaveri submersi animalis majoris illo tempore, dum tumidum abdomen crepat, tam retro mox afflabitur halitu, ut in animi deliquium cadat, & totâ die, pessimâ nausæa languebit. Dum in morbis corrupta bilis circum præcordia hæret, summa debilitas observatur; & hæc saburrâ excusâ, vires redeunt. Cùm ergo in gangræna putredo adsit, vel brevi futura metuatur, patet, quare fragrantia illa aromata, inprimis si acida admisceantur, tantum usum habeant. Apud *Hildanum* (a) & alios Auctores pretiosi lapides bezoardici, margaritæ, os de corde cervi & similia commendantur; sed vinum Rhenanum cum succo & cortice citri, cinnamomo; nucæ myrsitica, &c, his longè efficaciora sunt; & si febris valida, aut major calor corporis, à calidioribus abstinendum esse, suadeant, sambuci, rosarum, &c, flores, unâ cum aceto, spiritus excitabunt, simulque gratum refrigerium facient.

**LIQUIDIS MOTUM CIRCULAREM CONSERVENT.** Cùm gangræna sit talis conditio partis mollis, quæ abolito influxu & effluxu vitalis humoris in mortem tendit, id est, in quietem perfectam; omni molimine conservandus est humorum per vasa motus, ut hæc caveatur. Circuitus autem humorum impeditur vel liquidi transmittendi, vel vasorum transmittentium vicio, vel defectu vasorum moventium. Omnia ergo illa, quæ liquida diluunt & attenuant, vasa aperiunt, & leni stimulo causas moventes incitant, pulcherrimè hic cõvenient. Decocta hinc ex graminis, bardanæ, scorzonæræ radicibus, uti & illis, quæ aperientes dicuntur, lignorum santalorum, sassafras, &c, infusa, tanti usûs sunt; quia vi diluente, solvente, & simul blando aromatico stimulo, omnibus his indicationibus satisfaciunt.

**HABITA SIMULATIONE ÆTATIS, &c.** Longè enim alia requiruntur in decrepito senè, ubi omnia languent, & frigida mucosa est sanguinis indoles; quàm in vegeto & calidæ temperiei juvene. Mulierum corpus laxius semper, catensis partibus, quàm in viris, facillimè mutabile quidem etiam à levissimis causis, tamen summas & subitissimas mutationes facilius fert. Docent hoc menstrua, graviditas, partus, lochia, hæmorrhagiæ uterinæ sæpe adeo enormes; unde & à sexu iterum in medendo varietas obtinet: uti etiam, prout temperies biliosa calida, aut aquosa frigida fuerit. Idem de varia anni tempestate verum est: æstivis enim caloribus, inprimis si simul humida aeris constitutio fuerit, omnia in putredinem vergunt; hyemali frigore omnia diutissimè incorrupta servari poterunt. Confer & illa, quæ de his dicta fuerunt in *Commentariis* §. 193.

**ILLA ERGO EX CLASSE REFRIGERANTIIUM, &c.** Primò examinandum est, an vires deficiant, an non: si pulsus sit fortis, magnus, & utcumque durus; si calor satis magnus ad extrema corporis usque adsit, si urina colorata, rubra fuerit; novimus, satis magnas circulationis vires esse; adeoque il-

(a) De Gangræna & Sphacelo, cap. XII. pag. 786.

lam minimè augendam : sed si pulsus debilis, & reliqua, modò dictis contraria, adfuerint ; tunc concluditur, motum circulatorium humorum incitandum esse. Deinde examinatur, an liquorum indoles in putridam alcalinam indolem vergat ; an verò mucosa frigida cacochymia prædominetur ( hæc autem ex illis, quæ de glutinoso spontaneo & alcalino spontaneo antè dicta sunt, cognoscuntur ) ; in priori casu gratissima acida stimulantia exhibentur ; in posteriori verò sales volatiles oleosi, elixiria proprietatis, &c, adeo profunt. Variz tales formulæ remedium in *Materia Medica* ad hunc numerum habentur.

2. *Αναλαμβάνειν* dicitur de illis, qui ex gravioribus morbis refurgentes vires recolligunt. Licet autem, morbo devicto, sanitas redierit, requiritur tamen in his, ut bono nutrimento resituantur illa, quæ per morbum prægressum perierant. Debilitas autem possulat in talibus hominibus, ut dentur cibi & potus, in quibus abundat quidem materia, unde per chylopoiesin & hæmatopoiesin possint restitui perditæ ; sed & simul tales sint, ut nullam ferè, vel minimam saltem, actionem vasorum & viscerum requirant, ut sanis humoribus assimilentur. Cibi verò & potus, qui has dotes habent, vocantur analeptici. Videantur illa, quæ de his dicta fuerunt in *Commentariis* §. 28. n°. 1. Sed & in horum defectu ad ætatem, sexum, consuetudinem, &c, attendendum est, uti modò dictum fuit præcedenti numero. Cùmque plerumque putredinis metus sit in gangræna, ex æscendentibus, ut lacte decocto panis, avenæ ; hordei, &c, jusculis carnis vitulinæ cum succo citri, &c, hæc parantur. Videantur illa, quæ in *Materia Medica* ad hunc numerum habentur.

3. Ex Physiologicis constat, in tota corporis externi superficie venarum bibularum oscula patere, quæ contigua liquida haurire possunt, & sanguini miscere illico : unde patet, ad vires firmandas maximum usum posse habere illa remedia, quæ externæ cuti apponuntur. Illa enim, quæ primo hujus paragraphi numero laudata sunt, si sic epithematis formâ applicantur, subtilissimam & maximè fragrantem sui partem venis bibulis insinuant ; quæ ergo statim cum sanguine venoso ad cor defertur, atque inde ope arteriarum per univèrsum corpus distribuitur. Hinc citissima virium restitutio sequitur, quatenus nempe à gratissimis illis stimulis, nullis viscerum actionibus mutatis, excitantur spiritus, & augmentur cordis vires. Solent autem hæc precipuè applicari illis locis, quibus magnæ venæ adjacent : uti v. gr ; sub axillis, poplitibus, collo, &c, ut brevi itinere resorpta per venas bibulas hæc effluvia magnas venas ingrediantur. Sed non tantùm hæc viâ videntur prodesse epithemata talia, verùm etiam si nervis quibusdam, quibus maximum imperium in vitales corporis functiones esse per Experimenta novimus, applicentur quàm proximè. Nervi per narium internam superficiem dispersi tales sunt, & hominem nimio corporis motu fatigatum, & jam in syncopen lapsurum, panis recens de clibanoeducti fragrantia reficiet illico. Idem jam de omnibus aromatibus ferè verum est, quorum fragrantia solo olfactu percepta vires erigit statim. Solent hinc etiam cardiæ, ubi magni illi nervi circa ventriculi orificium superius locantur, similia applicari tanto cum fructu, ut etiam umbilico. Incredibile enim efficaciam habere aliquando remedia, externe iis locis applicata, docent Observationes Medicæ. Homo favissimâ cardiagiâ contabescebat, dum quatuor à pastu horis recrudescebat quotidie dolor ; intolerabilis omnino, nisi mensæ incumbens miser cardiâ validissimè comprimeret ;

unde incurabile carcinoma stomachum obsidere credebatur: paucarum tamen horarum spatio curatum hunc morbum vidit *Helmontius* (a), *fragranti emplastro ad palmæ vix latitudinem extento*. Imò non sine ratione viderur conclusisse idem Auctor, quòd omnia ferè remedia solo odore agant, id est, subtilissima suâ & spirituosâ parte: simulac enim nativo suo odore spoliantur, nimis diu servata in Officinis, etiam vires absunt. Sic scamoneum ubi cadaverosus ejus odor periit, effœrum penitus est; si castoreum virus suum amiserit, nihil efficit amplius, &c. Requiritur autem, ut firmetur vires, horum epithematum talis applicatio, per quam caveatur, ne calor corporis subtilissimam dissipet fragmentam extrorsum: sumitur hinc panis tostus, ut siccissimus & maxime bibulus fiat; perfunditur tali epithemate ( varias formulas vide in *Materia Medica* ad hunc numerum ); applicatur nudæ cuti; postea tegitur vesicâ ovillâ vel suillâ molissimâ, oleo prius perfusâ; deinde idoneâ ligaturâ hæc omnia firmantur.

§. 435. **IMPEDITUR** putrefacti in venas introitus. 1. Firmando vires (434), adeoque augendo motum ad exteriora. 2. Curando exitum ad exteriora: fomenta, cataplasmata ex diaphoreticis, emollientibus, laxantibus, facta; scarificationes; cucurbitæ; hirudines id agunt, cum calore externo.

Secunda indicatio generalis in gangrænæ curatione erat, impedire putridi in venas ingressum (vide §. 433. n°. 2.). Gangrænosa enim pars vivis vasibus undique vel adhæret, vel saltem contigua est, & sensim solet in putridum tabum deliquescere; unde facilis erit resorptio illius putrefacti per venas, à qua pessima mala oriri possunt; febres nempe putridæ, deliria, virium prostratio subita, &c. Poterit autem hæc resorptio impediri sequentibus.

1. Quæ liberrimum faciunt humorum per vasa motum, vires firmare dicuntur; ut in *Commentariis* §. 433, n°. 1, habetur: adeoque eadem illa, quæ præcedenti paragrapho enumerata fuerunt, sic augebunt vires vitales, si lan- guent, ut per ultimas exhalantes arterias, in superficie corporis ubique positas, liberrimè dissidentur illa, quæ naturaliter per has vias eliminari debent. Quamdiu autem nullum impedimentum est in ultimis illis exhalantibus fistulis, videmus, aucto circulationis impetu & velocitate, majorem liquidorum copiam per has expelli, sive insensibili perspiratione, sive sudore: ratio facillè patet, quia organis fecermentibus & excernerentibus intra idem tempus major fluidorum copia applicatur. Sed dum arteriolæ exhalantes majori momento liquidi impulsu urgentur & dilatantur, vicinæ his venulæ resorbentes angustantur; adeoque & difficilior erit per has ingressus liquidi contigui resorbendi. Accedit, quòd calor, auctum motum humorum per vasa comirans, dissipet illa, quæ resorberentur. Ideo in omnibus morbis, in quibus motus circulatorii humorum augmentum adest, siccitas nascitur à dissilatis tenuissimis; & contrà in languidis morbis, in quibus nimis tarda & debilis circulatio est accumulatis humoribus turget corpus. Quantum autem resorbere possint venulæ in superficie corporis posita, dum languidæ

(a) Capit. Imago fermenti imprægnat, &c. no. XXII. pag. 93.

sunt vitales vires, docuerunt mira Observata; de quibus postea in hydrope dicitur. Constitit nempe, hydropicorum corpora,eductâ omni aquosâ colluvie, brevi tempore iterum intumuisse, licet ab omni potu serè abstinerint & siccissimos tantùm cibos sumplerint. Unde videntur talia corpora ex ipso aere per venulas absorbentes haurire aquam. Summi ergo usûs erit, augere parum circulatorium humorum motum, ut impediatur putridi gangrænosî in venas ingressus: & , si quid fortè ingressum fuerit, illud per urinas, aut cutis spiracula expellatur iterum; dum firmatis viribus motus versus exteriora augetur.

2. In abscessuum curatione dictum fuit, quàm maximè requiri, ut crudum inflammatorium, jam maturatum, duceretur ad exteriora ( vide §. 402. n<sup>o</sup>. 3. ): ne illud resorptum purulentâ cacochymâ sanguinem inficeret, plurimisque & gravissimis morbis daret originem ( vide §. 406. Sed in gangrænæ curatione exitus ad exteriora procurandus est tantò majori curâ, quantò tabus gangrænosus pure pejor est. Nihil autem magis impedit exitum illum ad exteriora, simulque vivas partes suppositas plùs suffocat, quàm si cutis gangrænosa & exsucca corii aridi instar induruerit: si enim tunc simul satis validus motus humorum in partibus vivis adhuc supersit, sub hac crusta omnia corrumpuntur. Optimum ergo erit, per fomenta aut cataplasmata applicata continuò humectare locum gangrænosum, omnéque meatus sic aperire, ut viva vasa omnia hic perspirent quàm liberrimè. Aqua, & omnia remedia, in quibus aqua prædominatur, huic scopo inserviunt; simul adduntur talia, quæ emolliendi & laxandi vim habent. Cùm autem in parte gangrænosa circuitus humorum deficiat, ideòque & calor inde pendens; requiritur calor externus applicatus, ne fomenta & cataplasmata applicata frigescant. Pulcherrimè hoc obtinetur, si imponantur ex terra sigillina parati lateres calefacti, quales variz magnitudinis & figuræ in his locis habentur: à pulchro effectu, quem in doloribus colicis levandis habent, dicti ( *Kolyktheezen* ). Verum quidem est, calore sic & humectatione augeri putredinem in partibus jam mortuis; sed simul & facilitatur earundem separatio à vivis: unde nunquam hæc adhibentur remedia, nisi simul spes adfuerit, hanc separationem obtineri posse. Prudentè hoc monuerat *Celsus*, ubi de gangrænæ curatione agit, dicens, (a) *medicamenta verò, dum malum serpit, adhibenda nulla sunt, quæ pus movere consueverunt: ideòque ne aqua quidem calida*. Quamdiu enim proserpit malum, augetur ab his putredo, & eò citiùs omnia vicina inficerentur. Solent tamen semper fomentis & cataplasmatibus ad gangrænâ misceri talia, quæ & putredini resistunt efficacissimè; & penetrabili aromaticâ vi in motum deducunt stagnantia. Quia autem omnia illa in aqua facillè possunt solvi, tùmque subtilem habent simul fragrantiam, quâ omnia aperient vasa, sine nimio tamen motus augmento; simulque solent augere illam evacuationem, quæ per cutis spiracula fit; diaphoretica vocantur. In *Materia Medica* ad hunc numerum similium formularum Exempla habentur, in quibus emollientibus & laxantibus ruta, alliaria, sambuci, calendula, chamæmeli flores, &c, miscentur.

SCARIFICATIONES. Quæ imprimis usum habent, si panniculus adiposus, materiâ inflammatoriâ distentus ad magnam crassitudinem, gangrænolus factus fuerit. Sæpe enim tunc tanta moles corrupti & mortui incumbit par-

tibus vivis subjectis ut solâ compressione suffocentur: simulque applicata fomenta vel cataplasmata non possunt penetrare suis viribus, & impedire putrefacti in venas introitum. Unde per scarificationes loci gangrænosî spiracula quasi fiunt; per quæ aucto motu ad exteriora expelli possit corruptum, & admitti illa, quæ putredinem præsentem corrigant, futuram verb arcant. Scarificationes autem illæ tantùm debent fieri in parte mortua, & penetrare quàm proximè ad viva, neque tamen illa lædere; sic enim poterunt sine ullo dolore fieri, neque, crudo vulnere in partibus vivis factò, facilitabitur putridorum in venas ingressus. Docent enim venenatorum animalium morsus, quàm facillè cruento in vulnere virus recipiatur venis.

**CUCURBITÆ.** Ablatâ enim atmosphæræ pressione illo in loco, cui cucurbita hæret impetus sanguinis per vivas adhuc partes moti distendet vasa, elevabit mortua incumbentia, & repellet putrida. Imò, dum à mortuis incumben-  
tibus vasa vicina pressa non poterant explicari ab humoribus impulsis, ablatâ per cucurbitam maximâ parte hujus pressionis, libera iterum fiet via liquidis per hæc vasa transmittendis: sicque redibit vita in partibus, quæ abolito omni influxu & effluxu humorum in mortem tendebant. Quantam autem efficaciam habeant cucurbitæ, ut deficientem vitam & nutritionem restituant in parte, docuit *Tulpius* (a). Notæ juniori ex amplo brachii abscessu tanta puris copia subducta fuerat, ut postea deficeret nutritio, tandèmqve universum brachium emacresceret. Cum jam illud exaresfactum esset, cucurbitula cornea aliquoties imponebatur, cujus suctu & calor & nutritio redibant tam pulchre, ut exsiccum illud brachium pristinum vigorem & torositatem recuperaverit & solitum robur; sic ut postea in navi officio suo fungi potuerit. Pulchrum etiam usum habent cucurbitæ, si applicentur partibus vivis in gangrænæ vicinia, ut augeatur vitalis liquidi huc ruentis impetus & copia: sic enim, ut postea §. 444, dicitur, solventur fibræ necdentes gangrænâ parti sanæ, & obtinebitur separatio.

**HIRUDINES.** Animalcula hæc partem corporis, cui applicantur, trifulco ore vulnerant, dein sanguinem exsugunt, & sæpe pertinaciter affixa manent, donec satûra & sanguine plena decendant; vel nitro, sale, aut similibus reperia, deserant locum, cui adhærent. Pergit sæpe tunc, remotis jam hirudinibus, sanguis effluere; inprimis quando hæmorrhoidibus applicantur: & quidem tantâ copiâ, ut apud Auctores, qui de hirudinum usu scripserunt, remedia enumerarentur, quibus nimius ille sanguinis fluxus compesti posset. Tota ergo hirudinum actio est, ut vulnerent vasa, & dein sugendo educant sanguinem; adeoque minutâ resistentiâ sanguinem majori copiâ & impetu huc derivari faciant. Similem ergo effectum habent, ac cucurbitæ, inprimis, si scarificationes timeant ægri; aut talis fuerit loci situs, ut cucurbitæ applicari nequeant. Animalcula autem hæc gangrænâ & mortuum locum non facillè mordebunt, sed in vicinia loci gangrænosi applicari poterunt.

Ex omnibus, quæ hâc paragrapho dicta sunt, patet, talem hic laudari perfectè methodum, qualem Veteres adhibuerunt contra venenatorum animalium morsus. *Celsus* tunc cucurbitulas commendat, & jubet (b) scalpello circa vulnus incidere

(a) Observat. Medic. Lib. III. cap. xlix. | pag. 266.

(b) Medicin. Lib. V. cap. xxvii. no. iii. | pag. 309.

quò plùs vitiari sanguinis extrahatur. Si cucurbitula defit, hominem vulnus ex-fugere vult; quod tutò fieri poffe monet, modò nullum in ore interno ulcus habuerit. Deinde in loco calido hominem demorfum collocandum voluit; foveri verbò vulnus animalibus vivis per medium diffeftis, adhuc calidis, tuncque antidota exhibenda effe. Quæ fi defint, potionem meri vini cum pipere exorbendam voluit, vel quidlibet aliud, quod calori movendo eft.

§. 436. **PUTREDO** incipiens corrigitur, 1. Tollendo ejus cau-fas fenfibiles ( 422. 423. 424. 425. ).

Nihil hic generale determinari poterit, fed requiritur priùs, ut follicitè inda-gentur cauſæ paragraphis hic citatis enumeratæ, à quibus gangræna, & illam fequens putredo, ortum duxit. Quod enim in uno cafu prodeffet, fummpere noceret in altero. Sic v. gr; in illa gangrænæ ſpecie, quæ poſt ſummam debilita-tem, aut ſenilem quietem, ſequitur, cardiaca calida moventia & incitantia ſum-mum uſum habent: eadem tamen hæc nocerent ſummopere, ſi in calido juvenili corpore, poſt ſummam inflammationem, gangræna naſceretur.

§. 437. 2. **CORRIGENDO** ejus cauſam proximam, ſtagna-tionem, & colorem. α. Condiendo ſtagnantia contra putredinem. β. Muniendo ſolida contra eadem. γ. Stagnantibus correctis per vaſa munica ſolidando motum.

Quantùm ſtagnatio & calor ad putredinem faciant, jam ſæpius dictum fuit; Per octoginta annos ſanus homo vivere poterit, neque ulla putredo in corpore aderit; ſaniſſimi autem juvenis cadaver bidui ſpatio totum putrefcet, inprimis ſi calor aeris ambientis magnus ſimul adfuert. Sola ſtagnatio putredinem non facit, vel ſaltem quàm lentiffimè: docent hoc maſtatorum animalium carnes, quæ hyemali ſub frigore plurimis ſeptimanis incorruptæ ſervari poſſunt. Neque ſolus calor corrumpit facilè, niſi ſtagnatio acceſſerit: perpetuo curſu exercita ſtu-mina ſummis etiam æſtivis ardoribus puram & limpidam aquam exhibent; & contrà in ſtagnis collecta aqua peſſimam mephitim totà æſtate ſpirat. Optimè hinc Galenus dixit, (a) videtur autem ex materia humida omnis fieri putredo, ex cauſa verò effeſtrice, & extraneo, & præter naturam calore, ſimul verò ab immobilitate augeri. Ut ergo putredo concepta arceatur, & coerceatur, ( vide §. 433. nò. 3. ) expediet, nimium calorem compelleſcere, & ſtagnantia deducere in motum.

α. Cùm requiratur ad curam gangrænæ, ut ſtagnantia in motum deducantur; atque iterum cum reliquis humoribus fluant per vaſa; patet, omni ope caven-dum eſſe, ne putrefcant: ſi enim jam putrida facta moverentur, deſtruerent te-nerrima vaſa, & corrumperebunt bonos humores, quibus miſcentur. In *Commen-tariis* enim §. 86, probatum fuit, ſanguinem diſſolvi à putridis, & minima va-ſa deſtrui; adeoque etiam depravari omnes actiones ſolidarum & liquidarum par-tium corporis, unde innumera mala poſſent naſci. In putrido ſcorbuto, & in

(a) Epidem Lib. III, Comment. III, text. 1, Chatter. Tom. IX. pag. 256.

arrā bile turgente patuit toties , quanto cum periculo corrupta & stagnancia in motum deducantur; uti postea dicetur , quando de his morbis agendum erit.

6. Non enim humores soli mutantur & corrumpuntur per putredinem, verum etiam solidæ corporis partes cohæsiōem suam perdunt , ut sic animalium carnes in aere calido & humido putrefactæ dissiluant in tabum olidissimum. Pro vario autem putredinis gradu plūs minūve muratur cohæsiō in partibus solidis , uti quotidianio in culinis Experimento constat. Recens enim mactatæ carnes tenaces esse solent , si statim mensis adhibeantur ; per aliquot dies servatæ multum de illa tenacitate perdunt ; ubi autem ad levissimum putredinis initium usque in aere aperto relinquuntur , tenerrimæ evadunt , & in ore dissilunt ferè , dum manducantur. Unde & *Plinius* memoriz tradidit , quodd ( a ) *Galli sagittas in venatu helleboro tingunt , circumcisq; vulnere teneriorem sentiri carnem affirmant : venenatā hellebori vi ad putredinis initium disponente animalium carnes.*

7. Postquam bina priora facta sunt , tunc tutò motus excitari poterit. Si enim vel humores stagnantes putrefacti acquisiverint notabilem acrimoniam ; vel vasa in cohæsiōe sua per putredinem natam multum debilitata fuerint , vel utrumque vitium adfuerit ; à motu excirato rumpentur vasa , effundentur humores , putredo præfens augebitur ; adeoque gangræna non sanabitur , sed increfcescit potius ; uti patet ex illis , quæ in *Commentariis* §. 388 , dicta fuerunt.

§. 438. **CONDIUNTUR** liquida applicatione salis , aceti ; vini , spirituum vini , aromatum.

Habentur in Arte talia remedia cognita quæ animalium partes ab omni putredine servant ; sed cum præter hoc requiratur , ut fluida stagnancia , per hæc remedia correctæ vel præservatæ , moveantur postea per vasa minuta ; patet , quodd hæc antiseptica talia esse debeant , ut non tollant dotes in vasis transmittentibus & humoribus transmittendis requisitas ad hunc motum : unde non debent condiri instar cadaveris , sed debet simul vita servari in parte , & restitui , si defecerit. Præcipue autem hoc obtinebitur applicatione sequentium.

**SALIS.** Animalium carnes , quæ paucis diebus putrescerent , sale marino undique resperse , vel ejus muriz immerse , servantur incorruptæ diutissimè : sed simul observatur carnes illas duriores fieri. Sal marinus , gemmæ , ammoniacus præcipua sunt , uti & nitrum ; quando nempe in fomentis diluta partibus gangrænosos applicantur.

**ACETI.** Quod omni putredini quàm maximè adversum est ; unde tanti usûs in morbis putridis fuit jam apud antiquissimos Medicos ; imò vel solo odore suo his morbis decumbentes reficit. Quotidianis Experimentis constat , animalium carnes aceto æquè posse præservari à putredine , quàm sale. Interim hoc boni habet acetum , quodd nec solida induret adeo , nec liquida coagulet ; sed e contra sanguinem potius dissolvat. Acida reliqua fortiora , ignis vi ex solilibus expressa , ut sunt spiritus nitri , salis marini , sulphuris , vitrioli , &c. omnem quidem putredinem arcent , sed simul fluida coagulant , solida autem con-

(a) *Hist. Natur. Lib. XXV. cap. v. in fine.*



trahunt & indurant; imò, si meraciore hæc fuerint, destruant. Unde patet, quare levissimum illud fermentatione paratum acidum, acetum nempe, illis præferatur.

VINI, SPIRITUUM VINI. Aprinas carnes, vino immerfas, in Germania à putredine fervari notum est, simulque teneras manere. Unde & in vino antiseptica virtus est, quæ huic indicationi respondet. Spiritus autem vini, & alcohol inde paratum, efficacissima quidem contra omnem putredinem præsidia sunt; sed sanguinem ejusque serum coagulant; vasa autem corrugant & contrahi faciunt: unde partem mortuam corporis servare quidem possunt, & cavere ne serpat putredo, sed tamen nunquam redire poterit vita in partibus illis, quæ alcohole vini diu conditæ fuerunt. Sic in mirabili illo casu, cujus mentio facta fuit in *Commentariis* §. 429. n°. 4, crus emortuum, spiritu terebinthinæ inunctum quotidie, & deinde assiduo spiritu juniperi fotum, non putrefcebat, sed mumie instar exsuccum & aridum redditum vivis partibus adhærebat. Vini ergo spiritus proderit potius dilutus aquâ; tunc enim, quamvis debilior fuerit, tamen servare poterit partes à corruptione; neque tamen nocebit solida crispando, aut coagulum fluidis inducendo.

AROMATUM. Plurima talia in *Materia Medica* ad hunc numerum recensentur, in quibus hæc vis obtinet, ut etiam cadaveribus adpersa putredinem arceant quàm diutissimè, simulque gratissimo suo halitu resciant vires. Inter illa autem scordium, alliaria, ruta, salvia, marrubium, absinthium, tanacetum præcipuè commendantur. De scordio mira narrat *Galenus* (a); nempe à viris fide dignis scriptum fuisse, quòd, cùm post conflictus bellicos cadavera pluribus diebus insepulta jacuissent, multò minùs computruerint illa, quæ casu scordio ibi crescenti incubuissent; maximè verò incorruptas mansisse illas horum cadaverum partes, quæ herbam hanc attigissent. In alliaria similes vires laudavit *Hildanus* (b) licet scordium prætulerit: tamen tantù fecit illam herbam in gangræna & sphacelo curandis ut etiam ad ulcera putrida & fordida, ut verno tempore succum ex illa pressum in lagenis vitreis, oleo super infuso, servaret, ne hyemali tempore saluberrimo hoc remedio destitueretur. Omnibus autem his plantis inest subtilis fragrantia, à qua præcipuè illarum vis medicata pendet: longè autem coctione, inprimis in vasis apertis, illa dissipatur in auras, & iners decoctum residuum nullas ferè vires habet. Optimum ergo erit vasis clausis infundere has herbas in aqua pura ferè fervida; dein expresso liquido addere vinum, acetum, sal, &c: vel & recentes herbas in pulvem tritas, addito sale & aceto, cataplasmatibus instar, partibus gangrænosis applicare. Quantùm autem hæc familia profuerint quandoque, patuit ex illis, quæ in *Commentariis* §. 338, dicta fuerunt.

### §. 439. I S D E M (438) servantur solida intacta.

Hoc satis patet: solidæ enim partes ex sua indole non corrumpuntur facillè, sed tantùm quia liquida continent suis cavis, vel illis alluuntur. Unde per exsic-

(a) De Antidotis Lib. I, cap. xii. Charter. Tom. Xlii. pag. 88j.

(b) Observat. Chirurg. Centur. II, observ. xciv. pag. 171.

cationem dissipatis pro maxima parte fluidis partes animalium diu sine putredine servari poterunt.

§. 440. **STAGNANTIA** deducuntur in motum, α. Diluendo aquis affatis haustis & applicatis. β. Stimulando arterias per ea, quæ malo opposita. γ. Movendo liquida calore, frictione cardiacis. δ. Sublatâ copiâ nimis distendente per missionem sanguinis.

Ex ipsâ definitione gangrænæ §. 419, patet stagnare liquida in suis vasis in loco gangrænâ affecto, cum cesset influxus vitalis humoris per arterias, effluxus per venas. Sed stagnatione & quiete nostrorum fluidorum molæ adunari, demonstratum fuit in *Commentariis* §. 117; adeoque, ut stagnantia deduci possint in motum, requiritur, ut molæ concretæ inter se dividantur iterum sic, ut possint per ultimas vasorum suorum angustias transire. Sed & molæ jam divisæ debet conciliari motus, qui deerat, dum stagnabant: simul etiam, si à quacumque causâ vasorum transmittentium capacitas imminuta fuerit, & hæc tollenda erit. Hæc autem omnia obtineri poterunt sequentibus.

α. Tota cutis in omni ferè puncto absorbentium venularum oscula habet: hinc diluentia applicata externè loco affecto poterunt se his osculis insinuare, sanguini misceri, & communi corporis lege per omnia distribui. Quantum autem effectum habeant diluentia in resolvendis stagnantium fluidorum concretis molæ, dictum fuit in *Commentariis* §. 132. n°. 2, & §. 134. Sed & ibidem demonstratum fuit, somenta diluentia parti affectæ applicata non tantum prodesse, quatenus diluens aquosum venulis absorbentibus insinuat; verum etiam quatenus laxando omnia vasa faciant, ut impetus & copia vitalis liquidi in parte augeantur; adeoque & diluens liquidum universali humorum massæ permixtum, magis versus hæc loca derivetur. Si jam simul attendatur ad illa, quæ in *Commentariis* §. 398. n° 3, habentur patebit, externâ applicatione, diluentia etiam posse ingredi arteriarum exhalantium extrema; si nempe majores ramuli, unde minores hæ arteriæ prodeunt, obstructi fuerint, tunc enim ultimi illorum fines vacui contigua liquida ebibent illâ vi, quâ minimæ fistulæ cavæ liquores hauriunt. Si jam simul, dum hæc externè applicantur, ingens similium copia potatur, resolutio concretorum fluidorum obtinebitur, quatenus per diluentia liquida fieri poterit.

β. Cum autem, respectu nostrorum fluidorum, aqua ferè sit unicum diluens, hæcque ex se iners sit, requiritur motus cordis & arteriarum, ut illa actiosa & mobilis reddatur. In parte gangrænosa stagnatio est: hinc licet & externè & internè diluentia adferantur, nisi possit simul hic excitari motus, nihil boni fiet. Unde paulò major motus in toto corpore, id est, febris modica, semper tunc præderit: ideo unâ cum diluentibus solent dari talia, quæ blando stimulo motum parum augent (vide de his *Commentaria* §. 398. n°. 1.), ut infusum ligni sassafras, trium fantalorum, rutæ, alliaræ, &c. Cùmque humorum nostrorum spontanea corruptio, dum stagnant semper in putredinem vergat (vide §. 80.); simul his adduntur gratissima acida, & imprimis vegetabilium expressi succi, ut

ut citreorum; aurantiorum, ribesiorum, &c; vel & fermentata acida, vinum nempe aut acetum; quæ omnia minimè coagulant sanguinem, sed attenuant potius & dissolvunt. Prout jam major minorve putredinis metus est, & in victu & medicamentis, acida plùs minùsve exhibentur. Ubi verò à defectu & quiete senili, vel à lenta & frigida sanguinis cacochymia, gangræna nascitur, neque ulla hæctenus adfuit putredinis signa, tunc sales volatiles oleosi, elixiria, tincturæ aromaticæ, &c, prodesse poterunt.

7. CALORE. Vitam perfectam in homine, id est, sanitatem, calor comitatur, & quidem æquabilis, per omnia corporis loca diffusus, ad extremas etiam partes usque. Vitæ viribus auctis vel minutis, pariter increscit vel decrescit calor; tandemque in cadavere, omni vitâ cessante, frigus oritur, & omnium quies. Sed non tantum calor vitæ præsentis comes & signum est, verum etiam latens & sopita quasi vita calore excitatur, & redditur actiuosa. Ranæ hyemali frigore torpent, imò mediâ in glacie sepultæ hærent immobiles: si in hypocaustum delatæ calefunt, redit agilitas. Vitale stamen pulli, in sacculo colliquamenti ovi incubati latens, iners ibi hæret, neque crescit, donec caloris gradu requisito latens in actum deducatur vita, &, uti ex immortalibus acutissimi *Reaumurii* Observatis patuit, insectorum vita potuit pro lubitu excitari, deprimi, prolongari, vel brevior reddi, dum majori minorve calori exponerentur (a). Jam apud Antiquissimos mira hæc ignis & caloris proprietates videtur cognita fuisse, quâ cuncta in rerum natura animantur. Scribit enim *Plutarchus*, sapientissimum Regem *Numam* ignem tamquam omnium rerum principium colendum dedisse: (b) *Mobilissimus enim in natura ignis est. Motus autem est, aut cum motu ejus generatio. Aliæ verò materiæ partes calore destitutæ, torpidæ jacentes & mortuis similes, desiderant ignis vim, velut animam: quæ simulac accessit, conferunt se ad agendum aliquid aut patientium.* Patet ergo, quantum expectari possit à calore externo, ut stagnantia deducantur in motum; modò simul adhibeantur illa, quæ putredinem accere possint, quæ aliter metuenda foret.

FRICITIONE. De variis frictionis usibus, & quomodo per illam major motus in toto corpore, vel & in parte, excitari possit, dictum fuit in *Commentariis* §. 28. Sufficit hic notare, alternam illam pressionem & relaxationem partium, quæ in omni frictione fit, supplere naturalem vasorum in liquida contenta actionem, adeoque stagnantia per illam moveri poterunt, quod hic requirebatur. Summi ergo usûs erunt, ubi à quiete senili gangræna in extremis adest, vel brevi futura metuitur. Ubi autem post validas inflammationes gangræna metuitur, frictiones tantum mollioræ & prudenter adhibere prodesse poterunt: rudiori enim tractatione vasa, liquidis immeabilibus distenta, franguntur.

CARDIACIS. Cùm cor causa princeps statuatur omnium illorum motuum, unde vires vitales æstimantur, ideo omnia remedia, quæ hos motus augent, cardiaca vocantur, licet non semper in solum cor proximè agant. Cardiaca autem illa inprimis duplicis generis sunt, vel repletia, vel moventia. Priora restituant copiam humorum sanorum; posteriora motum illorum per vasa augent. De

(a) Mémoires pour l'Histoire des Insectes, | (b) Plutarchi Camillus, Tom. I. pag. 139.  
Tom. II. Mém. 1,

posterioribus autem hic præcipue agitur, cum indicatio curatoria jubeat, stagnantia in motum reducenda esse. Vinum, succus citri, aurantiorum, & similia gratissima acida inprimis hic usum habent; cum simul putredini hic metuendæ adversentur. Videatur de his Institutionum Medicarum celeberrimi *Boerhaavii* §. 1112, ubi pulcherrima enumerantur.

Δ. Cum modò dictum fuerit, ut in curatione gangrænæ stagnantia deducantur in motum, excitandas esse vires vitales; mirum fortè videri posset, quare venæsectio nunc laudeatur, cum per illam minuatur humorum copia & debilitentur vires. Sed in illo casu prodicit, si vel in toto corpore plethora adsuerit, vel in loco affecto vasa, immeabili liquido infarcta, à vi & impetu liquidi à tergo urgentis nimis distendantur: demonstratum enim fuit in *Commentariis* §. 106, *lit. F*, metuendam esse, circulationis suffocationem, valorum rupturam, & gangrænam à nimia plenitudine; & in *Commentariis* §. 100, probatum fuit, eadem mala à nimio sanguinis per vasa motu fieri. Præterea in *Commentariis* §. 398. n<sup>o</sup>. 1, dictum fuit, per missionem sanguinis imminuto liquido distendente, restitui vasis oscillationes elasticas, quæ ad motum stagnantium quàm maximè necessariæ sunt.

Metuendum fortè videretur, ne putrefacti facillior esset introitus in venas depletas per sanguinis missionem: sed hæc vix adhiberi debet, nisi satis valida febris adsit, per quam motus magnus ad exteriora sit, qui putridi in venas ingressum impedit (vide §. 435. n<sup>o</sup>. 1.), & præterea non potest adesse magna putredo, quamdiu spes superest, stagnantia liquida per vasa adhuc integra moveri iterum posse. Unde, licet aliquid putredinis illius incipientis venas ingrederetur, illud facile elueretur ex sanguine per diluentia assatim hausta (vide *lit. e*, hujus paragraphi), & per urinam aut sudores exiret de corpore.

§. 441. **HIS** (434. 435. 436. 437. 438. 439. 440.) citò applicatis, sæpe renovatis, multoties incipiens gangræna felici correptione & diaphoresi benignè tollitur.

Nunquam facilè desperandum est licet gangræna adesse videatur, modò non dum illa signa adsint, quæ docent vasa jam rupta esse, & humores effusos putrefactos. Si enim omnia illa, quæ paragraphis hic citatis dicta fuerint, citò applicentur, & pertinaciter pergatur in eorundem usu, sæpe reddit vita in partem, quæ jam mortua credebatur. Neque nocebit hoc tentare, modò aliqua, quantumvis etiam levis, spes felicitis successus superfuert; quia eadem hæc remedia applicata proderunt etiam in illis casibus, ubi nihil ampliùs expectari poterit, quàm separatio mortui à vivo, ut §. 445, dicitur. Licet ergo validissimæ inflammationis phænomena subito ablata fuerint sine correptione causæ, & color loci affecti, antea ruberrimus, jam inceperit mutari; imò quamvis aliquæ parvæ pustulæ ichore lymphatico plenæ in cute apparuerint) quæ docent tantùm tenerissima vascula cutim epidermidis necsentia rupta esse), adhuc tentari poterit hæc methodus. Dictum enim fuit in *Commentariis* §. 419, non semper adeo facile esse, ut distinguatur validissima inflammatio à primo gangrænæ

ex illa natæ initio; quia & valida inflammatio in mortem tendit, & incipiens gangræna nondum totam vitam abolevit in parte. Ubi ergo in illo confinio inter gangrænam & inflammationem affectus confistit, efficacissima auxilia simul & semel applicanda sunt: si enim pergant eadem causæ agere, brevi destruentur vasa, & effusa liquida stagnabunt & putrescent. Sed vasis destructis nulla ampliùs spes est, stagnantia in motum reduci posse. Memorabiles casus in contusionis Historia allegati, in *Commentariis*, inprimis §. 338, docent, quàm inopinati aliquando successus in gravissimis etiam casibus hanc methodum secuti fuerint.

§. 442. **SI** autem liquida jam putrefacta; horùmq; mobilissimæ partes exhalaverint, tum & canales destructi fuerint, malum non cedit his remediis, neque reddetur corruptæ parti sanitas, sed vicina multùm destruentur motis, neque tamen exhalare potentibus, vivis.

Dum autem omnia illa, de quibus actum fuit binis paragraphis præcedentibus; tentantur, oportet Medicum vel Chirurgum quartâ quâque horâ inspicere locum affectum, si sensibus pateat; & sollicitè attendere, an signa vitæ auctæ vel redeuntis appareant; an verò omnia in pejus ruant, & color mutetur in pallidum, fuscum, lividum, vel & nigrum; tunc enim novit certò, partem mortuam esse, & vasa sic destructa, ut nulla motûs vitalis restituendi spes superfit. Liquida ergo stagnantia sponteâ degeneratione putrescent (vide §. 80.); solida destruentur; & dum sic aer extravasata liquida alluit, eò citiùs corruptentur. Sed demonstratum fuit §. 82, à putredine sic mutari nostros humores, ut aquosa pars exhalet, sales verò nativi, blandi, saponacei & satis fixi, fiant acres, alcalini volatiles; olea pro parte sic attenuentur, ut foetida & volatilia fiant; residuum verò oleum, mobilissimis his partibus orbatum, terrestri & fixiori humorum parti unitum, tenacissimam faciem constituat. Omnia ergo & hæc contingunt, ubi gangræna confirmata partem occupat; & partes mortuæ postquam mobilissima exhalaverunt, exsiccantur durum sæpe & coriaceum tegumentum formant; quam escharam gangrænosam vocant. Sed sub hac eschara vivæ partes sepultæ hærent: si ergo tunc arterias stimulo, vel per cardiaca, frictions, aut calorem externum motus liquidorum multùm augeatur per viva adhuc vasa, illa ad duram hanc & inperspirabilem crustam comprimuntur, & atteruntur; unde nova inflammatio in his fiet, citò iterum in gangrænam tendens, adeoque augebitur brevi, in sphacelum usque, malum, dum ad ossa usque omnia perfectâ morte destruantur; vel putredo mota in panniculo adiposo versus vicina loca propagabitur, sicque proserpet gangræna. Hoc pulcherrimè expressit *Celsus* loco illo in *Commentariis* §. 429, citato. Postquam enim dixerat, de gangræna agens, quòd caro illi ulceri vel nigra, vel livida sit, sed sicca & arida; proximæque cutis plerumque pustulis subnigris impleatur, &c, addit sequentia, (a) *Omniæque ea simul serpunt; ulcus in locum pustulosum: pustulæ in eum, qui pallet aut livet: pallor aut livet in id, quod inflammatum est: inflammatio, in id quod integrum est, transit.*

(a) Medicin. Lib. V. cap. xxvi. n.º xxxi. pag. 301.

§. 443. **I**DEO totus scopus hoc casu (442) separare mortuum à vivo.

Cùm enim nulla ampliùs circumductio humorum per partem sic affectam superfit, neque illa reslitui possit, uti ex modò dictis patuit; unicum tantùm superest in Arte remedium, nempe ut tollatur illud mortuum, ne vel pressione suppositis vivis partibus noceat, vel suo contagio inficiat vicina.

§. 444. **S**EPARATIO hæc fit semper vi vitalis liquidì ruentis ad fines gangrænosa eschara, ibidem suffocati, sicque in suppurationem (347) acti, unde solvuntur fibræ necientes gangrænam parti sanæ.

Sed quomodo fiet hæc separatio mortui gangrænosi à vivis partibus contiguis? Vitalis humorum per vasa motus in partem mortuam agere non potest, quia in illa absolutè deficit, neque interim spontaneâ mutatione illius mortui hæc separatio obtineri poterit; in cadavere enim nunquam observatur. Superest ergo tantùm ut pars viva crustæ gangrænosa contigua ab illa secedat. Semper autem observatur, quamdiu vitales functiones validæ sunt, in illo loco, ubi gangrænosa crusta vivas partes tangit, rubor & inflammatio; quia in illo confinio vivi & mortui humores per vasa viva allati sistuntur, cùm non possint per crustam gangrænosam transire. Sed inflammatio illa hic nata per resolutionem curari nequit, quia non possunt referari obstructorum vasorum fines; unde vel in gangrænam, vel in suppurationem tendet, (scirrhus enim in hoc casu non metuitur). Omne ergo Artis molimen huc dirigendum est, ut in hoc loco suppuratio fiat; quæ obtinebitur, si illæ adsint conditiones, vel sponte vel per Artem, quæ §. 387, recensentur. Vitalis ergo motus sic moderandus erit, ut major sit quàm in sanitate, nec nimis tamen; humoribus lenitas concilianda; putredo præcavenda. Tunc enim continuâ arietatione liquidorum vitalium, quæ per vasa viva & pervia usque ad locum gangrænosum pelluntur, sensim solvuntur latera vasorum, & separabitur cohesio inter vivum & mortuum: ex solutis vivorum vasorum extremis effundentur humores, qui, uti dictum fuit in *Commentariis* §. 387, in pus mutabuntur. Cùmque pars gangrænosa mortua, nullis ampliùs liquidis vitalibus irrigata, mobilissimis partibus distatis, aeris ambientis & vivarum partium vicinarum calore exsiccetur; contrahetur in omni dimensione, sicque secedet à vivis partibus adhuc magis, simulac incipiunt vasorum vivorum extrema per suppurationem solvi. Oritur tunc rima, quæ perfectissimè omne mortuum gangrænosum separat à partibus vivis, tuncque nullus ampliùs metus superest, ne gangræna proferpat: sed eschara gangrænosa insulæ instar inter medias partes vivas hæret: inferiori parte plerumque diutius affixa adhuc manens, licet in reliquo ambitu jam soluta fuerit; donec tandem, iisdem causis pergentibus, quotidie magis contrahatur; tandèmq; soluta penitus excidat, & purum ulcus relinquar. Suppurationem autem esse unicam naturæ humanæ methodum, per quam à vivis partibus separantur illa, quæ sic corrupta sunt, ut vitæ & sanitatis legibus

obedire ampliùs nequeant; dictum fuit in *Commentariis* §. 158. no. 7, & ibidem *Hippocratis* auctoritate confirmatum. Qui plùs hic sapere voluerunt, putantes, quòd secundo, urendo, corrodendo possent citiùs perficere hanc separationem mortui gangrænosi à vivis partibus, erraverunt certè. Omnibus enim his modis vel relinquitur pars mortui, vel unà cum mortuis destruuntur viva vicina. Dum enim butyro antimonii, vel caustico liquore ex argento vivo in aqua forti soluto (quem *Bellosius* (a) adeo laudat) tangitur gangrænosi loci illa pars, quæ vivis partibus proxima est, poterit aliquando impetrari, ne prosperens putredo vicina afficiat, sed nunquam sic fiet separatio mortui à vivo. Quidquid enim de vivis partibus tangitur acerrimis his corrosivis, illico moritur, & per suppurationem postea separari iterum debet à partibus vivis. Totum ergo, quod per hæc obtineri poterit est, ut sic putrido gangrænoso undique circumscindatur limbes, in quo partes mortuæ quidem sunt, sed concentratissimis illis acidis spiritibus sic penetratæ ut omnem putredinis progressum impédiant. Sicque inter partes vivas & gangrænosum corruptum medius limbus ponitur, qui omne commercium inter vivas partes & putridas gangrænosas tollit. Ipse autem ille limbus mortuus est, & separari debet à vivis partibus, quibus cohæret; quæ separatio à sola natura perficitur per suppurationem factam, ut statim dictum fuit.

Docuerunt Observationes Chirurgicæ, scarificationes partium gangrænosarum sæpe prodesse, ut vis antiseptica remedium profundius penetraret, omnique putredo arceatur: sed simul constat iisdem Observatis, semper nocere illam methodum, quâ gangrænosa cultro resecantur à vivis partibus. Toties jam laudatus Chirurgus *Lamottius* ingenuè fatetur (b), quòd tentaverit aliquoties scalpello mortua à vivis separare, cum illud in Nosocomiis sic factum vidisset à celeberrimis Chirurgis; sed semper pessimo successu. Fæminæ, dum in morbo acuto sine sensu jaceret, scæcæque clam dimitteret, oriebatur gangræna circa coccygis os. Levibus scarificationibus mali progressum tentabat impedire, sed frustra; licet etiam profundâ incisione ambitum loci gangrænosi separaret à partibus vivis, & antiseptici fomentis muniret. Rescivit postea gangrænosa corrupta, unde cogeatur ægra in latus alterutrum decumbere; cumque & sic in illis corrupta auferret iteratis sectionibus, nudavit totum coccygis os, & maximam partem ossis sacri, trochanteres ossis femoris utriusque, & partem ossium ilii; donec tandem misera hæc mulier moreretur. Additque, se sæpius vidisse hanc methodum adhibitam fuisse, sed semper inausulto eventu. Nec mirum; cum in tali casu mortuum illud gangrænosum subjectas partes vivas defendat, ne ab urina & sæcibus conspurcentur, & rodantur. Accedit, quòd, quamdiu morbus talis acutus adest cum illa insensibilitate, pondus corporis nimis diu incumbens uni parti novas gangrænas faciat in aliis locis, si situs corporis mutetur, vel crudas partes vivas, tegmine hoc gangrænoso orbatas, subito suffocet. Ubi autem leviter tantum scarificantur loca gangrænosa in talibus casibus, & fomentis efficacibus putredo præcavetur, totumque separationis opus

(a) Chirurgien d'Hôpital, part. III. chap. II. pag. 189, 190.

(b) Traité complet des Opérations de Chi-

rurg. Tom. III. Observ. ccxcviii. & suiv. pag 335, & suiv.

naturæ relinquitur; morbo devicto, & viribus vitalibus restauratis, pulcherrimus semper observatur curæ successus, etiam in sætis profundis gangrænis; ut pluribus Exemplis modò laudatus Auctor confirmat: imò fatetur, quòd sæpius viderit in pauperibus, quorum nulla cura habita fuerat sponte suâ fecisse crustas illas gangrænosas, à decubitu circa os coccygis & vicina loca natas. Probè memini, me idem frequenter observasse, licèt nullæ scarificationes adhiberentur, sed tantùm vino, aceto, & sale foverentur partes ad putredinem arcentiam.

§. 445. **ADEOQUE** patet, in eo hædere 'Artem, ut 1°. Fiant ea, quæ dicta, (433. 434. 435. 436. 437. 438. 439. 440.  
2°. Ut acceleretur suppuratio.  
3°. Ut emolliatur eschara.

Cùm ergo ex modò dictis pateat, solâ suppuratione posse fieri perfectam separationem mortui à vivo, hæc omni Artis molimine promovenda erit, & acceleranda: simulque, dum hæc expectatur & perficitur, cavendum est, ne nimia putredo hic nascatur, quæ vicina suo contagio inficiat; vel venis reforpta totum corpus turbet. De hac re autem numeris hic citatis actum est. Cùmque eschara gangrænosa, diffatis liquidissimis partibus aliquando corii exsucca rigiditatem serè acquirit; patet, illam faciliùs separari posse, si priùs humectetur & emolliatur.

§. 446. **UT** suppuratio acceleretur; conducit scarificatio putrefacti usque ad vivorum initia: sic enim, suffocatione nimia immixta loco serpentis gangrænæ fit abscessus, quo cutis & adeps gangrænosa plerumque à subjectis adhuc vivis separantur.

In quibusdam corporis locis tunica adiposa, præcipua phlegmones & gangrænæ sedes, sætis notabilem crassitiem habet; imò, licèt sætis tenuis fuerit, aliquando immeabili sanguine infarcta & inflammata in molem incredibilem distenditur. Si jam gangræna occupaverit totam hanc massam, vivi muscoli & tendines, &c. sepulti hærebunt sub hoc mortuo, neque poterunt illud amovere; unde suffocationis metus est, & magnum periculum, ne ad ossa usque moriantur omnia, & gangræna in sphacelum transeat. Ut hoc præcaveatur, scalpello solent Chirurgi sectiones facere in loco hoc gangrænoso, sibi invicem parallelas, longitudine & numero diversas, pro varia magnitudine partis affectæ. Aliquando & his addunt similes sectiones transversales, quæ priores decussant (a). Profunditas autem harum sectionum talis esse debet, ut vivas & sensiles partes subiectas non lædant, mortuas tamen quàm proximè ad viva usque dividant. Cru-

(a) Garengot, Traité des Opérations de Chirurgie, Tom. III. pag. 347.



dele enim foret & sæpe periculosum, vivas partes scalpello dividere, & longè facilius esset ingressus putridi gangrænosi, dum crudum tale vulnus allueret, quod tamen quàm maximè cavendum est. Unde Veteres jam monuerant (a) ad vivas partes usque loca gangrænosa incidenda esse. Sic & *Celsus* de curatione gangrænæ agens, sequentia habet: (b) *Quidquid aridum est, intentione quodam proximum quoque locum malè habet, usque ad sanum corpus concidere.* Ita enim spiracula quasi fiunt, per quæ vasa viva supposita emergere possunt, & removere mortua incumbentia; simulque retexere novam fabricam, ut suppleat illa, quæ gangræna corruperat. Perfectè idem hic fit quod in Historia vulnorum capitibus dictum fuit, quando nempe minutis foraminulis perterebrabatur calvaria os, ad variam profunditatem pro vario corruptelæ gradu; tunc enim per hæc puncta emergebant vascula supposita, separabantur partes ossis corrupti, & restituebantur perditæ. Præterea, divisis sic partibus gangrænosæ, facilius ingressus conciliatur fomentis illis antisepticis, & mortuæ partes undique his penetrantur, & ab omni putredine quàm efficacissimè defenduntur; simulque elcharæ emollio faciliùs poterit impetrari, dum per rimas illas applicata emollientia se undique insinuant. Postquam omnia hæc facta sunt, si vitales vires bonæ fuerint, ad omnem ambitum loci gangrænosi vivæ partes inflammabuntur, sietque suppuratio, per quam totum illud mortuum, scarificationibus sic divisum & emolitum sensim separabitur; sitque tunc ex gangræna ulcus, sed sordidum, quod tamen sic depurabitur quotidie magis magisque, dum cutis & panniculus adiposus (quæ tantum solent gangrænâ occupari, vide §. 420.) contabescunt quasi & à vivis partibus subjectis secedunt. Ubi autem gangrænâ tales partes occupat, quæ paucâ tantum pinguedine teguntur, crusta talis gangrænosa non habebit tantam crassitiem, ut scarificationes illæ requirantur; vel sine læsione partium vivarum suppositarum commodè fieri possint. Sic v. gr; dum à decubitu circa os coccygis & sacrum gangræna nascitur, rarè crassa talis crusta gangrænosa adest, quia nuda ferè ossa statim sub cute hærent.

§. 447. Q U O autem sanguis plùs in hòsce fines ruat, hirudines, cucurbitæ, & similia attrahentia sæpe applicata profunt.

De his dictum fuit in *Commentariis* §. 435. n.º. 2. Omnia autem hæc locum habent, quando vitalium humorum impetus languet; ubi enim valida febris adest simul, sæpe prodest potius nimium circulationis impetum minuere. Præterea attrahentia his locis applicata prodesse poterunt quatenus diluentium & antisepticorum remedium, quæ ore assumpta sunt, efficaciam huc versus determinant. Videantur de horum usu, quæ dicta fuerunt in *Commentariis* §. 134.

Non incongruum erit hic addere quædam de usu corticis Peruviani in gangrænæ & sphacelis curandis, cum ex Observatis recentioribus constare videatur, specificam vim in hoc cortice esse, quæ & sistitur serpentis mali progressus, & acceleratur suppuratio, per quam mortua à vivis separantur. Decem. elapsi sunt

(a) Galen. Method. Med. ad Glaucon. Lib. II. cap. 21. Churter. Tom. X. pag. 388.

(b) Medicin. Lib. V. cap. xxvi. n.º. xxxiv. pag. 303.

anni, quando celeris Northamptoniensis Chirurgus *Rushworthus*, literis ad societatem Chirurgorum Londinensium datis, corticis Peruviani usum in sistendis & sanandis gangrænis & sphacelis celebravit, sibi quoque hoc plurimis Experimentis constare affirmavit. Sequenti anno *D. Amyandus* rescripsit, quod jam septies felici successu in sphacelo usus fuisset eodem remedio, & præsertim in fene ferè octogenario, cui sphacelus ex phlegmone natus proferpebat quotidie: viginri tamen quatuor post corticem datum horis, mortui à vivis separatio, & laudabile pus apparuit. Postea & alii celebres Chirurgi suis testimoniis confirmaverunt modò dicta. Sic in homine quinquagenario, cui sine ulla causa externa in dorso pedis prope medios pedis digitos sphacelus ortus erat, mira hujus remedii efficacia apparuit. Postquam enim per octiduum sultra applicatis internis & externis remediis solitis sphacelus totum pedem occuparet, ipsum tendinem *Achillis* jam inficeretur, omnisque Medici & Chirurgi inevitabilem mortem præviderent, nihil etiam ab extirpatione partis sperantes, quia febris valida, lingua aspera & siccissima, torvus adpectus, sitis, inquietudo, &c. aderant; unanimi consensu omnium statutum fuit, in desperato hoc casu, corticis Peruviani vires experiri. Omni quadrihorio drachma dimidia corticis huic ægro data fuit, & sequenti mane, cum vespertino tempore diei præcedentis prima dosis exhibita fuisset, jam in melius omnia tendere videbantur: febris enim & reliqua symptomata mitiora erant, pacatam satis noctem æger habuerat, nullumque progressum sphacelus fecerat. Sequenti die jam aliquid humidi ex parte affecta prodibat, & tertiâ post exhibitum corticem die, bini magni abscessus ad utrumque malleolum apparuerunt; unde satis patebat nullum amplius metum esse, ne serperet malum. Cum deinde sexta quaque horâ daretur eadem corticis dosis, redibat febricula levis, neque adeo laudabile pus apparuit; unde statim quartâ quaque horâ iterum exhibebatur, & ita per viginri & octo dies perfectum fuit: deinde adhuc per quinque vel sex dies sextâ quaque horâ dabatur drachma dimidia corticis. Toro autem hujus curæ decursu æger uncias decem corticis Peruviani sumisit. Musculi omnes & tendines pedis, sphacelo jam putrefacti, aptequam cortex exhibebatur, sensim separati fuerunt: ossa verò digitorum pedis, metatarsi & tarsi nuda sic & corrupta successivè fuerunt abscissa. Post septem circiter menses tota cura absoluta fuit, tibique & fistulæ extrema firmâ cicatrice ferè integre obducta erant; potuistque ligneo cruri innitens æger incedere, & postea optimâ valetudine usus fuit (a).

Plures ibi casus recensentur, quibus constat, corticis Peruviani usum gangrænas & sphacelos cohibitos fuisse, ne vicina sana inficerent; & deinde felici separatione mortua à vivis secessisse, licet nulla omnino febris intermittens indicia forent in toto morbi decursu; & quamvis ab externa læsione gangrænâ nata fuisset: quinimo, cortice exhibitò omnia pulchre cederent, intermisso ejus usu, mox in pejus omnia vergere observatum fuit; datoque iterum cortice, felix denuo fuit successus. Bini tamen ibidem recensentur casus, quibus patet, dato quamvis cortice, periisse ægros, neque superatam integre fuisse gangrænâ. In hydropico nempe, dum puncturis crurum collectæ lymphæ parabatur exitus, sphacelus ortus fuit dato cortice quidem sistebatur malum, sed immedicabili ictero obsessus æger; morboque & remediis evacuantibus exhaustus, gangrænâ cruris alterum occupan-

(a) Philosoph. Transactions, no. cccxxvii. | pag. 643. - 652,  
pag. 429. & 434. Abridgement, Tom. VII. |

te, fato cessit, Alter casus observatus fuit, in quinquagenario viro, cui post liberaliorem bacchi usum, & inde ortam cachexiam, phlegmone pedis in sphacelum digitorum & metatarsi transivit. Frustra plurimis remediis tam externis quam internis adhibitis quotidie serpebat sphacelus, cum febre lenta, & copioso urinæ limpidioris profluvio. Tandem quartâ quâque horâ dabantur scrupuli bini corticis Peruviani; & licet in ejus usu per aliquot dies pergeretur, nihil tamen profuit nec sphacelo, nec urinæ profluvio; & ægrotus intra duarum septimanarum spatium perit.

Plures alii casus, qui corticis Peruviani vires in curandis gangrænâ & sphacelis probant, habentur in *Assir Edinburgensibus* (a). Cum autem frequentissimè gangrænâs, & aliquoties sphacelos, etiam in senibus, sine corticis Peruviani usu, non tantùm subsistisse, verùm etiam pulcherrimè separatos à vivis partibus, imò & sanatos viderim, nondum audeam ex propriis Observatis aliquid hic determinare. Meretur certè rei hujus dignitas, ut quâvis datâ occasione tentetur, quid cortex Peruvianus in his morbis valeat.

§. 448. **INCISA** (446) pars calidis liquoribus; corruptioni resistentibus (438), & duritiem escharæ (389) emollientibus (403,) fovenda.

Ut fiat separatio mortui gangrænosi à vivis partibus, quibus adhæret, pulcherrimè convenit sic emollire & humectare hanc crustam gangrænosam, ut ferè diffuat: sed dum hoc fit, putredinis semper metus est. Debent ergo talia applicari, in quibus emolliens hæc vis est, sed & simul antiseptica his miscenda sunt. Dum ergo alcohole vini, spiritu vini camphorato, & similibus solis sovetur locus gangrænosus, impeditur quidem putredo, sed indurantur omnia, & dum incisionibus satis profundis factis hæc suâ efficacîâ penetrare possunt ad partes vivas suppositas, illas emori faciunt, sicque novas crustas mortuas generant. Ubi autem emollientibus fovetur hæc loca, pauculum illud mortuum, quod in locis scarificatis vivis vasis incumbit, ita laxatur, ut ferè diffuat, adeoque vix amplius vivis vasis cohæreat, unde facillimè inde separari poterit vi vitalis humoris, per vasa viva supposita huc pulsî. In *Materia Medica* ad hunc numerum habetur liquor talis, qui potentissimè putredini resistit, simulque ibi describitur cataplasma emolliendis escharis gangrænosis inserviens; quod partim ex aromaticis antisepticis herbis, partim verb ex emollientissimis constat. Solent Chirurgi similibus cataplasmatibus, antequam applicabuntur parti affectæ, inspergere liquores antisepticos, sicque pulcherrimo effectû bina hæc adminicula conjunguntur. Simplex cataplasma ex avenæ vel fecalis farina, quæ citissimè acescunt, in lacte ebulyrato decoctis, addendo sub finem rutam recentem contritam, sal ammoniaci aliquam quantitatem, & oleum lini vel simile, ne nimis citò arefceret hæc puls, utrique huic indicationi optimè satisfacit.

(a) Medical Essays Tom. III. pag. 35 — 47. Tom. IV. pag. 47. — 65.  
Tom. I.

§. 449. **P**ARTES pendulæ, emortuæ, solutæ, emollitæ escharæ tollendæ tenaculis, forfice.

Dum omnia hæc fiunt, crustæ illæ gangrænosæ, inprimis si scarificando in plures partes divisæ fuerint, incipiunt solvi, separari à se mutuo & vivis partibus, tuncque aliquando pendulæ, paucis adhuc tantum in punctis coherent. Dum depurationi loci gangrænosus nimis student sæpe Chirurgi, avellunt hos floccos gangrænosos tenaculis, sicque sæpe dolorem faciunt; imò & circa loca tendinosa convulsionem & tetanum; dum irritant vel trahunt nudos sæpe suis vaginis mucosis tendines; uti constat Observationibus Medicis & Chirurgicis in *Commentariis* §. 164. allegatis. Quantum noceat, crudeli curâ mortuas partes, etiam nondum emollitas, sed vivis coherentes rescindere, dictum fuit in *Commentariis* §. 444. Natura toties in curandis morbis sibi sola sufficiens, perficiet, separationem mortui à vivis, quam inchoavit: totum, quod Ars potest, est, ut bono victu & idoneis remediis efficiat, ut sani humores debitâ copiâ & impetu per vasa viva huc ferantur, & continuâ quasi arietatione repellant has crustas gangrænosas, emollientibus fomentis & cataplasmatibus laxatas; simulque putredo hic metuenda caveatur antisepticis medicamentis. Quidquid autem ab omni cohesione cum vivis liberum est, tolli debet, ne diutius relictum & putrescens tenerrimis vasis suppositis noceat: si pendulæ gangrænosæ lacinæ pro parte cohereant adhuc, forfice rescindendum est omne illud, quod à vivis partibus solutum est; relinquendum autem illud, quod adhuc coheret: dum enim illud à vivis partibus avellitur, crudum vulnus, fit, sanguinem fundens, quod à gangræno tabo pessimè affici possit; facilisque foret in crudo sic vulnere putredinis gangrænosæ resorptio. Generalis ergo regula haberi potest, nihil hic tollendum esse, quo ablato dolor nascitur, vel sanguis effunditur.

§. 450. **T**OTI parti affectæ assiduò applicanda cataplasmata calida, & cum calore continuo sustentato agentia; quæ ex emollientibus, diaphoreticis, anodynis, consent.

Cùm in parte gangrænosa vitalium humorum per vasa motus nullus sit, calor inde pendens pariter deficit; adeoque calore externo supplebitur ille defectus. Facile autem patet, hoc tantum locum habere, si crassæ satis fuerint crustæ illæ gangrænosæ; aliter enim vivarum partium suppositarum calor sufficeret. Solent ideo etiam ad hunc usum cataplasmata fomentis præferri, quia pulvis illæ calorem diutius retinent, neque tam citò exsiccantur, adeoque non tam sæpe renovari possulant. Lateribus autem illis calefactis, de quibus antea dictum fuit, applicatis, commodè poterit suslineri calor. In illis autem cataplasmatibus, uti statim §. 448. dictum fuit requiritur & emolliens vis, & simul ut adsint talia, quæ putredinem arceant, & grato stimulo aromatico viva vasa parum stimulent, (vide de his *Commentaria* §. 435. n°. 2.). Varia ergo hæc esse debebunt pro diversa loci affecti conditione. Si enim ingens siccitas adsit, emollientia & humectantia quàm maximè proderunt, si autem putredinis validæ signa

adferunt antifepticorum major copia requiritur. Si pallor, frigus, inertia prædominentur in toto corpore, vel in parte affecta, aromatum stimulantium major copia proderit; & contrà si valida inflammatio circa gangrænæ limites adfit, flores sambuci, sempervivum & similia refrigerantia proderunt. Solent autem his cataplasmatibus addi anodyna, quæ doloris sensum sæpe satis molestum, dum gangrænosa eschara à vivis partibus separatur, obtundunt & leniunt. Eschara enim hæc innumeris nexibus hæret partibus vivis sentientibus: dum ergo illa sensum se contrahit, & in omni dimensione minuitur; lentà dilaceratione distrahuntur nervosæ sensiles fibrillæ in partibus vivis gangrænosam escharam ambientibus; unde dolor (vide §. 220. 221.). Patet ergo iterum, quantum usum emollientia & laxantia in tali casu habeant, cum & citius his applicatis eschara gangrænosa solvatur, & dolor à distractis fibris nervosis ortus tam pulchre leniatur per eadem, ut probatum fuit in *Commentariis* §. 228. n°. 1. Simul tamen possunt & his cataplasmatibus addi talia, quæ manente quamvis doloris causâ ejus sensum minuunt, uti v. gr; hyoscyamus, solanum Officinarium, &c. In *Materia Medica*, ad hunc numerum talis cataplasmatidis formula habetur.

§. 451. **H**UC etiam plurimum facit rarior partis detectio, quam vulgò fieri solet.

Quanta cum velocitate sæpe proserpat gangræna & sphacelus, antea Chirurgicis & Medicis Observationibus fidelissimis constitit: ob hanc causam pessima semper quævis metuentes Chirurgi partes gangrænosas sæpius inspiciunt, & merito quidem, quamdiu nondum constat, gangrænæ progressum cohibendum esse. Postquam autem crena illa; separans mortui & vivi confinia, apparuit in omni ambitu loci gangrænosi, limes positus est serpenti malo, quem nunquam transibit, quia soluta est continuïtas, quâ partes mortuæ cohærebant vivis. Nullum ergo periculum est, licet cataplasmata illa diutius maneant applicata sine renovatione; constant enim talibus, quæ putredinem hic metuendam prohibent, & continuâ hæc maceratione crustæ gangrænosæ citissime contabescunt, & suppuratio adeo hic necessaria promovebitur. Dum autem sæpius renovatur apparatus, aeris liber accessus partibus vivis, nudis jam hæc crustâ gangrænosa, nocebit, uti demonstratum fuit in *Commentariis* §. 204, præcipue si diu scrutando, & instrumentis suis depurando, loco gangrænoso notabile tempus impenderit Chirurgi, uti aliquando facere solent. Sufficit, ut Chirurgus ter quaterque in die accedens subolfaciat, an aliquid putridi deprehendat; & si nihil tale adsit, tunc totum apparatus per viginti quatuor horas relinquat.

§. 452. **U**BI, his (446. 447. 448. 449. 450. 451.) factis, eschara contrahi, scarificata tumescere, margo sana tumere, rubere, suppurari, mortuum vacillare incipit, signum est, separationem fieri, subsistere serpens malum, brevi purum futurum locum.

Postquam vitalis liquidi vi, ruentis ad fines gangrænosæ escharæ, solutæ sunt  
Z z z z ij

fibræ necientes gangrænâ parti sanæ, vasorum vivorum extrema retrahentur illâ vi, quæ explicata fuit in *Commentariis* §. 158. n°. 1, interimque eschara gangrænosa, quæ nihil ampliùs per vasa recipit, calore partium vicinarum perdet mobilissima & fluidissima; adeoque exsicabitur & mole minuetur: unde in omni suo ambitu contrahetur, & recedet à margine vivo, cui coheret: utroque illo effectu conspirante nascitur rima illa, inter vivas partes & escharam gangrænosa media, quæ limitem certissimum ponit proserpenti antea malo. In illo autem loco vasa viva, mortuo hoc tegmine libera, incipiunt perspirare, & liquores patulis suis orificiis effundere, unde tunc in rima illa humiditas apparet, quæ redeuntis vitæ in hoc loco optimum signum est. Si autem scarificationibus gangrænosa eschara divisa fuerit, paulò post & illarum fundus, qui antea siccissimus fuerat, bumescere incipiet. Facile autem hoc distinguitur ab humectatione illa, quæ fomentis & cataplasmatibus applicatis debetur. Si enim his remotis pars bene deterfa inspicitur, sicca omnino apparebit, quamdiu nondum inceperat separatio mortui à vivo; & contrâ, si jam viva vasa supposita removerint saltem pro parte mortuum incumbens, in fundo scarificationem apparebit manifesta humiditas, quæ licet prudenter deterfa fuerit, redibit illico. Paulò post incipiet suppuratio nasci: sed statim in illa rima, quæ gangrænorum mortuum à vivo margine separat, non apparet bonum pus, sed alius à conditionibus boni puris degenerans liquor; pariterque à tabo gangrænoso diversus, interque illum & pus quasi medius. Illud enim liquidum quod per vitalia vasa jam libera & aperta affertur, morâ, calore, & dissipatione vel resorptione partis liquidissimæ in pus convertitur; verum mortuum gangrænosum, in rene-n ichorem diffuens, huc se miscet. Perfectè ergo illud tunc obtinet, quod *Galenus* in loco citato in *Commentariis* §. 387, tam pulchre dixerat: nempe (a) *mixta quædam sanguinis mutatio fit, partim quidem ab ea, quæ præter naturam, partim verò ab ea, quæ secundum naturam causa est; quarum ut illa, quæ præter naturam est putrefacit; sic ista (quæ secundum naturam est) concoquit. Earum verò utravis prævaluerit, protinus indicia, tum in calore, tum in odore, tum in substantia, necessarîi consequuntur.* In initio enim separationis subrubellus ichor effluit, sed tamen crassior parum & unctuosior, sequentibus verò diebus ille magis magisque ad conditiones laudabilis puris accedit, donec tandem omnes boni puris dores habeat. Margo autem vivus, undique solutus à gangrænoso mortuo, quod illi adhæserat, se jam perfectè habet, ut labia vulneris; unde incipit tumere, rubere, dolere, calere, &c, ob rationes expositas in *Commentariis* §. 158. n°. 5. Omnia autem eadem etiam fient in partibus vivis, quæ escharæ gangrænose subjacent: nam & illæ sensim separabuntur ab hoc mortuo; unde crusta illa, quæ antea validè adhærebat, incipiet mobilis fieri & vacillare, dum digito tangitur, & levi pressione in omni ambitu liquidum sub illa collectum exit; sicque sensim, solutis omnibus nexibus, quibus mortuum hærebat vivis partibus, illud excidit; rûneque relinquit purum vulnus cum jactura substantiæ, quod repleri & consolidari debet.

(a) Prognost. Comment. I. Sentent. xliii. Charter. Tom. VIII. pag. 618.

§. 453. **T**UM lenia , anodyna , balsamica , digestiva applicanda sunt ; raro detegendum ulcus est ; omnia , quæ fibris rigiditatem dant , vitanda ; quies parti danda ; & porro instar ulceris malum pertractandum erit ( 411 ).

Postquam ergo serpens malum substat , & gangrænosa crusta , à margine vivo separata , insulæ instar inter partes vivas hæret , tunc considerandum est tamquam ulcus sordidum , quod primò depuratione , & dein perditæ substantiæ regeneratione & consolidatione indiget . Unde de gangrænæ curatione agens Celsus optimè dixit : ( a ) *postea si vitium constitit , imponi super vulnus eadem debent , quæ in putri ulcere prescripta sunt* . Sed depuratio hujus ulceris consistit in eo , ut tam citò , quam fieri possit , excidant gangrænosa crustæ , impetu vitalium humorum per vasa allatorum separatæ à partibus vivis , quibus adhærebant . Hoc autem obtinebitur inprimis talibus remediis , quæ gangrænosas illas crustas laxant & emolliunt . Mollissimum hinc unguentum aureum , basilicum , sive tetrapharmacœon , ab ingredientium numero dictum , butyrum recens , &c . tanti hic usûs sunt . Neque metuendum est , ne vasa viva emolliatissimis his nimis laxata in fungosam dictam carnem degenerent ; impedit hoc enim his incumbens crusta gangrænosa ; quæ ablata , & puro sic reddito loco , applicantur talia , quæ blandè roborant , & nimiam vasorum dilatationem coercent . Sed & simul hæc emollientia anodyna sunt , ob rationes dictas in *Commentariis* §. 450 . Si autem pro parte jam separatis crustis gangrænohis vasa vivâ nuda incipiant nimis attolli , mastiches pulvis inspersus his locis facillè hoc tollet ; dum interim eadem emollientia reliquis plagæ partibus imponuntur . Rara detectio loci affecti quàm maximè proderit , uti §. 451 , dictum fuit . Omnia autem spirituosâ , ut alcohol vini , spiritus vini camphoratus , theriacalis , &c . putredinem quidem prohibent , sed curam retardant , dum fluida coagulant , & fibras solidas faciunt rigidissimas , adeoque difficiliùs separabitur mortuum à vivis , cùm solidarum partium per hæc augeatur cohesio . Idem continget , si acris lixivii , salis marini , ammoniaci , &c . pars gangrænosa continuò foveatur : notum enim est quotidiano Experimento , carnes animalium , muræ immerfas , indurescere . Sufficiens ergo modò dicta . Sed & quiescere pars debet , ut meliùs in situ maneat apparatus ; atque etiam , ne , motâ parte , pulpola illa & mollia vasa atterantur ad gangrænosas escharas , sicque destruantur . Reliqua autem quæ requiruntur ad integram curationem gangrænæ , postquam omni mortuo separato purus factus est locus ; intelliguntur facillè ex illis , quæ dicta sunt in *Commentariis* §. 411 , ubi de curatione ulceris aperti agebatur .

§. 454. **S**I ab impacto acri , gelu , gangrenâ ( 427. n°. 6. ) ; pars nive impoſita , vel impoſitis linteis aquâ gelidâ humectatis , operiendâ erit , donec , spiculis frigoris in nivem vel aquam receptis , iterum solvi incipiat , redeunte vitâ .

Absoluta jam foret gangrænæ curatio, quæ in omnibus casibus locum haberet, nisi observaretur quædam gangrænæ species, quæ à frigore ingenti nascitur (vide §. 422 lit. 7.). Hujus gangrænæ signa diagnostica enumerata fuerunt §. 327. n°. 6. Si autem cura hujus gangrænæ tentaretur methodo hætenus descriptâ, pars affecta citò & certò ad ossa usque sphacelo corrumperetur, & de corpore decideret; ut in Borealibus regionibus, & etiam in his, tristibus Exemplis toties constitit, dum acerrima sæviebat hyems. Omni ergo curâ hæc gangræna à reliquis distinguenda erit: quod faciliè fieri poterit, si ad causam prægressam, & signa præsentis hujus gangrænæ attendatur.

Frigus meram tantùm caloris privationem esse, voluerunt Scholæ; adeoque à frigore orta mala calore applicato curari posse crediderunt multi. Sed si considerentur frigoris effectus, videtur illud non esse privationem simpliciter, sed potius ens Physicum distinctissimum ab omni alio. *Helmonsius*; qui ubique in Scholas acerrimè invehitur dicit (\*) quòd dum vir juvenis descenderet manè ex Alpibus perpetuâ nive tectis, tamen in illo cervicis latere; quod solem respiciebat, vesicas amбуllis similes habuerit. Unde conclusit, in eodem loco, tempore, & subiecto (aere nempe) hæreere tantum calorem, qui cutim in vesicas attolleret; simulque tale frigus, quod impediret nivis solutionem per calorem solis; adeoque poterat & frigus & calor simul existere, licet se mutuo non destruerent: hinc voluit patere, frigus non esse caloris privativam absentiam, sed ens verum. Si considerentur illa, quæ in congelationibus liquorum artificialibus contingunt, apparet, frigus habere satis mirabiles proprietates, & transire posse ex uno corpore in aliud; sicque posse augeri immaniter, dum frigidissimo v. gr; jam corpori novum continuò conciliatur frigoris augmentum. Unde acutissimus Philosophus *Reaumurius*, cui tot & tanta inventa debentur, comparavit hanc frigoris proprietatem, ignis adeo notæ virtuti, quâ à minima etiam scintilla, materiâ inflammabili, exceptâ, summus ignis excitari potest. Verùm uti requiritur ignis actualis ad producendum novum ignem hoc modo, sic etiam glacies semel facta novam glaciem producere valet (b), & admistis quibusdam salibus, &c, frigus glaciæ augeri potest quàm maximè, etiam mediâ æstate. Aqua certo frigoris gradu fluiditatem suam amittit, & in corpus solidum mutatur, tuncque glacies dicitur: & adest in hac glaciæ aliquid, quod inde exire potest, & corporibus contiguis solidis liquidisque insinuari. Si enim v. gr; glacies, illum frigoris gradum habens tantum, qui requiritur, ut non diffluat in aquam, miscetur sali marino, augetur frigus; & uti docuerunt Observata, illud frigoris augmentum tantum fit, quando glacies incipit deliquescere (c): si tunc huic miscelæ ex glaciæ & sale marino immergatur vasculum aquam continens, illa in glaciem mutabitur multò frigidiorẽ ad thermometrum, quàm erat prior illa glacies, cujus miscela cum sale marino frigoris illud augmentum factum fuerat. Sicque repetitis vicibus glaciem sic factam cum sale marino miscendo poterit frigoris gradus augeri immaniter; uti pulcherrimis Experimentis in *Adis Parisinis* loco modò citato constitit. Hæc autem frigoris proprietates cognitæ fortè

(\*) *Ortus Medicin. Capit. Natura con-*  
*trariorum nescia*, pag. 135. n°. XXIII. XXIV.

(b) *Académ. des Sciences l'an 1734. Mém.*  
pag. 218.

(c) *Ibid. 253.*



aliquam lucem affundere poterunt illis, quæ observantur fieri in partibus corporis humani acerrimo frigori expositis. Calor corporis nostri, dum sani sumus, etiam in summo æstatis fervore, superat aeris ambientis calorem: unde patet, requiri acerrimum frigus, antequam possint partes corporis nostri gelu rigescere. Cum autem, cæteris paribus, calor minor sit in extremis partibus corporis, quia celeritas sanguinis per vasa moti minuitur in maxima à corde distantia; ideo frigoris aeris ambientis effectus in pedum manuumque digitis, nasi apice, & auriculis præcipuè observantur. Cum autem gelu aquam prius fluidam converterat in rigida spicula; pari ratione & humores nostri, qui maximam copiam aquæ in se habent, afficiuntur. Omnis ergo influxus & effluxus humorum per vasa cessabit, cum fluidi naturam amittant congelati humores; ergo aderit gangræna: ut patet ex ejus definitione data §. 419. Cum autem in minimis tunc & tenerimis vasculis conglaciata illa spicula hæreant, faciliè patet, si hæc moveantur calore subito applicato, frictionibus, &c, debere destrui omnia. Si enim supponatur, pro parte resolutis his spiculis, motum redire circulatorium in parte; necessariò omne illud, quod nondum in fluorem conversum est, illico hærebit circa vasorum angustias: cumque impetus liquidus vitalis à tergo urgentis in hæc obstacula agat, rigidis & acutis his moleculis vasorum cohesio debet destrui citissimè; adeoque brevi fiet immedicabile malum, nihilque supererit, præter corrupti & mortui à vivis partibus separationem. An non augentur hæc mala, quia salinæ liquidorum nostrorum moleculæ, per congelationem, excutuntur, & in majores massulas conrescunt; quæ mortæ antequam iterum in fluidis solvæ fuerint, rigiditate suæ molis & figuræ pariter nocere possent? Saltem hoc Experimenta docent, aquam sale gravidam non nisi majore frigoris gradu congelascere; & antequam congeletur, sale inde excuti & in fundo colligi.

Docuerunt jam Observaciones, in frigidissimis regionibus satis frequentia hæc mala felicissimè sanari, si partibus congelatis applicetur aqua frigidissima, congelationi proxima: tunc enim causa illa Physica, quæ in partibus conglaciatis fluida fecerat converti in rigidam glaciem, inde educitur, & aquam proximæ parti contiguam conglaciat. Hoc modo liquidus pristina redit fluiditas, quibus per cardiacam stimulantia, frictiones, &c, tunc tutò conciliatur motus. *Hildanus* sic refert (a) Septentrionalium plagarum incolas, dum vesperi domum redeunt, prius nive perficere manus, extremum nasum, & auriculas antequam ad ignem accedunt, vel vaporarium ingrediuntur. Imò ex relatione viri fide dignissimi narrat, quòd viator, qui in itinere frigore obriguerat, cum quasi mortuus ad diversorium deduceretur, hospes illum demerserit illico in frigidam aquam, quo facto, undequaque spicula glacialia exiverunt, sic ut totum corpus glaciali tali crusta tectum undique conficeretur. Postea exhibitò ampliore cyatho hydromelii cum pulvere cinamomi, macis & caryophyllorum in lecto sudor provocatus est; sique convaleuit, amissis tamen manuum & pedum extremis articulis.

§. 455. **A**LITER enim caloris applicatu pars putrescit, actis, nec educis spiculis.

(a) De gangræna & sphacelo cap. XIII, pag. 724

Dum enim, nondum eductâ illâ causâ Physicâ, quæ congelationem fecit, conciliari motus per calorem externum spiculis illis glacialibus, destruuntur tenerima vasorum omnium flamina; uti statim dictum fuit. Pulchre hoc apparet in pomis congelatis: si enim illa igni admoveantur, ut regelascant, omnem saporem perdunt, & in mollem pulpam conversa corrumpuntur brevi. Si autem frigidissimæ aquæ, & tantum non congelatæ immergantur, pulchro spectaculo crusta glacialis undique hæc poma tegere incipit; quâ deciduâ, iterum aquæ simili immerguntur; illudque repetitur, donec nulla amplius glacies ex pomis his prodire deprehendatur: deinde deterfa & siccata pristinum saporem retinent, & diu servari possunt. Idem fit & in corporis humani partibus, summo gelu confectis, si imprudenter calori exponantur, antequam glacialia illa spicula, nivis vel aquæ gelidæ applicatione, educta fuerint: corruptæ enim verosphacelo tales partes decidunt. Videretur jam hoc monuisse Hippocrates, dum dicit: (a) jam verò etiam quibusdam pedes perfrigerati deciderunt ex calidæ affusione.

§. 456. **E**O autem peracto (454) calidis refocillandus, cardiacis; & in sudorem usque calefaciendus æger est.

Postquam eductis glacialibus illis spiculis nullus metus est, ne excitato motu partes destruantur, tutò dantur talia, quæ in parte affecta, & in toto corpore majorem paulò excitant motum, & æquabilem calorem diffundunt per omnia. Sic enim expeditissima iterum redibit humorum circumductio per illas partes, in quibus paulò antè mera stagnatio & quies aderant. Unde lenes frictions tunc commendat Hildanus (b); deinde fomenta ex lacte dulci decocto cum foliis lauri, rosmarini, salviæ, lavendulæ, &c. applicari voluit, & postea in lectum composito ægro calida sudorifera propinavit; fomentis interim illis continuò applicatis ad partes affectas, ut sic determinatio excitati motus per remedia interna potissimum versus has partes fieret. In *Materia Medica* formulæ talium remedium habentur. Solum certè ligni sassafras infusum, vili pretio parabile, potatum largâ copiâ profuisse vidi sæpius in pauperibus, qui, rigidissimâ hyeme prægressâ, in hæc inciderant infortunia.

## S P H A C E L U S.

§. 457. **S**I gangræna jam in sphacelum conversa, insectum auferendum;

Quid sphacelus sit, dictum fuit in *Commentariis* §. 420, ejusque præsentis signa enumerata fuerunt §. 429; patuitque ex illis, nihil aliud tentari posse;

(a) De liquidorum usu cap. 1. Charter. *Tome VI*, pag. 444.

(b) De gangræna & sphacelo cap. XIII, pag. 793.

quàm ut auferatur illud, quod sphacelo corruptum fuerit. In gangræna incipiente adhuc aliqua spes erat, facili correctione posse superari malum, si subito efficacissima adhiberentur auxilia ( vide §. 441 ); ubi autem ad ossa usque omnia emortua sunt in sphacelo, nunquam poterit redire in has partes vita; adeoque unica tantùm indicatio curatoria superest, nempe ut mortuum naturâ, vel Arte, à vivis separaretur. Mira Historia, in *Commentariis* §. 429. n°. 4, enarrata, de anu illa, quæ crus sphacelo affectum per plures menses gessit spiritu terebinthinæ conditum, docet quidem, in exsucto tali corpore potuisse caveri putredinem sic in parte mortua, sed tamen hæc non erat sphaceli curatio, quæ semper separationem omnimodam mortui à vivis partibus requirit. Quinimo in loco ibidem citato habetur, quòd etiam in decrepita hæc ætate natura separationem mortui à vivis partibus molita fuerit. Postquam enim per quinque integros menses lecto affixa fuerat, sponte notabilis fissura apparuit in confinio mortui & vivi; perfectam tamen separationem corruptæ partis in ultimo illo senio nullus expectare poterat, & mors brevi post secuta fuit. In sanis tamen, & in flore ætatis constitutis hominibus, sponte separatas cecidisse partes sphacelo infectas, constitit Observatis certissimis, in loco modò citato, uti etiam in *Commentariis* §. 432, enarratis. Naturæ ergo ductum sequuntur Medici & Chirurgi, dum sphacelatas partes tollunt, & quidem quàm ocyssimè, si talis conditio ægri fuerit, ut & ferre possit illa, quæ ad hanc ablationem requiruntur; & spes sit illum superstitem esse posse, postquam hæc facta fuerint. Licet enim in raris casibus sponte ceciderint partes corporis sphacelo corruptæ, tamen longè frequentius solet prosperare hoc malum, & vicina viva depascere; adeoque tutius & melius videtur, illico rescindere mortuum, ne partes sincere trahantur. Ubi verò sphacelus non progreditur amplius, tunc sine periculo licet expectare per aliquot dies salutaria hæc naturæ vincentis molimina; modò interim antisepticiis remediis partes condiantur, & ab omni putredine servantur. Præcipuè, si talis fuerit partis affectus conditio, ut non multum damni sequeretur, licet aliquem adhuc progressum sphacelus faceret. Ut v. gr; si pedis inferiora sphacelata essent, nisi citissimè ascendant sphacelus, sine periculo expectari hic potest sæpe per aliquot dies, cum exstirpatio in hac parte sub genu semper fieri debeat; uti postea dicitur in *Commentariis* §. 468.

**Q**UÆ ablatio diversa, prout pars vel tota; vel pro parte affecta, vel prout tota tolli non potest ob situm; ut nates, &c.

Cùm in ablatione infecti, uti postea dicitur §. 467, sanum quàm maximè conservandum, omnéque corruptum tamen integre auferendum sit, patet faciliè, magnam hic difficultatem occurrere in curatione, si membrum aliquod, brachium v. gr; integre corruptum fuerit, vel tantum pro parte. Præterea exstirpatio propriè dicta, quâ tota pars affecta tollitur, locum tantum habet in extremis corporis, non autem in aliis locis. Unde v. gr; dum ab decubitu diuturno in morbis omnia circa os sacrum & coccygis vero sphacelo corrumpuntur, faciliè patet, situm harum partium non permittere, ut rescindantur omnia mortua una cum

offibus, sæpe tunc etiam affectis. Idem verum est, si ab eadem causa, circa prominentes vertebrarum spinas, scapularum eminentias, ossium femoris trochanteres majores, &c, simile malum oriatur.

§. 459. **S**i ergo pars non usque in fundum corrupta; aut extirpari nequit, conamur, 1. Progressum impedire. 2. Corruptum auferre.

Accidit aliquando, ut, panniculo adiposo ad enormem crassitiem distento & gangrenoso facto, omnia ad ossa usque omnino emortua credantur, licet tamen aliquid vitale in subiectis partibus sæpe supersit, quod incumbente hoc mortuo liberatum vitam redintegrat in membro, quod extirpandum credebatur. Mirabilis talis casus in *Commentariis* §. 338, memoratus fuit, qui hoc confirmat. Licet enim, post validam contusionem anterioris partis cubiti, tota manus pallida & frigida esset, & scarificationibus etiam profundis nullus perciperetur dolor; imo per manum transfadactâ lanceolâ ne guttula quidem sanguinis exiret, tamen sensim calor & vita redierunt in hanc partem, quæ penitus mortua videbatur. Decumbent in Nosocomio ante multos annos mulier, quæ pessimam necrosim à decubitu circa os sacrum habebat, sic ut non tantum integumenta corrupta forent; verum etiam ipsius ossis sacri satis magna superficies nigresceret. Cum jam sæpe desperaret de sanatione tanti mali celeberrimus *Boerhaavius*, qui ejus curam habebat, incepterunt lamellæ corruptæ ab osse sacro separari, & vivum os suppositum vasis emissis retexit novum periosteum, sicque ad cicatricem perductum fuit tam grave malum. Ubi ergo aliqua adhuc spes superest; nondum omnia penitus corrupta esse; vel conditio loci extirpationem mortuæ partis vetat, tunc binæ oriuntur indicationes: impedire nempe, ne mortuum vicinas partes vivas inficiat, & progrediatur; & deinde separare omne illud quod corruptum erat.

§. 460. **P**ROGRESSUS tollitur, si communicatio mortui cum vivo aufertur.

In parte sic mortua omnes humores quiescunt in vasis suis, vel his ruptis effusi stagnant. Quamdiu autem inter mortuum & vivum cohesio manet, liquida allata per vasa adhuc viva sistuntur illo in loco, ubi sphacelus incipit; adeoque & suffocabitur motus in parte viva in vicinia mortui, sicque propagabitur malum. Neque poterit hoc impediri, nisi tollatur vivi cohesio cum mortuo; quod simulac factum est vel naturâ, vel Arte, per vasa viva abrupta exibunt humores, extrema vasorum soluta retrahentur, rima fiet mortuum à vivo separans, neque tunc amplius proserpet sphacelus, licet etiam plurimæ concurrant causæ, quæ sphaceli propagationi quam maximè favent. Docuit hoc sequens casus, satis singularis. Miles furti reus, ut supplicium evitaret, ex castelli muris precipitem se dedit, pedesque sic rupibus impegit, ut non tantum illos luxaverit, verum etiam binas fracturas habuerit cum vulnere. Cum pauci tantum milites adessent, nullus erat in hoc loco Chirurgus; unde miser ille

sine ullo auxilio Artis per quatuor menses jacuit, stramine incumbens, & solo pane & aquâ vivens. Non mirum ergo, quòd gangræna & dein sphacelus utrumque pedem occupaverit. In calamitosissimo hoc statu tamen separatio mortui à vivis partibus facta fuit in utroque pede paulò supra malleolos, & circa hunc locum partes vivæ tumentes protuberantem formabant annulum, qui sic coercuit sphacelum, ut nullo modo prosperferit ampliùs; licet omne illud, quod hâc annulis supponebatur, teterima purredo depasceret, quæ talem mephitim spirabat calidissimâ anni tempestate, ut totum castellum inficeret, unde congebantur illum ad Nosocomium proximæ urbis deferre. Resecuerat miser homo cultello, quem habebat, sibi ipsi dextrum pedem, circa articulum tibie cum tarsi ossibus, sine ullo dolore, aut hæmorrhagiâ; atque dum ad Nosocomium transportabatur, magna pars sinistri pedis defluerat: & licet in itinere intolerabilem sœtorem spargeret, ubicumque transiret, instar putridissimi cadaveris, limites tamen per separationem vivi à mortuo à natura positos nunquam transgressus est sphacelus. Cùmque tibie & fibulæ extrema nuda omnino corrupta forent, utriusque cruris extirpatio facta fuit, & postea satis brevi tempore convaluit (a). Patet ergo, sphaceli progressum tolli, si communicatio mortui cum vivo auferatur.

§. 461. **I**D fit, si in vicinia fani & mali limes ponitur secando, urendo, rodendo; isque undequaque satis profundus.

Ars naturam imitando conatur tunc limitem talem ponere, quo impediatur mortui progressus & communicatio cum vivis partibus. Sed nunquam hoc poterit fieri tam accuratè per Artem, ac quidem à natura factum observatur, quæ omne mortuum perfectissimè à sanis & vivis partibus secedere facit, interlimque omne vivum servat illibatum. Ubi enim cultro, igne vel erodentibus hoc fit, semper relinquitur pars mortui, vel destruuntur viva simul. Probatum enim fuit in *Commentariis* §. 444, solâ vitalis liquidi, ad fines corrupti ruentis, efficaciam solvi nexus illos, quibus mortua cohærent vivis, & deinde blandâ suppuratione separari undique hæc & excidere. Quàm proximè autem ad partes vivas, sed in mortuis tamen, convenit igne vel cultro limitem illum ponere. Cùm enim in hoc casu omnia nondum in fundum usque corrupta supponantur, vel talis partis affectû conditio fuerit, ut integre tolli nequeat; crudele foret vivas partes sic destruere, atque inde summi dolores inflammationes, &c, nascerentur, imprimis cùm in sphacelo satis profundè hæc penetrare debeant. Verum quidem est, quòd sic pars mortui vivis affixa relinquatur: sed tamen omne illud corruptum, quod ponè hunc limitem hæret, non ampliùs putrido contagio nocebit sanis partibus, & pauculum illud mortui relictum sic condiri poterit antisepticis remediis, ut omnis putredo caveatur. Dùmque in omni ambitu loci, sphacelo infecti, talis limes per Artem fit, & profundis scarificationibus dividitur reliqua superficies, longè profundius penetrabunt applicata remedia; adeoque nullus putredinis metus supererit, utique expectari poterit separatio perfecta mortui à vivis partibus, quæ soli naturæ debetur. Potest jam secando talis limes poni, vel & ferro ignitio; ut

(a) Belloste Chirurgien d'Hôpital, Partie III, Chap. xv. pag. 261. & suiv.

etiam causticis illis liquoribus, qui uno momento destruant omnia, quæ attingunt. Solutionem meracissimam argenti vivi in aqua forti factam laudavit *Bellosius* (vide *Commentaria* §. 444.). Butyrum antimonii præferunt alii; inprimis si rectificatione, tenuè instar aquæ & limpidum redditum fuerit; tunc enim poterit hoc liquido acerrimo, penicilli ope, pro lubitu in omni ambitu sphaceli talis limes circumscribi. Inprimis autem laudatur in his casibus illud remedium, quia constat salis marini spiritui concentratissimo, parti regulinæ antimonii unito; spiritus autem salis marini incomparabile ad omnem putredinem coercendam & corrigendam remedium est; unde tam pulchrum usum in sanandis gingivarum gangrænis habet, uti in gangrænæ curatione dictum fuit. Verùm, uti jam sæpius monitum fuit, per hæc non fiet separatio mortuorum à vivis, sed tantùm inter sanam partem & sphacelum. interponitur limbus, qui & ipse mortuus est, & separari postea debet; atque interim tamen communicationem vivi cum mortuo tollit. Pulcherrimè certè erodentium medicamentorum vires notavit *Celsus*, dum de carbunculi curatione agit, dicens (a) *sequitur enim sub medicamentis erodentibus crusta; quæ undique à viva carne diducta, trahit secum, quidquid corruptum erat.* Optimè enim notat, mortuam talem crustam nasci quidem ab erodentibus, sed illam tamen postea à vivis partibus separari: hæc separatio ergo non ab erodentium vi pendet, quæ jam dudum evanuit, antequam illa fiat.

§. 462. **INFECTUM** separatur; si, impedito progressu (461) prius, vel simul dum id fit, tota pars usque in fundum sanum uritur, secatur, dein acri lixivio calidè applicato eroditur, donec in escharas, assiduè emolliendas (403), & tollendas, usque ad viva consumatur, eximatur; vitæ summa cum cura vivis.

Cùm sphacelus tunc adesse dicatur, quando ad ossa usque omnia mortua sunt (vide §. 420.) debent omnia hæc corrupta auferri quàm ocysimè, ne illud, quod in osse vel periosteò adhuc vivum manlit, suffocent, vel putredine corrumpant. Sed sphacelo affectæ partes mortuæ sunt, neque magis afficiuntur à remediis applicatis, quàm cadaver; unde vel secando, vel urendo, hæc tolli debent; vel talibus erodentibus, quæ per calorem externum actuosa fieri possunt etiam in cadavere. Docuit enim *Petitus* (b) cauterium potentiale Chirurgorum, cadaveri applicatum, vix ullum effectum fecisse, licet per quindecim horas cuti contiguum mansisset, & diffluxisset; uti semper solet, quando acri exponitur. Ubi verbò linteis calidis applicatis continuò fovisset locum cadaveris, cui cauterium potentiale applicabatur, post quindecim horas invenit cutim, pulsit instar; mollem redditum fuisse, atque vim remedii per cutim ad pinguedinem penetrasse. Summo ergo cum fructu ad tollendas partes illas mortuas poterit applicari vulgare illud cauterium Chirurgorum potentiale, quod ex lixivio calcis vivæ & cinerum clavellatorum inspissato fit; vel & ipsum illud lixivium adhiberi possit; & si vicinarum partium vivarum calor non sufficiat, externus calor adhibeatur: sic

(a) Medicin. Lib. V. cap. xxviii. n°. 1.  
pag. 316.

(b) Académ. des Sciences l'an 1732. Mém.  
pag. 315.

parvo temporis spatio partes mortuæ in escharas convertuntur; quæ mollißimæ unguenti vel butyri applicatione emolliæ, commodè tolli possunt; & deinde idem remedium iterum applicetur eodem modo, donec omne illud mortuum sic consumtum fuerit ad viva usque. Quia autem in omni sphacelo semper putredinis metus est, viderentur acida corrosiva potiùs convenire, quàm lixivium illud ex calce viva & sale alcalino paratum, quod sales nostrorum humorum illico volatiles alcalinos reddit & putridos. Sed si consideretur, sphacelum ad ossa usque penetrare, atque acida inprimis acerrima illa, ossibus semper nocere, faciliè patet, quare acidis hic potiùs abstinendum sit: si dentes Agyrtæ solent spiritu vitrioli attingere, & statim dealbare, sed post aliquot septimanas incipiunt flavescere, tandèmq; nigrescunt, & frustillatim excidunt, vitali horum fabricâ destructâ per acidum illud vitrioli. Unde ad limitem ponendum inter mortuum & partes vivas præfertur acidum illud salis marini concentratissimum, quod in antimonii butyro adest. Ut autem illud mortuum citissimè in escharas convertatur & separetur, conducet potiùs lixivium illud acerrimum alcalinum. Ubi autem, partibus mollioribus sic consumtis, in osse ipso aliquid vitium apparet, quod ex mutato ejus colore faciliè patet; tunc illa oportet adhibere, quæ in vulneribus capitis laudata fuerunt; quando nempe ipsum calvariæ os malè affectum erat. Vide §. 249. 250. 251. 252. 253.

Cùm autem omnia hæc remedia acerrima sint, & momento temporis serè destruant partes, quas attingunt, patet, summâ cautelâ opus esse, ne unâ cum mortuis destruantur & viva. Et quia in vero sphacelo nihil vitalis sæpe superest præter ossa & periosteum ipsis incumbens; imprudenti similium applicatione possent & hæc lædi, unde postea difficillimæ curationis tædia nascentur; cùm corruptarum in osse partium separatio sæpe satls multum temporis requirat, uti postea in capitulo *de morbis ossium* latius dicitur. Præterea, dum in profundum usque penetrant hæc remedia, tendines nervi, & niembranæ tendinosæ vicinæ adhuc vivæ his lædi & irritari; hincque iterum pessima mala fieri possent, uti dictum fuit §. 163.

Præterea notandum est, hanc erosionem per corrosiva non requiri, nisi magna sit crassities partium mortuarum, aliter enim tutò sine his cura perficitur. Sic dum à decubitu circa os sacrum & coccygis sphacelus factus fuit, solent partes mortuæ nigrescere, & instar corii siccissimi arefcunt; cùmque nulla hic panniculi adiposi crassities sit, vix possent hæc applicari sine periculo læsionis ossis suppositi. Dum autem in tali casu subinde vino, aceto & sale foventur partes, & deinde simplici plumbato emplastro teguntur, morbiq; impetu remisso corporis situm sæpius mutant ægri, & fæces & urinam retinent, quibus antea conspuebantur hæc loca; sponte separatur omne mortuum, & felicissimè cura perficitur; uti sæpius vidi, & in *Commentariis* §. 444, dictum fuit.

§. 493. **U**BI dein sanitatis & vitæ indicia redeunt, curandum ut ulcus, vulnûsve.

Ubi abolitus est influxus vitalis humoris in arterias, ejusdèmq; effluxus per venas, tunc mors pars adesse dicitur (vide §. 419,); signa ergo redeuntis vitæ

A a a a iij

erant illa, quæ docent , humores iterum influere per arterias, effluere per venas, id est, circuitum liquidorum restitutum esse, vel saltem incipere restitui. Sed hoc nunquam fiet in illis partibus, quæ vero sphacelo corruptæ sunt, sed tantum in suppositis vel ambientibus. Si ergo vel scarificando, vel erodendo, pars mortui & corrupti ablata fuerit, vel divisa ad confinia vivorum usque, simulac vita suppositarum partium incipit prævalere, humescunt rimæ illæ, quæ antea siccissimæ fuerant, & in omni ambitu sensim secedet mortuum à vivo; ut dictum fuit latius in *Commentariis* §. 452. Nullus tunc amplius metus est, ne sphacelus proferpat, sed considerari potest, ut ulcus sordidum, quod post depurationem corruptarum partium per benignam suppurationem ad conditiones puri vulneris deducetur, adeoque & similem curationem requirit. Notandum tamen postquam purus fuerit talis locus, mollissima inprimis balsama prodesse, ut, quantum fieri possit, restituatur jactura perditæ substantiæ: de qua re vide §. 190, & sequentes.

§. 464. **SI** verò pars extrema in os usque sphacelata tolli potest; salvâ vitâ, unâ cum osse ipso extirpanda erit; quia nudum vasis nutrirî nequit, neque vivere potest.

Methodus modò explicata tantum locum habet in illis corporis locis: in quibus pars affecta integre tolli nequit; vel ubi nondum omnia penitus corrupta sunt. Verum ubi in parte extrema corporis ad os usque omnia emortua sunt, nihil aliud (ut dictum fuit in *Commentariis* §. 432. n°. 1. ex *Celfo*) quàm (a) *miserum illud, sed unicum auxilium est, ut cætera pars corporis tuta sit, membrum, quod paulatim emoritur, abscindere*. Si enim, verbi gratiâ, brachium sphacelatum fuerit ad ossa usque, quid prodesset acri lixivio corruptas carnes erodere, & tollere, donec ossa nudarentur undique, cum eadem hæc ossa, omnibus incumbentibus orбата, mori debeant, & nullus sit postea talis membri usus? Ubi autem à decubitu, corruptis omnibus incumbentibus, os sacrum vel coccygis nudatur, alia res est: tunc enim exterior superficies tantum nuda est; reliqua verò horum ossium pars à partibus lateralibus & suppositis vivis per vasa humores recipit; unde facillè vita sustineri poterit in his ossibus, imò & corruptum quid si fuerit in ipsa horum ossium substantia, separari poterit; & restitui illud, quod sic perierat. Quamvis autem ratis quibuscumque casibus consisterit, sponte suâ cecidisse partes sphacelatas aliquando, & naturam solam, sine ullo etiam Artis auxilio, curam perfecisse, tamen inde concludi nequit, extirpationem non requiri, ubi sphacelus extrema occupat. Generalis enim hæc regula obtinet, sanas partes quàm maximè conservandas esse: sed sphacelus sibi relictus proferpat, & vicina depascitur; imò, antequam sponte sistatur, sæpe tam altè adscendit, ut extirpatio non nisi summo cum periculo fieri possit, quæ antea longè tutius instituta fuisset. Videantur illa quæ dicta sunt in *Commentariis* §. 432, ubi agebatur de axioma illo Practico, & sphacelum illico extirpandum esse concluderetur: ibi enim pluribus de hac re actum fuit.

Seriò tamen examinari debet priùs, an quidem spes sit, salvâ vitâ, extirpationem partis sphacelatæ institui posse. Si enim à latente causâ interna ortum duxerit



sphacelus, citòque progrediatur, æger debilis sit, vel provectæ admodum ætatis; satis patet, nihil sperandum esse ab exstirpatione, quæ tunc plerumque & Arti, & Artifici, vituperio esse solet. Et si ullibi, certè in hoc casu, locum habet regula *Celsi*, quodd nempè sit (a) *prudens hominis primum eum, qui servari non potest, non attingere, nec subire speciem ejus, ut occisi, quem fors ipse interemit.* Nunquam quidem caret periculo exstirpatio extremæ partis corporis, licet & in sanissimo cæteroquin homine, & à dexterrimo fiat Artifice. Verùm hîc quoque nihil inereſſi an satis tutum præſidium ſit, quod unicuique eſt; uti optimè dixit (b) *Celsus* de membrorum gangræna corruptorum exstirpatione agens. Hoc saltem requiritur, ut non institatur, nisi certò constiterit, spem aliquam superesse felices eventus.

§. 465. **ILLA** exstirpatione in digitis, metacarpo; vel metatarso, cuneo paragitur, & malleo.

In his enim locis ossa exstirpanda satis tenuia sunt, & possunt facillè sic uno ictu abscindi; solus metus est, ne, dum valido ictu cuneus sic adigitur, ossa findantur, & postea inde difficillima curatio fiat. Vidi tamen, felicissimè curam successisse, dum hæc methodo exstirpabatur in muliere pedis sinistri major digitus, per medium secundæ phalangæ adacto cuneo. Sed imponebatur digitus exstirpandus mollissimo ligno, deinde cuneus acutissimus & fortissimus imponebatur, & mallei plumbei unico ictu transadigebatur. Crederem satis tutam esse hanc operationem, si talibus cum cautelis fiat: ictus enim, quatumvis etiam validi, vehementia suffocatur illico, dum superius agit minimè elasticum plumbum, inferius mollissimum lignum resistit; unde non videtur ossis discissi fissura adeo metuenda esse. Dum verò forcipibus incisoriis, licet acutissimis (c), abscindebant digitos Chirurgi, majus erat fissuræ in osse periculum: non potest enim hoc fieri nisi validissimâ pressione, quæ non simul & semel, sed magis successivâ actione hoc perficit. Plurimis tamen, & quidem magni nominis Chirurgis, in usu fuit, porius acutissimo cultello rescindere in articulatione phalangarum digitorum ligamenta & reliqua incumbencia, sive sine ossis ulla læsione exstirpare partem corruptam. Sic *Dionysius* (d) hanc methodum præ cæteris adhibuit, uti etiam *Garengotus* (e) qui cautelas in hac operatione observandas addidit. *Hildanus* (f) pariter exstirpationem digitorum tenaculis incisoriis, aut cuneo & malleo, factam damnavit. Satis certè simplex hæc operatio est, si digitus sic exstirpetur: ubi verò una cum digito os metatarsi, vel metacarpi, quod ipsum sustinet, tolli debet, vel ubi integer digitus in articulatione sua cum osse metatarsi vel metacarpi abscindendus est, parum magis composita est. Tunc enim partes carnes laterales etiam discindi debent, uti facillè patet. Hoc ergo unico scalpelli ictu minimè perfici posset, & ob hanc rem *Hildanus* descripsit scalprium, vel potius cuneum alatum acutissimum, cujus ope, unicâ sectione, posset tolli integer digitus,

(a) *Medicin. Lib. V. cap. xxvi. no. 1. pag. 283.*

(b) *Ibid. Lib. VII. cap. xxxiii. pag. 497.*

(c) *Sculpt. Armament. Chirurg. pag. 41.*

(d) *Cours d'Opérations de Chirurgie, Dé-*

*monstrat. huitième pag. 498.*

(e) *Opérations de Chirurgie, Tom. III. pag. 439.*

(f) *De Gangræna & sphacelo cap. xvi. pag. 800.*

vel & simul ipsius metacarpi vel metatarsi ossis pars. Figuram illius instrumenti dedit in eodem loco (a). Scriuarii similia scalpra, sed minora, ad cavata opeta perficienda, adhibent.

§. 466. **I**N majoribus verò, ut femore, crure, humero, brachio; eget operosiore molimine, quod intelligitur ex sequentibus.

Facile apparet, quò majora fuerint ossa partis exstirpandæ, eò magis metuedam esse horum fissuram, si cuneo & malleo hæc operatio perficeretur; unde in majoribus membris alia longè methodus requiritur. Docuerunt etiam Obseruata, pessima symptomata secuta fuisse; dum rudi tali operatione tollebantur majores corporis partes. Sic apud *Hildanum* (b) habetur, quòd, cum juveni cuidam, dissiliente bombardâ, manus sinistra perfracta fuisset, barbitonsor, manu scanno impositâ, securim, quâ rustici ligna findere solebant, applicuerit illi loco, in quo exstirpatio fieri debebat; deinde jusserit cuidam ex adstantibus, ut fortissimo ponderoso fati mallei lignei ictu securim percuteret. Unico sic momento manus abscissa fuit, sed statim gravissimi dolores & vigilie, aliæque mala symptomata secuta sunt; unde quidem post longum temporis spatium evasit miser, sed tamen ob ossium comminutorum separationem tædiosa admodum cura fuit, cum vix ad cicatricem perducere potuerit locus. Alia adhuc methodus membra majora exstirpandi, quæ etiam citissimè perficiebatur, à *Leonardo Botallo* descripta fuit; & habetur etiam in *Microtechnè Johannis Hormii* (c), qui omnia Opera Medica & Chirurgica *Botalli* edidit suisque annotationibus illustravit. Construebantur binæ columnæ lignæ, ponderoso cippo infixæ, & utrimque per longitudinem interius sulcatæ. Cippo infixus erat firmiter latus culter, acie sibi sursum spectans, & alterius cultri, per sulcum, columnis insculptum, mobilis, aciem sibi oppositam habens. Imponebatur membrum detrucandum cultro inferiori, qui cippo infixus erat, illo in loco, ubi exstirpatio fieri debebat; tuncque superior culter plumbo oneratus magnâ vi per sulcos columnarum descendebat, aut gravi malleo percussus adigebatur, sicque momento temporis carnes unâ cum osse secabantur. Tunc parvo autem & momentaneo cum dolore exstirpationem talem perfici voluerunt, ut ægri hanc passi ignis scintillulam in membrum incidisse crederent illo tempore, dum omnia simul & semel dissecarentur. Satis autem patet, ossa majora & cava non posse sic discindi, nisi cum periculo fissuræ in his ossibus; & uti optimè notavit *Schelhammerus* (d) de hac re agens, quotidiana in culinis Experimenta hoc docent. Dum enim lanii, vel coqui, animalium partes securi etiam acutissimâ, & magnâ vi adactâ discindunt, ossa nequam ad perpendicularum franguntur, sed inæqualiter finduntur, vel in festucas dissiliunt. Unde eviuit hæc methodus ab *Hildano* (e) & aliis præclari nominis Chirurgis improbata. In juniorum tamen membris exstirpandis hanc methodum locum ha-

(a) De Gangrænâ & Sphacelo. cap. xix. pag. 817.

(b) Ibid. pag. 800.

(c) *Microtechnè*, Sect. I. §. 17. pag. 384. pag. 801.

(d) De humani Corporis tumoribus, part. II. no. lvi. pag. 171.

(e) De Gangrænâ & Sphacelo, cap. xviii.

bere posse innuit *Solingenius* (a), quia in hac ætate molliora ossa non tam facile finderentur.

Quânam autem methodo, & quibus cum cautelis membrorum exstirpatio tutissimè perfici possit, dicetur sequentibus.

§. 467. DEFINITUR locus, ubi exstirpatio instituenda; ex hisce:

1. Sanum maximè conservandum.
2. Corruptum accuratissimè simul & semel tollendum.
3. Usus commodissimus parti superstiti procurandus.

Postquam omnibus rite perpenfis conclusum fuit, partem sphacelo corruptam exstirpandam esse; tunc determinari debet, quonam in loco amputatio fieri debeat; hoc autem fiet ex Arte, si attendatur ad sequentia.

1. Cùm hæc operatio tantùm instituatur, ut mortuum tollatur, ne relictum vivis partibus noceat; patet satis, non plus tollendum esse, quàm absoluta necessitas requirit.

2. Illud enim, quod relinquitur ex mortuo & corrupto, vivis partibus vicinis continuitate substantiæ unitur, adeoque facillimè propagabitur malum, etiam post exstirpationem factam; cùm tamen hæc instituta fuerat in hunc finem, ne proserpendo sphacelus depasceret corpus. Præterea uti dictum fuit in *Commentariis* §. 461, mortuum illud relictum requireret continuam applicationem talium remedium, quæ omni putredini resistent; adeoque & frequentem apparatus renovationem. Sed post exstirpationem peractam, ob hæmorrhagiæ metum diutius relinqui debet apparatus, adeoque sæpe pessimè putrescerent omnia, & proserperet sphacelus: unde vel repentina foret hæc operatio, vel suo fato relinquendus æger; summâ certè Artis ignominia. Licet autem disputatum fuerit inter Chirurgos, an sectio in parte viva, vel in mortua, fieri deberet; tamen omnes consenserunt in eo, omne corruptum simul & semel esse tollendum. Illi enim, qui in parte mortua secabant, post exstirpationem factam, cauteriis ignitis adurebant illico mortuum relictum. An ergo non liceret unquam exstirpare partem, nisi omne corruptum accuratissimè simul & semel tolli posset? Sanè in desperatissimis casibus certæ morti incertum sæpe præfertur remedium; & cùm sine dolore & serè sine hæmorrhagia in parte mortua possit fieri exstirpatio, videtur aliquando & hoc tentandum esse, si absolutè fieri nequeat in parte viva.

Peritissimus Chirurgus, annofo Artis usu firmus; cum successu felicissimo exstirpationem instituit in tali casu, de quo omnes desperabant, & non sine ratione (b). Tristissimo infortunio navis Præfecti tota manus & brachium ad humerum usque miserrimè confusa, imò contrita serè fuerant. Rudis homo, luxationem humeri adesse credens, partem affectam validissimis tractionibus & contorsionibus vexaverat; unde post quatridduum, non suspicante tantum malum Chirurgo, qui ægri curam gerebat, totum brachium ad humerum usque vero sphacelo corruptum erat; quinimo malum jam ultra humeri articulum versus

(a) *Manuale Operation der Chirurgie*, 4. Decl. cap. 11. pag. 263.  
Tom. I.

(b) *De Lamotte Traité complet de Chirurgie* Tom. III. Observ. cccxi. pag. 408.  
B b b b

pectus & collum extendebatur. In consilium vocatis pluribus Chirurgis, omnes concluderunt, certam mortem inflare, exstirpationem inutilem fore, adeoque suo fato relinquendum esse miserum hominem. Cùm autem in flore ætatis esset æger, & intrepido animo nulla febris adesset, brachiũque affectum cadaverosum foetorem jam spargeret, qui auctus continuò tandem ægro intolerabilis foret; neque signa instantis mortis adhuc adessent, solus *Lamottius* huic torrenti obniti ausus fuit, atque exstirpationem faciendam persuasit; quæ, licet successu caruisset, salutem hoc efficeret, ut commodiùs ultimum illud vitæ suæ stadium transigeret æger, & tranquillius moreretur. Proximè ergo ad articulum humeri exstirpatum fuit brachium, sine ulla hæmorrhagia, paucâ tantùm sanie subrubella ex carnibus dissectis exsillante. Et dein, idoneis remediis adhibitis, omne, quod relictum fuerat mortuum secessit à partibus vivis; sic ut post quindecim dies elapsos nihil corrupti superesset ampliùs, & bimestri spatio ex ipsis orci faucibus ereptus æger, ad suos redire potuerit sanus.

3. Hæc regula limitat illam, quæ n°. 1, hujus paragraphi dicta fuit: nam quamvis sanum conservandum sit quàm maximè, tamen, si prævideatur, truncæ partis usum commodiorem postea futurum, si plùs tollatur de partibus vivis, quàm requireretur, ut omne corruptum simul ac semel accuratissimè auferatur; & hoc faciendum erit. Cùm autem, ut statim dicetur, sectio in viva carne semper fieri debeat, non multùm referret, an parum altius hæc facta fuerit.

§. 468. **ERGO** in cæteris sectio fiat in sano prope ægrum (467. n°. 1. 2.); in crure autem sub genu semper (407. n°. 3.)

Varie fuerunt circa hanc rem Auctorum sententiæ: quidam enim, doloris & hæmorrhagiæ metu, in parte mortua sectionem instituendam volebant; alii contra in parte sana & viva. Quamvis autem *Celsus* primus fuisse videatur, qui de hac operatione scripserit, tamen apud *Hippocratem* quædam inveniuntur, quæ videntur evincere, quòd sectionem in parte mortua prætulerit. Postquam enim dixerat (a) quæcumque circa digitorum articulos ex toto abscinduntur, plerumque detrimentum non afferunt, nisi dum secantur, homo animi defensione lædatur, subjungit sequentia (b) ex toto autem ossa ad articulos in manu, in pede, & in crure, nonnullis ad talum, atque in brachio, nonnullis ad primam palmæ partem, plerumque citra noxam præciduntur, nisi protinus anima deficiat, vel quarto die continens febris superveniat. Ut autem evitetur animi deliquium, dum membra detrancantur, paulò post monet, emortuas omnino partes, & nullum ampliùs dolorem sentientes, circa articulos præcidendas esse, cavendo, ne aliqua læsio fiat (c) nam, ubi qui secatur, dolet, quàm nondum, quòd secatur, emortuum corpus fuerit maximum periculum est, ne sub dolore anima deficiat: ejusmodi autem animæ defectio plurimos repente jam suffulit. Videtur ergo ex modò allegatis constare, quòd in mortua tantùm parte exstirpationem fieri voluerit *Hippocrates*; reliqui autem corrupti, quòd adhuc vivis & sanis partibus cohærebat, separationem soli naturæ commiserit, & quidem quòd

(a) Lib. de Artic. Comment. IV. text. xxxii. Charter. Tom. XII. pag. 446.

(b) Text. xxxiii. pag. 447.

(c) Text. xxxiv. pag. 447.

in articulis tunc separaverit partes mortuas. Statim enim modò allegatis subjungit sequentia (a) *At femoris os hoc modo nudatum, vidi octogesimo die abscedere: crus tamen huic homini ad genu vigesimo excisum est.*

In parte sana verò exstirpationem faciendam describit *Celsus* sequenti modo; (b) *igitur inter sanam viciatamque partem incidenda scalpello caro usque ad os est sic, ut neque contra ipsum articulum id fiat, & potius ex sana parte aliquid excidatur, quam ex ægra relinquantur.* Apud *Galenum* non habetur exstirpationis descriptio; & apud *Æginetam* satis obscura est; tamen videtur in parte sana illam descripsisse, quia & nimium sanguinis profluvium metuebat, & panniculum lineum partibus sectis circumponebat, ne ferra per illas tracta dolores pareret (c). Arabes dein, & postea plures alii Medici & Chirurgi sectionem in parte mortua fieri voluerunt, & cauterio actuali consumendas esse carnes corruptas, quæ adhuc vivis partibus cohærebant. Sed plurima incommoda habet illa methodus, quæ sectio non in parte viva, sed in mortua instituitur. Debet enim postea relictum mortuum comburi ad viva usque, donec æger dolorem percipiat; crusta sic nascitur, quæ vivis partibus adhærens putridi exhalationem versus exteriora impedit; deinde debet omne illud combustum separari à partibus vivis, quod non sine magno & diuturno dolore solet fieri uti dicitur in capitulo de *Combustione*. Præterea, sectio, sic in parte mortua, facta, os ferrâ dividitur: dum ergo postea adhuc notabilis pars carniū ustione destruitur, os necessariò ultra vulneris superficiem prominebit multum, atque iterum illud omne, quod sic eminet, ferrâ debet tolli; vel summa faciet longissimæ curationis tædia, si expectandum sit, donec sponte separetur & excidat. Videntur autem Medici & Chirurgi tantum ideo sectionem fecisse in parte mortua, quia metuebant hæmorrhagiam & dolorem; unde *Celsus* monuit, exstirpationem summo cum periculo fieri: (d) *Nam sæpe in ipso opere, vel profusione sanguinis, vel animæ defectione, moriuntur.* Cum autem hodiernis inventis possit impediri metuendum illud sanguinis profluvium, dum tornatili ligaturâ (*Tourniquet*) magni arteriarum trunci comprimuntur; eademque operâ pressis nervis stupor & insensibilitas in parte secanda oriantur; patet evidenter, præferendam esse exstirpationem, quæ in parte viva fit, proximè ad mortuum; ut sic omne corruptum simul & semel tollatur; interimque serveatur omne vivum, quantum fieri possit. Varias circa exstirpationem artuum sententias Auctorum collegit, & ordine chronologico disposuit celeberrimus *Petrus* (e), sicque demonstravit quomodo successivè hæc Chirurgiæ pars ad illam, quâ nunc colitur, perfectionem venerit.

Cum autem in definitione, loci ubi exstirpatio fiet, simul ratio habenda sit usus commodissimi in parte superfluit; ideo exstirpatione cruris semper determinatur locus sub genu, ad quatuor vel quinque digitorum distantiam ab articulo, sic enim hoc fiet sine læsione tendinis illius, qui vastissimis femoris musculis originem debet & patellæ inferitur; neque dissecabitur ligamentum, quod patellam tibiz alligat. Ille autem locus eligitur, licet sphacelus tantum ad maleolos usque ascenderit. Si enim exstirpatio inferiori loco fieret, non posset

(a) Text. xxxiv. pag. 447.

(b) Medicin. Lib. VII. cap. xxxiii. pag. 498.

(c) Lib. VI. cap. lxxxiv. pag. 95.

(d) Medicin. Lib. VII. cap. xxxiii. pag. 497.

(e) Académie des Sciences l'an 1732. Mém. pag. 288, &amp;c.

postea talis homo cruri ligneo insistere, nisi flexo articulo versus posteriora reflexum gereret inutile truncum; dùmque in eodem hoc situ totis diebus retinentur hæ partes, obrigesceat genu arculus, & molestum in lecto decubium faciet; & ad plurima alia vitæ munia inutilem reddet talem hominem. Ubi verb sub genu abscissum membrum fuit, postea commodissimè possunt artificiales machinæ applicari; quæ amissi membri damnum compensent. Imò aliquando adeo tæduit magnanimos heroes inutilem hanc partem circumferre, quæ illos ad bellum munera redderet impotes, ut maluerint exstirpationem sub genu pati, quam has molestias. *Paræus* (a) sic refert, quoddam capitaneo quidam, globo ex tormento bellico majori exploso, auferretur totus pes parum supra malleolos, atque jam ab hoc vulnere convaluisset, postea tamen exstirpationem hujus trunci sub genu subierit, expertus, quantum incommodi faceret relicta hæc cruris pars. Licet autem sub genu eligatur ille locus qui infra validum hunc tendinem & patellæ ligamentum est, tamen & maluit pericissimus Chirurgus sub genu partem exstirpare, quamvis ligamentum diffecari deberet, quam in femore, quia longè commodior usus partis superstitis esse potest, si sub genu exstirpatio fiat. Succesit feliciter hæc operatio, in femina cui molaris lapidis distracti pars totum crus miserrimè contriverat, ad genu ferè usque, unde ad binorum circiter pollicum distantiam ab articulo genu crus resectum fuit (b).

§. 469. **AD** amputationis administrationem, & felicem successum intelligendum, attenditur:

1. Ad præparationem.
2. Actionem ipsam.
3. Curationem symptomatum.
4. Consolidationem.
5. Supplementum amissorum.

Recensentur hic generalia illa, quæ in omni exstirpatione majorum membrorum observari debent, & quæ postea seorsim singula considerabuntur. Maximi imprimis momenti est ad felicem successum periculose talis operationis, ut prius attentè mente considerentur omnia illa, quæ operationis tempore, vel statim post illam peractam, parata esse debent. Præstatque hæc omnia quando per otium licet, in chartam conjicere, & ordine disponere, ut semper menti præsentia sint, dum aliquando subitam membrorum exstirpationem infortunati casus requirunt. Ut autem commodè considerari possint omnia, quæ huc spectant, neque in eorundem dispositionem nascatur consultio, optimum erit quinque distinctis numeris hæc distribuere.

1. Antequam exstirpatio fiat, debet pars exstirpanda firmari, sicque disponi; ut lumini opposita sit; debent idonei esse adjutores, qui immobilem ægrum retinere possint; debent adesse tales fasciæ, spina, &c, quorum applicatione trunci majores arteriarum, ad partes exstirpandas tendentium, claudantur probubiti; requiritur præterea, ut omnia instrumenta tali disponantur ordine, quali

(a) Liv. XII. chap. xxix. page 305.

(b) De Lamotte Traité complet de Chirurgie Tom. III. page 427. & suiv.

adhibebuntur. Sic v. gr; culter incurvus, qui diffecandis omnibus partibus molli-  
libus ad ossa usque inserviet, primo loco ponatur; proximus dein huic sit an-  
ceps cultellus, quo inter ossium interstitia, si duplex in parte amputanda os fue-  
rit, locatæ partes discindi debent. Tunc sequatur ferra, &c, unde quàm maxi-  
mè necessarium est, ut, antequam incipiat hæc operatio, sedatâ mente Medi-  
cus unâ cum Chirurgo omnia hæc examinet. Generalia monita circa operationes  
Chirurgicas perficiendas pulcherrima habet *Hippocrates* in libro illo (a), quem  
*de Medici Officina* inscripsit; & in loco citato quædam inprimis habentur, quæ  
in exstirpationibus faciendis summi usus sunt. Dicit enim inter alia, instrumenta  
sic debere disponi, ut operantem non impédiant, commodèque accipere possit  
illa, dum operationem perficit; vel, si alius operanti illa tradet, is paulò antè  
exercitatus sit, ut imperata faciat. Deinde addit, illos, qui ægro assisunt, par-  
tem, in qua operatio instituetur, debere exhibere operanti, prout requiritur;  
reliquum verò ejus corpus immobile retinere. Ultimò monet, quòd silentes auscul-  
tare debeant, ut operantis jussa audire, & audita promptè exsequi possint. Ergo  
in similibus operationibus non admittantur otiosi spectatores, nisi tales, qui ad  
salutaris Artis exercitium destinati, sensum assuescere debent his spectaculis, ut dis-  
cant proximi miseria firmo intueri animo. Nunquam adsint amici ægri, ne fortè  
intempestivâ misericordiâ moti operantem impédiant, vel saltem importunis ejula-  
tibus turbent.

2. Nihil magis conducit in similibus gravioribus operationibus Chirurgicis,  
quàm exercitatos habere adjuutores: imò nunquam deberent fieri exstirpationes majo-  
rum membrorum, nisi plures adessent periti Chirurgi; quod etiam ut fiat, multis  
in locis lege cautum est. Plurima enim accidere possunt non prævisa, quæ totam  
turbarent operationem, nisi alii præsentés opem ferre possent. Sic accidit, ut Chi-  
rurgus, dum incautiùs cultrum incurvum, quo omnia ossibus incumbentia discide-  
rat, tractat, sic se ipsum vulneraverit, ut inceptam operationem perficere non posset.  
Egregius Chirurgus *Lamottius* ingenuè fatetur pluribus in locis, quòd in difficil-  
limis operationibus optatos successus habuerit tantùm, quia dexterrimos & peritissi-  
mos habebat adjuutores: Artem suam exercebat enim in eadem urbe cum tribus  
aliis Chirurgis; omnibùsque hoc solemne erat, nunquam graviorem aliquam ope-  
rationem perficere, vel difficiliorem casum tractare, nisi in consilium & auxilium  
vocatis reliquis omnibus.

3. Præcipua symptomata sunt hæmorrhagia, & animi deliquium. Omnia ergo  
illa, quæ §. 471, recensentur, ad sanguinem sistendum remedia parata esse de-  
bent, ut sine ulla mora adhiberi possint. Conducent etiam in promptu habere gra-  
tum cardiacum, quo æger resocillari possit illico, si in animi deliquium delapsus  
fuerit. Interim tamen crudele videretur excitare miserum his remediis, dum ipso  
hoc tempore si non tota operatio, saltem notabilis ejus pars, perfici posset sine  
doloris sensu. Cùmque hodiernis inventis hæmorrhagiam operationis tempore satis  
compescere norint Chirurgi, animi deliquium, non à jactura sanguinis, sed à dolore  
vel timore ortum, non adeo metuendum erit.

4. 5. Bina hæc, quæ ad felicem successum operationis spectant, & ad supplèn-  
dum defectum illarum actionum, quæ à parte exstirpata solebant perfici, non

requirunt, ut omnia huc spectantia in promptu sint exstirpationis tempore; cum postea per otium de his cogitare liceat.

Præparatio fit,

1. Compressu vasorum magnorum sanguiferorum arteriosorum per splenia applicata pyramidalia, & ligaturam tornando adigendam super his in parte sana prope agram.
2. Tractu valido & aquabili partium incidendarum ope ligaturæ ex corio fibulatae cum loris.
3. Firmatione cautâ agri, & partis amputanda.
4. Moderato inflexu partis, ne nimis extensa secetur.
5. Narcotico cardiaco ipsi agro exhibito.

1. Apud veteres Medicos & Chirurgos hujus rei nulla mentio fit: unde non mirum est, quod *Celsus* dicat (a), cum periculo summo membra præcidi. Describit enim exstirpationem fieri debere in parte viva, ut ibidem patet. Discissis ergo omnibus partibus mollibus, patulo rivo ex vasis arteriosis dissectis sanguis effluere debebat: unde non tantum imminerebatur mortis periculum, verum etiam necessarium turbare multum debebat ipsa operatio. Undarum enim effluens sanguis impedit, quominus Chirurgus reliqua commodè perficere possit. Imò, quod mirum videtur, ante *Paræum* nullus distinctè locutus fuit de ulla methodo, quâ compesci posset sanguinis effluxus operationis tempore (b). Post exstirpationem factam cauteriis ignitis quidem compescere tentabant hæmorrhagiam; sed hic agitur de illa, quæ mollibus partibus dissectis oritur, antequam os ferrâ divisum fuerit. Satis tamen adhuc imperfecta fuisse videtur illa methodus, quâ *Paræus* (c) usus fuit. Validam enim ligaturam fieri voluit parum supra locum, ubi exstirpatio fiet, adhibuitque in hunc usum vinculum latum & forte, quo ad reliquandos capillos, mulieres uti solent. Satis autem patet, tali ligaturâ non posse faciliè comprimi majores truncos arteriosos, profundiori loco plerumque sitos: post *Paræum* tamen *Fabricius ab Aquapendente*, *Hildanus*, alique eadem methodo usi fuerunt. *Morrellus* verò Chirurgus Gallus ingeniosissimus, in castris stipendia merens, septuagesimo quarto sæculi elapsi anno, primus invenit pulcherrimam methodum sanguinem compescendi exstirpationis tempore (d): splenia nempe applicabantur illis locis, per quæ ex *Anatome* notum erat truncos arteriosos decurrere; deinde ligaturâ circumductâ bacillo transmissa arctabantur tornando: sicque pro lubitu poterant angustari, vel & integre comprimi arteriæ, quæ ad partem amputandam sanguinem adferebant; adeoque tutissimè omnis hæmorrhagia impediatur. Cum autem tornatilis hæc ligatura, quamvis simplicissima foret, non earet tamen incommodis, postea correctâ fuit. Dum enim circumverteretur bacillus, ut arctaretur ligatura, cutis intercepta dolebat acerrimè. Præterea pressio illius ligaturæ non agebat tantum in vasa comprimenda,

(a) Medicin. Lib. VII. cap. xxxiii. pag.

(c) Liv. XII. cap. xxx. pag. 306.

497.

(b) Académie des Sciences l'an 1732. Mém.

(d) Académie des Sciences l'an, 1732. Mém.

pag. 288.

pag. 289.



sed totum membri ambitum stringebat satis validè. Insuper requirebatur famulus, qui hanc ligaturam adstringeret vel laxaret, ad nutum illius, qui operationem perficiebat. Simulque in eodem loco adesse debebat alter, qui membrum exstirpandum retineret; unde iterum satis notabile incommodum nascebatur. Tandem cum, resectâ parte, tornatilis ligatura parum laxaretur, ut sanguis erumpens arteriarum ligandarum patula orificia monstraret Chirurgus, loco sæpe movebatur splenia, imò & totus apparatus; sicquæ valida poterat nasci hæmorrhagia, quæ ægrum debilitaret summo opere, antequam omnia iterum reposta forent. Ut cuncta hæc mala evitarentur, pulcherrimam machinam excogitavit egregius Chirurgus *Petius*, quæ sanguinis effluxum, compressis arteriis, impedire poterat quàm certissimè; interimque careret omnibus illis incommodis modò memoratis. Longè autem melior idea habebitur ex figura hujus instrumenti cum omnibus suis requisitis, quàm ex sola descriptione, quæ in *Actis Parisinis* (a) videri poterit. Habetur etiam apud *Garengeotum* (b), qui tamen solam machinam, quâ ligatura ad lubitum adstringi vel laxari potest, delineavit; vinculum autem ipsum, splenium cylindricum, & reliqua descripsit tantùm. Spleniorum autem pyramidalium loco solent nunc arteriæ comprimendæ imponere cylindrum ex lineo convolutum factum, qui talem firmitatem habeat, ut ejus figura non nisi à validiori pressione mutetur, interimque non nimis durus sit, ut cedere possit. Si enim nimis mollis fuerit ille cylindrus, à ligaturæ circumductæ compressione complanaretur, adeoque illius pressio non in arteriam adeo, quæ profundius plerumque jacet, ageret, sed in vicinas parres. Si nimis durus foret idem, tantùm in paucis punctis tangeret arteriam, quæ proinde se subducere aliquando posset. Ultimò requiritur, ut cylindrus ille assuatur ligaturæ, per quam in loco retinebitur, ne ex situ suo delabatur, dum laxatur operationis tempore tornatilis ligatura, quæ paulò post iterum astringi debebit. Facile autem patet, cylindri illius variam debere esse magnitudinem, prout his illiusve corporis locis applicabitur; uti etiam pro varia ætate & statura ægri, qui hanc operationem subire debebit. Loca autem, ubi magni trunci arteriosi hærent, ex fidelissimis *Eustachii* tabulis satis cognosci poterunt. Sic si exstirpatio sub genu fiat, cavo subpopliteo applicatur cylindrus; si supra genu, in femoris parte interiori maximus truncus arteriæ cruralis poterit comprimi, &c. Cum autem & magni trunci nervosi, in pluribus locis, arteriis vicini sint, eadem operâ & hi comprimuntur: unde stupor & insensibilitas in partibus suppositis nascetur; adeoque acerbis dolor, crudelem hanc operationem comitans, obtundetur plurimum.

2. Demonstratum fuit in *Commentariis* §. 158. n°. 1, partes molles corporis, inter quas causa vulnerans adacta fuit, magis magisque à se mutuo recedere: adeoque amputato membro omnes partes molles accurrantur. Sed ossis truncati manebit eadem longitudo, adeoque illud ultra æquabilem vulneris facti superficiem eminebit. Verùm omne illud, quod de osse sic eminet, nullis partibus mollibus tectum, corruptetur; & postea vel serrâ iterum abscindi debebit, vel sponte separabitur à reliquo osse sano, & carnibus tecto; sed non nisi post longum temporis spatium. Omni ergo modo curandum est, ne os ultra partes mol-

(a) L'an 1712. Mém. pag. 253.

(b) Nouveau Traité des Instrumens de Chi-

rurgie Tom. II. pag. 151.

les emineat. Celsus jam hoc monuerat, ubi de membris præcidendis agit: postquam enim caro ad os usque resecta fuerat, dicit (a) *Ubi ad os ventum est, reducenda ab eo sana caro, Et circa os subsecanda est, ut eâ quoque parte aliquid ossis nudeatur: dein id ferrulâ præcidendum est, quàm proximè sanæ carni etiam inharerenti: ac tum frons ossis, quam ferrula exasperavit, lavanda est, supràque inducenda cutis, quæ sub ejusmodi curatione laxa esse debet, ut quàm maxime os undique contegat. Nihil autem dixit Celsus de methodo, per quam cutis tam laxa servari possit; ut postea os tegere valeat: videtur enim ejus intentio fuisse, ut cutis crudis his partibus applicata cum illis concrefceret: nullam enim facit mentionem nec ligaturæ vasorum, nec causticorum applicatorum, sed simpliciter dicit, (b) *quò cutis indulta non fuerit, id linamentis erit contegendum, Et supra id, spongia ex aceto deliganda. Cætera postea sic facienda, ut in vulneribus, in quibus pus non moveri debet, præceptum est. Difficulus ergo intelligitur, quâ Arte potuerit talis cura perfici.**

Circa finem autem sæculi elapsi Petrus Hadrianus F. Verduinus, celeberrimus Chirurgus Amstelædamensis, tractatulum scripsit de nova artuum decurtandorum ratione (c), cujus in exstirpatione cruris Exemplum proponit. Cultro enim falcato & ancipiti suram lævâ manu arreptam perfodiebat in illa altitudine, ubi exstirpatio fieri debebat, deinde deorsum ponè ossa abscedebat. Reliquas verbò cutis carnisque partes transversim incidebat, & separato periosleo ferrâ decurtabat ossa. Illo autem tempore, dum ferrâ dividebantur ossa, retroducebatur avulsæ carnis & cutis portio illa relicta versus posteriora, ne læderetur à ferræ dentibus. Simulac autem os discissum erat, aquâ tepidâ vulnus abstergebat, ne aliquid scobis ossæ in vulnere maneret, quod sanationem remorari posset; quo factò pendula illa carnis cutisque relicte portio, dicto citius, antroorsum reflectebatur, & mutilatæ parti coaptabatur. Vulneris dein oræ fungo, linamento, aut alio quovis styptico idoneo tegebantur; totique trunco vesica bovina, aquâ egelidâ emollita applicabatur, atque idoneâ dein ligaturâ applicatâ firmabantur hæc omnia. Tabulis autem æneis instrumenta omnia huc requisita, ipsamque operationem satis nitidè exhibuit Auctor in eodem tractatulo, qui etiam habetur in *Bibliotheca Anatomico-Chirurgica Mangeti tomo primo*. Vocabat autem exstirpationem hoc modo factam methodum curandorum artuum per insectionem. Totus scopus erat, ut hoc modo, applicatâ carnis relicte portione ad crudum vulnus, obturarentur arteriarum discissarum officia, & crudæ partes contiguæ factæ concrefcerent inter se, nudatûmque os tegeretur illico.

Neque timebat ossis, ferrâ divisi, & aere tacti, separationem, cum jam olim vidisset, hanc non adeo necessariam esse, ac multi quidem vulnerant. Præterea dicit, quòd caro illa, quâ vulnus tegitur, super eminens sæpe ultra vulneris margines nihil incommodi adferat; sensim enim labia illa sic contrahuntur, ut parva admodum sit cicatrix. Partes autem illæ molles, sic trunco membro appositæ concreta, pulvinaris instar, faciunt, ut sine ullo dolore totum corporis pondus postea inniti possit. Succesisse autem sibi hanc curam in adolescente affirmat Auctor, atque postea Amstelædamensis Nosocomii Chirurgos, in viro triginta annorum, cruris eadem methodo exstirpasse felici etiam cum eventu narrat,

(a) Medicin. Lib. VII. cap. xxxiii. pag. 498.

(b) Ibidem.

(c) Dissertatio Epistolaris de nova artuum decurtandorum ratione, Amstelædami 1696.

Circa idem ferè tempus Genevenſis Chirurgus *Sabourinus* in eandem incidit opinionem, neque illam ex modò citato Auctore hauſiſſe videbatur, quia & exſtirpationibus in articulorum locis faciendis illam adaptaverat, & planè diverſà deligatione utebatur. Secundo hujus ſæculi anno methodum hanc *Academiæ Regiæ Scientiarum* propoſuit, ſæpe ſemel hoc modo exſtirpationem perfectiſſè dixit, tali cum ſucceſſu, ut toto operationis tempore tantùm quatuor vel quinque uncias ſanguinis perdidit æger, & poſtea ne guttulam quidem. *Academiæ* juffu in noſocomio Pariſienſi idem Chirurgus novæ hujus methodi Experimentum fecit, præſentibus harum rerum aptiſſimis judicibus *Duverney* & *Mery*. Æger autem fuit mortuus; neque tamen videbatur operationis cuidam vitio mors adſcribenda eſſe, licèt major fuerit ſanguinis jactura, quàm ſolet addeſſe in exſtirpationibus vulgari methodo factis (a).

Celeberrimus *Heiſterus* in ſuis *Inſtitutionibus Chirurgicis* (b) hujus inventionis gloriam prædictis auctoribus negat; & in libello, cui titulus, *Curſus triumphalis rebinthinæ*, &c. Auctore *Jacobo Jounio*, Londini 1679, edito, hanc methodum jam deſcriptam fuiſſe contendit. Apud *Ruyſchium* (b) habetur deſcriptio hujus operationis, quæ ipſo præſente facta fuit, & felici cum ſucceſſu, unde concludit, novam hanc methodum amplectendam eſſe. Tamen deinde iterum evilit; & ut teſtatur celeberrimus *Heiſterus* (c), poſtea ipſe *Verduinus*, & alii Amſtelædamenſes Chirurgi, ab illa abſtinuerunt, & ad antiquam methodum reverſi ſunt. *Garengedus* tamen (e), qui hanc methodum deſcripſit amplo ſermone, & figuris additis illustravit, opat, ut in Noſocomiis iterum tentaretur; additque plures ſucceſſus feliciffimos hujus methodi viſos fuiſſe.

Varia ſic fata hujus methodi fuiſſe videntur, hodièque, ſaltem in his regionibus, extra uſum eſt. Dum autem vulgari methodo exſtirpationi membri ſit, impoſſibile quidem eſt, totam trunci ſuperficiem carne vel cute tegere; tamen hoc caveri poterit, ne poſtea oſſi diſſectis extremum ultra reliquam vulneris ſuperficiem eminet. Circumducitur nempe membro, proximè ſupra illum locum, ubi ſectio fiet, annulus, ex corio factus molli, firmiterque adſtringitur. Anſulis autem inſtructus eſt ille annulus, per quas tranſmiſſis habenis à miniſtro ſurſum trahi poſſit, ſicque partes molles omnes, antequam ſectio fieri retrotrahuntur quantum fieri poteſt. Exſtirpatione factà, remoto coriaceo illo annulo, partes ſurſum tractæ remittuntur & deſcendunt, ſicque caveretur, ne os emineat ultra partes molles. Ad hos uſus manicam ex aluta paratam deſcripſit & figurà expreſſit *Hildanus* (f).

3. Antequam operatio hæc tentetur, debemus certi eſſe, partem amputandam non tantùm, verùm & reliquum ægri corpus ſic firmatum eſſe, ut penitus immobilis ſit neque operantem Chirurgum turbare poſſit. Multi enim crederent, nunquam hos dolores experti, ſe ſatis magnanimos eſſe, & turpe putarent, vinculis adſtringi, vel famulorum manibus teneri. Sed prudentia jubet, nunquam talibus promiſſis confidere. Simulque curandum eſt, ut tales adſint adjuto-

(a) *Acadèm. des Sciences*, Jan 1702. Hiſt. pag. 41.

(b) Part. II. Sect. I. cap. xxxv. §. III. pag. 181.

(c) *Epist. Problem. XIV. pag. 9, & ſequ.*

(d) *Inſtitut. Chirurg.* part. II. Sect. I. cap. xxxv. 6. v. pag. 481.

(e) *Opérations de Chirurg.* Tom. III. pag. 415.

(f) *De Gangræna & Sphacelo*, cap. xix. pag. 808.

res, qui jam ad hæc spectacula durati illas animi dotes habeant, quas in Chirurgo requirit Celsus: vult enim, ut sit (a) *animo intrepidus, immisericors, sic, ut sanari velit eum, quem accepit; non ut clamore ejus motus, vel magis, quam res desiderat, properet; vel minus quam necesse est, secet: sed perinde faciat omnia, ac si nullus ex vagitiibus alterius affectus oriretur.* Multi autem temere suam in similibus operationibus constantiam jaçant; atque postea turbati omnino jussa operantis nec intelligunt, nec perficere possunt; imò aliquando in animideliquium labuntur: sicque & operantem Chirurgum impediunt, & miserum ægrum diutius in his tormentis manere faciunt.

4. Summi momenti hæc regula est: debet enim post operationem peractam poni in tali situ, in quo diutissimè sine ullo incommodo manere possit. Sed ille est situs naturalis partium quem in homine sano dormiente observare licet, in quo omnes motus voluntarii silent. Omnes enim articuli corporis leviter flexi apparebunt, nullum verò membrum erit extensum. Hippocrates optimum ægri decubitus in morbis describens (b) hoc pulchre notaverat; uti dictum fuit in *Commentariis* §. 211, ubi & datæ fuerunt rationes, quare omni motu voluntario musculorum silente, articuli leviter inflecti debeant. Sed si pars validè extensa secetur, amputatione factâ, ut hæmorrhagia sistatur, ligari solent vasa, uti dicitur §. 471. n<sup>o</sup>. 1; &que hoc fiat, sæpe aliquid vicinæ carnis eadem ligaturâ interceptur, adeoque, mutatio partis truncatæ situ post ligaturam vasorum factam, caro musculosa pariter alio disponetur modo, unde sæpe enormes dolores & pessima alia mala nascuntur, quæ omnia vitari poterunt, si moderatè inflexa pars secetur.

5. Quàm vano metu olim Medici optima hæc remedia vitaverint, dictum fuit in *Commentariis* §. 202, & 229. Prudens autem illorum usus incantamenti instar sævos dolores mitigat, & animi mœrorem tollit: inprimis si opium tali deor quantitate, ut nondum gravem inducat soporem, sed levissimum blandè subrepentis somni initium quasi faciat. Nascitur tunc pacata adeo menti tranquillitas, & serena in vigilante etiam homine quies, quam nullus credere posset, nisi expertus. Probè memini, me quondam, ut molestum lenire dolorem, sumpsisse unicum granum opii, hoc cum effectu, ut vigilem duxerim noctem, sed absque dolore, tanquæ cum animi oblectamento, ut feliciorum in campis suis Elysiis statim fingere non potuerint Poetæ. Sequenti mane post levem nauseam facilis vomitus excussit, unâ cum opii pilula nondum integre dissoluta, fluxam hanc beatitudinem. Summi ergo usus poterit esse narcoticum remedium, unâ alterâve horâ ante operationem instituendam exhibitum; non hæc spe, ut sopitus æger nullum sentiat dolorem (tantâ enim copiâ dare hæc remedia periculosissimum foret); sed ideo, ut instantis mali metus tollatur, vel minuatur saltem. Licet enim gravis sit hæc operatio, & non sine acri dolore perfici possit, molestior tamen metus ille est, quo imminētis mali imago menti semper præsens est, dum miseri omnia horæ minuta numerant, quæ exstirpationis constitutum tempus præcedunt. Unde non immeritò insidias undique imminentes subire semel satius esse, quàm cavere semper, confessus est *Julius Cæsar* (c). Rara quidem Exempla docuerunt, non semper hæc Artis adminicula necessaria esse, darique tales homines, qui intrepido ani-

(a) Medicin. Lib. VII. cap. 1. pag. 406. | sequ. Charter. Tom. VIII. pag. 600.

(b) Prognostic. Comment. I. text. XLII, & | (c) Sueton. Lib. I. cap. LXXXVI. pag. 106.

mo futura mala intueri nōrunt. Sic magnanimus heros, postquam ex sclopeti vulnere molestissimum ulcus fistulosum in femore gesserat per viginti annos, tot malorum pertæsus, necessariam exstirpationem ipse conclusit, diēque & horam, quā illam institui veller, indicavit. Statuto tempore, dum accedunt Chirurgi & Medici, invenerunt dormientem (a). Simile Exemplum & alibi (b) habetur: ubi strenuissimus navis Præfectus, postquam statutum fuerat, brachium prope humeri articulum exstirpandum esse, rogavit Chirurgos, ut liceret prius lassum vigiliis protractis jam per aliquot dies corpus somno reficere; quo concessio, placidissimè dormivit. Sed pauci sunt, qui invictio hoc mentis robore gaudent: aliis ergo per Artem benignè succurrendum est, cum tūc hoc fieri possit. Turcæ certè opium sumunt, ut intrepidi contemnunt belli pericula, unde narrat *Bellonius* (c), totam provinciam opio ferè spoliari, dum Turcarum Imperator, bellum gesturus, militum delectum facit. Formula talis narcotici cardiaci in *Materia Medica* ad hunc numerum habetur.

§. 470. **ACTIO** fit in parte præparata (469.);

1. Cultro acuto, forti, curvo, in dorso obruso, bene temperato, fortiter per omnia ad os usque adacto, æquabiliter & fortissimo applicatu ad os in orbem circumacto, ut unā celeri sectione totum periosteum accuratè discissum sit.
2. Si duplex in amputanda parte os, interstitia similiter minori, utrimque acuto, cultello quàm exactissimè dissecando.
3. Dissecta (1. 2. hujus) per ministros fortiter distrahendo, ut hiatus sit inter margines sectionis.
4. Serrā acutā, subtili, forti, tensā, os secando, quæ agenda perpendiculari, forti, æquabili motu; incipiendo ab tenuioris dissectione, desinendo in crassissimum, si os duplex; ne vi serræ in festucas fissum dissiliat debilius.
5. Ossa inter secandum per ministros artificiosè flectendo, ut liber sit serræ meatus.

1. Primum, quod fieri debet in ipsa actione, est, ut simul & semel quàm celerrimè omnes partes molles ad ossa usque dissecentur, siquæ hoc facto libera via pateat serræ. Ad hanc sectionem faciendam requiritur culter satis acutus quidem, sed tamen sic factus, ut non nimis tenuem aciem habeat; illa enim obtunderetur, dum ossi appropinquit. Cum autem extrema corporis teretem figuram habeant, culter ille curvus debet esse, ut majorem superficiem secare possit. Curvatura autem hujus cultri modica tantum sit, & per totam cultri longitudinem æqualis, non versus apicem tantum. *Garengeotus*, qui omnia observanda in cultri

(a) Académ. des Sciences, l'an 1731. Mém. pag. 142. & suiv.

(b) De la Motte, Traité complet de Chirurgie, Tom. III. pag. 413.

(c) Observat. Lib. III. cap. xv. pag. 179.

hujus confectioe exactissimè descripsit (a), monet, cultri hujus figuram optimam esse, quæ magni satis circuli arcum referat, sic ut radii, perpendiculariter ex hoc arcu in chordam subtransam incidentis, illa pars, quæ inter arcum & chordam continetur, pollicem vix excedat. Interim satis tamen patet, majorem cultrum requiri pro femore quàm pro brachio exstirpando, adeoque variaz magnitudinis cultros in Armamentariis Chirurgicis adesse debere. Dorsum autem cultri talis obustum esse debet, ut sine periculo offensæ, Chirurgus manûs volâ vel digitis illud excipere, sicque cultrum dirigere possit. Culter ille per cutim & carnes adigitur ad os usque, & deinde, acie ejus manente ossi applicatâ, circumducitur in orbem, donec circularis sectio omnia diviserit, & inprimis simul ipsum periosteum. Præstaret, ut Chirurgi, antequam in vivo homine exstirpationem membrorum facerent, sæpius tentarent hanc in cadavere, sicque discerent firmâ manu, (cultri acie semper manente perpendiculari ad partem applicandam, ne deviet) circulari sectione omnes partes molles dividere. Voluit *Huisterus* (b) cutim cum pinguedine prius circulari sectione dividendam esse, & deinde retrahendam, quantum fieri possit, ut sic altiori in loco musculosa caro alterâ sectione ad os usque dissecari posset, & operatione factâ cutis & pinguedo magis reterent ossis truncam partem. Sed sic binis sectionibus, sit quod aliter unicâ satis celeriter perfici poterit. Quia autem post exstirpationem peractam tenacibus sæpe opus est emplastris ad varios usus, ideo, priusquam hæc instituat, convenit (c) prius omnes pilos in loco vicino abraderi, ne postea dolorem satis molestum excitent, dum renovari hæc emplastra debent.

2. Si unicum tantum in parte amputanda os foret, hoc sufficeret: ubi verò bina ossa sunt, ut in cubito & crure, non possunt primâ hâc sectione discindi illa, quæ inter bina hæc ossa ponuntur, adeoque requiritur alia sectio. Cùm autem in quibuscumque locis distantia v. gr; inter fibulam & tibiam tres quatuorve tantum lineas æquet, meritò monuit modò laudatus Auctor (d) cultellum, quo ad hanc sectionem uteretur Chirurgus, non posse esse latum. Præterea in illis locis, ubi bina ossa adsunt, non potest primâ sectione omne periosteum hæc ossa ambiens dissecari: ista enim ejus portio, quæ illam partem horum ossium, quâ se mutuo respiciunt, tegit, non poterit cultro majori curvo attingi, ut facillè patet. Debebit ergo sollicitè cultello eodem, quo partes inter bina ossa sitæ discinduntur, dividi periosteum, ne illud postea enormi cum dolore serræ dentibus laceretur. Si multum attenditur, an fortè in aliis locis aliquid de carne vel periosteo nondum integre discissum fuerit. Ex omnibus his aparet, quania firmatas Arti accesserit, dum compressis arteriis omnis hæmorrhagia impeditur operationis tempore; absque hoc enim impossibile foret distinguere, an partes molles ad os usque penitus dissectæ forent, cum sanguine omnia inundarentur.

3. Ut autem serra liberrimè agere possit, partes dissectæ à se mutuo remouentur, trahendo illas ab utraque parte; & inprimis versus superiora, ut carnes eò magis ab ossibus recedant, illæque altiori loco rescari possint: unde postea eò

(a) *Instruments de Chirurgie*, Tom. II. pag. 360.

(b) *Institut. Chirurg.* part. II. Sect. I. cap. xxxiv. §. VII. pag. 474. & cap. xxxvi. §. III. pag. 483.

(c) *Garengot, Opérations de Chirurgie*; Tom. III. pag. 356 & 366.

(d) *Instruments de Chirurgie*, Tom. II. pag. 169.

minor metus erit, ne ossis truncati pars ultra æquabilem vulneris superficiem emineat. Hoc autem poterit fieri trahendo versus superiora anulum illum coriaceum, qui supra locum exstirpationis ponitur; ut in præcedentis paragraphi numero secundo dictum fuit. Optimè etiam ad hanc rem convenire videtur sequens methodus. Sumitur linteum, longitudine pedem æquans vel excedens, quinque vel sex digitorum transversorum latitudinem habens; unum autem hujus linteï extremum hincitur usque ad duas tertias longitudinis partes. Binas hæc fissi hujus linteï capita sic applicantur carnibus discissis, ut fissurâ suâ os comprehendant nudatum, & tegant totam superficiem carniū. Dum ergo bina hæc capita versus posteriora reflectuntur decussata, & trahuntur, simulque alterum ejusdem linteï extremum in parte anteriori hærens eadem directione adducitur, patet, partes molles æquabilissimè sursum duci, & majorem adhuc partem ossis nudari, simulque caveri, ne ferra partes molles lædere possit. (a). Interim tamen curandum est, ne serræ dentes huic linteo intricentur, inde enim turbaretur operatio.

4. Quænam observanda sunt in constructione serræ, quâ ossa dissecantur, videantur apud *Garengotum* (b). Sufficit hic notare præcipuas ejus proprietates. Acuta autem & subtilis esse debet, ut levi vi ossa dissecari possint, quod facillè patet: si enim crassâ foret serræ lamina, tantò plùs de ossium substantia deberet detrahi abradî, ut via fieret serræ descendenti, adeoque fortiori molimine opus esset. Verùm serræ subtilitas facit, ut & faciliùs frangi, si rigida & elastica valde fuerit; vel saltem flecti possit, si minùs fragilis. Posterius cavetur, dum arcu chalybeo firmata serræ lamina pro lubitu per cochleam applicatam tendi potest: prius autem vitatur, si non nimis rigida fuerit chalybeæ laminæ, ex qua ferra facta est, temperatura. Neque facillè frangetur ferra, si recta & perpendiculariter per os adigatur: ubi verbò inde deflectitur, hæret ferra, neque poterit moveri sine magna vi adhibita; unde sæpe periculum est, ne rumpatur. Tale infortunium Chirurgo accidisse narrat *Hildanus* (c): cùmque illo tempore nondum inter operandum tornatili ligatura compescebatur hæmorrhagia, exanimis ferè jacebat æger, antequam alia ferra adesset, quâ operatio absolveretur. Ideo voluit *Hildanus*, ut semper binæ serræ æqualis crassitiæ adiūnt, ubi exstirpabitur membrum.

Applicatur autem ferra ossi, quàm proximè fieri poterit sine læsione, circa carniū dissecatarum orbiculum; dein lentissimè crena inculpitur perpendiculariter in osse. Ubi autem hæc facta est, non ampliùs tantum periculum est, ne ferra deviet, cùm crenæ lateribus undique sustineatur. Pergitur dein æquali motu, cavendo quàm maximè, ne unquam à perpendiculo deflectat ferra; brevi enim tunc hæreret immobilis, unde nova iterum via serræ parari deberet: vel si pergeretur, periculum foret, ne ferra rumperetur. Notandum præterea, non requiri, ut magnâ vi, ferra apprimatur ossi, quod in vivente homine, vel & in recens mortuo, mollius & succulentum est, adeoque facillè cedit: tunc enim dentes serræ profundius immergerentur ossis substantiæ, adeoque non posset æquabilissime ferra reciprocari, sed per subsultus tantùm. Ubi autem duplex in parte amputanda os est, atque notabilis in magnitudine illorum & robore diversitas, uti v. gr. in crure

(a) Garengot, Opérations de Chirurgie, | 173. & suiv.

Tom. III. pag. 367.

(c) De Gangræna & Sphacelo, cap. XVIII.

(b) Instrumens de Chirurgie, Tom. II. pag. | pag. 807.

(in brachio enim ulna & radius non tam multum differunt), tunc omnium optimum est, si primum ferræ vestigium imprimatur tibię, deinde sic inclinetur ferra, ut simul fibulam radat; atque simul curetur, ut fibula prius discissa sit quam tibia. Sine his cautelis enim periculum foret, ne fibula in testucas dissiliet, dum ferræ pressionem & pondus sola sustineret. Facile autem patet ex cognito situ horum ossium, Chirurgum, ut omnia modò dicta perficere possit, commodissimè locari inter bina ægri crura non verò extra illa; uti in figuris *Hildani* (a) malè exprimitur.

§. Dum enim ferra profundius descendit jam in ipsam ossis substantiam, si v. gr; ille minister, qui crus exstirpandum circa genu tenet, parum elevet partem, alter verò pedem extremum parum deprimat, augebitur hiatus inter ossis partes resectas, & liberrima fiet ferræ via. Si verò adjuutores in tali operatione fuerint imperiti, vel animo turbati, patet facilè, plurima mala fieri posse.

§. 471. **SYMPTOMATUM**, exstirpationem sequentium, primum, hæmorrhagia semper illico sistenda.

1. Vasis, jactu sanguinis deprehensis, apprehensis per tenacula è latere compressa, eductis, filo trajecto & circumducto arcuè constrictis, majora sunt. Aut vas constringendo per filum acubus binis incurvis utrumque ad latera vasis infixum.

2. Cauteriis ignitis applicatis.

3. Plumaceolis vitriolo imbutis ad vasa, absorbentibus alia ad loca applicatis.

4. Partes vivas, retrotractas (469. n°. 2.) laxatas reducendo.

5. Vesicam circumponendo trunco, pulvere adstringente resectam;

6. Ligaturâ firmante.

7. Somno, quiete, victu, sollicitè procuratis.

Amputato membro, vasa dicissa hiant aperta: hinc, nisi tornatilis ligatura arteriæ ad partem tendentis truncum compressisset, plenus rivo sanguis undatim efflueret. Sed non poterit hæc ligatura relinqui, quia, impedito omni affluxu sanguinis arteriosi in partem, de novo gangræna & sphacelus fieret. Debent ergo sic obturari quacumque demum methodo hoc fiat, vasorum discissorum orificia, ut laxatâ quamvis tornatili ligaturâ truncum arteriæ comprimente, sanguinis fluxus non sit timendus. Voluerunt tamen quidam Auctores, non illico sistendam esse hæmorrhagiam, sed conducere, ut aliqua copia sanguinis effluat; partim ut minuatur sanguinis abundantia, partim etiam ut evacuetur illa sanguinis pars, quæ in his vasis prope partem mortuam stagnaverat, & fortè aliquid maligni inde contraxerat. Sed cum hodie in parte viva exstirpatio tantum fiat, nullum hujus rei periculum est; & si postea appareat, sanguinem nimia copiâ vel rarefactione curationi obesse, poterit venesectione tuto hoc tolli. Videtur ergo hæmorrhagia post membrorum exstirpationem illico sistenda esse: quod quomodo fieri possit, sequentibus numeris considerabitur.

(a) De Gangræna & Sphacelo, pag. 809;



1. In *Commentariis* §. 218. n<sup>o</sup>. 4., dictum fuit, *Paræum* primum fuisse, qui post amputationes membrorum vasa ligaturâ firmavit, & crudelem methodum cauteriis adurendi partem truncatam repudiavit. Postea omnes Chirurgi illum secuti sunt.

Ut autem hæc ligatura bene fieri possit, laxatur tornatilis ligatura, ut sanguis per aperta vasorum officia effluens demonstret illorum loca. Duplici tunc modo ligantur vasa: vel enim tenaculo, (quale apud *Garengotum* (a) describitur & delineatur) quod elatere sponte clauditur & firmissimè quidem, arripiuntur vasa; & protrahuntur ultra plagæ superficiem, & deinde ligantur. Sed uti facillè appareat, sanguis appulsus sensim protrudet talem ligaturam, sicque periculum erit, ne illa decidat, & recrudescat de novo hæmorrhagia: unde voluerunt alii (vide *Commentaria* §. 218. n<sup>o</sup>. 4.) debere trajici filum per ipsam arteriæ substantiam, & deinde circumductum arctissimè constringi. Alia (& quidem hodie usitatissima) methodus est, ut acus admodum curva, quæ plura fila, non contorta inter se, sed in eodem plano posita, habet adigatur per carnes circa arterias postas; primò supra arteriæ locum, deinde similis punctura eadem acu, & iisdem filiis manentibus, fiat infra arteriam; ita ut binis his puncturis quatuor fiant foramina, quæ quadratum spatium includunt, in cujus medio arteria hæret, quæ ligaturâ firmari debet (b). Extrema tunc filorum nodo constringuntur, sicque clauditur arteria hoc vinculo, quod non immediatè tunc arteriæ ipsi applicatur, sed, carnibus interceptis simul, illam æquabilissimè comprimit. Prior autem methodus tenaculo protracta vasa ligandi periculis Chirurgis aliquando magis arsisse, quàm illa, quæ acubus per carnes vicinas transigendo fit, quia metuebant à partibus tendinosiis, nervis, &c. puncturâ laxis, vel vinculo interceptis, acerrimos dolores, & convulsionones. Sic egregius Chirurgus *Lamottius* (c) se solâ hæc methodo semper usum fuisse dicit; vel vitrioli globulis, vasorum discissorum officiiis adaptatis, ad sistendas hæmorrhagias post membrorum exstirpationem. Non autem solam arteriam, ligandam, verum etiam circumpositæ carnis partem simul, tenaculo arripiebat & ligabat, sicque minus periculum erat, ne ligatura facta delaberetur nimis citò. Interim tamen non omnino condemnabat alteram methodum; quinimo in eodem loco ejus felicem successum candidus enarrat, dum, post periculosam brachii exstirpationem prope ipsum humeri articulum factam, transfacto filo per carnes, arteria, inter illud filum & os intercepta, claudebatur, sine ullo malo symptomate securo.

Notandum tamen, quòd & metu & dolore aliquando exanimis ferè jaceat æger, adeoque non magno impetu sanguis exsiliat, & tantum per maxima vasa; unde, nisi omnes notabiles rami sic ligaturâ firmati fuerint, periculum foret hæmorrhagiæ, & deberet sepe postea totus apparatus iterum tolli, ut illa compesceretur. Præstat ergo grato cardiaco exhibitò excitare vires, & attentè circumspicere, an fortè cum impetu per arteriam notabilem quandam adhuc sanguis exsiliat, quæ tunc pariter liganda erit. His factis, nullus amplius hæmorrhagiæ metus est; neque opus erit ferris ignitis, neque adeo valida requiritur ligatura, quæ recens

(a) Instrum. de Chirurg. Tom. II. pag. 183. | Tom. III. pag. 371.

(c) Traité complet de Chirurgie, Tom. III.

(b) Garengot, Opérations de Chirurgie, pag. 425.

difficilis carnes contundit, & novam inflammationem, imò & gangrænâ aliquando excitat.

2. Ad *Paræi* tempora usque videtur fuisse universalis hæc methodus sistendi sanguinem per cauteria ignita applicata. *Hildanus* (a) non tantum laudat cauteriorum usum post membri amputationem, verum etiam multis enormis extollit cauterium cultellare. Candenti nempe cultro carnes ad ossa usque secabantur, sicque eadem operâ sistebatur sanguis. Sed post talem operationem debet ambusta vulneris superficies separari per suppurationem, adeoque periculum erit, ne os ultra partes molles emineat, & difficilem curationem faciat. Verum quidem est, quòd & ipsam os cauteriis pariter exuri voluerit; sed & tunc videtur satis longum tempus requiri, ut mortua illa ossis pars separaretur, licet contrarium voluerit Auctor. Videantur illa, quæ de causticorum ignitorum usu in compescendis hæmorrhagiis dicta sunt in *Commentariis* §. 218. n. 1. & 4. Ibi enim habentur rationes, quare optimi Chirurgi hæc methodo abstineant.

3. Sumitur vitriolum, & inprimis Cyprium, in pulverem conteritur, qui plurimaculis vasis difficilis applicandis inspergitur: vel, quod melius est, vitrioli pulvis gossypio excipitur, & sunt inde noduli spherici, vel & conici, qui vasis difficilis applicantur. Sanguis effluens, simulac vitriolum tangit, coagulatur in thrombum, qui vasis difficilis orificium obturat sicque sanguis sistitur. Ubi verò maximæ arteriæ diffisæ sunt, sanguis magnâ velocitate erumpens abriperet hos globulos vel hæc plumaceola; unde simul requiritur pressio externa, per quam applicata hæc maneant ad vasorum dissectorum orificia: ideo dies noctesque adesse debent famuli, qui leni pressione continuè hæc in loco retineant. Præterea vitriolum vasorum extrema, & crudas carnes, quas tangit, in escharam convertit; quæ postea separari debet: tuncque hæc eschara deciduâ, novum iterum erit hæmorrhagiæ metus, ut antea dictum fuit in *Commentariis* §. 218. Ideo ferè omnes Chirurgi magis hodie confidunt vasorum ligaturæ, neque vitriolum adhibent, nisi ubi non facile vasa prehendi & ligari possunt. Vitriolum autem illud tantum apponitur majorum vasorum orificiis; reliquæ trunci superficiei, ubi plurima vasa minora discissa hiant, applicantur talia, quæ sanguinem absorbent; & cum illo in crustam abeunt, quæ operculi instar minorum vasorum hiatus tegit. Ubi verò cautum est, ne ex majoribus truncis difficilis sanguis exire possit, facile patet, nihil timendum esse, licet ex minoribus ramulis aliquid adhuc sanguinis lentè exsillet; sponte enim hi rivuli claudentur; uti probatum fuit in *Commentariis* §. 159.

4. In præparatione ad exstirpationem ipsam dictum fuit, cutim & subjectas partes molles debere sursum trahi quantum fieri possit, & in hoc situ retineri, donec amputatio membri facta fuit. Deinde, vinculo soluto, reducuntur, ut ossis resecti pars non emineat ultra reliquam vulneris superficiem: dumque hoc fit; distracta antea vasa laxantur; unde sibi relicta nunc vasorum dissectorum orificia contrahi possunt, & se recondere sub partibus vicinis. Hæcque ratione partium retrahatarum reductio sistendæ hæmorrhagiæ utcumque conducit. Voluit *Paræus* (b) tunc truncum debere quatuor in locis acu perforari, ut trajectis, filis, &

(a) De Gangrænâ & Sphacelo, cap. xix. [ (b) Liv. XII. chap. xxii. pag. 307, pag. 812. 813.

crucis formam decussatim positis, adduci magis possent partes molles, & in situ retineri. Sed si validè adducerentur hæc fila, dolor satis magnus, & valida inflammatio, faciebant, ut brevi possit iterum discindi deberent; si laxè tantum, inutilis erat hæc cautela.

5. Cum nihil plùs metuatur post membri exstirpationem, quàm hæmorrhagia; hinc anxîâ curâ omnia Artis molimina adhibent Chirurgi, ut hanc evitent. Et quamvis ligatis vasis majoribus, & absorbentibus pulveribus applicatis ad locum, satis cautum videatur, solent tamen vesicam, simili pulvere referam, trunco circum applicare, ut, si fortè aliquis sanguis adhuc exiret, vel malâ fortunâ ligatura trunci cuiusdam arteriosi solveretur; pulveres illi, statim cum sanguine in massam firmam concrecentes, prohiberent hæmorrhagiam. In *Commentariis* autem §. 218. n°. 3, dictum fuit, adstringentia illa parum efficere posse, nisi simul idonea compressio accesserit, quæ sola sine his etiam quàm efficacissimè hæmorrhagiam compescere potest, ut ibidem n°. 6, probatum fuit. Farina volatilis mortuorum, gypsum, bolus Armena, præcipua sunt. Colophoniam vel resinam cum bolo laudant alii. Lycoperdi fungi dissectos orbiculos, nostrates Chirurgi ad similes usus adhibere solent, & satis feliciter quidem, In *Materia Medica* ad hunc numerum tales formulæ habentur. Celeberrimus tamen in Arte vir (a) *Alexander Monro*, qui plurima utilissima monet in exstirpationibus membrorum observanda, dudum jam horum pulverum adstringentium usum apud Scotos evulvisse notat, quia & cum sanguine, vel aliis humoribus affluentibus, in duras massas concrescunt, quæ teneram vulneris superficiem lædunt; & postea difficulter tolli possunt, cum satis pertinaciter adhæreant. Consultit hinc, ut ligatis majoribus arteriis, reliqua trunci superficies mollissimis tegatur lintei carpi filamentis, quæ non lædent crudum vulnus, interimque liquida affluentia satis absorbeant. Monèturque simul, longè pulchrius hoc obtineri, & æquabiliorem pressionem conciliari parti, si loco plumaceolorum, ex linteis carptis convolutis factorum, filamenta hæc simpliciter applicentur, variâ crassitie, prout major eminentia vel cavitas superficiei requirunt.

6. Cum illâ methodo ligandi arterias majores dissectas, quæ hodie invaluit; hæmorrhagiæ periculum nullum sit, non requiritur stricta adeo ligatura: sufficit autem talis, quæ blandâ pressione lintea carpta & reliquum apparatus in loco retineat. Si enim ligatura circumposita truncum magis urgeat, plurima fient mala: tota enim pressio fasciarum in partes molles solas agat, cum os cedere nequeat; adeoque sursum prementur carnes, & os nudum relinquent. Præterea crudum illud vulnus (vide §. 158. n°. 5.) incipiet tumere calere, dolere, inflammari; adeoque summus gangrænæ metus erit, si valida compressio accesserit (vide §. 422. lit. Z.). Unde etiam prudentes Chirurgi maluerunt, ubi metuebant hæmorrhagiam, noctes dièstque famulos apponere, qui blandâ manûs pressione stypticos pulveres & reliquum apparatus continerent.

7. Quàm necessarium sit, ut vigiliz impediuntur in vulneratis, & quies concilietur, demonstratum fuit in *Commentariis* §. 202. Dictumque fuit ibidem, satis tutum esse in talibus casibus narcoticorum usum. Multò magis ergo hoc verum erit in exstirpationibus. Ubi autem paulò ante operationem (vide §. 469. n°. 5.)

(a) Medical. Essays Vol. IV. no. 22. pag. 311, &c.  
Tom. I.

narcoticum datum fuerit, illud perget agere adhuc per aliquot horas, blandumque somnum inducet. Multum etiam huc faciet tranquilla pacata mentis serenitas, quæ adesse solet semper, dum transierunt illa mala, quæ antea brevi futura metuebantur. Quam periculosum verò sit partem truncatam movere, constat illo casu, cujus aliâ occasione ( in *Commentariis* §. 218. n°. 6. ) mentio facta fuit. Femur exstirpatum fuerat nobilissimo viro, qui intrepido animo hanc operationem sustinuerat; cum faustus hæctenus fuisset curationis progressus, vigesima primâ post exstirpationem die, se ipsum solus erexit in lecto subito & magnâ fati vi; sed mox imprudentiæ suæ poenas luebat, illico succedente validâ hæmorrhagiâ, quamvis ligaturâ occlusæ fuissent arteriæ: vixque à tanto periculo evasit, ope pulcherrimi instrumenti à celeberrimo *Petito*, excogitati, quo comprimebatur hians arteriarum orificium, simulque arteriæ truncus supra vulneris locum pro lubitu angustari poterat (a). Omnia autem illa, quæ circa victus regimen in vulneratis à §. 192, ad §. 197, enumerantur, hic accuratissimè observanda sunt. Minimum enim diætæ vitium tanto vulnere nocere poterit, cum recens chylus, ingestorum dotes sæpe diu adhuc retinens, versus hunc locum minùs resistentem maximâ sæpe copiâ feratur; uti monitum fuit in *Commentariis* §. 192. Præterea, cum aliquando per exstirpationem magna corporis pars tollatur, parciore victus ratio instituenda est, cum minùs requiratur ad corporis nutrimentum, quàm antea; & omne superfluum vulneris locum minùs resistentem urgeat: unde vasorum dilatatio nimia, carnes fungosæ, &c, nasci possent.

§. 472. **CONSOLIDATIO** fit in osse, si citò curetur exfoliatio, & caveatur caries, quod fit, si illico ei applicetur spleniolum spiritu vini mastichino madidum.

Superficies ossis in parte truncata ferræ dentibus confusa fuit, unde videtur hic requiri separatio extimæ illius superficiei. Ut hanc promoverent Chirurgi, solebant candenti ferro os nudum leviter tangere (b). Merito autem hæc methodus hodie repudiatur. In vulnere enim capitis & fracturarum Historia patuit, ossium consolidationem & separationem corrupti, non indigere tanto molimine, sed felicissimè perfici, modò ab aere & pinguibus defendantur. Si ergo statim post exstirpationem ossi applicetur plumaceolum, spiritu vini, cum mastiche, vel similibus, decocto madidum; aer arcetur, & felicissima cura sequi solet, uti dictum fuit in *Commentariis* §. 252. n°. 2. Ubi autem cauterio applicato os comburitur, certò debet separari omne illud, quod ignis vi destructum fuit; adeoque retardabitur cura. Quinimo Observata fidelia videntur evincere, non semper necessariam esse illam ossis dissectionem exfoliationem. In methodo enim illa curandarum artuum exstirpatorum per insitionem, de qua dictum fuit in *Commentariis* §. 469. n°. 2, illico carnis relicte pars trunco applicatur undique, & postea accrescit: testaturque *Ruyfchius* (c) qui in cubito tali methodo instituitur exstirpationem coram viderat, & quotidie deligationi vulneris adfuerat, quod nullam

(a) Académie des Sciences l'an 1731, *Mém.* pag. 144.

(b) Ambroise Paré Liv. XII. chap. xxxvii. pag. 308.  
(c) *Epist.* Problem. XIV. pag. 14.

sensibilem separationem extremitatum ossium cubiti & radii toto curæ tempore observaverit; creditque factum hoc ideo fuisse, quòd illico carne testæ ossium extremitates aeri minus expositæ fuissent. Ubi autem vulgari methodo membra exstirpantur, licet ossa nudata diutius aeri exponantur, tamen neque tunc semper sensibiles partes ab ossibus secedere monet celeberrimus *Monrous*. (a) In quatuordecim enim exstirpationum casibus, tantum ter ossis particulas abscississe observavit; in reliquis ne vestigium exfoliationis inventum fuit. Ex quibus patet, nullo modo requiri, ut exfoliatio ossis dissecti promoveatur, cum non semper necessaria sit.

§. 473. **I**N carne verò, ut in Historia vulnerum dictum fuit ( ab 189. 192, ad 210 ).

Omnia, quæ in curatione vulnerum numeris citatis dicta sunt, hic iterum conveniunt. Notavit autem celeberrimus *Monrous* ( b ) cavendum esse, ne nimis citò tollatur primus apparatus. Lintea enim carpta, pulveres styptici, fungus lycoperdi, &c, pertinaciter solent adhærere vulneris superficiei, neque sine dolore & metu hæmorrhagiæ inde avelli possunt; donec suppuratione natâ humefcant iterum & sponte decidunt: ideo noluit, ante quintum diem apparatus renovari. Si verò à sanguine vel ichore fasciæ penetratæ fœtere incipiant, forfice rescindendas jubet, omniâque illa removenda, quæ non adhærent firmiter vulneri; deinde puris lintheis applicatis omnia iterum tegi voluit. Raram dein deligationem commendat, secundâ quâque vel tertiâ tantum die faciendam, dum pruritus, in vulneris loco perceptus, acrius jam fieri pus indicat. Molli verò, per lintea carpta applicata, compressione spongiosæ carnis generationem præcavendam monet; & fila, quibus arteriæ ligatæ fuerunt, si non satis citò cadant, & crescente carne tegantur, cautè rescindenda jubet, ne diutius relicta postea commodè educi nequeant, & fistulosum ulcus diu maneat.

Quamvis autem à dexterrimis Chirurgis exstirpatio membri facta, omnèsq; cautelæ hoc capitulo enumeratæ scrupulosè observatæ fuerint, tamen aliquando quedam sequuntur, mala, quæ nec prævideri poterant faciliè neque sæpe ullâ Arte tolli. Dictum fuit in *Commentariis* §. 172. n°. 1, magnam sæpe nasci curæ difficultatem, dum post majorum membrorum exstirpationem latum vulnus quotidie ingentem puris copiam colligit: sæpius enim absterfo pure, impeditur vulneris consolidatio, quòd tunc in fonticuli naturam ferè degenerans incredibilem copiam liquidi dimittit quotidie: unde subducto corporis nutrimento hæc viâ, totum corpus exsiccaturo vero marasmo. Si autem diu maneat in tanti vulneris superficie collectum pus, illud, morâ & calore attenuatum, venosis oculis resorbetur, & omnem sanguinem putridâ cacochymia inficit; unde iterum plurima mala fiunt. Sed rara deligatio nimiam humorum jacturam impedit, & decoctorum ex herbis vulnerariis largus usus eluet de sanguine reformatum pus, & per urinas vel sudores expellet. Ubi autem improvisò omne corporis nutrimentum huc ruit, & maximâ copiâ per aperta hic vasa exit, in angusto spes est.

(a) Medical, Essays Tom. IV. n°. xxii. | (b) Ibid. pag. 342.  
pag. 345.

Homini in flore ætatis crus exstirpatum fuerat ob sphacelum, quem contraxerat, dum mediâ ætate puteum profundum mundaret. Felicissimè successerat operatio, nulla sequebatur febris, appetitus erat integerrimus, atque interim diætæ regimen debitum observabat æger, ossis extrema jam exfoliata fuerant, plagâque ipsa ad cicatricem perducebatur; tota vulneris amplitudine dimidiî nummi imperialis magnitudinem circiter æquante. Cùm sic omnia in vado esse credebantur, optimâque valetudine fruebatur æger, incepit de vulnere aliquid albicantis, lactæ quasi materiæ, exire, sensimque augebatur hujus materiæ copia eo usque, ut singulis deligationibus duas trêve libras exivisse deprehenderetur: accessit simul profusus alvi fluxus. Binis his evacuationibus intra octodecim dies sic exhauriebatur æger, ut vero marasmo confectus periret. Nulla tamen causa hujus mali à peritissimis Chirurgis, qui communi consilio ægri curam gerebant, poterat detegi; nullumque inveniebatur remedium, quod cohiberet infaustum illud nutrimenti corporis per vulnus & alvum profluvium (a).

Alterum, quod graviore operatione Chirurgicâ aliquando sequitur, malum, convulsio est; quæ non statim, sed diu post, licet omnia prospere cedere videantur, sæpe ægros opprimit. Sic *Mauritius à Reverhoft* Anatomes Professor Hagæ Comitum in Epistola data ad celeberrimum *Ruyfchium*, narrat, quod in virgine triginta duorum annorum, postquam crus infra genu dextrâ admodum & celeri manu resectum fuisset, (b) *quin etiam ipsa curatio satis feliciter pro tempore succederet, optatûque eventum polliceretur*; infaustus tamen & lethalis eventus fuerit. Continui & intolerabiles dolores aderant in parte affecta, similesque percipiebantur in ipsa parte ablata (quod sæpe in exstirpationibus observatur). Ante debitum tempus menses prodibant cum validis intestinorum cruciatibus, & defectionibus assiduis. Postquam autem hæc mala cessaverant, statim conqueri cepit de faucium anxietate, & respirandi difficultate, quæ passioni hysteriæ, familiari huic virgini malo, adscribuntur. Sed brevi postea, colli dolor & immobilitas, masticatio & deglutitio impedita, oris clausura, muscutorum faciei distorsio, sinistrum ominabatur eventum, licet omnia in vulnere laudabilia apparerent. Nec internis nec externis remediis applicatis minuebantur hæc symptomata; febris intendebatur, accedebat delirium, tandèque mors omnibus his malis finem imposuit. Additque egregius Vir, se in illis, qui ab hernia intestinali secti fuerant, quandoque similia symptomata observasse, & lethali plerumque cum eventu, licet saluti jam proximi viderentur.

Apparet ergo ex his Observatis, nunquam posse promitti in gravioribus operationibus Chirurgicis felicem curam, semperque adesse periculum; non tantum in ipso opere, uti *Celsus* (c) monuerat, animi deliquium vel sanguinis profusionem metuens; sed diu etiam postea, licet omnia ex voto cedere videantur. Debent ergo Chirurghi & Medici ægri amicos monere, talia pericula in omnibus exstirpationibus, quamvis dexterrimè factis adesse; ne postea vel ignorasse, vel sefellisse videantur. Non fine ratione ergo & (d) *Hippocrates*, & (e) *Aræus* (vide *Commentaria* §. 233.) convulsionem, vulnere accedentem lethalem damnaverunt.

(a) De Lamotte *Traité complet de Chirurgie* Tom. III. pag. 385. & suiv.

(b) *Ruyfch. Epist. Anatom. Problem. XIV.* pag. 6.

(c) *Medicinal. Lib. VII. cap. xxxiii. pag. 497.*

(d) *Aphorism. Sect. V. n.º 11. Charter. Tom. IX. Part. II. pag. 195.*

(e) De caus. & sign. Morbor. acutor. Lib. I. cap. vi. pag. 3.

Optimum, quod Ars habet in dolendis illis casibus, est, ut blandissimis oleis, fomentis emollientissimis, tepidæ vapore, &c, totum corpus, & inprimis partes dolentes & convulsæ, laxentur; uti in *Commentariis* §. 234. n°. 3, ex *Hippocrate*, *Aretæo*, *Galeno*, &c, commendatum fuit. Pulcherrimum casum, qui horum vim salubrem probat, habet *Paræus* (a). Militi, ob sphacelum post vulnus sclopeti brachio infictum natum, in ipso cubiti articulo exstirpaverat membrum: post quindecim dies convulsio prehendit miserum, sic ut maxillæ firmissime clauderentur, & labia & faciei muscoli distorti risum sardonicum facerent. Cùm omnium rerum indigus, in summa domûs parte decumberet, malè tecto corpore, frigori & vento expositus æger, *Paræus* iussit illum deferri in stabulum, in quo pecorum magnus numerus erat, & simi ingens copia. Ab utraque parte corporis positis carbonibus ardentibus, perfricuit nucham, brachium & crura linimentis, & simi acervo mundum stramen imposuit, deinde supra hoc militem linteo calido involutum reposuit, & bene tecto corpore reliquit per tres dies & noctes. Fimi blandus & humidus calor adeo profuit in desperato serè hoc casu, ut post copiosum sudorem & levem diarrhœam, inceperit æger parum deducere maxillas, antea spasmo pertinacissime clausas; & tandem ab ipso mortis limine redux convalesceret.

§. 474. SI ægro, sic truncato magnam partem (466-471.) viscera chylopoœa & hæmatopoœa valida sunt, plethoræ effectus sæpe sequuntur (106) quibus ut auferatur causa, missio sanguinis aliquoties, pro re, nata, instituenda, & victus moderatus.

Visum fuit aliquando, supervixisse diu homines, quibus in bellicis conflictibus utrumque crus globo ex tormentis bellicis majoribus emisso ablatum fuerat. Sed quanta tunc pars corporis perierit! Pergunt interim viscera omnia, si cæteroquin sanus fuerit talis homo, suis fungi muneribus: hinc ex ingestis tantum chyli & sanguinis parabitur, quantum antea; vasorum tamen recipientium numerus longè minor erit; adeoque reliqua vasa magis debebunt distendi & repleri, ut auctam quotidie humorum copiam possint recipere. Omnes ergo effectus plethoræ sequentur necessariis. Et quia artubus truncati ad solitos labores minus idonei sunt, augebitur plethora, dum quotidie minus dissipabitur per corporis motum, quam antea solebat. Nihil ergo superest, quam ut sanguinis missione tollatur nimia copia, repleta aliquoties, si signa plethoræ urgentis redeant; sensim autem postea minuat sanguinis educendi copia, ut sic gradatim corpus insigni huic mutationi assuescat. Simul victus instituat talis, qui sustinendo corpori sufficiat quidem, nec tamen nimis augeat humorum copiam. Nisi hæ cautelæ observentur, metus est, ne vasa nimis distenta rumpantur: unde apoplexia, hæmoptoe, &c, fieri poterunt, nisi dilatatis orificiis sanguinis nimiam copiam in locis minus periculosis effundant; uti dum salubri narium hæmorrhagiâ, cruentâ dejectione, &c, tollitur plethora. Sic *Galenus* monet, quod (b) *intestinelorum venis, præ sanguinis copia adaperitis, cruentum deiciatur; sic ut similis affectus sit, atque ubi ora venarum, non in ano,*


(a) Livre XII. Chapitre xxxvii. page 309. | xxxviii. Charter. Tom. XII. page 450.

(b) Lib. de Artic. Comment. IV. text.

*sed in intestinorum anfractibus, aut ad initium recti intestini, longè ab ano aperiantur. Per multos autem videmus experiri hoc malum, quibus membrum excisum fuerit. Sed in manu Medici non est copiam sanguinis nimiam per vasa dilatata vel rupta educere in talibus corporis locis, in quibus tutò hoc fieri poterit; adeoque semper metus est sinistri eventus. Sola venæ-sectio in tali casu nocituram sanguinis abundantiam minuit sine periculo. Nisi enim vel sponte, vel per Artem solvatur plethora in illis, qui magnam corporis partem sic amiserunt, sæpe (a) ad thoracem vel pulmonem confluit, quod malum jam grave est. Alterutrum enim, vel pulmonis inflammationem, & lateris dolorem, vel sanguinis sputum supervenire necesse est. Ex Benedictus inter Observationes suas sequentem regulam Præticam posuit: (b) Gibbosi, & quibus membra amputata, fluxionibus magis laceffiti, & phthisi maxime periclitantur.*

§. 475. **A**MISSI damnum sarcit imitatio artificialis perdiri, per fabricatas machinulas. Vide *Aquapendentem*, *Hildanum*, *Solingenium*, *Paraum*.

Facile potest adaptari truncato membro Arte facta machina, quæ figuram partis ablatae refert; sicque, dum vestibus tegitur, tollitur deformitas. Sed, Mechanici miris inventis aliquem adhuc usum ablatae partis restituere potuerunt. Supra locum amputationis enim musculi, & illorum partes residuae, ad voluntatis nutum turgent & instantur: adaptaverunt autem his musculis pulcherrimam Arte fabricatas machinas; per quas, dum musculi, qui antea truncatae partis ablatos articulos flectebant, v. gr; turgent, aliqua quasi imago similis motus excitatur. Integrum tale skeleton ferreum & ab anteriori & à posteriori parte delineavit *Fabricius ab Aquapendente*. Manús talis artificialis figuram, quam ab optimo Artifice precibus vix extorquere potuerat, exhibuit *Paraus* (c), ubi & plures aliae similes figurae habentur.



## DE COMBUSTIONE.

§. 476. **S**I ignis ardens, vel in fervido corpore latens, corpori nostro applicatur, oritur destructio vasculorum, extravasatio humorum, pro varietate causæ, durationis, partis affectæ, varia.

Datur in corpore hominis fani caloris gradus, thermometris mensurandus, à quo nec liquidis nec solidis aliquid noxæ accidit. Rarè etiam in fortissimis homi-

(a) Galen. Lib. de artic. Comment. IV. sex. XXXVIII, Charter, Tom. XII, pag. 451.

(b) Theatrum Tabidorum pag. 108.

(c) Livre XXIII, Chap. XII, pag. 580.

ac,



nibus calor ille nonagesimum sextum gradum thermometri *Fahrenheitiani* (dicti à primo portatiliu thermometrorum in his saltem regionibus artifice) excedit. Ubi verò ultra centesimum gradum in morbis ascendit, incipit sanguis ejusque serum ad coagulationem disponi: si autem centesimum & vigesimum gradum æquat calor, serum sanguinis coagulatur. Calor ergo ad hunc gradum eversus jam liquida nostra mutat; solidæ autem partes nondum videntur inde multum lædi. Ubi verò ad ebullientis aquæ calorem, quæ circiter ducentesimo & duodecimo gradu mensurari solet, perventum est, & citius adhuc; jam solidæ corporis partes inde læduntur, & destruuntur quædam ex illis. Aqua enim ebulliens, vel & ebullitioni proxima, si tangat partem nostri corporis, paulò post ruptis vasīs tenerrimis, quæ epidermidem cuti nectebant, effunduntur humores, qui collecti epidermidem in bullas elevant. Ubi autem major calor, quàm est ebullientis aquæ, corpori humano applicatur, plura vasa destruuntur, & citissime quidem. Sic ferrum candens uno momento destruit omnem partem corporis, quam tangit.

Ignis autem corpori applicatus vel ardet & lucet, uti v. gr; candelæ flamma, ardens pruna, &c; vel inhæret quibusdam corporibus sic, ut non luceat quidem, interimque pessimè comburat omnia, quæ tangit. Sic v. gr; ferrum potest adeo calere, ut sulphur accendat, & partes nostri corporis ad ossa usque destruat; nec luceat vel ardeat tamen. Tunc dicitur latere ignis in talibus corporibus, quamvis adeo sensibiles effectus præstet. Effectus illi reduci possunt ad vasculorum destructionem, humorum extravasationem, atque eorumdem coagulationem. Sic v. gr; si aqua ebulliens per aliquot tantum momenta partem corporis tangit; ruptis vasculis sub epidermide colliguntur extravasati humores: verum & cutis, & sæpe panniculi adiposi suppositi pars sic inde mutantur, ut coagulatis fluidis tolleretur omnis vitalis influxus & effluxus humorum in his locis; & postea partes sic affectæ, verè gangrænosæ, suppuratione in omni ambitu factâ, separari debeant. Ubi ferrum candens parti corporis applicatur, statim dura & siccissima escchara nascitur, nihilque extravasati liquidi apparebit in illo combustionis loco, quamvis vascula destructa fuerint. Ratio facile patet, quia eadem illâ ignis actione liquida coagulata fuerunt. Extravasatio ergo humorum levioris adhuc combustionis effectus est; validiori autem liquida & solida simul in siccam crustam convertuntur.

Effectus verò ignis corpori applicati differunt pro varietate causæ. Ignis quidem videtur esse ex sua natura unus idemque: sed rarissime corpori nostro applicari potest purus ignis, semper enim serè alteri corpori adhæret. Nam purissimè alcoholis accensi flamma nequidem purus ignis est, sed aquam secum rapit. Speculis ustoris collecti solis radii in foco suo fortè purum ignem habent; in reliquis Experimentis ignis semper pabulo suo sustentatur, vel aliis corporibus unitur. Illa autem corpora, quæ ignem in se continent, vel pabulum ardenti præbent igni, dicuntur causæ illorum effectuum, qui ab igne hoc modo corpori nostro applicato sunt. Ingens autem observatur diversitas in his, per Experimenta tantum determinanda. Sic per accensi alcoholis flammam manum movere licet, sine damno serè; si verò quercino ligno focus instructus ardeat, illico combureretur. Præterea in fluidis detecta fuit hæc proprietas, quòd quædam longè majorem copiam ignis capere & retinere possint, quàm alia. Aqua igni ardenti imposita vix calefcet

ultra ducentefimum & decimum quartum gradum thermometri *Fahrenheitiani*; & ubi semel hunc caloris gradum acquisivit, non incalescet plùs, quantuncúmque etiam suppositus augeatur ignis. Oleum autem lini, olivarum, vel simile ali-quod ex feminibus vel fructibus expressum, dum ebullit, ad sexcentefimum ejusdem thermometri gradum facit ascendere mercurium. Unde enormis diver-sitas effectuum observatur, dum vel aquâ ebulliente, aut fervido oleo, pars cor-poris amburitur.

DURATIONIS autem ratione, effectus ignis corpori applicati augeri vel minu-i facile patet. Ferrum candens uno momento applicatum cuti, mox remotum; com-buret quidem, sed leviter; diutius appressum parti quidam ad ossa usque omnia de-struet. Longè periculosior hinc combustio ab ebulliente pice, quàm ab oleo; quia illa tenacissimè adhæret, oleum verò citiùs defluit.

PARTIS AFFECTÆ autem diversa indoles, & varius in corpore humano usus, iterum novam diversitatem facit. Cyclopes illi, qui anchoris cudendis quotidie incumbunt, volas manuum instar cornu durissimas & infcassiles habent, atque impune vivum ignem, imò & candens ferè ab igne ferrum, arripiunt: iidem tamen, dum à valido labore lassì focolis suis assidentes vesperì obdormiunt, sæpe à medico tali igne cutim in cruribus combussam, & in vesiculas elevatam, ha-bent. Dum civis Hagensis ori admotum sclopetum instat, infortunato casu incen-ditur pulvis pyrius, quo, inscio hoc homine, gravidus erat tubus; miserique pala-rum, gula, gingivæ, lingua adurebantur. Licèt autem & vene-sectio, & alia selecta adhiberentur remedia, per ostiduum tamen nihil omnino deglutire potuit; posteaque, separatis partibus mortuis, viva supposita cruda & dolentissima novas fecerunt misérias, donec tandem post diuturnam veluti cum morte colloctationem convaluerit, ossis etiam fragmentis à palato separatis (a). Facile autem patet, longè minùs periculi fore & molestiæ, si loco gulæ manum pulvere pyrio ac-censò combussisset,

§. 477. **HUJUS** (476) varietatis gradus varii similes sunt his, qui decurrunt à prima & levissima inflammatione, (370, ad 404.) usque in sævissimum sphacelum.

Quæcumque jam fuerit causa ignem continens, & applicans corpori, quantùm-vis magna aut parva fuerit duratio hujus applicationis, cuicumque demum parti corporis ignis applicatus fuerit, effectus quidem erunt varii, sed omnino similes illis tamen, qui in variis inflammationis gradibus observantur: summus enim ignis partem corporis destruens non plùs facit, quàm sphacelus omnia cor-rumpens. Levis autem, quamvis jam molesta, ignis actio tumorem aliquem & ruborem excitabit in parte quadam corporis, ferè erysipelatis instat; auctà ignis vi, tumor & rubor augebuntur, & fiet vera phlegmone: dein pergente, vel & auctà adhuc ignis actione, vesiculæ elevantur, & omnia gangræ-næ, ex valida inflammatione natæ signa apparent: ultimò per ignem omnia destruantur ad ossa usque, ut in vero sphacelo fit. Dictum autem fuit in *Com-mentariis* §. 370, ob hanc effectuum similitudinem, plegmone nomen ab igne

(a) Stalpart. vander Wiel. *Observat. rar. Cent. 1. n.º, xxiv. pag. 100.*

accepisse. Quot autem possunt esse gradus intermedii inter levissimum erysipelas & perfectissimum sphacelum, tot etiam intercurrent inter minimam & maximam combustionem. Sola ferè diversitas est in celeritate, quia per ignem applicatum momento temporis perfectus sphacelus fieri poterit; qui semper, post levissimam quamvis inflammationem, tardius sequitur.

§. 478. **HI NC** phænomena, diagnosis prognosis, eadem.

Ex modò dictis, patet, phænomena combustionis eadem esse illis, quæ inflammationem comitantur. Verùm, sicut inflammatio, pro varia magnitudine & intensitate, varios habebat exitus, variamque requirebat medelam, uti in ejus Historia dictum fuit; ita etiam in combustionem obtinet: adeoque & cognosci debent illa signa, quæ docent variam combustionis magnitudinem. Horum cognitio ad diagnosis pertinet. Levis combustio noscitur ex cognita causâ, quæ nec valida fuit, nec diu applicata; uti v. gr; si aqua, nondum omnino fervida, per momentum tantum partem corporis attigerit; rubor cutis, levis tumor, dolor molestus quidem, nec tamen acerrimus, vesiculæ vel nullæ, vel paucæ tantum, neque statim post combustionem ortæ, & limpidâ aquâ plenæ, hujus speciei diagnosis absolvunt. Pejor combustionis gradus scitur, cognitâ causâ validiori, aut majori duratione ejusdem, dolore valido, vesiculis liquore flavescente plenis, statim post combustionem apparentibus, sensu tensionis & rigiditatis in cute loci combusti. In pessima autem combustionem, ubi per validissimam causam subito destruuntur omnia, nullæ vesiculæ sunt in loco ambugo, quæ tamen postea sæpe in ejus ambitu oriuntur, cutis livida, imò aliquando penitus nigra est, & nullum sensum doloris habet, licet scalpello pungatur, dura & penitus arida.

Prognosis autem pendet à cognita combustionis specie per signa diagnostica; indole partis læsæ, & ægri temperie. Hicque in primis cauti debent esse Medici & Chirurghi, ne plùs promittant, quàm efficere possint. Ubi enim levis tantum combustio est, sine cicatrice relicta, sanari poterit; si verò ruptis vasibus & effusis humoribus, vel iisdem coagulatis per ignem, in parte affecta destructus fuit humorum circuitus, totum illud suppuratione, in omni ambitu natâ, separari debet; & turpiter errabit ille, qui facilem talis combustionis curam, & sine cicatrice promittit: separatâ enim hæc parte mortuâ cavum ulcus fiet: cuius amissa substantia rarè vel nunquam sic reparari poterit, ut æquabilis fiat superficies cum cute vicina. Prout jam tenerioris vel durioris fabricæ fuerit pars ambugo, iterum prognosis variat. Sic v. gr, circa oculos summum semper periculum etiam à levi combustionem est, ne lædatur visus. In atrabiliaris, cacochymicis, & scorbuticis in primis corporibus, lævis sæpe combustio in pertinacissimum ulcus degenerat. Ad omnia ergo hæc in prognosi attendendum est, ne postea mala sequentia adscribantur Medico vel Chirurgo si non monuerit, hæc metuenda esse.

§. 479. **QUIN** curatio nihil differt: potus antiphlogisticus semper necessarius.

Sicut enim nulla generalis cura est inflammationis, sed illa variat prout, in re.  
Tom. I. Eeeee

solutionem, suppurationem, gangrænam, vel schirrum tendit; sic etiam & in combustionem longè alia requiruntur, quando illa intra limites resolvendæ inflammationis subsistit, quàm si in crustas gangrænosas vel & spæcelatas partem converterit. Sequentibus ergo paragraphis pro vario gradu ambustionis peculiaris cura trahetur; patebitque, illam satis respondere indicationibus curatoris in phlegmones Historia enumeratis. Unicum tantùm hoc in omni combustionis specie commendari potest, nempe potius tenuis antiphlogistici usus. Semper enim inflammationem levem etiam combustionem comitatur. Imò in gravioribus combustionibus, imprimis si magna pars corporis affecta fuerit, omnia illa conveniunt, quæ in valida phlegmone curanda laudata fuerunt. Venæsectio hinc, etiam repetita pro re nata, & purgantia antiphlogistica summi usus sunt. Hac methodo *Hildanus* (a) feliciter curavit tinctoris famulum, qui in ahenum tincturâ calidâ, nec omnino servidâ tamen plenum inciderat; simul optimis externis remediis applicatis, intra quatuordecim ab universi corporis combustionē tali sanatus fuit. Sed hæc combustio, uti ex Historia patet, non excefferat limites resolvendæ inflammationis, nisi paucis tantum in corporis locis, quæ ramentis ligni quercini, & aliis similibus in fundo haeni jacentibus contigua fuerant; quibus etiam, uti ibidem monet *Hildanus*, alia curationis methodus adhibita fuit. Patet saltem & hoc Exemplo, quantum illa, quæ in curanda inflammatione resolubili fuerunt laudata, etiam in combustionem profint.

§. 480. **USTIO** intra limites resolvendæ inflammationis subsistens (386) curanda his, quæ liquida condiant, moveant, vasta expediant, conservent: id fit igne moderato, foru, cataplasmate, (395, ad 402.) butyro loto, spiritu vini cum paucis vitrioli.

Si combustio parvam tantum corporis partem læserit, non opus erit venæsectione, purgantibus antiphlogisticis, &c, corpus turbare; sufficet enim tunc topica medela ipsi parti affectæ adhibita. Ubi verò tam levis ustio fuit, ut resolvablem inflammationem tantum excitaverit in parte, satis facilis cura est: tuncque omnia illa, quæ in singulis serè familiis habentur diversa, remedia valent. Quod enim mirum videtur, optimi etiam Chirurgi oppositæ virtutis remedia hic commendant, emollientia nempe, & adstringentia, attrahentia & repellentia, &c. Sic *Paræus* (b) portulacæ, lactucæ, plantaginis, &c, succos, molliissimum ovi albumen laudat; & eodem in loco ad idem malum commendat lutum forti aceto dilutum, atramentum scriptorium oxycrato mistum, alumen rupeum aquâ solutum, imò & acres ceparum bulbos cum paucis sale tritos applicari summo cum fructu monet. Vidi aliquando & plurima alia fuisse applicata in tali casu & cum levamine quidem, modò frequenter renovarentur. Hoc & monuerunt serè omnes Chirurgi, in initio applicata remedia locis combustis sæpe renovanda esse, donec dolor sedetur; & uti *Paræus* (c) dixit, donec calor parti impressus eductus fuerit. Dum *Hildani* uxor sapæ ebullienti ad carpum us-

(a) De Combustione, cap. VII. pag. 912.

(b) Liv. XII. chap. XVII. XVIII. pag. 300.

(c) Ibidem.

que dextram manum improvisò immiserat, illico dolor vehementissimus ortus est, non tantùm in manu, verùm etiam toto brachio. Calidà aquà abluit statim sapam, deinde partem læsam inunxit linimento, ex cepis crudis, fale sapone & oleo amygdalarum dulcium, & rosaceo composito, brachium verò oleo rosaceo inunxit, & fascià, poscà intinctà, involvit; simulque addit, quòd sæpius omnia illa iteraverit, tam pulchro quidem cum successu, ut tantam combustionem nulla cutis exulceratio secuta sit, præter parvam pustulam in pollice, alteramque similem in digito indice, quæ tamen levi negotio solo unguento basilico curatæ fuerunt (a). In alio casu dicit, quòd singulis horis quater emplastra renovaverit primà die sicque major pars empyreumatis evocata fuerit (b). Videntur ergo plurima esse remedia, quæ combustionem in hoc gradu curare possunt, modò tales habeant proprietates, ut liquida stagnantia condiant, & moveant, vasa interim expediant simul, & illorum integritatem conservent. An ignis, applicatus corporis humani partibus, illis manet unitus pro tempore? An inde potest educi per attrahentia, uti spicula glacialia ex partibus congelatis aquæ frigidæ vel nivis applicatione educuntur? Certè solà ignis prudenti applicatione lenitur dolor in parte combusta, tandèmq; totus tollitur. Unde optimè *Fernelius* dixit, quòd (c) *ignis si proprius ipsi pars ulla admoveatur proprii inusti mali sit alexiterium, eamque revocatò empyreumate dolore levat: additque, remedia nonnulla impressum partibus ardorem foras calore prolestant; ut ari & porri illius folia præsentì ambustis sunt remedia*. Postea numerosum catalogum addit medicamentorum, quæ ad eundem scopum faciunt, licet viribus medicatis omnino diversis gaudeant. Vidi sæpius, solà aquà tepidà applicatà, unguento populeo inuncto, vel & alio simili, levatum fuisse dolorem in parte combusta; qui tamen paulò post augebatur iterum, levandus illico, modò aliud linteum aquà tepidà madidum parti applicaretur, vel novà copià ejusdem linimenti inungeretur; sicque repetitis vicibus eadem applicando sensim omnis dolor evanescebat. Quidquid sit de illa ignis proprietate quam tantùm dubiè instar proposui, sufficiet Practico novisse illa remedia, quæ rubè & certò dolorem in ambustionibus leniunt, & malum hoc sanant. Usus autem docuit, hæc obtineri posse sequentibus.

**IGNE MODERATO.** Si v. gr; manus dextra combusta fuerit, sinistra foco admovetur in tali distantia, ubi gratissimum calorem percipit; tunc manus dextra in eadem à foco distantia ponitur, incipiet augeri dolor in initio, sed brevè post minuetur; parum proprius admoveatur manus dextra foco, dolebit iterum, & paulò post evanescet dolor: sic sensim proprius ad focum accedat manus læsa, donec possit ferre calorem foci in illa distantia, in qua manus sana illum sine molestia tolerare valet. Ubi hoc factum est, sanata est combustio, & quotidianis Experimentis huius methodi utilitas probatur, diciturque vulgò tunc exuri combustionem (*uytbranden*)

**FOTU, CATAPLASMATE, &c.** In *Materia Medica* ad hunc numerum tales formulæ habentur, & plures aliæ adhiberi possent. Omnium maxime profunt, si tepida applicentur (frigida enim actu nocere ambustis ob-

(a) Hildan, de Combust, cap. vi, pag. 312.

(b) Ibid, cap. ix, pag. 327.

(c) Therapeut. Lib. VI. cap. xx. pag. 453.

servantur) & renoventur frequenter, donec dolor sedetur. Emplastra plumbata, linimenta similia ex plumbi calcibus facta, mollissima olea quævis pariter profunt. Spiritum vini autem omnibus remediis, quotquot adhuc inventa fuisse, palmam præcipere Sydenhamus (a) asseruit; si nempe lineæ spiritu vini imbuta partibus ambustis applicentur illico, & horum applicatio repetatur, donec dolor ab igne excitatus penitus evanuerit; posteaque bis in die eadem tantum applicanda voluit. Notandum hic est, quod pariter ille vir commendat frequentem applicationem ejusdem remedii renovati in initio mali. Pauculum vitrioli addidit spiritui vini fortè proderit æquè, ac alumen, & similia, adstringendi & repellendi vi prædita, quæ laudata fuerunt à Paræo & aliis. Fortè hæc sua efficaciam sanguinem aliena vasa ingressum, constringendo vasa, repellunt versus latiorum arteriarum locum, sicque inflammationem hic natam solvunt. Omnia tamen hæc remedia, quantumvis etiam decantatissima fuerint, tantum profunt, ubi combustio resolvendam inflammationem fecerit; si enim sic destructa fuerint vasa, vel coagulata liquida, ut non possit separari resolutio concreti, nec stagnantis possit conciliari motus; alia curatio requiritur, uti in sequentibus paragraphis dicitur.

§. 481. **U**STIO itura in gangrænâ, crispatâ jam & erosâ cute, elevatis bullis, curanda ut inflammatio talis, fotu, cataplasmate, emollientibus, digestivis (402, ad 454.).

Si jam signa (vide §. 478.) doceant, combustionem tantam fuisse, ut benignâ resolutione curari non possit, sed metus sit, ne in gangrænâ transeat, tunc omnia illa convenient, quæ ad similem inflammationem, numeris hic citatis, commendata fuerunt. Benigna suppuratio tunc quæ separat omne illud, quod in solidis & fluidis sic mutatum est, ut vitæ & sanitatis legibus amplius obedire nequeat, promovenda est, mollissimis somentis & cataplasmatibus applicatis. Notandum tamen, bullas in loco combusto elevatas non semper notare, gangrænâ hic adesse. Si enim non statim, sed post aliquot tantum horas appareant, & tenui limpidâ aquâ turgeant; neque dura & crispata appareat subiecta & vicina cutis; nondum desuperandum est, sine suppuratione posse curari talem combustionem. Vidi enim sæpius, ignis vi solutos quidem nexus tenerrimos epidermidis cum cute subiecta, illam tamen non admodum læsam; & sine ulla suppuratione, vel cicatrice relicta, sanatam fuisse talem combustionem. Bullas illas elevatas illico pertundendas volunt Paræus & Hildanus, ne contentus ichor rodât subiectam cutem & exulceret; sed & in me ipso, & aliis, frequenter vidi, nullam noxam ortam fuisse, licet integræ relinquerentur: non enim tam citò corrumpitur illud extravasatum; & cuticula, integra relicta, & ab aere & ab applicatis remediis defendit tenerrimam illam pulpam nervosam, quæ supponitur, & adeo dolet, si nudetur; ut unusquisque in se ipso expertus aliquando fuit, quando à quacumque causa epidermis in quodam corporis loco deraditur: tunc enim dolor lancinans molestissimus (*Schrynendepyn*) percipitur. Solet enim cu-

(a) De peripneumonia Notha, in fine, pag. 343.

tentus his bullis ichor sponte reforberi vel dissipari, & cute subiectâ, testâ, renatâ epidermide, illa pars, quæ in bullas elevata fuerat, sponte secedit postea sine ullo dolore. Si verb subiecta cutis sic læsa fuerit, ut per suppurationem tolli debeat non resolubilis inflammatio, præstat levi aperturâ harum bullarum exitum facere contento ichori, epidermidem verb relinquere; quæ nunquam quid mali faciet, neque corrumpetur. Si enim, uti solet fieri sæpe, abscindatur epidermis jam collapsa, nuda cutis superficies dolentissima erit. Hoc pulchre notavit *Paræus* (a) dicens, profundas combustiones minùs dolere, quàm superficiarias: monuitque Chirurgo, ut in his casibus dolentissima loca tegerent raro linteo, ne rudiori attractu hæc irritarent, dum depurant ulcus. Similem cautelam in superficiariis illis combustionibus commendat *Hildanus* (b), totùmque locum ambustum telâ Cambriciensi tegebat; neque auferbat illam, donec sanatus esset locus. Certè epidermis relicta magis naturale tegumentum dabit.

Ubi ergo non resolvenda inflammatio, à combustionem natâ, suppurationem requirit, mollissima cataplasmata proderunt, & reliqua illa, de quibus dictum fuit §. 402, & sequentibus, ubi de abscessu agebatur. Et licet nullum profundum ulcus adfuerit, sed sola tantùm epidermis secesserit, maxima tamen sæpe copia optimi puris quotidie in loco ambusto nascitur; siæque sensim sanatur malum. Mirabatur hoc quàm maximè *Hildanus*, dum curabat ancillam; quæ fervidâ aquâ totum crus combusserat ad genu usque. Singulis enim deligationibus, quæ bis quotidie fiebant, ultra femilibrâ puris albi, æqualis & optimi, invenit in linteis & emplastris amotis, duravitque per multos dies tam copiosi puris effluxus; licet sola tantùm epidermis secessisset, nullibique profundum ulcus, multò minùs escchara gangrænosa adfuerit (c.) Curatio autem hujus combustionis, per suppurationem facta, quinque septimanarum spatio absolvebatur.

Cùm autem causa comburens non semper æquali vehementia in omnem loci ambusti ambitum egerit, uti sæpe fit; accidit aliquando, ut in quadam parte resolubilis inflammatio sit, in alia minimè: unde tunc varia pro re nata applicari debent remedia. Sic v. gr; dum aqua fervida delabitur in corporis partem, ille locus quem primò tangit, longè pejùs afficietur, quàm vicina, per quæ postea defluit. Unde in casu illo, (de quo §. 479, dictum fuit,) ubi tinctoris famulus toto corpore in fervidam ferè aquam inciderat, *Hildanus* totum ferè corpus quidem inunxit unguento ex sapone, sale, cepis crudis, &c, confecto, quibuldâ tamen locis, ubi combustio profundius penetraverat, mollissima tantùm remedia applicuit. Nunquam tamen nocbit, licet resolutio vix sperari posse videatur, in gravioribus combustionibus, venæsectionem, purgantia antiphlogistica, diluentia, &c, adhibere; cùm illis citò applicatis, & si opus fuerit repetitis, multoties etiam incipiens gangræna feliciter curetur; uti dictum fuit §. 441. Inprimis si facies ambusta fuerit, unde turpis, & totâ vitâ manens, deformitas meritò metuitur; vel & aliquando cæcitas, si vel oculi ipsi, vel vicina his loca læsa fuerint. Celeberrimo *Boerhaavio* tale infortunium quondam accidit, dum *Papinianâ* machinâ dissiliente, fervidissima aqua in faciem insiluit; quæ & se insinuans intra vestes, brachium misere combusserat. Tota facies mox in bullam ele-

[ (a) Liv. XII. chap. xviii. xix. pag. 301. ] (c) Observ. Chirurg. Cent. IV. Observ.

[ (b) De Combustione, cap. vii. pag. 924. ] CKIII. pag. 372.

vata fuit, palpebræque tumidissimæ sic impediabant omnem visum, ut nequidem candelæ lumen distinguere potuerit. Illico sibi sanguinem mitti ad animi deliquium usque iussit; & sequenti die venæsectionem repetendam curavit: deinde purgans satis forte fumfit; quamvis etiam à levioribus purgantibus ad syncopen usque ferè moveretur. Solo unguento nutrito faciem inungi curavit, & emplastro ex lapide calaminari tegi. Subfederunt tumidæ partes post tam validas evacuationes, & victu tenuissimo & potibus antiphlogisticis magnâ copiâ sumtis tantum profecit in curatione periculose hujus combustionis, ut magno generis humani bono, salvis oculis, incolumis evaserit à tanto malo; & post octo vel novem dies iterum in publicum prodierit. In brachio tamen fœda cicatrix post diurnam suppurationem relicta fuit; ibi enim aqua fervida, inter vestes se insinuans, diutius manserat applicata cuti.

§. 482. **USTIO** jam in crustas gangrænosas, vel sphacelatas acta; curanda ut illi morbi (419, ad 476.).

Ubi autem combustionem sic destructa fuerunt vasa, aut humores adeo coagulati, ut omnis influxus & effluxus humorum in parte affecta impediatur, vera gangræna est; & si ad ossa usque malum penetraverit, sphacelus. Omnia ergo illa, quæ de curatione horum malorum in numeris hic citatis dicta fuerunt, in tali casu proderunt. Debet nempe mortuum illud & corruptum separari à vivis partibus, quibus coheret. In his casibus apparet evidentissimè inanis jactantia illorum, qui arcanis suis remediis brevi tempore, & sine cicatrice relicta, se omnes combustiones curare posse gloriantur. Plures tales casus quotidie occurrunt, & ferè semper vidi, quòd aqua ebulliens, dum in partem quamdam corporis decidit, illum locum, quem primò tangit, gangrænosum reddat; reliqua verò loca, per quæ successivè dein defluit, leviter tantum comburat. Si tunc in tali loco pertundatur epidermis in bullas elevata, subjacet macula cinerea, vel & flavescens, quæ vera eschæra gangrænosæ est; & iisdem legibus à vicinis partibus vitalibus per suppurationem solvitur & excidit, ac in gangrænis: ab aliis causis oris, accidit; ut in *Commentariis* §. 444, explicatum fuit. Si verò ab igne ardente, pulvere pyrio, oleo ebulliente, aliisve gravioribus causis combusta fuerit corporis pars quædam; eschæra illæ durissimæ sunt & adeo crassæ, ut scarificationibus sæpe profundis opus sit, ut partes vivæ suppositæ ab hoc mortuo incumbente liberari possint. Sola mollissima unguenta tunc profunt, uti & fomenta & cataplasmata similia: omnia exsiccantia & adstringentia nocent; Spiritus vini, adeo laudatus à Sydenhamo & aliis, ad omnes combustiones, inducendo has crustas, retardat curationem non tantum, sed & sæpe omnia mala auget. Patuit hoc evidentissimè in tristissimo casu, quem toties laudatus *Lamottius* (a) refert. Hysterico paroxysmo correpta puella prona facie in ignem delapsa est; dumque forè dolore excitata se erigere voluerit, facina denuo in ignem cecidit; unde tota facies, & collum ad mammas usque, uti & tota cervix ad humeros usque miserrimè combusta fuerunt. Mox lintea, spiritu vini madida, locis ambustis applicata fuerunt, & per triduum sic pergebatur. Sed augebatur

(a) *Traité complet de Chirurgie*, Tom. III. pag. 388, & suiv.



dolor, & nigredo jam primâ die apparens extendebat se quaquaversum, unâ cum fœtore cadaveroso intolerabili. Bonâ fortunâ facies levius combusta fuerat, & oculi manserant illæsi. Sed à mento ad mammas usque, & à nucha ad angulum inferiorem utriusque scapulæ, nihil nisi mera crusta arida gangrænosa erat. Profundæ fiebant scarificationes in omni ambitu gravissimæ hujus combustionis: & deinde rimis illis factis applicabatur unguentum *Ægyptiacum* in spiritu vini dissolutum; impositis simul splenis spiritu vini madidis. Sed omnia manebant siccissima; nullumque apparebat vestigium incipientis separationis. Ideo ablatis his remediis, totum locum ambustum textit unguento mollissimo, ex cera flava, oleo olivarum, & vitellis ovorum sub prunis ardentibus ad crepaturam usque coctorum, confecto. Nondum per triduum hoc applicatum fuerat, quin omnia humescerent. Satis citò dein inceperunt decidere escharæ mortuæ & corruptæ, & mensis spatio totus locus purus erat & nitidus; ultra quatuor tamen mensium spatium requirebatur, antequam ad cicatricem perducî potuerit gravissimum hoc malum. Similes aliquot casus adducit idem Auctor quibus confirmatur, in talibus malis mollissima tantum conducere remedia. Similia etiam in talibus combustionibus commendat *Hildanus* (a). Ubi verò ad ossa usque omnes partes molles ambustione destructæ sunt, sola exstirpatio superest; ut in sphacelo dictum fuit. Talem casum *Lamottius* in loco modò citato habet.

Patet ergo, curam gangrænæ & sphaceli in ejusmodi combustionibus convenire; & semper in prognosi tunc monendum esse, tale malum non nisi longo temporis spatio curari posse, semperque turpem mansuram esse cicatricem.

§. 483. **N**USQUAM plus prospiciendum pulchritudini cicatricis, quàm hic (vid. 217.)

Quid sit cicatrix, explicatum fuit in *Commentariis* §. 217, ubi de vulnere curatione agebatur; ibique dictum fuit omnium perfectissimam sanationem vulnere esse, ubi nullum vulneris facti vestigium manet. Si verò hoc obtineri nequeat, tunc pulcherrima cicatrix dicitur adesse, quando vestigium plagæ, post sanationem absolutam relictum, quàm simillimum est cuti vicinæ. Simulque notatum fuit ibidem, tria imprimis ad cicatricis pulchritudinem requiri, ut nempe partes uniantur in eodem situ, quem antea habuerant; neque plagæ locus emineat ultra vicinæ cutis superficiem, neque cavus maneat. Cùm ergo post combustiones fœdæ adeo sæpe cicatrices remaneant, omni curâ attendendum est, ut hæc difformitas caveatur, quantum fieri per Artem poterit. In illa combustionis specie, quæ intra limites resolvendæ inflammationis consistit, & sine suppuratione sequenti curari potest, nulla manebit cicatrix; unde ignari sæpe credunt, quòd omnes combustiones ita curari possint. Ubi autem valida suppuratio, vel gangræna post combustionem nata cutim & panniculum adiposum consumpserit, tunc summa difficultas est, curare tale malum sine deformi cicatrice. Si in parte, quæ vestibus tegi solet, fœda maneat cicatrix, hoc fortè vilipendi posset. Ubi autem facies, & imprimis in amabili sexu, ambusta fuit, omni Artis molimine tentandum est, ut cicatrix, si omnino evitari nequeat, saltem minimè deformis sit.

(a) De Combustione, cap. VIII. pag. 214.

Cum verò, consumptis panniculo adiposo & cute, cicatricem regens glabra peltula subiectis musculis vel eorumdem involucris tendinosis accrescat; locus ille ferè semper cavus erit, & politus & resplendens magis apparebit, quàm vicina loca. Optimum, quod Ars habet, est, ut mollissimis & humectantibus ambustus locus foveatur continuò, ad integram curationem usque; ut laxata his remediis vascula magis elongentur, & retexant plùs de perdita substantia. Omnia ergo exsiccantia, rodentia aut adstringentia vitentur; & applicentur talia, quæ in aliis casibus luxuriantem carnem gignerent. Notandum tamen quàm maximè, hic summà circumspèctione opus esse: aliquando enim in loco combustio tota superficies non fuit passa æqualem ignis vim; ideoque emollientissima, toti plagæ applicata, quædam loca facerent protuberare; sicque turpis nasceretur cicatrix. Sollicitè ergo lustrandus est omnis ambustæ plagæ ambitus, & pro re nata magis minùse emollientia quibusdam locis applicanda sunt. Unde non cujusvis Chirurghi est pulchram cicatricem locis ambustis inducere. Imò formatam jam cicatricem, si durior & aspera fuerit, mollissimis unguentis inungendam quotidie voluit *Hildanus* (a), & fovendam decoctis mollissimis; sique alicubi emineat, laminà plumbeà, argento vivo inunctà, deprimi jussit. Monet præterea, quotidie post inunctionem Chirurgum debere manibus cutem induratam & contractam extendere; ut sic tollatur, quantum fieri potest, cicatricis deformitas. Si omnibus his turpis cicatricis emendatio obtineri nequeat, illam excidendam voluit; & deinde labia vulneris facti à mutuo contactu debere removeri fibulis applicatis, (quam methodum figurà additè expressit), & mollissimis balsamis incarnationem promoveri. Cum autem nunquam scèdior cicatrix fiat, quàm si partes, mutato naturali earumdem situ, concreverint inter se; simulque illud Chirurgi ignorantiam vel negligentiam arguat; omni attentione hoc cavendum erit. Narrat *Hildanus* (b), quòd misero infanti, sex tantum menses nato, manus dextra combusta fuerit, ita ut, excepto pollice, omnium digitorum extremi articuli ceciderint; &, imperitis tam gravis combustionis curà commissà, digiti retrorsum incurvati manûs dorso, quod etiam combustum fuerat, & inter se invicem concreverint. Cum omnis membri usus sic periisset, & contracta in globum manus scèdissimum exhiberet spectaculum; pater infantis, post absolutam curam septem jam mēibus elapsis, *Hildanum* consuluit, qui mollissima fomenta & unguenta per aliquot dies applicuit, ut laxaret omnia; deinde novaculà rescidit callosam cicatricem, quæ digitos dorso manûs alligabat, similique modo concretos inter se digitos separavit; postea pulchro artificio, applicatà machinà sensim digitos in naturalem situm reduxit, uti in loco citato figura demonstrat. Post faciei combustionem reflexam palpebram inferiorem genæ concrevisse vidi; unde scèdissima lippitudo totà viâ manebat.

Ex quibus omnibus patet, magnam requiri in Chirurgo peritiam & dexteritatem, ut graves combustiones absque insigni deformitate, aut usûs partium deprivatione, curentur; atque sæpe immedicabilia mala nasci, dum imperiti jactatis ad combustionem remediis consili, quæ levioribus malis curandis sufficiunt, graviorum combustionum curam aggrediuntur,

(a) De Combustione, cap. xiv. pag. 931. | (b) Ibid, cap. xv. pag. 951.

## SCIRRHUS.

§. 484. **SCIRRHUS** (392) pro causa habet quidquid succum in glandulis coagulare, inspissare, siccare, potest. Ejus ergo sedes omnis glandula; sed inprimis quæ liquorem facilius inspissandum habet, vel ratione loci stagnare plus cogit. Unde in oculis, naribus, ore, mammis, axillis, inguinibus, pancreate, mesenterio, utero, sæpius obtinet.

Sequitur jam ultimus inflammationis exitus, quando nempe ( vide *Commentaria* §. 392. ) nec resolvitur inflammatio, neque tamen separatur à sanis partibus vicinis illud, quod vitali humorum motui secundum sanitatis leges peragendo ineptum redditum fuerat, tam in fluidis quam in solidis partibus. Uti autem, ubi de gangræna agebatur, dictum fuit non tantum de illa specie, quæ post validas inflammationes sequebatur, verum etiam de gangrænis ab illis omnino causis oriundis; ita pariter & in hoc capitulo generalis scirrhi Historia & curatio describitur.

De tumorum differentiis agens *Galenus* dicit (a) tumores duros & absque dolore scirrhos vocari; hancque scirrhi definitionem pluribus in locis habet, & videtur hæc generalis maximè fuisse scirrhi notio. Quibusdam tamen in locis parum diversam scirrhi descriptionem dedit dicens, (b) *exquisitus igitur scirrhus tumor est præter naturam, sensu carens, ac durus. Non exquisitus autem, non quidem sine sensu omnino est, sed ægre tamen admodum sentit. Qui igitur sine sensu est, curationem non admittit, qui verò hebetis sensus est, ut insanabilis non est, sic nec curatu facilis.* Quod autem in hoc loco *Galenus* vocabulum ἀναισθητός non usurpaverit eadem significatione, quæ ἀναισθητός solet sumi, patet evidenter ex alio loco, ubi dicit (c) *scirrhum nominamus tumorem durum, qui sine dolore est, non tamen omnino sine sensu; talis enim sanabilis non est.* Ex quibus omnibus saltem hoc patet, duritiam sine dolore in omnibus scirrhis adesse; in pessimis autem insanabilibus, secundum *Galenum*, etiam insensibilitatem.

Non autem in locis glandulosis tantum, verum etiam in aliis corporis partibus scirrhos descripsit *Galenus*. De cura enim scirrhi agens (d), aceti vires commendat, tamquam efficaces & tutas, ubi carnosæ musculorum partes in scirrhum induruerant; majori cautela in aceti usu opus esse voluit, si ligamenta vel tendines simili malo afficerentur. Imò in puero, ex erysipellate vehementer adstricto

(a) Aphorism. Sect. IV. n°. XXXIV. *Charter.* Tom. IX. Part. II. pag. 155. *Epidem. Lib. VI. Comment. l. text. II. Ibid. Part. I. pag. 356.*

(b) *Meth. Med. ad Glaucon. Lib. II. Cap. VI. Tom. I.*

*Charter.* Tom. X. pag. 378.

(c) *Method. Med. Lib. XIV. cap. VI. pag.*

314.

(d) *Ibid. cap. V. pag. 313.*

& refrigerato, tumorem scirrhosum in toto femore relictum fuisse dicit (a.) Negari enim non potest, etiam in locis aliis corporis, quam in glandulis tumores præternaturales, duros, indolentes reperiri; qui ergo ex generali definitione *Galenii* scirrhi vocari deberent. Verum cum alium sæpe exitum habeant hæc mala, neque tam facile in cancrum degenerent, fortè melius tumores scirrhocides vocari possent, distinctionis causâ.

Scirrhi autem propriè dicti sedes, glandula videtur esse, sive folliculus cavus, cujus latera omnis generis vasculis constant, & in cujus cavum minimarum arteriolarum oscula hiantia singulare liquidum deponunt, arteriosâ fabricâ à sanguine allato ad glandulam, secretum: per glandulæ emissarium deinde collectum in ejus cavo liquidum exit, variôque usus in diversis locis corporis præstat. Simpliciter tales glandulæ plurimæ sunt, quæ collectum in suis cavis liquidum versus asperæ arteriæ, œsophagi, &c. eructant. Si verò plurimi tales folliculi simul adunati concipiantur, quorum emissaria omnia in unum canalem majorem abeunt, qui collectum sic liquidum in singulares usus deferret; tunc glandularum harum congeries, unâ communi membranâ vestita, & in unum commune emissarium definens, vocatur glandula composita, sive conglomerata, ex quorundam Anatomicorum sententia. Parotides, v. gr; & reliquæ glandulæ salivam à sanguine secernentes, & per unum emissarium in cavum oris emittentes, tales dicuntur. Videantur de his illa, quæ in *Institutionibus Medicis* celeberrimi *Boerhaavii* §. 241, & sequentibus habentur.

Omne ergo illud, quod succum glandularum fabricâ secretum, in cavis illorum collectum, coagulando, inspissando, aut exsiccando potest reddere immedicabilem, sic ut per illorum emissaria exire nequeat, dabit scirrho originem. Idem etiam efficiet omnis causâ, quæ externâ compressione sic angustat glandularum emissaria, ut secreti in cava illorum succi exitus impediatur. Dissendet enim tunc à retento succo folliculus, tenuissima pars sola refovebitur osculis venosis hic patentibus, vel exibat per angustata emissaria; crassum retinebitur, accumulabitur, extendet glandulæ folliculum, comprimet vasa per membranas glandulæ decurrentia: unde tumor orietur & durities ab infarctis vasis, & coagulatis, inspissatis aut exsiccatis liquidis; nervisque per glandularum fabricam dispersis compressis, orietur doloris absentia; & in scirrho insanabili, ut dixit *Galenus*, ab eadem causâ fiet omnimoda insensibilitas. Verum etiam in aliis corporis locis, in quibus arteriosâ fabricâ, absque folliculorum talium interpositione, secretus humor in communi quodam receptaculo colligitur, similia mala oriri possunt. Sic v. gr; in testibus arteria sanguinem advehens venæ sociæ sanguinem rubrum tradit; deinde in ramulos innumerabiles divisâ, totam serè testis substantiam constituentes, ultimis suis osculis eructat in commune receptaculum humorem singularem, mirabili hæc fabricâ, à sanguine secretum. Si jam quacumque de causâ impediatur liber exitus collecti illius in communi receptaculo humoris, omnia eadem fient mala, ac modò de glandulis sic affectis dictum fuit, & testis in tumorem durum indolentem, dissendetur, id est, scirrhosus fiet. Frequentia satis in Praxi Exempla occurrunt, quæ hoc confirmant, quibûve constat, difficillimam hic loci, æquè ac

(a) Method. Medend. ad Glaucon. Lib. II. cap. vii. Charter. Tom. X. pag. 378.

in aliis scirrhis, effe curationem, & in cancro pariter testium has indurationes converti. Sed & in aliis visceribus idem obtinere poterit. In hepate enim à sanguine venarum portarum fecernitur bilis hepatica, quæ minimis ramulis, per totam hepatis substantiam dispersis, recepta tandem in magnum ductum hepaticum infunditur, pèrque illum versus intestina deferitur. Si jam ipse ductus hepaticus obstructus fuerit; vel minores ramuli, in hunc secretam hepatis fabricâ bilem deferentes, à quacumque causa fuerint obturati, stagnante humore coagulato, inspissato, exsiccat; totum hepar, vel quædam ejus pars poterit in scirrhosum tumorem distendi. Cui malo producendo multum favet, sanguinis venarum portarum tardior motus (cùm jam venosus factus iterum per convergentium canalium angustias pelli debeat), & secreti humoris facilis degeneratio in lentorem immedicabilem. Adeoque, licet ex quorundam Anatomicorum sententia in glandulis, conglomeratis dictis, ut v. gr; parotide & similibus, non forent tales folliculi colligentes secretum ab arteriis liquidum, & minimis suis emissariis in communem ductum excretorium deferentes; sed ramuli secretorii ex arteriis derivati, nullis folliculis interpositis, directè in ductum excretorium deferrent secretum humorem; nasceretur tamen ab iisdem causis scirrhus: si nempe succus ille, ab arterioso sanguine secretus, coagulatus, inspissatus, exsiccat, obstrueret ductum communem excretorium, vel & ramulos illos secretorios, eundem succum in commune hoc receptaculum deferentes. Magna enim difficultas curationis scirrhii, qui in glandulis propriè sic dictis hæret, præcipuè consistit in eo, quòd materies in his folliculis collecta extra circulationis territorium quasi hæreat, neque impetus liquidi arteriosi, cordis & vasorum vi propulsi, directè adeo in hæc loca agere possit. Sed si parotis glandula ex arteriis minimis, in glomerem convolutis, & ultimis suis emissariis secretum liquidum in ductum communem excretorium deferentibus, constet; an ullo cum effectu arteriosi liquidi impetus ad ultima illa oscula inspissato fluido infarcta pervenire poterit, ut obstructum illud referet, vel ipsa hæc minima vascula unà cum obstruente humore, benignâ suppuratione, separet à reliquis vasis, quibus cohærent? Certè patebit, credo, hæc pensitantibus, summam hic difficultatem esse; & docent rædiosissima talia testium mala, in quibus tamen sine folliculis interpositis secretio fieri videtur, hujus rei veritatem.

An ergo eò curatu difficilior scirrhus, quò in glandulis magis compositis hæret? Sic videtur. Dum enim folliculi illi simplices, qui in cute externa linimentum illud pingue colligunt, & emissariis suis excernunt, obstruuntur; accumulatur secretus humor, distenditur folliculus, & tumor nascitur; qui à varia consistentia materiæ contentæ diversum nomen habet, meliceridis, atheromatis, vel steatomatis, ut dictum fuit in *Commentariis* §. 75, & 112. n°. 1. Videntur enim tales tumores huc referendi esse, inprimis si duriores materiam continent, ut in steatomatibus sit; tunc enim sub generali scirrhii definitione (vide §. 392.) continentur. Sed ampullosos dictos tales tumores audacter incidunt Chirurghi, contentam materiam exprimunt, & deinde validis suppurantibus, vel & erodentibus, folliculi ipsius cavum consumunt, felici toties cum successu. Rarò enim hi tumores in canceri malignitatem degenerant, licet externâ specie scirrhum malignum referant. Vidi memorabile hujus rei in hac urbe Exemplum. Sexagenarius vir jam per multos annos gesserat tumorem durum, sensim auctum, tandemque pugni magnitudinem æquantem, in inferiori & sinistrâ faciei parte prope

maxillæ inferioris angulum latâ: basi quidem cuti inhærebat, sed mobilis unâ cum cute elevari poterat, nulli subjectæ parti accretus. Incepit sensim magis in fastigium elevari tumor; cutis rubra, imò ferè livida apparebat in apice tumoris; pruritus primò, dein dolor in cute distenta oriebatur; & cùm pessima quævis metueret boni senis familia, nihilque ipse tumori applicari vellet, sponte ruptus fuit apex: exivit materia granulosa dura, subsedit tumor omnis, sic ut vix vestigium maneret atque aliquot adhuc annis crudâ senectute postea vixit. In compositis autem glandulis, si scirrhus factus fuerint, succus ille inspissatus non in uno cavo hæret, sed in pluribus loculis vel & vasculis dispersus est; unde longè major curæ difficultas est, uti facillè patet.

Præterea, si scirrhus factus fuerit glandula composita, multùm differt, in quibus vasis talis glandulæ obstructio hæreat. Sunt enim hic vasa, quæ sanguinem arteriosum adferunt, à quo per glandulæ fabricam peculiaris succus seceruntur: adsunt vasa, quæ succum illum ab alto sanguine secerunt: sunt & vasa, quæ secretum hunc liquorem continent: adsunt denique & alia, quæ illum excerpunt. Si jam vasa adferentia obstructa fuerint, videtur vitalium humorum impetus loca hæc obstructa vi sufficiente urgere posse, ut fiat per suppurationem separatim finium obstructorum à reliquis. Forrè illud obtingit, quando in morbis tories tumentes parotides glandulæ in benignam supurationem abeunt. Ubi verò in secermentibus vasculis simile malum obtingit, facillè patet, minori impetu vitales humores in hæc loca agere posse. Ubi autem in vasculis secretum liquorem continentibus, & colligentibus, concretus stagnat humor, ille extra circulationis limites positus ad optima etiam remedia rebellis est. Si verò in ductibus excretoriis idem malum obtimeat, eadem ratio est; nisi quando talis horum situs est, ut cum fructu resolutentia, & concretum humorem attenuantia, remedia illis applicari possint, vel causa quædam circa ipsum ultimum orificium ductus excretorii glandulæ hæreat, quæ vel obstructum vel comprimendo liquidi excernendi exitum impediat. Sic v. gr; si in ipso ductu excretorio parotidis glandulæ infarctus humor hæserit; tota glandulæ hujus fabrica in scirrhum converti poterit, sed situs hujus ductus spem facit, ut somentis, frictionibus, &c, adhuc superari possit incipiens malum; omnium maxime quidem, si circa hujus ductus aperturam, quâ in os secretum & collectum liquidum effunditur, causa obstructuens hæserit, vel tumor aliquis in vicinia aperturæ hujus natus illam compresserit. Confirmant hanc rem illa, quæ in genitalium morbis observantur. Si enim à gonorrhœa vel alia quacumque causa tumor nascatur circa illum locum urethræ; ubi vesicularum seminalium & vasorum deferentium communia emissaria hiant, impeditur excretio liquidi testibus secreti aliquando in utroque teste, sæpius, in alterutro tantùm, tuncque incipit paulò post tumere vas deferens & epididymis, deinde etiam ipsa propriè dicta testis substantia. Observavi tunc semper, epididymidem priùs tumere, & satis sæpe indurescere; testem verò postea etiam distendi in majorem molem quidem, sed longè molliorem tactu, quàm est distenta epididymis. Solèturque in hoc casu feliciter plerumque curari tale malum, quia causa non in ipsa testium substantia, sed circa sinem ductus excretorii hæret. Simulac enim tumor ille in urethra manuitur, sensim etiam decrescit epididymis, & lenibus frictionibus adhibitis ad pristinam redit magnitudinem & molliorem, omnisque testis tumor evanescit. Ubi verò ipsa testis sub-

stantia in durum tumorem attollitur, nullo vitio priùs observato in epididymide, longè difficilior morbus est; talisque scirrhus rarissimè, vel nunquam, resolvi poterit. Malum enim tunc hæret in minimis illis vasculis fecernentibus, vel fecretum liquorem continentibus, quæ tot circumvolutionibus miro ordine hic disponuntur, ut nullus serè, vel exiguus admodum, possit esse impetus vitalis liquidi per parvam adeo arteriam spermaticam huc allati, nihilque serè sperari possit ab externis remediis, cum tot involucris intricatissima hæc testium substantia defendatur.

Cùm ergo à coagulatione, inspissatione, aut exsiccatione succi glandulosi scirrhus nascatur, patet, illum frequentius nasci debere in illis locis, ubi glandulosà fabrica viscidus humor fecernitur; vel qui; licèt statim post secretionem talem lentorem non habeat, illum tamen paulò pòst acquirit. Totum os internum, fauces inprimis, œsophagus, aspera arteria, pulmonis bronchia, &c, cryptulas tales mucosus habent, in quibus lentus mucus deponitur lubricandis & defendendis his partibus inserviens; non mirum ergo frequenter hic scirrhos nasci. Recensentur jam illa corporis loca, in quibus scirrhii sæpius observantur.

IN OCULIS. Glandulas sebaceas in palpebrarum limbis positas, unctuosum imagma parantes, quod palpebras illinit, & ab attritu mutò defendit, obstructis suis emissariis, intumescere posse, & tumores scirrhosos facere, satis frequentia testantur Observata: sed & glandula innominata hic hæret, similibus morbis obnoxia. Et caruncula illa, in majori oculi angulo locata, scirrhescit aliquando, & in magnam molem crescit. Scirrhum talem in majori oculi sinistro cantho natum, castaneæ magnitudinem æquantem, feliciter abstulit *Hildanus* (a) & trium septimanarum spatio, illaeso visu, sanavit. Magis horrendum casum idem Auctor refert (b), ubi ingens scirrhus, durus, lividus, & jam hæmorrhagia terribilis: summâ tamen dexteritate, methodo ibi descriptâ, totum hunc tumorem unâ cum integro oculi bulbo ex orbita resecevit, & à calamitosissimo hoc malo nobilem virum perfanavit.

NARIBUS. Membranam mucosam, narium cava investientem, numerosis scatere corpusculis glandulosis, demonstravit *Ruysschius* (c), & figurâ expressit. Cùm autem liquor his glandulis secretus facillimè inspissetur, scirrhis hic nascitur frequens datur occasio. Videtur jam *Hippocrates* scirrhos in his locis natos descripsisse, dum de polyphis agit, quorum quinque distinctas observavit species. De secunda autem specie dicit, (d) *Nasus carnisbus impletur, Et ad contactum caro dura apparet*; quam ferramentis comburi jussit. Quartam autem polyphi speciem sic describit (e): *Intus circa cartilaginem durum quid aliqua ex causa nascitur, quod caro esse videtur; si verò ipsum attingeris, sonat velut lapillus*. Naso autem per scalpellum diviso pariter inuri jussit, ut curetur hoc malum. In quinta autem polyphi specie (f) *in cartilaginis summâ parte ex obliquo velut cancri parvi exoriantur*, quos etiam inurendos voluit.

ORE. Mucosis cryptis omnes serè oris interni partes præditas esse, hodie satis notum est. Palatum osseum investiens membrana callosa illas habet; uvula,

(a) Observat. Chirurg. Cent. . Observat. 11. pag. 13.

(b) Ibid. Observat. 1. pag. 3.

(c) Epist. VIII. Tab. LX. Fig. VII.

(d) De Morbis Lib. II. cap. XI. Charter. Tom.

VII. pag. 163.

(e) Ibid.

(f) Ibid.

velum pendulum palatinum, tonsillæ, membrana mucosæ in spiras sinuosas complicata constantes, numerosissimos habentes tales mucosos folliculos patentibus oculis spumantem mucus copiosissimum hic eructantes. Faucium postrema pars lacunas tales mucosæ plurimas habet, quæ ulcuscula mentiuntur, & hæc specie impletis sæpe imponunt. Non mirum ergo est, toties hic scirrhos observari. Tonsillas, post inflammationem illarum malè curatam, in scirrhos induruisse vidi aliquoties. Uvulam scirrhosam in tumorem durum, lividum, inæqualem excrevisse, sic ut totum oris cavum impleret, & dentes anteriores ferè attingeret, observavit *Hildanus (a)*. Circa uvulæ radicem tumorem durum inæqualem, ovi gallinacæ magnitudinem æquantem, vidit idem Auctor (b); unde respiratio impediabatur, cibique, sed inprimis potus deglutitio difficillima fiebat.

MAMMIS. Quamvis enim mammas glandulosas esse negaverit *Ruyfchius (c)*; talis tamen illarum fabrica est, atque illa lactis à sanguine secreti indoles, ut in mammis satis facillè scirrhi nasci possint: quam rem etiam Observationes quotidianæ confirmant. Ex arteriis enim, nullis folliculis interpositis, emissi tubuli lactiferi cum vicinis coeunt in majores ramulos, tandèmq; vasa lactifera majora faciunt; quæ iterum angustantur, & minimis fistulis in papilla exeunt. Cùm autem lac in mammis collectum, lactifera vasa distendens, possit redire iterum in vasa, unde exiverat, & ne guttulâ quidem lactis per papillam exeunte, turgidissima mamma aliquando depleatur satis citò & subfidat; patet tubulos lacteos continuari arteriis ipsis, nullòsq; folliculos inter hos & illas interponi. Verùm lac, ex sua natura in coagulum facillè tendens, stagnans in vasis lactiferis dilatatis, in colostrum & serum abit: hoc tenuius per papillæ aperturas dilabi, vel & facillè redire in sanguinem potest; colostrum verò sero suo orbem hærebit immeabile in vasis lactiferis, magisque exsiccatum tandem in schirrum, vix resolvendum sæpe, abit. Cùmque in glandulis propriè dictis natus scirrhus ideo sæpe ad optima remedia rebellis erat, quia vitalium humorum impetus & efficacia in coagulatum succum, glandulæ cavo contentum, nullum ferè effectum facere poterat; idem & in mammis obtinebit. Majores enim tubuli lactei respondent cavis glandularum, colligentibus secretum humorem; angusta eorumdem extrema, in papilla hiantia, similem usum habent ac glandularum emissaria, collectum in cavo humorem deducunt. Patet ergo ratio, quare in mammis, licet propriè loquendo glandulosæ non fuerint, scirrhi tamen nasci possint.

AXILLIS, INGUINIBUS. Dictum fuit in *Commentariis §. 416*, glandulas in his locis positas aptissimas esse, ut excipiant illa, quæ ex universali humorum massa abscedunt: ideoque & in morbis, & aliquando in sanitate, salutari naturæ molimine versus hæc loca deponi quædam, quæ alibi fortè magis nocuissent. Hinc subiti sæpe tumores in his glandulis nascuntur; & aliquando satis rebelles, sive ob materiæ impactæ indomabilem naturam, sive ob intricatissimam harum glandularum vascularem compagem; quâ fit, ut liquidi arteriosi impetus minori efficaciâ in hæc loca obstruata agere possit. Quando inveterat

(a) Observ. Chirurg. Centur. I. Observ. XIX. pag. 93.

(b) Ibid. Observ. xx.

(c) Epist. Problem. XV. pag. 7. & seq. & alibi pluribus in locis.



scirrhus mammas occupat, plerumque & subaxillares glandulæ tument induratae. A venereo contagio inguinum glandulas in difficillimos curatu scirrhos sæpe mutari, omnibus notum est.

Secd non tantum in externis partibus corporis, verum etiam in internis toties scirrhī inventi fuerunt, qui pertinacissimis morbis chronicis originem dabant.

PANCREATĒ, MESENTERIO. Plurimis Observationibus Medicis constitit has partes scirrhosas inventas fuisse: paucas adduxisse sufficiet. Rustica, quinquaginta & unum annos nata, numerosæ prolis mater, sine satis vixerat: ante quinquennium ægrotare inceperat, mensruis suppressis, & crebro vomitu, simulque tumore abdominis sensim increfcente, qui totum hypochondrium dextrum occupans manibus palpari poterat, & versus sinistram corporis partem dimoveri: tandem post insignes cruciatus periit. Aperto cadavere, præter alia mala, omnes glandulæ mesenterii scirrhosæ inventæ fuerunt, & simul apparuit, tumorem illum, qui exterius palpari potuit, fuisse pancreas tumidum & scirrhosum. Imò & pylori circulus scirrhosus inveniebatur; & ventriculi interior facies undique glandulis induratis albicantibus scatebat (a). Totum pancreas & mesenterium scirrhosa, & immensæ molis in cadavere mulieris sexagenariæ vidit Paræus (b): & affirmat ibidem, quòd in cadaveribus illorum, qui scrophulis laboraverant, inveniri glandulas mesenterii tumidas, variæ magnitudinis, sic ut quædam pugnum æquant; & in quibusdam inveniretur gypsea materia, in aliis verò purulenta. In cadavere mulieris hypopicæ plurimæ glandulæ scirrhosæ repetæ fuerunt, quarum decem vel duodecim pugnum æquantés ligneam habebant duritiem (c).

UTERO. Scirrhefcere uterum jam monuerat Hippocrates, atque in hoc loco solo (saltem alibi me invenisse non memini) vocabulo *σχιρρῶδης* usus fuit: (d) Si uteri scirrho affecti sint *ἡ δὲ μήτρα σχιρρῶδης* tum menses occultantur, tum eorum os connivet, neque concipit, & velut aliud quid est. Quòd si contigeris, tamquam saxum illic esse videtur, &c. Et apud Æginetam (e) uteri scirrhus describitur. Imò & alio in loco Hippocratis cancerum exscirrho uteri metuendum esse, scribitur: (f) Quum mulieri uteri duri evadunt, & ad pudenda prominent, inguinæque indurantur, & ardor in pulsendis inest, canceri dantur exordia. Recentiorum pariter Observationibus constitit, talem morbum in hac parte aliquando inventum fuisse. In cadavere mulieris, quæ durum & distentum abdomen diu gesserat, Paræus (g) invenit uterum, caput hominis adulti magnitudine suâ, æquantem, quem de cadavere exemtum cum coram pluribus Medicis & Chirurgis discindere vellet, toram ejus substantiam adeo duram & scirrhosam invenit, ut acuto scalpello vix dividere potuerit. Dissecta uteri latera trium digitorum transversorum crassitiam excedebant. In uteri illius cavo inveniebatur densum scirrhosum corpus, binos pugnos magnitudine æquans, quibusdam in locis tantum adhærens uteri partibus: in hujus massæ substantia atheromata, cartilagine, imò & ossa reperiabantur. In medio uteri collo similis scirrhus ovum gallinaceum mole excedens

(a) Miscellanea Curios. Dec. II. ann. 6. pag. 271.

(b) Livre VII. chap. xxi. pag. 175.

(c) De Lamotte Traité complet de Chirurgie, Tom. II. pag. 160.

(d) De Mulierum Morbis Lib. II. cap.

xxxviii. Charter. Tom. VII. pag. 821.

(e) Lib. III. cap. lxxviii. pag. 54.

(f) De natura Mul. cap. xxviii. Charter. Tom. VII. pag. 691. & de Morbis Mul. Lib.

II. cap. xli. ibid. pag. 823.

(g) Livre, XXIV. chap. xli. pag. 616.

inveniebatur. Uterus autem ille cum contentis novem librarum pondus superabar. Apud *Hildanum* similes Observationes habentur, quæ hanc rem confirmant (a).

Quamvis autem in locis corporis, hæc paragrapho enumeratis, frequentius inveniantur scirrhî; tamen & in aliis visceribus pariter deprehensi fuerunt. Hepar scirrhosum vel in roto, vel in parte, inventum fuisse, passim apud Observatores legitur. Scirrhum lieni familiarem morbum esse & diuturnum, *Aræteus*, (b) memoriæ tradidit. In ventriculo & intestinis scirrhos inventos fuisse, & in Observationibus paulò antè memoratis, & apud plurimos Observatores habetur. Vesicam urinariam totam scirrhosam fuisse, ejusque membranas quartam pollicis partem crassitie æquasse legitur (c), &c.

§. 485. **HINC** inflammatio (392); lac stagnans, caseosum; durescens, coagulatum, contusio (324); attritus validus; anthrax; bubo; ulcus præmaturè clausum; materies atrabilaria sanguinis, bilivæ, maximè cessante consueto menstruo, vel hæmorrhoidali fluxu; lapidescens, crassa, austera, gypsea materies; vita tristis; victus durus; hæreditaria labes, scirrhum creare possunt.

Recententur hæc paragrapho præcipuæ causæ, à quibus scirrhus nasci solet.

**INFLAMMATIO.** Dictum fuit in *Commentariis* §. 392, inflammationem circa loca glandulosa aliquando in scirrhum desinere; tuncque non separari vasorum obstructorum fines unà cum infarcto immeabili liquido à virginis partibus sanis, sed manere illud morbosum, atque adeo indomabilem indolem sæpe acquirere, ut postea nullo naturæ vel Artis molimine solvi possit; sed vel totà vitâ maneat, vel ferro aut igne tolli debeat. Pulcherrimè hanc scirrhî ex inflammatione originem notaverunt veteres Medici. Sic *Aræteus* dicit (d), Si à phlegmone jecur non suppurat, nemini dubium fuerit tumorem durum subsidentem in scirrhum mutari ac stabiliri: & *Æginata* de uteri scirrho agens, habet sequentia (e), scirrhescit uterus, aliquando repenti, sine causa evidenti: plerumque verò à phlegmone prægressa, quæ nec soluta, nec in abscessum conversa fuit. Videntur quæ scirrhosæ tales malè curatæ inflammationis reliquæ non tantum in locis glandulosis, verum etiam & in aliis corporis partibus obtinere. Observaverat hoc *Galenus*, ubi de erysipelatis cura agit (vide locum citatum in *Commentariis* §. 390). Postquam enim dixerat, illud majorem refrigerationem requirere, quàm phlegmone, monet, incauto refrigerantium usu lividam cutim fieri, imò & nigrescere, potissimum in senilibus corporibus sic (f) ut quædam ita refrigerantium ne discutientibus quidem medicamentis ad perfectionem sanentur, sed scirrhosus quidam tumor in parte relinquatur. In morbis inflammatoriis fortè sæpius sic scirrhus in locis etiam non glandulosis nascitur, dum per frequentes nimis venæsectiones, debilitatis viribus,

(a) Observ. Chirurg. Centur. I. cap. LXV. LXVI. LXVII. pag. 51.

(b) De Caus. & Sign. Morb. diut. Lib. I. cap. XIV. pag. 143.

(c) Abridgements of the Philosoph. Transact. Tom. III, pag. 147.

(d) De Caus. & Sign. Morbor. diuturn. Lib. I. cap. XIII. pag. 42.

(e) Lib. III. cap. LXVIII. pag. 54.

(f) Method. Medend. Lib. XIV. cap. III, Charter. Tom. X, pag. 310.

non valet impetus vitalis liquidus solvere obstruentes moleculas ultimis vasorum angustis impactas, neque blandâ suppuratione separare. Inde fortè post pleuritidem toties pleura, imò & pulmonis pleuræ accreti pars in scirrhum indurefcit. Partium enim membranacearum, post infelicem validarum Inflammationum curam, miræ observatæ fuerunt degeneraciones. In pleuritidis Historia postea dicitur, aliquando & pericardium inflammari, & fortè sæpius, quàm putatur. Et in cadaveribus inventum fuit, tenuissimam illam membranaceam cordis capsulam miro modo inspissatam, imò & induratum fuisse, post pectoris morbos diuturnos. Sic in cadavere nautæ, qui gravissimo asthma, & tussis laboraverat, tandèmq; hydropico tumore abdominis, scroti, crurum, detentus perierat, inveniebatur inter alia mala pericardium pollicis crassitiem æquans, cordi firmiter accretum, & cartilagineæ ferè duritiei, sic ut vix cultro cederet (a). Licèt enim, per morbos mutato pericardio, hic invenerint glandulosam fabricam *Malpighius* (b) & *Santorinus* (c), tamen videtur ipsa membranacea substantia pericardii in casu modò recitato degenerasse, cùm non invenirentur folliculi dilatati & indurati, sed totum pericardium cartilagineum factum esset.

**LAC STAGNANS**, &c. Videantur illa, quæ in *Commentariis* paragraphi præcedentis de hac re dicta sunt. Inprimis frequens ab hac causa scirrhus in mulierum lactantium mammis oritur, dum suppurationem metuentes inflammatas mammæ igni exponunt, vel spiritu vini calido fovent. Minuitur sæpe sic tumor, dissipat, vel per papillas effluente tenuissimâ parte lactis in ductibus lactiferis stagnantis; sed residuum crassum manet, & scirrhum sæpe nullâ Arte resolubilem facit.

**CONTUSIO**. Videantur *Commentaria* §. 324.

**ATTRITUS VALIDUS**. Inde enim inflammatio & omnes ejus sequelæ nasci poterunt. In publicis prostibulis toties observata fuerunt condylomata scirrhosa, in vagina à nimio attritu nata. In illis verò, quibus circa jecur ulcerosum turæ prior longè libido, sævit, similia mala apparent, dum (d).

podice lævi

*Cæduntur tumidæ, Medico ridente, mariscæ.*

**ANTHRAX**. Quid sit, in *Commentariis* §. 416, dictum fuit: quando nempe à subita & validissima inflammatione cutis, unâ cum panniculi adiposi parte subiecta, in siccam & duram convertitur escharam; cujus curatio in eo consistit, ut per suppurationem in omni ejus ambitu solvatur à partibus vivis, & excidat. Hoc autem si obtineri nequeat, sedatâ inflammatione partium vicinarum, manebit scirrhosus talis tumor; inprimis si loca glandulosa tale malum occupaverit.

**BUBO**. Generali ferè significatione glandularum tumores in diversis etiam corporis partibus ortos, sic vocatos fuisse, in *Commentariis* §. 416, monitum fuit, potissimum tamen hoc nomen datur glandulis inguinalibus tumentibus. Frequentissimè tales tumores à venereo contagio nascuntur, & sæpe diu manent, ad optima quævis remedia rebelles.

(a) *Acta Physico-Medica*; &c. Vol. II. | *glandul. conglobat.* &c. pag. 7. edit. London. Observ. xx. pag. 48.

(b) In *Epistola* ad Societ. Lodin, de structu.

Tom. I.

(c) *Observ. Anatom.* cap. viii. pag. 141.

(d) *Juvenal. Lib. I. Sat. II. v. 12.*

**ULCUS PRÆMATURE CLAUSUM.** Frequenter Observatur, dum phlegmone in abcessum conversa est, mediam loci partem omnino emollitam & maturam esse, licet totus ambitus tumoris adhuc durus sit ( vide *Commentaria* §. 402. n. 2. ): unde abcessus talis non citò aperiendus est. Sed accidit aliquando, in vertice mucronato abscissus tensa integumenta, & cataplasmatibus macerata, sponte rumpi, & exitum dare puri contento, reliqua autem adhuc cruda & dura manere. Nisi tunc apertum maneat tale ulcus, & simul suppurationem excitantibus remediis tegatur locus, sæpe scirrhusa durities manet satis diu; quæ tamen in locis non glandulosis sensim plerumque dissipari solet. Ubi verò in mammis, post malè curatam suppurationem, talis durities manet, sæpe scirrhum non resolubilem relinquit. Nunquam tamen frequentius ab hac causa scirrhus oritur, quàm in bubonibus venericis, quando hi suppurati aperiuntur ante perfectam maturationem, vel his apertis, Chirurgi longæ curæ peritæsi, exsiccantibus consolidationem aperti ulceris tentant: tunc enim semper aliquid scirrhusi relinquitur.

**MATERIES ATRABILLARIA SANGUINIS, BILISVE.** Quotiescumque sanguini arterioso perit fluidissima pars, sive per motus corporis vehementes, sive per protractas mentis exercitationes; tunc illud quod superest, colore solito nigrius, tenacitate piceâ ferè, ex oleo crasso sanguinis & terrestri ejus parte simul unitis, immeabile fit, & majori cum difficultate per minimas vasorum angustias transit: obstructionibus hinc producendis aptissima est hæc materies, & vocatur *Atra bilis*. Ubi verò bilis propriè dicta in suo folliculo stagnat, miram tenacitatem acquirere potest, & sæpius in calculos concretionem degenerat. Tenax talis amurcosa materia à bile stagnante & inspissata orta etiam vocatur *Atra bilis*; longè tamen acrior, longè faciliùs putrescens, quàm prior ex sanguinis crassamento nata. Poterit ultima hæc species totam bilis officinam turbare, & obstruere loca, quibus continetur, & postea putredine accedente, pessima quævis mala facere. Prior autem species scirrhis producendis inprimis apta videtur cum sanguis lentore tali inquinatus facillimè in fabrica intricatissima glandularum hæreat. Docent Observationes Practicæ frequentissimè scirrhus inveniri in talibus corporibus, quæ ex sua peculiari idiosyncrasia in atrabilarium temperiem inclinant; cujus signa in celeberrimi *Boerhaavii Institutionibus Medicis* §. 896, enumerantur. Veteres Medici semper ferè atram bilem, tamquam scirrhi & canceri causam, inculcaverunt; imò *Galenus* (a) hanc solam canceri originem tantum agnoscit, quando atrabiliarium humor collectus in corpore, neque per hæmorrhoides, vel varices evacuatus, neque ad cutim propulsus, ad alias corporis partes defertur. Atque in opinione confirmabatur, dum in partibus sic affectis venæ atro & crasso sanguine plene conspiciebantur: quare autem hoc fiat, postea in canceri Historia §. 497, dicitur. Magna effectuum scirrhi & atræ bilis similitudo evincit, sæpe illum ab hac oriri. Tenax enim & piceus humor atrabiliaris dictus, viscerum abdominalium vasa plerumque replet & obstruit, & chthonicos maxime morbos facit. Ubi verò à quacunque causa incipit fundi & corrumpi simul stagnans ille humor, incredibili malignitate furit ( vocabatur tunc *atra bilis turgens vel mota* Veteribus Medicis ) & febres acutissimas citò lethales etiam in frigidissimis corporibus excitat; dysenterias pessimas, &c, viscerum erosiones,

(a) Method. Medendi ad Glaucon. Lib. II, cap. XII. Charter. Tom. X. pag. 384.

animi deliquia, mortem subitam sæpe producit. Sed & scirrhus diu potest hære, in corporis partibus, vix nocens, nisi adjacentia vasa multum comprimat: si verb vel sponte, vel imprudenti medellâ, incipiat moveri vetustis scirrhî materia, in horrendum cancrum brevi degenerat.

MAXIME CESSANTE CONSUETO MESTRUO. Maximæ mutationes in muliebri corpore fiunt illo tempore, dum menstrua primò prodire incipiunt, ut etiam postea, quando cessant in effectis. Observationes omnium serè Medicorum docent, circa illud tempus in utero & ovariis sæpe ab infarctis vasis scirrhos natos fuisse. Mammis autem cum utero tantum consensus est, ut, simulac impediatur sanguinis uterini libera excretio, incipiant turgere, ut in gravidis mulieribus patet, & in puerperis, quando lochiis cessantibus, vel minutis multum, mammæ attolluntur lacte turgidæ. Ideo non mirum erit, cessante fluxu menstruo consueto, mammæ affici, illarum vasa distendi, & scirrhos nasci. Sic etiam frequentissimè observatur, scirrhos ab aliis causis natos circa hoc tempus augeri mole; & sæpe in cancrum mutari. Pulchre hæc notavit Hippocrates dicens (a) *Conclusi uteri menses ab mammis remittuntur*. Postquam autem enumeravit plurima symptomata, quibus deceptæ mulieres se tunc gravidas credunt, subiungit sequentia (b): *Et in mammis tubercula dura exoriuntur, quædam quidem majora, quædam verbò minora. Hæc autem minime suppurant, sed semper duriora fiunt, ex his deinde oculi cancri nascuntur*. Ex propriis Observatis conclusit Dionysius (c), ex viginti mulieribus, quæ cancro laborant, quindecim hoc malo affici intra quadagesimum quintum & quinquagesimum ætatis annum: additque, se in itinere per Galliæ provincias in singulis serè urbibus plures hoc morbo affectas vidisse in cœnobiiis, semper autem circa modò dictum ætatis tempus; vel si in junioribus occurreret malum, menstrua sanguinis evacuatio deficiebat in illis. Imò à retentis vel parciùs fluentibus mensibus glandulosa alia corporis loca in tumores attolli, docuit Hollerius (d) dicens, se uno anno vidisse plùs quàm ducentas puellas, quibus medio vere, non satis exeunte sanguine mensruo, tumores in inguinibus nascebantur. Et in illo casu, cujus mentio in *Commentariis* præcedentis paragraphi facta fuit, sana hætenus mulier circa quadagesimum sextum ætatis annum subito suppressis mensibus, ægrotare incepit; & postea in cadavere menterium, pancreas, ventriculus, pylorus, scirrhosa inventa fuerunt. Ex quibus omnibus satis patet, quantum ad scirrhum producendum, vel augendum, si præexistit, possit facere consueti fluxus mensruî cessatio.

VEL HÆMORRHOIDALI FLUXU. Cum atrabilaris humor, ut patet postea in capitulo de melancholia, sæpe soleat deponi versus abdominalia viscera, & ibi plurima, & satis mirabilia mala facere; nihil commodius videtur, quàm per hæmorrhoidalia vasa tenacem & sæpe piceum serè sanguinem dimitti, atque hoc in melancholicæ temperiei hominibus frequenter observatur. Unde Hippocrates (e) laudavit hæmorrhoides, si melancholicis contingerent. Ubi ergo atrabilaria materies, solito hæmorrhoidali fluxu evacuati consueta, hoc suppressio retinetur; pertina-

(a) De Morbis Mulier. Lib. II. cap. xx. Charter. Tom. VII. pag. 807.

(b) Ibid. pag. 808.

(c) Cours d'Opérations de Chirurgie, Démostr. IX. pag. 314.

(d) Comment. II. in Lib. III. Coac. Hip. pocr. n°. xi. pag. 146.

(e) Aphor. Sect. VI. n°. xi. Charter. Tom. IX. par. II. pag. 254

cissimis obstructionibus in locis glandulosis producendis occasionem dare potest; ut paulò antè in eadem hac paragrapho dictum fuit.

**LAPIDESCENS, CRASSA, AUSTERA, GYPSEA, MATERIES.** Nisi constaret numerosissimis Experimentis, vix crederetur etiam in tenuissimis & limpidissimis corporis nostri humoribus hæreere materiam, unde durus factus potest crescere calculus. Limpida & tenuis urina, per minimas fistulas renales à sanguine secreta, toties calculosis concretionibus originem dat; non tantùm, ubi in pelvi, ureteribus, aut vesicâ stagnat collecta, verùm etiam in ipsis renibus, qui aliquando toti calculosi inventi fuerunt. Plurimos calculos renales vidi excretos, qui pedunculatos habebant, quibus fistulis renalibus inhæsisse videbantur; dum reliqua illorum superficies globosa apparebat. Ex glandula sublinguali calculum eductum vidi. In ipso abdominis cavo, quod tenuissimo exhalante rore tantùm madet, calculi inventi sunt. In cerebri substantia, & in omnibus ferè corporis locis, deprehensi sunt; ut postea in calculi Historia latius dicetur. Si ergo similes concreciones circa loca glandulosa fiant, pertinacissimi nascuntur scirrhi. Variam autem duritiem in calculis in corpore humano natis observare licet: aliquando durissimi sunt, ut in vesicæ calculis inprimis observatur: quandoque longè molliores & friabiles, ut in inprimis sunt illi, qui in bile concrescunt; imò & albos friabiles, gypsum ferè referentes, tussi pulmonibus excretos vidi: & in *Commentariis* præcedentis paragraphi ex *Paræi* Observationibus constat, glandulas mesenterii scirrhosas, gypseâ inateria turgidas inventas fuisse.

**VITA TRISTIS.** Dicitur postea in *Commentariis* §. 1090, in morbis melancholicis mirum hoc observari, quòd nempe atra bilis in sanguine prædominans, & inprimis jam circa viscera abdominalia hærens, miram anxietatem, & mororem insuperabilem producat, cujus tædio violentas aliquando manus sibi inferunt miseri. Sed non hoc tantùm, verùm etiam quòd validi animi affectus, & inprimis mœstitia similem materiam in sanguine producant, & in viscerum abdominalium vasis figant. Cum ergo vita tristis atrabiliarium materiam producere possit, patet ex antè dictis, quòd & scirrhus dare originem valeat.

**VICTUS PURUS.** Inter causas melancholiæ recensentur §. 1093, etiam cibi austeri, duri, terrestres, siccī, diu assumti, inprimis si simul quiescat & torpeat corpus: unde literatis toties pertinacissimæ sunt in visceribus abdominalibus obstructions, dum carnibus & piscibus fumo, sale, aere induratis, fabis, pisīs, &c, utuntur frequentius; interisq; mentem acriter, corpus verò minimè, exercent; solent hi semper magno suo damno experiri, duriora hæc mesorum illis relinquenda esse; mollissima autem olera, lactucam, intybum, chicorea &c sapientum ventribus amica esse; unà cum teneris juniorum animalium carnibus, &c. Dum farinosis crudis nec fermentatis pauperum infantes vescuntur, misellis abdomen in tumorem attollitur, tenellis visceribus insuperabili lentore infarctis. A fructibus austeris immaturis avidè comestis rusticorum pueri similia mala patiuntur.

**HÆREDITARIA LABES.** Phthisim, epilepsiam, podagram, ex parentibus in prolem transire, funestis toties Exemplis constat: idem & de pluribus aliis morbis fortè verum est. Tales autem morbi hæreditarii, si non penitus incurabiles, saltem ab omnibus Medicis curatu difficillimi habentur. Solebat hæc occasione suis Auditoribus dicere celeberrimus Auctor, quòd familiam novisset, in qua

omnes certo ætatis termino fiebant iſterici; tandèmq; nullis remediis cedente malo, hydropici peribant. In cadaveribus, (quæ incidenda Medicis libenter concedebant, ut funeſti huic familiæ mali cauſa detegi, & poſtea curari vel præcaveri poſſet) inveniebatur hepar ſcirrhoſum.

§. 486. **EFFECTUS** ſcirrhi nati occupare auſtâ mole vicina; ea premere, comprimere; lædere functionem ſcirrhoſi, & vicini; hinc inflammationes, ſuppurationes, gangrænas, paralyſes, atrophias, ſphacelos, ſterilitatem, partum diſcilem, volvulum, & multa ſimilia mala producere, quæ ex natura & officio læſi comprimētis, facilè deduci queunt.

Pars ſcirrhoſa augeſcit magnitudine: ſed hoc fieri nequit, quin vaſa partium ſcirrho adjacentium anguſtentur; imò & aliquando comprimantur integre. Ideo inter cauſas obſtructionum, quæ externâ vaſorum compreſſione illorum cava arſcent, numerantur etiam ſcirrhoſi tumores (vide §. 112. n°. 1.). Innumeri ergo, illique penitus diverſi effectus ſcirrhi eſſe poſſunt, pro varietate partium, quæ in ſcirrho induruerunt, & diverſis functionibus vicinorum, quæ à ſcirrho increſcente comprimuntur. Sic ſcirrus ab externa cauſa, in corpore euchymo natus, mammas occupans, ſæpe in ſeram uſque ſeneſtam innocuus manet: ubi idem malum in ceſophago, vel vicinis partibus, quæ tumentes illius cavum arſtare & comprimere poſſunt, hæſerit; omni deglutitorum in ventriculum tranſitu impedito, poſt *Tantali* pœnas ſæpe per meſes toleratas, inevitabilis mors ſequitur. Sufficiet ergo generales fontes hic indicare, unde ſcirrhi nati effectus deduci poſſunt: ſingularium autem malorum, quæ à ſcirrho ut cauſâ ſequuntur in corpore humano, cognitio à functionibus partium affectarum læſis pendet. Quædam tamen ex præcipuis enumerantur hæc paragrapho.

**INFLAMMATIONES, SUPPURATIONES, GANGRÆNAS, SPHACELOS.** In §. 375, ubi de inflammationis cauſis agebatur, dictum fuit, omnes obſtructionum cauſas inflammationem facere poſſe: ſed, uti modò dictum fuit inter cauſas obſtructionum, quæ externâ compreſſione vaſa arſtarent, etiam ſcirrus numeratur; adeoque hæc res patet. Natam autem inflammationem ſequi poſſunt omnes ejus effectus; adeoque & ſuppuratio & gangræna & ſphacelus. Notandum tamen in ſcirrho exquiſito & confirmato ſuppurationem nunquam fieri, ſed quidem in partibus vicinis à ſcirrho tumente compreſſis. Prætera in *Commentariis* §. 422. lit. β, ex *Observationibus Hildani* conſtitit, à tumore ſcirrhoſo venam cavam comprimente illo in loco, ubi in bînas iliacas ſinditur, in utroque crure gangrenam natam fuiſſe, quam ſphacelus ſequēbatur, ad genua aſcendens, & mors.

**PARALYSES.** Ut ſiant motus muſculorum voluntarii, requiritur liberum commercium inter cerebrum & muſculos per nervos; ſi ergo ſcirrus nervum ad muſculum tendentem in toto hoc itinere à cerebro ad muſculum uſque alicubi compreſſerit, erit muſculus ille paralyticus. Si jam ingens truncus nervoſus ad partem quamdam corporis tendens à tali cauſa comprimatur, erit perfectæ paralyſis illius membri. Dum ſubaxillares glandulæ, ſcirrhoſæ ſæptæ & tumide valde

premunt vicinos truncos nervosos, patet facillè, inde paralyfim nasci posse. Vidi sic in muliere sexagenaria dextram mammam totam scirrhosam, & dein glandulas sub axilla dextra admodum tumidas pariter induruisse; unde primò maximus dolor in toto brachio dextro, dein stupor, & incipiens paralyfis. Simul in colli dextro; latere glandulæ tumidæ admodum & duræ erant, & frequentia animi deliquia; fortè à pari vago & intercostali ejusdem lateris compressis.

**ATROPHIAS.** Dictum fuit in *Commentariis* §. 161, quòd, si arteria major tota sic discindatur, ut postea nullus ampliùs sanguis ad partes suppositas venire possit, tunc omnia illa, quæ ab hoc trunco vitalem sanguinem accipiebant, emori, sublaro omni vitalis liquidì influxu; simulque notabatur ibidem, duplici modo hoc fieri: vel enim stagnabant liquida non ampliùs propulsa motu sanguinis arteriosi, & corrumpebantur; unde putrida & lenta gangræna siebat: vel humores in partibus suppositis relictì, propriâ contractione vasorum, transibant in venas, quæ musculorum vicinorum turgentium ope humores receptos cor versus revehant: sic omni liquido orbatà vasa collabuntur, latera collapsa concresecunt inter se, & partis moles minuitur quotidie; donec tandem arefacta omnia mumiam ferè referant, ut ibidem miro casu probatum fuit. Facillè patet, eadem mala fieri debere, si scirrhus suâ mole arteriam ad partem quamdam corporis tendentem compresserit, sic ut omnis sanguinis transitus impediatur.

**STERILITATEM.** In utroque sexu sterilitatem nasci posse, si organa generationi dicata in scirrhum induruerint, sic ut inde illorum functio aboleatur vel depravetur, nullus dubitat. Testiculos v. gr; in viris scirrhescere posse plurimis Observatis constat. Verùm cum in mulieribus plures adhuc requirantur conditiones, omnino necessariæ, ut non tantùm suscipiantur hominis primordia, sed in utero hæc possint retineri, foveri, ali ad perfectæ maturitatis tempus usque; facillè patet, longè frequentiores esse sterilitatis causas in sexu feminino. Observata jam docuerunt, scirrhosos tumores, vel in ipsis partibus genitalibus natos, vel in locis vicinis ortos, mole suâ omnia vicina comprimentes, frequentem satis dedisse sterilitatis causam. In obesis mulieribus omentum crassius factum uteros comprimere sic, ut genituram suscipere nequeant, notavit *Hippocrates* (a). Si uterorum os durum fuerit, aut & cervix, quod immisso digito deprehendi potest, sterilem fore mulierem, in eodem loco monet. Incisus autem cadaveribus patuit sæpe, scirrhos hîc latentes fuisse sterilitatis causam. Sexagenariam matronam, quæ bis nupta sterilis semper fuerat, incidit *Hildanus* (b), ut sterilitatis causam inveniret; & vidit scirrhum circa orificium uteri, qui instar annulli collum matricis cingebat, sicque clauderat ejus aperturam; ut styli acies vix immitteri posset. In alia muliere, quæ primo puerperio uteri inflammatione correpta fuerat, & postea sterilis manserat, invenit post mortem scirrhum, ovi asnerini magnitudine ante orificium uteri sic locatum, ut omnem aditum versus uterum præcluderet, tamque pertinaciter adhærentem, ut nullo modo avelli potuerit (c). Vaginam uteri totam scirrhosam vidi, & in omni suo

(a) Lib. de natur. mulieb. cap. XIX. Charac. Tom. VII. pag. 690.

(b) *Observ. Chirurg. Centur. I. Observ.*

lxv. pag. 51.

(c) *Ibid. Observ. lxxvi.*



ambitu adeo tumentem; ut vix stylum admittere posset. Sæpius etiam observatur in illis mulieribus, quæ steriles vixerunt, circa illud tempus, quo menstrua desinere confueverunt, cancrosum nasci uteri diathesin, quæ enormibus doloribus, acri sanie exsillante; & profusissimâ, vasis varicosis redditis & dein erosâ, hæmorrhagiâ malignitatem suam satis manifestat. Ex quibus omnibus patet, scirrhum merito inter sterilitatis causas recenseri.

**PARTUM DIFFICILEM.** Ut utero fœtus maturus exeat, requiritur ut ejus orificium & vagina liberrimè expandi possint. Si ergo partes illæ induerint scirrho, vel & in vicinia similes tumores nati compresserint hæc loca, patet facillè, partum difficilem, imò sæpe impossibile omnino, fore. Verum quidem est, raro scirrhum, tam citò in magnam molem extendi, ut, si non præexisterit ante conceptionem, graviditatis tempore natus adeo multum nocere posset, dum fœtus excludetur. Videretur autem scirrhus in utero vel vaginâ natus sterilitatem inducere debere, unde etiam inter sterilitatis causas in Observationibus modò allegatis numerabatur. Observata tamen plurima docuerunt, mulieres gravidas factas fuisse, licet parva admodum, imò nulla ferè, apertura fuerit, per quam semen uteri cavum ingredi potuisset, unde non semper absoluta sterilitas sequitur, licet magnus etiam scirrhus hæc loca occupaverit; sed semper tunc erit difficilis partus. Historia Medica plurimos casus habet, qui modò dicta confirmant; paucos adduxisse sufficiet. Mulier triginta & octo annorum primipara moriebatur inter partûs dolores, neque potuit in lucem prodire fœtus. In cadavere celeberrimus *Littorius* invenit matricis collum obturatum substantiâ glandulosâ, quæ utero coharebat, & parvis hinc inde foraminulis perforata erat (a). In muliere quadragenaria primipara fœtus mortuus non nisi magnâ difficultate potuit educi, ob nimiam pelvis ossæ angustiam. Post tres menses iterum impregnata, circa partûs tempus per bidduum summis torquebatur doloribus, sine ulla oris uteri dilatatione. Distractis rudi satis instrumento, cùm speculum uteri deesset, vaginæ lateribus, cicatrix concreti orificii uteri apparuit; dùmque scalpello illud discinderet Chirurgus, invenit cartilagineam ferè duritiem, & omnem ambitum aperturæ uteri pluribus incisionibus dividere debuit, ut aliqua dilatio fieri posset. Eductus fuit sic Chirurgi manu fœtus mortuus, & illico misera hæc puerpera febre acutâ, dolore pleuritico, & rëspiratione impeditâ correpta fuit; unde post viginti quatuor à partu horas periit (b). In cadavere fœminæ, quæ post partûs dolores per sex dies frustra toleratos mortua fuerat, invenit *Hildanus* (c) uterum lacerum, & caput infantis hærens. Horum malorum causa erat scirrhus, qui capitis fœtus magnitudinem æquabat ferè, & suâ mole impediverat, ne fœtus exire potuerit.

**VOLVULUM.** Causa quæcumque intestinale fistulam in quodam loco ita angustare valet, ut contenta, motu peristaltico propellenda ad anum usque, transire nequeant, terribilem hunc morbum producere poterit; unde tunc sædo speculo omnia, inverso motu peristaltico versus ventriculum redeunt, & post summas anxietates, vomitu excutiantur. Ubi inflammatio tale malum comitatur, sæpe su-

(a) Académ. des Sciences, l'an 1705. Hist. pag. 65, 66.

(b) Medical, Essays, Tom. III. pag. 317. &c

(c) Observat. Chirurg. Cent. I. Observ. LXVII. pag. 52.

bitò lethale est; sine hac autem diutius hominem affligit. Observati fuerunt & scirrhi, mole suâ arctantes, vel integre obturantes & intestinalem fistulam, huic morbo originem dedisse. In cadavere hominis, qui per aliquot annos dolore fixo & continuo sub hepatis regione laboraverat, & tandem gravissimâ passione iliâ exstinctus fuerat, invenit *Hildanus* (a), scirrhum jam exulceratum in cœci intestini fundo. Notabilem casum, qui modò dicta confirmat, vidit celeberrimus *Boerhaavius*. Festivus in nobili familia puer, calopodiis ferratis in glacie currens fluctuabat, dein calente ab hoc motu corpore traham ingreditur quâ pater vehēbatur; sicque mansit per horulam acri satis frigori expositus. paulò post dolorem in abdomine sensit, & deinde languit semper. Incepit post aliquot septimanas tardior fieri alvus, tandēque ferè integre supprimebatur. Appetitus manebat satis bonus, sed singulo ferè triduo post diras anxietates, cibos toto hoc tempore ingestos revomebat. Post varia remedia tentata, sed frustra, moritur puer; & cadaver lustrandum conceditur Medicis, qui in consilium vocati, dum in vivis esset puer, diversas circa morbum hunc habuerant opiniones. Scirrhum latere prædixerat *Boerhaavius*; hinc lenissima tantum remedia solventia, & tales cibos, à quibus minimùm sæcum alvinarum colligi solet, commendaverat. Vomitoris excutiendam esse pituitosam saburram, in intestinis stabulantem, & illam obstruentem, concluderant alii Medici, & persuaserant parentibus ægri: sed ab illis assumtis omnia mala augebantur. Aperto cadavere, inventus fuit scirrhus, ileon intestinum comprimens, prope illum locum, ubi ultimus ejus finis intestino colo inseritur. Ante locum obstructum intestina tenuia enormiter dilatata apparebant, post locum obstructum sic contracta, ut processus vermiformis magnitudinem vix superarent.

Præter illa mala, quæ hæc paragrapho enumerata sunt, plura alia similia à scirrhis nasci possunt, qui in aliis corporis partibus hærent. Dolores fixos, chronicos à scirrhis ventriculi & pancreatis, jam in canceri malignitatem vergentibus, ortos, legitur. Hepatis scirrhus immedicabilem sæpe ictærem, & lethalem postea hydropem produxit. Illa, quæ hætenus dicta fuerunt, sufficient, ut demonstretur, plurimos chronicos, illòsque pertinacissimos, morbos, scirrhis, in corporis interioribus latentibus, originem debere. Sequitur jam, ut de scirrhi diagnosi & prognosi agatur.

§. 487. **P**RÆSENTIA scitur; causâ (484. 485.), effectû (486), phœnomenis (392), loco affecto (484), temperie ægri, cognitis.

Ubi in externis partibus corporis scirrhus hæret facilè detegitur: difficiliùs cognoscitur, si in partibus internis lateat. Lucem tamen obscuris his casibus affundet sequentium attenta consideratio.

**CAUSA.** Sic v. gr; causa prædisponens ad scirrhi generationem est atrabilia sanguinis spissitudo in humoribus; in victu austera terrestria crassa diu sumpta, absque validis corporis exercitiis; in animi affectibus mœror diuturnus. Causa verò efficiens est v. gr; contusio, inflammatio non resoluta nec in suppurationem

(a) *Observ. Chir. Cent. 1. Observ. 121. pag. 49.*

conversa, menſtruorum vel hæmorrhoidum conſuetus fluxus ſubito ſuppreſſus, labes hæreditaria, &c. Si conſtet, tales cauſas præceſſiſſe, merito ſcirrhus metuitur.

**EFFECTU.** Scirrhus ſemper lædit functionem partis, quam occupat; ſæpe etiam turbat actionem vicinorum, quæ auctâ ſua mole comprimit. Unde ſi cauſæ ſcirrho producendo aptæ, prægreſſæ fuerint, & ſigna læſarum functionum doceant, partium quarundam uſum, quem in ſanitate habebant, turbatum eſſe, vel & omnino abolitum; diſque in eodem ſtatu maneat ſine notabili incremento morbus; augetur firmitas diagnoſeos, quâ ſcirrhi præſentia determinatur. Sic v. gr; ſi poſt acutum pectoris morbum, nec blandâ reſolutione, nec benignâ ſuppuratione, ſanatum, maneat dyspœa, & tuſſis ſicca, atque ad minimum corporis motum, vel poſt cibum largiori copiâ aſſumptum, augeantur hæc mala, merito concluditur, ſcirrhum in pulmone natum eſſe, qui, mole ſua anguſtans vaſa aerea, difficilem reſpirationem facit, & compreſſis vaſis ſanguineis impedit, ne ſanguis corde dextro expulſus liberrimè per omnes arteriæ pulmonalis anguſtias tranſire poſſit; unde auctâ per motum corporis ſanguinis velocitate, vel crudi chyli largiori copiâ ſanguini venoſo dextri cordis miſtâ, incipit obrui pulmo, & augetur cordi dextro reſiſtentia, quam omni reſpirationis auctâ molimine ſuperare vel invitus nititur homo, tales anguſtias paſſus. Latens in pulmone vomica, comprimens partes vicinas, ſimilia quidem efficit, ſed augebitur, increſcente puris copiâ hæc anxietas, donec vel ſuffocetur æger, vel rupto abſceſſu liberetur. Hæctica febricula, hujus morbi ſemper ſerè comes, latens tale malum indicabit ſatis. Ubi autem ſcirrhus hic latet, omnia diutiffimè manent in eodem ſtatu, & ſæpe per plures annos ſine ullo incremento perſtant hæc mala.

**PHŒNOMENIS.** Hæc ſunt in ſcirrho, externas partes occupante, tumor, durities, doloris abſentia: ſed ubi interiùs latet, hæc phænomena ſenſibus ſæpe detegere nequeunt; unde tunc ſoli effectus ſcirrhi lucem in tali caſu affundunt.

**LOCUS EFFECTUS.** Dictum fuit in *Commentariis* §. 484, circa loca glanduloſa frequentiffimè ſcirrhos naſci, & inprimis ſi fluidum, glanduloſâ fabricâ ſecretum, ſua naturâ facilè inſpiſſetur; utl v. gr; lac in mammis: unde à levibus etiam cauſis ſcirrhi hic naſcuntur.

**TEMPERIE ÆGRI.** Atrabiliariâ nempe, quæ ſcirrho producendo maximè favet, ut in *Commentariis* §. 485, dictum fuit: cujus ſigna in ſemioticis recentur, de quibus poſtea in capitulo de *Melancholia* latiùs dicitur.

§. 488. **EX** iſdem (487) eventus præſagitur, conſiderando durationem mali, & effectus (486). Sunt per ſe innocui, evadunt motu incitato maligni.

In prognofi determinatur facilis diffiſſive curatio ſcirrhi per diagnoſin cognitam, utl etiam illa mala prævidentur, quæ à functionibus læſis ſcirrhoſarum partium vel vicinarum à tumente ſcirrho compreſſarum, in corpore ſient. Prognofis ergo ex iſdem fontibus petenda erit, ex quibus diagnoſis deducta fuit. Longè enim v. gr; diffiſcilior erit cura ſcirrhi, qui ab atrabilia ſanguinis ſpiſſitudine ortum duxit, quàm ſi idem malum poſt inflammationem remanſerit. Longè alia metuenda erunt, ſi ſcirrhus magnis vaſis adjacens illa compeſſerit ſua mole, quàm ſi in

Tom. I.

H h h h h

mamma idem hæserit, vix nociturus, nisi in cancerum degeneraverit. Inprimis autem in prognosi attenditur ad durationem mali & ejus effectus varios. Ut enim patebit paulò post, recentem scirrhum curari posse plerumque magna spes affulget; si per annos hæserit, indomabile malum est, nisi exstirpari possit. Effectus autem scirrhii ferè tantum variant ob diversitatem partium, quæ scirrho laborant, vel à tumente ejus mole comprimuntur.

Scirthus verò, cum indolens tumor sit, non adeo multum nocet ex sua natura, nisi tali in loco situs sit, ut vicina comprimendo insignes corporis functiones turbet. Sic in mammis per viginti annos & ultra sine noxa scirrhos hæsisse novi: imò & confluit Observatis, etiam in interioribus corporis illos delituisse absque insigni sanitatis detrimento. In homine sexagenario, post lapsum ex alto mortuo, *Lutius* (a) invenit totum lienem putrefactum, neque tamen de ullo malo conquestus fuerat homo ille, & sanus satis atque hilaris semper vixerat. Sed parva debuit fuisse moles illius lienis, cum tantum unciam unam cum dimidia æquaret pondere; adeoque non potuit vicinas partes suâ mole multum premere. Imò & *Hippocrates* de lienosis agens habet sequentia (b): *Progressu verò temporis quibusdam morbus in hydropem degenerat, & contabescunt. Quibusdam verò splen suppuratur, & usli consanescunt; quibusdam etiam durus & magnus existens consanescit. Oritur autem morbus, quum ex febris & vitiosa curatione bilis aut pituita, aut utraque ad lienem decubuerint, & diuturnus quidem effectus est, minimè tamen lethalis.* Tamen si consideretur scirrhii indoles, patebit satis, plurima inde nasci posse mala, si motus humorum per vasa incitetur, quacumque demum de causa hoc fiat. Hæret enim in scirrho liquidum coagulatum vel inspissatum, sive in folliculis collectum, sive per fabricam intricatissimam vascularem partium dispersum; illud ergo tamquam mortuum & iners ibi corpus concipi potest. Sed vasa hoc liquido imbecilli repleta, vel folliculi eodem distenti, in suis membranis habent vasa vitalia, per quæ angustata, à concreto hoc scirrholoso illa comprimente, difficilius humorum transitus est; qui tamen adhuc fieri poterit, ubi pacatus est vitalium humorum motus: si verò per febrem v. gr; augeatur circulationis celeritas; vascula hæc vitalia, undique à scirrho concreto compressa, non poterunt dilatari, ut eodem tempore major per illa fluere possit liquidorum copia; hinc fiet in his obstructio, & urgente velociori humorum motu, inflammatio. Cum autem à valido tunc attritu in vasis his angustatis calor nasci debeat satis validus (vide §. 382. n.º 6); sequetur brevi putrefactio concreti illius scirrholosi (vide §. 84. n.º 4. & 5.), & omnia illa mala, de quibus postea in canceri Historia dicitur. Patet ergo ratio, quare ex propria natura innocuus scirthus, auctâ circulationis velocitate, malignus fieri possit.

### §. 489. QUI sæpe vitari impos æternum metum parit.

Quis enim Medicus cavere queat vel in proprio corpore ne aliquando incideretur humorum motus? Animi affectus quos vitare nemo potest, natos verò compescere vix sapientissimi valent, augent sæpe immaniter circulationis impetum

(a) Académ. des Sciences l'an 1700, Hist. pag. 50.

(b) Lib. de Affection, cap. V. Charter, Tom. VII. pag. 625, 626.

& velocitatem (vide §. 59. n°. 1.). Diætæ errores satis etiam leves hoc efficere aliquando possunt. Motus corporis musculares aucti eodem modo nocebunt. Sed numquam impetrari poterit ab ægris, ut tanta cum cura hæc omnia vitent, cum indolens scirrhus semper ferè negligatur. Licet autem summâ etiam sollicitudine ad omnia hæc attenderetur, quis ullâ Arte cavere poterit, ne epidemicis morbis grassantibus corpiatur, vel externis læsionibus, contusione v. gr; aut similibus, irriteretur mitis hætenus scirrhus? Præterea & illæ mutationes, quæ naturaliter corpori accidunt, scirrhum in cancerum convertere valent; uti v. gr. menstrui fluxus cessatio in effusis mulieribus (vide §. 495.) Patet ergo, dum scirrhus in quadam corporis parte hæret, æternum adesse metum peioris mali, cum nullâ arte vel prudentiâ vitari possint omnes causæ, quæ benignum scirrhum in pessimum cancerum mutare valent.

§. 490. **U**NDE Curaturus notet:

1. Scirrhum, si recens, benignus, loco idoneo situs, nondum perfectè durus, in homine euchymo, tentandum emolliente, resolvente medelâ; quo fumi acidi, & vis mercurii inprimis spectant.

In scirrho curando summâ prudentiâ opus est, nihilque hîc temere tentandum; cum commissi errores postea corrigi nequeant, & calamitosissima mala sequantur perverfam scirrhi medelam. Medicorum ergo & Chirurgorum animis semper obversetur salutare monitum *Hippocratis* dicentis (a), *Quibus oculi canceri oriuntur, eos non curare præstat: curati namque citò intereunt, non curati verò diuturniori tempore perdurant.* Scirrhos enim malignos & inveteratos hoc nomine vocasse videtur *Hippocrates*, qui tam faciliè irritantur à remediis applicatis, & in cancerum degenerant exulceratum. Priusquam ergo ullum remedium applicabitur scirrho, sedulò examinandum est, an spes sit, illum resolveri posse: hoc autem cognoscetur; si scirrhus habeat sequentes dotes.

**R E C E N S.** Tunc enim concretus humor nondum, liquidissimâ parte diffusâ, in massam non resolvendam ampliùs abivit: & rarè adhuc in scirrho recenti tota glandulæ substantia affecta est, unde major oportunitas erit per vasa per viâ huc adducendi solventia remedia, quorum major etiam efficacia erit in concretum, quod nondum in calculosam ferè duritiem transit. Si ergo scirrhus per plures jam menses in quadam parte corporis hæserit, angusta resolutionis spes superest. Optimè hinc dixit *Arætaus* de scirrhis lienis agens (b), *Orientes avertere, & nuper incipientes discutere oportet.* Monuit tamen ibidem, non adeo faciles esse horum scirrhorum resolutiones.

**B E N I G N U S.** Quamdiu indolens scirrhus est, neque nimis magnus, nec durus admodum, neque integumentorum color mutatus fuerit, nullûsque pruritus, neque calor major in illo vel ejus vicinia sentitur, benignus dicitur. Contraria si obtineant, tunc malignus vocatur; cujus signa postea enumerabuntur n°. 3. hujus paragraphi.

(a) Aphorism. Sect. VI. n°. xxxviii. | Charter. Tom. IX. Part. II. pag. 272.

(b) De Curat. Morbor. diuturn. Lib. I. cap. 14. pag. 128.

**LOCO INONEO SITUS.** Cum nempe medicamenta commodè applicari possint, & manibus accessus detur; ut, si fortè præter spem hæcenus benignus scirrhus à remediis applicatis irritaretur, tolli integre ferro possit. Unde requiritur, ut & adsint conditiones sequenti hujus paragraphi numero recentitæ.

**NONDUM PERFECTE DURUS.** Saxea enim illa ferè durities, & prærupta scabra superficies scirrhum confirmatum indicant, & à lenissimis etiam solventibus remediis applicatis talis scirrhus in majorem malignitatem degenerabit brevì. Debet ergo tumor talis pressioni utcumque adhuc cedere posse; aliter enim metuendum est, vasa cum liquidis coagulatis ferè concrevisse in massam irresolubilem.

**IN CORPORE EUCHYMO.** Cum enim in *Commentariis* §. 485, dictum fuerit, cacochymiam attrabilariam scirrhis producendis quàm maximè favere; quid juvabit multo molliore solvere impactam vasis materiem, si hæc solutà, ab eadem causa similis obstructio brevì renascetur? Si v. gr; acri scorbuto putrido sanguinis massa infecta fuerit, putredinis hic adeo noxiæ magnus metus erit, dum emollientibus & resolventibus remediis tentatur scirrhì resolutio.

Tot cautelæ requiruntur, ut absque periculo, scirrhus medela fieri possit. Fraudulenti Agyrtæ, delirantes aniculæ, nimis sæpe imprudentes Chemicì, dum suis arcanis temere confidunt, contemnunt pericula, quæ ignorant; & magnis promissis deceptos homines in summas misérias præcipitant.

Ubi ergo omnibus rite perpenfis patuit, scirrhum resolvi adhuc posse, quænam tunc medela requiritur? Sola certè emollientia, quæ vasa laxant, & solventia, quæ sine magno motu excitato fundere valent concretos humores, conducunt. Dixerat quidem *Aretæus*, igni similibus remediis, ad scirrhosam duritiem lienis molliendam, utendum esse, sed statim commendat irrigationes (a) ex aceto, oleo & melle; unguentariæ glandis pulverem inspergendum jubet, & mollissima laudat cataplasmata. Alià occasione (§. 406.) mentio facta fuit regulæ Practicæ, quam *Galenus* de scirrhì curatione agens habet. Dicit enim (b), Quod si quis iis quæ vehementer trahunt discutiuntque medicamentis vacuare tentet, nec iis, quæ humedant & calefaciant, molliat ac liquet; huic paucis primis diebus egregiè processisse curatio videbitur. Cæterum, quod de affectu restabit, id insanabile erit. Siquidem toto, quod in eo tenuium partium erat, discussio, quod reliquum est, velut lapidosa concretio linquetur. Veritas hujus rei toties apparuit in lactantibus mulieribus, quæ tumores in mammis natos, ut suppurationem evitent, prunæ ardenti exponunt, & perfirricant: sic enim brevì minuitur tumor, nec sit suppuratio, sed totà vitâ manet indomabilis scirrhus. Nihil ferè pulchrius est, quàm partem scirrhosam vaporis aquæ tepidæ exponere bis de die, dein molliter perfirricare, & postea imponere emplastrum aromaticum, in primis additis gummi ferulaceis, ammoniacis, galbano, sagapeno & similibus, qualia plurima in Officinis prostant. Fomenta & cataplasmata ex similibus parata iisdem usibus servire poterunt. In *Materia Medica* ad hunc numerum tallum formularum Exempla habentur. Hæc methodo per menses continuatâ, mammarum scirrhos recentes me sæpius curasse latus recordor. Plurimum profuisse etiam vidi, saponis Veneti in lacte factam solutionem adeo spissam,

(a) De Curat. Morbor. diuturn. Lib. I. cap. xiv. pag. 128.

(b) Method. Med. Lib. XIV. cap. xv. Charter.

Tom. X. pag. 321. Method. Med. ad Glaucon. Lib. II. cap. vi. ibid. pag. 379.

ut pulvem tenuiorem referet, spongiâ exceptam, & loco scirrhuso applicatam, superimpositâ vesicâ suillâ, oleo perfricata.

Fumi acidi, & inprimis fermentatione ex vegetabilibus parati, aceti nempe, plurimum profuerunt in scirrhis resolvendis. Apud *Galenum* (a) jam hujus remedii usus commendatur: voluit enim emollientium applicationem interpolari debere usu illorum, quæ scirrhî materiam attenuare & incidere valent; atque inter incidentia præ reliquis laudat acetum. In tendinum & ligamentorum scirrhosis indurationibus curandis, aceto acerrimo candentem lapidem pyriten, vel ejus defectu molarem, exstinguebat, & supra calidum ascendentem ex aceto vaporem tendines & ligamenta scirrhusa dimoveri curabat; hoc facto, iterum emollientia remedia applicabat. Metuebat tamen, ne ipsam tendinum & ligamentorum substantiam vapor aceti, nimis diu vel sæpe applicatus, læderet. Sed in lienis vel carnosarum partium scirrhuso tutum ejus usum dixit. Imò & composita quædam ex aceto medicamenta se excogitasse monet; atque ammoniacum thymiana, aceto dilutum ad luti crassitiem, lienis scirrhuso impositum, perfectam sanationem attulisse, absque ullo alio remedio, dicit. Pulcherrimè autem monuit alio in loco (b) laxantium usu mollescere quidem scirrhum, sed non decrescere; medicamentorum verò, quæ aceto, constant, applicatione ejus molem insigniter minui. Unde alternum horum auxiliorum usum commendat. Imò *Galenus* (c) & internum aceti usum in viscerum scirrhis curandis laudat; monèrque in lienis scirrhuso externa remedia sola non sufficere, verùm etiam requiri validissimas potiones, ex cortice radicum capparî & scolopendrii, & myricæ radicibus & ramulis in aceto vel oxymelite decoctis. Recentiorum Observata etiam salutare aceti usum in scirrhis resolvendis probant, sive in vapores resolutum partem alluat, sive fomenti vice adhibeatur, sive denique gummi ferulacei mislum emplastri formâ applicetur parti scirrhusæ. In omnibus serè Officinis obtinuit, gummi ammoniacum, galbanum, opopanax, sagapenum, aceto diluere, dein colo depurare à sordibus admistis, tuncque leni igne iterum exsiccare. Hæc autem præparatio non tantum instituta fuisse videtur, ut ab heterogeneis admistis munderetur hæc gummi, verùm etiam ut acerrima aceti pars, diffusâ inter inspissationem tenui & aquosâ, illis gummi uniretur, sicque augeretur horum remediorum efficacia, quâ concreta dividere & attenuare valent. Unicum ex *Hildano* casum adduxisse sufficiit (d). Juveni & robustæ Matronæ, dum infantem lactaret, sinistra inflammatur mamma: sedatâ inflammatione, tumor durus remansit, plurimis remediis frustra tentatus à mulierculis & Empiricis. Vocatur *Hildanus*, infantem ablactari jussit, dein mammam quotidie inungi curavit linimento, quod inter alia bonam copiam gummi ammoniaci in aceto scillitico dissoluti haberet, simulque bis de die emolliens cataplasma applicuit; hæcque methodo, dato per intervalla leni purgante, durus ille tumor integre resolutus fuit: idemque sibi in alio simili casu successisse affirmat.

Internum remedium nullum fortè magis efficax habetur, quàm acetum sale alcalino purissimo saturatum; vel si vini Rhenani libræ addatur uncia media salis cardui benedicti, spiritum sabarum, vel similis cujusdam; talisque mixturæ ter vel quater de die uncia dimidia sumatur. Antiquis jam laudatus fuit similium

(a) Method. Med. Lib. XIV. cap. v. Character. Tom. X. pag. 313.

(b) Method. Med. ad Glaucon. Lib. II.

cap. vi. Ibid. pag. 379.

(c) Ibid. cap. vii.

(d) Observat. Chirurg. Centur. I. pag. 152.

usus. Juxta Plinium (a) cinis *farmentorum*, *vitiūque*, & *vinaceorum*, *condylomatis* & *sedis vitiū* medetur ex aceto: item *luxatis* & *amblystis* & *lienī tumori*, cum *rosaceo* & *rutā* & aceto: . . . dant & bibendum cinerem *farmentorum* ad *lienī remedia* aceto *conspersum*. Laudatur etiam *sulphuris accensi vapor*, ad partem *scirrhosam* determinatus; sed cum *pulmoni infectus*, sit *difficilius adhiberi poterit*. Etiam *aceti cognita vis*, quā *sanguinem dissolvit*, majorem *spem curationis* in talibus *casibus facit*, cum *sulphuris acidum*, inprimis si *meracissimum* fuerit, *sani guini coagulum inducat*.

De *argenti vivi efficacia* in *obstructionibus referendis* dictum fuit in *Commentariis* §. 135. n<sup>o</sup>. 4: & in *scirrhīs resolvendis* sæpe ejus usus profuit, tam *externus*, quā *internus*; sed tantū in *scirrho benigno* & *incipiente*. Ubi enim in *lapideam* ferē *duritiem conversus est*, & *malignus fieri incipit*, nullum omnino à *fortissimis etiam mercurialibus præparatis*; neque ab ipsa *salivatione*, *argento vivo* excitatā, *levamen expectari potest*; quin potius *exacerbantur omnia*, & *aucto humorum motu per hoc remedium*, *scirrhus citius in cancerum mutatur*. Solet cum *fructu scirrho* *resolubili applicari emplastrum de ranis* cum *mercurio*, cavendo tamen, ne *imprudenter ejus applicatione exciteretur sæpe periculosa salivatio*: unde simulac *ægrī aliquem dolorem vel tensionem circa gingivas sentire incipiunt*, aufereundū est *emplastrum*, locūque, cui *adhæsit*, *saponis lixivio sollicitè depurandus*. In *bubonibus veneris scirrhosis* resolvendis hoc *emplastrum pulchre prodesse solet*. *Cinnabaris accensi vapor*, *sulphuris* & *argenti vivi* *conspirantibus viribus* prodest, sed sæpe subito *salivationem excitat*.

2. Si non cedit his, si *locus, situs, vicinā, mobilitas, conditio mali, robur & valetudo ægrī* permittunt, *ocys ferro integrè eximendus est*.

Ubi verò, omnibus illis *adhibitīs per plures septimanas, vel & menses*, nulla sit *scirrhī imminutio*, nihil aliud superest, quā ut *tollatur*, ne *relictus canceri æternum metum faciat*. Præstat autem citò hoc *facere*, quia *diutius relictus talis scirrhus solet augeri mole*, & sæpe *vicinis partibus accrescere*; unde postea *longè difficilior erit ejus extirpatio*; imò & aliquando *penitus impossibilis*. Accedit, quòd & sæpe *soleat malum propagari ad vicinas glandulas*; tūcque *plures scirrhī extirpandi forent*, ut *integra fieret curatio*. Rarè enim in *mammis scirrhī majores non resolvibiles diu hærent*, quin & *glandulæ subaxillares afficiantur simili malo*. Vidi sic in *muliere*, cui ab *externa contusione mamma scirrhosa facta fuerat*, & *frequentī applicatione servidi ferè spiritūs vini in lapideam duritiem conversā*, non tantū *glandulas subaxillares*, sed & *totum collum, pectus, humerūque ejusdem lateris*, *penitus induruisse*. Nunquam tamen *satīs inculcari poterit Chirurgis*, ut de *scirrho extirpando non cogitent*, nisi *certissimi fuerint*, illum *integrè tolli posse*. Si enim *vel minima ejus pars residua maneat post extirpationem*, brevi in *cancrum degenerabit*; uā *toties funestis Exemplis constitit*. Antequam ergo *scirrhī extirpatio concluditur*, *sequentia erunt consideranda*.

(a) Natur. Histor. Lib. XXIII. proœm. pag. 588.



**LOCUS.** Debet esse talis, ut manubus Chirurgi & instrumentis facilis detur aditus. Quis enim de scirrhis internis tollendis cogitare auderet? In ipso tamen pudoris sinu enatum scirrhum, pugnum magnitudine æquantem, membranâ crassâ ac densâ obvolutum, intus album & testiculorum virilium substantiam referentem, à dexterrimo Chirurgo resectum absque ulla læsione vicinarum partium, vidit *Tulpius* (a) in vidua quinquagenaria, quæ sic felicissimè à tristissimis malis imminuentibus liberata fuit, cum abscessa hæc moles non obscura jam indicia scirrhi in carcinoma degenerantis haberet.

**SITUS, VICINA.** Inptimis considerantur ratione magnorum vasorum, quæ in scirrhi vicinia hærent, cum tunc magnum periculum ab horum læsione imminet: uti v. gr; si glandula subaxillaris vel parotis tolli deberet. Neque tamen in difficillimis talibus casibus exercitati Chirurgi desperant; & constitit fidelissimis Observatis, prudenti manu etiam in his locis scirrhos tolli posse. *Hildanus* (b) in muliere scirrhum jam cancerosum mammæ abstulit; simulque debuit tres alios scirrhos, sub axilla ejusdem lateris hærentes, tollere, quorum unus ovi magnitudinem æquabat. Periculofam tamen hanc operationem feliciter perfecit; & ligatis vasis ad scirrhum illum majorem subaxillarem tendentibus, metuendam hic hæmorrhagiam vitavit. Parotidem glandulam, uti & subaxillarem, scirrhosas factas, a peritissimo & dexterrimo apud Haganos Chirurgos felicissimè extirpatas vidit *Abrahamus Kaavius*; notavitque in absolutissima de scirrho dissertatione, quam ad gradum Doctoratus adspicans scripsit, & defendit eadem die, quâ *magnus Boerhaavius* avunculus ejus obiit, quod extirpatâ glandulâ parotide nequidem opus fuerit vasa arteriosa ligare, sed immisâ spongiâ adstringenti liquore ebrâ compescebatur hæmorrhagia; quæ sponte post octavum diem, pure subtus prodeunte, excidit. Ex quibus patet, quantum exercitata manus etiam in periculossimis casibus valeat.

**MOBILITAS.** Antequam scirrhum ferro eximendum esse concludatur, debet prius constare illum versus omnem directionem mobilem esse, neque cui-dam parti acretum. Nisi enim integre tollatur, minima etiam pars scirrhi relicta in cancerum degenerabit quàm certissimè, uti omnes Observatores testantur. Omnis autem glandula hæret in tunica cellulosa, & cum illa naturaliter mobilis est qua-quaversum. Debet ergo scirrhus prehendi digitis, dein sursum, deorsum, & ad latera moveri; si jam in omnem directionem æquali facilitate cedat, mobilis est, neque partibus suppositis vel ambientibus adhæret. Tunica cellulosa quidem illi undique accrevit, sed illa absque ullo damno, imò & sine magno dolore, inde separari poterit, uti statim dicitur. Aliquando accidit, scirrhum quidem inferius & ad latera satis mobilem esse, cutim tamen ejus superiori parti accrevisse, quod noscitur faciliè, quia in tali casu cutis elevari nequit in hoc loco: poterit tamen & tunc tolli scirrhus, simul rescindendo cutis partem, cui accrevit. Sed tunc semper majus vulnus fieri debet, & turpior erit ob cutim perditam cicatrix.

**CONDITIO MALI.** Ut nempe scirrhus solitarius sit; vel alii, si adsint, resolvi possint, vel etiam ferro eximi, si opus fuerit. Quid enim juvaret v. gr;

(a) Observat. Med. Lib. III. cap. XXXIV. |  
Pag. 242.

(b) Observ. Chirurg. Centur. 1. Obs. LXXIX,  
pag. 242.

scirrhum ex mamma tollere, si certis signis constaret, utrum pariter scirrhosum esse; vel in altera mamma simile malum adesset, quod ob rationes sequenti numero dicendas, eximi non posset?

**ROBUR ET VALETUDO.** Omne enim Artis molimen ægri salutem habet pro scopo. Unde si projectæ vires adeo fuerint, ut metuendum foret à dolore, hæmorrhagiâ, aut validâ suppuratione sæpe sequente, majorum tumorum exsirtationem, peritum ægrum; frustra tentaretur cura. Idem verum est, si magna cacochymia totam sanguinis massam infecerit; tunc enim vix unquam vulnera ad bonam cicatricem perducuntur, nisi hæc emendari poterit. Verum quidem est, si metus sit, scirrhum brevi in cancrum abiturum anceps remedium certæ atque adeo horrendæ perniciæ præferendum esse: tuncque prudentis etiam Medici foret, suadere scirrhii ablationem, licet non absque periculo fieri posset.

Postquam omnibus bene ponderatis conclusum fuit, scirrhum tollendum esse; quæritur, quânam methodo hoc fieri debeat? Cauteria actualia, neque corrosiva hic locum habent, nisi tam parvus fuerit scirrhus, ut sic simul & semel destrui possit; sed & in hoc casu tutius cultro abscindi poterit: si enim vel minimum quid relinquatur, canceri metus est. Si scirrhosus tumor, quod rarius, sit, sic propendeat, ut totus emineat ultra superficiem vicinarum partium, & pedunculo quasi affixus hæreat; suaserunt quidam, ut laqueo circumducto angustum illud collum, cui scirrhus adhæret, stringatur validè, ut sic omni nutrimento intercepto marcescat & decidat. Sed neque hæc methodus locum habere poterit, nisi certus sit Chirurgus, nihil de scirrho ipso laqueo sic intercepti: illud enim relictum, reliquo quamvis deciduo, in cancrum degeneraret. Tristissimum talem casum vidit celeberrimus *Boerhaavius* ante multos annos in hac urbe, dum magnum tumorem scirrhosum in dorso situm, qui angustum collum habebat, sic curare aggredierentur quidam, quamvis satis moniti fuissent, pessima quæque expectanda fore. Binis enim laminis æneis, ad hanc rem paratis, & per cochleas sensim arctius appressis, tentabant comprimere tumoris hujus radicem; sed infaustissimus fuit eventus: horrendâ enim putredine non tantum scirrhus, sed & vicina, corripiebantur, tetrâque adeo spirabant hæc mephitis, ut ab omnibus, etiam Chirurgis, derelictus miser homo, infelix temerarii facinoris victima, tandem moreretur.

Omnium ergo optimum videtur, ferro scirrhum tollere, quando nulla resolutionis spes superest, & quidem ocyùs. Periculum enim est, ne diutius relictus talis scirrhus crescat mole, accrescat partibus vicinis, vel etiam propagetur malum ad vicinas glandulas. Duplici autem modo sectione scirrhus tollitur: vel enim, dissectis integumentis, integer scirrhus enucleando quasi eximitur; vel totus scirrhus unâ cum integumentis omnibus simul & semel resecatur. Prior methodus, tutior longè, tardiùs tamen perficitur; locumque habet in tollendis scirrhis minoribus nullibi cuti accretis, sed undique liberis in membrana cellulosa hærentibus. Ubi verb ingens scirrhus est, cuti accretus, posterior methodus adhibetur: uti v. gr; quando mamma tota scirrhosa exsirtari debet. Ut enucleando scirrhus tollatur, tensis manu Chirurgi integumentis, cutis & panniculus adiposus discinduntur ad scirrhum usque, sine ejus læsione. Sectio hæc pro varia magnitudine scirrhii alia est: in minoribus scirrhis sic eximendis recta sufficit

sufficit; decessatim facta sectio requiritur, si majores fuerint. Elevatis deinde per hamulos sectionis angulis, cultello separantur integumenta à scirrho, donec totus nuderur antèrius; postea, forcipe *Helvetii* per ipsam scirrhii substantiam adacto, lenissimè protrahitur, ut commodius in omni suo ambitu cultello separari possit, & eximi. Cùm in panniculo adiposo hæreat glandula scirrhusa, illa separatio sine multo dolore fit, nisi illo in loco, ubi vasa scirrhum ingrediuntur. Ablato scirrho, compresso sanguinis effluxu, examinatur, an aliquid scirrhosi relictum fuerit; deinde curatur, ut vulnus cum substantiæ jactura: de qua re in vulnèrum Historia generali dictum fuit. Scirrhii talis enucleatio, cum omnibus suis cautelis exactissimè describitur in modò laudata dissertatione *Abrahami Naeaii*, qui illam à dexterrimo Chirurgo felicissimè institutam coram viderat. Monetur merito, ne imprudentius trahatur scirrhus, dum separatur: tensis enim nervis ad scirrhum tendentibus, non tantùm acerrimus dolor nascitur, verùm etiam convulsio lethalis, diu etiam post operationem peractam, secuta fuit. Parèturque cavendum, ne acrioribus stypticis irritetur cruda vulnèris superficies, vel talia adhibeantur, quæ sanguinem fortissimè coagulant: thrombi enim sanguinis concreti in venis discissis hærentes, per latiores continuò factos ramos ad cor & pulmones pervenire possent; polyptisque originem dare. Lintea carpta, idoneà ligaturâ appressa, plerumque sufficiunt: fungus orbicularis (*Bovist*) pariter pulchri usus ad sistendum sanguinem.

Ubi autem unà cum integumentis incumbentibus aufertur scirrhus, ut in mammæ exstirpatione fit, requiritur, ut sectio sub scirrho per panniculum adiposum transeat, absque læsione pattiū subjectarum. Ut hoc fiat, elevatur scirrhus à partibus suppositis, sive digitistantùm Chirurgi prehendatur; sive acubus transfixis, vel forcipe *Helvetii* per scirrhii substantiam adacto: attollatur; vel & bidente trajecto per cellulosam tunicam inter scirrhum & partes subjectas sectio instituitur cultro, qui sub bidente, illi appressus manens, omnia sic discindit; transeundo per membranam cellulosam: interim bidente elevato, dum sectio fit, elevatur scirrhus, atque cavetur, ne partes suppositæ cultro lædantur. Pro varia magnitudine scirrhii, & conditione loci, in quo hæret, diversa methodus eligitur à Chirurgis. Verùm talis scirrhii exstirpatio fieri nequit, quin ingens vulnus remaneat; unde semper periculum est, ne vel nimia suppuratione exhauriatur corpus, vel pus in tam lata plaga collectum, dein venis bibulis resorptum, purulentâ cacochymia sanguinem inficiat. Unde prior methodus, quâ enucleando scirrhus tollitur, tutior est, cùm illam nunquam tam valida suppuratio sequatur, & longè citius curetur infictum vulnus. Omnium felicissimè peraguntur hæ operationes, si Chirurgus peritos & intrepidus adjutores habeat, qui diffictus inter operandum arterias digitis comprimere norunt, ne impetuosè exsiliens sanguis turbet operantem.

3. Si vetus, colore, duritie, scabritie, pruritu, inchoato dolore malignus, loco vel viciniam timendus, adhærescens, in corpore cacochymo, exstirpatu impossibilis; tum omnia vitanda, quæ motum augent, ne carcinoma fiat. Ideo emollientia, suppurantia, rodentia, caustica, dissipantia mala sunt.

Tom. I.

IIIII

FUNDACIÓN  
SIMARRO  
BIBLIOTECA

MAURID 1001

Præcedentibus número actum fuit de illis, quibus scirrhus resolvi, vel tolli poterat: agitur hoc numero de illo casu, quando nulla spes resolutionis superest, neque tamen tolli potest scirrhus. Resolutionis impossibilis nōcitur, si scirrhus vetus fuerit; si color integumentorum mutatus in rubrum, purpureum, vel lividum; si lapidea durities, & scabra & prærupta tumoris superficies. Sin verò his omnibus accedat pruritus, longè major metus est, brevi in cancerum transiturum hoc malum; incipit enim tunc moveri scirrhī concretæ moles, leviterque distendi nervi per illam dispersi; unde grata titillatio & pruritus adeo molestus, ut ægri tales, quāvis moniti sævissimum cancerum instare, si scalpant vel tacent locum, tamen abstinere nequeant. Si jam dolor, pruritus brevi sequens, adsit, gravius adhuc malum est. Exstirpationem scirrhī talis impossibilem esse scitur, si vicinis sic accreverit, ut integre tolli nequeat; vel tali situs sit loco, ad quem Chirurgi manus aditus non conceditur; aut denique vicina vasa sanguinea maxima periculosa nimis operationem fore doceant: in quo tamen casu plurimum à dexteritate & peritia Chirurgi intrepidī sperari potest. Si verò maligna adeo cacochymia sanguinis massam infecerit, ut vulneris facti, dum scirrhū tollitur, consolidatio sperari vix possit; vel in aliis locis corporis scirrhī plures pululent; faciliè patet, irritam fore hanc operationem, si institueretur. Cùm ergò in tali casu emendari non possit malum, nec tolli, totum, quod Ars valet, est, ut in eodem statu retineantur, & præcaveatur sedulo, ne in deterius vergat. Hic est ille casus, de quo dixit Hippocrates in loco citato in *Commentariis*, n.º 1, hujus paragraphi, quòd (a) quibus occulti canceri oriuntur, eos non curare præstat: curati namque citò intereunt; non curati verò diuturniori tempore perdurant: scirrhus enim, dotes modò recensitas habens, meritò cancer occultus vocatur. Observatur autem scirrhū irremediabilem citissimè in cancerum mutari, si motus humorum augeatur vel in toto corpore, vel in parte affecta; ut dictum fuit in *Commentariis* §. 488. Omnia ergo talia remedia, quocumque etiam titulo commendentur, noxia sunt. Nunquam enim poterit hic suppuratio fieri, quæ scirrhosum non resolvable à partibus sanis separet; sed pessima sequetur & indomabilis pueredo, quæ omnia vicina depascitur, uti statim in cancri Historia dicitur. Quamdiu autem integumentis suis adhuc continetur scirrhus in cancerum tendens, tolerabilis est; ubi verò ruptis his cancer ulceratus nascitur, tunc indomabili malignitate furit. Omnia ergo emollientia, & suppurantia, minuendo integumentorum cohesionem, malum hoc accelerant. Rodentia autem & caustica longè adhuc citius & pejùs nocent. Quātdm obstat emollientia scirrhīs inveteratis applicata, Observationibus suis demonstrat Hildanus (b); & ipse aliquoties vidi, dum delirantes aniculæ mammarum scirrhos, quos ad suppurationem deducere moliebantur brevi tempore in cancos ulceratos similibus applicatis abire fecerunt. Voluit. *Etmullerus* (c), incurabilem scirrhū intactum omnino relinquendum esse; vel applicatione vitrioli in aceto dissoluti in lapideam duritiem convertendum. Verum & hoc periculosa videtur; cùm aucta scirrhī durities majorem malignitatem indicet, & ab acerbis his irritaretur; imprimis si scirrhus

(a) Aphorism. Sect. VI. no. xxxviii. Chatter. Tom. IX. part. II. pag. 172.

(b) Observ. Chirurg. Centur. I. Observ. LXXXIX. pag. 69.

(c) Oper. Med. Tom. II. part. II. pag. 1238.

puncturis jam molestus; ad tactum dolens, & colore livescens esset; quali scirrho illud remedium applicari voluit auctor. Præstat ergo talibus, quæ omnem inflammationem avertunt, vel natam sedare valent, scirrhum mungere, ne in pejus vergat; cum Artem hæcenus cognitam superet mali hujus pertinacia.

4. Sed sola tum (490. n<sup>o</sup>. 3.) anodyna, sedantia motum, saturnina, mercurialia blanda conveniunt.

In victu tunc mollissima olera conveniunt, juncula carnum recentium, lacticia, cerealia, fructus horæi mites, bene maturi (vide *Materiam Medicam* ad hunc numerum). Pro potu lac aquâ dilutum, recens & mollis cerevisia, decocta hordeacea, avenacea, similia. Omnes animi affectus validi vitentur sedulo; nati sopiantur prudenter. Acria omnia, calefacientia, moventia, hic nocent summo pere. Si jam dolores lancinantes, vel pruritus molestus, in parte scirrhosa percipiuntur, anodynis hæc sedanda, tam internè sumtis, quàm externe applicatis; quorum variz formulæ in *Materia Medica* habentur. Si verò incipiant inflammari scirrhii integumenta, plumbatis remediis prudenter applicatis tentandum est, ut hæc sedetur. Acetum lithargyrii aquæ copiâ dilutum, nutritum dictum unguentum, ex hoc & oleo solani Officinarum intimè simul misti paratum, emplastrum diapompholygos, præcipua sunt. Iisdem remediis sedatur pruritus. Mollissimâ alutâ tegatur locus scirrhosus, ut omnis attritus vestigium caveatur, à quo faciliè excoriari possent integumenta. Unde si mamma scirrhosa fuerit nunquam loricæ ex balnæ ossibus factas induant mulieres, neque valido labore se exercent; cum à pectorali musculo supposito tunc agitur scirrhus. Blanda mercurialia optimi hic usus sunt: amalgama ex argento vivo & plumbo factum, emplastro diapompholygos mistum, pulcherrimè profuit etiam in illo casu, ubi jam inflammari integumenta scirrhii cœperant: tenuem lamellam plumbeam argento vivo perfricatam, & scirrhii figuræ adaptatam, laudant alii. Ubi autem mercurialia scirrho applicantur, cavendum sedulo, ne ab incautè horum usu exciter salivatio, semper hic nocitura, cum scirrhosum concretum solvere non possit, interimque motum augeat, & humorum acrimoniam: adeoque scirrhii in cancerum degenerationem promoveat.

§. 491. **SI** simul temperies peccat; hæc corrigenda præ cæteris:

Cum totus scopus sit in cura hac, palliativâ Medicis dictâ, ut non augeatur mole, neque degeneret in cancerum scirrhus; patet satis, temperiem morbosam; si adfuerit, corrigendam esse. Dictum fuit in *Commentariis* §. 485, atrabiliariam temperiem quàm maximè scirrho occasionem dare: eadem ergo, si adfuerit, scirrhum præsentem augebit; adeoque dicta & medicamenta talia sint, quæ huic temperiei emendandæ conveniunt: de quibus postea in capitulo de *Melancholia* dicetur. Eligenda tamen illa remedia sunt, quæ blandâ & saponaceâ vi fundunt tenacem illum atrabiliarium succum; vitanda omnia, quæ notabilem acrimoniam habent. Mel, sapo Venetus, blandi & quàm maximè tamen solventes herbarum succi, vel decocta, profunt; qualia ex cichoreo, taraxaco;

endiviâ , fumariâ & similibus confici poterunt. Si acris scorbutus, v. gr; simul adfuerit, pariter aptis remediis debellandus erit, vel mitigandus saltem, quia acre scirrho mistum, uti statim patebit, ejus malignitatem auget, & brevi in cancerum mutat.

## C A N C E R.

§. 492. **SCIRRHUS** (392) ætate, augmento, motu; vicinorum, si movetur ita, ut vasa vicina ad margines scirrhi inflammari incipiant, evadit malignus, & vocatur jam cancer à similitudine, vel carcinoma.

Sequitur jam omnium, quibus humanum corpus affligitur, calamitosissimus morbus quem hæcenus nunquam sanatum fuisse constitit, nisi unâ cum vitio pars viciata tolli potuerit. Neque solâ pertinaciâ, quâ ad omnia rebellis manet, metuendus morbus est; verum etiam diris cruciatibus, & putredine intollerabili, quâ vivum corpus sensum depascitur, terribilis. Accedit omnibus his malis tormentorum diuturnitas, quibus per plures menses, imò & annos, aliquando affliguntur miseri, antequam, ultimum omnium malorum remedium, mors finem sævissimis doloribus faciat. Nisi enim erosus vasis majoribus hæmorrhagiâ pereant, miserrimam vitam diu trahunt, antequam pereso corpore moriantur.

Cancer, καρκίνος, καρκίνωμα, solet vocari hic affectus; illudque nomen huic datum fuisse voluit *Galenus* (a), quodd similitudine quâdam cancerum animal referat. Ut enim illud animal utrimque pedes porrigit, sic & venæ atro sanguine turgentes undique ex carcinomate exeunt. Addidit *Egineta* (b), quodd carcinoma pertinacissimè adhæreat partibus, quas occupat, uti cancer animal chelis suis prehensam prædam firmissimè tenet, arque inde majoris similitudinis rationem deduxit. Ex illis autem, quæ in *Commentariis* §. 419, dicta fuerunt, patuit, *Celsum* sub canceri nomine gangrænâ & sphacelum descripsisse: carcinomatis autem vocabulo usus fuit, ut illum morbum designaret, quem hodie Medici & Chirurghi & cancerum, & carcinoma, promiscuè solent vocare. Licet enim obscurior aliquantum videatur carcinomatis apud *Celsum* (c) descriptio, talia tamen habet, quæ satis ostendunt, quodd hunc morbum sic vocaverit. Circa faciem enim, aures nares, labra, mammas mulierum, maximè id vitium fieri dicit, circaque illud venas quasi recurvari: summamque etiam illius malignitatem, & facilem irritabilitatem, dum secatur vel uritur, pariter in-

(a) Method. Med. ad Glaucon. Lib. II. cap. XII. *Charact.* Tom. X. pag. 320.

(b) Lib. VI. cap. XXVI. pag. 66.

(c) Medicin. Lib. V. cap. XXVIII. no. 117. pag. 312.

dicavit. Quinimo nulli unquam Medicinam profuisse in his malis dixit; (a) *Sed adusta protinus concitata sunt, & increverunt, donec occiderent. Excisa etiam, post inductam cicatricem tamen reverterunt, & causam moris attulerunt.* Ex quibus omnibus satis patet, carcinomatis nomine cancerum hodie dictum, à Celsò descriptum fuisse.

Scirrhum prægressum cancer sequitur, vel potius scirrhus in cancerum mutatur. An autem nunquam cancer oriatur in corpore absque scirrho prægresso, alia quaestio est: patebit, credo, illis, quæ in *Commentariis* §. 496, dicuntur, simile malignitate, & horrendis effectis, malum observari in multis corporis locis, licet nullus scirrhus præexistat. Sed quomodo scirrhus in cancerum transit? Quibus signis à cancro distinguitur? Communi omnium Medicorum consensu scirrhus vocatur tumor durus, indolens, (vide *Commentaria* §. 392.): scirrho autem in cancerum tendente manet, tumor, sed accedit dolor, qui antea non adfuerat. Signum ergo cancerum à scirrho distinguens, dolor est. Verùm cum ingens discrimen sit, & per varios gradus decurrat hoc malum, antequam ad pessimam malignitatem pervenerit, ideo apud Auctores scirrhinomen aliquando retinetur, licet jam lancinantes illi dolores adfuerint. Melius tamen tunc distinctionis gratiâ, canceri occulti vocantur, quàm scirrhi, uti statim §. 474, dicitur.

Scirrhus, uti in *Commentariis* §. 484, patuit, pro causa habuit, quidquid succum glandulosâ fabricâ paratum, in ductibus secretoriis, excretoriis, vel & in folliculis hunc colligentibus, coagulare, inspissare vel siccare potest; dum simul intricatissima vasculorum, quæ glandulas constituunt, fabrica; vel & humor in folliculis extra circulationem quasi positus, faciunt, ut sanguinis arteriosi impetus non possit agere in vasa hæc vel receptacula obstructa, neque in materiam obstruentem, tali cum effectu, ut solvatur concretum; vel blandâ suppuratione separentur illa, quæ circulationis legibus amplius obedire nequeunt. Hæret ergo concretus succus in vasis, vel in cavis folliculis, quorum latera omni vasorum genere constant; potestque ibi diu hæere immutatus, & quidem sine magno damno, ut quotidiana Observata testantur. Sola functio partis scirrhosæ læditur, vel & aliquando turbatur actio partium; quæ à scirrho adjacentem comprimentur. Ubi verò à quacunque causa augeatur motus humorum per vasa viva & pervia, quæ circa scirrhi substantiam hærent, patet ex illis, quæ ad §. 375, dicta sunt, inflammationem hic nasci facillimè, cum vasa hæc à scirrho concreto compressa & angustata placidè motos humores transmittere possint, acceleratâ autem circulatione, obruantur. Sed Inflammationem hic natam sequuntur omnia ejus effecta (vide §. 382.), dolor nempe, attritus ingens, & inde natus calor & æstus. Verùm in *Commentariis* §. 84, demonstratum fuit, incitatum humorum motum, auctumque calorem, quàm maximè ad putredinem disponere. Scirrhosum ergo concretum, hætenus mite, & inertis corporis instar in vasis vel receptaculis infarscis hærens, putrescere incipit, & majorem acrimoniam acquirit; sicque irritare & rodere valebit loca, quibus continetur. Non mirum ergo, tunc dolorem nasci, quò, ut dictum fuit, cancer à scirrho distinguitur. Idem effectus sequetur, si vasa vicina, à scirrho contiguo pressa, inflammationem faciliè enim patet, tunc brevi in ipsa scirrhi substantia simile oriturum malum. Unde toties, & satis citò sæpe, scirrhus man-

(a) Medicin. Lib. V. cap. xxviii, nò. ii. pag. 318.

ma in cancerum mutatur in mulieribus, quæ manuum operâ victum comparare debent; atteritur enim tunc durus scirrhus ad vicina vasa, quæ inde inflammantur; sicque brevî scirrhus in cancerum degenerat. Si ergo scirrhus sensim auctus magis comprimat vicina loca, cancer brevî fiet. Sed præterea ipsa hæc concreta scirrhî substantia tandem poterit sponte sua acris fieri, & omnia eadem mala producere. Dictum fuit enim §. 485, atrabiliariam sanguinis materiem scirrhîs producendis quàm maximè favere: imò veteres Medici ab hac sola causa scirrhorum originem ferè deduxerunt; & ad hanc materiem solvendam & evacuandam de corpore totam curationem intenderunt.

Patebit autem ex illis quæ postea in capitulo de *Melancholia* dicentur, atrabiliarium illud, & piceæ ferè tenacitatis, humorem diuturnâ morâ & stagnatione acrem fieri & rodentem; tuncque summa mala producere. Idem ergo & in scirrho continetur: poterit, & in primis in atrabiliaræ temperiei hominibus; adeoque & ætate malignus fiet, licet nulla alia causa accesserit.

§. 493. **IN** quo (492) gradus inflammationi vicinæ; acrimoniæ putridæ excessus in loco affecto; dignitas partis; glandularum nexarum numerus conditio; temperies totius, diversos malignitatis primæ status docet

Simulac prima tantum initia degenerationis scirrhî in cancerum adsunt, malignus dicitur; & meritò, ob horrenda mala, quæ postea sequuntur. Sed malignitas illa major minòrve est, citiùsque vel seriùs in pessimam indolem mutatur, pro variis conditionibus, quæ hæc paragrapho enumerantur.

**GRADUS INFLAMMATIONIS VICINÆ.** Leve erysipelas vel mitis inflammatio in vicinis scirrhî, vel etiam in ejus integumentis, nata; sæpe prudenti applicatione plumbati emplastri, acetî lithargyrii multâ aquâ diluti; vel similibus, sedari poterit; sicque præcaveri, ne in cancerum exulceratum citò degeneret scirrhus. Ubi verò valida inflammatio in scirrhî integumentis, vel in vicinis partibus illum ambientibus, nata fuerit, pessima mala expectanda sunt brevî.

**ACRIMONIÆ PUTRIDÆ EXCESSUS IN LOCO AFFECTO.** Præcipua canceri malignitas in eo consistit, quòd scirrhî substantia, in vasis vel receptaculis adhuc vivis hærens putrescat, & sanie virulentâ vicina omnia rodât & exulceret. Non verò statim, in canceris etiam exulceratis, ad ultimam illam malignitatem procedit malum, sed sensim & per gradus. Quò ergo major fuerit putredo; eò pejora erunt omnia. In canceris apertis putredinis major minòrve acrimonia ex sanie exsillantîs fœtore, & erosione vicinarum partium, satis cognoscitur: in occultis verò pruritus, calor, dolores lancinantes, tumoris scirrhosi augmentum subitum, indicant varium putredinis inceptæ gradum.

**DIGNITAS PARTIS.** Si enim v. gr; pancreas, ventriculus, hæpar; intestina &c., cancro affecta fuerint, longè sæviora symptomata sequentur, & acerbior prognosis erit, quàm si v. gr; in mamma simile malum hæreret.

**GLANDULARUM NEXARUM NUMERUS ET CONDITIO.** Solitarius cancer diutius toleratur, minùsque affligit, quàm si in diversis locis



corporis simile malum hæreat. Adeoque pejor morbus erit, si talem partem obfideat, quæ propagatione mali vicinas glandulas afficere poterit. Vix unquam diu scirrhus insignis, & jam cancerum minitans, in mamma hæret, quin & glandulæ axillares ejusdem lateris incipiant scirrhus fieri; utl quotidianis Observatis constat. Frequenter etiam, dum una mamma scirrhusa fuit diu, altera similiter afficitur. Cùmque inter mammas & uterum tanta affinitas sit, sæpe & uterus simili malo laborare incipit. Tristissimum casum vidit celeberrimus *Boerhaavius*, qui hoc confirmat. Nobili matronæ mamam dextram occupans cancer, nondum exulceratus, exsiliabatur; post annum in mamma sinistra simile malum exscindebatur pariter. Sed languit postea, & omnia signa canceri uterum occupantis, habuit, tandèmq; sævissimis cruciatibus enecta periit. In scirrhi Historia dictum fuit, constitisse Observationibus Medicis, dum glandulæ colli omnes induerunt, etiam glandulas mesenterii similiter affici; frustra ergo in similibus casibus cura tentatur, cùm malum in glandulis communicantibus redeat.

TEMPERIES TOTIUS. Attribilaria temperies scirrhis producendis apta est, utl in *Commentariis* §. 485, dictum fuit: eadem ergo temperies scirrhum natum augere poterit. Sed scirrhus augmento suæ molis in cancerum mutatur, utl patuit §. 492; patet ergo in siccis illis, macilentis, atrabilariis corporibus maximum futuri canceri metum esse. Omnium maximè, si atrabilarius ille succus in sanguine prædominans incipiat solvi, & acris fieri: utl enim statim patebit §. 495; omne acre, scirrhus mistum, illum in cancerum convertit. Idem verum erit, si v. gr; putridus scorbutus simul addit: raro enim diu scirrhi in talibus corporibus hærent, quin evadant maligni.

§. 494. SI suis continetur pellibus, occultus; his ulcere ruptis, manifestus vel ulcerosus dicitur; posterior primi foboles.

Scirrhus, utl jam sæpius monitum fuit, tumor durus, indolens, est in parte glandulosa. Ubi autem tiillatio, pruritus, dolor, calor in hoc tumore percipiuntur, non amplius scirrhus vocari poterit, sed cancer. Quandiu autem integumenta canceri nondum erosa sunt, sed suis ille adhuc pellibus continetur, vocatur occultus: ubi verò in illam malignitatem degeneravit, ut integumenta eroserit, & fanies exeat; tunc vocatur cancer manifestus vel ulceratus. Apud *Aetium* legitur (a), quòd *Phinoxenus* vocaverit cancerum occultum, qui in abditis corporis hæreret: ut v. gr; in utero vel intestinis. Post illum & alii idem dixerunt. Verùm alia videtur fuisse *Hippocratis* opinio: ille enim (in loco citato in *Commentariis* §. 485.) tale malum in mammis hærens occultum, cancerum vocavit. Dum enim agit de menstruis retentis, ob os uterij aversum, dicit, menstrua retenta ad mammas remitti, falsæque graviditatis specie deludi mulieres: posteaque addit sequentia: (b) *Eri in mammis tubercula dura oriuntur, quædam quidem majora, quædam verò minora. Hæc autem minime suppurant, sed semper duriora fiunt: ex his deinde occulti canceri nascuntur.* Ex quibus evidenter apparet, quòd *Hippocrates* scirrhum à

(a) Terrabibl. IV. Serm. IV. cap. XLIII. | cap. XX. Charzet. Tom. VII. pag. 808.

(b) Hippocrat. de Morb. Mulier. Lib. II.

cancro occulto distinxerit, illūque sic vocaverit in locis corporis quamvis, exter-  
nis, hærentem. Cancer autem occultus ulceratum semper præcedit, uti facili ex  
modò dictis patet.

§. 495. CAUSA est quidquid scirrhum facit (484. 485.), acie  
scirrhum mistum; mutatio in circulantiis, à menstruis, hæmor-  
rhoidibus, hæmorrhagia quâlibet, retentis; sterilitas, cœlibatus;  
effusa ætas à 45, ad 50 annos; victus austerus, acer, calidus;  
affectus animi tristes & biliosi; irritatio externa quâlibet, motu, ca-  
lore, acrimoniâ, emolliente, suppurante, causticâ, vesicante me-  
dela externâ, vel internâ similia peragentē.

Agendum nunc de causis, per quas scirrhus indolens, in cancerum testum primò;  
deinde in ulceratum mutatur. Omnis autem causa, quæ scirrhum facit, potest con-  
siderari, ut causa canceri remota: sed eadem hæc causa pergens agere, poterit augere  
scirrhum natum, adeoque & in cancerum convertere.

ACRE SCIRRHOMISTUM. Sive materia ipsa scirrhi tempore mutetur  
in acrimoniâ, & corrumpatur; sive per morbos blanda humorum sanorum in-  
doles pervertatur, irritabitur scirrhus, qui hætenus quieverat, & brevi in can-  
crum degenerabit. Idem fiet, si in victu assumantur talia, quæ acria sunt, neque  
per vires vaforum & viscerum facili subigi possunt; qualia sunt aromata plurima, &  
acres in primis alliorum & ceparum bulbi; his enim assiduo utentium sudor & urina hæc  
assumpta redolent. Unde patet, quàm insidiosum malum sit scirrhus, quamvis mi-  
tissimus fuerit. Licet enim in diæta caverentur omnia acria, quis à morbis, epide-  
micè sæpe grassantibus, tutus semper erit, per quos blanda humorum indoles to-  
tius mutatur? Accedit quòd, acria hæc noceant pariter augendo circulationis ve-  
locitatem; aquâ solâ scirrhus in cancerum converti poterit, uti antea dictum fuit.  
Plurimis Observatis Medicis constitit, quàm periculosus sit acrium usus in his ca-  
sibus; unicum adduxisse sufficiet. Post sævissimam ophthalmiam rupto oculo ef-  
fluxerant humores, & collapsæ palpebræ concreverant in nobili viro; scæpe per  
quatuordecim annos sine ullo maligno symptomate vixit. Cùm autem tunc vix  
liberalius uteretur, concoctu difficilibus cibis aromatibus, cepis alliis, porris,  
raphanis, &c, vesceretur avidè, tam diu silens malum in nervum erupit. Palpe-  
bræ enim clausæ sensim inceperunt diduci, & excrevit ex orbitæ fundo tumor du-  
rus, lividus, malignum tandem ovo anserino major extra palpebras prominens, hor-  
rendo spectaculo. Felicissimo successu ex imo orbitæ fundo reseculit cancerosum  
hunc tumorem *Hildanus* (a) & sanavit ægrum. Merito hinc cancro laborantibus  
in victu commendavit *Galenus* (b) ptisanæ cremorem, serum lactis, olera mollissima,  
malvam, atriplicem, blitum, &c, pisces saxatiles, &c.

MUTATIO IN CIRCULANTIBUS, &c. Videantur illa, quæ de his  
dicta sunt in *Commentariis* §. 485. Ibi enim & *Hippocratis* testimonio, & optimo;

(a) *Observ. Chirurg. Cent. 4. Observ. I.* (b) *Method. Med. ad Glaucon. Lib. II. cap.*  
*pag. 1. & sequ.* *xiii. Charact. Tom. X. pag. 390.*

rum Auctorum Observatis constitit; non tantum scirrhos nasci, si consuetæ illæ evacuationes subsisterint, verum etiam scirrhos, si prius adfuerint, in cancerum brevè abire. Omnium maximè à mensruis suppressis irritantur scirrhî in mammis, vel & circa uterum hærentes.

**STERILITAS.** In *Commentariis* §. 486, ubi de effectibus scirrhî nati in corporis variis partibus agebatur, notatum fuit, sterilitatem sæpius à scirrho, partes genitales mulierum obsidente, produci: imò, quantum ex *Historia Medica* patet, videtur inter observatas sterilitatis causas hæc frequentissima fuisse. In sterilibus ergo mulieribus non sine ratione Medici latentes scirrhos suspicantur, qui ætate & augmento solent in cancerum degenerare. Accedit præterea, graviditatis tempore, cum adeo dilatentur omnia vasa uteri substantiam constituentia, sæpe sic referari, auctâ vasorum capacitate, incipientes obstructions, vel saltem sic disponi uteri vasa, ut postea facilius transmittant humores. Unde mulieribus, quæ inordinatis & suppressis sæpè mensruis laborant, ob vasa uteri non satis faciliè dilatanda, toties profuit imprægnatio.

**CÆLIBATUS, EFFRÆTA ÆTAS, A 45, AD 50, ANNOS.** Constitit & hoc Observatis Medicis: ut enim dictum fuit in *Commentariis* §. 485, observavit *Dionysius*, quartam partem mulierum cancro laborantium hoc malo affici inter quadragesimum quintum & quinquagesimum ætatis annum; additque, quòd frequentissimè Moniales hoc morbo correptas observaverit. Hoc etiam testatur *Vesalius* (a).

**VICTUS AUSTERUS, ACER, CALIDUS.** Atrabiliarium materiam, scirrhî sæpe causam dare §. 485, dictum fuit; parultque etiam ex illis, quæ in *Commentariis* §. 493, habentur, ab eadem scirrhum augeri, & ad canceri malignitatem disponi. Omnia ergo, quæ augent atrabiliarium succum in sanguine, vel etiam majori excitato calore & motu, eundem acriorem reddunt, nocebunt summopere. Verum, ut postea fusiùs dicetur in capitulo de *Melancholia* §. 1093, cibi austeri, duri, sicci, terrestres, cum quiete & torpore corporis diu assumpti, humorem atrabiliarium in sanguine generant; unde scirrhî & canceri inde futuri causas augebunt. Omnia acria, calefacientia, in victu pariter vitanda, quia aucto motu humorum nocent, uti paulò antè dictum fuit.

**AFFECTUS ANIMI TRISTES ET BILIOSI.** Dum generosæ indolis homines altâ mente repostam injuriam gerunt, & memores iras in pectore nutriunt, solent in teterrimam melancholiam sæpe delabi, & chronicis morbis pessimis diu colluctati, tandem pereunt. Non mirum ergo & scirrhos inde generari, si non adfuerint; illos verò, qui jam adsunt, in cancerum mutari: cum atrabiliaria temperies, tristes illos animi affectus sequens, illis malis producendis apta sit. Ira autem, meritò biliosus affectus dicendus, scirrhî nocet quàm maximè. Dum enim (b),

----- calido sub pectore mascula bilis  
Intumuit, quam non exstinxerit urna cicuta,

calor magnus conciliatur toti corpori, motus humorum augeatur, febris excita-

(a) Chirurg. Magn. Lib. V. cap. xvi.  
Tom. I.

(b) Aul. Pers. Satyr. V. vers. 144.  
K k k k k

tur valida sæpe, totum corpus tumet, & rubet: unde ab aucto motu magnum periculum est, ne scirrhus in cancerum abeat.

**IRRITATIO EXTERNA QUÆLIBET, MOTU, CALORE, &c.** Omnia hæc, quocumque demum titulo jactentur, noxia semper sunt. Scirrhum enim confirmatum & non resolubilem nemo prudens curare aggreditur, nisi foris exstirpatione: ubi verò hæc tentari nequit, nihil superest, quàm servare scirrhum immutatum quàm diutissimè. Omnis enim mutatio scirrhi talis in malum tendet. Frictio, ubi spes resolutionis superest, summum remedium est: scirrhum malignum autem citissimè in cancerum mutat, calor; diffatis mobilissimis, scirrhum in summam duritiem converteret, vel putredinem, adeo hic metuendam, promoveret. Quantum noceant emollientia, suppurantia, rodentia, dictum fuit in *Commentariis* §. 490. n°. 3. Unde generalis regula Practica est in scirrho tali curando, ut nihil ingeratur in corpus, quod motum augere possit vel calorem; nihil extrinsecus applicetur scirrhu, quod illum irritare valeat. Simplex aluta mollissima, ut vestium attritus caveatur, vel plumbatum emplastrum, optima sunt.

## §. 496. **L**OCUS ut scirrhi (484).

Cùm cancer plerumque ex scirrhu oriatur, facillè patet, quòd & eundem locum occupet. Observata tamen Medica videntur evincere, cancro omnino simile malum in quibuldam locis corporis nasci, licèt nullus scirrhus præexistat. In labiis v. gr; si vel frigore fissi, vel aliâ quacumque de causa tenuis membranula illorum superficiei incumbens lacera fuerit, incipit emergere fungosus tumor, ad tactum sæpe satis mollis, qui auctus sensim in magnam satis molem expanditur, & dolore, maligno ichore exeunte, erosione vicinorum, hæmorrhagiâ, & rebeli ad quævis remedia indole, verum cancerum refert omni dote: &, nisi tempestivâ sectione tollatur, omnia vicina depascitur eodem modo, ut in cancro exulcerato fieri solet. In lingua pariter papillæ nervosæ, coercente integumento liberæ, in fungosam massam expanduntur, & in eandem malignitatem degenerant; uti toties tristissimis Exemplis constat. In pene viri similes pessimæ degenerationes papillarum nervearum observantur. Memorabile hujus rei Exemplum habetur apud *Hildanum* (a). Faber ferrarius a teneris annis habuerat in summa penis glande verrucam, lentis magnitudinem non excedentem, quam sine multa molestia gesserat, quamdiu cælebs vixerat. Postquam uxorem duxerat, dolor ingens & continuus accessit, ita ut per tredecim annos ab uxoris congressu abstinere debuerit. Successu temporis verruca in horridum cancerum degeneravit, & quidem tantæ magnitudinis, ut recens nati infantis caput æquaret: penis totus in molem carneam inæqualem & lividam transformabatur, uceribus plurimis hinc inde erosus, per quæ urina exiens conspurcabat omnia. Fœtor adeo horrendus aderat, ut à familiaribus & amicis deferretur. Cùm incassum tentatis plurimis remediis pro derelicto haberetur ab omnibus, *Hildanus* totum penem abscidit, & felicissimè sanavit hunc hominem &

(a) *Observ. Chirurg. Centur. III. Observ. LXXXVIII. pag. 272.*

sic ut postea corpore validus fuerit, & solitum opificium peragere potuerit, atque decem annis post hanc curationem supervixerit. Sed ex Anatome constat, in lingua, labiis, glande penis esse numerosissimas papillas nervosas, acutissime dolentes, ubi epithelio, illas tegente, destituuntur; videnturque hæ papillæ in horrenda hæc mala degenerare, omnium frequentissime in locis modò dictis, & aliis similibus, ubi ténerrimâ tantùm membranulâ teguntur. Neque tamen in his locis solis, verùm etiam, ubi cutis ipsa adest, similia mala observata fuerunt. Vidi sic in virgine adulta satis magnam verrucam in dorso locatam, quam jam ab infantia gesserat, tandem ab attritu lorice arctioris, ex balneæ ossibus factæ, auctam, in cancrum degenerasse. Cùm autem angusto collo penis emineret, Chirurgus filo illud constrinxerat, unde brevi decidebat verruca; locum, ubi hæserat, dein lapide infernali erosit. Sed paulò post ingens & malignus fungus excrevit, & cutis vicina induruit; cùmque de exstirpatione formidolosi mali cogitaretur, alio morbo correpta periit. Vidi sic in pollice pedis, dum unguem imprudentius secuerat Chirurgus in rustica, & læsaret tenerimam illam pulpam nervosam hic locatam, similem excrevisse fungum; quem rodentibus dum consumere tentabat idem Chirurgus, sic irritavit; ut in horrendum cancrum abiret; unde postea pars exstirpati debuit. Si jam quis vellet, verrucas, in locis cute testis plerumque duriores, sub genera i scirrhi definitione posse comprehendì, opponi tamen posset, in labiis, lingua, &c, molles sæpe tales fungos excrecere, nec minùs malignos tamen. Fortè similia mala, à degenerantibus papillis nervosis orta, distinctionis causâ, cancri fungosi dici possent.

Cùm autem injectionibus *Ruyfchianis* constet, papillas illas nerveas non tantùm constare solâ pulpâ nervosâ, verùm & vasculis sanguineis satis numerosis; hæc omnia simul degenerant, & augentur mole: unde toties à verrucis malignis imprudenter resectis periculosa hæmorrhagia orta fuit. Neque videtur improbabile, & ipsam nervorum propriè dictam substantiam sic degenerare. Acutissimus enim dolor & in cancris illis fungosis, & in scirrho canescente, demonstrat, vitales manere nervos per hanc massam dispersos: & in *Commentariis* §. 268, & 295, satis patuit, quàm faciliè ipsa cerebri substantia, cranio & membranis coercentibus libera, in fungosam molem attollatur. Nervi ad varia corporis loca delati, vaginis tenacibus turò defenduntur, & coercentur; ubi verò, his depositis, explicatur mollis illorum substantia, ut v. gr; in lingua, glande penis, palpebrarum internâ superficiei, &c, membraná superimpositâ coercentur; quâ erusâ, vel aliâ quacumque causâ læsâ, fungosæ tales excrementiæ emergunt. Necessarium ergo erit Chirurgis & Medicis novisse, etiam cancrum sæpe metuendum esse, licet nullus scirrhus prægressus fuerit.

§. 497. **C**OGNOSCITUR occultus ex signis scirrhi (487) prægressi, accedente titillatione, pruritu, calore, rubore, dolore lancinante, urente, pungente, colore rubello, rubro, purpureo, caruleo, livido, atro: duritiæ summâ, præruptâ, scabrâ, cum eminente apice; tumoris augmento; vasis sanguiferis vicinis tumetibus, nodosis, varicosis, crassiss, atris.

K k k k k ij

Scirrhus præsens quomodo cognoscatur, in *Commentariis* §. 487, dictum fuit. Sed ut ex scirrho cancer fiat, & factus noscatur, debent quædam nova accessisse phænomena, quæ antè non adfuerant. Nunquam autem scirrhus subito in cancerum pessimum transit, sed sensim mutatus in pejorem malignitatem degenerat. Illæ autem mutationes, quæ scirrho accidunt, successivæ sunt, & illo ordine hic enumerantur, quo se mutab sequi solent. Cancer ulceratus, vel etiam occultus, dum jam jam in ulceratum mutabitur, satis cognoscitur ab omnibus; ubi verò scirrhus præma dare signa incipit suæ degenerationis in pejorem indolem, difficilior aliquando ejusdem cognitio videtur. Monuerat hoc *Galenus* de hoc affectu agens, dicit enim, (a) *At ubi magna quidem omnia sunt, nemo de appellatione ambigit, sed nominant uno assensu omnes ejusmodi affectum, cancerum. Quum autem adhuc incipit, nil miri est si vulgus lateat, non sicut profecto quædam stirpes quæ à terra jam exeunt; nam hæc quoque peritis tantum agricolis agnoscuntur.* Cum enim scirrhus §. 392, definiatur tumor durus indolens, hoc nomen retineri poterit, quamdiu nullus dolor adest; ubi autem incipit titillatio & pruritus oriri, jam ab innocua sua indole (vide §. 488.) degenerat, neque adhuc canceri, propriè dicendi, nomen meretur, in quem tamen brevè mutabitur. Licet autem aliquid dubii posset esse, circa denominationem hujus affectus, in illo limite, ubi scirrhus in cancerum transit, in curatione tamen nullus inde error nasceretur, cum & vetustus scirrhus, & incipiens cancer, eandem medelam requirant; extirpationem nempe, vel talia remedia, quæ sedant nova orta symptomata, & futura præcavent, malumque incurabile in eodem statu conservant; cavendo, ne in pejus ruat: scirrhum autem in cancerum transire cognoscitur sequentibus.

**TITILLATIONE, PRURITU.** Suspectum maximè in vetustis scirrhis hoc signum est, indicans, nervos, per scirrhi substantiam dispersos, levissimè tendi vel irritari; sed pruritus brevè, auctà nervorum distensione, jam eorundem dissolutionem misirante, sequetur dolor (vide §. 220.), scirrhi jam in cancerum mutati signum. Periculum hujus symptomatis augeatur, quòd pruriens locum ægri vel inviti scalpere cogantur; sicque augeatur scirrhi canceris malignitas, cum irritatio quælibet externa, uti dictum fuit in *Commentariis* §. 495, scirrho in cancerum convertendo sufficiat. Cùmque ignarum vulgus sibi persuasum habeat, pruritus in quibusvis malis incipientis sanationis certissimum signum esse, lætantur sæpe miseri, dum omnium malorum acerbissimum cancer nempe, imminet. Vidi sic impudentissimum Agyrtam gratulari miseræ mulieri, dum pruritus illum sentiret, in scirrho incurabili, cui emplastrum, ex calefacientibus admodum paratum, imposuerat; sed post paucas septimanas cancer pessimum exulceratus toram mammam, & vicina omnia, miserimè depascebatur. Cum autem prudentes Medici & Chirurgi unanimi consensu incurabilia pronunciant hæc mala, ægri, licet toties moniti, faciles tamen aures præbent inani jactantiz horum nebulosorum, cum omnes illa, quæ impensè cupiunt, facili sibi persuaderi patiantur.

**CALORE, RUBORE.** Scirrhus, quamdiu benignus est, colorem similem habet, ac cutis vicina, neque plus calet; unde meritò pessima metuentur, si hæc accedant. Signum enim est tunc inflammationem nasci in vasis

(a) *Method. Med. Lib. XIV. cap. 1x. Charter. Tom. X. pag. 319.*

vitalibus, per scirrhi substantiam dispersis; vel saltem in scirrhi integumentis, vicinisque partibus. Uti enim patuit ex illis, quæ dicta sunt in *Commentariis* §. 382, rubor & calor inter effectus inflammationis merito recensentur. Et à calore & motu auctis scirrhum in cancrum abire monitum fuit §. 455. Periculum auget, quòd calor major ad putredinem disponat omnia (vide §. 84. n<sup>o</sup>. 5.) ; pariterque observatum fuit §. 85, putredinem natam caloris molesti sensum facere. Calor ergo perceptus in scirrho vel putredinem jam inceptam notat, vel brevi futuram indicat; hinc semper periculosus.

**DOLORE LANCINANTE, URENTE, PUNGENTE.** Signum hoc, uti sæpe jam dictum fuit, cancrum, occultum quamvis, à scirrho distinguit. Primò dolores percipiuntur, non continui, sed per intervalla tantum, & subito evanidi, ac si lanceola acutissima celerrimè per scirrhum transfugeretur. Sæpe accidit, si non irritentur perversâ medellâ scirrhi, dolores illos lancinantes diu non percipi iterum, atque per annos adhuc filere malum. Ubi verò quotidie ferè recurrit similes lancinationes, & tandem pungentes dolores, non tam citò evanidi, percipiuntur, fumus metus est, ne occultus cancer brevi in exulceratum transeat. Omnium pessimus dolor ille est, qui vivi ignis, interna scirrhi adurentis, sensum exhibet; tunc enim cancri occulti integra sensim à tumente ejus mole distrahantur, & à majori acrimonia eroduntur.

**COLORE RUBELLO, RUBRO, PURPUREO, CŒRULEO, LIVIDO, ATRO.** Varii malignitatis gradus in cancro occulto noscuntur ex mutato ejusdem colore, sic ut color rubellus levissimum malum designet, pessimum verò ater: reliquæ autem colorum mutationes intermedios gradus indicant. Rubellus enim color levem inflammatiunculam notat, ruber validiorem, purpureo validissimam, & jam incipientem quasi necrosin. Ubi autem attenuatis jam, & erodi incipientibus integumentis, cancri subjecti color transparenere incipit, primò cœruleus apparet, aucto malo lividus; & cum jamjam exulcerabitur, per tenuem adhuc pelliculam cancri ater color conspicitur.

**DURITIE SUMMA, PRÆRUPTA, SCABRA, CUM EMINENTE APICE.** Quamdiu nondum pellibus suis ruptis occultus cancer in manifestum conversus est, semper durissimus apparet, instar lapidis; & quòd major illa durities fuerit, eò pejora omnia expectanda sunt. Ubi autem exulceratus est, protuberante contentæ materiæ parte per erosa integumenta, minus durus apparet. Nunquam tunc superficies talis tumoris æquabilis apparet, sed nodosis eminentiis aspera & prærupta. In illo autem loco, ubi integumenta, magis distracta vel erosa, minus resistunt, prominulus apex extraheratur, certissimum signum cancri brevi exulcerandi; solentque tunc postea in apice illo sensim integumenta quasi excoriando fecedere; atque plerumque ibi primò omnium cancer exulceratur.

**TUMORIS AUGMENTO.** Scirrhus benignus plurimis sæpe annis manet absque notabili molis suæ augmento; ubi verò malignus fieri incipit, sæpe paucis septimanis quadruplùm, & amplius augetur; tuncque certò novimus, quòd in cancrum exulceratum tendat. Nunquam hoc evidentius apparet quàm quando benignus hætenus, nec resolvable tamen, scirrhus perversâ medellâ irritatur.

**VASIS SANGUIFERIS VICINIS TUMENTIBUS, &c.** Horrendum aspectum sic refert cancer talis, atque inde huic affectui inprimis nomen illud

K k k k k iij

datum fuit, quòd venis undique exporrectis cancri animalis figuram utcumque referret, uti dictum fuit in *Commentariis* §. 492. Durus enim ille tumor, integumentis adhuc coercitus, mole tamen auctus, vicinas venas comprimit, quæ hinc à sanguine difficilius transeunte distentæ turgent, & varicosæ apparent. Dùmque tenuissima pars sanguinis per angustata vasa transprimitur adhuc, crassius reliquum aggestum nigrum ferè colorem habet. Observatur autem semper, cutis, à quocumque tumore distentæ, venas augeri plurimùm. Sic in hydropicis, & in gravidis mulieribus abdominis distenti cutis varicosas & amplissimas venas habet. Cùm autem venæ illæ varicosæ à tumore subtus distendente utcumque complanentur, adhuc majores apparent, quàm si teretem suam figuram retinerent. Nodosæ verò apparent venæ, quia prærupta & scabra cancri superficies in quibusdam locis magis, in aliis verò minùs illas comprimit. Ob atrum autem illum venarum colorem veteres Medici melancholicum humorem hinc aggestum culpabant: sed ex modò dictis facillè patet, unde hoc fiat.

His signis occultus cancer, in partibus corporis externis hærens, satis cognosci poterit; ubi autem in interioribus delitescit, difficilius hoc scitur. Scirrhi prægressi signa, calor & dolor in illis locis, in quibus antea inertis tantùm ponderis sensus percipiebatur, lucem in obscuris his casibus dant.

Cancrum non exulceratum in mamma describens *Aetius*, omnia hæc signa enumerat dicens: (a) *Canero itaque non ulcerato in mamma existente, tumor apparet inrens, ad tactum renitens, inæqualis, instar feræ sarvus, penitissimè pertinaciter insertus, radices longè latèque extendens, & venis circumfritis velut illicatas, quas circumcirca varicosas habet, colore cineritius ad ruborem vergens, & aliquando sublividus, & videntibus quidem mollis apparet, tangentibus autem durissimus est, ut visui hæc parte non sit credendum: dolorem autem inducit, pungentem, latè se extendentem, ut sæpe per consensum glandularum malignas inflammationes sub alis excitet. Pertingunt etiam dolores usque ad claviculam & scapulas.*

§. 498. **U**L CER AT US noscitur ex prægresso occulto, priùs cognito (§. 497), si aperitur: pellis tum quasi exco-riando denudatur; & tenuis, acer, ichor, quasi transudando exprimitur.

Cancer ulceratus differt à non ulcerato solà integumentorum erosione, & post cancerum occultum sequitur, uti dictum fuit §. 494. Unde facillè cognosci poterit; supponit enim cancerum occultum prægressum, & dein ejus aperturam. Nunquam autem simul & semel rumpuntur integumenta, neque his ruptis collecti liquidi copia exit, ut in abscessibus maturis sponte apertis observatur: verùm sensim, exco-riando quasi secedit cutis & epidermis, atque aliquid tenuis ichorosi per attenuata integumenta exprimitur; sicque per strata illa discerpuntur summo cum dolore, donec cancri substantia primo per factam aperturam exprimat. Quomodo autem cancer exulceratus à primo initio

(a) Terrabibl. IV. Serm. IV. cap. XLIII.



per varios auctæ malignitatis gradus decurrat ad mortem usque, sequens docebit paragraphus.

§. 499. **E**JUS hic progressus : vasa sana circa margines cancri duri vi fluentis vitalis liquidi attrita, & adsurgente tumore distracta rumpuntur; hinc putredo, tum sanies subtilis, acris, foetida, cadaverosa, ambientia rodens, vicina exedens; progressus in ambitum, & in profundum ad partes vicinas emitendo undique radices malignas, quibus tenet fortiter; labia tumida, retorrida, horrenda; dolor intolerabilis, urens, pungens, rodens; color cineritius, lividus, niger; cancri occulti ad glandulas communicantes; hæmorrhagiæ; convulsionones; febris lenta; extenuatio totius; *A<sup>u</sup>torismus*; indolentes in aure calli; lipothymix; inde peresis & consumitis mors.

**VASA SANA CIRCA MARGINES CANCRI, &c.** Dictum fuit §. 497, tumoris augmentum, unâ cum summa duritie, scirrhi cancræscens signum esse. Vasa ergo sana ad margines cancri, imò circa totam ejus superficiem, atteruntur: idem accidit & illis vas, quæ per ipsam cancri substantiam dispersa vitalibus liquidis adhuc pervia manserunt; nam & illa, undique compressa à duro cancroso tumore, cui inhærent, illi continuo affricantur. Inflammatio & quæ illam comitatur, major humorum per vasa circum ductorum velocitas, omnia hæc mala augent. A continuo autem hoc attritu vasa rumpuntur, & humores contentos effundunt, qui putrescunt brevi. Nulla autem hic suppurationis benignæ spes est, per quam mortuum illud & corruptum à partibus vivis separaretur. Patebit hoc, si considerentur illa, quæ in phlegmone in suppurationem abeunte fiunt, & comparentur cum scirrhi, & cancri inde nati, indole. In abscessu enim ultima vasorum arteriosorum extrema tenerissima, liquido coagulato non resolvendo infarcta, impetu arteriosi liquidi à tergo impulsu solvuntur à cohesione, & abscinduntur quasi: patula, his extremis obstructis separatis, vasorum oscula liquores sanos affundunt, & miscent in loco clauso calido. & paucorum dierum spatio hæc simul mutantur in blandum pus, quod sponte rupto, vel pertuso hoc loco, evacuatur. Vincente sic naturâ, uti optimè dicit *Galenus* (a), pus nascitur (vide *Commentaria* §. 387. & 452.), & ex sua indole putrescens humor ad talem alterationem deducitur. Extrema enim illa vasorum, unâ cum obstruente liquido immeabili, humoribus sanis affusis absorbentur quasi, & solvuntur in homogeneum pus. Sed in scirrho coagularum liquidum per annos sæpe manet, antequam in cancrum degeneret, simulque in talibus locis hæret, in quæ liquidi arteriosi moti efficacia vix agere poterit; in glandularum nempe cavis, vel intricatissimâ fabricâ ramulorum, à sanguine arterioso allato singularem humorem fecerunt. Rebells ergo cancri materia, & vitalium humorum debilis, vel nulla ferè, in hanc efficaciam, nunquam salubrem materiæ morbosæ concoctionem sperare

(a) De Febris Lib. I. cap. vii. Charter, Tom. VII. pag. 115.

finunt; unde maligna tantum putredo erit expectanda. Pulcherrime monuerat *Galenus* (a), putredinem duplici de causa nasci: vel ob facultatem concoctricem debilem, quæ nullam in melius mutationem putrescentis perficere posset, vel ob summam malignitatem humoris, qui à valida etiam facultate superari nequit. Utraque autem hæc in cancro concurrunt: vitalis enim liquidi, à quo concoctrix illa facultas *Galenus* pendet, efficacia nulla hic est, vel exigua admodum: malignitas materiæ, debili hæc facultate superandæ, summa est. Fallaci ergo spe miseros ægros deludunt, qui canceri materiam suppurantibus solvi posse, & in pus reduci, quantumvis etiam jactatis arcanis, contendunt. Sed an non posset totus cancer emori, & dein, uti in gangrænâ & sphacelo fit, sponte separari à partibus vivis per supurationem in omni ambitu natam? Felix certè foret, & genus humanum demereretur quàm maximè, qui hoc efficere posset! Licet autem sola hæc spes (sed quàm levis) aliquam possibilitatis umbram habeat, satis tamen patet, summas hic occurrere difficultates. Non enim totus cancer mortuus est, sed vitalibus humoribus pervia vasa, & nervi vivi in medio hoc mortuo & corrupto hærent: docent hoc dolor acerrimus, & continuus copiosæ saniei effluxus. In gangrænâ autem & sphacelo mortuæ omnino partes nullum dolorem excitant, licet ferro vel igne destruantur, & in siccissimas crustas abeunt, uti in horum malorum Historia patuit. In cancro ergo mortuum & corruptum, vitalibus adhuc vasibus & nervis intercurrentibus donatum, diras illas calamitates, mox enumerandas, efficit. Neque unquam superabile videtur hoc malum, nisi mortuum illud tolli posset, vel viva vasa interposita, absque propagatione mali ad vicina loca, mori: tunc enim, omni vitali influxu & effluxu per partem abolito, gangrænâ vel sphacelo nasceretur loco canceri; & periret quidem pars affecta, sed impediti posset tamen mali progressus, & separari corruptum à vivis. In minimis canceris, summis rodentibus, vel & vivo igne, simul & semel destructis, aliquando successit talis cura: sic parvo, sed maligno, tumore in naso externo laborantem Verbi Divini Ministrum curavit celeberrimus *Boerhaavius*, dum acerrimo vitrioli oleo eroderet totum simul & semel. Sic enim fit crusta mortua, quæ, si totum cancerum comprehendat, postea à vivis partibus & sanis benignâ supuratione poterit secedere. Pulcherrimè hunc erodentium medicamentorum usum notavit *Celsus* (quem locum allegavi aliâ occasione in *Commentariis* §. 461.) dicens, (b) *Sequitur enim sub medicamentis erodentibus crusta, quæ, undique à viva carne diducta, trahit secum, quicquid corruptum erat; purisque jam sinus curari potest implentibus.* Verùm impossibile est, majores cancris momentaneâ actione acerrimi etiam corrodentis, vel ipso vivo igne sic destruere, ut omnino in esccharam mortuam converterentur. Quicquid autem cancrofi, nondum mortui, sub tali crusta reconditur, licet minimum fuerit, indomabili feritate furet postea. Unde parum ab hac methodo sperandum videtur, nisi in canceris minoribus, qui tamen & tunc ferro tutius exstirpari poterunt. An autem unquam cognita fuerint remedia, quæ depascentem canceri putredinem cohibere valent, illamque à vivis & sanis partibus separare, quis dixerit? Legitur apud *Herodotum* (c) quòd *Democedes*, ob curatam difficilem luxationem *Darii* Regis, fru-

(a) De Febris. Lib. I. cap. VII. Charter. | pag. 316.

Tom. VII. pag. 115.

(b) Medicin. Lib. V. cap. XXVI. n.º 1.

(c) Lib. III. pag. 211.

stra tentatam à Medicis Ægyptiis, celebris, sanaverit *Atossam Cyri filiam*, *Darii uxorem*, cui in mamilla ortum ulcus (ϕϕμ), deinde disruptum porro serpebat; quod pudibunda celaverat, quamdiu parvum erat; cùm autem malè se haberet, *Democedi* revelavit. Nulla autem sit in hac curatione sectionis vel ustionis mentio. Narrat *Helmontius* quòd (a) *vir quidam in traktu Juliacenſi cancerum unumquemlibet sanabat, inſperſo, pulvere indolente, atque tum demum emplaſtro incarnante ſolidabat.* Additque, *Artem hanc cum illo ſepultam eſſe.* Quidquid ſit de harum Hiſtoriarum veritate, ſaltem quantum novi, hodie tale remedium ignoratur.

TUM SANIES SUBTILIS, ACRIS, FÆTIDA, &c. Mortua illa cancri exulcerati maſſa, acris accellu, calore partium ambientium vivarum, brevì in horrendam putredinem converſitur, & in olidiſſimum tabum diſſluit. Vaſa autem vitalia, per cancri ſubſtantiam diſperſa, nova liquida adſerunt, quæ breviffimè corrumpuntur, dum putrida hæc loca alluunt. Nervi vivi & doliſſimi, acri hoc tabo irritati continud, majorem copiam tenuis & acris ſeri huc verſus forè derivari faciunt. Conſtitit enim ex illis, quæ dicta ſunt in *Commentariis* §. 163, nervos tenſos, tendines, membranas nervoſas à levi etiam punctura læſas, peſſima producere ſymptomata, & inprimis ingentem ſæpe hæc mala comitari evacuationem acris & tenuis ſeri. Admodum ergo probabile eſt, & hanc cauſam concurrere in cancro exulcerato, dum ingens ſæpe copia tenuis liquidi exit. Videtur autem liquidum, ad cancerum delatum, ipſo in loco degenerare, & malignam adeo indolem acquirere, quamvis antea mite fuerit. Vidi enim in ſaniſſima cateroquin ſexmina cancrum exulceratum acerrimum talem tabum ſtillare, qui ergo non præexſtitrat in ſanguine, ſed in loco affecto genius fuerat. Unde non ſtatim in cancro exulcerato acerrima talis ſanies exit, ſed ſenſim creſcit ejus malignitas, quotidie auſtâ putredine. Videmus autem & in aliis morbis, fluida in quibuſdam locis corporis hærentia, & ab humorum fanorum indole degenerantia, in ſuam naturam corrumpere allata liquida. Dum poſt exſtirpationem mammæ v. gr; ingens plaga manſit, toties doſuerunt Medici & Chirurgi, humoribus copiâ ingenti huc allatis, & in bonum pus converſis, totum corpus exhauriri, & vero maraſmo excicari. Ubi in fiſtuloſi ulceris cavo degenerans à bono pure liquor ſtabulatur, nunquam album & æquale pus ibi colligitur, ſed ichor vel ſanies. Ubi ab offe cariolo v. gr; fiſtuloſum ulcus naſcitur, pejor erit adhuc collecti in ejus cavo liquidi indoles. Ex quibus omnibus videtur patere canceroſam maſſam putrefactam aſſentes humores, quamvis optimi fuerint, in ſimilem malignitatem convertere. Videtur in hac opinione fuiſſe *Helmontius* dum dixit, (b) *Sanies & pus non ſunt ulceris aut partis excrementa, ut neque digeſtionis naturalis: ſed ſunt producta ſeminum ſive radicum ulceris. .... Dum in ulcere habitat proprius corruptor, qui cruorem alimentarium viciat, antequam digeri ſit aptus. .... Sanies ergo & pus non ſunt excrementa ulceris, ſed producta corruptoris: ſuntque cruoris in noxiâ materiam depravati indicia, ſigna, producta, effluvia, ſive fruſtus.* Pluribus deinde hanc ſententiam deducit, & argumentis firmat: modò allegata

(a) In Capitulo de Ideis morboſis n°. XXXVIII. | (b) In Capitulo Scabies & ulcera ſcholium n°. XVII. pag. 155.

fatils evineunt, quòd fuerit in illa opinione, sanos humores ad ulcus allatos degenerare in similem malignitatem, ac in fundo & labiis ulceris hæret.

Saniem autem illam, ex cancro ulcerato manantem, horrendam acrimoniam acquirere posse, constat certissimis Observatis. Vidi lineæ loco cancroso applicata, sanie hæc patientia, penitus exesa æquè, ac si aqua forti tacta fuissent. Merito hinc dixit *Aetius*, (a) *At verò ulceratus cancer assidub erodit, & ad profundum perforat, nec sisti potest, & saniem emittit omni ferarum veneno deteriore, copîa & odore abominabilem.* Non mirum ergo, si acerrimum illud virus erodat & depascatur omnia. Non sine horrore recordor, me vidisse cancerum mammæ exulceratum ad axillas usque omnia exedisse, donec, erosio vasis majoribus, profusâ hæmorrhagiâ subito moreretur ægra. Quatuor mensium spatio exulceratum cancerum totam mammam & vicina omnia ad sternum & axillas usque erosisse testatur *Hildanus* (b). A cancroso tumore ventriculorum erosum invenit foramine pugnum æquante *Straparthus van der Wielus* (c). Lobus hepatis ventriculo incumbens, & vicinum diaphragma pariter exesa erant. A pancreate cancroso diaphragma perforatum, spinam dorsii erosam, renes omnino corruptos & putridos fuisse, legitur (d). Plurimi similes casus apud Observatores occurrunt.

**PROGRESSUS IN AMBITUM ET IN PROFUNDUM, &c.** Si cancer exulceratus ab acerrima hac sanie eroderetur ad viva usque, atque proprio tabo sic consumeretur, aliqua adhuc salutis spes affulgeret post tot calamitates; verum horrendum hoc malum vicina omnia in similem malignitatem convertit; primò illa indurans, ac deinde verâ propagatione mali erodens. Hoc autem non tantùm fit in ambitu, verùm etiam pelibus suis ruptis in profundum se demergit, hæcque ratione malignas radices emittere dicitur, quibus vicinis adhæret fortissimè. Undique enim induratae tales canceri ulcerati propagines solent dispergi, quarum minimum quid, post exstirpationem canceri relictum, brevî repullulat, & æquè ferox malum renasci facit.

**LABIA TUMIDA, RETORRIDA, HORRENDA.** Dum schirrus incipit in cancerum mutari, summa duntius observatur, & tumoris augmentum (vide §. 497.): simul ac autem exesis integumentis in apice illo eminente, qui in scirrho maligno jam solèt adesse, datur via, undique pressa canceri substantia per aperturam factam expanditur, circa labia ejusdem retorquetur; & in fungosam molem excresecens, lividi, & aliquando ferè nigri coloris, horrenda illa canceri exulcerati labia constituit.

**DOLOR INTOLERABILIS, URENS, PUNGENS, RODENS.** Cutis enim adhuc integra à turgente massa cancroso sensim disceperitur, unde à distractis lentâ hæc dilaceratione nervis cutaneis dolor summus, & diuturnus tamen. Præterea nervi per canceri substantiam dispersi vivi manent, & omni momento ab acerrima sanie eroduntur, quæ & per vicina loca depluens omnia depascitur. A continua ergo distractione & lentâ erosione ingens dolor miseros ægros cruciat, absque ulla ferè intermissione. Patet igitur, quantum cancer sævitie gangrenam & sphacelum superet, cum in illis malis, perfectâ morte destructis omnibus, nullus adsit dolor.

(a) *Terribil.* IV. Scm IV. cap. xi. 111. | *Observ.* XXVI. Tom. II. pag. 273.

(b) *Obs. Chir. Cent. III. Obs. xcvi.* p. 267.

(c) *Miscellan. Curios. Dec. I. A. Observ.*

(d) *Observat. Rarior. Centur. post. Part. I. l. xcix.* pag. 231.

**COLOR CINERITIUS, LIVIDUS, NIGER.** Quando sanissimi etiam animalis mactati carnes in aere calido suspenduntur, ruber color brevi in pallidum & cineritium mutatur, deinde incipiente putredine livefcunt, tandemque nigrefcunt, dum in tabum putrefactum refolvuntur. Eadem colorum mutatio in gangræna & fphacelo affectis partibus humani corporis obfervatur. Cum ergo in cancro ulcerato maxima ejus pars mortua fit, & a calore partium vicinarum, & libero aeris accessu, putrefcat, patet facile, quare fic color mutetur pro vario corruptelæ gradu. Unde & color cinereus minus malus est, pejor lividus; niger autem peffimus, quia fummam putredinem adesse fignificat.

**CANCRI OCCULTI AD GLANDULAS COMMUNICANTES.** Constat Obfervatis Medicis, dum glandulæ in quadam corporis parte morbofæ factæ funt, alias etiam in difitis fæpe locis affici. Sic in fcirrhi Hiftoria dictum fuit, dum fcrophulofæ funt colli glandulæ, plerumque etiam mefenterii glandulas fimili malo affici; unde meritò communicantes glandulæ hæ dicuntur. In fcirrhis vetuftis, & inprimis in cancro mammarum, fere femper glandulæ fubaxillares induratae tumet, & in cancos occultos degenerant.

**HÆMORRHAGIÆ.** Quando nempe vafa fanguinea, per ipfam canceri fubftantiam decurrentia, folvuntur, vel ubi à depafcente vicinas partes malo infignes trunci arteriofi eroduntur; uti in cancris mammarum toties obfervatum fuit, arteriam ipfam axillarem, vel infigniores ejus ramos erosos, lethalem brevi feciffe hæmorrhagiam. Difficillimè autem compefci poterit talis fanguinis effluxus; à compreffione enim, vel & liquoribus ftypticis acrioribus, peffimè irritari folet cancer. Neque folùm à magnis vafis vicinis erosus valida hæmorrhagia nafcitur, verùm etiam difperfa per ipfam canceri fubftantiam vafa fæpe adeo dilatantur, ut ab illorum etiam folutione ingens periculum immineat, licèt in fanitate eadem hæc vafa fatls exilia fuerint. In horrendo illo cancro oculi, cujus, ex *Hildani* Obfervationibus in *Commentariis* §. 495, mentio facta fuit, ruptis vafis dilatatis, bidui fpatio feptuaginta uncia fanguinis effluerunt; licètque ex tanta fanguinis jactura æger admodum debilis foret, fequenti tamen die, folutâ fâfcia, quâ tegebatur malum, majori adhuc quàm antea impetu fanguis erupit. Accidit aliquando in effectis mulieribus, poftquam omnia figna fcirrhi uteri prægreffa fuerint, ut dolor fixus continuus pubem, hypogaftrium, lumbos occupet, & faniofus ichor ex pudendis exeat: folet tunc fæpe immanis hæmorrhagia uterina fequi, unde admodum debiles factæ pro tempore levamen sentiunt, donec reftauratis viribus redeant omnia eadem mala. Videtur tunc cancrofa talis diathefis circa uterum hære-re, quæ dilatata vafa erodit.

**CONVULSIONES.** Quæ vel nimiam evacuationem cruoris prægreffam fequi folent; vel à nervis irritatis & dolore intolerabili nafcuntur. Vide §. 226, & 232.

**FEBRIS LENTA.** Ob vigilias perpetuas & acrem dolorem toleratum. Præterea fanies illa acris putrida, canceri fuperficiem femper aliens, venulis erosus fe infinuat, totumque fanguinem putridâ labe corruptit: unde & poftca §. 586. *lit. i*, inter febris caufas fingulares cancer recenfebatur. Si enim blandum pus, in abfcelfu claufo nimis diu retentum, venas ingreffum, omnia adeo turbare poffit (vide §. 406.), quânto magis hoc fiet à tabo cancrofo reforpto!

**EXTENUATIO TOTIUS.** Quântum dolor diu toleratus, & animi

cursus corpus extenuare possint, docent Observationes quotidianæ. Cum ergo tales ægri continuis torqueantur doloribus, & pessima omnia prævideant, non mirum est, illos contabescere. Præterea ingens copia liquidi de corpore subducitur, dum acrim illam saniem continub fundit cancer exulceratus; interimque hectica febricula, & vigilie protractæ corpus depascuntur; simulque functiones illæ, quæ restaurandis perditis inserviunt, parando ex ingessis bonos humores, depravantur.

**INDOLENTES IN AURE CALLI.** Intolerabilem fuerorem cancer ulceratus spargere solet, sic ut adstantes ferre nequeant. Interim coguntur miseri ægri noctes diæque illum pati, unde tamen omnis olfactus perit. Inter canceri symptomata etiam hæc recensuit Hippocrates dicens, (a) *Ipsaque toto corpore extenuata sunt, nares sicca & obdurate, neque eleuantur; spiritus est imminutus, & nihil odorantur: in auribus dolor quidem nullus, sed interdum callosa concretio innascitur.* Olfactum ablatum in cancro laborantibus observavi, sæpius indolentes autem in aure callos nondum mihi videre contigit. An fortè sunt incipientes scirrhii folliculorum, qui in meatu auditorio hærent?

**LIPOTHYMIÆ, &c.** Vel ab hæmorrhagia, aut doloribus, vigilis, febre, consumis viribus. Tandemque, post summas miseras diu toleratas, toties optata inter diros illos cruciatu mors omnibus his malis finem imponit.

Ex omnibus illis, quæ modò dicta fuerunt, patet, quàm deplorabile malum cancer sit, si tolli nequeat; uti etiam quàm horrendi sint ejus effectus, si in corporis interioribus hærens indomabili rabie furat: in hoc uno tunc felices ægri quodd depassis visceribus citius moriantur; cum per menses, imò & per annos quandoque, sensim erodantur, si in exterioribus hæreat radicatum malum. Simulque apparet, quanta cum cura scirrhus, infelix nascituri canceri rudimentum, tractari debeat; exilspandus statim, si nulla resolutionis spes affulgeat, quantumvis etiam fallaci suâ indolentiâ videatur innoxius.

§. 500 **I**n euchymis occulti canceri quiescentis facilis toleratio, moti rabies (499) prædicitur.

In prognosi ergo omnia modò enumerata mala timentur, si nempe cancer exulceratus fuerit. Quamdiu enim adhuc occultus est, pelibus suis coercitus, tamdiu tolerari potest, modò quiescat, nullisque irritetur remediis, quæ motum humorum per vasa augere possunt in ipsa canceri substantia, vel in vicinis partibus; tunc enim brevi fureret. Optimè hoc monuit Celsus, qui de carcinomatis cura ferè desperasse videtur, adeoque solam cyram palliativam commendat, dicens, (b) *Neque ulli nunquam Medicina profuit: sed adusta protinus concitata sunt, & increverunt, donec occiderent. Excisa etiam, post induram cicatricem, tamen reverterunt, & causam mortis attulerunt.* Cum interim plerique nullam vim adhibendo, quæ tollere id malum tentent; sed imponendo tantum lenia medicamenta, quæ quasi blandiantur, quominus ad ultimam senectutem perveniant, non prohibeantur. Docuit jam Historia Medica, caneros occultos per plures annos hæsisse in corpore, absque notabili malo. Narrat Tulpius quoddam femina gesserit per (c) quinquaginta

(a) De Mulier. Morbis Lib. II. cap. xx. pag. 318.

Charter. Tom. VII. pag. 809.

(c) Observ. Medic. Lib. I. cap. XLVII.

(b) Medicina. Lib. V. cap. XXVII. n°. II. pag. 90.

*ampliùs annos durum ac inaequale carcinoma; sed sine ulcere ullive gravi noxâ. Adversa dein mariti fortuna cum affligeret miseram, increvit dolor & pruritus hactenus silentis mali, & adurentibus medicamentis impositis, Empirici consilio, brevi in cancerum ulceratum pessimum abiit.*

Observavit *Hildanus* (a) in cive *Laufannensi* tumorem cancerosum ovum gallinaceum magnitudine aquantem, qui circa papillam sinistram jam per multos annos hæserat. Medicorum quorundam consilio emplastrum de mucilaginis, de meliloto, & similia applicuit, hæc spe, ut paulatim emolliiretur tumor. Sed brevi post horum applicationem dolor & inflammatio sequebantur; unde hæc removit, & refrigerantibus applicatis sedavit symptomata. Deinde abstinuit, diuque postea superstes fuit. Unde in hiscebus veritas Aphorismi *Hippocratici*, in *Commentariis* §. 450. n°. 1, allegati, patet, quodd nempe (b) quibus occulti canceri oriuntur, eos non curare præstat; curati namque citò intereunt; non curati verò diuturniori tempore perdurant. Cujus asserti veritatem pluribus Exemplis probat *Hildanus* (c).

Non autem potell expectari canceri occulti diuturna quies, nisi corpus ægri euchymum sit, id est, sanguis ejus, omnésque humores, blandum habeant indolem, qualis in sanissimis semper adesse solet. Si enim insignis cacochymia prædomineatur, per quam humores à naturali indole in majorem acrimoniam degenerant, uti in scorbuto acri, atrâ bile confirmatâ, biliosâ calidâ temperie fit; brevi cancer occultus in ulceratum transibit, ut dictum fuit in *Commentariis* §. 495.

§. 501. **C**ANCER parvus, incipiens, liber, loco apto situs, vasis magnis non adcretus, à causa externa ortus, in juvenili, sanôque corpore, solus in toto corpore, illico ferro extirpandus, vel abscindendus est.

Licet autem ex modò dictis constiterit, canceros occultos diu tolerari posse aliquando, cum tamen etiam in scirrho, ut dictum fuit in *Commentariis* §. 489, æternus metus peioris mali maneat, longè magis hoc in cancro verum erit. Adeoque pro axiomate Practico haberi poterit, omnem cancerum extirpandum esse, si, salvo ægro, & absque recidivæ metu, fieri possit. Quamvis enim *Celsus* (d) nunquam Medicinam cancro profuisse scripserit, innumeræ tamen Observationes docuerunt, illum tutò & felici cum eventu rescari sæpe posse. Verùm, uti antea dictum fuit, obscuram & confusam canceri descriptionem dedit; & si considerentur illa, quæ in canceri cura jubet, facilis patet ratio, quare infelicitèr cesserit; statim enim voluit imponi debere medicamenta adurentia; & si levatur malum, minuunturque ejus indicia, tunc curationem procedere posse ad scalpellum & usionem, dixit. Sed satis apparet, hæc methodo priùs irritari cancerum pessimè, antequam ad ejus extirpationem procedatur. Si jam considerentur illa, quæ alii veteres Medici de

(a) Aphorism. Sect. VI. n°. xxxviii. Character. Tom. IX. Part. II. pag. 172.

(b) Observ. Chirurg. Cæsur. I. Observ. lxxxix. pag. 70.

(c) Ibidem.

(d) Medicin. Lib. V. cap. xxvii. n°. 11. pag. 318.

canceri ablatione habent, evidens erit ratio, quare pessimus eventus sequi debuerit. Sic apud *Æginetam* (a) legitur, quod quidam cauteriis omne vitium consumerent, alii totam mammam excindentes deinde adurerent: addit tamen, *Galenum* solam sectionem commendasse, quâ totus cancer sine ulla radice relicta excinderetur. *Ætius* (b) canceri Chirurgiam *Leonida* tradens dicit, supra cancerum partem mammarum sanæ debere incidi, & incisam cauteriis inuri, donec crustâ indurctâ sanguinis eruptio sistatur; mox iterum debere secari, tuncque de novo aduri, sicque alternatim secando & urendo pergendum esse, donec totus cancer absumptus sit. Tuncque post amputationem integre peractam rursus partes omnes ad resiccationem usque debere inuri; additque, primas inuisiones fieri sistendi sanguinis causâ, postremas verbò ad omnes morbi reliquias abolendas. Scirrhus tamen solâ sectione tolli posse monet: credebat enim tunc nullum hæmorrhagiæ periculum esse, adeoque nec ulationem requiri. Quàm periculosa autem fuerit crudelis hæc canceri curatio, satis patet; imò & in sequenti capitulo habetur, quòd convulsiones metuendæ essent illo etiam tempore, quo ulcus repurgatur. Ubi autem solâ sectione cancer tollitur, uti hodie fieri solet, non videtur adeo periculosa cura esse, modò adsint sequentes conditiones.

**PARVUS.** Ubi enim magnus cancer est, & operatio majus discrimen habet, & ingentis vulneris, quod tunc fieri debet difficilis cura est: sæpe enim, ingenti puris copiâ quotidie exeunte, exhausto corpore, vero marasmo contabescunt; vel à pure diutius relicto in tantæ plagæ superficie, & resorpto, cacochymia purulenta sanguinis fit, sæpe funesta.

**INCIPIENS.** Quò enim diutius duravit malum, eò pejor, cæteris paribus, eventus; cùm tunc aliquando periculum sit, ne infernè cancer malignas radices vicinis partibus infixarit.

**LIBER.** Nisi enim totus cancer simul & semel tolli possit, minimæ etiam ejus reliquæ maligniùs repullulabunt: si autem suppositis partibus jam accretus fuerit, integre tolli non poterit. Quomodo autem cognoscatur, an cancer liber sit, dictum fuit in *Commentariis* §. 490. n<sup>o</sup>. 2.

**LOCO APTO SITUS, VASIS MAGNIS NON ADCRETUS.** Et de his in loco modò citato dictum fuit, uti & tertio ejusdem paragrahi numero: simulque ibidem paruit, quantum etiam in periculosis casibus possit Chirurgi periti dexteritas, & intrepidus animus. Parotides enim scirrhusas, glandulas submaxillares, & subaxillares, ingentium vasorum viciniâ adeo metuendas, sectione prudenti ablatis fuisse constat, & felicissimo cum successu. Nul- lum tamen dubium est, pessima metuenda esse, si cancer magnis vasis adcreverit; tamen & in simili casu anceps remedium tentandum videtur, modò aliqua spes affulgeat, ægrum à dirissimo omnium malorum cancro sic liberari posse.

**A CAUSA EXTERNA ORTUS, IN JUVENILI ET SANO CORPORE.** Ubi enim à latente diathesi scirrhus, & ex hoc cancer natus fuit, magnus metus est, ne illo extirpato, manente eadem causâ, renascatur alter. Ubi autem v. gr. à contusione mammarum ortum duxit, recidivæ periculum non est. Cùm verbò ad

(a) Lib. VI. cap. XLV. pag. 88.

(b) Tetrabibl. IV. Serm. IV. cap. XLV, & XLVI. pag. 981.



vulneris, post exstirpationem relictæ, consolidationem optima sanitas requiratur, patet satis, quanta spes curæ sit, si in juvenili & sano corpore talis operatio instituat: effoeta enim ætas, inprimis in foeminis, scirrhi (vide §. 485.) & cancro (vide §. 495.) producendis quàm maximè oportuna est; uti etiam atrabilia temperies.

**SOLUS IN TOTO CORPORE.** Docuerunt enim Observata, ablato cancro, si in alia quadam parte corporis scirrhus, licet parvus, adfuerit, illum brevè augeri, & in cancrum mutari. Sollicitè ergo omnia loca glandulosa corporis externè examinanda sunt, ut detegatur, an aliquid scirrhi ibi lateat. Cùm autem in scirrhi Historia constiterit, & in corporis interioribus similia latere posse mala, pariter attendendum est an quædam signa doceant, internas partes scirrhi vel cancro affici. Sic in illis, qui glandulas colli omnes ferè scrophulosas habent, plerumque simile malum mesenterii glandulas occupat. Cùm autem inter mammas & uterum mira communicatio sit, antequam ad exstirpationem cancrose mamme procedatur, sedulò attendendum est, an circa uterum aliquid similis mali adesse suspicio sit. Si enim pondus insolitum circa hypogastrium sentiatur, aut dolor molestus illa loca occupet, validæ hæmorrhagiæ uterinæ subinde redeant, aliquid saniosi acris de vagina deflillet, &c., magnus metus est, ne post mamme exstirpationem, quàmvis felicissimè peractam, in utero pejus adhuc malum recrudescat.

§. 502. **E**MOLLIENTIA, emplastica, suppurantia, acria, excoriantia, vesicatoria, caustica, ei applicata convertunt in cancrum ulceratum; ergo vitanda.

Funeſti toties eventus, post similium applicationem, docuerunt satis, nunquam his sanari cancrum, sed irritari tantùm. Unde omnes prudentes Medici & Chirurgi unanimi consensu prohibent similium usum. Sola enim cancri medela est exstirpatio. Omnia emollientia, emplastica, suppurantia, movent indomabilem cancri materiam, & ad pessimam putredinem disponunt; nunquam autem ad suppurationem deducere poterunt. Acria, excoriantia, vesicatoria, caustica actualia & potentialia, cancri testi integumenta solvunt, illumque brevè apertum, & pessimè ulceratum, reddunt. Videantur illa, quæ de similium remedium noxa dicta fuerunt in *Commentariis* §. 490. n°. 3, & §. 495. Unicum adduxisse Exemplum ex *Paræo* (a) sufficiat, quo modò dicta confirmantur. Nobilis virgo, ex comitatu Reginæ matris, tumorem nucis magnitudine in mamma sinistra gerebat, cujus maligna indoles ex doloribus lancinantibus satis apparebat. *Paræus* curam palliativam solum convenire judicavit, assentiente expertissimo Medico, qui in consilium vocatus fuerat. Post bimestre spatium, manente eodem morbi statu, morosior ægra alium Medicum consuluit, qui integram curam promissit auxilium, licet monitus esset, ab aliis incurabile illud malum haberi. Applicuit tumori calida emollientia; unde brevè immaniter augebatur tumor mamme, unà cum dolore acerrimo & validissima inflammatione;

(a) Livre VII. chap. XXXI. pag. 182.

donec tandem rumpetur tumor, simulque ingens hæmorrhagia sequeretur; quam dum causticis pulveribus applicatis compescere nitebatur Medicus, omnia pessimè irritabantur symptomata, brevique post moriebatur ægra. Quàm infelix ille, cui conficia mens exprobrat, quòd simili temeritate proximum in tanta mala projecit!

§. 503. **C**ANCER magnus, vetus, adhærens, locis exstirpationi ineptis situs, vasis magnis adcretus vel-incumbens, à causa interna ortus, in corpore senili, cacochymico, ad cancerum composito, aliis jam canceris in eodem corpore sociatus, nec ferro (§. 501.), nec medicamentis (§. 502) tangendus est.

Enumerantur hæc paragrapho omnia illa signa, quibus canceri exstirpatio vetatur; quæ penitus opposita sunt illis, quæ §. 501, recensita fuerunt, & facile ex illis, quæ ibi dicta fuerunt, intelliguntur. Requiritur autem in simili-bus casibus, ubi de exstirpatione canceri deliberatur, ut omnia serid ponderentur: si enim cancer relinquitur, qui exstirpari poterat, pessimè consulitur ægris; si tollatur talis, qui relinquendus erat, augentur omnia mala, & frustra operationis, satis sæpe crudelis, tormenta patiuntur miseri. Ubi ergo vel immensâ mole, aut temporis diuturnitate metuendum malum est, aut vicinis partibus adcreverit, nil boni ab exstirpatione sperari ferè poterit: falsisque patet, hanc omnino impossibilem esse, nisi manibus Chirurgi & instrumentis facilis aditus pateat. Ubi verò vasorum magnorum vicinia periculosam fore ferè hanc curationem demonstrat, non tentanda, nisi certus quis sit, ligaturâ, vel alio quocumque modo, metuendam hic hæmorrhagiam compesci posse. Evidens est ex illis, quæ dicta sunt in *Commentariis* §. 501, cancerum à causis internis ortum vix unquam cum spe felicitis eventus tolli posse; & maximè quidem si efflora ætas, vel insignis cacochymia demonstrent, difficulter factum vulnus consolidandum fore. Ut enim in vulnere Historia patuit, restitutione perdit, & unio separatorum, humores sanos, per vasa bona, apto impetu & copiâ debitâ allatos, postulant. Ubi autem in locis etiam disitis plures scirrhi occurrunt, vel occulti jam canceri, novimus, corpus ad canceri generationem dispositum esse, adeoque inutilem fore exstirpationem mali, cujus germina manifesta in aliis locis occurrunt, brevi mutanda in similem malignitatem. Fac-tendum interim est, aliquando prudenti consilio posse tolli cancerum, licet quædam signa adfuerint, quæ vel periculosam fore exstirpationem, vel & inu-tilem aliquando, suaderent. Summa enim hujus mali atrocitas facit, ut anceps remedium præferatur certæ atque adeo horrendæ perniciæ, modò aliqua tan-tum spes affulgeat felicitis eventus; vel saltem possit diu differri, post exstirpa-tionem factam, ne in aliis locis idem malum repululet. Omnia tamen hæc per-icula indicari debent ægto ejusque amicis, ne vel ignorasse timenda mala, vel se felissime videatur Medicus. Sic in scirrhi Historia dictum fuit, etiam in per-iculosisimis, ob magnorum vasorum viciniam, locis, feliciter successisse exstir-pationem. *Hildanus*, uti ex ejus *Observatis* enarratum fuit, mammam exstirpa-

vit

vit, licet plures scirrhi, & satis magni, sub axilla ejusdem lateris hæerent, quos eodem tempore abstulit. Probi Medici est, nihil consulere ægris, nisi quod in proprio corpore factum vellet, si simili malo laboraret. Ubi ergo, omnibus rite perpenfis, constitit, cancri extirpationem omnino impossibilem esse, vel penitus inutilem fore, nihil aliud superest, quàm in eodem statu retinere incurabile malum, & lenire symptomata. Quàm autem methodo, & quibus remediis, hoc impetrari poterit, dicitur in sequentibus.

§. 504. **N**ISI enim cum radice & semine integre extirpari queat, asperabitur, ad interiora recurrit, alios generat, factos augeat.

Cancer radix vocatur, quidquid de ejus substantia vicinis partibus accrevit, & per illas quasi dispergitur. Dictum enim fuit §. 499, cancerum exulceratum in profundum ad partes vicinas undique emittere malignas tales radices, quibus fortiter hæret. Aptissimè autem hoc nomen datur his cancri propaginibus, quia resectus ex illis radicibus relictis brevi repullulat. *Hildanus* (a) narrat, quòd dum scirrhum linguæ tuber examinaret, tactu deprehenderit, majoris fili instar propagines ab hoc scirrho per linguæ substantiam dispergi. Nisi ergo cancer cum suis radicibus tolli possit, brevi recrescet idem malum. Habetur apud *Ruyfchium* (b) audax talis curatio, quæ post sectionem factam candenti ferro inurebat locum, ut cancri radices destrueret integre. Vetula tumorem malignum induratum gesserat in lingua à longo tempore, postque iteratam sectionem recidivam passa fuerat. Communi consilio celeberrimus *Ruyfchius* & peritissimus Chirurgus concluderunt, nil aliud superesse remedii, quàm ut excinderetur denuo renatum malum, & deinde locus candenti ferro inureretur. Crudelem curam admisit facillè animosa hæc anus & fortiter pertulit, vix ullos ejulatus inter hæc tormenta emittens, licet satis fortiter cauteria adigerentur, & quidem iteratà Vice. Escharis separatis locus brevi ad cicatricem deductus fuit, atque postea diu sana vixit.

Semen cancri autem vocatur illa causa, quæcumque demum fuerit, quæ primum scirrhi rudimentum nasci fecit. Si jam à suppresso menstruo aut hæmorrhoidali fluxu consueto, atrabiliaria temperie, vitâ tristi, labe hæreditariâ, &c, primam originem duxerit scirrhus, ex quo postea cancer factus fuerit; nisi hæc vitia emendari possint, frustra extirpabitur cancer; cùm manente causâ justus metus sit, similia mala in aliis locis brevi renascitura: imò & fortè in internis partibus jam scirrhi rudimenta hærent. Si verò scirrhi in aliis locis jam adsint, ablato cancro, augebuntur brevi, & in similem malignitatem degenerabunt; uti plurimum Observationibus constitit. In cadavere puellæ, in orphanotrophio publico à strumis colli scirrhosis suffocata, vidit *Iulpius* (c) sub qualibet struma clanculum delitescere minores alias, non singulas, sed vicenas aliquando in eodem loco occurrentes, formâ feminibus lupinorum non absimiles. Tali autem ordine disposita grant hæc strumarum latentia semina, ut majora minoribus semper incum-

(a) Centu. III. Observ. LXXXIV. pag. 264.

(c) Observat. Med. Lib. I. cap. XLVI. pag.

(b) Observat. Anat. Chir. n.º, LXXVI. pag. 70. 88.

berent, declinante sensim usque adeo illarum mole, ut tandem vix æquarent semen sesaminum.

§. 505. **C**AUSA canceri tollenda cum cancro, vel antequam tollatur ille.

Nisi integre auferrī queat, relinquendus est.

Uteri, faucium, palati, axillarum, inguinum insanabilis; labiorum curatu difficilis.

**C A U S A C A N C R I**, &c. Ratio ex illis, quæ modò dicta sunt patet. Omnium optimum est, modò aliquam patiatur moram ferox malum apra medela tollere prius causam canceri, antequam exstirpatio instituat. Si verb in mora periculum sit, tunc poterit tamen cancer tolli, modò spes bona affulgeat, cancerosam in corpore diathesin superari posse.

**N I S I I N T E G R E A U F E R R I**, &c. Certum enim tunc est, reliquias canceri resecti, quamvis minimæ fuerint, brevi in similem molem excreturas, pari, imò aliquando & majori, malignitate. Memorabile hujus rei Exemplum vidit celeberrimus *Boerhaavius* in nobili femina. Exstirpabatur à dexterrimo Chirurgo mamma cancerosa; hocque facto, in media plaga apparuit stigma cinereum, digiti minoris unguem vix æquans magnitudine: cūque illud ipsi substantiæ pectoralis musculi infixum hæreret, rescindere funditus non audebat Chirurgus, sperans erodentibus hoc tolli posse. Curatio vulneris satis feliciter procedebat, jamque ferè omnis superficies cicatrice obducta erat, tūcque incepit illud stigma attolli, mole augeri, & in fungosam massam expandi, quæ summā malignitate furens omnia vicina depascebat, donec misera hæc ægra moreretur. In alio simili casu audacior alter Chirurgus excidit viva de carne musculi pectoralis relictam canceri resecti radicem: cūque omnia felicissimè cedere videbantur, decimā quartā die post exstirpationem factam inceperunt maxillæ constringi, & tandem adeo obrutescere, ut nullā vi diduci potuerint; & incassum tentatis efficacissimis etiam remediis, tetanodes periiit. Apparet ex his casibus, quanta cum cura ante exstirpationem examinari debeat, an cancer undique liber nulli parti cohæreat.

In quibuscumque verò corporis locis canceri si nascantur, curatio vel impossibilis omnino, vel saltem difficillima est. In visceribus corporis si canceri hæreant, facile patet, nullam medelam superesse, cū nullus detur Chirurgi manibus aditus. Insanabiles etiam haberi solent canceri uteri, inprimis si ulcerati fuerint: scirrhus enim tumorem, jam in cancerosam malignitatem tendentem, in hoc etiam loco resectum fuisse ex *Tulpii Observationibus in Commentariis* §. 484, dictum fuit: exulceratum verò cancerum quis hic attingere auderet, cū malignis radicibus tunc undique adhærescat; uti in cadavere mulieris, (a) à cancro uterino crudelem in modum occisa, vidit idem Auctor? Tumor enim lividus ac ater, cruore & sanie undique perfusus, membranaceis filamentis undique necitebatur utero. De uteri morbis agens *Aretæus* etiam de cancroso ejusdem ulcere

(a) *Observ. Med. Lib. III, cap. xxxiv.*

loquitur, monétque illud occidere, sed diuturno tempore prius afflicta: (a) *Et res putrida ab ulcere, neque ipsi agrotis tolerabilis emanat. efferaturque manuum atrestatione, & medicamentis, & quolibet genere medela exasperatur.* Ex quibus satis patet, quòd verum uteri cancrum hic descripserit, licet paulò pòst subiunxerit sequentia: *At cancer neutiquam ulcus est, sed tumor durus & indomitus, qui unà totum uterum distendit.* Videtur enim hoc de recto cancro dixisse; ulceratum verò ulceris maligni & exedentis nomine descripsisse; statim enim hæc addit: *hæc eadem verò cancerosa utraque sunt & diuturna, & perniciofa: ulceratus autem cancer non ulcerato longè improbius est, & odore, & doloribus, & viâ & morte.*

**FAUCIUM.** Dictum fuit in *Commentariis* §. 484. scirrhi sedem satis frequentem esse in mucosis illis folliculis, qui os internum, fauces, pharyngem undique occupant; & inprimis quidem, quia horum ope à sanguine secedunt & colligitur lentus mucus, ex propria natura facilius inspissandus. Præterea numerosissimæ papillæ nervæ per harum partium superficiem dispersæ, aliquando in cancrum fungosum pessimum degenerant, ut dictum fuit in *Commentariis* §. 496. Vidi sic horrendo spectaculo magnam partem palati & totum velum pendulum palatinum cancrum factum fuisse in sene, qui post summas misérias ex hoc morbo periit. Ubi altas jam radices in faucibus egerit cancer, facillè patet, incurabile malum esse. Ubi verò parvam tantum partem occupavit, fortè prudenti Arte tolli posset. *Apud Hippocratem* (b) legitur, cancrum in faucibus ulsiore sanatum fuisse.

**PALATI.** Callosa & dura membrana, quæ palatum osseum investit, uti modò dictum fuit, aliquando & in cancrum degenerat, & ferè semper insanabilem, nisi fortè exiguis admodum fuerit. Difficultatem curationis auget, quòd hæc membrana destructa vel erosa, ossa palati nuda corrumpantur; unde iterum pessima mala nascuntur. Ideo *Galenus* explicans illum *Hippocratis* Aphorismum, qui caneros occultos curare prohibet, dixit. (c) *Qui canerum in palato (i. e. in palato), quod fornicatum palatum osseum designat) ortum, & qui in sede, & qui in sinu muliebri secuerunt, aut uferunt, ulcera ad cicatricem perducere non possunt; sed homines curationis cruciatu ad usque mortem excarnificandis; qui citra curationem longiori tempore cum minore molestia vitam exegissent.*

**AXILLARUM, INGUINUM.** Vicinia maximorum vasorum facit, ut vix extirpari possint absque periculo lethalis hæmorrhagiæ. In scirrhi Historia notatum fuit; *Hildanum* felici eventu tumorem scirrholum, inchoato jam dolore malignum, extirpasse sub axillis. Ubi autem jam in verum cancrum hæc mala abierunt; & inprimis si ulceratus fuerit, patet facillè quàm periculosa talis cura foret; cum & varicosa vasa sint circa cancrum, & summus metus, ne subjectis vasis jam accreverit. Accedit, quòd vicinis glandulis sæpe in hæreat eadem labes, unde post periculosam extirpationem sæpe recrudesceret malum.

**LABIORUM CURATU DIFFICILIS.** Frequens satis malum, dum vel mordendo læduntur labia, sicque contunduntur corpuscula illa rotunda,

(a) De caus. & sign. morbor. diuturn. Lib. II. cap. II. pag. 64.

(b) Epidem. Lib. VII. text. cxxix. Ægrot.

CXXIII. Charter. Tom. IX. pag. 596.

(c) Aphorism. Sect. VI. n°. xxxviii. Char.

ter. Tom. IX. part. II. pag. 171.

per horum substantiam dispersa; unde toties scirrhi, in pessimum cancrum degenerantes, oriuntur; uti etiam si membranula tenerrima, quæ labia teguntur, læsâ nervosâ fabricâ labiorum, in fungos cancriscentes attollitur. Ubi ergo talis mali vestigium apparet, tollendum illico; sive erodentibus, quod in exiguis cancris hic natis aliquando successit; sive cultro, quod longè tutius est. Quamdiu autem nondum in magnam molem increverunt cancri labiorum, satis tunc tolli possunt. Si verò negligentur, proserpit malum, totumque labium, imò & vicinas partes exedit; tuncque non nisi magno cum discrimine tolli potest, & post extirpationem turpis deformitas manet. Vix tamen credi potest, quantæ magnitudinis cancri à pericissimis Chirurgis aliquando ex labiis resecti fuerint; & feliciter curati, absque insigni deformitate. Vidi sic hominem, cui binæ tertiæ partes labii inferioris sic fuerunt ablata; & tamen satis pulchrâ cicatrice coaluerat tantum vulnus. In alio, qui necessariam extirpationem admittere noluerat, totum mentum sensim exelsum vidi, antequam moreretur.

§. 506. **E**RGO in statu (503) adspiramus ad duos: 1. Quietem mali; 2. Lenimen symptomatum.

Ubi ergo cancer, cognitus signis §. 497, recensitis, ob conditiones §. 503, enumeratas, nec ferro, nec medicamentis tolli vel emendari potest, miserrima ægri conditio est, cum latentem in corpore hostem gerat, qui à causis, nullâ sæpe prudentiâ evitandis, facillè irritari possit sic, ut indomabili sævitie furat. Funesta hæc prognosis ægro minimè revelanda est, sed amicis tantum, hæcque spe erigi debet, posse aliquando ad mortem usque tolerari malum sine tantis calamitatibus, modò cum prudentia tractetur. Optimè enim in *Commentariis* suis in Aphorismum illum *Hippocratis*, quo occulti cancri cura vetatur, monuit *Galenus* (a) non abstinendum esse ab illa curatione, quæ cancrum mitiget ac demulceat, sed tantum à talibus, quæ illum irritent. Tota spes tunc in eo consistit, ut suslineatur malum, & impediatur ulterior ejus malignitas; simulque leniantur symptomata, quæ inprimis sunt pruritus, calor, dolor. Quomodo autem, & per quæ remedia, hoc impetrari possit, docebunt sequentia.

§. 507. **Q**UIES impetratur: 1. Locum defendendo ab omni externo per plumbata, & narcotica. 2. Causam (495) cognitam minuendo, corrigendo, avertendo; quo lenia purgantia ex blandis vegetabilibus, mercurialibusque faciunt, parvâ & sæpe geminatâ dosi datâ. 3. Diluentibus, aperientibus blandis, subcalicis. 4. Vitando, quæ sumta, vel applicata vicem causæ gerunt.

Dictum fuit in *Commentariis* §. 492, dum vasa vicina, aucto humorum motu, ad duos scirrhi margines atteruntur, inflammationem nasci, scirrhumque

(a) Aphorism. Sect. VI. n°. XXXVIII. Charter, Tom. IX. Part. II. pag. 373.

hactenus benignum in cancerum mutari; & ex illis, quæ dicta sunt in *Commentariis* §. 499, constat, ab eadem causa canceri malignitatem augeri. Quies ergo summo hic necessaria erit. Absoluta quidem tantum in cadavere obtinet, sed pacatissimus humorum blandissimorum per vasa pervia motus hic intelligitur, ut nulla fiat canceri irritatio, nec ab aucto motu, nec ab acris huc delatis.

1. Quantum noceat scirrhis & canceris inde natis, irritatio quælibet externa, dictum fuit in *Commentariis* §. 495: omni ergo curâ locus affectus defendi debet ab attritu vestium inprimis; & ut dictum fuit §. 450. n°. 4, quàm maximè cavendum erit, ne occulti mammarum canceri à loricis arctè adstrictis premantur, vel ab agitatione valida pectoralis musculi suppositi irritentur. Unde nunquam melius eleemosynæ publicæ possent impendi, quàm alendis miseris illis feminis, quæ cancro recto laborantes manibus victum sibi comparare debent. Omnium optimum est mollissimâ alutâ tegere locum affectum, ut omnis vestium incumbentium attritus evitetur. Emplastra ad eundem usum laudantur, sed talia tantum, quæ nec emolliendo nimis integumenta, nec movendo canceri materiam, nocere possunt. Sola ergo plumbata hic conveniunt, & quidem talia, quæ non adhærent firmiter partibus, quibus applicantur: tunc enim metus foret, ne exhalans liquidum sub emplastro tenaci coercitum, maceraret integumenta, atque illa brevi disrumpi faceret. Simul etiam his misceri solent narcotica, quæ suâ efficacîâ nimis facillè irritabiles nervos, per cancerum ejusque integumenta dispersos sopiant parum, sicque metuendum hic pruritus compescant, & molestos dolores lancinantes sedent. Emplastrum diaphorophylos Officinarum, ex oleo solani & plumbi calcibus paratum, pulcherrimi in his casibus usus est. Similium emplastrorum formulæ in *Materia Medica* ad hunc numerum habentur.

2. Omnes enim causæ §. 495, enumeratæ, cum scirrhum in cancerum mutant, si pergant agere, vel augeantur, poterunt cancerum rectum in ulceratum convertere. Illæ ergo, per sua signa cognitæ, tolli debent, vel saltem minui: si verò neque hoc impetrari possit, averti debet illarum actio à parte affecta, quantum fieri poterit. Nihil magis nocet cancro, quàm humorum acrimonia, cum & benignus scirrhus citò inde in cancerum degeneret, uti antea dictum fuit. Sedulo ergo inquirendum est, an hæc adsit, & qualis; & deinde per idonea remedia, singulari acrimoniæ cognitæ opposita, hæc emendari debet: alia enim requiruntur ad acrimoniam acidam, muriaticam, putridam, rancidam, oleosam, &c. Ut avertatur materies morbosa in humoribus latens, pulcherrimè conducunt purgantia, sed leniora, & talia quæ sine multis turbis excitatis in corpore fundunt humores, & evacuant. Lenissima mercurialia præparata, purgantibus mista præcipuè hic laudantur, ob magnam vim solvendi, quam possident; cavendo semper, ne imprudenti illorum usu salivatio hic nocitura excitetur. Si putredinis signa adsint, ut in scorbutico sæpe observatur, tamarindorum cum foliis senæ decoctum, cremor & crystalli tartari, & similia proderunt. Ut autem turbæ, à lenioribus quamvis purgantibus in corpore excitatæ sedentur, conducet leve opiatum exhibere post purgantium operationem finitam. Quantum autem prosit purgantium usus, in canceris

M m m m iij

testis præservandis, ne ulcerentur, docuit *Galenus* (a). *Mulierem* enim, *cancrosum* diathesin in mamma habentem, circa veris initia quotannis purgavit satis fortiter medicamento atram bilem evacuantem; simulque notat, quòd, omisâ hæc purgatione, in profundo dolor oriretur, certo indicio, *cancrosæ* diathesis malignitatem tunc augeri.

3. Totus scopus enim est, ut fiat æquabilis & sedatus humorum circuitus: hoc autem obtinebitur, si paulò plùs diluti fuerint humores, & vasa pervia. Dantur ergo talia, quæ diluunt, & attenuant, neque tamen humorum motum augment. Aqua autem sola ferè diluit, uti dictum fuit §. 134: huic dein adduntur talia, quæ & vi attenuante prædita sunt, & simul blandâ indole omnem acrimoniam leniunt. Decocta ergo radicum bardanæ, chinæ, scorzonæræ, zæreparillæ, graminis; infusa agrimonie, betonicæ, florum althææ, malvæ, verbasci, sambuci, papaveris rhæados, &c, pulcherrimum usum habent. Sic enim diluens vehiculum sanguini affunditur, attenuantibus & leviter obtundentibus solvuntur humores, & lenitur acrimonia; simulque per urinam, vel & diaphoresin, eluuntur nocitura: unde similia remedia à Medicis vocantur sanguinem depurantia. Cùm autem sales inter remedia attenuantia magnum nomen habeant, neque tamen aciora in hoc casu convenient, sola adhibentur mitissima subcalca, qualia sunt v. gr; nitrum stibii, & sal polychrestus, in quibus nitrum fixatum, tuncque alcalinum, sulphuris accensi simul vapore acido sic invertitur, ut minùs acre fiat, licèt adhuc alcalinæ indolis particeps maneat; unde tunc subcalca dicuntur hæc salia. Seliguntur autem hæc inprimis ideo, quia in scirthis curandis sales alcalini, acido oleoso vini Rhenani mitigati, toties profuerunt. Cùm autem satis magnus numerus simplicium in Officinis habeatur; quorum blanda vis attenuans usu cognita est, possunt satis variari hæc formulæ, ne diuturnus ejusdem remedii usus nauseam moveat ægris, dum diu manet eadem indicatio curatoria in hoc casu.

4. Auustus humorum motus in toto corpore, vel in parte affecta, acrimonia quævis humorum, irritantia quæcumque, præcipuè causæ erant, quæ scirrhum mutabant in cancerum; uti dictum fuit §. 495. Omnia ergo hæc, tam in victu, quàm remediis internis & externis, sollicitè vitanda erunt. Cùmque atrabilaria humorum tenacitas & scirthis originem det, illisque jam natis malignitatem conciliet, uti ex antè dictis patuit; inprimis curandum erit, ne in victu sumantur talia, quæ hanc producere, vel natam augere, possint. Dieta ergo sit talis, qualis in scirrho infanabili §. 490. n° 4, descripta fuit. Quia autem affectus animi validi, & præcipuè tristitia hic adeo nocent (vide §. 495.) blandâ spe erigendus est ægrotum animus, ne imminenti mali æterno metu contabescant. Hæc omnia si sedulò observentur, poterit per annos sæpe, imò ad ultimam senectutem aliquando compesci minax malum (vide §. 500.), donec vel communi fato, vel aliis morbis pereant, & futuris eripiantur miseris: hocque totum est, quod ab Arte hæctenus cognita in diro hoc morbo expectari poterit.

(a) Lib, quos, quibus, & quando, purgare oportet. *Charter*. Tom. X. pag. 470.



§. 508. **S**YMP TOMATA. iisdem (507) leniuntur; dolor opiata exigit.

Omnia enim symptomata, quæ cancro occulto accidunt, tantum ab ejus aucta malignitate pendent: si ergo methodo præcedenti paragrapho descripta in eodem statu servetur cancer, leniuntur mala præsentia, & cavebuntur futura. Præcipuum symptoma est dolor, à distractis integumentis ob tumoris augmentum, vel acrimoniâ cancri rodente nervos vivos, per ejus substantiam dispersos. Causam doloris tollere sæpe non possumus; tunc ergo nihil superest, quam narcoticorum usu obtundere sensorium commune, ut, manente quamvis doloris causâ, tollatur ejus sensus, & caveantur doloris effectus nonnulli, hic metuendi (vide §. 229. n°. 2.). Nisi enim hoc fiat, vigilie, iniques, jactatio, febris, &c. (vide §. 226.) aderunt, atque fiet brevis omnium malorum augmentum. Videantur de narcoticorum usu illa, quæ dicta sunt in *Commentariis* §. 202. & 229.

§. 509. **E**XULCERATUS (498. 499.), ni tolli queat, lenitur sæpe mundando, plumbata lenissima applicando, tum dicta (507. 508.) adhibendo.

Ubi autem cancer, pellibus suis ruptis, exulceratur, tristissimum exhibet Medentibus spectaculum; atque adeo sæpe horrendum, ut viderim, intrepidus, & longo Artis usu duratos, Chirurgos vix sustinuisse, ut siccis oculis luctuosissima hæc mala tractarent. Abominabilis enim fœtor, retorrída illa labia, & certa curæ desperatio, movent etiam tales, qui inter crudelissimas operationes nullis ægrorum ejulatus turbantur. Quamvis enim quisque, ut puto, pretio redimere vellet, ne harum calamitatum spectator esset, jubet tamen proximi commiseratio, ut miseros derelinquendo non reddamus miseros, & conemur saltem lenire incurabile malum.

Acerrimus ichor, quotidie malignior, & uti optimè dixerat *Aetius* (vide §. 499.), omni ferarum veneno deterior, rodit dolentissimam cancri superficiem, si diu ibi relinquatur, & defluens inde vicina omnia exedit. Unde sæpius de die mundari debet locus affectus, & vicina omnia vel unguentis mollissimis, vel emplastris plumbatis, defendi debent, ne à depulente sanie erodantur. Omnium optimum est, si quater ad minimum intra 24 horas mollissimis plumaceolis, leviter tepesactis, absorbeatur collectum virus; deinde tota superficies cancri exulcerati tegatur similibus plumaceolis, sed leviter unguento nutrito, sine corpore dicto in Officinis, ex aceto lithargyrii & oleo simul mistis composito, obductis: sicca enim plumaceola, quamvis optimè imbibent exsudantem ichorem, adhærescerent ulcri, postea, his avulsis, acerrimus dolor fieret. Sic liber aeris accessus cavetur, impeditur exsiccatio, & aceti vis putredini resistit; cujus tamen acrimonia plumbo addito mitigatur. Pinguia omnia nocere observata sunt, dum imperspirabile ulcus reddunt, sicque saniei liberum exitum impediunt. His plumaceolis deinde superimponitur emplastrum diapompholygos, sed foraminibus

exfectis in tota ejus superficie, ut sanies libere possit exire, deinde his foraminibus lintea carpta sicca applicantur, ut imbibant exsudantem ichorem. Lenissimâ fasciæ applicatæ circumductione totus hic apparatus retinetur; validior enim pressio loci affecti exasperaret statim omnia mala.

Cùm autem & pessima putredo cancrum exulceratum comitari soleat, & huic occurrendum est, quantum fieri poterit. Acetum, sal marinus, gemmæ, &c, efficacissimè quidem omnem putredinem domant; sed ab omnibus acerbis pessimè irritatur cancer ulceratus. Narrat *Hildanus* (a), quòd Chirurgus mammæ cancrôsæ applicuerit unguentum *Egyptiacum*, ut fœtorem emendaret, & fungosam cancri luxuriam compesceret; verùm adeo inde irritabatur malum, ut brevi temporis spatio ad costas usque tota mamma eroderetur. Unde apparet, quantâ hic prudentiâ opus sit. Omnia autem hæc adeo diluta applicanda sunt cancro ulcerato, ut suâ acrimoniâ nocere nequeant. Acetum vicecuplo aquæ dilutum, addito salis marini pauculo, ferri poterit, multùmque proderit, si singulis vicibus, dum mundatur locus, tota superficies tepido tali liquido abluatur. Spiritus salis marini, cùm adeo efficaciter omni putredini resistat, summi pariter usûs erit; modò tantâ copiâ aquæ diluatur, ut oculo instillatum hoc liquidum vix dolorem faciat. Cancrum exulceratum mammæ in paupercula muliere, cæteroquin sanissima, per quindecim menses potui hujus remedii usu sic sustinere, ut vix in deterius vergeret, imò in marginibus aliquod suppurationis vestigium vidi, quâ fungosæ molis pars quædam separata cadebat, fundo satis puro apparente. Magnâ tamen spe, quam conceperam, excidi postea, dum, auctâ malignitate, leni hoc auxilio putredinem cohibere amplius non potui, & acrioribus remediis illico exasperaretur malum: unde & hæc misera, postquam per biennium cancrum exulceratum gesserat, periit. Fatetur ingenuè *Hildanus* (b), se fallaci spe delusum fuisse, dum cancrum linguae ulceratum tractaret variis remediis, & quidem tam pulchro cum successu, ut non tantùm quotidie mitesceret atrox malum, verùm etiam, post validam hæmorrhagiam, & copiosum saniei cadaverosæ effluxum, omnis tumor evanesceret, ac malignitate extinctâ ulcus laudabilem saniem funderet, & caro, non livida, sed rubella & sana sensim succresceret, ita ut jam ferè cicatrice obducendus videretur locus, solâ tantùm parvâ rimulâ relicta. Cùm omnia jam in vado esse crederet, scrophulosus tumor, sub maxilla inferiore latens, auctus quotidie, labe suâ linguam denuo infecit, quæ adeo paucorum dierum spatio intumuit, ut totum oris cavum imple-ret non tantùm, sed & ultra dentes prominere adeo, ut ante mortem horrendo spectaculo viderit *Hildanus*, superiores dentes per exesam linguam inferioribus conjunctos fuisse. Docent tristissimi hi casus, quàm terribile malum sit cancer exulceratus, post fallaces inducias tantò acerbius furens. Fortè tamen & inde aliqua spes affulget, non penitus impossibilem esse cancri separationem à partibus sanis; licet hæcenus ignoretur, quâ methodo, quibûsve remediis, hoc fieri possit. Quàm felix ille, qui hoc inveniret! Quantâ poenâ dignus, qui inventum celaret, turpis lucri causâ!

Possent jam his remediis quæ putredini resistunt, cum fructu addi talia, quæ urentem dolorem narcotica suâ vi lenire valent, etiam dum externè applicantur.

(a) Observat. Chirurg. Cent. 111. Observ. |

(b) Ibid, Observ. LXXXIV. pag. 265.

LXXXVI. pag. 267.

Solani succum laudat *Galenus* (a); cicutam, phellandrium, alii. *Ægineta* (b) pariter, ut dolorem tolleret in cancri ulceratis, jubet solani succum molli linteo duplicato exceptum applicari loco affecto, & extrinsecus lanam mollissimam, eodem succo madidam, circumponi, cavendo ne siccescant. Varia fomenta similia possunt parari ex hyoscyami, cynoglossæ, papaveris foliis, aquæ infusis, addito aceto & sale, sed parca quantitate, ne suâ acrimoniâ dolores augeant, & exasperent adeo faciliè irritabile malum. Ad eisdem usus opii aliquot grana similibus fomentis misceantur.

In victu mollissima tantùm conveniunt olera, jussula carniū, lacticia; vitanda omnia, quæ difficilius digeruntur, vel acrimoniâ suâ nocere possent; ut dictum fuit ad §. 507. Largus usus infusi florum sambuci & papaveris rhæados plurimum prodesse solet.

§. 510. **E**XSTIRPATIO fit, 1. Corpus victu, medicamentisque refocillantibus, & causæ adversis præparando. 2. Totum simul & semel cum omni radice filo trajecto, vel furcillâ fissâ elevatum exscindendo, vel detectum incisus integumentis, filo trajecto attollendo, & deinde prudenter separando. 3. Vulnus rarâ, blandâque obligatione curando, vicino cruore prudenter prius evacuato.

Si cancer exulceratus in tali corporis loco hæret, ad quem manibus Chirurgi accessus datur, neque partibus vicinis adhuc accrevit, nec in aliis locis scirrhi deprehendantur, qui tolli nequeunt; nullâque suspicio sit, in internis corporis partibus latere simile malum; tollendus est quantocyus, ne diutius relictus auctâ malignitate plus noceat, aut vicinas glandulas inficiat. Sequentia autem in cancri exstirpatione observanda erunt.

1. Cùm sæpe crudelis hæc operatio sit, & ablato cancro aliquando latum vulnus supersit, præstat prius blandissimis alimentis corpus replere, & gratis cardiacis, neque tamen admodum moventibus, erigere vires dolore, metu, vigiliis prostratas: sic enim postea felicior consolidatio facti vulneris sequetur. Simul attendendum est, talia debere dari, quæ cancri causæ cognitæ adversa sunt. Si v. gr; putridus scorbutus in corpore prædominans benignum scirrhum in cancerum exulceratum mutaverit, cerealia omnia, fructus horæi mollissimi, vel & leviter acidi, conducent: si atrabilaria temperies peccaverit, mel, graminel succi, unâ cum prioribus convenient. Si autem signa docuerint, acidum austerum in corpore prædominari, carniū jussula, pingua mollissima, &c, dari debent. Cùm autem cancer ex sua natura in pessimam putredinem vergat, plerumque acefcentia sola tantum exhibentur. Verum sæpe urget mali atrocitas, neque datur tempus corrigendi cognitam humorum acrimoniā ante exstirpationem, cùm metus sit, ne ulceratus cancer vicina inficiat loca, vel malignas radices in profundum dimittat, sicque impossibilem exstirpationem reddat: unde tunc

(a) Lib. II. Method. Med. ad Glæcon. cap. xii. Charter. Tom. X. pag. 390.

Tom. I.

(b) Lib. IV. cap. xxvi. pag. 66.

præstat statim cancerum rescindere, & deinde idoneo victu, debitisque remediis, cognitam humorum cacochymiam emendare.

2. Fungitum adeo prognosim canceri dedit *Celsus* (a), ut solam ferè curam palliativam admiserit. Excitum enim cancerum jamen reverti & occidere dixit. Innumeris autem Observationibus constat, cancerum, si totus simul & semel cum omni sua radice tollatur, tutò exstirpari, & absque recidiva (b). Ubi verò vel minima ejus particula relinquitur, tunc malignius repullulat. De variis autem methodis, quæ ad exstirpationem canceri proponuntur, dictum fuit in *Commentariis* §. 490. n<sup>o</sup>. 2, ubi de scirrhi ablatione agebatur.

3. Cum vasa sanguifera vicina cancro tumeant, & atro crasso sanguine soleant distendi (vide §. 497.), videtur optimum fore, ut, resecto cancro, sanguis ille, qui in his vasis sæpe diu stagnavit, effluere permittatur, neque statim sistatur hæmorrhagia: justus enim metus adest, ne fortè ille sanguis in canceri vicinia aliquid maligni contraxerit, ex quo deinde in aliis corporis locis simile malum recrudesceret. Dictum enim fuit §. 499, cancerum exulceratum in glandulis communicantibus, propagatâ labe, cancros occultos excitare. Neque multùm mali inde fiet ægris, si aliquot uncias sanguinis sic effluerint. Majoris cautelæ gratiâ voluit *Paræus* (c), premendas undique esse venas varicolas atro sanguine distentas, ut penitus evacuarentur; deinde cauterio actuali utebatur, partim ut hæmorrhagiam compesceret, partim etiam ut latentes fortè mali reliquias destrueret penitus. Crudelis hæc methodus sanguinem cauteriis sistendi obsolevit ferè, cum mitioribus remediis hoc tutò fieri possit: & si integre resectus fuerit cancer, non opus erit crudum vulnus adurere, ut ejus reliquæ tollantur. Dictum tamen fuit antea in *Commentariis* §. 504, *Ruyfchium* in lingua renatum denuo post exstirpationem cancro ferro fustulisse, & dein cauteriis adussisse locum, felici cum eventu.

Ablato cancro vulnus crudum adest, latum satis, si major cancer cum omnibus integumentis simul & semel resectus sit: si verò enucleando ablatum fuit, minus vulnus erit, & citius curabitur, uti in scirrhi Historia §. 490. n<sup>o</sup>. 2, dictum fuit. Rara deligatio convenit ideo, ne nimia puris copiâ subducatur necessarium corpori nutrimentum, & sicque marasmo pereant ægri: simulque cavendum, ne pus nimis diu relictum in tanti vulneris superficie, venulis resorptum, purulentâ cacochymia sanguinem inficiat, unde iterum pessima fierent mala: cum autem multùm sic de corporis substantia perditum fuerit, omnia illa observari debent, quæ in vulnere, cum jactura substantiæ, curatione dicta fuerunt §. 189, & sequentibus. Inprimis autem blanda deterfusio loci, dum deligatur vulnus, necessaria erit, ne renascentium vasorum tenera pulpa rudiori tractatione destruat; utl pariter in vulnere curatione dictum fuit.


§. 511. **H**IS actis (§ 510), diu pergendum in victu & medelâ cancro adhuc præsentî propriâ; quin & patet, quæ mala à cancro in loco exstirpationem renuente prodire queant.

Cum autem Medentibus nihil turpius, ægris nihil calamitosius, accidere possit,

(a) *Medicin. Lib. V. cap. xxvii. pag. 318.* | *Observ. lxxxvii. pag. 270.*

(b) *Hildan. Observ. Chirurg. Cent. III.* | (c) *Livre VII. chap. xxxi. pag. 180.*

quàm si post crudelem operationem toleratam in aliis locis corporis simile renascetur malum; diu adhuc pergendum erit in victu & medela, quæ causis canceri adversa cognoscuntur: præcipuè si ab internis causis cancer exstirpatus originem suam duxerit. Ubi enim ab externa causa, contusione v. gr; in corpore sano cancer natus fuerit, post ejus ablationem vix adest recidivæ periculum. Præstat certè nimia hic attentio, quàm secuta nimis oscitantia; facilèque ab ægris, semel dirum hunc morbum expertis, scrupulosa etiam præscriptorum Medicorum Observatio impetratur. Illa ergo omnia, quæ §. 507. n°. 2. 3. 4. dicta fuerunt, diu adhuc erunt continuanda. Cùm autem ex illis, quæ dicta sunt ad §. 484, & 456, patuerit, etiam in partibus internis corporis aliquando scirrhos & cancos deprehensos fuisse, apparet satis, quàm horrenda mala sequi debeant, dum rodens fanies ex cancroso ulcere depluens viscera depascitur. Plurimorum, & quidem pertinacissimorum, morborum chronicorum origo à scirrhis viscera obsidentibus sæpe pendet; constititque Observationibus Medicis, in scirrhis & canceri Historia memoratis, enormes dolores, mirabiles viscerum erosiones, tandemque, post acerbissima tormenta, subitam mortem à cancro, interna corporis depascente, ortam fuisse.



## DE MORBIS OSSIUM.

§. 512. **I**PSA ossa morbos patiuntur similes iis, quos hætenus in mollioribus partibus descripsimus.

Antequam de morbis internis dicetur, ultimum superest capitulum, in quo de ossium morbis agitur. Utilissima erit & horum morborum pertractatio ut postea plurima intelligi meliùs possint, quæ in lue venerea, rachitide, scorbuto observantur.

Ossa, quæ merito (a) & durissimæ, & aridissimæ partes animalis, &.... maximæ terrestres & à Galeno dicuntur, & fulciendis ac stabiliendis reliquis inserviunt; similes morbos pati, ac partes corporis molliores, mirum fortè videbitur: verissimum tamen hoc esse patebit ex sequentibus.

Ossa omnia quondam mollia fuerunt; totum enim hominis rudimentum primis à conceptu diebus, nisi æquabili ambientis fluidi pressione sustineatur; informis mucii specie diffluit; & hoc in generatione pulli ex ovo per immortalia *Malpighii* Observata constitit. Sed & in homine jam nato plurimæ partes membranaceæ & molles inveniuntur, quæ postea in solidissima ossa mutantur. Docent hoc imprimis capitis ossa, quæ adhuc satis diu membranæ naturam retinent loco illo in capitis vertice, *Fontanellâ* dicto, qui ad octavum ætatis annum, & ferius adhuc, in quibusdam hominibus membranaceus & mollis manet. Imò, quod mirabilius est, durissimi postea futuri dentes, dum

(a) Libr. de Ossib. in Proæmio, Charter. Tom. IV. pag. 9.

in recens nati mandibulis latent, mollem mucum, innumeris vasculis irrigatum, referunt. In prima ergo sua origine mollia ossa cum fuerint, omnes morbos mollium partium pati potuerunt, saltem antequam induruerint. Postquam autem illam soliditatem acquisiverunt, quæ requiritur, ut destinatis in corpore humano interserviant usibus, non tamen omnino dura & arida sunt, prout in sceletis conspiciuntur, sed succulenta, & pluribus adhuc vasis irrigata, quæ & per ipsam ossis substantiam, & in cava illorum, liquores deducunt. Unde ratione horum vasorum continentium, & fluidorum contentorum, omnia eadem mala ossibus accidere poterunt, quæ in partibus mollioribus observantur: simulque patet, in illa inprimis ætate ossa his morbis magis obnoxia esse, quàm mollibus partibus magis suâ naturâ accedunt, id est, in junioribus; quod & quotidiana Observata testantur. Unde & spina ventosa, uti postea patebit, ferè tantum in junioribus deprehenditur. In decrepita senectute arida & exsucca facta à levibus etiam causis franguntur; sed aliis ossium morbis minùs affici solent.

Docuerunt præterea Observationes fidelissimæ, per morbos ossa sic mutata fuisse, ut amisâ soliditate naturali carniū mollietiem acquisiverint. Refert *Pezzius* (a) quodd, aperto abscessu circa femoris cum coxa articulum nato, invenerit femoris ossis caput, & ossis ischii cavum, colore & consistentiâ carnem omnino referentia, sed mole multum aucta, atque adeo mollia, ut à levi etiam tactu sanguinem funderent: dicitque egregius ille Vir, quodd sæpius similem ossium degenerationem in mollem & carnosam substantiam viderit. Ex quibus omnibus satis patet, mollium partium morbos etiam in ossibus obtinere posse; quod adhuc magis confirmabitur ex illis, quæ Anatome in ossium fabrica detexit.

§. 13. **N**A M interstitia horum vestiuntur membranulâ eodem vasorum genere instructa, iisdem liquoribus perpetuò allatis humectata, ac illæ.

Demonstraverunt celeberrimi Anatomici (b) *Clopto Haversius* & (c) *Dominicus Gagliardus*, ossa corporis humani constare lamellis sibi mutuo applicatis, sic tamen ut non semper & ubique arctissimè uniantur, sed inter illas relinquuntur interstitia, per quæ vasa satis numerosa decurrunt. Omnium pulcherrimè hoc apparet in ossibus cavis majoribus, uti v. gr; in osse femoris, humeri, tibiæ, &c. In medio enim loco horum ossium lamellæ arctissimè unitæ apparent, & firmissima ossis compages ibi deprehenditur: ubi verò à medio ossis utrimque versus ejus extrema lamellæ ossæ pergunt, incipiunt internæ lamellæ secedere ab incumbentibus, atque notabile interstitium relinquunt. Quò magis autem pergitur versus extrema, eò plures lamellæ secedunt; donec tandem in extremis hujus ossis tenuis tantum crusta ossæ supersit, quæ regit & defendit mirabilem illam cellulosam fabricam quæ in ossibus majori-

(a) *Traité des Maladies des Os* Liv. I. chap. | §. xxiv. & sequent.  
xi. pag. 319.

(b) *Observat. de Ossib. Seren. I. cap. iv.*

(c) *Anatom. Ossium* pag. 20.

bus circa illorum extremitates observatur. Dum enim secedunt per omnem ambitum cavi ossis lamellæ à se mutuo, angustatur ossis cavum, tandemque in extremitatibus nullum fit, toto hoc spatio repleto cellulari ossis fabrica. Nam inter secedentes lamellas osseas ubique osseæ propagines emergunt tenues, quæ separatas lamellas inter se uniunt, & in situ quasi retinent; simulque relicta interstitia in minores cancellos subdividunt. In ossibus verò minoribus, quæ magnum cavum non habent, uti v. gr; in phalangis digitorum, non apparet illa unio & concretio laminarum in medio, sed plurimæ laminæ ex interioribus totâ suâ longitudine distant ab incumbendis, & cancellos tales osses non tantum versus extrema, ut in majoribus ossibus observatur, sed ubique formant. Unde etiam apparet ratio, quare longè debiliora sint hæc ossa, cum robur ab unitis & concretis plurimis lamellis ossis pendeat. In cranio similes lamellæ osseæ observantur, quæ sibi mutuo incumbentes calvariæ ollam constituunt; & manifesta inter has interstitia in quibusdam calvaris observare licet.

Interstitia hæc inter has lamellas secedentes relicta vestiuntur suis membranulis, quas plurima vasa perreptant. Docuit hoc injectionibus suis *Ruyfchius*: & in recens natorum animalium ossibus majoribus, absque ullo artificio adhibito, hujus rei veritas apparet: adeoque non mirum est, ossa partium mollium morbos pati, cum & simile vasorum genus, & eosdem liquores, habeant.

Ossium autem hæc ex lamellis sibi mutuo accumbentibus fabrica pulcherrimè respondet illis, quæ in morbis quandoque observantur. Dictum fuit in vulnere capitis Historia §. 249. si, pericranio læso, diu nudatum fuerit os, illud colorem suum mutare, & tandem squamam corruptam separari ab osse supposito sano. Dùmque pulcherrimâ Arte minimis terebris (vide §. 252.) pertunditur locus affectus in osse, per hæc foraminula emergunt viva vasa supposita, & separant corruptum, & deinde retexunt perditam ossis substantiam, novumque periosteum formant, simili modo ac in partibus molliibus perditæ per vulnus substantia recrefcit. Constat autem Observationibus ibidem memoratis, non requiri ad hæc rem, ut ad diploen usque perterebretur locus affectus (ibi enim vasa esse nemo negabit), verum in minoribus malis sufficere lævissimam terebrationem, & tamen vascula per hæc foraminula emergere. Manifestum ex his ergo est, inter ossium calvariæ lamellas decurrere vascula, quæ corrupti ossis tegmine libera citò satis emergunt. *Celsus* de vitiatissimis ossibus curandis agens jam dixerat, (a) *Oportet autem ante omnia os nudare. ulcere exciso. &c. si latius est ejus vitium. quàm ulcus fuit, carnem subscicare, donec undique os integrum pateat: tum id, quod pingue est, semel iterumve satis est admoto ferramento adurere, ut ex eo squama secedat, aut radere, donec jam aliquid cruoris ostendatur, quæ integri ossis nota est. Nam necesse est aridum sit id, quod vitiatum est.*

1. 514. **E**T prout hæc spatiola (§ 13) majora, eò os ibi propius accedit structuræ partis molliis.

Cum enim interstitia hæc inter secedentes lamellas relicta membranulas habeant

horum ossium cavo contenta, educta fuit, si findantur horum ossium extrema, vel malleo percutiantur, magna adhuc copia tenuis olei medullofi exit. De fabrica horum folliculorum, medullosum oleum continentium, postea §. 524, dicitur, cum similes omnino sint, ac illi, qui medullam in majorum ossium medio cavo hærentem constituunt; solaque differentia sit, quòd in cavernosa ossium parie pauci folliculi simul, vel fortè & singuli tantum in minoribus cancellis, hæreant; cum medulla congeries sit plurimorum talium folliculorum, unâ communi membranâ comprehensorum. Ubi jam major distantia est inter secedentes ossis lamellas, patet facilitè, plures folliculos tales locari posse; in illis verbò locis, ubi contiguae sunt hæ lamellæ, vel saltem quàm minimùm à se mutuo distant, nulli tales aderunt; sed vel per tenuissimos canales ex his folliculis propagatos distribuetur inter lamellas oleum illud tenue, vel per poros illos (de quibus postea dicetur) lamellarum ossæarum idem illud oleum ingreditur.

### §. 519. **H**INC (§ 18) altera morborum in ossibus classis.

Nova hinc morborum in ossibus origo, quatenus nempe folliculi illi medullare oleum tenuissimum continentes afficiuntur, unde olei illius pessima corruptela; & plurima mala fient, quæ postea §. 526, enumerabuntur.

### §. 520. **H**ABENT ossa periosteum externum convexa ambiens; tegens, vasa arteriosa in cellulas, inque medullam ferrens, venosa excipiens, magna, parva, numero infinita.

Demonstravit *Cloptus Haversius* (a), omnia corporis ossa tegi tenui membranâ, pellucidâ ferè, & acutissimi sensûs, quæ variis fibrarum stratis, sibi mutuo incumbenibus, non verbò intertextis, constat. Fibræ hæ parallelo ductu ad se mutuo, & secundum ossium longitudinem, decurrunt. In quibusdam locis crassior hæc membrana apparet, & fibris se mutuo decussantibus vario ordine constare videtur; verùm hoc fit à musculis, illorum tendinibus, supra periosteum decurrentibus, antequam ossibus inseruntur. Observavit præterea, periosteum supra ossa decurrens illa deferere illis in locis, ubi ligamenta, ossa articulata necessentia, oriuntur, & hæc ligamenta supercandere, sicque ad vicinum os pergere; uti aliâ occasione in *Commentariis* §. 343, dictum fuit. Unde credidit, periosteum tantum esse continuationem unius ejusdemque membranæ, quæ, à dura matre originem ducens, cranium investit, & deinde supra omnium reliquorum ossium superficiem extenditur. Membrana hæc, supra ossa expansa, illorum cavitatibus & eminentiis variis perfectissimè se accommodat, adeoque omnem illorum superficiem tegit. Illa verbò pars ossium articulatorum, quæ ligamentis, capsulam articulare constitutentibus, continetur, periosteum deslituitur; cum, uti modò dictum fuit, in his locis ossa deferat, & supra ligamenta pergat. Nihil ergo ad ossa venire, neque ali-

(a) *Observat. de Ossib. Serm. I. cap. 111. §. XI. & sequ.*



quid inde redire potest, nisi periostei ope. Omnes ergo arteriæ, quæ pro nutritione & incremento ad ossa veniunt, vel & in cellulosam illarum fabricam penetrant, aut per distincta foramina ad medullam in majorem ossium medio cavo collectam feruntur, prius per periosteum transeunt: pariterque venulæ residuum sanguinem revchentes in periosteo ordinantur. Unde hæc membrana tota vasculosa est; uti Arte sua pulcherrimè demonstravit *Ruyfchius* (a), atque vasorum ramulis, ex periosteo in os pergentibus, venulisque inde redeuntibus, omni ferè in puncto ossi necitur, atque ideo firmissimè adhæret, imprimis in junioribus. In decrepita enim senectute, plurimis vasis jam abolitis, laxius ossi adhætere periosteum observatur. *Clopto Haversius*, qui pulcherrima sua de ossibus *Observata* scripsit, antequam *Ruyfchii* inventa orbi erudito innotuerant, firmam illam (b) periostei cum ossibus cohesionem miratus, credidit hanc membranam ossibus firmissimè accrescere illo ætatis tempore (c) quando adhuc mollia & glutinosa quasi erant: viderat tamen egregius ille Vir (d) minimis fibrillis, ex periosteo in ipsam ossis substantiam emissis, illud ossi uniri: constitit autem postea *Ruyfchianis* injectionibus, fibrillas illas esse vascula ex periosteo in os tendentia, atque numero ferè infinita. Neque tantum majoribus ossibus vasculosum periosteum imponitur; verum etiam & exiguis adeo auditus ossiculis, quæ periosteo carere magni in Arte Viri dixerant, similis membranula tenerima datur; & internam tympani cavitatem suo etiam periosteo tegi, vasculis innumeris prædito, invenit *Ruyfchius*, & figuris expressit (e).

§. 521. **H**INC (250) iterum morborum tertia series in ossibus.

Quæcumque ergo causa liberum humorum per vasa periostei transitum in os, vel eorum reditum ex osse in periosteum impediverit, poterit in ipso esse morbos facere, licet causa horum morborum prima & efficiens non in ipsa propriè dicta ossis substantia, sed tantum in periosteo, hæserit. Ratio ex illis, quæ præcedenti paragrapho dicta fuerunt, faciliè patet. Unde iterum nova morborum in ossibus classis habetur.

§. 522. **H**ABENT ossa periosteum internum, cava medullæ receptacula ambiens, tegens; vasa arteriosa in vesiculas medullosas distribuens; venosa excipiens; magna, parva, numero infinita.

Periosteum illud internum non adeo faciliè demonstratur, quam periosteum externum: talis tamen membranula adeste videtur, sed tenerrima, cum duro ossis tegmine tutissimè defendatur. Cranium dura mater investit, periostei interni munere fungens; sed cum hæc membrana vaginas emitit, quibus ex medulla oblongata & spinali egressi nervi tutò defenduntur, crassior & densior ejus fabrica requirebatur. In cavis ossibus majoribus ab omni externa injuria

(a) *Adversar. Decad. 3. Tab. II. fig. 8.*

(d) *Ibid. §. xv.*

(b) *Observat. de ossib. Ser. I. cap. III. §. xvii, & seq.*

(e) *Epistol. Anatom. VIII. pag. 10, & 11. Tab. ix. fig. 1. & x.*

(c) *Ibid. §. xix.*

defensa hæc membranula, tantumque tegendæ internæ ossium superficiæ & recipiendis vasis inserviens, non requirebat tantam firmitatem & robur; adeoque ob summam illam tenuitatem difficiliter detegitur. In Ossibus illis, quorum interior superficies tota cellulosa est, talis continua membrana non facili invenitur, cum adeo intricata hæc fabrica sit; ut etiam in ossibus majoribus circa extrema, ubi secedentes lamellæ ossæ mirabilem illam spongiosam substantiam faciunt. Sed hæc membrana in primis adesse debet in illa parte majorum ossium, quæ arctè unitis lamellis ossis solidissima est, & magnum cavum in medio habet, in quo medulla locatur. Monuerat *Ruyfchius*, Anatomicos sæpe nimis liberaliter loqui (a) de membrana, quam putant ipsam medullam ambire; dixitque, in ossibus, quorum tota cavitas plena est substantiâ osseo-spongiosâ, aut osseo-filamentosâ, non inveniri unam communem medullæ membranam; nec mirum, cum tunc non collecta, sed per cancellos illos dispersa hæreat medulla. Alibi tamen ossis humeri ex puerulo, bisariam secundum longitudinem divisi, fabricam sic describit, atque etiam figurâ expressit: (b) *Substantia interior, quæ osseo-spongiosa, medulloso liquore imbuta, & membranula adeo tenui obrita, ut telam araneæ adæquet. Hæc autem superbit arterioli repletis, & exinde rubedine prædita, Et in eodem Thesaurò describit (c) portionem ossis femoris ex infante, serrâ divisam, in cujus cavo non solum visui occurrit membranula, instar telæ araneæ tenuis, quæ medullam ambit; verum etiam arterioliæ per illam dispersæ. Ex quibus satis apparet, teneram talem membranulam in cavis ossium internis hæere. Fortè tamen dubium videri posset, an hæc membranula pertineat ad medullam, an verò ossis internum sit periosteum; vel denique an eadem membranula utroqueungeretur munere. Sed si considerentur illa, quæ *Cloptio Haversius* de medullæ structura habet, videbitur admodum probabile esse, hanc membranulam à medulla distinctam esse. Dicit enim, (d) totam medullæ collectæ molem regi tenuissimâ & pellucidâ membranulâ, quæ in pluribus locis colorata apparet, ac si à sanguineis vasculis, per suam fabricam dispersis, ruberet. Ubi autem hanc membranulam à medulla, parum majorem consistentiam habente, cautè separabat, vidit sæpius vascula per medullæ superficiem decurrentia integerrima mansisse; certissimumque se esse dicit, hæc vascula ad membranam illam incumbentem, nunc separatam, non pertinuisse: statimque postea dicit, quidd (e) hæc membrana ossi adhæreat, non tantum per exiguas venulas, verum etiam quidd se insinuet transversis poris, qui in interna ossis superficie reperiantur. Ex qua descriptione patet, tenerrimam membranulam internæ ossium superficiæ necti, & sub hac vasa, procul dubio in alia membranula ordine disposita, per medullæ superficiem decurre, adeoque distinctum foret internum illud periosteum à medulla ipsi contigua. Usus illius periosteï foret ergo, non tantum vasa arteriosa in vesiculas medullosas distribuere, & venosa inde redeuntia recipere, verum etiam ipsius ossis vitæ & nutrimento, per vasa immissa in ossis substantiam, & inde recepta, prospicere. An hoc fortè docent mira Observata in morbis ossium? Describit *Ruyfchius*, & figuram addidit ossis cubiti, carie exesi, (f) in cujus cavo continetur fistula ossæ in*

(a) Adversar. Decad. III. pag. 32.

(b) Thesaur. X. Tab. III. fig. 11. pag. 39.

(c) N°. CLXXXII. pag. 37. &amp; tab. III. Fig.

IV.

(d) Observat. de ossib. Serm. III. cap. 1.

§. CXXIV.

(e) Ibid. §. CXXV.

(f) Thesaur. X. n°. CLXXXI. pag. 35. Tab. II. fig. 1.

*eorum separata ab ossis cubiti exteriori substantia, ita ut undique mobilis esset. Non adeo improbabile videtur, à vitio quodam in periosteo interno nato affectam fuisse ossis partem anteriorem, cui inprimis periosteum illud internum prospicit, & deinde partem ossis tubulatam anteriorem secessisse à reliqua ossis exteriori parte.*

§. 523. **H**INC (§ 22) quarta morborum in ossibus divisio.

„Cum hæc membranula vasculis constet, uti modò dictum fuit, poterunt obstructio, inflammatio, omnèsque ejus sequelæ & hic locum habere; unde & os contiguum malè afficietur, & proximè supposita medulla pariter vitium contrahere poterit, de qua res statim dicitur.

§. 524. **H**ABENT ossa in suis cavis infinitas vesiculas oleo subtili medullosa plenas, id asservantes, distribuentes & inter se mutuò, & inter lamellarum interstitia, & in cava juncturarum, & per poros rectos. Hæ vesiculæ arterias, venas, lymphæ ductus, adiposos ductus, nervulos, membranulas, habent.

Dictum fuit §. 518, de vesiculis oleo subtili medullosa plenis, quæ in cellulosa ossium parte circa juncturas hærent: hic autem agitur de medulla propriè dicta, quæ in majorum ossium cavo reconditur, & ex infinitis vesiculis simul collectis, & unâ communi membranâ inclusis, constat. Observaverat *Clopto Haversius* (a), oleum medullosum non hære in cavo membranæ medullam ambientis effusum, sed in minimis vesiculis colligi, ex quarum adunatione fiunt lobuli majores, peculiari membranulâ vestiti; ex horum dein lobulorum unione tota medullæ massa, in majorum ossium cavis conspicua, componitur. Videntur autem minimæ illæ vesiculæ, oleum medullosum continentes, communicare inter se; uti pariter & lobuli, ex collectione harum vesicularum facti; unde oleum illud, & ad ipsius ossis substantiam, & ad cava juncturarum, venire poterit ex omnibus medullæ locis, etiam dissitis. Dum enim talis lobuli medullaris membranâ debebat *Haversius*, vidit (b) non simul & semel, sed gradatim tantùm effluere oleum medullosum, sensimque tamen evacuari totum per lenem pressionem, quæ leviter comprimeret, nec frangeret tamen minimas illas vesiculas. Dum medullæ durioris partem igne liquabat, videbat (c) liquefactum pingue gradatim dissuere, lobulis & vesiculis vacuis remanentibus. Confirmatur hoc ulterius inde, quòd majori motu, & nutrimenti defectu, minuatür medullæ quantitas; augeatur verò quiete, & pleniori victu: quod pluribus Experimentis constitisse affirmat *Duverneyus* (d), qui & medullæ fabricam similem describit, ac modò dictum fuit. Oleum autem illud medullosum triplici modo videtur exire posse ex illis vesiculis, in quibus collectum hæret. Vel enim per vesiculas & lobulos communicantes versus extrema ossium derivatur, atque ibi per poros cartilaginum, quibus extrema ossium articularum incrustantur, in articularum cavitates exsudat, (vide *Commentaria* §. 362.), ut expeditissimi motus fieri possent absque attritu & detritio ossium motorum: atque ideo etiam post validos motus medullæ co-

(a) Observat. de ossib. Ser. III. cap. 1. §. cxxiv. & seq.

(b) Ibid. §. cxxviii.

(c) Ibid. §. cxxxix.

(d) Académ. des Sciences l'an 1700. Mém.

pag. 255.

pia minuitur. Vel fortè attenuatum hoc oleum venulas minimas absorbentes ingreditur, sanguisque miscetur: certè in morbis acutis videmus sæpe, paucorum dierum spatio omnem corporis pinguedinem ferè consumi. Ultimò videtur & hoc oleum medullosum ipsam ossium substantiam ingredi, illisque conciliare debitam cohesionem & unctuositatem. Dum indagabat vias illas *Clopro Haverfius* (a), quibus oleum medullosum ossium substantiæ se insinuat, invenit, internam ossium laminam numerosis foraminulis pertundi, per quæ tamen post sollicitum examen nulla vasa ad medullam tendere, vel ab illa redire, vidit. In proximè sequenti lamella ossis similes poros vidit, sed non incumbentes directè prioribus, verùm aliis locis positos, adeoque non poterit directâ viâ ex foraminulis internæ lamellæ oleum medullosum ingredi sequentis lamellæ poros, sed debet illud oleum, postquam primam lamellam penetravit, inter hanc & secundam lamellam pergere, donec simili poro occurrat in hac lamella, quem ingreditur, atque inde inter secundam & tertiam lamellam iterum decurrat, donec & hujus poros ingrediat, sicque successivè inter lamellas ossis distribuatur, donec ad extimam illarum superficiem pervenerit. Foraminula illa, quæ oleum medullare ingreditur, transversos poros vocavit Auctor; vias autem illas, secundum quas oleum illud transversis poris receptum inter lamellas ossis decurrit, atque proximè sequentis laminæ poros transversos ingreditur, vocavit poros longitudinales; quia ductum fibrarum ossis lamellas constituentium sequuntur. Monuit simul idem Auctor (b), longitudinales illos poros difficilius detegi, neque absque optimorum microscopiorum ope, omnium tamen facillimè in costis; additque, quòd pulcherrimè illos distinguere potuerit in densissima scapulæ parte, ubi lamellæ ossis immediatè coherebant sibi mutuo; viditque medullam, hos poros longitudinales ingressam, lateribus illorum instar olei adhærere. Quinimo testatur, quòd in osse humano, inter undecim vel duodecim distincta lamellarum ossearum strata, eosdem observare potuerit. Transversi ergo pori medullare oleum transmittunt tantùm; longitudinales verò illud inter lamellas deducunt; sicque lamellarum interstitia hoc oleo inunguntur. Illa autem olei medullaris per ossis substantiam distributio tantùm obtinet illis in locis, ubi lamellæ ossis sibi invicem contiguae sunt; in illis verò locis circa juncturas, ubi inter illas notabilis distantia est, locantur vesiculæ medullares §. 518, descriptæ, quæ oleum illud facillimè largiri poterunt.

Pulcherrimâ hæc structurâ oleum medullare æquabilissimè per ossium substantiam distribuitur, cùmque interna ossis lamella transmittere debeat illam copiam medullæ, quæ & propriis, & lamellarum omnium incumbentium, usibus inservire debet, hinc maximus in illa pororum transversorum numerus occurrit; minor in sequente; sensimque decrevit, prout magis versus extimam ossis superficiem pergitur; quam rem sic se habere invenit idem Auctor (c).

Siccissimæ sic quæ aridissimæ maximèque terrestres totius corporis partes; ossa nempe (vide §. 512.) tenuissimo oleo irrigantur; fortèque ab hoc oleo terrestrium partium unio, tamquam ab interposito glutine, fit. Omni enim oleo, vi ignis expulso, ossa fragilia fiunt; atque eadem valido calcinata igne, dein

(a) *Observat. de ossib. Scem. I. cap. IV.* |  
§. xxiv, & sequ.

(b) *Ibid. §. xxxviii.*  
(c) *Ibid. §. xxv.*

oleo immersa, novam iterum cohesionem acquirunt; uti in *Commentariis* §. 21, dictum fuit.

Patet inde, quare ossa, pingui sic undique penetrata oleo, luculentum igni paululum dent; adeo ut, referente *Herodoto* (a), Scythæ, præ lignorum penuria, luculentis ossibus carnem victimarum coquant; imò, si defuerint lebetes, omnes carnes hostiarum in alvos illarum injicientes admixta aqua, ossa succedant; sicque fiat, ut bos se ipsum excoquat. Simul apparet, quare nudissima etiam sceleta, quamvis perforatis ossibus majoribus omnis medulla inter coquendum effluerit, postea iterum flavescant; imò sæpe pingue oleum exsudent; sensim nempe oleo medullati, inter lamellas osseas distributo, versus ossium superficiem emergente.

A sanguine arterioso separatur oleum illud medullare, in vesiculis illis colligitur, & deinde ex his exit, ut destinatis à natura usibus inserviat. Observavit *Clopto Haersius* (b), arterias ad medullam tendentes penitus distinctas esse ab illis, quæ per ossium substantiam vitales humores deducunt, atque etiam per foramina singularia ossibus insculpta in medullam usque deferri; sic tamen (c) ut non rectè penetrent in ossium cava, sed oblique decurrant per ossium substantiam, atqueam ad medullam perveniant, & quidem satis notabili sæpe longitudine: vidit enim idem Auctor (d) talem arteriam per sesqui pollicis spatium intra ossis substantiam decurrere, quamvis ossis crassities in hoc loco octavam pollicis partem vix excederet; neque tamen potuit detegere (e) quòd talis arteria in toto hoc decursu aliquos ramulos per ossium substantiam dispergeret. Postquam hæc arteria in cavum ossis venit, (f) solet plerumque dividi in duos ramos, quorum singuli versus extrema opposita ossis tendunt, & innumeris ramulis per vesiculas medullofas dividuntur. Licet autem microscopio viderit egregius Auctor, plurima vascula sanguinea per minimam vesiculam medullarem dispergi, ingenuè tamen fatetur, (g) se non potuisse detegere, an singula vesiculæ talia vascula habeant: imò videtur fuisse in illa opinione, hoc minimè requiri, cum secum invicem communicent vesiculæ, adeoque secretum fabrica arteriosam oleum medullare in quibusdam vesiculis posset etiam ad alias venire. Insectionibus tamen *Ruyschianis* patuit, totam medullam in omni sua parte vasculis talibus præditam esse; adeoque admodum probabile videtur, similem apparatus vasculosum in omnibus vesiculis medullaribus obtinere.

Postquam verò secretum fuit oleum medullosum, residuus sanguis minimis venulis traditur, quæ collectæ in majores trunculos tandem in unam desinunt venam, quæ (h) plerumque per idem foramen, per quod arteria ingreditur, solet exire. Observavit tamen laudatus Auctor, minimas venulas, à medulla venientes, ipsi ossium substantiæ immergi, atque ibi disparere: fortè hæc venule arteriarum medullam nutrientium sanguinem revehant; nam & in aliis multis corporis locis observatur arteriarum venarumque duplex apparatus, quorum unus secretioni peculiaris liquidi inservit, alter partis ipsius vitæ & nutrimento.

Cum autem per insectiones & illæ partes medullæ rubeant, quæ absque his candidæ & pellucidæ apparent, patet, & minores vasorum series hic adesse, adeoque & lymphatica vasa: probatur hoc etiam inde, quia omnia cava corporis,

(a) *Myriamene*, sive Lib. IV. pag. 240. 241.

(b) *Observat. de ossib.* Serm. III. cap. 1. §.

xxxii

(c) *Ibid.* Serm. I. cap. v. §. xlv.

(d) *Ibid.*

(e) *Ibid.* Serm. III. cap. 1. §. cxxii.

(f) *Ibid.*

(g) *Ibid.*

(h) *Ibid.* §. cxxiii.

majora æquè ac minora, tenuissimo exhalante liquido madescunt, adeoque & similes venulæ abiorbeptes hic aderunt.

An autem hic adiposi ductus adsint, quibus in vesiculis collectum oleum medullare deferretur ad loca destinata, nondum se observare potuisse fatetur (a) tories jam laudatus Auctor, crediditque potius, harum vesicularum contigua latera poris per via esse, quibus ex una in aliam aditus pateret. Insignes tamen invenit ductus adiposos (b), per quos ex cavernosa ossis parte in articularum cava oleum medullare transit.

Nervos in medulla adesse, demonstravit *Duverneyus* (c). Vidit enim, unâ cum arteria & vena nervum per ossis substantiam ad medullam tendere, atque observavit, tria hæc vasa eadem vaginulâ, quæ periostei productio est, includi. Præterea sensum doloris in medulla percipi directis Experimentis evicit. In Nosocomiis enim, dum post membrorum exstirpationem renovabatur apparatus, sæpius jussit, nudam medullam rudibus attingi, statimque ægri doloris molesti sensum exprimebant. Utque nullum dubium circa hanc rem superesset, coram *Academia Parisina Membris* animalis vivi femur reseculit, deinde expectavit paulisper, donec dolor, crudelis hujus operationis comes, transisset: tuncque stylum per medullæ substantiam adigit, statimque animal acerrimi doloris signa dedit. Experimentum hoc aliquoties iteratum fuit, similibus cum cautelis, atque eodem successu.

§. 525. **H**INC (524) quinta & ultima, ex hac divisione, morborum in ossibus differentia.

Cùm ergo in intimis ossium medullis tam varii humores, tam numerosa vasa adsint, omnes ferè morbi hætenus recensiti & hic contingere poterunt; adeoque nova hæc & ultima morborum in ossibus divisio erit. Primò enim considerabatur morbi, quatenus in ipsa propriè dicta ossium substantia hærent, quorum diversitas inde deducebatur, prout vel latiorē & cellulosam ossium circa juncturas partem, vel mediam & solidiorem, occupabant. Secundò dictum fuit de vesiculis, oleo medulloso plenis, in cellulosa parte ossium hærentibus, atque aliud morborum genus inde nasci posse, patuit. Tertio actum fuit de periosteo externo, ossa convexa ambiente, atque & in hac parte nova morborum origo descripta fuit. Quarto de periosteo interno similia ferè dicta sunt. Quintò & ultimò medullæ in majorum ossium cavis ex optimorum Anatomicorum inventis fabrica & usus tradita fuerunt, ut & morbi in hac parte orti cognosci possent. Hisque omnibus jam præmissis evidenter haberi poterit morborum in ossibus observatorum diagnosi; atque ex iisdem firmior patebit prognosis, horum morborum varios eventus designans; simulque indicationes curatoriæ, in singulis aliquando diversæ, ex Artis regulis poterunt determinari.

§. 526. **S**I medullosum (518. 524.) oleum in suis vesiculis, semisartis, vel in ossium interstitiis stagnat, calore & motu vitali acre, putridum, saniosum fit; secretionem novam im-

(a) Observat. de ossib. Serm. III. cap. 1. §. cxxix.

(b) Ibid. §. cxxxii.

(c) Académ. des Sciences, l'an. 1700. Mém. pag. 253. & suiv.

pediet; vasa adferentia, fecernentia obturabit; vesiculam suam inflammabit; dein suppurabit; vel gangrænosâ putredine corrumpet liquida & vascula; hinc ossea ipsa substantia vasis orba, liquido vitali privata, acribus erosa, in cineritiam quasi calcem vertitur, ubi tenuissima, id est, in cellulis apophysium; sic dolor, calor, pulsatio, tumor, abscessus, caries contingit pessima. Stagnatio hæc ab omni obstructione oriri potest (vid. cap. de Obsr.). Si autem ex interno malo, tum ferè spina ventosa audit.

Agitur hæc paragrapho de illis morbis, qui ossibus accidunt, quando oleum medullosum, à sanguine arterioso secretum, collectum in vesiculis in cellulosa ossium parte dispersis, vel in iisdem in medulla aggregatis, stagnat & corrumpitur.

Ex illis, quæ §. 524, dicta sunt, patuit, oleum illud in vesiculis illis minimis colligi, & servari ad debitos usus, atque fortè ibidem pro tempore stagnare, vel saltem tardissimè moveri. In animalibus enim quiescentibus illud magnâ copîâ accumulatum solet inveniri; post validos verò corporis motus multùm minuitur; adeoque per stagnationem intelligitur talis conditio hujus olei medulloso, vel partium illud continentium & deducendum, per quam non possit obedire illis motibus, qui ad usus hujus olei in sanitate necessarios requiruntur. Debet enim oleum illud medullosum posse exsudare in articulorum cava, ut lubricentur articuli, debet insinuari inter lamellarum ossæarum interstitia; debet posse transire libere ex minimis illis vesiculis in similes proximè accumbentes, donec ad loca illa perveniat. A quacumque ergo causa impediatur ille olei medulloso motus, fiet stagnatio. Sed videmus, blandissima etiam pinguis sponte in horrendam acrimoniam mutari, quædam citiùs, alia scriùs. Oleum amygdalinum blandum, dum recens pressum habetur, æstivis caloribus intra paucos dies adeo fit acre, ut fauces adurat, dum deglutitur. Butyrum pariter eodem modo solet corrumpi, sed non tam citò. Verùm quidem est, libero aeris accessu multùm accelerari hanc corruptelam; adeoque medulla, in ossium cavo stagnans, ob hanc rationem tardiùs corrumpetur, tamen diuturniori morâ similiter degenerabit. Calor autem vitalis stagnans illud oleum citò putrefaciet, inprimis cùm, ex propria indole, medulla admodum prona sit in putredinem: paucis enim diebus fanissimorum etiam animalium maceratorum medulla solet corrumpi, & fætorum intolerabilem spargere; simulque, destructâ oleosâ tenacitate, diffusivè in saniem tenuem, sed putridissimam. Patebit facilè, pessima mala tunc necessariò sequi debere, si consideretur partium medullare oleum fecernentium, colligentium, & deducendum tenerima fabrica. Arteriz enim ad medullam tendentes, simulac in ossis cavum pervenerunt, depositis, ut videtur, callosis tunicis, adeo pulposæ & molles evadunt, ut etiam annosi bovis medulla intra digitos facillimè conterri possit in liquamen oleosum. Semel ergo natâ hic corruptelâ, oleum medullare, in saniem acrem mutatum, erodet, vesiculas, quibus continetur, & vicinas adhuc sanas destruet similiter, dum illas alluit, sicque in parva etiam medullæ parte natum tale malum propagabitur per omnia hæc loca. Porerunt ergo hæc vascula inflammari, omnèque sequi inflammationis effectus: verùm benigna sup-

puratio hic vix locum habere poterit, cum acerrima saniei putridæ indoles sit; & licet hæc fieret, collectum pus in loco clauso hærens, neque inde educi potens, similiter attenuaretur & putresceret. Unde destructis vasis vitalibus harum partium necessarii gangrænosæ corruptio sequetur, & quidem pessima.

Præterea putrida hæc sanies, auctâ quotidie malignitate, pejor redditur, omnemque internam ossis cavi superficiem alluit, adeoque & membranam externam medullæ, & periosteum internum, brevi destruet: ossæ ergo substantia, vasis vitalibus sic orba, acri sanie eroderetur pariter, & destrueretur. Omnium autem citissimè hoc fiet in latiore ossis parte (vide §. 516.), sive in cellulis apophyis, ubi ossæ substantia tenerrima est, & inter disjunctas à se invicem lamellas vesiculæ medullosæ hærent; adeoque in his locis corruptum oleum medullare lamellas ossæ ab utraque parte alluit, ergo & citius destruet. Circa solidissimam verò ossium partem tardius destruetur ossæ substantia, quia & densius os est, & corrupta sanies internam tantum ossis lamellam tangit: sensum tamen hæc sanies, (augetur enim cum acrimonia tenuitas) se insinuat poris lamellæ externæ; atque inter lamellas ossæ pergere poterit eodem modo, ac de meduloso oleo dictum fuit §. 524: atque hæc ratione ossæ substantiæ erosio fiet; ita ut etiam solidissima ossa, destructâ omni cohæsione, in calcem faciant. Ubi de ossibus fractis agebatur, constitit, ossa etiam majora corporis, cariola facta, minimâ vi fracta fuisse (vide §. 344.).

Cum ergo inflammatio, omnisque ejus sequelæ, in his locis adesse possint; & ex dictis ad §. 524, constet medullam læsam dolere, patet ratio, quare dolor, calor, pulsatio, &c, hic deprehendantur. Miri etiam tumores observati fuerunt ab hac causa, dum lamellæ ossæ à se mutuo sensim magis remotæ, inprimis versus juncturas, immaniter auxerant naturalem ossis affecti molem. Fœmina lapsu genu contuderat, atque postea in loco læso tumor apparuit, qui & in partibus mollioribus & in osse ipso hætere videbatur: octo annorum spatio sensim auctus tumor fuerat in magnam molem. Externâ dein læsione vulnus in parte anteriori & superiori illius tumoris factum fuit, atque os ipsum denudatum, sensimque extima ejus pars secessit; tuncque apparuit cavum in parte cavernosa ossis tibiæ adeo amplum, ut decem uncias liquidi injecti caperet, ne guttulâ quidem per vulnûs exeunte. Cum exstirpatio sola superesse videretur, interimque in gravida muliere hæc non tentari posset, dilata fuit operatio, donec perperisset. Post partum autem pessimè computruerant omnia, & paulo post periit (a). In eodem ossis tibiæ loco ingentem talem tumorem vidit *Petitus* (b), quo aperto, invenit massam carneam pugno majorem, in caverna ossæ undique latentem, unâ cum pure foetido, quam eduxit, & postea ossis partes corruptas tenaculis, imò & cuneo & malleo, resecurit, atque feliciter tam grave malum curavit. Ex quibus patet, partes molles, in cellulosa partè ossium circa juncturas, mirum in modum sæpe degenerare posse, atque inflammationes, abscessus, &c, hic aliquando inveniri. Ubi verò oleum medullosum corrumpitur, teterrima mala fient, & pessima ossium caries, quæ tunc adesse dicitur quando os corruptum in pulverem quasi facit, & specillo exploratum non resistit amplius. Unde

(a) Académ. des Sciences l'an 1737. Hist. pag. 64.

(b) Traité des Maladies des Os, Tom. II. chap. xvi. pag. 389.



*Celsus*, dixit (a) *In carie quidem expedita cognitio est. si specillum tenue in foramina demittitur. quod magis minusve intrando, vel in summo cariem esse, vel alius descendisse testatur.* Pessimum ergo ossium vitium caries, totalem ferè eorumdem corruptelam indicans aut erosionem: leviota enim ossium vitia, separatis lamellis corruptis per exfoliationem, sanari solent; caries nunquam, sed ferro vel igne tolli debet, donec ad viva perventum fuerit.

Cùm ergo plurimæ causæ obstructionis, uti ex ejus Historia patet, stagnationem hanc olei medullofi efficere possint, apparet terrerrima hæc mala à variis admodum causis originem ducere posse. Illa autem, quæ vi externâ vasa comprimere aut destruere possent, minùs hic locum habent, cùm duro offe satùs tutò defendatur medulla. À validis tamen contusionibus, & fracturis ossium, lædi posse medullam, nullus dubitat. Ubi autem, absque ulla læsione externa, ab interno vitio ortum duxerit olei medullofi corruptio, tunc plerumque solet à Medicis & Chirurgis vocari *Spina ventosa*, quæ à *Rhaze* Medico Arabe celeberrimo primò descripta fuit (b), & hoc nomine vocata, quia consistebat hic morbus in corrosione & corruptione ossis, unâ cum dolore pungente & tumore. Ubi enim hoc malum, à medulla corrupta incipiens, os erodit, integumenta mirum in modum tument, imò & ipsa ossis substantia sæpe in maximam molem distenditur. Difficilius hoc nomen *Marco Aurelio Severino*, qui integrum Tractatum de hoc morbo scripsit, maluitque vocari, græco verborum complexu, *Padarthrocacem*, quasi puerorum ad articulos malum, quia & pueris familiare erat hoc malum, & citra articulos frequentius observabatur (c). Sequentem verbò dedit hujus morbi definitionem: (d) *Padarthrocace abscessus est corruptorius, seu sphacelismus ossis, circa articulum in pueris, ex primis spermatis, & menstrui sanguinis inquinamentis non repurgatis, per congestum illapsis & putrefactis, natus.* Non negavit tamen, adultioribus hoc malum contingere posse, atque Exemplum adultæ mulieris hoc morbo laborantis adducit (e). Ad vigesimum quintum annum usque tum viros tum fœminas hoc morbo laborantes se observasse dicit *Petrus de Marchettis* (f), non autem proveciori ætate, nisi antea eodem morbo tentati nondum convalescent. Cùm verbò in rachiticis pueris ossium circa articulos tumores, absque illorum corruptela, observentur frequentissimè, *padarthrocaces* nomen magis ambiguum videtur esse. Imò videtur alio in loco *Severinus* (g) ipse vacillare, dum noluit ita faciliè asserendum esse, quòd *spinæ ventositas* & *Padarthrocace* una eademque res esset. Non incongruum erit ergo, *spinæ ventosæ* nomen retinere ad hunc affectum designandum, cùm *Rhazes* primus Auctor, qui aliquid de hoc morbo memoriæ tradidit, illo usus fuerit; potestque ex illis, quæ in hac paragrapho dicta fuerunt, satis limitari illius significatio, quòd nempe sit ossis corruptio, à vitio in ipsa medulla nato originem ducens; adeoque ossis corruptela in patte interiori ossis primò incipit, sensimque progrediendo per totam ejus substantiam pergit, donec eroso, vel à tumente ossis substantia distracto periosteò, dolor, & tumor incumbentium fiat. Ubi verbò ossis corruptela,

(a) *Medicin. Lib. VIII. cap. 11. pag. 508.*

(b) *Freind History of Physick, Tom. II. pag. 55.*

(c) *M. Aurel. Seve. de recond. abscess. natur. pag. 337.*

Tom. I.

(d) *Ibid. pag. 356.*

(e) *Ibid. 347.*

(f) *Observat. Medic. Chirurg. rarior. syllog. pag. 118.*

(g) *De Recond. abscess. natur. pag. 359.*

in exteriori parte incipiens, versus interiora pergit, licet ramen ipsam medullam etiam inficiat, caries ossis vocabitur: sic simul evitabuntur omnes illæ lites, quæ inter eruditissimos Auctores agitantur, an spina ventosa Arabum Græcis antiquis cognita & descripta fuerit, necne. Cariem enim ossium, illorumque fiderationem (*σφαλισμος*) illis cognitam fuisse, nullus dubitat; illa autem ossium corruptio, quæ à medulla prius affecta ortum ducit, apud veteres Græcos non legitur.

§. 527. **L**IQUET signa hujus mali, & status (§26), esse signa inflammationis profundæ, nec ad tactum externum favientis.

Quàm maximè dolendum est, malum hoc sæpe non cognosci, nisi serò; quando nempe osse penitus corrupto incumbencia incipiunt in tumorem attolli. Unde omni curâ attendendum est, ut quantum possibile sit, in ipsa sua origine detegatur. Difficillimum autem hoc sæpe esse, patet faciliè, si consideretur, in mediis ossibus latere malum. Lucem tamen in his tenebris dare poterunt frequentia. Si cognoscatur talis esse morbosa cacochymia in corpore, à qua novimus per Observata Medica ossa frequentissimè affici. Tales sunt imprimis lues venerea, scorbutus, & rachitis in junioribus, qui postremus morbus, utl postea in ejus Historia dicitur, sæpe magnam suspicionem latentis laxis veneræ lenioris habet. Ex his novimus, causas prædisponentes ad hunc morbum in corpore adesse. Præsentis autem morbi signum serè tantùm habetur unicum, nempe dolor profundus, pertinax, molestissimus, in intimis ossibus, utl ægri solent ipsi dicere, hærens, cum sensu lentæ erosionis. Accedit, quòd dolor ille calore corporis majori in lecto, vel post validos corporis motus, aut aromatum vel vini majorem copiam assumptam, augeatur. Licet autem pars dolens validè prematur, vel fricetur, nullum inde doloris augmentum sit; nec mirum, cum durum os impediatur, ne tactus externus in locum affectum agere possit. Hæc sunt signa incipientis mali: ubi verò osse jam eroso periosteum externum affici incipit, dolores augentur, & rudiori tactu exacerbantur plurimùm; simulque tunc tumor mollis incumbentium partium nascitur: imò plerumque prius solet ipsa substantia ossis in tumorem attolli; tuncque faciliè noscitur malum: sed serò, quia tota ossis substantia jam corrupta nullam medellam capit, sed vel sponte cadet separata à partibus vivis, vel ferro aut igne tolli debet.

§. 528. **P**ROGNOSIS ex difficili separatione, abstersione; emundatione, mala multa, & difficillimam curationem prævidet.

Si jam perpendantur omnia illa, quæ hæctenus de morbi hujus indole dicta fuerunt, patebit faciliè, pessima quævis hic metuenda esse, & difficillimam fore curationem. Hæret enim in medio duri ossis cavo corruptum oleum medullosum, quòd ad curationem deberet posse abstergi & elui. Sed nulla datur via, quâ exire possit, nisi prius os erosum fuerit, vel audaci Arte perterebra-

retur. Morâ interim & calore loci quotidie acius fiet illud oleum, adeoque omnia augebuntur mala. Præterea si ossis interna superficies ab acri hac sanie erosa fuerit, corrupti ossis partes, quamvis à sanis & vivis partibus separarentur, hærent in medio ossis cavo, & mole suâ & asperitate teneram medullam læderent, siquæ nova producerent mala. Docuerunt jam Observationes Medicæ, miras ossium degeneraciones, dolores intolerabiles, febres, mortem ipsam ab hoc malo facta fuisse. Ossa tarsi à spina ventosa corrupta fuisse, & in unam substantiam ossam confusa quasi, quæ nil minus quàm nativam horum ossium fabricam referret, vidit *Ruysschius* (a), & figurâ expressit (b). In homine paucis ante obitum diebus vidit idem Auctor, femur à duobus tumoribus spongiosis obfessum, quorum unus septem ulnæ quadrantes, alter unicum tantum circumferentiâ adæquaret. Ossa metacarpi in homine, qui per triennium toleraverat hoc malum, rupis instar aspera specillo invenit *Severinus* (c), manumque affectam adeo intumuisse, ut caput infantis magnitudine æquaret. Plura similia Exempla apud Auctores habentur. Ex modò enarratis satis constat maligna pessimi hujus morbi indoles.

§. 529. **CURATIO** optima tentatur, 1. Omnia vasa largissimè implendo decoctis ex his, quæ validè penetrant, multùm abstergent, putredini resistunt. 2. Dein validè movendo cuncta per methodum sudorem exprimendi vapore calido artificiosè ad corpus applicato. 3. Simul tum, dum sudor fluit, motum determinando ad locum affectum per topica fomenta, & applicatione determinatâ vaporis calidi ad partem illam.

Quando jam tumor partium incumbentium sponte aperiebatur, nullam aliam curam superesse voluit *Rhazes* (d) præter illam, quæ urendo vel secando corrupti ossis partes tolleretur. *Petrus de Marchettis* (e), simulac æger conquereretur de dolore pungente in articulis manuum vel pedum, &c, quamvis nullus appareret tumor, illico omnia discindenda voluit, & deinde ferro & igne tollendam esse vitiatam ossis partem. Antequam autem crudeli hâc methodo unâ cum vicio pars vitiatâ tollatur, videtur tentari posse sequens cura, cujus pulchri successus sæpe fuerunt observati.

1. Hæret morbi fomes reconditus ossium cavis: externa remedia huc penetrare nequeunt, nisi quatenus venis bibulis recepta, circulantibus humoribus mista, unâ cum sanguine huc deferri possint. Unicum ergo tantum superesse videtur, ut nempe corpus repleatur ingenti quantitate tenuis liquidi, in quo vis penetrabilissima, detergens, & putredini quàm maximè resistens, adest: deinde ingestum tale liquidum acceleratò motu feratur per vasa, ejusque efficacità determinetur ad partem affectam, quantum fieri poterit. Magna enim tunc spes est, tali liquido per vasa vitalia in ossis substantia, & medullâ nondum

(a) Theaur. VIII. n°. LXXIII. pag. 21.

(b) Theaur. V. Tab. III. fig. 1v.

(c) De second. abcess. nat. pag. 375.

(d) Freind. History of Physick, Tom. II. pag. 57.

(e) Observat. Medic. Chirurg. ratioc. Syllog. pag. 118.

penitus destructâ, hærentia delato ad locum affectum, putredinem sibi posse; corrupta separari à vivis & sanis, dilui oleum illud medullosum, venulisque bibulis resorberi, atque per urinæ vel sudoris vias de corpore expelli. Putridos enim illos humores, in ossium cavis hærentes, in sanguinem resorberi posse, docet febris hæctica putrida, totum sæpe sanguinem pessimâ cacochymia inficiens, quando malum hoc ad magnam malignitatem pervenit. Sed largus talis remedii usus cavet facillè, ne putridum illud resorptum noceat. Omnium optima ad hunc scopum sunt ligna illa, in quibus aromatica fragrantia & magna copia balsamica resinæ adest: talia sunt lignum juniperinum, buxinum, quercinum, &c. &c., quod omnium commendatissimum ad hos usus semper fuit, lignum guaiacum, cujus decoctum ex Arte paratum subacidulum & balsamicum penitus est. Cùmque duriora hæc ligna fiunt, & magnam copiam resinæ habeant, non adeo facillè aqua hæc penetrare poterit, nisi prius in scobem rasa fuerint, leni calore per aliquod tempus digerantur, & deinde in vase clauso ebulliant per aliquot horas. Solet aliquando parca copia salis alcalini cujusdam addi, dum in digestionem ponuntur hæc ligna, ut aqua facilius intimam illorum substantiam penetret; & sub finem coctionis aliquot unciaz spiritus vini rectificati adduntur, ut omne resinosum in his lignis hærens tantò melius solvatur. Talis decocti formula in *Materia Medica* ad hunc numerum habetur. Posset tali decocto infundi rasura ligni cassiæ, quod volatili fragrantia præditum longam coctionem ferre nequit, absque jactura virium medicatarum. Meracissimi talis decocti uncias aliquotumat æger ter vel quater de die, simulque pro potu quotidiano utatur debiliori decocto, ex residuo decocti meracioris novâ aquâ affusâ, parato. Pro varia ætate, temperie, viribusque ægri major minorque copia horum decoctorum exhibetur: proderit semper tantum potare, quantum ferre poterit; sic enim penetrabili detergente & antiseptico liquido quàm maximè replebitur totum corpus, atque satisfiet primæ indicationi curatoriæ.

2. Postquam per aliquot dies largo talium decoctorum usu vasa omnia repleta sunt, & incipit quasi tumere corpus, tunc conducet, motum humorum per vasa augere. Frictionibus quidem pro lubitu særè morum sanguinis accelerare possumus, unde & hæc solent adhiberi: commodissimè tamen hoc fit vapore calido nudum corpus undique alluente, sicque simul sudores eliciente, per quos diffatur liquidum ingestum, & nova oportunitas datur, corpus replendi similibus. Nudato hinc corpore, linteo cerato undique obvoluto, exponitur calidæ aquæ vapor æger; vel quod omnium efficacissimum est, accensis spiritus vini vapor. Vix per pauca minuta vapor ille calidus penetrabilissimus corpus alluit, quin incipiant calefcere ægri, totoque corpore profusissimis sudoribus diffuere, qui aliquando observari fuerunt ingesta decocta redolere. Tantâ sæpe copiâ, hæc methodo, sudor exprimitur, ut quandoque robustissimi etiam homines in animi deliquium cadant, si diutius spiritus vini accensis vaporis exponantur. Unde cautelâ hic opus est: constitit enim, in cura luis venereæ, simili methodo tentatâ, aliquando periisse homines, dum ab imperitis cogerentur diutius hos sudores pari, quàm vires ferre possent. Per horam dimidiam in debilioribus quotidie sudorem sic movere sufficet; robustissimè etiam vix sustinent per bihorium: præstatque semper Medicum præsentem

esse, dum sudat talis æger, ut pro re nata judicet, quousque pergendum sit. Hoc factò, linteis calidis deterſo corpore, in lectum calidum deponatur æger, ſicque leviſſus ſudabit adhuc ſæpe per unam, alteramve horam. Cùm autem periculoliſſimum foret, ſi frigidus aer æſtuans adeo à ſudore corpus allueret, neceſſarium erit, ut aer loci, in quo verſatur æger, ſatis calidus ſit, quod accenſo fornace commodiſſimè fieri poterit. Ob hanc cauſam maluerunt alii, ut æger nudato corpore in lecto jaceat, & per infundibulum ſub ſtragulis vapor accenſi ſpiritus vini corpus undique foveat. Sic enim nullum periculum erit, quominus frigidus aer corpus alluat. Sive autem in lecto, ſive extra hunc in citta quadrangulari, vel aliâ ſimili machinâ, ſub craticula, ut vocare ſolent, ſudet æger, curandum ſemper, ut caput emineat; aliter enim ſuffocationis periculum immineret. Finito ſudore, datur juſculum ex macilenta carne conſectum, vel & vini pauculum, ut languentes ſæpe poſt profuſiſſimos ſudores vires reſocillantur.

3. Facile patet, accelerato motu penetrabiliſſimum tale decoctum pelli æqualiter per totum corpus. Requirebatur autem quàm maximè, ut remedii efficacia potiſſimum in partem affectam ageret. Quando agebatur de curatione obſtructionis (vide §. 134.), dictum fuit, dari in Arte auxilia, per quæ remedium ingeſtorum viſ pro lubitu ad partes quaſdam corporis determinari poſſet. Illa autem erant talia, quæ liquidi vitalis impetum & copiam augerent in partibus, verſus quas indicatio jubebat, derivari debere remedium efficaciam. Hoc autem obtineri poterit, minuendo vaſorum reſiſtentiam in partibus his, & augendo circulationis velocitatem in iſdem. Fomentis molliſſimis calidis applicatis, cataplaſmatibus ſimilibus, vel & cucurbitis perficitur prius; poſterius frictionibus, & ſtimulantibus adhibitis, fiet. Pulcherrimi uſus erit in his morbis pannis laneis, decocto guaiaci calido madidis, partem affectam fovere, ſimulque ſic determinare vaporem accenſi ſpiritus vini, ut hanc partem primò alluat.

§. 530. **H**OC modo (§. 529) ſi diu continetur, ſæpe multum boni fit, maximè ſi diſta ſimul tenuis, & putredini oleoſæ adverſa, inſtituitur.

Si jam omnia illa, quæ paragrapho præcedenti dicta ſunt, ſiant, decoctum tale penetrabiliſſimum, & putredini adverſum, auctâ circulationis velocitate, rapidè movetur per omnia vaſa, & imprimis in parte affecta, determinatione huc verſus factâ per fomenta, vaporem calidum, &c: ſic abluit omne corruptum, & per ſudores diſſilat de corpore. Sed pertinax tale malum paucis diebus tolli poſſe, nulla ſpes eſt; unde aliquando per tres quatuorve ſeptimanas eadè methòdo quotidie ſudores exprimi debent, habitâ ſemper ratione virium ægri. Interimque toto curæ tempore bono victu ſuſtentandum corpus eſt; ſed tali, qui ex eupepris conſicitur, & minimè pinguibus. Hâc enim methòdo ſolent ſemper emaciaci quàm maximè ægri, omni ſerè pingui corporis ſolutò & per ſudores diſſato: cùmque præcipua morbi malignitas à corrupto oleo pendeat, meritò vitantur pinguia omnia, ne morbi materiam augeant. Juſcula ego carniùm, omni pinguedine ſolicite ablata, panis biſcoctus, hordei, avenæ, oryzae, milii decocta, pa-

netellæ, fructus horæ bene maturi, præcipuè hic conveniunt Pro potu serum lactis, vel lac triplâ aquæ copiâ dilutum, concedi posset: præstat tamen debilius guaiaci decoctum, quod additis passulis majoribus, glycyrrhizâ, &c, satis gratum reddi poterit.

Omnibus illis, quæ hætenus dicta fuerunt, sollicitè observatis, felix sæpe successus fuit etiam in talibus malis, ubi jam de exstirpatione partis affectæ delibebatur. Symptomatum remissio, & tumoris subsidencia, præcipua signa sunt, quibus docemur, curam rectè procedere. Notandum tamen, aliquando per hæc mala sic degenerare ossium fabricam, ut sæpe superfit totâ vitâ major tumor in osse affecto, licet omnis corruptela olei medullofi felicissimâ curatione ablata fuerit: neque tamen multum nocet postea talis tumor, solâ sæpe difformitate notabilis. Aliquando & observatum fuit, dum hæc curatio instituitur, ossis corrupti partem felicissimè separari, &, abscessu facto partium mollium incumbentium, educi, sequente deinde optimâ sanatione. Notabilis talis casus habetur in *Adis Edinburgensibus* (a) ubi in simili malo in puella septenni, postquam per sex menses decocto lignorum usa fuerat bis de die, & cerevisiâ antiscorbuticis herbis medicatâ pro potu communi, ossis tibiæ tota substantia abscessit; sic ut circa genu ossis sani pars relicta æquaret tantum trium digitorum transversorum longitudinem; prope malleolos autem vix dimidium hujus longitudinis superesset. Renato tamen callo tanta ossis jactura restituta fuit eò usque, ut affecto crure currere, saltare, &c, potuerit absque ullo impedimento. Aliqua tantum in figura renati ossis difformitas mansit, quia innixa fuerat huic membro puella antequam callus perfectè induerisset. Ab externa noxa ortum fuisse hoc malum credebant parentes; sed post absolutam curationem notabili jam tempore elapso, ulcus in superiori brachii parte apparuit, ex quo acutæ festucæ, ab osse humeri separatæ, brevî post emergunt: unde patuit internæ latentis causæ prius malum potius originem suam debuisse, eum in alio loco simile renasceretur, absque ulla externa injuria.

Cum autem in junioribus sæpe occurrat hic morbus, non semper ab illis impetrari poterit, ut satis magnam similibus decoctorum quantitatibus potent, & sudoribus, exprimendis methodo dictâ, vix sufficerent tenella hæc corpora. Profuit tunc, si semel in septimana daretur purgans hydragogum, reliquis autem diebus fumerent lenia antiscorbutica; pars verò affecta obvolvatur continuo penetrabilissimis fomentis ex aceto, sale, urinâ sanâ, rutâ, alliarîâ, &c, paratis. Simul pro potu ordinario serum lactis exhibetur. Sic vidi aliquoties successisse curam, postquam per plures menses similia adhibita fuissent: sed ferè semper integumenta tunc parvo foramine aperiuntur, sanici copia quædam exit, sensimque subsidet ossis intumescencia, & aliquando etiam ossis corrupti partes exeunt, & cava admodum postea cicatrix manet. In puella, cui ossa tarsi & metatarsi pedis dextri sic affecta in maximam molem intumuerant, dein & in cubito & radio manus dextræ similis mali vestigia apparuerant, per integrum biennium in hac cura perrexi; sic tamen, ut remittente malo, singulis mensibus bis, & deinde semel tantum, purgans fumeret. Pluribus in locis aperiebantur in pede integumenta; sensim tamen sic subsedit ille tumor, ut commodè incedere potuerit, quamvis naturalem magnitudinem ossa adhuc tumida excederent.

(a) Medical Essays, Tom. I. n°. XXIII. pag. 238.

Ubi autem malum illud eò usque adolevit, ut totam ferè medullam corruperit, & vitalia vasa per illam delata penitus destructa fuerint, nihil ferè ab optimis etiam remediis expectari poterit. Decoctorum enim usus non proderit, cùm vasorum vitalium integritas requiratur, ut ad hæc loca virtute suâ medicata penetrare possint. Pessima tunc expectanda mala sunt, cùm oleum corruptum, quotidie malignius factum, in cavo ossis hæreat: atque unicum in Arte præsidium est, ut osse terebrato via fiat corruptæ materiæ hic stabulanti: sic enim imitatur naturæ viam, quæ erosio ossis aliquando expurgat omne corruptum. Successisse hanc methodum apud optimos Chirurgos legitur. Homo luc venerè laborans tumorem habebat in ipso tibiæ osse; post salivationem toleratam disparuit tumor, sed dolores in hoc loco non cessabant penitus, & binis septimanis post curationem absolutam augeri cœperunt. Post varia tentata remedia, ad os usque dissecta fuerunt incumbientia tegumenta, sed absque ullo levamine: post biduum trepano excissa fuit ossis pars in cavum usque, atque statim exivit olidissima sanies; parutque, totam medullam sic corruptam fuisse: tria adhuc similis magnitudinis foramina in osse per trepanum facta fuerunt, & resectæ postea ossis inter foramina mediæ reliquæ; cauteriis reliquum ossis corrupti tangebatur, & cura successit. Eandem methodum simili cum eventu adhibitam fuisse in puella, testatur celebris Chirurgus *Petitus* (a).

§. 531. **S**I textura arteriosa, vel venosa, ut & lymphatica, (§13. §16. §20. §22.) obstructa fuerit, defectu novi, vel stagnatione allati liquidi, iterum in iis partibus oriuntur similes omnino morbi ordine tantum mutato (§26).

Patuit sic ex præmissis, quanta mala fiant, si medullosum oleum in suis vesiculis, vel in ossium interstitiis, stagnet & corrumpatur. Ut autem bona fiat medullæ secretio, illiusque collectæ, neque motibus corporis consumptæ, resorptio fortè per venas pro parte, requiritur exquisita humorum vitalium circulatio per illa vasa, quæ liquores ad medullam vehunt & reducunt inde. Si ergo à quacumque causa oriatur obstructio in textura vasorum, quæ per ossium lamellas sedentes in latiori eorundem parte prope juncturas distribuuntur, sive in illis, quæ per internum periosteum, aut membranam externè medullam ambientem, decurrunt, turbabitur secretio olei medullofi, fietque ejus jam secreti stagnatio, compressio, à vicinis vasculis obstructis, & tumentibus, tennerrimis vesiculis medullaribus, illarumque emissariis. Idem continget à periosteï externi vasis obstructis: dictum enim fuit §. 520, periosteum illud, superficiem ossium convexam ambiens, excipere & transmittere omnia illa vasa, quæ vel in cellulam ossium, vel in medullam feruntur, aut inde redeunt: adeoque natum in periosteio externo vitium poterit propagari per totam ossium substantiam, atque medullam ipsam. Sola hæc tantum diversitas obtinet, quòd ordine mutato mala illa procedant. Ubi enim medullosum oleum primò corrumpitur, illud in acrem saniem mutatum, vesiculas, quibus continetur, illa-

rúmque texturam vasculosam erodet; hinc & medullæ membranæ, periosteum internum, ossisque substantiam ipsam simili modo destruet; tandèmq; eroso ossè, ipsum periosteum externum afficiet, sicque ab interioribus propagabitur malum exteriora versus. Ubi autem à periostei externi inflammatione malum in-  
cepit, ab exterioribus versus interiora procedit, & affecto priùs ossè, dein contenta ejus cavo inficit. Periostei enim vitia statim os ipsum afficere, patuit satis ex illis, quæ in vulnere capitis Historia (§. 249) dicta fuerunt: jam monuerat *Aristoteles* (a), si cutis ossa suis membranis spoliata (*ψιλλήματα τὰ ὀστῶν τὰς ἐπιτρίχας ἀφαιρούμενα*). Quàm citò autem à periosteo affecto destrui possit vitalis in ossè fabrica, imprimis patet in paronychia, quando nempe validissima inflammatio, in periosteo ultimam phalangem digitorum tegente, nascitur, cum dolore intolerabili. Vix enim per paucas horas duravit tale malum, quin sideretur integre ultima phalanga, & postea cadat.

§. 532. **Q**UORUM (§31) ergo diagnosi, prognosis, curatio, eadem (§29. §30.).

Cùm enim texturâ vasorum periostei externi, ossis substantiæ ipsius, periostei interni, &c, priùs affectâ, tandem malum ad ipsas vesiculas medullosas perveniet, ultimus effectus erit idem; & sequentur omnia illa, quæ §. 526, dicta fuerunt. Curatio ergo eadem requiretur.

§. 533. **P**ATET QUE, maximum periculi discrimen hæere in diversitate loci (§18. §20. §22. §24.) ubi prima mali causa ortum sedemque habet. Quibus primò præmissis clarior doctrina.

Quamvis lævissima etiam periostei externi inflammatio possit dare originem terribis illis malis, quæ à corrupto oleo medulloso oriuntur, patet tamen satis, illam faciliùs curari posse, quàm si periosteum internum, aut membrana medullæ ipsa inflammantur; cùm in priori casu à remediis externis major spes affulgeat, & discissis integumentis, in multis locis corporis, manibus accessus detur ad locum affectum; adeoque separatio, absterfio, & emundatio faciliùs perfici poterunt. Multùm ergo differt, in quo loco prima mali causa ortum sedemque habeat; & cæteris paribus, semper eò majus discrimen est, quò profundius hæreat malum. Ex illis autem, quæ hæcenus dicta fuerunt, multùm lucis affundetur ossium morbis cognoscendis & curandis.

§. 534. 1. **I**NFLAMMATIO ossis benignior à periosteo externo inflammato oritur, cujus infinitæ causæ, (vide totam Historiam inflammationis) notique effectus.

2. Cognoscitur per signa inflammationis profundæ ad tactum aucta.

3. Prævidentur plurima mala (§31. §26.), ni opus sanetur.

(a) *De Hist. Animal. Lib. III. cap. XIII. in fine.*



3. Curatur ut inflammatio, maximè id. agendo, ut totum aver-  
tatur ab osse extrorsum; quod fomentis, & aliquando factâ inci-  
sione fit.

1. Omnium ergo maximè benignus ossium morbus erit ille, qui à perioste-  
o externo incipit. Dictum fuit §. 520, periosteum externum infinitorum vasorum  
texturâ consistere, adeoque inflammatio hic locum habere poterit (vide §. 373. 374.).  
nascique ab infinitis ferè causis, in Historia inflammationis ordine recensitis. *Nata*  
autem inflammatio, sequentur omnes ejus effectus, atque expectandi erunt varii  
ejus exitus.

2. Præcipua signa inflammationis sunt (vide §. 382.) tumor, rubedo, dolor;  
calor, pulsatio in loco affecto: si autem solum periosteum externum fuerit inflam-  
matum, neque in partibus incumbentibus simile vitium obtinuerit, patet facilè  
nec tumorem nec rubedinem percipi posse, sed dolor & calor, aliquando etiam pul-  
satio, in hoc casu signa inflammationis erunt. Ubi autem *rudius* tangitur locus  
affectus, sic ut pressionis effectus ad periosteum pervenire possit, augmentum do-  
loris nascitur: atque hoc signo distinguitur ab inflammatione periosteï interni,  
vel membranæ medullæ ambientis aut medullæ ipsius. Ut enim dictum fuit  
§. 527, tunc ab actu externo non augetur dolor, quia omnes illæ partes duri  
sub ossis tegmine tutò defensæ hærent. In illis verò locis, ubi validissimis musculis  
& magnâ pinguedinis copiâ teguntur ossa, uti v. gr; circa os femoris, non nisi  
à valida pressione dolor exacerbatur.

3. Cum enim omnia vasa, quæ ad ossis substantiam veniunt, prius per perio-  
steum externum transeant, & plurima ex illis innumeris ramulis per illud perio-  
steum distribuuntur, antequam ossi inferantur, patet satis, quàm periculosa sit  
inflammatio hic nata. Omnia enim mala, quæ numeris hic citatis recensita  
fuerunt, à periosteï inflammatione ortum ducere poterunt. Licet autem levis  
tantum in osse noxa fiat, ædiosissima tamen inde mala sæpe sequuntur. Si enim  
in parvo tantum loco os corruptum fuerit, nunquam periosteum ibi accrescet;  
sed vicina & incumbenria ab acri sanie irritabuntur, & sicut sæpe ab hac causa  
pestimæ & incurabiles fistulæ; inprimis si hoc contigerit in talibus locis corpo-  
ris, ubi magna moles incumbentium ossa tegit, sicque impeditur, ne ad laten-  
tis mali originem usque sectione via tutò parari possit. Si enim v. gr; periosteum  
ossis femoris, prope ejus articulationem cum coxa, inflammatum fuerit, atque  
in suppurationem abiverit, patet satis, quanta difficultas curationis futura sit,  
quòtque mala inde nasci poterint. Vidi sic egregium juvenem, post neglectam  
in hoc loco inflammationem profundam; ulcus sinuosum habuisse, quod per  
interstitia muscularum decurrens, quamvis postea repetitis sectionibus variis  
in locis exitus conciliaretur puri, nunquam tamen depurari potuit; unde,  
post summas misérias per annos toleratas, tandem tabe purulentâ periit. Post-  
quam ergo per diagnosin constitit, tale malum adeste, efficacissima statim  
remedia tentanda sunt, ut resolutione curetur talis inflammatio; sicque evite-  
tur suppuratio, adeo sæpe in his casibus periculosa; & multò magis adhuc  
gangrena.

4. Omnia ergo illa, quæ in curatione inflammationis resolvable commendantur  
Tom. I.

fuerunt §. 395. 396. 397. 398. 399. 400, illico adhibenda sunt: cùmque inprimis hic metuatur ossis suppositi corruptio, illud tentandum est omnis Artis molimine, ut extrorsum avertatur malum. Conducunt ergo inprimis illa, quæ §. 396. n°. 4, laudata fuerunt; mollissima hinc fomenta, & cataplasmata parti affectæ noctes dièsq; applicanda, curando, ut semper calida maneant: sic enim externa integumenta flaccescent, atque impetrabitur aliquando, ut huc versùs derivetur inflammatio, longè minùs nocitura, quàm si subiectum os ab eadem afficeretur. Plurima postea in morborum acutorum Historia occurrent Exempla, quibus constat, inflammationem, interiùs profundè delitescentem, sic posse versùs exteriora derivari summo cum levamine. Dixerat Hippocrates, (a) *Ab angina detento, si tumor & rubor in pectore oboriantur, bonum; foras namque vertitur morbus.* Unde prudentes Medici solent mollissimis fomentis externas partes fovere, imò aliquando & sinapismis irritare, felici toties cum successu. In molestissimo ischiadico dolore Hippocrates (vide Commentaria §. 229. n°. 1.) balneis, fomentis, linimentis partem emolliri voluit. Cucurbitulis admotis foras attrahere iussit alibi (b). In sævissima odontalgia illico solet levamen observari, dum tota facies in latere affecto inflata tumet.

Ubi autem his frustra tentatis nullum levamen observatur, superest tantùm, ut ad os usque omnia simul & semel difsecentur, si conditio loci permittat. In acutissima paronychia, quæ plerumque ab inflammatione periostei ultimæ phalangæ digitorum, aut tendinis affixi, nascitur, nisi audacter ad os usque incisio fiat citò, sideratur os, & extrema phalanga cadit, post summos dolores toleratos, & sinuosa ulcera, quæ sæpe omnia vicina depascuntur, & manum totam dein rigidam & immobilem reddunt. Tempestiva sectio omnia hæc mala præcavet. In dolore ischiadico, fomentis, balneis, cucurbitulis, &c, frustra adhibitis, profundè partem inuri debere veteres Medici omnes voluerunt. Quantum boni faciat sectio integumentorum cranii, ubi post contusiones aut vulnera metus est, ne calvaria os afficiatur, in vulnere capitis Historia dictum fuit.

§. 535. **T**ALEM inflammationem vergere in abscessum docent:  
 1. Signa valida inflammationis prægressæ (§. 34. n°. 2.)  
 2. Pulsatio, febris, horripilatio vaga. 3. Absentia signorum resolutionis (§. 386).

Quamdiu aliqua spes est, inflammationem periostei externi resolutione curari posse, omnia illa, quæ præcedenti paragrapho dicta fuerunt, tentanda erunt. Ubi autem in suppurationem vergit malum, alia quædam requiruntur. Sequentia autem docebunt, abscessum expectandum esse.

1. Levem inflammationem curari posse resolvendo spes est; ubi autem symptomata omnia vehementia sunt, & augmentur continuò, optimum, quod sperari poterit, suppuratio est. Dolor ingens, calor validi perceptio, & acuta febris, præcipua signa sunt, quibus docemur, profundam talem inflammationem irresolubilem esse, atque in abscessum vergere.

(a) Aphorism. Sect. VII. n°. XLIX. Charter. Tom. IX. Part. II. pag. 318.

(b) De Locis in Homine. cap. IX. Charter. Tom. VII. pag. 368.

2. Ubi inflammatio tendit in suppurationem, solent pleraque ejus symptomata augeri. Pulsatio ergo major erit, & distinctius percipietur in loco affecto; febris aderit plerumque, cum suppurationis comes sit, si alicujus momenti fuerit. Præcipuum signum dat horripilatio vaga; quæ dum adest, semper suppurationis, etiam in corporis interioribus delitelcentis, suspicio nascitur. Sentiant ægri tunc, ac si aqua frigida perusio corpore horrescerent, perfectè ferè ut in febrium intermittentium initio fieri solet: sed mox evanescit talis horripilatio, & postea nullo ordine servato redit. Docuerunt jam Observationes Præcticæ, tales horripilationes vagas tunc adeste quando inflammatio alicujus momenti in suppurationem transit.

3. Signa resolutionis, paragrapho in textu citatâ, explicata fuerunt. In his autem casibus, recens malum, dolor mitis, febris parva, & moderati tantum caloris sensus in parte affecta, spem resolutionis faciunt. Si ergo contraria his adfuerint, abscessus, vel gangrænæ, metus erit.

§. 536. **R**E autem ipsâ adeste docent signa suppurati profunda (387. 405).

Nisi ex præcedentibus constiterit, prægressam fuisse validam inflammationem, non adeo faciliè abscessus hanc sequens cognosceretur. In abscessu, qui versus superficiem corporis hæret, mollities partis, fluctuatio puris contenti, albitudo, &c, evidenter satis signa sunt, uti in *Commentariis* §. 405, explicatum fuit. Ubi verò malum hæret circa talia ossa, quæ magnâ incumbendum mole teguntur, difficillimè latens abscessus detegitur. Aliquando enim parca tantum copia puris inter os & periosteum collecti nullum tumorem sensibilem facit. Sæpe etiam accidit, non remitti dolorem in hoc casu, pure quamvis factu, quia illud sensum copiam auctum, nisi periosteum jam exederit, inter illud & suppositum os viam sibi facit, sicque lentâ dilaceratione periosteum ab osse divellit, unde acerbissimus dolor oritur. Non mirum ergo latens sæpe malum etiam peritissimos fallere, neque cognosci nisi seriis, corrupto jam osse, vel pure rupto periosteo, per vicina loca diffuso, & pessima ulcera sinuosa faciente. Ubi autem circa spinam tibiæ abscessus hæserit, satis faciliè cognosci poterit. In aliis verò locis ferè tantum novimus abscessum factum esse, quia præcesserunt talia signa, ex quibus abscessum fieri concluditur.

§. 537. **T**UM pus, exeso periosteo, os nudabit, vasis privabit, corrumpet, (531) brevi. (confer. 406.).

In suppuratione, uti dictum fuit §. 387, vascula inflammatoriâ materiâ non resolvable infarcta rumpuntur: cum ergo hoc in suppuratione periostei fit, tollitur vitale commercium in illa parte ossis suppositi, quæ à vasis per suppurationem jam destructis humores suos recipiebat, adeoque necessariò sequetur noxa in osse ipso. Præterea pus illud, in loco profundo hærens, sensum acris fiet, & superficiem ossis contiguam erodet, adeoque omnia mala brevi augebuntur: idemque mole auctum, nisi periosteo exeso per vicina loca dispergatur, magis magisque separabit periostei cum osse cohesionem, uti modò dictum fuit, adeo-

que major ossis pars nudabitur suo periosteo, & corrumpetur. Præter hæc mala, quæ à suppuratione periostei in osse subjecto contingunt, metuenda erunt adhuc omnia illa, quæ à pure diu in loco clauso relicto, & corrupto aliquando observata fuerunt. De his videantur illa, quæ in *Commentariis* §. 406, dicta fuerunt.

§. 538. **Q**UARE illico abscessus aperiendus, pus eliciendum; ulcus mundandum, (403. 404. 409. 410. 411.); dein simul os tractandum iisdem cautelis, ac. in vulneribus capitis cum cranio detecto, dictum (252. 253. 259. 260. 262. 266.).

Ut omnia hæc mala vitentur, & curari possint illa, quæ jam adsunt, nihil superest quàm audacter incidere omnia incumbentia, ut puri exitus fiat, & accessus detur ad os affectum. Difficile sæpe, imò & periculosum est, profundam talem sectionem facere, sed uti optimè *Celsus* de membrorum exstirpatione dixerat, (*a*) nihil interest, an satis tutum præsidium sit, quod unicum est. Cum verò in talibus casibus & Medentium fama, & ægri vita, sæpe periclitentur, summâ prudentiâ opus erit. Anatome magnorum vasorum & reliquarum partium, quæ vitari debent, situm demonstrat: notandum tamen, magnam sæpe varietatem decursus vasorum in diversis hominibus observari; adeoque in difficillimis casibus præstat, cute & pinguedine priùs dissectis attendere, an & quomodo ulterius tutò pergi possit, quàm simul & semel cultellum ad os affectum usque adigere. Accidit enim sæpe, integumentis communibus dissectis, pus rupto periosteo, per vicina loca diffusum viam invenire, quâ exeat, & monstrare semitam, quâ tuto sinuosi ulceris dissectio fieri possit, & ad locum affectum perveniri. Omnia illa, quæ de curatione abscessus numeris hic citatis dicta fuerunt, pariter observanda erunt. Cùmque plerumque in his casibus sinuosas vias pus sibi fecerit, & sordida sint illa loca, quæ pus alluit, inprimis si diutius relicta fuerit, blanda detergentia solent injici, qualia inprimis ex aloe, myrrhâ, mastiche, sarcocollâ, &c., sunt additis melle, terebintbinâ, & vitello ovi: hæc enim sufficient indicationi, quæ ulcus mundari præcipit, interimque ossi affecto proderunt. Omnia etiam illa, quæ in Historia vulnerum capitis dicta fuerunt de curatione cranii, quando illud pericranio orbatum erat, locum habebunt in his casibus, ubi post abscessum periostei os nudatur. Hæc numeris hic citatis videri poterunt.

§. 539. **V**ERGERE autem illam inflammationem (534) in gangrænam partis, docent: 1. Signa summæ inflammationis (388. 422.) 2. Indolentia partis sine bona causa. 3. Tumor densus, lentus, nec multum dolens incumbentium.

Quando in Historia inflammationis dictum fuit de vario ejus exitu, notabatur; gangrænam post illam sequi aliquando; & §. 388, descripta sunt signa, quibus

(a) Medicin. Lib. VII, cap. xxxiii, pag. 497.

futuram prævidere, & præsentem cognoscere possemus. Verùm inter illa signa quædam erant, quibus in parte corporis externa gangrænam adesse significabatur, per quæ tamen gangræna periosteï in profundo latens distingui nequit. Bullulæ enim epidermidis, color lividus, fuscus, niger, &c, non adiunt, nisi omnia jam corrupta fuerint. Agitur autem hic de illis signis, quibus gangræna periosteï cognosci possit, licet incumbentes huic partes nondum simili labe affectæ fuerint.

1. Summam inflammationem adesse ex vehementia symptomatum, illorùmque subito augmento, cognoscitur. Præcipua signa inflammationis periosteï, ut dictum fuit §. 534. n.º 2, sunt dolor, calor, & pulsationis profundæ sensus; quæ ergo omnia si admodum valida fuerint, & subito incrementum, merito gangræna metuitur.

2. Quàm fallax sæpe signum sit doloris absentia subita in validis inflammationibus, dictum fuit §. 388, & §. 427. n.º 2; atque ibidem datæ fuerunt rationes, quare, destructis per validam inflammationem partibus, doloris cessatio sequatur. Idem ergo & in hoc casu locum habebit. Ubi inflammatio curatur per resolutionem, dolor quidem minuitur, sed sensim & per gradus; neque summam inflammationem unquam bona resolutio sequetur, ut patuit ex illis, quæ §. 386, dicta fuerunt. Quando ergo sine bona causâ, id est, absque signis resolutionis, post summam inflammationem subita doloris ablatio sequitur, pessimum signum est, & semper gangrænam inflammationi successisse indicat.

3. Propagatur tunc labe per partes incumbentes, atque inprimis afficitur panniculus adiposus, qui levibus sæpe de causis in maximum tumorem attollitur. Cùm autem omnia symptomata inflammationis ferè cessent, ubi gangræna adesset, tumor ille non habebit duritiem illam & renitentiam, quam observamus in phlegmone, sed flaccidus erit, vix dolens, semperque in hoc casu designat, panniculum adiposum pariter jam gangrænosum fieri. Videantur & illa, quæ in *Commentariis* §. 427. n.º 4, dicta sunt.

§. 540. **A**DESSE jam, scimus ex iisdem (§ 39), tum ex colore incumben-  
tium pallido, cineritio, livido.

Ubi enim illa signa, quæ docent, inflammationem periosteï vergere in gangrænam, manent vel augentur, novimus fati, illam jam adesse vel brevi futuram. Mutatus color integumentorum (de quo vide §. 388, & 427. n.º 3.) designat, gangrænam in periosteio inceptam jam propagari per incumbentes partes. (a) *Propter os agrotans, caro livida, malum, dixit Hippocrates.*

§. 541. **T**UM Os nudum, vasis, succoꝝque vitali orbum, acri  
putrefactâ materie gangrænosâ exeditur in cariem (§ 26);  
serpit citò contagio crescente.

Corrupto enim per gangrænam periosteio, omnis vitalis influxus & effluxus humorum tollitur in illo ossis loco, cui periosteï pars, jam corrupta, solebat prospicere, adeoque extima lamella ossis morietur. Vasa media inter hanc & sequentem lamellam à vasis periosteï interni per ossis substantiam dispersis, vel à

(a) Aphor. Sect. VII, n.º. 11, Charner. Tom. IX, Part. II, pag. 293.

vasculis inter lamellas ossis decurrentibus, & à vicino periosteo externo adhuc sano derivatis, vitales humores poterunt recipere: sed mortua pars his incumbens brevis suffocabit & in illis vitam, & tabus gangranosus mortuorum partium erodet omnia, unde pessima caries in osse nascetur. Omnibus jam incumbentibus unà cum osse ipso corruptis, adest sphacelus, ut ex ejus definitione §. 419, & 420, data patet. Verum à sphacelo vicinorum cita infectio sequitur (vide §. 432.), adeoque patet ratio, quare hoc malum contagio citò crescente serpat.

§. 542. **E**RGO statim locus affectus ad os usque incidendus, muniendus, os verò curandum ut suprà dictum (248. 249. 252. 258. 259. 260. 261. 262. 266.

Tota spes curæ in eo consistit, ut, si adhuc aliquid vitalis in ossis substantia superest, illud liberatum à mortuo incumbente separet corrupta, & retexat perditam substantiam: vel, si jam per totam ossis crassitiem mortua sint omnia vasa, factà aperturà in osse ipso via fiat, quâ medulla corrupta expurgari queat. Impossibile enim est, in tali casu, medullam bonam manere posse, dum tota ossis substantia mortua est. Debet ergo statim, incisione factà ad os usque, detegi latens malum: neque adeo crudele hoc erit, cum plerumque omnia incumbentia gangranosa sint. Merito ergo de horum malorum cura agens *Celsus* dixit (a), *Oportet autem ante omnia os nudare ulcere exciso, & si latius est ejus vitium, quàm ulcus fuit, carnem subsecare, donec undique os integrum pateat*. Si enim, ut dictum fuit §. 534. n°. 4, aliquando incisione opus sit vivarum partium periosteo inflammato incumbendum, ut ab osse avertatur malum, longè magis necessarium erit talem sectionem facere, quando gangræna jam adest, ipsiusque ossis corruptio. Nulla enim depuratio poterit fieri ossis affecti, nisi via priùs extrorsum pateat.

Sectione ergo factà, interponuntur plumaceola siccissima vulneris labiis, quæ in diem sequentem relicta, madefacta ab affluentibus humoribus, tument, magisque dehiscere faciunt vulneris aperturam; sicque hoc factò patebit oculis nudum os, poteritque ex mutato ejus colore, asperitate, &c, cognosci, qualis & quanta corruptela addit. Videantur de his illa, quæ in *Commentariis* §. 249, dicta sunt. videtur & *Hippocrates* probasse hanc curandi methodum. Ubi enim agit de encephali sphacelo, describit ipsius calvariae corruptelam, (ut alià occasione in *Commentariis* §. 432, dictum fuit) habetque sequentia: (b) *Si fideratio cerebrum invaserit, dolor paulatim anteriorem maximè capitis partem detinet, & intumescit, & livescit, febrisque ac rigor prehendit. Quam sic habuerit, secare oportet, quâ parte tumuerit, & os perpuratum radere*. In vulnere capitis *Historia* dictum fuit, de pulcherrima illa methodo, quâ minimis cuneolis leviter perterebatur calvariae os, ut vasis vivis suppositis via fieret, sicque citius & melius separaretur ossis corrupta pars, & regeneraretur perditâ substantia. In aliorum ossium similibus morbis hanc methodum prodesse posse, facile patet. Sed ut inde aliquid boni sperari possit, nondum tota ossis substantia corrupta esse debet, sed sub parte mortua vitalia adhuc vasa requiruntur. Ubi ergo os, incisione detectum,

(a) *Medicin. Lib. VIII, cap. 11. pag. 108.*

(b) *De Morbis Lib. I. cap. viii. Charier. Tom. VII. pag. 559.*

penitus corruptum invenitur, ferro vel igne tollendam partem mortuum jussit *Celsus* (a); & post illum celebres Chirurgi. Quantum autem etiam in his casibus valeat natura, bono victu & idoneis remediis adjuta, patuit in miro illo casu, cujus in *Commentariis* §. 530, mentio facta fuit. Maxima enim pars ossis tibiæ abscessit sensim, & educta fuit; posteaque renatus fuit callus adeo firmus, ut ægra incedere, currere, & saltare poterit, absque ulla noxa.

§. 543. **S**I periosteum internum (§ 522) inflammatur, causas agnoscit easdem (§ 534); effectusque habet, quoad os internum, eosdem; exitum in abscessum, aut gangrænam eundem (§ 535. 539.); sed ob denegatam exhalationem, pejorem; unde medulla tota, totum inde os, foetidissimâ putredine, & carie pereunt.

Periosteum illud internum, osium concavam superficiem tegens, de quo §. 522; dictum fuit, tutius defenditur, quàm periosteum externum, adeoque rariores in illo occurrunt morbi. Cum autem hæc membrana vasculosa sit, inflammationis causæ plurimæ & hic adesse poterunt, adeoque & varii inflammationis exitus. Uel jam periosteum externum innumera vascula per ossis substantiam distribuit, atque inde redeuntia recipit; sic & hoc obtinere videtur in periosteio interno. Cumque vitia periosteï externi os ideo imprimis afficiant, quòd, destructis vasculis his, vitalium humorum circuitus per ossis substantiam tollatur; idem verum erit & in morbis periosteï interni. Adeoque poterit interna ossis superficies corrupti, licet externa ejusdem pars adhuc sana maneat. Videtur hoc confirmari Observatione *Ruychianâ*, de qua in *Commentariis* §. 522, dictum fuit. In ossis enim cubiti cavo fistula ossea, integre separata ab ejusdem substantia exteriore, libera & mobilis hærebat. Unde sicut in calvariæ osse pericranii vasa externæ tabulæ prospiciunt, duræ matris verò vasa internæ tabulæ; ita & sæpe in ossibus majoribus cavis obtinet: atque uti in diploe, inter binas cranii tabulas mediâ, hæc vascula pericranii & duræ matris concurrunt, ita fortè & in media ossium substantia simile quid sit. Os humeri servavit *Ruychius* (b), in quo osseo-spongiosa substantia, tamquam in diploe cranii, reperitur inter duas lamellas, sequæ hoc in nonnullis ossibus observasse affirmat; atque inde explicat, quomodo tubulus talis osseus ab externa parte ossis separari posset. Alibi (c) idem Auctor similem casum habet, quo modò dicta confirmantur. Ex osse enim tibiæ, inveteratâ carie corrupto, naturæ vi emerit frustum osseum teres & cavum, cujus figuram in tabulis suis expressit. Omnia ergo mala, quæ ossibus accidunt à periosteio externo inflammato, suppurato, aut gangrænosæ, similiter fieri poterunt, si periosteum internum iisdem afficiatur morbis. Si autem consideretur, omnem corruptelam inde natam in medio ossium cavo hæere, nullamque dari viam, quâ, exire possit, patet evidenter, longè magis metuendos esse illos morbos, qui periosteio interno accidunt; brevi enim medulla inde corrumpetur, fiéntque omnia illa mala, quæ §. 526, enumerata fuerunt.

(a) Medicin. Lib. VIII. cap. 11. pag. 509.

(b) Theatro X. n.º. CLXXVI. pag. 35. 36.

(c) Musæi Anatom. pag. 172. Fig. VI. VII.

VIII. & Theat. Anatom. VIII. n.º. VIII. pag.

7. Tab. III. fig. 2. 3. 4.

§. 544. **U**NDE etiam liquet, siue membrana hæc (§22) primò ipsa inflammetur, siue à corrupta priùs medulla contagio suscepto læsa sit, eundem brevi oriri morbum ossis cariosi à medulla putrefacta, vix unquam curabilem.

Periosteum enim internum concavam ossium superficiem tegit, & membranz communi, quæ medullæ folliculos collectos ambit, contigua est. Unde facillè patet; inflammato periosteio interno, brevè debere medullam affici. Si enim hæc inflammatio in abscessum vel gangrænam terminetur, evidens est, pus vel saniem debere tenerrimam medullæ fabricam erodere; adeoque illam corruptam fore brevè, & secutura esse omnia illa mala, quæ §. 526, recensita fuerunt. Difficultas curationis patebit ex illis, quæ in *Commentariis* §. 528, dicta sunt. Neque facillè credo quis distinguere posset, an membrana medullam ambiens, aut medulla ipsa, an verbè periosteum internum inflammatum sit; cum in utroque casu signa profundæ inflammationis adsint, neque attractu rudiori augeatur dolor; atque effectus similis sit, nempe caries ossis, & medullæ pessima putredo. Unde & eadem medela requiritur, uti statim dicetur.

§. 545. **C**OGNOSCITUR id malum, quando in inflammatione subsistit hætenus. 1. A signis inflammationis generalibus (§382); 2. A loco profundo. 3. A dolore obtuso, fixo, diuturno, nulli remedio externo cedente, nec ad attractum aucto; 4. sed post motus musculares incremente.

Cum plerumque sædè tantùm cognoscatur hoc malum, ex pessimis nempe effectis; sedulò investigari debent illa signa, quibus hoc detegi in ipso initio posset: quod tamen fati difficile videtur.

1. Cum pleraque signa inflammationis, numero hîc citato descripta, in locis externis corporis tantùm observari possint; solus tantùm calor, & dolor, atque fibrilis inflammatio plerumque comes, si alicujus momenti fuerit, tamquam signa hujus mali considerari poterunt. Pulsatio enim in loco tam profundo vix percipietur, in primis, quia vascula periosteï interni tenerrima sunt.

2. Si jam hæc inflammationis signa adsint, neque tamen in externis partibus aliquid mali percipiat, magna suspicio est in intimis ossium recessibus hætere morbum.

3. Solent tales ægri conqueri, quodd sentiant ossa ab interioribus extrorsum quasi diffindi. Dolor ille fixus in eodem loco manet, obtusior quidem, sed molestissimus, cum nec mutato partis dolentis situ, neque ullis fomentis, cataplasmatibus, &c, mitigetur; interimque attractu quamvis rudiori, non exasperetur. Ratio facillè ex antè dictis patet.

4. Patuit ex illis, quæ in *Commentariis* §. 524, dicta fuerunt, oleum medullare ex cavis ossium transire posse in articularum cava, ossium mobiliùm extremis & ligamentis articularum inungendis & lubricandis inserviens; sicque consumi per auctos motus corporis. Unde ergo per hos motus stagnantia in ossi-



sium cavis deducuntur in motum, & tardiùs mota celerìus agitantur. Proinde si dolor adsit ab inflammatione in periosteio interno, vel & in membrana medullari, evidens est, accelerato per has partes humorum motu, illum debere augeri. Istud doloris augmentum semper acri ab hac causa sentiunt, uti etiam si vini vel aromatum copioso usu incaluerint.

§. 546. **S**ANATUR tum: 1. Curatione ad inflammationem generali (à 395, ad 401.) 2. Deinde, simulac apparuerint resolutionis incipientis signa (386). methodo propòsitâ (529), strictè satis observatâ.

1. Illa inflammationis curatio, quæ per resolutionem fit, omnium maximè optabilis est, semperque quærenda (vide §. 401.): verùm in hoc casu difficillimè obtineri poterit. Rarò enim primis diebus talis morbi Medici consuluntur, cum obtusus dolor & profundissimè hærens vel negligatur sæpe in initio, vel externis remediis, vix profuturis, tentetur. Quantum autem conducat ad resolutionem inflammationis, ut morbus recens sit, patuit ex illis, quæ ad §. 386, dicta sunt. Præterea fomenta, frictiones, balnea, &c, quæ tanti usûs sunt in hac inflammationis curatione, ad partem affectam minimè pertingere poterunt. Unde nihil hic superest, quàm venæsectione & purgantibus antiphlogisticis impetum & copiam liquidi arteriosi minuere, & victu tenui, remediisque diluentibus & attenuantibus uti.

2. Si symptomata inflammationis post hæc remedia adhibita minuantur quidem, neque tamen integre cessent, non licet acquiescere, sed omni Artis molimine tentandum est, ut integra curatio fiat. Minimum enim in hoc loco relictum malum pessimorum & incurabilium sæpe morborum origo postea esse poterit. Adeoque licet sedata fuerit inflammatio, præstat tamen methodum illam adhibere, quæ §. 529, explicata fuit, ut minimæ etiam prioris mali reliquæ tollantur. Cum autem in hac methodo, repleto priùs per decocta lignorum corpore, febri artificialis exciretur, patet facillè, hanc tentari non posse, priùsquam cura inflammationis prægressa fuerit, aliter enim omnia in pejus ruerent.

§. 547. **S**I verò suppuratio hîc, vel gangræna acciderit, & per prægressæ inflammationis internæ signa (245) valida, tum ex dolore fixo, profundo, obtuso noscitur; vel methodus (529), vel nihil sanat.

Ubi autem remedia, inflammationi per resolutionem curandæ propria, vel non adhibita fuerunt, vel serò; aut tam valida fuerit inflammatio, ut omnibus his, licet tempestivè adhibitis, resolvi non potuerit, expectandi sunt alii inflammationis exitus, suppuratio nempe vel gangræna. Cum verò puri vel gangrænosus tabo, hic collecto, nullus detur exitus, patet satis, quanta mala metuenda sint. Cognoscitur hos inflammationis exitus adesse, ubi signa resolutionis abfuerint, & dolor fixus, profundus, & obtusus adsit. Unica tunc curæ spes superest in methodo illa §. 529, descripta, ut nempe ablatur omne corruptum, Si verò neque sic curari possit malum, &

incisione incumbentium partium tutò possit fieri via ad os affectum, terebrâ illud perforandum erit in cavum usque, ut exire possit corrupta sanies. Felici cum succellu hoc factum fuisse aliquando, patet ex illis, quæ ad §. 530, dicta fuerunt. Tentata fuit aliquoties salivario, per argentum vivum excitata, in his casibus; nunquam tamen illam profuisse vidi; adeoque satis patet, ab aliis remediis nihil boni expectandum esse.

§. 548. **T**UM enim putrefactâ totâ mole ossis internâ, tumefacto, inflammato, carioso interno osse, periosteum externum inflammatur, distrahitur à tumore, eroditur ab acri; incumbencia, lento contagio corrupta, spongiosa fiunt, tument, dolent, totum membrum perit: sola exstirpatio sanat.

Pus enim in loco clauso calido retentum attenuabitur, putrescet, acie fiet (vide §. 406.). Gangrenosus tabus, si adfuerit, longè citiùs adhuc in pessimum indolem degenerabit. Oleum medullosum, corrosis vesiculis illud continentibus, effusum stagnabit, & acrimoniam rancidam, quâ nulla pejor est, acquirere. Adeoque brevè totum ossis cavum putridissimâ sanie & acerrimâ replebitur. In casu illo, in *Commentariis* §. 530, memorato, dum trepano perforabatur tibiæ os, putridissima sanies exibat, & apparuit evidenter, totam medullam sic corruptam fuisse. Concava ergo ossis superficies ab acri hoc ichore erodetur, vascula inter lamellas ossis media inflammabuntur, lamellæ antea contiguæ separabuntur, fiet tumor in ossis substantia, tandemque erodentur. Dum autem hæc fiunt, novi dolores oriuntur: corruptis enim omnibus partibus, quæ ossis affecti cavo continentur, dolor, qui priùs aderat, cessat sæpe, vel saltem admodum obtusus manet. Verùm ubi periosteum externum, quod adeo sensibile esse novimus, incipit distrahi à tumore, vel erodi ab acri sanie huc usque jam penetrante, acerbissima tormenta patiuntur ægri: incipiunt tunc partes molles ossi incumbentes affici, & lento contagio corrupti. Oriunturque tumores harum partium, & imprimis in panniculo adiposo, satis magni, sed spongiosi, & tactui cedentes. Sensim sic versus exteriora malum propagatur; corrumpuntur omnia; & totum membrum perit. Ultimò enim omnibus, unâ cum osse ipso, mortuis, verus adest sphacelus, quem sola exstirpatio sanat. In gangrenis pessimis, validissimisque contusionibus, licet plurimæ partes destructæ forent, semper ferè aliqua adhuc spes aderat, sub mortuis partibus hæere viva vasa, quorum ope corruptum separari, & perditum regenerari posset. In hoc verò casu non afficiuntur partes molles, nisi ossa supposita priùs omnino corrupta fuerint.

§. 549. **Q**UALITAS venerea, scorbutica, rachitica, est causa frequens: inde intelligitur, quid sit gummi, tophus, nodus, exostosis, abscessus, caries, spina ventosa in osse.

Licet autem inflammatio periosteï interni, membranæ medullam ambientis, & folliculorum medullosum oleum continentium, possit nasci ab omnibus ferè causis, quæ inflammationem in aliis locis corporis producere valent; tamen, cum adeo

tutò defensæ lateant hæ partes, rariùs à communibus causis hic inflammatio oritur. Sed observatum fuit, in quibusdam morbis natam in sanguine cacochymiam versus ossa potius deponi, atque illorum fabricam corrumpere. Tales sunt inprimis,

**QUALITAS VENEREA.** Frequentissimis Observationibus constat, ut postea latius in luis venereæ Historia dicetur, subtilissimum illud contagium, sanguini mistum, dein ad varia corporis loca deponi, atque ibi sensim erodere omnia, simulque tali præditum esse efficacità, ut humores sanos corrumpat, & in suam naturam convertat sic, ut ab illi iterum similia mala, in vicinia loci affecti non tantùm, sed & in distitis partibus, oriuntur. Parebit etiam postea, virus illud oleosis & mucosis nostri corporis humoribus quàm maximè intricari: non mirum ergo erit, si pingui oleo, sive per ossium substantiam disperso, sive in illorum cavis collecto, se insinuet, & deinde lentà erosione, ut solet, corrumpat omnia. Omnium pessimi ossium morbi à lue venerea frequentissimè nasci observantur; inprimis si diu in corpore jam hæserit, altàsque radices fixerit, rariùs enim à recenti hoc malo ossa insciantur. Oriuntur tunc dolores illi pertinacissimi, sæpe nullis remediis cedentes; aliquando tamen, post curam per salivationem, vel per decoctum guaiaci, mitiores facti, recrudescunt postea. Quomodo ipsa ossium medulla à venerea lue corrupta fuerit, patuit ex illo casu, cujus in *Commentariis* §. 530, mentio facta fuit. Innumeris autem fide dignissimorum Auctorum Observationibus confirmari posset, ossa pessimè à lue affici sæpissime. Costas, sternum, clavículas inde exesas vidi, vertebrae colli erosas ab ulcere venereo pharyngem depascente; totam tabulam exteriorem ossis bregmatis dextri cariosam factam cecidisse memini, &c. Hæc sufficient, ut probetur, veneream luem satis frequentem causam dare ossium morbis.

**SCORBUTICA.** Prima ferè scorbuti signa circa gingivas & dentes apparent, notissimùmque est, ab hoc morbo cariosos dentes factos frustillatim excidere, non tantùm, verùm etiam maxillam ipsam in parte sua ossæ pessimè aliquando affici. Ulcera illa pertinacissima crurum, quæ scorbuticis adeo frequentia sunt, sæpe ossium cariem comitem habent. Quinimo in pessima scorbuti specie omnia ossa cariosa inventa fuerunt (a). In magno militum ab hoc morbo defunctorum numero invenit *Petitus* (b) periosteum in plurimis corporis locis integre solutum fuisse ab ossibus, atque sub periosteo hæsisse lympham fuscam, vel nigricantem sœtoris intolerabilis. Unde satis patet, quàm funestum ossibus malum scorbutus sit, inprimis si inveteratus fuerit morbus; tunc enim dolores ossium nocturnos inprimis, & plurima signa cum lue venerea communia habet.

**RACHITICA.** Quando postea de rachitide peculiari capitulo dicetur, parebit, illum morbum magnam cum scorbuto affinitatem habere, & sæpe non carere suspitione lenis labis venereæ admixtæ: omnium frequentissimè enim infestat tales infantes, qui geniti sunt ex parentibus labi venereæ & iteratis gonorrhœis olim obnoxii. Videmus autem, ossa in hoc morbo pessimè affici: dentes enim nigrescunt, & cariosi excidunt, epiphyse protuberant, & levi vi solvuntur ab ossibus, quibus coherent, & in peiori hujus morbi gradu sæpe caries ossium & spina ventosa observantur.

Ex hætenus dictis intelliguntur sequentes ossium morbi.

**GUMMI.** Sic solet vocari tumor, ex ipsa ossis substantia enatus; talis

(a) Académ. des Sciences, l'an 1699. Mém. |

(b) Traité des Maladies des Os, Tom. II. pag. 369.

tenacitatis & mollitiei, ut digitis cedat, serè uti solent gummi ex arboribus illantia, & concreta, dum radiis solaribus mollescent, vel nondum perfectam duritiem acquisiverunt. In lue venerea laborantibus satis frequenter tales tumores in capite, uti etiam in media & solidissima parte majorum ossium, observantur. Videntur autem hi tumores fieri, quando vascula inter lamellas, ossium substantiam constituentes, decurrentia, obstructa vel inflammata dilatantur, & lamellas incumbentes elevant. Forè etiam in his tumoribus ipsa ossis substantia propriè dicta, naturaliter adeo dura, in mollitiem præternaturalem & morbosam degenerat. Docuerunt mirabilia Observata, à latentibus sæpe causis ossium compagem sic mollescere posse. In *Commentariis* §. 512, ex *Petii* Observatione dictum fuit, femoris ossis caput, & ossis ischii cavum in carneam molem mutata fuisse, quæ levi etiam tactu sanguinem funderet. Apud eundem Auctorem plures alii casus habentur (a), quibus probatur, ossa sic emolliiri quandoque (cartilagine autem, quibus ossa hæc emollita tegebantur, naturalem duritiem retinuerant). In omnibus his casibus tamen ossa tantum in quibusdam corporis locis amiserant suam consistentiam: mirabilis autem Observatio docuit, omnia sic mollescere posse. Fœmina viginti & duos annos nata, post febri inceptis validos dolores per totum corpus pati, deinde pedibus insistere non potuit amplius, & optimè formati corporis figura mutabatur; simulque corporis statura sic decrecebat, ut novemdecim mensium spatio integro pede brevior facta fuerit. Non poterat misera loco moveri, quin ossa incurvarentur: tumebat toto corpore, cuiusque dura, & longè crassior solida, fiebat: interrim avidè manducabat. Post mortem inventa fuerunt omnia corporis ossa, dentibus solis exceptis, mollitiæ ceram superare, poterantque faciliùs scindi, quàm carnes. Nulla erat in ossibus his emollitis cavitas, neque medullæ vestigium. Reliquæ omnes partes corporis naturaliter se habebant (b). Patet ergo ex his omnibus, posse in morbis emolliiri ossa, atque frequenter observatum simul fuisse, ossa sic emollita in quibusdam locis, à topico malo, simul intumuisse, unde origo horum tumorum apparet.

Simul constat ex dictis, ossium illam mollitiem aliquando post abscessus vicinarum partium sequi, quandoque in ipsa ossium substantia mali hujus originem esse, & imprimis dum lue venerea ossibus hæret. Interim tamen etiam simile malum in ossibus observatum fuit, licèt nulla causa detegi potuerit. An acida sanguinis cacochymia ossium mollitiæ causa aliquando esse possit? Videmus in debilibus pueris, quorum victus pro maxima parte ex aciescentibus constat, interimque vires vasorum & viscerum tam debiles sunt, ut chyli, ex ingestis nati, indolem superare nequeant, rachitici tories nasci, & ossium nimiam flexilitatem. Dum liquor, in quo servabat factum humanum *Ruychius*, acidior jussu factus erat, costæ sic emollitæ fuerunt, ut illas vario modo flectere non tantum, verum funiculi instar in nodum torquere potuerit (c).

**TOPHUS, NODUS.** Quando tumor talis in osse natus durior est, quàm gummi, mollior tamen adhuc, quàm os ipsum cui adhæret, tophus vel nodus vocatur. Solebat celeberrimus *Boerhaavius* tophos, comparare cornubus vitulorum, dum adhuc sub cute hærent; nodos verò iisdem, quando jam extra cutim promi-

(a) *Traité des Maladies des Os*, Tom. II. pag. 410, & suiv. Académ. des Sciences, l'an 1722. *Mém.* pag. 311.

(b) *Ibid.* l'an 1700. *Histoire*, pag. 46. 47.

(c) *Thef.* IV. n°. xxxviii, pag. 11. *Thef.* VI. n°. xlii. pag. 22.

nebant, & tamen nondum cornu duritiem habebant. Unde patet, tophum & nodum non differre à gummi, nisi tantum majori firmitate.

**EXOSTOSIS.** Sic solet vocari tumor ossium, qui duritie os ipsum æquat, vel & superat. Aliquando totum os, in omni sua parte mole auctum, facit exostosim, quod in ossibus carpi & metacarpi, tarsi & metatarsi, & in digitorum phalangis quandoque observatur. In majoribus ossibus hoc rarissimè accidit, sed plerumque quædam tantum horum pars in talem tumorem elevatur. Ossium nutritio & incrementum, & restitutio perditæ ossium substantiæ, de quibus in vulnere capitis & fracturarum Historia dictum fuit, probant, ex humoribus sanis, debitâ copiâ & impetu delatis per vasa bona, osseam ipsam duram substantiam renasci posse. Quin etiam in fracturarum curatione toties observatum fuit, renatum callum in junioribus inprimis, attolli ultra ossis reliqui superficiem, & postea sæpe totâ vitâ tumorem durum, & osseum, relinquere. Verùm illa substantia, quæ ossa fracta unit & consolidat, & restituit perditum, primò mollis est, sensim tantum osseam duritiem acquirit (vide §. 294.). Si ergo quacumque de causâ dilatentur vascula, quæ adferunt materiam, ex qua os nutritur, & perditâ restituantur, poterit fieri augmentum molis, & tumor in osse ipso. Cùmque inter lamellas, quarum variis stratis ossa majora constant, talia vascula distribui, admodum probabile sit (vide *Commentaria* §. 252.), poterit & in his interstitiis augeri ossis moles, & lamellæ à se mutuo distendi; adeoque augeri quàm plurimum ossis crassities.

Prout nunc tumores hi in ossibus nati versus exteriora vel interiora præeuberant, pro vario loco ossis, quem occupant, pro diversitate partium vicinarum, quæ ab his tumoribus læduntur, pro varia denique talium tumorum mole & figura, diversa mala sequi posse, & satis sæpe mirabilia, in corpore humano, docet *Historia Medica*.

*Ruysschius* (a) ossis tibiæ partem, exostosi affectam, serrâ divisit secundum longitudinem, atque tunc invenit exostosin cavernosam ex interna superficie ossis enatam, atque medullæ cavum angustantem. Patet faciliè, quanta mala fieri possint à tali exostosi, cùm medulla inde comprimi & lædi debeat, adeoque metuenda sint omnia illa, quæ §. 526, enumerata fuerunt. Exostoses illæ, quæ in media & solidissima ossium majorum parte nascuntur, plerumque satis duræ sunt in tota sua mole: illæ autem quæ prope juncturas hærent, aliquando exterius tantum duræ inventæ fuerunt, & sub hac crusta mollium partium inter secedentes hic lamellas osseas hærentium, miræ degeneraciones in carnem fungosam, pus, faniem, mucum, &c, fuerunt observatæ (b). Si interior cranii pars in talem tumorem attolleretur, patet evidenter à compresso encephalo epilepsiam, paralysem, apoplexiam, &c, metuenda esse. Dum verò ex osse temporis emergebat exostosis, per quindecim annos sine magno malo illam toleravit miles, licèt sensim auctâ mole tandem melonem minorem magnitudine æquaret: dùmque in homine, post lithotomiam in ipso factam mortuo, serrâ dividebatur exostosis, candore & duritie internæ suæ substantiæ ebur referebat (c). Cùm autem exostoses, in externa ossium superficie natæ, perio-

(a) *Theatrum*. X. n<sup>o</sup>. CLXXVIII, Tab. II.  
§. 4. & 5.

(b) *Petit Traité des Maladies des Os*, Tome II. pag. 358. 388.  
(c) *Ibid.* pag. 381.

stem incumbens lentâ distrâctione afficiant, molefissimi & diuturni aliquando dolores inde fiunt, omnîumque acerrimi; sed citiùs tamen cessantes, si acutam figuram tales tumores habuerint. Vidit *Petitus* (a) ex osse tibiz emergentem exostofin, apophylli styloideæ similem, quatuor lineis Geometricis ultra ossis superficiem prominentem, quæ acutissimos dolores in initio fecerat, sensim minutos, tandèmq̃ue indolens talis tumor ossis remansit.

Solent jam ossei hi tumores externas læsiones aliquando sequi; paritèrque observantur fieri ab internis causis; & nunquam frequentius quàm à venera lue: in pessimo scorbuto crurum ulcera, rebelia toties ad omnia remedia, ossium caviem sæpe, aliquando & exostofin, comitem habent. Exostoses, ab externis causis orræ, plerumque benignioris indolis esse solent, sed & difficulter curari possunt: quæ internis verò causis originem debent, debellatis his morbis, aliquando cedere solent vel saltem plurimùm minui; quod in exostosis veneris frequenter observatur. A levibus etiã contusionibus exostoses nasci posse constat, inprimis in illis locis, ubi ossa paucis tantùm incumbentibus teguntur: unde toties tales tumores in spina ossis tibiz observantur: cùmque satis frequentibus læsionibus soleat ostendi hæc pars, monuit *Petitus* (b), rarò inveniri homines, qui aliquam saltem non habeant inæqualitatem in hujus ossis superficie. Quàm enormes autem ossei tumores validas contusiones aliquando sequantur, patebit ex sequenti casu. Juveni sedecim annorum sexto ætatis anno sinistra manus validè confusa fuerat, integre inde curatus fuisse videbatur. Parvo tamen tempore elapso, incipit manus tumere, sensimque mole augeri per decem annos continuos, atque omnium maximum tumoris augmentum observabatur ultimo biennio. Quanta verò moles fuerit partis affectæ, faciliè intelligitur, cùm sex libras pondere suo excederet. Exsclirpatione factâ supra carpi articulum apparuit, pollicem & indicem illæso fuisse, reliquorum autem digitorum phalanges in maximam molem excrevisse, & fecisse tres distinctas exostoses, quarum maximæ diameter septem circiter pollices, mediæ sex, minimæ quatuor æquabat (c).

Exostoses, quæ à læsione externa factæ fuerunt, rarò curantur, nisi manuum operâ tolli possint; at cùm plerumque benignæ satis indolis esse soleant, vix suaderi potest, ut periculosa sæpe, & semper satis difficilis, cura, tentetur, nisi mole, figurâ, aut situ, magna mala fiant.

Illæ verò, quæ causis internis originem debent, ablatis his, sæpe sanantur, vel plurimùm saltem mole minuuntur: si verò, sanatis morbis, manent tamen exostoses (quod in venera lue quandoque observatur) incisis integumentis, ferro vel igne tolli possunt, si magnum ab his relictis malum metuatur: plurimos tamen casus vidi, ubi post curatam luem manserunt exostoses, & quidem per plurimos annos, solâ tantùm deformitate partis affectæ nocentes. Quàm autem methodo commodissimè tolli possint tumores illi ossei, apud modò laudatum Auctorem videri potest (d).

ABSCCESSUS. Quid hoc nomine intelligatur in partibus corporis mollioribus, dictum fuit in *Commentariis* §. 402; patuitque ex antè dictis §. 516, ossa similes morbos pati posse. Ex plurimis etiã Observatis, quorum in hoc capitulo

(a) *Traité des Maladies des Os*, Tom. II.

pag. 436.

(b) *Ibid.* pag. 435.

(c) *Académ. des Sciences*, l'an 1720. *Mém.*

pag. 581. & suiv.

(d) *Traité des Maladies des Os*, Tom. II.

pag. 518.

mentio facta fuit, confluit, in cellulosa ossium parte prope juncturas, & in mediis ossium majorum cavis inflammationem natam transivisse in abscessum. Præterea etiam ipsa ossis propriè dicta substantia abscedere dicitur, quando una vel plures lamellæ, ex quarum adunatione ossa constituuntur, mortuæ & corruptæ à vasis vivis suppositis solvuntur & separantur; atque deinde regeneratur similis lamellis his separatis substantia; cui nova periostei textura increvit, sicque integre restituitur illud, quod perierat. Videantur illa, quæ de hac re in *Commentariis* §. 252, dicta fuerunt; ubi simul notatum fuit, *Hippocratem* jam in capitis vulneribus notasse, quòd os nudatum, vel teli vestigium in osse relictum, plerumque abscederet ab alio osse vitam & sanguinem habente. An non etiam ad abscessus ossis referri possent miræ illæ *Ruysschianæ* Observationes, de quibus §. 522, & 543, dictum fuit; quando nempe in medio majorum ossium cavo teres fistula ossea separata à reliquo osse inveniebatur?

**CARIES.** Gravius omnino, & distinctum penitus ab ossium abscessu, malum. Ubi enim os abscedit, cohæSIONem suam adhuc retinet, & plerumque lamellæ formâ separari solet. In carie verò adeo corrupta & exesa est ossis substantia, ut in pulverem faciat. Majorem ergo longè corruptelam ossis designat, & difficiliorem curationem. Quomodo cognoscatur caries ossis, integumentis & carnibus incumben-  
tibus tecti, dicitur §. 553. Ubi verò oculis patet os affectum, vel specillo tangi potest, faciliè cognoscitur. Unde *Celsus* dixit (a) *In carie quidem expedita cognitio est, si specillum tenue in foramina demittitur, quod magis minùve intrando, vel in summo cariem esse, vel altius descendisse, testatur.* Illo enim in loco, ubi os carie corrumpitur, nullam ferè soliditatem habet, sed specillo cedit; ubi verò ad sanam ossis partem usque specillum adigitur, resistentia percipitur. Unde *Celsus*, postquam ad curationem horum malorum ossa radi jusserrat, addit, (b) *Finis est, cum vel ad album os, vel ad solidum, ventum est. Albo siniri ex nigritie vitium; soliditate quædam ex carie, manifestum est.*

**SPINA VENTOSA.** Quæ est caries ossis pessima, quando ab interno malo corrupta medulla os erodit; videantur illa, quæ ad finem §. 526, dicta sunt.

§. 550. **HINC** novimus, cur os cariosum colorem suum tantè variè mutet ex subcæruleo candido in album pinguem, flavum, cineritium, lividum, nigrum; & quem corruptelæ gradum singuli denotent.

Ubi in vulnere capitis *Historia* agebatur de illis signis, quibus cognoscitur, cranium malè affectum esse (vide §. 249. §. 262.), notatum fuit, ossium sanorum in vivo homine colorem esse subrubellum, vel & subcæruleum; primùmque signum vitii ossis mutatum colorem, in album, flavum, fuscum, nigrum. Idem etiam in reliquis ossibus verum est, & eò major plerumque corruptelæ gradus significatur, quò magis à naturali colore in nigredinem vergant. Prima coloris mutatio est, dum os albescit, & incipientem quasi mortem in ossè denotat: unde etiam, dum *Arte Bellosiana* minimis terebris perforaretur calvaria sic affecta, primum signum felicitis cu-

(a) Medicin. Lib. VIII. cap. II. pag. 508.

(b) Ibidem,

rationis erat, si ossis superficies alba inciperet rubescere. Cùm autem demonstratum sit in *Commentariis* §. 524, oleum medullosum per poros sibi mutuo incumbentium lamellarum transire ad superficiem externam ossis usque, ibique forsan venulis periostei recipi & sanguini misceri, patet evidenter, destructâ vitali in osse fabricâ, oleum illud huc delatum accumulari, stagnare, & corrumpi, ideòque os pingue fiet, & flavesceat. Quod & pulcherrimè notavit *Celsus* dicens, ubi de ossium vitis agit, (a) *Id. quod vitiatum est, primò ferè pingue fit, deinde vel nigrum, vel cariosum.* Aucto malo, color cinereus, lividus, tandèmq; niger nascitur; perfectam mortem in osse, & pessimam ejus corruptelam indicans. Successiva hæc colorum mutatio in dentibus pariter observatur, quando incipiunt corrumpi: primò enim flavescent, fusci fiunt, dein nigrescunt, & carioli facti frustillatim cadunt.

§. 551. **E**X iisdem liquet, cur os cariosum inæquale, asperum, spongiosum, friabile, molle, fragile evadat; arteriæ externæ, & internæ, lamellas ossis non plùs comprimunt.

Patuit ex illis, quæ quinque prioribus paragraphis hujus capituli dicta sunt, ossa ex lamellis sibi mutuo applicatis constare, intrèque has vascula decurrere, quæ vitales humores, ad vitam & nutrimentum ossium requisitos, advehunt; omnium maximè in illa ossium parte, ubi majora inter has lamellas intersitia relinquuntur. Arteriolæ ergo, inter extimam ossis lamellam & proximè sequentem mediæ, in omni ferè puncto, dum in diastole sunt, lamellam externam elevare nituntur. Verùm per periosteum dispersæ arteriolæ, dum dilatantur, æquali, vel & majori, vi resistunt hujus lamellæ elevationi. Ubi ergo à quacumque demum causa periosteum corrumpitur, prævalebit actio arteriolarum inter lamellas osseas decurrentium, & elevabitur exterior lamella: patet autem facillè, idem in omnibus lamellarum ossis intersitiis sic contingere posse. Minor fortè videri posset arteriolarum harum actio, quàm ut duram lamellam osseam elevare, & à subjectis separare posset: sed si consideretur, has arteriolas in omnia ferè puncta talis lamellæ quater millies horæ spatio repetitis ictibus agere, fortè non adeo mirum videbitur, parvam vim, toties applicatam, tales effectus facere posse. Ubi in vulneribus capitis nudæ pericranio calvarię superficies ab aere, pinguibus applicatis, &c. malè affecta fuit, harum arteriolarum vi separabatur sæpe paucis diebus squamula corrupta; uti latius in *Commentariis* §. 249, dictum fuit.

Apparet ergo ratio, quare arteriæ internæ, id est, inter lamellas decurrentes; has elevent extrorsum, simulac deficit pressio arteriarum, quæ in exteriorem harum lamellarum superficiem agere poterant. Os itaque, quod corrumpitur, ob hanc causam inæqualem superficiem accipit, asperumque fit, &, ob lamellas à se mutuo sic secedentes, spongiosum & magis fragile, plurimùmque de naturali sua soliditate amittit. In ossibus enim sanis omnium firmissima pars est illa, ubi lamellæ osseæ contiguæ sunt, quod in media parte ossium majorum fieri solet; & contrà longè magis spongiosa, mollia, & fragiliora sunt ossa circa extrema, ubi lamellæ osseæ plurimùm distant à se mutuo. Friabilitas autem ossium cariosorum plurimùm augetur, quia humores flagnantes, & aciores red-

(a) *Medicin. Lib. VIII. cap. 11. pag. 507. 508.*



diti, erodunt ossium substantiam; atque omnium maximè hoc fit ab oleo corrupto; uti §. 526, dictum fuit. Præterea ossium cohesio ab oleo, glutinis instar terrestribus partibus interposito, pendere videtur: fragilissima enim sunt ossa, uti antea monitum fuit, ubi igne aperto omne pingue expellitur, atque ossa talia diurnam calcinatione fragilissima reddita, si oleo iterum immergantur, firmius coherent. Dum ergo putredine attenuarum oleum perit, & acribus simul humoribus eroditur os, patet facillè, quare ossa cariola penitus friabilia reddantur, sic ut à levi etiam, specilli tactu in calcem collabantur.

§. 552. **I**TEM, cur fœtorem singularem rancidi lardi exhalet.

Fœtor ille adeo distinctus est, ut periti Chirurgi hoc solo prædicere audeant, ulceri cariem ossis subesse: expedit ergo cognoscere hunc fœtorem, qui verbis describi nequit, verùm quàm proximè ad lardi corrupti & rancidi abominabilem odorem accedit. Ubi caries ossis ad medullam usque pervenit, facilis ratio hujus fœtoris pateret; tamen similis percipitur, licèt superficialia tantùm corruptela in osse fuerit. Dictum fuit in *Commentariis* §. 524, oleum medullare per poros lamellarum transire, & inter lamellarum interstitia deferri, ad extimam ossis superficiem usque; licèt ergo exteriores tantùm lamellas caries occupaverit, oleum medullosum huc versùs delatum stagnabit, corrumpetur & pessimum hunc fœtorem faciet.

§. 553. **N**EC non cur in loco ulceroso à subiecta carie caro superincumbens mollis, flaccida, fungosa, inflata, tumens, labia ulceris inversa; sanies clara, subtilis, vix glutinosa, fœtida, parvis squamulis nigris referta; recrudescencia sine causa; pertinax rebellio contra medicamenta optima ad alia omnia ulcera.

Considerantur jam illa symptomata, quæ cariem ossis comitari solent, & quorum præsentia latens tale malum peritis Chirurgis sæpe demonstrat.

**CUR IN LOCO ULCEROSO, &c.** Quando priùs affecto osse, & corrupto, incumbentes partes afficiuntur, & ulcerantur, sensim sic exedi solent, & in mollem flaccidamque tumorem elevari, uti constans omnium Chirurgorum Observatio est, & in spina ventosa apparet; cui inde hoc nomen datum fuisse videtur. Putredo enim ossis suppositi pessimam mephitim per vicina omnia dispergit; cùmque panniculus adiposus adeo facillè tumere soleat, inflatur brevi: neque tamen inflammatoriâ tunc duritie turget, sed mollis & laxus apparet, & tactus quasi sub digitis vacillat. Unde periti Chirurgi, dum antiqua ulcera lustrant, semper digitis explorant, an firma quidem appareant omnia in ambitu loci ulcerosi. Ossi enim corrupto non adhærent partes incumbentes, neque ullâ Arte fieri poterit, ut accrescant, nisi priùs omne corruptum separatum fuerit. Dum dentes carie afficiuntur, gingivæ secedunt, neque postea unquam ad loca hæc cariola accrescunt. Notatum fuit in *Commentariis* §. 549, à pessimo scorbutu ossibus

affectis non cohesisse periosteum, sed in cadaveribus solum inventum fuisse. Unde etiam in vulneribus capitis cognoscebatur, calvaria os malè affectum esse, ex carne circa septimam diem abscedente, dolore, naturâ puris tenui & graveolente, vulneris malignitate alienâ (vide §. 255. n°. 8.). Fortè etiam elastica materies, quæ à putredine gigni solet, tumorem incumbentium partium augeat.

**LABIA ULCERIS INVERSA.** Quando §. 158, agebatur de phœnomenis, quæ vulneri in corpore sano & robusto contingerent, dictum fuit, labia vulneris retorqueri, ob affurgentem panniculum adiposum, cutis tegmine coercente liberum. Ob eandem causam ulceris talis labia ab inflato panniculo adiposo invertentur. Verùm in vulnere labia vivo rubore perfusa apparent, in his verò ulceribus fordida, pallida, livida sæpe; & uti optimè Hippocrates dixerat de vulneribus capitis cum ossis corruptela (vide §. 255. n°. 8.), carnes sale maceratas referunt.

**SANIES CLARA, SUBTILIS, &c.** Quando de suppuratione agebatur §. 387, dictum fuit, Hippocratem & Galenum putredinis vocabulo usos fuisse aliquando, ut illam designarent. Optimè tamen distinxerunt suppurationem à putredine propriè dictâ: illam enim dixerunt fieri vincente naturâ, hanc autem; devictâ. Unde meritò conclusit Galenus, ut in textu ibi citato patuit, suppurationem non esse simpliciter putredinem, verùm aliquid coctionis habere, & per superflitem vasorum facultatem illos humores, qui putrescerent aliter, in pus converti: addiditque idem Auctor, in ulceribus nasci liquorem magis minùse à conditionibus boni puris degenerantem, prout vires coquentes fortiores vel debiliores essent, & materia in pus convertenda magis minùse rebellis foret. Cùm ergo in ulcere carie ossis stipato pessima putredo à corrupto oleo adsit, partésque incumbentes & vicinæ flaccidæ, molles, & inflatæ sint, imò sæpe ferè semi-gangrænosæ; patet, materiam in pus convertendam maximè rebellem esse, virêque concoquentes debilissimas. Non mirum ergo loco boni puris, quod à vincente natura fit, & album, crassum, læve, æquale, & inodorum est, nasci hic saniem tenuem, & olidam, fuscâ aliquando, & acrem valde. Solent plerumque corrupti ossis squamulæ nigræ simul cum hac sanie exire; quod pro certissimo ossis cariosi signo meritò habent Chirurgi: ob hanc causam in ulceribus diuturnis semper plumaceola & emplastra, dum renovatur apparatus, sollicitè lustrant; & si in his nigredo appareat, & fœtor (§. 552.) percipiatur, cariem ossis adesse suspicantur.

**RECRUDESCENTIA SINE CAUSA.** Nisi enim integre priùs depurari possit os affectum, manet semper mali fomes, licèt ulcus coaluerit, atque ideo semper recrudescet. Neque unquam talia ulcera bonâ & firmâ cicatrice coeunt, sed semper cicatrix mollior, elevata, & vacillans apparebit; atque sponte postea, seriùs ocyùse, talis locus aperietur. Ubi dentes corrupti in theca maxillari cariem fecerunt, oritur subita sæpe in gingivis inflammatio, & suppuratio; aperto abcessu pus satis olidum exit, & sanatum videtur malum; post paucas tamen septimanas redire solet, nisi evulso dente, & depurato loco affecto, integra curatio fiat. Vidi sic in puero, cui post variolas tubera pure plena in variis corporis locis orta fuerant, in fronte difficillimum ulcus, quod exsiccantibus remediis sæpius sanatum videbatur, & paulò post tamen recrudescere; donec post

integrum biennium tandem separaretur ossis corrupti squamula, & paucorum dierum spatium sanaretur perfectissimè.

**P E R T I N A X R E B E L L I O**, &c. Nullum ulcus perfectè sanari poterit, nisi priùs ad conditionem puri vulneris deducatur. Quidquid enim mortui vel corrupti in ulcere hæserit, heterogeneum corpus est, quod unionem partium separatarum impedit semper, quamdiu ibi hæserit. In vulnere Historia §. 206. 207. 208, dictum fuit de varia methodo & remediis efficacissimis, quibus sordes illæ tolli possent. Doluerunt toties Chirurgi, quòd diuturnâ etiam talium applicatio-  
ne nihil profecerint in ulceribus, quæ non adeo magni momenti videbantur: invenerunt tunc ferè semper ossis cariem subesse. Monuerat hoc Hippocrates in Aphorismis dicens, (a) *Ulcera annua quacumque fuerint, aut longius tempus habuerint, os abscedere & cicatrices cavas fieri necesse est.* Imò aliquando adeo rebellia sunt hæc ossium mala, ut nullis omnino cedant remediis. Ubi calcis os corrumpitur, dixit Hippocrates quòd (b) *morbus avum durat.*

§. 554. **U**T &, cur caries à causa externa facilè; ab interna difficulter; à lue Gallica difficiliùs; à spina ventosa difficillimè sanetur.

Pro diversitate causæ, quæ cariem produxit, facilius vel difficilior ejusdem curatio prævidetur. Ubi enim à causa externa, contusione v. gr; vel vulnere, ortum duxit, quedam tantùm ossis pars sic corrupta est, sed per reliquam ossis substantiam sani humores per vasa bona delati, valebunt separare corruptum, & perditum restituere. Unde in vulneribus capitis caries calvariæ tam pulchre & tam citò sæpe sanatur, modò in reliquis sanum corpus fuerit. Ubi autem per morbosam cacochymiam acres redditii humores, qui per ossium substantiam fluunt, illa erodunt, patet satis, difficilem curam fore, cum depurato loco carioso eadem causa sæpe supersit, quæ illam produxerat. Quò autem difficiliùs superari possit talis cacochymia, eò molestior erit curatio. Cum verò in venera lue contagium, ubi semel ossibus hæsit, difficulter admodum extricari possit; & sæpe, post magnas etiam curationes per argentum vivum vel guaiaci decocta, per plures menses silens malum æquali malignitate repululet; patet satis, difficiliorem esse sanationem cariei, quæ ab hac causa originem duxit. In spina ventosa caries ossis, ut dictum fuit §. 526, à corrupta priùs medulla oritur, adeoque vix apparet, nisi tota priùs ossis substantia erosa fuerit: nihil ergo vitalis sub tali carie hæret, quod corrupta separare & perditâ restituere valet. Sola autem spes curæ in eo consistit, ut magna corrupti ossis pars Arte tollatur; vel post menses, imò & annos elapsos, sponte à vicino osse sano separetur: hoc factum fuisse quandoque Observatis Chirurgicis, antea memoratis, constitit; sed & simul apparuit, omnium difficillimam talis mali curam esse.

(a) Aphor. Sect. VI. n°. xlv. Charter, Tom. IX. part. II. pag. 277.

(b) Lib. de Fract. Comment. II. text. XXI. Charter, Tom. XII. pag. 200.

§. 555. **D**ENIQUE, cur in parte solidiore ossis mala; in spongiosa pejor; in juncturis pessima; prima lenta, altera velox, ultima velocissima sit; cur in pueris velox, & curatu difficilis; cur spina ventosa plerumque pluribus locis simul, vel successivè.

Ex illis quæ ad §. 516, dicta sunt, constitit, ossium majorum mediam partem densissimam esse, & minùs vasculosam; ac quò magis versùs extrema ossium pergitur, eò plùs recedere à se mutuò lamellas osseas, & majora interstitia relinquere, quæ vasculis numerosissimis, & vesiculis oleo subtili medullosò plenis (vide §. 518.) replentur; simulque apparuit, in illa ossium parte quæ juncturas constituit, & capsulà ligamentorum articulos nectentium tegitur, cavernosam talem substantiam quàm maximè adesse, & tenui tantùm crustà ossèa regi, quæ in ipso etiàm femoris osse unguis sæpe crassitiem vix superat. Si ergo in solidissima ossis parte caries adsit, mala quidem erit, sed tamen magna spes est, separationem carioli obtineri posse, neque tam citò firma hic maximè ossis substantia erodetur. Quando verò in parte spongiosa ossis caries nascitur, brevè destructa erit tenuis illa ossis crusta, & molles partes suppositæ corrumpentur; unde pessima putredo, & metuenda inprimis olei medullosi corruptio sequetur. Cùm autem circa juncturas tenerrima sit ossium substantia, & major numerus folliculorum, pingue oleum medullosum continentium, pejora omnia sequuntur: si jam simul consideretur, putridam saniem hic collectam, erosà ossis superficie, in cavum articuli delabi posse, patebit ratio, quare cariem hic natam tristissima sequantur mala, vix unquam superanda, nisi extirpatione membri sic affecti. Mirabilis talis casus describitur à *Meryo* (a), ex quo patet, quantum murari possit ossium fabrica in cavernosa hac parte circa juncturas. Milivì condyli ossis femoris, quibus tibiæ articulat, in tam enormem molem expansi erant, ut omnes partes incumbentes summis cum doloribus distraherent, unde miser anxie petebat, ut extirparetur pars. Quo factò, tumentes condyli resecti, & omnibus partibus incumbentibus nudati, undecim libras pendebant: erat autem globus osseus, sed cavus, plenus materià polyposà, & sanie flavescente & limpidà.

Ex modò dictis simul patet, quare caries lentius depascatur solidam & densam ossium partem spongiosam, citius atque omnium citissimè cavernosam illam substantiam, quà ossium majorum extrema articulata constant.

Quia autem difficillimi ossium morbi & numerosissimi occurrunt in illa horum parte, quæ plurima vascula habet, atque ideo magis ad partium mollium naturam accedit (vide §. 515.), patet ratio, quare in pueris caries ossium velox sit, & curatu difficilis. In juniore enim ætate longè major vasculorum numerus est in omnibus corporis partibus, atque sensum per ætatem plura abolentur, & expressis liquidis concresecunt (vide §. 43. n°. 4.); unde ergo & major numerus vasorum in ossibus erit in pueris, & mollior horum substantia, adeoque & faciliùs lædi poterunt, citiusque corrumpi. Constitit verò omnibus Observationibus, spinam ven-

(a) Académ. des Sciences, Pan 1706, Mém. pag. 318.

tosam, five cariem ossis à corrupta prius medulla per causas internas natam, nunquam ferè unico tantum in loco adesse, sed plures partes, & sæpe satis diffitas, simili malo affici. Vidi sic in digito indice spinam ventosam, mediam phalangam obfidentem; & post paucas septimanas in pedis tarso, & in osse jugali simile malum, quod post tædiosam moram, separatâ ossis corrupti parte, sanatum fuit, sed turpissimam & profundam admodum cicatricem reliquit. Unde simul patet, non faciliè ad extirpationem partis spinâ ventosâ affectæ pergendum esse, cum plerumque in aliis locis repululet. Ratio autem videtur hæc esse. Spina ventosa internis causis originem debet. (vide §. 526.) & omnium frequentissimè veneræ, scorbuticæ, aut rachiticæ cacoehymix (vide §. 549.), quæ non ad unum tantum locum, sed ad plura sæpe deponi solet. Accedit, quod natum in quodam loco malum possit inficere humores sanos locum affectum alluentes, sicque propagari per totum corpus: quod inprimis in lue venerea patet, quæ sæpe, in genitalibus primâ labe susceptâ, deinde univerfum corpus depascitur.

§. 556. **Q**UI his (ab 512, ad 556.), dicta de contusione (325), luxatione (ab 358, ad 370.), fracturisque (ab 339, ad 358.) ossium adjunxerit; tum ea, quæ de vulneribus capitis ossa ludentibus (ab 249, ad 297.); habebit Historiam, & curationem morborum præcipuorum in ossibus. Inprimis si ἀγκύλωσις additur. Quæ immobilitas articulationis cum tumore duriori. Callo fracti ad articulum ossis, inspissato linimento *Haversiano*, ligamentis rigescentibus, exostosi ad juncturas, inprimis originem debet. Difficillima curatio petenda ex diversitate causæ.

Ex illis, quæ hæcenus dicta fuerunt in hoc capitulo, intelligi poterunt præcipui morbi, qui ossibus accidere observantur: inprimis si addantur his illa, quæ aliâ occasione de ossibus per vulnera, contusiones, luxationes, & fracturas malè affectis, memorata fuerunt. In contusionis enim Historia §. 325, enumerata fuerunt illa mala, quæ ossium contusiones sequi solent. In capitulis de fracturis & luxatis plurima etiam habentur, quæ ossium morbos spectant. Ubi autem de vulnerum capitis Historia agebatur, demonstratum fuit, etiam à levissimis vulneribus calvariam osseam aliquando affici pessimè: atque ibidem pulcherrima habentur circa cognitionem & curam morborum in ossibus. Operæpretium tamen videtur, adhuc quædam addere de ancylosi, cum sæpius ab ossium vitis oriatur, quamvis & absque his fieri possit, dum nempe ligamenta articularum rigescunt, vel inspissatur & accumulatur linimentum illud, quod lubricat & inungit ossium articularum extrema, & ligamenta articulationes firmantia.

In *Commentariis* §. 364, (ubi de ancylosi agebatur, quatenus luxationem ut causam sequi observatur) notatum fuit ex *Celfo*, recenti cicatrice contractos articulos ἀγκύλωσις Græcis vocari; *Eginetam* verò articularum detentionem appellasse ἀγκύλωσις & ἀγκυλώσεις; harumque causas agnovisse, humorum infarctum, aut nervorum contractionem. Patebit statim, & ab ossium vitis hoc malum nasci

posse. Aptā definitio hujus morbi videtur, quod sit *immobilitas articulationis cum tumore duriori*. Quando ab ossium fracturam callo exorbitante, aut exossiofi ad juncturas, nascitur hoc malum, satis patet, durum tumorem adesse. Verum ubi à ligamentis rigescentibus, aut inspissato linimento *Haverfiano* oritur; sensim debet in cavo articuli accumulari linimentum illud, cum quiescente articulo non consumatur; adeoque distendet capsulam articulare, & tumorem faciet, qui, dissipatis tenuioribus partibus aggesti humoris, satis durus fieri poterit. Adeoque ob has rationes articularum immobilitatem tumor durior comitari solet, vel saltem sequi, si in initio mali nondum adfuerit. Unicus tamen excipi posset casus, qualem vidi, ubi vero marasmo exsiccabatur totum brachium, tuncque, arefactis omnibus, articularum hujus membri immobilitas erat absque tumore. Ut autem debita mobilitas articulis adsit, requiritur apta figura ossium articularum, & lubricitas superficialium, quibus se mutuo tangunt, atque etiam ligamentorum, articulos ambiens, flexilitas debita. Adeoque ancylosis oritur à sequentibus causis.

**CALLO FRACŬ AD ARTICULUM OSSIS.** Dictum fuit in *Commentariis* §. 343, post fracturas aliquando sequi luxuriam vasculorum osseorum, & calli inaequalitatem, unde figura naturalis ossium deturpatur. Plurimisque in casibus constitit, deformem talem prominentiam ab exorbitante callo in loco fracturae mansisse totā vitā. Si ergo fractura prope articulum fuerit, patet à tali vitio immobilitatem articularum nasci posse, ob mutatam ossium figuram. Verum quidem est, in plerisque articulis ossium articularum extrema tūtō recondi, plurimis partibus incumbens testā, adeoque difficulter posse frangi in illa parte, quae articuli cavo continetur: tamen in locis quibusdam satis nuda ossa haerent, utl v. gr; circa cubitum & genu, atque ibi ab hac causa ancylosis nasci posset. Vidit sic *Petit* (a), fractā rotulā luxuriantem callum secisse ancylosim; juratam tamen postea, quia calli substantia nondum acquisiverat osseam duritiem. Ubi in tali casu metuitur ancylosis, periti Chirurgi voluerunt, sic disponi debere partem affectam, ut callus luxurians proprio pondere versus alium determinetur locum: deinde ut inter articulum & fracturae locum splenia ponantur, quae fasciā circumductā leviter pressa impendant, ne callus versus articulum tendat: tandem ut articulus leniter moveatur, simulac primus apparatus tollitur, atque postea omni biduo, deinde singulis diebus. Neque adeo magnum erit periculum, modò prudenter fiat articuli motus, ne ossa reslituta situ suo moveantur; quia ossa circa articulos latiora cum sint, majori superficie fragmenta se mutuo tangunt, adeoque non tam facilè loco suo movebuntur. Solo tali articuli motu natam jam ancylosim ab hac causa superavit modò laudatus Auctor (b).

**INSPISSATO LINIMENTO Haverfiano.** Ut ossium articularum extrema facillimè moveri possent, neque ad se mutuo attrita laederentur, linimento lubricissimo inunguntur, quod *Haverfianum* vulgò vocari solet, quia egregius ille vir, cui tot pulchra circa ossium fabricam debentur, primus hujus linimenti naturam, & partes, quibus conficitur, accuratè descripsit: apud *Hippo-*

(a) *Traité des Maladies des Os, Tom. I.* | (b) *Ibidem.*  
p. 397.

*cratem* tamen jam habetur (vide *Commentaria* §. 362.) quod omnibus articulis mucus naturâ insit, & sani sint articuli, cum ille purus fuerit. Linimentum illud articulorum (vide §. 362.) ex triplici distincto liquido constat; universali nempe perspirante, oleo meduloso, & mucilagine ex folliculis hic locatis secretâ. Si ergo à quacunque causa illud linimentum non dissipatur, vel resorbetur, sensim accumulabitur & cavum articuli replebit; sicque impedit liberum ossium articulatorum motum: interim tenuissima pars linimenti illius aggesti dissolabitur, & residuum spissius fiet; cumque articuli motus præcipua causa sit, quâ dissipatur illud linimentum ubique suis functum, illo jam impedito vel & penitus abilito, major accumulatio fiet, tandemque immedicabile malum nascetur, partim ab inspissata materia, partim ab acrimonia stagnando nata, quâ politissimas ossium superficies cartilagineas, & ligamenta articulum coercentia, erodere & corrumpere valebit.

Cognoscitur hoc malum tumore in initio molli, sensim aucto, articulationis locum occupante, neque ultra hujus limites exprorecto. Omnium autem frequentissimum in articulo genu hic morbus observatur.

Dixerat *Hippocrates*, (a) *Tumores in articulis, & citra ulcus dolores*, ..... *frigida copiose affusa & levat & minuit*. Postea etiam celebres in *Arte Viri* hanc methodum laudaverunt. Fortè incipiente malo prodesse posset, contractis subito frigore partibus, sicque repellentibus humorem, qui incipit accumulari, modò adhuc tenuis fuerit. Ubi verò major spissitudo jam adest, & aucta copia, parum inde sperari posse videtur. Frictiones sæpe repetitæ, articuli affecti motus, fomenta penetrabilissima ex vino, sale, aceto & urinâ sanâ, additis aromaticis herbis, marrubio, scordio, rutâ, &c., cataplasmata ex similibus parata, proderunt. In difficillimis etiam casibus embrochæ ex aquis mineralibus calidis, lento scilicet ex alto in partem affectam delapsis, multum levaminis, imò & integram aliquando curationem, attulerunt. Aquarum mineralium defectus suppleri poterit penetrabilissimis fomentis, modò laudatis, embrochæ instar adhibitis. Pulcherrimos effectus vidit *Petitus* (b), dum aqua calcis vivæ, unâ cum salis ammoniaci lixivio, ex alto in locum affectum deplueret: nascitur enim sic uno momento penetrabilissimus spiritus salis ammoniaci, qui attenuans summum remedium meritis habetur. Ubi autem tanta copia aggestæ materiæ est, ut per omnia hæc Artis molimina dissipari nequeat, lanceolâ pertundendum tumorem usque in cavum articuli voluit modò laudatus Auctor in loco maximè declivi, ut contento liquido exitus concilietur: deinde hoc factò, antè laudata remedia applicari jussit.

**LIGAMENTIS RIGESCENTIBUS.** Ut debitus fieri possit ossium articulatorum motus, requiritur, ut ligamenta articulum coercentia talem habeant firmitatem, quâ in situ suo ossa retineantur, interimque cedere possint & elongari, dum flectuntur articuli. Ubi ergo à quacunque causa ligamenta obriguerunt, licet omnia reliqua in articulo se naturaliter habeant, erit immobilitas; quam postea sequetur tumor, ob linimentum *Haversianum* in cavo-articuli aggestum, neque motu dissipatum, ut in sanitate fieri solet: adeoque perfecta erit ancylosis. Cause hujus mali poterunt esse omnes illæ, quæ fibris solidis nimiam

(a) *Aphor. Sect. V. n.º. xxv. Charter. Tom. X. part. II. pag. 210.*

(b) *Traité des Maladies des Os, Tom. I, pag. 406.*

rigiditatem conciliant (vide §. 32.), uti & istæ, quæ in vasis minoribus & majoribus corporis similem effectum præstant (vide §. 51.). Sic videmus, senes decrepitos in omnibus ferè articulis obrigescere, partim quidem ob defectum pinguis olei articulos lubricantis, partim etiam ob ligamenta callosa, imò & ossa aliquando facta: & in illis hominibus, qui duro labore victum comparare debent, sæpe ante ætatem senectutis hæc vitia observantur, dum nimis exercitato musculari motu firmæ partes corporis indurantur (vide §. 51. n°. 3.). Post validas ligamentorum inflammationes, non bene curatas, liquido flagnante & coagulato cum vasis, quibus continetur, concrefcente (vide §. 51. n°. 4.), idem malum sequi solet; unde sæpius arthritidem passis articularum immobilitas toties accidit. Præterea demonstratum fuit (§. 25. n°. 3.), nimiam distractionem partium solidarum corporis illas reddere nimis debiles, & debilitatem ab hac causa natam sanari omni modo, quo nimia distractio tollitur (vide §. 28. n°. 5.). Ubi ergo ligamenta, quiescentibus articulis, non elongantur, sponte solent contrahi & rigida fieri adeo, ut postea omnem motum articuli impediant. Post fracturas aut luxationes curatas, nisi curæ tempore aliquando moveantur articuli, ankylosis ab hac causa frequenter nascitur, uti etiam in paralyticis membris; tuncque ferè semper muscoli flexores cum fortiores solent esse extensoribus membrorum, articuli leviter inflexi obrigescunt, non tantum ob ligamenta indurata, verum etiam ob musculos flexores diuturnâ quiete sensim contractos & breviores redditos, qui tunc se elongari amplius vix patiuntur.

Patet ergo, ligamentorum nimiam rigiditatem omnium frequentissimam esse ankylosis causam; sed & simul, plerumque magnam spem superesse, curari posse tale malum, nisi admodum vetustum fuerit, vel originem debeat talibus causis, quæ nullâ Arte superari possunt; uti v. gr. in decrepita senectute. Si mollissimus victus instituitur; balneis aquosis, & inprimis vaporis, sæpius de die exponatur pars affecta; deinde bene deterfa mollissimis oleis perfricetur; atque his factis tentetur articuli motus flectendo & extendendo, quantum absque magno dolore fieri poterit; curantur tales morbi, de quibus aliquando desperabatur. De omnibus autem his (§. 30. 35. 51.) latius dictum fuit. Unicum libet adducere casum, qui modò dicta confirmet. Juveni post febrim acutam continuam, & affectum soporosum, reconvalescenti, dextrum crus inflexum erat, neque ullo modo illud extendere poterat: aderant circa genu articulum dolores molestissimi, unde totus membri usus ferè perierat; cum nec ligneo crure uti posset, neque baculis nixus incedere, pendulo crure tunc suo pondere distrahente rigidum articulum summo cum dolore. Celebris Chirurgi, postquam jam ultra annū spatium duraverat malum, consulti crediderunt, ossa ipsa tibiæ & femoris simul consolidata esse; & post plurima remedia diu applicata nullo cum solamine, concluderunt nihil superesse, nisi partis extirpationem, quam æger tot malorum pertæsus subire voluit. Expertissimus Medicus vocatus, ut rite præpararet idoneis remediis corpus ante periculosam hanc operationem, dum sollicitè partem examinat, invenit condylum internum ossis femoris mole & parum auctum, uti etiam & respondentem huic ossis tibiæ partem: neque tamen pressa digitis hæc loca dolebant, sed præcipuus dolor erat in illo loco, ubi ligamentum est, quo patella tibiæ affigitur. Dum nititur extendere inflexum crus valida satis manu vi, sensit Medicus, non coaluisse ossa inter se, sed tamen levem etiam extensionem



extensionem non absque ingenti dolore fieri posse : simul apparuit, tendines musculorum flectentium quàm maximè tensos esse, & versus suam originem retractos. Omnibus ergo rite perpensis, dissuasit extirpationem Medicus, & tentavit curam, generalibus remediis quibusdam præmissis, balneis aquæ calidæ cum aromatibus additis bis de die per horam, vel horam cum dimidia, sic ut toto corpore æger balneo immergeretur. Tam felix autem fuit curæ hujus successus, ut, quatuor tantum vicibus adhibito balneo, crus inciperet extendi, & post octavum balneum jam terram attingeret, fulcrisque innixus incedere posset; tandemque oleorum mollissimorum inunctione, repetitisque balneis, integre restitutus fuit æger; superflite tantum ossium modò memoratâ intumescentiâ, sed absque ullo motus articuli impedimento, nisi quodd post nimis diuturnam ambulationem aliquando levem dolorem in hoc crure senserit (a). Similis ferè curatio ancylosis apud *Æginetam* (b) habetur: irrorari enim partem affectam voluit hydrelæo, in quo lini semen, althæa, fœnum-græcum, &c, decocta fuerunt; deinde inungi linimenti partim ex emollientibus, partim ex aromatibus compositis, similibusve emplastris regi: simul laudavit mollem & continuam frictionem, dum hæc adhibentur; justique sæpius tentari debere, an articulus possit flecti & extendi.

**EXOSTOSI AD JUNCTURAS.** Cùm requiratur ad motum articuli determinata figura in extremis ossium articularum, facile patet, per exostosin mutatâ hâc figurâ, motum debere impediri. Quando de exostosi in præcedentibus actum fuit, constitit tales tumores etiam circa juncturas observatos fuisse. Huc referri posse videtur, quando ossa articulata concreverunt, sive interposito linimento naturali articularum inspissato uniantur, sive scabræ fortè & erosæ ossium contiguum superficies consolidentur inter se. Notabiles tales casus in Historia Medica habentur. Sic scribit *Hildanus* (c), quod inter rariora servaret collecta in cœmeteriis ossa quædam, in quibus mira concretio ossium articularum observabatur, & figuris expressit cubiti ossa cum osse humeri penitus concreta, & os femoris cum acetabulo ossis ilei sic unitum, ac si semper unicum & continuum os fuisset. In infante viginti duos menses nato totum corpus unico osse continuo constare videbatur, sic ut nullus articulus ullo modo flecti posset (d). *Columbus* (e) in capite gigantis vidit, maxillam inferiorem adeo calvariz concretam fuisse, ut in vivente omni motu carere debuerit: primam pariter vertebra m occipitio sic accretam vidit, ut moveri nequaquam posset. Omnium autem mirabilissimum est, quod idem Auctor habet. Romæ in Xenodochio incurabiliu diu vixerat homo, qui omnes articulos rigidos habebat, & nihil aliud movebat, quàm oculos, linguam, penem, abdomen, thoracem. Senem jam viderat, & sæpe inviserat celebris Medicus *Joannes Auricula*, qui & post mortem skeleton hujus hominis *Columbo* dono dedit, in quo omnes articuli totius corporis, à capite ad pedum digitos usque, concreti inveniebantur: bini dentes superiores deerant, zotidemque inferiores è priorum regione, positi, & per hanc viam cibus potusque ingerebatur misero, quamdiu viveret.

Difficilem semper curam esse ancylosis, satis patet ex antè dictis: pro diversitate

(a) Académ. des Scienc. l'an 1711. Mém. pag. 283, & suiv.

(b) Lib. IV. Cap. LV. pag. 70. vers. & 71.

(c) De Ichore & Meliceria Cap. XXV. Tom. I.

paginâ 881.

(d) Académ. des Scienc. l'an 1716. Hist. pag. 30.

(e) De Re Anatomica, Lib. XV. pag. 263.

tamen causæ cognitæ prognosis variat. Si enim facta fuerit ab ossis fracti circa articulum callo, & ille jam ossicam duritiem habuerit, incurabile malum est; uti etiam, si ab exostosi vel concretionem ossium articularum inter se, originem duxerit. Ubi verò à linimento *Haversiano* inspissato, vel à ligamentis rigescentibus nata fuerit ancylosis, nili inveteratum fuerit malum, curæ spes superest.

§. 557. **Q**UI verò omnes morbos, hucusque descriptos, oculis que subjectos intellexit ita, ut horum enarraras causas, naturam, effectus, curationem cum cura expendit, dein autem internis testisque corporis partibus eadem omnia applicuerit; cum actione integrarum comparaverit; atque deinde cum ipsis internorum morborum phænomenis composuerit; videbit interna externis reapse congruere; externos Chirurgicos primò pertractandos; nec aliter ordinari quid, vel veri, in Praxi Medica fieri posse, aut doceri.

Pertractatis sic morbis Chirurgicis, antequam ad morborum internorum Historiam & Curationem procedatur, operæ-pretium erit, paucis demonstrare, quantam lucem cognitio morborum externorum affundat detegendis & curandis morbis internis; simulque patebit evidens ratio, quare priùs de morbis externis agendum fuerit.

In prolegomenis §. 16, datæ fuerunt regulæ, quibus determinatur ordo, quæ morborum Historia optimè tradi posset; nempe, ut incipiatur à talibus morbis, qui & evidentiùs cognosci, & faciliùs curari poterant, quorumque natura simplicior erat, & cognita requirebatur, antequam aliorum morborum indoles bene intelligi posset. Cum autem in externis partibus corporis hærentes morbi sensibus pateant, adeoque cognosci distinctiùs possint, & faciliùs ipsi loco affecto remedia applicari; simulque his similes morbi in partibus internis occurrant, quorum phænomena omnia & successivæ mutationes lentius non adeo obvia sunt; patet evidenter ex dictis, externorum morborum Historiam præmittendam fuisse. Quanta autem similitudo sit inter morbos externos & internos, unico Exemplo demonstrare non inutile videtur.

Si vera phlegmone digitum occupaverit; tumor ruber, renitens, cum dolore punctorio & calore apparebit in parte affecta; sique alicujus momenti fuerit inflammatio, illam comitabitur febris: atque ex his symptomatibus concluditur, adesse inflammationem. Si jam in homine sanissimo, æstuante post validos motus, gelidus boreas nudum pectus afflaverit, orietur in locis intercostalibus sæpe subito dolor acutissimus, ad minimum inspirationis nixum immanner auctus, quem febris comitatur satis valida. Queritur jam qualis morbus sit, & quænam hic medela conveniat. Novimus in hoc casu tales causas prægressas esse, à quibus vera phlegmone frequenter nasci solet. Demonstratum enim fuit §. 117, calore & motu circulari violento adunari moleculas nostrorum fluidorum; & §. 118, dictum fuit, per motum auctum errore loci crassiora liquida ingredi posse canalium conicorum dilatata orificia, per quorum ultimos fines transire nequeunt; simulque ibidem notatum fuit, omnium pessimas obstructions produci, si magno calori subitum frigus succedens constrin-

gat dilatata vasa, alienis jam humoribus insarta per errorem loci: ex quibus omnibus constat, concurrere hic præcipuas causas obstructionis. Verum §. 375, patuit, obstructionum causas sufficere ad veram phlegmonem producendam; & ex illis, quæ §. 373. 374, dicta fuerunt, constitit, totum ferè corpus sedem inflammationi dare posse; atque omnium frequentissimè illam in adipe hærare. Cum ergo causæ inflammationis prægressæ fuerint, locúsque affectus inflammationi suscipiendæ aptus sit, concluditur merito, dolorem illum acutum, ad minimam inspirationem auctum, cum febre comite, esse veram inflammationem locorum intercostalium. Tumor quidem & rubor, qui in digito inflammato sensibus patebant, hic non apparent semper, quia profundius hæret recondita phlegmone; sed dolor ille punctorius, ac si gladio acutissimo perfoderetur pectus, dum thorax inspirando dilatatur, & febris, satis evincunt naturam mali: nam & digitus inflammatus, dum movetur, vel rudiùs attingitur, dolet acerrimè. Si jam consideretur natura & actio partis affectæ, patebit evidenter, ex illis phenomenonis, quæ in inflammatione partis externæ sensibus patent, intelligi posse omnia mala, quæ inflammationem in locis intercostalibus natam sequuntur. Tumor enim & hic erit à distentis arteriis inflammatis, plurimum auctus, dum panniculi adiposi (in saginatis animalibus in locis intercostalibus adeo conspicui) vasa tenerrima & vesiculæ sanguine crasso, liquidiori parte orbato, infarciuntur (vide §. 382.): à distractis fibris nervosis, per vasorum distentorum membranas dispersis, dolor sequetur; & acerbissimus hic loci, si tumor versùs interiora protuberans pleuram membranam lenè à costis, quibus adhæret, divellat: cùmque inspirando pectus dilatetur, & costæ à se invicem recedant, patet ratio, quare inspiratione adeo augeatur dolor. Ut autem intollerabilem hunc dolorem vitent ægri, vel leniant saltem, vix inspirant, aut saltem minimam tantum copiam aeris hauriunt; unde non satis dilatatur pulmo, adeoque cordi dextro nascitur obstaculum, summa fit anxietas, pulmo sanguine repletur, & peripneumoniâ, à pleuritide natâ, sæpe brevi suffocantur.

Præterea & exitus omnino similes in hoc casu sequuntur, ac in aliis inflammationibus externarum partium corporis, resolutio nempe, suppuratio, vel gangræna. Mitiores enim pleuritidem resolvendo curari posse; pejorem in abscessum tendere; sævissimam lividâ maculâ, in loco affecto subito sæpe natâ, gangrænam facere, omni dolore evanescente absque correctione causæ, Observata certissima & frequentissima testantur; uti postea in pleuritidis Historia latius dicetur. Verum & curatio eadem omnino est in pleuritide ac in aliarum partium inflammationibus. Resolutio enim hic semper tentatur, venæsectione, diluentibus, attenuantibus remediis; fomentis, cataplasmatibus, emplastris, &c, loco affecto applicatis; & in genere omnia illa adhibentur, quæ à §. 395, ad §. 402, de cura inflammationis dicta fuerunt. Ubi verò resolutio obtineri nequit, blanda suppuratio promovetur omnibus illis, quæ §. 402, & sequentibus exposita fuerunt; inprimis curando omni Artis molimine, ut abscessus hic natus versùs exteriora vergat, quia tantus metus est, ne introrsum rupto, abscessu functum empyema fiat, pure in pectoris cavum delapso. Ubi autem pleuritidi gangræna, ferè semper lethalis, succedit, sola spes superest ab illis remediis, quæ

T t t t i j

§. 434, & sequentibus laudata fuerunt; uti patebit, si conferantur his illa, quæ postea §. 903, de cura gangrænosæ pleuritidis dicentur.

Idem jam de angina inflammatoria, phrenitide, peripneumonia & reliquis morbis inflammatoriis partium internarum corporis demonstrari posset; sola tantum diversitas horum morborum à varia functione partium affectarum pender; reliqua omnia conveniunt. Adeoque meritò pro axioma haberi poterit, internos morbos externis congruere, atque nihil ordinati vel veri in Praxi Medica fieri posse, vel doceri, nisi externorum Chirurgicorum morborum Historia priùs perturbata fuerit, antequam de internis morbis agatur.

## FINIS TOMI PRIMI.

FUNDACIÓN  
SIMARRO  
BIBLIOTECA  
MADRID











